



646
2-53
DISPUTATIONES
AD MORBORUM

HISTORIAM ET CURATIONEM
FACIENTES.

QUAS COLLEGIT, EDIDIT ET RECENSUIT
ALBERTUS HALLERUS.

TOMUS SEXTUS.
AD MORBOS, QUI CORPORIS
UNIVERSITATEM OBSIDENT.

1167
6934



LAUSANNAE,

Sumptibus MARCI-MICHAEL. BOUSQUET & Socior.

MDCCLVIII

1758

БИБЛИОТЕКА
КИШИНЕВСКОГО
ГОС. МЕДИЦИНСКОГО УНИВЕРСИТЕТА

DISPUTATIONUM
A D
HISTORIAM
E T
CURATIONEM MORBORUM
PERTINENTIUM
PARS QUINTA
MORBI CORPORIS OBSIDENTES
UNIVERSITATEM.

C X C.
JOANNIS ZELLER
ET AUCTORIS
CHRISTOPH. ABRAHAM RUOFF
DISPUTAT.
D E
MORBIS EX STRICTURA GLANDULARUM
PRÆTER NATURAM NATIS.

Tubingæ Decemb. 1694.

Disput. Medico-Pract. Tom. VI.

A

(3)

PARS PRIOR.

P R Æ F A T I O.

Varia Glandularum, quaecunque in corpore nostro sunt & recensentur, facies est p. n. secundum quarum diversitatem alia atque alia generantur aut nascuntur symptomata. Innumera sequuntur earum apertionem nimiam, dilatationem atque laxitatem, quae eruditissime ac perspicue Amplissimus facultatis Med. Decanus atque Senior Dn. D. Camerarius, cui Deus vires vitamque largiatur ad Nestoreos annos, in Disputatione sua de glandulis p. n. patulis habita ostendit. Non minora fluunt ex earum Strictura, angustia, compressione atque obstructione in omnibus partibus corporis nostri, quae omnes fere glandulosae sunt, ossa aequae ac carnosae; potissima brevibus hisce tabellis adumbrabimus. In enumeratione autem eorum hanc observabimus methodum, qua usi fuerint haecenus Physici recentiores naturalissimam, quaeque ob hoc ipsum, medicis non familiaris saltem, sed necessaria est, sine qua aliquid concludere difficile est. Quotiescunque enim egros vel accedunt, vel hi medicos conveniunt, omnium primum est, ut vel egri referant, quid senserint haecenus incommodi, quales actiones fuerint lesae, quidque exinde metuant: ad minimum obstinati & rudiores urinam exhibent, ut morbum exinde colligant medici, & quid deficiat corpori, edicant. Sapientiores autem egri, nisi timor & tristitia nimia obstat, non veneruntur consilium medicum aut spem de valetudine recuperanda exinde concipient, si medicum vix audito uno vel altero de statu patientis verbulo, ad chartam & calamus, recipeque suam conscribendum confugientem vident, non pensitatis prius omnibus phenomenis, quorum in diversissimis morbis nonnulla eadem esse solent, sicque veram morbi causam indagasse medicum non sine ratione sapissime dubitant. Hanc itaque methodum cum potissimi observent egri, medici autem sequi debeant in praxi sua, & hinc secundum omnes actiones corporis nostri & alios fontes in institutionibus notatos in veram causam mediantibus illis inquirere, animus est eadem quoque via incedere, & primo omnium effectus, variaque phaenomena, symptomata contingentia & observata, horumque circumstantias, una cum differentiis recensere, ea inter se invicem conferre, quaeque causa vera sit sponte ex eorum collatione fluens, quaeque demum medicamenta illi ex vera hypothese opponenda sint, ostendere. Deus nobis assistat sapientiae suae spiritu, ut omnia plane & plene tradamus in supremi sui nominis honorem, proximique commodum atque salutem.

C A P U T I.

Recensens phaenomena, effectus & symptomata glandularum p. II.
strictarum.

Accensiones sanguinis, inflammationes, tumores, dolores, suppurations nascuntur ex p. n. angustia & strictura glandularum corporis nostri, sive conglomerata, conglobata, conglutinata, sive simplices, miliares, lenticulares illae sint, aut quocunque nomine veniant.

1. Febris Ephemera, imo Synochus simplex saepissime accenditur in puerperis post subito natos in mammis earum tumores, dictos vernacula nostra die *Kniertzel*, postquam vel vinum copiosius iusto hauserunt, (licet in illis, quibus potus hic non quotidianus est, rusticis sc. aliisque impune hoc ut plurimum fiat, modo non adeo exceßerint;) vel primo aut secundo a partu die iusculis non contentae cibis solidioribus sese replerunt, vel nimium locutae fuerunt, vel aerem frigidiorum admiserunt in partibus solum superioribus, quae propter calorem externum apertae sunt, ubi mox dolorem tensivum sub axillis mammas versus sentiunt, calorem totius p. n. sitim, vigilias, quae omnia cessant evanescentibus in mammis tumoribus & subtrac-ta ciborum quantitate.

2. Nec ephemeræ solae sunt vel synochi simplices, quae sedem suamque focum in glandulis secundum recentiores figere dicantur, sed & putridae, continuae, ardentes, catarrhales, erysipelatae, imo febres intermittentes, sive simplices, duplices, triplices, aut magis compositae sunt.

3. Dum autem dictorum morborum & symptomatum focum in glandulis esse dicimus, id intelligimus, ac si omnium febrium aut unius speciei una semper ac constans sedes esset, h. e. quod semper vel ex miliarium externarum vel conglobatarum vitio oriantur, vel internarum, pancreatis, ventriculi, intestinorum, mesenterii, sed nunc hae laborant, nunc aliae, nunc externae, nunc internae, & hinc etiam variare horum circumstantias, nec constantes aut unas easdemque semper in omnibus observari vel in continuis, vel in intermittentibus.

4. In Synocha enim putrida aegri praeter communia, lassitudinem, virium prostrationem subitanam (quae quidem proxime praeteritis annis, ubi febres istae continuae larvatae admodum fuerunt & morbis, aegris alias domesticis quasi, tussi, podagrae, arthritidi, calculo, catarrhis sese associarunt, non statim a principio sese manifestavit, sed quinto, sexto aut septimo demum die, donec neglecta cum impetu erupit, multosque jugulavit) sentiunt, horrorem, rigorem, calorem, lancinationes totius corporis, tensiones, contractiones, dolores ulcerosos in artubus maximos & gravitatem, inquietudinem, jectigationes, angustiam circa ventriculum, cor

cordisque sorobiculum pressionem, dolorem & anxietatem inexplicabilem, ardorem, per totum oesophagi ductum, ut & apthas. Interdum in toto corpore elewantur pustulae, interdum in una parte major percipitur dolor ac in altera; saepe etiam tumores exoriuntur particulares, qui post mortem lividi apparent & evanescunt. Alii in abdomine conqueruntur de igne, qui absque omni dubio inflammationis indicium.

5. De catarrhis constat, illos in capite & circa caput frequentissimos esse, ab his partem brachii superiorem ad humerum usque & collum, ubi nil nisi glandulae & vasa lymphatica praeter aliis affici, illosque in tussis ac coryzam terminari, causamque ex remotioribus communissimam esse frigus externum vel improvide, potissimum calefactio prius corpore, vel ex necessitate inevitabili in itineribus & negotiis admissum, ubi simul prima incommoda febrilia in dictis partibus deprehenduntur.

Observatur porro erysipelas pedum quam maxime nasci praeter errores in dieta commissos, potum vini liberaliorem, varios corporis animique motus vehementiores, ab aere pluvioso, frigido, austero, acido, huncque effectum eo facilius obtineri, si partes illae non bene munitae, vel idem malum, aliasque injurias antea perpessae fuerint, quae elaterem fibrarum tum carnearum, tum glandularum, h. e. nervearum ac tendinosarum debilitarunt; illas laxando, harum poros comprimendo, obstruendo, adstringendo, ut spiritus tam libere & sufficienter influere nequeant, nec eas debite tendere, expandere, roborare, munire possint; ut causas stagnationem producentes vel non admittant, vel eas iterum ejiciant; in quo robur & debilitatem partis consistere credimus.

7. Denique notatur, febres intermittentes antecedere lassitudinem spontaneam, conqueri aegros saepissime de appetitu dejecto, gravitate quadam & angustia circa ventriculum, ordiri has a frigore, horrore & rigore, contrahi cutem pariter ac ab aere externo frigido, nec pulsuum debilem esse, uti in defectu cordis fieri solet; sed sensim sensimque tardiorum illum evadere ut a frigore externo contingit, a quo partes & vasa contrahuntur, ut libere sanguis influere nequeat; unde etiam fit, quod propter contractas alias fibras os ad loquelam disponere aut formate nequeant; hincque vel plane non, vel difficulter loquantur, qui in aere frigido diu versati fuerunt; interdum una cum accessu febris accedere tormina ventris, suffocationes hypochondriacas, interdum tussis & asthma cum difficili respiracione invadere; in dorso deprehendi gravitatem, exastuationem quandam & dolorem (auch ein Grussel, uti loqui solet vulgus) postea calorem in totum corpus propelli, & tandem calorem sequi sudorem, qui si copiosus est & facilis cum refectione virium, non solum particularis paroxysmi finem, sed plerumque universalis terminum indicat, e contrario si vel in fine paroxysmi particularis non laudabilis est, vel post exhibitionem solennium febrifugorum alias decantatorum ante accessum neque largius neque cum euphoria profuit, diutius duraturam febrem colligere oportet, quae alias illo

illo subsecuto vel penitus cessat vel brevis est. Sæpiissime illæ tolluntur assumpto vomitorio absque ulla recidiva nullo alio exhibito medicamento, certius autem superadduntur febrifuga.

8. Huc pertinent *febres malignæ, pestilenciales, ut & aliæ inflammationes, quarum desideratissimus D. Scretæ l. 4 lib. de febr. castrensi*. limatissimo meminit, quarum nomina adduxisse sufficiet: *phrenitis, lethargus, pleuritis, peripneumonia, cholera, dysenteria, diarrhœa biliosa, variolæ, morbilli, purpuræ, maculosæ febres*.

Haud raro inflammantur quoque *aurium glandule* in meatu auditorio, doloremque movent acutissimum; hanc inflammationem sequuntur sæpe *abscessus & suppuraciones*, continuusque materię purulentæ atque serosæ effluxus absque ullo incommodo. Novi hic locorum virum, cui ex eadem causa tale contigit & cui continuo ex hoc meatu quasi ex fonticulo materia serosa & purulenta effluit, quo fluxu salvo quasi bene sese habet, impedito vero dolores sentit enormes, Similium meminit D. Duvernay in tract. suo de auditus organo. Dictas has inflammationes aurium comitatur tinnitus, murmura atque sibili.

10. Grave incendium exoritur quoque in *glandulis sinuum frontaliū* totum corpus in flammam rapiens. Retulit exc. Dn. D. Magerlinus Archiater Oetingensis primarius, senex venerandus, rara experientia chymicus Dn. Præfidi reverendum D. Filium suum pastorem in dicto principatu ante triennium subito correptum fuisse symptomatibus febrilibus, calore intensissimo, dolore capitis, præprimis autem *frontis* intolerabili; inter deliria, metum convulsionum continuo digitis rasisse *frontem*, perfossurum quasi unguibus illam; (ibi enim manus ubi dolor) ab hoc non solum partes vicinas capitis, sed totum corpus intumuisse, imo omnia symptomata ita exasperata, ut de vita ejus actum esse adstantes judicarent, donec accedens Excell. parens atque prudentissime injectiones in nares suadens ex $\bigcirc\bigcirc$ amygd. dulc. ac \sim *c. copiosissimum pus abscessu rupto fuerit excretum, quo facto omnia symptomata remiserunt, continuatisque sudoriferis corpus detumescere incepit, moxque æger per Dei gratiam felicissime evasit, qui morti fuit proximus.

11. Eundem furorem expertus fuit Dn. Præses in proprio suo corpore & quidem in *sinu maxillari* dextro: sensit is calorem p. n. in dextra parte capitis, temporum præprimis atque anguli in dextro oculo: (non bulbi) ut & totius districtus, quem occupat os maxillare superius, cui dolor accessit, qui in principio mediocris fuit, sensim autem sensimque auctus atque pulsatorius factus in medio dicti ossis maxillaris, quem nec pro singulari habuit, nec quod plus portenderet ac vicinarum partium dolor existimavit, licet ille quin in dicto osse hærebat, major erat, nec etiam inflammationem aut abscessum modo memorati sinus metuebat, sed a defluxionibus lymphæque acris stagnatione natum dolorem judicavit, hinc acida, decostruentia, demulcentia & anodyna assumpsit, partique do-

dolenti sacculos discutientes imposuit, donec continuato horum usu dolor cessaret: dum autem convalescere visus fuit, ex inopinato foetorem sensit gravissimum, qui cito periit citoque rediit: nesciebat autem an ille externis vel internis causis adscribendus esset cum vaporis instar accesserit & evanuerit, donec magno iteratoque nisu emunctis naribus observavit ex earum caverna illum prodire, cum non solum in mucchio eum deprehenderit graviolem, verum & punctula albicantia purulenta lymphæ narium diluta reperierit, quorum occasione demum in illos conceptus incidit, in *sinu maxillari*, ubi dolor omnium intensissimus sentiebatur, *inflammationem & abscessum* fuisse, facto pure illum imminutum, rupto abscessu, quod & alibi in levioribus tarde contingit, pus cum lymphæ istius sinus ad nares delatum eaque dilutum aerem quidem infecisse, propter paucitatem vero emungi non potuisse; sponte autem absque ullo medicamine foetor ille sensim diminutus fuit, donec penitus cessavit.

12. Haud levem dolorem & molestiam inferunt *glandularum lachrymalium inflammationes*, ut & *narium* in coryza tam humida quam sicca, quas egregie descripsit supra laudatus Excell. Dn. D. Camer. in Disp. de coryza sicca.

13. Sub *axillis* nascuntur *bubones*, nunc *benigni* ex inflammatione & abscessu manus in parte præsertim tendinosa, vel ex punctura tendinis vel nervi manus aut digiti; vel *maligni pestilenciales*, iique vel *critici* vel *symptomatici*, dum primo statim insultu per se, antequam adhuc pestem suspicamur, exoriuntur; generantur autem hi non solum in *axillaribus & inguinalibus glandulis*, sed etiam in *parotidibus*, imo suspicandum est *internas varias, intestinorum, mesenterii, ventriculi, pancreatis, glandulas* affici, harumque inflammationes & necroses sine dubio celerem mortem inferre ac externarum corruptiones. Qui in *inguinibus* exsurgunt benigni, erysipelas vel antecedunt vel sequuntur, aut læsioni vel puncturæ pedis superveniunt. Vidi nuper quendam, qui sublaturus saccum frumentarium tritico plenum in dictis rupturam sensit, quam mox calor atque tumor secuta sunt, totiusque inflammatio, ruptumque abscessum copiosi puris evacuatio. In Venere vetita & impura valde quoque patiuntur hæe glandulæ, bubonesque contrahunt, qui vero raro inflammantur.

14. *Prostata* una cum *testiculis & scroto* mirum in modum inflammantur atque intumescunt, quando fluxus earum, gonorrhœa notha dictus, intempestive per repellentia & adstringentia sistitur; fluxus hic nascitur ab impuro coitu, quando virus in vagina uteri latens & rarefactum ab æstu venereo, mediante aëre impellitur in urethram, & ad prostates usque propellitur, vel secundum alios attrahitur, & in orificia earum, quæ propter illam effervescentiam veneream valde patent, mediante itidem aëre intruditur, illas rodit, exulcerat, fermentat, fluxumque dictum producit; hic intempestive sistitur per topica frigida & adstringentia, vel per interna similia, unde fermentum istud venereum acidum retinetur, quod

quod succos coagulat & sanguinem, ut in debita ac sufficienti quantitate, uti par esset, non revehantur, sed stagent, & hinc dictas partes in talem tumorem, qui caput infantis sæpe referre solet, elevent, quod eo facilius contingit, in quantum virus illud mediante sanguine, qui in prostaticis infectus refuit, ad alias remotiores & vicinas quoque defertur, acorem conceptum vel aliam qualitatem specificam occultam illis imprimic, glandulis præsertim, succosque in illis crassiores reddit, ad reditum & refluxum tardiores atque difficiliore, qui postmodum accedentibus illis externis adstringentibus facile retinentur, & stagnantes necessario in dictum tumorem partes memoratas distendere debent.

In externarum partium glandulis varii quoque deprehenduntur tumores & ex dicta dispositione nascuntur *phyma*, *phygeton*, *furunculus*, *anphrax*, &c. aliis superfedebimus.

II. PHOENOMENON.

Non omnes tumores, qui ex glandularum angustia nascuntur, inflammatorii sunt, nec subito, sed sensim generantur & absque calore sensibili & colore rubicundo deprehenduntur.

1. Hujus generis varii sunt variam ac diversam materiam continentes, nunc lympham tenuiorem, nunc crassiorem pituitam dictam, nunc chylum crudum, aut aliam quamcunque.

2. In *Hydrocephalo* glandulam pituitariam una cum infundibulo mucos obductam totumque cerebrum inundatum vidit *Excell. Dn. Brunnerus*, ejusque in *Disp. sua de glandula pituitaria* meminit.

3. Post febres malignas sæpius critico modo dejectur materia morbifica in glandulas meatus auditorii, ibique surditatem, vel obauditionem relinquit; idem contingit in catarrhis aurium ab aëre frigido, auctero contractis; in eandem difficultatem incurrunt quoque lue venerea affecti.

4. *Gravedo* adest in capite, obtusio, somnolentia, dolor capitis gravativus *naribus* siccis vel non debite aut sufficienter fluentibus.

5. In oculis sentitur nonnunquam motus eorum difficultas absque sensibili inflammatione in vasis vel palpebris observanda, obnubilatione interim præsentem molesta atque gravedine.

6. Valde etiam intumescunt glandule *parotides*, *colli*, ut & *maxillares inferiores* in strumis, quæ nunc latam nunc minorem basin habent: in- & decrefcere dicuntur secundum in- & decrementum lunæ, constans tamen illud non est, præprimis si illi principio insititur, humorum matrem & dominam esse lunam.

7. Frequentissime delabatur *uvula* & deglutitionem difficilem reddit, quando humoribus turgida est.

8. Ex tumoribus glandularum *œsophagi* varia nascuntur symptomata, partibus vicinis alias adscribi solita; dolor gravativus sentitur sæpe a scrobiculo

biculo cordis per medium pectus, respiratio sit inde difficilis & *tussis* adest sæpe gravis; tum plerumque accusari solent pulmones, qui tamen salvi & immunes sunt, curaque longe felicius & facilius succedit, quando illa ad hanc partem, ejusque glandulas dirigitur potius, quam ad pulmones. Pariter *asthma* fit affectis unice fere hisce glandulis, quod itidem pulmonibus organisque respiratoriis adscribitur semper, in dictis vero causa sæpe unice hæret; cum respiratio facilius sit, nec tanta lassitudo conjuncta, copiosioreque auram una inspiratione haurire possint, ac si in pulmonibus malum federet, imo assumto uno vel altero cochleari ~ uum solvatur, qui etiam tussim, quæ antea deerat, in ipsa deglutitione movere possunt in ipso hoc canali.

9. Dum hæ intumescunt glandule, cibi difficulter demittuntur in ventriculum, ut inde homines ex hac unica causa fame necentur. Retulit modo laudatus amplissimus *Dn. D. Camerarius Dn. Præsidi*, se vidisse, cum adhuc studiosus erat, *Excell. Dn. D. Brotbequium* hoc in loco tractare ægrum, qui ex hac unica causa, uti tum colligere licuit, obierit, cum de nullo alio malo conquestus fuerit, nisi de abolita deglutitione; quoad cætera enim bene sese habuisse, facile in conclavi respirasse, appetitum fuisse salvum, nec tussisse, nec raucum evasisse, quamprimum vero cibos vel crassioris consistentiæ vel potulenta deglutire voluerit, ilico instituisse suffocationem; ab initio quidem res mediæ consistentiæ inter potulenta cibosque solidiores demisit, ægre tamen, donec difficiliore semper reddita hac actione, imo abolita spiritum misere emiserit. In cura exhibuit *excell. Dn. D. Brotbeq.* sal commune & li vomitivum hac intentione, quod si forte mucus vel aliud quid in gula hæreret, per vomitum ejiceretur, sicque via cibis libera redderetur, sed frustra res fuit tentata, post mortem cadaver fuit apertum, pulmones toti exsuccati & exsanguis quasi fuerunt deprehensi, ita ut *excell. Dn. D. Camerarius* crediderit, expressos pulmones vix 3ss. liquoris præbuisse; œsophagus quidem quoad faciem externam videbatur salvus & naturalis.

10. Porro observantur quoque in his gula glandulis catarrhi, & *raucedines*, ex potu vel nimio, vel ab aëre frigido, auctero inspirato & deglutito contractæ.

11. Harum glandularum gula scil., vel œsophagi tumores & exulcerationes sæpe fingunt phthisin, quando copiosa mediante tussi pituita varii coloris exspuitur, post haustum aquæ frigidæ in incallescencia nimia sumptæ, ubi ægri pariter de respiratione difficili conqueruntur, non tamen tanta ac in illo pulmonum ulcere alias deprehenditur; gravitas insuper non in toto pectore, sed prope faucium principium & claviculæ medium sentitur, inspiratio quoque plenior atque fortior hoc in casu deprehenditur, vires ad quosvis labores suscipiendos integræ sunt, secus ac in pulmonum ulcere, alacritas autem hic minor, & promptitudo post somnum ac ante illum erat, observata fuit.

Disput. Medico-Pract. Tom. VI.

B

12. Huic

12. Huic *glandularum* dispositioni debetur quoque *sodæ* affectus alias communissimus, ratione naturæ suæ ut cognitu, ita curatu difficillimus sæpe: sensus ardoris illius in ventriculi parte superiori ac tota gula est, familiaris scorbuticis, cachecticis & hypochondriacis; oritur post pinguium, aliarumque rerum usum: post potationes nimias, vini præsertim austeri & mustei potum nimium, post digestionem vitiosam, ut & in febribus tam benignis, quam malignis; post exhalationes calidas acres: levissimis sæpe tollitur, potu lactis, præcipitantibus, creta aliisque, spiritu vini item; sæpiissime omnia hæc ridet, & contumax admodum est.

13. Pariter symptomata *phthisin* minantia imo veram inducentia ex *glandularum ventriculi* & *intestinorum* tumoribus & exulcerationibus oriuntur teste *Barbette* aliisque. Istiusmodi ægrum tractavit *Dn. Præses*, qui ab esu pomorum gelatorum incidit in tussim cum dolore gravativo ventriculi totius; quotiescunque is tussire incepit, in illa regione titillationem sensit, conatus ille diu semper duravit, antequam aliquid egerere potuit, sensit autem æger in ipso conatu materiam ex ventriculo provenire, qui tandem consumptus tabe obiit.

14. His ipsis *glandulis ventriculi* forsan adscribenda est hujus *palpitatio* ejusque orificii, scrobiculi cordis cum cardialgia conjuncta; quam *Dn. Præses* observavit hic loci, in ægro quodam qui venenum sibi exhibitum fuisse constanter ad mortem usque asseruit, id quod exinde collegit; quod ab isto tempore, ex quo a persona sibi suspecta antequam ad labores suos rurales progressus placentulas quasdam frixas ferventes comedendas sumpserit, male sese habuerit, atque hanc palpitationem (quæ adeo vehemens fuit, ut & togam elevarit in regione ventriculi) cum pressione, gravitate atque anxietate, difficili item respiratione absque notabili tussi, viriumque summa debilitate, senserit. Huic *Dn. Præses*, postquam diu variis medicamentis absque ullo felici effectu usus fuisset, propinavit tandem vomitorium, superadditis postea & continuatis terrestribus, alcalinis & demulcentibus, a quibus per integrum semestrem haud exiguum levamen sensit; ita ut labores suos longe melius absque tanta lassitudine perficere potuerit; sed mox redierunt priora symptomata, donec subito expiraverit; cum sanus ad speciem cubitum ivisset, & peractis laboribus suis diurnis, bene coenatus, ad horam quartam matutinam placide dormivisset, excitatus insuper ab uxore, quæ illa hora domum ex torculari rediit, bene adhucdum valeret, facile cum ea loquutus, quæstione habita, quæ hora sit; vix autem exiit vestes uxor, lectum petens, audit virum bis leviter ingementem, quem mox interrogavit, quid rerum ageret, cum autem nihil responderet ad interrogata, etiam ab ipsa concussus, candelam accendit, virumque mortuum deprehendit, qui vix elapsis ante aliquot momentis optime se valere dixit. Doluit summo opere *Dn. Præses*, id in absentia sua nullo medicorum apertum fuisse, ut per sectionem, inquisitum fuisset, quænam vera causa symptomatum

per

per 6. annos toleratorum ac mortis subitanæ, quisque status ventriculi fuerit.

15. Ab *hepatis glandulis* p. n. tumidis abdomen distentum vidi cum *Dn. Præside* & D. Condiscipulis meis in infante rachitico, ac si a flatibus tensum esset, uti in tympanide fieri solet. Infans erat XI. annorum, laboravit *rachitide* 6. 7. annos, ni fallor, venter ejus, uti modo dixi mirum in modum tumuit, pedes erant incurvati, pectus elevatum, nodi circa articulos, gibbosus insuper, in reliquo corpore totus emaciatus, mortuum tandem dissecuit *Dn. Præf.* me præsentem & condiscipulis meis. Concepimus tum omnes, tumorem ventris a flatibus esse, hinc etiam exiguum foramen in abdomine fecit *Dn. Præf.* ut sensim illos emitteret, postquam autem nihil auræ egressum est, ampliavit foramen, ventre autem nil diminuto, sed tumido manente, imaginati fuimus status in intestinis incarceratos esse; cruciatim itaque incidit totum ventrem, mediocriter autem distenta intestina deprehendit, detrusa vero ab hepatis corpore mirum in modum tumido quaquaversum, non solum in latere dextro, ubi multum descendit, verum etiam sub ventriculo & latere sinistro, ubi lobus hepatis longius ac ipsum lien descendit. Turgebant quidem intestina, sed parum. Acor qui expiravit ex abdomine aperto insignis admodum atque penetrantissimus fuit, sanguis & succus ex vasis extillans lentus & tenax valde, digitosque conglutinans. Mesenterii glandulæ pariter insignes erant magnitudine aliquot pisorum connexorum, nonnullæ autem instar globulorum, quæ alias vix visibiles sunt; ossa adeo mollia fuerunt, ut tibiam incurvatam aliaque facili levique opera scalpello discindere potuerit, sanguine turgentia. Eo in loco, ubi sternum jungitur costis, nodi erant insignes in utroque latere; discissi isti pariter sanguinem stillarunt; vertebræ itidem dorsales facile scalpello scissæ fuerunt. Qualis itaque status glandularum mesenterii & ossium in rachitide præter hepatis glandulas, quæ forte sæpius ita intumuerunt in simili casu, ac creditum & traditum fuit, egregie ex hac sectione patuit. Parum muci in intestinis, præter naturalem, vidimus.

16. Has ipsas *glandulas mesenterii* obstructas & tumidas sequitur *hydrops ascites*, vel subito post potum frigidum copiosum in incalescentia nimia haustum, vel sensim generatus, uti *Lowerius*, alique testantur.

17. In abdomine vel toto, vel parte ejus dimidia, aut aliqua solum, si ad tactum sentiuntur *granula miliaria*, vel *hordei*, haud raro signum est imminenti hydropis, notant enim intumescientiam glandularum miliarium, quarum tumores mox majorum intus latitantium obstructions sequuntur.

18. In *mammarum* corpore plures sæpe tumores duri absque calore & dolore sensibili, nisi rudius tangerentur, deprehenduntur, & vel a compressione, vel aere frigidiori admissio, vel a pleniori victu lacteque generato & non sufficienter ab infante exsucto, eoque stagnante nascuntur. Ubi plures isti

B 2

istiusmodi tumores in mammis exoriuntur, lac deficere solet; tumores isti facile quoque exulcerantur; sæpe etiam scirrhusi sunt, imo cancrofi, prout sanguis vel corrumpitur, vel tractantur, evadunt.

10. Totum corpus a capite ad calcem usque intumescit, nunc æqualiter, nunc inæqualiter, in habitu & ambitu suo, tumore aquoso seroso pituitoso in *anasarca* & *leucophlegmatia*, ob eandem *miliarium glandularum* angustiam & stricturam.

20. In *artubus* aliquoties observantur tumores s. *globuli* copiosi albicentes, molles, mobiles, rotundi, ovales, nunc magnitudine ovi columbini, nunc majori, nunc minori, sine dolore, calore & colore rubicundo, qui non animadvertuntur, donec sensibilem jam magnitudinem contraxerint; signum sunt podagræ, interdum etiam luis venereæ.

21. In *inguine* fiunt tumores seu *bubones* benigni absque calore in *glandulis istius loci*, & vel ob equitationes aut motus fortiores, a quiete diuturna factos, aut in pueris dum crescunt (quod etiam sub axillis accidit) nascuntur.

22. Haud inepte aut male *glandulis* specificè infesta dicitur *lues venerea*, utpote quas præ aliis infestat & afficit, & a quarum strictura ab hoc veneno facta innumera in corpore oriuntur symptomata: prima principia quidem in partibus genitalibus aut his proximis ponuntur, *prostatibus* scil., *vesiculis seminalibus*, *glandulisque inguinalibus*; vel in *labiorum*, *linguarum*, *faucium*, *palati*, *nariumque glandulis*, prout scilicet communicatio veneni istius venerei facta est, per coitum, vel per oscula; postea vero cancellis illis haud contentum serpit ad omnes, *frontis*, *ani*, imo haud raro *aurium*, *ossium*, *totiusque corporis glandulas*, & nunc districtum certum miliarium occupat, pustulas elevat, & ulcera excitat, donec autem valde in ossibus non solum dolores moveat intolerabiles, sed & nodos, atque exostoses producat. Dolores illi, qui in tibiis ejusmodi infectorum, vel cubito aut radio, imo cranii ossè præ aliis sentiuntur, & manum tangentis vix ferunt, non semper nodos aut exostoses inferunt, utut ossis jam infecti vel infecturi signum sint; sed sæpe iterum evanescunt absque istiusmodi vel excrecentiis vel tumoribus, & absque cura eo directa, remanentibus interim reliquis symptomatibus, quæ lues illa induxit; sed demum salivationi superveniunt, rite etiam peractæ secundum omnes leges & requisita: ita ut diu absque interruptione continuata illa, materia insuper copiosa eaque foetidissima excreta, totumque os exulceratum fuerit, ut inde noctes diesque illa fluxerit. Post illas inquam salivationes bis etiam, vel ter aut quater susceptas, doloribus in ipsa salivatione cessantibus penitus, elapso aliquo tempore post salivationes redeunt non solum dolores in ossè tibiæ, ubi antea quoque cruciabant, vel ossè frontali & maxillari superiori, in quibus ante salivationem pariter sentiebantur intensissimi, verum nodi & exostoses, quæ ante salivationem plane deerant, accedunt, tum scilicet temporis

poris, ubi massa sanguinea correctæ videbatur, reliquaque symptomata omnia cessarunt. Fit autem hoc, quando virus diu in corpore latuit, totamque massam sanguineam corrumpit, & hinc ossa eorumque glandulas invasit; licet itaque salivatio secundum omnes regulas peracta fuerit, sanguis inde quidem corrigitur, dolores remittunt, ex ossibus vero terrestreitates illæ mediante salivatione non educuntur; nec caries cedit, etiam si centies institueretur; reliquæ igitur in ossibus hærentes levissimo admisso errore reviviscunt, repullulant, iterum iterumque in partes superjacentes agunt, eas rodunt, scindunt, vellicant, dictumque dolorem primo etiam majorem non solum, sed & nodos istos & exostoses producunt, quæ præ dolore indicibili tangi non possunt, ex quibus apertis materia picis instar nigerrimæ extrahitur. Quo autem modo fiat, quod hæ partes glandulosæ præ carnositas afficiantur ab hoc veneno, non omnium eadem est sententia: licet enim rejicias modum specificum, terminum præter unicum verbum nihil explicantem, qualitatem occultam, & certæ pororum configurationi insistis, qs. res longe melius & clarius inde illustraretur & qs. demonstraretur, multis tamen æque obscura illa ac occulta qualitas videtur, quia in morbis epidemicis una semper eademque causa præsentè eadem semper partes in diversissimis licet subjectis, afficiuntur, & anginæ, pleuritides &c. nascuntur, ac unæ semper eademque, non diversæ partes inflammantur, licet una eademque configuratio pororum omnium vasorum capillarum, ratione circulationis sanguinis nonnullis dicatur, causaque insuper in aère hæreat communis, quæ omnes partes ambit & pervadit, nihilominus autem una eademque pars semper afficiatur; ubi sane specifica hostilitas aut convenientia non in sola pororum configuratione consistens, statuenda videtur, sed peculiari modo hanc & non aliam afficiens; uti cantharides vesicam urinariam afficiunt, non alias, etiam morbosas partes, quarum gratia illæ in empl. vesicatoriis imponuntur, nihilominus vesicam præ aliis lædant. Verum cum causæ illæ communes morborum epidemicorum modificentur, cujus, ut & aliarum circumstantiarum ratione aliquid peculiare in illis, puta causis, deprehenditur, earum intuitu fit, quod hæc solum pars a causa alias communi afficiatur & non aliæ quoque, ut itaque posterior illa sententia de pororum certa configuratione in speciali hac invasione glandularum in lue venerea plus veritatis atque favoris recipiat.

III. PHENOMENON.

Glandularum stricturam p. n. variæ sequuntur rosiones, puncturae, tensiones, contractiones spasmodicæ, dolores contumacissimi, potissimi autem absque inflammatione.

1. In capite est *Hemicrania*, affectus molestissimus, pertinacissimus, re-

cidivans nonnunquam, certis ac statis temporibus accedens, nonnunquam erratica, utraque nunc sinistram capitis partem occupat, nunc dextram.

2. Eundem fontem h. e. *glandularum* indispositionem stricte sic dictam & quidem infimi ventris agnoscunt *affectiones hypochondriacæ, hysterice, colicæ spasmodicæ, scorbuticæ*, quando tormina in ventre sentiuntur & dolores acuti valde, ubi nunc hypochondrium dextrum, nunc sinistram contrahitur, nunc globuli in hac vel illa parte abdominis exoriuntur, umbilicus nunc retrahitur, nunc intestina contrahuntur, contorquentur, ventriculus invertitur, facies icterica evadit, vesica \square aria comprimitur, & hinc urina vel plane non emittitur vel guttatim cum summo ardore & rubore: testiculi re & extrahuntur, nunc artus spasmodice trahuntur, nunc totum genus nervosum afficitur, nunc caput dolet ac si diffringeretur, nunc dolor lumbos occupat secundum lineam ossis sacri regionis inguinalis & hypogastricæ, ut æger, corpus flectere nequeat, ubi sæpissime dolores inter se invicem respondent, ita ut si in osse sacro sentiuntur, insimul in ventre & circa umbilicum sint acuti; præsentibus his doloribus modo omnibus, modo quibusdam solum, imo cessantibus etiam, æger contabescit.

3. In intestinorum ambitu atque circuitu ægri *sensum inflammationis* percipiunt, quasi ignis inibi accensus esset, absque tamen siti p. n., non tamen absque torminibus colicis.

4. Aliquoties *ardoris s. usionis sensus* ille occupat in *hypochondriacis* utraque hypochondria cum parte anteriori, spatiumque cinguli cingentis sumit, contumax pariter diuque durans, nullis neque mucilaginosi, *Salibus*, alcalinis, neque emulsionibus, antacidis cedens, extinctus tamen usu diuturno & continuo jusculeorum alterantium ex antiscorbuticis paratorum, hæcque excipientium acidularum, ut & confortantium analepticorum.

I V. P H O E N O M E N O N.

Diæte glandularum dispositioni debentur quoque siccitates varia, extenuationes, atrophie, varique actiones læsæ.

1. *Glandule miliares*, diæte alias *nutritivæ* ubicunque sint, si intumescunt, *maciem* & *contabescientiam* inferunt, sive intra, sive extra corpus sit.

2. *Atrophia generalis*, febres hecticæ pariter harum vitio nascuntur.

3. Similiter contabescunt *rachitici* infantes non solum ab intumescencia *glandularum mesenterii*, sed & aliarum nutritiarum angustiam, unde parum succi nutritii & alibilis fecernitur.

4. Ob eandem glandularum dispositionem contabescunt etiam lue *venerea affecti*.

5. In *febris*, iisque vel *benignis*, vel *malignis* aut *continuis*, a caco-chymia

chymia item pituitosa, ab aëre calidiori & acidiori oris atque linguae glandulae si stringuntur, deficit saliva in ore, in faucibus nascitur sitis, deglutitio difficilis evadit, in ventriculo appetitus dejicitur, digestio vitatur, in naribus olfactus diminuitur, in auribus auditus, alvus siccior evadit in hypochondriacis vitio dicto glandularum intestinalium, urinae secretio imminuitur, imo ad tempus aboletur ob infarctas glandulas renales, sudor nullus contingit ob eandem miliarium dispositionem, feminis generatio læditur ob scirrhum, compressionem & contabescientiam glandularum testicularum in hominibus æque ac animalibus, & quidem in illis per infortunium, aut aliam causam, in his studio in castratione per compressionem facta, non excissionem. Motus imminuitur, imo qs. aboletur simili vitio glandularum cerebri. Tacebo plura ob pagellarum angustiam.

F I N I S.



P O S T E.

C X C I.

P A R S P O S T E R I O R.

C A P U T I I.

*De Causis & Observationibus tanquam fundamentis futurae deductionis
phænomenum in primo Capite enarratorum.*

O B S E R V A T I O I.

*Copia materiae, sanguinis, feri, lymphæ, aliorumque succorum viam sibi ipsi
intercipit, motum eorum tardat, vasa, canales comprimit, coarctat,
fluxumque impedit.*

EA quidem vasorum, sive sanguivehorum, sive serivehorum aut alio-
rum quorumcunque canalium mollium est constitutio, ut dilatari
quidem mirum in modum possint & distendi sæpe absque ruptura, de-
bitum tamen tempus requirunt, intra quod illud contingat, nisi subito
disrumpi velint: hoc si ipsis conceditur, successive illa, quæ vix ato-
mum transmittere visa fuerunt, adeo ampla redduntur, ut digitum ad-
mittant; porro necesse est quoque ad obtinendam hanc in corpore vaso-
rum extensionem celeriore ac promptiore, ut libera sint, partibus
non adeo impacta; nec ut partes ipsæ firmioris compactiorisque sint
texturæ aut structuræ; ac denique ut semper aliquid vehant & transmit-
tant liquoris, h. e. non quiescant nunc ab ista transcolatione, nunc ite-
rum aliquid transvehant; eo n. pacto contrahuntur vasa, illis sc. tempo-
ribus, quando otiosa fuerunt, ut vel penitus nihil secundum nonnullos,
vel parum liquoris, quod verius, per illa trajiciatur. Præterea notan-
dum quoque est, partes corporis nostri inservire vel ad motum, vel ad
secretionem & præparationem alicujus liquoris; in his vasorum etiam exi-
limorum in se convolutionem, contorsionem ac complicaturam majorem
esse, ac in carnosiss; licet & ibi ob secretionem succi nutritii aliquis sit
& requiratur. Denique vasa illa majora sanguiveha materiamque pro se-
cernendo peculiari quodam liquore advehentia, quando viscus aut aliam
partem, in qua secretio aliqua fiat, ingrediuntur, non statim in ingres-
su obliterantur, sed quia omnibus acinis glandulosis ramusculos imper-
tiri debent, eousque progrediuntur, sensim diminuta, donec penitus de-
ficiant. Si itaque sanguis, vel alius quicunque liquor ad partem quan-
dam glandulosam transmittendus citatius iusto movetur, a quacunque
demum

demum causa id factum fuerit, sique in majori copia affluit, ac alias,
salvo manente circulo, deberet, illa ipsa materia sive sanguis, sive chy-
lus vel lymphæ copiosior advecta, vasa majora distendit; hæcque post-
modum glandulas, quas transeunt, ob suam distensionem comprimunt,
ut & vasa minora, eaque tam venosa, quam secretoria, ut tam prompte
materiam revehendam sufficienter, prout quantitas affluxæ requireret,
non recipiant, hinc necessario urgente a tergo eadem vi continuanteque
fluxu, illa suo modo stagnare atque morari cogitur, quo facto partes
non possunt non distendi, elevari, intumescere, nunc magis nunc mi-
nus, pro diversitate copiarum materiæ, aliarumque causarum. Aucto au-
tem motu sanguinis, hujus influxu & compressionem partium, vasa etiam
magis distenduntur, e contra capillarium extremitates magis coangustan-
tur; quod enim diametro vasorum & canalium mollium accedit ante
illam extremitatem, huic demum decedit. Si tandem causæ constringen-
tes, ut aer externus, aliaque frigida; vel obstruentes, pinguium titulo ac-
cedunt, eo facilius effectus ille obstructionis obtinetur atque produci-
tur: clauduntur enim non solum pori externi, materiaque stagnationem
fovens retinetur, sed & interiores, & nunc admissio leviori sæpe aere
frigido externo, nunc rigidiori, qui profundius longe agit & penetrat,
quam intrat: ruditer enim affectis extremitatibus fibrarum nervearum
ad cutem terminantium, sensus ille ingratus & molestus introrsum quo-
que vergit, & quidem eo magis, cum partes tum rarefactæ sint ob calo-
rem & motum, laxioresque redditæ; dumque extremitates illarum fi-
brarum nervearum contrahuntur & constringuntur ab aere illo frigido,
interiores pariter trahuntur, stringuntur cum partibus quibus adherent &
insertæ sunt, ut itaque accedentibus dictis hætenus caulis omnibus ex-
ternis & internis, copia materiæ eo fortius agat. Hanc autem copiam
& abundantiam materiæ augent varia ex rebus naturalibus, nonnatura-
libus, & p. naturalibus; præter temperamentum & ætatem, excessus inges-
torum variorum; evacuationes consuetæ suppressæ, ut & p. n. varia, qui-
bus hac vice superfedebimus.

O B S E R V A T I O I I.

*Fluida quaecunque corporis nostri, quam primum evadunt viscida, lenta,
crassa, difficiliter non solum atque tardius moventur sed & facilius sub-
sistunt, adherent, stagnant, & obstruunt, præprimis si illa
etiam eveniunt acida.*

Sanguinis motus intestinalis secundum ingeniosissimum Bohnium Circul.
Anatom. Progymnas. 4to p. 57. fit, quando non tantum globuli, tan-
quam partes magis compositæ, & sensibiliores portionem ejus rubicundam
constituunt, quam diu hæc florem naturalem retinent, modo sursum
Disput. Medico-Pract. Tom. VI. C modo



modo deorsum, modo ad hæc vel illa latera feruntur, prout quidem per microscopia cernere licet, & *Excell. Du. Praeses*, quoque ostendit, sed simpliciores quoque & sensus nostros fugientes moleculas scilicet pingues, salinas, aqueas, terreas, quæ diversos suos impetus & natus habent. Hisce globulis si accedant multæ *ramosæ* h. e. *lymphæ viscidæ* & *chylus crudus indigestus*, quæ difficulter a se invicem disjunguntur, sed sibi implicitæ manent, sique moleculæ istæ non minus crudis istis involvuntur, circumvolatio globulorum istorum non solum tardior atque difficilior evadit, sed & actio molecularum ramosis intertextarum & obvolutarum segnior est; hinc motus totius mixti debiliior in vasis, spiritusque minus activi sunt. Præterea hæc ipsæ particulae, si transcolentur per capillaria, ob figuram suam irregularem in anfractibus vasorumque complicaturis angustissimis, glandulis scilicet facile *adherent*, & auctæ reliquis humoribus moram injiciunt, ut *stagnent*, *partemque tumidam* reddant. His *ramosis* postea si accedunt istæ *rigidæ, acidæ*, tenacius longe sibi invicem combinantur, conglutinantur, motusque sanguinis non solum redditur tardior, sed & parietibus istorum capillarium firmitus adherent, pertinationesque producant stagnationes & obstructions. Si denique uti sæpius contingit, illis *acredo* jungitur, dum in vasorum angustis subsistunt, rodunt, lacerant, pungunt, lancinant, constringunt, contrahunt fibras nerveas, quæ istis glandulis intertextæ sunt, doloresque producant acerbissimos, qui non solum in parte, cui infixæ sunt, subsistunt, sed & ad alias vicinas & remotas mediantibus nervis propagantur & transferuntur; utque dictarum fibrarum ope modo dicti dolores in glandulis harumque plexibus exorti aliis quoque partibus communicantur; ita ob vasa sanguiveha distenta pariter, sanguinemque stagnantem si dolor natus est in parte quadam aut certo illius districtu, vicinam quoque in consensum rapit, doloremque ibi excitat; vasa n. sanguiveha, v. g. capitis (quod a. de capite dicitur, de reliquis corporis nostri partibus valet quoque) coherent inter se invicem, non solum ratione majorum, verum etiam minorum ramorum, ita ut rami cum ramis corresponsant, venosi scilicet cum venosis, arteriosi cum arteriosis, & mediantibus his & . . partes capitis externæ cum internis; si itaque in uno horum vasorum sit stagnatio quædam, ita ut motus ibi aliquando impediatur, illico in vicinis idem vitium quoque sentitur, ut nec ibi circulatio libera sit, sed pariter sanguis tardius moveatur, hincque vasa magis distendantur & dolor nascatur; e contra in vicinia solvantur obstructio & dolor, si vel depletio quædam sanguinis in prioribus vasis præcesserit aut alio modo obstructio sublata fuerit; reddito enim liberiori motu sanguinis in uno vasorum, mox in reliquis in vicinia sanguis, qui in aliqua parte stagnare coactus fuit, libertatem suam nanciscitur, vasaque omnia in pristinum statum redeunt, dolorque cessat exinde natus, & quidem non solum in partibus externis, sed etiam internis. Hæc lymphæ autem crassæ, viscidæ,

viscidæ, acidæ, acris, aut si magis placent, particulae hæc ramosæ acidis & acris mixtæ, non solum ubi stagnant, & subsistunt fibras tendinosas & nerveas vellicant, pungunt, rodunt, sed & illas lacerant, scindunt & disrumpunt, eo penitus modo, ac si ab externis acidis corrosæ fuissent, excavant certum aliquod, ubi stagnant, spatium, in quo ex scissis illis & disruptis fibris, tubulis & vasis humores confluunt, quorum particulae, ex quibus constabant, a se invicem secedunt in primam quasi materiam suam, hinc pus, ulcera & abscessus generant. Sique partes istæ glandulosæ, fibrosæ, carnosæ, in quibus stagnabant dictæ particulae, ossibus adstant aut superincumbunt, nec has rodere, scindere desistunt, donec & illorum fibras corroserint, illasque ut carnosas consumpserint, ut integra frustula extrahi possint, ac si a spiritibus acidis corrosæ fuissent, quod dentibus, uti *Meyer* loquitur, accidit ab oleo vitrioli, quod ipsis applicatur, a quo carioli redduntur ac frustulatim nigri excidunt. Ad fluidi autem hujus vel M. S. corruptionem viscidam, acidam, acrem, varia conferunt: ex *naturalibus* multum sane contribuit *temperamentum* sic dictum *phlegmaticum*, ut & *melancholicum*, vel quorum sanguis a prima quasi conceptione vel *etate succis crassis*, *crudis*, vel *abus fixis*, *tartareis* & *acris* scatuit, talemque labem tenellis partibus impressit non solum, sed & partium poros ita formavit, ut illorum collectioni postmodum faverent magis: cui demum succedit *hereditaria dispositio* non minus valida. In *nonnaturalibus* sunt aer frigidus, humidus, crassus, falsus, acidus, acris particulis imprægnatus; cibi crassi, crudi, falsi, acidi, infumati, pingua, pisces varii recentes, & exsiccati, legumina, fructus horrei, dulcia, saccharata; omnia hæc frequenter ac in nimia quantitate assumpta, potus inconueniens, quantitate, qualitate ac utendi modo peccans, somnus turbatus, vigilæ excessivæ, lucubrationes, quies statim post pastum, feces alvinæ, urina, menses, hæmorrhoides, transpiratio suppressa, &c. Ex *P. naturalibus* est vitiosa præprimis digestio ventriculi, quæ omnem paginam absolvit; hæc enim si infelix est, partes cibosæ non attenuantur aut debite solvuntur, viscosæ evadunt, acescunt, aut si particulis acris constant, illæ quoque remanent, nec secernuntur, inde non potest non talis massa indigesta, cruda, acidæ, falsa, acris evadere & talis quoque sanguis; *malum hypochondriacum*, *scorbuticum*, *ovula degenerantia in ovario* & *corrupta*, *lues venerea* &c. similem characterem imprimunt.

OBSERVATIO III.

Stagnationem humorum in glandulis produciunt & fovent eorum morbi intemperiei, conformationis & solute unitatis.

Duplex maxime ab authoribus hic accensari solet *intemperies* in glandulis, occasionem præbens stagnationi & subsequentibus obstructionibus, *calida* scil. & *frigida*; utraque vel *universalis* vel *particularis*, quæ quidem a M. S. non dependens a recentioribus rejicitur, quanquam rationibus suis destituta non sit, & glandulæ sæpe *intemperatæ* sint, etiam si non a sanguine *intemperato*, puto quoad subsequentem quandam qualitatem excessivam, a qua *intemperies* illa tum in corpore determinatur, & quæ post primam partis scilicet *intemperiem* & ab illa nata est: si scil. a causis externis variis, aere, ☉ is, mercurio, fermentis variorum morborum qualitates quædam sive particulæ, a quibus demum illa exoritur, glandulis inferuntur: ut tonsillarum, aurium, narium, aut prostaticarum, a quibus primo *intemperies particularis*, postea *universalis* exurgit. Si v. totus sanguis est *intemperatus*, facile in & afficiuntur quoque glandulæ, sique is incaluerit, & hæc calorem concipiunt, quem haud raro stagnatio & obstructio sequuntur; tum enim partes rarefiunt, sanguis qui celerius movetur, impetuosius irruit & admittitur inter interstitia, imo propter acidum præsens in glandulis etiam magis effervesceat, ut copiosior influat, qui cum prompte refluere nequeat, intra complicaturas vasorum stagnat & subsistit. In *intemperie frigida* contingit hoc, vel quod sanguis aut lymphæ ista glutinosa, viscida, crassa, ob frigiditatem suam tardius nimis moveatur, vel ob particulas activas suppressas, vel quod spiritus non sufficienter influant, fibras glandularum non debite, ut ita dicamus, animent, ut propellere sanguinem in motu suo tardum possint, sed aliquid ex ista visciditate hæreat, donec sensim sensimque aucta viam occludat. Per *compressionem* vasa glandularum coarctantur, ut sanguis vel alia materia secreta debite pergere nequeat, illaque obstruantur. *Compressio* autem illa est vel *interna* vel *externa*, *immediata* vel *mediata* mediantibus sc. vasis, & vel a corpore solido, vel humoribus, vel flatibus contingit. Interdum autem a nisu violentiori vasa in illis rumpuntur, ut sanguis extravasetur, in interstitiis, & pelvibus confluat, vasa revehentia potissimam partem comprimant, cum novo affluente sanguine effervesceat, calorem in toto accendat, ut inde affluxus major fiat, majorque stagnatio, obstructio & intumescencia. Vel ab externis variis vulnerantur etiam & scinduntur.

OBSER-

OBSERVATIO IV.

Obstruuntur, obstrui possunt omnes glandulæ totius corporis nostri; imo secundum nonnullos etiam obstrui debent ad inferendam ebullitionem, effervescenciam, & despumationem sanguinis, ad dolores diuturnos, intumescencias & abscessus vel leves, vel graves; nec stagnant humores, nisi in folliculo incarcerati hæreant, aut inepti plane sint, qui non exhalationes transmittant in sanguinem; utque materia stagnans diversa est, ita & diversi vapores putridi, calidi, acres, acidi, frigidi exsurgunt, diversique inde nascuntur effectus frigoris, accensionis, caloris, lancinationis, rofionis, consumptionis. Ob varietatem autem organorum nunc debiliū nunc robustiorum, causarumque diversitatem, nunc in his nunc alias agentium, præ aliis quoque contingit obstructio nunc in his, nunc aliis, nunc pluribus, nunc paucioribus glandulis. Si obstructio valida est & stricta, vasa tenuiora simplicibus, quoad visum, membranis instructa, transcurrentia, ob denegatum materiam transitum facile rumpuntur, eamque in cavitatem effundunt.

Vix ulla existit glandula, minima etiam corporis nostri, in qua non obstructions vel experientia aut sectio anatomica deprehenderit: ad illarum vero generationem aptas esse illas nemo, qui sanæ rationis usu adhuc gaudet, inficias ibit, ob vasorum mire contortorum angustias & materię in corpore nostro ad adhærendum & subsistendum convenientiam. An vero ad dictos affectus producendos necessario stagnatio & obstructio requiratur, aliud est, multum tamen probabilitatis præ se fert atque favoris: ut effervescencia sanguinis fiat, opus est, ut fermentum aliquod, sive heterogeneum, confundatur sanguini, cum quo partes ejus colluctentur; ut vero istud generetur, quiete opus habet, quæ in vasis concipienda non est; ergo ibi, ubi contorsio est, ubi angustia, quæ non nisi in glandulis reperitur; nisi autem & ibi, a quacunque demum causa externa vel interna factum fuerit, ab humoribus aut rebus nonnaturalibus obstructio sit, illud generari aut colligi non poterit; sanguine enim continuo a corde propulso, pariter ut in vasis, ita in glandulis quoque propelletur atque promovebitur; ut ergo colligi possit ac in debita quantitate generari, qua scil. sufficit ad bellum illud & pugnam, obstructio necessaria est. In febribus catarrhalibus res est palpabilis, ut & in lacteis den Milchfebern; in utrisque vulgus accusat ab aere frigido constrictionem & obstructionem glandularum narium, oris & colli quarundam, mammarum item, ita, ut etiam mulierculæ calore febrili observato statim mammæ inspiciant, an tumores adsint, illisque prospiciant. De intumescenciis res clara est. Dolores diuturni pariter requirunt talem focum & locum, qui conveniens sit istorum generationi. Horum enim causa gravis non

C 3

levis

levis est, incarceration, non libera esse debet aut facile mobilis; præsupponit enim corruptionem magnam & intuitu qualitatum suarum & conditionum acidam, Snam, acrem, & ut talis evadat, stagnationem, quæ verò non in cavitate aut canali libero, ubi facilis absterio est, sed locum angustum & talem quidem, ubi affluxus est, & spatium nihilominus ad luctum & pugnam particularum sanguinis aptum requirit, & denique talem partem, quæ nervis sit instructissima. Jam si totum corpus examinamus, omnesque partes lustramus, nullam sane deprehendemus, cui omnia hæc competant, nisi glandulas; quo magis autem tensæ illæ sunt, vel liberae, aut membranis etiam intertextæ, eo intensior est dolor, quia vibratio fortior est, perceptio auctior. Intenditur autem ille etiam pro diversitate materiæ, prout vel acrior est, fervidior vel acidior. *Abcessus* omniaque *ulcuscula* omnium consensu obstructionem dicunt, fibrarumque discissionem: ubicunque a. est stagnatio, *ibi humores eorumque particula incipiunt in se invicem agere, subtiliores avolare, & nunc citius, nunc tardius, prout & ea magis vel acida, acres, Sna, terre immixta sunt.* In naturali secretionum opere idem fit, & videmus, quod ubicunque secretio fiat, ibi naturam glandulas constituisse, in quarum anfractibus & angustissimis contorsionibus sanguinis motus tardior est, imò subsistere cogitur aliquantulum, ut partes secernendæ ob paulatinam solum moram disjungantur & postmodum transcolantur. *Ex illis & eis omnium consensu & sensu exhalant vapores ignei* in inflammationibus glandularum, inde non potest non ignis accendi in corpore, continuoque durare, quia in inflammationibus illi non deficient: *ex acidis prædominantibus* exsurgunt *acidi*, sensum frigoris inducentes, quocunque incidant & ubicunque nati fuerint; hi vero non uno in loco in febrium paroxysmis sentiuntur, sed nunc in dorso, nunc in ventriculo, nunc in interioribus, nunc magis in exterioribus, nunc in pectore &c. & oesophago, uti hisce diebus observavit Exc. Dn. Præses, quod frigus in pectore incepit cum gravitate quadam, deglutionisque difficultate, hancque majorem fuisse durante frigore, levioris vero effuso calore. Frigus autem, ejusque sensum ab acidis provenire externa acida ingesta illud satis abunde probant. Ab *humoribus acris* Sini tales itidem in sanguinem redeunt, cum eo in toto corpore per omnes partes feruntur & rapiuntur, hinc etiam omnes rodunt, abradunt, earumque gluten absument pro indole & natura sua, quæ illis competit & quod ab externis acidis in corpore contingit. Quod autem non eadem semper glandulæ afficiantur & obstruantur, sed nunc externæ in febribus, nunc internæ, nunc mesenterii, intestinorum, pancreatis, ventriculi, pulmonum, oesophagi, asperæ arteriæ, narium, sinus frontalis, maxillaris &c. id tam a parte, quæ præ aliis a causa, licet communi, afficitur, dependet, quam ab ipsis causis, quarum alia fortius in hanc, ac aliam agit; e. g. si partes externæ totius corporis nostri incalcescentes aeri frigidiore exponuntur, aut in aquam immittuntur; aut nonnullæ

nullæ solum; tunc vel omnes, l. nonnullæ etiam obstruuntur; aer ferit præ aliis partibus corporis nostri collum, nares, asperam arteriam & oesophagi partem superiorem, hinc etiam præ aliis ab eo læduntur, constringuntur. Errores in diætâ commissos omnes quidem partes lœunt, primario vero ventriculus, intestina partesque glandulosæ vicinæ, quæ a chylo isto crudo, lymphâ viscida, mucô seu pituita obstruuntur præ reliquis, hinc etiam prima symptomata sentiuntur ibi, imò medicamenta eo directâ felicius etiam operantur, obstructionsque citius solvunt, ac si respectus ad totum haberetur. In lue & ea immediate virus seu fermentum immittitur in prostates, hinc & illæ præ aliis laborare incipiunt. In equitationibus nimisque motibus patiuntur magis glandulæ inguinales, in potu frigido faucium, asperæ arteriæ, gulæ, ventriculi, pancreatis, intestinorum & mesenterii. In reliquis aliud peccabit. Denique si in glandulis conglobatis obstructio atque humoris infarctura strictior & firmior est, vasa lymphatica, quæ transire debent, & haud raro in illis in minimos ramulos desinunt & obliterantur, non possunt non etiam comprimî & obstrui, & quidem eo facilius, cum & lympham viscidiorē vehant; facta autem obstructione, fluxuque ulteriori denegato, vasa illa tenuissima post factam nimiam dilatationem rumpi debent & lympham in cavitatem effundere; si enim orificia vasorum lymphaticorum in cutaneis glandulis ita obstruuntur, ut nihil amplius per ea refluat & revehatur; & vasa sanguiveha, quorum structura tn. fortior est, non minus comprimantur sæpe & ita obstruuntur, ut refluxus sanguinis per illa penitus inhibitus sit, hincque etiam rumpantur; qui resistent tenuissima illa lymphatica? disrumpuntur ergo pariter & lympham suam dimittent.

OBSERVATIO V.

Ubi obstructio, ibi nulla est secretio, nulla excretio aut reductio.

Obstructio fit, quando lymphâ quædam viscida aut crassa collecta & infarcta est non solum in interstitiis vasorum, sed & quando in ipsis vasis vel orificiis eorum, vel etiam antè eorum extremitates illa hæret, omneque spatium occupat, vel aliquam solum partem; si tota cavitates aut orificia repleta sunt, totalis obstructio est, hinc etiam plane nihil admittere, emittere vasaque excretoria recipere possunt, defectusque variorum succorum nascitur, prout partes sunt aut liquorem secernunt; lactis sc. in mammis, salivæ in ore, muci in intestinis naturalis &c. dum vero hæc dicimus, non ab hac sola causa defectum illum oriri semper statuimus, cum ratione materiæ varia adhuc accusanda veniant, quæ vero hujus loci non sunt.

CAPUT:

C A P U T I I I.

De Hypothesibus quibusdam nonnullorum authorum de subjecto atque causis
phenomenorum recensitorum.

1. **U**t collatio phenomenonum cum causis fieri possit in præfamine promissa, veriorque nonnullorum pateat statim, atque in sensus incurrat, necesse est, ut aliquot authorum hypotheses enumeremus. Tribus autem, cum potissimæ jam ab authoribus discussæ & excussæ sint, referre illas pagellarum angustia jubet.

2. De febribus earumque subjecto causali hypothesen tantum non innumeræ sunt; consule de his eruditissimam atque utilissimam Disput. Spectatiss. D. D. Camerarii Senior. de febribus in genere; reperies ibi quæ animum tuum ad votum satiant, meliora dici aut scribi non possunt. Egregie u. tradidit essentiam earum, & diversorum authorum sententias conciliavit, rogamus ipsius nob. excell. velit propter bonum publicum, quod hæcenus in omnibus observavit ardentissime, reliqua, quæ supersunt, superaddere, atque difficultates illas de intermissione, statarumque periodorum causis enodare, veramque tradere. Has uti in valis nunc majoribus, nunc minoribus, nunc mediis, pro speciei diversitate, ex putredine humorum oriri antiquitas veneranda statuit; ita ex recentioribus nonnulli intermittentium omnium focum angustum pariter constituerunt. Ex omnibus brevitatis studio adducemus Celeberrim. Sylvium, qui Pr. Lib. 1. p. m. 227. de febr. omnium intermittentium causam esse dixit succum pancreaticum, aliqua sui parte in uno pluribusve pancreatis ductibus lateralibus obstructis stagnantem, remora sua ibi acriorem factum, atque acrimonia ista acida per pituitam plus minusve viscidam & notatæ obstructionis causam via vi parata penetrantem ac in tenue intestinum effusum, vitiosamque ibi cum bile atque pituita effervescentiam excitantem.

3. De Tussi communissima est sententia, subjectum partemque affectam esse organa respirationi inservientia primaria & principalia, causamque immediatam organorum horum contractionem spasmodicam, magna cum vi aerem inspiratum repellentem; cum enim tussis varium sonum edat, qui ab aeris percussione partiumque quas transit varia dispositione dependeat, symptomatis hujus subjectum esse debere illas partes, quas ille ingreditur & in quibus circulatur; has autem nullas alias esse nisi laryngem, asperam arteriam ac bronchia, ergo etiam nullum aliud subjectum tussis immediatum existere posse nisi dictas partes, non autem œsophagum aut ventriculum. Continere quidem posse partes hæcæ causam mediatam proximiorē, continuoque illam ad pulmones transmittere, tussim tamen immediate non excitare; cum hujus cum respiratione haud adeo proximum intercedat commercium, ac præterea ab acrioribus succis ad singu-

singultum atque vomitum concitari saltem observetur. Ita haud inepte contra Lindanum argumentatur Juncken in praxi sua Med. Cap. de Tussi.

4. Ex eodem fundamento communis fert opinio, asthma tam humorosum quam siccum non nisi in pulmonibus fieri, cum hoc respiratio difficilis atque læsa sit, quæ non in œsophago perficiatur aut ventriculo, sed in respirationis organis.

5. Non minus recepta & ubivis comprobata est illa de raucedine sententia, quod subjectum ejus immediatum & quidem levioris sit larynx, contumacioris & gravioris aspera arteria & bronchia, cum vocis depravatio sit illa, quæ nullibi fieri possit, nisi in illis partibus, ubi alias naturalis vox formatur, aer circulatur & modificatur.

6. Catarrhorum faucium, oris, colli, ejusque partium internarum causam qui negant a cerebro defluere, illam vel in principio laryngis circa fauces, vel in aspera arteria aut bronchiis quærunt, illamque lympham esse dicunt ex partium harum glandulis extillantem, illas inundantem & irritantem; sique illa acrior fuerit, subitoque in epiglottidem inciderit, illam constringere, & alias partes inferiores asperam arteriam scilicet, si nempe eo quoque venerit, vel ex ejus glandulis effluerit, suffocare, catarrhum dictum suffocativum producere. Hi, inquam, causam hujus catarrhi unice in dictis partibus, non vero extra illas, & sic nec in œsophago statuunt.

7. In sôda ejusque causa communiter confugiunt ad exhalationes calidas, acres, ventriculi partem superiorem gulamque ferientes valde, ab esu pinguium aliorumque rerum excitatas, vel ab effervescentia humorum in ventriculum regurgitantium cum ingestis natas, vel a lymphâ acida in ventriculum effusa, vel a prava ejus concoctione, dum vel fermentum nimis calidum est, vel crudiores humores in eo permanent & acescunt, & accedente bile seu de lixivioso ebulliunt, ut conquerantur etiam die Gall sey ibnen in Magen gelossen. Hi causam unice in ventriculo exurgentem quærunt, membranas gulæ afficientem doloresque producentem.

8. Ex Ephemerid. N. C. Observ. 47. Ann. 1. quæ sectionem Hydrocephali dissecti continet & ubi notatum fuit, in capite neque de glandula pineali neque de pituitaria ullum apparuisse vestigium, nonnullis oborta fuit cogitatio, ac si pituitariæ obstructio illius causa esse nequeat, alias conspicua magis fuisset.

9. Lympha acris abundans & scorbutico, gravesque illos dolores hinc inde in corpore produciens hemicraniam, colicos, nephriticosque dolores intra membranas libere stagnare dicitur. Plura possemus adducere, quæ tamen cum e re esse dubitamus, brevitati studentes, mittemus.

C A P U T I V.

*Deducens pleraque phaenomena Cap. I. recensita ex observationibus
tandem causis suis, quaeque verior atque probabilior sit,
ostendens.*

Præmissis itaque fundamentis seu causis generalioribus visuri nunc erimus phaenomenorum rationes, quæque veræ eorum causæ sint.

Cum ingesta laudabilia augeant chylum & sanguinem juxta *Obs. I.* ejusque motus pariter affluxum liquoris secernendi in partem secrettricem præprimis, vasa autem angustiora omni quantitati vehendæ aut recipiendæ non sufficiant, nec subito distendi patiantur, imo potius in extremitatibus contrahantur, juxta *eand. Obs.*, in promptu causa est tumorum acinorum glandulorum in mammis, doloris tensivi sub axillis, vasorum sc. distentorum nimis, in quibus propter obstructionem, quæ ab aere augetur externo, sanguis pergere juxta quantitatem influxus non potest; cumque juxta *Obs. IV.* ex sanguine stagnante & inflammato statim particulæ secedant & ex, istæ in sanguinem transmittantur, quibus adhuc via patet, ratio coloris istius accensæ in toto corpore quoque facilis est, ut evanescentis tumoris; soluta obstructione aut subtracta & diminuta materiæ quantitate.

Uti res confecta est & absoluta, effervescentiæ febrilis causam esse fermentum quoddam heterogeneum, & ex *Obs. IV.* patet, illud non nisi ex obstructis glandulis nasci posse, apparet febrium putridarum, continuarum, ardentium, catarrhalium, erysipelatum, febrium intermittendum, quæcunque demum sint, sive simplices, duplices, triplices aut magis compositæ, focum & sedem esse glandulas obstructas.

Constat etiam ex *Obs. IV.* & testatur experientia quotidiana non solum pro diversitate febrium, sed & ægrorum accessum febrilem secundum varia symptomata sentiri in variis partibus corporis nostri, h. e. primum frigus exoriri nunc circa scapulas; nunc in ventriculo, intestinis, nunc in ambitu corporis, nunc in pectore, aut antecedere cardialgias, anxietates, tormina ventris, tussis, asthmata &c. quæ omnia sane diversum locum indicant, a quo febres istæ ordiuntur. Si autem unica semper & constans febrium intermittendum sedes atque focus esset, etiam circa istum locum semper prima symptomata sentiri deberent, quod autem experientiæ reclamatione; concludendum itaque est febrium dictarum intermittendum subjectum aut focum non esse unum idemque, sed omnes glandulas totius corporis nostri, non simul tamen, sed nunc has in hac specie, nunc alias in alia; atque itaque clariss. Sylvio subscribi non posse: omnes intermittentes oriri ex ductus pancreatici obstructione; alias omnium

omnium febrium primordia circa eundem locum deberent sentiri, quod tamen non est.

Ut in febribus intermittentibus non unum idemque semper peccat subjectum; ita nec in continuis illud concipiendum est aut quærendum. Hinc facile patet, cur in synocha putrida præter horrorem in pedibus sentiantur contractiones, dolores ulcerosi, qui diu sæpe continuantur, tumorque, & impotentia motus seu rigiditas circa collum & caput; alii econtra conquerantur de cardialgia, inquietudinibus, aliis exoriantur aphthæ, aliis exurgant tumores particulares (non critici,) qui post mortem evadunt lividi, & cur in febribus intermittibus symptomata quæ in §. 7. recensita fuerunt, adeo varient.

Nec mirari opus est inflammari glandulas sinus frontalis, maxillaris, aurium, narium, axillarium, inguinalium, prostaticarum, ut & aliarum externarum omnium, quia vi *Obs. IV.* glandulæ totius corporis obstruuntur & obstrui possunt, & varietas invasionum, quod nunc hæ inflammantur, nunc alix præ aliis, a partis dispositione causarumque magis in hanc ac aliam irruentium conditione dependeat: pariter quoque non mirandum est, cur dolor in inflammationibus aurium, glandularum frontalis, ut & maxillar. intensior sit ac aliarum partium, quia juxta *Obs. IV.* omnes dolores acutiores sunt, qui in glandulis in expansis membranis existentibus oriuntur, & incendium in totum corpus abierit, ob particulas & eas in sanguinem raptas juxta *eand. Obs. IV.* spiritusque ferociore redditos.

Cum porro ex *Obs. II.* fluidorum quorumvis, cum primum viscida evaserunt, motus non solum tardior sit, sed & subsistant, sensim parietibus adhaerentia; aucta autem illa in vasculis non solum obturent ea, sed & partem elevent, succosque copiosiores in interstitia cogant, apparet facile, quomodo glandula pituitaria obstruatur atque hydrocephalus fiat, parotides & strumæ generentur, uvula longior evadat, hepar adeo intumescat cum mesenterii glandulis in rachitide, præpr. cum 2dum *Obs. eand.* istæ stagnationes atque obstructiones pertinaciores sint accedente acido, quod hic summum erat; totum corpus aqua tumeat in anasarca & bubones in inguinibus exsurgant in equitationibus, cum per motum materia copiosior eo pellatur, quam reveli potest, vasaque etiam aliquomodo comprimantur.

Quomodo obstruantur glandulæ meatus auditorii, jam satis constat; cur autem in febribus malignis earumque sine ut plurimum id fiat hucque materia trudatur præ aliis, causa generalis petenda est ex *Obs. IV.* ex peculiari scil. quadam a causis n. n. passione, ut & ipsarum glandularum dispositione; quod vero reliquæ in corpore glandulæ in ista secretionem penitus liberæ sint nihilque particularum istarum a sanguine secretarum recipiant, valde dubito, quod vero ideo non asseritur, cum illas non videamus, nec earum affectiones distinguere possimus. Surditatis autem

subsecutæ eadem est ratio, per obstructionem enim illam glandulæ valde intumescunt undiquaque in meatu illo; hæc licet exiguæ, multæ tamen sint, ita ut tumidæ totum meatum claudant, quod facile concipi potest, si narium glandulas minores quidem illis toto die aerem excludere experimur; excluso autem sufficienti aere, auditus difficultas fieri debet.

Oculi difficulter moventur, quod glandulæ eorum lachrymales dictæ, obstructæ sint, & hinc parum liquoris excernant, qui ad lubricationem eorum & mobilitatem necessarius est; dumque lymphæ illa stagnat vasa vicina secundum obs. IV. pariter distenduntur, ut nec sanguis superflues nec lymphæ debite revehi possint, vasa inde vicina dilatentur, crassiores humores effundantur, humoribusque oculorum misceantur, qui visum turbare necessario debent.

Quomodo hydrops ascites ob glandulas mesenterii obstructas generetur, probat obs. IV. quod vasa lymphatica rumpi debeant, obstructis eorum in dictis glandulis extremitatibus fluxuque ulteriori negato.

Quod autem talis glandularum miliarium in abdomine tumorem sequi soleat, facile judicatur; scilicet cum harum tumor ex materia viscida & quidem universali in toto peccante natus fuerit, idem quoque in mesenterio peccabit, & ascites modo jam dicto fiet, quod aliquoties observavit excell. Dn. Præses, ubi alia symptomata ex eadem tamen causa fluentia quidem, adjuncta fuerunt, ut in muliere quadam asthma, in alia tympanites.

Difficilius autem videtur reddi posse causam, qui globuli isti molles, albicantes, mobiles in artubus apparentes vel podagram (quod quidem experientia docuit) prædicant, vel luem Æeam, cum nullum dolorem inferant, reliquumque corpus purum nitidumque sit. Tumoris origo una eademque quidem est, ac reliquorum; causa acidæ & viscidæ, quæ obs. I. accusata fuit, & hic peccat; quod autem artus præ aliis prehendantur, qui etiam reliquis symptomatibus vel podagricis vel Æeis exponuntur præ aliis, subjectamque dolorum constituent, forsitan hæc erit, quam mihi concepi: præter id, quod partes hæc etiam præ aliis variis aeris injuriis obnoxie sint, accedit, sanguinis succorumque motum debiliorem esse in partibus remotioribus a corde, ac in illis, quæ proximiores sunt; hinc impulsum etiam aliquo modo infirmiore in venas & glandulas usque penetrantem esse & hinc liqtores viscidos acidos, vel lympham talem, quæ alias tarda est ob qualitates dictas impressas, in motu majorem moram necesse & ad majorem obstructionem ansam præbere ad generandos tumores hos, globulos ac dolores.

Nascitur asthma ex tumefactis œsophagi glandulis, pulmonibus salvis, dolorque gravativus in pectore secundum ejus ductum, ad latera etiam vergens, quod canalus ejus non solum quoad exteriora, sed etiam interiora reddatur angustior, membranæ communes, quibus cohererent inter se invicem contrahantur, bronchia secundum partem aliquam & aspera arte-

ria

ria comprimantur & constringantur, ut sufficienter pro respiratione plena dilatari nequeant, simulque ponderis sensum faciant. Videtur quidem tantam compressionem & constrictionem, quæ aeris ingressum sufficientem impediat, a canalus hujus constrictione & coarctatione venire non posse, cum parvus sit, ita ut nisi corpus illud constringens fortius quasi in asperam arteriam agat ac in gulam, respirationem inde difficilem non reddi; a bolo inhaerente & subsistente in gula argumentari non licere. Quod vero tumor ille glandularum dictarum aptus sit compressionem inferre asperæ arteriæ & bronchiorum, mox patebit. Nemo negabit contractionem œsophagi ab acidis & fructibus immaturis sæpissime cohibere spiritum; nihil dicam de liquoribus acidioribus idem efficientibus, aut catarrhis gulæ, de quibus mox agetur quoque, qui tamen manifeste aerem interceptiunt. Si igitur angustia & coarctatio gulæ seu œsophagi ab acidis respirationem impedit, idem faciet illa, quæ a tumoribus nata est; angustia enim hoc loco illud produxit, quæ si inducitur, alter effectus quoque infertur; cum ab angustia enim qua angustia ille ortus sit. Dices forsitan nervi pulmonum in consensum trahuntur percepto eodem acore: at ille, de quo nobis sermo est, tantæ efficacitæ non est, ut eo usque penetraret, in ponticis illud non negabimus. Si vero nec his fidem quis adhibere velit, curationi celeriori longe, cujus mentionem fecimus, illam non negare poterit. Denique subjectum hujusque symptomatis œsophagum esse non dicimus, sed causale proximius potius, cum respiratio nullibi, nisi in pulmonibus fiat.

Porro cum œsophagus ob intumescuntiam glandularum suarum sensum claudatur, facile concipitur, cibos amplius deglutiri non posse; antequam vero illud contingat, aliquid demitti sensum aut diminui juxta diminutum spatium; fieri hoc potest etiam ob paralytin, in casu vero nostro obstructionem potius fuisse a glandulis, ac nervorum resolutionem exinde colligimus 1. aut paralyti affectus fuit ramus stomachicus, aut inde egressi ramuli: si totus ramus, omnis deglutitio subito periisset, quod observatur in canibus, si scilicet ille abscinditur; si aliqui solum ramusculi, non in toto ductu cessaret deglutitio, sed in certo spatio difficultas solum oriretur. 2. Imo si ramuli quidam fuissent obstructi, compensaretur illud per alios, uti in vasis sanguineis fieri solet, quod in abscissione nervi recurrentis observant anatomici, si vocem auferre volunt canibus; nisi enim ramos & superiores & inferiores utriusque lateris abscindant, non omnem dement.

Absurdum haud absque ratione videri potest *raucedinis* subjectum dicere *œsophagum*, pariter ac *asthmatis*, & aliquoties *ventriculum tussis*, uti *Lindanius* voluit, sed cadet forsitan hoc dubium, si mentem nostram explicaverimus. 1. Nemo negabit aerem esse in ventriculo. 2. Irritationis & titillationis sensum ægri ipsi ostendunt in ventriculo, ita ut semper illa sonitum præcedat. 3. Mane & noctu tussis semper gravior est. 5. So-

D 3

nitus

ritus ex profundo emergit, als wenn es aus einem hohlen Hafen gienge, hinc etiam conatus excreationis sapissime frustraneus est, ita ut diu sese fatigent, donec aliquid ejiciant. 6. Respiratio liberior est tum. 7. Fortem multumque aerem inspirant aegri, repetitis vicibus, absque tussi, quod si malum in pulmonibus esset, uti observ. testantur, fieri non posset. Cum itaque a causa acrida, vasa vellicetur ventriculus & quidem aliter ac in vomitu & singultu fieri solet, quod vero explicare non cuivis contingit, interim tamen certum est, quod aliud sit acidum, quod absque dolore trahatur solum, ut in convulsionibus, aliud quod misere vellicet, aliud quod depascatur absque dolore. Ita & hic ventriculus vellicari potest, certo modo & concuti, ut loco ciborum solum quatiat aerem & ejiciat, indeque sonus excitetur, qui ab illo, qui ex pulmonibus egreditur, distinguitur: sic pariter in *raucedine* subjectum irritationis est *esophagus*, quod exinde colligitur, quod ex cibis & potu deglutitis dolorem sentiant, & excessu in potu vini austeritas contrahatur; dum itaque ibi irritatio quædam fit, paucus ille aer quoque excutitur, quod absque sonitu non contingit; facta autem illa irritatione non negamus insimul irritari asperam arteriam, uti in tussi.

Unde *gravitas capitis* oriatur, naribus siccis, facile judicatu est; ad est tum obstructio glandularum narium, distenduntur vasa a sanguine etiam fervidiori reddito; constat autem ex *Observ. II.* diffundi malum & stagnationem sæpe in totam viciniam ob vasa sanguinea communia inter se invicem, ab internis ad externa, & ab his ad interna; a distentis itaque vasis sanguineis narium, & reliqui rami coherentes cum his pariter distenduntur, dolorque gravativus nascitur. *Obtusio* fit, quia ista distensio etiam ad interna cerebri penetrat vi dictæ *Obs. II.* vasis itaque sanguineis cerebri distentis, fibræ nervæ comprimuntur, nec spiritus in cerebro rite moventur, nec extra illud; inde *obtusio*, lassitudo.

Et cum *dolores diuturni* præsupponant pro subjecto glandulas, materiam incuneatam, quæ vix moveri potest, promoveri & excerni per *Obs. IV.* non dubitamus, sed asserimus potius, ut plurimum *hemiplegias* sedere in glandulis & quidem *sinuum capitis*, cum diu sæpe adhibeamus omnis generis medicamenta absque ullo levamine, quod sane non fieret, si intra cutem & cranium hæreret causa, alias fere impossibile esset, quod non cederet & moveretur, per applicata varia externa & interna diu continuata, ut & vesicatoria &c. Nec obstat id, quod dolor non in istis locis sentiatur, ut nulli sinus sunt, sed nunc totum dimidium latus doleat, nunc pars superior lateralis. Constat autem 1. ex *Obs. II.* obstructionem unius districtus exigui licet extendi & sentiri in tota vicinia. 2. Ut plur. fere semper dolorem incipere ibi, ubi tales existant sinus. 3. Cessare & in remotioribus capitis partibus facta solutione in sinibus. 4. Observavit *Excell. Dn. præses* attractionem aquarum de *cell. in nares* copiosissimas defluxiones in fauces frigidissimas instar glaciei,

dei, (quod indicium erat fuisse acidos humores, qui stagnarunt doloresque capitis excitantur, utpote qui juxta *Obs. IV.* frigidi, sunt talemque sensum faciunt) continuatarum aliquandiu jussu suo secutas fuisse, doloresque solutos non solum in fronte, sed totius lateris sinistri capitis, quod ante doluit. Meminit *Excell. Dn. Præses Celeberr. istum Practicum Oswaldum* multoties in *hemiplegiis* felicissime suasisse attractionem in nares solius aquæ fontanæ, quod & *Galli* observant.

Quod autem valet de *hemiplegiis*, illud & locum habebit in doloribus *hypochondriacorum*, *histericarum*, *securbuticorum*, ut & in *colica spasmodica*, *ardoris sensu* & *inflammationis in abdomine* & *hypochondriis*, ratione sedis glandulosæ, quam dicimus esse *glandulas mesenterii* omnium modo recensitorum symptomatum, nullumque locum in abdomine toto esse, in quo omnia illa generari & a quo istæ partes in consensum trahi, & cui sententiæ omnes effectus ac phænomena tam apte & congrue accommodari possint, & exinde deduci, nisi has ipsas glandulas. Ponamus enim hære in cavitate intestinorum aut intra horum tunicas, quomodo quæso explicabis tot symptomata, globulos in ventre, retractiones umbilici, faciem ictericam, ischuriam, stranguriam, vagos in abdominis musculis dolores & artubus, quod nunc umbilicus retrahatur, nunc stupor femoris aut dolor ejus oriatur, aut inde contabescat totum corpus? Quomodo materia inquam ista vel in cavo intestinorum vel abdominis intra tunicas intestinorum existens & collecta ista producat? Dices per consensum membranarum & nervearum fibrarum fieri: verum qui fit, quod in dysenteria, ubi excoriata sunt intestina, doloresque acutissimi dicta hæc symptomata non nascantur, ubi tamen ille consensus fieri deberet? Si vero has glandulas assumimus facile & felicissime omnia expedire possumus: his adsunt plexus nervei, imo illis intertextæ sunt; ex his egrediuntur fibræ & ramuli ad intestina, quibus contractis & illæ contrahuntur, ocluduntur, ut excrementa retineantur; hæc communicant cum hepaticis & biliaris, unde obstructio ductus cholechochi, facies icterica, coeunt cum ramis intercostalibus & spinalibus, inferuntur musculis abdominis, testiculis, vesicæ *Mæris*, pedibus: irritato itaque uno ramo majori, subito trahuntur omnes, aut nunc pars præ alia, prout ex hoc plexu fibrilla quædam egrediens fortius ac alia trahitur. Ex harum loco intelligimus pariter facile, ubi sedeat dolor ille, quem aegri multos sæpe annos constanter sentiunt in osse sacro, lumbis & opposita regione umbilicali, aut tribus hisce regionibus simul, cum vagis contractionibus in abdominis musculis ad femur usque extensis, & unde sensus ardoris hujus & ignis in regione hypochondriorum & epigastrica sit & ubi lateat.

Cum itaque ex glandularum mesenterii obstructionibus pro materiæ conditione contractiones atque lancinationes tot tantarumque partium fiant; idem in aliis partibus fieri posse credimus, concipimusque *palpitatione*.

tationem stomachi esse a contractionem quadam fibrillarum nervearum ejus ab irritatione particularum acidarum & acrium in glandulis stomachi stagnantium facta, qua percepta fibrillae istae contrahuntur, contractae autem vasa sanguinea, quae copiosissima in ventriculo sunt, constringuntur, (illis enim fibrae istae pariter insertae sunt) ut sanguis momentum temporis subsistat, a tergo sequens vero eum propellat, propulsus autem arterias magis dilatat, ut pulsant fortius, pariter ac aorta pulsant, si a contracto cordis ventriculo sinistro sanguis propellitur. Commota autem certa portione ventriculi, commoventur & membranae adhaerentes, & cartilago ensiformis, uti costae totius sinistri lateris a commotione cordis & aortae. Levis ista arteriarum quarundam ventriculi commotio videtur quidem non sufficere ad commotionem istius cartilaginis; verum si aliarum rerum libere pendentium commotiones fortes ex levissimi objecti motu, in vicinia tamen excitato, factas perpendimus, & hanc concedere possumus. Fateor equidem fibrarum musculosarum contractionem, ut in spasmodis saepe sunt istiusmodi pulsus in carnibus, me hunc deduxisse primo, verum cum hi tremuli valde sint, & celeres admodum, illi vero magis sanguinis pulsui similes, adductae priori rationi, quam tamen nemini obtrudere volo, adscribere placuit. *Hypochondriacis* istiusmodi *pulsationes* & *palpitationes* familiares admodum sunt, oppositis autem *Glibus* & absorbentibus cedunt. In *abdomine* quoque observantur diuturnae.

Siquae particulae sanguinis in glandulis aciores & acidiores reddita juxta *Obs. II.* fibras carnosas & osseas scindunt & dirumpunt instar acidorum extrinsecus applicatorum, abscessus & ulcera producant, & secundum *Obs. IV.* istiusmodi particulae in sanguinem redeunt & pro sua indole agunt, rodendo, abradendo, scindendo, rumpendo, ratio facillimis mirumque non est, quod glandulae oesophagi, ventriculi & intestinorum exulcerentur, phthisis partiumque contrahescentia inducatur, & cur acidum seu carnes & ossa adeo depascat.

Si obstructis vasorum secretoriorum orificiis, vel compressis spatium nullum est recipiendi aliquid juxta *Obs. IV.* facile cognoscitur, cur obstructis glandulis, vasculis salivalibus os exsiccet aut reliquae actiones in §. 5. deficient, de quibus plura verba, cum notissima sint, facere nolumus.

Ob eandem rationem sunt quoque *contabescencia* & *atrophia*, ob deficientem sc. secretionem succi nutritii, quae causa quid rarior est, frequentius autem fit, quod juxta *Obs. IV.* ab acidis & acrioribus constringantur orificia in *hectica*, huc *Fea*, *rachitide*, quo minus sufficienter excerni succus possit, vel secundum *Obs. IV.* gluten abradatur.

CAPUT V.

Continens curationem symptomatum in I. Capite enumeratorum.

Licet omnia recensita symptomata ex obstructione, angustia & strictura glandularum nata sint, cum vero materia non una eademque sit, indicationes quoque variant, nec una eademque indicata valent in quibusvis. Adest obstructio, inflammatio, tumores frigidi, rosio, laniginatio, contractio, punctura, exulceratio: peccat materia calida, *Fea*, frigida, viscida, crassa, acida, acris, salina. Motus nunc tardior, nunc celerior est. Respectus habendus est vel ad totum vel ad partem: sanguis & humores vel celerius moventur vel tardius: peccant illi vel quantitate, vel qualitate, eaque varia, spiritus vel sunt exaltatissimi, vel suppressi. Ratione partium, illae distenduntur, obruuntur, ac tument; vel sanguine calido, tenui, vel crasso lymphae crassa viscida, acida & acris: vel contrahuntur nimium, vel dolent multum aut parum. Brevibus autem absque ulla verborum ambage comprehendemus omnia, tum ratione totius, tum ratione partium, quae semper aliquid peculiare indicant, tum ratione materiae: motus celerior est refragandus, tardior accelerandus: sanguis & humores crassi tam evacuandi, quam corrigendi, attenuandi, incidendi, resolvendi; acidi acres destruendi, demulcendi, diluendi quae ordine nunc, non solum ratione totius, quoad singula symptomata, sed & ratione partis, quae etiam peculiarem indicationem facit, illustrabimus. Ad haec omnia nobis inserviunt fons *chirurgicus*, *pharmaceuticus* & *dieteticus*.

Primus nobis exhibet *V. S.*, *vesicatoria*, *paracenthesin*, *apertionem* etiam tumorum ante coctionem, ut & in maturatione.

Febres intermittentes, ubi sanguinis copia & motus celerior, *phrenitis*, *lethargus*, *pleuritis*, *peripneumonia*, *inflammationes glandularum*, *sinuum frontalis*, *maxillaris*, & *prostatici*, siue a repellentibus, siue aliis producta, indicant *V. S.*, nisi in nonnullis malignitas contra indicet; depleto enim sanguine fluxus non solum ad partem tumidam imminuitur, verum & aliqua symptomata ab hac copia & motu dependentia tolluntur, imo reliqua medicamenta etiam facilius effectum suum nanciscuntur: dolores, qui in affectionibus *hypochondriacis*, *hystericis*, *colica spasmodica*, *scorbuto*, *hemicrania* urgentissimi saepe sunt, diminuuntur vesicatoriis, quibus quidem parum materiae evacuatur, spiritus autem avocantur, ut non in tanta copia & furore ad partem affectam confluant, sicque dolor minor fiat, imo etiam contractio aliquando cesset, quae ob spirituum animalium influxum impetuosum pertinax est. Si humores quidam collecti stagnant in cavitate & vel serosi in abdomine, illi educendi sunt per *paracenthesin*, *Disput. Medico-Pract. Tom. VI.* E aut

aut si alius tumor pestiferus, *bubo* aperiendus, vel si venereus est & metus retrogredi materiam, vesicatoriis aut incisionibus apertio maturanda est.

Ex Fonte Pharmaceutico petuntur *evacuantia* & *alterantia*: illa movent vel *sursum* vel *deorsum* nomine *purgantium*, & *vomitoriorum* venientia. Locum habent *vomitoria* in febribus intermittens, si scil. focus vel in ventriculo, intestinis, pancreate, vel mesenterio hæret. In *continuis* ubi pariter saburra in primis viis est, & in principio statim id fieri potest, etiam conveniunt. In *affectione hypochondriaca*, *scorbutica* nisi acor summus prohibeat, maxime etiam laudantur & felicissime operantur. Nec in *colica spasmodica* negligenda sunt, ubi scil. compertum fuerit a bile acidâ viscida potius natum fuisse, ac acri & motis spiritibus. *Purgantia* conveniunt, ubi humores, visceri, crassi, crudi & vel in primis viis vel in toto sanguine peccant, sive lymphâ cruda simplex, sive acidâ simplex, sive acidâ ramosis illis particulis obvoluta, felicius autem operantur, si cum aromaticis, incidentibus maritantur, qualia sunt H. marrub. majoran. fœnic. menth. origan. chamædr. chamæpyt. FL. lavend. stœchad. arab. rorismar. falv. rad. angel. helen. polypod. bryon. ireos fl. sem. fœnic. anis. cartham. cinam. Mac. N. M. purgantia his jungenda sunt agar. albiss. vel trochisc. fol. senn. Rad. Bryon. polypod. helleb. n. Gum. Ammon. Trochisc. alhand. Magister G. G. resin. jalapp. l. leviora pill. de succin. ꝑ. d. Mass. pil. de Hier. c. agaric. In febribus intermittens ubi purgantia locum habent, tanta pompa opus non est, sufficiunt simpliciora. *Continuæ* vero febres hæc omnia respuunt, nisi in principio, antequam æger decubuerit, adhibeantur, ubi sæpius egregie juvant & varia symptomata remonent. *Tumores* autem *inflammatorios* non juvant, imo sæpe exacerbant potius. Conveniunt etiam in *Hydrocephalo*, *surditate critica*, *gravedine capitis*, *strumis*, *parotidibus*, *frequentiori uvula delapsu*, *hydrope facto* & *fiente*. (ubi quidem cautela opus est) ut & lue ꝑea, aut mitioribus ejus gradibus, *hemisrania*. *Affect. hypochondr. hyster. scorbut.* ea non semper ferunt, nisi mitiora sunt, ut & reliquæ *actiones lesæ* in IV. Phœnom.

Evacuantia excipiunt *alterantia*, quæ varia sunt pro varietate particularum prædominantium. *Lymphæ viscidæ*, *sanguini crudo* opponuntur *aromatica* omnia supra dicta; quibus addimus sudorifera ex decoctis ligni: aliaque mox seqq.

Ubi bilis peccat, conveniunt acidâ; ut spir. nitr. dulc. vitriol. Nitro-varia. succi granat. citr. berb. rib. &c. quibus addi possunt opiata.

Acorem corrigentia varia sunt, uti ipsorum *acidorum* ingens est prosapia, acidis specificis opponenda sunt specifica antacida. Communit. illa solent infringi per *alcaliâ tam fixa, quam volatilia*. Fixa decantata sunt: Oc. 69, mater perl. margarit. Creta, lap. hæmatit. boli, C. C. ust. unicorn. foss. succin. ꝑ alia &c. inter *volatilia* veniunt aromatica illa, ligna

gna varia, ~ ofa, quæ sal volat. abundant, aqu. cinam. cochlear. fœnic. menth. sal succin. vol. C. C. vol. viperar. vol. ꝑ alia; ut sal vol. ꝑ s. Sylvii, & omni ꝑ a destilata. Elæosacch. cinam. anis. fœnic. aneth. In febribus intermittens com munit laudantur aqu. febrif. Myns. specif. febrif. Croll. præprimis autem cortex peruv. jungi his solent alia, Oc. 69. ꝑ Diaph. & sal absynth.

In *continuis* præ aliis in usu sunt pulv. Alexipharm. D. D. Camer. pannon. 1. Mixtur. simpl. Elect. Dialcord. confect. de hyacinth. Bezoard. miner. C. C. Ebur. Diaph. ꝑ tial. &c.

In Catarrhis est succinum & omnia ex eo parata.

In lue ꝑ ea præter ligna ejus spiritus & essentias, specifica sunt ꝑ alia.

In *affectione hypochondr.* unice deprædicantur ꝑ alia.

In *contractionibus spasmodicis* cinnabarina sunt.

2. Acidâ obtundunt pinguia & ꝑ sa specifica itidem.

In *pleuritide* est ꝑ lini, in *tussi* sperma ceti, eleosacch. anis. fœnic. hyssop. in *dysenteria* ꝑ olivar. in *affect. hypochondr. hyster. colicis*, *contractionibus castor.* in *ardore*, *inflammat. sensu*, *atrophia gelatinæ*, pin. pistac. oryz. femin. varia.

3. Acidâ temperant, & diluunt, *aquosa*, quod præstat vel simpl. aqua, vel herbis alterata, decoct. chin. hord. quo pertinent potus Thee, Caffée, Acidulæ, & externe, thermæ.

In *globulis* illis *artium mollium* felicissimum experiuntur decoct. chinæ. scorbutici, colici, & qui *hemisrania* & *soda* laborant, juscula alterata; *Hypochondriacorum* unicum solatium sunt acidulæ, ut & illorum, qui *ardorem* in *hypochondriis* sentiunt. Thermæ nostræ Zellenfes mirum quantum præstant juxta acidulas in istis doloribus diuturnis circa regionem lumbarem, *hypogastricam*, cum *tabe corporis* in sequiore sexu obviis.

4. Tandem acidâ corrigunt opiata & *papaveracea*.

Quoad partes in specie in tumoribus inflammatoriis vel nihil agendum, vel acidum infrigentia exhibenda, ut spir. Vin. lumbr. terr. minium, cerussa, Lythargyr & herb. aromat. In frigidioribus discutientia, emollientia conveniunt, ubi camphora non omittenda. Plura cum addere non liceat, specialiora, ut & diætæ ex practicis hauriantur.



CXCII.

J. VALENTINI CHUDEN,

D E

METHODO PRÆSERVANDI

ET CURANDI

ATROPHIAM INFANTUM.

Göttingæ 31 Decemb. 1756.

P R O O E M I U M.

E Diderat venerandus Pater meus 1724 schediasma, quo methodum novam praeservandi & curandi atrophiam infantum, quique eam nonnunquam insequi solet, morbum Anglicanum, proposuit, viro summo b. Steigerthalio, Archiatro Regio, nuncupatum. Id scriptum Cl. Boeli in dissertatione sua inaugurali, praeside Ill. Alberti Hale 1729 habita, impugnavit. Movit me adversus optimum Parentem pietas, ut cum specimen inaugurale edendum esset, id ejus potissimum defensionem destinarem, eamque ob rem commentarioli ejus, vel magnae saltem illius partis, denuo edendi, atque notis, quae vindiciarum loco essent, illustrandi, consilium caperem. Neque vitio mihi verti posse putavi, quod eam rationem in specimine inaugurali exhibendo secutus sim, maxime cum exemplum non dissimilis instituti in dissertatione inaugurali D. Schlotterbeckii exstet, quae 1729, praeside Ill. Elia Camerario Tubingae habita est, atque historiam Abbatis de Saint Pierre, diario Trevolensi insertam, de mortuo, qui amicis suis apparuerit, medicis illustratam notis, exhibet.

§. I.

Quemadmodum omnes evacuationes & excretiones, quas provida natura in corpore nostro instituit, hunc in finem præ primis suscipiuntur, ut quicquid molestum, insensum, nocivum corpori esse possit, maturius ejiciatur & expellatur: ita excretio illa cutanea, quæ sub nomine transpirationis insensibilis apud Auctores reperitur, merito in hunc censum venire debet, quippe hujus ope omnes illæ sordes ac inquinamenta, quæ sanguinem foedare & ad plurimos morbos ansam dare possunt, quotidie, & fere per singula momenta leniter, blande & moderate, per hiantes cutis poros eliminantur, sicque corpus nostrum hac ratione a multis incommodis præservatur.

§. II.

Igitur facile ex pathologicis abundeque perspectum esse debet, quanta incommoda ex hac transpiratione impedita aut suppressa ortum trahere possint, & licet *Sanctorii* opinionem, quam in *medicina statica* asserit, tantum materiæ per inconspicua cutis spiracula in una die evacuari, quantum per alvum in quindecim, pro infallibili & perfecta non declaremus: tamen hoc cum toto medicorum choro affirmare non dubitamus, plures morbos ab impedita transpiratione, quam ab omnibus aliis evacuationibus suppressis, oriri posse. Præsto sunt exempla non tantum in adultis, ubi prohibitionem transpirationis (a), aliquando solam, quantum patebat, aliquando cum aliis conjunctam causis manifestis, asthmata, tussis, coryzæ, graves pleuritides, alique morbi secuti fuerunt: sed & de corporibus infantilibus notum est, ab horrido aëre, & subita refrigeratione, febres catarrhales, crustas lacteas, achores & multa alia incommoda, sua capere primordia. Imo de variolis & aliis febribus exanthematicis, de scabie, de articularibus morbis, præsertim rheumatismo, aliisque plurimis constat, quam male sibi consulant, qui aut corpus frigidiori aëri tum exponunt, aut alia ratione liberam exhalationem miasmaturum præpediunt.

§. III.

(a) Discrimina transpirationis ab exhalatione illa inorganica, quæ omnibus communis corporibus est, vulgoque cum altera illa confunditur, primus notavit Præceptor meus longe honoratissimus *Ill. Hallerus Prælect. Boerhaav. Vol. III. P. 514.*

§. III.

Quæ cum ita sint, & veritate practica nitantur, merito in id summo studio est incumbendum, ut transpiratio illa in utero materno apud embryonem, gestationis tempore prohibita, simulac infans in lucem publicam emittitur, statim quantum possibile, libera reddatur & promoveatur. Infantem enim in utero neque respirare, neque transpirare ex hac ratione potissimum credimus, cum aëris usu, quamdiu in ergastulo suo latet, non gaudeat, & cum absque aëre nihil possit egredi e corpore, nec in illud intrare, imo neque respiratio neque transpiratio sine aëre fieri possit, utique embryonem in domicilio suo aëris usura carere, necessum erit ut fidem adhibeamus. Validissimum vero argumentum quod impedit, quo minus credamus, embryonem in utero transpirare, dabit glutinositas illa viscida (b), qua tenellum infantis in publicum ex utero emissum corpusculum, semper, sæpius vero, quasi glutine obductum est, ut obstetricibus multum negotii faciat, ad sordes illas abstergendas. Hæc ipsa visciditas corpori quasi agglutinata, simul causa erit, transpirationem in embryone (c) nullatenus succedere posse. Equidem non ignoramus *Rodericum a Sallro* in tractatu de natura mulierum, & post eum *Drelincurtium*, in illa opinione esse, quod liquor ille clarus in amnio contentus sit ipse fudor, & ex transpirationis negotio proveniat. Sed cum argumenta eorum ab aliis, inprimis a *Cel. Bergero* in *physiologia* p. 478, sint destructa: potius statuimus, transpirationis actionem in embryone præpediri.

§. IV.

Interim ex hacce cohibita transpiratione illud provenit incommodum, quod omnes illæ impuritates toto gestationis tempore collectæ, & ex massa sanguinea in poris cutis segregatæ, ibidem subsistant, adeoque nisi statim post partum eliminentur, causam præbeant primariam illius affectus, qui apud auctores atrophia, macies, *das Abnehmen der Kinder*, vocari solet. Etenim, quamvis infans in corpore materno, liquore ali-

(b) An mucus ille, quo omne corpus foetus modo nati oblitum deprehenditur, inde a prima ejus origine, an ultimis demum mensibus, adesse soleat, nondum plane expeditum, quod sciam, est. In embryonis sex circiter hebdomadam corpore, vix mucæ alicujus vestigia, in quadrimestri jam longe plus deprehensum vel nuper fuisse, audire a præceptoribus memini.

(c) Inde de illo tempore, quo corpusculum jam absolutius transpirationi aptum esse potest, ut facile patet, intelligendus est parens optimus.

Disput. Medico-Pract. Tom. VI.

F

mentoso puro & optimo nutriatur, ut proinde secretionem partium inutilium excernendarum non opus esse videatur; attamen lympham illam nutritivam non adeo subactam aut percolatam esse, ut nullæ impuritates ex hac segregandæ sint, ex (d) meconio, urina, & per consequens, ex foribus in poris cutis hærentibus, abunde perspicere potest: hinc ob puritatem huius humoris alibilis, hæc differentia solummodo, aderit, quod infans hac ratione non opus habeat omni die excernere, sed facili negotio ab omnibus illis excretionibus ad tempus egressionis ex utero vagare possit.

§. V.

Simul ac itaque infans ex utero in publicam lucem ejectus est, ac circum ambientis aeris usura frui incipit, non tantum ab aëre mox affluente, & per os & nares ingruente, otiosi hæcenus pulmones explicantur, & respirationis actio incipit: sed & omnes cæteræ secretiones & excretiones per cutem, per alvum, per urinam, per nares, & porro, sua capiunt primordia ac initia, imo ipse sanguinis circulus aliter, quam apud embryonem in utero, procedit. Ubi vero circa transpirationis negotium notandum, quo pauciores illæ sunt impuritates, quæ ex cohibita transpiratione (e) in utero collectæ sunt, eo melius & transpirationem postea succedere, & sæpius sola ope respirationis, quippe quæ duæ actiones transpiratio & respiratio aliquam inter se analogiam habere videntur, has sordes ejici posse: quo major vero copia impuritatum adest,

(d) Qui fœtum in utero transpiratione sine detrimento carere asserunt, argumento potissimum utuntur, ab humoribus, nutritioni destinatis, in matris jam corpore puritatem suam adeptis. Sed hæc ipsa recrementorum genera, meconium potissimum & urina, satis, nisi fallor, commonstrant, esse in illis humoribus aliquid excrementitii, inque nutritionem denuo non impendendi. Quicumque sint liquoris amnii fontes, negari saltem non potest, in communi isto matris fœtusque humorum circulo, esse huic aliquid cum matris humoribus commercii: si potissima est per arterias umbilicales nutritio, unde ab illo purissimo succo per has delato, in animalium quorundam embryonibus fabricæ vitio sine rictu natis, quorum exempla affert *Hallerus Prælect. Boerb. Vol. V. P. II. p. 357*, meconium intestinis contentum oriri potuit? Si per cutem aliquid nutrimenti sorbetur, concesseritque ob mucum supra memoratum id fieri posse, disceptatio ad liquorem amnii redit. Nolim uti argumentis a morbis matris hæreditariis, aliisque sub ipsa gestatione supervenientibus, cum alia ante sint excutienda ad hoc argumentum non pertinentia.

(e) Cohibitam perspirationem non solum nocere quantitate retenti humoris, qui exterminandus per illas vias erat, sed etiam qualitate ejus, quod foras amittendum fuerat, & particulas, quæ perspirant, ad alcalini oleosi volatilium naturam evectas videri, usque de caulibus contingere, ut retentæ adeo noceant, neque abstinencia a cibo noxas repercussæ respirationis sanare possit, licet corpus ad solitum pondus redeat; præclare monet *Hallerus L. C. T. III. p. 591*. Unde cum paulo ante proba-

& quo viscosus illud ipsum excrementum in poris cutis hæret, eo minor erit actio illa transpirationis corpori adeo necessaria, ut proinde ab hoc solo impedimento infantes nutritionis augmentum capere non possint, sed pedetentim paulatim ad atrophiam seu maciem disponantur.

§. VI.

Hic autem est ille morbus, omnibus regionibus frequens ac familiaris, ubi sæpius admirari satis non possumus infantes nuperrime natos, quippe quorum corpora non tantum deformata, sed & fere omni carne privata adeo flaccida sæpe cernimus, ut ossa vix musculis tegantur, unde vulgus in ratione reddenda ad ridiculas fabulas, a sagis incolisque subterraneis, quidni etiam a faunis-satyrisque petitas, dilabitur. At potius hæc ipsa atrophia seu macies infantum consistit in corporis emaciatione & frustrata nutritione, quæ originem trahit ex particulis viscidis, mucidis, in poris cutis, ob suppressam transpirationem in utero; secundo vero, ab obstructione ductuum & osculorum lacteorum, nec non infarctu glandularum mesaraicarum; sequentibus vero signis sese manifestare solet. Infantes ejusmodi, quorum corporis pori tali modo obstructi sunt, fere semper cutis quandam asperitatem in dorso, femoribus & pedibus habent, macilentissimi sunt, atque ex materno aut nutricum lacte nullum percipiunt nutrimentum, insuper clamore fere perpetuo dolorem, ex torminibus ventris ortum, produnt, somnus adest parvus, & interruptus

probatum sit, liquores fœtus nutritios habere aliquid excrementitii, idque ullis indubitatis ex principiis nequeat negari: facile patet, transpirationis in utero secundum naturam cohibite, esse omnino noxas, simulac nato infanti ejus libertas non conciliatur. Nam & secundum naturam in utero, rarissimis exceptis de evacuato meconio exemplis, neque mingit neque alvum exonerat receptissima sententia, & tamen vesicæ alviq; a partu expediendorum inter primas cura esse debet. Quodsi etiam concesserim, id quod cohibetur, perspiratione nondum procedente ob insigne ab adulto nutrimenti discrimen, non ejusdem haberi posse indolis, pravitatique, cujus est in homine nato: sufficere tamen, qualitatis a nutriendi facultate alienæ, adeoque excrementitium id esse. Cujus autem indolis sit, ex ipsis infantilibus nutrimentis, corruptelam naturæ suæ debitam secutis, si vires vitæ mutandis illis non sufficiant, colligi potest. Cum enim maximam inde ab edito infante partem alimoniam constituat lac muliebri, frequenti carniæ esu a lacte vegetabili animalium domesticorum plurimum discriminis habens, deinde pulmenta acescentia, inque glutinosum spontaneum degenerantia, viresque vitæ frequens & crebra nimis ingestio facile vincat, eademque deinde succumbant saburræ ex saburrâ natæ; conficitur inde, id quod corpore a partu non satis transpirabili reddito, intus retinetur, accedere potissimum ad indolem glutinosi & acidi spontanei; neque tamen alcali spontaneum prorsus abesse: istaque per particulas viscidas & mucidas intelligenda. Atque hinc simul elucescit, quæ ratione cum suppressa perspiratione nutritionis vitia conjuncta sint, hujusque tum immunitio, tum depravatio, & quicquid malorum tum intra primæ ætatis ambitum, tum in ipso sanguinis circulo, tum in secretionibus enascitur, sequi soleant.

ruptus, alvi fluxus viridis, particulis caseosis mixtus, urget; inflatio & elevatio adest hypochondriorum, corpus pallet, tandem pectus & abdomen paulatim solent inæqualiter protuberare, & duritiem aliqualem concipere, præ primis quando accedit consumptio partium carnosarum & summa flacciditas, ubi tunc brachia & pedes simul decrescunt, nec infantes pedibus inniti possunt; ultimo vero, quando cura diu protrahitur, ipsa macies in febrem hecticam & mortem terminari solet.

§. VII.

Jam dispendiendæ erunt causæ, ex quibus hic morbus ortum suum trahit; ubi in §. antecedenti duas allegavimus, nempe primo obstructionem pororum cutaneorum ex transpirationis defectu, secundo vero infarctum & occlusionem glandularum mesaraicarum, idque certe non sine ratione. Cum enim transpiratione suppressa, quicquid hic impuratum evacuari debuit, necessario, negato ibi transitu & exitu familiari, in alia corporis loca deferatur: ita certe plus ibi damni affert, quam postea, quantum libet libera porta, reparari queat, hinc apud infantes, quorum corporis pori jam tum in utero materno spissitudine excrementitia repleti sunt, quando aeris usura utuntur, & lacte materno nutriuntur, ob defectum transpirationis, serum illud impurum excernendum in aliis locis corporis stagnat, ibidemque multa affert incommoda, & ad hoc malum procurandum maximam dat ansam. Obstructis enim poris cutaneis (ut verbis Wedelii ex pathologia p. 506 desuntis) visceri humores colliguntur intra cutem & carnem, ibique impediunt transpirationem fuliginum, unde non solum calor suffocatur, sed etiam alimentum inficitur, quæ causa est affectus illius infantum, quem vocant crinones. Quapropter firmissime credimus, illam ipsam suppressam transpirationem non tantum primariam causam hujus affectus esse, sed & alteram, nempe obstructionem glandularum mesenterii, ex hac fluere, nimirum serum illud retentum inquinat & alterat alimentum infantis, idque in spissitudinem & muciditatem convertit, ut chylus hac ratione non recte separari, nec per glandulas mesenterii transfluere possit, unde hæ glandulæ a tali viscido alimento eo magis occluduntur & totum tenelluli corpus sufficiente nutritione defraudatur, privatur, tandemque plenissime consumitur.

§. VIII.

Cæterum, quando hæc duas causas pro fundamento hujus morbi posuimus, nullatenus alias causas occasionales, ad hunc affectum disponentes, excludimus. Optime enim novimus, quanta incommoda oriuntur ex nimia voracitate infantum, ex pane ciliato, ex potu nocturno & aliis esculentis & faculentis, quæ infantibus obtruduntur & conceduntur,

quæque

quæque concoctionem & assumptorum resolutionem multum impediunt, & ex quibus causis primariam originem atrophie Dni. Wratislaviensis, in historia morborum p. 22. deduxerunt; sed cum noster sermo non sit, de macie illa, quæ post ablactationem infantibus accidit, qui ante hanc carnosissimi & optimæ constitutionis fuerunt, & de qua Cl. Ludovicus in Miscell. Nat. Curios. Dec. I. Anni III. p. 453. conqueritur, quod ibi sit familiaris, & quod tales ablactati instar sceleti lenta atrophia consumantur; potius nos jam in eo occupati sumus, ut illas causas enodemus, quare infantes statim primis mensibus post partum nullum incrementum capiant, sed contra marcescant, has causas occasionales alias multum nostrum affectum promoventes, jam non attingimus,

I X.

Non occupati etiam erimus in causa supranaturali eruenda, nempe an atrophia infantilis fascinationi & incantamento sit adscribenda, nec ne, cum hæc opinio multis tenebris adhuc sit involuta, & quanquam Schenckius in peculiari dissertatione maciem puerorum ex fascino ortam tractaverit, illamque ut plurimum a sagis induci credat, imo ipse Wedelius de morbis infantum & alibi duas species atrophie a vulgo laudatas, recenscat, alteram a fascino, alteram a comedonibus, cum illo tamen potius credimus hanc speciem a fascino ortam esse rarissimam, hancque hypothese vulgi opinioni receptæ esse adscribendam, medicumque etiam in hoc ultra vulgus sapere debere

§. X.

Illud autem disquirendum utique venit, quid de crinonibus seu comedonibus sit sentiendum, quippe qui in poris cutis hærentes, ad vermium genus ab omnibus fere auctoribus referuntur, & quibus vermiculis atrophie causa primaria adscribitur. Joh. Langius in epist. p. 174 jam apud veteres tale genus vermium notum fuisse refert. Timæus vero p. 259, Ettmullerus in operibus p. 1212 & 1717, Doleus in Encyclopædia p. 482, Ammannus in parænesi p. 150, Bierling in thesaur. p. 485, Nenterus in fundam. Tom. I. p. 956, Zwingerus in theatro; p. 341, Franc. Low. ab Ersfeld in Medic. pract. p. 379. & plures alii, quos recensere superfedemus, quando de crinonibus & comedonibus verba faciunt, unanimi consensu illos pro vermiculis habent. Imo Cl. Ettmullerus in operibus figuram eorum per microscopium detectam satis accurate exhibuit, quando illos nominat vermiculos, seu animalcula viva, coloris subcinericii, cornibus seu potius antennis binis longe prominentibus instructos, oculis rotundis, crassiusculis cum cauda oblonga, in fine villosa, uno verbo, aspectu satis horridos. Verum enim vero, quamquam e-

go ipse plus quam centies hos ipsos crinones tum nudis oculis, tum etiam per microscopium contemplatus sum, & præprimis per hoc formam seu figuram mirabilem observaverim, attamen multa experientia & rationibus convictus hisce Illustribus viris symbolum addere prohibeor, potius firmissime credo, hos ipsos crinones & comedones ex cute profectos nihil aliud esse, quam excrementum viscosum, lentum, (f) in poris cutis tempore gestationis in utero, & quidem a cohibita transpiratione congestum, & postea in publico aëre ulterius condensatum, omnibus infantibus neonatis familiare, stagnatione sua ansam præbens, ut infantes omni fero nutritione defraudentur.

§. XI.

Equidem non negavero, in statu præternaturali, & ubi corpus adest plane

(f) Crinones a subtilitate, comedones a subrepti consumptique alimenti opinione dictas, magna pars antiquitatis ad vermium genus retulit. *Etmullerus* deinde, antequam opera ejus prodissent, quæ posthuma sunt, in *Actis Erudit.* 1682. p. 316. figuram, tanquam animalculorum a se primo visam, descripsit. Si consulueris tot historias repertorum in omnibus prope corporis partibus vermium; iis etiam, quorum non dispari difficultate delata ovula credibile est; & addideris, quæ speciatim de dracunculis, post *Leonide fragmentum* apud *Ætium*, *Tetrabibl.* 4. serm. 2. c. 85. & grecos item alios, *Aquarium*, *Method. med.* L. 4. c. 16 & *Aeginetam de re medica*, L. 9. 59. Arabes literis consignata reliquerunt, quamquam incerti, esset ne animal, an potius lenta materies: quæ deinde *Georgius Cuiusius*, raro de dracunculis commentariolo, demumque *Wesselius*, eleganti illo de vena Medinensi libro, & *Kempferus* in *Amanitatibus exoticis* de dracunculis ad littora sinus Persici endemicis, hic quidem suapte observatione, ne de *Andryo* & *Clerico* dicam, complexi sunt: non dubitare quidem licebit, subcutaneos dari vermes posse; sed an ideo hi crinones sint vermes, minime quidem consequitur. Nam he de ancipiti motu extracti ejusmodi e cutaneo poro sili, inque tepidam aquam coniecti, deque aliis id genus argumentis fallaciæ opportunis agam: id cuius evidens est, dracunculum illum alia plane symptomata excitasse; aliumque mali decursum esse consuevisse, atque ab istis comedonibus solet. Nam quæ veteres de dracunculo memorant, præclare confirmantur experientia, conspectuque ipsius *Kempferi*, quo teste potissimum constat, his, qui Ettore sinus Persici incolunt, maxime quidem erbra, rarius dorsum, rarissime alias corporis partes eo vitio sic infestari, ut simulac circa cutem delata, aut exclusa bestiola confederit, hausto ovulo, ut *Kempfero* placet, ex aqua eisternarum stagnante, qua incolæ non possunt non uti, explicatura sese per cellulosam tunicam, & proximorum musculorum interstitia: statim tuberculum inflammatorium, furunculi instar, non sine gravi dolore ac febre oboriatur, eoque non pari semper facilitate ad suppurationem perducto, apertoque, animal protinus eminere, tumque ulcus fovendo, id agendum esse, ut lente blandeque, attracta singulis diebus portiuncula, ligneo cylindro circumvolvenda, omne tandem vermis corpus educatur; abruptum vero gravissima symptomata consequi. At nihil simile comedones infantiles habent: unde valde probabile est, animalia non esse, saltem multitudine sua non minus inflammationum & abscessuum, quam quæ majorem dracunculi unius molem comitantur, productura; si quid argumentum analogicum valeat.

plane cocochymicum, ex hac ipsa excrementitia, viscida materia, in putredinem redacta vermiculos generari posse, verum ex illa observatione quæ reperta in *Miscell. Nat. curios. Dec. I. Ann. VI & VII p. 8* & ubi ex pueri corpulculo post assumtam theriacam, minutissimos vermiculos albos egressos esse, recensetur, existentia horum vermiculorum non erit probanda, quid quod & mellis inunctio, cujus ope *Dn. D. Fischer* in *Samlungen von Natur-und Kunst-Geschichten, und zwar im 4ten Versuch*, vermiculos allestos esse credit, eorum præsentiam demonstrare non poterit, cum egressus viscidæ materiæ ex cutis poris non dulgedini mellis, sed potius ejus mucilagini & balneo tepido, sit adscribendum.

§. XII.

Ex quibus omnibus hæc veritates practicæ aperte fluunt. Atrophia seu anacies infantum est morbus, primario dependens a cohibita in utero insensibili transpiratione, & collecta inde in poris cutis materia mucido viscida, quæ quo diutius ibidem stagnat, eo magis tenellulum corpus destruere, & ad obstructions glandularum & infimi ventris cruditates coacervandas apta est, secundo vero ortum trahens a glandularum mesenterii occlusionem. (g) Omnes infantes, quotquot eorum nascuntur, ha-

(g) Hæc est potissimum libelli paterni pars illa, quæ asserenda, & a *Cl. Adversarii* objectionibus vindicanda mihi erit. Ipse quidem *Experientissimi* illius *Viri* orationem ex dissertatione memorata. p. 22. §. 12. huc transfero. *Causam obstructionem pororum cutaneorum esse putat Cl. Dn. D. Chuden in scripto cui titulus, methodus nova præservandi & curandi atrophiam, seu maciem infantum, dum scilicet transpiratio non possit fieri in utero materno, multa impuritates in sanguinis massa colligerentur, quæ nutrimentum bonum acrimonia sua conspurcarent, hocque modo impediretur, quo minus corpus tenellum incrementum capere possit. Licet non negare audeam, quod a transpiratione præhibita multi morbi infantiles sua trahant incunabula, multique viscidæ atque acres colligantur humores, qui etiam interdum obstructionem mesenterii causari possunt, imprimis quando vitium in dieta commissum accedit, attamen non possim cum hocce *Viro Doctissimo* obstructionem pororum cutaneorum pro causa immediata sive proxima Atrophie, uti ille venditat, habere, sed saltem pro causa remota, quæ occasionem suppeditat, ut obstructio in mesenterio fieri possit, & si hæc adest, tum primo oritur Atrophia. Si enim verum esset assertum *Dn. D. Chuden*, sequeretur, ut omnes infantes, quotquot hanc aspicerent lucem, deberent, nisi sæpius essent loti, accipere atrophiam, quod vero contra omnem quotidianam experientiam. Scribit enim *vir Cl. in scripto cit. §. 12.* quod omnes infantes, quotquot nascerentur, habeant obstructos cutis poros tali materia, quæ vocatur crinones, obfessor.*

II.

Ac primo quidem dicere liceat, *Cl. Adversarium*, nisi prorsus fallor, id agere, ut ita intelligat parentis verba, ac ad conflictum instituendum illi commedum est. Pa-

habent obstructos cutis poros tali materia, hac solummodo cum differentia, quod quo purior materia alibilis in utero a matre ipsis exhibita, eo minor erit ejusmodi collectio, & contra, quo impurius alimentum, eo major coacervatio sordium in poris.

Hæ viscidæ impuritates non sunt vermes crinones vel comedones dicti,

Parentem ait venditare pororum obstructionem cutaneorum pro causa immediata sive proxima Atrophie: quæ hujus sententia minime omnium est. Primario quippe dependere atrophiam ab illa pororum obstructione, quam simul ex utero attulerit infans, non tempestive soluta & expedita, statuit: secundario a glandularum mesenterii infarctu. At inter causam primariam, & immediatam sive proximam, quibus vocibus nullibi utitur ven. Parens, plurimum interest. Ne enim obsoletas illas de causa continente sive proxima controversias resequam; in confesso id hodie plerisque est, causam proximam non differre a morbo ipso, neque seorsim existere, ut antecedentes & procatacticas, quæ adesse aliquando possunt, nondum præsentem morbum: sed sola cogitatione, tanquam communia a singularibus, seungi hanc causam proximam, morbi essentiam expimentem, ut sit aliquis ultimus finis, quem in curatione respicere per tot intermedios possumus, cum amoliri causam proximam raro statim liceat, nisi aditu per causarum antecedentium obstacula, & procatacticarum sequelas non sine multo labore præmunto, quæ quidem utæque causæ curationem ad sese primo convertere solent.

III.

Antecedentium verò & procatacticarum causarum ut aliæ primariæ, & vicissim sibi junctæ vel pedis quæ, esse queunt: ita facile patet. Vener. Parentem, cum atrophiam primario pendere ab illa pororum cutaneorum obstructione statuit, loqui de causa antecedente & procatactica primaria. Nam obstructio illa ad antecedentes, & neglectus ejus solvendæ expediendæque, ad vitia sex rerum non naturalium, adeoque ad causas procatacticas, quæ illis fere continentur classibus, pertinet. Utque generatim antecedentes causæ, si hæreditarios traduces exceperis, sunt fere si quæ procatacticarum diu afficientium: ita ex ipsis Cl. Adversarii verbis mecum conventurum opinor, sanguine per ea retenta vitio, quæ excerni debebant: succedere vitia humorum in primis viis ingesta solventium & immutantium, & hinc imminutam horum viscerum vim: adeoque ingesta abire in varia cruda liquamina, potissimum glutinosa, quæ tum ad ipsa lacteorum oscula, tum si quid his receptam est, in lacteorum canalibus, & glandularum vagarum angustioribus, inertis quiete & difficulter excutienda, hærent.

IV.

Quæ si ita se habent, ex ipsis autem a Cl. Viro p. 23. §. 12. concessis loquor, merito causam primariam dixerim, cui maxima est, & prima citissimaque nocendi opportunitas. Quid autem potest hic citius afficere, quam spiracula cutis, mucos liquoris amni facta, non tempestive expediti, qui exhalante humidior parte in lentorem tenacissimum non secus verti, firmiterque hæere potest, atque observationes docent, lac repulsum longo tempore post, in canalibus lactiferis inventum fuisse caseosum, tenax, flavum atque impactum? Loquitur præterea ven. Parens, ut perspicue §. 8. præmonet, non de omnibus & singulis atrophie cujuscunque causis

ti, & improprie *Mitteffer* vocantur, neque ullo modo ad seminium animatum referendum, cum experientia quotidiana contrarium edoceat.

Hinc in cura tum præservatoria, tum curatoria unicum atque præcipuum remedium est, ut sordes istæ in poris cutis hærentes removeantur & extirpentur, motusque transpirationis prohibitus liber ac idoneus restituitur, deinde ut infarctus glandularum ductuumque lacteorum ac tubulorum chyli ferorum quantocyus tollatur, chyloque alibi liber transitus concedatur.

sis antecedentibus & procatacticis, sed de illis potissimum, quæ statim primis a partu mensibus frequenter nocere, contrahique solent. Quarum quidem primarias esse, obstructionem pororum, & corpus non transpirabile redditum, vel inde patet, quod altera pro connata haberi possit, & inde ab exitu ex utero omnium maxime infestare soleat, reliquis nondum eandem afficiendi facultatem nactis. Ita intermissam meconii evacuationem, causam primariam inde productæ epilepsie, inde inquam, productæ, nullis præsentibus aliis causis, vulgo, & merito dicimus illius causam primariam, non bene proximam, quæ cum morbo ita conjuncta est, ut eo perspecto, ipsa perspecta sit, nihilque aliud est, quam essentia morbi ex comparatione phenomenon cum fabrica effectuum partium eruta. Quantillum autem interest, cum Cl. Viro concedere, ut ipsa ejus verba docent: *Obstructionem pororum cutaneorum suppeditare occasionem, ut obstructio in mesenterio fieri possit, & si hæc affuerit, tum primo oriri atrophiam*: vicissim autem cum Ven. Parente asserere, interceptam transpirationis libertatem in primariis causis esse; secundariam atrophie hujus primis mensibus infestæ, a mesenterii obstructione petendam.

V.

Objicit deinde clarissimus vir, si verum esset ven. Parentis assertum, sequi deberet, ipsa ejus hæc verba sunt, ut omnes infantes quotquot hanc, aspicerent lucem, deberent nisi sapius loti essent, accipere atrophiam, quod vero contra omnem quotidianam experientiam sit. Sed venia mihi esto, dubitandi, quomodo huic Cl. Viri sententiæ cum illa conveniat, quam p. 40 §. 23 expressit. *Observasse sedulo ait, D. D. Chuden, infantes, qui sapius post partum lavantur, non tam facile non modo in hunc verum, etiam in alios cutaneos morbos incurrere, quam alios, in quibus hoc sit, intermissum. Quod cum rationi & experientia respondeat, auctorem se esse & suasorem, ut balnea iteratis vicibus primo mense post partum adhibeantur. Modum applicandi & cautela satis bene tradita esse.* Si igitur quod largitur Cl. Vir, infantes sæpius loti minus sunt in atrophiam proclives: quid hoc est aliud, quam balneis imminui illam ex atrophie causis, cui, cum cervici velut imminet, prima sit nocendi opportunitas, id est, causam primariam? Et si hoc ipsum rationi experientiaque respondet, quod paulo ante contra omnem quotidianam esse experientiam Viro Cl. placebat, infantes quippe balneis tutiores præstari, quid restare mihi potest officii, quam gratias clarissimo Viro persolvendi, quod cogitatis posterioribus priora *estorata* gravatus non fuerit.

VI.

Neque vero concesserim, infantibus non sæpius lotis, ut concludit Cl. Vir, de affutura atrophia certo timendum fore, quod omnibus obstructi inde a partu cutis pori sint. Nam ne dicam, eandem causam procatacticam, immo eandem antecedentem & internam, multis sæpe esse communem, & paucos tamen afficere; ut, si nonnullis saltem locus exemplis est, grassata pleuritis minime omnes adoritur, & elementa calculi omnes nobiscum circumferimus: tum facile patet, disci-

Quod si nunc secundum hæc indicantia tum præservatoria, tum curatoria methodus institui debeat, merito de cura præservandi hanc maciem infantum initium facimus, ubi certe benevolus lector a nobis non expectet aliquod præpollens & eximium medicamentum noviter detectum vel inventum, quorum copia in novellis publicis ad nauseam usque plenis buccis deprædicatur, sed potius audiat, nos ad hunc scopum obtinendum & obtentum simplicissimam methodum adhibuisse. Est & fuit ille repetitus balneorum usus, præprimis tempore puerperii, tertia, quarta, sexta hebdomade post partum. Hic benevolus lector, quando usus balneorum commendatur, jure succensere posset, quod pro novo quid balnea suaserim, cum id jam antea ab omnibus auctoribus factum: verum ex sequentibus patefiet, nostram adhibitam methodum ab aliorum modo multum differre, adeoque omni jure novam appellari posse. Nimirum *Doleus*, *Ettmullerus*, *Nenterius* & alii multi suadent quidem balnea ex aqua dulci, cui parum mellis additum, putantque hac ratione vermiculos, comedones, dulcedine correptos, per poros cutis capite prominere & egredi, atque deinde vel cultro extrahi, vel novacula aut crusta panis abradi posse; verum, an finem optatum semper obtinuerint, adhuc esset disquirendum. Illud certum, quod hæc balnea nunquam præservationis sed curationis gratia, nunquam primis septimanis post partum, & quidem indistincte apud omnes infantes, sed atrophia jam præfente, commendaverint. Non dicam jam de periculo, quod infantibus, se se parum moventibus, ex cultro vel novacula, inferri possit, imo aliqui auctores videntur hunc modum curandi atrophiam, non tanquam ex propria praxi desumptum suavisse, sed quod feliciter *Ettmullerum* & *Doleum* secuti fuerint. Nos vero cum sub initium praxeos in nostra hypo-

thesi crimina corporum, quæ præcepta medica ubivis circumscribunt, & hic esse, quæ efficiant, ne eadem omnibus fors infantibus esse possit. Deinde pervulgatum est, omnes, quoque nascuntur infantes, balneo de more excipi, eamque legem inter primas tuendæ recens natorum valetudinis esse: quodsi vero atrophia sequatur nihilominus primis statim mensibus; inter potissimas causas, male curatam corpusculi munditiem, cutisque clausa sordibus spiracula, deprehendi. Frequentius quippe balnea mensibus primis negligi, ut ab illo veterum more parum consulto discessimus, quam alios in victu reliquo errores committi, videmus, ad quos audaciores sunt matres confirmato jam nonnihil corpusculo. Unde *Glissonius* rhachitidem nunquam hæreditariam, connatam nunquam, sed semper adventitiam, a sexto inde mense observatam, testatur. Cumque demum effectus, quod aiunt, causam arguat, & Vén. Parenti suapte experientia constiterit, de præclaro ad hunc morbum primis mensibus abortum, frictionum inter balnea effectu, cum ultimorum aucta oscillatione vasorum, humorum motus augeatur, attenuetur, & mobile reddatur, reductionique per lateralibus vascula aptissimum, quod iners hæsitabat: quidni prona via patebat in illam sententiam, primariam causam, id est, cui primaria & citior esset opportunitas nocendi, in illa non expedita pororum cutis obstructione esse collocandam?

thesi a *Cl. Rolsincio* in consult. p. 195. & *Wedelio* in disput. de atrophia p. 30, & aliis confirmaremur, originem horum comedonum esse prohibitam transpirationem, non vero vermes: omnem intendimus cogitationem, quo statim ab initio, priusquam materia in poris cutis hærens indurata fuit, omni modo, quantum possibile, hanc transpirationis actionem promoveremus. Secuti etiam sumus *Cl. Du. Christoph. Joh. Langium* in operibus part. III. pag. 613. quando ait: Quapropter balnea imponitur infans, fricatque tunc balneatrix manu sua artus, ventrem, & sic omnem viscidam materiam adherentem detergit, & hæc sordium remotio absolute est necessaria, quippe sine qua insensibilis illa, ad vitæ salutatem adeo necessaria transpiratio, succedere nequit, estque hæc lorio sub forma balnei tuta & omni periculo carens.

§. XIV.

Methodus vero nostra, qua per dei gratiam semper cum maximo comodo usi sumus, sequens fuit. Nempe post primam lotionem post partum necessariam, & ubique locorum receptam, apud omnes infantes; iterum tertia vel quarta septimana post balneum adhibetur, & quidem hoc modo. Paratur balneum ex herbis nervinis & emollientibus verbi gratia, melissa, chamomilla aa miiij & rosmarino Mj. Aqua virtute harum herbarum imprægnata tepido calida vasi ligneo, longo, excavato, concavo infunditur, tunc obstetrix pedetentim dimittit in hoc balneum infantem nudum, & provide sinistra illum tenens manu, ita ut caput ab altera persona simul suffulciatur, manu dextra hac aqua tepido calida optime totum lavat infantis corpusculum, præprimis in dorso, femoribus, brachiis, circa regionem scapulæ, etiam in facie & temporibus: hoc facto ad manus stat orbis, farina triticea tenuissima repletus, in hanc palmam manus dextræ intingit, & hac farina in rotunditate totum dorsum & nominatas regiones optime fricat, iterum palma manus abluit, denuo tali modo farina fricat, idque tam diu, usque dum hi comedones dicti sub forma setarum crassiorum, instar vermiculorum alborum ex poris cuti prodeant. Ubi notandum aquam non nimis calidam, neque etiam frigidam esse debere: quando enim nimis calida est, infantem lædit, & quando nimis frigida, pori cutis non aperiuntur: deinde notandum, frictionem non in longitudine & digitis, sed palma & in rotunditate esse instituentdam, cum enim pori corporis rotundi, etiam in rotunditate fieri debet frictio, alias comprimuntur pori nec comedones, seu sordes istæ mucedine, prodeunt: porro semper adhibenda est farina triticea finissima ad poros emolliendos & vias patulas reddendas, pura aqua enim aut melle, veluti nimis unctuofo, pori non semper aperiuntur. Hic mos balneis utendi bis, ter, quater, pro necessitate, est repetendus, quavis septimana, quando enim sub primo balneo hi sic dicti comedones non prodeunt,

deunt, sub secunda certe lotionē in maxima copia, & quidem in femoribus, musculis humeri, dorso, scapula, etiam in musculis temporum, sese præsentant; in tertio balneo cum frictione copia eorum longe minor est, (b) in quarto nil amplius cernitur, & hoc est signum, omnem illam viscidam materiam hac ratione ex poris cutis esse protrusam, adeoque liberum actum transpirationis redditum esse. Sæpius tamen accidit, tenellum corpus hisce comedonibus adeo cumulatum esse, ut tres, quatuor lotiones non sufficiant, hinc de debilis fiat infans, brevi spatium balneum est absolvendum, & contra eo sæpius reiterandum. Post perfectum balneum infans involvitur mappulæ manuali, eise seise servietæ, optime calefactæ, & quidem circum circa totum corpus, leniterque hæc mappula corpori apprimitur; ubi sordes istæ viscosæ huic mappulæ adherent, & hinc non opus est novacula, vel crusta panis uti, nec refert, an sordium aliquid in cute hærescat, cum exarescat, sponte decidant. Hoc facto mammæ porriguntur infanti, de novo induitur & cunis imponitur, ubi statim somnus placidus illum obrepat.

§. X V.

Usum horum balneorum, tali modo apud infantes adhibitorum, non satis certe collaudare possum. Quando enim infantes post partum semper inquieti fuerunt, ita, ut nec gestati, nec in cunis moti quieverint; mirum quantum post balneum primum & secundum quieti redduntur; ad somnum componuntur & placide dormiunt. Ope horum balneorum præservantur ab achoribus, tinea, & aliis cutis defædationibus, transpiratione quippe restituta, serum illud scorbuticum coacervatum insensibiliter defluit. Maximum vero commodum ex his balneis proveniens est, quod nutrimentum & augmentum corporis ex hac causa impeditum, egregie reparatur, & infantes visibiliter cum *εὐεξία* pinguescunt, adeoque a macie & atrophia præserventur. Interim notandum adhuc venit, nos simul cum balneis primis septimanis usurpatis ad cruditates primarum viarum acido viscidas simul eliminandas, dedisse pulveris jalap. gr. j. ij. cum pulvere epilept: March. gr. iij, & sic totum lactationis tempus, infantes, nisi nutrix in erroribus diætæ peccaverit, aut ejus lac in qualitate vitiosum fuerit, quiete sine clamoribus transegerunt. Hinc non immerito miramur, cum restante *Cl. Wedelio in libro de morbis infantum p. 19.* jam olim continuatio balneorum in usu fuerit, quod nunc eorum usus fere obsoletus sit,

(b) Perspicuum inde est, nihil hic latere fallaciæ causarum, inde forsan pendæ, quod infantes farina exfricentur. Nam objicere posses, eductum spiraculis cutis lentæ illius & ductilis sorditiei proventum deberi farinæ humectata ante cute, affricatæ: sed cum certum sit a tertio cum frictione balneo illum minui, a quarto plane abesse; tuto inde efficitur, fila ista fuisse gluten, quod pridem in canaliculis cutaneis hæserat.

& apud infantes ea non adhibeantur, cum certe tutus eorum usus omni periculo caret. Nos sane pro certo affirmamus, remedium esse optimum, præservativum, universale, & praxi quotidiana confirmatum. Ut ex multis centenis exemplis unicum saltem luci demus: cum ante annum & quod excurrit, medicinam facerem apud generosissimam quandam familiam in Ducatu Luneburgico vicino, infans neo-natus, alias optime constitutus, nisi quod inquietus fuerit, tertia septimana post partum, more nostro balneo impositus est, adstiterunt generosissimi parentes, adfuerunt generosissimi vicini, interque hos aliquot increduli, sed propriis oculis turmam comedonum ex poris cutis hac methodo prosectorum viderunt, tertia septimana post reiteratum fuit balneum, & processerunt comedones in minori copia. In reliquis balneis ne vestigium comedonum adfuit. Hic infans postea, Deo sit laus, per totum annum & quod excurrit, nil incommodi fere sensit, ut certe hoc tempore omnes, qui illum adspexerunt, & habitum corporis optime constitutum, torosum, obesum, sanum consideraverunt, in admirationem conjecti fuerint. Simili ratione hoc anno institutum fuit balneum ante tres menses apud alterum puerulum neo-natum, ubi dentis & abactis sic dictis comedonibus, infans optime nutritus fuit.

§. X V I.

Quemadmodum autem in applicatione horum balneorum facile ab improvidis peccari potest, ita horum gratia aliquot cautelæ erunt apponendæ. Balneum igitur non prius est in usum vocandum, nisi de umbilico optime exsiccatō certi simus, non adhibendum in oppletionē pectoris infantum catarrhali cum febricula præsentē, sed differendum. Cave, ne balneum sit nimis calidum, neque nimis frigidum, id quod prudens obstetrix facile discernere poterit. Non opus est, ut infans usque ad collum in balneo maneat, sufficit justa & optima ablutio ad poros cutis referandos. Non ultra semiquadrantem horæ hoc balneum duret, quo celerior operatio fieri poterit, eo melior. Omnis aer frigidus quovis modo arceatur. Mappula manualis ad abstergendum adhibenda probe sit calefacta, ut & indusium induendum. Hæ cautelæ si probe observentur, nunquam infans ex balneis detrimentum, sed potius summum usum capiet.

§. X V I I.

Accedimus ad alteram methodum maciei curatoriam. Hæc locum habet, quando ipsa atrophia ex neglectu balneorum adhibendorum jam præsens est, & radices egit, scilicet, quando una cum pororum cutis obstructione fere plenaria, adest quoque glandularum infimi ventris & tubulorum lacteorum infarctus, ita ut chyli resolutio non recte fieri possit,

& transitus in sanguinem impediatur, & de qua causa elegans observatio reperitur in *Ephemeridibus Nat. Curios. Cent. V. & VI. p. 205*. In hac macie sane infantes omni spoliantur nutrimento, & vires inde adeo debiles sunt, ut nec manus attollere nec pedibus inniti possint, proinde si auxilium differatur, accedente febre lenta consumuntur. Ibi præter reperta balnea ad poros cutis referandos etiam necessario interna sunt adhibenda medicamenta, & faciunt hic omnia ea, quæ visciditati acidæ ex infimo ventre educendæ, obstructioni glandularum tollendæ, concoctioni ventriculi juvandæ & distributioni chyli promovendæ apta sunt, uno verbo, aperientia, laxantia, temperantia, corrigentia & roborantia. Præ ceteris laudanda est, Tinctura vitrioli martis tartarifata *Ludovici* cum interpolatis laxantibus, hæc tinctura est medicamentum summum nobile, & revera polychrestum. Ex multis aliis innumeris exemplis operæ pretium erit unicum hic asserere. Nempe ante duos annos, cum generosissima quædam familia in Ducatu Magdeburgico meo uteretur consilio; egoque ipse hanc domum inviserem, oblatus mihi est infans pauper 4 annorum adeo macilentus & atrophia consumptus, ut cutis vix ossibus hæreret. In femoribus enim & brachiis fere nulla conspiciebatur caro, abdomen erat tensum, pectus elevatum, facies longa, caput non erectum, sed pendulum, suasi cum balneorum repetitione ex herbis optimis paratorum, usum sequentem 4 pulverum omni septimana unum, sumendum, scilicet pulveris jalap. gr. VI, mercurii dulcis gr. ii, diagyrid. Crem. tartar. aa gr j, simulque dedi tincturam vitrioli martis tartarifatam *Lud*: unciam semis, Eff: trif. fibr. Drachm. ii, macis Drachm. I, omni die bis ad 20 guttas sumendam, unaque prædixi, fore ut a primo balneo comedones non sint prodituri, adeoque continuandum balneum, id quod eventus etiam ita docuit, cum post sex menses iterum ad generosissimam domum vocarer, offerebatur mihi idem infans plane mutatus, obesus, sanus, optimus, & mater, non satis edicere potuit, quanta copia comedonum in secundo, præ primis vero in tertio & quarto balneo fuerit eliminata. Possem plura ejusmodi exempla asserere, sed hisce lectorem detinere non opus esse existimo, sufficit, & unumquemque experientia docebit, usum balneorum secundum nostram methodum tum præservandi tum curandi sine in atrophia esse optimum.

§. XVIII.

Supereft ut de illa ipsa macie, qua post ablactationem infantes nihilominus aliquando corripiuntur, licet primis septimanis ope balneorum viscida lymphæ in poris latitans fuerit abacta, pauca dicamus. Hæc atrophia, cum sæpiissime puras occasionales causas pro fundamento habeat, impossibile est, ut methodo nostra infantes ab illa præcaveri possint. Scimus enim, & unicuique cognitum est, quanta copia nutrices, cibos

du.

duros, acidos, spissos, impastantes, crassos, pultaceos, panem recentem & sic porro infantibus obtrudant, ut necessario inde resolutio ciborum consequi non possit, sed potius chylo & reliquis humoribus incrassatis, glandulæ, organa colatoria hinc infarciri debeant, accedit commune illud malum, nempe potus nocturni in maxima copia infantibus concessi, ex qua causa quantum detrimenti pusiones capiant, ubivis notum. Quid, quod sæpius febres, obstructio lienis, hepatis ulcera, aliæque causæ anam præbeant huic malo, ubi per se clarum est, balneis applicatis hancce maciem nequitiam præservari potuisse. Interim in cura hujus mali, quæ sæpius difficillima est, quod infantes medicamentorum internorum usum reformident, balnea una cum aliis optimum præstant effectum.

§. XIX.

Quamvis nunc, uti paragrapho antecedente diximus, præservatio hujus mali in tali casu, locum non habeat tamen præsentiore nobis effectum in illo morbo, Anglis endemio & rachitis dicto, promittimus. Cum enim secundum plurimos auctores hic affectus cum atrophia eximiam affinitatem habeat, & sese prodatur non tantum cum deformitate articulorum, sed etiam cum qualicunque corporis successiva contabescencia, imo testante *Dolaæo* infantes in Anglia a sexto mense suæ ætatis ad finem usque secundi anni illo morbo infestentur, adeoque probabile, & illam ipsam transpirationis prohibitam actionem pro causa quoque adduci posse: nihil impedit, quo minus credamus, methodum nostram, qua omnibus infantibus, primis mensibus post partum balnea adhibemus, & hujus ope transpirationis negotium promovemus, insigne quoque huic morbo præservativum fore. In nostris oris hoc genus morbi rarum quid est, & *Dolaæus* in *Encycl. bigis* infantum tempore præxeos, tantum medicinam fecisse, testatur, *Lentilius tamen* in *Jatromnem. p. 101* plures rachiticos Suevia ostendi affirmat. Quod si ab aliis methodus nostra in usum vocabitur, dies docebit, qualis effectus inde sit sperandus.

§. XX.

Unicum illud adhuc addendum, nos anno præterlapso cum variolæ hic & alibi maximam stragem facerent, & aliquot centeni infantes hoc morbo correpti essent, nos certo apud illos infantes, quibus primis mensibus post partum balnea applicata, confluentes variolas non observasse, illosque fere omnes præ ceteris evasisse, & licet hanc observationem pro infallibili non declaremus, cum variolæ per multos annos, non confluentes sed discretæ, excepto anno superiori, hic regnaverint, adeoque plures observationes ad hanc thesin probandam, requirantur: illud tamen certum est, quod in liberiore transpiratione una simul cura variolorum consistat. Tempus interea, & plures observationes de hac veritate, qua tali testari poterunt.

F I N I S.

CXCIII.

MICHAEL. ERN. ETTMULLER,

PROGRAMMA

DE SCABIE,

Lipsiæ 1731.

B. B.

DUlcem vocavit Plato scabiem, vel *παύση γλυκύπικρον*. sive enim vermiculi rodant cutem, sive salinus stimulus vellicet fibrillas sensibiles, pruritus oritur, qui vespere & noctu potissimum exacerbatur, vel quia statim suo movetur tempore humor, instar aliorum, qui a ferro sunt, affectuum, vel quia calor ipse sanguini a lecto vel pastu inductus excitat & expandit quietam prius causam. Hinc fricando, scalpendo procuratur voluptas, eo quod exitus pareatur causæ, vel quod ipsa obtunditur, vel quod nova impressio priorem quasi leviorē obliterat. Excipit vero eandem mox dolor; excoriata enim cutis & lacerata fibrillæ hoc ipso fiunt sensibiles, delicatiorē, & patiuntur acius sub affluxu humorum, præ quo jam turgent carnes repletæ & tensæ ægre flectuntur. Cujus quidem consequentiæ adeo incurius esse solet scalpturiens, ut sæpe stoicus vix videatur ferendo aut continentiam præstare possit. Etenim hic quoque necessitas voluptatis cujusdam mater sit, aut nimis læsa patientia tandem in furorem quasi quendam erumpit, quem dein graviter luit æger. Quam magna autem etiam fuerit illa voluptas scalpendi tempore, dubito tamen, an quis ob insculturam amaritiem dulcedine ista diutius vel frequentius frui optet, aut imitaturus sit Cardanum italicum, qui ob titillationem in vulneribus sanationi proximis adeo gratam & dulcem semet ipse crebro vulnerasse dicitur. Non enim cuivis illa obtingit felicitas, quæ Herculi, qui labore fatigatus instituto a nymphis balneo mitem valde scabiem soloque pruritu infestantem suscepisse fertur; sæpe gravior accidit, mali moris, foeda, diuturna & lepræ proxima. Singularem mihi morbi hujus dulcamari casum in nosocomio nostro observasse contigit, quem nunc communicabo. „ Johanna Dieterica, puella quatuordecim annorum, temperamenti phlegmatici, quæ villico

„ a servitiis erat, conqueritur de pruritu totius corporis, quem excipiunt maculæ instar pulicum morsuum in vesiculas ad ovi gallinacei usque magnitudinem exurgentes, quæ vel sponte ruptæ, vel post scalptum serum fundebant acerrimum, & squamas cuticulæ abrasæ post se relinquebant. Et quoniam exsiccatas prioribus novæ propullulabant pustulæ, ad tres quatuorve septimanas lectum custodire cogeatur. Revertatur malum prioribus binis annis frequentius, & quanquam a mensium emanatione illud ortum crederetur, recurrerebat tamen secundo post primam invasionem anno his erumpentibus, ita tamen ut per unum alterumve annum semel suam luserit scenam, ab omnibus aliis symptomatibus liberum. Salivationem interim mercurialem sustinebat ægra, thermas carolinas adibat, post quarum usum ad quatuor annos siluit morbus, hinc reversus. Curatur denuo, & per sex annos integros sana atque incolumis degens novum paroxysmum superiori anno patitur morbi, molestia atque dolore plenissimi. Dum in ætiologiam hujus affectus accuratius inquirebatur, edissererebat patiens, se, cum rem domesticam curasset villici, ob lectorum penuriam lana ab ovibus tonsis collecta se tegere atque ab injuriis frigoris nocturni prævunire fuisse jussam, accepisseque a cognatis, culpam morbi lanæ impuræ esse tribuendam; quid vero per lanam impuram intelligendum sit, ipsa per mentis hebetudinem explicare nesciebat. Impura lana est, quæ alias succida vocatur, pinguis scilicet illa ac sudoribus referta, a collo & feminibus ovium decerpta. Verum tantum abest, ut molestiam aliquam hæc corpori humano asserere possit, ut tam ipsa, quam separata pinguedo, æsopus dicta, innumeros habeat in medicina usus. vid. *Plinius Hist. Nat. Lib. XXIX. cap. 2.* An vero pediculos retinuit lana, qui morsibus pruritus & pustulas excitant? At ovibus & capris denegant auctores pediculos, ricinis solum vexari existimantes. Quanquam autem ovillum genus certum pediculorum genus asserere non negem, siquidem magna eorum datur differentia, qui ut variis animalibus ita generi humano sunt infesta; vix tamen credendum, morsus horum animalculorum præter pruritus tot pustulas, tam copioso sero turgidas, per totum corpus excitasse, & totidem periodis ansam præbuisse. Superest igitur, ut credamus, lanam illam impuram oves scabie infectas suppeditasse. Notum enim est, quod sicuti canes ad rabiem, vulpes ad alopeciam, equi ad febres, galli ad podagram, passerēs ad epilepsiam inclinant, ita oves ad scabiem contrahendam admodum sint proclives, ita ut non solum

Morbida facta pecus totum corrumpat ovile;

sed & sanæ oves morbosarum tantum trāmites in pascuis legentes eadem labe infestentur, & per stabula inficiantur. Et quis dubitabit, posse scabiem ovillam hominibus communicari? Differt quidem unius animalis natura ab alterius constitutione, nec omnia ejusdem speciei individua eandem servant indolem. Non enim, quæ genus humanum internecioni

Disput. Medico-Pract. Tom. VI.

H

dat

dat pestis, inter pecora stragem edit, & vicissim; nec qui peste laborantium curam agunt homines, semper ab illis inficiuntur. Interim vel sola rabies canina docet, posse morbum contagiosum cujusdam animalis ad homines transire. Inter alios morbos, qui per contagium propagantur, scabies procul dubio communissima est. Non solum enim, qui scabiosis accumbunt, immediate ἀπορροίας υοσπας cute excipiunt, sed & qui iisdem contubernales utuntur mantilibus, stropholis, aliisque utensilibus, aeger sanum simili labe inficit, vel qui lectis utitur, in quibus olim scabiosus dormivit, eodem modo descenditur. Scabiem igitur pustulosam contraxit puella a lana ab ovibus scabiosis decerpta. Non autem multum refert, nosse, unde primum oves luem contraxerint, an per contagium, an a frigore, cujus sunt impatientissimæ, an ex humorum impuritate, an quia a lupis fuerunt laceratæ; quemadmodum *Ælianus* perhibet, quod, qui lanam ovis a lupis dilaniatæ pexerit, atque ex ea vestem confecerit, scabiem provocaturus sit ei, qui illa vestietur. Sufficit, omnia adfuisse requisita, ad constituendum morbum contagiosum. Adfuit enim subiectum, quod morbo, scabie, laboravit, ovis scilicet una alterave. Et quanquam immediatus contractus inter sanum & morbosum corpus hic non præsumatur, adfuit tamen fomes commodus, pro recipiendis & asservandis miasmatis illis scabiosis. Lana enim aptissimum constituit medium, quod peccantes & ex ove exhalantes particulas resorbere potuit. Est enim rara, laxa, foraminulenta, & porosa, intra quam substantiam miasmata contagiosa lubentissime hospitantur & diutissime retineri possunt, impediende visciditate, ne mox in auras dispergantur. Est quemadmodum odores linteaminibus, vestibus, chirothecis &c. diu inhaerent, ita effluvia illa contagiosa sub lana per aliquod temporis spatium subsistere solent. Hinc ob rerum lanearum pinguum tractationem sartores præ aliis hoc morbo inquinari dicit *Coschwinz Pæthol. pag. 349.* Accedente denique calore corporis puellæ, particula illæ activæ evolutæ, actuatæ & dispositæ fuerunt, ut energiam suam in ejus corpus exerere potuerint. Cum autem puella omnem occasionem novum ab extra recipiendi miasma per loci, stragulorum & vitæ generis mutationem solerter evitare studuerit, merito quæritur, unde tot recidivæ novique paroxysmi eandem prehenserint? Ego existimo, priorem paroxysmum, forsan etiam plures eum insequentes, contagio esse adscribendos. Non enim sola externa corporis superficies in puella fuit contaminata, quemadmodum *Hellmontius* manus suas a chirothecæ usu infectas credidit, sed altius penetravit hoc seminum, & a poris receptum caloreque mediante rarefactum & expansum humoribus se immiscuit, eorumque mixturam turbavit, qui lege circulationis sanguinis ad habitum propulsi & in pustulas elevati sunt; haud secus ac cantharides cuti impositæ hanc non solum exulcerant, verum etiam ad interiora se recipiunt, quod pathemata organorum utinariorum harum applicationem in-

sequentia abunde testantur. Perquam aptum etiam fuit corpus puellæ ratione temperamenti ad hanc scabiei speciem contrahendam, partim propter habitum laxum & spongiosum, partim ob feri copiam in ea abundantis. Pituitam enim in scabie non solum *Hippocrates lib. περὶ πιάδων* accusat, verum & temperamentum phlegmaticum sulphur vitale obtundit, & ad scabiem disponit non fiscam vel crustosam, sed humidam & pustulosam. Præterea me latet, qua ratione tum temporis contra hunc hostem fuerit dimicatum, num ad antevertendos novos recursus corpus ab impuritatibus satis fuerit purgatum, an vero ad mensium fluxum promovendum calidioribus medicamentis motus fuerint exacerbati. Quodsi enim tantillum fermenti hujus peregrini humoribus permixtum remansit, sese multiplicando novum paroxysmum concitare facile potuit. Eodem enim fere modo sese res habet in scabie atque in lue venerea; sunt enim congeneres affectus; de hac vero ita *Ballonius Epid. lib. II. pag. 219.* *Observarunt peritiores chirurgi, ulcuscula, etiam levissima, imo, ut ita dicam, excoriationes ipsas in iis, qui olim lue venerea laborarunt, & curati sunt etiam, difficillime sanari, adeo veteris fermenti vestigium aliquod remanet, quod mala levissima exacerbant, & deteriora reddit.* Sicque suo exemplo docuit per vitiosum circulum nostra, effectum fieri causam, & productum morbi fieri subiectum causæ. Quod vero reliquos paroxysmos attinet, credendum est, eorum culpam non soli contagio sed & assuetudini esse tribuendam. Non enim adeo rara sunt exempla hujusmodi assuetudinis in æconomia animali, sive præsto sit causa aliqua materialis sui expulsionem efflagitans, sive desit. Qui somnum meridianum semel aut bis admiserunt, sequentibus diebus ad eundem capeffendum invitantur, eoque neglecto per totum diem de tædio quodam conquerruntur. Simile quid notum est de statis horis evigilandi, jentandi, ventris onus deponendi per nudam consuetudinem determinatis; in febribus intermittentibus paroxysmi statis diebus & horis redeunt, omni licet substantia materiali ex corpore proscripita; & erysipelas, quod semel infestavit, post iram, terrorem, &c. mox repetit membrum. Multo citius hoc observatur, si materia aliqua noxia ad motus redintegrandos naturam stimulat. Novi aliquos, qui fere singulis annis febribus acutis graviter detenti, ita ut etiam ultimam benedictionem acceperint, feliciter tamen eluctati sunt, modo consuetos naturæ motus non turbaverint. Alii, si in morbum inciderunt, vel per somnum vel aborta diarrhœa critica eundem superarunt. Ut de iis nihil dicam, qui venæ sectionibus semestribus adfueti, revertente tempore debito, ut hoc præsidio naturam adjuvent, variis monentur motibus. Quemadmodum enim natura, quamvis juxta *Coom* incrudita, motus tamen facit, qui expediunt seu ad præservationem seu ad conservationem; ita semper sollicita est eadem excrementa, seu ea, quæ molesta sunt, a nobilioribus ad ignobiliores protrudere partes, sic etiam in scabie non minus eo nititur, ut hu-

humores illos vitiosos in sanguine latentes ad emunctorium ejusdem universale, cutem puta, protrudat, ac quo sæpius eandem motus speciem exercuit, eo promptius non solum eundem adhibere denuo sibi proponit, sed etiam repetito, & imprimis sæpius, usu organorum ad hanc rem hinc inducta agilitas atque habilitas impofterum facilius totum effectum exequitur. Eodem modo in nostra ægra natura, postquam materiam morbiicam ad habitum expellere hætenus tot vicibus solita fuit, eosdem tramites repetit, quamprimum lymphæ quacunque data causa occasionali mucidior & spissior facta atque coacervata fuit, sub reliquo humorum circulo ad glandulas subcutaneas, habitudinem nunc ad receptionem nactas, eandem amandavit, quæ stagnatione, quam hic subiit, ad corruptionem fallam ulcerosam abiit, cutim in continuitate sua hæsit, erofit, pustulasque produxit. Rariores vero ultimis annis fuerunt paroxysmi, vel quia medici sub mensium eruptione, eorum emanationem in culpa non esse advertentes, methodum medendi forsitan mutarunt & ad præcavendum uberiores materiæ peccantis proventum salutaria præscripserunt remedia: vel quia una cum mensium fluxu multum de illa e corpore fuit ejectum, ita ut tam cito cumulari & ad sui eliminationem naturam stimulare non necesse habuerit. Prius ut credamus, suadet ptyalismos & thermarum usus salutaris; quarum ope cacochymia correctæ & humores noxii ex corpore profligati, organum etiam forsitan roboratum fuit, quo minus adeo promte impuritates admittere & imbibere poterit. Posterius testantur tardius recurrentes post mensium eruptionem paroxysmi, & ultimus, qui superiori anno obtigit, eo scilicet tempore, quo menses per ætatem cessaverant. Potuisse forsitan malum penitus eradici, si perito medico temporibus intercalaribus per causarum antecedentium remotionem, aut per tempestivam motuum anomalorum præoccupationem ipsum affectum præscindendi & aliquando successive tollendi, copiam facere, vel thermarum usum repetere congruæque uti diætæ res angusta domi permisisset miseræ.

C X C I V.

CASIMIRI CHRISTOPH. SCHMIEDEL,

ET AUCTORIS

J. CHRISTIANI VOIGT,

DE LEPROA,

DISPUTATIO.

Erlangæ 1750.

§. I.

DUm in statu naturali vita nostra ea vivitur lege, ut vasorum plenitudo, sub diversa tamen diametro semper adsit, multa autem de nostris liquidis per nutritionem corporis, aut per secretiones & excretiones deperdantur, jactura hæc ut iterum per ingesta sufficienter restituatur, necesse erit. Hæc restitutio, quum per assumpta varii generis perpetratur, efficiet, ut omnes, qui fluunt per vasa nostra, humores, vel ingestorum naturam adhuc retineant, vel per miscelam liquidorum humanorum, viscerumque vires, propria indole deposita, in nostram transeant naturam. Et si autem ingesta in corpore humano antequam nutriant, & in ultima puncta corporis disperiantur, plane mutantur; at tamen non solum experientia, sed & varia alia momenta vix concedunt, quo minus hanc alimentorum mutationem perfectissimam & ab illorum indole & natura prorsus recedentem credamus. Namque urina post pastum aut potum, principio salino acri volatili imprægnatum, aut post aloen assumptam, reddita, imo sudores & aliæ excretiones, quin & foniculus, allium comestum aliave redolens, nec minus volucrum, solis piscibus viventium, carnes ingratum piscium foetorem retinentes, atque turdorum, rhamni cathartici baccis vescientium, carnes purgantes, firmo sententiæ nostræ esse possunt argumento.

§. I L.

Nostra alimenta & ingerenda vel ex regno vegetabili vel ex aliis animalibus desumuntur; ex fossilibus paucis, nisi quis condimenta quædam, ut sal marinum, culinare, gemmæ &c. vel aquam inter fossilia numerare vellet, vescimur. Generaliter pro certo scimus, vegetabilia, nec minus lac animalium, plerumque ad naturam magis acidam, quam animalia ipsa, atque hæc ad indolem magis alcalinam quam regnum vegetabile accedere. Si enim vegetabilia & inter illa inprimis legumina, cerealia, farinosa uti & horæi fere omnes fructus, tali calori, qualem nostrum corpus habet, exponuntur, tunc in acrimoniam acidam vel in glutinosum pingue mutantur. Hæc autem, ubi in corpus sanum ingesta sunt, per fermentationem, prout generaliori sensu sumitur, & præcipue per admixtionem variorum liquidorum sale saponaceo & alcalico, inter se optime mixtis, scatentium, nec minus per vim vasorum atque viscerum sic immutantur, ut exuta sua indole; in nostram convertantur naturam. Ut primum vero organa illa digestionis famulantia, a quacunque causa debilia atque præternaturaliter constituta, vel liquida ea admiscenda, immutantia & resolventia depravata vel deficientia deprehendun-

duntur, ingesta minus mutantur, & tunc suam aut sequuntur naturam, aut in corruptelam facile degenerant. Certam solummodo semper adesse quantitatem horum resolventium liquidorum, quæ ex ingestis tertium illud emergens nempe chylum conficere valent, ex iusta fluidorum nostri corporis proportionem edocti sumus. Si quis igitur plus alimentorum acidæ indolis capit, quam quæ ope horum liquidorum in bonum chylum transmutari possunt; fieri vix potest, quin chylus talem indolem salinam acidam acquirat, qualem ingesta ex sua possident natura, simulque bonam nostri sanguinis mixtionem deturbet, eique eminentiam partium salinarum acidarum ac depravationem sensim sensimque inducat. De quarum abundantia atque explicita actione tum pustulæ, serum acre fundentes, saliva salia, tum vomitus acidi ex ventriculo, lac in mammis serosum &c. satis superque testantur: Ut eos taceamus homines, qui vegetabilia, vinum austerum, lactucam, carnem assam, aceto maceratam & conditam majori ingerunt copia, quam ut hæc ex illorum liquidis digerentibus ac debita solidorum reactione in ingesta plenariam mutationem subire possit. Quem in modum chylus hisce partibus salinis acidis, non bene subactis & alteratis refertus, sicque adhuc magis crudus, massam sanguineam intrabit, ejusque bonam mixtionem mutare poterit. Ex Physiologia compertum habemus, sanguinem bonum in se recondere materialiter plures inter se intime mixtos humores, bilem, salivam &c. illosque a sanguine secretos humores, sanguinis naturam sequi: qui bonus erit quando ex assimilatis constat humoribus; crudus vero, dum ingesta adhuc aliquid retinent de sua natura. Ubi ergo boni sanguinis defectus, ibi deficit vis princeps immutans ingesta in nostram naturam.

§. III.

Idem quoque de alimentis, ex animalium carnibus, ut & quibusdam herbis & seminibus aromaticis, desumptis valebit. Quarum naturam in alcalinam indolem vergere, experimenta de animalibus & quibusdam plantis per destillationem & putrefactionem huc usque instituta clare demonstrant (a). Unde procul dubio salis alcalini origo in corpore nostro, vel ab humoribus nostris spontanea degeneratione, aut mutua reactione corruptis, vel ab ingestis, quæ talem indolem possident, ut sponte sua in putredinem abeant, vel denique ab adsumtis salibus alcalinis pendere poterit. De quarum præsentia ructus nidorosi & varia exanthemata &c. testes producant; plura vero de effectibus recenset immortalis Boerhaave in suis Aphorismis §. 85. Similiter alimenta dura, crassa, terrestria, vis-

(a) Boerhaave chym. Tom. I. pag. 765 & 803.

cida farinosa non fermentata, leguminosa, ex piscibus parata, nec minus sulphurea, nimirum nimis pingua variaque potulenta spirituosissima per fermentationem confecta, vinum austerum &c. sanguinem nostrum ejusmodi particulis implere atque inficere valent. Quæ omnia modo recensita nos de possibilitate, quod nempe salia acida & alcalina, partes terreæ & sulphureæ, in nostro sanguine eminere vel augeri possint, evidenter convincunt. Quare adhuc de salium indole & actione pauca addere a nostro instituto haud alienum esse judicamus. Generaliter enim scimus, quod salia cujuscunque generis, si decenter sunt soluta, vix nisi admodum concentrata ex figura acuta, atque actione prout vocatur ære mechanica operentur, sed potius propter insignem tam subtilitatem quam coherendi facilitatem vires exferant; & quod exinde ad minimum æque bene concipi possit, quomodo ita penetrando in interstitia, non solum fluidorum compositionem & miscelam resolvant aut mutant, sed etiam solidorum corporum cohesionem augeant, & proinde, si fibra est, in quam agunt, eam stimulent & irritent, quando debiliore vi prædita sunt, aut forte renisum experiuntur: solvant vero & destruant, quando plures moleculæ contra unum punctum adplicantur, si ve quod idem est, pro vario gradu concentrata atque sic viribus potentiora sunt, aut imbecilem in fibris offendunt resistantiam. Quo subtiliora igitur sunt salia, quo magis concentrata, & quo melius cohererent cum parte quadam, eo luculentiores edunt effectus.

§. IV.

Sanguinis humani statum naturalem salium præsentiam jam poscere, tot phenomena evincunt: porro eundem vitalem laticem quodcumque eorum genus continere posse, supra demonstratum dedimus. Quo meliorem itaque hæc salia mixtionem, proportionemque tam inter se, quam cum aliis partibus conservant, eo adcommodatior temperies & constitutio sanguinis evadit, ac homo, quod ad fluida attinet, sanus existimari potest: sin contraria ratione hæc accidunt, in fluidis variam patitur intemperiem, & morbis inde emergentibus fit obnoxius. Quando igitur sal acidum in sanguine eminet, fiet, ut partes sulphureæ passim præsentibus præsertim bonæ nutriendes in sero nostro solutæ, præcipitentur & coagulentur, hinc indolem viscidam adipiscantur. Quia igitur a fluxilitate magnum motus momentum in massa sanguinea pendet, ad utrumque vero plurimum conferunt & calorem potissimum gignunt igneæ partes, quas & liberas & sub sulphurearum oleosarumque partium forma copiosas adesse novimus, his ita depravatis, sanguis & calore & motu decrefcit, atque ad obstructions varias disponitur. Salibus dum alcalicis facile coheret & unitum cum illis aut in concretum alius generis abit, aut saltem eorum vires infingit, actionem eorundem in partes sulphureas, quæ

passim requiritur, impedit & bilis efficaciam eo ipso debilitat. Non tamen his solum modis nocere, sed etiam alia adhuc via spissitatem, immobilitatem intemperiemque sanguinis augere potest, quando in humoribus vel in primis viis, ut vocantur, nidulans, quod inter alios hypochondriacis & infantibus familiare est, partes terrestres, aut cum ingestis illatas, aut ibi collectas, nimis quam par est resolvit, dividit, ad resorptionem in oscula bibula aptat, vel illis junctum in ipsum sanguinem & ad vasa minoris capacitatis penetrat. Ea enim est experientia teste salis hujus indolis, ut facile cum terra congregiatur, & ea quoque causa est; cur fibris nostris adplicatum, vel cum reliquis humoribus ad illarum interstitia translatum insigniter solida stimulare, irritare, atque pro concentrationis gradu solvere, corrodere & destruere valeat.

V.

Ad salium alcalicorum effectum in sanguine nostro nunc devolvimur. Si enim hæc abundant, partes igneas & sulphureas, quibus bene adherent, majori retineri quantitate, calorem, expansionem augeri ac liquida jam naturaliter acria, inter quæ bilis primas partes tenet, magis acui, actionemque horum ubicunque multiplicari facile cuique patet. Extensio atque vis fluidorum ita crescens, comitem & pedisequam habens solidorum stimulum & dilatationem, fortiolem operatur horum constrictionem. Attenuantur ulterius & resolvuntur, atque valentius propelluntur humores, segregantur fluidiores & eliminantur, usque dum dissipatis diluentibus mobilioribus & tenuioribus, compinguntur residui, & spissi, concentrati, acres evadunt. His ipsis succinctam descriptionem subministravimus, quomodo maximam ad partem indicari debeat actio sulphurearum, præsertim excedens. Neque terrearum potentia obscura erit illi, qui considerat quales edere possint effectus ex gravitate specifica ita dicta, quomodo sibi uniunt & retinent salia & sulphura omnis generis, acria non raro reddunt, difficilius mobiles quiescunt, subsistunt, & inde deducta mala creant. Plura equidem de singulis his excitare possemus, superfedemus vero reliqua fusius pertractare, sed seligimus modo ea, quæ forsitan aliquam tractationi nostræ lucem adfundere possunt, & concludimus: quando sanguini nostro ubicunque sub inopia partium aquearum inducitur is status præternaturalis, quod eminent salia alcalina & sulphura, cacochymiam biliosam: si vero salia omnis generis acria, deinde acida, postea sulphura, tandem terreæ partes nimia copia peccant, cacochymiam atrabilariam communiter a pathologis vocari.

§. V I.

Qua nunc breviter considerata fluidorum corporis humani alterata & vitiata

vitiata proportionem, necesse esset, ut pauca, nostro instituto idonea, adderemus, quatenus nempe partibus solidis, ob hanc morbosam constitutionem status præternaturalis induci queat. Fluida enim omnis generis, cum nutritioni tum secretioni & excretioni destinata, non solum vasis contineri ac versus omne punctum corporis propelli, sed & nostrum corpus in tota sua superficie externa & interna perspirabile, ac innumeris vasculis & glandulis ornatum esse, nec minus liquida secreta naturam fluidorum, a quibus secernuntur, semper sequi per principia anatomica & physiologica constat. Quæ autem omnia modo adlata si ruminamus, nihil obstat, quin facile perspiciamus, fluidis sic præternaturaliter constitutis, partes solidas, quibus vehuntur, propelluntur, secernuntur & adponuntur, salvas esse non posse, sed ab universali intemperie lædi debere. Nimis longum foret, si omnes adfectiones, quibus solida succumbere possunt, prolixè recensere susciperemus; multa enim de iis jam immiscuimus sp̄is præcedentibus III. IV. & V. quædam forsitan solum argumenti nostri adhuc suppeditabit. Sufficit nunc præmonuisse, dari statum præternaturalem, sub quo neque solida continuitate amplius prædita sunt, neque fluida simul suis limitibus naturalibus coercentur. Is itaque utrisque communis est, & soluta unitas vocari consuevit. Quæ si partes molles invadit cum corruptione consistentium & liquidorum, ulcus nominatur.

§. V I I.

Ulcerum alia totam superficiem corporis, alia partem quandam occupant, unde illa universalis, hæc particularis dicuntur. Quæ ichorem, vel saniem, vel pus exstillant humida, quæ vero nihil horum reddunt, sicca adpellantur. Quæ causas aut in vermibus habent, aut quæ vermes, ob rariorem & neglectam deligationem atque expurgationem, continent, erunt verminosa. Si curationem vel periculum respiciamus, nonnulla benigna, quæ pus coctum bonumque fundunt, remediisque facilius obtemperant, ubi vero contrarium obtinet, maligna seu mali moris habentur, & ob hanc rationem ut & eventum, in sanabilia & insanabilia dispescuntur. Si quædam quaquaversum depascunt, alia e contrario unum locum tenent, hæc sub permanentium, illa serpentium nomine veniunt. Sic & alia altius se insinuant, alia leviter rodunt, unde profunda & superficialia dicuntur; quædam pro loci varietate iterum vel interna vel externa audiunt. Tandem ratione durationis seu ætatis in recentia atque in inveterata dividi solent.

§. V I I I.

Cutis, corpus humanum undique fere circumdans, ut & intra illud

lud varie producta, epidermide, ubi opus est tecta, ex corpore reticulari Malpighiano, papillis fibrillisque nervorum, glandulis, tela cellulosa, pinguedine & myriadibus vasculorum, varia transmittentium, conflata est, & his ipsis dotibus commodam adeo aptamque sedem soluto per putredinem continuo molli, sive ulceri, subministrare potest. Non animus est mihi, neque spatium permittit, omnes ulcerum classes persequi, quas quotidiana experientia in cute obvias sistit, & quarum singularum penitior consideratio, etsi plerumque insuper habeatur, non tamen levem subinde propter abstrusos fiendi modos operam facessat, separatim fere videtur argumentum. Pedem potius figo in ulceris cutanei unica specie, quæ propter squamas, quibus corpus foedat, *lepra* vocatur. Ejus itaque genium pro tenuitate virium, quibus polleo sequentibus expedire conabor.

§. I X.

Lepra in varias partes trahitur, & ab auctoribus non uni eidemque speciei adfectuum cutaneorum adnumeratur: adeoque cum hujus mali adpellationes varie confundantur, & forsan natura ejus ac causa in diversis regionibus diversimode se habuerit, neque prorsus eadem sit nostro seculo ac fuit olim, idcirco non ex libris, sed ex propria ægrotantium observatione morbum hunc describendum esse censet *Willisius de Medic. operat.* S. III. c. 7. de lepra Græcorum. Quum non ita multo ante sub directione illustris D. præsidis & præceptoris mei in æternum devenerandi juvenes duos hocce malo infectos administrare, visitationibus interesse, & totum morbi decursum secundum normam methodi, ab ipso institutæ, curamque absolutam spectare, fortuna mihi, quæ paucis contigit, eo minus hunc morbum cœu dissertationis thema eligere hæsitavi, quo magis de ejus natura, curatione atque eventu convictus fui.

§. X.

Verum enim vero, ut ordine tanquam conveniente ejus tractationem exordiamur, primo tum remotiores tum proximiores causas, quæ huic affectui suam symbolam conferre valeant, disquiramus, necesse est. Quarum omnes, sanguini & præcipue ejus parti ferossæ dispositionem viscidam, salinam ac rem conciliantes, atque fluxilitatem decentem auferentes aut hujusmodi constitutionem jam præsentem adaugentes & excitantes, merito in hanc classem recipiuntur. Primo igitur res non naturales nobis se sistunt, ubi aer non plane excludendus est, quippe qui, si nimis calidus est, ob partes igneas humidissima dissipans, humores residuos spissiores & lentiores reddit, partes vero sulphureas, salinas acres & terrestres in ajori copia in corpore accumulatur, quæ deinde ad nostrum morbum

bum producendum, amplissimum suggerunt fomitem. Quo & aer frigidus merito referri debet, qui partes igneas e corpore absumit, sanguinem densat, atque decentes excretiones partium corpori nocivarum & inertium impedit, sicque corpus humanum ad hoc malum concipiendum itidem prædisponit, priori opposita licet qualitate operetur. Variæ quoque noxæ a potulentis spirituosissimis sic dictis ardentibus, humorum acrimoniam eorumque coagula vix resolvenda producentibus, prout recenset *Boerhaavius* instit. §. 762. nec minus vino acido, austero &c. ut & a cibis vel ex regno vegetabili vel animali defumtis, secundum eorum naturam & quantitatem in corpore pullulabunt, si intemperanter usurpantur: harum aliquas §. III. adduximus & iisdem alimentis minus salubribus carnem ferinam, præcipue vetustam, tum etiam omnem salitam & fumo induratum, potissimum vero suillam adhuc adnumeramus, ex cuius esu crebriori filius lanionis nostratis Erlangensis ante breve tempus morbum, de quo agimus, sibi contraxerat: prout hujus carnis usum frequentem in aliis morbis cutaneis nonnulli damnant, & vel hoc intuitu Judæis (qui lepræ a nostra quidem differenti multum erant obnoxii) fuisse prohibitam, sunt qui adferunt; contrarium licet aliis probabilius videatur. Motus nimius, inedia, vigilæ excedentes, atque ex animi commotionibus præsertim ira, ut & immoderata in venerem proclivitas, meditatio profunda, lucubratio, quia aut vim musculorum, aut humorum velocitatem, eorumque resolutionem atque excretionem partium blandarum, mobilissimarum & humidissimarum, primario liquidi nervorum, primum valde augent, longius vero continuata corpus enervant & debilitant, non potest non, quin fluidis reliquis, prout res dat, partium acrimiam, terrestrium, salinarum, acidarum, & sulphurearum major abundantia & actio liberior emergat. Pari ratione quies & somnus æque ac tristitia aut moeror, si diu permanent, fluida cogunt, nociva cumulant, solida infirmant & hebetant. Quæ cum ita sint, facile patet, quomodo cuncta ista mox recensita, etsi per se sola tanta præstare non possint, atamen juncta aliis simul rebus concurrentibus, dispositionem ad contrahendum morbum ejus indolis, quam hic tractamus, corpori conciliare vel malum, si stamina pro ejus formatione jam existant, exasperare valeant.

§. X I.

Ex rebus naturalibus dispositio hæreditaria, vitæ genus, habitus corporis & temperamentum præcipuam affectui nostro ansam præbent. Quum enim partes principes fere omnes leproforum sint vitiatæ, atque massa sanguinis partibus male dispositis, & præsertim salibus acerbis terraque acida austera referta est, hoc ipso fieri nequit, quin semen quoque ipsum a matre, aut quod fere plus adhuc valet, embryonis nutrimentum in utero matris infectum & inquinatum a vitato semine aut sanguine ortum du-

cens, prolem sibi quoque similem nimirum leprosam edat. Quod ad vitæ genus attinet, hoc si nimis mobile, vel sedentarium est, quoniam ea fere, quæ motus nimius vel quies præstat, eadem corpori inducet, quæ de his, §pho præcedente dicta sunt. Vitæ conditio vero illa pariter accusanda erit, fordide si quis ac immunde educatus fuerit, vel squalorem lubenter tulerit: varia quoque adhuc sese offerrent dicenda, si loca & tempora respiceremus, sub quibus vitam degere subinde coguntur mortales. Docuit enim experientia, aliquas forte terræ plagas, aliquasque cœli temperies magis huic morbo excitando favere. Tractus ita depressi, paludosi, impuram aquam & insalubrem aerem habentes, huc referuntur. Quemadmodum autumnus & bruma, ob aerem gravem, humidum, causæ vicem subit, quatenus partes corpori universo & potissimum bonæ fluidorum mixtionis inimicæ, quæ antea in auram per transpirationem liberam ex corpore avolabant & ejiciebantur, in corpore colligit ac tales humorum dyscrasias suscitât, quæ, cæteris rebus circumstantibus opem ferentibus, diram hanc ægritudinem procreant. Quando in habitum corporis varium inquirimus, ille potissimum considerari meretur qui robustus vel carnosus dicitur. Huic enim cum strictior & firmior structura fibrarum contingat, unde etiam actio in liquida crescit, a qua deinde pendet pulsus, calor & motus major ubique; expelluntur sic humidissima, diluentia & sanguinis crasin bonam conservantia, restant spissiora, mixtio blanda solvitur, & liberantur acria. Neque prætermittendus videtur habitus gracilis, vel etiam certo respectu tumidus, quorum uterque parvam in liquida vim exercet, & multa sanitati minus convenientia retinet, ille insuper feri benigni defectu frequenter laborat, hic vero cruditatibus abundat. Subjungimus denique temperamenta, quorum nos primariam rationem, ne ipsa cum habitu corporis confundamus, in fluidorum mixtione ac proportionem ponimus. Sufficiet ferme ea nominasse solum, quæ hujus loci esse debent, & statim in aprico erit, quomodo corpus humanum ita disponere possunt, ut morbo huic concipiendi apta fiant. Et nempe unum ex illis, quod ob minorem copiam feri & lymphæ, insigniorem vero purpuræ, & simul sulphurearum & salinarum alcalicarum partium abundantiam, calidum & siccum seu cholericum dicitur. Scimus hujus singularem proclivitatem in omnes præcipientes, celes, impetuosasque actiones, ad iram, rixas &c. Quæ omnia circulum humorum cujuscunque indolis concitatiorem reddunt, bilis efficaciam exaltant, & longæ morborum inde derivandorum seriei portam aperiunt; observatione ita constat fere quotidiana, quod ad morbos non solum cum motu excedente, nimirum ad febres præsertim acutas, sed etiam ad omnia mala oriunda, ab ære calido, cibo salino, acri, alcalino, sulphureo, potu pauco, calido, spirituofo, ira, & quæ sunt reliqua supra jam explicata, inclinet. Alterum, quod excitamus, est temperamentum ob abundantiam salium in primis acidorum & molecularum terrestrium, ob

partes

partes autem sulphureas, alcalinas & aqueas deficientes frigidum & siccum seu melancholicum vocatur. Idem istud plerumque ad morbos, a cibis acidis, viscidis, terrestribus, salinis, sulphureis, potu deficiente præsertim diluto vel frigido, motu nimio, vigiliis excedentibus, excreto humido copioso productos, nimirum ad glandularum viscerumque obturationem, scorbutum, ulcera, podagram, siccam scabiem, herpetem &c. corpus adcommodat: de quibus fusius legi meretur Celebr. Frid. Hoffmanni Dissert. de temperamento fundamento morum & morborum in gentibus. Quare cunctis his, ea qua fieri potuit brevitate enarratis, in proclivi esse existimamus, quantum & fomiti & causæ ad lepram procreandam ministrare, aut hujus partes morbificas jam præsentis vel collectas innumeris modis adaugere, atque malum in pejus vertere valeant.

§. XII.

Si causarum proximiorum classes percurramus, offendimus interea, quod illud fluidorum vitium, vi cujus quantitate peccant, ac quod sub plethoræ nomine notum est, omitti non debeat. Sunt equidem adeo plethoræ sui patroni, qui eam ita amant, ut ipsam primariam, quin imo solam fere morborum causam statuunt: nos vero prægnantibus motivis adducti credimus, istam, prout passim immerenter culpatur, nec huic ægritudini multa propius conferre posse. Ideo tamen eam non penitus seponimus, quia si reliquis causis proximioribus superadditur, morbi gradum & symptomatum violentiam exacerbare valeat. Fluidorum nempe abundantia ut per se sola absque ulla qualitate vitiata in corpore diu persistat, vix concipi potest: multo minus ista innocens prædicari debet, morbo quodam jam præsentis vel invalescente. Multis vero numeris excellentius momentum tribuimus qualitati fluidorum alteratæ, tam nunc expendendæ, quam supra passim ventilatæ. Quandocunque igitur humorum tota humani corporis massa variis partibus, cacochymiam biliosam præcipue vero atrabilariam, quam per eminentiam hic culpamus, constituentibus, jamque §pho V. prolixius recensitis, scatet, ut dein per circuitum perpetuum versus corporis quodcunque punctum nutriendum, ubi penetrare possunt, partes ejusmodi male dispositæ simul devehantur, procul dubio sequitur. Abundè constat quod fluida secundum regulas hydrostaticas tendentiam versus illa loca exercent, ubi iisdem minus resistitur. Supra, §pho VIII. brevibus verbis notavimus, cutis totam superficiem externam copiosissimis vasis etiam exhalantibus pertusam esse, quæ cum præter aerem nihil habeant, quod renitatur, facillimum liquidis aditum præbent, & eas notabili satis copia educunt, quæ deinde, quia ab atmosphæra ambiente auferuntur, vel saltem intra corpus non redeunt, excerni dicuntur. Dum itaque hæc, durante statu quam maxime naturali jam sunt, facile concipi poterit, quæ sit ratio,

cur

cur etiam partes ejusmodi morbosæ, crassiores & spissiores, sulphuræ, salinæ, terrestres austeræ aliusve indolis una cum reliquis liquidis versus cutim exteriorē, ex mera necessitate mechanica & hydrostatica, absque ulla intentione salutari, copia majori, quam in alia loca deponantur: cum cutanea vasa, vi ipsius hujus phænomeni aut reliquis vasīs exhalantibus fere ampliora, aut sub hoc statu per aliquam anastomosin dilatata statui possint. Accedit ad hoc, quod cuticula & ipsum corpus reticulare Malpighianum ex sententia, certe non vilipendenda, virorum in arte anatomica celeberrimorum, non nisi ex succo mucoso, blando & tenaci, juxta ibi advecto, secreto, ab aere externo exsiccatō, atque in solidam formam concreto, potissimum consistant & fiant; per se liquet, in partes easdem nunc nominatas, loco liquidorum blandorum, quibus antea nutritæ & conservatæ fuerunt, vitiatos humores deponi, & structuram naturalem non solum alterari, corrodi, destrui, sed &, accedentibus novis, quæ magna copia sub indicatis intemperiei speciebus adsunt, adeo immutari oportere, ut exinde materia in totum aliena obductæ, peregrinam faciem induant, & in portiones & squamas albicantes, modo majores modo minores, secundum modulum & copiam depositionis, & pro gradu cohesionis ipsius concrementi, abeant, omnemque fere facultatem fluida decenter transmittendi amittant, ac tandem a substratis partibus liberata, satisque per aerem exsiccata, decendant. Hoc itaque modo superficie corporis unitas solvitur, resistentiæ solidorum fluidis præstandæ imminuuntur, vasa autem & solida ea, quæ adhuc salva sunt, & in tantum ab hac labe immunia manserunt, ab ejusmodi partibus acerbis ibi continuo stimulantur, unde & similiter fluidorum adfluxus & determinatio major in hæc, quam in alia loca excretoria, nec minus squamarum reintegratio & productio de novo, quoad usque nempe copia hujus materiæ adest vitiosæ, semper efficiuntur. Quia vero profundior cutis fabrica non in universum destruitur, nisi forte in quibusdam locis vel sub majori morbi gradu, de quo infra aliquid occurrat, sed sanitas, absolute morbo & demta materiæ morbificæ virulentia, cuti redit, ac sensus & perspiratio pristinum vigorem recuperat, cum contrarium in omnibus reliquis partium solidarum destructionibus & inde ortis cicatricibus (*) eveniat; id omne non solum magnum pondus sententiæ supra adductæ de ortu corporis reticularis Malpighiani & cuticulæ addere videtur, sed etiam morbi hujus propriam sedem accuratius declarat. Neque minus causam in eodem positam esse credimus, cur durante eruptione squamarum furfuracearum nullus putis bene cocti proventus deprehendatur. Cui insuper adjungimus defectum sanguinis purpurei quiescentis in partibus indicatis, & quod partes morbificæ aut minus siccæ in se, aut

fortius

(*) Hæc ratio est, cur ii, quibus magnæ cicatrices v. g. post vulnere & ulcera in tibiis & pedibus fuerunt, facillime in pedum œdemata incurrant.

fortius unitæ, adeoque, præsertim si de acida indole multum participant, tali motui intrinseco excitando, qualis ad suppurationem bonam requiritur, minus aptæ sunt, aut quia partes magis organicas non corrumpunt, aut demum citius exsiccantur, antequam magnam suppurationem producere valent. Neutiquam vero hic excludimus secretiones partium ejusmodi morbosarum intra corpus in aliis locis secretoriis & excretoriis, vel visceribus eandem fere cum cute structuram habentibus, simul contingentes, siquidem unus ægrotantium nostrorum squamas fere similes cum urina reddiderit, & aliquoties per lenissima purgantia, inter curam adhibita, mirum quantum vacuatus fuerit. Valde tamen probabile est, hæc partes ideo similem scenam ibi non ludere, quia non tam diu subsistere, vel remoram satis longam pati possunt, sed a liquidis a tergo urgentibus aliisque causis concurrentibus prius absterguntur, & ad expulsionem promoventur, quam noxam aliquam inferre possunt.

§. XIII

Tali modo lepræ causis tam conjunctis quam procatactis explicatis, morbum ipsum, & quæ sunt reliqua, ut recenseamus, ordo nunc jubet. Signa ac symptomata plerumque eadem, quæ impetigini, etsi hæc initius malum sit, communia habenda sunt, etiam huic adfectui competunt, quando homines corripit. Siquidem lepra, tanquam gradus impetiginis major considerari potest, & homines nunquam adeo vehementer & uno impetu adgreditur, quin adfectus leviores antecedentes agnoscat. Quemadmodum *Frid. Hoffmannus* in *Medic. systemat. rat.* Tom. IV. parte V. Cap. V. §. 3. *Commius* in *observat. Medic. libro II.* pag. 257. *A. Corn. Celsus* lib. V. Cap. 28. §. 17. *Hippocrates* L. de affect. C. XXV. *G. Wolff. Wedelius* in *pathologia medica dogmatica* Sect. III. Cap. IV. atque nostra experientia in ægrotis hoc evidenter evicerunt. Potissimum enim hoc malum in una alterave parte corporis, modo in fronte, brachio, modo in alio membro cum duritie, rubedine atque asperitate cutis initium sumit, ac locum adfectum cum pruritu enormi ac erodente lacessit, idque *Commius* prurigo nuncupatur, & similitudine scabiei siccam repræsentare dicitur. Si malum ulterius serpit & rosio major accidit, cutis fere scabie squamosa atque crustosa infestatur, multæ squamulæ decedunt, & post cuticulæ vel escharæ abrasionem stigmata sub cute cruenta relinquuntur, calor & pruritus dolorificus accedunt, tandem ejusmodi eruptiones certioribus temporibus & fiunt & cessant, is gradus tunc major est nimirum impetigo ipsa, ab *A. C. Celso* impetigo rubra, græce λειγην cognominatus. Cuncta hæc maxime in principio, ubi nondum de lepra quid constet, observantur: ut primum vero hujusmodi malo medela non adfertur, ac major sordium istiusmodi copia versus loca cutis excretoria advehitur, adfectus ille atrocior atque pejor antecedentibus oritur, qui nun-

Disput. Medico-Pract. Tom. VI.

K

quam

quam ex toto posse tolli creditur, & nomine pforæ, ab A. C. *Celfo* impetigo nigra, ob squamas quas habet subnigras furfuribus haud dissimiles, insignitur: ubi cutis præcrassa, valde dura, tumens, magis erosa, neque raro fissæ aut dehiscensprehenditur.

§. XIV.

Omnia hæc mala, unam aut alteram partem corporis tantum occupant, ac magnitudine eruptionum in locis affectis, nec minus gradu symptomatum inter se differunt, quare & his singulis nomina indita sunt. Ubi vero ejusmodi adfectibus non succurritur, totaque massa humorum tandem successu temporis prorsus vitiatur; pessimum illud malum, de quo nostra tractatio est, quantum nimirum impetiginis genus provenit, quod *Lommius* atque A. *Corn. Celsus* insanabile declarant. Græce λέπρα dicitur, cujus formatio ἀπὸ τῶν λεπίδων (a squamis) unde τὸ λεπρύνεσθαι, quod significat scabrum fieri & simul albescere, originem trahit; quemadmodum hoc verbum *Nicandro* de quibusdam serpentibus usitatum interpretatur J. *Gorrius* schol. in *Nicand. Theriac.* pag. 77. & 82. *Lommius* vero in *observat. Medic.* pag. 258. ita de hoc malo scribit: „Quantum genus impetiginis est illud pessimum atque insanabile, quod græce λέπρα adpellatur. Id erosione latius procedit, totumque cum subjecto humore subalbidum est, ac speciem recentis cicatricis repræsentat: ad hæc cutis fissæ ac vehementer dura est, ex qua cum squamulis (quas ea habet subalbidæ vel pallidæ) sanguis fertur. Facile lichen neglectus in pforam & hæc in lepram vertitur., Cui quoque A. *Corn. Celsus* *Libr. V. Cap. 28. §. 17.* ex toto adfentitur, etsi cognomen mali hujus & reliquarum impetiginis specierum reticeat.

§. XV.

Reliqua symptomata, nostrum adfectum concomitantia, persequi instituimus, quorum prolixiorum expositionem, una cum aliis notatu dignis, ideo eo lubentius suppeditamus ex phænomenis nobis oblatis, quia non omnium, prout requiri videtur, mentio distincta in scriptis medicis, fortassis ob morbi infrequentiam, hæcenus exstat. Hæc itaque erunt ex nostra observatione, oppressiones pectoris, dolores capitis lancinantes, odor admodum teter & ingrator magisque nauseosus illo, qui variolas præsertim mali moris comitari solet, vox non parum rauca, æstus magnus, urens, internus, graviter adfligens, unde & sitis fere insatiabilis, inquietudines nocturnæ, pruritus ingens, artuum rigor continuus, cutis tensio valde molesta, & interdum obstipationes alvi pertinaces, interdum nimium ex levissima causa profluvium: quæ per totum fere morbi decursum perduraverunt. Quibus insuper maximus character es-

fentia-

fentialis accedit, nimirum facies totius corporis externa, quam æger eo tempore præfert, & quæ differentiam specificam, nostro morbo, ab aliis adfectibus cutaneis dijudicando, præcipue conciliat; super totum corpus nempe crusta instat nivis congelatæ albissima fuit, & fere eam formam exhibuit, quasi multa & crassitie notabili incumbente farina conspersa esset. Adspectus ægri horrendus fuit, caput totum tumidissimum, rubens cum tuberibus multis circa frontem, & squamis ubique, ne parte quidem capillata excepta, tectum: facies albissima, crusta undique ad minimum quoque punctum fere tecta exstitit, exceptis labiis, quæ rubuere, & sanguinem mota ploraverunt. Organa sensoria pleraque valde passa sunt in ambobus ægrotis. Tactus per totum corpus, ubi nempe crustis obductum fuit, ita abolitus fuit, ut subinde ne puncturæ quidem acus perferrentur. Oculi clausi fuerunt utrisque, & palpebras satis diu prærigiditate elevare nequiverunt, quin etiam conquesti sunt de luminis magna obscuritate, adeo ut rerum umbram quasi solum videre dicerent; rediit tamen visus absque detrimento relicto, post corporis vacationem & morbo declinante. Alterum adhuc obauditio bis per aliquot dies prehendit, cum dolore obtuso & sensatione, quasi cuneus inibi intrusus esset, & quæ deinde alternis vicibus modo in susurrum modo in tinnitum aurium transibat, idque præsertim eo tempore factum est, quum desquamatio circa aures procederet. Manus præterea inflatæ, e quibus, uti ex aliis partibus nil minus quam pus, sed meræ squamæ sunt redditæ, magna cuticulæ frustra semel in uno ægro chirothecam ferre integram imitantia solvebantur, & quod residuum fuit albissimum, & in plicas rugasque coivit. Totus truncus similiter ubique desquamatus est, etsi tumor non adeo insignis ut alias partes illum occuparet, neque penis immunis fuit, sed in vaginæ modum excorticatus est; pedes vero admodum tumidi, usque ultra genua, & crustæ ad volæ manus magnitudinem & ultra abscedentes dependerunt, subjacente cuticula rubente. Lecti in quibus cubuerunt ægri, quia neque incedere neque erecti, tot malis obruti, persistere potuerunt, squamarum tanta quantitate quotidie referti deprehensi sunt, quantum volæ aliquot capiunt; quæ insuper minime indolem aliorum in cute exanthematum cum inflammatione, rubore & supuratione ordinario provenientium, secutæ sunt, sed quarum exsiccatio & desquamatio potius post brevem tumorem in initio adfuit. Omnium curiosissima visu fuit desquamatio in plantis pedum per portiones insignes peracta; crusta hæc etsi ultra lineam pollicis crassa esset, sulcos, lineas spirales & gyros istos, quibus cutis consueto more exaratur, profundiores & magis elevatos in interiori superficie, qua corpori cohaeret, extus non adeo conspicuos etsi bene distinctos adhuc retinuit; naturalibus tamen generatim omnes crassiores fuerunt. Eadem hæc crusta, de qua loquimur, solummodo semel secessit, succedente & manente cute naturali, per quam ab eo tempore sudor copiosus erupit, in aliis vero partibus

ſæpius, ac præcipue circa frontem & tempora, ut & in artubus, dein de in uno ægrotorum novies circa regionem hypogaſtricam, in altero vero duodecim imo quindecim vicibus renovatio facta eſt. Ungues pedum & manuum ſenſim etiam abſceſſerunt, elevati & detruſi per depoſitionem materiæ calcarie inter ſuperficiem inferiorem, qua digitis incumbunt, ac poſſimum verſus illorum apicem, unde ipſi ungues ſolito friabiliore & aſperiores facti ſunt, novelli tamen alii ſani mox ſuccreverunt. Capilli capitis in neutro ægrotorum depravati aut mutati ſunt, neque deſluxerunt, pili vero, per cutim copioſe naturaliter diſſeminati, inter lacinias cruſtarum exſucci hærentes, de reliquo autem vix alterati, plerumque ſimul ablati ſunt. Proceſſit hæc deſquamatio in ægris, quos tractavimus, uſque ad dies quatuordecim in toto corpore, deinde eadem modo in partibus quibuſdam, ſecundum materiæ morbiſicæ copiam præſentem, partim ſquamulis furfuraceis & partim fruſtis magnis cuticulæ coloris ſemper albi & pallidi ſeſe manifeſtavit. Semper noya cuticula ruberrima quidem jam ſuppoſita deprehenſa eſt, brevi tamen ipſa ſimilem elevationem ibi paſſa eſt, & in cruſtas ſubinde efflorefcens, pari modo iterum atque iterum deſquamata eſt. Verum etiam eſſe, pluries obſervavimus, id quod *Ceſſus* ac *Lommius* innuunt, quod ubique cutis præſertim novella paſſim ſiſta fuerit, & ſanguinem ſtillaverit, & quod ſub ſquamarum recenter detractarum, non vero ſponte ſecedentium, ſuperficie interna mucus albidus & ſatis humidus confederit.

§. X V I.

Hæc tum in principio tum in ſtatu lepræ, de qua agimus, acciderunt: ubi vero ad ejus decrementum ſeu declinationem ventum fuit, ſymptomata omnia, prout facile colligitur, mitiora obſervata ſunt, præſertim æſtus, inflatio totius corporis, artuum rigor, deſquamatio copioſa remiſerunt; cutis in quibuſdam ſolum locis præſertim in artubus & circa tempora, aſpera, paululum ſquamoſa, rugoſa, rubore undique perſuſa, interſperſis tamen maculis adhuc rubicundioribus & elevatioribus, ſe oſtendit, in aliis vero ſtatui naturali magis acceſſit, & polita ac terſa rurfus adparuit. Sudores interim, hucſque cohibiti copioſiſſime eruperunt, interdum tanto cum impetu, præcipue vero primis tenebris & cubitum eundo, ut guttatim fere exiverint & omnia maduerint, foetorem quoque inſignem adhuc ſparſerunt, qui tamen ſenſim etiam ceſſavit. Pariter quoque urina, huc uſque cruda, valde rubra, ruſa & coloris ſaturati, nunc turbida mejitur, atque cum ſedimento copioſo, & odore ingrato, ut & ſquamulis parvis furfuraceis in medietate ſuſpenſis, in ejus autem ſuperficie cuticula tenuis ſub forma pinguedinis coagulata vel vappæ apparet. Quæ cuncta partium morbiſicarum factam reſolutionem & aptitudinem ad excretionem clare demonſtrant. Unus quoque ægrotorum

rūm circa hoc tempus per alvum, quam valde lubricam habuit, magnam quantitatem muci aquoſi flavi, male olentis ſine incommodo depoſuit, poſtea febre ex inopinato correptus eſt, quæ circa velperam inter alia cum torminibus ventris, pectoris oppreſſionibus, & niſibus validis ad vomendum doloribuſque capitis lancinantibus invaſit, primis tribus diebus conſequentibus oculi tunicas & totam corporis ſuperficiem colore ſubflavo inquinavit, ſudores, lintea colore flavo tingentes, dimiſit, deinde vero in tertianam intermittentem tranſiit, intra octiduum ceſſantem. Quod ideo non perfunctorie notamus, quia idem, antequam in eum lepræ gradum, quem hucſque deſcripſimus incurreret, tertiana intermittente valde anomala laboraverat. Tandem ſucceſſu temporis cuncta ita decreverunt, ut ſanitas, cura rite inſtituta & abſoluta, ægris, qui tot malis & cruciatibus ſuperſtites fuerunt, ex toto rediderit. Debemus equidem ſingulorum ſymptomatum prolixas rationes, modosque ſiendi ſpecialiores in medium proferre; ne tamen leni abutamur patientia lectoris benevoli, ſatius duximus de omnibus tacuiſſe, quam parum de iis dixiſſe; diſſuſa namque limites tractationis noſtræ non ferunt. Conſidimus interim, ea, quæ in antecedentibus paſſim, in primis vero ſpho 12. expoſuimus, ita ſuffectura fore, ut & hæc non difficilia intellectu exiſtimari debeant. Pergimus potius & adfirmamus, ægritudinem hanc, quam nunc deſcripſimus *lepram Græcorum* adpellandam eſſe, quæ conſiſtit in ulcere maligno univerſali, neque critico neque typico evidenter, corporis ſuperficiem externam, & quidem cutis corpus reticulare & epidermidem occupante, pus non fundente, ſed mox cruſtam ſquamoſam, furfuraceam, albam, frequenter continuam, copioſe plerumque renovatam producente.

§. X V I I.

Magnus eſt inter medicos ſcriptores diſſenſus, quando lepram in ſacris litteris notatam, lepram Græcorum atque Elephantiaſin Græcorum, nec minus lepram Arabum ac Elephantiaſin Arabum, & ſimiliter vitiliginis ſpecies inter ſe vario modo mox conjungunt, mox diſtinguunt, adeoque characteres unicuique proprios, hoc ipſo turbant & confundunt. Quam ob rem liceat pauca verba facere, quid mihi de his omnibus videatur. Elephantiaſis itaque Græcorum gradus eſt major adfectus illius, quem nunc lepræ Græcorum nomine indicavimus, & paſſim ab auctoribus univerſi corporis cancer dicitur: ſymptomata pleraque adhuc atrociora ſunt, ut oſſa quoque inde vitientur, ſumma pars corporis crebris maculis ſubnigris, modo ſubflavis, modo ſubalbidis inſpergitur, crebrosque tumores maxime juxta ſummam frontem ac mentum habet: varicoſe venæ ſubnigræ, in modum verrucarum aut grandinum in linguæ radice, ſub palpebris, poſteque aures cernuntur: frons rugoſa fit

Leonum more, unde Leoninus morbus etiam vocatur: ipse vultus horridus, ac, qualis Satyrorum esse fingitur, deformatus deprehenditur, & quæ sunt plura (a). Ideo autem, quia cutis tunc cuti Elephantinæ similis fit, vel quia major cunctis animantibus Elephas existat, ingens malum hoc nomine insignitum creditur. *Steph. Blancardus* in tractatu de morbo Gallico, & *Lommius* in observat. med. p. 60. Elephantiasin veterum cum morbo Gallico inveterato & consummato convenire existimant. Quod ad lepram Arabum attinet, ex collatione sedula symptomatum elucescit, quod admodum multum vel penitus coincidat cum Elephantiasin Græcorum, & eidem sententiæ favens *Avicenna* & reliqui Arabes, nec minus *G. Wolffg. Wedelius* in pathol. med. dogmat. Sect. III. Cap. IV. No. 2. disertis verbis "Elephantiasin Græcorum esse veram lepram Arabum perhibet; prout & *Doleus*, in Encyclopæd. chirurg. rational. Libr. V. ita scribit: ut scabies ad lepram Græcorum quasi via est, sic lepra Græcorum ad lepram Arabum seu Elephantiasin Græcorum. Observationem valde memorabilem legimus in Ephemerid. Curios. decuria II. Anni 2. Obs. 5. quæ cum Elephantiasin Græcorum seu lepra Arabum multa communia habere videtur. Quod nimirum incolæ Javæ horrendo quodam morbo affligi coeperint, qui digitos manuum pedumque consumsit, duris atque horrendis tumoribus, qui postea exulcerati in putrida atque caoethica ulcera cum carie ossium degenerant, facies defoedatur, neque ullis medicamentis vicinæ partes ab hac infectione reddi possunt immunes, nisi membrum extirpetur. Pus tam acre & corrosivum est, ut, quando tubercula sponte non aperiuntur, postea fuerit animadversum, illud in ossa subjecta sæviisse: in initio lividæ apparent maculæ omnis sensus expertes, capillitium, barba & supercilia decidunt &c. His itaque sic se habentibus patet, quod lepra Arabum similiter sicuti Elephantiasin Græcorum, secundum signa pathognomica a lepra Græcorum, passim & in pluribus differat: ita tamen inter se coherere videntur, ut transitus ex uno in alium fieri possit, si vestitatem unus alterve horum morborum accepit. Si vero lepram Græcorum conferimus cum Elephantiasin Arabum, hanc esse morbum particularem & admodum ab illa diversum, cuique facile apparebit; siquidem hic adfectus cum tumore rubicundo, livido, nigricante, cum ulceribus serpentibus lymphamque acrem fundentibus pedibus seu cruribus potissimum se se exferat. (b) *Kempferus*, qui peregrinatoris curiosissimi titulum magno merito suo gerit apud Celeber. *Linnaum*, varia de ad-

(a) Vid. *Lommius* in observat. med. p. 57. *Fernel* 1. 6. part. morb. & Symptomiat. *G. Bertinus* campan. 1. 12. de morb. & Sympt. part. intern. *Ambr. Paræus* oper. chirurg. Libr. XIX. Cap. 6. 7. & 8. *Aretæus* Libr. IV. cap. XIII. & *Celsus* Libr. III. cap. XXV.

(b) Vid. *G. Wedelii* pathol. med. dogmat. Sect. III. cap. IV. *Avicennæ* Libr. IV. Tom. III. cap. 3. canonis Tract. I.

adfectu simili vel plane eodem Memorix prodidit: Quod malabaribus & christianis S. Thomæ, valde sit familiaris, & cum tumore oedematoso corporis partem non aliam, quam pedem invadat, & incremento menstruuo ita tandem expandat, ut similem Elephantino cruri figuram exhibeat, atque indigenis *Perical* seu *Pircal* vocetur. Sed & lepra Græcorum a vitiliginis tribus speciebus, quæ sunt Alphos, Melas & Leuce, distinguenda erit, etiam si cutis maculis modo albis modo nigris infestetur; quia vero maculæ istæ disjunctæ & vagantes sunt, profunde etiam interdum usque ad ossa carnem exedunt, tandem pili defluunt & lanugini similes fiunt: eam ob causam partim, partim quia morbus magis particularis secundum descriptiones ab Auctoribus suppeditatas haberi potest, a nobis separatur (c). Restat tandem lepra Judæorum, circa quam non pauca quoque adest differentia, lepræ enim Judæorum tria sunt genera נֶפֶתֶן veniunt, distincte recensita in lege Levit XIII. & XIV. lepra nempe cutis, si peccatum maximum, vestium vero, ubi non adeo magnum, & ædium in parietibus, quando peccatum parvum fuit (d). Ex quibus illa vestium & ædium nostris temporibus vix amplius apparet, neque huic simile, neque endemium aliis gentibus & regionibus malum apud medicos aliosque auctores consignatum invenimus. Unde vir. Celeber. J. J. *Baierus* in animadvers. physico-medicis in quædam loca novi fœderis, de lepra una cum *Voglero* de rebus naturalibus ac medicis S. S. p. 115. haud dubitat suspicari, „quod fortasse divini quidpiam, & a „supernaturalibus causis profectum hic subfuerit. „Quod vero ad lepram cutis attinet, illam *Baierus* vir in variis scientiarum generibus impenso doctus, leuce seu vitiliginis albæ adnumerare, quin eundem prorsus esse adfectum ostendere l. c. adnititur. Præterea in lepra apud Judæos colorem tam cutis quam pilorum in album præternaturalem mutatum fuisse relatum legimus, quod in leuce quidem similiter, in lepra vero Græcorum cuti solummodo contingit. Porro etiam æger, tam diu lepra Judæorum certas corporis partes occupavit, impurus & ab hominum consortio segregandus, ubi vero totam corporis faciem prehendit, purus iterumque recipiendus judicatus est, quæ autem in partem contrariam lepræ accidunt Græcorum. Pariter & superficies loci adfecti, quæ semper humilior, quam reliqua cutis plaga fuit, & quod subinde in vitiliginis aliqua specie nimirum in leuce, in contrarium vero in lepra Græcorum evenit, differentiam adhuc notabilem adfert. Quibus tandem accedit, quod, ungues leproforum apud Judæos abscissos esse, *Lundius* tradat, qui in lepra Græcorum sponte decidunt.

§. XVIII.

(c) Aurel. Corn. *Cels.* Libr. V. Cap. 18. *Lommii* Observat. Medic. p. 259.

(d) Vid. Celeberrimi *Nicolai Nonnen* S. Th. D. & Prof. publ. Bremensis disert. de Lepre ædium mysterio & *Amat. Lusitan.* Curat. Medic. Centur. II. Cura 34. *Lundius non alte jüdischen Heiligtbumern* p. 670. *Franciscus Joel* L. X. pract. sect. III. No. 7.

Sed antequam ulterius progredimur, morborum prægressorum, sive causarum præternaturalium, mentionem paucis adhuc faciendam esse reminiscimur. Ita *Ambrosius Paræus* in Oper. chirurg. Libr. XIX. Cap. VI. memoriæ tradidit, quod a retentis tam hæmorrhoidibus, quam in sequiori sexu mensibus, deinde post morbillorum, febris quoque quartanæ, certis tempestatum intervallis, redire solitæ, suppressionem, & ubi ulcera antiqua intempestive resiccata sunt; quibus *Frid. Hoffmannus* in Medic. Systemat. rat. Tom. IV. part. V. Cap. V. §. XXI. hæmorrhagias in juvenili ætate per nares suppressas, nec non omittas in plethoricis subjectis consuetas venæ sectiones adjungit, lepra ortum trahere queat, atque exinde tempus durationis brevius vel longius, symptomata autem inde emergentia mitiora vel atrociora evenire possint. In nostris nos quoque experti sumus, quod unus, qui morbi, mitioribus paullo symptomatibus stipati, decursum intra XL. dies absolvit, antequam in lepræ adfectum incideret, scabie sicca, unguentis tamen variis præpositere solum sanata, laboraverit. Alter vero morbum diutius trahens, & gravius decumbens, non solum a nonnullis annis prurigne adfectus fuit, sed & breve ante lepræ accessum ex febre anomala & erratica tertiana, prout jam §. XVI. innuimus, absque ullo autem reprimendum usu expugnata, ægrotavit. Ne tamen in his nimis diu moremur, properamus ad ipsam prognosin de diri hujus mali periculo atque eventu: ubi rationem cum adstantium tum ipsius ægtoti habendam esse censemus. Quantum itaque ad eos attinet, qui circa ægros leprosos versari debent, illi omnino sibi ut caveant necesse est, ne contagio quodam inter tractandum inquinentur. Quem admodum enim exhalationes ex corporibus, maligno & contagioso morbo decumbentibus, spirantes pro vario materiæ morbificæ genio aut insigni subtilitate præditæ sunt, aut sub qualibet quantitate vires suas exferere valent, facili ita negotio fieri potest, quod etiam experientia consentaneum est, ut improvidis vel circa ægros diutius commorantibus, per sudorem receptum labes communicetur, nec minus per caligas, tibialia, linteamina ac mantilia, vel per inspirationem validam & deglutitionem salivæ, aut si ex poculis ægrotorum & cochlearibus, quibus adhuc saliva præsertim adhuc calens adhæret, incuriose aliquid hauriant, in massam sanguineam partes nocivæ diffundantur, & ad alios ceteroquin sanos, vel aptos ad concipiendum similem lœm transferantur. Adeo cum extra dubitationem positum sit, & omnia huc usque adducta satis evincant, morbum hunc magna virulentia ubicumque sævire, etiam non absque insigni periculo erit, cum infectis ejusmodi negotiosam rem habere, vel quod plus est, conversationem, adcubitus vel coitus instituere; præsertim si quis raro, spongioso & succoso corporis habitu præditus est, qui præcipue in ætate juvenili, facillime injurias suscipit.

Suffi-

ciat nobis, quendam casum in ephemerid. Nat. Curios. D. I. A. III. obs. 97. pag. 157. memoriæ proditum in medium hic proferre, ubi leprosæ cutis sceditas ex adcubitu contracta est: dum virgo, quæ alias quod ad formam & nitorem, fuerat elegantissima, cum ancilla impura per noctem in uno lecto dormiens, inscia illam esse impuram, unica nocte, se ex solo adcubitu ita conspurcavit. Quæ sine dubio ratio est, cur Deus tam sollicitè immundos separaverit a castris & ab hominum confortio. Levit. Cap. XIII. v. 45. mukum ergo sibi consuleat ii, qui tales impuros manibus tractant, vel iis opem ferunt, quando, ut plura prætermittam, oleo aut pingui alio, manus vel digitos illinunt atque aërem ambientem suffitu, odorem fortem vel acrem spargente diligenter corrigunt. Qualis vero prognosis in ægro ipso instituenda sit, ex diversis ejus dispositionibus atque ex causis concurrentibus evidens sit. Quare generaliter præmitti debet, quod quo impurius corpus est, & partibus morbificis huic adfectui per §phum XII. congruis, impensius refertum, eo majori impetu corpora infestabit malum, eo longius protrahetur, atque eo pejora & acerbiora symptomata generabuntur, quæ & curam difficiliorem exposcent, eoque tristiores promittent eventum. Interim de toto durationis tempore nihil specialioris in universum decernere licet, nisi quod hunc morbum *Corn. Celsus* & *Cælius Aurelianus* longis seu chronicis adnumerent morbis. Ex nostris quidem ægris malum illud, post inchoatam curam, quod supra diximus, unum quadraginta circiter dies, alterum vero usque in quartum mensem vexavit, antequam cum sanitate in gratiam redierint. Neuter tamen eorum, forsitan ob naturæ bonitatem, id expertus est, quod *Lommius* aliique adfirmant, eos nempe, quos lepra contaminavit, paullatim emarcescere. Nullum etsi dubium super sit, non solum hæc, sed multo pejora quoque emergere posse; adeo ut adfectus in Elephantiasin Græcorum vertatur, vel curationem vix admittat, vel de vita etiam æger periclitetur: si naturæ vires languent, vel morbi violentia franguntur: si viscus aliquod nobile labem inde contrahit: porro si malum inveteratum, temporisque diuturnitate confirmatum, aut jam medicamentis perversis tractatum fuit: tandem si malum hæreditate in progeniem propagatum est, vel tempore medicationis per abusum rerum non naturalium fomes morbi, aut ægrotorum incuria, aut medicantium negligentia fovetur, imo adhuc augetur. Sicuti enim quotidie convincimur, quod leviores etiam humorum acridinem, quæ se interdum in sanguinem insinnavit, brevi tempore per medicamenta corrigere aut radicitus extirpare, non parvus labor sit, qui non raro expectationem & medicorum & ægrotorum destituit; quoniam ea, quæ medicamentorum vel alimentorum sub specie ingeruntur, semper ob admixtionem liquidorum jam in corpore præsentium, ac insigni activitate & penetratione sub hoc statu præditorum, mox depravantur, & in similem naturam prius transeunt, quam vim alterantem aliquam in

Disput. Medico-Pract. Tom. VI.

L

san-

sanguinem exercere valent. Multo magis idem omnino statuendum est, de conditione sanguinis ita vitata, & acredine adeo concentrata, qualis in cacochymiis supra §. V. descriptisprehenditur, & lepræ procreandæ causam suggerit. Inde factum est, ut eadem a plerisque auctoribus incurabilis pronunciata fuerit; quare ut medicus gravi huic malo, si curare cupit, apta & studiose concinnata remedia opponat, æger vero ea, quæ medicus injungit & præcipit, impigre fervet atque exsequatur non solum, sed & magna animi constantia usu & continuo in efficaciam deducat, necesse est. In quem finem nunc methodum medendi aliquam succincta enarratione subjungemus, quam cito, tute atque sine magnis sumptibus opitulantiem, & experientiæ ex voto respondentemprehendimus.

§. XIX.

Cum cura atrocis & tetri hujus mali, clarissimos quoque scriptores practicos suspensos & incertos teneat, optimum erit, si indicamus breviter, quid proficuum censemus, & quam viam calcavimus. Ut autem ad metam propositam perveniamus, indicationes sequentes ex principiis rite applicatis elicimus: ut nimirum

- (I) Abundantia sanguinis purpurei, si urgeat, imminuatur.
- (II) Acredo humorum obtundatur, ac partes omnis generis morbificæ incidantur & resolvantur.
- (III) Materia morbi quovis modo eliminetur &
- (IV) Cutis superficies emolliatur, abstergatur & lævigetur.

Prima igitur indicatio artificialibus sanguinis missionibus, venæsectione & scarificatione, & quæ plures sunt, expletur. De iisdem autem non inutiliter monemus, quod *Dolæus* jam omnes sanguinem educendi modos ex methodo serio proscripserit; idque non omnino absolum, eo respectu præsertim de venæ sectione dicitur, quia nocere etiam posset, quando aut materiam morbi in interioribus magis continere creditur, vel certe impulsus sanguinis versus peripheriam pro conditione rerum circumstantium minuit. Nos quoque ipsi, probe quamvis memores, quod sanguinis imminutiones, aliquos morbos cutaneos leviores per se sole interdum solvant, in uno ægrotorum, ad quem malo jam multum provecto accessimus, experti sumus, quod æque feliciter & citius quidem, quam alter, cui ante morbum invalescentem sanguis detractus est, liberaretur, etsi præpediti fuimus non solum impedimentis mox exponendis, sed etiam ætate juniore, minus commoda hisce rebus. Interim tamen plethoræ remotionem non plane excludimus, sed virium & constitutionis ægotantium, liquidorum præsentium copię, & symptomatum occurrentium (§. XII.) rationem habendam esse omnino arbitramur. In primis autem censemus, quod si sanguis mitti debet, id aut statim in principio fiat, (nam si semel corpus undique squamis contegitur, his operationibus vix amplius locus

eus supererit) aut post exantlatum morbum in sanitatis confirmationem, & ad præcavendos ultiores insultus instituat.

Secundæ indicationi satis fit per decocta infusa, ex herbis radicibusque solventibus, demulcentibus & obtundentibus composita, quibus lapathum acutum atque juniperum magno ægrotorum emolumento adjuvamus. Hæc mane cum regimine modice diapnoico calida sorbentur, per reliquum diem vero pro potu ordinario exhibentur. Interponuntur utiliter decocta ex mucilaginis, avena vel hordeo cum passulis minoribus, vel aliis alvum leniter subducentibus. Egregie etiam prodest serum lactis vel dulce vel acidulatum, largiter haustum. Commodissime denum interdum junguntur essentia solventes, diapnoicæ & corrigentes, atque noctu pulveres in eundem scopum directi ex adcommodatis salinis, absorbentibus & sudoriferis simplicibus conflati. Quorum omnium recensionem specialem in medio relinquere cogimur, ne nimia prolixitate molesti simus.

Tertia indicatio absolvitur ultra ea supra sub indicatione II) recensita leniter diapnoica, excretionem per cutem & urinam adjuvantia, speciatim per talia remedia, quæ per alvum educunt nociva & priori methodo resoluta. Huic scopo admodum apta invenimus leniora, quæ non cum impetu aut torminibus evacuant, sed potius simul humectant & temperant. In quem censum salia, ob hoc commodum satis nota, Anglicanum, Sedlizense, polychrestum aliaque, tum & potiones vel infusa, quæ rhabarbarum, mannam vel sennam recipiunt, & serum lactis ipsum referenda sunt. Extractum quoque hellebori nigri, convenienter paratum, & aliis similibus sociatum sub forma pillularum paullo majori dosi propinatum, conspici usus fuit. Præstant autem hæc, quia sæpius, ad minimum quovis octiduo, reiteranda sunt, nec vi §phi V. simul atque semel serum detrahi debet. Antequam autem ulterius progredimur de Hydrargyri efficacia, præcedentibus ambabus indicationibus quadrante, aliqua excitamus. Per multi isti nos haud quaquam fugiunt, qui Mercurium dulcem quasi athletam fortissimum in pertinacibus morbis serosis, sic & in hoc & similibus adfectibus non solum valde prædicant; sed & copia larga pluribus morbis eum opponere familiare habent, imo & teneris infantum corporibus indiscriminatim offerre non pertimescunt. Invenimus equidem in Actor. Phys. Med. Ac. Nat. Cur. Vol. I. Obs. VIII. casum pueri, ob crustam lacteam & scabiem perversè tractatam leprosi, mercurio dulci una cum paucis aliis in auxilium vocatis remediis, sanati. E contraria autem parte *Willisus* Sect. III. Cap. VII. confitetur, quod in quatuor ægris, impetigine solum, morbo leviori, laborantibus frustra omnino levamen eo remedio tentaverit. Illustris atque excellentissimus D. præses, suspectam mercurii fidem, passim & pluries sese manifestantem considerans, in id cogitavit, quomodo minus secuta evitaret, & medicaminum aliorum securiorum vires indagaret & experiretur, hinc ne tantillum quidem mercurii hic adhibuit; hoc

tamen non obstante curam in ambobus ægris b. c. Deo felicissime per eam modo supra enunciata & infra denominanda ad finem perduxit.

Quartam indicationem concernunt medicamenta externa, ad cutis superficiem leniendam, lævigandam & abstergendam: cui fini balnea lini-
menta, atque aquæ abstergentes & cosmetice in primis conveniunt; quæ etsi raro aut numquam per se juvent, nisi causa procacior, nimirum mala & viciata humorum dispositio prius corrigatur; interim tamen omitti nullo modo possunt. Farrago quidem ingens huiusmodi topicorum tum apud auctores medicos tum alibi vulgo prostant. Optima autem experti sumus balnea, modice calentia, ex aqua dulci, cui quædam herbæ emollientes & abstergentes incoctæ sunt, quibus ad mediam circiter horam infideat æger, toto corpore immersus; postea per totum corpus illinatur butyro insalfo recenti, ut cutis demulceatur & squamæ separentur. Hæc iteratis vicibus repetenda sunt, prout res exigit, sub statu morbi, & dum squamæ passim elevari & solvi incipiunt. Quando vero squamæ non amplius tanta copia pullulant, sed hinc inde solum efflorescunt, aqua cosmetica ex aqua Rosar. vel calcis vivæ, vel fontana & lapide medicamento Crolii parata sufficere potest. Plura adhuc præstat liquor abstergens illustri præsidis, in impuritatibus cutis multiplici usui probatus.

§. XX.

Verum enim vero, cum ad felicem morborum curationem diæta multum conferat, restant nunc quædam ex fonte diætetico hic subnectenda; hæc enim multorum morborum fomitem præscindi atque illorum curationem accelerari posse, & rationi & experientiæ consentaneum est. Aerem ergo purum, siccum atque temperatum, quantum fieri potest, æger hauriat: impurum autem, humidum & frigidum, aut nimis calidum vitet. Alimenta sumat mucilaginosa, facili digestionis, carnes molles, elixas potius, quam assatas, earumque juscula; proseribantur aromata, sale condita aut fumo indurata, & alia minus congrua jam §phis III. & X. tractata. Exulet potus vinosus, spirituosus & cerevisia præsertim inebrians & feculenta; eligantur e contrario infusa & decocta, vel cerevisia defœcata, & reliqua §pho præcedenti commendata, quæ largiter bibantur. Hæc fere sunt quæ durante morbo observari debent. Non tamen seponantur post sanitatem recuperatam. Vanum esset motum corporis commendare graviter ita decumbentibus & impotentibus moveri: morbo autem absolute præsidium contra recursum omnino quaeratur in exercitio decenti corporis; illud tamen æque ac quies, somnus & vigilæ in mediocritate consistent. Alvus & aliæ excretiones in ordine servantur; usus autem venteris angue pejus & cane vitetur a) & animi pathemata ad usum rectæ ratio-

(a) Lepidum consilium circa hanc rem videatur apud *Paræm.* l. c. Cap. VIII. quod homines in hunc morbum præconi castrari debeant.

rationis instituantur. Tandem sanguinis detractiones per venæ sectionem, præsertim vero per scarificationes crebrius instituantur. Plura passim cavenda vel facienda prudenti medico sana theoria & individuorum corporum consideratio facile suppeditabit. His quoque ducibus methodum ipsam medendi variare, & poscente necessitate efficaciorum reddere poterit. Hinc si y. g. ulcera vel aliæ reliquæ remanerent, convenienter prospiciet, & variis symptomatibus etiam gravioribus, siurgent, succurrere sciet. Horum molestissima ferme sunt, æstus & dolor. Prior parcam anodynorum quantitatem permittit, ne æger viribus nimis cadat, aut moræ periculus medicationem respuat & succumbat. Nihil vero hic inconsiderate agendum esse, suademus.

F I N I S.

VIRO PRÆNOBILISSIMO ATQUE
DOCTISSIMO
JO. CHRISTIANO VOIGTIO
MÉDICINÆ DOCTORANDO
GRATIAM DEI ET LÆTA QUÆCUNQUE
CASPARUS JACOBUS HUTHIUS

S. S. TH. D. ET P. P. O.

Litteras hæc dum publicum mei in te adfectus extare volo monumentum, ornatissime Voigt! de lepra Mosaica pauca disseram: neque enim verborum, quo commenderis, longo firmate te indigere arbitror. Morbum lepræ & plagam lepræ haud exigua eruditorum pars confundit. De illo medicus tractet: de hac theologus.

Vitiliginem albam, quam Græci λέκην vecant, commemorat *Celsus*, *Medic. Lib. V. c. XXVIII.* eamque ita describit, ut a lepra legali proximus omnino abesse videatur. Elephantiasin peculiare Aegypti fuisse malum, auctor est *Plinius Hist. Nat. L. XXVI. c. 1.* Utrumque lepram referre Mosaicam ut morbum vulgarem notumque in oriente, inde confecit *Daniel Clericus*, nec sine insigni eruditionis adparatu; ut ex schedis ejus collegit *Joannes* frater, in *Diss. de lepra Mosaica*, ad calcem *Comm. in Lib. Hist.* Consentientes habet quam plures tam ex medicorum, quam

quam Thelogorum ordine. Ego vero tamen analogam quædam cum istis scabietum speciebus libenter largiar: toto tamen genere multisque modis differre lepram legalem, penitus persuadeor. Etenim (1) contagiosa quam maxime fuerunt tam leuce quam Elephantiasis, ut qui ea deprehendebantur correpti, luis serpentis metu ab hominum statim consortio semoverentur, pluribus id docente ipso Clerico: sed in lepra legali nullum prorsus occurrebat contagii periculum. Omnis ejus impuritas pendebat ab ore sacerdotis; nec physica erat, sed moralis. Sacerdos donec decerneret, libere inter homines versabatur leprosus. Quin immo purus declarabatur, quando totum corpus lepra cernebatur desecratum Lev. XIII. 12. 13. Nec inficiebatur sacerdos, cum reliqui omnes redderentur immundi. (2) Vitiligo orientalis causas agnoscebat naturales: sed lepra legalis citra naturæ ordinem, miraculose infligebatur. Testantur non solum exempla Miriami Num. XII. 10. Uxiæ II. Chron. XXVII. 19. 20. Gehasi II. Reg. V. 27. sed & divinæ comminationes loquuntur. Lev. XIV. 34 Deditero autem plagam. & Deut. XXIV. 8. Cave tibi a plaga lepræ, cavendo valde & faciendo, juxta omne quod docebunt vos sacerdotes. (3) Vitiligo orientis medicorum cum maxime indigebat opera: sed medicamina prorsus removit a lepræ legalis sanatione Deus. (4) Vitiliginis albæ sanatio quantumvis rarior esset tardiusque procederet, erat tamen nonnunquam in medico ut revalesceret æger: at leprosi restitutio uni soli Deo reservabatur II. Reg. V. 7. Matth. VIII. 2. (5) Lepra medica e morborum numero erat: sed lepra sacerdotalis nunquam morbus, ubique plaga audit, quin a morbo notanter distinguitur Matth. X. 8. (6) De lepra dum præcipit Deus, tres ejus constituit species, non solum cutis, sed & alteram vestium, alteram ædium; quarum quidem inter populos orientis nullum uspiam existit exemplum. (7) Accedit operosa illa lepræ sacerdotalis Lev. XIII. & XIV. descriptio: qua certe non indiguisset, si morbus fuisset orienti notior. (8) Ut nihil dicam de plagæ illius duratione, ut pote quæ, finita æconomia legali, inter ipsos Canaanis incolas exolevit. (9) Nec nomen lepræ Judaicæ, ad gentes transiit. Græci voce generali reddunt, λέπρα dicentes; non leucen non elephantiasin: quin nec ipsi Judæi vocis Zaraath originem indicare possunt. Composita videtur ex duabus vocibus Zar & Raah: ut idem sit ac angustia & congeries malorum.

Operam itaque, me iudice, perdunt & oleum, qui de lepra Judaeorum ex Hippocrate & Galeno philosophantur, de natura ejus atque caussis moleste solliciti. Ita laborasse video *Franciscum Vallesium*, Medicinæ in Academia Complutensi Professore, de *Sacra philosophia* c. XIX. *Henr. Voglerum* Prof. Helmstad. in *Comm. de rebus script. natural. & medicis* p. 104. seqq. *Henr. Bartholinum* Prof. Hafniensem, de *morbis biblicis* p. 39. seqq. imprimis *Aug. Calmetum*, celebratissimum Galliae Abbatem, qui novo instituto ex vermiculorum quadam specie rem omnem confici posse

hütumat in den biblischen Untersuchungen. P. II. p. 143. seqq. ex ed. ven. Moschemii; alioque. Consultius egitti *Clarissime Voight!* quilepram medicam a sacerdotali distinxisti curatius: non enim de plaga præter ordinem naturæ divinitus immissa, sed de morbo tibi, hygienes filio, tractandum fuit.

Subnasceretur vero dubium, qui fieri potuerit, ut communior ille orientis morbus nonnisi Aegyptios, Phoenicios, Tyrios invaderet, grassante tantum inter Canaanis incolae leprae sacerdotalis plaga. Ad hoc non inconcinne responderim, si singulari numinis divini curae tribuerem. Hanc equidem a morbis Aegypti immunitatem peculiari privilegio populo suo addixit Deus, si statuta ejus custodiverit, *Exod. XV. 26.* notanter addens, *quia ego Jehovah sum medicus tuus*: quocum conferas *c. XXIII. 25. Deut. VII. 15. c. XXVIII. 60. 61.* Neque imo totum orientem pervagata est illa Arabum viuligo, sed intra Nili terminos confedit, testante *Lucretio L. VI.*

Est Elephas morbus, qui inter flumina Nili

Gignitur Aegypto in media, neque præterea usquam.

Idem de leuce Græcorum & Pisagis Persarum dixeris. Cæterum non defuerunt varia ulcerum genera, quibus populi peccatis iratus est Deus: diversa vero extiterunt a plaga lepræ, tanta ideo sollicitudine in lege distincta. Leporam Naamanis, Syri, non ex numero morborum orientis fuisse, sed peculiari numinis judicio, ut Deus Israëlitis inter Syros celebraretur, immisam, ex ipsa historia facillime collegeris.

Devenio ad lepræ sacerdotialis mysterium, quod & economiæ legalis generalis ratio *Ebr. X. 1. coll. c. IX. 23.* & specialis Dei de ejus cognitione & expiatione ordinatio *Lev. XIII. & XIV.* & ecclesiæ Israëlitiæ priusca confessio *Ps. LI, 9. coll. Lev. XIV. 4. Esai LXIV. 6. coll. Lev. XIII. 45.* & arcana Dei, quæ ejus emundationem inter criteria Messias scripturaria posuit, sapientia *Mattb. XI. 5.* adversus sæculi nostri insipidam incredulitatem, abunde demonstrant. In ipsa vero mysterii definitione discrepare interpretes, non diffiteor. Mihi, ut paucissimis expdiam, lepra Judaica inter stigmata poenalia videtur referenda, immorigeris durante æconomia servili in cute divinitus inusta, ut de peccati, quod dissimulabant, atrocia constaret publice, fœditas ejus atque reatus tetro emblemate pingeretur, reique ad pœnitentiam & quærendam intypica mediatoris expiatione, peccatorum remissionem adigerentur. Crimina, in quorum vindictam immissa sit lepra, filet scriptura. Septem enumerant Judæi apud *Jac. Rhenferdum de lepra cutis Hebræorum §. XX.* malignam obreftationem, superbiam, furtum, invidiam, homicidium, perjurium, scortationem: verum ultionem fuisse cujuscunque gravioris transgressionis, libera Dei voluntate inflictam, sed omnibus metuendam, tutius concludo ex *Dent. XXIV. 8. 9.* Stigma vero poenale dum statuo peccati, idemque peccati emblemata; hæc nequitiam se tollere existimo, uti quidem

nupestrime visum est viro eruditissimo Nic. Nannem, in Diss. de *lepra adium* mysterio §. XVI. Eadem poena propter peccatum immissa peccati pingebat naturam, & sapienti numinis consilio hoc modo conformata fuit, ut eam adumbraret. Ita Deus universæ civitati leprosum in exemplum posuit foeditatis peccati, ut in hoc speculum intuentes horrerent omnes. Contagium tamen physicum a plaga lepræ abesse, morale tamen ei constanter inhærebat; quod vir eruditus non satis attendit. Levitica enim ista contagio peccati, quæcunque hominum inficientis, eo certius & luculentius est emblemata: quo magis destinato ad id consilio selegisse videtur divina sapientia, cum in ipsa lepræ natura nihil prorsus contagiosi inesse deprehendatur.

Similitudinis partes haut difficulter exvelabimus. Figurabat nempe *lepra cutis* (1) hominis, post lapsum nudi, abominabilem ex peccato foeditatem, (2) conscientie dissimulantis manifestam turpitudinem, (3) mali in se hæreditarii execrandam lueni, (4) delicti, quod peccatorem a Deo ejusque civitate separat, tristissimum effectum, (5) contagii peccato inherens certissimum periculum, (6) auxilii humani desperatam causam, (7) Sacerdotalis Christi officii infinitam virtutem, (8) contritionis divinæ, qua totos nos deploramus immundos, evangelicam præstantiam, (9) expiationis per sanguinem mediatoris morituri, sepeliendi, & resurrecturi necessitatem & efficaciam. Nam & mori debebat altera avium, & sepeliri: & sanguine mactatæ conspersa altera evolabat. (10) ut nihil dicam de aquæ sanguine lustrali rubentis illustri antitypo, æconomiae perfectiori in mysterio baptismi reservato.

Lepra vestium habitus operum externi pingebat spurcitiem, aut refecandam aut igne ultionis divinæ comburendam. *Lepra adium*, quæ nonnisi interiorem earum partem corripiebat, intrinsecam familiæ designabat turpitudinem, aut emendandam, aut evertendam.

Philologica nonnulla supersunt, quibus ista de lepra sacerdotali sanctio lucem frænerari possit: sed otium fecerunt viri clarissimi Phil. Ouseelinus in Diss. de *lepra cutis Hebræorum*, Franeck. 1709. & Jac. Rhenferdus in Diss. cit. recula in b. Meuschenii *N. T. ex Talmude illustrato* p. 1057. seqq. Mihi spiculum post messem instituere sufficit. Scripsi vero ea mente, ut summum, quem nunc attingis, tibi gratuler in arte salutari gradum, *Suavissime Voighti*. Quadrienium in hac nostra egisti Academia, providentiæ divinæ alumnus, morum elegantia omnibus bonis acceptus. Condecoraris *Præsidis tui* vere illustris elogio: Tuæque te industria non degenerum adhuc tanti viri probavit auditorem. Pietatis tuæ haut fucata cominus testis fui: nunc & de præmiis, quibus ornandus es, absens lætabor. I deo duce, & in amplexus fere sponsæ omnibus sui sexus virtutibus ornatissimæ, conjunctissimumque ex ejus sorore adfinem, maxime reverendum Dn. Orlichium, Lobensteinensium Superintendentem merissimum, meo nomine saluta. Ira vale, resque tuas age feliciter. Scribebam in Academia Fridericiana Erlangensi d. IX. Januarii 1750.

J.

C X C V.

J. FRID. BACHSTROM,

O B S E R V A T I O N E S

C I R C A

SCORBUTUM EJUSQUE INDOLEM,

CAUSAS, SIGNA ET CURAM INSTITUTAM

EORUM PRÆPRIMIS IN USUM

QUI GROENLANDIAM ET INDIAS ORIENTALES

P E T U N T.

Leydæ 1734.

Disput. Medico-Pract. Tom. VI,

M

Scorbutus est inquinatio sanguinis & feri ac aliorum humorum humani corporis, per diætam nutrimentaue prava, aliasque causas secundarias contracta, cujus ope prædicti humores putredinem & acrimoniam contrahunt, quibus vasa sic extenduntur, labefactantur & eroduntur, ut ex partibus debilioribus, cujuscumque sunt gingivæ, fauces & intestina pleraque, post prægressos dolores & tumores, ad quamvis irritationem sanguis merus profluat, in partibus vero fortioribus post torporem totius corporis & artuum maculæ & striæ varie coloratæ producuntur, quæ mox in pustulas & ulcera mala, & tandem in hydropem, tabem & mortem desinunt.

Ad naturam & historiam hujus morbi præprimis pertinet, quod ille in nonnullis terræ locis magis quam in aliis homines inficiat, aut certo generi & statui hominum videatur esse familiarior.

Præcipuam & regiam suam sedem habere dicitur in regionibus septentrionalibus, qua de causa nec antiquis creditur fuisse cognitus: at, quod non tantas strages in locis calidioribus edidit, nec edere potuit, hinc illis *Stomacaces* nomine potius leviter descriptus, quam plane ignotus fuit. Vix enim postulandum est a medicis etiam celeberrimis, ut morbos, qui ipsorum regionibus minus frequentes sunt, penitus cognoscere, describere, aut etiam curare queant: nam omnis scientia & ars ex crebra observatione & constat & augetur, qua si quis destituitur, non sine insigni errore ejuscumque res aut ex aliorum recensione tradere, aut ex proprio cerebro fingere potest.

Hanc ob causam illi, qui sine sufficienti historia morbi mox ad ejus descriptionem & curam properant, septentrionale frigus, & humiditatem maris, cibosque sale & muria conditos sic accusarunt, ut circumspectos alios medicos fere quosvis in sententiam suam traherent. Chymiatrum vero, qui ex furnis suis omnia producere & excludere solent, protinus alcali quoddam generari & foveri dixerunt, cui salia contraria, & alia valida remedia opposuerunt ex hypothesi, plerumque irritato conamine, imo malo sæpius magis irritato & aucto.

Si vero patientius & penitus historiam & indolem hujus morbi introspicias & examines, longe alia tibi patebunt, quibus & theoria & praxis circa hunc morbum maxime promovebitur, erroresque omnes hypothesibus adstricti evitabuntur.

Primo omnium equidem constat, quod scorbutus magis in septentrione, quam in aliis locis grassetur. Ibi enim non solum indigenæ cujuscumque ætatis, generis vitæ, aut status, eo afficiuntur; sed peregrini quoque, qui pro capiendis balænis ex quibuscumque gentibus illuc proficiuntur, ac per aliquod tempus in solo Grœnlandiæ detinentur, maximum ex hoc morbo patiuntur incommodum.

Ne vero salum aut mare solum accuses, eorum historiam lege, qui ibidem in continente hyemem transegerunt, hi enim omnes fere scorbuto extincti sunt. Sic ut magis propter hunc morbum, quam propter frigus & alia gravissima licet impedimenta de compendiosa & utilissima via ad Indias orientales, imprimis in Japoniam & Chinam inveniendā, Belgæ desperaverint.

Quid autem magis oppositum frigori & locis septentrionalibus, quam zona torrida, & fervidissima sub ipso sole plagæ: attamen ibidem navigantes in Indiam occupat hic morbus, & complures eorum aut maculat, aut saltem ad labores ineptos reddit, sic ut nulla plaga his itineribus sit nocentior & impeditior. Hoc quomodo cum sententia eorum conciliari queat, qui frigori & septentrioni hunc morbum tribuerunt, plane ignoro, nisi quod jactationem in mari, incommoda itineris, & cibos sale conditos, superiori causa de frigore interim neglecta, accusabunt. Sed quo omnem ipsis elabendi occasionem adimamus, e mari & a navigantibus in continentem, historia duce, hic morbus nobis erit educendus, & quidem paulatim a borealibus ad reliquos, qui calidiores inhabitant regiones, progrediendū.

Satis nota enim Thorunenſis obſidio, cum urbs a rege Sueciæ per totam ætatem cingeretur, nam tum in ea ultra quinque vel sex millia militum præſidiariorum, & ingens multitudo incolarum hoc solo morbo abrepti sunt, adeo ut hoc magis malo, quam Suecico valore urbs expugnata, & ad deditionem coacta fuerit. Ne vero cæli temperiem, aut loci occultam aliquam qualitatem accuses, hoc probe tenendum est: factam esse obſidionem æſtivo tempore, præterea Suecis obſidentibus nihil quicquam hujus mali accidisse, licet populi fuerint septentrionales, quorum corpora aut ad hunc morbum procliviora, aut antea jam infecta videri poterant. Obſidione vero cincti & inclusi erant & Saxones, & incolæ ejus urbis, hos tamen non adeo cito neque tam violenter quam Saxones invaluit hic morbus, sic ut posthæc præſidio fere deleti ipsi cives circa finem obſidionis excubias agere, & reliqua officia militum supplere cogerentur. Ab his ego accepi, quod illos pigros & lassos reddiderit, ut vix artus movere potuerint, quoniam se in juncturis artuum magis omnium manifestavit, hinc plures solo motu corporis se levare posse crediderunt, sed citius reliquis fuisse enervatos & enecatos; eos vero, qui blandiori motu corpus magis foverunt quam exercuerunt, diutius vitam traxisse, non tamen hoc remedio morbum abigere potuisse.

Finito ultimo bello Turcico in Hungaria exercitus cæſareus circa Temesvariam, nec regionem nec urbem septentrionalem, qualis adhuc Thorunium, videri poterat, in hyberna deductus fuit. Ibi morbus adeo invaluit, ut complura millia militum corripere & extinguere. Cum vero medicus campestris, omnibus remediis imprimis omnibus essentiis, extractis ac salibus antiscorbuticis frustra adhibitis, consilium totius collegii medici

dici Viennensis anxie requireret, responsum tulit, quod mutatis duntaxat formulis eadem fere suadebat, neque omnino levabantur ægri, ut potius hic morbus magis invalesceret, donec circa vernale tempus sponte quasi cessaret. Notabilis vero hic non est reticenda circumstantia, quæ medici hujus sive admirationem sive trepidationem magis auxit, nempe quod morbus hicce ibidem nullum omnino præfectum, nec infimi quidem ordinis, sed solos gregarios milites extingueret: quam causam cum ipsi ex natura hujus mali explicarem, tantopere gavissus est, quantopere antea de infausto hoc morbo ejusque irrita cura doluerat. Idem medicus posthæc diligentius & attentius in historiam hujus morbi inquisivit, ubi inter alia in orphanotrophio superioris Germaniæ malum hoc maxime viguisse observavit, nec non apud illos, qui carceribus diu inclusi latitaverant.

Quoniam vero regiones calidiores præsertim Mediterraneæ ab hoc malo immunes esse creduntur & dicuntur, hinc a militibus cæſareis, qui diu in Italia & quidem satis procul a mari commorati erant, inquirens hæc accepi: ibidem durante bello præſidium aliquod cæſareum sic hoc morbo correptum fuisse, ut complures eodem extinguerentur. Ipse vero officialis, qui mihi hæc narrabat, natione Italus sic infectus fuerat, ut singulæ vultus utriusque manus in pustulam unam abivissent: qua de causa a medicis suis hunc morbum fere ignorantibus desertus fuerat, quem tamen chirurgus Germanus aliis antiscorbuticis, quam Itali propinaverant, trium vel quatuor dierum cura ex mortis faucibus eripuit.

Præter hos vero ubique terrarum & locorum & quovis anni tempore, cujusvis ætatis homines nonnullos sed parcius infestat, quod ex historia antiquiori & recentiori omnibus constat, sic ut exemplis allegandis vix opus esse videatur. Sed in his, quæ supra recensuimus, morbus tantum auctor, validior & frequentior.

Ad historiam & indolem hujus morbi etiam cura ejus tam ab antiquis quam a modernis partim feliciter partim infelicitate tentata pertinet. Sæpius enim remedia fortuito inventa causas morborum detegunt, & a theoria hypothetica penitus liberant ac vindicant, quod hic imprimis accidisse videbimus, ubi remedia causis plerumque secundariis opposita fuere. Quorum autem felicior cura fuit, eorum praxis fere theoriæ plurimum adversari videtur.

Nuper aliquis nautarum ex Groenlandia redux curam hujus mali ibidem usitatam mihi graphice depinxit, hæc inter alia narrans: se malo hoc adeo fuisse correptum & occupatum, ut nec manibus nec pedibus valeret, itaque post absolutam piscaturam a fociis cymbæ injectum & in continentem expositum fuisse, magis ut ibi mortis ultimam vim, quam sanationem experiretur. Quod vero nec manibus tantum valeret, ut cochleariam ibi copiose provenientem evellere posset, hinc eam pecudum ad instar ore depascere coactus fuit, & nihilominus hoc solo remedio,

crude occupato & assumpto, paucorum dierum spatio in integrum fuit restitutus. Iisdem fere herbis & reliqui septentrionales populi utuntur etiam sine ulla manuactione medica, cum natura ipsa ultimis septentrioni accolis harum herbarum vim ingentem magis obtruserit quam obtulerit. Frigori vero, quod medici plerique accusaverunt, remedium invenire, potius ad lignarios rusticos, quam ad eos pertinet. Sed cum in longioribus Belgarum & Anglorum itineribus maritimis remedia pharmaceutica etiam ex antiscorbuticis herbis parata fere nullius sint efficaciae, hinc medici cibos muria conditos, fumoque induratos, piscesque & incommoda maritima tanquam, inevitabilia & insuperabilia accusant; adjiciunt tamen quasi ovantes, quod navigantes hoc malo correpti, per paucos dies in terram expositi, praesertim itinere ad finem perducto, sine ullo medicamento solo fructuum usu restituantur: ex horum tamen numero omnino exempti sunt, qui ex hoc morbo jam extincti & piscibus pabulum facti sunt, aut quorum corpora hydrops corrumpit & rupit, sic ut incurabilia aut insigniter saltem depravata maneat. Quibus itaque ex aliorum sanatione parum solatii accedit.

Thorunienfes causam morbi praepimis tribuebant stramini, quod cerevisiae coquendae colatorii loco adhibetur, nam quoniam & ejus defectu laborabant, hinc idem saepius exsiccatum fuit, ut pluribus coctionibus inserviret, ex quo maximam corruptionem potus ortam esse credebant, cibos vero sale conditos & fumo induratos hoc malum magnopere auxisse. Sed eadem narrantes lacti adjiciebant, vix soluta obsidione atque apertis portis, cum oleribus se impleissent, malum protinus evanuisse.

Sic etiam omnes ii medici, qui feliciorum eventum curae suae experti sunt solis fere vegetabilibus acidis & subacidis & demum amaricantibus, quae ab ipsis Groenlandiae barbaris nullo suadente medico utiliter adhibentur, id omnino praestiterunt, quamvis nonnulli eorum saltem spiritus nitri & salis his cum fructu adjici posse credant.

Chymiatři vel metallurgici potius hoc animadvertentes, ex acidis vegetabilibus parari remedia antiscorbutica, neglectis vegetabilibus acido tantum intenti fuere, quod in duumviratu salium apud ipsos alteram paginam facit, audacter morbum alcalinae naturae esse declararunt, cujus salis tamen reliquiae plerumque ex fortissimo igne supersunt & quidem vegetabilium, non vero ex sale & muria & carnibus animalium, aut ex fuligine & fumo, quem nobis saepius vendunt, praesertim dum vegetabilium usum fere omnem proscribant. Itaque ex hypothese acida subterranea quaevis inprimis acerrimum illud vitrioli suaserunt. Qua de causa aliquis medicorum nuper in septentrionalibus locis propter alchymiam satis famosus, oleum vitrioli acerrimum omnibus fere medicamentis suis admiscuit, quo specifico omnes septentrionalium morbos ob perpetuum scorbuti cum iisdem commercium expugnari posse credebatur, eadem fiducia & eventu, quam aurum ipsum inde confici posse olim cum damno & ignominia

minia sua maxime crediderat. Non equidem inficior, in omnibus morbis horum populorum, medico suspicionem scorbuti esse necessariam, sed acido vitrioli specificam aliquam virtutem tribuendam esse, audacter nego, quod infra pluribus demonstrabo.

Num igitur cochlearia superius tantopere laudata, aut ejus essentia, aut extractum, aut sal ejus chymicum, constituet aliquod, vel unicum etiam medicamentum antiscorbuticum? minime gentium. Nam & hanc saepius nocere in hoc morbo, practici optimi optime norunt. Est autem prudentis medici, omnes & minimas circumstantias morbi & aegrorum probe expendere, ne illud, quod in alio casu & in alio corpore salubre est, in alio rursus nocivum imo pestiferum evadat. Maxime omnium vero decet sapientem medicum, in veram & adequatam causam mali inquirere, ne sine omni ratione ad solam praxim, & saepius fictam experientiam & remedia provocare opus habeat, quod solum fere empiricorum est.

Probe itaque pensitatis omnibus circumstantiis, quae superius in historia & cura hujus morbi narravimus, imo pluribus aliis, quas hic ob brevitem omittimus, concludendum nobis esse videtur: *Causam veram & primariam scorbuti nullam aliam esse, quam abstinentiam diuturniorem a quocunque genere recentium vegetabilium*, sive illa climatis indoli, sive coactioni & necessitati, sive neglectui sit tribuenda. Cui nunc causae quasi per inductionem omnia praedicta exempla cum eorum circumstantiis singularibus prorsus sunt applicanda; antequam autem id fiat, monendum omnino quod etiam aliae causae secundariae concurrere, malumque augere possint, cujusmodi sunt nimium frigus, aer infectus paludum, earumque humiditas & squalor, alimentorum pravitas, motus impeditus, sanguinis antecedens corruptio, alii morbi, & propria corporum ad hunc morbum proclivitas, & id genus alia.

Quod vero causam primariam attinet, populi septentrionales sane primum ordinem tenent, quibus hyems diuturnior vegetabilium productionem aut penitus inhibet, aut ea saltem nivibus altioribus sepe ta tenet, ne iisdem incolae se contra hunc morbum quovis tempore tueri possint. Concessit tamen his providum omnis necessitatis humanae numen ingentem cochleariae, lepidii, lactucae agninae, & nasturtiorum copiam quae sub ipsa nive perpetuo aut nascuntur, aut saltem vigent virentque, addidit & ingentem vim baccarum mirtilli rubri, quae hyemis tempore acescunt, atque sub nive conservantur, adequata & sufficientia hujus mali remedia. Sed miserrimi mortaliū aut iis uti nesciunt, aut longius versus septentrionem progressi ob nivium altitudinem & frigoris immanitatem ea conquirere minus valent, quod Hemskirchio aliisque in illa tristissima loca delatis accidit.

Secundam classem constituunt piscatores balænarum ex quibusvis gentibus, hi enim lucra causa diutissime inter glacies in solo harent, neque in continentem, ubi remedia sola nascuntur nisi absoluta piscatura def-

cedunt, quamvis remedium aliquo modo habeant cognitum, illudque parvo labore & temporis dispendio conquirere possent, suis forsitan remediis pharmaceuticis plus tribuentes, atque hæc vilia pro more aspernantes aut saltem negligentes.

Hos excipiunt, qui mercaturæ causa alia itinera maritima diuturna suscipere coguntur, ubi rursus hi, qui in Indias orientales proficiscuntur hoc morbo magis premuntur, quam illi qui propinquiora Americæ loca petunt, ubi iter est diuturnius, ibi etiam longior solet esse a vegetabilibus recentibus abstinentia. Magis vero hic morbus eos vexat, qui illuc proficiscuntur, quam qui inde redeunt, eo quod in locis calidioribus fructus recentes varios comedant, atque sic corpora & humores scorbuto tolerando præparent, aut quod inter alia comædatus genera horum largiorem copiam navibus suis imponant. Cum vero invaluerit præjudicium ex carnis muria conservatis hoc malum originem trahere, hinc sæpius ad insulam Helenæ adpellunt, ut ibi ex copiosis & prægrandibus testudinibus earumque recentibus carnibus aliquod adipiscantur solatium, præsertim cum animalia sine ullo nutrimento fere per integrum mensem viva conservari possint.

Veniamus ad urbes & loca diuturna obsidione cincta, brevior enim obsidio tantam corruptionem humorum corpori humano vix inducere valebit, cujusmodi supra Thoruniensem dedimus, quæ ultra quinque menses fuit protracta. Cum loca munita & castella rarius hostis possint abundare hinc coacti fuere, & ibidem ex aliis cibis vario modo conservatis sibi nutrimenta parare: cives vero & incolæ urbis horum recentium vegetabilium adhuc aliquam habebant copiam, hinc, licet ignari hujus remedii, scorbuto diutius resistere poterant, sed milites præsertim gregarii pisces, fabis aliisque granis, & pane durato atque biscocto famem tolerare coacti fuere. Aliquoties tamen intra obsidionis tempus cum hoste pactum fuit, ut mala nonnulla citria nobilioribus ægris unicum ante mortem solatium importari permitterentur, & cum aliquando permissu regis Sueciæ currus totus vegetabilibus onustus in familiæ cujusdam gratiam intromitteretur, hæc viles alias res a præfectis raptæ, & eorum mensæ tanquam summæ delicæ, natura ipsa id postulante, impositæ fuerunt, sic ut paucissima horum oleorum ad eam familiam, cui missa erant, pervenerint. Illi ipsi vero, qui mihi causas & circumstantias hujus mali narrabant, ultro addebant, cum apertis portis se vegetabilibus sufficienter replessent, morbum protinus extinctum fuisse, eodem modo, quo ii, qui in Indias proficiscuntur, vix degustatis vegetabilibus & fructibus recentioribus sine ullo alio pharmaceutico remedio sanitatem recuperant.

Ordo jam eos tangit, quos Temesvaris morbus hicce mirus miris circumstantiis invasit: hyems erat diuturnior, hortique & olera propter obsidionem præcedentem vastata, quid quod propter paludes vegetabilia & olera, quibus ordinarie homines vescuntur, longius remota erant,

hinc

hinc inter gregarios milites, qui siccatis & duris cibis utebantur, hoc malum unice viguit. Præfecti enim vel officiales, qui vel manipulos ducebant, sæpius apud capones & lixas campestres saltam juscula cum herbis comedebant, hinc omnes ab hoc morbo immunes, quod medico illi campestri quasi miraculi loco habitum, neque a toto collegio medico Viennensium perspectum fuit, est enim casus alias rarissimus, sed ex nostra causa optime explicatur, quæ est *absentia*, *carentia* & *abstinentia* a vegetabilibus recentibus, eo quod hic in Hungaria carniū recentium nullus omnino esset defectus. Quapropter etiam hoc malum *verno tempore* ob vegetabilium se ultro offerentium copiam sponte ut medicus ille dicebat, elinguit & cessavit. Hic præterea notandum, longiorem hyemem ubique terrarum in hoc casu septentrioni esse æquiparandam, eo quod frigus ubique vegetabilia diutius intra terram coerceat.

In orphanotrophiis & xenodochiis imo in carceribus, si propter hyemem vel defectum vegetabilium diutius alius generis alimenta distribuuntur scorbuto omnino panduntur fores, in quibus locis posthæc & squalor, & coarctatio & immundities & contagium, imo causæ quævis, primum medicis obviæ, culpam hujus mali ferre immerito coguntur. Verum quidem & squalorem & angustias locorum suos pati manes & morbos, qui saltem speciem scorbuti præ se ferre, aut morbum augere, non tamen producere valent.

Sic etiam sæpius fieri solet, ut aliquis in quocunque terrarum loco a vegetabilibus aut defectu aut neglectu abstineat, aut etiam abhorreat, præsertim cum lautiores hæc rusticorum fercula passim fastidiant, aromatibusque acerrimis appetitum magis obruant quam excitent. Quod si ab his, dum scorbutus eos occupat, quæras, num ejusmodi cibis usi sint nec ne, semper aut abstinentiam aut neglectum eorum invenies, id quod me in praxi mea circa hunc morbum nunquam fefellit. Cum enim illum Italum supradictum de morbo suo examinare, & num vegetabilibus caruerit, aut ab his abstineret, rogarem: quinimo respondit, nam si hoc fecissem, nonquam hoc morbo laborassem, & nisi posthæc iis usus fuisset, non amplius vitam ducerem; cum enim ab Italis desertus esset, incidit in Germanum chirurgum, qui ob iter aliquod festinans quasi transendo præcepit, ægrotanti ut servum suum in agros mitteret, quo varias herbas præcipue sylimbrium ibi copiosum colligeret, has aut crudas cum aceto, aut oleo, ut comederet, jussit, vel ut succos expressos biberet, vel ut in jusculis illas adhiberet, atque sic stupentibus fere medicis Italis vitæ fuit redditus æger.

Eodem prorsus modo pauperiores in locis paludosis vitam agentes, & piscatores, qui littora maris infertilia incolunt, ac navigantium mores imitantur, ab hoc morbo frequentius corripi, imo corripi debere, manifestum est.

Quot vero mensium aut dierum abstinentia ad producendum hunc morbum.

Disput. Medico-Pract. Tom. VI.

N

bum

bum præcise requirantur, ex natura ac constitutione cujusvis individui pendet, quoniam in aliis major potest esse ad hunc morbum proclivitas, in aliis vero diuturnior resistantia, prout inter diversos unius ejusdem itineris socios patet, quod non omnes, aut saltem non eodem tempore, aut eadem violentia oppugnantur, quamvis rarissima sint ejusmodi corpora, dum ne vigesimus quidem in itineribus Indicis sæpius ab hac labe immunis maneat; cum etiam chirurgi nautici non obstante medicamentorum copia & corripiantur & abripiantur.

Ex his nonnulli, medicorum qui protinus ad curam & remedia specifica properant, existimabunt, se jam indolem hujus morbi ac curam sufficienter imo abundanter nosse. Sed ut medicus in patientum numerum transeat, omnino necesse est, scilicet ut ferrea quasi patientia utatur, tum in examinandis omnibus circumstantiis morbi quem vel centies superavit, magis tamen in adplicandis & corrigendis remediis, in quo casu alia convenient aut noceant, aliave alio tempore & loco sint adhibenda. Hinc etiam mihi non videtur sufficere, quod superius longam satis descriptionem hujus morbi dederim, sed antequam justam ejus curam ac remedia tradam, nonnulla, quæ ad diagnosin hujus morbi pertinent, addere opus esse duxi. Sic autem communiter hic morbus se habet: primo omnium torpor, indies auctior, occupat artus, posthæc salivæ & oris visciditas, mox ibi gingivarum, palati & faucium tumor adest cum dolore, quibus cruentatio harum partium & erosiones succedunt; nunc maculæ ubique, pruritus, scabiola & fere leprosa indoles, pustulæ aqua flavida repletæ, ulcera, faciei pallor & luridus aspectus; interne fere ex iisdem causis febriles varii motus, anxietas, vomendi conatus, nausea, ructus, diarrhæa, hæmorrhagiæ internarum partium, præsertim hepatis corruptio & ruptio, hinc apud complures hydrops, tabes, & tandem apud alios pro temperamenti ratione mors subitanea, apud alios tamen longe languidior; post mortem vero cadavera citius quam aliorum putredini & corruptioni cum insigni fetore sunt obnoxia.

Ex his itaque non solum natura & indoles hujus morbi, sed etiam integra fere ejus cura ad oculum patet quibusvis, sed quod singulari circumspeditione & prudentia medica in quovis casu & quibusvis etiam minimis circumstantiis opus sit, ubi de humano corio agitur, soli saniores & experti medici norunt: itaque sicuti in inquirenda causa & indole hujus morbi valde solliciti fuimus, sic magis adhuc circumspecti in curando morbo & eligendis remediis erimus. Omnes equidem medici primum nonnisi a posteriori vel per experientiam solam vim medicamentorum & adplicandi methodum cognoscere possunt. Sed his perspectis etiam naturam morbi & medicamentorum vim & agendi modum a priori, quod dicunt examinare, rimari & cognoscere atque pernoscere debet diligens & indefessus naturæ scrutator, ut his principiis generalioribus cognitis longius artem extendere, & tutius ubique remedia selectis-

sima adplicare possit. Quibus, ut & hic satisfaciam, pro virili annitendum erit.

Experientia plurium artium magistra ultimos & barbaros septentrionis accolæ, cujusmodi sunt & Grœnlandi & Samoedæ, qui sine medicis doctis vitam agunt, remedia contra hunc morbum docuit, eo quod natura ipsis horum ingentem copiam magis obtruserit quam adposuerit, quæ sub nivibus quovis anni tempore latent & læte virent, æstatis vero tempore campos eorum opplent. Dedit enim summus medicus ad mala & incommoda, quæ ex mundi terræque situ redundant, etiam ubivis locorum remedia plus quam sufficientia, sed hominum est ratione uti, & earum acquisitionem ac vim omni modo scrutari, alias enim in nos ipsi injurii sumus, culpamque oscitantæ comitem ac pedissequam per dolorosos morbos experiri cogimur. Quoniam vero per longiorem hyemem ingentes & altissimæ nives has herbas antiscorbuticas tegunt, aut hyems rigidior earum proventum maxime impedit, hinc magis curandi quam præservandi scopo hæc herbæ a natura datæ videntur: Sed ne etiam & hic conquerendi ansam genus mortalium arriperet, in sevit divina benignitas omnibus fontibus per hyemem satis calidis & manantibus, ut nives injectas a tempestate solvere queant, maximam copiam beccabungæ, sylimbrii & aliorum nasturtiorum, ex quibus ubivis locorum sufficientia remedia parari queant. Sed fac, hæc omnia deficere, tunc sane artis & rationis est, ut ea recentia conservare, aut recentissima producere queas; hominibus enim terra data est, non ut sponte omnium ingentem vim quovis anni tempore producat, sed ut homo eam ubique colat, atque sic ex labore suo fructum & remedia obtineat: hic itaque inprimis notanda venit *Nasturtii bortenfis* natura & constitutio, huic enim Deus præter copiosum semen etiam ejusmodi indolem dedit, ut omnium citius & prius vel in cellis aut cubiculis aliquo modo calefactis ipsis hyemis tempore progerminet; de quo nonnulli per jocum quasi prodiderunt, quod hanc herbam, antequam mensæ accubuerint, terræ commisissent, & quod circa finem prandii aut cænæ ea sic ex semine & terra egressa fuerit, ut illa oleo & aceto condita, quod salatam vocant, vesci potuerint: Sed certior est ejus copiosus proventus, qui post aliquot duntaxat dies se exserit. Quod si vero naturam herbarum & horticulturnæ diligentius examinaveris, plures sane ejusmodi herbas pro climatum ratione invenies, sic ut te nullibi deficiet remedium antiscorbuticorum recentium tanta copia, quanta pro cura peragenda sufficere poterit.

Sed aciores hæc herbas in praxi sæpius nonnullis nocere videbis, habent enim speciem aliquam veneni, hoc est, quod in minima dosi propinatæ vim vitæ superare & extinguere possunt, hinc etiam complures herbæ causticæ & venenatæ aut saltem narcoticæ in ipso rigore hyemis producuntur & florent, quasi naturali calore non haberent opus, sed igne & calore summo intra se jam essent præditæ, in quorum numero

sunt & crocus & colchicum & hellebori species, & ranunculi nonnulli, & lauro, alixque, Et quamvis supra recensitæ non adeo violentæ sint, tamen & eadem, nisi cautissime adhibeantur, sæpius ingentia mala producere, morbum augere, aut mortem omnino accelerare queunt. Itaque leniter est procedendum, & per blandissima remedia ad asperissima quæque progrediendum, præsertim in morbis chronicis, in quorum numero & noster est, qui paucissimorum dierum patientia, & gradatim adplicatis remediis feliciter superari potest, sic ut nulla festinatione opus sit.

Optimus autem medendi modus est, ubi nullis omnino remediis & medicamentis opus habemus, hoc est, si morbis ex consilio medici obviam eatur, antequam nascantur, & in corpore humano se palam omnibus manifestent, nempe modo præservativo, nam sæpius ad eundem gradum morbi ascendunt, ut nullus medicorum sed Deus tantum ejus curam certam efficere valeat. Hoc enim in casu nostro ingens hominum multitudo remedium prorsus ignara, facit, dum vel pauperiores ipsi oleribus & herbis plerumque vitam laboriosam sustinent; hoc enim vectigalis ipsi horti & agri, imo prata & loca fere inculta reddunt. Et si qui inter paludes delitescunt, atque hortis & oleribus ordinariis destituantur, superpetit tamen ipsis & nasturtiorum & trifolii aquatici insignis abundantia, quamvis hæc & aliæ herbæ hætenus inter numerum olerum, hoc est herbarum esculentarum nondum sint receptæ. Sic nec illis, qui mare magis quam terram arant, hæc remedia desunt, quibus se præservare ab hoc malo possent, cum herbæ natantes ipsis ultro occurrant, ut conquiriti laborem adimant, dummodo his uti sciat ad mala sua magis quam ad salutem proclivis humana natura, quæ altioribus intenta, & auro Indico plerumque inhians, his pretiosiora prætervehitur, & cum discrimine vitæ suæ aut negligit aut aspernatur.

Hos ut ad sanitatem & mentis & corporis saltem in hoc casu reducamus, omnem medicamentorum efficacium numerum in classes suas vel gradus distinguemus, & modum adhibendi docebimus. Simulque incerta ac dubia imo nociva potius remedia expungemus & rejiciemus. Optima igitur, quantum ex nostra experientia omniumque practitorum prudentium observationibus constat, sunt vilissimæ herbæ & fructus recentes, non pharmaceutica sed domestica & rustica fere remedia.

Primam classem horum constituunt olera & herbæ fere insipidæ aut saltem dulces, cum omnibus arborum fructibus hujus saporis & naturæ, ex quorum numero in defectu aliorum ne teneriora gramina, alias solis pecudibus pabulum, sunt eximenda, longe præstantiori effectu, eo quod leniter simul purgant, quam quo graminis ipsius exsiccatæ radices ad purificandum sanguinem pharmacopoliis porrigi solent. His ratione vilitatis & in defectu aliorum annumeranda sunt dulcia & teneriora arborum folia, imo Juli, & nucamenta & pinuum summitates per hyemem virescentes, quamvis nonnulla horum ob insignem amaritudinem potius in sequentibus classibus locum invenient.

Secundam classem occupant omnia vegetabilia subacida & acida, cujusmodi sunt omnes acetosæ & acetosellæ species, cum malis citriis, & aliis vix numerandis baccis & fructibus, a quibus nec ejusmodi radices recentes exemptas esse velim. Hæc classis secunda est quasi media inter insipidas dulcesque, & inter amarissimas herbas posita, hinc se effectu maxime omnium commendavit, scilicet quod sæpius insipidorum effectum superavit, aut incommoda fortiorum evitavit; sed cuivis sua laus & virtus constat, dummodo iis rite utaris, nam cui ex submersione in aquis vitæ imminet periculum, ni blandiori modo ac fene extrahi potest, vel uno ferro in corpus injecto ex morte est eripiendus.

Tertiam classem implent omnes herbæ radices & fructus recentiores, qui gustu sunt amariore vel saltem fortiores, cujusmodi sunt: cochlearia, lepidium, nasturtium, trifolium aquaticum & innumera alia, quæ agmen quasi claudunt.

Nos equidem vegetabilia fortissima venenatorum nomine e foro medico ejecimus, sed perperam, dum alia a majoribus accepta gratiore nomine ibi relicta sint, ex quibus ob efficaciam singularem nonnulli medici insignem sibi famam conciliarunt, scilicet magnum illud narcoticum vel opium, quod in Græcia ex totius papaveris adhuc lactescentis substantia, hoc est ex contulis ejus radicibus, caulibus, foliis & capitulis præparari solet. Sic etiam novi medicum, qui pro carcinomate curando interne folia solani furiosi insigni utilitate adhibet. Sic & reliquis insignem vim inesse credo, dummodo medicus eorum vim satis extendere aut desperatis malis adhibere norit hæc violenta remedia. Sed hæc nondum commendata velim, donec eorum virtutes, sicuti nunc nomina, sint melius expositæ, indagatæ & exploratæ. Eadem quoque cautela cum superioribus tertie classis acrioribus est observanda, ne sit nimius eorum, aut præcipitatus ac præposterus usus medicus, præsertim initio curæ, quoniam per imprudentiam etiam res innocentissimæ in ordinem venenorum transire, aut medelæ loco mortem producere vel saltem accelerare possunt.

Quod vero remedia ex regno vegetabili laboriosius præparata, imo ex aliis regnis tam animali quam minerali attinet, infra explicabimus, & quæ inter ea nobis aut inefficacia aut superflua, aut dubia aut noxia esse videntur, indicabimus. Jam autem ad adplicationem medicamentorum supra recensitorum progredimur.

Classes ipsæ indicant, quod pro usu tam præservativo quam curativo leniora præcedere debent ubivis, si vero his non sopiatur morbus, tunc demum & fortioribus & fortissimis per gradus utendum, qui modus naturæ humanæ & omnibus morbis, ubi nullum periculum in mora est, maxime convenit. Noster enim morbus in acutorum est numero, sed lentius serpit, quam ut præpostero modo illum aggredi vel expugnare opus habeamus, nisi ubi lenioribus destitutus medicus prudens, medicamentorum fortiorum virtutem extendere vel diluere noverit. Sed cum

remedia copiosissima ubivis terrarum obvia præscripserimus, rarissime medicus ordinem naturalem invertere cogetur. Sunt equidem & in vegetabilibus doses concentratæ, quo nomine chymici sua sola pharmaca commendant ægris, qui ut plurimum largissimos potus fastidiunt; sed illos extra classes ordinarias seposuimus, quod vulgo pro venenatis habeantur, & quod medicaltri audaces his ipsis tantum mali effecerint, ut etiam prudentissimi medici ab eorum usu adhuc abhorreant.

Præparatio laboriosa nostrorum medicamentorum fere nulla, nam nuda & cruda atque succi plena, hoc est recentia sunt adhibenda, in ipsa eorum naturali substantia, saltem ab immunditie & fordibus purgata, nisi eorum nonnulla præsertim duriora vario modo coquere, aliisque cibis admiscere velis. Sic etiam oleo & aceto condita, aut succi eorum saccharo & melle temperati, & demum in casu necessitatis vario modo conservata adhiberi possunt. In extractis vero jam virtutes eorum videntur esse immutatæ, attamen adhuc aliquam utilitatem præstare poterunt, præsertim, ubi saltem amarioribus opus est.

Internus usus, hic ut externum præcedat, omnino necesse est, præsertim cum totius massæ sanguineæ corruptio & depravatio nullis externis restitui posse videatur. Sine interna enim cura nullis remediis topicis cessant scorbutica sæpius pessima ulcera. Mirus hic sane effectus, ut ex superioribus patet, quod paucissimis diebus status fere desperatus fuerit restitutus. Si vero ulcera varia post internam curam nondum cessaverint, tunc oris ulcera acidioribus succis, cujusmodi sunt succi limoniorum aut mori imo ipso aceto & sale purganda, alia vero pro natura rei mundanda & fovenda. Hic tamen non est reticendum, posse corpus humanum, neglecta ejus cura, hoc morbo adeo corrumpi, erodi atque depravari, imo in hydropem incurabilem dejici, ut tunc omnino contra vim mortis, nulla sit amplius herba in hortis. Qua propter & sanis adhuc & magis ægrotis, maxime tamen medico allaborandum, ne eo angustie res deveniant, omnes enim probe norunt, quod sero medicina paratur. Hic itaque de casibus variis & fere omnibus est dispiciendum, præsertim in quibus & ægro & medico aqua hæere solet.

Primo omnium septentrionalibus populis consilium est dandum, quod fere hujusmodi est. Per vernum & æstivum magis tamen per autumnale tempus foveant corpus suum oleribus & fructibus variis, maxime iis, quos eorum tellus ferre solet, sic saltem corpus erit præparatum, ut etiam diutius scorbuto hyeme ingruenti resistere possit. Præterea colligant & servant eorum copiam, quæ hyemis tempore virere solent, non tantum consuetorum olerum & hortensium fructuum, sed etiam agrestium arvensium & silvestrium, aut saltem de locis & fontibus, ubi in casu necessitatis inventiri poterunt, tempestive dispiciant. Quid quod horti cultura non solum consueta sed inconsueta etiam vegetabilia loco illorum exoticorum, quæ frigore corrumpuntur, alere potest. Quod si libero æ-

ri & frigori expositas herbas minus commode producere possint, unicum nasturtium hortense hunc defectum supplebit, hoc enim & intra cubacula brevi tempore & adeo copiose potest produci, ut non tantum usui medico sed etiam usui communi & culinari sufficiat. In defectu vero virentium, fructus & baccæ recentes ubique conservari poterunt; non ego aurantia mala & quosvis pretiosos fructus in septentrione requiro, sed vilissima quæque, dummodo virtute sua antiscorbutica præstent. Sic radices variæ esculentæ, cujusmodi sunt & sifer & napus & raphanus uterque sine labore conservari possunt. Magnam vero utilitatem cepa & porrum varium præstat, quæ ne terræ quidem commissa progerminant, & recentia sua folia vel fistulas ægris offerunt. Quod si nec horum fuerit sufficiens copia, aut saltem inopia timeatur, tunc varia olea & herbæ aut folia arborum recentia sale condita sic conserventur, ut sponte acescant, aut aceto ipso committantur, sicuti in nonnullis regionibus fieri solet cum sola brassica capitata, quæ fere per totam hyemem durat, aliter tamen ea quam hic in belgio præparari solet. Quoniam vero & hæc circa vernum tempus solet corrumpi, ubi tamen scorbutus maximas acquirit vires, præsertim si hyems longior productionem recentium vegetabilium impediverit, hinc modus docendus, quo prædicta brassica & cucumeres fere usque ad paschale tempus, ubi eorum præcipuus est usus, conservari possunt. Primo minutim dissecantur quasi in filamenta, post hæc impleantur his integra dolia, in quibus vegetabilia illa copioso sale aspergantur, & probe comprimantur, tunc dolia illa optime obturentur, atque in aquam demergantur, ut sub glacie lateant, donec iis opus fuerit, & ubi alia in cellis asservata corruptioni amplius resistere nequeunt; eodem modo fructus recentes inprimis prunæ satis diu conservari possunt. Si lagenæ vel vasi stanneo probe obturato includantur, atque in puteum immittantur, quæ post duorum mensium spatium inde extractæ adco recentes apparent, ac si eo momento ex arboribus decerpæ essent, sed seligendæ sunt duriores, quoniam molliores corruptioni jam sunt obnoxie. Hoc autem de cucumeribus notandum, quod sponte acescant, si illos ad maturitatem pervenire sinas, sic ut satis diu in propria sua & naturali aciditate conservari possint, quam communiter in immaturis arte antevertimus.

Jam fere patet, quid illis, qui in Groenlandiam contra balænas expeditionem suscipiunt, in hoc casu sit faciendum. Primo enim corpus prædicto modo præservent & muniant, deinde ut maximam copiam vegetabilium, quæ diutius conservari recentia possunt, navibus imponant, præsertim radicum esculentarum supra indicatarum. Posthæc integra dolia brassicæ capitatæ acidæ sibi comparent. Hæc vero si defecerint, nonnulli nautarum ad terram sunt ablegandi, qui herbas ibi a Creatore in usum medicum & culinarum productas copiose colligant, easque & sanis & ægris advehant. His itaque & pisces & carnes suos condiant, neque pa-

tiantur navium præfecti, ut solis durioribus & exsiccatis cibis in maximum discrimen adducatur nautarum vita, quibus non solum cum hoc hoste sed etiam cum aliis malis est conflictandum.

Si vero rediret unquam cupiditas illius viæ compendiosæ circum mare glaciale in Japoniam inveniendæ, his sane cibis & adferendis, & colligendis & conservandis præcipua cura esset impendenda; sed hoc præterea monendum, quod in illis locis pro frigore intensissimo abigendo hypocaustum germanicum belgico camino sit longe præferendum, imo fornax potius sub eorum pavimento occultandus, ne pedum aut saltem digitorum, ut sæpe fieri solet, ex frigore jacturam patiantur.

Nunc illis succurrendum, qui ad Indos proficiscuntur, atque in itinere non cum frigore boreali, sed cum calore intensissimo simulque cum scorbutico conflictantur. Et his corpora præservanda suadeo, ne statim circa initia itineris succumbant. Sic etiam recentia quæque, aut acida vegetabilia inter commeatum reponant. Ceparum itemque porri scetilis, quæ sponte progerminant, sit insignis copia, inprimis vero semen nasturtii hortensis in horum sit numero, quod in vasis variis saltem pro usu medico produci poterit; his itaque muniti magis quam antiscorbuticorum pharmaceuticorum inutili farragine securi vela faciant. Hæc si deficient, terræ adpellendum erit, prout sæpius in defectu aquæ recentis aquandi causa, aut colligendarum testudinum causa insulis adpellunt, ibidem potius herbas & fructus, quam carnes recentes colligant: chirurgi vero nautici & medici disant, aut saltem ex gustu cognoscant, quæ herbæ potius in quibusvis terrarum locis huic morbo, aut suis ægtotis sint convenientes, hæc enim res & noticiam botanicam egregie promovere possit. Si vero hoc propter varias causas minus commode facere possent, aut eorum iter nullum remoram pateretur, tunc autor ipsis fuerim, ut herbas natantes circa *caput viride* aut alibi jactatas degustent nam has ego sicuti herbas septentrionales navigantium usui a medico supremo destinatas esse existimo, licet earum indolem adhuc ignorent, quam tamen illuc navigantibus saltem pro hoc usu facillime experiri licebit. Si vero aliquas jam alicubi hominum usu comprobatas invenerint, tanto tutius iis uti poterunt. Sic lapathum illud aquaticum ingens olim pro specifico antiscorbutico est habitum, sed ego hujus tituli maxime prodigus, eum quibusvis herbis tribuo, quæ in superiores classes trahi possunt, ne succulentis imo ne falsis herbis kali ab hoc officio remotis, quicquid immerito soli ab ignaris imo insulis objici soleat.

Post navigantes etiam promptissimum auxilium ferendum est iis, qui obsidione diuturna premuntur. Nostri temporibus equidem raro obsidiones ob artem debellandi satis exultam longius protrahuntur, vel quod obsessos communiter commeatibus aut alia maxime necessaria destituant, accidit tamen prout superius dixi, in urbe munita Thorunienfi, ubi abundantia omnium, solum vegetabilium defectus erat, eo quidem pejor, quod

quod hunc omnes ignorarent, atque sic inopinata morte opprimerentur. Qui itaque obsidionem prævident, his sibi omnibus prospiciant, non equidem dantur in urbibus munitis amplissimi horti; sed horum loco sint valli & fossæ, ex quibus nunc fere fortalitia constant; hi valli conserantur ejusmodi herbis antiscorbuticis, lactuca agnina, cochlearia, lepidio, acerola; fossæ vero circa margines lapatho aquatico, trifolio aquatico, nymphaea & aliis. Hæc enim producenda & colenda forent a providis & gnaris præfectis ab ipsa fundatione fortalitorum, nam quamvis hæc herbæ passim sponte crescant, naturæ tamen labore humano est subveniendum, ut loca illa, quæ solo gramine teguntur, aut inculta jacent, potius necessariis oleribus, margines vero fossarum, imo aqua profundior his plantis exornentur & oppleantur; reliqua vero, sicuti in navigationibus suavisimus, undiquaque erunt conferenda. Si vero res eorum ad angustias unius castelli circa finem obsidionis, ubi scorbutus magis infestat, redigatur, tunc quidem locus his herbis medicis deest, sed si sufficiens fuerit copia seminis nasturtii hortensis, tunc ea vel in tectis, vel in cellis, vel in ipsis muris produci potest, ut taceam sedum esculentum, imo illud acreminum, quod sponte in ipsis muris æque ac alia nascitur, inter nostra remedia esse collocandum. Narratum est sæpius ab hominibus obsidione pressis necessitate summa urgente, vel gramina devorata fuisse, sed hæc miseria nunc potius in medicinam erit mutanda, sic ut nec hic miseri ægtotis solatium desit vel deesse possit, quamvis non pro cibo sufficienti, quod ego obsessis promittere nolim, sed tantum pro usu medico, cujus ego unice curam habeo.

Eadem sane ratio habenda erit in hybernis & præfidiis, ubi liberior est campus, sic ut necessitati militum subveniatur, præsertim cum vilissima quæque, quæ neque a pecundibus depascuntur, cujusmodi sunt trifolium aquaticum, centaurium minus &c. hic fortissima sane medicamenta constituent, hæc enim divina benignitas solis hominibus reliquit, si modo herbarum harum abjectarum virtutes nossent, aut saltem addiscere vellent, quin confido fore, ut per frequentiore horum usum in morbis complicatis specifica complurium virtus detegatur.

De orphanotrophis & xenodochiis imo carceribus idem fere dicendum, incumbit enim inspectoribus & medicis eorum, ut hominibus ibi coacervatis, qui ut plurimum ex defectu motus alios morbos satis graves contrahunt, saltem in hoc casu consulant, ne vegetabilium defectu in discrimen vitæ adducantur. Quid raphano aut cepis vilis! his tamen idem morbus, si reliqua medicamenta desint, & evitatur & abigitur.

Alios vero cujusunque conditionis & status homines, si oppugnet hic morbus, primo lenioribus est tentandus, & his adhibitis ad fortiora est progrediendum. Et sicuti hic morbus sæpius aliquot mensium abstinentia a vegetabilibus, quibus se præservare potuissent, est contractus, sic etiam necesse est, ut patientes sint patientissimi in restituenda valetudine,

& purificanda tota massa sanguinea, ubi communiter & ab aegris & a medicis peccatur, qui nimia festinatione malum saepe acerbius imo plane insuperabile reddunt; si enim illi, qui famem in obsidionibus diu tolerant, vel panem avidissime arripiant & comedant, aut etiam alios cibos innocuos, ex iisdem remedii loco mortem tam diu evitatum sibi accersunt, sicuti olim in hac ipsa urbe Leidensi factum est. Quanti quæso morbi ex repentino haultu frigida aquæ aut aliorum liquidorum! & sicuti utilitas proverbii illius, festina lente, egregia esse poterit, in usu & praxi medica ea sane erit maxima.

Hæc itaque pro praxi & utilitate sufficere possent, sunt enim non mei solius experientia, sed virorum quoque summorum observationibus comprobata, nam quotquot eorum in praxi aliquid boni circa hunc morbum præstiterunt, nihil sane nisi herbas & fructus subacidos laudant, quos ego in secundam & mediam classem collocavi. Cum horum suffragiis convenit quoque multiplex navigantium, in quorum usum hæc præcipuis scribuntur, experientia & in Groenlandia & in India facta, dum terræ adpellentes nullis aliis remediis, nisi herbis subamaris aut fructibus subacidis intra paucos dies miraculi ad instar reconvalecant, si: ut nullum in hac re debeat aut possit superesse dubium, & quod inde quasi mathematica certitudine concludere possumus: *Si herba & fructus morbum adeo manifeste depellunt, ergo ex eorum defectu necessario est prognatus, ergo & preservatio & cura iisdem rite adhibitis omnino constat.* Verum enim vero quoniam usus medicus antiquus invaluit, ut alia in hoc morbo suadeant remedia, sive ex hoc ipso regno vegetabilia extracta & præparata, sive ex aliis regnis ingenti labore & arte confecta, alia vero rursus dissuadeant, inprimis varia alimenta fumo indurata aut muria condita, saleque conservata, itaque hæc omnia sub examen vocanda, atque de harum rerum indole & virtutibus aut noxa partim a priori ex ipsis principiis, partim a posteriori ex observationibus & experientia pluribus erit differendum & philosophandum, quo etiam doctis, si fieri potest, hæc persuadeantur, magis tamen, ut præjudicia docti & errores eruditi hic evitentur.

Communi omnium hominum experientia constat, carnem & plerosque ex regno animali cibos corruptioni & putredini summopere esse obnoxios, nisi variis modis & artibus condiantur, atque sic a putredine præserventur. Hæc non protinus ad corpora animalium viva sunt adplicanda, quæ a nonnullis medicis tam repentinæ corruptioni subiecta creduntur, ut fere miraculi illis sit; quod vitæ virtute, ut ipsi loquuntur, corpus animale quovis momento conservetur. Itaque quid putredo sit, & quomodo putredo in genere & ubivis etiam a mortuis cadaveribus, in specie vero a corpore vivo arceatur, & quam putredinem cibi hi corruptibiles in corpus vivum introducere possint, hic omnino explicandum est, præsertim cum & putredo & fermentatio aliæque genera motuum, & aliæ resolutiones sive vegetabilium sive animalium, sive etiam rerum fossilium

non

non adeo clare neque a chymicis neque a physico mechanicis sint descripta: est enim hæc notitia maxime utilis, non solum in rem physicam, sed etiam in rem medicam, qua plures morborum causæ facilius detegi & remedia varia tutius adplicari possunt.

Est autem putredo corporum ex plurimis mixtis congestorum, & in formas varias dispositorum ultima resolutio, ubi certo ac moderato caloris gradu ut plurimum æris auxilio compages & forma horum corporum sic dissolvitur & destruitur, ut plurimæ partes volatiles in auras abeant, sensumque odorandi partim majori, partim minori molestia afficiant, reliquæ vero partes, sive fluidæ, sive solidæ, non amplius structuram mechanicam motibus definitis a Creatore destinata, sed potius generales motuum leges, quæ fluidis & solidis conveniunt, unice observent.

Requiritur itaque ad putredinem, ut corpus aliquod ex plurimis & variis mixtis constet, simulque ut in formam aliquam mechanicam sit dispositum, cujuscumque sunt & vegetabilia & animalia, in quibus sunt varia mixta, & solida & fluida, atque in his & aqua & oleum, & salia &c. simulque sunt in figuram disposita, cujus ope varii motus in iis & per ea peraguntur, hæc alii organa & vasa dixerunt, ut vocabulum mechanices evitarent, quo nos & organa & vasa imo omne id intelligimus, quod per figuram ad motum aliquem vel sustinendum vel perficiendum aptum redditur. Itaque putredo proprie non convenit simplicioribus, quorum motus aut hydrostatices aut alio nomine exprimitur, neque fossilibus & metallis, utpote in quibus non sunt tot diversa mixta, hinc potius aut fusio aut calcinatio his adscribenda, quamvis chymici nostri, cum factorem ex variis admixtis in metallorum operationibus sentirent, etiam hoc nomine iis putredinem attribuerent, ut alchymistas taceam, qui inconditis suis metaphoris nulli non putredinem inveniunt.

Sic etiam simplicia alia, cujuscumque sunt terra & lapides & aqua, non sunt per se putredini & corruptioni sætidæ subiecta, nisi quatenus alia ejuscumque corpuscula ipsis admisceantur, tunc enim non amplius pro simplicibus & puris haberi possunt; putredinem vero aquæ infra plurimis explicabimus.

Ultima quoque dicitur resolutio animalium & vegetabilium, ut nulla certe ars humana eadem in pristinum statum & figuram restituere possit. Si itaque metallorum figura arte elaborata vel contundendo vel fundendo destruitur, rursus eadem opera potest resuscitari. Sic etiam vegetabilium partes e. g. ligna & ex iis formata possunt & destrui & mutari & restitui, vel alia inde formari. Sed quodcumque corpus vel vegetabile vel animale putredinem subiit, sic est resolutum, ut nullis humanis viribus in pristinam formam, dispositionem & figuram possit compingi & restaurari.

Jam calor & ignis ejusque gradus, quem allegavimus erit explicandus. Utinam nos illi Philosophi per ignem hoc labore subevassent, sed ut sunt pleraque eorum obscura, sic etiam ignis clarissimus, & cujus nomen u-

surpant, maximis adhuc apud eos laborat tenebris, e quibus nunc eripiendus.

Ignis itaque est celerrima agitatio particularum, quas oleosas dicimus, & quæ in omnibus fere corporibus plus vel minus latent, qua agitatione omnes hæ particule quaquaversum, hoc est in orbem (vel ut mechanici loqui amant in sphaeram) disperguntur, ejaculantur & promoventur, donec aut ab aliis corporibus impeditæ, aut propria virtute destitutæ, rursus in quietem deducantur. Flamma vero est tanta agitatio & particularum harum minimarum ejaculatio, quæ etiam oculis percipitur, harum vero notabilis progressus per lineas rectas in aere notatus lux & radii lucis dicuntur. Ignis vero in respectu ad nostra corpora & sensum tactus, calor dicitur, scilicet quem gradum harum particularum ea commode ferre possint, quæ hunc superant fervida, quæ vero deficiunt tepida, vel etiam frigida dicuntur, extremus vero gradus vel cessatio hujus agitationis eodem respectu sensuum rigor summus dicitur. Ignis autem non solum in motu fictarum particularum ætherearum, sed in peculiaribus quibusdam ad hunc motum a Deo constitutis & fabricatis particulis consistit, quarum ulteriorem anatonem in generaliora principia hic omnino declinamus, sed iis tantum nomen oleosorum, quo ab omnibus aliis distinguantur attribuimus; aliis sulphureæ dictæ, sed minus bene, quoniam in sulphure non solum oleum, sed etiam acidum aliquod metallicum latet, igitur solo nomine oleosorum aut pinguium nobis veniunt, quamvis & ab aliis τοῖς φλογίσις i. e. inflammabilibus dicta fuerint. Flamma vero in omnibus hisce pinguibus vel inflammabilibus plerumque est mixtum & ex his oleosis & ex aliis fluidis & solidis, maxime tamen ex aëre intra poros corporum contento, quo ignis motus ad reliquas partes corporis inflammabilis vel pinguis violenter propagari solet, & ob quem ea, quæ rotunda esse deberet vel globularis & sphaerica in cuspidem vel pyramidalem formam assurgit, qua violentia simul partes plurimæ fluidæ & solidæ imo adhuc inflammabiles, nomine volatilium aut fumorum, sursum in auras evehuntur, cum aliæ partes vix intensissimo igne evehendæ, atque sic superstitæ in genere fixorum & cinerum nomine remaneant. Notandum præterea, quod paucissimæ pingues particule in motum concitatissimum, sive attritu, sive alio modo perductæ, vel etiam flamma exigua acris violento motu & afflatu in cuspidem coactæ, tantos effectus edere potest, quantos alias a maxima copia earum vix expectes. Sic siphonis afflatu ope ellychnii & metalla & lapides liquefiunt; sic ex validissimo attritu chalybis & lapidis durius particule oleosæ paucissimæ ibidem quiescentes & latitantes adeo suscitantur, ut micæ chalybis & lapidis in globulos scoriarum & vitri convertant, ut mirum nemini esse debeat, si validissima & cuspidata fulguris flamma corpora adeo dura adeo pervadat & disjiciat. Ad hujus tamen faciliorem intellectum pertinet, quod particule hæ caloris vel ignis sint omnium in tota natura

mini-

minimæ quæ in minimos poros corporum penetrare; & si copiosius intrant intimam compagem eorum dissolvere queunt.

Hic autem ignis cum motu & agilitate est causa omnis fluiditatis, nam omnia per se sunt solida, & diverso ignis gradu in fluida, ne lapidibus quidem exceptis, reduci possunt. Resolutio vero violentior, in metallis fusio, in vegetabilibus autem & animalibus & conflagratio & combustio dici solet, quæ tamen a putredine diversa sunt, ad quam nunc post aliquam explicationem ignis & caloris redimus.

Ad hanc igitur perficiendam non tam violentus gradus ignis, quo omnia torrentur, assantur, conflagrantur & comburuntur, sed *lenior aliquis ac lentior gradus* requiritur, qui paulatim omnia pervadere potest, non ejectis tot fluidis, ut in combustionem & repentina exsiccatione fieri solet; ex quo rursus consequitur, quod frigus vel cessatio caloris putredinem omnino suspendat, vel ab ea præservet corpora, hinc corpora humana in ultimo septentrione eodem modo præservantur, sicuti illa corpora, quæ aut in furnis aut in Ægypti superioris arena, vel etiam sicuti pisces in Norwegicis cautibus exsiccantur, eodem modo a putredinosa corruptione eximuntur.

Requiritur etiam ut *aer copiosus in iis corporibus sit inclusus*, qui ope ignis maxime dilatatur, atque vasis corporum corruptibilium maximam vim infert, hinc ea corpora, quæ perfodiuntur, ut aer cito exire possit, minus corruptioni sunt obnoxia, idem facit calor insignis, qui perfodens & pervadens ejusmodi corpora aerem mox expellit, & eadem exsiccatur, ut diutius putredini resistere possint: hunc etiam effectum ventus edit, qui partim refrigerat, partim effluxum liquidorum abigendo & corpora pervadendo maxime promovet, quod in suspensis cadaveribus furum est maxime conspicuum, quæ & solis calore & ventorum perspiratione sæpius diutissime a putrefactione præservantur. Eandem ob rationem ex piscibus exsiccandis succus maximam partem antea exprimitur.

Requiritur etiam, ut *liquida certa portione inprimis varii generis* adsint, neque admodum copiose, quoniam per ea aer cito provolat & exprimitur, (id quod etiam in resolutione limaturæ martis calori expositæ animadvertimus, ubi non incipit resolutio & calor, nisi ubi fluida maximam partem sint evaporata) neque nimis parce, ne cito exsiccantur corpora. Hinc in fluidis immersa corpora tardius putrescunt, & quasi macerantur, exsiccata vero plane immunes sunt a putredine. Qua de causa sæpius accidit, quod exsiccata corpora humana in arenam aut terram, quæ reliquos humores avidius imbibit reponantur, quæ frigus porro conservat integra, ut sæpius cum maxima admiratione vulgi extrahantur, atque pro Sanctorum corporibus habeantur, qua Deo ita grata sint, ut ea singulari gratia & quasi per miraculum a corruptione immunia conservet, præsertim si aut crassa ignorantia harum rerum, aut aviditas cleri hæc miracula maxime deprædicet, cum tamen plures causæ meræ naturales

hic concurrere possint, quarum series nobis ad finem est perducenda. Requiritur enim adhuc ad putrefactionem, ut *vasa & textura horum corporum sint aliquo modo firma & tenacia*, ut vim sibi inferri patiantur, ubi enim laxa compages, ibi partes liquidæ & aeræ cito permeant, & nulla ejusmodi resolutio locum invenit. Eandem tenacitatem & in fermentatione massæ farinacæ & liquorum requirimus, in aliis vero ingens caloris gradus & motus requiritur, qui vices tenacitatis supplet, & effervescentiam vel ebullitionem producere valet, sed propterea non cum putrefactione confundendæ, quam ultimam horum corporum resolutionem diximus.

Quo major est requisitorum horum in corpore *alternatio aut successio*, eo melius & citius putrefactio absolvitur, scilicet si per vices & calor & fluida jam absumta, imo aer expulsus, rursus meatus horum corporum subintrent, sic ligna, quæ sæpius incalescunt & iterum aqua humectantur, longe citius putrescunt & corrumpuntur, quod in palis, qui aquæ infixi sunt, manifestum est, ubi neque illa pars, quæ intra aquam abscondita est, neque illa, quæ ex aqua prominet, tam cito putrescit, quam illa, quæ superficiæ aquæ est proxima; ibi enim perpetua & successiva requisitorum mutatio. Hinc etiam illæ res, quæ aquæ ingressum denegant, cujusmodi sunt resina & pix, simulque aeris loca implent, quam maxime corpora quævis, sive vegetabilia, sive animalia, corruptione immunia conservant, quod in mumiis Ægyptiacis & arboribus resinosis est clarissimum.

Ultimum vero & maximum putrefactionis adminiculum sunt *fetus insectorum vel vermes*. Dum enim hæc corpora calore foveantur, qui motu & attritu inprimis aeris omnia permeantis, sicuti in flamma fere fieri solet, magis augetur, sentiunt id innumerabilia insecta, ubique circumvolitantia, locumque commodum norunt, ubi non solum ovula eorum ibi deposita excludi queant, sed simul fætu sit sufficiens pabulum, donec ad justam magnitudinem auctus per varias mutationes in animalcula sui generis transire possit. Hos autem fetus vel vermes antiqui sine ullo semine ex solis putrefactis corporibus progigni credebant, ut in Ægypto ex putrefactione post inundationem Nili non solum mures, sed etiam initio mundi hominum genus inde prognatum esse statuerunt. Sed recentiorum cura a putrefactis corporibus animalcula illa arguit, neque unquam sic vermes deprehendit. Sic etiam ipsa antiquitas animadvertit, quod amara & nimis spirituosa nonnulla corpora præservarent, quamvis ignorarent, hæc tantum modo fieri, quod insecta plurima his minime delectentur, hinc aromatum sæpe cumularunt maximam copiam, quorum præcipua erant & aloës & myrrha, aliæque resinosa & balsamica & oleosa, ne oleo olivarum, imo ne melle quidem exceptis; sic terebinthina, imo fumo abiguntur insecta, quo corpora alias corruptibilia quam maxime a putredine conservantur. Spiritus vero vini salino oleosus & humores absorbet, & insecta abigit,

&

& simul transparens est, hinc eo nunc in præservatione tot corporum merito utimur.

Sic etiam *salia pleraque putredini resistunt*, quod & calorem aliquo modo absorbeant, aut frigus augeant, sed maxime quod vermibus compluribus sint summopere adversa. Hoc enim & sal commune & nitrum & alumen & vitriolum, imo sal illud medium, vegetabilis cujusdam, nempe saccharum præstat, hinc iisdem varia condiri, & a putredine conservari possunt atque solent, ut in carnibus & piscibus muria conditis id maxime sit spectandum.

Incredibile fere dictu est, quantum insecta infinitæ copiæ & paupertatis ad putredinem & resolutionem plurimorum corporum conferant, a quibus ne viva quidem corpora sunt immunia. Hinc etiam cervi caloris æstivi tempore silvas æstumque ibi inclusum relinquunt, & montes perspirabiles adeunt, ne tabani in tergis ipsorum perfodiendo aculeis suis, imo in ipsis faucibus deponant, ex his enim exclusa animalcula cutim pervadunt, ut eorum terga æstatis tempore prorsus perforata & nullius pretii sint, quod mali sæpius quoque armentis ibidem pascentibus accidit, ut ex eorum corporibus vivis cadavera semiputrida & vermibus scatentia fiant, qui postea vermes in vulvis vaccarum sæpe calce viva extinguunt; hinc etiam Deus plurimis animalibus caudas dedit, quo insecta abigant, quibus tamen cervi destituuntur, hinc ut tanta patiantur, necesse est. His itaque perspectis nemini mirum esse debet, si etiam in nostris corporibus, sine tamen eorum ultima resolutione & majores vermes ac lumbrici, & minutissima animaleula nasci, & ibidem diutius in rebus putrescentibus manere possint, quos ingratos hospites ex nostro corpore & amaris & aliis rebus quæ vermibus ingratae, nec tamen corpori noxiæ sunt abigimus; quo inprimis omnia olea empyreumatica, & oleum cedri, magis tamen succus mori pertinet, quoniam hujus arboris succus omnia animalcula arcet, & solos sericos fovet atque alit.

Sic aquæ stagnantis putredo nullam plane aliam causam agnoscit, nisi animalcula æstivo calore copiose ibidem exclusa, atque rursus cum plurimis simul vegetabilibus corrupta. Hinc Deus & maribus præter validum ventorum motum etiam ingentem copiam salis dedit, quem plurima insecta ferre nequeunt. Aquas vero dulces aut frigore aut ventis, aut descensu, motuque continuo a putredine, maxime tamen ab exclusione insectorum præservat, paucissimam autem stagnantis aquæ copiam vermibus ad exclusionem & alimenta concessit, ejusmodi ita aqua putrefacta & verminosa hominum potui non convenit, omne enim cadaverosum humanæ naturæ adversum & noxium est.

Hæc, qui probe tenet atque perspicit, non solum cognoscit, quæ ad putredinem omnium celerrimam & perfectam producendam requiruntur, sed etiam, quod majus est, quibus modis omnis balsamatio vel mumi-

fatio

fatio, ut cum barbaris barbare loquar, hoc est omnis præservatio a putredine & corruptione, perficiatur; quo enim plures causæ utrobique concurrent, eo melius finis tanquam per media obtineri potest. Sic cadaver aliquod humanum aut naturaliter potest salibus abundare, aut in terra in vim aliquam nitri incidere, ut vel hoc solo conservari possit: si vero reliqua nempe exsiccatio, perspiratio, inunctio amaris &c. accedant, tunc omnibus numeris absoluta conservatio a putredine obtineri potest, quod cujusvis proprio labori & ulteriori indagationi relinquo, unicum autem addendum opus esse existimo, scilicet, quibus potissimum modis aqua, quam secum in maximis itineribus ferunt nautæ, & quæ corrupta hominibus & adversa & noxia est, a putrefactione præservari possit.

Naturalem totius oceani præservationem, quem Deus muria quasi replevit, superius vidimus, sed nimis salis usus homini æque ac aqua putrefacta noxia esse deprehenditur. Motus & concitatio hic nihil valent, frigus, quo enecantur vermes, in regione calidissima vix inveniendum; itaque de aliis mediis & remediis est dispiciendum. Primo sumatur aqua, si fieri potest, frigidissima, imo ex nive vel glacie soluta, aut glacies eidem injiciatur æstivo tempore, quo animalcula extinguantur, eadem probe percoletur, ut horum copia una cum ovulis arceatur, tunc vasa probe obturentur operculis, quæ oleo terebinthinæ illita sunt, quod insecta pleraque abigit, sic enim in lagenis vitreis, quorum collum longius est, aliquod guttæ olei olivarum idem fere præstant & vina diutius præservant. Tandem doliis injiciantur aliquot frusta cotios mori, aut aliorum amarorum vegetabilium, sic tamen, ne hominibus prorsus ingrata evadat, aut copia vegetabilium in alium motum, quem fermentationem dicimus, deducatur. Ejusmodi equidem aqua clara reddi potest, si aliquot guttæ spiritus salis, vel etiam aquæ fortis instillantur, tunc enim mucus aliquis in fundum vasorum decedit, qui nihil aliud est, nisi animalculorum his corrosivis enecatorum reliquæ, aut exuvie, aut cadavercula in putredinem resoluta, hinc ea non amplius moventur & aquam turbant, sed gravitatis legibus in fundum decidunt. Hæc vero ob acrimoniam nimiam non sunt suadenda, quamvis spiritus salis, imo ipsius salis moderatus usus non solum corporibus enecatis, sed etiam vivis sit utilissimus, tantum abest, ut noceat. Quinimo plurimis rationibus moveor ut credam, febres adeo frequentes in Belgio, inter alias hanc maxime agnoscere causam, quod homines præjudicio illo de evitando scorbutu inducti, ab hoc naturali & summo condimento, plus quam par est, abstineant, atque sic evitantes scyllam in charybdim incidunt. Acrimonia enim & aciditas utraque moderata, sunt maxima & scorbuti & omnis corruptionis remedia, utrisque enim putredo etiam a carnibus mortuorum animalium arceatur, imo ulcera oris ex scorbutu orta optime aceto cum sale mixtis sanantur, tantum abest, quod iterum ite-

rum.

rumque moneo, ut noceant vel nocere possint. Sic etiam fuligo carnibus fumo duratis adhærens, nihil mali corpori humano noxii in se habet, ut potius ex eo remedia sanguinis orgasmum inhibentia parentur: sic, ut omnino fundamento destituantur, qui his aliis primariam causam scorbuti attribuerunt. Sed hoc tamen ipse quoque moneo, ut excessus eodem modo quo defectus nimius rerum humano corpori necessarium, quanta fieri potest cura, semper & ubique evitetur.

Post aliqualem apologiam rerum innocuarum convenit, ut accuratius naturam remediorum, quæ in hoc morbo tanquam salutifera præscriptimus, examinemus & perscrutemur, scilicet & fermentationem & aciditatem, quibus se longe diutius quam animalium partes, a putredine & corruptione aut ultima resolutione tuentur vegetabilia, imo quibus maxime vim medicamentosam sibi acquirunt, & quo nomine omnibus aliis, saltem in hoc morbo, sunt præferenda.

Triplex autem est vegetabilium recentium status vel conservatio, antequam in putredinem vel corruptionem abeant. His tamen non accenseo exsiccationem variis modis perfectam, quoniam in his & fermentatio & aciditas, quibus tamen maximum effectum tribuimus, ut plurimum inhibentur aut suspenduntur; hinc est, quod nec essentias herbarum antiscorbuticarum, experientia edoctus, quicquam commendare velim, omnis enim acrimonia & aciditas hic perit, & nihil nisi oleosum, vel resinosum, vel salinum volatile, herbarum amararum & odorantium in spiritu vini extrahitur & conservatur. Nulla igitur ratio est, cur credas, omnes omnium herbarum virtutes hoc menstruo posse extrahi & concentrari, nam sal omne fixum & acrimonia cum succo nutritivo perit, & loco ejus, spiritus vini qui vehementius sanguinem excitat, nobis propinari solet, non contemnendus in aliis morbis, dummodo hic exulet, & nobis vegetabilia recentia vel cum succis suis solis conservatis relinquat; his itaque remotis ad recensitionem triplicis conservationis vegetabilium succulentorum accedimus.

Sunt autem vegetabilia, corpora mechanica, hoc est certa figura & vasibus atque integumentis prædita, quibus ex terra, opæ caloris, solida & liquida, ad sui incrementum attrahunt, ac augentur, atque sic aut fructibus, aut floribus, aut foliis, aut caule, aut demum radicibus nutrimentum, vel aliam utilitatem animalibus præstant.

Ubi *mechanica* dico, nihil aliud intelligo, nisi quod figura & dispositione partium sic est artificiose elaboratum, ut ad motum quandam perficiendum aptum reddatur. Hinc etiam in hominum mechanicis artificijs, ea opera hoc nomen inprimis merentur, per quæ insignis & varius motus præstari solet; ubi vero nihil nisi figura intenditur, ibi non adeo magnum artificium, hinc etiam ejusmodi labores non tam mechanicæ artes, sed potius sellularia opificia dicuntur. Dei vero artificia in re qualibet maxima omnino sunt, longe majora in animalibus, quæ va-

Disput. Medico-Pract. Tom. VI.

P

rtos

rios & miros motus quasi libere peragunt, & nutrimenta sibi conquirunt. In vegetabilibus vero etiam magna, quamvis hæc potius certo loco firmiter adnexa sint, aut saltem in aquis circumnata, ex quibus nutrimenta sua attrahunt, quæ de causa non opus habent sensibus, nihilominus tamen omnia, quæ ad sui conservationem pertinent in se habent, & mechanica ratione perficiunt.

Partes ex quibus plurima constant, sunt *radix, caulis, folia, flores* & *fructus cum seminibus*, quamvis & vegetabile perfectum sola saltem radice constare possit, sicuti tubera, & sicuti numero partium, sicut etiam figura & magnitudine harum partium sunt maximopere diversa, quæ omnia ex divina dispositione & prima constitutione, hoc est crescendi ratione vel *φύσει* pendent. Non ego hic botanices rationem habebō, sed ea tantum, quæ ad nutrimenta & conservationem pertinent, describenda & notanda summi, hinc plura alia omittens, his solus intentus ero.

Ea, quibus constant plantæ, & quibus nutriuntur, atque incrementum debitum acquirunt, sunt *solida* & *fluida*. Duo sunt solida quæ nutritionem eorum ingrediuntur, nempe *terra* & *sal*, & duo fluida, *aqua* & *oleum*, quæ in plantis variis, varia copia & portione sunt distributa. Non equidem ego prima omnium principia cum chymicis requiro & assero, alias ne quidem distinctionem in fluida & solida admissem, nam omnia sunt solida; solius ignis diverso calore in fluida convertenda. Sic etiam hæc quatuor res, nempe *terra* & *sal* & *aqua* & *oleum*, male principiorum nomine insigniuntur, nam & sal & oleum sunt in alia adhuc principia resolvenda; scilicet violentissimo igne, adeo ut tandem proprie loquendo omnia ad unum principium materiæ, quod terram dicimus, reduci possint. Sed hoc solum nomine principia dici possent, quod sibi propriam texturam & substantiam artificio divino compositam satis diu conservent, sic ut ex illis non tantum vegetabilia, sed etiam animalia sint conflata & elaborata, etiam interior vel firmior unio quoque sæpius inter hæc quatuor principia contingit, ut ægre a se divellantur; hinc solia, quibus oleum tenacius adhæret, dicuntur volatilia, quod ignis ea citius tollat & evehat; ubi vero terrestre illud sal intimius & arctius adhæret, ut a calore satis intenso non possit in auras vel in sublime tolli, sed quod ea relinquere inter residua cogatur, fixum sal dicitur. Hoc magis in vegetabilium, illud vero magis in animalium mixtura & textura est reperiendum. Sic etiam tria, imo omnia quatuor, horum principiorum diversa proportionem satis arcte conjunguntur, quam ob causam varia & varia sortiuntur nomina, sæpius obscura & magnifica.

Hæc principia quoque humanum corpus ingrediuntur, ex iis crescit & augetur, atque omnibus certa proportionem assumtis & selectis opus habet, quicquid vitii alias chymici & terræ damnatæ, capitis mortui nomine, & phlegmati insipido, hoc est aquæ ex hypothese sua tribuant.

Proportio vel distributio horum principiorum in vegetabilibus est diversissima.

fissima, imo in omnibus partibus ejusdem vegetabilis est diversa; nam caules & ligna plantarum & arborum plus terræ & salis & olei continent, in floribus vero aqua reliquis est copiosior, sicuti in seminibus oleum communiter prævalet, reliquis tamen non prorsus exclusis, ut taceam eam proportionem quæ ex anni & temporis ratione maxime mutatur. Sic in respectu ad alimenta animalium, si vegetabilia consideres, alia abundant terra & sale, cujusmodi sunt omnia leguminosa, pisa & fabæ; in aliis, cujusmodi sunt grana cerealia, insignis quoque olei copia est addita, sed humor vel aqua pauca; in aliis succulentis fructibus iusta est mixtio & terræ & salis & olei, aqua tamen ibidem est reliquis copiosior; ubi vero aqua copiosissima, ut reliqua longe superet, ea vegetabilia insipidorum nomine nobis veniunt. In præcedentibus enim sal sufficiens palatum afficit, hinc sapida dicuntur, oleum vero cum aliqua parte salis emissum per exhalationes a calore causatas, nasum nostrum ferit, hinc odor vegetabilium.

Si vero hæc omnia ratione durationis consideres, vel quæ se diutius ab ultima resolutione & putredine defendunt, hoc tenendum, quod plantæ insipidæ, ubi copiosior est humor, omnium citius in putrefactionem ruant. Saporida & quidem ubi acrimonia salis oleum superat, quod nos aciditatem dicimus, hoc ipso diutius putredini resistunt. Ubi iusta horum omnium mixtio, ut in fructibus saporosis & dulcioribus, ibi adhuc diuturnior conservatio, siquidem & per fermentationem & per aciditatem demum ad ultimam resolutionem vel putrefactionem progrediuntur. Quæ vero aut siccitate, aut oleo copiosæ terræ admixto, cujusmodi sunt balsama, resinae, & gummata & quibus nonnihil salis inest, aut quæ etiam sale abundant, ea vel a fermentatione, vel ab aciditate, vel a putredine diutissime immunia manent, quoniam his principiis, aut a nimio calore, aut ab injuriis aeris, aut ab insectis se defendunt, ut alias causas putredinis taceam, quas superius in putrefactione animalium satis superque indicavi.

Male tamen faceret, qui corruptibilia quæquæ extra corpus humanum considerata, hoc solo nomine hominibus ad incorruptibilitatem vel vitæ longævitatē tanquam arcanum & specificum aliquod vitale commendaret, sicuti aliquis chymicorum fecit, qui essentiam cedri, hoc est resinam hujus arboris dilutam, sal ejus volatili conjunctam, qua & aquæ & aëri & vermicibus vel teredinibus in monte libano frigidissimo, hoc est causis putrefactionis hæc arbor resistit, frustra ad longævam vitam commendavit. Hic enim corpus & nutrimenta nostra probe consideranda veniunt, antequam horum adplicationem facias, & sic de remediis justis contra putrefactionem & corruptionem judicium ac sententiam formes. Corpus nostrum ad alimenta & augmentum suum requirit sufficientem humiditatem & succum, quibus solida quæquæ ubique distribuere, & locis convenientibus adplicare potest, alias enim nomine solius incorruptibilitatis & lapides & adamantes & alia durissima devoranda essent. Sed nostra alimenta maxime diluta esse debent,

& pura aqua, natura ad potum urgente, sunt diluenda, hinc ex vegetabilibus dura illa & exsiccata leguminosa tantum liquore aqueo deficiunt quantum insipida vegetabilia eo abundant; optimum nutrimentum vero præbent, ubi æqualis fere omnium est mixtura, quo nomine se fructus sapore & succo pleno commendant; & post hos, ubi sapor propter admixtum salem est acrior, quos subacidos & acidos vocamus, & tandem ea vegetabilia, quæ copioso oleo & fragrantia sunt prædita. quamvis omnia hæc in diverso hominum statu suam utilitatem etiam medicinalem habeant, ut iusta & constituta mixtura omnium humorum corporis humani, præsertim massæ sanguinæ, in quo omnia sunt congregata, obtineatur, & pro usu vitali omnis corruptionis inimico conservetur. Hic tamen omnino monendum, quod sal in animalibus sit magis aut proius volatile, sed in plantis magis fixum, cuius ope in aciditatem & longiorem conservationem post fermentationem transeunt, dum animalium partes post aliqualem inflationem, fermentationis æmulam, emissis per factorem salibus oleosis vel volatilibus, sine omni aciditate atque diuturniori conservatione ad statum corruptionis vel ultimæ resolutionis raptant. Itaque & hoc nomine vegetabilia hominibus ad alimenta saniora magis, aut saltem in majori copia, quam animalium partes, sunt commendanda, ubi & acrimonia, tum pure salina, tum acida, sæpius insignia medicamenta præstant, tantum abest, ut corruptionis principium & causa in humano corpore dici possint. Quod post explicatam fermentationem & acescentiam vegetabilium pluribus demonstrabimus.

Herbæ succulentiæ atque fructus sunt corpora & integumentis & vasculis prædita, quæ liquore illo mixto sunt repletæ. Horum itaque integumentorum & vasorum firmitate, succus satis diu a corruptione præservatur; hæc enim, si insigniter post maturationem lædantur, mox in putredinem abeunt illa loca læsa, & per calorem ibi excitatum longius serpit hæc gangræna, atque ejusmodi fructum totum pervadit, imo alios contiguos inficit. Si vero fructus maturus illæsus servetur, tunc succus illius aliquem motum & mutationem subit, quibus sapor blandior excitatur, fermentationi mox describendæ per omnia similem; tandem vero fere circa tempus, ubi ejusmodi fructus progignuntur, in putrefactionem abeunt, quæ tamen per causas supradictas aut diu evitari, aut accelerari potest.

Si itaque succi fructuum saporosorum dulcium exprimuntur, vel etiam ex granis & aliis vegetabilibus excoquantur, & sibi permittuntur, ac blando calore foventur, tunc aer omnibus particulis inclusus, atque moderato calore expansus, omnem adhuc reliquam compagem vesicularum & vasculorum in succo circumnatantium, & dulcedinis saporem augentium, solvit, eodem modo ac supra de putrefactione diximus. Dum itaque actus vesiculas expandit, ex legibus hydrostaticis ascendunt, ubi vero ruptæ sunt, illæ membranulæ graviore factæ rursus decidunt, hinc motus spumofus, quo copia liquoris tam magnopere augetur, ut etiam vasa ex-

cedat, simulque hoc motu, quo alia ascendunt & alia descendunt calor augetur. Hæc duo conjunctim sumpta effervescentiam dicimus, etiam in salium solutorum mixtione, & in nonnullis metallicis solutionibus maxime conspiciam, sed aliquo tamen modo diversam. Ubi deferbuit succus, scilicet, ubi maximam partem illa vascula rupta sunt, hic motus per satis longum tempus equidem continuat, & quamvis sit longe blandior, ima tamen summis commiscet, & si neque per frigus, neque per alia impedimenta artificialia inhibetur, tam diu continuat, donec omnia & vel minima vascula ruperit, quæ facium nomine decidunt.

Succus vero ille defæcatus vel probe fermentatus dicitur; tunc enim ejecto copiosiori aere, qui tam in effervescencia, quam postea in fermentatione maximam copiam olei & salis volatilis abripit, principia illa saltem vasculis liberantur, manent tamen adhuc intimius mixta, quamvis posthæc citius arte a se invicem separari, & salino oleosa cum aliquo liquore diluta, spiritus nomine induci possint, quod ante fermentationem minus bene succedit, quam ubi jam facta est separatio, & nonnulla summo opere volatilia cum aere in auras abierunt. Quo tardius illa fermentatio succedit, vel etiam vasa & dolia non tam late patent, eo plus illarum rerum volatiliū vel salino oleosorum in potu conservantur, vel tanto fortior redditur potus, cum etiam exhalationes ipsæ in effervescencia in locis clausis sensus ibi commorantium obfuscare, & soporem ethalem inducere valeant; hoc enim sæpius experiuntur ii qui his rebus aut conficiendis aut conservandis operam dant. Sed quoniam hic salia plura fixa sunt, hinc non tantus aut nullus sane factor, neque tam subitanea corruptio aut putrefactio, sed potius correctio & longior conservatio. Et quamvis fermentatio sit cum putredine fere simillima agitatio & resolutio, in hoc tamen differt, quod non sit ultima resolutio, vel liquoris illius totalis corruptio.

Hanc itaque mutationem succorum ex vegetabilibus saporosis expressorum, vel excoctorum, excipit acescentia: nam si fermentatus ille ac defæcatus potus negligentius asservatur, aut calori rursus exponitur, præsertim, ut liberiori aëri pateat aditus, tunc alius oritur motus & incallescencia, qua plurimæ particulæ olei & salis volatilæ abiguntur, sic ut tantum salia fixa prædominant, quæ nobis alium sensum in lingua molestiorem equidem; sed gratum, imo magis desiderabilem in calore & æstu ejusmodi morbis præbent; & sicuti vermes & insecta oleum illud eum sale volatili in fermentatione superstes minus ferre poterant, sic nunc insectorum quoddam genus ad acetum copioso agmine advolat, & totum quasi replet, quoniam nunc gratum ibi nutrimentum invenit. Quo plus vero potus fermentatus antea spirituum continuerat, eo fortius quoque acetum inde conficitur, quo minus vero continebat, sed aquæ & phlegmatis plus, eo minorem aciditatem consequitur, imo eo citius in vaporem abit, hoc est ultimam resolutionem & putrefactionem experitur, hinc

illæ herbæ insipidæ, aut eorum succi parum fermentant, parumque aceſcunt, ſed omnium prius in putrefactionem abeunt.

Dantur vero herbæ, quæ aciditatem jam maturæ poſſident, & quibus natura minus olei atque dulcedinis per calorem & maturitatem conciliavit, quam fructibus aliis initio ſummopere acidis, ſolis calor excoquendo, hoc eſt abigendo humores copioſos, & attrahendo pinguedinem terræ indidit, hinc ex quoque herbæ, & eorum ſucci ſine propria fermentatione in acetum convertuntur, eandemque aciditatem quoque & herbæ insipidæ aſſequuntur, ſi copioſo ſale aſperguntur, & oneribus ſucus illis aliquo modo exprimitur, vel ſi ſaltem his oneribus cohibentur, ut ſal ea penetrare & poſt motum non fermentationis ſed aceſcentiæ, ut ita loquar, ea in ſtatum acidorum ſicuti priora deducere poſſit.

In hoc itaque ſtatu omnia vegetabilia & eorum ſucci putrefactionem vel ultimam reſolutionem expectant, Cave autem, ut acida & acetum jam nomine corruptorum oneres, eiſque maculam aſpergas, tunc enim ſummum medicamentum facta ſunt, non ſolum in noſtro morbo, hoc eſt ſcorbuto, ſed etiam in plurimis aliis, ubi ex calore nimio non ſolum ætus febrilis in corpore humano, ſed etiam inflammatio, imo aliqualis putrefactio, quam malignitatem medici vocant, oborta ſunt; dummodo non ſumma ſit corruptio partium nobiliorum, quibus ſtructura & compages & vita, hoc eſt aptitudo ad motus neceſſarios, minime ſubſiſtere poteſt. Imo quid eſt ſcorbutus noſter, niſi inquinatio & aliqualis putrefactio ſanguinis, & corruptio plurium partium exteriorum & interiorum, quæ ſolis acidis blandis & fortioribus interne & externe corriguntur. Sic natura ipſa docet, quod poſt crapulam, aut copioſum potum ſpirituorum liquorum, quæ ſanguini ætum & quaſi efferveſcentiam conciliant nihil magis quam acida ebrioſi appetunt: Sic in febribus plurimis ægroti ignorantibus & diſuadentibus medicis, naturæ inſtinctu acida deſiderant, comedunt & eorum virtute febrilem finem imponunt. Sic ego, rationibus ſufficientibus adductus, febrem ardentem ſæpius unico malo citrio ſuſtuli; ſic in gangrænosa fere inflammatione cum ſumma utilitate acidiora propinavi; ſic aliquem a vipera morſum, cui jam venter a veneno intumefcere ceperat, aceto exhibito, ſimulque incifione vulnuſculorum a dentibus pertuſorum, præſentaneo quaſi effectū, a morte liberavi. Hinc illi, qui acidi vegetabilis virtutem, aut ignoram aut damnant, egregio ſe medicamentum privant, ſaltem nihil quicquam in noſtro morbo præſtare poterunt. Sed hoc etiam ubique eſt inculcandum, quod omne nimium vertatur in vitium; nam juſta & conveniens debet eſſe principiorum in corpore humano mixtura, quam noſſe, & reſarcire poſſe, prudentis eſt medici. Neque hoc omittendum, quod carnes & partes animalium aceto aſperſæ, aut aceto conditæ, eodem modo ac a ſale diutius conſerventur. Carnes vero cum aceto coctæ citius in gelatinam abeunt, quam conſiſtentiam ſanguis noſter refrigeratus, & lac acidum, vel coagulatum repræſentat. Ut alia

ſiceam, quæ ex aciditate ad concoctionem promovendam, & nutrimenta hominum in corpore rite præparanda, elicere poſſem argumenta, niſi hanc rem & ſuperius ex effectū, vel a poſteriori, hic vero ex principiis, vel a priori, ſatis ſuperque demonſtraverim.

Poſt igitur ſtatum aciditatis, vegetabilia & ſucci eorum in putredinem, vel ultimam reſolutionem abeunt, tunc enim maxima copia olei, ſaliſque volatilis ſenſim abit, & reliquum adhuc cum ſalibus in mucum mutatur, a quo phlegma, vel aqua inſipida nunc ſe ſeparat, ut nullius fere uſus eſſe videatur, ſed quod & ſalia volatilia cum oleis jam avolaverint, aut non tam copioſe adfuerint, hinc etiam non tantum fætoſum quam animalia in ſua putrefactione ſpirare poſſunt vegetabilia corrupta, ingratus tamen hominibus odor eorum eſt.

Longe alia vero eſt putrefactio, ſi excrementa animalium cum vegetabilibus mixta fuerint, uti in ſimo videndum eſt; ibi enim & ingratior odor, & calor, & ejectis volatilibus terra ſubtilior ſuperſtes.

Eſt adhuc alia corruptio vel ultima reſolutio vegetabilium, ſcilicet, ubi vegetabilia, ejecto maximam partem humido, copioſa pinguedine, aut oleo, aut reſina abundant, ſale tamen & terra quoque ſuperſtitibus; tunc enim igne ſubjecto accenduntur, quo non ſolum reliqua aqua, ſed etiam maxima pars olei ejicitur & abigitur, ſic ut & oleo ignis nihil niſi ſal aliquali pinguedine injunctum, atque terra cinerum nomine relinquatur. Hoc autem ſal fixum Chymici dicunt, & quod herbæ Kali, magis ſale communi, quam nitro, aut ſale medio refertæ, hujus inſignem copiam præbeant, hinc omnia ejusmodi ſalia alcalia dicta fuere. Imo omnia ſalia a Chymicis in duas claſſes, nempe acidorum & alcalinorum ſunt diſpoſita, quæ perpetua inimicitia contendere dicuntur, ut aliud ab alio deſtruatur, & quod morbum noſtrum acidis expugnari viderent, hinc alcalinum dixerunt: verum quod ipſi cum acido vegetabilium perpetuam quoque inimicitiam gerunt hinc acidum ſuum acerrimum metallicum ſubſtituerunt, ſed quo ſucceſſu id fiat, mox erit examinandum.

Jam itaque ad medicamenta ex regno ſubterraneo, vel ex foſſilibus deſumpta progredimur. Primum, quod nobis occurrit, eſt nitrum. Quoniam vero id copioſe plantis eſt admixtum, & ad fertilitatem plurimum conſert, hinc non eſt laude ſua in hoc morbo deprivandum, ſed majorem utilitatem præſtat, ſi in & cum plantis adſumatur, quoniam ibi & alia hominibus maxime neceſſaria concurrunt, quæ ſoli nitro minime in hoc morbo tribui poterunt.

Succedit ſal ſive marinum, quod aliquam amaritudinem a pinguedine terreſtri aliquali oriundam, habet adjunctam, ſive foſſile illud, ſive ex fontibus & aquis ſaliſis excoctum. Huic fere omnem hujus morbi culpam tribuerunt, & propter pinguedinem in muria admixtam, in alcali pernicioſum mutari, ex hypotheſi crediderunt nonnulli medicorum, præſertim chymicorum: Sed ſine ſale nulla mixtura principiorum neque in ani-

malibus, neque in vegetabilibus fieri posset. Terra equidem facilius & cum sale & cum oleo conjungitur, sic etiam aqua cum sale facillime unionem init, magis tamen cum illo sale, cujus compages per intensissimum ignem est soluta, & admixtione oleosi ejus concretio firmior, quam crystallisationem salium acidorum vocant, impedita, qua cum salibus magis cohererentibus, quam ob rem salia alcalia humores ex aëre, nescio quo magnetismo, attrahere dicuntur. Sed aqua cum oleosis nullo alio modo, nisi salis commixtione conjungi & misceri potest. Primo enim sal illud igne solutum, vel alcali cum oleosis optime conjungitur, & saponem constituit, tunc aqua purior, hæc duo conjuncta, sine omni renitentia intrat, ex quibus gelatinosum quoddam confici potest, quod in corpore animali est maximæ utilitatis & necessitatis. Nam sine sale sufficienti nulla principiorum in corpore animalis commixtio aut concoctio; hinc etiam & saliva imo bilis omnino sunt saponaceæ naturæ, quæ de causa etiam non sine ratione hic in belgio plures quam alibi febres progigni credo, scilicet quod ex formidine scorbuti salis sufficientis usum homines evitent, atque sic concoctionem vel mixtionem debitam impendant, quam natura impetuosiori suo motu febrili supplere conatur. Quod si & his acidis, in quibus sal copiosum est, a medicis hæc ignorantibus dissuadeantur, qualis quæso esse potest usus illorum medicamentorum insulforum antifebrilium, cujusmodi est cortex chinæ, quibus equidem motus inhibetur, sed causa mali non corrigitur aut tollitur, ut potius in alios morbos putridos & hydropem, motus ille febrilis auxiliatrix, imo in ultimam corruptionem machinæ nostræ, hoc est in mortem mutetur.

Facillimum hic foret pugnam illam horrendam alcalinorum & acidorum ex legibus motuum hydrostaticorum explicare, imo aliam pugnam excitare, quodnam in effervescencia calcis vivæ cum aqua, aut alcali aut acidum constituat, imo eandem effervescenciam, vel ebullitionem metallorum, cum menstruis solvendorum, luci exponere, sed cum hujus loci non sint, illas lubentes hic prætermittimus, & potius ad examen medicamentorum subterraneorum, in nostro morbo laudatorum, progredimur.

Non tria, antiquis ficta: *sal sulphur*, & *mercurius*, sed duo tantum, nempe *sulphur* & *arsenicum*, sunt omnis mineralisationis vera principia, aut si mavis summa volatilia, quæ omnem mineralium mixtionem cum terrea fundamentali substantia ingrediuntur, si non prorsus perficiunt, horum ope illa terra ex imis globi nostri lapidei penetralibus, per ejusdem fissuras & poros fumorum & exhalationis specie evehitur, atque in venis metallicis vario modo figurata reponitur, ex quibus hæc minere depromptæ, & dum torrendo & urendo maxima pars arsenici aut sulphuris rursus abigitur, metalla tenacia aut liquida saltem prodeunt; quorum vero minor est tenacitas, illa semimetallorum nomine veniunt. Mineræ vero quæ nullum metallum sibi excoqui patiuntur, rigidarum, quæ

quæ vero copiosissimo arsenico aut sulphure metalla in auras diiunt, rapacium nomine insigniuntur. Sunt autem & sulphur & arsenicum rapacissima, utpote quæ metalli fossoribus non solum metalla sed etiam vitam rapiunt, si fumi specie, sive extra terram ab igne sublata, sive intra terram exhalationis & fumi metallici nomine miseris occurrant, atque cum aëre in pulmones attrahantur. Hinc credula antiquitas homunculos & pygmæos subterraneos cobaltorum nomine finxit, cum cobaltum sit minera vera arsenicalis, aut arsenico refertissima, ex qua cæruleus figulorum & lavatricum color conficitur; aut purum putum arsenicum, quod aliquali resolutione in terræ visceribus commotum & sublimatum, sæpius metalli fossores involvit & subito strangulat, qui vero inde evadunt, ob summam anxietatem, & ideas animis a puero impressas, phantasmata se opprimentia vidisse sibi videntur.

Est autem sulphur oleosæ naturæ, quoniam cum omnibus oleis aliis solvitur; male faciunt, qui omnia olea sulphur dicunt, quoniam oleum hoc terreste cum acerrimo vitriolo conjunctum, demum sulphur constituat, hinc etiam in conflagratione acerrimum fumum vel exhalationem emittit, qui spiritus sulphuris nomine capi & conservari solet. Sulphur vero illud commune ex subflavida minera, quæ pyrites dicitur ope ignis quasi per retortam extrahitur. Si vero illa minera libero aëri exponitur, ut incalcescat & fatiscat, quo acidum illud sulphureum, vel oleosum, in auras abeat, tunc ope solutionis in aqua, quam elixivationem dicunt, omne salinum ex residuo extrahitur, atque coctione simplici in vitriolum mutatur, quod more consueto refrigeratum, in crystallos concrevit, propria figura præditas. Quod si vero ope ignis fortioris ex pyrite omne sulphur extrahatur, tunc ex residuo capite mortuo nullum vitriolum confici potest. Vitriolum adhuc eximiam partem, aut ferri, aut cupri, in pyrite repertiundi admixtam habet, quæ metalla, si intensissimo igne vitriolo omnis spiritus & oleum subtrahatur, sæpius dura relinquuntur. Sulphur vero etiam cuprum, vel tincturam aliquam continet, quam tamen aviculam ob summam volatilitatem rarissime capere possunt auri aucupes, per ignem philosophi, qui & suum proprium sulphur habent, & quibus vitriolum, atque oleum ejus, omnia & nihil sunt.

Quod vero usum medicinale attinet, sulphur egregium est medicamentum, si ab omni arsenicali commercio sit liberatum, quod ut plurimum ex ejus pallido colore cognoscitur: quo vero magis ad aurantium colorem accedit, eo magis est arsenico inquinatum, quamvis & tum pictoribus gratum auripigmenti colorem exhibeat. Hæc mixtura sæpius ex terra effoditur, in qua etiam purum sulphur a pyritis reliquiis liberatum & solius naturæ igne extractum, sulphuris virginis nomine invenitur, ut alias ejus formas & mutationes taceam. Hoc itaque & aciditate præstat insigni & simul oleo abundat, hinc in morbis a nimio calore oriundis insignem usum præstat, sic etiam volatilitate sua sudores excitat, & corruptionem scabi-

osam corrigit, & alia plura efficit. Quoniam vero in nostro morbo simul & humor copiosus, & aciditas non summa, sed minor, quæ in fructibus subacidis est, omnino requiritur, hinc non possum non illius usum hic dissuadere. Vitriolum vero parum, hoc est sal illud metallicum acerrimum, omni fere oleo sulphuris orbatum, vel etiam ejus spiritum & oleum hic multo minus adhiberi velim, nisi alibi, ubi sola falsissima aciditas in corpore humano deficit, tunc enim nimis solutus sanguis cito gelatinosus reddi potest, sed caute hic, & lente ut in aliis plerisque est procedendum.

Alumen equidem etiam ex vegetabilibus intra terram sepultis, simulque ex sale insignem contrahit aciditatem, vel potius acerbicatem, quam præcipitatio ejus cum urina auxit. Sed quoniam maximam vim terræ adjunctam habet, hinc potius externo usui caustico & styptico quam interno videtur esse adhibendum.

Salibus non tam terreis quam vegetabilium est annumerandus tartarus, vel etiam cremor & sal tartari, quod ob aciditatem blandam nullo modo est dissuadendum, quamvis hic commixtionem cum acido vitrioli potius evitandam esse censeam.

Ferrum, cum ejus croco equidem satis innocuum est, si ex mineris arsenico destitutis fuerit constat; est tamen ut plurimum merum absorbens terrestre, hinc in nostro morbo nihil omnino efficere potest. Si vero artificiose in vitriolum mutatur, tunc eandem cum vitriolo fere naturam & usum habet.

Supereft mercurius, chirurgorum sacra anchora, ad nostrum morbum sine necessitate & ratione a pluribus maximopere commendatus, quam nobrem paulo penitius ejus natura erit hic examinanda.

Est primo ejus minera ob solum sulphur sine arsenico adjuncto satis innoxia, quæ cinnabaris nativa dicitur. Cinnabaris vero factitia inversa actione ex mercurio & adjecto sulphure, quod antea ignis abegerat, rursus sublimatione conficitur, eundem prorsus usum cum nativa præstat, quicquid alias nativæ, ob admixtum solum silecem laudis a nonnullis præ factitia tribui soleat. Quo vero nomine antispasmodici titulum obtinuerit nescio, quoniam corpus nostrum difficilius sulphur ejus conjunctum solvere potest, quod tamen a ferro avidius absorbetur, tunc enim & fumo & aliis modis adhibita, eundem cum mercurio usum præstat, nisi quod jucundissimo ruberrimo colore alios pulveres terrestres & salinos tingere soleat.

Mercurius vero in magna dosi nudus & crudus adhibitus, ob summam gravitatem intestina cito permeat, atque hoc modo alvum movere solet, hinc in obstinatissima constipatione & miserere mei etiam porrigitur. Si vero salibus commisceatur, aut cum iisdem in corpore nostro obviis conjungitur, tunc fit summum resolvens, imo corrosivum, aut si verum fatendum est, arsenicalem naturam adsciscit. Titulus enim

mercurii dulcis nihilum quidem ejus corrosivitatem imminuit. Quæ de causa non solum vermes in corpore humano, sed etiam si incautius fuerit adhibitus, homines ipsos enecat. Si vero omnia bene cesserint, sua summa salina corrosivitate omnia corporum olea vel pinguedinem solvit, atque sic illa in saponaceum mucum salivæ æmulum, & per eosdem ductus salivales, salivationis tædiôsæ & periculôsæ nomine educit, atque morbum ex corruptione oleosorum oriundum omnino sanat. Non vero opus est, ut eum salibus extra corpus copules, nam resinis mixtus & distributus, vel oleorum ope corpori illinitus, atque sic in corpus humanum assumptus vel ingestus, per salia ibidem reperiunda, fit omnino corrosivus, aut summum resolvens, & eundem cum illo sic dicto mercurio dulci effectum præstat. Quoniam vero in nostro morbo hæc resolutio minime requiritur, hinc non solum inutilis, sed aucta resolutione corrosiva omnino noxius. Quod si vero morbus ex scorbutico & lue venerea fuerit complicatus, tunc primo a scorbutica corruptione corpus esset liberandum, & demum illa lues venerea primo lenioribus & posthac mercurialibus remediis exterminanda. Quæ vero cautela in usu mercurii sint adhibendæ, non est hujus loci, ubi nobis cum solo scorbutico res est, ex cujus remediis mercurius ille, sive dulcis, sive corrosivus, omnino erat eliminandus.

Quoniam arsenici facta est mentio, hinc etiam, quæ sit ejus natura, & ubi sit reperiendum, pluribus explicare opus esse videtur. Est equidem salinæ naturæ arsenicum, sed nonnisi ab aqua ebulliente tardius solvitur, & quoniam in terra fere nullibi non est reperiendum, hinc laudanda est divina benignitas, quod aqua frigida id minus solvat, alias longe plures haberemus venenosos fontes, ut sunt in Hungaria, quamvis protinus lapidibus aut obruantur aut obstruantur, aut etiam stygias aquas, in Græcia poetarum fabulis claras. Sed summopere monendi sunt omnes chymiauri, aut medici metallurgici, ut in quibuscumque fossilibus semper arsenici suspensionem & rationem habeant. Notissimum enim est, quod & cornu fossile, aut creta, & alia in usum medicum ex terra protracta copiose abundaverint arsenico. Sic ego gravissimis rationibus inducor, ut credam, plicam polonicam illam sæpius lethalem huic soli adscribendam esse, quod copioso sali fossili polonico, sine ulla præcautione cum sordibus terrestribus adhibito, insignis quoque portio arsenici sit admixta. Hoc vero paucis notum esse potest, quod plerique metalla loco mercurii illius, quem chymici suum dicunt, arsenicum adhuc copiosum contineant; in eo quod salibus additis illud resuscitetur omnino & revivificetur. Ab hac enim corrosione, aut si mavis resolutione, & mercurii salivatio cum summa nausea; in antimonio salibus abundante eadem nausea cum vomitu, si vero salibus magnam partem liberatum fuerit, saltem diaphoresis; in eupro quoque nausea & vomitus

& anxietas summa, imo etiam salivatio; in plumbo aceti ope resoluta, sapor equidem dulcis, sed maxima interior corrosio, ex qua tabes lentissima; ejusdem quoque efficaciam est stannum, imo argentum, quod per salia summopere fit corrosivum, magis externo quam interno usui dicandum, ne auro quidem fulminante excepto, quod in concisa dosi exhibitum, sicuti & antimonium & pleraque horum diaphoresin, vel resolutionem leniorem per sudores promovet. Salibus vero copiosis copulata, corrosiva maxima, & quasi arsenicum fiunt, quo etiam sal martis alias in nocui pertinet.

Est autem arsenicum respectu ad corpus hominum habito, summum resolvens, vel corrosivum imo summum venenum, summam equidem efficaciam, quo nomine & febrem quartanam resolvendo abigit, sed ejus loco tabem lentam inducit, quamvis paucissimis granis fuerit exhibitum, sic ut fere dilui non queat, aut sic preparari, ut nulla inde noxa corpori humano sit pertimescenda: nam quamvis pinguis rebus possit involvi, metus tamen est, ne resuscitetur, aut tandem post ichorem copiosum virus in corpore ægroto invalescat. Hinc omnia medicamenta ex fossilibus aut metallis preparata, imo ipsæ tincturæ solares, quæ omnia pervadere dicuntur, qua virtute forsitan ob suam corrosivitatem pollent, cautissime sunt adhibendæ, in nostro vero morbo penitus & prorsus evitanda & fugienda, ne amplius resolvant & dissolvant atque corruptionem augeant & mortem accelerent.

Hæc equidem chymiatris minime grata erunt, quod mercuriale illorum tandem in arsenicum mutaverim, sed vera sunt, & ex ipsa metallorum intima natura & constitutione deprompta. Ea quidem non didici in ipsorum laboratoris & obscurissimis libris, ubi ut plurimum auri sacra fames ipsos obsecrat, ut vocabulis magnificis & obscuris sua mysteria, quæ ipsimet ignorant, describant & sic se ipsos atque alios seducant; sed in ipsa naturæ officina subterranea & diligenti cuniculorum perreptione, consideratione & examine rerum ibidem inveniendarum, simulque in utrinis prope furnos metallurgicorum, ubi tanta sulphuris & arsenici, tum torrendo, quam fundendo abigitur copia, ut etiam cæcus homo utriusque fumum saltem odore cognoscere & distinguere possit. Ibi sane sine labore cernitur, & odore percipitur, quod sulphur eorum inflammabile vel vigesies ignem transeat, & quasi fixum metallis adhuc insit, ibi forsitan ex arsenico summe volatili & penetrante maximam utilitatem in transmutandis metallis discere possent. Sed hæc nihil ad me, dummodo morbum hic nostrum nullis ejusmodi fortissimis metallicis tentent remediis, sed sola galenica vel vegetabilia subacida & accida hic inculcata medicamenta nobis relinquunt.

Plu-

Plura equidem de his philosophari, aut in vires medicamentorum inquirere possemus, sed ea aliis temporibus & tractatibus reservamus. Sufficit, quod superius magis ex observationibus & experientia indolem & curam scorbuti indicavimus. Hæc autem maxime in utilitatem earum gentium scripsimus, quæ longissimis & diuturnis navigationibus oceanum ad fines terræ permeare solent. Quod si eis hic exiguus labor meus gratus atque acceptus aliquo modo fuerit, erit hoc mihi incitamento, ut longe utiliora physica & mechanica, quibus vita complurium millium navitarum conservari, & navigationes longe tutius peragi poterunt, aliquando publici juris faciam.

Cum vero nihil omnino sit, quod ab erroribus immunitatem habeat, hinc ea quoque, quæ hic scripsi, judicio prudentum & expertorum medicorum permitto, ab his si alia edoctus fuero, non solum iis gratias agam, sed meam quoque sententiam lubentissime revocabo, cum mihi nihil magis curæ cordique sit, quam, per omnia sibi constans & salutifera veritas,

F I N I S





CXCVI

J. GEORGII HENRICI KRAMER

DISPUT. EPISTOLICA •

DE SCORBUTO,

AD CHRISTOPH. JAC. TREW.

Norimberg 1737.

VIR NOBILISSIME, EXPERIENTISSIME
ATQUE EXCELLENTISSIME.

IN publicum testimonium grati mei propensique in Te animi, pro contracta inter nos amicitia perpetua, præcipue vero in ejus testificationem publice abs Te mihi adscripta doctissima epistola de *differentiis quibusdam inter hominem natum & nascendum intercedentibus*, refero Tibi, præter debitas gratias, *Tractatum de Scorbuto*, inter medicos tam ignoto, quam est vena illa Moëdinensis: quem spero Tibi æque gratum futurum, ac cupide illum amici plurimi sæpius a me petierunt, ne scilicet morte mea interiret; quum schediazmata illa ab incluta facultate medica Viennensi typis exscripta tam pauca sint, ut ad manus exterorum pervenire necdum potuerint, mihi autem morbus iste plurimo labore & sudore, præ plurimis aliis, constiterit, longeque aliter a me describatur, quam a medicis antecessoribus, aliisque auctoribus classicis, saporosis & acidistis hodiernis, hucusque descriptus est; ideoque etiam alia lux, quantulacunque demum sit, bono publico per eundem præberi possit. Ut autem tractatum hunc ordine aggrediar, ante omnia 1. consilium meum de scorbuto inter militem Cesareum 1720. in Dacia Ripensi grassato ad Inclutam Facultatem medicam datum, deinde vero 2. ejusdem amicissime mihi ad id datum responsum repeto, & 3. quum hæc valde succincta sint, majoris dilucidationis ergo novas experientias de scorbuto tam Viennæ, quam in aliis regionibus, a me observatas subjungo, ut rem Tibi & Reipublicæ medicæ gratiorem redderem, quæ omnia ut benigne suscipias, enixe rogo. Vale & me amare perge. Dabam Viennæ Austriæ mense Decembri, A. C. 1736.

C A S U S.

MOrbi hic enormiter grassantis signa & symptomata, quæ apud Plinium stomachaces aut scelotyrbes nomine descripta sunt, quo milites Romani olim in Belgicæ maritimis subito correpti fuerunt, hic non exscribam, uti etiam neque illa, quæ apud Lucretium l. 6. extare dicuntur, de strage illa horrenda, qua infelices quondam Athenienses excruciatii sunt: qualis epidemice etiam Parisiis 1699. secundum D. Poupert in observ. Reg. p. 157. grassata fuisse legitur, aut quæ ab Eugaleno antiquissimo medico cap. de scorbuto exactissime descripta sunt: enim vero quamvis hæc strages omnes tam inter se, quam cum nostra hujate, multum commune habeant, symptomata tamen omnia & singula ibi descripta nostratem non comitantur, neque noster morbus hucusque contagiosus observatus est, sicut ibi, nisi forte, quod tamen observare necdum licuit, aliquis alterius cochlear saliva, aut plane pure oris tinctum ori ingereret, aut oscula malefana &c. mileret.

Multo minus morbus noster primarius est, sicut ibi, sed ex certis observationibus perpetuo secundarius, id est, aliis febribus intermittentibus, continuis, atque malignis per multas diuturnas recidivas ex neglecta a medico inculcata magis minusve tenui diæta debita succedaneus, quod ocula-riter, prætereundo alia, probare possum.

Primo: quod, cum elapsa ætate febres hic sicut ubique epidemice grassarentur, plurimi autem ex certis quibusdam legionibus hujatibus diætã dictã adeo neglexerint, ut vel febribus intermittentibus diutius longe, quam justum esset, laborarent, meisque curis, certe respectu febrium infallibilibus, conveniret, vel in illicitam diætã, post curationem mox relapsi toties totiesque in easdem febres aut morbos alios v. g. continuas acutus & lentas, dysenteriam &c. prioribus longe peiores reciderint, ego his omnibus, testibus illorum officialibus, scorbutum proximo vere, scilicet moderno, semper semperque prohi dolor! infallibiliter prædixerim: e contrario

Secundo: idem probo ab alia Legione, quæ cum supradictis in eodem præsidio vixit, totque pertinacissime febrientes secum elapsa ætate hic introduxit, ut nulla centuria inter illam fuerit, quæ 24 quartana laborantes ad minimum non habuisset; hos autem omnes intra 14 dies absque ulla recidiva (exceptis 4 qui hodie etiam scorbutici sunt, & inter hos unus aut 2 convalescentes) aut superveniente scorbuto integerrime restitui, ita ut ab eo tempore raro 7 vel 8 patientes, inter quos 2 vel 3 pleuritis hodie hic epidemica affligit, ex tota Legione habeam.

Causa autem remota & quidem moralis tantum hujus contrarii mihi non alia videtur, quam quod hæc Legio consistat ex pluribus Suevis, jus-

jusculis alias & consequenter etiam diætæ tenui, præ supradictis Bohemis, ex aliis Legionibus, magis assuetis, quæ una cum medicamentis datis ipsos non tam à recidivis, quam a fatali scorbuto usque ad hodiernum diem salvavit, & certo certius salvabit.

Subsumo itaque, stragem nostram hujatem a supradictis Plinianis, Lucretianis, Eugalenianis, & Poupertianis in eo differre, quod

Primo: omnia ibi descripta symptomata hujati non adfint.

Secundo: contagiosa, sicut ea, non sit: &

Tercio: neque primaria sed succedanea, *ύπερσπυρς* & secundaria tantum, idque ex moris recidivis a non legitime observata diætã ortis: minime vero ex alia causa antecedente, nisi, quod hujus aer, humidior & paludosus magis, ad eum forsitan disponat, & adjuvet, in cujus approbationem & veritatis majorem confirmationem hisce omnes medicos campestres, ad quos fortassis præsentis devenerint, appello, ut mihi ullum scorbuticum in quolibet regimine nominent, qui visitatu mihi possibilis esset, ob mihi incumbens grave officium meum, qui vel absque prægressis multis recidivis, scorbuto, qui etiam in patria innatus esse posset, aut alio morbo diutino scorbutica nostra strage affectus esset: offero enim me ob summam necessitatem boni publici, quod pro eo videndo & examinando nequidem expensis postalibus parcere velim; cum ea tamen conditione, ut, si talis scorbuticus assignatus a me deprehenderetur, ego expensas luam, si vero contrarium confirmetur, asserenti incumbet pro posita expensarum mearum refusio, in cujus certioritate utraque pars mediam expensarum partem vobis Perillustres, Spectabiles & Excell. D. D. in emolumentum boni publici prius deponet.

Symptomata autem, quæ stragem hujatem comitantur, sunt in primo gradu gingivarum pruritus, tumor, ex tactu hæmorrhagiæ leves, gingivæ magis minusve fugillatæ, quæ fugillationes mox putrescunt, & suppurantur, ex quo gingivarum imo ipsarum maxillarum erosiones luxuriantes, dentium vacillationes & casus, oris cadaverosus fœtor: præterea adest membrorum major vel minor debilitas, sicut in

Secundo gradu præterea plerumque crurum, rarissime autem brachiorum rigidissima contractio, ut ægri tibias extendere nequeant, quam in partibus contractis imo sæpiissime etiam in reliquis articulis adhuc sanis similes venereis comitantur atrocissimi dolores lancinantes; his contracturis semper adest ingens articuli contracti tumor scirrhusus, incredibilisque ejusdem tendinum rigor & dolor, cutisque exterioris undique cærulea fugillatio, cum interspersis certis exanthematis granorum milii similibus: fugillantur per sæpe una nocte ægrorum oculorum alba cum vel sine palpebris suis sponte sua adeo, ac si in pugnos incurrisent, quod idem etiam in aliis partibus sæpiissime evenit, ideo tamen dolore nullo affectis: accedunt variorum integrorum musculorum præcipue crurum,

R 2

tibia-

tibiarum & buccarum durissimi & maximi tumores, imo totales indurationes, quæ tamen una cum supradictis fugillationibus nunquam suppurantur. Sed vel ad mortem usque perdurant, imo augentur, aut in convalescentibus infra dicendis iterum exacte resolvuntur: pulsus semper, etiam in levi morbi hujus principio, est frequens, celer, parvus, & durus, verbo febrilis: hic vero eo frequentior, celerior, minor, & durior, quo majora & diriora adsunt symptomata: urina etiam est febrilis, id est rubra, cum crasso & inæquali sedimento: si denique per malam dietam (quæ apud milites gregarios ex defectu hospitalium ordinatorum ordinatu impossibilis in tota Hungaria est) invaleat morbus ad

Tertium usque gradum, gingivæ putridæ cum buccis incredibiliter in omnem superficiem intumescunt, atque etiam in gangrænam & maxillarum cariem abeunt, à qua nullus redimi potest; accedunt morbum hunc invalescentem dyspnœæ tantæ, ut non tantum ex levissimo motu in deliquia incidant, verum etiam sæpissime inter eundem subito suffocentur ægri: de quo symptomate omnes moribundi aliquot dies ante mortem intense conqueruntur, licet non tussiant, minus quid excreent.

Omnes dicti ægri in descripto morbo invalescente, id est gradu tertio (qui pro prognosi etiam valet) patiuntur omnes species hydropis, tumorumque œdematosorum, adeo, ut ex decubitu decliviori facies intra mediam horam adeo intumescat, ut oculos aperire amplius nequeant, qui tamen sæpius iterum evanescit brevi, atque redit: sic hydropici sive cachectici etiam non raro in immanes narium hæmorrhagias incidunt, quibus omnibus in desperatis plerumque diarrhœæ & dysenterix superveniunt, nunquam non lethales: in principio morbi, sitis & appetitus naturaliter se habent, si ægrorum quæstui magis, quam supradictis circumstantiis credere fas sit, in fine autem morbi, id est in tertio hujus gradu, omnis appetitus est emortuus, sitis tamen plerumque eo intensior. E cæteris symptomatis ab aliis authoribus descriptis præterea omnino nulla adsunt, sed hæc sola & pauca nostros misellos conficiunt, hocque ad summum intra 2. vel 3. menses, plerumque autem intra 3. & 4. septimanas, quod tempus si elapsum sit, ita, ut æstas redierit, ægri raro amplius moriuntur, sed incurabiliter contracti manent, adeo, ut morbum hunc vere nominem scorbutum, qui nihil aliud est, quam sanguinis, aliorumque succorum semiputredinosa diseria, cruditas, & visciditas, imo italia ex fibrarum motricium languore, stupore, aut plane rigore, & imminuta humorum circulatione, excerpendorumque secretionem, a multis endemicarum hujatum febrium omnis generis recidivis orta, atque supradicta symptomata faciens.

Ex qua definitione patet primo causa proxima formalis, quæ in putredinosa & impedita M. S. circulatione præternaturali, id est in suffocantibus

pensis, aut potius imminutis & impeditis ob lentorem suum naturalibus secretionibus consistit, a causa secundo proxima materiali derivandis, scilicet a massa sanguinea lenta, viscida, crassa, & ob id ad circulationem, id est secretionem naturales inepta, ideoque hinc inde in subtilissimis, imo etiam apud moribundos, in majoribus vasis stagnante, putrescente, aut plane in his, utpote tubulis, glandulisque nervorum, tendinum aliisque excretoriis, colatoriis & lymphaticis vasis inseparabili, idque iterum a causa tertio remota, formali, scilicet a tot febrium variarum incredibilibus recidivis, aut, ut supra monui, diuturnitatibus a causa quarto remota materiali, scilicet a cibis crudis, præprimis in paroxysmo febrium, hic scilicet in tota Hungaria epidemice & endemicæ semper & ubique ob clima paludosum & humidius, semperque inæquale grassantium, ingestis. Quales præcipue sunt carnes, & farinacea, non fermentata, imo ipse panis crudus, gravis, non rite fermentatus, qualis campestris est ordinarius, alias comis panis nominatus, & illæ placentæ *Rolatschen* nominatæ, quibus Bohemi mordicus præ omnibus inhiant, tanquam optimis ferculis, ob pauperatatem putatitii. Præter hunc cibum dictum insolite in febrium, aut extra harum paroxysmus ingestum, quamvis etiam alias res non naturales præcipue aëra supradictum & certa temperamenta accusare possem, eas tamen hic prætereo, & pro meris causis vel adjuvantibus, vel disponentibus tantum habeo, quod sequentibus probò duobus verbis.

Primo. Si aër Hungaricus humidus & paludosus & inæqualis in causa esset, cur non omnes, aut saltem aliqui ditiores, qui etiam hic ex mala dieta, non tamen tam cruda sicut supradicta, sæpissime recidivant, & diutissime febricitant, in scorbutum incidunt.

Secundo. Cur in Italia in specie in Pedemontibus, ubi sanissimus creditur aër & aqua, omnisque scorbutus apud incolas exulat, Cæsareani gregarii idem passi sunt & adhuc patiuntur malum? quod inclytum regimen olim Regal, hodie Wallisianum testatur, &c.

Idem argumentum valet de aqua seu potu, somno & vigiliis, motu & quiete, animi pathematis, excretis, & retentis.

Repeto ergo hic summatim ex supradictis, morbum descriptum aliunde non provenire, quam a multis febrium omnis generis hic, sicut in Italia ob idem cum Hungaria clima mathematicum, endemicarum recidivis, Germanis, & præ his Bohemis (diætæ tenui & jusculis non assuetis) præprimis contingentibus: quod oculariter vobis hodie viri perillustres, spectabiles, & excellentissimi demonstrare possem, si hic essetis, meosque 60. aliquot hodie scorbuticos videretis, inter quos vix alius, quam Bohemus, licet & is etiam Germanicus: meminisse lubeat supradictorum meorum, uti etiam, quid febris sit?

Quare, & quomodo hæc fiat? aliunde scilicet & aliud nihil est, quam quod humores vel a causa externa, qualis præcipue elapsi anni constitutio

tio humida, austrina erat, ut aer Hungaricus ob paludes & loci situm adhuc quotidie est fere semper, vel ab interna lentescant, ob id ne stagnent, & putrescant, fibræ motrices se moveant, constringant, vasa mulgeant, cor sepius vibret, cum arteriis pulset, contenta moveant, & agitet tam diu, donec aut calore, aut collisione muria se fundant, & ad circulationem & secretiones aptiora fiant, ideoque cruditates, seu excrementa febrificantiæ per vasa debita more solito eliminari, aliaque secretiones naturales iterum fieri possint, post quod optata redit tranquillitas, donec malum recrudescat.

Recordari etiam vobis lubeat! quoties intermittentes continuæ, imo malignæ fiant, si paroxysmi tempore cruda ingerantur? aut quamdiu paroxysmus intermittens extraordinarie exasperetur, & prolongetur, si modo iusculum tenue præcipue carneum contra interdictum Hip. nostri §. 65. S. 7. & §. 10. S. 2. &c. durante illo propinentur? his ponderatis concludite, quid non futurum sit, si hoc sepius fiat, nonne humores magis lentescunt, & ad stagnationes disponuntur? unde nim alias post febres chronicas, cachexiæ, hydropes, aut saltem peccatum tumores, nonne ab humoribus his lentescunt etiam lymphæ gastrica cum digestionem languet, chylus crudus fit, crudus in intestina detinetur, post hæc crudus in lymphæ ductus separatur, ibi stagnat, hos illicat, inflammat, corrodit? unde vasorum tenerimorum & angustiorum adstrictio, ad circulandum ineptitudo & putredo? his, repeto, sic habentibus, atque labefactis lenta, crassa, & ob secretionem impetras urinosa & vere semiputrida massa sanguinea in vasis sanguiferis, inceptis ex magna parte circulatur, arteriisque adeo ob nimiam lympham cultum distendi, harumque pulsus impediri, aut potius frequentari, necesse est. Hinc pulsus supradictus febrilis, dysnoæ, &c. nonne a motu hoc sanguinis ægro in vasis capillaribus ipsisque ductibus excretoriis ob languorem sanguinis coalescere & stagnare aptus fiat? hinc illæ jugillationes, tendinum, ob defectum nutrimenti sive lymphæ tenuis dulcis & humectantis, rigiditates, tumores, hydropes, a chylo scilicet & lymphæ crudis, & minime circuire aptis: hique iterum eo duriores, quo uriniosiores & magis septici humores. Nonne hinc dolores supradicti lancinantes? causa lassitudinum &c. &c.

Quod autem gingivæ intumescere, cruentari, exulcerari &c. soleant, & præ omnibus aliis partibus corporis in hac strage magis afficiantur, ratio mihi videtur, præter Listerianam, quod lymphæ lenta a sanguinis crassamento ægre separari possit, & propter supradicto modo jam vitiatos lymphæ ductus, ad ductus salivales excretorios propellatur ab arteriis, ubi in salivam lentam, salsamque conficitur, non adeo effundi aptam, gingivisque ideo impacta ibi subsistit, & amplius corrupta eas tumefacit, putrescendo easdem exulcerat, imo plane gangrænat, idque eo magis præ aliis partibus, quo vascula gingivarum tenuiora sunt, atque qui-

quidem adeo, ut etiam sanguis in statu naturali ibi pelluceat, ut ideo præ omnibus aliis partibus rubeant. Ex qua hypothese reliqua supradicta symptomata omnia explicatu mihi facillima essent, nisi brevitati studerem, vestrisque ingeniis bene fiderem.

Id tantum curiosum adhuc memorans, quod hic morbus in Hungaria tota ætate autumnio & hyemæ filere, & non nisi impendente vere singulo se ostendere soleat, quæ causa esse possit?

Cui repono, rem cuique patere consideranti revolutionem globi, & approximationem solis, omnia animalia & vegetabilia ad novos motus impellentis, præcipue temperie sua australi concurrente, quæ propter pluviolum & australem aerem nimis humidum & rarefactum tonum fibrarum labefaciat, hinc circulus humorum & ex eo pendentes excrementorum secretiones segnius procedunt, putredo & consequenter supradictus morbus etiam augetur, verissimum itaque dictum Hip. l. de nat. §. 18. morbos partim ex diæta, partim ex spiritu, quem attrahimus, fieri.

Ad curas progredior hucusque partim a me, partim ab aliis incassum adhibitas: præmitto tantum, me a nullo indicante adigi potuisse, ut cum illis Semendriensibus prope Bellegrad. ex instigatione plurimorum officiarum hujatum per mercurialia salivationem instituissem; memor enim semper fui Hartmanni & Listeri Angli, meorumque supra postulatorum a mercurio lymphæ ductus, nervos & tendines magis infirmari, atque quod lymphæ in scorbuticis crassior & lentior esset, quam quæ salivæ ductibus effundi posset, quod etiam fatalis eventus approbavit, ubi Semendriæ dictæ ante biennium 400. scorbutici ex gregariis Cæsareanis in salivatione perire, ideo alias ego, ut curetur malum, indicationes formavi nempe:

Ut chylosis in primis viis recte perficiatur, saburraque ibi proculdubio hærentes eliminentur, ut specifica deinde eo exquisitius in M. S. penetrent, sanguis crassus, & viscidus incidatur, attenuetur, sicque libere a statibus circuletur, perque solitas secretiones depuretur & expurgetur, atque sic ab ulteriori putredine vindicari, omnique naturalitati restitui possit.

Pro quibus obtinendis ob rationes supradictas, salivationem vetantes, purgavi nunquam, sed semper vomitoria dedi, usualia varia, & ob nullam differentiam hic prætereunda silentio.

Deinde adhibui Rad. Raphani, Armorac. Taraxaci, Ari, Afari, Gentianæ, Angelicæ, Helenii, Acori, sarsaparillæ, Chinæ, Zedoariæ, Galangæ, folia & herbas aridas [quia virides hic haberi nequeunt,] Beccabungæ, nasturtiorum, Trifolii Fibrini, Cochleariæ, acetosæ, Virgæ aureæ, Scordii, Persicariæ, Rutæ murar. Rosmar. Salv. C. B. Cent. min. Lign. sanct. Lign. Sassafr. in specie autem illud in ephemerid. German. Ann. 6. observ. 22. tantopere contra scorbutum decantatum sedum minimum, sicut ibi præcipitur.

Eo:

Eodem modo periclitatus sum Strobil. Pin. cort. fraxin. Winteranum, Guajac. aurantiarum, baccas Juniperi, & Lauri, hæcque omnia in omni excogitabili forma, prout in infra citandis authoribus inveniri possent.

Item adhibui Ælia omnis generis, volatilia & fixa, in specie: Ævol. C. C. quotidie bis in vino. Arcanum duplicatum. Tartarus fix. tria Ælia, Æ cum crem. tartari cum chalybeatis omnis generis, ~. Ælis *ci. Æ. vol. o o fa. ~. tartarus Tinct. ejusdem Tinct. bez. M. mixtur. simpl. ~ cochlear. ordin.

Succorum loco contra scorbutum decantatorum pomorum citrorum, granatorum, limonum hic nimis rarorum, cum Listero propinavi etiam vel acetum theriacale vel acetum, cui supradicta infusa erant, præcipue radix illa decantata armoriacæ, quam itidem cum cerevisia fermentari permisi.

Ipsis Tinct. ♂. Lunæ Helvetianæ &c. non peperci, quamvis carissimis: ast omnia prohdolor! incassum.

Verbo, nihil est, quod in authoribus classicis, Dolæo, Willis, Lister, Barrette, Biblioth. Mangetti, Waldschmid., Weinhard. Zwingger, Blancard, Musitano, Etmuller Michaelé Valentino, Bonetto, Junken, Wedelio, Lentilio &c. invenire esset, quod intentatum reliquidem, exceptis succis antiscorbuticarum herbarum recentium, & harum præparatis quintis essentiis, qualem Tulisurgii apud Dominum May celebrem pharmacopolam 1713. vidisse memini, ex cochlearia factam, cujus unica gutta integram mensuram vini albi vel aquæ odore, sapore, & colore exquisitissime tinxit, ast his præparandis & procurandis & quidem in copia sufficiente, quis par est? succos autem hic conficere non valemus, quia herbæ, ut jam monui, hic non crescunt antiscorbuticæ, excepta sola & unica eruca lutea & rapistro arborum, sed quis pro tot scorbuticis satis has colliget?

Lac etiam ob cruditates primarum viarum, comitantem febrim lentam, & proclivitatem suam in putredinem scorbuticis dare, timui, præcipue cum pro tot ægris in copia emi etiam nequeat, idem de sero lactis intelligere placeat.

In specie autem, supradictarum indicationum ergo, hoc anno aliquot septimanas propinavi una cum decoct. lignorum pro potu ordinario sequentia:

℞. summitat. Pinastr.

Strobil. Pin.

rad. chin. a ʒj.

M. & incis. coq. in aq. com. ℞. 4. ad medietatem. colat. d. f. davon morgens und abends ein Trunch. Iterum sequens fortius

℞. ras, lign. Sassafr.

guajac. a ʒij.

Hb. incis. Rosmarin.

Salv.

Salv. a Mi.

Bacc. lauri.

Junip. a cont. ʒij.

M. coq. in

vin. alb. &

△ com. a ℞ ʒ.

In vase bene tecto ad consumpt. ℞ i. colat.

Adde

~. Theriac. ʒiv.

⊙ *ci. ʒiss.

Syrup. de menth. j.

M. d. f. Davon alle tag zwey mal ein Trunch zum schwitzen.

Huic colaturæ etiam addidi, loco dictorum ~, tum. v. ~. cochlear. ordinarium. v. Tinct. Bez. M. v. mixtur. simpl. rectif. cum vel sine sale commu. *ci. simpl. v. anis. ast iterum iterumque incassum!

Item

Adhibui illum antichronicum Helmontianum, scilicet rad. asari. c. C. B. vel cent. min. sequenti modo.

℞. hb. C. B. mij.

rad. asari. ʒj.

M. incis. coq. in ∇. fontan. iv. ad consumptionem ℞. i. d. S. Alle Zag zwen mal ad ʒvj. Morgens und Abends zum schwitzen, quod egregium medicamentum etiam a Rulando commendatum quamvis pertinacissimas febres intermittentes cum cachexiis & hydropibus ex fundamento curet, nihilominus tamen scorbutum curare nequit.

Hinc tandem altius perpensis supradictis symptomatis causisque antecedentibus, prægressis diutinis febribus & hunc morbum adhuc comitante febris lenta incidi in corticem peruvianum vel in infuso vel in forma elect. sequentis.

℞. Pulvis. cort. peruv. subtiliss. ʒj.

⊕ diaphor. ʒiij.

Arcan. 2plic. ʒß.

sal commu. absynth. ʒj.

Conserv. ros. ʒiss.

Syrup. de acetos. citr. q. f.

M. f. elect. d. f. Davon ein Wellische Nuss groß Zags brey mal nebst obgedachten decoctum.

Et ut verum fatear coram Deo omniscio satisfecit integre ante biennium apud inclytum Regimen Bagnianum, ubi sexaginta aliquot in gradu secundo scorbuticos adhibita & impetrata pene diæta stricta, tenui, & febrili in meris jusculis consistente intra paucos dies integerrime restitui; in cujus testimonium illius regiminis DD. Locumtenentum Colonnellum Baronem de Schulz, ubilibet hodie terrarum sit, invoco, ast hanc diætam

Disput. Medico-Pract. Tom. VI.

S

tam

tam strictam ab illo tempore usque ad hodie impetrare ab aliis nequeo, quia occasiones hodiernæ ei sunt impares, hospitalibus, aliisque ad hæc necessariis hic caremus, ideoque omni etiam effectu hodie frustror, licet 3. aut 4. nihilominus hoc anno curarim, elect. dictum plerumque cum Ther. A. miscendo.

Ideoque iterum hodie semen Sinapis adhibeo cum rad. gentian. & cort. fraxini. sal. commu. absynth. cum Rob. ebul. sudorif. in forma elect. quod semen Rochellienfes a scorbutico in dirissima obsidione sua tam egregie atque mire salvasse dicitur, ast hic etiam incaustum hucusque.

Medicamenta extrinseca nolo, quia eadem de iisdem intelligi possunt, quæ dixi, si enim tam generosa intrinseca inertia sint, quid topica evincant in corpore scorbutico?

Hoc tantum annoto, quod a variis regiminibus inclytis Cæsareanis in specie Sickingensi hujates thermæ, ab aliis autem Magnosvaradinenses & Budenses etiam incaustum adhibitæ fuerint, an autem acidulæ quid in hoc possint, nescio, quia iis hic caremus, nisi quod nuper modo de quibusdam in hoc Bannatu necdum probatis levis fama ad me devenerit.

Quid ergo consilii adhuc in vestris scriniis contra Herculeum hunc morbum haberi, & superesse possit, quod hunc tam curaret, quam præservaret, hisce vos humillime rogo, ut id cito me docere non dedignemini, an non forsitan aliquis vestrum contra hunc aliud arcanum, vel panaceam aliam possideat: v. g. ☿. fixum, salivationem non moventem, qualem se habuisse Helmontius & ipse Dolæus, in capite de scorbutico, jactitant, vel sulphur aliquod minerale fixum, vel sal tartari volatilatum vel sal quoddam metallicum, præcipue mercuriale, quale Hallæ Magdeburgicæ in Nosocomio venale est ab illius Kunstelio elaboratum, vel aliquid fabis Ignatii aut lapidi Porcino nimis caris & raris simile &c. quibus malum curari & præservari posset, absque eo, quod diæta tam stricta (extra hospitalia bene ordinata equidem impossibilis) administranda esset, quibus permaneo, ut in literis.

Casus hic Medicus Cæsaream Militiam attinens, Temesvarino, & Belgrado ex Regno Servie, per Dominum Doctorem Kramer, Cæsareum ibidem Campesrem Medicum, nobis Decano, Inclytæque Facultati Medicæ Viennensi transmissus, singulis Facultatis Medicæ Commembris hisce communicatur, super quem quisque sententiam medelæ Decano ad manus intra triduum scriptotenus communicare non gravetur,

Joan. Francisc. FABER,

Phil. & Med. Doctor, Inclytæ
Facultatis Medicæ p. t. Decanus.

EPISTO

EPISTOLA RESPONSORIA

INCLYTÆ FACULTATIS MEDICÆ.

PRÆNOBILIS AC EXCELLENTISSIME
DOMINE COLLEGA.

ADmodum exactam descriptionem scorbuti, verno præcipue tempore, epidemice, imo sporadice (nec sine magna strage) militem Cæsareum affligentis ad nos dedisti; fatemur scriptum esse limatum, suoque auctore dignum, de quo tibi gratulari potes, id adeo placuisse excellentissimæ Commissioni, ut illud quantocyus typis mandandum curaverit.

Licet autem Facultas Inclyta satis perspectam habeat capaciatem, dexteritatem, sedulitatemque tuam, succinctam nihilominus informationem (qua equidem non egeres) transmittit, tam, ut petito tuo, quam Excellentissimæ Commissionis voluntati, fiat satis.

Dolet autem præliminariter Facultas, tam parce militiæ Cæsareæ Medicis provisum esse, ut ille, cui una statio contigit, eidem obeundæ ac providendæ non sufficiat, sed stare debeat fide, ac relatione chirurgorum, de quorum capacitate non tantum Facultati non constat, imo de quibus eadem, nec sine ratione dubitat. Sed hæc illis in aurem, quorum interest.

Convocatis autem viris de Facultate primariis, & maxime expertis, ac mature pensitatis circumstantiis, visum est accuratam circa rerum N. N. usum regulam præmittere: hæc enim insuper habita, remedia etiam generosissima vim suam perdent, ea autem bene observata, sæpe remedia, quantumvis mediocria, grandia fiunt.

Igitur cum prima mali hujus radix dependere videatur a vitio Athmosphæræ, particulis & effluviis sylvestribus, crudis, nitrosis, aluminosis, imo & arsenicalibus refertæ, quæ tam ex ipso terræ fundo, quam aquis paludosis, & stagnantibus, hæcque aeris constitutio levi negotio corrigibilis non existat: eo saltem annitendum est, ut impediamus, ne eadem altas in corporibus impressiones faciat. Ad quam intentionem consequendam optima foret sæpius repetita stationum permutatio, si non omni tri- saltem semestri, eo fine, ut miles gregarius ad aerem subinde liberiores transferatur. Illi vero, quibus ibidem persistendum erit, quantum fieri poterit, præmuniantur, ne tam cito infectioni subjaceant. Et cum impressiones istæ non tantum contingant per

S 2

ref.

respirationem, verum etiam in corpora, nuda in humo decumbentia se insinuant, præcipue noctu rigente coelo.

Primæ impressiones utæunque corriguntur fumo tabacæ, ligni, summitatum & baccarum Juniperi &c.

Posteriores vero evitabuntur, si humus, in qua defatigato militi decumbendum est, insternatur vel stramine, vel feno arefacto.

Quo ad victus potusque regulam, militi gregario, & qui exiguo stipendio victitat, incassum lautus ordinatur, sed illi potissimæ cupiditæ panis erit: quia tamen inter omnes repletiones panis repletio ab Hippocrate pessima vocatur, ea tanto erit nocentior, quanto ipse panis a sua bonitate deflectet. Providendum igitur erit, ut saltem sit bene subactus, convenienter fermentatus, sufficienter salitus, & ex bona farina pistus, alias pastæ instar in ventriculo jacens, ejusdemque fundum gravans, cruditarum, & exinde resultantium obstructionum radix erit.

Caro itidem suilla, vel bubula nimis juvenis, ejusdem sunt commatis, quæ tanto difficilius digeruntur, quanto miles pacis tempore minus exercetur, adeoque minus diffilat.

Quo ad potum: aquas palustres, vel ex puteis recens effossis hant, omnes malas esse Hippocrates pronuntiavit L. de aquis, aere, & locis.

Harum quidem vitium aliquantulum corrigi posset, si liquoris nitri fixi aliquot guttulæ potui ordinario instillantur: hoc tamen fieri non potest, nisi ubi abest suspicio profluviorum alvi. Præstaret igitur aqua fluvialis intermixto potu vini, non admodum fortis, vel generosi.

Quantum autem desidia militi noceat, satis hucusque per experientiam edocti sumus: vidimus enim plerumque milites minus ægrotasse illis temporibus, quibus exercebantur labore circa fossas ducendas, aggeres jaciendos &c. reliquas rerum N. N. species tacito pede transilimus, quoniam de illarum observatione militi frustra canitur; generaliter siquidem hoc axioma (quod moderata durent) iis ignotum est. Quod si sperare liceret has reflexiones effectum fortituras, non ad pharmacopolium, sed ad commissariatum te ablegarem.

Hicce prælibatis ad curam progredimur horrendi hujus affectus: & quemadmodum atro carbone notamus curam illam salivatoriam a medicis destructoribus potius, quam perfectioribus perperam institutam, ita præferimus vomitoria, non quidem violenta illa Glia, Zlia, arsenicalia citrina &c. qualia pro libitu cujuscunque, seu temerarii chyrurgi, sive jactabundi medicastri sine selectu, & insuper perspecta habita legitima præparatione, vel dosi passim, & indiscriminatim exhibere solent: sed præferimus blandiora, maxime secuta, qualia sunt vel gilla Theophrasti, vel pulv. rad. hypecacoanæ, quam tutissimam experimur, eoque magis illam commendamus, quoniam pretio valde tolerabili modo venalis prostat, cujus

drachma

drachma una, vel etiam plus, præmisso, si opus videbitur, digestivo, non tantum exhiberi, verum etiam pro re nata repeti poterit.

Primis viis hac methodo liberatis, ad materiæ peccantis correctionem, & imminutionem accingeris, quam commodissime quidem exequeris per anti-scorbutica illa decantata a vegetabilium classe deprompta, qualia supeditant: v. g. cochlearia, beccabunga, nasturtium utrumque, fumaria, hypericon, præ primis ejusdem flores, trifolium fibrinum, chærefolium, radix armoraciæ, strobili pini &c. ex quibus utique succi expressi, extracta, tinct. decocta &c. vel cum sero caprillo, vel alio, jure carnis &c. formulæ concinnari possent.

Sed quoniam horum simplicium proventus destitueris, eorum semina tibi transmittenda curamus, ex quibus commodo terreno sementem institues, tibi olim in ingentem gloriæ messiem excreturam.

Interim quo patientius expectes, quousque germinent, & collecturæ aptæ reddantur, earum exsiccatarum sufficientem quantitatem subministramus. Nec non succos ex iisdem simplicibus expressos, & (aqua spirituosâ distillata) ad melleaginem inspissatos, una cum aqua illa spirituosâ submittimus, ut illis tam in forma extracti, quam in aqua propria rursus affusa dissolutis in forma dilutiori uti possis.

Præterea duo remedia palmaria, non ex vana vulgi persuasione, sed effectum famam adeptæ, & hucusque sustinentia tecum communicamus, nimirum.

℞. Pulvis Rad. Chin.

Salsaparill. aa. ℥ij.

Sacch. ℔ss.

Farinæ hordei ℔bj. m. & vasi novo vitreato indita, operculoque bene lutato pistentur. Jam

℞. Hujus mixturæ cochlear unum, extracti succorum anti-scorbuticorum drachmam unam. Hanc mixturam in jusculi carnis non saliti ℔ss. per modum pannatellæ exhibe mane, & vespere superbibendo aquæ aliquæ anti-scorbuticæ, vel decocti ejusdem ad uncias tres, aut quatuor, sicque remedium efficies utramque implens paginam, scilicet nutritivo-medicamentosum.

Alterum est destillatum anti-scorbuticum hæc formula celeberrimum.

℞. Herb. recent. Nasturtii aquatic.

Chærefolii

Cochlear.

Beccabung.

Trifol. Fibrin. a. ℔ss.

Rad. armoraciæ

apii hortens. aa. ℥vj.

Incis. & contus. affunde vel aquæ simplicis, vel aquæ & vini aa. q. digerantur per diem, & noctem, Tunc adde globulorum equinorum

S 3

recen-

recentium ex caballo avena pasto collectorum lbij. & statim destilla ex MB. cujus dosis erit propinare tres uncias mane, totidemque vespere, superbibendo jusculum ex decoctis anti-scorbuticis. Hæc remedia, licet primo intuitu vulgaria videantur, non spernendæ tamen esse solent efficacæ, moleculas enim obtinent magis flexiles, & liquori gastrico magis auscultantes; hinc inservient salibus sylvestribus diluendis, & ad eliminationem disponendis. Adeoque mirari desine, nos illis plus tribuere, quam aliis quibuscunque e mineralum regno petitis, quoniam hæc & particularum rigiditate gaudent indomita, nec fermentis jam labefactis auscultant.

Noli tamen credere ea nobis omnino esse rejicula: novimus enim egregium illorum usum, si cum grano salis iisdem remedia Galenica quodammodo condiantur, & exaltentur: proinde ulteriorem eorum usum tibi recommendare non veremur. Superiora tamen præ his eligimus, utpote quibus longa experientia constat, non semper Herculeis medicamentis curandi scopum obtineri, sed naturam sæpius manuduci, quam impelli. Insuper jam ab olim tibi perspectum esse novimus, non omnem scorbutum eadem ferre remedia, sed unum exposcere remedia magis attenuantia (quale est potus theeatus, vel illi succedaneus ex veronica, aliisve herbulis appropriatis) alium gaudere acidiusculis, alium aromaticis, & spirituosus &c. alium amaricantibus salinis &c. & solo hoc phænomeno recte dijudicando medicum rationalem empiricis præcellere.

Præterea si tibi ex usu fore videbuntur alcalia, terrea, fixa, macra, vel oleosa, si quid fidis cortici peruviano, præcipue in febrium intermittentium contumacia, liberis, mundisque primis viis, si denique materiam præparatam discutere vis decocto lignorum anti-scorbuticis maritato; ea omnia quidem adhibe, hoc tamen cum regimine, & cautela, ne particulas balsamicas apud militem in pauca quantitate forsitan adhuc residuas nimium agitando facias evolare. Prout aliquando contingit in cura febrium &c.

Quapropter ea, quæ scripsimus, non eo sensu intellecta volumus, quasi vero iisdem solis tibi inhærendum, omnibusque aliis valedicendum foret, remedia enim dexteritas tua mille reperiet, si tandem quibus destitueris, nobis, vestrove protomedico cæsareo-campestri viro integerrimo rescribere, conatu omni adlaborabimus eadem tibi transmittenda.

Curationi tandem coronidem impones levi absterfivo, sennato, vel Rhabarbarino &c. Qualia non solum in fine, sed & in cura interposita, atque etiam in principio adhibere poteris, præcipue in iis, qui vomitoria non ferunt.

Hiscæ peractis etiam symptomatum urgentiorum rationem habebis, quæ quidem remediis ex propriis capitibus desumptis impugnabis eo tamen semper oculo ad morbum primarium intento.

Oris, & gingivarum ulcera (scorbuto commune symptoma) mundabis

dabis, vel os colluendo, decocto ex herbis absynthii, scordii, & hordei parato, addito parum melle rosato, spiritu cochlear. Spiritu salis, nec minus tincturæ laccæ Myns. &c. te raro destituet. Majori etiam absterfioni unguentum Ægypt. inserviet. Et quia vinum non omnibus conducit, aquam coctam parabis v. g. Rad. Bardan. Mai. Scorzoneræ, Charyophilat. Cichor. Sylvestris, visci Quercini, Anis. liquiriz. &c.

Omnia autem ex pino (quia picea balsamica dicta, qua de causa inelementias hyemis asperrimas illudens) ut strobuli, summitates ejusdem &c. cum aliis appropriatis in jusculis, vel potu theeato &c.

Te non latet inter alias historias illa, dum Uladislaus rex Poloniæ olim bellum in Moscovitas gereret, morbus tuis patientibus non impar epidemicus in castris faviret, plurima quoque generosissima respuens remedia, adeo atrox, ut militibus crura convelleret, qui nil aliud, quam paralysis scorbutica audit, quam clarissimus Erbenius prædicti regis t. t. Archiater solo decocto strobulorum pini, ejusdemque summitatum, modico addito sem. anis. liquiriz. felix, tum in jusculis carnis, tum pro potu ordinario, pristina restituit valetudini.

Hæc erant, quæ tibi rescribenda videbantur.

Tu quo cæpisti tramite, feliciter perge, ac certus esto, quod, quot sedulitate tua Cæsareos servasti milites, tot hostium decades occidisti. Vale.

Excellentia Tua

Ex museo nostro die 6. Maji 1726.

Addictissimi

N. DECANUS,

&

Facultas Medica Viennæ

Hic

His itaque præmissis, ut succincta magis explicem, sequentia addo & repeto ex prioribus.

SCORBUTUM nempe

1^{mo}. Neminem *impetere*, nisi qui prius multis febrium diuturnarum speciebus, ac recidivis, & quidem

2^{do}. Ex cruda neque eupepta dicta fuerit afflictus, ideoque

3^{tio}. Nullum fere præfectum, imo ne quidem equitem gregarium, utpote hibernis melioribus salarioque majore gaudentem. Harum febrium recidivas (æquivoco licet & tacite) *Boerhaave* §. 1150. etiam vocat causas, quum dicit, illos subiectos esse scorbutum, qui morbis lentis obnoxii sunt, maxime vero qui cortice Peruviano fuerunt usi: addit in commentario suo pag. 104. auctoritatem clarissimi *Sydenhami*, dicentis, ab usu hujus corticis observatum a se esse, quod scorbutum producat; nemo autem unquam utitur hoc cortice, nisi contra febres, aut morbos has sequentes: hinc clare patet veritas 1. mei §. præcipue quum ipse *Boerhaave* l. c. sui commentarii ex morbis lentis specialissime nominet quartanam, de qua expresse dicit, quod nemo fere ex quartana resurgat, quin in scorbutum incidat: in observationem autem *Sydenhami* commentatur ibidem dicens, quod ideo usum corticis sequatur scorbutus, quia materia a febre ejicienda necdum est educta; corticis autem hujus vires scorbutum ipsi contrarias supra in casu vidisti; id etiam de quartana ex solida praxi addendum & monendum habeo, quod rarissime & vix unquam homo statim & immediate in quartanam incidat, sed post prægressas febres alias intermittentes, sive quotidianis, sive tertianas male excoctas, quartana in praxi, plerumque occurrat; ideoque quartanam perpeffi in scorbutum certe præ reliquis sint proniores.

4^{to}. Toto anno scorbutum supra descriptum ex certa observatione, neque in Germania, neque in Hungaria, neque in Italia dari, nisi in principio veris, quod in Italia & Dacia Ripensi, vulgo Bannatu Temeswariensi, incipit in Martio, in Germania vero 4. septimanis serius.

5^{to}. Hunc morbum neque Italiæ, neque Daciæ incolæ alios invasisse, nisi advenas castræos gregarios, num. 1. 2. 3. confer consuetudo & natio, num. 36. 37.

6^{to}. Affligere tamen in Germania etiam tunc sporadice illos, qui præter causam, num. 2. dictam, herbis & fructibus horreis coctis raro vel plane non vescuntur, sed meris leguminibus coctis pascuntur. Hinc quolibet anno fere observatur Dresdæ in ptochotrophio, vulgo *Waisenhausse*, imo in urbibus longa obsidione cinctis, veluti in Gallia Rupellis, ubi dirissime ob annonam grassatus legitur scorbutus: Ita etiam grassa-

batur

batur Thoruni, sanctissima alias Prussiæ Poloniæ urbe, quum rex Sueciæ illam 4. septimanas obsideret: item Stettini sub ultimam ipsius expugnationem, licet aer ubique sit purissimus, & scorbutus ante & post obsidiones dictas nunquam nisi sporadice & valde raro fuerit visus. Notus etiam mihi est unus & alter ab usu ciborum vegetabilium abstinens, & meris carnibus non salis nec fumo induratis vescens, qui non semel verno tempore in gingivarum stigmata supradicta scorbutica incidit in locis Germaniæ saluberrimis. Sic etiam

7^{mo}. Certum est, ex defectu ciborum viridum nautas, diu in mari circumnavigantes, præcipue in zona torrida, post febres prægressas, maxime scorbutum affici; imo etiam eos, qui in Grœnlandia diu a viridibus abstinere coguntur; juventutem tamen

8^{vo}. cito aut herba cochlearia in regionibus septentrionalibus, aut in calidioribus, v. g. Lusitania, succo pomorum aureorum Lusitanicorum: imo

9^{no}. Eosdem nautas hodie ubique præservari a scorbutum, crebra, aut saltem bina, per septimanam cibatione brassicæ muria conditæ, vulgo *Sauerkraut* dictæ.

10^{mo}. Quoties præter meum consilium, ob dyspnœam supra recensitam scorbuticam & hinc impendentem suffocationem, vena fuerat secta, toties sanguinem scorbuticum omni sero fuisse destitutum, & in superficie sua crusta alba lardiformi obductum.

11^{mo}. Contractionem articulorum supradictam nullibi, id est, in nullo alio articulo, nisi in solis genibus, evenire.

12^{mo}. Scorbutum constanter & semper incipere signis suis primi gradus in casu supra proposito enarratis: & deinde, pedetentim & sensim, ad gradum secundum & tertium increfcere, nunquam vero incipere signis sive symptomatis gradus secundi, multo minus tertii; & quidem

13^{mo}. Scorbutum nunquam hoc principium suum capere in vigilantibus, sed perpetuo in dormientibus: ita ut scorbutum recens afflicti paulo ante somnum apparenter, excepta physiognomia plerumque cachectica, sanctissimi fuerint, ex somno autem horis matutinis evigilantes dicta scorbutica symptomata primi gradus sentiant, absque ulla causa externa manifesta. Scilicet ex somno evigilantium.

14^{to}. Quidam primo gingivas tumentes & sugillatas cum pulsu & urina febrilibus tantum & solum ostendunt, quod tamen rarius evenit, sed plerumque simul sugillationes unius vel utriusque oculi supra recensitæ comitantur, & post has sugillationes tam gingivarum, quam oculorum, intra aliquot dies contractio unius vel utriusque genium supradicta succedit; quibusdam autem statim principio vel sola gingivarum sugillatio, vel etiam simul altera oculorum sugillatio, cum dicta contractione, sive potius convulsionem tibiæ unius vel utriusque simul evenit.

Disput. Medico-Pract. Tom. VI.

T

15^{to}.

15to. Nemini autem ullum scorbuticum signum, siue symptomata accedit unquam, cui non simul gingivarum sugillationes eveniant: ita ut *primarium & perpetuum huius morbi symptoma sit dicta gingivarum sugillatio, cum pulsu & urina febrili, & febre lenta*, ex quibus deinde in gradum secundum, & ex hoc in tertium increscit, nisi cito medela fiat: quæ in tertio gradu, ubi orthopnoea, hydrops & dysenteria &c. jam præsto sunt, uti in casu dictum est, nunquam amplius inveniri potest. Ceterum

16to. de doloribus artuum lancinantibus rheumaticis in secundo scorbuti gradu evenientibus notabile est, eos æqualiter diu noctuque per intervalla inæqualia affligere, & a calore, siue stragulis non exacerbari. Sic etiam

17mo. tumorem genuum in gradu secundo duritiæ scirrhusum dixi, non quod verus scirrhus sit, sed quod duritiæ suæ similitudine ad duritiem scirrhusam accedat, quem tumorem etiam in principio suo sugillatione magna notatum & maculatione recte dixi; quæ tamen sugillationes mox iterum aliarum more decrescunt, & sensim evanescunt: in peripheria sua nimirum flavere, & viridescere, & sic absque suppuratione diminui & sensim evanescere observantur; atque hæc de tumore & sugillatione genuum & oculorum puta, non vero gingivarum, quæ perpetuo suppurantur & exulcerantur, &c. sicut etiam non raro ipsæ genæ tumide, *Tendines rigidos* in genu convulso non intelligo superiores tibiæ extendentes, sed inferiores & tibiæ flectentes, eosque præcipue internos, scilicet musculorum *semimembranosæ* & *semimembranosæ*.

18vo. De sugillationibus & musculorum indurationibus id etiam adhuc addere possum, me sugillationes nullibi observavisse, nisi circa genua convulsa & oculos, & in genis; & tumores hos principio suo sugillatos semper esse.

19no. Hæc veritates positivæ sunt; nunc, ut plurimorum practico- rum de scorbutico phantasmata, in quolibet ferme morbo in plagis septentrionalibus nil nisi scorbutum aut canentia, aut subolfacientia, illustrem, veritates addo negativæ. Hinc

20mo. notandum est, scorbutum evenire populis non tantum plagas boreales, sed etiam temperatas zonas incolentibus, cujusmodi est, Italia (num. 4.) præcipue Pedemontium, imo etiam Gallia (num. 6. & ex observat. Poupert. in casu Parisiensi observato) Lusitania & ipsa zona torrida (num. 7.) imo, testibus itinerariis variis, in Summatra & Guinea: ex quibus numeris etiam concidit quorundam opinio, quasi in plagis maritimis tantum grassetur. Notandum porro est in regionibus dictis calidioribus herbas antiscorbuticas, humum humidam poscentes, non quidem crescere, verum crescere tamen ibi alia vegetabilia antiscorbutica (num. 8. & 9. quibus plagæ boreales carent. Plura de his sequentur in cura huius affectus; addo tantum, me etiam observare non potuisse, quod aromatum usus in mor-

bis

bis, ut quidam volunt, contribuerit ad scorbutum; potius suspicor contrarium ex num. 2. & 3.

21mo. Tormenta scorbuticis accidunt, quando ex mala diætâ scorbuto accedit diarrhœa, aut dysenteria, alias vero nunquam.

22do. Addo, me nunquam in aliquot millibus scorbuticorum observasse pleuritidem, nephritidem, stranguriam, varices venarum raninarum, hæmorrhagias in cute externa spontaneas & sinceræ, exceptis dysentericis, aut ex vulnere, labiis, pulmonibus, stomacho, alvo &c.

23to. Neque vidisse ullibi in corpore ulcera, quam supradicta in gingivis & buccis, multo minus scabiei species unquam mihi in conspectum venisse, neque

24to. Unquam scorbutum stipatum animadvertisse *tabe* (nisi maciem corporis a morbo emaciati sic dicere velis) motibus epilepticis, tremore, paralyti; sed ægros omnes tranquille, lenteque mori, si difficilem semper & anhelosam excipias respirationem.

25to. Hoc tamen certum est, plagas & urbes paludosas, præcipue calidiorum regionum, aut post æstates fervidiores, præ reliquis scorbuto subjectas esse, at nunquam aliter, nisi mediate, siue remote, scilicet, si eadem febrium nidi sint, & ad num. 1. restringi debeant. Tales sunt in Hungaria Temeswar, Karansebes, Orsava, Belgrade, Esseck, Kinz, Cassovia, tota Wallachia ad Danubium non montosa; in Italia Ferrara, Mantua, & totus tractus Padi inferior post prægressas exundationes a Ramazzini tam accurate descriptus; in Germania, ob lacum quendam assitum, Stutgardia quondam erat, nunc ob exsiccatum lacum sana; e contrario vero totus tractus Rheni, Durlaco ad Moguntiam usque, post exundationes majores Rheni male notatur, præcipue Philippburgum; in Lusitania superiore Misiæ afflita Ayerswerda cum fociis suis annumeratur, de quibus omnibus videatur Dissertat. inauguralis D. D. Mayer Heidelbergæ A. 1735. habita, de febre tertiana continua castrensi; item Lancisii tractat. de noxiis paludum effluviis.

26to. Probabile etiam est, in defunctis ex scorbuto hepar, lienem, pancreas, mesenterium, putrida & consumpta fuisse inventa: trifolium vero aquaticum certam scorbuti speciem curare posse inter XII. dies, aliam autem scorbuti speciem cochlearia inter VI. dies curari; sin vero hæc cochlearia in illa specie detur, hepar inde crepare, sicuti quidam scribunt, minime credendum est, quoniam ex frequentissima praxi scorbutica, non nisi unica species veri scorbuti mihi datur, eaque fetida, putrida, & hinc alcalescens pro diversitate temperamentorum &c. in paucis accidentalibus circumstantiis variabilis, modo supradicto. Gravissimusque quoque est error, quamlibet cacochymiam, imo etiam cachexiam, & ipsam luem veneream, a medicis superficialibus, metaphysicis illis physico-medicis, omnes scilicet morbos a solo acido deducuntibus, scorbutum putari: quum verus scorbutus species cacochymie singularis sit.

T 2

27mo.

27mo. Ex his præmissis patet, definitionem in casu propositam veram esse, quod scilicet scorbutus sit totius massa sanguinea semiputrida visciduaque discrasia & stasis ex fibræ motricis Baglivii languore & rigore, circulatione massæ sanguineæ & ipsis secretionibus imminutis, a multis antegressarum febrium recidivis contractis. Sive

28vo. Scorbutus verus est totius massæ sanguineæ putredinosa gelatinescensque, & inde ad varias stases pronissima, ad secretiones autem & excretiones ineptissima cacochymia, cum atonia variarum partium & viscerum, horumque tandem infarctui & corruptione a multis aut chronicis febribus, præcipue intermittentibus, male curatis orta: & ideo (ut magis specificum & §. 19. extirpem) symptomatibus in casu & supra dictis, ante omnia autem gingivis sugillatis, stipata.

29no. Elucescit autem & facile probatur hujus morbi putredinosa conditio, & inde alcaliescentia, ex fœtore halitus cadaveroso in casu allegato, ex sugillationibus gingivarum vere sphacelosis, &c. & ex §. 6. 7. 8. 9. & 26. &c. gelatinositatis autem ex §. 10. & 17. ubi muscoli semimembranosus & seminervosus ex defectu boni roris, sive roridæ lymphæ, intra tam breve tempus exsiccantur, tabesunt & convelluntur: quumque tales muscoli in toto corpore non dentur, mirum etiam non est, solas tibias, neque ullas alias partes in hoc morbo convelli. Sic etiam ipsa dyspnœa, tandem ultimis vitæ diebus in orthopnœam transiens, & in casu hujus morbi comes recensita, gelatinositatem & spissitudinem massæ sanguineæ satis probat, ut pote quibus anhelosis pectoris & ipsarum claviculæ motibus respiratoriis natura massam sanguinis omnibus viribus per pulmones transprimere allaborat, sicut in chlorosi ex levi motu. Stases probant num. 14. & 15. ad visum & tactum sugillationes & tumores gingivarum & genuum genarumque, imo etiam num. 26. Ineptitudinem ad secretiones & excretiones probat I. Atonia partium & viscerum, de qua mox; II. num. 14. & 15. & num. 26. si enim viscera colatoria infarcta & obstructa sunt; eandem probat ipsa febris lenta, hujus morbi perpetua comes in casu recensita. Atoniam partium & viscerum, massam sanguineam gelatinescentem non satis promulgentium & per poros sive vasa capillaria promoventium, probant num. 13. 17. 18. & 26. & gradus tertius, sive prognosis morbi in casu recensita, ut & sequentia. Causam vero antecedentem proximam probat §. in casu, his verbis p. 6. incipiens: tertio neque primaria, sed succedanea &c. Item supra num. 1. & 3. & casus ipse.

30mo. Definitione causisque proximis, formalibus & materialibus, sic stabilitis, ad causas remotas tam disponentes, quam adjuvantes & occasionales, transeundum mihi est, & postea ad circumstantias & symptomata quedam specialia huic affectui familiaria supra & in casu necdum explicata, & fere portentosa.

31mo. Dividuntur autem optime causæ adjuvantes in internas & externas:

32do. Internæ sunt ætas, sexus, temperamentum, & consuetudo, sensibilitas, imo etiam natio.

33tio. Ex ætate nulla eminet, neque postponenda est, quæcunque causam antecedentem proximam incurrit; senem tamen nullum habui curæ meæ commissum, procul dubio, quod causis externis febrium se minus exponunt, aut quod durioribus jam assueti sunt.

34to. Ex sexu omnes mei scorbutici, quotquot recordor, virilis sexus, & quidem juvenes, erant, præter unam aliquam fœminam, Viennensem, quæ febrem quartanam chronicam diætâ male Viennæ excoctam 1720. passa fuerat, & 1721. Aprili & principio Maji in scorbutum inciderat, cumque medicina secunda feliciter superaverat.

35to. Pro temperamentorum ratione, sanguineo-phlegmaticos & phlegmatico-sanguineos præcipue, deinde sanguineo-melancholicos & melancholico-sanguineos; item mere sanguineos, sine dubio ad regulas diætæ in febribus proniores, ad scorbutum proclives, imo eo affectos observavi: cholericis nullius, sive puri, sive mixti, recordor.

36to. Ex consuetudine (minore scilicet, aut plane adhuc nulla contracta 1. ad aërem Hungaricum, de quo infra. 2. ad victum militarem, de quo supra & infra. 3. ad morbos ipsos superandos, præcipue febres, conveniente diætâ) recens in supplementum conscripti milites, vulgo recrutes, in febres eoque ipso etiam scorbutum fuerunt proni, præ reliquis vero ex

37mo. Natione Bohemica, sicut in casu est videre: hæc enim natio victui sicco, crudo & quidem NB. per totum annum apud plebem rusticam, plane excarni assueta, solo pane, pisces, farinaceis, brassica & rapis, præcipue muria conditis, & lacticiniis in patria sua vivens, in Hungariam fervidam ex aere patrio montano & valde frigido traducta & præter panem suum militarem, non nisi jusculis carneis & bubula sola vescens (nam vegetabilia ibi rara & cara sunt) mox in febres, populi Israelitici instar in deserto ex suis coturnicibus, & ex his supradicto modo in scorbutum pronissimi incidunt, accedentibus præcipue reliquis supradictis, & infra dicendis; minus vero Itali, a carnibus præ reliquis nationibus magis abstinentes, & in vitæ regulis accuratiores: præ his incolæ Rhasciani & Wallachi Græco ritui, & hinc abstinentiæ a carnibus & jejuniis multo & magno cum vita agresti & naturali, addicti, a febribus & scorbutis sunt immunes, vitamque longævam ad Ann. 100mum 130mum imo 190mum, & ultra non raro attingunt, in ipsa Dacia Ripensi Germanis adeo exitiali.

38vo. Ex causis occasionalibus, sive adjuvantibus, primarius est aër, per ætatem in Dacia Ripensi, vulgo Bannatu, ab Aprilis usque in Septembrem tam fervidus, quam in ullo loco Italiæ esse potest: augent hunc æstum tentæ castrenses, casæ Turcicæ ex mero ligno exstructæ, & quidem

indiscriminatim plerumque fenestris suis aut paludes, aut austrum, & fere nunquam septentrionem, respicientes: & quidem hic fervor dictis mensibus, contra rumorem plebis, *diu noctuque continuat*, & noctes frigidiusculæ raro ante Octobrem prodeunt: auget hunc aeris squalorem raritas *umbræ* ex altioribus ædificiis, sylvis & arboribus intra civitates & in Hungaria finitima raris: ex quo æstu, diu noctuque durante, massa sanguinea colliquatur in serum excrementitium tam copiosum, ut motibus naturalibus placidis per sua excernicula, præcipue in necdum assuetis, satis depurare nequeat, sed potius magis spissescat, tam a copioso sero, quam humidi defectu (num. 39.) non secus ac illi, qui diutius sub æquatore in mari circumnavigare solent, & inde passim in febres tertianas continuas, imo ipsas pestilenciales ruunt, a quibus omnes perirent, nisi ad terras firmas citissime appellerent, ibique refrigerio se a dictis febribus, carbunculis & stigmatibus scorbutico-pestilentialibus, vi certæ relationis, stipatis liberarent: & profecto itineraria (vide scripta missionariorum Halensium, *De la valle* &c. testantur, & ego non raro ipse in Hungaria, quando æstus erat insolitus, observavi, quod febres tertianæ intermittentes in Malabar ex hac causâ sint periculosissimæ.

39^{no}. Augentur hæc mala ex siti maxima, per talem continuum æstum atque præterea non raro simul corporis motum majorem, de quo infra &c. producta & pro ea restringenda fluoreque massæ sanguineæ cum ipsis secretionibus & excretionibus conservandis, *potu fere continuo*, qui plerumque *aqua* (de qua infra) plebi est: & licet pro nobilioribus hæc ex Austriæ montibus eo apportetur, aut vinum merum sit, nihilo minus frequentissimis & fere continuis suis haustibus digestionem turbat, ventriculum intestinaque emollit & debilitat, vasa lactea extendit, ideoque ad febres, diarrhoeas, dysenterias &c. præcipitat, ita, ut ipse *princeps Eugenius A. 1717.* in Belgradensi expeditione, optimis dietæ regulis, pro more suo, & vino cum aquis saluberrimis ex Austria ipsi singulis septimanis eo advectis usus, nihilominus in periculosissimam inciderit dysenteriam.

40^{mo}. Neque hujus mali aeris qualitas adhuc subsistit, sed augetur præterea æstus 1^{mo}. dictæ regionis *profunditate*, respectu Bohemæ & Germaniæ habito, *incredibili* ex longitudine interfluentis eam Danubii metienda, eaque in stagnis & paludibus adhuc majore, & hinc foco solis propiore, & a ventis sanioribus situ suo nimis profundo impedita; deinde 2^{do}. *solis radiis ab ipsis aquis paludum reflexis* & sic duplicatis: quibus omnibus

41^{mo}. Aeris malignitas accedit ex stagnorum, paludum, quin & cloacarum Turcicarum, aut etiam castrensum, cadaverum sepulcrorum &c. effluviis putridis, æstu dicto exaltatis, ex fœtore suo, vi experimentorum physico-rum medicorum, certe oleoso salinis, putrefacientibus, & continua respiratione, imo etiam potu, copiosissime haustis, & massæ sanguineæ mixtis, fermenti instar, non tantum num. 38. dicta continuo augentibus & produ-

centi-

centibus sed forte etiam (sicut spiritus salis armoniaci sulfureus *Hoffmanni* cum sero sanguinis mixtus illud statim coagulat, sive potius in massam solidam inspissat) nostros humores cogentibus & mille modis destructuris: de quibus confer num. 75. quibus omnibus, ut majorem inveniant fidei quibus confer num. 75. quibus omnibus, ut majorem inveniant fidei dem, addo, æstatis principio, in vere & hyeme loca num. 25. nuncupata, præcipue Hungarica, esse satis sana ita, ut præter scorbutum veris, vix ullus morbus grassetur, mensibus nempe Novembri, Decembri, Januario, Febuario, Martio, Majo, Junio, ac Julio; quam primum autem Augustus ad finem suum rueret cœpit, aut caniculares potius dies incipiunt, tunc incolæ militares supradicti numerose in febres malignas & benignas continuas & intermittentes tertianas, diarrhoeas, dysenterias, harumque pedisequas quotidie incidunt. Aer præterea hic paludosus, secundum experimenta physica humidus & minus elasticus, & probabiliter cum massa nostra sanguinea, mere oleosa & inflammabili, minus miscibilis est, & hinc sanguinem minus spumefacit, aut subtiliorem reddit: quas ultimas qualitates, præcipue ex effluviis paludosis, Itali recte *Malria* vocant.

42^{do}. Ex cibo, qui ad febres & scorbutum contribuit, taxo num. 37. continuo *carneum*, præcipue ex bubula, quæ in Hungaria, ob vile suum pretium, vel vaccina, vel mediæ ætatis inter bubulam & vitulinam est, & præterea frasca julecula & carnes præbet: chylus enim carneus mere glutinosus, & gelatinosus adhuc etiam longe putrescibilior est, quam chylus ex vegetabilibus, quæ, vi supradictorum & experimentorum physico-medico-rum, non tantum corporis humores minus putrescibiles faciunt, sed etiam curant conf. num. 37. item raritatem & caritatem vegetabilium in castris & recenter expugnatis fortalitiis. num. 2. 3. 6. 7. 8. 9. in casu: ex *potu* aquas Hungaricas, tam Danubiales constanter turbidas, & in non assuetis alvum laxantes, quam, & præcipue, paludosas num. 41. sive immediate ex paludibus, sive ex fontibus proxime ad & intra eas effossis haustas; deinde etiam potus nimis tepidos & fere continuos, num. 38. adde etiam num. 37.

43^{to}. *Motus corporis, magna, longa & multa itinera, labores, exercitus* præcipue in summo æstu diurno revera concurrunt cum num. 38. Medetur autem quies & mora in umbrosis domibus, more Hispanorum altis, septentrionem (utpote ex quo solus continuus aeris spiritus & motus, procul dubio ob glaciem & nives ibi in æstate deliquescentes) fenestris suis respicientibus ex lapideis muris crassis exstructis, &, si possibile sit, duplicibus cameris instructis, tam septentrionem, quam occidentem & orientem spectantibus, ita, ut transeat tempore opportuno ex una in aliam Italarum more; & si haberi nequeant, præstant casæ rhasciæ conditionibus dictis in terra effossæ & superius bene tectæ: plura vide in prophylaxi.

44^{to}. *Excreta & retenta cum animi passionibus*, præcipue *patrimonii* cupiditate plebi militari non rara, per se tibi, *vir excellentissime*, nota sunt. Sic

Sic etiam ex retentis transpiratio & sudores, in fine cujusvis paroxysmi febrilis non satis apud plebem observati, multum contribuunt, utpote a cujus transpirationis impedimenti perilligris D. Archiater de Grevelli duos trientes morborum castrensiū recte derivat.

45^{to}. Ex his præmissis colligo nunc & repeto modum, quomodo scorbutus fiat: scilicet massa sanguinea ipsique visceribus secretoriis & excretoriis contaminatis & labefactatis 28. 29. ex causis 33. usque ad 44. natura, sive principium vitale, quidem resistit instituendo, augendo, & multiplicando motus suos secretorios & excretorios, quos febrem apellamus, eosque pro majore vel minore necessitate & constante proportionem &c. vel in uno continuo, vel per intervalla, & sic vel per modum febris continuæ, vel intermittētis, continuat, donec dicta vitia præparaverit, se creverit & excreverit, & sic tranquillitas motuum vitalium, quam sanitatem apellamus, redierit.

46^{to}. Ubi itaque per malum in casu & supra passim repetitum regimen & in congruas medicationes principium vitale in suis intentionibus & operationibus non turbatur, ibi hæc brevi sunt, & viscerum tonus non multum labefactatur: sed perstat eorum vigor, cum omnibus æconomizæ naturali congruis motibus & viribus. Ubi autem

47^{mo}. per dicta mala turbatur, motus vitales secretorii & excretorii a natura præternaturaliter intensius & frequentius, pro corporis sui conservatione, diutiusque continuandi sunt, v. g. in chronica quartana, vid. num. 3. & tunc viscerum tonus sive fibra Baglivii debilitatur & relaxatur: id quod ad visum probant pedum œdemata post quartanam chronicam fere semper evenientes, item viscerum internorum inflammationes & hinc factæ eorum nimizæ extensiones, ubi constanter aliqua remanet nota, aut alteratio: sicut remanet in ipsis strenue laborantium membris externis certa labes, sive defectus agilitatis & motus, quam Germani *Steifigkeit* appellant, clarissimeque apparet in omnibus rusticis laboriosis, in equorum pedibus anterioribus, post nimium exercitium, imo etiam canibus venaticis, leporibus, cervisque nimia venatione exercitis, quibus inde tibiz non raro adeo rigent, ut eas movere amplius nequeant, & canibus venaticis succumbere cogantur. Viscerum internorum autem tonum labefactatum & sic dictam atoniam, clare, præter œdemata pedum, ostendit physiognomia cachectica post febres chronicas perpetua, sicut ipse *infarctus lienis*, vulgo *Fieberzelden*, qui post omnem febrem chronicam, præcipue quartanam, in Hungaria constans & perpetuus est pedisequus, & quem per multiplices sectiones anatomicas infarctum lienis esse certe scio, & testari possum; quoties vero, & ubicunque ego hunc lienis infarctum inveni, toties etiam simul *hepar* plus minusve infarctum deprehendi, item *mesenterium*: confer. 26. ex Boerhaave, ita, ut de debilitato viscerum tono post febres vehementes & chronicas tibi dubium super esse nullum possit: ut autem clarius tibi, *vir excellentissime*, omnes meas cogita-

itationes de scorbuto ex multa mea experientia explaniem, temperare mihi non possum, quin longius ad ipsas febrium epidemicarum causas & modum fieri excurram, & deinde more meo demonstrativo connectam & ex notis ignota deducam.

48^{vo}. Communicavi quidem has meas cogitationes de febre epidemica 1735. castrensi ad Rhenum cum D. D. Majer, qui enim illas suæ supra citatæ dissertationi inaugurali inseruit; quoniam tamen illa forte rara est, hinc pro bono publico eas hic iterum repetam: scilicet observavi, tam in illa, quam Hungarica epidemica febre tertiana, semper conquestos esse ægros de dolore dorsi interno, qui dolor aliquot diebus citius impetebat ægros, quam ipsa febris, neque cessasse febrem prius, quam dolor evanuerat. Plurimi ægri diu ante ullam febrem conquesti fuerunt de magno dolore cardialgico & premente, qualis in ictericis observatur: attentius considerata physiognomia talium febricitantium, aut tantum ad hanc febrem inclinantium, erat flava & albuginea oculorum tanta flavedine tincta, quanta in ictericis incipientibus tirgi solet: in cruribus præterea sentiebant omnes febricitantes magnos, frequentes dolores trahentes, & lancinantes, quos Dolens tertianæ intermittenti proprios dicit: æstas tunc, post ver humidum & magnas exundationes Rheni, erat fervidissima, & siccissima, & consequenter qualitatis & effectus num. 38. 39. 40. 41. massam sanguinis scilicet in serum excrementitium semiputridum colliquandi, & tam ex se, quam per ipsum hoc serum excrementitium inspissandi &c. ideo

49^{no}. *Spissescere* multo facilius illis in locis, in quibus (sicut tibi, magne anatomice, melius quam mihi constat) pro chymo & chylo diluendo, copiosa lymphæ per glandulas mesenterii, pancreatis, & intestinorum a sanguine separatatur, & ubi naturaliter tardius, quam in reliquis corporis partibus, circumagitur, & ad secretionem bilis magis spissescit, scilicet in toto tractu *venæ portæ, lienis, mesenterio & hepate*, imo etiam in ipsis *vasis cruralibus*. Quid ergo

50^{mo}. aliud inde fiet, quam vasorum & viscerum dictorum repletio & extensio, a stasi humorum & circulo massæ sanguinæ nimis spissæ impedito, & consequenter secretiones, præcipue bilis, difficiles, hinc cachectica & icterica physiognomia, dolores cardialgici & dorsi prementes, in cruribus autem lancinantes, spissam & ad stasim pronam massam ibi sanguineam propellentes, promulgentes & transprimentes, sicut num. 48. insinuavi.

51^{mo}. Hæc si non juverint num. 50. & plane massæ sanguinæ putredo adfuerit, num. 38. 39. 40. 41. &c. si impendeat natura, plane febrem 45. 46. 47. *insistit*, qua licet feliciter & secundo cum effectu expedita, nihilo minus viscerum atonia, & infarctus num. 40. 48. 49. adhuc remanet, & præterea simul, sicut physiognomia febres passorum cachectica, diu post curatas febres sæpe adhuc superstes, docet, secretiones & excretiones in visceribus abdominalibus impeditas, præcipue persistentibus præterea num. 2. 3. 6. 7. 8. 9. 25. 37. 38. &c. & inde deducendæ

cendæ sunt *februm periodi* certis diebus redeunt: sicut enim certa massa sanguinea datur spissior & gelatinosior, hincque ad statum prior, quam altera, ita, ut vix per unum paroxysmum discussa ejus in dictis locis stasi, nova iterum incipiat quotidie, aut minus promte, scilicet alterno, aut tertio die, unde vel *quotidiana*, *tertiana* vel *quartana*; sic etiam certum est, quod in quibusdam casibus, præcipue epidemicis, talis stasis uno integro paroxysmo, longissimo licet, resolvi nequeat, & talis febris aut constanter, aut saltem primis diebus, *continua* simulet: omnia autem hæc reflectively deteriora sunt, vel a nimio fero excrementitio, putredinoso, intra massam derepente accumulato, vel ab effluviis malignis, paludosis &c. copiose inspiratis & massæ sanguineæ admixtis. num. 25. 41. Item a malo regimine, præcipue cibis carneis, iisque in ipso paroxysmo sumptis, mox vel paroxysmum longiorem, vel quotidianum, vel plane continuum ex quartana efficientibus, spissitudinem &c. massæ sanguineæ cruditate sua scilicet augendo, quæ omnia tam in casu, quam supradictis in praxi fundata apparent: id tamen pro confirmatione addo, quod *quartana duplex* aliunde non fiat, quam quod febricitans in ipso paroxysmo quartanæ vel jusculum carneum, vel plane cibos solidos, ederit, quibus omissis & paroxysmi sine patiente regimine exantlato mox quartana duplex emanet.

52do. Quis mirabitur inde, si massa sanguinis *per hyemem* sensim magis spissescat, fero excrementitio copiosiore 49. 50. 51. oneretur, & globo revoluto solem versus, lumine suo omnia fluida motu intestino moventem, id est, *versu* & appropinquante majore calore *inter dormiendum*, ubi tonus alias relaxatus, & circulus massæ sanguineæ tardior est, in casu recensita signa scorbuti, & num. 28. dicta derepente incipiant, & secundum diagnosin casus continuant &c.

53to. Sed necdum mihi adhuc temperare queo, quin pauca adhuc addam de supra num. 47. dicta *placenta febrili*, & quidem propria experientia ex proprio corpore hausta, utpote qui talem post multarum febrium recidivas, aut potius singulis annis exantlationes in Hungaria 5. annis factas, ex Bannatu mecum Dresdam in Misniam transportavi, & sic ab an. 1716. usque ad an. 1726. eo laboravi & successu temporis plane perdididi, ex bona potius aura Misnica & bono regimine, quam ulla medicatione, nisi quod semel contra eam 18. urceos acidularum egranarum, ubi jam in maximo decremento fuerat, biberim.

54to. De hac placenta tam in memet, quam in aliis, observavi, quod sæpe & ex improvise atque derepente dolores obscuros pungentes, per plures horas durantes, sat molestos conciliaverit, & nisi tunc appetitui temperavi, sed largos pastus carneos, præcipue ex bubula, feci, mox in febrem intermittentem inciderim, stantibus præcipue & concurrentibus simul supradictis specialiter de fine æstatis; quotiescunque vero tunc abstinueram, toties non solum nulla febris rediit, sed etiam placenta

centa sensim diminui incepit, manifesto indicio, quod natura continuo contra reliquias febrium num. 47. 48. 49. 50. 51. laboret, & facile stantibus reliquis num. 57. evenire soleant.

55to. Hæcque de theoria sufficiant, quum reliqua, in prognosi casus recensita, partim per se clara sint, partim ex dictis facile erui possint.

56to. *Curam* quod attinet, eam in duplicem distinguo, *curativam* scilicet & *prophylacticam*.

57mo. *Curativam* iterum distinguo, in illam scilicet *propriam* in casu allegatam & nullius effectus; *alteram*, quæ mihi benigne a facultate inclyta Viennensi communicata in præmissis responso legitur, & tandem *tertiam*, post hæc nova experientia corroboratam.

58vo. *Curativam* in casu conscientiosè descripti, quam quilibet facile perspiciet.

59no. De *altera* ab inclyta facultate medica mihi transmissa observavi similiter, inefficax fuisse *hippoenteron* ibi consultum *Zwingeri*, sicut etiam *massam* ibi commendatam *Hofferi* ex salsaparilla, farina hordei & saccharo: ibidem autem promissa *semina antiscorbutica* non obtinui, neque *aquas destillatas*, spirituosas, ibi dictas, sed *succi ad mellaginem inspissati antiscorbutici* IV. libras, quæ parva quantitas, quum pro supradictis numerosis scorbuticis non sufficeret, tribus vel 4. tantum ægris, methodo præscripta exhibui, & effectum parvum ab eo adverti; quoniam vero illius parva quantitas dicta pro cura plenaria non suffecerat, nullus ab eo integre fuit restitutus, sed quilibet eorum tibias retinuit convulsas.

60mo. *Tincturam lactæ M.* quod concernit, ad gingivas ulcerosas ab inclyta facultate commendatam, de ea iterum, sicut de omnibus topicis, hic repetere possum, quod neque hæc tinctura, neque omnia reliqua *topica* quidpiam efficiant aut prosint, nisi specificis internis labes scorbutica prius extingatur, & quod sine ulla talibus topicis omnia symptomata scorbuti solis specificis internis extingui constanter possint: nunquam vero *strobilis pini*, aut *sedo minimo vermiculari* aliasque, de quibus in casu jam dixi.

61mo. An autem secundum quorundam observationes *aque Spadane* hunc morbum etiam curent, aut forte etiam *alia acidule*, aut *decoctum graminis*, sive *herbarum a bove devoratarum* & in hujus ventriculo præprimis primo invenibilem, a Boerhaaven *mille florenti decoctum* apellatum, blande acidulum & diureticum, nescio.

62do. Ex plus quam millena experientia, tam aliorum, quam propria, autem scio, quod *herba nasturtii* & *cochlearia succus* hunc morbum certo curent sive inter se mixti, sive singulatim ad uncias III. quotidie bis vel ter, in jusculo non fervido, sed tantum tepido, exhibiti.

63tio. Hæ herbæ autem solum amant udum climaque temperatum, hinc rarissima sunt in calida Italia, aut Hungaria finitima, nisi circa Karansebes; nullibi autem tam copiose, ut quotidie v. g. pro 60. ægris XXX. libræ succi earum haberi possint. Hinc

64to. *Methodus inveniendi, qua cito & in magna quantitate haberi possint*, eaque optima est, quam inclyta facultas medica in suo consilio proposuit: scilicet ex seminibus cochleariæ & nasturtii hortensis in locis laboratis & umbrosis satis eas in copia sat magna procurandi: excresecunt etiam hæ herbæ intra 8. dies bene cultæ in tantam magnitudinem, ut ad usum sat cito applicari possint: crescunt etiam sub ipsa nive, ita ut medicus, quum scorbuticos ex supradictis epidemiis & recidivis prævideat, hæc semina opportuno tempore sibi procurare, etiam e longinquo, possit.

65to. Tota autem virtus harum herbarum consistit in sale ipsarum volatili macro, halitus & vaporis instar, totum corpus penetrante, & phlogoses non raro ad genarum rubores usque, sed valde breves, excitante, carminativo, & fibras præterea motrices subtilissime stimulant, & tam diuresin, quam transpirationem promovent: fibræ motricis stimulus ab hoc sale autem ad visum patet ex frequentissimis ructibus domus singulas sequentibus, qui, ut sal volatile conservetur, omni etiam studio ab ægris compescendi sunt.

66to. Sic etiam nasturtium & cochlearia in locis valde difficilis cum sacchari quantitate sufficiente in mortario lapideo contundi, atque ita in conservam non coctam redigi, & sic condita in vasis terreis & ligneis in maxima quantitate, etiam ex maxime difficilis regionibus, haberi, ita autem condita, vel per modum conservæ ad unciam dimidium quotidie bis vel ter propinari, aut more recentium herbarum exprimi possunt.

67mo. Supra mentionem feci de essentia quinta cochleariæ Dr. Musi Brunswigensis, quam deinde etiam vidi, gustavi & probavi in pharmacopolio regio Dresdensi, nihilque aliud est, quam oleum ex semine cochleariæ cum aqua destillatum, odorem & saporem cochleariæ reliquæque supradicta quidem possidens, sed non tam halituosum, exhalabile, & cito penetrans, multo minus excernibile, sicut herbarum succus, hinc enormem, sat diu & periculose ad hæmorrhagias narium usque excurrentem, (quoniam diutius justo intra corpus moratur) massamque sanguineam magis cogentem æstum efficit, & contra scorbutum nostrum minime prodest: est etiam hoc oleum tam volatile, & per accuratissima obturamenta adeo penetrans, ut nulla alia arte conservari possit, nisi in vitris obturaculo vitreo munitis, & præterea, ut omne commercium aeris cum eo intercludatur, in aqua frigida continuo submersis. Est tamen præterea tam grave, ut, olei cariophyllorum instar vel cinnamomi, aquæ communi instillatum fundum petat, confer Hoffmanni observ. chym.

68vo. Defectum harum herbarum supplet etiam succus citri vel pomorum aurantium ad uncias 3. vel 4. cum sufficiente sacchari quantitate & I. libra vel aquæ communis, vel melius feri lactis, bis quotidie propinatus: quod serum cum succo citri D. D. Pfundbeller ante aliquot annos, dum 20. & aliquot scorbuticos ad S. Marcum Viennæ curandi ei fuerint, valde efficax apprehendit, atque laudatur etiam a Boerhaave.

69no. Dieta autem sit excarnis durante tota cura & quantum possibile est ex vegetabilibus, ceterum excretiones omnes tutæ conserventur, reliqua vide supra.

70mo. Ad prophylaxin quod pertinet, eam etiam divido in remotam & proximam, sive mediatam & immediatam:

71mo. Remota sive mediatam consistit in præservatione a febribus, effluviisque paludosis febrilibus num. 48. 49. 50. &c. & eo ipso etiam num. 1. ab ipso scorbutico, taleque medicamentum est vel privativum vel positivum:

72do. Privativa remedia sunt fuga a num. 1. 2. 3. 38. 39. 40. & 42. quibus addo, ut illi, quibus fuga hæc impossibilis est, paludes exsiccare, aut aquas fluentibus elui, aut arbores (secundum experimenta Lancisiana) inter civitatem & paludes dense plantari curent, quibus id efficietur, ut aer effluviis paludosis plenus per folia ramosque arborum cribratur & depuretur a suis dictis effluviis, antequam ad urbem penetret: his autem in terris paludosis aliæ arbores coli aut crescere nequeunt, quam salices, præcipue salix glauca angustissimo folio, ramis non erectis sed pendulis, & quidem, secundum Turcarum fabulas, ex respectu erga Mahometem, dum sub ipsius umbra quondam quiescebat: reliquæ enim arbores omnes, aut humiliores justo manent, aut ramis rarioribus effectum non præstant, aut, quod omnibus arboribus aliis, præter salices, contingit, in radicibus ob terram paludosam nimis humidam putrescunt, & post paucos annos emoriuntur: doleo autem summo opere, quod hæc arbores a Turcis adeo cultæ, in locis supra nominatis Hungaricis a Germanis iterum omnes fuerint excisæ:

73tio. Positivum unicum mihi constat ab experientia, scilicet essentia cort. Peruviani, vel pura, vel cum speciebus aliis amaricantibus preparata, & quotidie ante somnum ad drachmas II. vel unciam dimidiam sumpta, vel etiam simul mane: ne autem ab hac absterrearis, tanquam medicamento sanitati suspecto, scias ex relatione & testimonio excellentis & illustrissimi, D. Comitis & Campi Marechalli Cesarei de H. quod hujus essentia dictæ quotidiano usu, se cum tota sua aula, multos annos in Hungariæ dictis insalubribus locis habitantem constanter ab omni febre præservaverit famosus ille dux belli Bonneval, hodie dum hæc se ideo, Constantinopoli septuagenario major & vegetissime vivens: mansit hic cum suis domesticis in dictis Hungariæ locis constanter salvus ad invidiam omnium

omnium reliquorum prætorum, quorum vix unus (multo minus vero eorum domestici) fuit, qui a febribus paludosis supra descriptis mansisset immunis. Rationem erue ex supradictis, præcipue num. 48. 49. 50. 51. &c. interim per parenthesin monco, quod item hic cortex contra *dysenteriam* egregie valeat.

Prophylaxis proxima & immediata a scorbuto, quatenus immediate etiam a scorbuto præservat, imo illum juvat, est eadem cum num. 72. & alia in prioribus dicta, præcipue num. 7. 8. 9.

C E N S U R A.

Hydram esse scorbutum, non maris duntaxat Balthici accolis endemicam, sed bellatoribus, hodie cumprimis, ubivis terrarum exitialem, in propatulo est. Ad monstrum hoc immane conficiendum Hercule opus erat alexicaco, qui & nodosæ munitus robore clavæ in arenam descenderet, & calami ad hujusmodi pugnam attemperati acumine confoderet bestiam malignam ac truculentam. Fecit hoc scripto prorsus eximio, & bonæ frugis pleno *celebratissimus ac primarius copiarum cesarearum medicus* D. D. Jo. Georgius Henricus Kramerus, cujus epistolicam hoc de argumento dissertationem ubi ex procerum mandato cum cura perlegi, mirificam inde animo percepisse voluptatem ingenue denuncio, dignamque adeo profiteor, quæ typis expressa in manus cupidorum doctrinæ melioris, & quæ salutaris fulcro experientiæ sit ianixa, philiatorum sine tergiversatione exponatur. Scr. ipsis Idibus Jun. an. ær. Chr. 1710 CC XXXVII.

GODEFRIDUS THOMASIUS.

GEOR.

C X C V I I.

GEORGII ERNESTI STAHL

E T

GEORGII DANIEL THEBESII,

D E

SCORBUTI ET VENEREÆ LUIS

DIVERSIS SIGNIS ET MEDICINIS.

Halæ 1706. Februarii.

P R O E M I U M.

Si usquam iudicium, agnoscente jam Hippocrate, difficile est, & ambiguum *εἰς αὐτὸς* medicus, est certe in illis morbis eorumque circumstantiis, quibus non solum magna inter se convenientia inest, sed etiam communis quadam ambiguitas atque minor evidentia familiaris est. Sicut enim minus certa agnitio, cognitionis penitioris certitudini ingentem obicem ponit, ita eo magis plurimum verum, singulatum non satis distinguendarum, qualiscunque generalior similitudo, non potest non ingens praedudicium & impedimentum obicere, cuiuscunque tentamini exquisitoris distinctionis. Cum autem incertitudo vere morbi indolis nihil aliud parere possit, quam methodi etiam iuste occurrendi atque subveniendi insuperabilem difficultatem: quoquo modo proinde necessarium certe est correctioni huius defectus, quanta inquam sperari possit, invigilare, imo insudare. Planior autem via ad metam hanc pertingendi, alia certa verior nulla est, quam ut singulorum seorsum morborum symptomata certa, evidentia, adeoque communiter etiam eminentia & praecipua, quam maxime attendantur; sepositis interim dubiis magis, & dubiis praesertim cum directa morbi essentia, nexus: & illorum deinde in diversis morbis solertior atque curiosior comparatio instituat. Hac enim methodo fieri certe non poterit, quin cuiusque morbi veluti specifica magis indoles ab altera rectius discerni, atque inde etiam solidius tractari, atque efficacius expugnari possit. Sicut autem in morbis manifestius discrepantibus, minus imo nullum fere circa hanc discretionem occurrit negotium; ita eo majori peritia certe tractari meretur haec intentio in illis casibus, ubi maior similitudo ambiguitatem augeat: aut intimior disparitas causarum, & consequenter medicationum, errorem periculosiorem reddit. Seorsim autem maxime consultum est, loquacitatem *ἀντιλογιστέον*, hodiernae medicinae familiarem, in eiusmodi casibus continere, ne de imaginariis humoralibus circumstantiis confidenter asseveret, quae vel anatomicis posthac patefcentibus examinibus, vel spontaneis tandem eruptionibus materialium, vel tandem liquidius ad *αἷμα* suam pervenientis morbi, dilucidioribus effectibus refellantur. Possent harum rerum exempla allegari, sed tanto minus opus est, cum hodiernis moribus abunde notum sit, quam raro numero plures medici, de una eademque re consulti, si specialius aliquod effatum edere debeant, consona proferre soleant. Interim cum & veritatis, & usus, imo subinde securitatis patientium, omnino intersit, ut quantum fieri potest, constans aliquid atque verum circa propriam indolem affectuum qui aliquam inter se analogiam praese ferunt, dispiciatur atque decernatur: dignus certe medico suarum rerum satagente est labor, huiusmodi implicationibus extricandis, solertem manum accommodare, & tenebris his lucem funerari. Placet par-

ticulam hujus operis speciminis inauguralis loco desinere, & quid in illo valeant nostræ vires, experiri. Scorbutus, famosum hodie nomen nimium quam sæpe variis valetudinis vitis, imprimis autem quæcunque solidius nominare atque verius enucleare non liqueat, passim imputari solitum, hinc inde etiam temere transfertur, ad Venereorum, familiarissimorum hodie, inquinamentorum, non satis agnitas aut intellectas, jam passiones, jam corruptelas: quam inconsulto vero, imo inauspicato tale quidquam serio fiat, satis certe dilucescere potest ex eo, quod varia, & fere efficaciora alterutrum mali remedia, alteri non modo nullum commodum, sed satis prompte periculum imo damnum, asferre possint. Ut itaque in his rebus nihil temere hallucinari contingat, distinguere nobis placet scorbuti & luis venereæ indolem, nec ibi solum crassiorum specialissimarum circumstantiarum differentiam determinare, sed tenuiorum etiam, & quadantenus alienæ personæ induenda capaciorum, verius discrimen constituere.

Faxit Deus T. O. M. ut & bene succedat hoc nostrum propositum, & ad usum etiam generis humani feliciter cedat.

I.

Quemadmodum variæ sunt morborum externæ facies secundum varios sui progressus, & conceptum aut impetratum successum; ita solent etiam subinde mutuis similitudinibus fallere, & obscurioribus indiciis, veram sui diagnosi difficilem reddere.

II.

Faciunt autem hoc tanto magis & facilius, quanto lentiores progressus servando aut nanciscendo, a vera sui formali ratione longius adhuc distant, adeoque non nisi generaliores sensus discretionem admittendo, minus perita judicia vel subterfugiunt, vel præoccupant. Unde quidem ingens hic esse debet & peritia veræ indolis, & circumscriptio atque cunctatio judicii, ne ex solis circumstantiis prout in præsentia jacent, de summa rei aliquid statuatur, sed potius ad præterita, ad progressus, inquam, jam factos, & adhuc etiam futuros, comparatio dirigatur.

III.

Lues venerea, uti morbus est priscis non solum seculis in orbe antiquitus cognito ignotus, sed etiam in hunc usque diem propterea vulgari medicorum catervæ minus ex asse perspectus, quoniam cura ejus familiarius empiricis methodis, & manualibus administrationibus destinatur, quam

quam solertioribus sive pensitationibus, sive methodi scitis directionibus aut executionibus: & hoc quidem tanto magis, quo magis veras suas formales, ut loquuntur, corruptelas, jam vere subit atque infert: fieri hinc non mirum est, ut minus cognita illa sui facie, & immaturiorum symptomatum schemate illis imponat, qui totam ejus efficaciam historiam, & ut vulgo ajunt motus generationis progressum, ex ipsa experientia non affatim conquiverunt. Magnum autem esse talium non medicarum solum, sed etiam magis systematice, juxta libros, per libros, & quantum in libris, practicum numerum, non certum solum, sed notum etiam est.

IV.

Sunt autem tres inprimis generaliores circa veram indolem luis venereæ dubitationes, imo ex parte fluctuationes, in theoria, & hinc offensiones in praxi. Prima, quando lues venerea habetur pro lepra simpliciter. Quam causam pro se & aliis orare suscepit, quamvis non perorasse appareat, Ammannus medic. crit. Secundo, quando mustitia adhuc ejus circa artus & exteriorem habitum corporis pathematâ, simplicius pro arthriticis, aut rheumaticis (nec his ipsis etiam affectibus debite discretis) reputantur atque proclamantur. Tertio, quando tum sub modo dictis, arthritica schemata mentientibus, tum aliis pruriginoso-scabiosis, maculosis, & adhuc levius ulcerosis affectibus, pro simplici scorbutica dyscrasia judicantur.

V.

Ubi quidem, uti fere nulla disciplina opinionum quarumlibet feracissimo proventu magis luxuriat, quam ipsa medicina, rarior forte est, sed tamen non deest plane, illa etiam opinio, quod universus, vulgo aliis, quomodocunque etiam & agnitus & descriptus scorbutus, nihil aliud sit, quam vera lues venerea.

VI.

Interim licet forte pauciores huic opinioni subscribant, multos tamen revera audias indies, qui ex adverso venereos affectus scorbutici mali appellatione saluent.

VII.

Nullum est dubium hic etiam alibi voluntate peccari, alibi vero intellectu. Ita enim non solum medici sæpissime hoc dant morum, uti volunt, elegantiam, ut veneream impuritatem corporis, scorbuticorum salium

nomine pallient : sed ipsi cum primis patientes , quando ipsos præpostero , sed recepto , morum habitu , effectus magis pudet quam causæ , jam vel crassos *venereos* impuros eventus , ad medicum denuntiant , *sie hätten so scorbutisch geblüet , scharbockische scharffe im geblüet , scharbockische gesaltzene flüsse , an sich.*

VIII.

Quod quidem tanto solennius faciunt , quanto magis cum *medicis* , *medicis* , *seminis* sexum suum sapientia evasuris , *tonsoribus* , & *balneatoribus* conversati , jam nihil simpliciter , sed omnia philosophice & pathologicè eloqui gestientes , puras putas *ætiologias* ad medicum afferunt , & non quid sentiant , sed quid sentire se intelligant , eloquuntur , & per mera nomina , nulla vero *phenomena* , medicis molesti sunt : imprudentibus etiam , cum gravi sæpe sui proprio periculo , scandalosi.

IX.

Interim est tamen etiam altera , *intellectus* hic aberratio nequaquam insolita aut infrequens , ut utique sine furo aut dolo , *luem veneream* pro *scorbutica intemperie* hinc inde haberi , teste ipsa medendi methodo & materia , obtingat.

X.

Cum vero non solum *a priori* singuli hi affectus a se invicem vere differant ; sed eo ipso etiam medicatio , & medicamenta , una eademque , singulis convenire & conducere , nedum satisfacere , minime possint : adeoque etiam *a posteriori* incondita quorumlibet remediorum , ad quoslibet morbos adhibitio , non solum prodesse non possit , sed nocere etiam subinde soleat : putamus hinc tanto utiliorem futurum esse laborem , quo hæ diversæ morborum species a se mutuo distinguantur , & quid alterutris minus quadret , debite discernatur.

XI.

Vix autem commodior methodus ad justam harum rerum discretionem suppetit , quam illa , quæ primo loco diversitatem *totius indolis* , & consequenter etiam *signorum* , atque ita *diagnoseos* utriusque horum affectuum , debite & sufficienter evolvat : deinde tum *experientiam* , tum *rationes* producat , quam incommode *methodi* & *remedia* , alterutris specialius convenientes , ad utraque indifferenter sese habeant , aut applicari patiantur.

XII.

XII.

Prima , quæ hoc nomine occurrit , diversitas , est inprimis *Ortus* ingens disparitas . Cum enim *scorbutus* primo præcipue cooriri soleat in locis frigidis humidis , aut sane humidis-nebulosis atque vaporosis : *dieta* alimentari etiam crassa atque simul falsa , motusque corporis & sanguinis majore torpore : *lues venerea* e contra , & primam suam , ac veluti originariam sedem , magis observata est habere in locis calidioribus , sine peculiari ad humiditatis æreæ influxum respectu : & *agilitati* reliquæ tam corporis universi , quam humorum , imo *floridissimæ* quoque reliquæ horum crassi , & promptius imminet , & profundius insidet , quam ut peculiaribus *dyscrasiis* ad fontem sui indigeat.

XIII.

Ratione *progressus* autem atque status sui , *scorbutus* quidem etiam *contagio* diffundi atque serpere potest , sed etiam proprio *ortu* ac *proventu* corporibus innasci , & *spontaneo* velut ortu in illis generari . Cum ex adverso *lues venerea* , nunquam , nisi *contagio* unice generetur , & de corporibus in corpora disseminetur atque propagetur.

XIV.

In quo ipso tamen negotio dispar omnino est utriusque hujus affectus invadendi seu disseminandi *promptitudo* . Licet enim de *lue venerea* notissimum sit , quod illa promptissime ex uno corpore in alterum communicetur : de *scorbuto* tamen minime respondet veræ atque solidæ experientiæ par penitus ratio , cum vere *scorbuticos* tam facile alios , vere & sensibilibus *contagio* sui mali afficere , nullo modo observetur.

XV.

Tanto major autem est differentia *modi* tam invadendi quam progrediendi , intuitu partium affectarum , & modi effectuum seu affectuum . Cum enim *scorbutus* plurimum ore , *lues venerea* plurimum genitalibus , communicetur : quamvis etiam ore *lues venerea* communicari possit : *scorbutum* tamen genitalibus , & actibus *cohabitationis* magis directe , de corpore in corpus communicari , inauditum fuerit , & exemplo caruerit solido & evidente.

X 3

XVI.

XVI.

Tantum enim damna *venerea* circa *genitalia*, à *scorbuticis* symptomatibus absunt, ut ne quidem exquisitissimi *scorbuti* symptomatibus ulla respectu accenseri possint: cum, quicquid hic de qualicunque *salacitate* aut *prurigine* forte narrari solet, vix ulla *seria* probabilitate *scorbuto*, sed longe verius *individuali* reliquæ propensione, posthac ejusmodi prætextibus colorandæ, in acceptis ferendum sit: vel etiam *medicationibus* interdum variis, per *empiriam*, & *mirabiles ætiologias* varie institutis, imprimis per *castorina*, ex *formicis* parata, subinde etiam *analeptica*, *moschata* &c. imputandum.

XVII.

Cum præterea etiam effectus *luis venereæ*, per os sese insinuantes, aut in illud redundantes, longe plurimum discrepent a *scorbuticis*, facilis hinc est utrorumque affectuum etiam in hac parte discretio. Dum enim *scorbutus* in ore *gingivas* magis afficit, *cruentas*, *laxas*, & sensim veluti in tabum *fatiscientes* reddit; *linguam* atque *sauces* anginodæ magis *æstu*, & *inflatione*, ætuoſiore quam *acriore*, oblidet, *dentesque* *cariosos* reddit: *lues venerea* ex adverso *lentos* *mucidis*, *pruriginoso* *acribus*, *ulcerosum* ardorem formantibus, imo non solum *arrosionem*, sed profundiores etiam *erosiones* prompte atque vehementer progredientibus, effectibus sese exferit, quæ non tam *gingivas* atque *dentes*, quam *tonsillas*, *inprimis uvulam*, *infundibulum*, *nares*, quin *ossa palati* atque *narium*, & *cartilaginem* harum, prompte & potenter corripit, imo corrumpit: à quibus rebus *scorbutus* etiam *ferocior*, vel penitus abstinet, vel certe neque progressus hujusmodi, neque corruptionis propriam formam, efficit aut inducit.

XVIII.

Ita etiam *lues venerea*, circa os *externum crustosis*, *salso acri ardore* subinde asperius infestantibus, & *nauseosum*, veluti *mucidum* atque situlentum nidorem spirantibus, *ulcerationibus*, nimio promptius & familiarius sese exferit: quales a *scorbuto* etiam in hac parte, cum universo reliquo corpore, velut insolidum alienæ sunt, qui magis *sanguinolentis*, *ichorosis*, *nigricantibus*, *livescantibus*, omni modo vero potius humidis atque tenuiter manantibus, quam *crustosis*, *glutinosi*, & *siccæ escaræ* sive facile formantibus, sive pertinacius foventibus, ulceribus gignendis fecundum sese gerit.

XIX.

XIX.

Unde etiam est, quod *scorbutus* quidem *maculas* gignere solet, vel *cruentis* collectionibus atque stigmatibus evidentius similes; vel *tumores* etiam, cum *paris coloris* concursu, *duritie* insuper & infarctu copiosiore, satis sæpe tamen etiam in sat longum tempus, *spontaneas corruptiones* nullas concipiente.

XX.

Lues venerea ex adverso, collectiones *crassiores*, *nodosas*, *gummatosas*, *glutinosas*, *exsanguies* gignit, *steatomata*, *atheromata*, *melicerides*, *bubones*: pallida, leni & glutinoli muci proventu, non solum intus foeda, sed etiam in sui ambitu spissa atque densa, *ulcera* atque *tubera*: omni modo vero in *ulcerationes* actuales, licet *lentas*, *salsas* magis quam *putrilaginosas*, proclivior est, quam *scorbutus* sibi relictus, nec incommodis remediis aut methodis temere irritatus.

XXI.

Inprimis etiam quod *ossum* corruptiones attinet, & longe feracior harum, & in illis longe ferocior est *lues venerea*, quam *scorbutus*. Cum enim tarde satis atque raro, sibi inprimis relictus *scorbutus*, aliis præter *dentes*, *ossibus*, directe negotium faceſſat: contra, nimio facilius hoc facit *venerea* corruptela, & non invadit solummodo atque corripit, sed corrumpit etiam *ossa*, progressibus non contemnendis.

XXII.

Conspirat præterea *scorbutus* plurimum cum *viscerum* inprimis autem *abdominis*, pathematibus, ita, ut rarissime sine illis, solum corpus externum afficiat, communissime vero *reciprocis* pathematibus, aut *connexis* & intus, & exterius, male afficiat patientes.

XXIII.

Ex adverso *lues venerea*, inprimis directe, sibi relicta, sine remediorum aliquid commoventium culpa, sæpe pessime habet *exteriores* aliquas corporis partes, vix effatu digna aliqua circa *interiores* molestia.

XXIV.

XXIV.

Dolores, quibus uterque affectus satis fecundus est, in scorbuto facis sensibiliter differunt a *venereis*, quod longe *acutiores*, *subtiliores*, simplicius *estuarii*, percipiuntur; fere etiam propria sua indole magis *transitorii*: ita ad minimum, ut post aliquod temporis spatium *mitescant*, imo in malo adhuc *mitiore essent*, & alio demum tempore, quasi *paroxysmo* quodam revertantur.

XXV.

Veneri vero *dolores* quantumcunque etiam vehementes atque feroces, distinctius *rodentem* quendam, & *salsi* veluti ardoris, & acris morfus participem, nec tam acute *lancinantem*, quam, ut ipsi patientes enunciant, *terebrantem*, quendam sensum exhibent. Sunt præterea magis *statarii*, diu unum eundemque locum obidentes: & licet admodum familiariter varietatem quendam, majoris aut minoris sui impetus, exhibeant, brevissimæ tamen periodi est eadem, dum singulis *noctibus* gravius affligit, interdum sensibilis mitescens doloris *ferocia*.

XXVI.

Quantumlibet etiam uterque affectus *pruritus* feracissimus sit, differt tamen *scorbuticus* pruritus satis sensibiliter a *venereo*, quod longe *subtilior* atque tenerior, *estuarii* magis, quam acris *ulcerosi* ardoris compos exultat; præterea leni etiam *frictioni* magis, quam *scalptioni*, sensibiliter obtemperet atque ad tempus cedat, inprimis excutitæ (*einer Bürste*) non nimium rigida *frictioni*: *venereus* contra pruritus scalpendo ordinario exacerbatur, neque vere inducias det prius, quam *excoriatis* partibus acrior dolor ingruens, manus ultra adhibere vetat.

XXVII.

Quod autem jam supra de *ulcerationibus scorbuticis* a *venereis* differentiis notatum, illud huc etiam referendum est; dum *scorbutici* quidem pruritus etiam ad *excoriationes* usque constricti, magis *sanguinolenta* stigmata, & ardentiores, magis *inflammatorias* ambitus formare solent. *Ulceræ venerea* vero magis *seroso* nuda humiditatem exsudare consueverunt, quæ in pertinaces *crustas* abeat ab *inflammationibus* parum incommodi habentes, sed solum *rodente* quodam ardore maxime molestas.

XXVIII.

XXVIII.

Sicut autem universatiles *langtores scorbutici*, cum *venereis lassitudinibus* in eo minime conveniunt, quod hæc, *venerea* inquam, longe majus onus, & quasi pondus corpori una conciliare videantur: dum scilicet & *gravitatis* in membris, & intimioris cujusdam *obtusis doloris* contusorii sensum incutiunt:

XXIX.

Ita ex adverso *scorbuticæ virium* jacturæ, vel directam quandam velut à priori, virium inopiam, sine peculiari oneris sensu, exhibent: vel non nisi sub peculiari situ aut motu corporis sese sistunt, v. gr. dum patienti jacenti quidem, sic satis bene esse videtur: erigenti autem corpus, *lipothymia* ingruit, aut evenit.

XXX.

Ubi etiam illa differentia attendi meretur, quod *scorbutici* quidem non solum in genere *decubitu*, sed in specie etiam *lectu*, sic satis tolerant: *venereis* autem non solum à *decubitu*, sed fere eo magis à *lecto* dolores augescant.

XXXI.

Neque vero obiter sive memorari, sive observari, meretur, differentia dolorum in *artibus*, *scorbuticorum* & *venereorum*. *Scorbutici*, ut omnia reliqua ejus classis, *teneriores* veluti & quasi *subtiliores*, *acuti*, *penetrantes*, immo *mobiles* subinde, *vagi* & *volatici*, existunt; *estuarii* magis & si non *inflammatorii*, tamen sensu quodam *subtili* caloris urentis conspicui:

XXXII.

Veneri vero quasi *rodentes* magis, *fixiores*, *obtusiores*, *gravitatem* veluti atque pressionem parti inferentes: communiter etiam magis *statarii* aut certe *contumaces*, atque *pervicaces*.

XXXIII.

Est vero etiam notabilis differentia in *excretis*, inprimis *urina*. Hæc enim in *scorbuticis* vel *tenuior* est, simulque *coloratio*: vel si *crassa* quoque appareat, *fusca* magis aut *nigricans*: si etiam odorem fortiolem spirat, *acrior* ille fere est, *subtilior*, penetrantior.

Venerica vero *urina* familiaris *crassa* est, minus colorata, *subturbida*, *sedimento* tenaciore, *submucido*, quasi *gründinosa* affecta: si quem etiam odorem sensibilibus spargit, *foedus* ille est, *putidus* & *nauseosus*, qualem Germani *subdulcem* vocitant.

XXXV.

Sicut autem hæc omnino ita sese habent; ita certissima tamen metho-
dus est, non solum *specialissimis*, sed simul etiam *evidentissimis* præcipue
signis differentibus inniti; qualia præcipua sunt, quæ primis locis alle-
gavi-mus, circa *os* & *nares*, *infundibulum* & *fauces*, imprimis autem cir-
ca *genitalia*. Diversam etiam notabiliter indolem, tam *stasium* quam cor-
ruptionum *ulcerosarum*, atque *dolorum* hic considerare, pro cynosura esse
poterit, necessariæ, debitæ discretionis.

XXXVI.

Non possumus autem, quin adhuc specialem distinctionem laudemus,
differentiarum, quæ se partim circa *subjectorum*, partim ipsorum, ho-
rum *affectuum*, diversam *etatem*, exerunt. Ubi quidem ad prius, *sub-*
jectorum *etatem*, quod attinet, observatur constantius, quod *infantili*
imprimis, immo vel *puerili* adhuc *etati*, neque *scorbutus*, nec ipsa *lues*
venerica, adeo æque communiter *gravissima* damna, *brevissimis* omnino
progreilibus, inouere soleat, uti fere familiaris evenire solet *adultis*.

XXXVII.

Quando vero hoc etiam contingit, ut nempe *gravius* etiam hanc *æta-*
tem alteruter affectus corripit, exhibet certius atque solennius eviden-
tiora signa imprimis *lues venerica*, quibus à suspitione aliena *scorbuti* fa-
cile liberetur. Dum nempe vel *fauces* atque *nares* *ulcerosis* affectibus &
effectibus evidentius inficit; quin circa *labra* etiam *foedas* ejusmodi *te-*
nues atque *depressas*, *languidiore* autem, *refractarias* insuper, *crustas*
inducit; tum etiam, in malo imprimis prævalido, circa *anum* infan-
tum, *verrucosa* quædam *ulcera*, & veluti *mariscas* efformat: in *puer-*
ili vero corpore *steatomata*, *atheromata*, *melæoides*, malignas *scabies*,
cum *tabidis*, & *atrophicis* symptomatibus, & antea quoque fixioribus
doloribus, format.

XXXVIII.

Cum ex adverso *scorbutus* tum magis reliquis communibus signis, tum
in specie floridioribus *maculis*, sese propius manifestet; tum etiam *gin-*
givarum *cruentatione*, & *successiva* velut *absuntione*, *dentium* vero ni-
mis quam *matura denigratione* non magis, quam actuali *carie* & hinc
anbelitus graveolentia.

XXXIX.

Sicut autem jam diximus, quod neuter affectus huic *etati*, æque uti
reliquis, præsentaneæ perniciosus observetur; ita valet hoc tanto magis
de *scorbutico*. Probabiliter propterea, quoniam in his *ætatibus* tam *mo-*
tus, quam *ventilationes* *excretoriæ* sanguinis adhuc *vegetiores*, *scorbutica*
dylcratiæ difficilius locum præbent.

XL.

Lues venerica tamen, vel *gravius scorbuto*, vel certe facilius aliquan-
to, etiam huic *etati* sese ingerit; & si nihil aliud, *radices* tamen pro-
fundiores agit, quæ crescente tandem *etate* & satis mature sese exferant,
inamænis suis fructibus, & certe *difficillime* *funditus* iterum *eradicantur*:
longe profecto difficilius, quam in *adultiore* corpore etiam satis jam fero-
cientes.

XLI.

Deinde de affectuum horum ipsorum etiam *etate*, in genere quidem
illud verius est, quod magis jam *inveterati*, aut *gravius ferocientes*, cer-
tiora exhibeant sui signa propria, quibus satis solide discerni possint.
Aut, quamdiu hoc non faciunt, minus etiam fere postulent ejusmodi
methodos atque *medicationes*, quibus, si *diagnosis* non satis perite facta
sit, ita facile *gravius* impingi possit.

XLII.

Interim excipi forte hic meretur *infantis* aut *puerilis ætas*, utpote in
qua, ceu proxime monuimus, præsertim *venereum* inquinamentum altio-
res radices agit per tempus, quibus adeoque *præoccupandis* operam dare
convenientius videatur. Potest tamen modo data distinctio, etiam quam
maxime hoc loco recte subvenire; nempe, ut quidem medicamentis satis
tempestive, occurratur, sed solum à *fortioribus* temperetur, quamdiu affe-
ctus adhuc quietior & magis *clandestinus*, etiam secundum reliquam indica-
tionum proportionem, talia polcere non æque apparet.

Y 2

XLIII.

XLIII.

Ita nempe, uti *diagnosis* horum duorum affectuum certa atque *solida*, propterea inprimis necessaria est, ne præposteram acceptionem etiam aliena *tractatio* sequatur: ita hæc tractationis ambiguitas propterea maxime evitanda est, quoniam non solum *aliena alienis* non conducunt, sed alias hinc inde, & hic etiam certius, *nocent* atque *damnum* afferunt.

XLIV.

Hoc quomodo fieri possit, ut *methodo* & *medicamentis* alteri horum affectuum debitis, alteri *damnum* aliquod inferatur, licet jam supra subiundicaverimus, non incommodum tamen erit hoc ipso quoque loco ejus iterum diserte mentionem facere.

XLV.

Cum uterque horum affectuum in totum *sanguinem* diffundi vel interdum videatur vel aliquando etiam soleat; & propterea communiter non solum medicamentis, *totam* sanguinis *massam commoventibus*, sed etiam methodis talibus atque regiminibus tractari consueverit, inprimis *lues venerea*; *scorbutus* autem rudiores horum generum *commotiones* molestissime ferat: ingruit inde mox ab hoc initio, & velut in genere, ingens perturbatio, si *fortiores* illæ *commotiones* quæ *lui venereæ* magis vere debentur, *scorbuto* adhibeantur.

XLVI.

Ex adverso *scorbutus*, cum medicamenta quidem universam *massam humorum pervadentia* postulare videatur, *excretionum* vero *stimulos* non pariter toleret, nedum exigit: *lui venereæ* autem commotio humorum *sine exitu*, non modo nihil commodi, sed etiam aliquid *detrimenti* afferre possit: sit etiam hoc intuitu *perversio* harum methodorum atque medicationum inutilis, quin facile *noxia*.

XLVII.

Tanto magis cum remedia *antiscorbutica* veriora, pleraque *subtili sua acredine* sanguinis quidem *grumosa spissescientia* consulere possint: *seri* vero, præsertim jam in *salinas* corruptiones fatiscientis *acrimonia* magis exagitante quam abigendæ inserviant, incommode certe immo non sine *nocumenti periculo*, *perversa* ratione *venereo malo* adhibentur.

XLVIII.

XLVIII.

Valet hoc adhuc magis de illis *scorbuticarum* exacerbationum, imo aliquando *universaliorum* talium constitutionum, casibus, ubi *fervidiori* commotioni per *acidula* remedia succurrere, convenit. Siquidem talia *lue venereæ* adhibita, tum reliqua ejus symptomata, tum inprimis *ulcerosa*, tantum abest ut juvent, aut solum nihil perturbent, ut potius *revera* positivum *nocumentum* illis afferant.

XLIX.

Ad *medicamenta* ipsa quod attinet, nota est *antiscorbuticorum* verior familia de *Raphanaceorum*, & *Thlaspidiorum* acrium sensu, inter quæ primatum ducit *cochlearia*. Sicuti rem uti vere sese habet eloquendo, *proprie* atque *certius cochlearia simpliciter*, & *integra* quidem magis, *scorbuto*, *oris* cum primis, certius opitulatur; alia vero magis ad hujus *similitudinem* tentantur atque suadentur. Aliis, in *fervidiori* quam maxime corporum habitu placet *acetosella*, aliis *acetosa*, de *lapathorum* profapia: e quibus à *Muntingio* laude penitus peculiari, (quamvis *efficacia*, vel ex ipsius authoris præfiguratione, summe *segni*) extollitur *hydrolapathum*, tanquam rediviva *Britannica*. Aliis *amara*, sanguinem alias simul *purificantia* placent, *trifolium fibrinum*, *beccabunga*, *alsine major* (aliis *pulmonaria aquatica*) communissimo consensu *fiuaria* &c.

L.

Sicut autem prima & ultima, *acriora* inquam illa & *amara*, velut indubium primatum ducunt, ita de prioribus non magis notandum, quam re ipsa notum est, quod *acria* talia *venereis* pathematibus minime conducant, sed potius *moderato* usu, nihil profint, *largiore* vero etiam incommoda afferant, & nil nisi majorem *acrimoniam* corruptelæ *venereæ* veluti superaddant.

LI.

Quid, quod intempestivus usus *acrium* talium, *venerea lue* correptis peculiare *damnum* ad *pectus* adducere videatur, cui alias *directe* ab hoc malo, & sibi relictis patientes, non temere obnoxii fiunt.

LII.

Posteriora vero, nempe *amara* illa, inprimis *fiuaria* ad subjiciendos *venereos* ægros penitiori insinuationi *ulcerosæ* suæ corruptelæ in *totam* *humorum*

morum massam; atque distributioni velut *expulsoriae* ad superficiem corporis, vergunt. Immo, si *regimina* minus convenientia concurrant, exagitant revera etiam *crudiores* adhuc *venereis* corruptelas, & efficiunt, penitioris sanguinis interagitazione, tanto *fervidiores*, *ichorosiores*. Siquidem hæc etiam amara, certissime omnium autem *finuaria*, sanguinis imprimis penitioribus agitationibus inserviunt; *strictè dicti*, inquam, sanguinis magis, quam *serosa* colluviei.

L I I I.

Communius remedium inprimis plebis nauticæ, sed omnino etiam satis notæ efficaciz, cæteris debite paribus, sunt *cepe*; quin etiam *allium* temperanter usurpatum, ad scorbutica pathemata. Quis autem nisi imperitissimus hæc suaserit, immo tantum indifferenter concesserit, *venereis*?

L I V.

Ita etiam condimenta alia *aromatica* acria prudenter usurpata, quantum ad averruncandum æque atque dissipandum *scorbutum* conferant, notum est. *Veneræ* vero corruptela affectis non alias tantum pleraque horum incommode cedunt; sed formidantur etiam, nec id injuria, in *curationibus*, sive per *ligna* atque *diaphoresin*, sive per *Mercurium* atque *sativationem*, perpetrandis.

L V.

Quantum etiam utilitatis adferat tam ad præfocandum atque excludendum *scorbutum*, quam ad excutiendum, tolerabilis *motus* corporis, imo priore intuitu etiam *vegetus* imo *laboriosus*, notissimum est illis inter quos de reliquo familiarior est hujus mali proventus.

L V I.

Ast vero *venereo* malo, tantum abest ut quidquam veri commodi aut emolumenti adferat *motus*, ut potius jam acerbiori malo, non solum tolerabilis non sit, sed revera etiam positive noxius.

L V I I.

Sicut autem *dyscrasia* sanguinis *scorbutica*, medicamenta debentur, quæ *grumosa* ejus densationem in fluxili sero, subtiliter resolvant: ita ex adverso, *ulcerosis* statibus ejusmodi sanguinis, *sanguinis* inquam in *fervidas putrilaginosas acerrimas* corruptiones *propendentes*, tanto magis autem jam

actu

actu in illas prolapsi, *temperantia*, *mitigantia*, *subtiliter*, uti vocant *refrigerantia*, debentur: abstinendo a *septicis*, *colliquantibus*, fortius *abstergentibus*.

L V I I I.

Ex adverso *venereæ* ulcerationes, nisi *acrioribus* *abstergentibus*, fortiter emollientibus, immo *colliquantibus*, quin ipsis subinde *septicis*, perite atque dextre tractentur, frustra est omnis alia industria. A talibus autem, temperantibus fervores, & uti vocant leniter refrigerantibus, & læduntur familiarius, à posteriori; & à priori nulla verisimili ratione aut circumstantia talia postulare apparent.

L I X.

Lui vero *venereæ*, quæ verius conducere observantur, tam *remedia*, quam *regimina*, sunt quidem etiam quædam *acriuscula* & *subtilium* partium, ut *lignum guajacum*, *sassafras*, *radix china*, *sarsaparillia*, *pimpinella* nostras umbellifera, neque contempnenda *saponaria*, *succinum* etiam non plane postremo loco collocandum, immo ipsæ alicubi *cantharides*: magis tamen directe in *serosam* atque *salivalem* colluviem, quam *strictè dictum* rubicundum *sulphureum sanguinem* hæc agere, demonstrat non solum manifestissimus singulorum, & inprimis præsentius efficaciorum, effectus insignis *diureticus*: sed etiam plerorumque *diaphoreticus*: aut sane ad minimum *regiminis diaphoretici* efficacia non magis utilis, quam necessaria.

L X.

Exemplar etiam hujus rei insigne est usus in *venereis* affectibus *tincturae alcalicæ*, eo melioris, quanto *acrior* est. Quam nudam atque simplicem, licet pro *arcano specifico* & *per se* sufficiente remedio lui *venereæ*, agnoscere, nedum vendicare, nemini cordato in mentem venerit: prudenter tamen usurpatam, insigne *solamen* immo *levamen* huic etiam malo, in genere magis, adferre, non magis experientiz testimonio, quam rationis suffragio consonum est.

L X I.

Jam quod ad *methodum* attinet, qua hujus generis remedia utilitatem suam, etiam illi cui verius conducunt *venereo* malo, præstare valeant, notum certe est peritis, quam parum illa efficiant, nisi ad minimum *assatum* & insigni quantitate, *continue* insuper, per longum tempus, offerantur; aut una cum *quantitatis* satis largæ exhibitione, *regimen* insigniter *diapnoicum* non solum continuum, immo subinde, bis per diem ad

mi-

minimum, *augendum*, ad largiorem usque actualem sudationem: sed in super etiam multis diebus, ad minimum 14. ita jugiter *continuandum*, adhibeatur.

L X I I.

Ubi, sicut præsentis loci non est, prolixè tractare, quid observandum sit circa proportionem *remediorum*, & *methodorum*, tam respectu gradus morbi, quam mutuo quoque & reciproco, intuitu, nempe, quænam horum remediorum, majore copia etiam *sine regimine* dari possint, & contra, quæ regimen requirant, sine illo facilius nocitura: ita valet tamen hoc de comparatione aut translatione talium ad *scorbutum*, quod, quo magis & medicamenta & regimina *ad illum modum* instruuntur, quo efficaciam suam *venereo* malo exhibere possent, eo magis *scorbuto* non solum usum, sed revera damnum, portendant.

L X I I I.

Quamvis enim illa *antiscorbutica*, quæ *generalior* quandam *antiscorbuticam* etiam efficaciam spondent, nonnullis etiam *scorbuticis*, nempe *serofioribus*, *provido usu* conducere possint: minime tamen hoc faciunt *directa*, ad universum adfectum efficacia: sed magis unice *accidentali*, *individuali* illo respectu *seroso-catarthali* constitutionis certorum patientium.

L X I V.

Ubi profecto ad *levitates* medicas pertinet, hominibus medicinæ notorie imperitis, quando commenta, omni fundamento destituta effutunt, grandium commentatorum dignitatem non magis tribuere, quam asserere. Quale quid ad aliquam multo tempore circa usum *acrii* *fervidarum aromaticarum* compositionum, & formularum, adversus *scorbutum*, non magis præservative quam curative laudatarum, factum esse, ipsa dies docet.

L X V.

Tanto minus autem *acriora*, sive *specie*, sive *formula*, *scorbuto* conveniant, aut *tolerabilia* solum sunt. Adeo certe, ut ipsa etiam *tinctura alcalica*, quanto *acrior*, (eoque *huius venereæ* utilior) eo minus *scorbuto*, *directe* & *indifferenter* conveniat. Quamvis hæc ipsa diversum habeat agendi modum, a reliquis *antivenereis*, & tam in *serosis* mucositates, quam *sanguineam* sulphureitatem, ambidextram efficaciam.

L X V I.

L X V I.

Quanto vero *universalior* est, efficacia Mercurii vivi *salivatoria*, quod totum certe corporis systema penetrans, & non solum ad caput universum, sed tanto magis ad *dentes*, *gingivas*, *fauces*, quin totum *os internum*, concentrata veluti energia, contendat: nulla interim *directa* efficacia in sanguinis stricte dicti crasin:

L X V I I.

Potest inde, tanquam mox *a priori*, facile conjici, quid commodi aut incommodi promittat hujus generis medicatio, tali adfectui, qui magis *directe*, & per se jam, *dentibus* *gingivis* *ori interno*, graves molestias conciliat, si per *mercurialia* illa facinora, sponte jam adfectis partibus adfectio temere augeatur.

L X V I I I.

Certe, postquam etiam optime succedens *salivatio*, nisi externis circa collum & ipsas fauces, partim *gargarismatibus*, & oris *collutionibus*, juvetur atque sublevetur, ad *periculosas* circa gingivas imo totum os internum, *stases*, *inflammationes*, & malignas *ulcerationes*, non magis psona, quam præceps est: ita ubi jam sanguinis universi talis constitutio præsto est, ad *stases* in tenuissime spongioso-tubulosis, & privatissime quidem *oris interni* atque *gingivarum*, partibus, propensa, quanto majus ibi horum rerum sit periculum, quilibet facillime agnoverit.

L X I X.

Non semel certe in hoc negotio graves committi errores, quotidiana experientia suadet. Quando ab *intempestivo*, aut *impetuoso* usu *salivationis*, in corporibus non solum alias *cacochymicis*, sed speciatim *scorbuticis*, tanquam ex improvviso, tam vehementes, *stases*, *inflationes*, *inflammationes*, & anomale *ulcerationes*, *putredinose corrosivæ* cooriuntur, ut illis vix ullum auxilium satis tempestive adhiberi possit, quin vel ad minimum aliquatenus, & fere graviter, *deformatum* relinquat os, aut reliquum vultum: vel penitus *jugulet* patientem.

L X X.

Frustra vero hic omnino sunt, qui usum *salivationis*, jam *arthritico-contractis*, jam *adematoso hydropicis* proficuum esse posse, alii quidem, secundum suas, vel etiam vulgo receptas hypothesès, ratiociniis hypotheticis
Disput. Medico-Pract. Tom. VI. Z con-

contendunt: alii etiam ad suas experientias provocant: utrique vero ex eadem communiter, imo vulgariter, recepta, hypothesi, hos affectus *scorbuto* pariter imputant.

L X X I.

Sicut enim hypotheses illæ, tam circa veram *indolem* morborum talium, quam veram *operandi* rationem atque methodum plerorumque *remediorum*, communissime mirifice sibi indulgent, & loco *substantionis* ex hypothesi, licentissime potius puras novas propositiones, seu ultiores gratuitas *hypotheses* producunt, adeoque non inferunt, sed solum adferunt: ita tanto magis sterilis communissime est illa allegatio *experientie* in hisce casibus.

L X X I I.

Testatum enim indies facit longe solidior, & nihil usquam sublestæ fidei *experientia*, quod hujusmodi allegari solitæ historiæ, vel penitus a veritate universa alienæ exstant: vel ad minimum hallucinatione, nec ita difficili, neque tam facillime effugienda, *venereæ luis* quædam consuetaria & schemata, pro aliis, & imprimis per triviam *scorbuto* adscribi solitis, venditent & interpretentur.

L X X I I I.

Quamlibet enim præfens locus neque postulet, nec æque ferat, ut condigne hanc rem tractemus, integrum tamen omnino, imo conveniens erit, breviter notare, & solerti animadversioni commendare, familiariter obvium illud schema *arthritidis*, quod *venereæ lue* obseffis haud paucis obtingere, indies deprehenditur; dum nimirum sive minus, sive interdum etiam satis manifeste, obviis occasionibus externis, ex vi, à *medicatione*, ab *alterationibus* aeris ambientis, *humectationibus*, *refrigerationibus*, *relaxationibus*, aut *repentinis obliptionibus*, interdum etiam *irritationibus* &c. jam à *decubitu* materiæ *venereæ*, jam a motuum *spasticorum* præsentiore in partem impetu, dolores tales hic illis coarctantur, quos de vera causarum atque circumstantiarum per investigatione minus solliciti, sed omnia in illud profundum *scorbuto* mergere prompti, pro *scorbuticæ arthritide*, aut prorsus tandem nuda atque simplici, interpretentur.

L X X I V.

Adeoque sicubi in tali forte patiente, inter multos frustra ita tentatos, *salivatio* profuisse videatur, ex illa distinguendi *genios* speciales inopia, promiscue omnibus & singulis eandem unam methodum atque medicationem destinare nihil dubitent.

L X X V.

Possemus certe allegare exempla, nisi alibi patientium, alibi agentium

nominibus parcere præstaret. Siquidem v. gr. nec ita dudum est, quod quidam *arthriticus* ab audaci, & his negotiis operam suam non magis locante, aut offerente, quam obtrudente & ingerente, tonfore, hanc operationem pro certissimo remedio jactatam audiens, spretis peritis prælagiis, *salivationi* sese submisit: sed licet nullum, præter 50 ad minimum thalerorum frivolum impensam, damnum in instanti incurrerit, tamen nec obulo melius inde habuit, sive sub *salivatione*, sive ullo post illam tempore.

L X X V I.

Antequam hanc *comparationem* tam *adfectuum* quam *curationum*, & *differentiæ* mutæ, obsignemus, placet illam adhuc adicere diversitatem, quod *scorbutus*; non solum nudo *regimine*, & conveniente diætâ, *preoccupari* possit, quantumlibet inter causas ejus homo versetur; sed etiam jam actu *susceptus* iterum *executi*: utrumque sine medicatione alia, quam simpliciter *dietetica*, imprimis *motuum corporis* & *humidi frigoris*, aut *caloris*, magis exquisita subordinatione, & prudenti horum *regimine*, ciborum vero alieniorum evitatione. Tale vero nihil expectare licet *venereo malo* affectis. Sed nisi hi plane speciali *medicatione*, tam *præparationem* ad exitum, quam actualem *eliminationem* inquinamenti illius adventitii impetrent, necesse utique habent ingentem ejus *sævitiam* serius ocyus late grassaturam expectare: aut omni penitus *dietetica* circumspectione atque cautione, nihil aliud obtinebunt, nisi ut ad summum *præmaturum* prævalidum impetum cohibeant, sensim tamen non solum profundius *inmidulantem*, sed etiam latius *divagantem*, & omnino si tandem male dissimulatam pravitatem collectis viribus effundit eo *terribiliorem* & vix compefcendam, nedum in solidum *extirpandam* amplius. Nunquam autem ulla tali ratione, sine *artificiosis* auxiliis, totum malum iterum superabunt.

L X X V I I.

Ex omnibus hisce, ita sufficienter monstratis, dilucescere confidimus, non solum quod talis realis *differentia* inter hos adfectus intercedat, sed etiam, uti quidem ratio dictare potest, *tractatio* proinde seu *cursatio* utrorumque, eandem utique diversitatem necessario inferat. Et eo ipso tum *cauto* hic opus sit, ne irrita adhibeatur altrinsecus *methodus* tum ne *noxia* remedia plane eligantur, qualia *diverso respectu* esse in alterum, quæ alteri conferant, abunde non magis monitum, quam monstratum esse confidimus.

L X X V I I I.

Sicut autem ex his merito colligi debet necessaria illa cautela, ne remedia alteri adfectui *debita*, alteri temere adhibeantur; ita negligi tamen neque potest, nec proinde debet illa consideratio, quid consilii capiendum sit, quando non jam amplius error male suadus inducit, sed ipsa necessitas postulat, ut alteri *malo altera medicatio superinducatur*.

LXXIX.

Non enim necesse est *fingere*, ut vulgo loquuntur, casus, sed contingit potius offendere illum casum, ut revera *scorbuticus*, *lue venerea* corripiatur, aut *venerea lue* affectus *scorbuticam* insuper sanguinis dyscrasiam incurrat. Huic itaque constitutioni, quomodo mederi conveniat, & ita quidem efficitur, ut cum sana ratione coepta cura, etiam felicem eventum sortiri possit, breviter dispiciendum erit.

L X X X.

Primo autem ex dictis facile agnosci poterit, quod *lues venerea*, & *scorbutus*, ita a se invicem differant, ut si utrinque summum sui gradum vehementer attigerint, & concursu tam diversæ corruptelæ gravissimos effectus edere conjunctis viribus possint: & difficillimam etiam *curationem* admissura sit hæc associatio, propter *indolem* uti *affectuum*, ita etiam *remediorum*, si non *contrariam*, certe tamen plurimum inter se mutuo *distantem*. Unde revera, sicubi hic casus occurrat, longe cautissime procedendum fuerit, neque quicquam per remedia, alterutri affectui fortius occurrentia, sed leniora potius quælibet, agendum.

L X X X I.

Quando vero etiam *alterutrum*, imo *utrumque* horum malorum, quod familiarius contingit, *levius* fuerit, tunc tanto proclivius etiam erit a methodis quoque *lenioribus* bonum effectum expectare.

LXXXI.

Cæterum, cum *scorbutica* intemperies revera præsentius *lenimen* admittat, quam *venerea* inquinamenta; imo etiam ad hunc effectum *lenioribus* remediis disponi possit: hæc ipsa etiam *leniora venereo* malo nullum præjudicium adferant: optime hinc agetur, si *leniora anti-scorbutica* & præmittantur, & conjungantur illis, quæ *venereo* malo debentur.

LXX XIII.

Erit autem methodus optima, imo potius etiam necessaria ad bonum successum, ut semper initium fiat à *lenioribus*; ut si nihil aliud, tantisper ad minimum eximie *mitescat* alterutrum malum, inprimis autem *venereum*, donec altero, ut *scorbutico*, efficacius imminuto, huic ipsi etiam audentius occurrere possit, & directe contra *resisti*.

LXXIV.

Velificatur autem etiam huic intentioni supra jam dicta *venerea* *luis* *in-*
doles, magis fere ad *externos* *ulcerosos* *affectus*, graviore sui corruptela
ver.

vergens, quam interna aut universam massam humorum concernente efficacia, tam prompte inolescens. Unde quidem satis utilitatis habere potest talis etiam methodus, quæ per interna quidem leniora, nec ipsi etiam scorbuto peculiare præjudicium adferentia, præoccupando, & quasi sub manu detrahendo, consulatur. Exteriori autem circa unum magis aliquem locum, magis immediate affectum, illa successive securius usurpentur, quæ tali speciei pressius quadrent.

LXXV.

Est autem ex illis, quæ *venereo* quidem malo interne non inutiliter nec inefficaciter subveniunt, e peregrinis imprimis *sarsaparilla*: e nostratis etiam *pimpinella alba* seu *umbellifera*, *succinum*, *tinctura alcalica* dextre usurpatæ, *nitrum*. Abstinendo a coactis regiminibus sudoriferis, sed potius illis insistendo, quæ cum aliquo motu corporis lentorem sudationis succellum provocant: utpote quæ utrisque his affectibus æqualiter conferunt.

L X X X V I.

In genere vero revera *scorbuti* longe facilius aliqualis veluti neglectus committi valet (nisi quidem ille *summum* aliquem *gradum*, quod certe rarius obtingit, adeptus sit) quam *veneri* mali altius radicati, seu potius ferocius erumpentis: quamlibet, uti dictum, etiam raro casus illi contingant, ut uterque affectus pari ferocia grassentur: aut ad *summum veneris* ita magis externis effectibus insolescens, securius per *externa*, sine universaliori *interna* ambigua commotione, quantum necesse est, cicurari tantisper possit.

LXXXVII.

Tandem autem perpetuæ veritatis est, & omnino manebit, *quod necessitas non habeat legem*. Omni modo interim intelligere has res decet, ne & *præter omnem necessitatem* temere tentetur, ubi potius circumspectione sit opus: aut plane ignorata atque insuper habita universa harum rerum *theoria*, ita plane in diem, citra omnem æstimationem, quicquid in mentem venit, id agere liberum esse reputetur.

Hæc quidem hætenus dicta, proposito nostro satisfacere posse confidimus, quamobrem pedem hic figimus. Divinæ autem Benedictioni devotas gratias pro præstito nobis gratiosissimo auxilio, humillime nuncupamus.

F I N I S.



EBER

CXCVIII
EBERHARDI ROSEN
ET
JOANN. BORG,
DE
SYMPTOMATIBUS PURPURÆ
CHRONICÆ SCORBUTICÆ.

Lond. Gothor. 1756.

D. D.

S Corbuti quidem, & quæ inde pendent symptomatum varia fuisse facta, ex historia medica satis edocemur (a). Alii enim hunc morbum ubique præsentem incusant, alii iterum rarius eundem adesse contendunt. Ab hac quidem sententia, non plane alienum fuisse celeb. Sydenhamum (b), scripta ejus non obscure docent; cum tamen commendata ab ipso medicamenta, quamvis non nomini morbi hujus, morbo tamen ipsi debellando, satis sæpe evidenter destinantur. Ut, quemadmodum corticis peruviani osoribus usu venire quandoque comperimus; palam nempe damneret remedium, quod clanculum ægrotantibus, spe non minus, quam successu optimo propinabat. Forte quidem eadem Britannis ac Germanis (c) nostrisque hominibus de scorbutico fuit opinio, in hoc morbi genere, turpitudinem nescio quam positam esse putare; quasi quidem pigritiæ unius & diætæ, non climatis pœnas luerent, affecti inde homines. Qui enim Scaniæ inter maria consideraverit situm, magnatum sæpius stagnis paludibusque circumvallata palatia, nebulas denique frequentes, solum vero pingue & humidum; is quidem non admodum mirabitur morbum hunc nostratibus satis esse frequentem. Ecquis enim putaret, corpus nostrum, nulla labe contaminaturum aëra; cui in tectis nostris eorundemque fulcris & ornamentis corrumperendis, quam par est, repentinam magis ineisse facultatem, quotidie experimur? E re igitur esse putavimus, morbi hujus sobolem, *purpuram chronicam scorbuticam*, brevi dissertatione illustrare, quod frequentior sit huic, in quo medicinam facimus, climati, & subdole magis varia sub larva, in hominum grassetur perniciem.

§. I.

Purpuræ chronicæ nomine, intelligimus affectum exanthematicum cum pruritu, aspernate cutis, & sudore peculiaris odoris conjunctum; febre quandoque stipatum, identidem cedentem ac redeuntem.

§. II.

Hunc quidem morbum, cum recentiores demum medici singulari nomine distinxerint; jure quærere licebit, an novus sit & antiquis minus cogni-

(a) Conf. Drawitz. Præf. ad Tract. *Vom Schmerz machendem Scharbock*.

(b) Sect. VI. Cap. V. pag. 349. 350.

(c) Drawitz citato loco.

Disput. Medico-Pract. Tom. VI.

gnitus affectus. De quo quidem haberi debere nostro iudicio putamus; morbum hunc, antiquis non plane incognitum, longe tamen minus quam nostris temporibus fuisse frequentem. Purpuram chronicam & acutam; magnam invicem cognationem habere, extra dubium positum iudicamus; cum aliam sæpe aliam excipere, experientia teste habeamus compertum. Harum quidem acutam novum plane morbum esse puerperarum Lipsien- sium, Saxoniae demum Ao. 1652 endemium factum: peculiari differ- tatione Godofredus Welschius (d) conatus est evincere. Hunc secu- tus celeberrimus Fridericus Hoffmannus (e) oritur, inquit, *difficilis ques- tio, cur purpura, praesentibus omnibus, quae ad ejus generationem faciunt cau- sis, ante aliquot demum lustra producta sit.* Nec injuria tamen novum mor- bum questi fuerunt celeberrimi, quos nuncupavimus medici, quum & ingentem ederet hominum stragem, & si non ipsum morbum, idonea saltem ad eum rite sanandum auxilia, in veterum desiderarent scriptis.

§. III.

Ipsam tamen, de quo agimus, morbum, remotioris ævi medicis non plane fuisse ignotum, plura sunt, quae evincunt. Num locus Hippocr. Epid. II. Sect. 3. p. m. Edit. Lind 627. *Fiebant in febribus æstivis, cir- ca septimam, octavam & nonam diem asperitudines in cute miliaceae: cili- cum moribus maxime similes non valde pruriginosae;* ad purpuram referri debeat acutam, in medio relinquimus. Id certe evidens nobis videtur, Forestum, non chronicæ minus quam acutæ purpuræ aliquot vidisse exem- pla. Libro enim sexto de febribus obs. 59, *de purpura loquitur intus re- percussa.* Idem observat. 60, puerperam commemorat, An. 1556 papu- las rubentes habentem. Qua de re infra in scholio addit: *ejusmodi autem rubores seu purpuræ, canicula æstuante magis infestant, ob calorem quoque & æstum foras protrusa, præcipue vero in puerperis febricitantibus, aliquan- do etiam sine febre.* Adjungit laudatus auctor ibidem sequentia: *Si neglec- tim habeantur & intro repercutiantur, facile in syncopen, aliquando in mortem incidunt subitanam.* Et paulo infra, *Si aer conclavi non bene oc- cluso, subito ingrediatur, sudamina & purpuras intus revocat.* Speciatim autem de purpura chronica, sequentia a Foresto, citato loco pronuncia- ri putamus: *Non tamen omnia hydropa & sudamina adeo periculosa sunt, quæ enim sine febribus sunt, nihil mali adferre solent: interea tamen neque has pustulas contemnere debemus: quocumque enim modo repercutiantur, mo- tum natura facile ledere possunt, & gravissima quoque symptomata induce- re.* Cujus quoque exemplum rei, ejusdem libri obs. 61, idem proponit Forestus, de muliere, sudamina habente, unde tandem subsequuta mors fuit

(d) Historia medica novum puerperarum morbum continens. Lipsiæ Ao. 1655.

(e) Med. Syst. Tom. IV. p. III. p. m. 402.

fuit. Quod si hæc contendere placuerit cum iis, quæ nuperi auctores de purpuræ indole commemorant, facile erit intellectu, eundem utrinque in- digitari & morbum. Sic enim de indole purpuræ chronicæ recens scriptor ex- ponit (e): *Imo nec in ipsa purpura chronica, quæ sine febre est, adeo om- ni noxa caret, frigidioris aeris ad pectus præsertim appulsus, ut non ad mi- nimam retrocessis pustulis circa respirationem incommoda statim sentiantur, ac dyspnoea, tussis, rauco, vel artuum saltem lassitudines, appetitus prof- trationes, similiaque mala inde eveniant, haud citius haudque melius iterum cessantia, quam per ejusdem purpuræ ad cutim revocationem.*

§. IV.

Sequuntur auctores, qui purpuræ, quam tractamus, non cognitionem solum habuerunt, sed talem quoque, ut ad diathesin humorum scorbu- ticam, mala, quæ inde eveniunt referenda judicaverunt. Ecquid enim putandum erit erysipelas scorbuticum, quod ex Eugal, obs. 49 Senner- tus describit (f)? Ita certe genius morbi hujus enarratur, ut ad purpu- ram chronicam jure referri posse videatur. Idem quoque auctor p. 260 ex Eugal. Obs. 58 sequentia habet: *Interdum etiam circa pectus & in collo & facie (macula) efflorescunt, modo evanescentes, modo iterum erum- pentes.* Ibidem quoque ex Salom. Alberti thesi 19. *Hæc litura nonnunquam in quasdam velut squamas resolvuntur, quæ a reliqua cute non secus, ac in erysipelate separantur.* Neque minus ad purpuram pertinere symptoma pu- tamus, quod in tractatu suo de scorbuto, proponit Drawitzius, (g) cujus in latinum translata verba ita habent: *quod si hæc obtineri nequeant (secessus nempe humorum per alvum) extus ad cutim acria vergunt sa- lia, ipsa vero inde cutis fragilis velut & exusta redditur; quin & pedes manusque urens velut occupat dolor & pruritus hinc inde intensus.* Inprimis vero morbum hunc ejusque natales evidenter commemorat Ettmuller. (h) *Præter maculas, inquit pruritus scorbutus interdum solet inferre, pruri- ginosam similiter purpuram, quæ certum signum est scorbuti latentis.*

§. V.

Post hæc vero tempora de purpura scorbutica curatius cognoscenda, serio cogitare cœperunt medici illorum præcipue locorum, quibus scor- butus familiaris esse alias fœvit. In primis vero ea gloria celeb. Frid. Hoffmanno tribuenda erit, qui malum hoc peculiari capite solita sibi per- picacitate pertractavit (i). Certe quidem, si ad consueta olim scorbuti gra-

A a 2

(e) Christ. Georg. Justi de purpura p. 12 Gotting.

(f) De Scorbuto p. m. 260.

(g) Vom Schmerz machendem Scharbock.

(h) Praxis Med. p. m. 398.

(i) Med. Syst. Tom. IV. p. III. p. m. 397.

gravioris signa attendere velimus, stomacacen nempe Scelotyrben, tumentes maculis lividis furas, & ulcera caecotheca: rariorem nisi in nautis forte & plebejis scorbutum Scanico in solo nunc esse dices. Tanto autem frequentior purpura chronica successit, quæ cum levi sub specie imperitis imponat, gravem tamen medicis eandem sanaturis crucem figit.

Qua de re insignis apud celeb. Hoffn. (k) locus est: *Notatu*, inquit, *perquam dignum est, quod ubi jam grassetur purpura chronica, & incolas affligit; dolores illi scorbutici lacerantes artuum, ulcera caecotheca, putride & sanguinolenta gingivæ, macula lata & cerulea, quæ omnia & singula propria & essentialia scorbuti sunt symptomata, rarius vel non in tanta frequentia & sævitia amplius observentur.*

§. VI.

Verfatile admodum esse scorbuti ingenium & novas ipsum induere, atque incognitas formas, suo jam tempore Drawnizius (l) novit. Quo olim schemate in scenam prodibit scorbutus, alio forte introducto vivendi genere; difficile dictu putamus. Quod vero jam purpuræ sub specie sæpius lateat, id diætæ, cui quam olim lautiori ne dicam an teneriori, assuevimus, tribuendum maxime judicamus. Præeuntem hac in opinione habemus celeb. Hoffmannum (m) *Quam primum vero*, inquit, *civium plurimi, calidiores potus in deliciis habere, & præsertim Coffemania laborare ceperunt, sensim paulatimque scorbuto disparente, purpura tam maligna, quam benigna chronica, hinc inæ apparuit, & inter initia ubi veram hujus morbi indolem paucissimi intelligebant, ingentem edidit stragem. Neque vero hoc loco solon talia contigisse memini, sed post hæc etiam Ostrifite, aliisque regionibus scorbuto olim infestatis, similia ab eadem causa evenisse comperi: ut adeo de scorbuto purpuræ origine minus dubitandum sit. Non parum igitur interest, morborum per secula mutationes observasse, quum e mutatis vitæ victusque rationibus, alium quandoque habitum induant, ut eisdem esse ac ante non facile quis judicaret.*

§. VII.

Qua autem ratione ex mutata victus ratione, sequioribus temporibus, præ aliis scorbuti symptomatibus, secuta purpura fuerit, merito erit inquirendum. Sciendum ergo erit, in omnibus quidem scorbuticis, obtinere talem degenerationem humorum, ut magis lentescant, simulque huic

(k) Med. Syst. Tom. IV. p. III. p. 403. §. 30.

(l) In Præf. p. 5.

(m) Cit. loco. §. 35.

lentiori junctam habeant acrimoniam (n). Commune ergo hoc vitium recentioris ævi scorbuticis nunc est, æque ac remotioris temporis hominibus quondam fuit. Differentiam autem in eo positam esse putamus, quod acrimonia humorum antiquioribus crassa magis, nostris vero hominibus subtilior sit, neque tamen ideo lenior censenda. Utebantur veteres cibis magis solidis, & jentaculi loco, non ut nunc moris est ignotum sibi infulum Thee, sed solidiora quævis edulia assumebant. Neque tamen si hunc utriusque ævi diætam contendimus, sequi putamus, uberiores sic acrimoniam nostris hominibus generari, quum revera potus Thee horis assumtus medicis scorbuticos crassiores e corpore eliminat sales: In eo autem a nostris peccari putamus, quod decocto fabarum Coffee ciborumque aromaticorum nimio usu, humoribus insignem affricent noxam. Accedit, quod noxios quos sales, potus Thee e corpore eliminat, eosdem forte nimio usu, corpori e longinquo reddit: cibo non satis, viscerum chylopoeticorum virtute imminuta, contrito; unde viscerum tenacisque humoris prima duci poterunt incunabula. Nocent vero hæc præcipue illis, qui sedentariam vitam degunt; nec admodum falli nos putamus, si nostri ævi sæminas negotia domestica plus roboris postulantia, minus quam veteres curare, cum seculi moribus repugnet, affirmaverimus. Frequentior & ideo foeminas quam viris purpura observatur. Ex nimia autem quiete motum peristalticum languere, satis putamus evidens esse. Nascitur hinc tarda alvus. Assumuntur interea crebro calidi potus Thee ac Coffee; qui propriam acrimoniam excrementorum salibus acuatam, ad corporis peripheriam pellunt. Accedat aer humido frigidus, cutis spiracula obstruens; videbimus collectas circa cutim acedines, purpuræ scorbuticæ primordia ponere. Acria autem maxime inculamus aromata, quæ subtilitate sua intimos videntur occupare nervorum recessus, & oleosa tenacitate parti, quam occuparunt diutius adherent. Merito igitur concludimus, plebejos duriorique victu utentes homines, evidenti sæpius scorbuto laborare, lautiori vero diætæ deditos, purpuræ magis incommoda perpeti.

§. VIII.

Non immerito hinc queritur, utrum melius esset optione data, evidentem scorbutum pati, an vero purpuræ incommoda tolerare. Qua quidem in quaestione experientiam, æquissimum provocamus judicem. Videmus autem navigantes duriori diætæ aquarumque vitis scorbutum cito, non lente tamen contrahentes; ubi ad littus appulerint, idoneis auxiliis non difficillime morbo hoc convalescere, (o) dummodo integra adhuc

A a 3 vis-

(n) Conf. V. Swit. Comment. T. III. p. m. 592.

(o) Idem ibid. p. 594.

viscera sint, & in humoribus tantummodo scorbuticum virus oberrat. Contra vero, qui chronicam semel contraxerit purpuram, rarius inde ita sanescere, ut non sæpius, per totius fere vitæ decursum, revertentis ejus patiatur incommoda. Cujus quidem rei non aliam esse rationem putamus, quam quod in majoribus vasis evidentis scorbuti sedes plerumque contineatur, in minimis vero vasculis purpuræ materia hæreat infixæ. Sic quoque natam in vasis majusculis inflammationem rubram, citius videmus periodum absolvere; contra vero ortam in arteriis minimis lymphaticis obstructionem, rheumatismum nempe, pertinaciter sæpe diutiusque durare. Hujus vero indolis purpuram scorbuticam esse; spasmodici, qui illam sæpius comitantur affectus, evidenter evincunt. Neque autem hinc inferre licebit, crassiorem dietam teneriori lautiorique ad sanitatem tuendam præferri debere. Crassior enim sedentariis otiosisque certa mala portendit, tenerior vero, non nisi eadem abutentibus vere nocet. Absit enim Thee Coffeæque maxime abusus, exsulent frequentiora aromata (cibi exquisitioris gustus *haut gout* vocant); spiritus vini inque his Arrak Indorum, vinaque calidiora, medicamentorum non alimentorum loco usurpanda; moderata sint exercitia corporis, nec morore sanguis lentescat: videbis dietam recentioris ævi, pristini temporis consuetudini, ut corpus a scorbuto & purpura immune maneat, vere antecellere.

§. IX.

Solam igitur victus rationem, ut scorbutum sic quoque purpuram chronicam gignere facile quis hinc concluderet. Neutiquam vero in his plane consentire nos posse, plura sunt, quæ suadent. Requirit enim etiam existimamus, ut quis ejusmodi in loco degat, cujus ad scorbutum producendum facultas, nota quoque quondam fuit; vel & calidæ, quam vituperavimus dietæ, crassam quoque adjungat, carniarum fumo induratarum, piscium salitorum, alimentorumque hujus generis aliorum, quorum in scorbuto producendo facultas, nota itidem antiquitus fuit. Id nisi esset, per totam omnino Sueciam, ubi calida dieta viget, frequens purpura esset; quod tamen experientiæ minus videtur consentaneum; cum mediterraneis saltem Sueciæ locis, ut scorbutus ipse, ita quoque chronica purpura rarus admodum morbus sit. Quod igitur dietæ hoc vitio, purpura Scaniae frequens sit, soli quod habitamus vitio plurimum fieri judicamus. Marinae enim nebulæ, stagnantiumque aquarum vapores, peculiari sæpe foetore ingrati, intimos corporis nostri recessus, respiratione hausti occupant; quorum in producenda scorbutica labe vires, ut occulta, ita quoque antiquitus, experiundo satis fuerunt cognitæ (p). Ac-

(p) Conf. V. Sw. Com. Tom. III. p. 595 & 595.

cedunt aquæ Malmogiæ atque Londini admodum impuræ, quæ ad scorbuticos e corpore eluendos sales, minus sunt idoneæ. Ut taceamus domorum, quas habitamus rationem, quarum insignis humiditas, cum ligna domorumque ornamenta facile corrumpat; perspirationem Sanctorianam (q) inhibet, & humores acres non retinet modo, sed & corruptioni magis reddit aptos. Ita quidem calida dieta, humores cum ipsa corrumpat; tum vero maxime scorbutica labe contaminatos eosdem in corpore offendens, exaltat, aciores reddit, ad cutim propellit & purpuram, quam loquimur chronicam producit.

§. X.

Ex hisce autem causis procatacicis §. 7-10. nata purpura, causam proximam agnoscere videtur, corruptionem humorum fulino sulphuream; ita tamen, ut magna rubri ferolisque humoris pars lenta sit atque crassa, pars vero maxime lymphatica acribus referta salibus, admodum que tenuis. Hæc vero ita esse, sanguis e venis eductus, sæpius docet. Plerumque enim ut in scorbuticis quoque sit, pellis velut versicolor ex flavo virescens, mucosa & satis sæpe tenax, frigidum sanguinem obducit; sub qua tenuis admodum tegitur liquor, in fundo vero subsidet crassamentum rubrum, atrabiliarium, quem vocant sanguini, admodum simile (r). Lentore igitur irretitur acre, ne promte per cutis spiracula urinæque emuntoria transeat. Subtile vero sit & acre admodum id, quod purpuræ maxime symptomata producit exinde judicamus, quod cito admodum frigore admissio interiora petat, haud aliter ac tussim sæpe frequentem experimur, dum Sanctorianum perspirabile frigoris vi reperlum, bronchia pulmonum stimulo suo concitat. Salini vero plurimum in his contineri, & stimulus docet & urina laborantium, quæ tartareas matulæ lateribus concretionibus rubicundas affigit, & nonnunquam (in scorbuto tamen confirmato), versicolore velut pellicula, ut de sanguine diximus, urinam tegit, quam ob similitudinem aliquam pavonis caudam Ettmuller vocat (s). Neque autem acria hæc, unius semper ejusdemque indolis esse putandum erit. Pro vario enim ægrotantium victus genere, vel alcalina magis præsto est, vel acida vel muriatica, vel oleosa denique acrimonia; quam quidem ultimam, ut in purpura frequentiore esse, sic quoque curatu eam difficiliorem reddere, non sine ratione judicamus. Non multum igitur a sententia Celeb. Hoffmanni (t) discedimus, qui *purpuram rubram a sero impuro salso, acri sulphureo excremento*

(q) Sanctorii Aphor. 469.

(r) Conf. V. Sw. Tom. III. §. 1151 p. m. 610.

(s) De scorbuto p. m. 398.

(t) Hoffm. Syst. Med. Tom. IV. p. V. p. 399.

titio originem ducere contendit. Quod enim albam purpuram laudatus Auctor (u) a lymphæ & succo nutritio ad acido vappidam putridam naturam accedente, laboris contendat, nostræ non hoc loco facimus disquisitionis.

§. XI.

Qui vero ex his causis §. 10. oriuntur effectus, signa haberi possunt purpuræ diagnostica. Præcedit torpor corporis insignis & angustia aliqua pectoris sæpius cum tussicula sicca, ut fieri quoque in aliis morbis exanthematicis fœvit, somnolentia quædam alios occupat, vigilæ iterum alios. Neque constans habemus horrorem morbum hunc præcedere, idque rarius in illis contingit, quibus familiaris ante morbus fuit. Præcedunt in multis affectus cutis spasmodici vagi, & in plerisque sensus cutis sequitur compunctorius, quasi leni acu vellicarentur pori. Tum quidem cum leni sudore, quando tamen absque eo, maculæ erumpunt rubicundæ diversis corporis locis manifestæ, quæ cito admodum, varorum instar minimorum eleuantur, subflavæ plerumque, ita tamen ut nisi attentius inspicienti, vix quidquam præter rubedinem cutis & asperitatem elevatam appareat. Coniungitur peculiaris odoris sudor, nisi sensus fefellerint, subacidus; quem quidem sudorem adeo purpuræ proprium putamus, ut signum ejus pathognomicon nobis videatur constituere, ex quo etiam vix nondum ægotante, de morbi possumus judicare præsentia. Cessat tum quidem angustia pectoris; lenitur saltem tussicula, & desinit, si quæ forte ab initio febris adfuit. Evanescent aliquot dierum spatio pustulæ exsiccatae cum insigni pruritu, & squamæ complures albicantes ut in morbillis fit; earundem occupant locum: ægro a gravioribus ultra symptomatibus admodum libero.

XII.

Sunt hæc §. 11. signa purpuræ chronicæ, quæ vario interposito tempore cedunt atque recedunt. Quemadmodum autem acutam purpuram in benignam & malignam distinguere auctores solent; ita quoque chronicam pari modo seungi debere putamus. Malignam igitur visceris cujusdam obstructione vel exulceratione niti putamus, quæ lentam quoque comitem febrem habet, urinas similes, illisque sæpius solet contingere, qui diutius chronicam purpuram neglectim habuerunt, puerperæ postea fiunt vel ad phthisin sunt dispositæ; vel malo denique hypochondriaco graviori afficiuntur, ut exemplis possemus evincere diversis. His quidem, præter commemorata §. 11. symptomata cuncta graviora, pustulæ primum in collo, pectore atque dorso apparent, quo modo in acuta fieri pur-

(u) citato loco.

pura solet. Adfunt sæpe in his variationes crebræ caloris & frigoris, & vix dum exsiccatis primis pustulis, nova iterum earundem seges progeminat; cui jungitur sudor admodum copiosus, vires potius exhaustiens quam levans.

§. XVI.

Ex his vero §. 11. 12. prognosis duci purpuræ chronicæ poterit. De qua quidem experientia comprobante, cum Hoffmanno (x) pronuntiare generatim licet: quod *molestissimum malum sit; veniens, difficilis sanationis, quod mire torquere & fatigare soleat & medicos & ægros.*

§. XIV.

Longe autem hæc §. 13. magis valent de scorbutica purpura intus latente, quod fieri tum existimandum erit, dum causa purpuræ proxima §. 10. in humoribus latet, ad habitum vero corporis propelli nequit. Neque enim ad dignoscendam illam sufficiunt tum signa, quæ dedimus §. 11. 12, purpuræ evidenter, & raro adeo vel nunquam sanatur malum quod, quid sit ignoratur. Gravia sunt quoque symptomata, quæ ex oberrante sic purpureo malo in corpus redundant; neque male *veneni æmulas operationes patrare* Hoffmannus (y) affirmat. Pro diversitate igitur partis vel visceris, quod occupat, consueta cuque parti mala simulat & vere adeo, ut de venerea lue constat, aliorum morborum simulastra induit & schemata, plerumque cessatura, quam primum ad habitum corporis purpureum propellatur malum. Non inepte igitur judicamus, cuncta ista mala, quæ in tractatu *vom Schmerz machendem Scharbock* Dravizius quondam commemoravit; ad cognatam scorbutico delitescentem intus materiam purpuream, jure quoque posse referri. Quod vero non semper ad habitum corporis purpura tendat; id vires vitæ imminutæ, partes quædam corporis interiores infirmæ, vel externæ quædam causæ, cutis spiracula obstruentes, efficiunt.

§. XV.

Quo autem intelligi melius possit mobile purpuræ ingenium, quæque mala intus delitescens patret, quidque levaminis erumpens adferat; exemplo rem nupero declarabo.

Persona illustris sexagenaria circiter, pathematibus colicis & hysteriis

(x) Med. Syst. Tom. p. V. p. 405.

(y) citato loco §. VII. p. 398.

Disput. Medico-Pract. Tom. VI.

per intervalla obnoxia, mœrori per aliquod tempus nimium indulgens, quæque cibo utitur exquilitioris gustus, qualem coqui magnatum nostri temporis parare artificiose norunt; præterlapso autumno, gravitatem corporis cum pruritu pati cœpit. Jungebantur tubercula hinc inde per corpus sparsa & febris satis valida. Post hæc facies per triduum intumuit, (2) cum gravitate capitis, sine dolore tamen. Faciei tumore evanescente, vomendi conatus cum nausea appetituque deleto, sequebantur, ut lectum repetere necesse fuit. Paucis vero elapsis diebus, totum corpus maculæ rubræ prurientes occupaverunt, & sanitas utcumque constans reddita videbatur. Quatuordecim vero elapsis diebus, vesperi cubitum ituram gravis vertigo & capitis temulentia, ut se loco movere non posset, occupavit. Conjungebatur insignis cardialgia & vomitus, donec viridia quoque prodiret bilis, & repetebant hæc sæpius per noctem, usque dum mane iterum erumperet purpura & symptomata cuncta silerent. Post hæc per aliquot septimanas sanitas constans fuit, donec febris valida nycthemeron durans, cum dolore brachiorum invaderet; qui dextrum mox unice occupans brachium, a manu ad humerum usque rubicundum velut radium duorum digitorum latitudinis, constituit. Quievit inde dolor, nec tumuit nec doluit, nisi contrectatus rubor & speciem præ se tulit ambulati. Post id tempus debilitas major corpus occupavit, somnus fuit irrequietus, sudores multi maxime matutini. Semel sub morbo indicia fuerunt hæmorrhoidum. Quæritur consilium.

Ex historia hac elucescere arbitramur, febrem, nauseam, vomitum, capitis temulentiam, dolores brachiorum, ex intus delitescente materia purpurea ortos fuisse; erumpente vero illa quievit. Quod vero ultimam in brachio eruptionem, non ut ante perfectam secuta fuit euphoria, id imperfectæ crisi & sufficienti minus purpuræ eruptioni, cujus maxima pars intus adhuc delituit, tribuendum judicamus. Dignus quoque est, qui ad hunc illustrandum casum, legatur locus Hoffmanni: (aa) Sicuti in omnibus exanthematibus, ut petechiis, variolis & morbillis; gutta rosacea, scabie, tinea capitis, nec non podagra, arthritide &c. materia quedam, vitali corporis conservationi inimica ad extrema semel propulsa, longe vehementiorem efficit symptomatum insultum, si interiora repetit, & vitalibus succis denuo permiscetur; ita ejusdem noxiæ & pernicialis facultatis esse receptas in corporis penetralia, purpura disparente, sordes; ipsa experientia luculenter testatur.

§. XVI.

Quæ autem in singulis corporis partibus, latens scorbutica purpura.

(2) vide, si placet, similia apud Sennertum de scorbutico. p. m. 269.

(aa) Hoffm. cit. loc. §. VII. p. m. 390.

pura symptomata producat; experientia docti ulterius videamus. Ut vero a capite initia malorum ducamus, sciendum erit, non temulentiam modo inde, & vertiginem & faciei tumorem quod §. 15. vidimus, oriri, sed urentem quoque integumentorum capitis dolorem, ad dentes subinde devolutum, cui nec vulgaria doloris dentium remedia opitulantur, nec vesicatoria; solantur vero quandoque pustulæ aphthoides sponte natura erumpentes. Gravis quoque est, qui ex hac causa quandoque oritur rigor maxillarum, qui ex masseterum musculorumque temporalium spasmica, ut videtur nascitur constrictione; quem frustra validioribus, emplastris camphoratis tentaveris, cum emollientibus & leniter discutientibus vegetabilibus, cataplasmatibus sub forma, cum lacte coctis cedat, quod dudum simili in casu commendavit Sennertus (bb). Ita feminam novimus triginta annorum, purpuræ frequentius obnoxiam, quæ cum eadem pateretur, ita tamen ut negotia sua curare posset, in culina vero frigori semet tantillum exponeret, disparente purpura, in rigorem incidit maxillarum per octiduum durantem adeo gravem absque febre tamen, ut nisi siphone per evulsi antea dentis locum alimenta simul & medicamenta administrare licuisset; de exitu mali perquam fuisse dubium. Similem quoque de virgine casum, brevitati navantes tacemus. Virum quoque quinquagenarium ex eadem causa Otalgia (auris sinistra) gravissima, cum febre laborantem vidimus, sanguine materiaque purulenta ex aure, summo cum dolore emanante. Eruperat simul ad labia & genas ejusdem lateris unum vel alterum ulcusculum dolorificum squamosum siccum, quod munditie nimie studeo, exliccantibus sensim dispulit. Sequebantur vel jungebantur simul aphthæ aliquot in labiis, interius sudores profusi graves fuerunt, & prodixit tandem purpura rubra cum levamine, quam excepit Podagra; triumque quantuorve septimanarum spatio tota hæc malorum scena, in sanitatem tandem transit. Ad latentem quoque purpuram salivationes spontaneas pertinere vidimus: ut mercurio delibutos fuisse ægrotantes credentes, cujusmodi quid scorbuticis evenire ex Eugaleno observavit Sennertus. (cc) Quæ vero alia ex hac causa, capiti incumbere mala solent, sequentibus Hoffmannus exponit, (dd) Si ad caput, inquit, impetus vergit, cephalagie, aurium tinnitus, memorie debilitas, aphonia, imo quandoque furores, insania, insultus apoplectici & lethargus, ab intus retenta materia purpurea, oboriuntur:

§. XVII.

(bb) De scorbutico p. m. 283. conf. p. 265. Constrictionis & convulsionis maxillarum in purpura alba exemplum habetur: Annal. Vratislav. Versuch 33. pag. 336.

(cc) De scorbutico p. m. 266. & Hoffmannus in simili fere nobiscum casu; Med. Consult. p. m. 192. Confer. Hoffm. M. R. S. Tom. IV. p. m. 399. §. 12.

(dd) Cit. Loc. pag. 405. §. 38.

Laryngem vero, asperam arteriam, pulmones atque thoracem quandoque affligit latens materia purpuracea. Ita in foemina quadragenaria *raucedinem* observavimus gravem, quæ pro eo, ac ex datis medicamentis purpura prodiit, cessavit, ne minima quidem pulmonis labe relicta. Frequentissima vero ex hac causa per Scandiam tussis est, cum gravitate pectoris, quæ ab initio semper sicca cum sit, accerrimo stimulo agrotantes vexat, & humida dein tractu temporis redditur. Nascentur hinc aliquando hæmoptyses, & nisi diligentius cuncta attenderit medicus, nulla quoque prævia hæmoptysi in phthisin pulmonalem delabuntur agrotantes; cum parvi sæpe tussim hanc crebro redeuntem & decedentem, pendant agrotantes. Placet vero tussis ex purpura variis symptomatibus junctæ, brevem dare historiam: Virgo nobilis 25 annorum temperamenti sanguineo cholericæ, quæ sexennis a tussi sicca cum delecto appetitu, lactis caprini ope sanata fuerat: per quadriennium ex morore tussim passa est siccam, cum premente thoracis gravitate, anxietate & palpitatione cordis. Post usum acidularum Ramlosiensium, tumor celsatofus cum levi quandoque ad motum dolore & rigiditate aliqua, alterutrum genu occupavit, pectoris vero inde mala multum emiserunt. Disparante post annum tumore in genu; tussis sicca cum pectoris gravitate admodum increverunt, cum rubore alternante faciei & tumore matutino labiorum frigido, loquelam aliquantum impediens. Jungebantur sæpe anxietates, palpitationes cordis doloresque colici. Menses respondabant, nisi quod frequentius quandoque, quam par esset, redirent. Ex ventis sectione nihil levaminis fuit. Intra annum tamen tempus lenioribus adhibitis cum fero lactis antiscorbuticis, pectoralibus atque stomachicis amaris cum martialibus conjunctis, erumpente demum afflatim purpura, perfecte convaleuit. Præter hæc, quæ recensuimus mala, thoracem quoque ex eadem causa graves sæpe rheumatismi & dolores pleuritici æmuli occupant, quales in scorbutico adesse dudum observarunt Practici (ee). Tandem de affectibus thoracis a purpura latente oriundis, celeb. Hoffmanni afferre placet judicium: Si ad pulmones, inquit, & sensiles diaphragmatis membranas fertur; asbmnata sequuntur spasmodica, nec non punctorii & lancinantes in pectore dolores (ff).

§. XVIII.

In abdomine quidem a latente purpura non *cardialgie* solum & vomitus, ut ante vidimus, oriuntur; sed frequentes quoque colici & iliaci do-

(ee) Drawitz. Vom Schmerz machendem Scharbock. p. m. 233.

(ff) M. R. S. Tom. IV. P. V. p. 405. 538.

dolores, alvo alias obstructa, alias respondente. Non abs re fore putamus exemplum hujusmodi colicæ, ut ab ipso agrotante accepimus breviter enarrare: Vir 36 annorum, macilentus, qui ante septennium hæmoptysi ex eadem hac causa laboraverat, cum tussi & raucedine; hisce liberatus malis ab illo tempore, serpigine, ut vocat, occupatus est, quæ sensim a nuca infimæque faciei ad genua usque proserpsit. Levamen quærit mali, quod purpuræ vel erysipelatis factum putat latibulum, ob frequentia simul & foetentia sudamina. Quodocunque enim hæc serpigo disparet, febiles patitur insultus cum dolore iliaco, sub umbilico incipiente ad præcordia dein protenso. Jungitur calor ventriculi cum dolore alterius lateris, sudore & purpuræ excretionem cum levamine subsequente. Si frigori corporis objecerit, graviora hæc sunt, colica vero desinente, tussis cum insigni raucedine succedit. Sublividus falsusque mucus tussi eliditur; amarities quandoque oris observatur, dolores pariter pectoris rheumatici, tinnitus aurium cum levi vertigine. Appetitus inter ea satis constat, alvus respondet, & ubi purpura in brachiis quoque efflorescit, cuncta levantur mala.

In foemina triginta annorum, decima a puerperio septimana, simile observavimus malum, sed cum alvo pertinacissime adstricta, & colica adeo cum lenta febrilongo graviore. Frustra hujus mali levamen laxantibus & clysteribus fortioribus tentaverant Chirurgi, sed facile dein sanatum fuit emulsionibus & laxantibus, quibus satis inditum fuit olei amygdalarum dulcium; interpolata mixtura simplici antiscorbutica, unde lateus prodiit purpura.

§. XIX.

Vix autem cuiquam graviora mala quam puerperis minatur, latens antea in sanguine purpura. Cum enim ex puerperio infirmus admodum uterus sit; istuc facile, quicquid in sanguine impuri fuerit, confluit, unde tot de purpura puerperarum, querelæ, quæ ab auctoribus passim tractantur. Nec minus menses in feminis irregulares reddit, latens purpura; præcipue vero ut citius justo intervalla sua repetant, idque majori plerumque quam par est, copia efficit. Quod quidem adeo certum hoc in solo esse comperimus, ut vix foeminam noverimus, cui 14 vel 21 quovis die menses intempestive redeunt, quin certo de illa pronuntiare possimus, latente illam purpura vel scorbutica sanguinis diathesi laborare. Non mirum igitur est hæmorrhagiam uteri pertinacem, ex hac quoque eadem causa foveri. Dysurie quoque & stranguriæ in viris, maxime vero in foeminis puerperis, frequentes satis ex purpura observantur. Imo vico nigras ex hac causa in foemina 64 annorum urinas vidimus, quales Sennertus ex Eugaleno refert (gg). Nec rarus inde fluor albus evenit, qui ubi sistatur, dolores passim in corpore rheumaticos cum febre graves

B b 3

red-

(gg) P. m. 266. & Hoffm. M. R. S. p. 399. §. 12. Bartholin. vero in Epist. Cent. IV. Epist. XIV.

reddit, & erumpente quamvis purpura ex toto non quiescunt, nisi & simul redierit fluxus. Ad abdominis quoque mala non inepte forte retulerimus, *melancholiam*, qualem in uxore æditi quadragenaria observavimus adeo gravem, ut liberum sæpe mortis occupare vellet arbitrium. Sanata vero fuit, aquis mineralibus artificialibus, ex aqua fontana, tartaro solubili & vitriolo martis; prodeunte dein assatim purpura. Similiter quoque foeminam novius generosam, quæ 30 fere annorum spatio melancholica, purpuram sæpius passa est chronicam miris junctam symptomatibus. Cum vero fatiscente demum natura, per triennium, purpura non ultra prodiret; sexagenaria hydropica mortua est, liene admodum magno, scirrhuso & tuberculoso post mortem reperto. ulteriorem enim disquisitionem, cultro anatomico instituendam, demortuæ non passi sunt necessarii.

§. XX.

Quandoque autem artus occupat latens materia purpuracea, dolores in illis & spasmos, quales *rheumatismos scorbuticus* Sydenhamus (hh) quondam vocavit excitat. Horum autem cum scorbutico cognationem sequentibus declarat Ettmüller. Pr. M. p. m. 410. *Terminatur arthritis vaga nunc per sudores & urinem, nunc etiam excipit excretio cutanea inflar purpurea, & tota superficies corporis fit aspera.* Hi autem rheumatismi quandoque fixi cum sint, sæpius tamen observantur vagi, & miræ, nisi purpura effloruerit, observantur pertinaciæ. Referri quoque huc possunt *timores repentini manuum*, sæpe indolentes & absque rubore, quorum magis originem mirantur, quam gravitatem experiuntur affecti inde homines; cum cito & absque incommodo, ut vidimus, transeant. Qua de re ex Eugaleho, Sennertus de scorbutico p. m. 269. sequentia habet: *antequam inquit, sedem figit certam scorbutus, aliam atque aliam corporis partem, momentaneo tumore ac inflatione attollit & distendit.* Gravior autem est, quæ ab hac causa oritur *paresis vel paralysis* artuum. Harum quidem alia, si tempestive sanetur, cito transit erumpente purpura; alia vero morbum facit pertinacissimum. A leviori hujusmodi paralysis cruris pedisque alterutrius, affectum vidimus puerum nobilem sexennem, qui matre erat natus, cui rheumatismi purpuracei pertinaces æque erant ac frequentes. In hoc vero cito admodum malum transit, purpura idoneis remediis propulsa. In viro quoque, cujus uxor purpura laborabat chronica pertinaci, paresin & stuporem brachii observavimus post toleratam leniorem purpuram rubram acutam. Cuncta autem is in vado esse existimans, a frigore sibi non satis cavet, unde stupor brachium occupavit, cessans erumpente denuo purpura. Gravioris vero hinc ortæ paralysis exempla, scientes præterimus, id solum monentes, quod a paralysis ordinaria sollicite debeat distingui, cum aliam omnino medelam poscat & venæ sectionibus reddatur deterior. Id quod exteris medicis, qui-

quibus ex nostris terris sanandus obveniat advena, diligenter esse obser-
vandum; experientia teste, habemus cognitum. Bene vero Paralylin scor-
buticam ab ordinaria, his verbis distinguit Ettmuller: (ii) Sensim in-
choat & primo saltem vagus stupor aut insensibilitas, cum fornicationis sensu
partem prehendit sensus maeret ut plurimum, aut saltem aliqualis stupor in-
ducitur: subinde cum dolore gravi, ut plurimum vago, raro fixo, juncta
est; jacentes fere commode movere membra possunt, sed stantes vix deinceps pergere.
Non rarum est, ut in talibus aëris scorbutici, membrum nunc spasmo contractum
rigidum reddatur, nunc paralyti affectum idem flaccescat & plus minus stupeat (kk).

§. XX I.

Cum ergo hæc §. 15. 20. in aliis atque aliis corporibus purpuram chronicam latentem comiteptur symptomata; plurimum interest signa nosse ex quibus judicari queat, num hæc vel alia causa, præsens produxerit malum. In hoc vero omnem ingenii aciem intendat, necesse est, medicus; cum quomodo scorbuti latentis, sic etiam purpuræ hujus, difficillima sit cognitio. Quemadmodum autem in morbo hoc scorbuticam humorum diathesin adesse novimus, quam indicant sæpe maculæ lividæ & corruptæ gingivæ in iisdem subjectis, redeuntis purpuræ intervalla quandoque distinguentes; ita quoque scorbuti incipientis, vel proVectoris signa, purpuram quoque præsentem poterunt manifestare. De quo quidem ita Ettmuller p. 398: *Ut igitur, inquit, cognoscatur latens scorbutus, consideret medicus urinam, quæ nimis flammea, vel cum arenulis suis rufis impregnata, vel & cauda pavonis est instructa; præter urinam attendat medicus symptomata dolorosa &c.* Vere quidem, si absque febre & siti, urina mittitur rubra, præsentis scorbuti certum habemus indicium, (¶) raro vere hæc nisi in proVectiori malo, locum habere sueverunt. Observavimus vero urinam dilutiorem, & sanorum similem, si fortius oleat, & hypostasin non nubeculam deponat uberiolem albicantem vel roseam, diutiusque ita pergat, homine interea utcumque sano apparente; latentis sæpius scorbuti & purpuræ præbere indicia. Omnium vero maxime latentem designant purpuram dolores spasmodici vagi, sudores peculiaris odoris §. 11; tentulentia denique quædam capitis aut levis sæpe ingruens vertigo, quam tantum non semper in hoc observavimus adesse malo. Addantur his causæ enarratæ §. 7-10 procatarecticæ, & præcipue quidem favens scorbuti solum; habebis ad latentem detegendum morbum, præeuntes non obscuras faces.

§. XXII.

Quemadmodum duplex datum novimus medico officium, præsentes nempe sanare morbos, futuros vero præmunire & antevertere; ita quo-

(ii) De Paralyfi p. m. 321.

(kk) Conf. Drawitz. Von Schmerk machenden Scharbock, Cap. de Paralyfi
feorbutica p. m. 139. sequent. speciatim vero p. 142. 145.

(H) Conf. Rega de Urinis, in meth. Med. p. 292 & 293

(bb) Conf. v. Swit. Com. Tom. III. §. 1151. p. m. 605.

que ut de prophylaxi purpuræ chronicæ pauca commemoremus, dignitas rei postulat. Præcavetur autem, si causas §. 6. 10. quoad fieri possit, sollicite evitemus. Imprimis vero dietam, quam damnavimus §. 7. calidam vitent, quicumque alvum patiuntur segniorem, uberius enim inde non minus quam fortius ad cutim vergunt collectæ impuritates, purpuræ latibulum constituturæ. Hæmorrhoidum porro rationem habeant dispositi utriusque sexus homines, cum neminem morbo huic magis viderimus obnoxium, quam hæmorrhoidarios: ubi tamen effectus ne sint purpuræ materię, an causæ, hæmorrhoidaria molimina, difficile sæpe est iudicatu. Porro quoque aquarum maxime rationem habeant; quæ quo sint puriores, eo quoque plus salium peregrinorum e corpore educunt & a purpura præservant. Quamvis enim non confectum putemus (*mm*) Germanici Cæsaris exercitum trans Rhenum deductum (*nn*) fontis cujusdam unius vitio scorbutum contraxisse; mala tamen hæc ab impuris aquis foveri, non rei solum natura, sed peregre maxime navigantium ærumnæ, abunde docent (*oo*). Post hæc domorum, quas habitamus sollicitam habere curam decet. Ut enim frigida (adde si placet humida) murorum exhalatione morbum hunc foveri, intra tabulata mitescere illum vere ait Olaus magnus (*pp*); ita quoque ad præcavendam cognatam scorbutum purpuram magni momenti res erit, muros interius tabulis quorumcumque lignorum cooperire. Ubicumque etiam facultas fuerit; superiorem domus contignationem habitare præstat, ab humiditate noxiisque vaporibus magis liberam. Neque demum fumum vendere nos existimandum erit, dum suaserimus, aere humido nebulosoque existente, conclavia succino aliisque similibus accensis odoramentis, gratiora pariter reddere ac salubriora. Tandem vero locum subinde mutare & in clima scorbutum minus obnoxium secedere in potissimis erit auxiliis, ut suo jam tempore expertus est Professor Lips. Johan Michaelis, Rostochio Wittebergam transmissans (*qq*).

§. XXIII.

Ubi vero cum signis §. 11. enarratis, evidens conspicitur præsens purpura, regimine adhibito moderato, paucis adjuncta remediis, malo tantisper tollendo sufficere natura suevit. Præstant igitur, quæ spasmos moderantur, aere quodvis deleniunt, & æquabilem sanguinis circulum, medicamenta promonent. Quod si igitur vis vitæ in expellendis exanthematibus satis ipsa valeat, diaphoreticis calcaria velut naturæ subdere minime putamus tutum; satis enim est potionibus mediocriter calentibus, exha-

(*mm*) Conf. Sennert. de scorbuto p. m. 246.

(*nn*) Plinius in hist. nat. Lib. 25. Cap. 3.

(*oo*) Conf. v. Sw. Comment. Tom. III. p. m. 596.

(*pp*) In septentr. Gent. Hist. Lib. 16. Cap. §. 1. Qua de re conf. Sennert. p. m. 256. & v. Sw. Tom. III. §. 1150 p. m. 596.

(*qq*) Conf. Præf. Michaelis ad tract. Drawitzii de Scorbuto.

exhalantium tenuiorum humorum dispendia pensare. Pituita igitur ex scorzonera, in qua tusa fuerint emulsiva semina, frigida dicta, & alia hujusmodi, addita liquoris anodynii mineralis portiuncula, egregiam opem præstant. Segnior autem natura, quæ fuerit, juvatur commode remediis, quæ sanguinis circulum naturali paulo reddunt citatiorem. Pertinent diu, quæ bezoardici dicti pulveres, quorum ab antimonio diaphoretico, cornu cervi usto & unicornu marino, nitri tantillum addito, medicata vis pendet. Ubi vero deterioris indolis §. 12. purpura fuerit, non hæc modo, quæ diximus, erunt observanda, sed singulari visceris cujusvis vitio, idoneis remediis pro causarum diversitate erit prospiciendum. In plerisque autem hujusmodi casibus egregiam cum Hoffmanno observavimus virtutem Selteranarum aquarum, dummodo horis a sudore vacuis tepide potentur, & sic de cetero curetur, ut medicamentis transpiratio insensibilis facta nihilominus maneat ac tecta. Ubivis vero sollicita habenda ratio alvi erit, quæ quo magis in hoc morbi genere vel citata vel tarda nimis esse consuevit, eo quoque studiosius, ita erit moderanda, ut naturæ nisi, quam proxime respondeat.

§. XXIV.

Quando ex propriis signis §. 21. dignoscenda latens purpura chronica §. 14. variis corpus humanum exagitat symptomatibus §. 16-20; prudenti molissime in id erit incumbendum, ut relictis interioribus sedibus, ad habitum corporis, proprium ipsi emunctorium purpura vergat. Si igitur fatiscientis naturæ vitio intus delitescat malum, roborantibus medicamentis ipsi erit succurrendum, quæ alia atque alia esse debent, pro eo ac absens fuerit vel præsens febris. Illo enim in casu moderata profunt alexipharmaca, hoc vero urgente, bezoardici pulveres, admixtis acidis lenioribus cardiacis, desideratam opem non frustrantur. Utrinque vero specificam edere virtutem videtur mixtura simplex antiscorbutica Weilhofio (*rr*) dicta, quæ penetrabili virtute latentem ex sedibus suis dimovere valet materiam purpuraceam, & viribus, cum spiritu aperitivo Penoti, Hoffmanno una cum liquore ejus anodyno, adeo in hoc morbo commendabili, ita certat, ut primas nobis partes jure videatur tueri. Quod si vero pulmonem §. 17. afflixerit materia purpuracea; ob acidum quod fovet mixtura hæc simplex, præcipue quidem validiori igne per retortam, vel figulinam vel ferream parata; huic non erit findendum remedio. Sed ne sic quidem, tuta ope destituuntur ægrotantes. Emulsionibus enim leniter diaphoreticis addi commode pulveres possunt, qui una cum lactis saccharo unum vel alterum granum, sulphuris aurati contineant antimonii tertiæ præcipitationis, ita tamen ut de vera ejus præparatione securus sit medicus, nec vomitus tutum per se remedium refracta dosi datum, sequatur. Dum autem visceri cuiquam aut

Disput. Medico-Pract. Tom. VI.

C c

parti

(*rr*) Weilhof. observ. de fibrilibus p. 145.

parti corporis infirmæ pertinacius adhæserit materia purpuræ; oscillationibus fibrarum labefactatis, externis quoque succurrendum erit auxiliis. Quem in finem nervini sacculi, similibus acuti spiritibus, vere sunt commendabiles. Tandem vero ubi causæ quædam externæ, frigus nempe improvide admissum cutis spiracula obturaverit; moderato calore hæc erunt removenda obstacula. Idem quoque de spasmodis valet & doloribus gravioribus purpuræ eruptionem impedi-entibus; qui anodynis prudenter deliniti, remoram nitenti ad cutim malo, ultra non ponunt.

§. X X V.

Adhibitis quæ laudavimus §. 23. 24. auxiliis, cum cessaverit purpura, meminisse oportet, eam morbi hujus indolem esse, ut interjecto tempore sponte iterum recrudescat. In id igitur erit laborandum, ut vacuis a morbo intervallis, minera mali hujus e massa sanguinea repurgetur. Efficiunt hoc ipsum medicamenta, quæ viscidum solvunt, peregrinos e corpore sales educunt, & fibris denique consuetum robur reddunt. Cum vero in diathesi quædam sanguinis scorbutica fomes mali hæreat & plerumque acrimonia quædam sanguinis alcalina præsto sit & oleosa: intelligitur facile succos recens expressos vegetabilium, & in his subacidos quoque, saponacea sua virtute plurimum boni præstare. Egregius igitur observatur succus beccabungæ, nasturtii aquatici, acetosellæ, cochleariæ aliarumque similium herbarum, quibus pro eo ac major adfuerit vel minor humorum in corpore putredo, addi possunt succi recentes chamæmori, pomorum citreorum, aurantiorum vel limoniorum. Ita tamen hæc cum sero lactis vel jusculis vitulinarum carniū erunt miscenda, ut & vires ægrotantibus constent, & nausea ingrato maxime & diuturno remedio familiaris, prohibeatur. Hæc dum vernali maxime tempore instituuntur; æstivis mensibus minerales aquæ in usum revocentur; quarum quidem pro diversitate subjecti & symptomatum selectus, prudenti erit relinquendus Medico. Caveant vero ægrotantes, ne frigidas has aquas vel assatim hauriant. Subdolum enim mali genus purpura est, tum quoque, ubi vel maxime latet & nullis plane molesta observatur symptomatibus. Raucecines enim, tussis, colicæ & cardialgiæ gravissimæ, consueti alias modo aquis mineralibus utentes, hic ubi latuerit morbus, facileprehendunt. Atque hæc quidem ea sunt, quæ de purpura chronica monere, necessaria maxime duximus. Quæ vero singulares cuivis symptomati animadversiones debentur, brevis dissertationis limites comprehendere non valent.

T A N T U M.

SAM.

C X C I X.

SAM. THEODOR. QUELMALZ.

P R O G R A M M A.

QUO FRIGORIS ACRIORIS IN
CORPORE HUMANO EFFECTUS

EXPENDIT.

Lipsiæ 13. April. 1755.

C c 2

Cum annis abhinc quibusdam de fervidioris tunc æstatis prægressæ calore, ejusque in vitam ac sanitatem influxu quædam in medium protulerim, non abs re fore opinor, si, oblata hac opportunitate in præsentem, acerbis illius frigoris, quod præterita hyeme nostram atque universas propemodum Europæ regiones strenue exercuit, bene memor, ejusdem in corpus humanum effectus brevi scriptura expendam. Paucissimis in frigoris explicanda natura morari expedit. Dissensum physicum, utrum in sola caloris absentia vel privatione, sine aliarum causarum concursu, aut particularum ætherearum quiete tantum consistat, haud meum faciam. Ex altera enim parte radiorum solarium longiorem remotiorem, sole de nocte infra horizontem commorante, aut illorum nimis obliquam in terræ superficiem directionem, hyeme in regionibus septentrionem occidentemque versus sitis accidentem, frigoris manifestam constituere causam nemo inficiabitur. Mirandos autem in natura effectus positivos idem quoque præstare, corporibusque naturalibus minus existere proprium, facile largior. Ex altera vero non minus parte pressionem a motu rectilineo centrum versus partium ætherearum subtilissimarum densiorumque frigus semper præsupponere non obscuris indiciis atque experimentis evincitur. In cujus asserti probatione otia mihi fecit solertissimus naturæ scrutator *du Hamel* in *Reg. Scient. Acad.* pluresque neotericorum. Qui gravioris compressique ætheris motus in fibras nerveas sensiles ceterasque corporis partes, gradibus etsi diversis, impingens non potest non frigiditatis excitare sensum, sicuti e contrario, ejusdem impulsu, contraria ratione, sive a centro ad peripheriam accidente, rapidissime calor, seu effectus e regione oppositus, exsurgit. Quibus sic constitutis, non obscure intelligitur, qui unus idemque aer ipsa labiorum oris majori diductione aut constrictione vicissim ea, qua minima saltem relinquatur apertura, aut flabellatione, pro motus solius directione ac diversa pressione, jam calidus, jam frigidus fieri queat. Ipsa vero per universam atmosphæram magna probabilitate dispersa corpuscula subina variæ indolis diversis ex rationibus asserenda frigori propter eandem aeris condensationem augendo paria esse in aprico est. Quod vero nitro solum debeantur, ex allegat. *Commercii liter. Norimb. a. 1736. p. 40. Lesserus*, autor annotationum in speluncam *Baumannianam* &c. §. 9. de frigore gravitatem aeris augente perhibet: hoc vero, inquit, *dependet tum a solis absentia, tum nitri, quod aer frigidus continet, copia.* Nitro scilicet aerem hyemali tempore imprægnatum esse, auctor probare conatur ex parietibus ædium sacrarum ac cellularum, itemque stabulorum, & potissimum asinorum, quod ex figura particularum acidorsalinis particulis ignis contrarietur, seu harum motum celerem impediat.

Verum enim vero tantum abesse puto, ut sal ex parietibus, recentior quod observavi, calce obductis sepulchrisque atque concamerationibus variis subterraneis hyeme efflorescens, nitrum verum nuncupem, ut potius idem, sollicito collectum, amaricans in modum tartari vitriolati sicque alius indolis non semel observaverim, quod etiam ob miscelam cum calcis cemento aliter comparere haud poterat. *Gassendium* tamen atque *Bartolinum* nitrosas partes e nive, spagyrica arte, eduxisse *Schraderus* in *Disser.* de *Frigore* meminit. Vulgaria interim loquantur experimenta, quibus jam sal commune, jam sal ammoniacum in pollinem redactum siccissimum nivis, vel glaciei, ope cultri rasæ, admixtum frigus intensius longe, imo manibus vix tolerabile producimus, cum idem sal, aquæ additum frigida, post girationem præviam, frigoris atmospheræ gradum gradibus viginti octo superasse, deprehensum fuerit. Notatu digna semper mihi visa sunt, quæ incomparab. *Boerhaave* in *Elem. Chem.* ad *Exper.* IV. de igne corrolatio 4. p. mihi 147. ex *Fahrenheitii* ipsi communicata tentamine percepisse gratus proficitur. Scilicet laudatum virum glaciei minutim contusa affudisse duas uncias spiritus nitri fortis, cujus utriusque calor graduum 48. fuisset, unde momento temporis frigus natum esset, ut thermoscopium, illico immersum illi misto, subsideret ultra quatuor gradus sub O. Quod experimentum cum illo postmodum ab eodem *Fahrenheitio* confecto thermometro, mercurium vivum in cylindro angustissimo recipiente, & ita constructo, ut supra bulbum adhuc gradus accuratissime divisi notatique 76. infra O. essent, ad minimam caloris varietatem facillime mobili, postquam aqua supernatans effusa, recensque aqua fortis glaciei contusæ denuo repetitisque vicibus affusa esset, longe adhuc majorem frigoris, arte producti, gradum eumque manifestavit, ut ad 29. infra O. descenderet. Nec dubium, quin repetita operatione idem plus plusque increvisset. Sponte hinc patere arbitror, ultimum summumque frigoris gradum, qui omnem prorsus excludat ignis vel levissimi, seu vis rarefacientis præsentiam, ut ne unquam ullibique major reperiatur, determinatu nisi impossibilem, tamen difficillimum esse. Quæ dum scribo, temperare mihi haud possum, quin ipsum thermometrum indicem frigoris certissimum omni exceptione majorem haud venditem. Etenim non solum præterita hyeme, sed superioribus quoque annis asserti veritatem tunc aperte cognovi, cum frigus nonnunquam existeret satis intensum, thermometro idem minus indicante. E contrario designante eodem alio tempore idem acerbum satis, ad tactum tamen tale haud extitit. Cujus phænomeni notatu dignissimi rationem vaporibus in aere dispersis nebulosæque humiditati, ex spiculis minoribus congelatis, in aere sereno versus solem conspicuis metiendam recte tribui experientia quemlibet docebit. Has scilicet frigus longe sensibilibus sistere animadvertimus. Idem esto judicium de frigore gelido, quod, loquente *Boerhaave* in *Elem. Chemiæ* Edit. Lips. p. 170. *gelida vento spirante fortis*

satis, corpori nostro longe magis infestum est, ita quidem, ut nemo illi ferendo sit, quin ipsi brevi admodum gangrena perimantur membra. Quibus præmissis, quæ jam noxæ a frigoris inclementia corporibus animalibus, quæ præ plerisque vegetabilibus eandem difficiliter ferunt, præcipue etiam hominibus imminet, dispiciamus. Equidem hyeme ventres esse calidiores, sapientissime dicit *Hippocrates*, nec negandum, appetitum tunc magis vigere, digestionem ciborum gnaviter peragi, roburque musculorum validius esse, quam æstuante cælo, quod corpora non nisi soluta reddit. Verum aliud de frigore atrociori censendum erit, quod in externum impingens corporis habitum, poros cutis vasaque cutem perrepantia minora adeo constringit, ut liberum humorum per eadem iter, neque ipsa ex parte transpiratio non solum intercipiatur plenarie, sed ut iidem ad interiora ruant, aliasque vias pro feri eliminatione quærere cogantur. Nec in superficie solum distributos canaliculos afficit, sed ipsa sanguiflua per musculos excurrentia vasa stringit, sanguinemque versus truncos majores repellit, non raro in ipsis arteriis eundem in motu plane sistit. Tendentes simul fibris muscularibus harumque filamentis versus centrum, inque mutuos nexus euntibus densior exsurgit partium rigiditas. Veluti autem extremitates & artus præ ipso corporis trunco frigoris atrocitati magis expositi sunt, sic etiam frequentiores in iisdem perniones, inflammationes, imo ipsas gangrenas eandem excipere, tristis experientia nos hic loci olim, cum utraque crura ex eadem causa sphacelata misero intra unicam horam extirpanda essent, & ipso anno 1740, imo hoc ipso tempore abunde docuit. Digitos non semel frigoris vi enectos excidisse, ipse *Galenus* L. III. de *Usu Part.* c. 5. tradit. Nonnullos e Perside in Thraciam sevientem frigore iter facientes, post reditum naribus auribusque destitutos comparuisse *Xenophon* commemorat. Haud aliter nempe partes corporis vivi omni vitalitate privari frigoris morsu, quam a cauterio actuali aut alio medicamento caustico, ut plane resercentur animadvertimus. vid. & *Borell.* Cent. 3. Obs. 32. it. obs. 24. *Hippocrates* de *Humid.* *Usu* IV. Sect. V. aphor. 10. cerebro, spinali medullæ nervisque admodum hostile existere gelu, nec minus idem autor Sect. V. aph. 17. causam convulsionum crebro frigus exquisitum constituere, affirmat. Quid mirum, & tremorem & paralyin pedum aliarumque partium eo obrigescentium diu insiqui? Equites congelati, per Alpes equitantes, & habenas tenentes manibus a *Camerario* *Sylog. Memorab.* Cent. V. part. 60. adducuntur. De borealibus regionibus narrasse mihi advenas bene recordor, ex incolis pagorum, diebus dominicis, frigore hyeme existente vehementiori, ante concionem in diversorii hypocaufto, ut calecant iterum, convenientibus, campanarumque postmodum sonitu monitis una exeuntibus, inque templum se conferentibus, sapius quosdam jam apoplexiæ, jam peripneumonix, aut pleuritidis insultu, imo syncope opprimi. Quod ipsum & in his, etsi temperatioribus, regionibus, frigore crebro feri constat. Nec mirum illi vide-

debitur, qui sanguinem ceterosque humores eadem causa & subitanea alteratione ad interiora, sicque ad corticem cerebri tenuioraque plexus choroidi vascula adeo reprimi cogitat, ut vel compressio principiorum nervorum, vel perruptio eorundem humorum in ventriculos cerebri, apoplexiæ causa frequens, inde consequi debeat. Citius adhuc in partes, quæ accessum ipsi per aperturas externas concedunt, in fauces puta ac pulmones calidiores, per inspirationem utrumque admittit aeris frigidiæ asperitas summe perniciosas hæmoptyses, inflammationes, in pulmonibus, pleura atque faucibus, phthisin, catarrhos, tussis, varios asthmaticos affectus, suppressionem mensium atque lochiorum excitare solet. Quid in reliquis abdominis partibus internis valeat, quantos cruciatu colicos, hystericos, dysentericos, calculosos, quam, inquam, singultum, diarrhœas, imo annotante *Ætio Tetr.* III. Serm. I. c. 28. passionem iliacam: pluraque alia incommoda ex repulsis humoribus acrioribus creet, quamque ipsis organis sensoris externis insidietur, obscurum esse nequit. Utut solidas inter corporis partes atque fluidas perpetua sit harmonia, nec ulla ex illis male se habeat, quin hæc simul ægre afficiantur, inque consensum quendam trahantur: peculiarem tamen respectum etiam fluidæ postulare videntur. Eminent has inter sanguis, qui a gelu ambiente excessivo compressioneque vasorum periphericorum, in corporis interioribus cordi vicinis partibus mire coacervatur, sique insitus calor a motu progressivo jam multum suppresso extinguatur, succellive in grumos cogitur, sicque ineptus evadit, qui per vasa angustissima, inprimis viscerum circumeat. Cujus cum sint diversæ partes, annon una præ altera frigoris violentia fortius alteretur, nolim dubitare. Præ ceteris immunes magis æstimarem oleosas seu sulphureas ejus portiones, quas frigoris impetu penitus coagulatas vel condensatas vel nunquam, vel rarissime, repertas fuisse invenies. Quod nisi ex observationibus abunde constaret, simplicissimum tamen experimentum, quo ex aqua, spiritibus vinosis atque oleis destillatis, in unico vase contentis, intensum frigus aquosus quidem partes in glaciem cogere consuevit, minus autem spiritus vel olea, præcipue ætherea, si illa ex semine anisi paucissimisque simplicibus producta, quæ in crystallos abeunt, excipias. Major nimirum ætheris copia, quæ in iis detinetur, in motu quasi undulatorio eorum partes conservat, ut, urgente licet frigore, tamen eadem ita comprimantur, ut minori tunc spatio contineantur, testantibus thermometris, coherere facile nequeunt. Idem esto judicium de summe mobilibus activissimisque spirituosius sanguinis laudabili maricatis partibus. Quo ipso clare patet, serum sanguinis, quod per varia tentamina maximam cruoris efficit partem, quæque ipsi admixta sunt salia, frigoris injuriis esse exposita maxime, eoque citius, quo largiorem pituitam viscidam, per præcedentem diu tempestatem humidam & frigidam antea contractam, commixtam tenet. Quoties namque, si vis vitæ humores circumagens deficiat, in

fui.

senibus digestionis vitia ingruunt, vel si torpeat motus voluntarius, fluidaque inquilina assimilantia fatua quasi existunt, inque aliis quoque, cum pectoris pulmonumque debilitate atque affectionibus morbidis conflictantibus, humorum decens præparatio atque elasticitas remittit, toties lentorem lymphæ comitem eis experimur fidelissimum. Qui igitur temperato corporis calore suum difficulter satis conservat fluorem, is ab excedente frigore, ut in pulmonibus, sic quoque in universo corpore glutinis consistentiam induit. Quin imo, secedente tenuiori lymphæ parte, cum filamentis sanguinis ceu elementis solidis in polyposa coagula ex eadem causa degenerat. Confirmat id evidenter ipsa anatome senis septuagesimum ætatis annum transgressi, quam A. 1726. demonstrationibus publicis tunc præfixus institui. Cujus in itinere, mense Januarii, constituti, prope Zwencaviam, frigore vehementi extincti oppressique cadaver in theatrum anatomicum delatum, blandoque calore, ob rigiditatem eius totum, præter alia in cunctis vasis sanguifuis, tam arteriosis, quam venosis paullo capacioribus polyposas concretiones longas, teretes, figuram de reliquo vasorum suorum post extractionem æmulantes, simulque vasa meningum sanguine turgida lymphamque viscidam in ventriculis observanda præbebat. Illorum igitur plerosque, quotquot gelu excessivo intereunt, ex apoplexia, perrupto vel sanguine, vel sero accumulato in cerebri ventriculis succumbere, vero videtur simillimum. Ipse sopor vel somnus, in quem adeo proclives sunt, ante mortem, serumque largius in cerebri ventriculis post mortem repertum, non obscurum ejus rei præbet testimonium. Enim vero impetuofam repressionem sanguinis, qui crassitiem ex eadem ratione contraxit, ab externis partibus ad cerebrum, & somnolentiæ & apoplexiæ viam manifesto pandere extra dubitationis aleam est positum. Ipse *Galenus* libr. de morborum Different. c. 5. Iter hyemæ facientes apoplecticis similia symptomata passos notat. Utrumne famulus ille, de quo novellæ superiori mense commemorabant, quod frigore summo extinctus de curru decidisset, inque via retro a domino atque domesticis ipsius reverentibus inventus, nive interim coopertus, & quasi sepultus esset, quo diebus aliquot elapsis, reduces facti cadaver ejusdem curru impositum, secum domum deportare possent, redivivus in hospitio præter omnem spem atque opinionem repertus, soporem talem apoplecticum fuerit perpeffus, nolim dubitare. Non ab simile exemplum vide sis in *Boyle Hist. Frig.* & ex ea in *actis Anglic. philos.* mens. Maj. 1665. Metuo insuper, ne spiritus vini aut aque sic dictæ vitæ, largius hoc ipso tempore ingurgitatie serum sanguinis inspissent, & mortem in miseris accelerent. Sæpius certe miratus sum, illos, qui pro frigore exquisito arcendo spirituosius talibus potulentis delectati fuere, nisi motus per ambulationem simul fuerit junctus, illo fortius potius fuisse correptos, quod ipsum phænomenon infra quædam addenda, ut puto, illustrabunt. Quas vero polyposas concretiones a gelu in adducto exemplo notavimus, tales in febribus

Disput. Medico-Pract. Tom. VI.

D d

cum

cum magno frigore passim, una cum scirrhis glandularum, alii observare. Cumque frigus in febribus diu durans senibus inprimis ac inbecillis valde non solum periculosum, sed mortem ipsam in intermittentibus illis, frigoris tempore accidere notum sit, cur parem ejus causam allegare haud debeam, non video. Est præterea nonnullorum hominum ea, tum totius corporis, tum systematis ejus nervosi tenerioris ac ipsius temperiæ dispositio a teneris per sollicitiorem frigoris evitacionem, vel morbos etiam præcedentes inducta, ut vel a mediocri frigore vehementius afficiantur. Quibus illos per multam experientiam annumerare juvat, qui calidiores terræ regiones, imo ipsas Indiæ orientalis frequentarunt, iterque trans mare, propter intolerabilem æstum molestissimumque sustinuerunt. Sic *Ludovicum Saladinum* ad primum hyemis initium non domo solum, sed etiam cubiculo quasi carcere inclusum hæere fuisse conctum, refert *Theophil. Bonetus* in *sepulchreto* additque eundem adeo metuisse frigidi aeris invasionem, ut omnes rimas curatius firmaret, reditum hirundinum expectaturus. Exemplum porro istiusmodi singularis prorsus sensationis a frigore *Exper. Hasenestius* *Commerce. litter. Norimb.* ejusque anno 1736. hebd. 49. inseruit. Viri nimirum mentionem injicit tenerioris hincque sensibilibioris, qui, quum in coelibatu adhuc viveret, in nimis calefactis hypocaustis commoratus esset, sub finem vero anni 1730. tempore conjugii, post prægressos magnos languores & sitim admodum fortem, invississent eum sudores continui per X. aut XIV. dies, qui ægrotum adeo vexassent, ut nullum aeris accessum liberiores pati posset, contra vero sub lecto derineri, vel extra hunc pellibus circumvolvi deberet, nisi tristissimam sensationem, qualem glacies nostro corpori imposita edit, experiri vellet. Qui status eo usque increvit, ut & media æstate omnes corporis partes, imo genas pellibus contegere cogeretur, quid quod ipsas denique oculorum palpebras cooperire voluisset, nisi amicus impedivisset, adeo tristem sensationem cum pruritu ac vellicatione conjunctam in cute allegans, quæ urgeret hæc velamenta. Nullus dubito, fore plures tenerioris indolis, qui ab ineunte ætate auram frigidioris, hyeme, cane pejus & angue fugientes in conclavibus potius calidis educati, ex paullo intensiori frigore sensationem sint percepturi tristissimam, aliaque incommoda. Quid contra ea est, teste *Pechlino* ejusque libr. 3. *Observ. Physico-Med.* 33., quod climatis borealis sive zonarum sic dictarum frigidarum incolas, Suecos, Finnos, Lappones, Norwegas, Russos, &c. obfirmat, frigori quoque tolerando idoneos sistit, quam quod a teneris tempestatum vicissitudinibus atque gelu assuescere fuerunt coacti? Quod si opinati istiusmodi casus medico obveniant, uti paullo supra adduxi, hominum gelu recentiorum, aut saltem partium corporis congelatarum, consilium & promptum ac rationi conforme, & inprimis experientia confirmatum præsentissimumque satis exigitur. Profecto vereor, ne spe salutis excidamus, si rerum medicarum Antistitis *Hippocratis* dicto

Sed.

Seç. 3. aphor. 19. audientes simus: calefacere oportet, inquietis, quæ perfrigerata sunt, & *Tract. de Humid. Ufu II. p. 606.* quæcumque præ frigore aut moriuntur, aut ulcerantur, his maxime conducit aqua calida. At præcedente p. 600. contrariam aperte manifestat sententiam, dum ipse fatetur: ex calida perfusione pedes decidisse perfrigeratos. Cum ideo inconstantem in eo animum prodat, magis nobis amica sit veritas experientie confisa. Septentrionalium potius regionum incolarum methodum sectemur securissimam, qua alter alteri in via obvienti membra ac partes gelu penetratas rigidæque, quasi ex cera alba confectas, nive strenue ac tamdiu perficere consuevit, donec rubescant, vividumque colorem denuo induant: vix diversorium aut domum ingrediuntur peregrinantes, & manus, pedes, nec non auriculas atque nasi extremitates congelatas, nive probe perficant, artusve in aquam frigidam ilico immergunt, aut nive obtegunt. Sique gelu vita ipsa privatos miseros reperiunt Russi, ocyus eosdem in conclave frigidum deportant, fortiter eos fricantes, imo, si e re visum ipsis fuerit, totum corpus in gelidam aquam demergunt: quo facto gelu undique ex corpore erumpit, ut glacie quasi idem obductum conspiciatur, quemadmodum cum ovis pomisque congelatis matres familias facere assolent. Nec citius calori per gradus solum temperato, vel vaporario quasi redivivos committunt, nisi in conclavi frigidiori prius fuerint expositi. Haud absolum videretur, pellibus hispidis paullo, uti lupinis, corpora, probe antea pannis perfricata, demum obtegere atque involvere, continuatisque frictionibus successive regiones denudandas diutius exercere, internisque analeptis, si vel calidioris indolis potentia sint, locum dare, quemadmodum ipse *Galenus* libr. 3. de *simplicibus medicam. facult. c. 20.* de se proficitur: quod quendam extreme jam refrigeratum vini Lesbii potionem servaverit. Quotus jam est quisque, qui non remedium pro recens congelato illo, cujus memini, ex nive depromptum probet, illisque meditationibus, quæ novis *Hamburgensibus* non ita pridem insertæ erant, magna ex parte suffragetur? Ut vero hæc ipsa medendi ratio canonem illum, quo contraria contrariis curare jubemur, posthabere videatur, effectus tamen, quem malo præstat, minime existit contrarius. Et quid impedit, quo minus nivem calore quodam perfundi profiteamur, cum ex campis agrisque progerminantes plantas atque frumenta terræ mandata, horumque prolificam virtutem a gelu destructione defendat. Nec mirari satis valeo, qui actu calida nivi addita ejus frigiditatem exaltent, quod de sale communi, ammoniaco atque nitro, calidis ad ignem factis, constat. Idem vero nivem sistere frigidioris, arenam calidissimam eandem reddere frigidissimam, autor est *Exper. Nebelius* in *Dissert. de lapide Nephritico novo*, *Heidelbergæ* 1733. habita ejusque *Corollario* 5. & 6. Ex quibus non obscure evinceretur, quare regimen calidum actuque calida partibus frigore

D d 2

gore confectis plus detrimenti, quam utilitatis afferant. Posthabitis multis observationibus, quas pro roborando asserto in proclivi mihi esset adducere, illius a *Borello* Cent. I. Obs. 84. commemorati famuli meminisse hic juvat, qui, cum frigore enectus reperiretur, positus in fimo, ut ejus calore resuscitaretur. Tantum vero absuit, ut fuerit restitutus, ut potius post pauca, quæ indignabundus proferebat, verba animam subito efflaret. Quæ enim frigida applicata pororum & tubulorum partium corporis æqualitatem tamdiu servant, donec humores condensati coagulatique in fluorem naturalem sensim fuerint redacti, peractu calida cum impetu resolvuntur, relictisque partibus solidis corruptis quasi emortuis flaccidisque. Partes hinc gelu atroci læsas, subito calori ignique admotas decidisse prorsus, toties relatum legimus.



GEORG.

C C.

GEORG. CHRISTOPH. DETHARDING

E T

J. DANIEL SCHÆFFER,

D E

CORTICIS CHINÆ EFFICACIA

IN GANGRÆNA ET SPHACELO

ADHUC DUBIA

Rostoch 25 August. 1746.

D d 3

P R A E F A T I O.

Novitatis amor, si unquam in disciplina quadam reperitur, in medicina certe plurimum exercet auctoritatis. Vix enim medicamentum vel casu quodam invenitur, vel medici cujusdam speculationibus in medium producit, statim a plurimis, præjudicio auctoritatis, vel præconcepta opinionis laborantibus, ad celum usque extollitur, licet efficacia ejusdem admodum sit dubia, nec experientia satis comprobata. In Anglia in primis, quæ ceteroquin medicos generavit exasciatos, summoque ingenii, & judicii acuminis præditos, nova remedia esse admodum grata, experientia dudum comprobavit. Quam celeri vero progressu, subinde hujus medicamenti laudes per totam regionem ebuccinantur, tam cito quoque iterum filere solent, ut non raro oblivione plane sepeliantur. Cura avenacea, a Lowero primum commendata, quam stupende non adscribebantur virtutes! ut fere in omnibus morbis, tam chronicis quam acutis adhiberetur, & in specie, eandem longevitatem conciliare posse prædicaretur, adducto exemplo medici Johannis de Cacharina, qui solo hoc remedio annum centesimum & vigesimum attigerit. Hodiernis autem temporibus admodum deserbuit ardor hieccæ, ut quidem laude sua non privetur, æst non nisi sub specialioribus circumstantiis adhibeatur. Nemini quoque ignotum, variolarum insitionem eadem experta fuisse fata. Desiderium, se suosque, hacce methodo a variolis per totum vitæ stadium liberandi, instar torrentis defluxit per quoscunque hujus insule tractus, ita ut vix quispiam fuerit repertus, qui ab eadem abstineret, imo Augustissima domus Regia huic operationi se subjecerit. Verum enim vero, postquam successiva experientia, methodum hanc ad remedia variolarum prophylactica non pertinere docuerat, plane illam observamus abrogatam, & altum ejus in annalibus medicorum silentium. Remedium lithontripticum, a matrona Joanna Steffens, nescio quo casu, vel qua occasione inventum, tanto habebatur in pretio, ut pro ejus detectione ingens nummorum quantitas fuerit soluta. Patefactis vero nunc ingredientibus, unicuique patet, efficaciam ejus calculum comminandi præcariam satis esse. Conf. Dn. Junckeri Dissert. de Calculi curatione nova nuper in Britannia publicata, & D. Schulzii Abhandlung von der Stein-Cur. Usus infusi axungie pini aquosi, Germanis: Theer-Wasser, quam cito ex Hybernia in Angliam, & ex hac per totam fere Europam transiigraverit, & ad hunc usque diem continetur, res est & lippis & tonsoribus nota. Quod vero subinde corvos illuserit hiantes, experientia quotidiana docuit. Unicum liceat adhuc addere exemplum de Cortice China. Hocce medicamentum peculiariter plane sustinuit fata. Ab eo siquidem tempore, quo in Europam fuit translatum, innumeros fere habuit præcones & veneratores, qui pro certissimo & maxime securo antisebrili illud venditarunt quos inter Badius, Didericus, Decker, Faber, Geuder,

Geuder, Lentilius, Lancisius, Morton, Raimannus, Sponius, Sydenhamius, Tortus, Cohausen, Berger, &c. potissimum numerandi veniunt. Observatis postmodum hinc inde noxis, ab ejus usu subortis, a Chiffetio, Ramazzino, Caudatio, Cosato, Magnesio, Plempio, Stahlio, Alberti, Junckero, Gohlio, Goelicke, Woodwardto, aliisque, ad infida, imo damnosa fuit relatum remedia. Continuatus tamen ejusdem, a sui amato-ribus usus, & exinde enate observationes, felices, imo quandoque non sperati successus, effecere, ut de novo inter medicamina maxime præstabilia locum occupaverit, & hodiernis jam temporibus, non tantum ad febres intermittentes domandas, verum & in variis aliis morbis, tanquam summe polychrestum adhiberetur. Erit de illo differendi locus in subsequentiis; hoc tamen præmonere volui, præeunte Amyando & hunc sequente Douglassio, lithotomo anglicano, mirificam huic cortici fuisse assignatam efficaciam in gangrana & sphacelo, a causis præsertim internis oriundis, sistendo. Dissertationem ergo inauguralem conscripturus, mecum constitui, inquirere ulterius in veritatem hujus adserti, & detegere, effectum votis non semper respondisse, sed experimenta cum hoc cortice instituta; laborare quandoque fallacia causæ non causæ. Clar. Dom. Vater, Professor Vitebergensis famigeratissimus, in Dissertatione de Efficacia admiranda Chinchinæ ad gangrænam sistendam in Anglia observata, varias quidem observationes felices successus in medium protulit. Quia vero modo laudatus Author in fine hujus Dissertationis ipse fatetur, propria se destitui experientia, crambem semel coctam me recocturum non autumno, quando, quæ propria experientia, & observationes, a Dom. Prælide mecum communicata detexerunt, in medium adduxero. Det Deus ceptis rebus felicem successum!

CAPUT PRIMUM.

Historiam Corticis Peruviani sistit.

§. I.

Corticem hunc ab arbore quadam depromi, extra omne quidem dubium positum, sed cujus indolis eadem sit, non parva olim nata sunt dissidia. Quam enim Bartholinus (a) describit, quod ab incolis Peruvianis voce ut *garmaparide*, ab Hispanis *palo de calenturas*, id quod lignum febrifugum denotat, & cui suffragatur Jonstonus (b), hanc negat Doncellus (c) & cum hoc Rajus (d). Huic iterum contradicit Tamarcredus Robinson, & iconem longe aliam adfert, quæ in musæo Curtianiano adservetur. Ab omnibus his iterum distat Ringotus, qui ad amicum provocat Gratianum, utpote qui frequenter ex Lusitania in Indiam profectus sit, cum quo facit Krautermannus (e) quod sit arbor cerafi instar, cujus folia prunorum non dissimilia, flores malorum punicorum, semina vel nuclea cucurbitæ.

§. II.

Hodiernis temporibus magis inter se conveniunt historiographi plantarum, secundum quos (f) est arbor, ceraforum magnitudine, cortice brunneo vestita, atque in ramos plurimos, eosque sæpius inflexos terminata: quibus ramulis, intermedio brevi petiolo, adhærent alterne opposita folia nervosa, figura inverse ovata, apice obtuso margineque ciliato. Florem fert monopetalum, infundibuliformem, tubo prælongo, cylindraceo, ac limbo patulo quinquifido, serraturisque acutis instructum, atque periantheo minimo, monophyllo quinquifido persistente, sustentatum. Quinque stamina, stilumque unicum includit, qui peracta fructificatione, abit in capsulam subrotundam calice coronatam, bilocularem, semina oblonga at compressa (g) continentem. Genus maxime convenit cum genipa (h) a qua calyce tamen differt. Nam germinis membranæ in genipa extenduntur in marginem, integrum, corollam sistentem. Pariter a coffea, calyce quadridentato, nec non fructu acumina-

(a) Vid ejus Historia cent. V. hist. 50.

(b) In dendrographia pag. 476.

(c) Vid ejus theatrum pharmaceuticum.

(d) In histor. Plantar. Libr. XXXII. p. 1796.

(e) Vid ejus lexicon exoticorum p. 116.

(f) V. Pomet Histoire des Drogues Livr. IV. Chap. VI. pag. 132.

(g) v. Linæi Genera Plantar. 1021.

(h) v. Tournefort. Instit. 416.

Disput. Medico-Pract. Tom. VI.

to, feminibusque hæmisphæricis, hinc convexis, inde planis, distinguitur. Colitur in provincia Peruana, Quitto nuncupata, atque crescit prope urbem Loxam (i).

§. III.

Cortex hujus arboris, sub variis innotuit nominibus, adpellatur enim *Cinchona*, *Chinchina*, *China China*, *Kinkina*, *Quinquina*, cujus nominis variae adducuntur rationes (k). Majorem tamen inter omnes probabilitatem obtinet derivatio *Bacleri* (l), qui ita nominari adfert, in honorem Comitissæ de Cinchon, præreginæ regni Peruani, quæ corticis hujusu-
fu a febre fuit liberata, unde etiam nomen *pulveris Comitissæ* obtinuisse, idem auctor contendit. Audit itidem *cortex antiquarius*, quia in febris quartana fuit adhibitus, *Peruvianus*, a loco scilicet natali. Pulverisatus quoque dicitur *pulvis Talbotii*, *Cardinalis de Lugo*, *Jesuiticus*, *Patrum*, & sic designatus est, quia a patribus Jesuiticis primo in Europam translatus, & tanquam arcanum remedium febrifugum fuit dispensatus.

§. IV.

Ex his nominibus elucescit, in America virtutes corticis hujus antifebriles jam diu cognititas fuisse. Quod vero non statim ab eo tempore, quo orbis novus ab Europæis fuit detectus, usus ejusdem innotuerit, fortassis ex odio insigni erga Hispanos, eorumque crudelitatem in humanam derivandum, quo permoti Americani remedium hocce omni studio celare voluerint (m). Donec tandem circa medium elapsi seculi (n) Comitissa de Cinchon, febris tertiana sævissima correpta, consilio Hispani, corticem hunc adhibuerit, & subsecuto, brevi temporis spatio, exoptato successu, ejus fama quaquaversum increbuerit.

§. V.

In Europa, patres Jesuitarum procul dubio primi fuere, qui corticem huncce in febribus intermittentibus debellandis adhibuerunt, & cum exinde insigne lucrum reportaverint, variis modis eundem occultare fuere adnisi. Intervallo autem non levi interjecto, hoc medicamentum, nescio quo fato, penitus fere exolevit, donec *Talbotius*, empiricus Anglicanus, qui notitiam hujus remedii in Anglia sibi comparaverat, illud in tenebris quasi sepultum, luci iterum reddidit, pristinoque restituit

(i) Teste *Pomato* l. c.

(k) v. P. G. *Werlbof*. *Observ. de febr. pag. 31.*

(l) v. Ejus notæ in P. *Hermanni* cynosuram materiæ medicæ pag. 204.

(m) Teste *Baclero* l. c.

(n) *Gerar. v. Swieten*, *comment. Barbav. Aphor. Tom. II. pag. 559. it. Baclerus. l. c.*

nitore. Delphino enim febricitanti, qui nullo potuit curari remedio, tam felici cum successu corticem hunc tradidit, ut brevi pristinam recuperaverit sanitatem. Hoc vero medicamentum, cum sibi arcanum esse dixerit, nec cuiquam communicare voluerit, *Ludovicus XIV.* Rex Galliarum, magno tandem pretio revelationem impetravit, & in solamen subditorum, corticis hujus efficaciam antifebrilem, publico scripto divulgandam curavit (o). Hinc *Talbotium*, restauratorem hujus remedii, jure meritoque nuncupare possumus.

§. VI.

Quantumvis vero efficacia hujus remedii, modo jam recensito, universo orbi fuerit communicata, tantum tamen abfuit, ut ad unum omnes medici huic adstipulaverint, ut potius in varias hinc inde abierint sententias. Quidam enim, variis adductis exemplis, chinam maxime fallacem, & corpori humano damnosam pronuntiarunt; alii e contrario, inter saluberrima, tutissima, & tantum non divina collocarunt (p) immo veriti sunt, ne tandem Deo, medicinæ datori, isti difficulter rationem reddaturi sint, qui ex vana timiditate, vel præfracta, in morborum impetu permittendo, temeritate, immitique, in omittendo miserorum ægrotantium levamine, pertinacia abunde moniti, meliora ac-
ceptare, candide profiteri nolunt (q).

§. VII.

Ratio diversæ de cortice chinæ opinionis, tam in perversa ejusdem exhibitione, quam in bonitate hujus repocita esse videtur. Prouti enim optima, & probatæ fidei medicamina, damna ægrotis conciliare possunt non levidensia, nisi debita cum cautela, & consideratis prius indicantibus & contraindicantibus adhibeantur, ita & cum usu hujus corticis tumultuario & intempestivo comparatum fuit, a quo, non nisi mala, morbo priori graviora, & difficilius eradicanda, ortum trahere potuerunt. Quando vero provida manu ægrotis porrigitur, & imprimis selectus corticis hujus instituitur, de effectu salutari certus esse potest Medicus; sicque corrui omnis suspicio noxiæ & deleteriæ ejus qualitatis (r).

§. VIII.

(o) Vid. *Richard. Morton*: *Exerc. I. Cap. 7. de morbis universalibus.*
It. Nicol. de Blegny Zodiac. Gallic.

(p) Testante *Werlbofo*, in *observat. de febr. sect. V. §. 2. p. 182. seqq.* ubi magnum catalogum clarissimorum medicorum, sollicita experientia corticis usum certissimum atque innoxium reddidit, refert.

(q) Cf. *Werlbof. l. c. pag. 335.*

(r) Corticem peruvianum, in se consideratum, medicamentum esse, tuto adhibendum, ab omnibusque noxiis & deleteriis qualitatibus liberum, testatur *van Swieten*.

§. VIII.

Ut ergo in electione ejusdem nullus contingat error, sinistro eventus ansum suppeditans, notas bonitatis perspectas habeat Medicus, necesse est. Eligendus ergo est ille cortex, qui colore brunneo, albicante quasi hinc inde tunica extus obductus existit (f). Superficies externa sit aliquomodo scabra, levioribus sulcis distincta. Præstat itidem tenuior, mediocrem tantum crassitiem habens, a ramis detractus, & ab omni ligno liberatus; facile sit frangendus, ita ut nullæ fibræ lignosæ protrahantur, fracti vero color internus sit cinnanomum quodammodo referens, vel magis obscurus seu ferragineus (t). Werlhofius tanquam præcipua bonitatis indicia refert saporem atque odorem (v). "Eligimus, sunt ipsius verba (w), qui masticatus, gustum, acrimonia & amarore multis nauseoso, aliqua adstrictione ferit, sine eximia austera acerbitate, sapore, qui ex acri & amaro velut leniter aromaticus sit, & peculiari modo aliquantum mucidus, cui sapor odor etiam exacte respondeat, sine corruptionis putridæ notis." Sunt, qui cum Walsbero Harris (x) ad solis radios corticis diffracti frustra contemplantur, an non conspiciant splendentes niri crystallisati quasi atomos, quod fieri in genuino volunt, sed abesse in adulterato, sive obsoleto. Sed ad hanc *expißer* raro adtenditur; modo supra memoratas notas bonitatis hic cortex habeat, qui officinis exinde vocatur *die feine China*, crassior vero & lignosa *die grobe China* audit.

§. IX.

Elementa hujus corticis quod concernit, varia quidem, pro modulo ingenii & phantasiæ, a medicis producuntur. Subscribendum tamen puto Casp. Neumann (y) in separandis & detegendis simplicium partibus constitutivis admodum sedulo, qui particulas terrestres subtiliores, resinosas, gummosas atque salinas, analysi instituta chymica, in eodem detexit. Werlhofius (z) eidem adscribit principia salino-sulphurea, gummi-

res, in comment. in Boerhav. Aphor. pag. 560. experimento in suo ipsius corpore instituto. Dicit enim: cum quondam, simplicium medicamentorum historiam colligendæ intentus, plurimum vires, vel in proprio corpore tentarem, sumsi mane jejunos, bihorii spatio, integram corticis peruviani, in pollinem contriti, unciam neque aliquid inde detrimenti percipere potui.

(f) v. Herman. Cynofura mater. Med. pag. 203.

(t) Werlhof. Tractat. de febr. Sect. III §. 3. pag. 83.

(v) ibid. pag. 85.

(w) ibid. pag. 82.

(x) vid. Ejus pharmacologia antiempyrica cap. 12.

(y) v. Ejus prælect. chymic. Part. III. Cap. 53. pag. 813.

(z) l. c. pag. 261.

resinosa, suaveolentia, diuretica atque balsamica. Quibus vero ex his elementis, quam maxime competat virtus medica, determinare quidem non audeo. Licet enim resinosis partibus potiore energiam competere videatur, crediderim tamen, integram substantiam, a Deo Protomedico, compositam, certioris exserere effectum, quam si divulsæ partes separatim exhibentur.

§. X.

Circa modum enim propinandi valde discrepant auctores. Alii in substantia porrigendum esse corticem nolunt, alii contra jubent. Inter illos plurimum auctoritatis habet Samuel Scharschmidt (aa) Medicus Berolinensis Celeberrimus, utpote qui terram, quam crassam atque stypticam dicit, corpori humano noxiam, & effectus salutes prohibentem, a cortice hoc separandam esse monet. Commendat potius infusum vinosum, vel elixyrium, vel extractum ex illo paratum. Inter hos antesignanus est Werlhofius (bb) qui dicit: pulverem corticis electi subtilissime tritum, in substantia, quod dicunt, longe quippe, uti in confesso est, & in vulgus notum, efficacissima, omnibus anteposimus præparationibus pharmaceuticis & chemicis, quas ipsi magni alioquin æstimamus.

§. XI.

Si meam his subjungere licet sententiam, variis itidem edoctus sum observationibus, exhibitionem sub forma pulveris, reliquis omnibus & artificiosissimis compositionibus validiorem fuisse. Si enim sub forma electuarii porrigitur, constituens roob, vel conserva, vel syrupus qualitatem intrinsecam quodammodo immutat, imo fermentationem in primis viis excitare potest. Corrigentia & adjuvantia varia in primis salina aliquando electuario tali addita, saporem non tantum reddunt magis ingratum, verum & tormina ac diarrhoeas quandoque excitare possunt. Sub forma pilularum, si præscribitur pulverisatus cortex, quantitate ægroto sunt molestæ, & accessu constituentis, vis admodum infringitur, vel saltem retardatur. Infusum vinosum sæpius irritum cum successu fuisse propinatum, imo tempore matutino, & in vino non aduetis, somnolentiam, cephalalgiam, ac majorem æstum sanguinis aliquando excitasse, deprehensum est. Essentia corticis chinæ, item extractum, non nisi infantibus atque sensibilibus auxilium ferre potis est. Idem sentiendum de enematis chinatis. Quando ergo quantitas pulveris adsumendi ægroto molesta esse videtur, nausea quodammodo tolli potest, si in plures doses dividatur, & pulvis ex caliculo vel vitreo, vel porcellanico, mediante aqua, una vice hauriatur.

§. XII.

(aa) v. Ejus Medicinische und Chirurgische Nachrichten pag. 357.

(bb) In Observ. de febr. pag. 88.

§. XII.

Modum operandi determinaturus, libenter confiteor, me exactam, & ad singula phaenomena applicandam ejus delineationem suppeditare haud quam posse. Virtutes siquidem mirificae hujus corticis in oculos incurrunt, ratio vero earum abscondita est (cc). Quousque beneficio sensuum, atque analyseos chimicae pervenire licuit, subadstringentis, vel magis tonicae existit indolis. Amarities detegit qualitatem aperitivam & certo modo deoppilantem, quae insimul adstrictoriam illam indolem blande moderatur & determinat (dd). In partibus resinoso-gummosis delitescit balsamica quasi indoles, quae fermentationi putredinosae resistere, vappidam indolem corrigere, & humores in sanguine delitescentes, resolutioni mutuae proximis coadunare posse dicitur. Miscela vero harum partium constitutivorum ita affabre est concinnata, ut intentioni medici prudentis ex voto respondeat. Verbo, est medicamentum specificum (ee) polychrestum, admiratione dignum.

C A P. II.

Pires Corticis Chinae Medicas exhibet.

§. I.

A prima hujus corticis detectione, ad nostra usque tempora, virtutem antifebrilem inter praecipuas existisse, praecedenti capite fuit allatum. Exhibetur nempe exoptatissimo ut plurimum successu, in quibuscunque febribus intermittentibus, modo debita methodo, & observatis cautelis, in libris practicis reperibilibus, in usum trahatur. Nolo circa hocce negotium esse prolixè occupatus, sed ad consensum omnium fere Clinicorum provoco. Et, quod praefscini dixerim, observatum est, etiam eos, qui ex praedjudicio praekonceptae opinionis, ab ejus exhibitione abhorruerunt, aliquando, id exigente necessitate, ad hoc remedium, tanquam

(cc) Vid. *Schelhammer* de genuina febre curando methodo pag. 131. seqq. ubi laudatis remediis, quorum virtutes experientia probat, licet ratio illorum agendi accurate determinari non possit, dicitu ejusdem remedium agnitum atque admissum, est cortex ille peruvianus, cujus agendi modum multi quidam explicare adgressi, sed, meo judicio nemo adhuc expedit.

(dd) Adstringentem virtutem satis temperatam esse, vel exinde constat, quia alvum non ita reddit obstipatam, quin potius, additis e. g. paucis granis rhabarbari, eandem blande movet.

(ee) Vid. *Weribof*, l. c. 262, ubi ingenue fatetur, se corticem peruvianum inter specifica referre debere medicamenta.

quam ad sacram anchoram, licet clandestine, confugere debuisse (ff).

§. I I.

An porro consideratio elementorum corticis chinae supra (Cap. praec. §. 9.) adlatorum, an vero casus fortuiti inopinati, salutare tamen, sub tot millenis exhibitionibus ejusdem, ansam suppeditaverint, & felicem successum fuerint experti, meorum non est inquirere. Sufficiat adduxisse, plures esse aegritudines, quae ab usu hujus corticis cum euphoria tolluntur.

I §. I I I.

Non jam morabor conamina quorundam, qui in febribus acutis eundem in usum trahere solent, crediderim enim, tentamina haecce periculosa, & fida experientia nondum satis munita, in primis quando in incremento & statu morbi propinatur. Pariter experientiae relinquendum, an, praesente *Johanne Baptista Bianchi* (gg) in febribus biliosis, praemisso evacuantem, primo curationis stadio, nullaue expectata coctione, peruvianum febrifugum liberali manu praescribi possit. Ulteriori itidem inquisitione indiget methodus *Richardi Mortoni* (hh), qui, febrim in variolis recidivam hocce cortice omnium certissime profligari, imo faciem a foveis praeservari posse, monet.

§. I V.

In febribus e contrario lentis, chronicis, resolutionem sanguinis in ferum post se trahentibus, ingentis esse efficaciae hunc corticem, ratio atque experientia dicitur. Constat enim, sub motibus febrilibus chronicis, lympham in dies magis resolveri, partes sulphureas hebetiores fieri, totam massam sanguineam in serum fatiscere, & tonum fibrarum relaxari, admodumque debilitari, testibus cachexia, oedematibus, leucophlegmatia, & denique diarrhoea & sudoribus colliquativis. Hisce molestiis, praeparato prius corpore, egregie conducit China. Consistentiam enim sanguinis debitam restituit (ii), tonum partium adauget, & roborat, atque

(ff) Labet ad probandum hocce adsertum, verba adducere van *Swieten*, in comment. in boeth. Aphorism. pag. 560. ita dicens: infamiae notam inuisse salutari huic remedio novi quosdam, qui palam illud damnabant, tanquam nocentissimum: clam vero eodem, aliis additis, fucato, utebantur, dum curam februm arcanis remediis pericere, turpissime gloriantur, miserisque aegros; largissimo pretio extorto emungebant. Medicorum nomine indigni.

(gg) In historia hepatis part. III. pag. 282.

(hh) Tom. III. pag. 154.

(ii) vid. Experimentum *Hoffmanni* in medic. System, Tom. III. Sect. I. Cap. 23. §. 13. adlatum.

que sua specifica indole, motus febriles compescit. Ex quo est, quod observemus, tales ægrotantes habitum corporis exinde induere floridiorem, appetitum & vires prostratas pederentim restitui, sicque omnia in melius commutari (kk). Imo licet causa, quandoque febrim talem lentam inducens, radicitus auferri, sicque sanitas restitui non possit, prout illud evenire solet sub læsionibus viscerum internorum incurabilibus, hecticam constitutionem post se trahentibus, palliativa tamen cura a china expectari, & vita quadantenus procrastinari potest.

§. V.

Hæmorrhagiis succurrere posse corticem peruvianum, experimenta ab aliquo tempore instituta, docuerunt. Hæmoptysin sæpius sublatam fuisse ab usu ejusdem, admixtione pulveris ablo. bentis Wedelii, celeb. Wagner (ll) variis adductis exemplis probat. Nec dubito, fore, ut itidem in vomitu cruento, præmissis nempe præmittendis, parili modo adhiberi possit, quod tamen experientia adhuc comprobandum. In Hæmorrhagia uteri salutarem ejus usum observavit Johannes Baptista Bianchi (mm). In mictu cruento enormi, nuper Cel. Dom. Præses efficaciam hujus corticis egregiam expertus est, quem sub forma electuarrii, cum conserva rosarum antiqua propinavit. Ratio fuit hujus successus est in aprico. Orgasmus enim sanguinis, qui hæmorrhagias istas activas nunquam non comitari solet, a china temperatur, tonus vasorum, vim sanguinis irruentis infringit, & sub immutata diametro, huncce aliorum pellit. Hæc est ratio cur ad abortum præcavendum, qui hæmorrhagiam uteri pressa pede sequi solet, insigni cum euphoria, præmissa venæsectione revulsoria, gravidis porrigi possit, prouti id jamdum Mauriceau (nn) Apinus (oo) Boerhavius (pp) alique dudum comprobarunt.

§. VI.

Ex modo adlata ratione fuit, in mensibus referendis, usum corticis peruviani quandoque proficuum existisse, ita ut eodem modo, circa hoc negotium agat, ac de martialibus medicamentis constat, illa adstringendo aperire, sicque in referendis mensibus, a medicis subinde exhiberi. Quo

(kk) Cf. Brunneri Tracta de Pancreate pag. 101.
(ll) In dissert. de hæmoptoes, imprimis vero habitualis seu phthifici, expeditiori quadam efficaciorique curatione.
(mm) vid. Historia hepatis part. III. Schol. 5.
(nn) v. Observations sur la grossesse & l'accouchement obs. 272. 697. & aliis.
(oo) In Hist. febr. epidem. pag. 93. seqq.
(pp) De medicamentorum facultatibus P. 1. cap. 18. legatur item Schellhammeri Lib. de natura pag. 248.

effectu permotus, supra nominatus Bianchi, gravidis corticem hunc propinare non ausus fuit, ex metu subsequuturi abortus, quem tribus vicibus se exinde observasse refert. Crediderim tamen, hanc rem ulteriori indagationi committendam, nec temere huncce corticem sub obstructione mensium in usum vocandum esse.

§. VII.

Amarities huic cortici propria permovit fortassis medicos, ut ejus periculum in pellendis vermibus fecerint. Legimus enim, a Johanne Lamzono relatum (qq) usum chinæ ad necandos lumbricos admodum proficuum fuisse, additis exemplis, febrem verminosam, ægrotis summum vitæ periculum minitantem, ab exhibito vino chinato, quod άνω, καὶ κάτω ingentem vermium quantitatem expulserat, feliciter superatam fuisse. Nec improbanda mihi videtur hæc methodus in febre verminosa, præsertim quando stimulo leni laxante, virtus chinæ intenditur (vid. præced. Cap. §. 12. sub notis lit c).

§. VIII.

Sed non in morbis jam recensitis, verum & in aliis, virtutes suas exserit cortex chinæ. In soporosis adfectibus cum fructu exhibitum fuisse, sæpe laudatus Werlhofius (rr) variis adductis exemplis comprobat. In Cephalæa periodica sine febre, exacte periodos suas quotidie tenente, solum hunc corticem, cum cinnabari nativa maritatum, desideratissimam opem tulisse, refert Riedlinus (ss). Phthisin pulmonalem moderari posse hocce cortice, Irenæus Vehr (tt) adfert, & Mortono simpliciter subscribit. Hydropem ab usu corticis hujus feliciter curatum, singulari exemplo probat Elias Heisterus (uu). Dom. Heldius (vv), a Sydenhamio edoctus, in podagricis insultibus hunc corticem utiliter adhiberi posse, refert, eundemque exinde remedium antipodagricum sine pari appellat. Bianchi (xx) multiplex praxi se edoctum refert, corticem chinæ pallidis virginum coloribus, indeque & mensium suppressionibus profuisse, illis tamen, quibus non frigida, languida, mucosa, obstruens causa, sed vasorum contractio, illaqueatio, & ut dicitur, liberiori vocabulo, crispatura, adauctum, uno verbo, solidorum momentum in cunabula præbuit. Addit porro: in stimulis cicurandis spasmodicis,

(qq) In Ephemer. N. C. Dec. X. Obs. 140.

(rr) In Observ. de febr. pag. 106. seqq.

(ss) Vid. ejus linæ medicæ pag. 131.

(tt) In Dissert. de Phthisi pulmonali p. 24.

(uu) Cf. Dissert. de quartana & hydrope, per corticem peruvianum curatis,

(vv) In Ephemer. N. C. Cent. II. Obs. 152.

(xx) Vid. l. §. 5 c.

Disput. Medico-Pract. Tom. VI.

„solidisque hoc pacto strictioribus redditis, relaxandis, in hypo-
 „chondriacis, hysteriis, colicis, stomachalibus, ipsisque epilep-
 „ticis, dolorificis aut non dolorificis, fixis aut vagis, universalibus
 „aut particularibus adfectibus, in ipso insultu, vel ante, admodum
 „conduxisse peruvianum corticem. Idem denique *spasmos* abdominis u-
 „niversales, aut solum intestinales, enemata ex infusione china china
 „in aqua cerasorum nigrorum, faulste sublevasse, narrat.

§. I X.

Non equidem audeo, simpliciter subscribere encomiis, ab amatoribus
 corticis peruviani ebuccinatis. Pensitatus enim eadem indaganti, & ad
 lapidem lydiū experientiae, omni circumspeditione institutae, adplicanti,
 occurrunt subinde casus, limitationes virtutum corticis monentes. Huc
 referendae observationes nonnullorum Medicorum, de specifica hujus me-
 dicamenti efficacia in gangraena & sphacelo curandis. Operae ergo pretium
 futurum esse judicavi, quando, quae circa hunc specialem usum, mihi
 obvenere phaenomena, prolixius paulum exposuero.

C A P. I I I.

*Inquiri in efficaciam corticis Chinae specialem, ad curandam Gangra-
 nam & Sphacelum.*

§. I.

E xplicatis elementis & partibus constitutivis corticis Chinae, & sub-
 juncto ejusdem usu, non tantum antifebrili, verum & polychresto,
 ut scopo mihi praefixo satisfaciam, inquirendum est, utrum in gangrae-
 na & sphacelo curandis, tam certam indubitatam atque evidentem exserat
 efficaciam, quanta a celeberrimis Medicis, hisce temporibus eidem ob-
 servamus attributam. Praemonendum vero duco, sermonem non esse de
 ipsis sphacelatis & gangraena jam correptis partibus, utpote quas disso-
 lutioni putredinosae jam proximas, vel jam putrescentes, nulla arte me-
 dica in integrum statum reduci posse, & ratio & experientia dictitat. Pa-
 riter a proposito alienus existit sphacelus, ex sola laesione externa, & i-
 nepta medicatione oriundus, talis enim corticis hujus usu non indiget,
 sed, nisi nimis jamdum invaluerit, vel aetas decrepita, vel cacochymia,
 vel summa virium prostratio obsistat, manu chirurgica absque magno re-
 mediorum internorum apparatu, feliciter auferri potest. Sed consideran-
 dum saltem, an corruptio illa putredinosa, a causa interna oriunda, me-
 diante hocce remedio arceri ita possit, ut non tantum vicinae partes san-
 a

a serpente putrilagine immunes existant, verum & in locum jam cor-
 ruptarum, nova caro gigni queat.

§. I I.

Superfluum esse arbitror, historiam gangraenae atque sphaceli integram,
 ejus signa, symptomata, varias causas, prognosin, & methodum me-
 dendi in medium proferre. Prostant enim abunde in libris medicorum,
 quos consulere Benevolus Lector poterit. Sufficiat saltem, adduxisse, sta-
 gnationem, & exinde oriundam stasin sanguinis & humorum, causam
 proximam gangraenae & sphaceli nuncupandam esse; ad causas vero re-
 motas referri debere, nunc sanguinis discrasiam, in stasin & putredinem
 admodum proclivem, nunc externas laesiones, motum humorum in parte
 adfecta sufflamantes, & resolutioni putredinosae velificantes. Elementa
 enim sanguinis ita sunt comparata, ut, quamdiu motu, tam intestino
 quam progressivo, per subtilissimos partium mæandros propellitur, in-
 vicem conjuncta maneant, & homogeneam, externo adpectu, quali-
 tatem exhibeant, at, sicubi mora iisdem conceditur, ex diversa in-
 dole facile se separent, & resolutione tali, putrilaginem incurrant fer-
 mentescentem, partibus solidis, ex iisdem sere principiis conflatis, fa-
 cillime communicabilem, quas exinde mortificatas nominamus.

§. I I I.

His suppositis, quaestio allata resolvenda, an huic cortici peruviano
 virtus decantata in gangraena & sphacelo perfecte competat, & quae sit
 ratio hujus efficaciae singularis? Elementis ejusdem gummoso-resinosi,
 cap. I, §. 9. adlatis, eandem potissimum attribuendam esse, liquet qui-
 dem, haec vero, utrum balsamica quadam vel specifica energia operentur,
 adhuc sub iudice lis est.

§. I V.

Balsamicorum nomine veniunt talia remedia, quae, ut verbis Hoff-
 manni (yy) utar „ tenui aetherea & subtili volatili oleo, naturae ad-
 „ modum blando & amico, in fluida non minus ac solida corporis nostri
 „ agunt, virtutemque suam diffundunt, & partes sulphureas calidas &
 „ aethereas, in sanguine, & humoribus deficientes restitunt, augent,
 „ atque motum intestinum calidum & spirituescentiam vitalibus humo-
 „ ribus foenerant. Pollent vero etiam sale subtili acri balsamico, eo-
 „ demque cordis, arteriarum & fibrarum musculosarum vim & potentiam
 „ elasticam intendendo, sanguinis & humorum progressum ac circulum
 „ egregie promovent, quo postea fit, ut humores crassi & viscosi at-

F f 2

(yy) Vid. Ejus Med. System. Tom. III. Sect. II. Cap. 6. p. 519.

„tenuentur, obstrukciones solvantur, & saluberrimum perspirationis negotium, quo optime morbi arcentur, integrum servetur, ac illibatam.“ Verum, an potiora hæc prædicata cortici peruviano competant, affirmare non audeo; æthereum quippe & subtile oleum volatile, vel sal aliquod subtile balsamicum, nec sapor nec odor, nec ulla analysis chemica in eodem detegit, mediantibus quibus partes sulphureas calidas & æthereas, in sanguine & humoribus deficientes, restituere, augere, atque motum intestinum calidum, & spirituscentiam vitalibus humoribus fœnerari possit. Si quæ ergo virtus in curanda gangræna & sphacelo a cortice hocce expectari potest, reposita esse videtur in sanguine, resolutioni proximo, quodammodo coagulando, febrem symptomaticam vulnerrariam compescendo, & tono roborando.

§. V.

Primum momentum roboratur experimento, cum saturato corticis chinæ decocto instituto, hoc enim, si sanguini fluenti admiscetur, illum in coagulum cogit. Quando ergo sub imminente putredine, dissolutio humorum metuenda, propinatione corticis hujus, arceri eadem, & partes sese separantes, ad pristinam cohesionem quodammodo disponi possent. Ex quo insinuat ratio fuit, cur in febribus lentis, & hæcticis cum fructu sæpius adhibeatur (vid. Cap. 2. §. 4.

§. VI.

Præter energiam hanc Chinæ sanguinis resolutionem inhibentem, ita de n vis specifica in moderandis & sufflaminandis motibus febrilibus attentionem meretur. Exserere se eandem, non tantum in febribus intermittentibus, verum & aliis, eisdemque symptomaticis. Cap. II. §. 3. seqq. allatum. Quando itaque sub gangræna pulsus citatus, æstus magnus, lingua arida, siticulositas, &c. febrem adesse, nuntiant, huic resistere posset, pro modulo qualitatis specificæ (Cap. I. §. 12.) cortex peruvianus, temperat quippe æstum, motum sanguinis celeriores infringit, sicque symptomata aliquomodo tollit, quæ inflammationes tales, presso pede sequi solent.

§. VII.

Quod a restituto & adaucto fibrarum tono, sub gangræna & sphacelo non parum solaminis experiantur ægroti, negari quidem non poterit. Labefactatum tonum indicant impotentia sese movendi, prostratio virium, flacciditas membrorum, & turgidus eorundem adpectus & contactus. Si ergo a China tonus quadantenus restituitur, & fibræ roborantur, virium

majus observatur incrementum, & quod palmarium, separatio partis sanæ a corrupta citius procedit, hæc enim quodammodo sese contrahens, facile divellitur a mortificata, quæ ex putrilagine jam macerata existit, prouti id in sphacelo remediis externis auscultante toto die videmus. Sub triplici ergo ejus corticis efficacia quando imprimis præsidia externa chirurgica adcesserint, evenire posset, ut ægrotus, morti proximus, cum sanitate in gratiam redire queat.

§. VIII.

Nihilo tamen secius arctioribus limitibus, medelam cum hoc cortice instituendam, circumscriptam esse, res ipsa jubet. In ætate enim decrepita, tantum non semper nocivam esse persuasum habeo. Sanguis etenim spissus sane, per fibras rigidiores, in primis in extremis partibus, ex vi vitæ deficiente, transire commode non potest. Si ergo ibidem stagnans in coagulum abit, mortificationem partis istius post se trahens, nescio sane, quodnam auxilium, a China sit expectandum. Hæc quippe sanguinem per se reddit spissiores, (Cap. I. §. 4.) fibras sanas, per se strictas, ulterius stringit, sicque loco speratæ salutis, mortem accelerare potis est. Pariter in scorbuticis, acris, & rodentibus succis repletis individuis, usum corticis peruviani exiguum esse crediderim. Correctioni enim humorum plenariæ non inservit, §. IV.) nec heterogeneitates tales e corpore expellit (22), hinc medela perfecta ab solo hoc remedio non expectanda, prout casus mox recensendi ulterius probabunt. Denique & Præcones virtutum corticis hujus antigangrænoidearum dissimulare non possunt, in visceribus inflammatis, sideratis, in abscessu, insuperabili putredine, aut spasmodum fluxionumque impetu continente, (aaa) vix ac ne vix quidem auxilium ab eodem expectari posse. Et sane ita se res habet, causa enim harum ægritudinum tolli non potest, sic & effectus, ab remedio hocce expectandus, foret frustraneus.

§. IX.

Quam speciosa præterea videatur supra recensita virtutum chinæ antigangrænoidearum theoria, & quantæ etiam afferantur observationes felicis successus, non possum tamen non, quin adhuc dum eandem inter dubia, & fida experientia nondum munita remedia collocem. Sphacelus siquidem a causis internis oriundus, inter rarissimos morbos pertinet, hinc unum alterumque exemplum nondum probare videtur, in omnibus, vel saltem quam plurimis individuis, parilem effectum futurum esse;

F f 3

quiu

(22) Vid. van Swieten l. c. pag. 767 pag. 560.

(aaa) Vid. Wcribos. l. c. pag. 331.

quin tot, imo plures existant casus contrarii, in quibus, china haud exigua quantitate exhibita, expectationem medicorum decepit, qui huic nimium confisi, in formanda prognosi, iusto liberaliores fuerunt. Placet ad probandum hocce adsertum, unumalterumque exemplum in medium proferre.

Vir generosus & illustris, belli pacisque artibus clarus, corpore gaudens succi pleno, temperamenti sanguineo-phlegmatici, post vomitus, per integram noctem durans, postero die dolorem atrocissimum in pede extremo experitur, quem tandem excipit sphacelus metatarsi regionem mortificans, absque ulla externa praegressa laesione, ipsaque ossa eadem addiciens labe, ut post carnis secessum tristi nigredine imbuta, brevi ruinam minitarentur. Chirurgus in arte expertus, extirpationem in consueto sub genu loco suadet, ast medici in diversas abiire sententias, & medicamentis, malum oppugnandum convenere. Praeter alia medicamenta, praesertim ad corticem Peruvianum confugerunt, ab ejusque efficacia optimum sibi pronuntiarunt eventum. Factum quoque est post totius mensis intervallum, ut pes extremus a tibia secessum fecerit, & quidem adeo placide ac clementer, ut aeger in deligatione id ne quidem perceperit, nisi tum demum, cum in lectum rursus delatus, pedem observaret altero brevior. Magnum hoc ex eventu, quem cortici peruviano adscripserunt, penes medicos subortum est gaudium, quo permoti, haec incepta perrexerunt methodo. Ast, loco speratae restitutionis, sphacelus ulterius serpendo, partesque vicinas adrodendo, eam reddidit aegri conditionem, ut omnis spes penitus decollaverit, praesertim quia exhaustis aegri viribus, amputatio impossibilis reddebatur. Per 5 ergo menses aegrotus, tot diris tormentis, inedia, vigiliis, febreque tabifica exhaustus, animam creatori reddidit, vir meliori fato dignus.

Praesens casus ex manuscriptis B. Burchardi, Professoris almæ hujus olim famigeratissimi, mihi communicatus, innuere videtur, efficacie corticis Chinæ tribuendam esse separationem spontaneam pedis extremi, & sustinuetur corruptionis sphacelosa progressum. Verum, me quidem iudice, illa separatio autocratæ naturæ & colliquatis a putredine ligamenti magis, quam huic cortici competit. Primum elucescit ex observationibus partium corporis sphacelatarum sua sponte deciduarum (bbb) alterum sub contrectatione pedis extremi, singulis diebus tot vicibus repetita, oriri potuit, dum ligamenta, ex putredine macerata, in solutionem continui abierunt, sicque secessum a connexis partibus firmioribus

(bbb) Vid. Borell. Observ. Med. Phys. Cent. II. Obs. 14. & 16. It. Baribolus. Obs. Anat. Cent. I. Obs. 69.

It. Acad. des Sciences Pan 1702. Mem. pag. 270. &c.

It. La Morthe Traité complet de Chirurg Tom III pag. 365.

Penem sphacelatum sua sponte deciduum, in milite observavit Dom. Praeser.

fecerunt. Adcedit, quod ulterior progressus sphaceli arceri non poterit, licet tarde satis inceperit. Si enim tanta vis balsamica & corruptelam humorum infringens, in hoc cortice chinæ existisset, per tot mensium spatium certissime se exserere debuisset. Nec obstat, quod caries ossium denudatorum huic obsecundare non potuerit; illam enim manus chirurgica, si reliquæ partes salvæ mansissent, facile auferre potuisset. Quod tardum sphaceli progressum in hoc casu concernit, ut plurimum talis contingere solet, in sphacelo a causis internis oriundo, ut raro, nisi ingens cacochymica adfuerit constitutio, brevi terminetur. Sic notum est Dom. Praesidi exemplum de supremo quodam belli duce, sphacelo pollicis pedis spontaneo correpto, quo amputato, & vulnere consolidato, post sex septimanarum spatium pollex alterius pedis parilia fata sustinebat, & hoc quoque ablato, mora trium hebdomadarum interjecta, sphacelus proximum digitum attingebat, cujus extirpationem vero aegrotus recusabat, se certo moriturum esse, sibi habens persuasum, donec admodum lentis progressibus, spatio nempe bimeltri, ad genu usque provecta putredine, sub exhaustis plane viribus, mors finem hisce miseriis imponebat. Quod ergo in hoc casu allato cortici peruviano tribuendum esse videtur, a virtute antifebrili & tonica expectandum fuit, ex qua, juncto externorum remedium infimul apparatu, aegrotus per dimidium anni spatium, vitam transigere potuit.

§. X.

Femina quædam annorum circiter triginta, temperamenti sanguinei, lautiori dieta gaudens, dolorem quendam urentem dextro in femore percipiens, atque doloris in causam inquirens, maculas quasdam rubicundas in illa regione, ubi caput ossis femoris in acetabulo ossium innominatorum articulatur, deprehendebat. Chirurgus adersitus, ad inflammationem, cujus signa aderant evidentia, tollendam, præmissa venæsectione in brachio, omnia quidem adhibebat medicamenta discutientia, absque ullo tamen effectu, ita, ut brevi potius signa apparuerint gangrænæ, quæ vero, methodo in hoc malo consueta, funditus tandem eradica-batur. Spatio aliquo temporis interjecto, in eadem sinistri femoris regione, parilem gangræna ludebat scenam, quæ simili successu feliciter itidem curabatur. Tertia denique vice rediens malum in dextro femore, paulo tamen inferius sese exerebat, quod ad tollendum malum, pristina reiterabantur remedia, sed plane contrario successu, ita, ut gangræna ulterius serpendo, adjacentibus sanis partibus eandem communicaret labem, & totum fere femur pedetentim emoreretur. Continuabatur methodus consueta & quum malum ex interna causa originem traxisset, judicaretur a medico in consilium vocato, cortex peruvianus, cujus successive integram libram, & quod excurrit, devoravit aegrotata,

po-

porrigebatur. Ast & huic remedio malum cedere penitus recusabat, ægrotaque tandem misere occumbebat.

Si in ullo subjecto, gangræna correpto, cortex chinæ suam efficaciam specificam evidenter exserere potuit, sane in hacce scœmina fuisset evidentissima Corruptela enim sanguinis eximia non aderat, iste e vena missus a statu naturali haud multum secedebat, in viride ætate adhuc erat constituta, nulla aderant signa visceris alicujus corrupti, vires non admodum erant attritæ, verbo, non existerant status interni conclamati indicia, nihilo ramen secius, morbus vim corticis hujus illudebat penitus, nec cuidam causæ procacitatis fortuitæ lethalis eventus tribui poterat.

§. XI.

Verbi divini minister, sanguineo melancholici temperamenti, ætatis 50 circiter annorum, dicta crassiori usus, & carnibus muriaticis, & fumo indugatis delectatus, experiebatur quotannis symptomata, quæ dyscrasiam scorbuticam comitari assolent, quam tamen motu corporis laborioso, sanguinis ventilationibus, infusis herbarum scorbuticarum theiformibus, & laxantibus per epicrasin sumtis, quadantenus tollere consueverat. Ante biennium tumoribus pedum durioribus, maculis scorbuticis refertis, item intumescencia quadam abdominis corripiebatur, ut futurum exinde hydropem metueret. Adhibitis vero antiscorbuticis, diureticis, & ad alvum sæpius obstructam referendam, laxantibus lenioribus, juncta convenienti dieta, mitigabatur & hic adfectus, ut absque impedimento officio suo præesse posset. Quæ medicamenta ergo, recrudescente subinde hoc malo, ab ægroto parili cum successu iterabantur, donec medio hyeme, animi adfectibus agitatus, in dextro pede persensceret extraordinariam rubedinem, secundum tractum tibiæ, inferiora versus se extendentem, dolor in loco affecto erat urens, sociabant se motus febriles, pulsus continuo celer, agrypnia, appetitus depravatus, anxietas animi, ad lipothymiam usque quandoque invalescens. Auxilium ergo anxie quærens, avide adsumebat, quæ ad diluendum & mundificandum sanguinem, & motus febriles compescendos, e re esse videbantur, non negligebantur fomentationes ex herbis convenientibus cum vino factæ, ast in cassum, quantumvis enim induciæ quædam remediis hisce viderentur conciliatæ, rubedo & dolor imminuerentur, & febris quodammodo cessaret, tantum tamen aberat, ut in totum auferri fonticum hoc malum potuerit, ut potius ex improvise, omnia in deterius ruerent. Exserebant sese, sub repullulantibus omnibus modo recensitis symptomatibus, futuræ gangrænæ indicia, sub hoc rerum statu ad chinam chinæ, tanquam ad sacram anchoram, confugiebatur, quam ægroto singulis 24 horis ad unciam semis adsumebat, nihil autem hisce efficiebatur, sed in dies pejus se habebat æger, donec sexto post adsum-

tio.

tionem chinæ die, sub extremorum frigore, singultu, & vagis mentis alienationibus, ægroto placide animum deposuerat.

Habet & hic casus, quod dubiam reddere videtur efficaciam corticis Kinæ in sistenda gangræna. Licet enim objici fortassis possit, neglectæ venesectioni, & nimis ferotinae exhibitioni corticis chinæ, mortem ægroto tribuendam esse; ast, quod *primum* concernit, haud diu ante insultum morbi venam sibi tundendam curaverat æger, cujus vires, sub ipso morbo dejectæ admodum, omnem sanguinis missionem contraindicabant. *Alterum* experientia refellitur, quando relatum legimus, spatio viginti quatuor horarum, exhibitum corticem jamjam virtutes exseruisse suas, & omnia in melius fuisse commutata. Crediderim potius, si succos ex herbis antiscorbuticis recenter expressos ægroto propinandi copia fuisset, eundem fortassis inter vivos conservari potuisse. Ad hoc statuminandum sequenti, a Dn. *Praside* mihi suppeditato casu permoveor.

§. XII.

Vir temperamenti melancholici, vitæ sedentariæ, esui frigidorum magis, quam calidorum alimentorum, paucopotui, sed haustu crebriori spiritus frumenti adfectus, ceteroquin tamen sanus, stomacacem quandoque experiebatur, quam illinitione mellis rosarum, cum unguento ægyptiaco commixti, tollebat iterum, sed jacturam successivam dentium, carie corruptorum, patiebatur. Tandem circa malleolum pedis sinistri internum pustulæ prodibant rubicundæ, rodentes, quas scalpendo irritabat, adeo, ut inflammatae in ulcera commutarentur, saniem foetidi odoris plorantia. Ex parsimonia auxilium chirurgi recusabat, ipsemet sibi opem laturus applicando unguentum album camphoratum, & emplastrum diapalmæ, ast infelici cum successu, rubor saturatissimus in plumbeum, denique in nigricantem commutabatur, sensatio penitus cessabat, & odor ulceris mephitim spirans, verum sphacelum adesse, detegebat. His phænomenis perterritus medicum & Chirurgum adcersi curat, ille, a cel. *Werlhofio* edoctus, corticem Kinæ ad drachmas tres singulis diebus ægroto porrigit, hic ferrum & pharmaca consueta adhibet, sed nil efficitur solidi, præter quod gradum quodammodo stetit corruptio putredinosa videretur. Tandem post octo dierum decursum, scorbuticæ cacochymiae rationem habens medicus, succos recenter expressos herbarum antiscorbuticarum ad ʒij quotidie cum sero lactis citrato propinat, & tunc brevi mutabatur scena, secedebant nempe partes putridæ a sanis, odor cadaverosus in dies imminuebatur, & generata nova caro consolidationem hujus ulceris accelerabat.

Disput. Medico-Pract. Tom. VI.

G g

Ex.

Ex hoc casu elucescit, in gangræna, a scorbuto ortum ducente, a Kina parum auxilii expectandum esse, corrigere enim talem dyscrasiam nullatenus poterit (Cap. II. §. 4.) nec evacuationi rerum peregrinarum apta existit. (Cap. II. §. 8.) An vero ulterior hujus sphaceli progressus exhibitioni Kinæ tribuendus sit, adhuc dubitandum, præter enim, quod putrilaginosa scorbuticorum ulcera tam cito adjacentes partes vicinas depascere non soleant, remediis externis defensivis & balsamicis a chirurgo adplicatis, sufflaminatam corruptelam jure competere posse videtur, prouti illud toto die in fide ratione a causis externis oriunda, observare licet, eandem solis externis remediis cogi posse, ut in parte adfecta subsistat.

§. XIII.

Si dicendum ergo, quod res est, non equidem in totum negaverim, tribuendam esse huic cortici peruviano virtutem aliquam in gangræna & sphacelo se exferentem, inque virtute tonica & antifebrili potissimum repositam, (Cap. III. §. 6) si debita cum circumspeditione, & ponderatis cautelis, prudenti medico notis, in usum trahatur; tantum vero abesse, ut restitutio corruptelæ putridæ præcipue eidem adscribi possit, ut potius reliquis externis & internis remediis, atque diætæ convenienti palmaria efficacia competat.

§. XIV.

Sint in exemplum unguentum armarium, & pulvis sympathecticus. Quantane binis hisce remediis olim fuerunt attributa miracula, in sistendis hæmorrhagiis, consolidandis vulneribus, refrigerando & calefaciendo sanguine, excludendis per diaphoresin, diuresin, & alvum, heterogeneitatibus, quorum miraculorum plurima, examini curatori subiecta, laborant fallacia causæ non causæ. Et probari facile posset, nisi tempori & chartæ parcerem, ab *avulso* natura ortum fuisse totum ferme restitutionis negotium, modo externa impedimenta fuerint remota.

§. XV.

Parili ergo modo cum efficacia hac corticis peruviani comparatum. In usum enim insimul trahuntur fomentationes, scarificationes, balsamica, defensiva; ægroto porriguntur talia alimenta, & potulenta, quæ sanguinem & humores corrigere potis sunt; animus in hisce æ-

grostantibus admodum abjectus, inter impedimenta felicis curationis sæpe collocandus, erigitur verbis, & restitutionis mox recuperandæ blandis pollicitationibus, cortice peruviano tanquam accessorio saltem existente. Provoco inter alia exempla ad fide dignissimum auctorem Hoffmannum (*ccc*), qui gravissimum & refractarium sphacelum, a causa interna oriundum, absque ulla exhibitione corticis Kinæ, parili felicitate restituit.

§. XVII.

Hæc prolata vero, omni exceptione majora non reputo, sed argumenta saltem in medium producere volui, quæ dubiam adhuc corticis efficaciam, in gangræna & sphacelo specificam innuere mihi videntur. Relinquo ambabus ulteriorem ejus inquisitionem aliis, quibus contingit, plurimis experimentis adcurate institutis, tandem certitudinem reddere magis evidentem, quo, (quod maxime optandum) morbus hicce, inter periculosissimos jure reputandus, eadem dextertate, ac febris curari possit.

(*ccc*) Vid ejus Dissertatio inauguralis de Sphacelo ex causa interna feliciter curato, Halæ 1717.

T A N T U M.



PHI

CCI.

PHILIPPI FRIDER. GMELIN,

E T

ACHATII GAERTNER,
SPECIFICA METHODUS RECENTIOR,
CANCRUM SANANDI, CUJUS HISTORIAM,
ANALYSIMQUE CHEMICAM, ET MEDICAM
PRACTICAM EXPONIT.

Tubingæ 5 Martii 1757.

CCI

Q. D. B. V.

P R Æ F A T I O.

T Ot inter, tantaque mala, quæ miseros cruciant mortales, ac felicitati, sanitati, & vitæ insidias struunt maximas, jure meritoque primum occupat locum fonticus ille morbus, qui medicis diu canceri nomine innotuit. Hic enim omnia illa loca, quæ corripit, destruit, omnia devastat, & sic nonnunquam lentam, nonnunquam citam, & celere causatur mortem, omnibus medicorum tentaminibus, omnibus conaminibus, quibus huic debellando, & extirpando studuerunt, sæpe sapius insultat, & atrocissimis doloribus torquet miseros infectos, intolerabili fetore replet omnia, &, qui plane confirmatus est, certo certius animam e sua sede corporea exterminat. Hæc mali atrocitas, & morbi contumacia, protracta diuturnitas, & summum periculum impulerunt omniæ evi medicos, ut serio cogitarent de remedio certo, quo & ipsum domare morbum, & crudeles ejus effectus lenire, ac sedare quodammodo possent. Alii hanc, alii aliam, id ut obtinerent, selegierunt viam; alii unice in ferrum & ignem omnem salutis, & exoptati eventus spem posuerunt, alii his externis, non ubique pro ratione loci, ob metum destructionis vasorum majorum, & nervorum adjacentium, vel admittendis, vel alibi non sufficientibus, non contenti, triplex naturæ regnum omni cura perquisiverunt, quo remedia eruerent interne danda, sufficientia, præstantia, non neglectis tamen omnibus externis remediis, exsiccantibus, mundificantibus, ut sic junctis viribus debellarent hostem horrendum, & insensissimum. E vegetabilibus illa corpora, quibus narcotica vis inest, revera multum præstiterunt, sic exempli gratia cicuta, atropa, hyosciamus, papaver album, in & externe applicata, multum levaminis attulerunt (a). Atropa grj. in aqua fontana infusion, agroque, cancro jam ad summum gradum producto laboranti, quotidie propinatum, post sumptæ dicto modo sex hujus herbe drachmas, absulit plenarie seivum hoc malum, & perfecte reddidit sanitati egrum hoc obsessum. Sic etiam phytolacca folia recentia, cataplasmati forma imposita cancro, multis abhinc annis observationibus edocti laudaverunt Angli, tanquam specifica virtute plenam ejus persanationem præstantia. Nec minus e regno animali millepedum succum, & juscula saturata e carne

(a) In novellis Gattingsensibus tota hæc cura a Prof. Groeningensi Tiberio Lambergen instituta & communicata recensetur. vid. A. 1755. plenius autem e lectione inaugurali hujus medici, sistente ephemeridem persanati carcinomatis, Groeningæ 1754. apud Henr. Fechner. habet hæc methodum promtuarium Hamburgicum, cui tit. *Hamburgischer magazin*, T. XVI. P. I. *Hamburg und Leipzig* 1756, vernacula editum. pag. 511. sq.

carne viperarum singularibus aliqui extulerunt laudibus. E familia mineralium medici practici interna aque, ac externa sumserunt pharmaca, quæ inter mercurius, & ejus preparata eminent; hic etiam dulcis redditus, provide corpori ingestus, progressum canceri teste multa experientia retardavit; singularem enim corpus hoc, & quasi specificum, in sedem canceri communem, glandulam scilicet, exerit effectum. Quæ igitur ab ullo remedio speranda erit medela in hoc indomabili fere morbo, certo certius hanc præstabit argentum vivum, ex ratione, & effectu recensitis. Sunt quidem, qui plane denegant remediis specificam, & constantem efficaciam in unumquodque individuum, diversam ætatem, sexum, variam, consuetudinem, victus & vitæ rationem, idiosyncrasiam, quæ omnia mirum in modum variant, talem determinatum effectum non admittere profitentes. Nec ibo inficias, carere humanam cognitionem specificis talibus, quæ nullos ullo in casu limites metuant, ea vero, qui desiderat & expectat, humanum omne, id est, imperfectionis minutias abesse vult ab homine; non alia sperari debent specifica, quam quæ sua efficacia individualibus morbis, forsitan & partibus humani corporis vivi constantissimum, exemplisque varissimis fallentem salutarum effectum opponunt, & imprimunt. Atque sic habemus oppido nonnulla medicamenta, quorum constans effectus inuit, non plane rejicienda esse hoc sensu specifica. Sic jalappa, & reliqua purgantia semper movent alvum; opium nervis Europæorum constanter soporem inducit; Mercurius ptyalissimum excitat; rubia tinctorum ossa rubro colore tingit; Peruvianus cortex certo certius febriles motus suppressit, datura insaniam creat; forte plura talia latent ad alios morbos remedia; felices medici, si novissent! Nonne ergo hæc probare videntur, certam, immutabilem, & specificam vim remediis multis datam, & a natura concessam esse, quæ, quanquam a diversitate constitutionis ægrorum, quibus propinquantur, limitetur quodammodo, attamen semper efficacie suæ directionem eandem servat. Non autem negandum est, multa remedia pro specificis venditari, quæ talia non sunt, & contra vero est simile, dari plurima, quæ ignorantur, & futura ætati detegenda adhuc dum sunt. Placuit dissertatione hac inaugurali discutere remedium singulare contra cancerum, & ratiociniis, ac observationibus disquirere, quantum adversus hunc morbum rebellem id præstare possit, & qua ratione agat? Est compositum quidem, sed potissimum rei cardo videtur in preparato chemico mercuriali verti. Describam illud cum suis effectibus candide, tumque, ut felicius ejus analysin, & agendi modum prosequi possim, præmittam concisam canceri historiam, quæ fideliter genesin, & naturam ejus, causas & phenomena exponat. Sequetur hanc, anatome ipsius remedii specifici chemico-medica sollicita. Ex his autem omnibus inter se collatis, & mutuo sibi applicatis modestam construam epicrisin, quæ a priori etiam illustret quodammodo possibilitatem hujus effectus, cum prudens medicus non absque opprobrio credulitatis adeo facile specifica talia obtrudere sibi patiatur.

T R A C T A T I O.

§. I.

Colligam primo curate data omnia, quæ themati præsentī enodando serviunt. Atqui vero inter ea præcipua est speciei contra cancerum plena historia, quam paucos ante annos Petropoli Tubingam perscripsit B. D. D. Gmelino, Excell. Dn. Præsidis Fratri, Chemiæ & Botanic. Professori heic olim publ. ord. Dn. D. Sanchez, nunc Lutetis Parisiorum vivens, natione Lusitanus, practicus felicissimus, & observator candoris puritate celeberrimus. Verba ejus in his literis ita habent: Mitto tibi ad finem descripta remedia, quibus vidi persanatum nasi cancerum, qui jam ad ossa penetraverat, & ad jugalia usque semet extenderat. Dn. Nitch, cui ego hanc impertitus fui methodum, applicuerat eam ægro per trimestre, cujus sub finem perfecte sanatus fuit, nec metue quicquam ab ejus usu, observatis cautelis adjunctis; optimo cum successu ea sic usus fui, ego plus quam vices in lue venerea; omnis medendi methodus huc redit: *R.* Mercurii sublimati albi corrosivi grana quatuor, spiritus vini uncias quadraginta octo, m. exactissime, servantur; singulis diebus assumenda uncia una mane, alia vespere, desuper bibenda sex uncia fervidi decocti. *R.* Rad. sarsaparill. uncias quatuor, rad. altheæ unciam unam, lign. sassafr. drachmam unam, coq. sec. a. in V. quadrant. aquæ per horas duas, lento igne, clauso vase; colaturæ quatuor librarum, capiat uncias sex, post spiritum vini, & singulis bihoriis mane in lecto ad sudorem componatur corpus, tectum semper servandum in perspiratione, capite, collo, auribus bene munitis, aliter tussis, diarrhæa, capitis immanes dolores superveniunt. Cancro externe applicentur sequentia: *R.* Acet. sambuc. unciam dimidiam, aquæ rosarum, & samb. aa. libr. dim. salis ammon. drachmam dim. spiritus matric. drachm. unam, vitrioli cyprici grana quinque, m. f. fotus, pannis laneis excipendus, quater de die applicandus egelide, & per dimidiam horam servandus, post linimento inuncto, plumaceolo excepto, sc. *R.* Aceti litharg. unciam unam, sacchari Saturni scrupulum semis, succi sempervivi majoris recenter expressi unciam unam, unguenti nutriti unctam unam semis, subigantur inter se optime, fiatque linimentum; sic per tres menses ad sanationem usque hæc applicentur omnia interna & externa. Hæc sunt ipsissima cel. D. Sanchez verba, & ex iis apparere videtur, illum in mercurium sublimatum omnem felices eventus rationem posuisse, ab eoque specificam, propriamque medelam expectare.

§. I I.

Subjungam statim canceri historiam in prologo promissam: *cancer*, *carcinoma* (b) est tumor durus, solidus, a potiori glandulosus, a parvo principio lente increfcens, difficile resolubilis, sub cujus incremento doloris sensus major est, minorve, intimaque corruptio, rupturam minitans malignam, insanabilem, vel & ipsa tumoris accidit ruptura.

§. I I I.

Ergo canceri rudimentum primum est tumor durus in glandulis, ortus parvo principio; talem tumorem appellant scirrhum autores. Dividitur scirrhus in exquisitum, & non exquisitum; exquisitus dicitur: sensu & dolore carens, non exquisitus, dolorem quidem non habens, sed tamen sensum. Debemus probe discernere reliquos in corpore obvios, duos tumores a scirrho, differunt enim ab hoc actu ratione eventus, & scilicet ratione duritiei conveniunt (c). Tumores ergo scirrholdes appellandi sunt magis; locus, materiae contentae densitas, pertinax, quam omnibus remediis opponit resistentia, & facilis in cancerum degeneratio distinguunt scirrhum a multis aliis tumoribus duris.

§. I V.

Veteres latius quidem sumserunt scirrhi vocabulum, eoque omnes fere indurationes, prominentesque supra cutem excrefcencias e quacunque causa ortas, resolubiles, vel irresolubiles insigniverunt nomine. Sed hac ratione nullus esset scirrhus determinatus affectus praeternaturalis. Multae occurrunt insuper eminentiae durae, propriis etiam nominibus insignitae, quae per totam vitam innocuae manent, & licet aperiantur, canceri tamen naturam non facile induunt. Huc mea sententia referendi sunt sequentes tumores, ex gr. scrophulae, phyma, phygethlon, bubo, parotis, epinychis, furunculus, omnes verrucarum species &c. quae omnes, & singulae indurationes, experientia teste, vel resolvuntur, vel, si in abscessum migrant, facilius digeruntur, consolidantur, sananturque. Si etiam unus, vel alter ex hisce dictis tumoribus malignitatis quid alat, magis

(b) Veteres uti fuerunt vocabulo canceri, quo recentiores pro carcinomate utuntur, ut exprimerent gangranam, frequentius, carcinomatis contra vocem soli dederunt cancro, eadem significatione, quam hodie cum veteribus tribuunt carcinomati, quod probat *Heisterus* in suis *chirurgiae institutionibus* e variis *Celsi* locis.

(c) *Clar. viri Swietenii commentaria in Boerhaave aphorismos de cognoscendis & curandis morbis*, T. I. p. 844. edit. *Hildburgii*.

magis tamen remediis adhibitis obsecundant, minus serpunt, crebriusque curantur, ac scirrhus malignus, & cancrusus redditus. Tumores illi cystici, folliculosi: meliceris, atheroma, steatoma, sponte nonnunquam in abscessum desinunt, vel incisione & remotione materiae contentae feliciter sanantur; excrefcenciae autem fungosae, carnosae: ut fungus, ficus, epulis, sarcoma, sarcocoele, ratione ortus, incrementi, naturae, duritiei, symptomatum, atque eventus magis cum scirrho conveniunt, & hos tumores, ut scirrhos male tractatos in cancerum abire docuerunt (d) observata practitorum.

§. V.

Scirrhus ergo est, & manet peculiaris, atque distinctus tumor, qui sine medicatu, intempestive motus, summum malignitatis, & detestabilis corruptionis gradum, quem *cancerum* tum appellamus, induit.

§. V I.

Individuus ergo *carcinoma* est scirrhi maligni comes; sarcomata exulcerata etiam deplorabilem talem devastationem afferunt, similemque partibus inurunt necem; ambo hi tumores duri, parvum sumunt initium, ambo doloris sunt expertes, ambo recentes, nec inveterati sensum habent, ambo in augmento adjacentia vasa turgida, varicosa reddunt, haecque atro, & crasso replent sanguine; ambo medicationem respuunt, utrumque denique malum tandem in horrendam illam exulcerationem cancrusam terminatur (e); hinc color ulceris, squalor, odor, abominabilis, ipso malo fere intolerabilior in utroque casu unus & idem (f). Denique etiam ratione causarum maxime inter se conveniunt; unica, & characteristica differentia in loco affecto quaerenda erit. Sarcoma glandulam etiam obsidere potest, quanquam non semper obsideat, scirrhus autem non aliam sedem, quam in glandula eligit (g).

§. V I I.

Causae hujus mali remotae infinitae esse possunt; errores in diæta, qui

spissos,

(d) *Job. Graebii exercitatio medico-chirurgica de scirrbo & carcinomate*, cap. 5. p. 56. edit. *Amstelod.* 1741.

(e) *Idem loco cit.*

(f) *Job. Graebii loco cit.*

(g) *Hippocrates de morbis mul.* l. 2. *Celsus* l. 5. cap. 38. *Galenus de praecognoscendis ex pulsu* l. 4. it. ad *Glauc.* l. 2. cap. 4. *Vesalius chir. magn.* l. 5. cap. 17. *Frid. Hoffmanni, med. rad. syst.* T. IV. P. V. cap. 6. *Boerhaave apb. de cognoscendis & cur. morb.* p. 484.

spissos, viscidos, pituitosos gignunt humores; animi pathemata, ira, moeror, terror, vel & contusiones, nec non evacuationes, aut artificiales, aut naturales interceptæ, & omissæ, inflammatio partium prægressa; proxima causa scirrhi, & antecedens canceri est obstructio, & induratio humoris in glandula.

§. VIII.

Glandula est congeries, vel fasciculus vasorum minimorum diversæ sortis, in glomus peculiare diversimode inter se complicatorum, contortorum, implicatorum, medianteque cellulosa tunica inter se conjungtorum natus, eum in finem, ut determinatum huc advectum fluidum discernant, colligant, mutant & corrigant. Vasa in dicta glandula conspicua sunt: (1) arteriosa, (2) venosa, & lymphatica duplicis generis, unum, quod succum in cavum quoddam, alias folliculum nuncupant, exonerat, alterum, quod iterum resorbet, & denique fibrillæ nervæ ubique obviæ; hæc omnia tandem vasculosa teguntur membrana, totumque hoc corpus salutatur glandula.

§. IX.

Trifariam hæc glandulosa corpora dispescunt anatomici ut plurimum: illa, quæ receptum & secretum succum in suis folliculis ad debitum usque tempus recondunt, & denique per proprium excretorium ductum ulterius pellunt, simplices appellant glandulas, quæ autem & folliculo, & excretorio ductu carent, saltemque vasis lymphaticis, lacteisque transitum concedunt, conglobatas salutant, si denique plures simplices glandulæ collectæ, coacervatæ, atque per cellulosa inter se junctæ, utcumque laxæ, propriis suis emissariis in unum communem confluunt excretorium ductum, propriaque membrana communi cinguntur, conglomeratam nominant glandulam alii, alii simplicem compositam (b).

§. X.

Apparet ex hac glandulæ notione, nullibi magis stagnationem suboriri posse, quam in ipsa glandulosa compage, & scirrhum facile hic nasci. Mira convolutio enim, & implicatio vasorum subtilissimorum facit, ut liquida iusto crassiora, tenacia, hæc vasa non subire queant, sed ea magis oppilent.

§. XI.

(b) *Ruyfchius in resp. ad epist. Boerhaavii, de glandula. Haller in notis ad prælect. Acad. Boerhaavii in institutiones rei medicæ, Vol. II. p. 387. sq.*

§. XI.

Ex antecedentibus §§. patet, glandulam e minimis vasis diversæ sortis constari, multum ergo intererit, inquirere, ubi, & in quo vase proprie occurrat obstructio? Hæc enim consideratio in therapia magni est momenti. Si vasi adherenti hæret impacta crassa materia, spes superest, ut unda a tergo premens, atque a vi vitæ impulsæ, hanc solvat, protrudatque; si vero in secernente vase tale quid obtinet, ubi impulsus jam minor est, plus erit periculi; si in cavo, ubi deponitur secretum fluidum, similis occurrit stasis, multo minus speranda erit resolutio; si denique in interstitiis cellulosæ tunicæ, vasa glandularum inter se cingentis, suboritur talis inspissatio, vix resolutio obtinenda erit, quoniam quasi extra leges circulationis impactum positum est; deinde non solum ratione loci, sed etiam ratione materiæ diversæ, quæ in hac glandula alia, in illa iterum alia existit, stasis occurrens consideranda erit.

§. XII.

Si in tali descripta glandula transcolandum fluidum, ob crassitiem immeabile, retardatur, fluidiore parte resorpta, reliqua crassa materia immobilis hæret, auctaque per affluxum novi, itidem spissi, liquoris distendit glandulam, tandemque magis magisque indurata efformabit scirrhum, qui diu absque omni incommodo parva mole, & sine celeri augmento in uno eodemque statu permanere potest, si saltem in adherentibus vasis, præparantibusque hæreat impactum, irresolubile; si e contra in interstitiis, atque alveolis cellularis tunicæ, valde extensilis, resideat, eoque deponatur tenax, spissa materia, brevi in ingentem molem potest excrecere tumor durus; constat enim e physiologicis, hanc cellularem tunicam miram pati extensionem, atque contractionem; docent id obesi homines, a morbo prægresso macilenti redditi, brevi post superatum morbum iterum pingues evadentes; hæc ergo cellulæ in statu naturali a deposito adipe extensæ, atque dilatatæ patientur in statu præternaturali eadem, similemque admittent expansionem; probat id etiam emphysema, vel artificialis inflatio; si denique lumina vasorum resorbentium sunt obstructa, ut nec liquidior partem magis recipere valeant, celerius augēbitur distensio, crescetque tumor scirrhosus.

§. XIII.

Natus priori §. descriptus scirrhus, per multos annos innocuus, omnisque doloris expertus permanere potest; si autem incongruis medicamentis movetur, vel diætæ erroribus, animique affectibus irritatur malum,

accidentibus ataxiis evacuationum naturalium, in refractarium illum morbum, *cancrum* nempe, transire solet.

§. XI V.

Indolentia hujus tumoris dependere videtur a pressione nervorum, qua influxus fluidi nervei in has partes quodammodo imminuitur, a lenta compressione fibrarum omnium, & hinc inducta plenaria tandem anæsthesia, quamvis & raritas pauciorum, quæ glandulas a potiori adeunt, fibrillarum nervearum hic pariter aliquam pro absentia doloris symbolam conferat.

§. X V.

Impacta, condensata, incarcerationata massa, quiescens, expers hæcenus acrimoniæ, nulla creans incommoda, saltimque parti, cui inhaeret, functionem suffurans, vicina non turbans, & hæc ratione miis, atque blanda, a causâ quacunque, vel externâ, vel interna mota, inflammatione orta in vicinis vasis, indolem mutat suam, indolentiam excipit dolor, magis inflatur tumor, fit lividus, fuscus, niger, adjacentia vasa inflammata tument, & varicosa redduntur, atque sic scirrhi in *cancrum* transitus peragitur, eoque præsentem, integris tamen, nec adhuc exesit involucris, *occultum* appellant *cancrum*; quando autem a materia jam acri eroduntur pelles hæcenus coercentes, ut foras effluat sanies putrida, corrodens, foetida; *apertum* dicunt *cancrum*.

§. X V I.

Dictum fuit hæcenus, *cancrum* nasci ut plurimum e scirrhi: interitum non negandum est, in aliis etiam corporis partibus præter glandulam simile oriri posse malum, & quidem absque prægresso scirrhi, imprimis autem in illis, quæ ratione functionis certam quasi cum glandulis habent analogiam, & ad quas multa vasa excurrunt lymphatica, quæ scilicet etiam secretorium munus administrant, liquoremque a sanguine jam distinctum, & ad coagulationem, ac spissitudinem aptissimum vehunt; hoc autem non obstante, sententia usque dum assumta, firmo stat talo, a potiori enim fit denominatio.

§. X V I I.

Cancer apertus redditus omnia devastat, corrodit, campum ulcerosum inæqualem, alibi madente superficie, alibi retorridis, callosis, asperis labiis, ubique valde anomalum aperit, intolerabilem spargit odorem, cada-

cadaverosum, vix tolerandum, miserrime cruciat ægros, vasa majora adjacentia exedit, perpetuo ulterius serpit, rodendo, dilacerando obvia vasa majora, hæmorrhagias causatur lethales, diesque noctesque torquet miseros, ichor exudans linamenta illico destruit, intolerabilis odor famulantes inficit, ut contagiosi quid alere videatur (i); tandem accedentibus aliis symptomatibus, sc. vigiliis, pavoribus, anxietatibus, lipothymiis, spasimis vehementibus, motibus convulsivis, tremoribus, mentis alienationibus, & quæ sunt rel. mortem, tanquam ultimum solamen patiuntur ægri, afflictissimamque expirant animam.

§. X V I I I.

Descriptus ergo hæcenus horrendus morbus est ille, cui medendi specifica methodus in præsentem dissertationem proponenda, & examinanda resistere perhibetur, & quæ methodus diversis vicibus applicata a clar. de Sanchez virus actu extraxit omne optimo cum successu.

§. X I X.

Causam inquirentes medici proximam, repentinæ mutationis, materiæ antea blandæ apparenter, quietæ, stagnantis, in indolem tam acrem, rodentem, putridam, foetidam, in diversas descenderunt sententias. Alii acidam, corrosivam admiserunt catastrophem (k); alii alcaliscentem causticam declaraverunt materiam (l). Alii putredinosum una cum rodente acido statuerunt principium (m).

§. X X.

(i) Hildanus cent. 2. observ. 78. it. Tulpus l. 4. c. 8.

(k) Ettmüllerus oper. medic. Tom. II. P. II. p. 1239. de causâ canceri agens, sic ait: „Causa proxima canceri communiter statuitur humor melancholicus, adustus, seu, ut alio nomine venit, atra bilis, i. e. si intelligibili sensu explicetur, acidum volatile, insigniter corrosivum, de natura quasi arsenicali; & seq. §. hoc ipsum acidum est occultum in cancro incipiente, crescente, & nondum exulcerato, manifestum autem est in cancro exulcerato. Berchehnann abhandlung vom Krebs p. 28. Es ist also der Krebs ein in denen glandeln, oder andern lymphatischen gefässen von einer sauer, und corrosivisch gewordenen lymphä herrührender, entweder verborgener, oder offener um sich freissender geschwür.“

(l) Heurmann in den abhandlungen chirurgischer operationen cap. 20. vom Krebs p. 299. §. 477. „nach innen in der harten geschwulst zeigt sich gemeiniglich eine alkalische, schwarze materie, die zuletzt um sich frisst, die haut durchbohret, und den verborgenen Krebs in einen offenen verwandelt.“

(m) Stahlus theor. med. p. 1315. artio. de cancro sic scribit: „corruptio ista ratione consistentiæ suæ est, ut optime monent veteres, neque simpliciter corrosiva, nec etiam simpliciter putredinosa, sed de utroque participans, nequaquam autem neque purulenta, nec etiam lenius, & simplicius ulcerosa, sed omnino valde acris, manifestius acido salina, ut instrumenta metallica corrodat.“

§. XX.

Multum interest, ut perspecte videamus, quid proprie in materia illa corrodeute sit accusandum, hac enim cognitione destituti frustra applicabimus remedia, nisi forsitan unum, vel alterum oblatum magis casu, quam ex prævisso eventu proficiat, suumque præstet effectum.

§. XXI.

Mea opinione, salvis quidem aliorum judiciis, alcalinum principium, summe acre, causticum, stupendæ atque horrendæ putredinosæ corruptionis effectus est in scirrho maligno; probabo hanc meam sententiam, auxiliante chemia, sequentibus argumentis, quantum quidem licet ab analogia experimentorum, quæ fiunt extra corpus humanum vivum, concludere ad mutationes inra corpus hoc accidentes.

§. XXII.

Primo ars nulla hæcenus ullo experimento, & in solidis, & in fluidis partibus corporis humani vi vitæ, atque vasorum in humanam naturam converfis, atque assimilatis acidi tam manifesti detexit præsentiam; neque ipsa id persuadere nobis videntur experimenta cel. *Homberg*, quæ allegat in actis Parisinis (n), cum in sanguine variorum animalium, & solo victu vegetabili, & solo animali, & mixto pastorum destillatione acidi passim vestigia invenit; fatetur enim *Hombergius* ipse ad finem destillationis demum fortissimo igne liquorem obtineri rubrum, qui & acidi & alcali notas præ se ferat; scribit, quod e sedecim libris cruoris destillati, non nisi duas uncias liquoris acidi aciditate aceti destillati obtinuerit; post rectificationem productorum primorum super capite mortuo ipsius sanguinis institutam; quis autem nescit, esse insignem admodum vim ignis violenti, mutantem, separantem, destruentem, sæpe quoque nova resolvendo producentem; quis nescit, non mutatum in sanguine, ut humano, ita & brutorum sal manere immixtum marinum, vel culinare, cujus concentratum acidum, inflammabili unitum, ex ultimo urinae destillatæ liquamine præcipuam constituit phosphori materiam? Quis ergo non suspicetur acidum hoc *Hombergianum*, ultima Vulcani tortura prolectum, hoc ipsum esse salis marini acidum, dilutum adhuc magis, ac est in phosphoro? Optassem etiam, ut indicasset *Hombergius*, quo a pastu tempore homini, brutisque subtractus fuerit ille sanguis, quem

(n) Vid. *Histoire de l'Académie Royale des Sciences*, A. 1712, edit. Amstel. 1715, pag. 58. sq. & pag. 9. sq. p. 352. sq.

quem destillavit; nisi enim inediam per biduum triduumve pro rato passum fuerit ante subtractionem animal, semper erit suspectus, quod non satis assimilata adhuc habeat aliquam ex ingestis materiam; quid, quod nemo acidus adeo, & austerus esse possit acidi animalis *Patronus*, ut salvis etiam experimentis his *Hombergianis*, & quibuscunque deducendis inde corollariis largiri mihi non debeat, longe superius prædominium esse materiæ alcalinæ in sanguine, humoribusque nostris putrescentibus, vel destillatis, si addamus etiam, butyrum, adipem, sebum, destillatione semper in manifestum resolvit phlegma acidulum, & oleum (o).

§. XXIII.

Acidum ex ingestis præcipue farinaceis, vegetabilibus, in primis viis ortum, cumque chymo remixtum nondum pertinet ad humanam naturam, & partim chymo dilutum, diversimode mutatur, atque infringitur, partim cum fecibus alvinis e corpore eliminatur; id etiam, quod forsitan resorbentia vasa intrat, tantæ aciditatis non est, ut tam ingentes possit creare noxas, quales in cancro aperto observamus. Vegetabile enim est acidum, non minerale, mitiorem etiam indolem acidi hujus e vegetabilibus ingestis orti probat facilis resorptio per vasa lactea; si enim nimis acre foret, constringerentur hoc lumina vasorum lacteorum, sic, ut non admittere magis possent. Denique in officinis primæ digestionis affusione diversorum liquidorum quam maxime diluitur, & tandem cum chylo sanguini admixtum, cordis, pulmonum atque vasorum efficaciam, & actionem passum, deletur in sanis corporibus, sic, ut in illis partibus jamjam assimilatis inquilinis, ne minimum vestigium ulla arte chemica detegi possit; quando etiam in corporibus laxis, debilibus ob defectum roboris non bene subiguntur, & mutantur ingesta in nostram naturam, & acidum adhucdum cum crudis non mutatis humoribus vasa pererrat, multa inde provenire possunt mala, in ipso torrente sanguinis non solum, sed etiam in solidis partibus, ut taceam ea incommoda, quæ jam in primis viis a nimia quantitate talis acidi vegetabilis gignuntur, sc. ructus acidi, ardores ventriculi, iliaci dolores, flatus, tormina &c.; at plane aliter se habet hoc acidum in illo statu putredinis, quæ in cancro considerata est; docent nos chemica pericula ex omnibus vegetabilibus, etiam acidissimis per fermentationem educi arduos spiritus, hac autem nimis diu protracta digestionem putridum nasci foetorem stercorem, tandemque omnia abire in corruptionem foetidam, putredinosam, alcaliscentem, deleta omni acido, & spirituoso, e qua denique massa putrida, & fracida, igne sicco verus sal alcalinus, at volatilis elicitur; si quis hoc

Disput. Medico-Pract. Tom. VI.

I i

phæ-

(o) *Macquer elem. de chem. practiq. T. II. à Paris 1751. pag. 436. sq. & p. 437.*

phænomenon rite perpendit, illico videbit, quid, & quantum acidum in summo illo corruptionis cancroræ gradu efficiat, facileque intelliget, in perfecta tali putredine, qualis etiam in cancro adest, hoc acidum plane destructum, ab ejus ergo effectu nil metuendum esse.

§. XXIV.

Secundo. Argumentum e facili lactis animalis inclinatione ad acescentiam sumtum, quo probare conantur, non solum acidi præsentiam in nostris humoribus, sed etiam ab eodem acido frequentiores in mammis obortos cancos, non multum valet. Lac enim est fluidum, nondum plane in humanam naturam conversum, & assimilantes, atque mutant illas vires aliquoties circulando per vasa nondum passum est (p). Chylus, dum venæ sinistræ subclaviæ infunditur, mox una cum sanguine a vena cava superiori receptus, dextroque cordis ventriculo infusus, per arteriam pulmonalem pulmonibus advectus, ibique agitur, revehitur per pulmonalem venam ad sinistram cordis ventriculum, ab hoc iterum in aortam projectus, certa quantitas a subclaviis arteriis recipitur, & per mammarias, ab his originem ducentes, mammis ad lac educendum educitur; breve ergo hoc iter, & unus saltem per cor & pulmones transitus nondum ad immutandum sufficit chylum, quamvis contendere nolim, omnem lactis materiam brevissimam hanc emetiri viam, sed & paucam assimilationem, & nativam indolem ingestorum remanentem demonstrat odor & sapor, quem e multis retinet lac separatim. Ad ipsam autem acescentiam, quod attinet, certus ad hanc inducendam requiritur caloris gradus, qui auctus adhuc lac etiam in putredinem, ab alcalescente non parum abludentem, teste foetore, præcipitat; evidenter ex his apparet, lactis degenerationem intra mammis in acescentiam multa producere mala, sed canceri causam proximam, quæ in summa putredine, qua vegetabiles & animales partes in alcalescentem naturam mutantur, consistit, non posse constituere.

§. XXV.

(p) *Bohnus circuli anat. phys. progymn.* 12. p. m. 174. „Lac nil nisi chylus, aut lymphæ crudior est, cum sanguine mammis adductus, ab illo intra harum glandulas secretus, in earum alveos lactiferos depositus. *Stablii theoria* pag. 364. Hæc ipsa vero media adhuc ejus indoles præbet proprie præcipuum argumentum, quod lac revera nihil aliud sit, nisi chylus, substantia nempe adhuc quadantenus crudior, & a crassi animalis remotior, nempe propinquior adhuc illi, unde proc. sit. *Hoffmanni syst. med. rat.* T. I. p. 251. lac est chylus, non vero sanguinis immutatus. *Notæ Halleri in præleci. acad. Herm. Boerhaavii in institutiones rei med.* Vol. II. pag. 222. chylus non transmutatur subito, atque una circumductione per pulmonem. *Lowerus* chylum in animalibus quatuor vel quinque horis a pastu innatantem reperit, lacti, & chylo receptaculi, simillimum. cap. 5. pag. 237. deinde in homine ex vena secunda post pastum effluxisse lac, idem observat.

§. XXV.

Tertio. Denique facta cum sanguine, & fero chemica experimenta nullum, uti antea jam dictum, in his manifestant acidum. Si fero a rubra sanguinis parte liberato affunditur sal alcali, nulla sequitur ebullitio, quæ quidem neque acidum affusum comitatur, unde in neutram partem experimenta hæc decidere aliquid videntur; quando autem idem serum calore fovetur, tunc ex inodoro, insipido mutatur in foetidam, acrem, frigidam indolem, alcalescit, intolerabilem spirat odorem, cum acidis effervesceat, & destillatione dat sal alcalinum volatile; cum albumine ovi, liquido animali perfectissimo, prorsus elaborato, eundem obtinemus effectum, & urina putrefacta similia offert producta. Si autem hisce animalibus dictis partibus spiritus vini alcoholisatus affunditur, densantur, coeunt, & ab omni putredine immunes per innumeros annos conservantur. Sic etiam reliquæ animalium partes, nec destillando, nec putrefcendo suppeditant acidum præter illud, quod est de sale marino, exceptis obscuris acidi vestigiis in pinguedine, manifestisque in lacte non putrescente, largiuntur contra plurimæ, resolutæ fat magnam alcali volatilis quantitatem.

§. XXVI.

Quarto. Acida, nisi sint fortiora, mineralia, carnes magis conservant, quam destruant, & fortissima etiam, etsi carnosas corrodant partes, omnem tamen ab his arcent putredinem, ut recentissime repetitis experimentis didici. Si frustum carnis recentis oleo vitrioli rectificatissimo immergitur, intra viginti quatuor horas tota massa in unum liquidum homogeneous sanguinei coloris migrat, & fornacis etiam calori exposita non mutatur ulterius, nec ullus putredinis percipitur sensus. Spiritus nitri fumans simili modo solvit carnem, sed colorem carni proprium plane mutat; a putredine autem insimul præservat. Solutio hæc ultima diaphana, atque pellucida est. Quem denique fugit mos, sale culinari animalium carnes, peregre longe lateque mittendas, condiendi conservationis gratia? nonne solutio etiam aluminis infecta, & integræ animalia per multos annos a corruptione vindicat?

§. XXVII.

Inter se his collatis experimentis prono fuit alveo, acidum corruptio- nis putredinosæ animalium partium nec causam proximam, nec effectum esse, illos ergo quam maxime falli, qui statuunt, putredinem cancroræ ab hoc acido gigni. Neque pro eo quicquam probat corrosivus effectus, quem instrumentis exploratoriis metallicis ichor ex ulcere cancroræ

emanans affricat, quod argumentum *Stablius* urget: quis enim nescit, ferrum præsertim, & cuprum ab omni humore, quem vix impurum cognoveris, arrodi tantisper? quis nescit, solis etiam alcalibus volatilibus singularem esse, propriamque in plures materias metallicas, maxime cuprum, efficaciam, ut ex ære speciosissime coeruleam extrahant tincturam; quo experimento tincturæ vere spurix argenti nituntur (q); quem fugit sublimatio ferri ope salis ammoniaci, quæ non fit absque solutione, quamvis in ea non satis tuti simus ab omni suspitione immixti acidi, quod quidem terræ, partibusque oleosis arctissime unitum ipsum componit alcali volatile (r); quidni ergo varius ille glutinosus, corruptusque humor exulceratione cancræ natus acerrimo alcali volatili foetus eadem præstare posset?

§. XXVIII.

Jam vero propius videam, quid in partes animales alcalia valeant volatilia æque ac fixa? Si carnis frustum recens oleo tartari per deliquium humectatur, atque calori exponitur, mutat suave rubentem colorem in luridum, & brevi putrescit cum foetore: sed aperte fateor, alcali volatile similem effectum non præstare, hoc enim affusum non solum carnis colorem rubrum naturalem conservat, sed putredinem etiam diu arceat, unde mea hæcenus assumpta thesis, quæ alcali in putredinosa corruptione cancri rosionis malignæ causam agere primariam affirmabat, corrui videtur. Cum vero examen chemicum abscissarum cancræ partium alcalici salis volatilis præsentiam satis superque comprobet (s), & insuper etiam *Clar. Boerhaave* hujus effectum causticum in sanas partes extra omnem

(q) *Macquer elem. de chem. theor. à Paris 1753. p. 235.*

(r) *Macquer ibidem, pag. 210.*

(s) *Memoires de l'Academie Royale de chirurgie, Tom. I. part. 3. pag. 177. à Paris.* Dans le memoire sur une tumeur chancreuse à la mammelle, par *M. Faget. Clar.* Auctor resectam cancræ mammam in partes divisit, unam harum partium magis ulcerosam in aqua excoxit, ut videret postea, quales, & cujus indolis extraherentur succi sub coctione per quatuor fere horas, adhibito fortiori igne durante, spumam densam, quam a lymphæ, vel succo albumini ovorum simili derivat, in superficie observavit, & inde conclusit: vitiatam lympham in hoc tumore cancræ extitisse causam. De chemica disquisitione remanentis a coctione jusculi in ipsa auctoris verba! p. 314. „Je fis le lendemain différentes épreuves sur le bouillon, il ne laissa aucun vestige d'acidité sur le cuivre, ni sur le papier bleu; au contraire, étant mêlé avec le syrop de violette, il parut contenir un sel, qui tendoit déjà beaucoup à l'alcalisation; en effet, le syrop prit une couleur verte fort sensible, quoique le bouillon n'eût encore contracté aucune mauvaise odeur, qui fit soupçonner quelque commencement de pourriture; le suc de la tumeur exprimée apporta le même changement à la couleur du syrop, & ne fit aucune impression sur le papier bleu; & p. 316, le suc exprimé étoit un peu épais, je tâchai par différens mélan-

omnem dubitationis aleam posuerit (t), plane non dimittam thesim, & a sententia discedam, hoc enim absolute verum est, acidum non adesse, alcali autem posse demonstrari; forsitan etiam adhucdum aliud in summo putrefactionis cancræ statu per factam partium resolutionem produci potest principium, quod sal volatile mixtum magis tunc putredinem auget, & promovet, & sic applicationem experimenti, quo probari videtur, animalium carnes affusione soluti salis volatilis alcalici puri, & ab inquinamento reliquarum omnium, inprimis oleosarum partium crassiorum liberi, non tam sponte in corruptionem tendere, limitat? Et ipsa profecto singularis natura humoris in plurimis depositi, & elaborati glandulis, glutinosa, saponacea, unguinosa, quæ facit, ut recentes multæ glandulæ animales ipsis quibusdam brutis vulgato experimento nauseam, & vomitus creent, persuadet nobis, putrefactionem hanc aliunde quoque augeri, & materiam ex hac putrefactione natam singularis esse debere indolis mixtæ, etsi, quantum chemice determinare licet, atque ad cognitæ acrimonias reducere illam, quæ hic eminet, continuo adhuc insistant prædominio alcalinæ volatilis.

§. XXIX.

Denique ad concipiendam putredinem facilis, nec impeditus accessus aëris absolute requiritur, in vacuo enim nulla corruptio, nulla putredo locum habet; liquet ex his, cur materia scirrhoso tumori inclusa tam diu absque omni noxa inhærere possit, & cur tandem tam ab intus irritata, quam etiam tergoribus ruptis ab admisso aëre mota, cito in summam ruat malignitatem.

§. XXX.

„mélanges de découvrir quelque substance, qui pût le dissoudre, j'essai sur tous les agens, qui me parurent les plus actifs & les plus puissans. *Mr. de la Cassaigne* apothicaire du Roi, qui me les fournit, désira être présent à nos expériences; elles nous firent assez appercevoir, que cette humeur reconnoît peu de dissolvans; car l'huile de tartre par défaillance la coagula sur le champ, l'esprit de vitriol y excita une effervescence, & l'épaissit ensuite, le vinaigre distillé l'a fit aussi fermenter légèrement, & la coagula un peu &c.

(t) *Clar. Boerhaave in P. II. Chem. Elem. p. 321.* de sale volatili agens: „Sal, ille inquit, actus calore corporis humani sani, ocyllime inflammat, exurit, in gangrenosam escharam convertit, hinc penitus destruit omnem partem corporis humani, cui ita apponitur, ut motus ejus calore dicto natus cogatur retundi in illam partem, cui applicatur. Si enim scrupulum puri salis cornu cervi volatilis cuti externæ imposuerit quis, moxque tenax superposuerit de pice emplastrum, intra semiquadrantem horæ atrum carbunculum excitatum mirabitur, haud aliter, quam si ferri igniti applicato pars fuisset exusta. Quin color, dolor, calor, crassitudo cutis semper eodem modo obtinent, humores vero resolvit in saniosam tenuitatem.

§. XXX.

Cancrum medicamentis curaturus ex dictis attendat, necesse est, lymphaticum ut plurimum, glutinosum succum in glandulosa compage, vel vasis lymphaticis, vel horum cellulosa tunica hæere condensatum, spissum, quem vis vitæ, actio vasorum, & impulsus humorum ægre possunt legibus circulationis iterum subicere, quare neque scirrhi benigna sperari unquam suppuratio, prout etiam rupto carcere, tam ob summam corrupti, & copiosi humoris malignitatem, quam etiam ob profundam solidorum labem, bonæ notæ pus generari non potest. Hinc ergo cogitet, excitatos, evigilantes, auctos e quacunque causa, & ad hanc obstructam, semimortuam partem invitatos, determinatos, ruentesque vitales impetus inducere sensim, & sensim impactæ massæ talem intestinum motum, quem omnem putrefactionem antecedere observamus, tandemque facere, ut omnia putrescant, atque alcalescant, vicinaque sana fluida & solida circumjacentia ab hoc singulari putrido alcalescente erodantur, atque corrumpantur, propria quidem corruptione, mixtaque alcalescentia, cujus virtus facile contiguis sanis partibus, & solidis, & fluidis affricatur, miscetur, permanensque damnum impertitur, & infundit, ut paucum fermentum materiam oppido multam, in fermentationem, sponte ad minimum ægerrime lapsuram, fatis cito ad eam disponit.

§. XXXI.

Tradita hactenus *Canceri*, hujusque causarum, & effectuum historia ad examen *mercurii sublimati* transeo chemicum, cum indicata medendi methodus, opposita Cancro, hoc in veneno potiore salutis, & sanationis cardinem ponere videatur; expenam producti hujus chemici constitutivas partes, & indicabo insimul, quo modo hoc compositum salino-mercuriale, arsenico inquinatum, & adulteratum, optime sit examinandum, atque explorandum, sic, ut certi simus, id ab omni arsenicali contagio liberum, tuto atque secure in usus medicos adhiberi posse. Hæc disquisitio eo magis necessaria est, quo pluris interest, nosse medicum, pro usibus præsertim internis, bonæ notæ esse mercurium sublimatum, & quo certius constat, a quæstuosis hominibus nefandi lucri causa, ut videlicet augeant pondus sine magnis sumptibus, nonnunquam arsenicum ante sublimationem secundariam, quam eo fine adornant, immisceri, & sic sublimatum mercurium ad medica pericula noxium, atque ineptum ab his divendi. Sunt quidem, qui non admittunt, arsenicum, & mercurium sublimatum in sublimatione combinari posse, ac si fraus cum hac merce admittatur, ambo in forma pulveris debere inter se misceri;

ceri; patebit autem e sequentibus, sublimatione intime conjungi mercurium sublimatum cum arsenico, non destructa crySTALLINA solida sua facie.

§. XXXII.

Mercurius sublimatus corrosivus albus genuinus ex arctissimo acidi salis communis connubio cum argento vivo solo, auxiliante sublimatione sicca emergit. Methodus, qua hanc artifices combinationem efficiunt, variat, omnis autem eo redit, ut ingrediens utrumque probe ac intime jungatur; usitato modo fit, si ex. gr. uncia duodecim mercurii vivi depurati duplo aquæ fortis solvantur, solutio in balneo sicco ad siccitatem abstrahitur, atque residuo adduntur vitrioli ad rubedinem calcinati sex uncia salis decrepitati culinaris, longa trituratione intime omnia hæc inter se mixta in vitreo vase, leni sub initium adhibito igne, sensimque aucto, denique fortissimo, sublimantur, massa internos capitelli parietes obducens alba, solida, crySTALLINA formam referens ipsum mercurium sublimatum constituit album. Rationes processus nituntur sequentibus: spiritus nitri saltim ad dividendum mercurium melioribus mixtionis cum reliquis ingredientibus causa additur, & maxima pars hujus abstrahendo aufertur; residuum, mercurium in minores particulas divisum continens, si cum vitriolo calcinato, & sale culinari decrepitato miscetur, & actione ignis totum mixtum movetur, tunc acida diversa hæc contenta liberantur, & certa quasi sympatia, & singulari magnetismo junguntur aliis materiis, nova ineunt conjugia, & mutua. Vitriolicum acidum deserit sponte suam metallicam terram, arripitque mox, dum volatile aquæ fortis acidum fugam capit, alcalinam salis communis basin, cujus acidum, ab acido vitriolico sic expulsum e sua combinatione cum alcalina terra, nubet mercurio, tandemque fortiori accedente igne salis communis acidum hic subtilissimum, purissimum, concentratissimum in sublimato una cum mercurio, intime sibi juncto fertur; manet adeoque in capite mortuo, & metallica vitrioli terra cum suo acido, & alcalina salis communis basis, utramque materiam nunc vitriolicum acidum detinet, acidum enim salis id singulare habet, ut metallis albis, licet ponderosissimis certam quasi addat sub connubio volatilitatem, sic, ut hæc corpora cito ab igne sursum pellantur, teste cornua luna, intimeque etiam cum dictis albis metallis se conjungit, in sicca, vel vaporosa forma; in fluida autem ea certe non solvit. Sic enim salis spiritus argentum vivum etiam accedente coctione non mutat, cui contra, uti processus præfens docet, in sicca forma immiscetur exacte, & intime. Denique ascensus etiam ex ipsa hydrargyri volatilitate, quam additum salis culinaris acidum magis auct, quam minuit, facile potest concipi; reliqua ergo acida, vitriolicum nempe, & nitrosum saltim divisionis, liberationis, atque separationis gratia addita esse, probat illud experimentum, quo constat, mercurium nasci sublimatum corrosivum, simpli-

simplici miscela acidi salis, & argenti vivi absque vitriolico, & nitroso; hac methodo haecenus recensita in Batavia integri centenarii, aut in diversis vasis, præparantur sublimati mercurii; alii nitrum addunt in substantia, alii ordinariam methodum secuti, ejus spiritu solvunt argentum vivum; alii plane id excludunt, tamquam rem superfluum; præter hunc traditum modum diversi adhuc sunt alii, quibus mercurius sublimatus impetratur, placet curiositatis gratia quosdam hic apponere: si solutioni argenti vivi, aqua forti factæ adduntur quatuor salis culinaris decrepitati partes, mixtura retortæ includitur, sex horarum spatio post abstractum nitri spiritum sublimatur mercurius corrosivus albus; itidem mercurius currens in aqua forti solutus, sale communi præcipitatus, & sublimatus præbebit mercurium corrosivum sublimatum. Si denique secundum Boulduc, Gallum, una pars Turpethi mineralis cum tribus salis marini miscetur, & sublimatio instituitur, obtinetur idem mercurius sublimatus albus; sic semper nascetur, ubi salis acidum cum argento vivo sicca forma exacte combinatur.

§. XXXIII.

Productum hoc salino-mercuriale per se, nec immutatum, animalium corporibus si applicatur, exedit & destruit horum partes illico, interne sumtum ad paucissima grana, non satis dilutum, nec aliis cicuratum præsentaneum est venenum; si e contra nova quantitate addita mercurii vivi, reiterata sublimatione, salis acidum agilissimum magis infringitur, & mitigatur, emergit pharmacum egregium laxans, tutum, interne dandum, quod in morbis a vitiata lymphâ ortis, rebellibus, vix sibi simile habet, vel si ad methodum Exc. Boerhaave, quæ non multum abludit a proposita, tractatur, mira, teste summo viro, in multis insanabilibus aliis morbis efficit interne datum. (s) Quando sublimationes sæpius repetuntur, omnis effectus laxans deletur, & saltem diaphoresin producendo agit sub nomine panaceæ mercurialis; acidum autem salis, quanquam intime in sublimato resolutum habeat mercurium vivum, attamen antimonio addito hunc iterum deferit, uti ex. gr. accidit, si cum antimonii minera sublimatur mercurius corrosivus albus, ubi dimisso mercurio salis acidum regulinam antimonii partem aggreditur, cumque eo constituit notum antimonii butyrum; hoc experimentum, aliudque, quo arsenicum a salis spiritu apparenter solvi videtur, ansum præbuerunt, ut negarent aliqui, mercurium corrosivum sublimatum arsenico adulterari posse

(s) Boerhaave Chem. P. II. pag. 426. „granum unum (sc. mercurii sublimati) 3, aquæ uncia dilutum dat remedium cosmeticum prudenter usurpantibus. Venenum „omnium insectorum cutaneorum simplici lotura. Si drachma talis mixturæ syrupo „violaceo mitificata, potatur bis, terve in die, mira præstat in multis morbis incurabilibus.

posse, quoniam ob aliquam antimonii cum arsenico affinitatem concludebant magis, quam experimento discebant, mercurium sublimatum cum arsenico mixtum non in sicca crystallina forma, sed butyri antimonii ad instar ascendere, atque mercurium reviviscere. Experimentissimus alias chemicus Neumann id ipse asseruit, (t) cum aliis. Interim certo certius est, optime succedere hanc adulterationem, & mercurium corrosivum, & arsenicum intime sublimando conjungi; experimenta hunc in finem noviter a me suscepta veritatem rei probantia consentiunt cum illis, quæ Clar. Pott, princeps atque exercitissimus nostri ævi chemicus instituit. (u) Apponam mea pericula eo magis, quo plus damni tali arsenicali labe infectus mercurius adferre potest in medicina; adjungam intinsum modum, quo fucatus talis mercurius sublimatus a genuino discernitur optime.

§. XXXIV.

Si uncia una arsenici albi crystallini, & pulverisati cum una uncia mercurii

(t) Casp. Neumann Chemia medico-dogmatica experim. T. I. P. II. pag. 188, §. 15. „übrigens haben sich verschiedne sehr vergangen, daß sie schreiben, es würde der mercurius sublimatus corrosivus mit arsenico verfälscht, und hätte man sich dafür sehr „in acht zu nehmen; ja es geben einige wohl gar Kunststücke an die Hand, wie „man prohiiren, und erfahren könne, ob er mit arsenico versetzt, verfälscht oder „nicht? welcher gewiß lächerlich ist, massen ich denjenigen vor einen rechten Künstler ansehen wolte, welcher dergleichen ins Werck setzen sollte, oder welcher geschickt „wäre, arsenicum mit mercurio sublimato, sublimando zu vereinigen, oder in der „crystallinisch aussehenden Sublimat zugleich mit darein zu bringen, so, daß diese „Herrn den Betrug nicht recht müssen untersucht, oder vorher nicht selbst probiret „haben, ob es einmal möglich seye, arsenicum mit mercurio sublimato zugleich sublimiren, oder zu verfälschen. Ein anderes wäre es, wenn man diese beyde Dinge „in Gestalt eines Pulvers miteinander meliren wolte; hat man aber ganzen, crystal- „linischen, stückichten mercurium sublimatum, so darf man sich gewißlich niemals „besorgen, daß arsenicum darunter seye.

(u) Clar. Job. Henr. Pott Observ. & animadv. Chem. præcipue circa sal commune &c. pag. 75. ubi ait: „Si rationes ejus, sc. arsenici cum mercurio sublimato perquirimus equidem jam Glafer in hodego chem. asserit, mercurium sublimatum cum „aa. arsenici mixtum, & destillatum formare liquorem gummosum, & mercurium „revivificari; & D. Sperling in dissert. de arsenico asseverat, arsenicum cum duobus partibus mercurii sublimati mixtum, destillatumque suppeditare butyrum, & spiritum „fumantem, qui martem radicaliter solvere, & tincturis ingressum præbere perhibetur. Sic & collectanea de bismutho perhibent, mixturam hanc sola digestionem se- „parari: ex hoc fundamento quoque negatum haecenus fuit, mercurium sublimatum cum arsenico adulterari posse, &c. verum, cum ego duas partes sublimati „cum una parte arsenici miscui, & destillationi subjeci, nil in forma soluta, seu li- „quoris prodit, sed sublimatum pulverulentum ascendit, quod insequantur funi „cum tota mixtura; pauca demum pars sub forma crystallorum ascendit, & per- „parum pulveris levis albi restitit in fundo, adeoque hæc omnia sicca sublimantur „forma. rel.

rii sublimati albi corrosivi trituratione in mortario serpentino optime miscetur, mixtum siccum album vitro sublimatorio traditur, atque in arena levi in initio, tandemque fortiori applicato igne suscipitur sublimatio, tota massa sicca forma, & absque omni vestigio cujusdam materiae butyraceae superiora petit; fracto vitro in parietibus internis superioribus apparet mercurius una cum arsenico in sublimae latus albus, ad oras parum friabilis, in medio autem massae sublimatae solidus, densus, crystallinam formam exhibens, ponderosus, in fundo vitri parum pulveris levis, grysei coloris remansit.

§. XXXV.

Quando arsenici albi crystallisati dimidia uncia cum uncia integra mercurii sublimati mixtura combinatur, & sublimatio instituitur, itidem ascendunt invicem, constituunt solidum, album, ponderosum sublimatum, cujus margines ambit magis pulverulenta substantia, media autem regio, ut in praecedenti processu, solidam sistit massam. In hac etiam sublimatione restitit in fundo pulvis paucus gryseus.

§. XXXVI.

Si denique arsenici albi crystallisati uncia dimidia cum sesquiuncia mercurii corrosivi sublimati albi lege artis sublimatur, idem productum album, solidum affertur.

§. XXXVII.

Tria haec experimenta satis superque probant possibilitatem adulterationis mercurii corrosivi cum arsenico; tria producta solidam constituunt massam albam, & crystallinam, pellucidam habent faciem, sic, ut solo aspectu a sublimato mercurio vero non possint distingui. Excell. Dn. Praeses, cui monstravi, testem hujus veritatis fide dignissimum semper aget, & insuper etiam experimenta a Clar. Pott instituta certitudinem eorum confirmant. Corruit ergo sententia eorum, qui hactenus contrarium crediderant, seducti experimentis, quibus, & oleum arsenici, & antimonii butyrum conficitur, concludentes inde, salis acidum ab arsenicali substantia, tanquam magnete amabiliore elici e consortio mercuriali, & constituere butyrum. At, si rite perpendimus omnes experimenti utriusque conditiones, & rationes, facile intellectu erit, ex utroque parum concludi posse; in praeparatione arsenici olei spiritus salis in dupla portione arsenico pulverisato additur, & de hoc etiam accedente coctione parum solvit. (v) Id autem, quod destillando

(v) Clar. Pott. cit. tract. de sali communi pag. 75. » Arsenici relationes illustratur

do alembicum transcendit in forma liquida, est materia, magis mixta intimius, quam solutio radicalis; sequitur inde, salis acidum non tam avide appetere arsenicum, ut mercuriale corpus ex hac ratione tam facile dimittat; sed si hoc etiam fit, uti videtur fieri in elaboratione antimonii cinnabaris atque butyri, intercedere debere adhuc tertium, sc. sulphureum corpus, cujus ope acidum salis, tanquam per amabiliorem hydrargyri magnetem expellitur, & postea cum substantia regulina antimonii conjunctum butyrum praebet, primum in sublimatione ascendens, quod deinde vehementiori igne cinnabaris ipsa sequitur. Sine hac ergo encheireli, qua phlogiston additur majori copia, connubium salis acidi cum mercurio additione arsenici non solvi posset, sed, si sublimantur invicem, arsenicum sic se misceret, atque insinuaretur mercurio sublimato, ut unam constituerent massam, aegre discernendam a puro mercurio sublimato, isque hinc maculam hanc arsenicalem retineret, & alia corpora, cum quibus miscetur, itidem inficeret, atque conspurcasset, & sic praeparata, quae talis adulteratus mercurius ingreditur, ad medicum usum damnosa, atque periculosa evaderent.

§. XXXVIII.

Demonstrabo noxae hujus extensionem novo experimento: quando uncia dimidia mercurii sublimati corrosivi, arsenico adulterati cum uncia dimidia mercurii vivi currentis puri in mortario lapideo teritur tam diu, ut omnes globuli mercuriales evanescant, pulvis fit gryseus, similis illi, quem videmus, dum genuinus sublimatus mercurius cum vivo argento ad praeparandum dulce mercurium subigitur. Si massa haec grysea sublimatur, ascendit mercurius corrosivus, mere insipidus, dulcis redditus, at adhuc dum ob nimium additum vivum argentum, cujus globuli epistomio chartaceo sese affigunt, parum lividus atque luridus, quem colorem reiterata sublimatio demit; hic mercurius dulcis sat solidus est, spicula offert pellucida, alba, densa, sed nimium ne credas colori, hic imprimis necesse est; latet enim anguis sub herba, facatus est arsenico, quod in suo sinu intjme fovet dulce venenum.

§. XXXIX.

Denique, si ejusdem mercurii sublimati corrosivi albi arsenico contaminati uncia una cum dimidia uncia antimonii mineræ miscetur optime, tunc sublimatione prodit primo butyracea massa, quae actu arsenicales & regulinas antimonii in salis acido solutas in se continet partes, e consortio mercurii liberatas; aucto igne elevatur antimonii cinnabaris, quam pars

K k 2

ful-

»turi advertimus subjectum hoc coquendo in spiritu salis lente resolvi, pulvis levior sub coctione supernatat, interim pleraque pars ex soluto crystallizando rursus coit. rel.

fulphurea inflammabilis antimonii cum deserto ab acido salis mercurio juncta format; hæc cinnabaris ab adhærentibus quisquiliis probe purgata, novaque sublimatione exaltata meo judicio est pura, & ab omni labe arsenicali libera, nisi in tanta adsit quantitate superflua arsenicum, ut præsens copia salis acidi non sufficiat, omni arsenico convertendo in butyrum, sed in actam, nec subactam hujus relinquit portionem, quæ deinde omnino ab igne sursum pulsa sublimatam inficiet cinnabarim; semper enim in novis, atque novatis formis, chemica arte producendis, certæ atque determinatæ relationes, quoad quantitatem, qualitatem, & pondera corporum requiruntur; si enim vel in excessu, vel in defectu erratur, nunquam id productum desideratum, & expectatum emerget; in hoc autem processu mercurius sublimatus cum dimidia parte arsenici maculatus adhibitus fuit, magna ergo superest suspicio, ut inde nata cinnabaris etiam arsenici quid contineat; si autem ille corrosivus mercurius, qui saltem tertiam, vel quartam junctam habet arsenici partem, sumitur, non dubito, quin inde orta cinnabaris eveniat pura, sincera atque incorrupta, usibusque medicis apta. Cum butyro e contra, quod in hac operatione provenit, aliter sese habet res: id enim, & inde præparatum vitæ mercurium, & ex hoc confectum minerale bezoardicum, ob contentas veri arsenici particulas, non sic, uti regulinæ antimonii, mutandas partes reddet suspectum; nisi speres, in bezoardico minerali ipsam detonationis cum nitro vim fugare omne arsenicum, & expellere; sin autem hoc fieret, forsitan cum aqua ex hoc butyro præcipitata massa, & detonata cum nitro, iterumque in aquam projecta rubro colore detegeret arsenici immixti præsentiam, quod vero experimentum non institui; nullus autem dubito, quin effectus respondeat conjecturæ?

§. XL.

Addo paucis modos, quibus mercurius sublimatus verus a defraudato dignoscitur: si in solutionem mercurii corrosivi albi genuini sublimati, & arsenico inquinati duobus distinctis vitris contentam aqua destillata factam infunditur oleum tartari per deliquium, turbatur illico solutio, præcipitatur pulvis fusco rubens, vel aurantius colore; quemadmodum etiam hoc accidere videmus, ab aqua calcis vivæ, quæ paucis sublimato permixta phagadænicam chirurgorum aquam constituit: ita etiam, quando siccæ mercurii sublimati & puri & arsenico mangonifati glebæ pauca olei tartari per deliquium guttæ intillantur, utrobique mox humectata nivea sublimati superficies saturate citrinam contrahit maculam, claro argumento: nihil prorsus experimentum probare, quo affirmant, solum genuinum sublimatum mercurium ab hoc affuso liquore salino talem induere maculam, alterum autem, id est, arsenicalem atro inde carbone notari, vel nigram concipere maculam, & obscurissimam. Eidem solutioni mer-

curii

curii sublimati genuini & spurii aqua fontana factæ, si additur vitrioli spiritus, nulla observatur mutatio, limpida manet solutio; aqua fortis infusa eundem præstat effectum, nullimode turbatur enim solutio, clara, & pellucida permanens. Salia denique volatilia genuinum exhibent lapidem lydium, qui illico prodit contentum arsenicum; salis ammoniaci enim spiritus, & cum sale tartari, & cum calce viva paratus, infususque solutioni mercurii sublimati albi genuini lacteo & niveo colore hanc præcipitat; fucatam e contra nigro tingit colore, ex hac enim id, quod præceps datur, pullo aspectu, atraque facie sese sistit. Exactam ergo exhibet distinctionem, notamque tradit perfectam, qua discernere licet adulteratum sublimatum mercurium genuinum, & verum. Ultimo tandem corruptus arsenico sublimatus mercurius corrosivus ignitis carbonibus inspersus alliaceum offert odorem, cujus præsentia testatur semper arsenicum, licet huic experimento fidem dare non semper liceat, si quidem pauca est immixti arsenici quantitas. Habemus sic methodum certam, atque veram, qua intelligimus, & discimus cognoscere, ac dijudicare, an oblatum, & ad medicos usus adhibendus sublimatus mercurius albus corrosivus venalis tuto atque secure possit admitti, ut sic omne avertatur damnum.

§. XLI.

His præmissis disquiram nunc a priori, & posteriori, quid talis mercurius albus sublimatus genuinus in cancro efficiat, & quæ ab ejus usu interno sint speranda? Auctor methodi hujus medendi cancro quatuor grana in uncias spiritus vini quadraginta octo solvere, atque singulis diebus mane, & vespere unciam unam hujus mixturæ assumere jubet, superbibat teger ex præscripto uncias sex decocti calidi, singulisque bihoriis mane in lecto ad sudorem componatur corpus ægri, tectum semper servandum in perspiratione, capite, collo, auribus bene munitis; aliter tussis, diarrhææ, capitis immanes dolores superveniunt; externe cancro applicentur epithema præscriptum, pannis laneis excipiendum, quater de die egelide, & linimentum ordinatum inungendum, post tres menses his tam externis, quam internis continuo adhibitis *Clar. de Sanchez* persanatum vidit nasi cancerum, qui jam ad ossa penetraverat, & ad jugalia usque sese extenderat.

§. XLII.

Constat e §. XXX. in affecta parte cancerosa summum adesse virus, indolis alcalicæ, rodens, devastans totam viciniam, serpens perpetuo, sanas adjacentes partes inficiens, tandemque omnia destruens; innuunt hæc, cardinem totius curæ versari circa remotionem partium, jamjam corruptarum, & defensionem sanarum, ne pariter in-

Kk 3

ficiant.

ficiantur, ulcerisque denique consolidationem. Sed hæc tria, ut obtineantur, in deplorabili statu canceri ex omnibus viribus tentarunt medici, sed summa veneni agilitas, miraue subtilitas, qua sese insinuabat sanis partibus, hasque una corrumpebat, vix ac ne vix quidem admisit effectum remedium salutarem, ut potius præsertim in initio canceri, inprimis occulti adhucdum, a viris exercitatissimis in praxi, hunc crudelem morbum magis augere, exasperare, quam minuere consueta canceri antidota observatum fuerit. Hæc experientia prisca jam monita ætas abhorruit ab omni medicatione, magis ratum habens, relinquere sibi plane scirrhum tumorem, ad cancerum jamjam vergentem (x). Quid ferrum, & ignis efficiat? Prolixius proposuit, & examinavit *Clar. Triller* (y), qui nonnullis tristissimis exemplis motus, plane damnosam declaravit extirpationem inveterati canceri, ferro factam chirurgico. Constat interim aliorum exemplis, inprimis exercitatissimi *Hildani*, *Clar. Heisteri* &c. tumorem cancrum recentem feliciter extirpatum fuisse ferro; ratio etiam præcipue suadet excissionem, qua, ictu quasi uno removetur malum, & alias inextirpabilis rivus exhauritur, atque fons damni indomabilis obturatur. Sed locus atque regio, sedesque morbi non semper hanc admittunt medelam, & si concedunt hanc, eventus non semper respondet voto, si altius, atque profundius jam egerit radices malum. Ex his colligitur facile, ferrum & ignem non semper, sed saltem sub certa conditione a loco, regione, sede atque ætate morbi desumpta præstare opem, nonnunquam etiam plane excludi, si ad locum affectum nullus datur aditus; in tali autem statu a remediis, quæ applicationem admittunt, unica expectanda erit medela. In nostro morbo talia inprimis utilia atque proficua esse, quæ omni vi putredini non solum, sed etiam summæ acrimoniæ alcalicæ resistunt, atque tam solidas, quam fluidas nostri corporis partes sic disponunt, ne facile a materia morbifica, hic præcipue lethifera, inficiantur, & quæ insuper singulari dote, & quasi specifica gaudent, qua immediate in partem morbosam agunt, satis superque elucet, deinde apparet, in- & externa adhibenda esse remedia, ut sic conjunctis viribus oppugnetur malum, & etiam injuriæ ab extus metuentæ arceantur solite; quid enim, & quantum aer ad promovendam putrefactionem valeat, satis constat, hic ergo semper & diligenter avertendus est, defendendo topicis impositis mali fontem. Nimis prolixum foret, si enarrare vellem omnia, hunc in finem a medicis adhibita pharmaca in- & externa. His ergo missis perferatob solam methodum propositam: Imo medicamentum e vini spiritu, atque mercurio sublimato corro-

(x) *Hippocrates in libro aphorism. Sect. VI. §. 38.* „quibuscunque occulti canceri sunt, eos non curare melius est, si enim curantur, citius moriuntur, si vero non curentur, multum tempus perdurant.

(y) *Dan. Wilb. Triller Dissert. medica de notion canceri inveterati extirpatione, novis exemplis demonstrata, Wittebergæ, 1752.*

corrosivo, corporibus ægrorum ingerendum ad unciam unam pro dosi, bis de die, mane & vesperi, primariam meretur attentionem, cum in hoc relidere videatur vis illa, quæ ut ad arcendam putredinem, ita & ad dirigendum motum, & actionem ad locum affectum desideratur. Mercurius sublimatus corrosivus albus genuinus, & vini spiritus constituunt hoc pharmon, ab his ergo ingredientibus salutaris effectus præcipue derivandus erit.

§. XLIII.

Spiritus vini, consentiente experientia quotidiana, miram possidet efficaciam, custodiendi omnes animalium partes ab omni putredine, animalia integra, insecta, per dimidia secula, & ultra perfecte conservat, & sic disponit, ut nec aer, nec aliud quid effectum in hæc putredinosum producere valeant, & si in parte quadam carnosa aeri, vel calori exposita jam quædam putredinis apparent signa, affuso vini spiritu incipiens corruptio deletur, tale frustum carnis, quando vini spiritus diligenter, & semper novo addito spiritu restituitur, ab omni vindicatur putrilagine. Animalium partes, inprimis fluidæ, & inter hæc lymphæ primario, si putredine incipiunt, soliditatem suam amittunt, fluidiora reduntur, confluant in liquamen foetidum; retardat affusus vini spiritus confestim hoc liquamen, coagulando, adunandoque denuo inter se partes jamjam resolutas, quas deinde ruetur ab omni ulteriori putredine. Dissert hic effectus ratione adhibiti spiritus; summe rectificatus id præstat ocyus, quam simplex, nondum concentratus, posterior ergo jure meritoque ad usus internos præferendus est, cum prior plus justo haustus nimium coagularet lymphaticum laticem; plus ergo damni, quam emolumenti adferret, & in sano, & morbofo statu. Simplex e contra vini spiritus multo adhucdum phlegmate dilutus inspissat leviter humores hujus conditionis, & sine notabili noxa; id certissimum est, & lex quasi æterna: ubi vini spiritus, ibi nulla putredo, & in animalibus, & in vegetabilibus observatur; castè interim hæc applicemus ad vivum corpus, & cum salis grano admittamus in medendi methodo necesse est; facile enim quis posset regerere, cur tot, tantisque dotibus antiseptici imprægnatus vini spiritus, cancroso infusus ulceri non illico sifteret diri mali progressum, omnesque averteret mox horrendi morbi effectus putredinosos. Respondeo: vini spiritum actu in diversis vulneribus, atque ulceribus arcere omnem putredinem, miramque præstare consolidationem lætis partibus; sed ubi jamjam sunt emortuæ, atque corruptæ partes, quæ adhucdum principium recondunt agilissimum, chemice intelligendum, sanam inficiens viciniam, vixque compescibile, alcalicæ indolis, non tam cito spiritum vini subigere hoc, & ejus effectus sufflaminare posse illico; tanta enim hic adest acrimonia, tantusque summæ putredinis gradus,

ut

ut etiam aliis alias valde comprobatis remediis vix obsecudent, nec nisi sensim sensimque continuatæ applicationi, si spes felicitis eventus superest, saltem cedant. Interim ex analogia constat, si unquam ullum remedium cancroræ corruptioni putredinosæ possit resistere, id certo certius præstare vini spiritum, miræ hujus enim virtuti antisepticæ debemus artificium balsamandi cadavera integra, quæ per annorum fere millia reputantur incorrupta. Concedam interim, vini spiritum in vivo corpore vi vitæ, atque vasorum agitarum alium effectum edere, ac in mortuis partibus: at semper manebit antisepticus, & cum ipsa humana natura, vel vis illa vitæ sic adornet semper suos motus, ut arceatur, & avertatur omne id, quod vitæ ac sanitati possit esse detrimento, promovebit hac ipsa ratione spiritus vini efficaciam, ut declinetur putredo. Denique scimus, ea medicamenta, quæ somnolentiam atque temulentiam excitant, mirum profuisse in cancro; exemplum de Atropæ usu efficaci jam superius allatum hoc probat, & alia etiam. Quem autem fugit similis spiritus vini vis, qui nimia quantitate ingurgitatus pari modo hanc exerit, si ergo in hoc singulari effectu sopiente, impressa nervoso systemati specifici quid contra cancerum residet, quis non videt, id in vini spiritu non solum deprehendi, sed insuper adhucdum tutius atque securius, quam in plantis illis summe narcoticis, quæ ad insaniam usque agunt, nervosque mirum in modum afficiunt, atque debilitant, cum e contra temulentia illa a vini spiritu inducta magis superficialia sit, nec tam molestas post se trahat consequentias. Semper autem intelligendus est modicus hujus spiritus vini usus, abusus enim perpetuo nocet in genere, & consuetas potulentas alias res, & edules convertit in venenum. Alcohol lumina vasorum ruptorum mox sic contrahit, ut hac inducta strictura præcaveatur lethalis nonnunquam hæmorrhagia, nervos, quos tangit, immediate privat quodammodo suo sensu. Concludamus ex his: quod, & quantum cancroræ ulceri infusus valeat ad compescendos atque sedandos dolores horrendos intolerabiles, atque ad avertendas hæmorrhagias, nec non contrahendo resorbentia vasa ad excludendum miasma cancroræ; talis autem summe rectificatus spiritus ad usum internum merito rejicitur, & loco ejus secundum ductum Clar. de Sanchez adhibetur phlegmate multo adhucdum dilutus vini spiritus, hic enim omnem præscindet metum nimie coagulationis, ebullitionis humorum, atque irritationis nervorum noxiæ, diffundet se per omnia vasorum genera, placide constringendo vasa novum his addet robur, augebit horum functiones, promovebit se & excretiones; purgabit ratione hac œconomiam totam animalem ab omni heterogeneo, accelerabit humorum progressum, & intestinum motum, inducet sic talem corporis statum, qui non facile putredinem admittit, & ea, quæ hanc producere possent, ad peripheriam pellet. (2)

§. XLIV.

(2) Clar. Boerhaave Chem. Element. T. II. pag. 174. de spiritu vini agens, inquit:

§. XLIV.

Hæc vis vini spiritus non solum experientia probatur, sed facile etiam potest deduci ex partibus ejus constitutivis; constant hæc oleo subtilissimo essentiali, summæ agilitatis & efficaciam miræ, oleum interveniente acido finissimo, at perpaucum cum aqua multa sic exacte conjunctum est, ut unum constituent homogeneum liquidum, cujus vis tamen propria ab oleo pendet. Summa hæc partium, imprimis olei subtilitas, facit, ut corpori humano ingestus spiritus omnia vasa capillaria subire facile absque omni impedimento, & effectus ubilibet præstare queat suos, diluit aqua, roborat oleum, & una cum subtili acido putredini resistunt. Si deinde alio accedente novo pharmaco figitur, atque determinatur actio hujus spiritus ad locum certum morbosum, & in præfenti casu cancroræ, ibi præstabit dictos effectus conservatorios, antisepticos, & cum ulcus cancroræ foveat alcalinum principium, coagulando ejus agilitatem infringet. Exemplum analogicum hujus veritatis habemus clarum in ossa Helmontiana, ubi spiritus vini rectificatus salis ammoniaci spiritui affusus hunc illico coagulat. Simplex spiritus id etiam efficit, at non tam cito, & in minori gradu, nec tam evidenter, præstabit interim aliquid, & retardabit quodammodo ex allegata ratione progressum mali ad interiora versus. Interim ab hoc spiritu non expectanda erit salus unice; disquiram igitur, quid alterum ingrediens unitum valeat, & qua ratione id agat, atque felicem promoveat eventum?

§. XLV.

Mercurius sublimatus corrosivus albus uncis quadraginta octo spiritus, ad quatuor saltem admixtus grana, secundum constituit ingrediens medicamenti. Obicient multi confestim: quid hoc sibi velit, qualis sit speranda medela a quantitate adeo parva mercurii sublimati, qui in tanta copia vini spiritus solutus, atque divisus vix existentie suæ relinquat ulla vestigia? Sed his respondeatur: mercurium in partes infinite parvas esse divisibilem, & minimam adhucdum partem esse mercurium, qui semper retineat suas virtutes, & sal denique mercurio unitum itidem summæ esse divisibilitatis; optima microscopia in calcibus mercurii alcoholisatis detexerunt globulos; intima ergo, & ad sensus externos apparens solutio plenaria hujus metalli nihil aliud est, quam divisio in minimos globulos, qui dividendi exacte adhærent; summi mercuriales, in quibus mercurius

in

quit: in corpore humano vivente odore, sapore, halitu suo spiritus animales, naturales, vitales, nervos, cerebrum mirifice excitat, grate afficit, movet; unde animos, sensus, agilitatem augeat, alitque; inde varios per gradus tandem temulentiam excitat, quam ocysime, sed & quam celestine evanescens.

Disput. Medico-Pract. Tom. VI.

L1

in forma invisibili exhalat, si lamina frigida excipiuntur, confluunt in visibiles iterum globulos, sphaerulasque perfectas exhibent mercuriales; in minima ergo mole mercurii vis superstes est, quæ semper suum præstat effectum. Chemia multa suppeditat adhucdum exempla, quibus confirmatur, metalla in infinitum esse divisibilia, sic, ut divisione hac non obstante retineant semper suam efficaciam. Unum auri granum in aqua regis solutum sex spiritus vini libras metallico imbuit sapore, & nonnullas aquæ mensuras flavo tingit colore. Cupri solutio in sale volatili cærulea colorem hunc impertitur multis aquæ mensuris, in vegetabili regno flores suaveolentes totum conclave suis replent exhalationibus, sine ullo ponderis sui sensibiliter amisso grano; hæ transpirationes plantarum in hypocausto versantis nares afficiunt mirum in modum, & nervos, immanesque capitis excitant sæpe dolores. Ex his videmus: non quantitatis pondus semper producere tantos effectus, sed partium agilitatem, miram subtilitatem & concentrationem. Quod autem de mercurio hætenus dixi, pari jure applicari potest salis acido; hoc enim simili modo ex partibus valde concentratis in mercurio sublimato, & summe divisibilibus, ac penetrantibus constat; destillationes hujus acidi comprobant id perfecte; dum enim sub forma vaporis alembicum transcendit, vix vasis coerceri potest, optime luta incassum adhibentur, viam sibi aperit per hæc, fugamque capit in auras, parva quantitas hujus vaporis improvide inspirando hausta unumquemque convincet, quid, & quantum valeat minima pars acidi salis concentrati; his exemplis & experimentis de utroque ingrediente mercurii sublimati, extra omnem dubitationis aleam positus, mercurii sublimati effectum in cancro compositum examinabo.

§. XLVI.

Mercurius vim suam, atque efficaciam in glandulosum exerit systema, probant id externæ inunctionis efficacia, quin & admissi ad oris interiora cinnabaris accensæ vapores, & deglutitio mercurii cum salibus remixti, crudus enim ægre id præstat, etiam interne sumtus; sed requiruntur salia, illi admixta, & inprimis salis marini acidum, ut citius hunc effectum exhibeat; ptyalismum tunc excitat summum, si ejus præparata dulcia, saltem ad grana aliquot, bis de die, propinantur per tempus aliquod; additione enim salium dividuntur mercuriales globuli in minores, ut citius atque promptius officia vasorum resorbentium in tubo intestinali affatim sparforum subire queant, cum e contra crudus mercurius ob summam suam gravitatem interiora versus magis premat, & denique cum alvinis fecibus egeratur; neque putem, theoriæ huic dividenti cinnabaris exemplum obloqui, cum sciamus, eam e solo sulphure constare & mercurio, larga etiam dosi datam, in substantia rarissime tamen, vel nunquam moyere salivam, prout est in illo suo statu concreto, nullo

mutata igne, quo in vapores resoluta, plenoque hausta ore, mox salivam copiosam provocat, destructa scilicet cinnabari, & minutissimas in sphaerulas diviso ejus mercurio. Etenim, si proportionem insignem hydrargyri cogites in cinnabari ad sulphur, recte procul dubio suspicaberis, nec forsan sulphuris acidum adeo profunde divisisse mercurium, ut est divisus in præparatis cum acido salis marini, nec adeo prorsus innocentem esse sulphuris in cinnabaris cum mercurio unionem, quin aliquid inde patiat, suisque viribus impediaturialogis mercurius. Fundit tunc interne datus, atque liquat lymphaticum laticem, & tunc ex omni corporis regione ad salivales glandulas ducit, & per has e corpore educit. In subjectis sanis atque robustis, quibus insunt bonæ indolis succi, tardius efficaciam exerit suam, ubi e contra cacochymicæ, atque scorbuticæ conditiones fluidorum prædominantur, ad dimidium saltem porrectus granum mercurius dulcis cito citius agit; in genere, ubi nimis rigida, vel spasmo contracta sunt vasa, ut nimium resistent pressioni globulorum mercurialium, qui suo pondere inprimis agunt, & quando vim vasorum resistentem superare non valent, horumque ordines subtilissimos subire non possunt, suam efficaciam salivantem nunquam exhibebit mercurius; si e contra laxa præsto sunt vasa, uti hæc scorbuticis, & cachecticis sunt communia, & propria, mercurius se ubique insinuando mox desideratum producet ptyalismum. Omnis enim effectus, quem mercurius in humano corpore edit, fuit ab ejus gravitate, divisibilitate summa, & motu ab hac pendente celerrimo; receptus enim vasis resorbentibus, a vi vasorum projectus, & pondere proprio protrusus, atque acceleratus ubique sese insinuat, & vasa capillaria ob summam divisibilitatem permeat, maxima velocitate, atterit suo pondere, vel dividit instar cunei linguineos globulos, solvit nexum eorum, & fluidiora reddit omnia, promovet ex hac lege omnis generis secretiones, lymphamque fundit, & sic omnes impuritates, præcipue autem eas, quæ in systemate glanduloso, atque lymphaticorum vasorum compage stabulantur, efficaciter tollit. In Syphilitico malo contagiosum virus educit, & glandularum indurationes removet; dum suum edit effectum salivantem, excitat in isthmo faucium, collo, ore, atque in confinis tumores, ob nimiam distensionem vasculorum a perpetuo largiori affluxu materiæ inductam, e quibus tandem, luminibus semper magis magisque ampliatis, atque relaxatis viscidus, tenaxque constanter effluit liquor, & dum a priori latex hic lymphaticus quandam in se recondit acrimoniam, erosiones, atque inflammationes, & omnia, quæ has comitantur, inducit symptomata, dolores adjacentium partium, capitis inquietudines, sitim, insomnes noctes, febrem, & quæ sunt rel. Ab hoc effectu mercurii in humanum corpus apparet evidenter, quod ille in statu canceri perfecto atque completo tantum possit nocere, quantum valet in initio hujus morbi, si nempe ad ptyalismum usque continueatur. Scimus exasperari cancerum nimis mo-

tum; id autem actu fit, si salivatione lenire hunc volumus, mercurius fundet magis id, quod quietum hæret in scirrroso tumore, & sic eo ipso promovebit degenerationem blandæ adhucdum materiæ in putridum statum; practici ex hac ratione jure meritoque repudiant usum mercurii in cancro tam diu protractum, ut cieat salivationem. Aliter se res habet, si in principio tumoris scirrrosi, nondum plane confirmati, nec adhucdum in lapideam duritiem indurati in usum trahitur, vel externe, vel interne ad salivationem usque; tunc enim multa habemus exempla, quibus edocemur, feliciter talem tumorem nondum inveteratum extirpatum fuisse (a).

§. XLVII.

Quæ hætenus dixi, saltem de usu mercurii ad ptyalismum usque intelligenda esse, unusquisque videbit. Aliter autem se habet mercurius sublimatus corrosivus albus, qui per se datus summum existit venenum, & hac ratione alium etiam in corpore humano edit effectum, semper tamen ob mercurium in glandulosum systema directum, ad vehementiorem, & magis rodentem, quam reliqua mercurialia præparata; ruber sic dictus præcipitatus, turpethum minerale, arcanum corallinum, nimia copia si assumuntur, delesteriam suam efficaciam certo certius exhibent, interim, si ad aliquot grana provide ingeruntur, reiteratis etiam vicibus non solum non nocent, sed & mira efficacia rebellibus alias mendentur morbis. In ipsa peste Vigo virtutem rubri præcipitatus deprædica- vit (b). Effectus, quem præter salivationem edunt mercurialia præparata, pendet a salibus adhærentibus; quo subtiliora hæc sunt, eo fortior erit vis, unde sublimatus mercurius corrosivus, qui salis acidum concentratissimum, & subtilissimum junctum habet, præ reliquis mercurialibus præparatis perniciem inducit summam, si per se datur. E consilio veterum chemicorum optima methodus, mercurialia præparata corrigendi, atque tutiora reddendi consistit in illa encheiresi, qua bis, vel ter vini spiritum super his præparatis destillant, hoc enim acidum adhærens mitigatur; constat enim ex chemicis, fortissimos spiritus minerales, concentratissimos, suis saltim exhalationibus suffocantes, addito vini spiritu, sic infringi atque castrari, ut postea tutissima, atque præstantissima exhibeant interna pharmaca. Venenum sublimatum mercuriale album e salis acido concentratissimo, quod præcipue perniciosam causatur effectum,

(a) Clar. van Swieten Commentaria in Boerhaavii Aphorismos de cognoscendis atque curandis morbis, T. I. pag. 865. „ & in scirrhis resolvendis sæpe argenti vivi usus „ profuit tam internus, quam externus, sed tantum in scirrho benigno incipiente, ubi „ enim in lapideam duritiem conversus est, & malignus fieri incipit, nullum omnino „ a fortissimis etiam mercurialibus præparatis, neque ab ipsa salivatione argento vivo „ excitata levamen expectari potest; quin potius exacerbantur omnia, & aucto humo- „ rum motu per hoc remedium scirrhus citius in cancerum mutatur.

(b) Vid. Job. de Vigo Wand-Artzney oder kleine practica 3tes Buches, pag. 176.

tum, & mercurialibus globulis subtilissimis constans, pari ratione per solutionem in vini spiritu mitigatur, oleosa pars spiritus obvolvitur spicula salina, & impedit, ut non tam rodere, quam potius blande, placideque roborando vasa agere queat; cum autem, uti sæpius jam monui, omnia sint subtilissima, sic etiam ultima & minima vasorum genera pervagantur, atque suam efficaciam quaquaversum extendunt. Mercurius dirigit motum ad glandulas, & lymphatica vasa, & cum cancer his inhæreat a potiori, attingit hunc etiam, solvit stagnans, ad putredinem inclinans, referat obstricta, fundit viscidum in vicinia ob motus defectum, impertitur omnibus liberum circulum. Salis acidum, quod semper socium habet mercurius, immutat acrimoniam specificam alcalinam, cancroso ulceris sobolem, & effectum, & impedit ejus progressum in sana loca proxima, mutat ejus indolem rodentem causticam in materiam blandam; fortissimum enim acidum cum sale summe caustico alcalino mixtum migrat in tertium quoddam cum hoc, & ambo ex nocentissimis sunt mitissima, & ad internum usum aptissima. Habemus plura exempla, miræ efficaciz salis spiritus diluti contra cancerum (c); ex eadem ratione putredini ex natura omnium salium acidorum fortiter resistit, & insuper vim vitæ, stringendo solida, auget; a salis enim spiritu hoc acidum siccum non aliter abludit, quam quod secum vehat, & intermixtos habeat mercuriales globulos, purissimum est, ut sæpe sæpius repeti, & facili negotio in fluida forma ab omni heterogeneo liberum fisci potest. Si butyrum antimonii, quod in confectione cinnabaris ex antimonio & mercurio sublimato primum prodit, aquæ infunditur, pulvis albus præcipitatur, aqua supernatans decantata, est acidula parum, & si destillationi subjicitur, insipida transcendit alembicum, igne leni centum tantum graduum, aucto igne ascendit phlegma acidulum, remoto igne, id quod remansit in vitro, jam magis est acidum, & si denuo ex retorta destillatur, exhibet limpidissimum, acidissimum, pinguem, fumantem parum, salis culinaris spiritum; fuit ex his: acidum siccum effectum parum differentem ab illo spiritus salis edere; posset quis ob- jicere: in ipso sale culinari latere hoc acidum, interim sal culinare tuto atque secure introsumi, ergo hoc acidum non separatum, nec sibi ipsi relictum, sed aliis immixtum nullum specificum effectum præstare. Sed respondetur: aliter se habere tales acidos spiritus, ubi cum salibus miscentur, aliter si metallis sociantur; in priori casu plane obtunduntur, in posteriori autem eorum vis rodens manet, quam blandissimis etiam

(c) Exc. van Swieten Commentaria in Boerhaavii Aphorismos de cognoscendis & curandis morbis, T. I. pag. 901. „ Spiritus salis marini, cum adeo efficaciter omni „ putredini resistat, summi pariter usus erit, modo tanta copia aquæ diluatur, ut „ oculo instillatum hoc liquidum vix dolorem faciat, cancerum exulceratum mammae „ in paupercula muliere, cæteroquin sanissima per quindecim menses lotui hujus re- „ medii usu sic sustinere, ut vix in deterius vergeret. rel.

metallis communicant, & his uniti summum corrosivum edunt effectum, revera parum distinctum ab illo, quem efficiunt per se dati. Acidum ergo salis forma sicca mercurio junctum, & vini spiritu mitigatum non multum differt a salis spiritu, vini spiritu dulcificato, quis autem nescit, hoc spiritu viros in arcenda putredine produci effectus (d). Tandem vini spiritus temperat, mitigat, & determinat effectum utriusque, impedit ex parte blande coagulando, ne nimium fundat mercurius humores, & avertatur ipsa salivatio, ex parte autem noxium, atque rosum, uti jam monui, acidum salis oleoso suo principio obtundit, & ejus effectum lenit. Sic unum alterum corrigit, & mutuum limitat effectum, atque unitis sic viribus in ægri salutem agunt, diluendo, deobstruendo, roborando, expellendo, putredini resistendo, & sic non solum ad cancerosum ulcus cum humoribus delata id corrigunt, purificant, acrimoniam invertunt, immutant & abstergunt, sed insuper ulteriorem progressum hujus diri mali cohibent, a vi vitæ suffulta morbosum tollunt, corruptum separant, novam semimortuis & semianimis infundunt vitam, restitunt sanitatem, quod non fieret, si singula sigillatim atque seorsim darentur, compositio ergo necessaria fuit, e qua demum emergit pharmakon tutum atque efficax. Specificam vim compositi hujus remedii in glandulosum systema comprobare videntur etiam tussis & diarrhœa, ex negligentia atque incuria in regimine obortæ; si enim non perfecte semper tectus jacet æger, & perspiratio sufflaminatur, illico hæc sentiuntur symptomata; humores nempe ab improvido refrigerio, dum totum corpus sudore a pharmaco dato madet, e corporis superficie constrictis a frigore vasorum exhalantium ostiis, retropelluntur, & cum mercurius insinuat agat, diriguntur naturæ motus non solum, ut ad alia emunctoria, sic inprimis ad illas glandulas, quarum emissaria in cavum quoddam corporis hiant; cum autem in larynge, pharynge, aspera arteria, bronchiis, pulmonibus, atque subjacente œsophago ingens glandularum adsit numerus, hæc facile a justo copiosiori affluxu extenduntur, irritantur nervei ramuli a pulmonali plexu, & recurrente nervo oriundi, excitatur tunc facile tussis, & ob insignem affluxus ad caput impetum, sub quo tamen nulla motis humoribus porta patet, sed quæ pateret naturaliter, perverso regimine clauditur, vasorum infarctus tensivos creant capitis dolores. Quem denique fugiunt Peyerianæ, & Brunnerianæ glandulæ, in toto intestinali tubo affatim sparsæ, nec non summa vasorum exhalantium copia, quorum eructante rore interna superficies hujus canalus perpetuo madet? Quis nescit, a largiori secretionem

(d) Clar. Boerhaave *Elementa chem.* T. II. pag. 357. de usu salis spiritus: „hic spiritus habet proprietates acido communes, & singulares; singularis est stomacho grata, appetitum ciens, mucosa attenuans, digestionem promovens, putredini adversa, bili corrigendæ, ubi acri copia putrido peccat, apta. Gangrænæ gingivarum, oris, linguæ, extirpandæ pulchre prodest: sed verbo dixerim, omnes sperant laudes liquidum hoc salis marini acidum.

tam in glandulis, quam in vasis exhalantibus intestinorum, & sic a nimia excretionem, ac infusione materiæ in hoc cavum obortam fuisse diarrhœam? Quid mirum, talem etiam nasci, si in propolita medendi methodo ex regiminis errore ad has internas partes a peripheria copiosius ducuntur eo excernenda fluida? In ipsa salivatione, si non rite procedit, reliquæ secretionem sunt largiores, si autem perfecte hæc succedat, imminuuntur reliquæ evacuationes (e). Intelligimus ex his facile, quomodo perspiratione a dato medicamento inducta, aut imprudenter suppressa, & tussis, & capitis dolor, & diarrhœa possint induci?

§. XLVIII.

Post consideratum agendi modum laudati medicamenti a priori, superest, ut paucis adhuc videam, quid, & quantum prosit potus calidus superbibendus? Practici in omni humorum impuritate, inprimis in lymphæ vitiis decoctis talibus calidis summam attribuerunt laudem; selegerunt inter alia radices *salsaparillæ*, & lignum *sassafras*, quibus singularem inesse credebant virtutem, ad corrigendos vitiosos lymphaticos liquores; per plures hic allegare possem auctores, qui veritatem dicti probarent, aut studio his supersedeo; sufficit, me dixisse, potum talem calidum diluere, temperare, expellere, corrigere, se- & excretionem promovere, & sic reliquis medicamentis offerendis, & oblati ad melius agendum sternere viam; talia enim decocta subeunt minima vasa capillaria, & cum secum vehant extractas, & solutas e materiis adhibitis vegetabilibus salino-oleosas saponaceas indolis, subtiliores partes, his armis instructa eo melius & fortius agunt; ex hac ratione differt etiam effectus ratione qualitatis, & quantitatis subjecti decoquendi; alia enim majorem, alia minorem possident hujus, vel illius partis, vel oleosæ, vel salinæ, vel mucilaginosæ copiam, in aliis mixtio partium a natura sic ordinata est, ut menstruo spirituofo meliorem concedant introitum, quam aquoso, & vice versa. In præsentis decocto *salsaparillæ*, & *althææ* radice, nec non *sassafras* ligno utimur; mixtio physica radices *salsaparillæ* teste chemica analysi constat e multis partibus terrestribus, non solubilibus, e mucilaginosi paucioribus, respectu terrestrium, solubilibus, & perpaucis resinosis; quando uncie duæ hujus radices in aqua excoquantur, evaporatione inspissata, antea autem collata, dat sex drachmas extracti aquosi, e residuo post decoctionem cum vini spiritu extrahitur saltem dimidius scrupulus resinosi extracti; id autem, quod adhuc remanet, pendet novem drachmas, & scrupulos

duos:

(e) *Astruc de morbis veneris*, l. 2. cap. 8. pag. 149. „aliquando tamen, sed raro nullam, vel perexiguam salivationem cieri, & oris interiora nullo modo, vel parum affici, quamvis cæteroquin mercurius & debita dosi, & modo debito, adhibeatur, sed tunc plerumque paulo largiores esse, vel ceteras omnes excretionem, vel saltem unam alteramve, quæ idcirco sunt velut vicariæ deficientis salivationis.

duos: si loco aquæ primo vini spiritus rasuræ hujus radices affunditur, solvit ob intimum nexum resinofarum partium cum gummosis notabilem harum copiam, sed hac methodo postrema remanent drachmæ decem residui inertis, quando post extractionem cum vini spiritu opæ aquæ mucilaginosum extractum eductum fuit, claro indicio, partes terrestres inutiles prædominari, agiles autem in mucilaginoso, & resinoso principio hospitari. *Althea* radix e principiis, vel partibus constitutivis mere mucilaginosæ constat, sic, ut coctione in aqua purum putum exhibeat gelatinosum, & mucilaginosum succum, lignum *sassafras* denique ultimum decocti ingrediens communicat aquæ, si ejus uncia una cum hac coquitur, duas drachmas extracti gummosi. Intelligimus ex his, quibus proprie nostrum decoctum scateat partibus, & quales possideat medicatas vires? Præter aquam, quæ optimum est diluens remedium, mucilaginosæ partes leniunt, lubricant, dolores sedant, gummosæ, resinosæ particule, quæ principio salino subtili intermedio exacte coherent, & saporem quandam constituunt, roborant, stimulum addunt, absterunt; in methodo propolita decoctum ergo hoc mirum prodest, & juvat actionem salutarem reliquorum remedium.

§. XLIX.

Ultimo adhucdum remedia externa consideranda veniunt. Sunt illa *fotus & linimentum*, quæ partim ad purgandum, & consolidandum cancrum ulcus, partim ad arcendum aeris semper hic noxii afflatum imponuntur. Experientia docuit quidem, topica talia ad domandum rebellis virus cancrum non suffecisse, si sola per aliquot etiam tempus applicata fuerunt, quin potius magis augeri ferocitatem ulceris, si imprimis acris quædam ad tales compositiones adhibentur; quando autem huic malo pertinaci etiam interna, & quidem efficacia, atque specifica opponuntur pharmaca, quæ in fontem mali agunt, & notabilem in eo producant immutationem, atque inversionem agillimæ putridæ massæ, tunc etiam topica immediate applicata, atque internis remediis adjuncta certior, atque felicior spondent eventum; conjunctis tunc viribus resistunt morbo, & ejus efficaciam infringunt. Inter hæc topica primariam attentionem merentur illa, quæ alcalini principii causticam rodendi facultatem tollunt, carnem putrem separant, & quæ impediunt, quo minus ulcus nimium serpat. *Acetum*, blandissimum vegetabile acidum, mirum conducit: ex hac etiam ratione optimi practici semper suis remediis cancro externe imponendis immiscuerunt acetum (f), non tam vehementer agit hoc acidum vegetabile, quam minerale, ut etiam tuto introsumi possit, & sufficit tamen ad invertendum, & immutandum alcali, teste tartari arcano; nititur virtute hac egregia antiseptica aceti methodus con-

(f) *Platner institut. chir. rationalis* pag. 164. Tr. de cancro & scirrhus: „idonea est compositio, quæ habet acetum, quod argenti spumam exceperit, & oleum rosarum, quale vulgo linimentum nutritum appellant.

conficiendi ex herbis sic dictis vulnerariis cum aceto officinales aquas vulnerarias, quorum usum internum, & externum in omni generis vulneribus, ulceribus cacoëthicis, gangrænos, & ad ipsum declinandum sphacelum mirum attollunt; in ipsa peste acetum virus contagiosum agillimum enervat, putredini ergo semper, & efficaciter resistet etiam in cancroso ulcere. Vasa enim stringit, hæmorrhagias impedit, calefcentem tabum obtundit, & sic ex sua parte opem atque auxilium fert exitum, reliquis & internis & externis adhibitis remediis. *Plumbacea* tandem virtutem suam exsiccantem comprobaverunt diu, imbibunt sanient, atque ichorem corruptum, exsiccant ulcus, novæ bonæ carnis incrementum augent, semper ergo inter primaria epulotica habita, & in omnibus ulceribus malignis tanquam optima mundificancia applicata fuerunt. Cancro exulcerato imposuerunt, tanquam specifica, & laminam ex plumbo confectam in cancro nondum rupto, hac semper tecto, deprædicerunt, ut optimum defendens ab aeris afflatu damnofo. Sempervivi majoris succo vim refrigerantem, & adstringentem tribuunt medici; non sine ratione ergo hic etiam succus nostrum ingreditur unguentum, contrahendo placide dilatata, & ex parte rupta, atque erosa oscula, novum is etiam creabit tonum, ad promovendam sanationem necessarium, & refrigerando molestum atque dolorosum inflammationis sensum levabit, qualem etiam effectum temperantem *rosarum* atque *sambuci* aqua præstant. *Sal ammoniacum*, & *vitriolum de cypro* ad auferendam luxuriantem, & mortuam jam carnem addita esse per se patet; cum autem omnia acia tam-insensa sint alias cancro, putaremus, hæc non optimo consilio adjecta esse, sed scimus generaliter, omnia externa parum levaminis adferre, nisi etiam per interna efficacia occurratur malo remedia; nocerent forsitan, si non aliis jam morbi vehementia esset infecta: hoc autem facto absque omni damno, & noxa tollunt carnem mortuam, conjunctis enim & congregatis viribus agunt omnia, & nisi hæc combinatio facta fuisset, frustra expectaremus bonum eventum; pro topicis in præfenti nostro casu optima ergo selecta fuisse, quæ auxiliantibus reliquis internis felicem spondent effectum, ex dictis patet.

§. L.

Pertractassem atque exposuissem nunc omnia, quæ ad enodandam & probandam a priori methodum specialior, & singularem medendi cancro necessaria fuerunt? Feci id pro modulo virium mearum; ultra posse nemo obligatur, nec obligari potest; experientia ordine præcedit in medicina, ratio sequitur; priorem non solum a Clar. de Sanchez habemus plenam in communicata methodo, qua feliciter cancerum jam profunde serpentem, & quaquaversum se extendentem exacte curatum vidimus; sed etiam præter illum Exc. Van Swieten tanquam infallibile remedium *Disput. Medico-Pract.* Tom. IV.

M m

con-

contra atrocem, rebellem, atque dirum inimicum nostræ sanitatis & vitæ, quem cancer, si adest, perpetuo agit, commendavit mercurii sublimati usum: dimidium hujus granum in frumenti spiritus uncia una solutum mane & vespere ad duo cochlearia sumtum, non solum luem veneream, sed ipsum cancerum profligasse testatur (g). Ratio denique consentit, & a priori summam habemus probabilitatem, quod hæcenus perpensa remedia egregium talem effectum salutarem ex sua indole, atque natura edere possint. Quid dubitemus? Alacres occasione oblata imitemur & methodum hanc, ut experientiam tantorum virorum fide dignissimorum nostra ipsa comprobemus. Sed omni cura, omni attentione, omni prudentia, atque exacta consideratione circumstantiarum omnium eadem tentemus, quam maxime necesse est. Vela nunc contraho, & colophonem dum addo pertractationi, utor dicto Quintiliani: Si quid desit operi, id supplet ætas, & si que sunt dicta juveniliter, pro indole accipiuntur!

(g) Vid. Jos. Benevenuto medici Lucensis dissertatio historica epistolaris ad Clar. Jac. Barth. Beccarium, qua epidemica febres in Lucensis domini quibusdam pagis describuntur grassantes, nec non mercurii atque corticis Peruviani usus in earum usu rationis examini subjiciuntur, Lucc. 1754. in 4.

T A N T U M.

J. PETRI

CCII.

J. PETRI BUCHNER;

D E

RACHITIDE PERFECTA

ET IMPERFECTA,

DISPUTATIO.

Argentor. 4 April. 1754.

M m 2

Empiria Rachitidis.

§. I.

Rachitis, græcis Νόσος ῥαχίτις, aut Νόσος τῆς ῥαχέως, hinc latinis *morbis spinalis*, aut *spinae dorsi*, Anglis *the Richets* dicta, est morbus, sub quo articulares ossium processus intument, ipsaque ossa incurvantur, & dorsi spina ex naturali situ suo distorquetur. Quamdiu ossium processus solum tument, ingredi vero ægro per morbi vim adhuc licet, *Rachitidem imperfectam*, Galli *Chartre*, & inde *Enfans en Chartre*, *Enfans noueux*, Nostrates *verkumpft seyn*, sublata vero etiam ingrediendi facultate *Rachitidem perfectam*, germani *Englische Kranckheit*, in patria mea & alibi *Wechselfag*, vocant.

Sed ut historiam pathologicam hujus morbi, seu quæ nihil quam quod omni individuo hac ægitudine decumbenti competit, complectatur, rite concinnemus, ad historias prius empiricas, quas nempe individuales determinationes ingrediuntur, descendendum putavi, propterea quod, quæ pluribus entibus communia sunt, recensere nequeamus, nisi singula speciali contemplationi nostræ subjecerimus. Hoc vero opus aggredienti una Parens quinque rachiticas proles, & sex alias ab hoc morbo non multum deflecentes obtulit. Quarum singularum adeoque en

Historias Empiricas Rachitidis.

§. I I.

I. **P**uella natu maxima supra annum tres menses ætate attingens, primo absque convulsionibus dentes gignere incepit, mox ab eo tempore nodos articuli exhibuerant, brachia & pedes curvabantur, ac tertio anno etiam gradi prohibita, in perfectum morbum spinalem incidit. Abdomen prætumidum, & pectus ad latera compressum, antè elevatum gestabat. Caput prægrande, caro pendula & laxa, dispncea continua. Sæpe per hebdomadem obstructa alvo laborabat: deinde ingentibus cruciatibus, & nervorum distensionibus (deinceps enim *nervorum distensiones* cum veteribus, & spasmos seu contracturas, & membrorum rigidas, seu Tetanoideas extensiones, & convulsiones seu agitationes partium perinde dicemus, ac vulgus germano nomine, *Gichter*, omnes tres hæc affectiones designat (indurata & lapidea scybala, ea vi extrudebat, ut fissis,

M m 3

seu

feu rhagadibus distinctis ani marginibus, satis copiosis rivis sanguis profluere. Cæterum plurimum comedebat addephaga; & a secunda pomeridiana usque ad septimam vespertinam, ubi tres cum dimidio annos nata vivis excessit, convulsionibus & nervorum distensionibus, cum clamore ingruentibus, divexata est. Quartam vero horæ partem ante obitum crepitans sonitus ex ipsius corpore exaudiebatur, qui, cum moreretur, repetebatur.

§. III.

2. Quæ huic natalibus successit puella, dimidium annum nata, ablactabatur; sana nihilominus & vegeta erat, donec secundo demum anno, postquam & loqui & ire jam didicisset, dentes erumperent absque convulsionibus; quidem, sed magno cum æstu corporis, & delirantis animæ ludibriis, cum modo equorum, modo aliarum rerum phantasmatibus terribita tremisceret. Ita dentitio cum articulorum nodis ad quintum usque annum successerat, sternum elevabatur, abdomen & caput intumescabant, nec pedes amplius ad præstandum officium suum tam prompti vegetique erant. Mox vero dentes primo flavi, post nigri redditi, iterum exciderant. Septimo autem ætatis anno reparabantur. Eodem hoc anno antica tibiæ parte proxime infra genua candenti ferro admodum comburebatur. Atque ab eo tempore, etsi feliciter consolidato ulcere, morbus tamen spinalis incrementum, nondum vero perfectum statum seu *exemplum* acquisivit: quem undecimo primum anno attigit. Hic enim simul & semel una nocte omnem gradiendi potentiam amisit; postea longitudine ita corpus detruncabatur, ut integro pede brevius redderetur, & magno capite, ac inter elevatas scapulas, quasi gomphosi immisso, brachiis & pedibus curvatis, mirumque intortis, elevato sternum & eminente abdomine, ex homine in monstrum degeneraret. Tunc ne quidem sedere valens, ex brachiis & dorso, miserandum spectaculum! suspendenda erat. Et retro, nisi caput perpetuo muniretur, mox totum cadebat, quo nempe curvatura concava vertebrarum colli divertebatur. Præterea continuo quodam interno æstu, aut lenta febricula comburebatur. Intellectu semper pollebat, & expleto decimo sexto ætatis anno, vespertino tempore, vita, sub levibus nervorum distensionibus, functa est.

Sed ecce, quænam alia adhuc memorabilia phænomena morbo accesserint! Extremo vitæ tempore hydrophobie quadam specie per quatuor aut quinque hebdomades ita correpta fuit, ut, etiam si siti detenta, bibere tamen semper prohiberetur, facta sensatione, quasi quid ex vertice in os descenderet quantocumque, ac poculum labiis admotum esset. Sub hoc statu octo ante obitum dies, pedibus & manibus præcipue sinistris intumescere, sinistro quoque oculo illachrymari cœpit, ac brevi post, potum quoque assumere; quo sumpto, tumor etiam increvit. Tribus ante mortem diebus pedibus gremio, ita ut nihil amplius sentirent, & visio ob-

cu.

curari incepit. Per totum vitæ decursum frequentibus narium hæmorrhagiis subiecta erat, quæ primo sensationem vermis ex fronte in nares descendens, & iterum recedens, supremo autem tempore sensationem quasi gladii ex infirmo abdomine sursum ea doloris potestate protrusi, ut in clamores misera puella effunderetur, sequebantur. Perpetuo duro fibulatorio thorax includendus, & custodiendus erat; quo semel ablato in suffocationem & gravem hæmoptoën incidit. Isdem extremis temporibus femur supra genua levissima vi fractum diffiliit.

Porro clinico non inutile erit, & sequentia annotasse. Ab esu qualiumcunque dulcium, ut saccharatorum, pomorum, pyrorum, passularum, tam male habuit, ut inde in horrores, æstus, continuos vomitus, per tres aut quatuor dies sævientes, inciderit. Eadem mala semel, a comestio raphani frustulo, per octo dies perpeffa est. Rheno navi descendens, pessime habuit, dein a thermis Baadensibus quoque. Etsi ergo rachitica hæc puella fuerit, admodum tamen sensibilem fuisse, necesse est. Adhuc addes, quod decimo quinto ætatis anno de dolore, intra articulationum eminentes nodos fervercente, majorem in modum conqueri incepit. Demum tussi & dyspnœa semper angebatur: eaque extremo vitæ die in orthopnœam aucta, ex brachiis continuo suspendi voluit, una ore tetram mephitim expirans, a qua sanissimus volucris, caveæ, quæ puellæ vertici pendens imminabat, inclusus, mox enecatus est.

§. IV.

3. Jam dux gemellæ sequuntur, utraque sequioris sexus, quæ etsi neque dentes, neque morbum spinalem attigerint, huc tamen pertinere deinceps intelliges. Una tres quartas partes anni, altera ultra annum vivendo explevit. Utraque perpulchra quidem erat, sed magnum tamen caput, & genæ relaxatæ, licet jucunde rubentes; magnum quoque abdomen, admodum addephagæ, vere epilepticæ erant, ore spumantes, & digitis in pugnum collectis, admodum trementes convulsæque. Per diem sæpe instabat hic paroxysmus, cum acuto clamore exorsus, & cum terroribus alternans. Miserum visu! subinde sub pastu convellebantur, post tamen æque ac antea admodum ingurgitabant, & vix dimidia a pastu hora elapsa, redibant convulsiones. Extra domum delatis certa epilepsia instabat. Ano sæpe obstructæ erant, tuncque graviores convulsiones, dato tamen clystere mitigatæ. Pulvis epilepticus Marchionis sæpe ad duos dies terrores & epilepsiam distulit. Sæpe pedibus, sæpe toto corpore tumebant, sæpe quoque tumor successively solutus fuit, & mortuis uni dexter, alteri sinister pes tumidus erat. Obibant autem convulsionibus & terroribus, per duos dies, continuo alternantibus. Non vero pulchritudinem faciei mors vicit, alias abunde miseras hippocratica facie dedecorare nolens.

§. V.

§. V.

4. Quæ gemellas excepit puella, inter vivos adhuc agit. Hæc a dentitione, absque convulsione succedente, nodosa facta est; sed septimo anno morbum spinalem adhuc imperfectum exiit. Semper adhuc puellæ corrupti dentes excidunt, sed reparantur. Variolis discretis bis laborabat & tertio ætatis anno, & decimo quarto. Nimirum statim secundæ ægræ ad septimum usque annum servavit.

§. VI.

5. Quæ succedit, variolis confluentibus, sero livido repletis, bis laboravit, septimo nimirum ætatis mense, & duodecimo anno, decimo autem quarto, cum superiorem annum longa tempestas Aultrina clauderet, vel peri fatis cessit.

Per duos ferme annos lactata bene habuit, increvitque, etsi a nervorum distensionibus non plane libera. Postea dum dentes edere incepit, continuis convulsionibus ita infestata fuit, ut sanguis e faucibus sæpe evolveretur. Præterea meticulosa erat. Geniti demum dentes huic tragediæ finem dederant, sed nodosa fieri & in imperfectum morbum spinalem præceps agi, dentesque denuo, flavi primo, dein nigri facti, excidere inceperant. Ita per quinque annos sine dentibus vixit, donec undecimo anno novus succederet, quem ad tumulum asportavit. Ætatis $3\frac{1}{2}$ anno in platea currens, os femoris fregit, & cum a primo ætatis anno pedibus uti valuerit, ab eo tamen tempore, etsi consolidatum femur sectio anatomica mortuæ docuerit, gradiendi non solum facultate privata fuit, sed miserum corpusculum in eam figuram, quam huic tractatui affixa tabula exhibet, degeneravit. Perfecte ergo spinosa facta fuit. Porro ab eodem tempore bono appetitu, ac multo somno fruebatur. Diarrhoea ferme assidua per 14-20. dies durante, dein per incertum & vagum dierum numerum intermittente, non tamen in obstructions ullas terminata, tenebatur. Hæc autem ultimis sex vitæ mensibus sponte cessavit: & ultimis duobus obstructio alvi successit, bis ante mortem per octiduum durans. At vero diarrhoeæ in locum distensiones nervorum, & animi deliquia, quibus ingruentibus modo in præceps sese agi lamentabatur, modo auxilium implorabat, subrogatæ, alternisque diebus, antequam extremis temporibus in anomaliâ abierint, exacerbatae sunt. Præterea lenta febricula accessit, & ultimis duobus vitæ mensibus per tres sæpe dies urinam retinuit, ultima vero septimana per omnes fere horæ quadrantes paucam, & ultimo die, quo ad vespertinum inclinato, mortua est, guttis continuis stillantem misit. Flaccida & inflata facies quatuor supra decem dies circiter ante, quam decessisset, collapsa est. Pedes & brachio sinistro primo

intumuit, dein ad dexterâs partes tumor transiit, & ita quoque per 14. dies ante mortem serum ex oculo dextro, seu lateris magis tumentis, exstillavit. Tribus ultimis vitæ diebus de nebula, oculos obfuscante, conquesta est, & pessimam mephytim ore exhalavit, atque extremo die, ob orthopnoeam suspensa esse voluit. Quibus junge, quod dulcibus assumptis per tres dies pessime habuerit, quin tamen vomitus accederent, sed ut distensiones tantum nervorum & animi deliquia intenderentur. Leniores demum nervorum distensiones vitæ imposuerant finem.

Sectio Anatomica,

Cui mortuam subjeci, hæc docuit. Externa corporis facies talis erat, qualem & figura exhibet, & historia secunda jam contemplati sumus. A morte corpus non obrigit, sed extremo gradu flaccidum erat, sponte propendentibus membris, quo gravitas, aut secantis voluntas traheret. Neque obfrigit, sed diu a morte caloris quendam gradum retinuit, sanguis summo opere tenuis, resolutus, & rutilus erat. Cutis non modo flaccida, & extendenti obedientissima, sed iusto quoque densior erat. Flaccida, & in spatium iusto majus propendens vulva. Cellulosa omnis, tam cuti substrata, quam omentorum & mesenterii plane evacuata fuit. Nec sive in hac, sive in vasis reperire fuit, quod dextrum maxime latus in tumorem levasset: hinc emphysematicum, aut aereum, fuisse dubitare non potui. Flaccidi ac cum suis tendinibus relaxati muscoli, a naturali sua rubedine abhorrentes, album admixtum habebant. Supra modum molles, & scissu faciles cartilaginee erant. Ipsa vero ossa cartilagineam naturam, & mollitiæ, & facie ipsa æmulata sunt. Cultro anatomico absque vi totum os femoris discidi. Articuli a naturali sua constitutione, uti totum corpus, degeneraverant. Ita contracta ac collapsa pelvis ossa erant, ut digitum ano immissum vix admitterent, atque ut inde tota vesica in abdomen expulsa peregrinaret. Cavum ossium fistulosorum ex binis oppositis lateribus admodum compressum erat; ut cavitas cylindrica in planam, & parallelogrammiformem mutata esset; rubellum tamen serum continebat, resolutum, & neutiquam pinguedinosum, quod pressis lateribus plorabat. Spongiosa nullas cellulas exploranti exhibuerant. In abdomine vesica urinaria stupendæ erat molis, urinaque tota repleta; ita ut dimidia superior pars ultra umbilicum assurgeret, inferior vero lata basi abdominis tegmini accreta esset. Porro valde densæ ejus membrane erant, nec dissectæ, ac excussa urina, ullo elatere sese contrahebant. Magna intestinorum pars præcipue coli initium induratis scybalis repleta, altera flatibus ita distensa erat, ut diametro illam multo vinceret. Venter vacuus, sed nequaquam pro more evacuati contractus, sed flaccidus, & distentus fuit. Sanissimum erat hepatis, sed mole auctum. Vesicula fel-

lea ne vestigium bilis, aut alterius liquidi, sed expansa, aërem continebat; id quod opinionem meam confirmabat, credentis, tumorem etiam dextri lateris emphysematicum fuisse. Sanissimi renes & pancreas, sed lien iusto & minus & durius, tangentique digito sensationem cuiusdam aspredinis exhibuit. In thorace excolores & pallidi pulmones, cæterum sanissimi, nullis tophis, nullis tuberculis, nullis vomicis, nulla suppuratione &c. læsi, nec pleuræ ullibi accreti. Sed mole cor flaccidum excedebat, non enim puellæ aliquot spithamarum, sed viri erat. Caput aperire & nox, & defectus instrumentorum, & festinatio me invitiissimum prohibuit. Sed cum perpetuo stupida esset ægrota, secus ac illa, de qua historia secunda agit, non dubito, quin humidum cerebrum occurrisset, propterea quod tale stupidis infantibus esse, tot sectiones jam testatæ fuerint. *Vide Bonnet. Sepulchret. Lib. I. Sect. XIV. Observ. I. II. III. VII.* Ita quoque *Authore citato Libr. II. Sect. XII. Observ. IV.* refertur, in rachiticis aliis humidum, & serosa colluvie inundatum cerebrum, quale stupentibus esse mox percepimus, repertum fuisse, in aliis firmum & inculpabile, quale puellæ historiæ II, quæ intellectu semper vigeat, fuisse nullus ambiges. Porro *Loco cit. Observ. III.* de rachitide agitur, in qua non modo cerebrum, sed & tota spinalis medulla humida, & vertebrae emollitæ erant. *Iridem Libr. II. Sect. VII. Observ. LXXIX.* perhibetur, cerebrum in rachitico aquosius repertum: idemque innuere videtur *Observ. II. Libr. II. Sect. XII.*

§. VII.

6. Post has puellas parentes primum tandem masculum dederant, qui vero sequiori sexu non fortior, ejusdem morbi tyrannidi, postquam septem annos & aliquot dies vivendo attigit, succubuit. Balbutire, ire poterat, & facultatibus animæ præmature valebat, antequam, ætatis anno super tres menses expleto, sub plurimis convulsionibus, & nervorum distensionibus dentes funderet. Quo tempore nodosus fieri, & difficilius gradi incepit, ita tamen, ut ad eundem ætate expeditior, quam hyeme esset. Sexto ætatis vix exacto anno, omni eundi potentia intercepta in perfectam spinam incidit. Quoque verno tempore exanthema purpureum rubrum expertus est, quod copiosissima cutis desquammatione solvebatur, atque ab eo per ætatem melius habuit. Sexto anno, antequam in perfectam rachitidem ageretur, bis ætate variolas discretas, aquosas, nec recte suppurantes, per tres dies præeuntibus, & concomitantibus quoque convulsionibus, passus est. Dispnoea subinde summopere angebatur, quæ in ferinam tussim, copiosum sanguinem excurrentem, solvebatur. Quare per quatuor hebdomadas nihil soliti, nil certius quam hanc dispnoeam illaturi, sed fluida solum assumebat. Huic hæmoptysi quatuor ante obitum septimanis largissima narium hæmorrhagia successit. Plenaria etiam alopecia dimidio anno, & major pedum tumor, non tamen ultra

malleolos assurgens, quatuor hebdomadibus mortem antevertit. Quatuordecim quoque ante obitum diebus facies, quæ plena, flaccida tamen, & pulchro rubore tineta erat, ita collapsa, & in rugas contracta est, ut vetulam referret, atque singulis noctibus sordibus, oculis, & naso effusis, ita conspurcatur, ut purgatu difficilis esset. Per eosdem quatuordecim dies urinam, nisi acri epithemate ad hypogastria admoto, urgeretur, per duos dies retinuit. Porro admodum addephagus erat, nec cibo unquam satandus. Et vere epilepticus, spuma oris, & in pugnum coactis digitis, cum malis suis dimicabat. Dimidio jam ætatis anno per novem dies identidem sibi succedentibus paroxysmis, & cum singultibus, æstu corporis, & frequenti frontis frictione jurectis, dein duorum dierum induciis factis, per quatuor alios vexabatur. Ita quoque mane in lecto mortuus repertus est, ad amissum tota dextra corporis medietate cæruleus, aperto oculo dextro, sinistro clauso, & spumæ quid ore adhuc referens. Quibus addere potes immanes tenesmos quibus perpetuo, præsertim ad vitæ finem, urgebatur, ita ut eadem hora repetitis vicibus fellic imponendus fuerit, modo particula exeunte scybalorum, modo inani conatu.

§. VIII.

7. Alter puer tribus mensibus supra annum expletis, levibus nervorum distensionibus obiit. Tercio ætatis mense ablactabatur, dein per totum vitæ cursum, seu per integrum ætatem, plane nihil amplius fluidi, sed solida omnia, densa, & sicca assumpsit. Addephagus erat. Alvo sæpe per tres & quatuor dies obstructus. Non convellebatur. Abdomen magnum, altum pectus, articuli non nodosi, facies plena, pulchra, flaccidior. Quadrantem horæ ante obitum cum submisso clamore nigram & cadaverosam alvum deposuit.

§. IX.

8. Puella, pueros ordine natalium secuta, supra annum tres menses vivendo, non dentes attigit. Facies valde plena, vere epileptica, magnum & tumidum abdomen, altum pectus, manus sinistra per sex septimanas ante mortem frigida & paralytica. Convulsionibus comitata tussis demum in epilepsiam per viginti quatuor horas continentem, & perpetuo sudori junctam, atque hæc vespertino tempore in mortem transiit. Nodosa non erat, nec mortua facie hippocratica terrebat.

§. X.

9. Hanc puer excepit, qui adhuc inter vivos agens, septimum annum mox ingreditur. Hic uno & dimidio ætatis anno sine convulsionibus quidem, sed cum hæmorrhagiis narium, prævio astui succedentibus,

dentes edidit: inde tamen nodosus factus est, & hæmorrhagiæ continuant. Anno ætatis quinto bis in hyeme uno mense variolas discretas maturantes habuit. Non loquitur, stupore quodam detentus, & purgatu difficilis. Æstate hætenus pedum officio magis valuit, quam hyeme. Præsertim proxime elapsa æstate, quæ siccior erat, bene habuit. Sed diuturniori tempestate austrina, quæ superiorem annum finiebat, ita prostratus est, ut ingredi non valens, in perfectam rachitidem adactus sit. Ab eo tempore non rara alvi obstructio, urinæ quædam retentio, una cum lenta febris vexare incepit. Ab esculentis dulcibus hætenus abhorret, & corporis externam faciem talem gerit, qualem rachiticis esse, jam sæpius percepisti. Corpusculum hoc per aliquod tempus alternis diebus fortioribus stricturis affici, pulsus me docuit, atque sub ejusmodi strictura ita invalescente, ut pedes rigidos redderet, subito olim intumuit, tumore brevi iterum & sponte evanescente. An septimus quoque annus huic puero lethalis, uti alteri historię VI. mortem attulit? perinde nimirum ac pubertatis tempus puellas historię II. & V. ad lethum deduxit.

X I.

10. Natu minima denuo puella fuit. Crescendo staturam infantis annum unum nati, non excessit, nec vivendo tres annos. Uno cum dimidio anno convulsa, & vomens dentes protrudit. Et etsi a cunis misera esset, debiliior tamen ab eo tempore extitit, nec ire, nec sedere valens. Abdomen tumidum, pectus elevatum, addephaga, vere epileptica, & paucissimi somni erat, ita, ut intra viginti quatuor vix duas horas dormiret. Sub paroxysmis epilepticis urina & scybala vi excluderentur. Strabismicam convulsionem fecerant perpulchram alias puellam, & facie plenissimam, licet flaccidiorem. Sed id memorabile est, quod omnis color vestisque ruber ab ipsius oculis procul removendus fuerit, nihil certius, quam epilepticum insultum excitaturus: porro quod aliquando per duos dies mirum in modum toto corpore intumuerit; tertio summopere in quiete, ab omnibus expiratura credebatur, sed vesperi uno vomitu, & dejectione nigra, ac ova putrida redolente, & mortem elusit, & simul atque semel omnis corporis tumor evanuit. Tenesmis inanibus quoque pluribus per horam vicibus correpta fuit. Vitæ extremo anno bis hyeme variolas, sero livido non satis impletas, experta est, & sub posterioribus decem dentes, caninos, & molares, raro phænomeno una protulit. Postquam per quatuordecim dies & facies in rugas collapsa ex infante animum finxerat, & tribus abhinc diebus dormire inceperat, epilepsia continente vivis erepta est. Nodosa fuisse negabatur, reliqua tamen morbi spinalis symptomata erant.

§. XII.

§. XII.

Undecim harum prolium mater scrophulosa est, & quadragesimo ætatis anno ita vetulam facie mentitur, ut mirarer de anomaliis mensium querentem. Pater & ante, & quam diu genuit, inconcussæ valetudinis sese semper fuisse affirmat, vermibus tamen majorem in modum olim laborasse constitit, & hodie quoque exsucco ac rheumatico corpore senium anticipat. Cæterum sedentariæ vitæ homo acu durum panem lucratur, atque eos inter est, quos vitam merendi difficultas conterit, ac consumit.

§. XIII.

Cæterum adhuc subjungere placet, quæ vaga praxis de rachitide præterea docuit.

Observatio 1. Non alium adhuc, quam a dentitione ortum spinalem morbum vidi.

Obs. 2. Stantis aut erecti rachitici spina lumbaris eo convexo arcu antorsum non curvatur, quo in sanis, sed retrorsum in lineam rectam magis propulsa recedit.

Obs. 3. Retrorsum caput inclinare solent, quo nempe concava vertebrarum colli inflexio ducit.

Obs. 4. Ego saltem plures stupidos rachiticos, quam facultatibus animæ valentes hætenus vidi: etsi hos quoque viderim.

Obs. 5. In castello, quod humidius cœlum, quam ipsa urbs, fortitum est, mirabar numerum, & rachiticorum, & cachecticorum prolium.

Obs. 6. Hic morbus inter juventutem Argentoratensem, ubi ob cœli humiditatem corpora pulchra & relaxata frequentiora sunt, creberrimus occurrit.

Obs. 7. Excepta puella ultimæ historię somnolentos esse rachiticos, & ægre per nares spiritum trahere observavi.

Obs. 8. Vidi, quibus dormientibus admodum in pectore ebulliret, qui deinde quamdam materiam, in fauces tussi evolutam, deglutirent. Vidi, quibus vigilantibus idem contingeret.

Obs. 9. Vidi ætatis cursu rachitide imperfecta exemptos, scrophulosos fieri.

Obs. 10. Mutato argentoratensi cœlo, pubertatis tempore imperfecta rachitide liberatam novi, & in corpus strictum ex flaccido mutatam.

Obs. 11. Pueros novi, qui circa eundem annorum terminum rachitidem imperfectam exuere, & crescere inceperant; laxi tamen, non mutato cœlo, esse perseverant, imo diu adhuc retentam, & facile exacerbant, dispoenam demum cum annis quoque amiserant. Novi porro, qui rachitide eluctati, facile in pleuritidem quandam spuriam, cum suffocationis periculo junctam, incidunt: quæ venæ sectione male tentata,

tata, jufculo vinofo cum melle fumpto, & cathartico, aut epithemati acri mox ceflit. Porro hos, perinde ac ipfos ftupidiore rachiticos, admodum difemetos & difcatarticos efle, expertus fum.

Obf. 12. In rachiticis linguam mole exuperantem obfervavi.

Obf. 13. Infantem nodofum, unius & dimidii circiter anni pedibus, abdomine, fcroto non rugofa, facie tumentem, flaccefcantem, plane ftupidum, eundi loquendique potentia quadam, qua antea pollebat, defraudatum, cum largis dolibus Refinae Scammonii, Tartari Emetici, & Sulphuris Antimonii aurati, ad vitam, fenfibilitatem, ac debitam fticturam revocare fruftra tentaflem, tandem amplo cingulo mercuriali, cum fpiritu vini fæpius fricata dorfi fпина, & tinctura Veneris Helvetii, quæ Vitriolum Cyprium fpiritu vini folutum continet, ita data, ut vomituriendi quidem conatus, raros tamen vomitus ciejet, & appetitum plane profterneret, in integrum reftitui furibundam praxin! Exclamabunt, quibus venus in omni cafu venenum eft. Sed venerabundi Senis noftri æterno præcepto. *Seft. I. Aph. VI. Ad extremos morbos extrema exquisita comparata remedia optima*; ad extremum igitur ftuporem & relaxationem extrema ftringentia adhibenda.

Id adhuc notabis, etfi dofeos dati tartari emetici, & vitrioli veneris oblitus fim, me tamen obftupuiſſe, ad excitandam naufeam ac inappotentiam ea copia opus efle: non propterea, quod ftupido draſtica convenire, ex dogmatibus vetuftatis ignorarem, fed quod, eam vim requiri, non augurarer.

Jam ex his hiftoriis empiricis feu therapeuticis ea collecturi, quæ omni individuo, morbo fpinali decumbenti, communia efle obfervavimus, ad condendam præſentis ægitudinis pathologicam hiftoriam accedemus.

Hiftoria Pathologica Morbi Spinalis.

§. XIV.

A Dentibus oritur iſte morbus. Oſſa mollia & cartilaginea reddit. Hinc proceſſus articulares, & pari ratione omnia oſſa ſpongioſa intumeſcunt. Fiſtuſoſa cylindricam ſuam cavitatem in planiformem, & ex binis lateribus comprefſam mutant, ac vario modo inflectuntur. Ipi articuli diverſam, & a natura abhorrentem conſtitutionem induunt. Flaccide fiunt, ſeu admodum relaxantur partes flexiles. Inde denſæ membranæ & cutis, magna viſcera, quibus & caput nimiam molem exporrigitur, & thorax, retro ſpina dorſi, antrorſum ſterno in gibbum elevato, deformatur, & abdomen præſertim dextrum ob hepatis magnitudinem (*Hift. V. Seft. Anat.*), ac regio hypogſtrica ob veſicam (*Hift. cit.*) majorem in modum extumeſcit, ſpina, ubi lumbos diſtinguit, retro propulſa.

Caput, emollita antrorſum convexa ſpina, quæ collo ineſt, retro inflexum portatur, nec rite ſuſtentatum inter aſſurgentes ſcapularum ſummities procumbit. Ob mollitiem collabentibus, quæ non nominant, oſſibus, pelvis anguſtata, deformatur. Relaxati muſculi primo difficulter, & cunctantes officia ſua exercent, deinde, ſpreto animi imperio, agere plane recuſant. Inde eundi, loquendi impotentia, reſpirationis difficultas, ſeu diſpnoea, rachitidis imperfectorum in perfectam mutatio. Hic tandem lenta febricula, noctu exacerbari ſolita, accenditur, plane conſumens corpuſculum, quod jam antea, evacuata omni ſubſtantia cellulari, contabuit, & faciem, quæ antea plena, & rubore ſuperba erat, in ærugineas rugas, ſquammasque comburit. Una admodum dyſpnoea increſcit, tumores accedunt, emphyſematici mihi viſi (*hiſt. & Seft. Anat. cit.*), atque urinæ, aut oculorum ſtillicidia, viſusque obſcuratio. Demum nervorum diſtenſio mortem infert, miſeræ huic vitæ longe præhabendam. Adde adhuc, addephagos efle hos ægros, bile deſtitui, & reſolutum ſanguinem venis circumagi, ſæpe fluidum quoddam copioſius in pulmones excretum in rhonchos exagitare, demum in fauces evolutum deglutire, dentes flavos fieri, dein nigros excidere. A morte quoque flaccidum corpus non obrigeſcit, nec innatum calorem omnem mox exuit. Hæc conſtantia morbi ſpinofi ſymptomata ſunt. Variabilia ſunt, quæ ſequuntur. Obſtructio, nimia lubricitas alvi, tenefmi immanes, convulſiones, epilepſiæ, hydrophobiæ ſpecies, terrores, ſtupor, ingenium, paralyſes, hæmorrhagiæ omnis generis &c. Porro ex hiftoriis empiricis hæc fluunt.

Prognoftica.

§. XV.

1. **S**I infans relaxati ſeu fluentis corporis ſit, ſi abdomen tumidum, & altius pectus præ ſe ferat, ſi ſerius, poſt primum annum, v. g. anno uno & dimidio aut quadrante, aut plane expleto jam annorum binario, dentes edat, ut ut antea vegetus & alacris fuerit, metuendum eſt, ne in morbum ſpinalem incidat, ſive convulſiones dentitioni accedant, ſive non.

2. Rachitis imperfecta cauſis externis violentis, caſu, fractura, ambuſtione, facile vel augetur, vel planè in perfectam mutatur (*hiſt. II. V.*).

3. Rachitis imperfecta circa ſeptimum annum, & tempus pubertatis ſalutariter ſolvitur (*hiſt. IV. Obf. 10. & 11.*); Secus, ſeptimo anno, aut undecimo in perfectam mutatur (*hiſt. IX. & II.*).

4. Rachitis imperfecta difficulter, perfecta vix, ac raro curatur. Saltem oblata licet occasione, curam periclitari nolui. In ipſa autem imperfecta oportet non modo ſe ipſum exhibere promptum ad ea, quæ decent ſcientiæ.

cienda, sed & ægrum, & presentes, & externa: quod primum Hippocratis præceptum non alibi magis quam hic obtinet, præsertim, ubi fordidæ parentum oeconomia est.

5. Austrina tempestas rachiticis mala (hyst. V. & IX; mala hyems, sed serena siccaque ætas opportuna (hyst. VI. & IX.))

6. Cælum humidum rachiticos facit (Obs. 5. & 6.): hinc & morbum auget.

7. Si febris lenta rachitidi superveniat, si facies in rugas collabescat, si constantes extremitatum tumores accedant, atque ab uno latere ad aliud migrent (hyst. V). si oculus e directo tumoris stillet (hyst. II. & V.) si dolor, quo sanguis hæmorrhagicus exprimitur (hyst. II). aut tenebri (hyst. VI). aut alii stricturarum morbi augeantur, (hyst. V). mors imminet.

8. Si visus obfufcari, & pedes emori incipiunt, non ultra tres aut quatuor dies mors inducias agit (hyst. II. & V.).

9. Variolæ rachiticis lethales non sunt, raro tamen bonæ, & sæpius occupant.

10. Tumor, qui rachiticos sub stricturis corripit, constans non est, & uno vomitu solubilis (hyst. IX. & X.).

11. Epilepsia spinosorum in continentem facile transit, quæ jugulat (hyst. X.).

12. Si facies tandem collabescat, vix ultra quatuordecim dies mors differtur (hyst. X. & VI.), quam observationem quoque apud Bonnet. Sepulchret. Libr. II. Sect. XII. Obs. IV. Nro I. reperire est.

13. In rachitide imperfecta dentes, carie ejecti, septimo anno reparantur (hyst. II.), non vero in perfecta (hyst. V.).

14. Subitæ mutationes, ut diarrhææ in obstructionem & urinæ retentionem, in rachitide lethum indignant (hyst. V. & C.).

15. Insignis graveolentia oris rachitidi superveniens mala, & facile lethalis (hyst. V. & II.).

16. Hæmorrhagiæ rachiticorum salutares non sunt, sed neque lethales, seu adiaphoræ (hyst. II. & IX.), neque exanthemata lethi metum incutiant.

Theoria seu Tractatio Dogmatica de Rachitide.

§. XVI.

Empirici olim dicebantur, qui omnem medicinam non nisi experientia magistra constare defendebant, Dogmatici seu Theoretici, qui rationem jungebant, Methodici, qui a stricto, & laxo, seu fluente, atque mixto totam artem derivabant. His Pneumaticos subungere potes, qui calido, frigido, sicco, humido quintum elementum, quod spi-

ritum dicebant, addiderant. Jam veterum monumenta evolventi liquet, ab Hippocrate & Galeno terminis ligare, carnem duram reddere, cogere, colligare, alibi quoque terminis extenuare, exsiccare idem indicari, quod a methodicis verbis stringere, ab Aretæo, & pneumaticis exsiccari, & excalescenti spiritus nomine traditur Porro dogmaticorum illi duumviri solvere, emollire, carnes molles reddere, sæpe implere, incrassare, humectare, refrigerare dicunt, ubi methodici fluoris & relaxationis, pneumatici frigidi, & humidi spiritus nominibus utuntur. Præterea veteribus dogmaticis biliosos, & a bile morbos dici, qui methodicis stricti, & a stricto morbi vocitantur: strictura enim excreta tenuia facit, quæ biliosa Hippocrati nominantur: relaxatio crassa reddit, ab eodem pituitosa dicta. Unde homines, & morbi frigidi ac pituitosi idem Hippocrati & Galeno sunt, qui relaxati aut fluentes methodicis.

Ita quoque dogmatici cholagoga, seu bilem educentia dicebant, quæ lenius purgantia, minusque stringentia biliosis seu strictis ad fluida tenuiora evacuanda propinabant, phlegmagoga & hydragoga, quæ acriora magisque stringentia relaxatis, seu phlegmaticis, aut ad crassiora, aut ad aquam oedematofam educendam exhibebant.

Nempe vetustas nihil, quod non observavit, conscripserat. Sed ut eas notiones cum ipsorum terminis, loquendique modis jungas, quas ipsi animo fovebant, cum vetustate exoleverint, singulari studio, & interpretandi arte opus est. Porro ut has notiones, diversorum temporum & seculorum authoribus usitatas, inter se conferas, earumque identitatem perspicias, opus ingenio. Vides ergo, methodicos & pneumaticos nullis novis dogmatibus Medicinam auxisse, sed novis tantum terminis, atque erroribus, utpote omnem catharsin rejicientes, morbos sæpe, & medicamina magis pro voluntate, quam pro ratione in relaxationis, & stricturæ classes distribuentes, imo præter laxum, strictum, & mixtum omnium aliorum in Medicina ignaros. Unde non absque causa a Galeno Thessalum vituperante, qui inter Coryphæos methodicorum erat, quique intra sex menses cuique, sive eruditionis alicujus compoti, sive experti, omnem medicinam sese traditurum pollicebatur, ejus sectatores Thessali Asinos salutatos fuisse confido. Id quod cum & hodie multi imitentur, quot & Thessalos, & Thessali asinos adhuc numerabimus? Opportet tamen in Medicina methodicorum terminos retinere, & quod in Latio conditi maxime latini sunt, & quod aptius, veriusque id exprimunt, cujus signa methodicorum placidum constituit, præsertim quod in Galeni latinis versionibus tensionis seu stricturæ, & relaxationis nomina me reperire memini. Quibus prænotatis, evolutaque morbi spinalis empiria, jam ad dogmaticam partem convertimur.

Rachitis est morbus magnæ relaxationis, quippe quemadmodum tensio strictionis, ita flacciditas relaxationis signum est. Quare cum rachitici admodum flaccidi existant: hic morbus nimis relaxationis nota insignendus. Quoniam ergo exsiccatio stringit, humectatio autem relaxat; *partes solidae rachiticorum nimium humectatae sunt*. Inde est, quod glucine, perinde ac machinae Papinianæ ope, nimis humectato, ossa spinosorum mollescant, cartilagineam naturam induta. Inde est, quod humidius Argentiniensium, & præcipue Castellæ cælum rachiticos generet. Inde est, quod mari circumfusa Anglia, quod Hollandia, quod Lutetiæ, quod humidæ quæque septentrionis regiones rachiticis frequentes sint. Inde est, quod in regionibus siccis rarior sit morbus.

De cælo Argentoratensi id adhuc notabis, quod, cum apertum, & omni vento pervium sit, salubritate sese admodum commendat; quod vero, cum frequentes rivi, urbem interlabendo distinguant, circumque fluant, cum proximus quoque Rhenus in aerem evolutos vapores suos transmittat, cum demum gremium vallis, levibus paludibus penes Rhenum notatæ, occupet, humidius utique cælum nostrum existat. Inde est, quod magis relaxata corpora, atque hinc pulchritudine quoque insignia hic reperias. Inde est, quod quæque tempestas humida mox officinas nostras formulis medicis repleat.

In specie de Castello tenebis, me novisse, qui dum huc ex urbe migrassent, brevi ita relaxatos esse, unum, ut cachecticum facie ferret, in incompletam herniam, & quartanam incideret, alterum, ut strictior antea exsucciorque, laxata cute, totus repleretur.

§. XVIII.

Infantia de se ætatum omnium maxime relaxata est. Quare si relaxanti sive diætæ sive regimine, sive pharmacia nimium obruatur, cum summæ relaxationis morbus spinalis sit (§. ant.): cur, recensente Barhaavio Aphor. §. 1484. qui praxin exercuit, ubi rachitidis patria est, diætæ aquosa, mucosa, farinacea, horæacea cruda, saccharata, piscibus frequentior, balnea, fœtus, linimenta, unguenta (relaxantia utique) vapores humidi, perpetua quies, frigida ac humida in genere, rachiticos reddant, intelligis. Ita quoque quia quartana ipsa morbus relaxationis est, & quia morbi acuti in magnam relaxationem solvi observantur, ad rachitidem tenellam ætatem disponunt.

Nimirum hæc ad morbum spinalem disponentes, seu proegumenæ causæ sunt; quem nos quidem hactenus non aliter, quam a dentitione ortum, observavimus. Dentitio ergo ipsa, nobis vera causa esse videtur, quæ in subiecto, per alias causas prædisposito, rachitidem determinet. Non enim

enim absolutæ sunt aut morborum, aut salutis, aut mortis causæ, sed relativæ, cum non absolute in quoque subiecto effectum edant suum, sed in eo solum, quod per alias causas, quas prædisponentes, aut proegumenas dicunt, quæque, ita nuncupatam, *receptivitatem* subiecto inducunt, ad suscipiendam causæ primariæ, & procatartici actionem, idoneum aptumque redditum est. Jam a Galeno tradita hæc doctrina infinitis exemplis practiciis illustrari potest. Ita enim tinctura veneris Helvetii stricto seu bilioso data, hyperemeses, & facile mortem invitat, laxo & stupido propinata saluti est. Aer pestilentialis, qui optimi Sydenhami tempore civibus Londinensibus incubuit, multis salubris fuit, & a morbis chronicis liberavit, sed infinitos alios interemit. Vidi olim vehementer strictum, cui austrinis tempestatibus bene semper erat, sereno, sicco, stringentique cælo pejus, qui adeoque a communi hominum natura abhorruit. Sic humido cubili alios læsos, alios a chronicis levatos fuisse, memini, læsos nempe phlegmaticos seu laxos, levatos biliosos, seu strictos. Germanorum methodus morborum Syndromen malum hypochondriacum acerbis laceffendi, quam male biliosis & strictis cedit, quot inde mala in meo ipsius corpore accensa dolui! quam vero convenit morbis viscerum abdominalium laborantibus laxis & pituitosis! Sed ab observationibus, a præsentis materie alienis, reversi, videamus quoque, quinam parentes prolem suam ad rachitidem disponent.

§. XIX.

Quoniam parentes corporis sui constitutionem proli impertiri, quotidianæ observationis est, a laxis parentibus laxa proles generanda est; & cum corporis relaxatione tenellam ætatem ad rachitidem disponi §. 17. demonstratum sit: *relaxati ad rachitidem dispositum pusionem generent*. Inde est, quod, observatore eodem Barhaavio Aphor. §. 1482. *Rachitis maxime infesta sit liberis, quorum parentes laxa & debili conditione corporis, otiosi, molles, opipera mensa, cibis pinguibus, saccharatis, pane pauco, vinis dulcissimis, & aqua multa calida uti sint*. Hæc enim & diætæ & regimen genitores ipsos nimium relaxat. Porro cum morbi veneri in secundo stadio frigidi, seu relaxationis sint, id quod & observatio, & suis consultationibus Med. Tom. II. Consult. LXXXVIII. A Fonseca te docebit, ubi ita habet: *Lues venerea est morbus a tota substantia venenatus & occultus; præterea intemperies calida & sicca ipsius jecoris, quæ ut plurimum a principio cum hoc affectu copulatur, quia fit ebullitio quadam, licet progressu temporis degeneret in affectum frigidum & humidum*. Cur quoque venere & gonorrhæa laborantes, prolem ad rachitidem disponent (observante Barhaavio loc. cit.), seu, cur lues venerea parentum in prole in rachitidem degeneret, testante Astruc de Morbis Venereis. Libr. II. C. I. intelligis. Demum senes, etsi exsiccati, naturaliter stricti sint, cum tamen fluidi nervei, seu

vitæ debito in partes influxu sublato, vitaliter relaxentur, sobolem ad rachitidem properantem enituntur, vide Barb. loc. cit.

§. XX.

Jam consideratis causis prædisponentibus, examinandum quoque veniret, cur rachitis a dentitione potius, quam ab alia causa primaria actu ingruat. Enim vero hæc causa repertu difficilis, & ejus cognitio praxin exercentibus forte supervacanea, forte utilis erit. Viam tamen, quam reperturus teneat, sternemus. Et ante, & cum dentes erumpunt, magna in corpore mutatio, magnos stricturarum tumultus ciatur, modo vomitum, modo diarrhoeam, modo alvinam obstructionem, modo largam diuresin, modo convulsiones, epilepsias, febres, corporis incendia, deliria, sitim, inappetentiam &c. exsuscitans. Sub his turbis mole aucti, intumescentesve dentes, divisa gingivarum carne, prornunt. Sic etiam sub stricturis, quæ variolas & antecedunt, & comitantur, odo dentes alveolis suis emeruisse historia X, docuit. Jam vero, si in hoc rerum articulo ossium processus, & quæque ossa spongiosa æque in spatium amplius, ac ipsi dentes eniterentur? Vel quid, si eo tempore ossa omnia constanti quadam naturæ lege molliora essent, quam alio? Quid etiam si strictis vasis, uti Manica Hippocratis, expressa aqua lamellas fibrasque ossium nimia vi inundaret, & ita emolliret, ut Papiniana machina? Sed, quod mihi quidem videtur, nondum satis observationum collegimus, ad hanc causam intelligendam conducentium. Adhuc tamen, quæ sequuntur, addito. Scio ossa aquis septicis macerando, plane emolliiri posse, scio in altero stadio morborum venereorum, & scorbuti, quos relaxationis morbos esse historiarum docent, subin mollia reddi: quare cum magnam, dentes edentium, stricturam, magna quoque relaxatio sequatur, cum porro relaxatio acris cacochymiae parens existat; forte eadem causa emolliendorum ossium & in rachiticis, & in venereis seu syphiliticis, & in scorbuticis occurrit, cacochymiae nimirum seplis.

§. XXI.

Quia gibbosi omni tempore occurrebant, etiam Hippocrati, ut ex aphorismis, & libris de articulis intelliges, quia quoque, quibus extremitatum ossa incurvata essent, haud minus frequentes fuisse, confido: a rachitide morbo autem & gibbi & ossium inflexiones dependent: Non ipsa rachitis, sed observatio rachitidis sola mihi nova esse videtur. Nam Hippocrates Aph. 46, Sect. 6. enuntians, qui gibbosi ex asthmate & tussi sunt, ante pubertatem moriuntur, vel ut apud alios lego, qui gibbosi ex asthmate & tussi ante pubertatem sunt, moriuntur, quid, quæso, aliud, quam ipsam rachitidem, solo omisso termino tecnico, qui hodie in usu est,

est, describit? Atque cum maritimum coelum obmatorem suam causam proigumenam morbo spinali præbeat (§. 17.): quin ex insula Coe nato Seni nostro, observatorum principi, hic morbus obviam factus fuerit, quis dubitabit? Nimirum utimethodici, pneumaticique, quod novostermi-
minos condidissent, propterea nova theoria medicinam a se ornatam, putabant, ita hodie quoque non raro ex terminis de morborum ætate seu duratione statuimus. Jam, spectatis morbi spinalis causis, ad symptomata explicanda doctrinæ ordo deducit.

§. XXII.

Cum relaxatæ fibræ difficilior sit motus muscularis, quam debito gradu strictæ: rachitici vero magna relaxatione laborent (§. 17.): vides, cur, si antea & ire & loqui potuerint, spinosi tamen facti, difficiliter & gradiuntur, & in voces expiratum aërem moduletur, aut cur ambulare vel loqui plane non addiscant. Atque quod ipsa respiratio motu musculari peragitur, cur difficulter respirent, seu asthmate aut dispnoea teneantur. Imo cur caput, quod motu musculari erectum tenetur, sustentare nequeant, retrosum, quo inflexio vertebrarum colli vergit, prolapsum. Porro vides, cur morbo, hinc relaxatione, aut fluore aucto, pedes, officii sui plane obliviscantur, cur dispnoea quoque in orthopnoeam increseat [hist. II. & V.]. Scio malam pectoris conformationem dispnoeæ rachiticorum causam haberi, verum, cum tot viderim pectore male conformatos, qui, quam diu sanitate fruebantur, procul ab omni asthmate remoti erant, nolim consentire.

§. XXIII.

Cum relaxatæ partes, fibræque majus spatium occupent, quam strictæ: id quod sub diuturniori tempestate austrina ex subtrumentibus hominum faciebus legere est: eodem modo ac §. ant. intelliges, cur spinosis viscera mole aucta, ut inde & sternum & spina dorsii, utpote emollita, in gibbos eleventur, ut abdomen in monstrum turgeat, ut amplius futuris distinctum caput (quod Barhaavius Aphor. §. 1784. tradit) se ipsum magnitudine exsuperet. Cur porro cutis & membranæ justo densiores sint, & vesica urinaria tantæ molis a me sub sectione reperta.

§. XXIV.

Bilis rachiticis deficere debet, Sect. Anat. hist. V. Namque spinosis in cellulari omni, & omentis pinguedinem deficere hist. cit. vidimus. Quare cum bilis amarescentia pinguedinis, ex omentis, ex mesenterio, ex stratis adiposis & appendicibus epiploicis coli & recti ramificationibus venosis venæ portarum absorptæ, & in hepate per ramificationes ar-

teriosas ejusdem venæ secretæ, generetur: bile spinosos destitutos esse, liquet.

§. XXV.

Sanguis spinosis resolutus, & humores mucosi. Namque miseris hisce bilem deesse, mox ostendimus. Sed chymi ea solum portio, quæ cum sufficienti oleo bilis combinatur, in chylum & lac atque fluida albuminosa mutatur, altera in mucum abit. Quare spinosis humores mucosi sint, necesse est, propterea quod, deficiente bile, cum oleo chymus combinari nequeat, non itaque in lac, sed in mucum tantum abeat. Quoniam igitur sanguini quoque potissimam cohaesionem a materie caseosa lactis, & pituitosis seu albuminosis fluidis accedere, hic suppono: sanguis spinosorum levi cohaesione gaudebit. Cum ergo imminuta cohaesio resolutio dicatur, rachiticorum sanguis resolutus erit. Utique sanguini maximam cohaesionem a lactis materia caseosa, & fluidis albuminosis largiri, recte supposui, quod hæc ipsa sæpe super cruoris placentam corii tenacitate concrecant.

§. XXVI.

Spinosi ad hæmorrhagias per anastomosin dispositi. Quippe sanguinem ipsis admodum resolutum, & flaccida vasa nullo tono esse percepisti. Quare ille per non obstantia vasculorum ultimorum extrema orificia facile elabi potest. Atqui hæmorrhagiam per anastomosin dicunt extravasationem sanguinis, quæ per vasorum sive excretoriorum, sive inhalantium aperta oscula fit, nulla nec ruptura, nec erosione facta; quare spinosi ad hæmorrhagias per anastomosin dispositi. Inde est, quod tam frequentes rachiticorum hæmorrhagias historiis empiricis spectaverimus.

§. XXVII.

Spinosis branchus frequens, præsertim sub somno, & jussu gravior vox. Etenim ipsis totum corpus, hinc & pulmones flaccidi & relaxati, præterea mucosa fluida sunt (§. 25.), quare quia relaxatio excreta crassa facit, augetque: rachitici affatim mucosorum humorum in pulmones & asperam arteriam ex frequentissimis harum partium mucosis glandulis exudabunt. Sed nimia ejusmodi in pulmones & asperam arteriam excretio branchus audit: hic itaque spinosis frequens fit, necesse est, præsertim corpore & pulmonibus insuper per somnum relaxatis. Inde ad tussim sollicitantur, vel alio labore ex pulmonibus evolutum mucum deglutiunt (Obs. 9.). Porro laryngis strictura acutam, saltem respectiva relaxatio graviores voces reddit, cum adeoque spinosi toto corpore, hinc etiam larynge relaxati

relaxati sint, cur gravior ipsis vox sit, me observante, pervides.

§. XXVIII.

Spinosi somnolenti & addephagi. Namque relaxati sunt: fluidum igitur nerveum non satis in partes movetur. Pone enim contrarium, cum a fluidi nervei influxu partes stringantur, spinosi non erunt summo opere relaxati, sed stricti; id quod absurdum (§. 17.). Quare miseræ huic sololi pacatus fluidi nervei motus est. Atqui hujus fluidi pacatus motus, in partes non sufficienter illati, somnum invitat. Spinosi ergo somnolenti sunt. Porro centies observabis, relaxatione appetitum augeri, strictura prostermi: quare rachitici addephagi, seu edaces erunt.

§. XXIX.

Jam difficilius opus aggredimur, *statum mixtum* ex rachitide distincte explicaturi. Rachiticos autem, etsi majorem in modum relaxati sint, diversis tamen stricturarum paroxysmis, epilepsia, tenesimis immanibus, nervorum distensionibus qualibuscunque, frigore, æstu, vomitibus, lenta febris, hæmorrhagiis activis corripitur, historiæ empiricæ abunde testatæ sunt. Quare cum relaxatorum stricturæ *mixti* nomine methodicis venerint: *mixtum dari*, & quidem in *Rachitide* quoque vides. Sed quid? an non satius esset, misso exotico hoc termino, *stricturas* rachiticorum, aut *relaxatorum* dicere?

§. XXX.

Si missis motu musculari, & mentis affectibus, jucunda animi quiete fruatis, aut dormias, pulsus magnus, fortis, tardus, rarus, mollis est. Quare cum jucunda animi quies, ac somnus sanitati competentem relaxationem inducant; debitæ relaxationis pulsus magnus, fortis, tardus, rarus, mollis est. Pone nimiam relaxationem, uti puellæ cachecticæ aut rachiticæ, aut somno longiori tempore producto, tunc pulsus parvus, debilem, tardum, rarus, mollem esse observabis. Jam cachecticam, seu relaxatam, & fluentem ejusmodi puellam ad eundem incitato, prout, hujus ægritudinis non satis gnari, Practici sæpe faciunt, tunc pulsus parvus, debilis, celer admodum, & frequens, mollis tamen adhuc, etsi minus quam antea, seu mollem inter & durum vacillans, reddetur, cor palpitabit, dispnoea pectus angustabit, vertigo & animi deliquium imminebit. Atqui motus muscularis stringit, & hi stricturarum effectus sunt. Vides ergo, *quantam parvitas nimium relaxati superveniens strictura excitet*, sive hæc strictura a causa externa, sive ab interna, uti ab acri cacochymia proficiatur. Inde est, quod spinosi ab acribus subito,

bito, & nulla arte applicatis, uti secundæ historiæ puella a raphano sumpto, & thermis Marchionatus Baadensis tam male sese habuerit. Stringunt enim acria. Si igitur propositum stricture gradum laxatis inducant, non possunt non male cedere. Ita quoque quam sæpe puellæ cachecticæ ab usu martis, qui tamen maxime indicatur, initio infestantur, cum tamen, continuato ac arte Sydenhami gubernato remedio, ultra primum hunc stricture in mixto gradum deductæ, læte convalescere incipiant. Non ex theoria quadam commentata, sed quæ fieri vidi, in medium profero. Non ergo melius fecerunt, qui, visis hisce malis, calybem in relaxatis fœminis damnaverant, ignari & methodi ea præcavendi, & bonorum, quæ inde consequuntur, quam illi, qui propterea opium & theriacam rejecerant, quod verum usum nescirent, ut & veneris tincturas, quod strictis, aut sanis, aut saltem non summopere relaxatis porrectæ, damna intulerint. Nullum enim medicamen verus usus, sed abusus, noxium fecit.

XXXI.

Sed aliam adhuc relaxatorum, seu in mixto stricture contemplabimur, quæ tunc ingruit, cum corpus ultra statum pulsus parvi, debilis, tardi, rari, mollis relaxatur. Ubi has observationes teneto: si relaxatus rachiticus dulci & relaxanti diætâ, ut pomis, pyris dulcibus, passulis, ac saccharatis tractetur, in continuos vomitus, frigus febrile, & æstus incidit (*hist. II.*); vel saltem debilitates & nervorum distensiones per tres aut quatuor dies incrementum capiunt (*hist. V.*). Porro quo propius, morbo hinc & relaxatione, aucto, mors rachitici imminet, eo magis & nervorum distensiones, & deliquia animi, & tenesmos augeri, atque lentam etiam febriculam accedere, historiis empiricis edocti sumus. Quare cum hæc omnia stricture sint phænomena, *Quenam stricture symptomata ultra gradum pulsus parvi, debilis, tardi, rari, mollis relaxatis superveniant, vides.* Quæ hic evolvimus ex aliorum morborum cursu, simili observatione colligi possunt, quos omittimus de rachitide, non de universa pathologia scribentes. Sed adhuc notandum, quod cum rachiticis nervorum distensionibus emori viderimus, illos *stricture in mixto interim.* Et profecto hæcenus tam hominibus, quam brutis nondum aliter mortem, quam stricture vel simpliciter talibus, vel in mixto inferri videbam. Unde diu anceps hæsi, an de morte, an de morbo rachitide mihi disputandum esset.

§. XXXII.

Jam vero rationem amabis percipere, cur eo gradu relaxati, quo pulsus parvus, debilis, tardus, rarus, mollis est, sive rachitici sive alii, tam stricture, quam ulteriori relaxatione accedente, variis stric-

turarum symptomatibus, quæ statum mixtum absolvant, abripiantur. Sed hæc a posteriori, & ex aliis morbis prius adhuc, quam ex ipsa rachitide observando intellexisse, mihi sufficit. Et quamquam non eo scientiarum nos unquam venturos prævideam, ut plane omnium, quæ quotidie in animali corpore contingunt, rationes sufficientes, veras intelligo, non precarias, & vanissimum quemque intellectum maxime fallentes, a priori eruamus: in hac tamen materie futuras observationes quid adhuc largituras spero.

In (*Hist. V. & IX.*) stricture alternis diebus exacerbatas attulimus, atque hanc observationem pluries & ipse & a me moniti alii fecere. Ita in me ipso, atque in aliis stricture tam a causis externis, quam ab internis excitatas modo tertio, modo quarto die, postquam prius exacerbabantur, vel plane tolli, vel notabiliter saltem remitti, & circa septimum demum plane evanescere vidi. Quænam quæso horum similiumve phænomenorum ratio sufficiens? forte in fingendo me felicius eris. Sed scire, non fingere medicum, cui praxis exercenda est, juvat. Hæc quoque causas rationesque sufficientes fingendi licentia me eo impulit, ut nullam unquam morbi cognitionem theoreticam seu dogmaticam concipiendam esse putem, nisi prius omnem ejusdem morbi empiriam tam pathologicam quam therapeuticam intellexerimus.

§. XXXIII.

Ex his intelligis, quidnam de diversis stricture morbis, quo etiam hæmorrhagiæ activæ pertinent, rachitidi supervenientibus judicandum atque ratiocinandum sit. Hæc igitur, ne præfixos limites supergrediar, industriæ tue relinquo, id solum addens, rachiticorum mortem tribus aut quatuor imo quatuordecim diebus notabili mutatione anteverti (*hist. II. X. & V.*). Quæ observationes, cum aliis junctæ, utilia dogmata offerent contemplanti.

§. XXXIV.

Spinosi cacochymici sunt. Namque cum pulsus debilis sit, vires vitæ admodum remissas esse, necessum est. Sed hisce viribus excretiones, progenerita acria corpore eluentes, præstantur. Quare hæc, una cum materia perspirabili in corpore retenta, acri saburra humores conspurcant. Cum itaque humorum acrimonia cacochymia vocetur, rachitici non possunt non cacochymici esse. Inde rachiticis exanthemata varia, & frequentes variolæ. Sed demum omnem hanc materiam terminabit.

Therapia dogmatica.

§. XXXV.

MOrbum spinalem, cum magnæ relaxationis & humectationis sit, curare tentanti, prima indicatio hæc occurrit: *Admodum stringenti ac exsiccanti & diæta & regimine & pharmacia tractandus eger, rite tamen, quæ hoc scopo imperantur, viribus egri vitalibus, & stupore, aut sensibilitate æstimando.* Nam stupor & sensibilitas individui ægrotantis indicata pharmacia mutant: quæ enim stupido acerrima stringentia competunt, sensibili mitiganda.

Diæta ergo nec farinosa nec aquosa, nec oleosa, butyracea, pinguis, saccharata, dulcis, nec ex vaccino lacte, piscibus, fructibus horreis, intestinis, omentis, naso, ungulis, pedibus & articulis animalium, nec ex carnibus coctis aut gelatinis comparata sit, sed ex assatis, aromaticis, magis minusve vinosis, solidiori forma, quam fluidiori concinnatis.

Regimen tale sit: aer & natura & arte siccus comparetur, in loco lucido & tumultuoso hospitent, in animi affectus, quos ferre posse prævidentur, ciantur, motu, quem ferent, fortissimo concutientur, lecto & frictione dura utantur, utraque enim, mollis si est, relaxat: a sordibus cum cura purgentur, vestis aut rubra aut alba sit, & sæpe mutetur: hic enim color & mutatio corpus stringit. Et frigori & multo ac sicco calori exponantur. Præsertim tempestate humida & australi eorum cura geratur, & succentis resinosis &c. quem colunt, aer siccet.

Pharmacia acris & exsiccantibus tam interne, quam externe, sive in balneis, sive in vaporibus, suffragiis, stuphis, sive in fotu, sive in epithemate, cataplasmate, unguento, emplastro, præsertim ad spinam dorsæ, nucham, caput, plantas pedum, & manuum volas, articulos, & ubicunque major in corpore sensibilitas viget, applicatis, absolvitur. Interna ore ingerenda sunt, eadem ratione acris, sive purgantia, sive emetica, sive sepi quadam agentia, ea tantum copia propinanda sunt, ut conatus potius vomendi, quam ipsos vomitus ciant, atque ut appetitum prosteruant; fames enim docente Hippocrate Aph. 59. Sect. 7. exsiccet, non vero ea copia, ut actu evacuationes exsuscitent, has enim, etsi stricturis fiant, relaxationibus tamen excipi sæpenumero videre est, nisi semel coeptas has evacuationes, coeptamque stricturam continuato pharmaco prosequi velis. Id quod oppido Sydenham agnovit, in dissertatione epistolari ad Guiliel. Cole. monens: in rachitide vera catharsin locum non habere, nisi ut semel aut bis ad plurimum eger purgandus, antequam usum alterantium aggrediatur, atque eandem observationem in cura mali hytteri, relaxatas occupantis, & hydropis repetit. Quæ omnia quam vera sint, qui praxi observandi industriam jungit, experiatur.

§. XXXVI

§. XXXVI.

Altera indicatio hæc esto: *rachitico brevi a pastu bilis inspissata, aut sapo venetus, aliufve cum oleo præparatus, offeratur.* Quippe rachiticis bilis deest, atque hinc nullius consistentiæ, seu cohæsionis sanguinem & mucosos humores sortiuntur (§. 25.). Quare hunc defectum emendaturus a pastu ocysus, ac chymificationem peractam esse judicabis, bilem, vel, ob olei vim, bilis vicarium saponem subjunges. Sic enim cum oleo aut bilis aut saponis combinatus chimus, in verum chylum & lac, ac inde in sanguinem debitæ consistentiæ, nec mucosum abibit. His adde, acedine bilis, aut saponis incitato motu peristaltico, primam digestionem adjutum iri, atque ex parte primæ indicationi, acris & stringentia postulanti, satisfieri. Hæ indicationes universales sunt, quas, morbum spinalem sublaturus, servabit, *individuales* ex determinationibus individualibus subjecti quique ingenio & doctrina excultus therapeutæ derivabit. Admodum enim falluntur, qui omnem morbis medendi methodum scriptis comprehendendi, & in scientias colligi posse, sibi persuadent. Nam cum scientiæ non nisi genera & species, quæque iis competunt, attingant, ad individuales vero determinationes, utpote quæ infinitæ sunt, nunquam descendant, quæ ab his indicationes, individuales a nobis dictæ, offeruntur, libris scientiisque exulent, necesse est, non nisi ab eo datis casibus eruendæ, quem & ingenium & eruditio & cultura aptum reddidit, etiam ad ea perspicenda, quæ natura intimo determinationum individualium recessu abscondit.

T H E S E S.

- I. **E**mpiria facit medicum theoreticum, seu omnis morbi empiria cognoscenda est, antequam theoria de ipso condi possit.
- II. Usus remediorum drasticonum in quibusdam morbis necessarius, hancque necessitatem veteres perspexerunt.
- III. Plethora sine stricturis est non ens.
- IV. Dantur phthises sine pulmonum ulcere.
- V. Epilepsia a terrore orta incurabilis.
- VI. In pleuritide putrida & maligna sive exanthematica sive non, qualis superiori verno tempore grassata fuit, venam secare non licet.
- VII. An in pleuritide venæsectio continuanda sit, nec ne, sanguis primo missus indicabit.
- VIII. Sanguis vena missus, num febris continua sive simplex, sive cum exacerbationibus juncta, putrida & maligna sit, nec ne, ostendit.
- IX. Podagra, quamdiu non est habitualis, curari potest. Quando autem

P p 2

tem

tem in habitum abivit, tunc iisdem remediis exacerbatur, quibus antea curanda erat.


X. Materia podagricorum albuminosa & gypsea est, nequaquam calcarea.

XI. Febris, græce, πυρ, seu ignis, non aliter nisi per æstum præternaturalem definiri potest, & periodici absque æstu horrores febres nec sunt, nec a Galeno dicebantur.

XII. Cum puerum octo annorum noverim qui jam a tertio ætatis anno quotidie sex mensuras aquæ bibat, plus ingurgitaturus, si a parentibus non prohiberetur: ut addephagi, seu edaces, ita, quos bibulos, seu potatores dicere posses, occurrunt. Sed unde? certe hic puer admodum strictus, sanus, vegetus est, atque subtracto poculo, labiis siccis & asperis, & maculis rubris genas variegantibus exæstuat, urinæ integrum torrentem una vice reddit.

FINIS.

Tab. XXVIII.



*Puella Rachitica Historiæ quintæ .14 annor.
Disput. Medico-Pract. Tom. VI. BUCHNER DE RACHITIDE. pag. 300.*

CCIII

GEORGII AUG. LANGGUTH

E T

SAM. GOTTLIEB EICHLER,

D E

POLYPO INFANTIS RHACHITICI.

DISPUTATIO.

Vitemberg. 29 Octob. 1744.

Pp 3

P R O O E M I U M.

Multiplex non minus, quam plane egregius, ille utilitatis fructus est, quem, in omni arte nostra, habet, practica vulgo sive Pathologica, quæ dicitur, Anatomie; in primis vero illi medicinæ parti, quæ de morborum causis, abditis plerumque & multa caligine involutis, exponit, lucem illa accendi longe clarissimam. Nulla huic rei argumenta dico. Medicinam aem a sole illuminari laboriosa argumentatione nemo contendit.

Enim vero, hæc illa causa est, quam ob rem nonnulli ex clarissimis medicinæ professoribus, quos superior ætas vidit, media inter cadavera, Democriti more, quasi cum voluptate quadam, versari sinit. Veneramur Wepferos, Bonetos, Kerckringios, Ruyschios, Bidloos, Bartholinos (a) etiam, si fata modo & invidus ille Vulcanus siverint, veneraturi. Cara hæc nobis sinit, & digna, quæ imitemur, nomina. Sed utile nisi est, quod querimus, stultam scimus esse gloriam.

Hæc est spectata illa utilitas, propter quam doctissimi, apud Edimburgenses, medici, in societatem hodie converunt; propter quam non experientias solum & observationes colligunt, apteque disponunt, sed id omnium maxime urgent atque inculcant (b), ut homines, morte sua peremptos, diligentes dissecemus, & quæ fieri potest, adcurratione, in morbi, mortisque, causas inquiramus, & quæ visa, pro eo, qui bonos viros decet, candore, medico cum orbe, communicemus.

Sic, scilicet, facile tandem, sic unice, fieri posse, recte sibi persuadent, ut medicina ad maiorem perfectionis gradum paulatim evehatur; & qui illam profitentur, atque exercent, non divinare, non ariolari, amplius, sed summa cum probabilitate conjecturare, & tantum non demonstrare, dicantur.

At enim vero, quod illa Vulcani invidia Bartholino olim denegavit, id sancta hominum nostrorum simplicitas, id puerilis quædam & anilis plane superstitio, & si quid turpius istis, quotidie nobis vel omnino denegat, vel summis difficultatibus intricat atque involvit. Videas, enim, o philosophica

(a) Ipse Thomas Bartholinus acerbissime conqueritur. Exerc. de Anatom. Practic. Quidquid tot annorum studiis ad anatomicam practicam ex observationibus propriis & aliorum, in arena hæc exercitatorum, congesseram, invidus ille Vulcanus, voraxque fortunarum mearum beluo consumpsit, & momento citius in cineres convertit. Cujus jactura inestimabilis nunquam sine animi quodam motu, sed inter sapientis moderationem temperato, memoria occurrit acerba.

(b) Medical Essays and observations, Pref. T. I.

phica nostra tempora! Videas, qui a dissectoris crudelitate male sibi etiam post fata adhuc metuant, atque, vel suprema tabula, vermibus ita sese apponi, jubeant, ut non exenteratas suas amicus suis Trimalchio delicias. Videas, qui, ut ne in conjuges, in liberos, in propinquos, Thracum more, impii post mortem videantur, id nullo a se modo impetrari patiuntur, ut medici, quod dicunt, in viscera suorum grassentur, & quo morbo, qua mortis causa, diem suum obierint, in aliorum demum utilitatem doceantur. Videas de plebe, de perditissima & infima populi faece, homines, qui pro impudentia, pro stupiditate, sua, fedissima quævis & omnes contumelias, in, cadavera suorum, iudicis vel jussu, vel favore, secutores, secantesque, evomant, & omne cum illis commercium, ut mitissime dicam, cane pejor & angue, tum quidem maxime, devitent. Proh, dii immortales, qua laborum medicorum condimenta, qua voluptates, qua deliciae!

Sic, credo, rara satis, sic difficilis admodum, illa nobis efficitur occasio, qua optime artis perfectionem nostra qualicumque symbola juvare, qua in commune prodesse, nos quoque possemus. Scilicet

Dum tumidis alii transmittunt æquora velis,

Ignava legimus litora summa rate.

Hæc fundi nostri, ut ita dicam, calamitas facile nos invitat, ut primam quamvis opportunitatem avidissime arripiamus, qua, quo affectu in Anatomem Practicam feramur, quam scilicet impense ipsi faveamus, demonstrare permittitur. Propter ea, cum talem nuper ex voto nacti simus, Disputationi huic inaugurali argumentum volumus esse Anatomico-Pathologicum. F. S. N. F!

INFANTIS

INFANTIS RHACHITICI ANATOME.

Puella, rustici filia, tres annos cum tribus mensibus nata, sed rhachitica, & ab ubere matris cachecticæ, ex hydrope paulo post demortuæ, varie vexata, subita morte extinguitur. Judex, justis ex causis metuens, ne violenti impetu peremta sit, legalem cadaveris inspectionem atque sectionem decenter imperat; quam & medicus & chirurgus, præsentibus in officio judiciali constitutis, tertia post obitum die, ut artis est, instituunt & absolvunt. Quæ notatu dignissima deprehenderunt, hæc fere sunt.

A. Erat puella (a), pro ætatis ratione, perparvula, ut dimidiæ ætatis illam vix habueris (b); tabe simul consumpta (c); summa partium laxitate atque molliore (d); capite justo majori (e); pectore a lateribus angusto, antè non nihil acuminato (f); abdomine tumido, paululum prominente (g); clavicula mirifice contorta (h); ossibus brachii & femoris, non arcuatis, sed in medio ad angulum fere, incurvatis (i); articulis valde nodosis (k); spina dorso extreme viatiata, & figuram literæ S quadantenus exprimente; uno verbo, & primo statim intuitu, rhachitica; nullis cæteroquin externæ cujusdam violentiæ vestigiis, fugillatione nulla, comparentibus.

B. Incisis, & ad latera inclinatis, integumentis & musculis abdominalibus, conspiciebantur (a) intestina crassa flatibus turgida, inania, rectum vero facibus exsiccatis, ad sphincterem, non nihil obturatum (b); intestina tenuia constricta, exiguae admodum diametri, ad insertionem ilei in cæcum lumbricis aliquot teretibus, spithamam longis, glomeris instar in se involutis, oppleta (c); tunica earum externa, jam putredine, infecta, lividaque, a sero (d), in cavitate abdominis copiose collecto, jam satis fœtente (e); glandulæ mesenterii & mesocoli distinctæ, tumidæ, induratae (f); hepar, præter naturam, duplo majus, parte sinistra ventriculi omnem obtegens, cætera, sanum (g); ventriculus, reliqua viscera, secundum naturam constituta (h); omentum, ad fundum ventriculi, retractum, parvum, tenue, nulla pinguedine distinctum.

C. Pectore aperto (a), pulmones comparebant exigui, collapsi, fani, pleuræ non adnati (b); pericardium cor laxè ambiens, sero extravasato non nihil distentum (c); cor ipsum parvum, contractum, omni sanguine vacuum; sed (d), venæ ipsius Coronariæ egregie conspicuæ, ad rupturam tumidæ (e). In primis vero auricula cordis dextra sinistram, ex altera parte, superabat, cum sinu venæ cavæ sic quidem coalita, ut, a se invicem non distinguenda, pro uno sacculo, turgidiusculo, habueris; sollicitè incisa polypum dabat crassiusculum, spithama

Disput. Medico-Pract. Tom. VI.

Q 9

lon.

longiorem, auriculam corpore contorto replentem, venam cavam superiorem altera extremitate obstruentem, membranaceum, multo cruore arctius cinctum (f); venæ jugulares, in utroque latere, plenissimæ.

D. Capite serra dissecto (a), calvaria cum dura matre arctissime conjuncta cernebatur, adeo, ut hæc simul incidi, & cum cranio auferri, deberet; tum vero, penitus cum ipso coalita, tamquam verum petiocranium internum, sine dilaceratione plenaria ab osse separari non poterat (b); moles cerebri major, mollior, turgidiuscula, erat (c); vasa sanguifera Piæ Matris, turgidissima (d); & in anterioribus cerebri ventriculis extravasati feri portio satis conspicua inveniebatur. Sic diem suum, ex polypo maxime, sanguinis circuitum sufflaminante, puella obiisse judicata est.

§. I.

UT Anatomem Pathologicam suas etiam difficultates pati Bohnius (a) probet, ad Glissonium (b) in primis provocat, haud perperam, ut ipsi videtur, monentem: *Anatomicos non infrequenter in suis observationibus lapsos fuisse, dum, quæ ad alium morbum spectant, alteri, cum quo ante obitum complicatus erat æger, adscripserunt.* Quanta igitur cum adcuracione circumspicere in præsentem debebimus, ut suum cuique tribuatur, ne errorem toties erratum denuo erremus, qui puellam nostram ex tricupiti quodam cerbero, ex rachitide, polypo, vermibus, ad vitæ exitum, laborasse didicimus; triplicisque hujus morbi luculenta satis vestigia, dissecto explicatoque corpore, observavimus.

§. II.

Primus ex his morbus, cum quo, quoad in vivis fuisse videtur, confictari misera hæc puella debuit, rachitis, sine dubio, habenda est. Illam, enim, nisi a matre sua, hæreditario veluti jure, adultam jam, accepit, primum tamen mali hujus fomitem, teneramque infantiam, perditissimis cachecticæ parentis succis, & lacti hanc ob causam nocentissimo, tribuendam esse, nemo facile negaverit. Primam igitur attentionem nostram, primasque lineas, occupet.

§. III.

(a) *Dissertat. de exper. fallac.* §. 60. Lips. 1710. Ipsam tamen practicam anatomem propterea non negligendam putat; sed varios potius auctores excitat, qui omnibus illam modis commendavere, Eustachium, Donatum, C. Pisonem, Riolanum, Tilpinum, Helponium, Wepserum, alios; enim vero, id, quod artis administrari peccare, quis est, qui ipsi arti tribuendum censeat?

(b) *De rachitide*, c. 2.

§. III.

Seculum nunc, & quod excurrit, est, ex quo hic morbus infantibus potissimum, omnis generis calamitatem importans, in occidentalibus & australibus Britannicæ oris coepisse, communiter dicitur. *Franciscus* enim *Glissonius* (c), qui, quicquid de hoc morbo habemus, primus nobiscum communicavit, & suum de novo hoc affectu libellum, anno Seculi XVI quinquagesimo, Londini in lucem prodire passus est, quantum quidem ex aliorum relatione, diligenti facto examine, colligere potuit, triginta circiter retro abhinc annis primum innotuisse hunc morbum clare docet. Sed, qui ipsum nomine suo longe antiquiorem esse statuunt, non pauci inveniuntur. Sic ita, ut *Johannes Grauntius* (d) observat, in catalogis mortuorum, quotannis Londini typis publicis exscribi solitis, the Rickets, rachitidem, ante annum seculi superioris trigessimum quartum, non occurrere; exinde tamen conficiendum statim non putant, non inveniri aliud morbi genus in istis catalogis, sub quo vel potuerit illa tum latere, vel debeat intelligi. Multa scilicet cum probabilitate *Heisterus* (e) docet, hunc morbum tam novum non esse, ut vulgo creditur, ostenditque, infantes, olim pro a diabolo suppositis habitos, re vera nihil aliud, quam infantes rhachiticos, fuisse. Et *Alex. Camerarius* (f) collectis undique & consideratis phænomenis, cardiaca Germanorum & rhachitis Anglorum in quo non conveniant, quid commune ipsis non sit, se omnino non invenire, neque differentiam aliquam essentiallem vel deprehendere vel agnoscere, aperte proficitur. Immo vero, eodem jure utantur, qui *Galeno* & *Hippocrati* ipsum hunc morbum spinalem jam cognitum fuisse, ne quid optimum senem artisque conditorem latuisse forte videatur, adstruunt (g), quamvis nec apud hunc, nec apud illum, nomen rhachitis inveniatur.

§. IV.

(c) *Tractatus de rhachitide, seu morbo puerili, Rickets dicto*, Londini, ap. Sadlerum, 1600. 8.

(d) *Grauntii Annotationes upon the bills of mortality.*

(e) *Progr. de rhachitide*, Helmstad. 1725. conf. *medicin. practic. compend.* p. 190.

(f) *Dissert. de rhachitide*, Tubing. 1735.

(g) *Sulzerberger diss. de rhachitide*, Lips. 1668. cap. 1. §. 5. *Quod rhachitidem concernit, jam antiquitus Hippocrates, ex spinali medulla gravissime & difficillime homines egrotare, haud obscure innuit. Vbi. de loc. in hom. ex fluxione scilicet in medullam spinalem, tabem suboriri, occultam itemque syncopem, si illa in vertebra, & carnes, deflexerit, quæ omnia lib. 2. de morb. confirmat. lib. 2. Prothetic. expresse innuit, etiam, si sua sponte medulla spina egrotaverit, hominem cruribus impotentem fieri; Sect. porro, 1. Aph. 25. vertebrarum in occipitio introsum luxationes morbis puerorum annumerat. conf. Jac. Sponius Aph. Nov. Sect. 3. §. 71.*

§. IV.

Parum nostra interesset, novus ne, transmarinus hic hospes, haberi morbus deberet, an Hippocrates jam intus & in cute illum noverit; utrum Anglia, an Græcia (b), venenatam hanc prolem, hanc hydram vere lernæam, excluderet; Tros Rutulæve fuit; modo nesciret transmare latus hospitari! modo tenelli cunarum hospites tuti forent ab hoc hospite! Sed jam dudum est, quod experti didicimus, ad omnes illum populos, ad Gallos (i), ad Batavos (k), ad Germanos (l), frequentius divertere, utque indigenam plane decet, apud illos diversari. Equo pulsant pede pauperum tabernas, regumque turres (m). Toto notissimus orbe notas & scelerum suorum vestigia ubique reliquit.

§. V.

Vestigia, quibus rhachitis præsentiam suam manifestat, & luculenta satis sunt, & numero non pauca. Inde est, cur hunc morbum syndromen plurimorum atque gravissimorum symptomatum, quibus tenelli primi

(b) Neque classicus ille auctor, Glissonius, novit, unde Anglicum nomen, *the Rickets*, originem habeat, & a quo, quamque ob causam, huic morbo impositum sit. Collegium medicorum Regiorum, nomine, latina civitate donato, rachitidis, hunc affectum appellavit; non, quod illud deductum sit ab Anglico *the Rickets*, cum quo casu saltem coincidat, sed, quia affecta in primis sedes, spina dorli, sit, quæ Græcis *ῥαχίς* audit. Notari, credo, meretur, eodem modo Germanorum vocabulum, *der Rücken*, quod dorsum est, a Græcorum *ῥαχίς* pariter atque Anglorum *the Rickets*, non admodum dissonare, rhachitidemque sic commode satis, *die Rücken-Sucht*, dici posse.

(i) Gallia nequitiam excipitur; facile enim & impune transfretare potuit. Lutetia Parisiorum rhachitidem sapius sibi visum Arnold. Boetius testatur. *Observat. medic. de affectib. omni.* cap. 12. Londini 1649.

(k) Etiam Belgio valde gravis est. v. Boerhaavius de cogn. & cur. morb. aphorism. §. 1480. sqq.

(l) Doctam profecto suam putarent ignorantiam, si, quid sibi velit *die Englische Kranckheit*, nescirent. Sed tam pulcre nobiscum non agitur.

(m) Horat. *carm.* 1. 4. 13. Primerosius quidem notandum esse ait, vix umquam cerni rhachitidem in rusticorum puerulis, sed nobilium, maxime atque ditiorum ciyium cunis illam insensam deprehendi, propterea, quod horum infantes mollius atque delicatius tractentur, v. Camerar. *cis. diss.* Aliam, non minus gravem, causam Platnerus excitat, *Dissert. de thoracibus* §. 4. Lipsi. 1735. hab. Hoc certe a veritate alienum haud videtur, dictum illum, & hac ætate adeo frequentem puerorum morbum, rhachitidem, cuius plures causæ, fontesque, sunt, non raro ab hac gravidæ ventris coagulatione oriri, ad minimum hanc, si materni corporis habitudo aliæque occasiones præsto sunt, non parum conferre. Nihil tamen secius, rustica nostra, mollius, certe, atque delicatius, non tractata, communem hunc generis humani hæsem & casulas humi jacentes intrare, experta loquitur.

mis plerumque tribus annis obruantur, a plerisque definiri videas. Sed, uti hæc symptomata, quoad gravitatem, sibi non ubique æqualia sunt; ita neque numero eodem apud omnes observantur. Eorum, enim, alia ad essentiam morbi pertinent; alia, vero, vel abesse & adesse, vel ad diversum plane affectum, nunc cognitum satis, nunc plane latentem, spectare, possunt atque solent. Ut igitur, quæ in casu nostro obveniunt, rite distinguere, simulque, quæ essentialia rhachitidis symptomata, secundum Glissonium, sint, quidve, in observatione nostra, pro singulari, & non ubivis obvia, apparitione habendum, continuo quasi oculorum obtutu & sine temporis impendio, cognoscere atque judicare possimus, en illa, quæ perpetuo adesse Glissonius (n) observavit, præmissa hic, & minori literarum forma, exscripta, adjectis nostris, & breviter repetitis, annotationibus.

§. VI.

Quæ exterius, & denudato defuncto, statim occurrunt, hæc fere sunt:

(1) Irregularis seu irrationalis partium proportio; caput nempe iusto majus, faciesque habitior, respectu reliquarum partium: atque hoc quidem in omnibus hoc morbo extinctis, quos hæcenus vidimus, apparuit, unico tantum excepto, qui simul cum hoc affectu suppuratos habuit pulmones, phthisique confectus est. A. e. Sed facies nostræ habitior non erat; tabes enim universalis nullum ullius pinguedinis vestigium, neque in omento quidem, reliquerat; vermibus, scilicet, quidquid laudabile, depascentibus. (2) Membra externa, musculique totius corporis graciles & emaciati, quasi atrophia vel tabe absunti, cernuntur, atque hoc, quantum quidem scimus, perpetuo observatur in iis, qui ab hoc affectu intereunt. A. a. & b. (3) Cutis universa, tum vera, tum membrana carnosæ & adiposæ, flaccida & quasi pendula, laxæque instar chirothecæ, apparet, ita, ut multo plus carnis eas continere posse putes. A. c. (4) Circa articulos, præsertim in carpiis & talis, protuberantiæ quedam exstant. A. i. (5) Articuli, artus, habitusque omnium externarum partium, minus firmi ac rigidi. A. c. (6) Pectus exterius macrum, & valde angustum, præsertim sub alis, & a lateribus quasi compressum, conspicitur; sternum vero nonnihil acuminatum, instar carinæ navis, aut pectoris gallinæ. A. e. Sternum, hoc loco, non ita erat acuminatum; in genere vero pectus propterea angustum compressumque apparet, quia nullis carnibus investitur. (7) Costarum extrema, quibus cum cartilaginibus sterni committuntur, nodosa sunt, quem ad modum de articulis carpi & tali diximus. Hujus costarum excrecentiæ & nodositatis nihil deprehendimus. (8) Abdomen exterius quidem,

Qq 3

(n) Cit. Tr. de rhach. cap. 2. p. 19. sqq.

quidem, respectu nempe partium continentium, macrum est, interius vero, respectu contentarum, non nihil prominens, tumidiusculum sentitur. A. f. Integumenta communia, cum musculis, valde erant extenuata; facile propterea, intestinis tumidis & hepatis prægrandi, omnia abdominis viscera urgente, cedere debebant. Atque hæc observavimus nondum reseratis ventribus.

§. VII.

Nos, vero, ex observatione nostra addimus, A. g. claviculam mirifice deformem, A. r. spinam dorso extreme vitiatam; præcipue vero, A. h. ossa brachii & femoris, non arcuatim, sed in medio ad angulum fere, incurvata; notamusque: (1) hanc ossium brachii, sive humeri, & femoris, curvationem rarius omnino occurrere, cum, contra, radius & ulna, cum tibia fibulaque, frequentius a linea recta aberrare soleant. Sic enim ingeniosæ illæ hypothesi, quam Jo. Mayow (o) probabilem efficere, summo opere annisus est, aperte vis infertur. Ita vero ille: *Liceat hypothesin hanc nostram exemplo illustrare: si arbori teneræ & crescenti chorda superius & inferius alligetur, ita tamen, ut eadem a chorda non tendatur, nullus dubito, quin arbor dicta, crescendo, (intra utramque ligaturam) incurvabitur.* Nunc pergit: *radius & ulna, cum tibia, fibulaque, sola in rhachiticis incurvantur.* Ossa, in hoc affectu, inter partes affectas, nutritionis respectu, numeranda non sunt; non minus igitur, quam in sanis, aluntur atque crescunt. Partes, contra, nervosæ & musculosæ, propter succi nervosi defectum, non excreverunt; & tibiæ in primis, suram constituentes muscoli, posterius affixi sunt; vices ergo ligaturæ illius in arbore sustinent, idque efficiunt, ut, dum ossa intra utramque muscoli insertionem continuo crescant, & elongari non possint, necessario, tamquam arcus a chorda, incurvantur. Ad experientiam tandem, cui vero nostra observatio ex diametro contraria est, confidenter provocat, sententiæ suæ majus adhuc pondus additurus: *In crure & humero, ubi ossa a musculis, ab omni latere affixis, æqualiter restringuntur, ea, in æquilibrio posita, a nulla parte, nisi rarius, inflectuntur; cum tamen ea in longitudinem extendi nequeant, necesse est, ut in magnitudinem, uti fit, & aliquando etiam in nodos, excreverunt.* (2) Deinde vero neque hoc, quod hæc ossa non arcuatim, sed ad angulum quasi, (sicuti non numquam ossa fracta, minus recte tractata, coalescunt) incurvata fuerint, ex sua Mayovius hypothesi commode satis explicare poterit. Ejus, enim, ut largissimus fini, exemplo utar: si linea quævis, intra eosdem terminos elongatur, necesse est, ut ea, a recta, in obliquam, non, vero, in duas, angulum obtusum constituentes, mutetur; id quod tamen ossibus brachii & femoris, secundum observationem nostram, fere contigit.

§. VIII.

(o) Opera omnia medico-physica, Ty. V. de rhachitide, Hage-Comit. 1681.

§. VIII.

Aperto abdomine hæc porro notavimus: (1) Hepar, in omnibus a nobis dissectis, justo majus, alias autem non male coloratum, neque valde induratum, aliore aliquo vitio notabili contaminatum. B. f. (2) Lienem non contemnendum, sive magnitudinem, sive colorem, & substantiam ejus spectes. B. g. (3) Aquam serosam, in cavitate abdominis elapsam, aliquoties vidimus, sed neque frequenter, neque eam valde copiosam; B. d. Supra quidem, copiose collectam, diximus, quod nemo tamen, ad mensuras, librasve, interpretabitur; omnem humorem spongia paulatim ebibit. (4) Ventriculū & intestina, non nihil ultra morem sanorum, flatibus repleta, quæ, ex parte, causâ esse potest tensionis hypochondriorum, supra memorata. B. a. (5) Mesenterium aliquando inculpatum, aliquando glandibus justo majoribus, si non strumis, affectum. B. e. (6) Renes, ureteres, vesicam, nisi aliis adfuerit morbus, satis sanos. B. g. Omenti Glissonius mentionem non facit; illud tamen, B. h. parvum, tenue, & omni pinguedine destitutum, deprehendimus; id quod, sine dubio, tibi illi universali adscribendum, quæ puellam nostram paulatim consumserat; vel humori in abdomine collecto. Forfan & lumbrici illi teretes, quos ileum intestinum continebat, B. b. partem de tunica, ut ita dicam, sibi sumere. His tenellorum tortoribus rhachiticis haud raro excrucitari, Camerarius (p) etiam expertus est: *Neque vermium, inquit, hic obliviscar, qui comitari malum, quin aggravare, admodum frequenter solent.* Alios consulere nunc non vacat. Multum probabilis tamen hæc res mihi habere videtur; in primis quidem, si causam illam meditor atque perpendo, unde lumbricorum in infantibus originem, subtilitate prorsus verisimili, Ettmullerus (q) deducit, quæ, quod frequentem cerealium usum, ventriculique debilitatem, attinet, meam, ad minimum, pauperculam puellam, verminare fecit.

§. IX.

Detracto sternō, in thorace, hæc sese ostentarunt: (1) Adnascencia quedam pulmonum cum pleura, quæ in omnibus, quos hætenus dissectimus, plus minusve adfuit. Arbitramur tamen contingere posse hunc affectum sine hujusmodi coalescentia, licet ea in progressu morbi plerumque ante obitum superveniat. Et recte quidem arbitratus est; nos enim pulmones pleuræ adnatos non deprehendimus, C. a. quod polypto forte, consuetum, per pulmones, sanguinis circuitum turbanti, tribuendum. (2) Pulmonum infarctus, non minus frequentes, præsertim in ipsis partibus adnascentibus.

Horum

(p) Dissert. cit. de rhach.

(q) Valetudinar. infantil. cap. 2. §. 24. Opp. omn. Lugduni 1685.

Horum nihil vidimus; pulmones enim sani erant. C. r. (3) In cavitate thoracis vidimus aliquando aquas serosas, collectas, & frequentius quidem, quam in cavitate abdominis, non tamen in omnibus. In thoracis cavitate nihil humoris extravasati hærebat; sed pericardium illo tantisper distentum offendebar; quem venæ cordis coronariæ, sanguine ad rupturam tumidæ, plorasse facile possunt; C. b. C. d. forsan & auricula cordis dextra, polypo nimium extensa, symbolam suam conferente. (4) Thymus in puerili ætate semper magnus solet deprehendi; & forte adhuc major in iis, qui ex hoc morbo intereunt. Concedo, sed nihil confirmo. Nam, ut ingenue fatear, attentionem meam huc non direxi. Purarem tamen si præter naturam major, prægrandisque, fuerit, oculos illum meos ita plane non effugisse. Hos vero omnes alliciebat, & ad se quasi trahebat, auricula illa cordis dextra, C. c. quam duplo, ac naturaliter esse debebat, majorem, cumque sinu venæ cavæ in unum sacculum coalitam, mirari utique, cum præsentibus aliquot commilitonibus meis, debebam. Sed de hac apparitione, hoc loco, non satis opportuno, nunc non plura.

§. X.

Cranio, tandem, orbiculatim serra circumscisso, ejusque operculo sublato, hæc observavimus: (1) Duram matrem firmissimam, atque in pluribus locis, quam solet in adultis, cranio adhæsisse; forte idem observari potest in aliis pueris, hoc morbo non affectis, licet, ut opinamur, non tantopere; siquidem certum est, in recens natis multas esse arctas connexiones pericranii cum dura matre, quæ postea abrumpuntur, vixque notari possunt. Quæ supra, retuli, totidem verbis repetam: capite serra dissecto, calvaria cum dura matre arctissime conjuncta cernebatur, adeo, ut hæc simul incideret, & cum cranio auferri, deberet; tum vero penitus cum ipso coalita, tamquam verum pericranium internum, sine dilaceratione plenaria, ab ossæ separari non poterat (r). (2) Inter duram & piam matrem, atque in ipsis ventriculis cerebri, serosas aquas in nonnullis a nobis dissectis reperimus, unde patet, affectum hunc cum hydrocephalo complicari posse.

Itidem

(r) Tam speciosis nuper argumentis systema illud suum de motu cerebri & duræ matris Bagivius, & cum ipso Paechionius, exornatum corroboratumque proposuerunt; ut eorum, qui artem nostram plane tenere, & geometrarum rigore veritates suas demonstrare posse, putabantur, haud sane paucos in partes suas mox, acciperent, & nemo plane esset, qui has subtilitates, hypothesein ex cerebro natam, & caduca principia, habere atque declarare auderet. Sed Fantomus tandem felicissime id ausus est, atque hanc sententiam adeo evertisse, ut spes sit, illam in ora hominum non facile redituram esse, nunc censetur. Hoc in primis argumento, cum amicis suis, usus est: Duram matrem futuris omnibus, margini ossis petrosi, eminentiis cranii, qua

Itidem nos in anterioribus cerebri ventriculis feri extravasati aliquid invenimus, quod unum alterumve digitale vix impleverit. D. d. 3) Cerebrum in aliis a nobis dissectis satis firmum, & inculpabile, neque illuvie serosa inundatum deprehendimus. Molem cerebri majorem, molliorem, turgidiusculam, observavimus; D. d. Sed unius effectus plures possunt esse causæ. 4) Et ultimo observavimus jam aliquoties in corporibus novissime a nobis apertis, carotides juxta proportionem ampliores fuisse; similiter quoque venas jugulares; arterias vero venasque, ad exteriores partes delatas, multo exiliores debito exstitisse. Et nos quoque ultimo vidimus vasa sanguifera piæ matris turgidissima, D. c. & venas jugulares in utroque latere plenissimas.

§. XI.

Possemus nunc, his jam rite præmissis, ad declarandam ipsius hujus morbi essentiam, properare. Hoc vero a fine, quem propositum nobis hac vice habemus, nimium longe nos abduceret. Partim, enim, quæ alii rachiticorum fata observarunt, confirmare, partim, quæ singularia nobis visa sint, indicare, atque ex his tandem atque illis, quæ naturalis & præternaturalis hominum status cognitioni velificare videantur, deducere, animum maxime induximus. In amœnam tamen camporum viciniam non mihi exspatiari, credimus, licebit. Cum enim rachitidem, affectum, ex inæquali succi nutritii & spirituum distributione obortum, ob cujus defectum vel superabundantiam partes aliæ nutrimento privata marcescant, ac emacientur, aliæ, vero, plus satis nutritæ ad molem juxta majorem augeantur, a plerisque omnibus pathologiæ doctoribus definiri videam, ab omni, placido tamen, commentariolo, me prorsus abstinere non possum.

§. XII.

Est utique rachitis, id quod facilis concedo, inæqualis nutritionis quædam species. Carnes, enim, paulatim consumi, ossa, vero, & eorum in primis extremitates, excrescere, nimiumque augeri, in ipsos oculos,

quæ falciiformes & transversos sinus sustinent, firmissime, deinde omni omnino ambitui ossium frontis, multiformi, sincipitis, occipitis, temporum, in junioribus tenacissime, valide etiam in adultis, vel utraque, uti plerumque, lamina, vel una, ubi altera recedit ab ossæ, ita adhærere, ut in homine sano non videamus, qua potentia possit dura mater aut ab ossæ recedere, aut ad os accedere propius. vid. Hallerus ad Prælect. Academic Boerb. Vol. II. p. 164. sqq. Sed omnem sine dubio argumentationem quam longissime exsuperaverit, illa ad oculos demonstranda, puellæ nostræ, cum calvaria, in omnibus ubique punctulis, firmissime connata coalitæque, dura mater. Quæ quidem nunc, difficillima hac quæstione soluta, & omni lite jam confecta, hunc utilitatis hac in causa fructum habitura est, ut crambem hanc, si venis verbo, nemo nisi argumenti hujus virtutem plane non degustatus, denuo nobis apponere audeat.

Disput. Medico-Præf. Tom. VI.

R r

los, qui præstantissimus sine dubio sensus est, incurrit. Atque sic quidem, ea, quæ video, generaliori, a singularibus deducta, abstractione, accurate satis eloquor. Nec ullum, fateor, dubium est, quin hæc definitio, quod ad genus attinet, in semeiotica, in illa doctrina, quæ de iis, quæ sensibus patent, exponit, additis scilicet reliquis symptomatibus, hunc morbum ab alio, non ita dissimili, omnino distinctum efficere possit.

§. XIII.

Sed medici, morbos definientis, primarius extra controversiam finis est, ut fomitem mali, ut adæquatam, & proximam adeo, morbi causam, modumque, quo agat, & ipse cognoscat, & alios simul edoceat. Medicus, enim, est, atque dicitur, non, ut morbos distinguere satis ipsi sit, sed, ut promte ipsis medeatur. Optime vero, cognita causa, effectus demum tollitur. Causam, igitur, modumque, quo agat, in definitione, hæcenus recepta, non suppeditari, probare debemus. Atque hæc res multam difficultatem non habet. A priori, hoc est, ex ipsa nutritionis notione, probationem nostram deducamus.

§. XIV.

Hæc duo, nihil præterea, ad nutritionem requiruntur: 1) ut succus laudabilis, quo quid nutriri potest, sufficienti quantitate adsit; 2) ut succus ille nutritivus, ad partem nutriendam rite pertingere, atque sic ipsi adplicari, possit. Virtute igitur oppositorum consequitur, duplicem omnis atrophie, sive consumptionis, causam, nullam præterea, esse posse: 1) ut ipse succus laudabilis non sit, sed ratione qualitatis suæ peccet; 2) ut ille, satis quidem laudabilis, ad nutriendam partem, sufficienti quantitate, pertingere non possit. Sed inæqualis nutritio status quidam mixtus est; nutritionis, igitur, & atrophie, causæ, ad hunc producendum, symbolam suam conferunt. Scilicet, 1) si succus laudabilis omnino est, impedimentum adsit, oportet, quo minus, non ad omnes æqualiter partes, pertingere possit; 2) si succus non plane laudabilis est, itidem causa quædam adesse debet, quæ partem laudabilem, non promiscue modo huc modo illuc, sed ad certum quemdam locum perpetuo, derivari patiatur.

§. XV.

Hæc, sine mora, ad receptam rachitidis definitionem accomodemus. Concedimus, illam esse inæqualis nutritionis speciem; concedimus, hanc inæqualem nutritionem, ab inæquali succi nutritii distributione, recte derivari. Sed in hac causa acquiescere nondum possumus. Nimis illa
remota

remota est. Amplius adhuc quærendum, amplius respondendum est. Quæ, scilicet illa est ratio, propter quam succus nutritivus inæqualiter distribuitur? Propter quam aliæ partes in vigore suo conservantur? Aliæ vero, neglectæ prorsus, macie paulatim pereunt? Ipsa interim remota hæc causa facile efficit, ut proximam invenire possimus. Sic enim pergitur: utrum forte culpa in ipso succo nutritio, quoad partem tantum laudabili, hæret? An impedimentum aliquod adest, quo minus, ad omnes æqualiter partes, ille, satis laudabilis, derivari possit? Probabilis satis ad hæc responsio id efficiet, ut amplius quærere non possis. Tum demum vero intelliges, causam tuam remotam in proximam decenter esse immutatam.

§. XVI.

Ad propositas has quæstiones varii varie, & summa non nulli cum probabilitate, responderunt; ut adeo, si modo voluerint perfectiorem rachitidis definitionem dare, utique potuissent. Nostra vero, cur noluerint, scire, nihil refert; dummodo conceptus præsto nobis sint, quibus eam ipsi emendare possimus. Sed ego quidem sequentem in modum illam emendam: *rachitis est morbus infantilis, a succo nutritio, visciditatem reliquorum humorum, & teneriorum vasorum obstructions causante, oriundus, carni in primis atrophie & nimia ossium nutritione, cum articulorum nodis & spinæ dorsæ inflexione, sese manifestans*; atque, si per institutum liceret, omnium symptomatum, quæ hunc affectum ut plurimum comitari solent, originem atque rationes, me sine difficultate reddere atque deducere ex illa posse, considerem.

§. XVII.

Sed de rachitide jam satis. Nunc de polypo, qui puellam nostram subita morte peremit, pauca adhuc nobis differenda sunt. Cujus quidem accuratiori considerationi eo lubentius nos accingimus, quo omnino plura sunt, quæ illam a nobis postulare videntur: sive eorum existentiam in genere spectes; sive apparitiones illas, quas in præsentī casu offendimus; sive tandem, quod cum rachitide, rarissimo prorsus exemplo, complicatus ille fuerit. Ignoscent vero mihi, quod confidentissimus spero, Th. Kerckringius & Andr. Pasta, Bergomas, strenui illi polyporum, in vivis existentium, oppugnatores, quod clarissima nunc edoctus experientia, illorum opinionibus, contraria opinione, adversari audeam. Ac illius quidem pii manes molestiarum nihil abs me perpeturi sunt. Optimi enim viri rationibus, (1) quibus, polypum ante mortem existere
R r. 2 perne-

(1) Spicileg. Anatomic. Observ. LXXIII. Pseudopolyp.

pernegarat, & post obitum demum concrefcere, defenderat, a *Malpighio* (t) *Mangeto*, (u) *Peyero*, (x) aliis, jam dudum satis responsum est, meritoque omnis hæc controversia deinde conticuit. Neque vero etiam *clarissimo viro, Andr. Pafte*, (y) cui, hoc bellum revocare, nuper placuit, ipse bellum nunc facturum sum. Quamvis enim, multa adhuc superesse sciam, quæ doctissimo causæ *Kerckringianæ* defensori reponi possint; rem tamen omnem in pauca conferre, & argumento, ab experientia nostra deducto, polyporum in vivis existentiam propugnare, fatius videtur.

§. XVIII.

Vidimus nempe, nec, quod videre forte voluimus, nec soli quidem, sed aliquot commilitonibus comitati, auriculam cordis dextram, sinistram, ex altera parte, quoad magnitudinem, exsuperantem, cum sinu venæ cavæ ita prorsus coalitam, ut, a se invicem non distinguenda, pro uno sacculo, turgidifaculo, habuerimus; incidimus deinde illam, atque polypum crassiusculum, membranaceum, multo cruore induratoque sanguine, arcte vestitum, auriculam, contorto suo corpore, replentem, spithama longiorem, adeoque venam cavam superiorem, sive ascendentem, altera sua extremitate obstruentem, invenimus, protraximus, & omnibus nostris oculis attenti consideravimus. C. e.

§. XIX.

Unicam hanc observationem, omnibus illis opponimus argumentis, quibus, polypos in vivis animalibus generari posse, imo, plures dies, menses, annos, ante obitum, generatos fuisse, vel pertinacissimi hætenus impugnari posse putaverunt. Dicant, si placet, si quam ingenio comminisci causam possunt, quid alteram hanc auriculam alteri tam dissimilem effecerit? Cogitent, ventriculorum cordis dextrum fuisse omnino constrictum, & omni sanguine vacuum; cogitent, sanguinem per pulmones, exiguos quidem, sed naturaliter constitutos, libere potuisse circulari: ut adeo, ab hac parte, nulla resistentia fingi quidem possit, quæ sanguinem venosum in auricula, & venæ sinu, retinere, & illam paulatim, ad tantam diametrum, distendere potuerit; cogitent, lufum quempiam, aut aberrationem, naturæ, gratis assumi, & in subiecto,

(t) *Opp. Tom. II. Tr. de Polypo Cordis.*

(u) *Biblioth. Anatom. Tom. II.*

(x) *Parerg. Anatomic.*

(y) *Andrea Pafte, Bergomatis, Epistola ad Alethophilum dua, altera, de motu sanguinis post mortem, altera, de cordis Polypo in dubium revocato. Bergomi, 1739. vid. Act. Erudit. Nov. A. 1739 M. Febr. p. 79. sqq.*

in quo, quoad conformationem partium, nihil præter naturam existit, secundum leges probabilium, expectari non posse.

§. XX.

Sed ad illa quoque phænomena, quæ polypi, sive corporis alicujus peregrini, vasa obstruentis, præsentiam, probabilem efficere solent, quæque in subiecto nostro comparuere, paulisper nobiscum attendant. Et ita quidem attendant, ac si ipsum puellæ corpusculum, dissectum, manibusque explicatum, oculis eorum, manibusque, objectum sit. Ad est, primo loco, ventriculus cordis dexter, in systole sua constitutus, omni sanguine inanis; C. e. adsunt pulmones, exigui, collapsi, sanique, & nullo, neque arterioso, neque venoso, sanguine, turgentes; (z) C. a. conspiciendus adest sinus venæ pulmonalis, auricula sinistra, ventriculus ejusdem lateris, omnes, sanguine non distenti. (a) C. c. Quam vero venæ cordis coronariæ, distinguendæ, & ita sanguine turgentes, adsunt, quasi jam diu depleri non potuerint? C. d! Adest in pericardio ferositatis collectæ (b) quædam portio, per auriculæ dextræ & venularum poros probabiliter percolatæ; C. b. conspiciuntur venas jugulares, vasa sanguifera piæ matris, sanguine plenissima, ob impeditum in venam cavam, sinum, auriculamque, descensum; C. f. D. c. ipsa in cerebro effracta vasa, molliorem cerebri habitum, humorem in ventriculis extravasatum; (c) D. b. D. d. & duram tandem matrem, calvariarum arcis-

(z) Vide, quam observationi nostræ similis illa sit, quæ a *Schenckero*, apud *Breslavienses*, A. 1723. M. Dec. consignata legitur: in ipso corde, vitæ aliis fonte, heic mortis causa. Fuit auricula dextra, triplo major, sinistra, excreta prorsus concretionem polyposam. Et planum est, ex sectione conspiciere, interruptionem sanguinis circuitum, mortis causam, capisse in dextra cordis auricula, & ejusdem lateris ventriculo, & inde nihil prorsus transire potuisse ad pulmones.

(a) Nulla enim causa erat, quæ has partes distenderet; valent vero *Guilielm. Comper* observavit: cor vere flaccidum erat, & amplum; ventriculus dexter & vena cava polyposi haud exigui continebant; vena pulmonalis, prope cordis basin, nimium dilatabatur, ventriculus cordis sinister parvum polypum, multumque sanguinem grumulosum, recondebat. vid. *Transact. Philos. Angl. A. 1712. n. 335. & Act. Erudit. A. 1713. p. 449.*

(b) In hominis, polypo cordis demortui, pericardio serum, loturæ carnis, simile, ad aliquot uncias, repertum est. *Breslavienses*, A. 1723. M. Septembr. p. 326. Pericardium, aqua refertum, vid. infr. §. 24. allegatam ex *Boneto* observationem. In eodem magnam sanguinis copiam invenit *Ramazzini*, *Constitut. Epidemic. A. 1691. §. 21. Opp. Omn. Genév. 1717. p. 171.* Nuper apud nos vir sexagenarius, præpinguis habitus, subita morte opetiit; dissectio cadavere, ad explorandam mortis causam, ex pericardio fere duas librae concreti sanguinis extractæ sunt, ac in trunco arteriæ magnæ ascendentes inventus polypus, lacertula longitudinem & magnitudinem referens.

(c) Vasa cerebri sanguine turgida. *Breslaviens. A. 1722. p. 389.* Sioma cerebri humiditas & humorum frigidorum ad nervos defluxio, imbecillitatis crurum causa est, *Bo-*

arctissime adhærentem, adglutinatamque (d) D. a. Hæc, ut decet, simul sumpta, nunc speculemur. Potuit ne polypus, in ipso mortis articulo generatus, auriculam sinumque adeo distendere, ut, extracto ipso, nullum, ullius inter utrumque distinctionis, vestigium deprehendi potuerit? Quæ illa allegari causâ potest, quam ob rem calvariæ dura mater tam perfractæ adhæserit, ut sine dilaceratione separari non potuerit, si a polypo venas jugulares, vasa utriusque Menyngis, sanguine penitus oppleta esse, si per hæc vascula subtile serum transsudasse, & concretionem suam, ossium parietem cum menynge conjunxisse, perfractius longe, negamus.

§. XXI.

Hæc polyporum exempla, quibus hæctenus, quæ præcipua nobis visa fuere, illustravimus, simul quoque confirmant, illos multo hodie frequentius, quam majorum nostrorum ætate, sollicita magis anatomicorum opera, inveniri. Perpauca, enim, ex morbis chronicis demortuorum cadavera, dissectorum cultro subjiciuntur, ex quorum venis majoribus, sinibus cerebri, cordis auriculis atque ventriculis, ejusmodi polyposas concrectiones, magno numero extrahi non videamus. Sed, sicuti tenella ætas huic morborum generi exposita esse nequit; ita quoque polypi rarissime in infantibus occurrunt. Vel hoc igitur, nomine, puellæ nostræ, tres annos natæ, polypus, dignus videri debuit, cujus memoriam, commendatione nostra, conservaremus.

§. XXII.

Aliam, non minus opportunam, sufficientemque, rationem Teichmeyerus (e) quidem allegat: Nascuntur, scribens, plerumque polypi ab effectibus vehementissimis, terrore, nempe, metu & ira. Quoniam vero in junioribus infantibus affectus animi fortiores tales locum non inveniunt, nec regnant ita, uti in adultis, ideo rarissime polypi in corporibus infantum inveniuntur. Sed, causâ hæc, & varias admittit exceptiones, cum in-

met. Sepulchret. Lib. II. Sect. VII. Obs. 66. Hæc vero, in puella rachitica, observata fuisse, partim exinde intelligitur, quod auctor, Fabrit. Hildanus, Centur. 17. Obs. 74. adjicit: tot morbos in hac puella complicatos fuisse, ut ne quidem Esculapius ipsam a morbo liberare potens fuisset; partim ex eo, quod alibi addidit: puella, a morbis complicatis extincta est: spina dorsi, a continua defluxione humorum ex capite, adeo erat emollita, adeoque vertebra relaxata, ut figuram hic adjunctam --- referrent. Prima incurvatio sinistram partem pectoris occupabat; altera, e regione hepatis, cet. v. laud. Bonet. Sepulchret. Lib. II. Sect. XII. Obs. 3.

(d) Idem modo laudatus Cowper observavit: In capite mater dura cum superiori calvarie parte arctius cohærebat, quam ut potuerit separari; ex suprema cerebri vena, quæ finis falciformis superior audit, eximebatur polypus.

(e) Institut. Medic. Patholog. P. II. Sect. VII. c. 1.

fantes, ut hoc utar, iracundia magis sæpe exardescant, quam adulti; & plures quoque socias habet, quibus polypi origines & natales suos debere solent. Ipse propterea pergit excitatus auctor: Interea duos polypos in infante quindecim mensium observavi; & Bonetus in sepulchreto anatomico quoque communicavit observationem de polypo in infante observato. Boneti (f) vero observatio hæc est: Filiolus N. per 4. aut 5. dies tussi, febricula, laboravit; & intra biduum extinctus est: pulmones mortui, sanguine stagnante infarcti, reperti sunt: dum vero lethi adeo subiti causas adhuc rimamur, corde dissecto, in sinibus polypi ingentes animadverti. His duobus exemplis tertium adhuc lubentissime addo, partim propter aliquam, quæ ipsi cum casu nostro intercedit, similitudinem; partim vero, & maxime quidem, quia optimum quondam, sanctissime nunc memoria, præceptorem, Schacherum, illum, inter cimelia sua anatomica adservatum, attente considerandum, mihi exhibuisse, summa cum voluptate, recordor. En ipsa ejus (g) verba: Sane egomet ipse plures ejusmodi polypos asservo, qui adeo compactam consistentiam sunt adepti, ut haud difficulter in plures laminas resolvi possent. Eos inter memoratu est dignus, qui in infantis quatuor annorum (ex catarrho suffocativo, vehementissimis cordis palpitacionibus stipato, demortui) corde generatus est; is namque ex una ventriculi dextri parte seu cono assurgens, & paulatim latescens, valvulisque tricuspidadibus instratus, non modo auriculam (dextram) quoad maximam partem replet, sed & rannum insignem in arteriana pulmonalem spargit.

§. XXIII.

Secundo, nunc, loco neque illud silentio plane præterire, sed diligenter potius notare, debemus, quod hic infantis nostri polypus non solum in auricula dextra (h) delituit, sed etiam, & in primis, quod sinum auriculamque (i) tam mirifice distendit, ut nullam adesse auriculam, sed sacculum venæ cavæ amplissimum in ejus locum successisse, putaveris. Hæc, enim, apparitio firmissimum nobis argumentum sup-

(f) Sepulchreti, sive, Anatomie Practicæ, Lib. II. Sect. XI. Observ. 6.

(g) Programm Academic. de polypis. Lips. 1721.

(h) In infante, V. annorum, & sinistra quidem cordis auricula, polypum jam a Riverio. Cent. I. Obs. 82. inventum, Ramazzini, Opp. p. 170. lepide describit: refert quoque Riverius, puerum V. annos natum, ex catarrho decumbentem, postmodum lipothymia correptum, subito inveniisse: apertâ vero cadavere. in sinistra cordis auricula materiam crassam, & compactam, repertam fuisse, quæ, ut ipse ait, lavidum collum referret, cui polypi nomen non indidit hic auctor, cum nondum in microscopico erythro polypos expiscata esset anatomicorum solertia.

(i) Magis adhuc mirabilem, stupendamque, auriculæ expansionem Eduardus Tyson observavit: cor admodum amplum erat; dextra auricula & ventriculus unam efficiebant cavitatem largam & indivisam, cui latus inerat polypus vid. Transact. Anglic. A. 1687. M. Arg. n. 188. & Act. Erudit. A. 1688. p. 282.

peditat, hunc polypum, & in vivo infante generatum fuisse, & non nudius demum tertius, sed multo satis ante tempore, coepisse, atque ad hanc maturitatem paullatim pervenisse. Deinde, etiam, puellam, vario morborum genere, satisque diu, vexatam, ex polypo tandem diem suum, subitissima morte, obiisse, propter turbatum & sufflaminatum, auricula penitus oppleta, sanguinis circuitum, sic sine difficultate judicari potuit.

§. XXIV.

Tertio, tandem, eoque ultimo, loco, memorandum reponimus, polypum in infante rachitico, rarissimo exemplo, repertum. Unicum, enim, quod huic ad latus ponam, a Boneto consignatum invenio; neque vero etiam sub rachitidis & polypi, sed sub *tabis*, a *multiplici vitio partium ini ventris & thoracicarum*, titulo. Ob summam, quam cum observatione nostra habet, consensionem, utramque hoc loco conjungendam putavi: *puella annorum circiter sex fuit: cum toto vite curriculo morbis obnoxia fuisset, praesertim vero tumoribus oedematosis circa articulos manuum: quibus apertis ossa corrupta inveni, nulla tamen fere materia aderat; dein palpitatione cordis & asthmate divexata, tandem atrophiam periiit. Abdomine aperto, omenti pinguedo absunta erat; mesenterii glandula scirrhusa; hepatis a naturali magnitudine, utpote plus justo magnum, recedebat; ventriculus chylo vacuus, flatibus distentus; pericardium distentum, aqua refertum; cordis auricula dextra praetumida, cui inerat materia quaedam alba, membranosa, crassa, oblonga; in ipso autem dextro cordis ventriculo, materia, pinguedini similis.*

§. XXV.

Hæc horum exemplorum raritas facile persuadet, fortuitam tantum haberi debere utriusque hujus affectus, in eodem subjecto, societatem; id quod vel ex eo quoque confirmatur, quod multi ex rachitide convalescant, veri autem & adulti polypi discussio difficillima longe sit, immo vero, ex signis maxime ambiguis, (k) de illius praesentia, conjecturari debeat. Nihil, interea, prohibet, quo minus periculum faciamus, quo usque, in detegenda aliqua causarum connexionem, ascendere nobis, per conjiciendi facultatem, liceat. Haud multum abest, quin cum *Properzio* (l) dicamus:

Ingenium nobis nostra puella facit.

§. XVI.

(k) Non nescio, quam difficile atque abstrusum sit polypum cognoscere, quod tamen aliquando non sine artis honore factum fuisse legimus in M. N. C. D. III. A. I. App. p. 5. Nuper vero signum polypi diagnosticum, & illud quidem certissimum ac universale, in lectionibus publicis therapeuticis, tradidit Cel. Rivinus noster, titillationis, nempe, inspirationis & expirationis tempore, circa cor contingentis, sensum. Sic Behrens ap. Breslau. A. 1722. M. Apr. p. 393.

(l) Lib. II. Eleg. L. v. 4.

§. XXVI.

Ut causas illas omnes, quæ polypos producere possunt atque solent, perspectas rite, & quasi praesentes, habeamus, ante omnia necessum est. Illam igitur de nutritionis negotio doctrinam, quam supra exorsi sumus, jam nunc perreximus. Scilicet, ut partes omnes nutriti, & in debito vigore suo conservari, possint, primo loco, succum nutritium laudabilem requiri, diximus. Hæc illius, ut ita dicam, laudabilitas, duplici in primis modo praestatur: praeparatione, antequam cum sanguine commiscetur; ulteriori, postquam vasa, sanguinem vehentia, penetravit, elaboratione. Sic, sua natura, clarum est, & sponte sua consequitur: eodem modo peccari debere, ut ille illaudabilis efficiatur. Jam vero, cum rachitis & polypus origines suas, succo, haud rite, praeparato, debeant; & eadem oppositorum virtus sit; brevitatis causa, quibus modis, & praeparatio, & ulterior elaboratio, vitiari posse videatur, videamus.

§. XXVII.

Si nulla praesto est materia, ex qua succus nutritius praeparari debet, hoc est, si omni cibo potuque strenue nobis cendum est; tunc sane nec bonus nec pravus succus conficitur: sed de coacta hac abstinencia, vel cogitare, quidni philosophari, molestum. Igitur tres potissimum modi, quibus praeparationem ut plurimum peccare facimus, relictis nobis sunt: 1) si, quæ ingerimus, esculenta atque potulenta, ipsa qualitate sua, corpori nostro minus conveniunt. Qualis enim cibus atque potus, talis chylus, talis deinde omnis succus nutritius. Res erit in exemplo magis clara: puella nostra rachitica, primum, sanguine matris cachecticae crevit; deinde lacte ejusdem nocentissimo nutrita est; postea cerealibus, leguminosis, semicoctis, famem explevit; vario tandem potu, calido frigidoque, ut occasio tulit, sitim sedavit. 2) Si cibum potumque, alias satis laudabilem, nimia quantitate more helluonum, haurimus; unde ventriculus, & omnes simul humores, praeparationem chyli juvantes, omni ingestæ materiae non sufficiunt: id quod, ut hoc utar, laudabilis illa & matrum & nutricum consuetudo est, quæ, vel ex nimio amore, vel ut eo longius abesse a puerulo possint, & lacte & pultibus eo usque tenellorum ventriculos haud raro explent, ut, id quod nimium, natura vel vomitu rejicere cogatur. 3) Si, tempore minus opportuno, & sæpius quam par est, gulæ indulgemus, titillationi potius litantes, quam stimulo naturæ admoniti. Sic enim natura, in opere suo turbatur, praeparationem quidem incipit, sed non perficit, & succum nutritium, minus laudabilem, crudum, viscidumque, ulteriori elaborationi relinquit: hoc, e. g. suo damno tenelli infantes quoque quotidie experiuntur, quibus, *Disput. Medico-Pract. Tom. VI.* S s vel

vel pro tenero illo affectu, quo pullos suos quisque deperire solent, omnia promiscue, neglecto omni delectu, permittuntur porrigunturque, vel, quasi *Quintilianum* noverint: *dare puero panem, ne ploret; dies noctesque, vices, tricies, mammae praebeantur, pulticulaque delicatissima offeruntur.*

§. XXVIII.

Moneam hoc loco necesse est: mihi, de iis, qui perfecte adhuc sani sunt, quorum neque solida, neque fluida, ullo modo peccant, unice hic sermonem esse. Atque tales quidem, jure meo, mihi sumere possum. Plane, enim, persuasus sum, si parentes omnem, ultimamque sollicitudinem adhibere, atque, ut recte semper valeant, curare, voluerint, rarius utique, ac nunc fieri dolemus, morbidam miseramque illos sobolem esse procreaturos. Addo, ut tales mihi dari velim, casum meum quoque postulare. Nam experientia, puto, satis constat, infantes rarissime rachiticos nasci; & primis sex mensibus ut plurimum elapsis, tales demum fieri. Sic, scilicet, si quid judico, longe facilius intelligere, & manibus causam palpare, possumus, quam ob rem, hac nostra aetate, multo frequentius, ac majorum tempore, infantes, ex rachitide deformes, conspiciantur. Pessimi, enim, mali semitem, in prima statim succi nutritii depravata preparatione, & in causa ejus occasionali, perversa illa perditissimaque tenerrimae proles tractatione, si non omnino, maximam tamen partem, radicari, quis tam caecus nunc, & omnibus captus luminibus, est, quin clare se videre fateatur? Immo vero, ut ingenue fatear, vellem utique, atque optarem, ut dubitare quis paullisper pergeret. Tum, enim, hunc pyrrhonicum meum in anatomiae practicae, in deliciarum medicarum, societatem, haud invidus, deducere, ipsique, ut ipse judicare possit. Ventriculum rachitici, & omnes ejus primas vias, quovis cruditatum genere scatentes, mesenterii glandulas, conspicuas satis, & chyli visciditate, oppilatas, carni, ob vias obstructas, summam maciem, & quae non alia, ad oculos demonstrarem, & suis demum sensibus illum abundare, lubentissime permetterem.

§. XXIX.

Uteriore succi nutritii, in vasa, sanguinem vehentia, nunc effusi, elaborationem, pluribus modis peccare posse, facile intelligitur. Hanc, enim, & ipse cordis motus, & perpetuus ille sanguinis circuitus, perficit fere atque absolvit. Deinde etiam multum omnino interest, ut attendamus: utrum succus, rite preparatus, in sanguinis officinam adportatus sit? An ille adhuc pluribus peregrinis moleculis scateat, atque, ulteriorem sive subactionem, sive commodam excretionem, experiri atque expecta-

expectare, debeat. Huc fere praecipua hujus negotii capita, redibunt, quorum praecipua, & ad scopum nostrum facientia, attigisse sufficiet.

§. XXX.

Primarius circulationis sanguinis, quae perpetuo illi cordis mobili, tantum non unice, adscribenda est, finis in eo consistit: ut omnes corporis partes solidae, succum suum nutritium, pro diversitate sua, sibi convenientem, ex sanguine accipere, spiritus animales sufficienti quantitate elaborari, adeoque universa machina in suo vigore, in perpetuo suo motu, conservari, possint. Sed princeps haec sanguificationis officina, cor, in actione, in motu suo, varie turbatur. Aliamurbationis causam nosmet ipsi sufficimus; dum affectibus nostris, gaudio, timori, ire, tristitia, aliis, nimium indulgemus; dum corpus vehementissimis exercitiis, motu longiori, cursu velocitate, defatigamus; dum voluptatibus, Baccho, Venerique, litamus. Sic, enim, motus cordis inaequalis redditur; nunc intercipitur, tardus, languidus, tremulus, efficitur; modo celer, fortis, plenusque praestatur. Sic circulatio quoque aequalis non est, & diversas istas partes, quae sanguinem constituunt, in perpetuo motu conservare non potest. Sic aliae aliis uniuntur, comprimuntur, conquassantur; aliae, ab aliis, separantur, adhærent, sui similibus conjunguntur; cetera. Consulamus illos, qui polypi origines docent; videbimusque, nosmet ipsos, multo, ac opinamur, ac aliis credimus, frequentius, infelices esse polyporum architectos. Audiamus *Lowerum*, omnes, qui dolori, timori, curis, anxietatibus, tristitia, lacrimis & fletui, indulgent, unico exemplo, sed praesentissimi periculi denuntiatione, terentem: *insigne hujus exemplum in viro forti admodum & robusto, sed tandem graves ob causas afflicto, nuper observavimus, utpote qui, ex magno animi & corporis vigore, eo usque intra paucos menses tristitia dejectus est, ut, pulsu valde debili & intermittente, cum frequentibus suspiriis, cordis gravamine, &, paullo ante obitum, totius corporis refrigeratione magna, laboraverit, neque, fortioribus cardiacis intuitus exhibitis, aut, pannis calefactis extra applicatis, media licet aestate, ullo modo refocillari potuerit; in cujus corde, post mortem aperto, magnum polypum, sive carneam molem, ventriculos ejus, & praeterea vasa majora sanguifera in pulmone, fere penitus opplentem invenimus, cui omnia haec symptomata merito imputari debuerant. (m)*

§. XXXI.

Aliam corurbationem, non minus periculofam, ab aliis hostibus, &

S s 2

(m) *Traclatus de corde, Cap. II. p. m. 146.*

& sanitatis nostræ inimicis, experitur. Scilicet, si chylus minus recte præparatus, sed particulis, quas vocamus, heterogeneis, nulla ejus virtute subigendis, scatens, sanguini affunditur; si diversos ex hoc sanguine humores, quibus diversæ illæ corporis partes conservandæ in suo vigore sunt, exinde elaborare nequit; si hi succi, optime quamvis elaborati, secerni deinde, & ad partes suas, debita quantitate, partium obstructarum vitio, ablegari non possunt; si peccantes & illaudabiles humores diutius in massa sanguinea hospitantur, & ab illa separari, perque convenientes vias eliminari atque excerni nequeunt. Subsistimus hic. Reliquas, easque numero non paucas, turbandæ circulationis causas, pagina nostra non capit. Hæ, nisi nos convincant, aliæ multo minus effecturæ sunt, ut cognoscamus, mirari prorsus non decere: quam ob rem, sicuti infantes nostri ex rachitide, sic nos, parentes illorum, alique adulti homines, ex polypis, & morbis id genus aliis, gravissime divexemur, & perpetuo quodam præsentissimæ mortis genere, longæ vitæ cupidissimi, tam graviter, tamque crudeliter, perterreamur,

§. XXXII.

Simul quoque ex his, hætenus expositis, polyporum originibus, prægnantes satis rationes deducere possumus, qui fiat, ut infantes in genere omnes tuti fere ab his hostibus vivant; rarius, ad minimum, ex illis male habeant, diemque suum, ante diem, obire cogantur. Deinde vero etiam, qui finis præcipue nobis propositus hac vice & opportunitate fuit, multa sine difficultate colligere omnes, qui hæc nostra hætenus legerunt, poterunt, quis, ut ita dicam, affinitatis atque consanguinitatis gradus ille sit, qui morbos nostros, rachitidem polypumque, intercedit, & qua copula binæ hæc cognationes jungantur. Alter, enim, rachitis, a prima statim succi nutritii depravatione; alter, vero, polypus, ab impedita ejus ulteriori elaboratione, multa cum probabilitate deducendus esse conspicitur. Suum, scilicet, vel sub morborum tyrannide, cuique tribuitur. Cuilibet ætati, cuilibet sexui, alius quidem atque alius proprius quasi morbus est, & suo ipsi jure competit; omnes tamen ægritudines, tamquam sub morbonæ vexillis stipendia merentes amica quadam cognatione, commilitonum more, continentur.

CCIV.

CHRIST. GOTTLIEB LUDWIG

PROGRAMMA.

QUO OBSERVATA

IN SECTIONE CADAVERIS FEMINÆ

CUJUS OSSA EMOLLITA ERANT

PROPONIT.

Lipsiæ 22 April 1757.

MOrbus gravissimus, quo femina Parisina, *Anna Elisabeth Supiot*, nata *Queriot* (*), laboravit, cujus nimirum ossa in ceream molliem mutata, & adeo flexibilia reddita fuerunt, ut corpus sustinere non possent, non solum medicos & chirurgos Parisienses, sed alios quoque naturæ animalium indagatores excitavit, ut in naturam & causam insoliti hujus morbi diligentius inquirerent, & inde similes morborum historias, ab aliis jam annotatas, conferrent. Et nos quidem ea, quæ in scriptis publicis de hac ipsa re tradita fuerunt, non obiter tantum perlegimus, sed ad varia phænomena, quæ nutritionem ossium sanam æque ac læsam declarant, attente respeximus, in primis cum aliqua nobis subnasceretur occasio, examen anatomicum cadaveris feminae suscipiendi, quod sub initium anni præcedentis in theatrum nostrum anatomicum transferebatur, & in quo summam ossium fragilitatem deprehendebamus. Hac itaque jam data dicendi opportunitate, ea, quæ in dissectione hujus cadaveris observavimus, accurate proponere, nihilque addere, quam quæ tunc temporis commilitonibus humanissimis demonstravimus, meditationes autem nostras de læsa ossium nutritione, cum aliorum observationibus collatas, in alio specimine academico proferre, nobiscum constitutum habemus. Paucis itaque de vitæ conditione hujus feminae præmissis, nonnulla de visceribus, præcipua tamen de ossibus, exposituri sumus.

Erat vero *Elisabetha Winckleria*, ex inferioris sortis hominibus hic Lipsiæ nata, semper macilento, & imbecilli corporis habitu prædicta, victu parco & crudo nutrita, quem partim laboribus, cum vita sedentaria conjunctis, acquisiverat, partim ex elemosynis publicis, a senatu urbis concessis, obtinuerat. Illa vero nullam maculam vitæ minus honestæ sibi inusserat, nullaque venereæ labis, vel contagii similis, indicia, nec in illa, nec in parentibus, quantum ex ejus amicis cognoscere potui, umquam deprehensa fuerant. Ad morbum prægressum quod attinet, Nostra doloribus arthriticis & rheumaticis non tantum artuum, sed totius corporis dudum jam conquassata, ex medicamentis, ei exhibitis, vitæ ratione non mutata, parum solatii sensit. Cum tandem de impossibili curatione medici, hac de re solliciti, eos, qui pauperum curam suscipiunt, certiores redderent, in nosodochium publicum delata, similibus fere incommodis

us.

(*) Vid. Observ. *Ambrosii Hosty* in *Transact. Philos.* Vol. XLVIII. Part. I. no. 4. p. 26. & ex relatione *Morandi*, *Journal des Sçavans* 1752. Dec. mbr. art. III. repetita in *Hamburgischen Magazin* XIII. Band, 2. Stück. no. 6. p. 319. porro *Observations sur l'histoire naturelle, sur la physique, & sur la peinture par Mr. Gouvier*. à Paris 1752. 4. Tom. II. Part. V. art. X. p. 115. & *Observations theoriques & pratiques sur l'amollissement des os en general, & sur celui qui a été observé dans la femme Supiot, dont l'histoire a été communiquée à la Faculté de Médecine de Paris*, l'ann. 1752. p. *Mr. Navier*. à Paris 1755. 12.

usque ad finem vitæ afflicta, macie, febreque lenta tandem confecta, quadragesimo tertio ætatis anno diem obiit supremum.

Cadaver ipsum maxime emaciatum erat. Abdomen contractum, thorax incurvatus, gibbosus, & caput mole sua versus pectus inclinatum conspiciebatur, pro eo nimirum situ, quo lectulo affixa, ægra ultimis vitæ temporibus disposita fuerat. Externa corporis superficies cuticulam quidem siccam & asperam, qualem & alias in tabe consumptis observavimus, nulum tamen evidens scabiei, vel alius morbi cutanei, signum referebat. Non vero is tantum, qui in macilentis observari solet, pinguedinis defectus annotabatur, sed hujus loco etiam sanies quædam non nihil rubicunda in cellulis hærebat, quæ resoluta quasi & extra vasa protruso sanguini similis erat, & disquisitionem anatomicam partium maxime molestem reddebatur. Ex quibus hæcenus recensitis luculenta jam cachexiæ signa colligi poterant.

In aperto abdomine pauca mutata inveniebantur, quæ partim a gibbositate corporis, abdomen per thoracem comprimente partim ab aliis causis morbofis, in corpore præsentibus inducta fuerant. Coli zona media flatibus maxime distenta, contractum magis ventriculum abscondebat, illa quoque a dextris sinistrorsum procedens, ante quam ad lienem accederet, flexu singulari deorsum ferebatur, paullo post autem ad veram viam reducebatur. Idem intestinum continuatum circa flexus, super os ilium sinistrum collocatos, angustum & callosum erat, ligamenti ipsius longitudinalibus his in locis maxime densis factis.

Ventriculi situm quoque non nihil mutatum deprehendebamus, cum non tantum extremitas ejus magna insigniter ascenderet, & curvatura magna sinistrorsum nimis versus lienem dirigeretur, extremitas quoque parva usque ad pylorum adeo angusta & callosa esset, ut cavitas digitum vix admitteret, & intestini tenuis partem mentiretur. Hæc etiam ventriculi pars, magis transversim excurrent, duodeni principium ita ex situ suo deduxerat, ut proxime ad transversam zonam coli accederet, & ventriculus ipse, qui in naturali sua expansione colo proximus est, multum retractus cum mesocolo subjacens cohæreret. Duodenum postpylorum maxime ampliatum, & tandem ad vesiculæ felleæ latus accedens angustius inveniebatur.

Hepatis lobus sinister sive minor, dextro longe major apparebat: incipiebat enim a sede vesiculæ felleæ, & ligamentum magnum cum implicata vena umbilicali in ligamentum, vulgo suspensorium dictum, mutata, a latere externo vesiculæ hujus, mira satis varietate situs inducta, excurrebat, cum alias hoc ligamentum in incisura magna hepatis, scilicet ad internam partem vesiculæ felleæ & loco non nihil distante collocetur: hinc in nostro casu aut hæc incisura prorsus deficiebat, aut fellea vesicula, in incisura magna hærens, adsumenda erat. Primo tamen intuitu tantum lobus hepatis dexter sive magnus videbatur esse minor altero; cum enim in hanc rem accuratius inquireremus, dictus lo-

bus

bus in nostra gibbosa sub costis spuris ita assurgebat, ut convexa sua parte diaphragma cum insigni elevatione in thoracem protruderet, ideoque uti vere esse solet, respectu sinistri major deprehenderetur. Hic etiam lobus inferiori suo margine renem dextrum ex situ suo quodam modo dimovebat; id, quod eo magis in incurvato hujus cadaveris statu fieri potuerat, cum & os ileum ab hac dextra parte elevatum renem quoque aliquantum protrusisset, & ex consueta sede antrorsum & introrsum versus spinam dorsæ & majora vasa in abdomine excurrentia produxisset. Hepatis lobus sinister per filamenta longa cum diaphragmate cohærebat, dexter autem cum eodem firmiter coaluerat.

Aperto thorace situs partium vix mutatus occurrebat, præter aliquam, quam gibbositas induxerat, obliquitatem, ob quam mediastinum a dextra magis sinistrorsum vergebat. Lobus pulmonum dexter passim filamentis a pleura deductis adhærebat, & in angusto quoque spatio collocatus erat, partim quod lobus dexter hepatis, ut paullo ante monuimus, versus thoracem protrudebatur, partim quod costæ hoc in loco depressæ angustam hanc cavitatem efficiebant. In hoc lobo quoque nonnulla tubercula scirrhosa observabamus. Lobus sinister pulmonum paullo liberior præcedente, paucioribus filamentis cum pleura concretus & consuetis incisuris distinctus conspiciebatur. Situs cordis naturalis erat, apice nimirum antrorsum, deorsum & sinistrorsum vergente, aorta vero ex situ naturali deflexa. Hæc enim in sanis corporibus post arcum formatum ad ductum spinæ dorsæ sinistrorsum descendit; in gibbosis etiam, quando spina dorsæ a dextra sinistrorsum deflectitur, maximum hunc sanguinis canallem incurvari & a sinistro latere descendere vidimus: in hoc autem cadavere, in quo spina dorsæ sinistrorsum magis flexa erat, aortæ truncus recta magis via & in media thoracis parte, ideoque quodam modo ad latus dextrum spinæ dorsæ collocatus erat. Eandem viam sequebatur œsophagus, quippe qui aortæ incumberebat & cum ea flexu quodam versus cavitatem thoracis dextram deferrebat. Spina dorsæ autem ad ultimas dorsæ & primas lumborum vertebrae antrorsum quidem, ut in sanis fieri solet, dirigebatur, hic autem flexus major apparebat, aorta tamen & œsophagus ad hunc spinæ tractum postea accedentes, sinistrorsum & in consuetam viam directi, in abdomen progrediebantur. Licet etiam diaphragmatis situs ex variis nunc indicatis causis obliquus inveniretur, & quoque crura ejus aliquo modo dislocata essent: aorta tamen & œsophagus consueto modo & hic maximam partem inter carneas ejus fibras descendebat.

Equidem in partibus mollibus declarandis jam longius detentus fui, ideoque nonnullas differentias curiosas in nervis, arteriis & venis observatas, cum ad præsens institutum parum faciant, nunc lubenter omitto, cum alibi & commodiori quidem loco explicari queant. Circa tertiam cavitatem, seu potius in ea contentum cerebrum monemus tantum, ejus substantiam, attente a nobis perlustratam, nulla prorsus indicia morbo-

si status dedisse, plexum tamen choroideum non nihil varicosum inventum fuisse. Progrediamur itaque ad eam tractationem, quæ instituto nostro magis accommodata est, scilicet ad sceleti considerationem, & ante quam ossium mutationes sigillatim perquiramus, de partibus mollioribus ad ossa pertinentibus pauca præmittamus. Neque vero in ligamentis & cartilaginibus, neque in glandulis & ipsa articularum fabrica aliquid perspeximus, quod a statu naturali multum recederet, in periosteum tamen & medulla nonnullas attentione nostra dignas observavimus mutationes.

Periosteum est membrana ossium superficiem investiens, eique in statu sano firmiter adhærens; hæc vero adhæsiō in ossibus nunc a nobis considerandis non adeo arcta erat. Licet enim ipsa ossium attenuatio & inde pendens mollicies ab interna ipsorum parte magis proveniret, nos vero de periosteum interno non nisi in medullæ consideratione agere queamus: tamen & externa ossium superficies scabra, quodam modo aspera, lamellis non adeo arcte cohærentibus conspicua, nostram excitabat attentionem. Cum enim casu cadaver ab adstantibus verteretur, femur ex instanti frangebatur, nosque ad ossium fabricam inquirendam attentiores reddebatur. Inveniebamus itaque, musculis caute remotis, in medio femoris cylindro, ubi fractum erat, periosteum totum solutum esse; non sine ratione itaque suspicabamur, humorem aliquem morbosum inter periosteum & ossis substantiam intercurrere, cujus vi periosteum distenderetur, sed re accuratius diquisita, suspicio tollebatur: in medio enim reliquorum ossium cylindricorum periosteum fibris suis & vasīs adhærere quidem videbamus, sed leviori opera & facilius, quam in sanis, scilicet manubrio scalpelli, illud separari poterat. Ipsa periosteum fabrica vix læsa, sed satis densa reperiebatur, cum acres humores laminas osseas magis, quam periosteum læferint; & hoc quidem evidentius illis locis apparebat, ubi periosteum cum ligamentis & tendinibus ad partes has firmandas arctius cohæret. Quamvis enim & hic ossea substantia aspera magis inveniretur & in separatione fibrosarum harum radicum osseæ particulæ minime secederent: tamen in porosa hac ossium parte fibræ ipsæ altiores radices egerant.

Ad medullæ considerationem accedentes, primo illud femur, quod casu fortuito in cadavere fractum erat, dissecuimus, medullam in illo vix congelatam, sed maxime mollem & fere fluidam deprehendentes, ita tamen ut intra telam cellulosa contineretur, & ita massam quandam cohærentem sisteret. Eadem in inferiore femoris parte, quæ tibiam spectabat, alba & pura, nullo sanguine inquinata, & ea tantum, quæ cellulas osseas extremitatis replebat, grate rubicunda, in parte superiore autem, prope ossa iunominata, multis grumis sanguineis referta conspiciebatur. Neque hæc mutatio fracturæ & in ea forsitan factæ vasorum dilacerationi adscribenda erat; cum ea post mortem tantum in cadavere obvenerit. Quo vero de indole medullæ in hoc cadavere reperiundæ certiores redderemur, reliqua quoque ossa variæ figuræ dissecanda erant: In

humero itaque medulla non tantum magis rubra erat, sed & in medio grumos aliquot sanguineos ostendebat: tibie cavitatem internam, ob osseæ substantiæ decrementum satis amplam, totam quidem medulla alba, sed fluida & quasi aquosa, nullis grumis coagulati sanguinis interspersis, replebat. Fibula, nec non radius & ulna, similem medullæ constitutionem & colorem, in accurato examine exhibebant. Accidit tunc temporis, ut aliud cadaver femine sexaginta quinque annorum, macie confectum, cultro anatomico subjiceretur; cujus itaque os humeri ad disquirendam medullæ indolem ferra diffidentes, eandem albam in medio cylindro, non nihil rubicundam, versus extrema autem magis rubram deprehendebamus, talem certe, qualem *Clopton Havers* (*) describit, & nos in sanis alias quoque cognovimus; medullam tamen quodam modo laxius in cavo ossis hæsisse, nec illud totum replevisse, in hac vetula macilenta observabamus. Sed regrediamur ad ulteriorem medullæ in nostro cadavere disquisitionem: eam in diploe ossium calvæ, in ossibus manus & pedis, in phalangis nimirum digitorum, carpo & metacarpo, nec non tarso & metatarso, rubellam inveniebamus. Ossia quidem nunc indicata reliquis paullo duriora erant, ita, ut in illam sententiam duceremur, ac si inde medullæ integritas penderet, cum autem patella, quæ maxime mollis erat, discissa rubicundum quoque colorem ostenderet, & reliqua ossa cellularia hac in re convenirent, nec hanc causam allegandam esse perspiciebamus.

Dum ad ossium substantiam considerandam nos nunc accingimus, omniaque sceleti ossa intuemur, & lata & his analogia primum, post ea etiam cylindrica & cum his convenientia, summatim tantum describere suscipiebamus: re autem accuratius perpensa, & ossibus similis fabricæ non semper ratione molliciei similibus inventis, totum sceleton percurrere, & quid in uno & altero osse ad doctrinam nostram declarandam faciat, breviter annotare, alia vero, quæ in pluribus ossibus simili ratione apparebant, in substantia ossium in genere considerata subnectere constituimus.

Ossa capitis, in primis plana, quæ calvæ componunt, satis dura & sanis fere similia; in illis tamen dissectis diploe ampla & duplo fere major, quam in alio sceletono similis magnitudinis, cum quo comparavimus; tabulæ tamen osseæ respectu diploes multum attenuatæ inveniebantur. Licet autem in his ossibus, superiorem & lateralem calvæ partem constituentibus, nullæ aræ ob diploen deficientem transparentes conspicerentur, in inferiore tamen parte ossis frontis productio ad orbitas extensa, partes laterales fossam temporalem spectantes, squamosa ossis temporum pars, & os occipitis in basi calvæ conspicuum prorsus & magis quidem, quam ut plurimum fieri solet, osseis laminis tenuissimis visis,

T t 2

pel.

(*) Osteologia nova. or some new Observations of the bones. London, 1729. 8. p. 124.

pellucebant. Ossis temporum pars petrosa dura quidem erat, ad duritiem tamen consuetam nondum accedebat. Maxillam superiorem constituentia ossa nihil peculiare observandum exhibebant, & maxilla inferior satis densa erat, ut digitis vix comprimi posset. Dentis quoque respectu duritiei nullam mutationem passi erant; caries enim in non nullis visa, ex morbo ossium universali non derivanda erat; color denique luteus, qui in nostris observabatur, in cacoehymicis corporibus vix non semper talis deprehenditur. In osse hyoideo & in cartilaginibus laryngem conformantibus nihil, quod nostram moveret attentionem, inveniebamus. Quo levior vero ossium capitis mutatio erat, eo insignior in ossibus trunci & extremitatum a nobis nunc commemoranda erit.

In ossibus itaque truncum constituentibus, primo columnam spinæ dorsi conspiciamus, cujus vertebræ omnes eodem modo, ut os sacrum, evidentem referebant molliem; colli tamen vertebræ paullo duriores erant. Corpora earum magis mollia digito prementi cedebant: processus autem varii, ut semper solidiores esse solent, sic & in nostro cadavere paullo magis resistebant. Non quidem rarum est, gibbositatem a certa quadam dispositione, in prima juventute inductam, & vigesimo circiter ætatis anno confirmatam conspiciere: in nostra vero femina ista obvia ex mollietate corporum vertebrarum in adultiore ætate per morborum inducta videbatur, qua nimirum spina dorsi parum tantum versus latus sinistrum inflectebatur. Omnes vertebræ colli & tres priores dorsi a perpendiculari situ parum ad latus sinistrum, magis vero antrorsum inclinatæ inveniebantur, in reliquis vero dorsi vertebris usque ad septimam & octavam, curvatura magis conspicua erat: hinc apophyses spinosæ retrorsum & sursum directæ cernebantur, compressio tamen lateralis corporum vertebrarum, quæ alias in gibbosis attendenda est, in nostro scheleto vix notatu digna videbatur; ab octava tandem dorsi vertebra series reliquarum æqualis & consueto modo antrorsum flexa reperiebatur. Morbosus hic spinæ dorsi flexus costarum quoque situm mutabat, earum tamen obliquitas minus insignis erat, quam descensus, ab incurvatione pectoris versus anteriora dependens, ita, ut costæ ferme ad ossis ilei cristam deflecterentur. Hæc incurvatio a pondere capitis versus pectus declinati orta, sterni quoque evidentem depressionem effecerat: prima enim & amplissima sterni pars inter primæ & secundæ costæ insertionem multum inflexa erat, & ab hoc flexu retrorsum potissimum, sed & quodam modo sinistrorsum facta, costæ dextri lateris a secunda ad octavam usque, in media & paullo anteriore sui parte introrsum depressoæ & flexæ dextram thoracis cavitatem maxime arctam reddebant. Inflexio hæc præternaturalis eo facilius fieri potuerat, quoniam costæ omnes adeo molles & flexiles deprehendebantur, ut instar chartæ multiplicis & conglutinatæ (Pappe)

facile & sine fracturæ metu introrsum & extrorsum flecti possent: lamina enim ossea externa costarum adeo extenuata erat, ut cellulas transparentes facile, & in his magis, quam in aliis ossibus, distinguere possemus. Similis ferme fabricæ mutatio in ossibus innominatis detegebatur, quippe quæ mollia quoque erant, & leviori digiti impressioni ita cedebant, ut foveas impressas ad tempus retinerent. Pelvis ossa satis proportionata erant, excepto osse ileum, quod in dextro latere paululum eminere videbatur, & inde id efficiebat, ut pelvis aliquo modo dextrorsum cederet, & ita synchondrosis ossium pubis ex opposito partis mediæ ossis sacri non conspiceretur.

Inter ossa extremitatum superiorum scapulæ & claviculæ potissimum ob gibbositatem paullo ante descriptam miram quandam figuræ mutationem passæ erant; sic, ut claviculæ, quæ quidem solito molliores, attamen longe duriores, quam costæ inveniebantur, ad partem, qua sterni articulantur, ob thoracis flexum non tantum maxime incurvatæ, sed & antrorsum quasi productæ essent, productis his partibus ita a reliqua clavicula distinctis, ut in dextra clavicula pollicis, in sinistra autem pollicis unius & semis longitudinem sisterent, & primo intuitu ita apparent, ac si claviculæ a sterni recessissent, & cartilagineam interpositam ossæam factam ad dimensionem nunc descriptam produxissent. Clavicularum vero extremitates anteriores, re accuratius perlustrata, in indicata a sterni distantia quasi fractæ & articulo novo præditæ erant, ita, ut ea articuli pars, quæ claviculam cum sterni jungit, immobilior deprehenderetur, quam nova illa per præternaturalem dispositionem inducta. Scapulæ, dorso impositæ, molles, flexiles, incurvatæ & in locis transparentibus chartæ tenuissimæ similes inveniebantur. Dextra quidem tantum ad apicem sive angulum inferiorem parum incurvata erat, sinistra vero, quæ sinistræ costarum curvaturæ retrorsum factæ incumberebat, adeo flexa vel potius contorta deprehendebatur, ut non tantum in costa sua inferiore fere instar semicirculi convolveretur, sed & pars plana usque ad spinam sic dictam curvaturam hanc continuaret. Humerus, ulna & radius ex tenui tantum lamina constare videbantur, facileque in media & alias densissima parte comprimi poterant. Manus extremæ ossa mollia quoque erant facileque comprimenda, attamen in parte media cylindrica ossium metacarpi & phalangerum digitorum, respectu majorum ossium crassiores vel ad minimum æqualis crassitie parietes ostendebant, quæ tamen in sanis corporibus longe minor esse solet. Comparavimus nimirum crassitiem cylindri medii humeri dissecti cum humero dissecto alius cadaveris femine debilis & macilentæ, corporis magnitudine cum nostra conveniente, & in femina hac sana crassitiem unius lateris cylindri humeri triplo majorem, quam in nostro hactenus descripto scheleto invenimus.

Vix opus esse videtur, ut fusiori sermone de extremitatum inferiorum

ossibus agam, cum in iis similes fere, quam in superioribus, ossæ substantiæ attenuatio appareret, ita, ut mirum videatur, quo modo nostra ægra sine fractura vel notabili inflexione horum ossium, primo quidem motus ad incessum requisitos, postea vero, cum lectulo semper affixa esset, inversionem corporis necessariam præstare potuerit. Notandum autem omnino est, ossium nunc descriptorum figuram & dimensionem externam nullo modo mutata fuisse, & supra descriptos flexus singulares & incurvationes non nisi in ossibus ad truncum spectantibus, quorum & scapulas & claviculas referre liceat, locum habuisse. Hæc extremitatum ossa etiam in cadavere fracturæ resistebant; femur enim ab inversione cadaveris in theatro anatomico tertio post mortem die, rudius forte suscepta, fractum divisumque fuerat.

De ipsa ossium substantia pauca adhuc in genere commemoranda restant. Licet enim singulorum fere ossium descriptionem dederimus, & mutationem in mollietate & flexilitate descripserimus; laminarum tamen coagmentatio, quatenus os constituit, attentionem aliquam mereri videtur. Externa nimirum & densa satis ossium superficies in illis locis, quibus periosteum fortius adhæret, ubi scilicet ligamenta & tendines inseruntur, paullo asperior erat, lamellis ossis succo conglutinante destitutis. Vix vero attendenda foret hæc mutatio, nisi alia & longe evidentior in interioribus observata fuisset. In illis nimirum ossibus, ubi cellularis fabrica inter densas laminas continetur, laminæ illæ sive parietes ossis magis a se invicem remotæ & distantæ erant, ac si copiosorem medullam continerent. In omnibus his locis transparens cellularis tela obveniebat: non enim tabulæ ossæ densæ, sed tenuissima tantum & quasi membranacea lamina cellulas obtegens ossis figuram circumscribebat. Media pars ossium cylindricorum, quæ in validis ossibus ex stratis lamellarum ossearum, acriter inter se invicem junctarum, componitur, laminis his maximam partem destituebatur, ut vix magis attenuare possis ossa, si interius ex cylindro varia strata densarum laminarum cultro abraderes. Hoc insuper in tibiæ ossis dissecto curiosum nobis visum fuit, quod arteria, quæ a parte posteriore in illud penetrat, & oblique in proprio quasi canali defertur, hic tantum ad duas lineas in transparente ossis lamina contineretur, de reliquo autem tenui membrana cincta usque ad mediam tibiam progrediretur. Non tantum vero attenuatio in diaphysibus ossium admiranda erat, sed porosa quoque & fere friabilis substantia labem his ossibus a læsa nutritione inductam fuisse, satis declarabat. Illud tandem in ossibus exsiccatis observavimus, quod soli exposita calcaream quandam materiam efflorescentem ostenderent, id, quod in sanis, vel prorsus non, vel vix adeo evidenter, fieri solet.

POLYCARP.

CCV.

POLYCARP. GOTTL. SCHACHER,

OBSERVATIONES III.

CIRCA MATERIAM OSSIFICATIONIS

PRÆTER NATURAM FACTÆ

Lipsiæ 1726.

Quantumvis definita saltem embryonis flamina virtute succi nutritii explicata, inque dimensionem omnem diducta mox post conceptionem solidescant, paulatimque durefcant, ac tandem osseam induant naturam, haud raro tamen accidere solet, ut partes, quarum textura ad vitæ usque exitum mollis debet esse, ac flexilis, præter consuetum naturæ ordinem indurentur, osseamque adipiscantur indolem. Animus jam non fert, nec præsentis instituti ratio permittit, aliorum observationes conquirere, iisdemque rei hujus stabilire veritatem, utpote quo labore eo lubentius supersedeo, quo præclarius eodem Cl. *Salzmann* jamjam est perfunctus, quippe qui in dissertatione de ossificatione præternaturali qualibet fere partes sigillatim ad examinis incudem revocavit, earundemque præternaturalem ossificationem propriis non minus, quam aliorum observationibus illustravit. Ut nihil etiam de ossiculis in humoribus æque, ac variis tumoribus repertis dicam, quorum identidem largam messem in laudata dissertatione invenire licet. Enimvero hoc ingratum nemini fore, aut a præsentis descriptione alienum visum iri, confido, si, quæ praxis memet ipsum edocuit, leviter duntaxat adumbrem, atque tres potissimum observationes memoratu haud indignas concise recenscam. Sane cartilagine ad ossis naturam cum propius paulo accedant, atque non nisi ossa mollia, flexibiliaque esse videantur, fortassis ob analogiam, quæ ipsis cum ossibus intercedit, nonnihil frequentius id vitii contrahant. Ejusmodi cartilaginum indurationem tum in aliis, tum imprimis in quinquagenario quondam observavi. Etenim is spiritus vini abusu, vitæque sedentaria, paulatim in cachexiam, tandemque in lethiferam alvi stypicitatem, aliquot dies non sine horrendis imi ventris torminibus, aliisque gravioribus symptomatibus perseverantem, omnemque remediorum efficaciam eludentem, inciderat. Quare insolitæ stypcicitatis causæ indagandæ gratia cadaver dissecebatur, fœcesque alvinæ lapideam fere consistentiam adeptæ, & in variis coli locis magna quantitate ita coacervatæ inveniebantur, ut intestinum quatuor minimum tumores, notabili spatio a se invicem distantes, ac pugni magnitudinem excedentes, formaret. Præterea notatu erat dignum, quod cujuslibet capsulæ, fœces complectentis, pars ima & superna, aliquot digitos transversos longa, funiculi pene in modum contracta, & pollicis circiter crassitiem æquans comparuerit, simulque genuinam lethiferæ obstructionis causam satis superque patefecerit. Eodem tempore cupido animum nostrum subiit, thoracis viscera paululum indagandi. At enimvero pectus vix ac ne vix quidem, & non nisi scalpro, malleoque aperiri poterat: adeoque cartilagine, costas cum sterni copulantes, & albedine saltem, non æque mollitiæ a costis discrepantes, erant induratæ. Imprimis verò cartilago xiphoides insueti aliquid exhibebat, utpote quæ bifida, justo longior, crassiorque, & os-

sea, deprehendebatur. Siquidem binæ illæ appendices tres pollices erant longæ, sexiesque minimum crassiores, quam solent esse naturaliter constitutæ, & tam duræ insuper indolis, ut duritie facile costas ipsas antecellerent; quin & acuminatas utrarumque extremitates filum cartilagineum transversim exprorectum laxè invicem conjungebat: quemadmodum vel in ipso sterni curiositatis ergo adhuc dum adservato animadvertendum est. Atque insolita ea xiphoidis conformatio cardialgiæ non sane levem præbuit fomitem, de qua eo cumprimis tempore conquestus est defunctus, quando inclinato corpore imaginibus æri incidendis operam navaret. Vix enim aliter fieri poterat, quam ut duræ illæ, longæque appendices, curvo corporis situ introrsum inclinatæ, diaphragma & ventriculū graviter adficerent, sculptoremque anxietatibus ita redderent plenum, ut aliquando invitatus ab opere suo desistere cogeretur. Rarissimæ porro ossificationis testimonium nobis suppeditat non exilis pleuræ portio offesa, quam nos pariter inter curiosa etiamnum adservamus. Etenim tametsi jamdudum plurium partium membrana in os indurata a profectoribus fuerint observata, me tamen omnino latet, an aliquid ejus simile in pleura sit adnotatum. Id enimvero accidit olim, ut vir quinquagenario major in latere thoracis dextro molestum & obtusum, ac gravativum sensum, cum nonnulla spirandi difficultate conjunctum, per diu perciperet, tandemque ex febre acuta interiret. Proinde ad explorandam dyspnœæ inveteratæ causam thorax circumspicte incisus aperiebatur, inque eo viscera quidem salva observabantur, at in latere dextro investiganti digito substantia lata, duraque, & ab ultima costa ad septimam protenta, pleuraque oblecta, occurrebat. Ut igitur qualitas ejus sensibus clarius paulo pateret, ea provide separabatur, separata eximebatur, exempta denique, ac pelliculis denudata, os latum, longumque, ac quadratum præ se ferebat, quod medium locum costas inter, pleuramque occupaverat. Longitudo illius duodecim, latitudo quoad imam partem tres, quoad mediam quinque, & quoad superiorem quatuor efficiebat uncias. Ceterum costis erat flexibilis, hisque crassitie vix quidquam cedebat. Et quantumvis pleura, naturaliter constituta, sit membrana tenuis, tensa, ac lævis, eam tamen ex binis lamellis admodum vasculosis contexti, autopsia locuples est testis. Itaque externam ejus laminam, præter naturæ consuetudinem, auctam, crassiorem redditam, indurataque, paulatim ossæam induisse formam, veritati maxime videtur consentaneum. Neque vero minus cum ratione congruit, os illud prægrande, costis arctius justo adhærens, adscensum, descensumque costarum impedivisse, infimamque ejusdem portionem, diaphragma contingentem, hujus motui plus vel minus laboris atque molestiæ attulisse, atque hac ratione non modo dyspnœæ suppeditasse occasionem, verum pondere etiam suo gravativum sensum ægro conciliasse. Vasa insuper sanguifera, inprimisque arterias subinde in os durum commutari, ex naturæ scrutatorum monumentis liquidissime conspici-

picitur. Atque similem naturæ lusum quondam in aortæ trunco animadverti. Quando quidem ex viro sexagenario, ceteroqui vegeto & robusto, at diu multumque anxie cordis palpitatione, inæquali arteriarum pulsu, & asthmate vexato, ac tandem apoplexia extincto, cor cum universo aortæ trunco, præcipuisque ejusdem ramis, ac renibus, eum in finem protraximus, ut paulo accuratius in palpitationis causam inquireremus, hincque cordis, vasorumque sanguiferorum constitutionem paulo plenius, exquisitiussve pervestigarem. Erat vero cor grande admodum, ac crassum, & naturalem fere magnitudinem excedens, in cujus ventriculo dextro non mediocris polypus absconditus delitescerebat, idemque ex pelliculis densis, crassisque compactus, & e cono assurgens, atque ad arteriam pulmonalem protensus, non minimum thalami occupabat spatium. Præterea diversis in aortæ locis variæ magnitudinis, figuræ, variæque crassitie lamellæ ossæ in oculos incurrebant. Siquidem ima arcus aortæ parte, e cujus regione opposita binæ subclaviæ cum intermedia carotide progerminant, ad tractum longitudinalem incisa, atque interna membrana, e fibris longitudinalibus constructa, blanditer remota, laminæ ossæ unguis digiti latitudinem æquantes, crassitiem vero superantes, atque hinc inde dispersæ oculis distincte cernebantur. Similes laminæ ossæ, interna membrana investitæ, in elatiore aortæ descendens parte, ut & non procul a diaphragmate, nec non in fine, ubi in iliacas dividitur, clare conspiciebantur, nullo alio in iis discrimine observato, quam quod in fine aortæ conspicuæ ceteris fuerint tenuiores, faciliusque flecti possent. Denique quadruplicem arteriam renalem non sine animi voluptate lustravimus; etenim e latere aortæ sinistro quatuor distinctæ arteriæ, separatim ad renem ejusdem excurrentes, prodibant, altero rene unica saltem arteria instructo: uti hæc omnia hodieque in præparato servato plane pleneque conspici queunt. Interim non facile adseruerim, aortam ossæis lamellis variis in locis veluti conspersam vitalem sanguinis motum, propter internæ superficiæ qualemunque asperitudinem, turbasse, ac palpitationi cordis, ceterisque malis ansam præbuisse: præcipue cum, non obstantibus iis laminis, aorta & dilatari, & systolicum suum motum exercere potuerit. Potius existimaverim ego, polypum quavis omnino peperisse mala. Præterquam enim, quod amplitudinem ventriculi justo reddidit angustiorē, atque e vena cava adfluente sanguini remoram injecit, sane is ipse sanguine cordis contractione protruso exagitatus dum ostium arteriæ pulmonariæ plus vel minus obstruxit, facile etiam palpitationem, & inæqualem arteriarum pulsum, aliaque hinc oriunda mala excitare potuit. Profecto harum, similiumve partium ossificationis, quam post ægrorum fatâ oculis usurpamus, manibusque palpamus, plerumque nobis haud exiguum parit admirationem, fortassis & eam ob causam, quod eam in vivis vix hariolari, nedum secure definire queamus. Licet enim historiæ, ossificationis præternaturalis incommoda delineantes,

id utilitatis earum gnaris adferant, ut pro varia circumstantiarum indole in obstituto præsertim morbo ossificatam quampiam partem pro mali causa venditare soleant, tamen, cum unius morbi causæ possint esse bene multe, contumaces, abstrusæ, similemque suspensionem moventes, ossificationem ab his vix ac ne vix quidem discerni, tutoque cognosci posse, sponte sua innotescit: præsertim cum nonnisi rarissime morbi ab istiusmodi partium induratione natales suos deducant. Id quod *Wepferus*, sagacissimus quondam medicus, proprio suo exemplo confirmavit. Quandoquidem venerabilis ille senex in asthma gravioribus symptomatibus stipatum delapsus, plus simplici quidem vice malorum fontem aortæ ossificationi, mox tamen, animo veluti fluctuante, hydropi pericardii adscripsit. De ossificatione aortæ monstruosa, inquit Cl. *Brunnerus*, loceri sui vitam describens, nemo ex ullis indiciis certus esse potuisset, etsi hujus mentionem sapiens fecerit pie defunctus, & senii morbum adpellavit, quo *Deuster* O. M. ipsam quieti addiceret, quam æquo & grato animo, ante instabilis, quiescere nescius, contra omnium spem & expectationem pertulit. Et alibi scribit: Suspicio aque seu hydropi pericardii, distolem cordis impediens, altius animo egrotantis insedit; omnino autem voluit atque mandavit, ut post obitum in causam tam absconditi mali inquireretur cultro: indignum reputans medico, hominum commodo invidisse, quod vermibus degenerari non posset. Quamvis vero in denati corpore hydrops pericardii animadversus sit nullus, tamen, variorum viscerum obstructionem, ferique effusiones ut jam prætermittam, aortam omnino, ut beatus est hariolatus, ossæam acquisivisse texturam, ocularis docuit inspectio. Etenim universus truncus a principio ad finem usque, cum primis quoad superficiem internam, propter multiplices portiones ossæas, incertæ figuræ & magnitudinis horridus, salebrosusque, ac scaber comparuit: quemadmodum in memoria *Wepferiana*, huicque inserta aortæ iconæ, E. N. C. D. 3. A. 3. appendicis loco adnexa, luculentius videri potest. Neque vero commodum adeo est insigne, quod ex pleniori hujus morbi cognitione in ægrum vel medicum redundat. Siquidem, præternaturali ossificatione præsentē, & principem partem occupantē, æger infausa prognosi soli cheu! fatus est committendus, atque medicus imbecilles medicinæ vires fateri necesse habet, cum contra hujus vim morbi nullum sit medicamen in hortis. Nihil tamen secius supra laudatus *Wepferus*, id utilitatis inde cepisse perhibetur, ut ea omnia attente considerans, a medicamentis pene abstineret, solaque quiete & diæta contentus, aliquamdiu vitam protraxerit. Ceterum in determinanda ossificationis præternaturalis causa tantum abest, ut eruditi concordēs sint, atque unanimes, ut potius quilibet ad hypotheseos, cui addictus est, ductum, abstrusi hujus phænomeni rationem explicare conetur. Sunt enim nonnulli qui ad principium universale agens, seu ad spiritum mundi confugiunt, in eo duntaxat discrepantes, quod alii eum, cogitantem, alii in-

intellectu carentem, alii speciatim acidulum, omnis duritiei ac firmitatis auctorem, sibi fingant. Alii, rejecto spiritu universali, principium agens particulare allegant, quatenus corpori humano modo mentem, modo spiritus animales, aut, ad veterum stilum, animam sensitivam & vegetativam, tanquam formam informantem præficiunt, e quibus alii utrumque principium in statu naturali scite prudenterque, in præternaturali sæpe cum errore agere opinantur: alii saltem idea quadam, & in præsentī phænomeno exponendo ossifica sunt contenti. Alii denique definitam & mechanicam partium corporis tum solidarum, tum fluidarum dispositionem crepant, exque ea ossificationis naturalis pariter, ac præternaturalis rationem derivare laborant. De qua postrema hypothesi Cl. *Comor* de stupendo ossium coalitu candidam fert sententiam: *Occulti*, inquit, hujus & insoliti phænomeni rationem a principiis mechanicis deducere difficillimum est. Nihilominus tamen, cum res indubitata sit, & certissima, certum quoque est, a physica causa dependere debet. Interim a ratione haud plane est alienum, senum, quibus potissimum præternaturalis ossificatio accidit, sanguinem particulis salino terrestribus, viscosisque haud parum esse onustum, partisque in os mutandæ porulos immutari, & fortassis ultra diametrum naturalem dilatari, hosque prædictas moleculas majori in copia subire, segregatas vero sanguinis pressione arctius uniri, humidisque moleculis calore abactis, in arctiores complexus ruere, & insuper spirituum, aut, si mavis, particularum aëreo ætherearum agilitate tornari & premi, donec eadem facieculis suis undiquaque se contingentes, arctissimo nexu invicem copulentur, ossæamque duritiem nanciscantur.

ABRAHAMI VATER

PROGRAMMA

DE OSSIFICATIONE.

Vitemb. 1726.

Q. D. B. V.

Admiratione certe dignissimum est, omnes ac singulas corporis nostri partes primum in foetu tenello, ex filamentis tenuissimis atque mollissimis ortum trahere, quæ successu temporis magis magisque explicatæ, tot organa diversissima, tot distinctis usibus destinata, componunt. Omnes istæ partes, utut ex eodem fonte, purpura nimirum vitali, nutrimentum capiant, aliæ tamen præ aliis per omnem vitam molliem atque flexilitatem suam servant, aliæ vero in solidiorem cartilagineam, atque aliæ tandem in rigidissimam osseamque substantiam, progressu ætatis, mutantur. Contingit tamen etiam, ut partes quædam, quæ ob usum, quem in corpore habent, specialem, molliores flexilioresque esse & permanere debebant, in quibusdam subjectis, cartilagineam, osseam, vel plane lapideam, duritiem induant. Præbent hujus rei exemplum valvulæ cordis tenuissimæ ac membranosæ, quæ in cervis, imo & bobus annosis, in osseam substantiam abeunt, atque ossa de corde cervi, a superstitionis antiquitate pro specifico cordiali habita, appellantur. Ista valvularum cordis ossificatio non in brutis tantum annosis, sed ipsis quoque hominibus, senectute decrepitis, usu venire solet. Imo in senibus non tantum, sed & junioribus, in virili ætate constitutis, hoc fieri, docet casus, a Cowpero observatus, ubi in viro XXX. annorum, ulcere primum pedis cum ossis carie afflicto, tandemque phthisi mortuo, qui in vivis frequenti pulsus intermissione laboraverat, principium aortæ in variis locis, ac valvulæ inprimis semilunares ossæ deprehensæ fuerunt, adeo, ut nunquam officium claudere potuerint, uti testantur *Transact. Phil. Soc. Reg. Britan. n. 299*. Memorabile ossificationis arteriarum exemplum videre contigit in anicula, septuagenarium transgressa, quam superiori anno in Theatro Anatomico cultro subjeci. In hac primum cor in tota sua peripheria cum pericardio concretum erat, ac intus polypos insignes, pulmonalem & aortam occupantes, continebat. Arteria vero aorta in ipso egressu valde extensa, non tantum in princi-

pio osseam substantiam præ se ferebat, sed & in progressu atque distributione per corpus in variis locis, maxime superius in axillaribus ac carotidibus, interius juxta emulgentes, usque ad divaricationem in illacas, areolas osseas copiosas monstrabat. Sed admirationem inprimis excitabat in omnium animis, ubi aperto cranio cerebrum perlustravimus, cujus arteriæ tum quoad truncos carotidum & vertebrarum in basi cerebri, qui ob duritiem hiant, calamorumque scriptoriorum tubulos referunt, tum quoad plerasque ramificationes, etiam ad medullium cerebri penetrantes, partim ossæ, partim cartilagineæ inventæ fuerunt, uti in præparato a me conservato monstrare possum. Ossea ista metamorphosis non solum arteriarum tunicas, sed alias etiam corporis membranas afficit. Clariss. Gohl in *actis Berolinens. Vol. IX. p. 56*. annotat, in sectione militis, lethargo extincti, juxta sinum falciformem, intra duram matrem duo fimbriata ossicula reperta fuisse, quæ, utut a quibusdam fragmenta, a cranio separata, reputata fuerint, ipse tamen, portiones duræ matris, in osseam duritiem degeneratas esse, recte pronunciat. Ejusmodi ossiculum, falci duræ matris cohærens, in viro cephalalgia vehementi defuncto, invenit Cheseldenius, uti in *Transact. Philos. n. 381*, videre est. Nos etiam tale aliquando, in foemina stupiditate affecta, & de capitis gravitate sæpius conquerente, a falce abstulimus, in quo, per microscopium considerato, strias albicantes, quales in ebore observantur, & puncta quædam coloris obscuri, quo loco haud dubie cum fibris & vasculis duræ matris cohæsit, perspicere licet. An vero ossicula ista prædictorum morborum, lethargi, cephalalgie, stupiditatisque causa unica extiterint, affirmare non audeo, neque id probabile est, quia sine dubio ista diutius ibi hæserunt, quam dolor capitis ac lethargus, mortem prægressi, durarunt. Judicat proinde etiam laudatus Dr. Gohl, eadem in milite isto, quia horizontaliter sita fuerunt, viz. aliquam molestiam creare potuisse.

RUTTGER GOTTL. HOERNIGK,

D E

INDURATIONE PARTIUM PRÆTER
NATURAM

Lipsiæ 1750.

N Oratu digna videntur, & publici fecisse Juris, spes est non penitebit: Quæ ante annum, & quod excurrit, in virili corpore, quod vix quadragesimum annum jam tum confecerat, circa insolitam mollium indurationem observare licuit, Excellentissimo D. Günzio duce, ejusdemque permisso, incidendi idem, atque in musculorum præsertim fabricam inquirendi exoptatam opportunitatem, quæ data mihi fuit, apprehendi. Quo vero alia taceam in hoc reperta singularia notatu digna, duo peregrina quasi & peculiaris indolis sive texturæ corpora, alterum in diaphragmatis dextro latere, alterum inter inferiores aut ultimas duas costas veras ejusdem lateris enatum, omnem attentionem meruerunt. Ad alterum quod attinet, illud satis notabile septo transverso inhærebat, ita quidem, ut dimidia sui parte tendineum, reliqua carneum ejus locum ex parte occuparet, & posterior illius pars esset minor, major vero anterior sternum respiciens. Erat autem sic positum in diaphragmatis latere dextro, ut pollicem circiter distaret ab eo foramine, quod venam cavam transmittit, ipsique & antè & a latere esset. Decurrens ambitu inæquali, atque adscendens quasi e medio diaphragmatis versus anteriora, longum erat tres pollices, cum quarta unius parte, transversa vero linea dimensum, duos pollices cum dimidio latum, tectum velatumque superius pleura, inferius peritonæo inhærescens, ita quidem, ut ligamento vulgo sic dicto coronario hepatis superpositum esset, aliquot lineas crassum exscindebatur. Elasticum hoc omne repertum fuit recens, multo magis, ubi exsiccatum erat, durumque. In superficie læve dum integrum adhuc esset, secus arefactum. Postquam enim aliquandiu detentum atque desiccatum fuit, utraque superficies leniter corrugata fuit, ob fibras crassas membranaceas quasi hinc inde decurrentes, atque rubelli coloris. Alterum quod in infimo thorace erat, illud non minus animadversione dignum est. Occupabat enim non minimam partem ejus musculi, qui infimas duas costas veras in dextro latere intercedit, ita quidem, ut prima ejus vestigia tres circiter transversos digitos a

cor-

corporibus vertebrarum dorſi abelle cernerentur, ipſumque in curvatura coſtarum interna, aut concava thoracis parte poſitum eſſet. Figura ejus erat fere ovalis, & poſitus talis, ut a poſteriori parte anguſtum, oblique ſuſum latius ſenſim factum, aſcenderet, interim tamen horizontali ductu, ſextam ſeptimamque coſtam, ut muſculus ſemper ſolet, intercederet. Non plane hoc diſſimile erat jam ante deſcripto, quoad omnem induratum ſubſtantiam, aſt habebat præterea varia, quæ tabula ænea denotanda curavi, loca tophacea interſperſa, quæ in ipſo iterum orta, elevata, magis albidiora, & duriora obſervabantur. Inæqualis paſſim erat hujus ſuperficies, atque reliquam muſculi partem ſimilia varia loca ejusmodi obſidebant, minus tamen conſpicua, & elevata, ob pleuram omnia cingentem.

EXPLICATIO FIGURARUM

Fig. I.

Corpus peregrinum, aut locus induratus in diaphragmate.

a. b. Longitudo ejus $3\frac{1}{4}$ pollicum.

c. d. Latitudo $2\frac{1}{2}$ pollicum.

Fig. II.

Diaphragma exhibet, a parte abdominis.

a. Induratum in ſuo ſitu.

b. Foramen pro vena cava.

Fig. III.

A. A. Pars muſculi intercoſtalis.


B. B. Locus ejus induratus.

aaaa. Loca tophacea interſperſa.

Fig. IV.

A. B. Coſta ſexta & ſeptima dextri lateris.

C. Indurata pars muſculi intercoſtalis in ſuo ſitu.





CAR.

CCVII.

CAR. FRID. HUNDERTMARK

E T

FRID. JACOB. TITTMANN,

OSTEO-STEATOMATIS CASUS

RARIOR.

Lipsiæ 22 April. 1757.

X x 2

HISTORIA.

Quum fama percrebruiſſet, huius adolescentis faciem immani eſſe corrup-
tam tumore, qui os & pleraſque vultus partes ita obtegeret, ut
monſtri fere referret ſpeciem: Sacra Maieſtas, Regina Poloniarum, Do-
mina noſtra longe Clementiſſima, quam ſolatio, & ſummo beneficio, mor-
talibus divinitus conceſſam, nobiſque in primis indulgentiſſimam patria ma-
trem obtigſſe, merito gloriamur, que a ſe deſiderari nihil unquam pati-
tur, quo etiam ex plebe infimorum adjuvari poſſit & levare miſeria, opti-
mo patri meo imperavit, ut miſerrimi, vereque depoſiti huius hominis morbi
naturam diligentius inquireret. Acceſſimus ad agrotum, morbo ſuo jam pe-
nitens conſectum, omnique de ſpe depulſum, quem etiam ſuo ceſſiſſe fato, al-
tero die percepimus. Quum vero hoc etiam in mandatis haberet pater meus,
ut mortui cadaver curioſius perſcrutaretur, tumorem diſſecaret, depingen-
dumque curaret, vel hoc in ſe collato munere pie functus, ſequentia invenit.
Corpus macie apparebat conſumtum, caput in ceteris partibus ad menſuræ le-
ges recte ordinatum erat, tumor quidam oculum dextrum obtegebat (aa),
eiſque palpebram inferiorem ita urgebat verſus ſuperiorem, ut oculus exinde
occluderetur, ipſa tamen acie & viſus vigore, ſi quando vivus diducebatur,
integrus. Ipſe tumor, ex elevato oſſe maxillari ſuperiori dextri lateris natus,
cute & perioſteo denudatus, candidiſſimus erat, atque duriffimus, ita, ut
pars eiſ convexa ferrula eſſet diſſecanda, cuius diametrum ultra binorum
cum dimidio digitorum latitudinem ampliatur, maxime diſtentum, pingui-
que lardo, cui fibrae oſſee erant intertextæ reſertum, cognovimus, quo pro-
pius vero ille ita extensus accedebat ad alveolos dentium ſuperiorum, hoc
erat mollior, & cartilagineus, uſque eo, ut ſtilum, ſibi facillimo negotio
impreſſum, continuo reciperet, eidemque liberrimum ad fauces concederet
aditum, & tandem ad ſteatoma ipſum ex ore, faucibusque proſectum, per-
veniens cum eodem in unum conſuebat. Ex tumore magno minor aliquis
(bb) eminebat, dimidiæ partis ovi gallinacei ſimilis, eo in loco, cui chirur-
gus quidam, tumore nondum adeo elevato, quem non oſſeum tunc ſuſpica-
batur, incifo, præter ſpem & opinionem oſſeo invento, modiolum impres-
ſerat, aliquam materiam, quam huic ſubeſſe putabat, educturus, quem
hiatum callo tenuiore, & teneriore quoque cute ruruſ obductum, vidimus.
Narium (cc), omnino depreſſarum, pinna, utrinque maxime diductæ,
conſueta ſua forma amiſſa, cum tumore in unum coiiſſe, animadvertabantur.
Labium ſuperius (dd) ad lineæ craſſitudinem extenuatum, totumque oblite-
ratum, abſorbuerat tumor alius, ex faucium parte, poſteriori & ſuperiori
proſectus, & ex ore propendens, cuius ambitus (ee) palatum cum maxilla
ſuperioris alveolis, dentibus & gingivis omnino implicuerat, quemque labii
ſupe-

superioris tenuior & rubens tunica, mirum, quantum extenta, se obvolutum, comprehendebat. Totum hic polita cute erat obductus, quam eandem, qua labia, & os internum convescuntur, & nexus cum interni oris locis, & color, & glandulosa fabrica, ex acinis, cannabini seminis similibus, altius paulo eminentibus, contexta, esse ostendebant. Dentes superioris maxillæ (ff) quatuor adhuc superstites, cartilagineo tumoris involucri sub cute rubra erant infixi, bini maxime vacillantes & foras protrusi, reliqui paulo profundiores, leviter tamen alveolis inhaerentes. Prodiens ex ore tumor majora capiens incrementa, omnes reliquos dentes superiores, ab initio firmiter cum alveolis junctos, sensim paulatimque partim extruxit, partim maxime reddidit vacillantes, quos vel sponte elapsos, vel nullo negotio exemptos, collectos, omnis tamen labii cariose expertes, nobis attulit pater vita defuncti. Inferioris maxillæ dentes, quorum ne unus quidem desiderabatur, clavorum ad instar in tumorem intrusi, se absconderant. A sinistra faciei parte, & cutis integra, & os maxillæ superioris nihil mutatum, sed candidum, solidum, ac integrum esse, observabatur. Tumor alimmentis aditum omnem ad os præcluserat, usque eo propendens, ut non tantum manibus esset sublevandus, si quando fluida sola, aut sorbilem victum, & parciolem pulvis portionem, cochlearibus oblongis, vel cannula, biatui, inter aurem dextram & labiorum commissuram, speciatim propius ab hac patulo, inferendam curarent, quæ tamen, ita accepta, deglutitionis organa illa satis libere ad ventriculum deducebant, sed etiam pondere molestissimo ne deprimeret fere egrotum, vel saltim nimis fatigaret, brachiis suppositis sustentandus esset, atque suffulciendus. Parcissime ita nutritus egrotus, elanguit, & febre exedente, non tam ex tumore utriusque indole depravata, quam non invenire potuimus, sed potius ex boni sufficientisque nutrimenti defectu, enata, ita emaciatus, ut sceleti referret imaginem, diem obijt supremum. Tumor ex ore protentus nobis molem, cute labii superioris obtentam, & sub hac cartilagine obvolutam, lardo pingui tenaciori intus repletam, omnium vasorum distinctum omnino expertem offerebat, ad tumorem fundum vero vasa apparebant varicosa, minimi digiti crassitudinem æquantia, omnisque hic tumor ad superiores & posteriores faucium partes, unde primam suam traxerat originem, nulla obliterated, textura ligamentorum simili, animadvertēbatur adfixus, sex circiter pendens libras. Ablata calvaria, cerebro detecto, ad partes istas nobiliores malum se haud penetrasse, neque viscera reliquarum cavitationum, si a summa eorumdem, & totius corporis tenuitate recesseris, quid contraxisse vitii, cognovimus. Pater egroti de reliquo enarravit, hunc tumorem illi annis 14 agentis, ex tuberculo, sub dextro oculo os maxillare superius, occupante, primum esse enatum, in oculum ipsum tunc temporis acriori materia destillante, qui quam plurimorum infirmorum hominum, capite censorum, & artem vel minime, vel pessime, doctorum, non curæ, sed effrenæ oscitantie, relictus, & maxime ineptis acrioribus medicamentis, ne dicam venenis, incitatus & irritatus, indies in peiorem abiens partem, & majora capiens incrementa; ab 24 hebdomadarum spatio in illam molem horrendam excrevit.

§. I.

Nominis reddita ratio.

Quum in præsentia de morbo mixto, & quoad ex binis potissimum aliis componitur, simplices qui frequentius veniunt usu, omnino rarissimo, dicere adgrediar, in id præcipue mihi animus erit advertendus, ut eundem ejusmodi nomine designem, quod continuo per propriam sui vim atque significationem cuivis lecturo veram ipsius mali indolem atque naturam reddat cognitam. Arduum vero id hoc magis, equidem, esse, arbitror in illo vere commodo inveniundo, quod simul duplicis tumoris sit habenda ratio, unius sub orbita oculi dextri ex osse maxillari superiori enati, steatomatis nempe, exostosi inclusi, alterius, ex faucium parte posteriori & superiori prodeuntis steatomatis, tunica labii superioris, maxime extenta, obvoluti, & in prodigiosam illam molem, adpectu satis horridam, expansi; re vero diligentius considerata, omnium maxime adpositum esse, mihi persuasi, si totum illud malum, generatim consideratum, osteo-steatoma adpellarem. A potiori, id quod fieri consuevit, hæc effecta est denominatio, quod quidem eadem potissimum conveniat tumori osseo, ex osse maxillari superiori, quod lardo repletum, & fibris osseis intertextum, conspeximus, simul vero etiam illum tumorem, mere steatomicum, ex faucibus protrusum, describat. Est itaque osteo-steatoma durum & mollium, pinguium præcipue, corporis partium, per vasorum inter se junctorum, communionem præter naturam effecta mutatio, qua, cujus modi hoc speciatim in exemplo animadvertimus, in molem, naturali longe majorem, extenduntur, ipsis vasis, sensim paulatimque relaxatis, & ampliatis, vel novis humorum receptaculis, sine ordine & lege naturæ consueta efformatis, in dies fere nova capientes incrementa, & usque eo adauctæ, ut ita male adfectæ vires vitæ, in statu naturali sibi proprias, amittant, & inertes atque emortuæ quasi aliquod tempus persistant, vel ex se ipsis circuitu humorum vitali abolito, putrefactæ destruantur, & pereant, immo partes alias vicinas, & juxta se positas comprimant, & interdum in propriæ labis, si qua subest, trahant consensum, & omni cum corpore communicata acrimonia, atque putredine, hominem trahant, & lenta conficiant morte. Hæc brevis, quæ nostra quidem est qualicumque sententia, & vere accommodata, esse videtur osteo-steatomatis, generatim considerati, definitio.

§. I I.

De speciali osteo-steatomatis definitione.

Quodsi autem ad istum, quem nunc exposuimus, tumorem propius respicio, ea occurrit notio, qua argumentum voluminis ossium una cum pinguedine vitiatum, illis inclusa, ex pravis humoribus illuc affatum congestis, & ex laxa vasorum nutrientium naturali serie, sistitur. Duo enim morbi in hoc depravato solidorum mollium & durorum, id est pinguedinis, & ossium statu concurrunt, quorum alter fundamentum corporis, & fulcra motus, alter olei animalis receptacula vitiat, & omnia hæc suis muneribus præstandis reddit inepta. Namque sub isto materie alicujus vitiosæ, in laxioribus vasis collectæ, aut in spatia, quæ vasis intercedunt, congestæ, in iisdem auctæ, tandemque corruptæ, confluxu non solum ossa hominum, in primis juniorum, in tumorem attolluntur, sed post, quam illorum fibræ ossæ, interfuso peregrino liquido, distentæ, atque una periostei membrana, vel abolita, vel ex aliqua parte mutata, fuerunt, id quoque evenit, ut contextus cellulosus, qui periosteo interest, hinc communis tela adiposa vitiatum ossi adjacens, ob vasorum communionem, humores ibidem corruptos, qui in ossæ sunt constituti, in sese recipiant, atque cum illis una intumescant. Post enim quam os, quod huc usque æquale erat, & formæ suæ, sibi a natura datæ, limites servaverat, a forma sua recedit naturali, tunc quidem non potest non illud partes, supra se sitas, molliores similiter elevare, attollere atque expandere; sub ipsis adeoque morbi hujus natalibus adest ossis veluti scirrhus (a), ita si loqui licet, & aliquis nodus durus, quem exostosis (b), & quum auctor redditus, partes ossium, in primis spongiosas, humores simul varie vitiatos quæ continent, male habuerit, hyperostosis (c) appellant, partibus tamen mollioribus, quæ vitioso ossi

(a) Joban. Zacharia Platner, vir, qui hanc universitatem doctrina, & scriptis illustravit in *instit. chirurgiæ rationalis* Lipsi. 1745. edit. de ossium morbis §. 1041. *Exostosis benigna*, inquit, est veluti scirrhus benignus, cum in eo retenta materia sine metuenda noxa hæbeat.

(c) Exostosis cariem non semper habet adjunctam. *Exostosis*, inquit, *Cel. Laur. Heister*, vocabulum magis pro certis eminentiis, sine excrescentiis acuminatis, præter naturam in ossibus, post suæ structuræ, collisionem aliæque causam ortis proprie habetur, ubi etiam caries baud raro deest. in *instit. chir.* Amstelod. 1739. edit. Part. I. libr. 5. c. 9. §. 1. p. 388. Nec veteres quando exostosis nominant, ubique ad cariem advertunt animum. Adde quæ de hac re curiosius habet observata *Jean Louis Petit* in *Traité des maladies des os à Paris* 1723 edit. Tom. II. chap. 16. p. 339. seqq.

(c) Ossa ad extremos fines, ubi spongiosa sunt & minus densata, tacita accretione seu hyperostosi sensim dilatantur, ac intumescunt tota quidem mole vide Jo. Astruc, de morbis venereis Lutetia Parisi. 1740. ed. T. I. libr. 4. c. 1. p. 401. & c. 3. p. 416.

ossi insident, etiam si extra nativæ suæ directionis lineam non potuerunt non collocari, nondum ita mutatis, ut vitium circuli humorum, & nutritionis debitæ, inde pendentis, defectio nascatur, siquidem os eo usque mutatum nondum est, ut, destructo periosteo suo, molles partes, supra se sitas in consensum mali trahere possit. Confectum enim & demonstratum est, usque eo, donec membrana os morbosum cingens, aliquo veluti contagio correptum est, intactas manere partes molles, quæ ossi superinfernuntur. Ideoque non statim vitiosa pinguedo nascitur, aut exostosis steatoma accedit, sed ossæ fibræ primo loco distenduntur ab interfuso liquido, deinde periosteum etiam & vicina pinguedo eadem de causa, quæ ossis morbum effecerat, replentur, quæ pinguedo aliquando sola & vitiosa ad sevi accedit indolem, & steatoma dicitur (d), ita quoque osseo tumori quandoque jungitur, qua in re aliqua naturæ providentia posita est, quando illa, inducto involucro molli & crassiori, quale indurata pinguedo est, periosteum, cui sua perniciēs proxime imminet, obfirmare & incrementi ossi impedimenta, ac aliquos veluti limites, ponere adnititur, eoque major illa vitæ vis in coercendo ossis vitiosi incremento fuisse mihi visa est, quo plus illa in hoc exemplo maxillæ superioris expansionem coercere annixa fuit pinguedine, quem antea illa in lardi speciem indurata esset, insuper in aliquibus locis in cartilaginem conversa, atque fulcris trabibusque ossis intersepta, ut tumori illi ad vitam utcumque sustinendam, aliqua adesset firmitas atque stabilitas. Eo autem major istius vitiosæ pinguedinis copia esse hic potuit, quo major illius ut plurimum quantitas adesse solet circa illum locum (e), versus quem aliquando febrilis materia residua fertur per metastasin, & ulterius cocta & præparata inde evocatur (f).

§. III.

(d) Steatoma est adauctio pinguedinis præter naturam *Galenus* in definitionibus, Sevi quid simile est in ipso steatmate, atque ut plurimum tunica quadam membranosa omnia hæc continet. *Galenus de tumoribus præter naturam.*

(e) Naturalis aliqua pinguedo musculis, qui faciem regunt, intercedit ea præcipue parte, qua ductus Stenonianus ex glandula, quæ pone aurem est, exit, & descendit copiosior hujus, & decens luxuries ac tumor formositatem faciei conciliat. Hæc quum nimis adfluit, deformitatem parit. Hinc buccones dicti, qui amplas buccas habent, & pinguedine fartas, quos physiognomi fatuitatis arguere solent.

(f) Febre maceratis ad articulos, & circa maxillas maxime abscessus sunt *Hippocr.* in *Aphor. Sect. IV. 31.* Addit *Jacobus de Forisio* ad hunc aphorismum; carnes quædam spongiosæ, juxta mandibulas exeuntes, ad recipiendas superfluitates deputatæ sunt. Maxillæ igitur dicuntur hæc recipere, quia carnes circa ipsam existentes recipiunt.

§. III.

An tumor osteosarcomatis dici possit.

Variam hujus tumoris speciem, ejusque in exteriori & inferiore sui parte potissimum observandam rubedinem carnis similem (g) attentius mihi contemplanti, eam *osteosarcomatis* appellari posse, incidit. Nihil enim ob stare videbatur, quo minus tumor aliquis, licet, si quoad suam substantiam lardi similis, modo non sit osseus, carneus dicatur, quum nimirum veteribus placuerit, carnis nomine non tantum id, quod musculus est, sed quamcumque aliam substantiam excepto ossa (h). Est enim *hyperosarcomatis*, latiori sensu, non solum id, quod carnis speciem refert, sed omne, quicquid in molli variarum partium compage luxuriat & excrefcit (i). Dubium quoque videri cuidam posset, tumore, de quo jam sermo est, *osteosarcomatis* majori jure dicendus sit, siquidem ossi duro, dura quoque tunica glandulosa, steatoma convellens, inducta fuit. Scirrhus enim potissimum glandularum, & tunicarum, glandulis sebaceis, seu folliculis muciparis, consistarum, ut & pinguedinis ipsius, indicat tumorem durum, non dolentem (k), facile in cancrum

(g) Ruborem solum, ut tumor aliquis *hyperosarcomatis* dicatur, sufficere, auctor est Hermannus Boerhaave in *Prælect. Acad. in proprias institutiones rei medicae*, quas edidit Albertus v. Haller T. VI. Göttingæ 1744. 8. p. 44. Veteres, ait *carne* dixerunt omnem corporis humani partem rubram mollemque, recentiores angustius hac voce utuntur, & carnem dicunt, quæ musculos efficit, reliquam vasculosam corporis substantiam, quæ fibris destituitur, aliis nominibus designant. Sed ex veterum usu *hyperosarcomatis* vel *sarcoma* sumitur pro omni magnitudine præter naturam aucta in parte rubra corporis cum laesa functione. Hujus modi tumores vidi, qui vere in pinguedine sedem habuerunt, rubrae carni interposita, vasis ita adauctis, ut ex non sanguiferis rubra fierent. In vera carne fibrosa rarum est, hujusmodi mala videre, & ego quidem nunquam vidi, neque facile crediderim, visa esse. Adiposa vero substantia omni fere parti corporis humani circumponitur, & vasa plurima habet, quæ aucta, paulatim adeo ampla fiunt, ut rubrum sanguinem recipiant, & qui adeps erat, nunc rubram carnem mentiatur. Hujus modi tumores in immanem magnitudinem excrefcunt, & quando, ante incisa, deteguntur, tumor continetur tenui pellicula, totusque deglubi potest. Ruyschius octo librarum pondere talem vidit, cujus substantia nihil fuit nisi oleum.

(h) Sic carunculæ dysentericæ Hippocrates aph. sect. 4. aph. 26. non caro sed membranarum ramenta sunt.

(i) *Hyperosarcomatis*, carnis excrefcencia, est inutile incrementum in quacunque corporis parte; neque enim in ulceribus solum, verum etiam in oculis, auribus, gingivis, naso, testiculis & aliis plerisque partibus supercrefcit. Jo. Gorraui dehim. med. Francof. ad Moen. 1751. f. sub hac voce.

(k) Scirrhus est tumor non dolens, scaber, durus, in locis glandulosis. Boerhaave l. c. p. 279.

occultum abiturum. Variæ tamen existunt causæ, quæ morbi hujus vel a carne, vel a scirrho, desumptam denominationem minus commodam futuram, nobis persuadent. Nomina enim ex eruditorum arbitrio suam vim atque significationem acceperunt. Veteres in universum illos tantum tumores carneos nominarunt, quos ulcera sequuntur. Ipse Astruc alium morbum ab hoc, de quo nunc agimus, plane discrepantem, illum scilicet, quum ossa mollescunt (l), & carnis veluti induunt naturam, recte & ordine osteosarcomatis dixit. Sed scirrhi definitio præsentis morbo minus videtur convenire. Licet enim, æque ac omnes scirrhi, dolore, ob nervos, sua sentiendi facultate privatos, destitueretur, nulla tamen, si a tumore osseo recesseris, durities observabatur, & mollior ille pendulusque tumor in superficie sua scirrhi æmulans naturam, ob istam suam molliorem indolem, scirrhi titulum minus mereri videtur, siquidem tumor ille non tantum e sua superficie, cui fortasse aliquid scirrhiestatis, propter cutem illam ex ore procedentem rubram acinis glandulosis, cannabis feminis similibus oblitam, inesse potuit, æstimandus est; sed universus tumor, & quoad interiorem suam substantiam etiam est considerandus, ut clara & distincta legentibus evadat idea.

§. IV.

De hyperostosi & sarcomate singulatim.

Antea autem, quam mixti hujus morbi, indoles indagari queat, nonnulla de singulo hoc pathemate, quod sub hac ægritudine unitum deprehendimus, præmittenda sunt. Conveniunt tam ossium, quam pinguedinis, tumores in eo, quod utrinque orta sit contextus cellulosi, inter fibras tam rigidas, quam flexiles, medii vitiata, id est præternaturalis capacitas, in qua cacoehymici, putres, acres rodentesque, aliquando tamen & innoxii, atque mole tantum sua graves, succi, veluti in hoc exemplo, colligantur, & tumor abhinc sensim augeatur. Quamvis vero materiam istam luxuriantem, vel in ossa, vel partes molles congestam, in circulum cum reliquis humoribus agi, omnino negari nequeat, & illa per aliquam, licet debilem, suam vitam sustentata in ceterum haud abiret putredinem, sed in dies augetur, licet, nutritam ean-

(l) *Osteosarcomatis* est lenta & tacita ossium emollitio, qua cartilagineam, imo etiam carneam naturam adipisci videntur Jo. Astruc de morbis veneris libr. 4. c. 3. p. 418.

Constat quoque observatione, ossa seminio venero, quo alte imbuuntur, aliquando ita mollescere in osteosarcomatis, ut cera instar inflecti, comprimere & in angustum spatium redigi possint. Idem ibid. libr. 4. c. 1. p. 402. seq. qua de re & Illustris Procaucellarius, Patronus & Præceptor meus, summe colendus in Programmate subjuncto egit.

eandem fuisse, recte affirmari omnino haud posse videatur; sanguis etiam, quum tumori empiricus aliquando modiolum adplicuisset, effusus, vasa sanguifera ipsi inesse, ostenderit, atque ex illis omnibus liqueat, naturam id præcipue curare, ut ne scilicet pejus malum inde oriatur, atque carcinoma, suo tempore exinde nasciturum, in longum differatur: utraque tamen ista & ossis, & carnis, luxuriantis species nihil aliud quam cadaver est, quod succis sine lege & ordine massam pervadentibus utcumque conservabatur, & ad certum tempus ab interitu ac putredine vindicabatur. Morbus igitur uterque in uno hoc schemate mixtus, & causa, & forma, externa conveniebat. Quodsi vero specialis, & ossis male affecti, & partium illi adjacentium, labes, ex diversa utriusque partis compage, duriori in ossibus, molliori in carnibus dijudicanda est, maxima inde tamen prodit diversitas, qua & curatio in morbi saltem principiis speranda, & ad eam perficiendam adhibenda medendi methodus, mirum, quantum variatur. Ne igitur id, quod ad pathematis, nunc disquirendi expositionem, ex ossis affecti indole cognita, aliquid efficere potest, desit, tenendum est, quatenus in ossibus, salvis etiam proximis mollioribus partibus, morbosa aliqua cellulorum, per oleum animale corruptum turgida repletio, earumque abinde præternaturalis expansio, unde tumor oritur, vario modo provenire possint. Non enim laudabiles tantum humores aliquando raras corporis infantilis epiphyfes implent atque expandunt, ut, ob laxitatem, isti ætati propriam, oriatur capitum, quæ in summo ossis tubiformis loco præfiguntur tuberositas, id quod exostosis benigna, & tumor ossis, a succorum bonæ notæ redundantia, appellatur; sed & depravati cujuscunque generis humores, in istas ossium rarioris texturæ cavernulas, sive errore, sive metastasi & destinatione per naturam, in viscerum conservationem, translata materia peccante ad ossa congeruntur, & tendendo atque rodendo efficiunt, ut, destructis vasis resorbentibus, accumulatus humor minus laudabilis, ex cellulis ossis per determinata colatoria reduci nequeat, sed maneat, eoque ipso ossis diploen, tanquam præcipuam istius mali sedem, destruat atque corrumpat, totiusque ossis tumorem, & *hyperostosis* producat (*m*). Nec raro ipse interfusus periosteum & ossium superficiem humor ossa nutriendus sensim indure-

(*m*) Sæpe fit, ut lamellæ ossis a mutuis contactibus recedant, & mirificus inde tumor nascatur. Vidi ossa cranii triplo & quadruplo crassiora quam in statu naturali fungosa tota, ut pumicem referrent, *Boerhaave* l. c. Quando solum periosteum obstruitur, deinde intumescit, fit tumor mollis in pasta modum, referens cornu recens in animali natum. Quando hic tumor magis & magis in acumen adsurgit, & tactui tamen cedit, tunc *tophus* est, quando magis indurescit, *dynisartrosis* & *exostosis* nascuntur quando jam ossa duritie sunt: vid. *Boerhaave* l. c.

cit (*n*), ita ut induratum tale concrementum initio molle *gummi*, mox densius redditum *tophus* dicatur, quo ipso ossa omni sua nutritione privantur, atque illa cariei species oboritur, quæ sub periosteum nata, deinde ad interioris ossis sedes verti dicitur; alio vero tempore ab interioribus procedit malum, quod ossa vario modo corrumpit, ut in alia parte molliora, in alia duriora evadant, unde varias exostosis species *Astrucius* definivit (*o*).

§. V.

De steatmate speciatim.

Quemadmodum autem nemo facile dubitabit, & optimos succos, maximeque laudabiles humores, nimium abundantes corpori molestos, & tandem nocivos evadere posse, ita multo minor movenda erit dubitatio de pinguedinis, in aliqua corporis parte, ex vitio ejusdem nata, accumulatione, ita ut non tam pinguedo, luxuriantes optimos succos in se comprehendens, quam potius spississimus quasi viscus, in concretum duriusculum compactus, appellari mereatur. De qua licet re generatim multa dici possent, sufficit tamen, ea, quæ ad præsentem scopum pertinent, breviter attingere. Quodsi enim nunc de pinguedine spuria, in os ægrotum congesta, atque ex ipsius ossis vitio nascente, agendum est, ratio simul erit reddenda, quare lardum nasci debuerit, quum os esset tumore infectum. Veniunt igitur mihi in mentem ea, quæ *Celsus* habet, quum id quod in osse vitiatum est, primo fere pingue, deinde vel nigrum, vel cariosum fieri (*p*), scribit, quo aphorismo facile quis induci poterit, ut arbitretur, ex oleo maxillæ superioris, per transversos *Haversii* poros transudante (*q*), sub periosteum illius ossis collecto, massam isthanc iner-

(*n*) Ossis in media & densissima parte in *εξοστώσεις* extument majores minoresve, modo submolles & quasi semipulposas, modo renitentes & vere osseas, quæ nunc atrociter, nunc levius, nunc tolerabilius dolent, imo vero quandoque indolentes sunt *Jo. Astruc* de morbis venereis Tom. I. libro 4. c. 1. p. 401. Omnino velut in nostro casu.

(*o*) Legitimæ dividuntur in duo genera, alterum quidem, in quo os tumens in fornicem cavum arcuatur, subter quem numerosæ latent cavernulæ, lamellis ossis distinctæ, & substantia carnea dura, firma, cartilaginea plenæ; alterum vero, in quo os tumens intus plane solidum est, ceteroque osse candidius instar eboris, neque ullis cellulis, quæ conspicuæ sint, suffossum, sed contra solito durius compactiusque *Idem* libr. 4. c. 3. p. 415. seq. Omnino uti in nostro casu.

(*p*) *Aurel. Corn. Celsus de medicina* libr. 8. 2.

(*q*) Præter poros, vasis sanguineis transitum concedentes per ossium lamina, interque illas adhuc alii sunt, iidemque duplicis generis. Quidam per ipsas lamina penetrant, & a cavitate ad externam ossium superficiem transversim spectant. Alii inter lamina locantur, suntque longitudinales & recti, *Clopton Havers de ossibus* *Amstel.*

inermem concrevisse. Quamquam enim huic sententiæ ipsa externa contradicat ossis species, quum in sua superficie integrum, albissimum, atque solidissimum apparuerit, id quod sine periostei, proxime ossi adjecti, præsentia neutiquam accidere potuisset, quum quævis ossa, periosteo privata, cariem atque nigritiem contrahant, eamque ob causam inter periosteum & ossis superficiem locus haud adfuisse videatur, in quem transfudans ex osse materies colligi potuisset. Attamen ipsa illa ossis albedo præternaturalis fuisse videtur, quum ossa sana in colorem vergant ex albo cæruleum (r), ob vasa venosa, suo adhuc sanguine turgentia, quorum scilicet, inter ossium recentium lamellas decurrentium maxima frequentia & in mortuis deprehenditur; ideoque ista ossis albedo tantum abest, ut separati periostei, & loci propter ea, in quem materies effundi poterat, præsentis suspensionem faciat, ut potius exinde ossis, sua membrana coercente orbi, & mutationis calcareæ (s) in osse illo abinde factæ, argumentum subministret. Quod si vero faciamus, & periosteum suo ossi penitus adhæsisse, alius tamen neutiquam deficit locus, qui malæ materiæ, ex vasis per superficiem ossis decurrentibus, in periostei telam cellularem (t) transfusæ colligendæ, inque concretum album pingue, scissile cogendæ, haud minus aptus existit, interstitium scilicet illud periostei ipsum, in quo vasa omnis generis ad ossa substrata descendant, & ab illis revertuntur. Potuit denique & illa ipsa pinguedo, quæ super maxillam, & prope eandem, in statu naturali adesse plenioribus solet, ex mala corporis diathesi intumescere, cui id quoque accedit, quod tunica glandulosa palati, labiique superioris, spissiori salivæ fecernendæ destinata, in ipsius tumoris illius cryptas suum deponere potuerit mucum, prima æque, ac in naribus polyposæ concretioni, stamina subministrantem. Quidquid enim in isto prægrandi tumore rubrum inveniebatur, id omne a glandulosa oris tunica, mirum, quantum extensa, & extra os prominente continebatur.

§. VI.

Amstel. 1731. edit. p. 47. Per illos autem oleum animale ad ossium externam laminam ferri, proponit ibidem p. 53. pag. autem 52. gelatinosam materiam inter partem ossis solidiorem & periosteum reperit.

(r) Ossis integri color est ex albo cæruleus, qualem tunica habet exterior oculi, qui color in ossibus infantum paulo magis sanguinolentus est. *Jo. Zach. Platner l. c. §. 1048.*

(s) Si periosteum corruptum est, ossa sunt arida, & calci simillima, facile friantur. *Id. l. c. §. 1033.*

(t) Inter os & membranam contextus esse videtur cellulosus, valde tener. *Id. l. c. §. 1029.*

§. VI.

De mixta morbi specie, & quis ex alterutro prior.

Dubium autem cuidam subnasci posset, fueritne steatoma prius exostosi, an hæc ex illo fuerit nata; quamvis autem hæc res ambigua sit, miserum tamen juvenem primum osse maxillæ superioris laborasse, propterea putandum est, quod tumor mollis supervenerit serius, præcesserit durior, teste morbi historia. Prægressum est igitur tuberculum, in osse absconditum, a collecto intus humore magis magisque expansum, quod denique suam vicinis integumentis labem impertiebat, quoniam ichor ex ossis subjacentis cavernulis in pinguem, periosteo interjacentem telam, effundebatur. Id quod non, nisi e corrupta antea periostei parte, fieri potuisse, nemo negabit. Omnia enim ossa, suo interno vitio male affecta, partes molles proximas simul vario modo in consensum trahunt, ut periosteum ab humore maligno necessario depravetur. Felicius ægroti res cedere videntur, si forte abscessus in superficie corporis, quæ ossi morbofo respondet, nascatur, quod non malum, si ita evenerit, sed naturæ beneficium esse censebitur, quod si via nunc sese sponte aperuerit, qua corruptæ ossium partis exfoliatio, & nova periostei restitutio, fieri possit. Haud raro vero ille tristis casus accidit, ubi sub altis carinibus caries ossis sedet, subdola & occulta excitari ulcera, non nisi angustis, & sinuosis fistulis inter strata musculorum lento gradu serpentina. Sæpius quoque a latente carie ita vitari partes molles, experimur, ut illæ sensim emoriantur, & suæ mortis indicium per venas varicosas, ac lividam cutem, edant, quæ phænomena, uti cariem substratis inesse testantur ossibus, ita chirurgis locum, ubi mediante efficaciore medicina via latentibus corruptis humoribus sit pandenda, indicant. Quam ob rem excusandus quodam modo in hoc nostro casu fuisset chirurgus, dummodo naturam ossis, affecti cavernosi, haud ignorasset, quod, quum cariem subesse huic tumori suspicaretur, incisa cute, & admoto modiollo corruptis liquidis, qui effluere illa possent, viam aperire voluerit, in eo tantum male doctus, quod, quum, corruptum os esse, per consueta signa non intellexisset, abscessum in osse supposuit, de cuius præsentia mutationes cutis consuetæ, sensusque facile potuissent testari (u). Nulla enim cariei adfuisse phænomena, exinde patet, quod morbus ille ossa, præcipue immediate cuti substrata, occupans adeo manifestis signis se prodatur, ut, ne mediocriter quidem doctus, de eo ambi-

(u) Si locus, qui ante vehementem & continuum dolorem habuerat, jam sine dolore est (at juvenis noster de nullo unquam dolore conquestus fuerat) si cutis tumida est ac plumbea & mollior, & si sub ea humor pressu circumfluit, & si gravitas materiæ, febricula & punctiones sentiuntur. *Platner l. c. §. 1046.*

ambigere possit. Multo minus de carie ossis vera quidquam constitit, quum os maxillæ in sectione cadaveris, propius inspiceretur. Quam ob rem, quid ille morbus, & mollium partium, & ossis respectu, vere fuerit, attentius nunc considerandum venit. Licet vero mollior tumoris pars seorsim inspecta, steatomatica tantum materia repleta observaretur, uti ex morbi historia patet, alias tamen adhuc sibi inclusas tenebat partes, materiam nimirum osseam, fulcrorum, trabium ac columnarum ritu ordinatam, ut propter ea ad fungorum indolem quodam modo accessisse videatur.

§. VII.

De morbo præsentē ad fungos referendo.

Quemadmodum autem in scholis physicis nomina sæpius variant, ipsis neutiquam mutatis rebus: ita quoque in præsentis morbi consideratione dubium videtur, an fungi nomen illi tribui possit. Licet vero fungi plerumque ad articulorum ligamenta nascantur (x), & hoc respectu nomen fungi huic, de quo sermo est, tumori haud ita suo jure competere videatur, potest tamen alio nomine fungis quoque adnumerari, quum fungi alibi quoque in membranis, & periosteum tam externo (y), quam interno, oriantur. Fungi enim nomen tumorem significat ex partibus membranaceis, carneis, vel osseis ab ingredientibus easdem depravatis humoribus, eoque ipso, serie fibrarum, partem quam occupat, constituentium dissoluta, elevatum, majora semper, sine lege & ordine, incrementa capientem, sensimque in ichorem acrem diffluentem, contagio suo humores reliquos, si qui boni in corpore supersunt, inscientem. Observantur in ejusmodi fungis, uti etiam in nostro casu quoad superficiem externam, vasa sanguifera satis copiosa & magna, licet naturæ legibus minus convenienter distributa, ex partibus vicinis in tumorem transmissa, & per eundem continuata. Fungorum itaque ex intimis organorum corruptorum mollis æque, ac solidioris ossæ texture, recessibus sic explicandus proventus magno utique est argumento, quo evinci queat, præsentī morbo fungi nomen competere, eumque illis adnumerandum esse fungis, qui ossa varie vitiata occupant, & quibus vasa illa spuria arteriosa, per tales protuberantias dispersa, aliquam nutri-

(x) De fungis, veluti sint tumor ad articulos, maxime genu, natos, agit *Laur. Heister. instit. chir. P. libr. 4. c. 19.* eosque, quod sint tumores, absque omni fere calore & dolore pallentes, prorsus ad nostrum institutum describit.

(y) Si ulcus in cerebro est per calvariae foramen, superque hanc rarus ipsam tumor excrescit, mollis, putris carnis instar, qui quum celerius in majorem molem augeatur, fungus cerebri dicitur, *Platner l. c. §. 571.*

nutritionis vegetabilis speciem exhibent. Majori vero jure fungis tumores faciei sunt adnumerandi, in quibus fibræ ossæ variæ, veluti totidem tumoris sustentacula, ex fibris membranaceis interspersis indurata, per totum steatomaticæ illius molis ædificium distributæ observantur. Quum enim ad putredinem arcendam, hinc ad miseram hominis vitam servandam, natura etiam in ipso hoc suo errore aliquo ordine usa fuerit, oportebat sane tuberi isti ad immanem massam & grave pondus, sensim magis magisque excrescenti, comparari fulcra rigida, quæ illud sustinerent, & determinatam aliquam consistentiam illi largirentur, veluti in monstrorum quoque conformatione ordinem vasorum, & organorum, ad schema illud accommodatum esse, observationes testantur. Ipsa quoque, quæ fungis esse solet, nascendi conditio, cum hoc nostro tumore convenit, namque illos ex ossis periosteum, integris licet ossibus, quod nuper hic Lipsiæ in osse ileo viri conspectum fuit, nasci constat. Quod si vero os a malis humoribus intra se receptis, extensum intumuit, ichorque malignus, vel e communi sanguinis corrupti fonte, vel ex humorum, ipsum os replentium, contagio proveniens periosteum arrodit, eoque ipso tonum hujus membranæ, ossa coercentis, quo minus luxuriare queat, infringit, tunc non ossæ tantum materies, huc usque virtute periosteum coercita, in illos tumores, quos hyperostoses appellant (z), congeritur, sed accedit etiam illud, membranæ coercentis fibræ ut e vasorum ultimis staminibus explicatis natæ, a corruptis liquidis, in volumina, nostri similia, expandantur. Nec obstat, quo minus hunc nostrum morbum fungum appellare possimus, quod ille nec carcinomatis speciem retulerit, nec manifesta putredinis signa exhibuerit. Parum enim absuit, quin ille tumor subito in voracissimum ichorem solveretur, adeoque gratiæ quasi habendæ esse videantur circumforaneis & agyrtis, quod illi experimentis suis hominem conficere voluerint prius, quam ejus facie a cancro exesa, summos inter periret cruciatus, siquidem hoc unicum est, quod a vilissimis istis scurris cum laude effectum dici forte possit, dum neutiquam dubitandum, tractu temporis natum in tumore tabum putridum, primo tumorem ipsum, deinde partes sanas, fuisse devoraturum. Licet alias fungi sæpius suam diu servant integritatem, nec statim corrumpantur.

§. VIII.

De ossibus inflatis & spina ventosa.

Possit etiam tumor ille faciei ad *spinam ventosam* referri, præcipue si

(z) Ex eadem causa, & vitiatis humoribus nonnunquam ossa non ex parte, sed tota intumescunt, quod morbi genus a recentioribus appellatur hyperostosis *Jo. Zach. Platner l. c. de morbis ossium. §. 1032.*

si istius morbi signa ad minimum in osse mandibulae superioris inflato deprehenderentur. Est enim *ventositas spinæ* vi vocis ipsius inflatio ossium non semper dolens (aa) cum tumore eorundem abinde nato, conjuncta, dum totum aliquod os, maxime si cavernosum fuerit, veluti in nostro casu, ex parte (bb) mollescit atque ita intumescit, ut interiores ejus recessus & cellulae, laxiores magis, & quasi aëre tumentes, quam in statu naturali, appareant. Quamvis enim, in ejusmodi ossibus, morbosam a putredine laxitatem habentibus, aerem vere gigni, non constet, specifica tamen eorum levitas, quam in siccatis observamus, ad pondus suum naturale aestimata, nominis sine dubio primaria fuit causa, siquidem talia ossa expeditius natant, quam sana, ex sano cadavere desumpta. Est ergo *spinæ ventositas totius alicujus ossis tumor ita auctus, ut & parietes, & cellulae ejus, quibus medulla continetur, tanquam a cancro occulto interius expandantur & devorentur*. Quem ad modum enim unusquisque morbus ossium sæpius sui similem inter morbos partium mollium invenit, ut v. c. fractura ossis *vulnus*, exostosis, integro adhuc periosteo, *scirrhus* ossis dici possit; ita quoque, nisi exquisitæ definitionis, certe illustrationis gratia, caries ossium *ulcus*, tumor ossis clausus malignus (cc), *cancer occultus*, apertus autem tumor, *cancer ossis fluens* appellari possunt. Vtrumque igitur & in hoc nostro casu forsitan accidit. Videtur enim & tumor ossis maxillæ superioris, & cancer ejus, licet adhuc maxime occultus, adfuisse. Namque & os maxillare superius cum quadam, haud adeo levi, ossium nasi parte, licet nares utrasque, testante historia morbi, tumor occupaverit, in illum prægrandem implicabatur, & tumore osseo dissecto propter anfractus istorum ossium, sua natura jam satis patentes, majorem in modum expansos, distincte in conspectum veniebat. Nec tumor mollis omnino impedit, quo minus hoc nomine morbus præfens insigniri possit,

(aa) Spinam ventosam primus appellavit *Avicenna* libr. 4. Fen. 4. c. 9. ratione tamen non adjecta, cur ita dicatur. Dolorem tamen morbo junctum esse debere, affirmat. Aliunde autem apparet omnem tumorem Arabibus medicis inflationem, ventositatem dici. *Rhazes* addit, ideo spinam dici, quod perforet ossa.

Spinam ventosam ab initio omnis doloris expertem esse, testatur *D. Paulus Amandus* in *Disp. inaug. Theod. Oltshii* Lipsi. 1627. de *spina ventosa*.

(bb) *Exostosis* alia spuria sunt, quæ submolles prementi digito cedunt aliquantum, acriterque dolent, immo etiam interdum lancinant *Astruc* libr. 4. c. 3. p. 414.

(cc) *Nicolaus Tulpus* *Observ. med.* IV. c. 12. quando *Celsi* locum VIII, 10. ubi de ossium cancro legitur, interpretatus est: si quis, ait *conjectura* locus est, videtur hæc vox adumbrare callosum illud tumoris genus, vel inmedicabilem illam eorum molliem, quam imprimi ossi acida pituita, solidam ipsius substantiam plane corrumpunt. Ex sua autem hypothese *Mercklinus* in *Pandolphinum* l. c. c. 7. p. 259. *cancrum* in causa externa in ossibus semper esse, spinam autem ventosam in causis internis procedere, asserit, ut cancer omnino dici nequeat.

possit, quum carnes raræ & laxæ circum ossa inflata sæpius soleant adesse (*).

§. IX.

An morbus hic ad padaribrocacem referendus.

Nec id male quaeritur, an ex indole ossium in hoc homine, pueritiæ limites non multum transgresso, observata, morbus fluxerit. Hujus enim tumoris origo in illum incidit ætatis annum, quo pubertas definitur, quo scilicet tempore minimus morbus tuberculum sub orbita natum ostendebat, prava deinde medicatione in atrox ejus modi malum eversum. Docet autem osteographia, sub ista ætate ossa corporis, etiam si satis obfirmata, tamen respectu completæ ætatis, mollia adhuc rareque esse, siquidem ossibus tubiformibus tunc suæ adhuc supersunt epiphyse, quas scilicet natura tunc demum delet, quando tota hominis materies in eam staturam, quam unicuique attingere posse datum est, crescendo exhausta fuit. In ista igitur ætate, uti cetera corporis adolescentis ossa adhuc rara erant & laxa, ita quoque ossa calvaria, & faciei debitam firmitatem & consistentiam suam nondum fuerant adeptæ. Propter istam igitur puerorum, aut hominum, qui non admodum diu pueri esse deliverunt, singularem conditionem, qua eorundem ossa omnia, potissimum autem cavernosa, succis pleniora, & amplioribus cellulis donata sunt, accidit longe frequentius, quam penes adultos fieri solet, ut in intimis ossæarum cavernarum recessibus humor aliquis, licet laudabilis, colligatur, qui mole sua cellulas ossium dilatare potest (dd). Quod ipsum eo citius accidit, si humor in cellulis collectis acrimoniam alcalinam, solidas fibras osseas sensim emollientem, receptacula autem medullifera destruentem, & medullam ipsam in sebaceum vertentem liquidum, contraxerit, efficitque ut materies quiescens (ee) in ichorem convertatur, id quod eo citius in puerili osse efficitur, quo debiliores ex rationibus

Z z 2

nibus

(*) *Paul. Barbette* *oper. chirurg. Anat. P. III. c. 3. p. 19. in spina ventosa* dicit, carnem mollem, & aliquantum tumefactam minime autem, ut in *hypersarcosi*, ulcerosam excrecere. & *Avicenna* libr. IV. Fen. 4. Tract. 4. c. 10. quum ossi, ait, corruptio accedit, vides carnem super ipsum mollescere.

(dd) *Clopton Havers* nodorum, qui in ossibus rachiticorum occurrunt, rationem redditurus, ita habet: quadam obtinet præternaturalis laxitas, majorque in particulis ad unionem indispositio, indeque debilior pressuræ nutritis succi resistentia, unde extraordinario modo protrusæ spatium concedunt majori succi nutritis quantitati capiunda, quam quidem pro regulari naturalique incremento necessario requirebatur, de ossibus Cap. IV. p. 177. §. 110.

Galenus libr. VI. de usu partium c. 3. Nulla substantia, ait, adeo dura est, ut non sicut alitur, possit etiam augeri præter naturam ita, ut in ossibus quoque usu venit.

(ee) *Aristoteles* *probl. Sect. 14. 7. 4. & Meteorol. c. 2. Putret*, ait, omne, quod quiescit, aut minus quod movetur.

nibus ætatis fibræ ossæ tunc sunt, & facilius se extendi patiuntur. Neutiquam autem ejus in facie proventus obstat, quo minus hoc osium vi-
tium *pædarthrocace* dici possit, quum ille puerorum morbus in longis
tantum esse soleat osium tubis (ff). In quacunque enim corporis par-
tem omnis humorum peccantium vis conversa est, in eam quoque unam,
qualiscunque sit labes, integris fere ceteris omnibus devolvitur, id quod
& in aliis præternaturalibus corporis humani affectionibus accidit, ut,
nimirum qua parte morbus semel est, in eam dispersa per totum homi-
nem malorum humorum semina colligantur, ibidemque figantur, & ob-
firmentur. Licet vero juniorum spinam ventosam & pædarthrocacem alii
unum eundemque arbitrentur esse morbum, his proprium, (gg), alii
pro diverso habeant (hh), observationes tamen medicæ, adultioribus
etiam pædarthrocacem accidisse, testantur (ii).

§. X.

*De peculiari osium faciei cavernosorum, ad hunc morbum, suscipiendum
habilitate.*

Quem ad modum unaquæque corporis humani pars ex singularibus
fabricæ suæ rationibus familiaribus quibusdam, ac domesticis veluti, ma-
lis est obnoxia; ita quoque faciei ossa, singulariter autem illa maxillæ su-
perioris, & narium, ob sinuum, quibus gaudent, amplitudinem ad pra-
vorum

(ff) Articulos proprie longorum osium apprehendit pædarthrocace ut videtur M.
Aurelio Severino de recondita abscessum natura Francof. 1641. Lib. V. c. 4.

(gg) Spinam ventosam & pædarthrocacem pro synonymis habet Georg. Abrah.
Mercklinus in suis super Josephi Pando phini tractatum de spina ventosa annotationi-
bus Norimb. 1674. 8. Sed alii graves viri spinam ventosam præcipue adultis tribuunt,
inter quos sunt Petrus de Argillata in chirurgia lib. V. tract. 22. c. 2. Marianus
Sanctus Barolitanus in comp. chirurg. l. 19. quod agit de emendatione osium. Ad
rachitidem ossa inflata refert Fridex. Jacchowitz de rachitide, qua affectis copiosi hu-
mores caput in grandem molem, ut vastum hydrocephalum, attollunt, augent & in-
flant. Tale caput magnum descripsit & commentatus est Antonius Heins de Capitoni-
bus præfide magnif. Jo. Ern. Hebenstreit P. P. Facult. med. decano præceptore meo
summe colendo Lipsi. 1743.

(hh) Severinus exempla abscessuum in ossibus adultis passim adducit, atque Arabes
spinam ventosam adultis quoque largiuntur, veluti pædarthrocacem recentiores pueris
tribuunt, ut propter ea opus sit, utramque notionem, etiamsi morbus in ceteris con-
veniat, dividere. Discrimen ventositatis spinæ & pædarthrocaces nullum, præterquam
si ulcus accesserit. Qua in re vero auctores non consentiunt.

(ii) Etiam pædarthrocace morbum in ossibus infantum suo nomine indicat, & affe-
ctum hunc, teneræ ætati familiarem notat, ut hac de ratione adultioribus ille inesse
non possit, siquidem, ut adit, requiritur summa osium teneritudo. Animadversum
amen est, malum, cujus primordia penes infantem erant, senioribus recurrere. Vi-
cesimo etiam anno majoribus eundem evenisse observavit. Jo. Scultetus in armam. chi-
urg. p. 2. obs. 90.

vorum humorum collectionem sunt adcommodata (kk), ut mirum sit,
observatam in misero illo ægrotationem sæpius haud occurrere. Quo
amplior enim aliqua cavitas existit, & quo diuturniorem liquida, in illa
contenta, patiuntur remoram, eo quoque difficilior esse solet collecti se-
mel humoris dispersus, præcipue quando materia cum spissa & polyposa,
tum simul acris est, solidasque partes arrodendo potest destruere. In isto
vero ossis maxillaris superioris loco, quem antrum *Highmorianum* appel-
lant, morbi præsentis primum impetum constituisse, neutiquam est dubitan-
dum, quum ex tuberculo infra oculi dextri orbitam posito, totus mor-
bus vi catarrhi, quem rubor oculi ostendebat, natus fuerit, & successu
temporis, tumore sensim paullatimque crescente, arcus maxillæ alveo-
laris usque eo fuerit elevatus, ut dentes extrusi de suis exciderent alveo-
lis. Numquam vero tantum quis sibi ossi maxillari superiori finget inesse
robur, quo a collectis intus morbofis liquidis sese expandentibus, perve-
niens impetus coerceri queat; quum nec firmissima ossa succis malignis,
propter suam acrimoniam lamellas ossæas emollientibus, devastantibus, & tam
mole sua, quam destructura sua facultate, agentibus, resistere possint. Multo
igitur minus maxilla superior in parte sua sub orbita posita, ubi illa tenu-
em lamellam musculis faciei opponit, liquidis distendentibus, atque si-
mul erodentibus, intus collectis, cogendis, compescendis, atque conti-
nendis, par fuisset futura. Inde quoque factum est, quod arcus hujus
ossis alveolaris, in tumore hujus exorbitantis communionem traheretur.
Veluti quoque spongiosa ossa superiora & inferiora, inter quæ foramen
aliquod communicans cum prædicto hiato maxillari patet, non potuerunt
non in consensum mali pervenire, atque intumescere.

§. XI.

De causis hujus tumoris.

Causam hujus morbi primam internam & προηγούμενην, verè utique
est simillimum, illum affectum catarrhalem fuisse, brevi ad oculum redun-
dantem. Sub ipso enim tumoris exortu albuginea rubore fuit suffusa, non
quidem tanto, ut vera inflammatio dici potuisset, siquidem ophthalmia
non tam causa, quam effectum & symptoma hujus mali erat futurum,
sed leviori ac proinde catarrhoso, quo inepto sine dubio adstringentium
& repercutientium usu, humor acris e corpore impuro ad antrum
Highmori confluit. Neutiquam autem obscura est catarrhi hujus, vias
Z z 3 lacri-

(kk) Sinus cavernarum ossis frontis, superioris maxillæ, ossis ethmoidei, ossiculo-
rum spongiosorum membranula, internam cavitatem investiente formati, & cum inter-
no nasi cavo communicantes, liquidum, ex glandulosa membrana transudans, recipi-
unt vid. Jo. Christoph. Heyne tentamen chirurgico-medicum: de præcipuis osium morbis
Amstel. 1705. p. 6.

lacrimales invadentis, cum prædicta maxillæ cavitate connexio. Declarat enim anatomia, quo modo epidermis, quæ oculi albugineam cingit, & cui conjunctivæ oculorum nomen est, a periosteo, orbitam convestiente nascatur, atque excipiente canali nasali, seu lacrimali, ad nares pertingat. Quod si igitur conjunctiva oculi cum tunica glandulosa narium, quam a Schneidero dicunt, atque per hanc cum membrana antrum Highmorianum investiente, committitur, ratio patet, quid consensus oculo levius laboranti cum morbo, inde sequente, intercedat. De quo nexu si quis ambigat, poterit de illo per catarrhi effectus alios certior reddi, quibus constat, ad omnia loca, ad quæ tunicæ illius pituitariæ processus pertingunt, ad omnes scilicet fere caveas, in ossibus faciei deprehendas, morbosum liquidum destillare. Quæ quum ita sint, facile patet, ad destillationem illam morbosam, in maxillæ superioris cavitationem delatam, tumoris nostri causam materialem referri oportere (ll): siquidem nec ossa catarrhi immunitatem habent (mm). Accidit enim sæpenumero, ut narium polypi, &, quod gravius malum est, tubercula quoque in pulmonibus, eadem de causa colligantur, sensim sensimque indurentur, ac denique in ulcera hujus organi, & ortam abinde phthisin, erumpant, si quando fluxionum hujus modi decursus criticus vel sinistro regimine, vel evacuantium & purgantium usu inepto, impeditus, vel penitus cohibitus fuerit. Nec potest censerī, celerius apparuisse tuberculum illud, ex quo prægrandis illa moles, sex libras pendens, sensim nata est, quam ut isti causæ, leviori forte visæ, destillationi nimirum catarrhosæ, tribui queat, ut propterea malum illud, magis ex interfuso forte aliquo inter periosteum maxillæ ejusque os, morbosum liquido, quam ex confluxu humorum intra antrum Highmorianum, originem suam traxisse videatur. Quod si enim res hæc ita sese haberet, ut ex humoribus, sensim sub periosteo collectis, tumor natus esset, eundem mollem omnino, veluti gummata solent, esse oportuisset. Nihil vero subest, ob quod patriærogantis, affirmanti, nodum hunc statim durum sibi deprehensum esse, si-

(ll) Quum materia eliquata, Herm. Boerhaave Instit. med. §. 834 quoniam per vias sero purgando destinatas, ferri nequit, illuc fertur, ubi minor est resistentia, atque ad glandulosos potissimum rapitur tunicas, hinc ad cava defluit, quorum parietes ejusmodi membranis tectæ sunt, catarrhus est, latinis destillatio, qua voce Plinius & Celsus utuntur. Huic veteres multa tribuunt, conf. Corr. Viç. Schneider de catarrhis libror. V. & ult. de catarrhorum diæta, speciatim de catarrho membrana pituitaria anterioris. Wittemb. 1662.

(mm) Quia ratione omnes pene corporis nostri partes, adeoque & ossa catarrhis obnoxia sint, indeque oriendis quam plurimi affligantur morbis, prolixè docuit Id. ibid. Ex defluxu ad cava ossium ea inflari proposuit Avenzoar libr. I. Theisr. Tract. 6. libr. 2. c. 2. Intumescunt, ait, quæcumque ossa in hac superficie ab humoribus, qui insistantur in ipsa ossa, quæ inde excavantur & instantur.

(nn) Qui vult varia exempla ossium tuberosorum, tota sua substantia intumescens, evolvat Ruysschii Catal. rarior. Theca A. Repos. V. N. 1. 2.

des sit deneganda. Proxime igitur a vero abest, intra maxillæ superioris cavitationem prima hujus morbi principia orta, & interveniente tunicæ pituitariæ processu, in istoc cavo peregrinam materiam qualemcunque effusam, atque succedentibus semper a tergo morbosus liquidis, eo usque adauctam fuisse, donec tumor istam, sub quo apparuit, magnitudinem assequeretur. Quamvis enim forte nullum existat os, ad quod defluxio aliqua materiæ, cui per consueta organa transitus denegatus est, pervenire nequeat (nn), ossa tamen, diploë laxiori instructa, ad recipiendos errantes humores magis omnino sunt idonea, omnique tempore, tumores huic nostro similes in ossibus faciei, aut circa illam fuerunt observata (oo).

§. XII.

De hujus mali probabilibus causis procatacticis.

Quamvis vero ex vita ægroti ante acta nihil certi de causa, ob quam humores ejus tantam contrahere potuerint immutationem, ut ossa, partim emolliantur, partim distenderentur, colligi potuerit, neque omnes corporis hujus humores impuros exstitisse, adfirmari, nec ex quo fonte hæc cacoehymia progressa sit, definiri queat: in universum tamen, & sine respectu ad præsentem casum tragicum, plurimæ existunt causæ procatacticæ, quæ aliquo veluti contagio corporum juniorum humores contaminant, efficiantque, ut illi versus ossa, in quibus ob cavitates majores minor resistentia est, valentius convertantur. Quid variolæ, male tractatæ, neglectæ præcipue post earum decursum debita evacuatione, scabies & tinea capitis retro pulsa, ad morbos ossium capitis producendos conferre valeant, earum virulentia, ad vicinum os conversa, ibidem hærente, nemo sane ignorat. Varos faciei per malas artes abigi, eorum venenum ad interiora ossium propelli, eaque corrumpere solere, notissima res est. Fieri denique solet, cujus rei etiam in hoc casu non levis subest suspicio, ut mercurii usus, ossibus cum omnibus, tum

maxi-

(oo) Hunc nostrum morbum animadvertisse veteres, quando exostosis malæ Galenus de tumoribus præternaturam nominat, a quo exostosis de τοῦς ὑποκαταστροφῶν ἐξοστώσεως eminentiæ ad tempora ossæ vocantur satyrismum illud morbi genus appellasse Galenus & Hippocrates visi sunt interpretibus. Etiam si enim Galenus sub hac voce tantum glandularum tumores intellectos velit, quum Σατυρισμοὶ ait ὅτι πρὸς τὰ προσηνέστερα ὄντα τοῦ σώματος. Satyrismi sunt eminentes tumores glandularum pone aurem. Gorræus tamen sub hac voce de exostosi quoque, & tumoribus ossium faciei, interpretatus est. Subscribit Jo. Corr. Dietericus in latæo Hippocratico sub voce Σατυρισμός. Vidit, ait Hippocrates, in pueris extuberantias faciei, adspæctu horridas, quæ a deformi satyrorum figura σατυρισμοί, seu potius σατυρισμός, & σατυρίαι vocantur Græci, quum materia impetum facit, in aurium radici subditas glandulas, inque oculum, & frontem, & maxillas, quando non alia est corporis pars, quæ tam prompte humoribus imbutur, & tingeretur perinde, atque ipsa est facies.

maxime illis, prope ad vias salivales positis magnam calamitatem afferat. Est enim opinioni locus, puerum, in quo agyrtæ non pauci omnes suas vires experti sunt, a mercurialium usu haud immunem mansisse, atque illis, si non morbi principium, certe ejus augmentum, esse tribuendum (pp). Licet enim mercurius post, quam quacunque demum via, sive viis lacteis, sive per absorbentes cutis venas, ad sanguinem progressus est, æqua ratione per totum corpus distribuatur; est tamen illi aliqua facultas singularis, qua quibusdam liquidis, toti sanguini immixtis, plus adhæreat, quam reliquis. Et saponacea quidem illa materies, quæ glandulis salivalibus secernitur, præ ceteris facillime potest, ad legem omnium pinguium, cum hydrargyro intime jungi, cumque illo per destinationis suæ locum, vias scilicet salivales, transire. Certe si quis putaret, a pondere mercurii specifico illud evenire. (cujus tamen inversa magis esset ratio,) quo ille caput plus quam reliquas partes appetat, dubius tamen semper hærebit, quoniam ex massæ solius rationibus destinatio medicamentorum ad sua loca non satis evidenter declaratur. Quidquid autem illius est, & quocunque modo metallicum illud fluidum in depravatos humores agit, numquam tamen non ossibus, maxime autem laxioribus, exitiale esse poterit, utpote quod, licet etiam cordis vi optime subactum, inque minimas moleculas discriptum fuerit, non poterit tamen non in minimis quoque hisce suis globulis, pondus certum specificum servare, quod sanguinis mole gravius est, illumque potissimum in vas ossium, minus vegeto gaudenibus pulsu, in liquamen vertet justo majus, quam quod ossa nutrire queat, præcipue quum mercurius ad locum ossium, a carie jam destructas, vel certe, uti in nostro casu, emollicas atque distractas, delatus fuerit, tunc enim evitari haud poterit, quo minus ille cum corruptis ossium medullis jungatur, & acris corrosivi venerei indolem induat, siquidem notum est, illud liquidum metallicum pinguis, maxime vero salivæ, facillime adhærescere, eoque ipso efficere, ut dentes, laxatis periosteis atque gingivis, a suo fundamento recedant, ita, ut nullo modo dubitandum sit, ægrotum varia empiricorum tentamina, & quoque illa per mercurium instituta, fuisse expertum.

§. XIII.

De subito hujus tumoris augmento.

Intra quatuor annos, & præcipue XXIV. ultimas septimanas, tumorem

(pp) Excellentissimus Præses meus, factor & præceptor summe colendus, in suo de Mercurii vivi, & cum salibus varie mixti, summa in corpus humanum vi atque efficacia, libro Lips. 1754. edit. p. 82. de mercurii in ossa noxis ita habet: ut taceamus, plurimum argento vivo sapius largiusque illitorum ossa, quæ huc venerea vehementiori adfectis jam satis friabilia, leniori vi accedente facilius diffringenda, argento illo vivo in spongiosa sua substantia in primis exterebrata quasi, adhuc magis molire, ita ut dissectis eorum post mortem corporibus, digitis illa conterere potuisse meminimus, majori copia vivi mercurii, ibi collecti, prorumpente.

rem istum a tenui suo primordio ad illud, sub quo sine comparuit, volumen excrevisse, historia morbi prodit, & subit animum mirari, quæ tam celeris incrementi fuerit causa. Notum enim est, sarcomata, & mixtas cum his exostoses, tam velociter haud procedere, sed lentius evolvi ideo, quod superstes vasorum tonus extensioni omnibus modis resistat, nec sinat vasa, adhuc integra, tam facile expandi. Hinc frequentius occurrunt homines, qui scirrhus, tuberositates, tunicatos tumores, atque etiam exostoses, magnam vitæ suæ partem, tolerant, eoque minus cito ab illis enecantur, si servato regimine, quod istos morbos decet, & consultis honestis viris, artem bene doctis, & expertis, non per experimenta, sed secundum leges artem exercentibus, adhibentur, quæ humorum pravorum congestiones ad partem laxam refrenant. Variæ autem in hoc casu sese offerunt causæ, quæ pondus excrecentis hujus tumoris non potuerunt non subinde augere. Inter alia obstacula, quibus tumorum, vel tunicatorum, vel glandulorum augmentum velox coercetur, illud vel primo loco nominandum venit, quod tales tumores, a membrana aliqua, ac veluti folliculo quodam continentur, qui & per se validus satis est, & novum humorum corruptorum, & jam tumore contentorum, affluxum aliquantum retinet, eorumque sese expandendi conatum, sua resistendi potentia aliquo modo temperat. Sed mixti ejusmodi tumores, præsentis similes, quorum maximam partem pinguedo replet, limites fere habent nullos. Certe, præter cutem palati ac labii superioris glandulosam, quo tumor inclusus fuit, involucrum aliud apparuit nullum, quam ob causam potuerunt pessima quævis liquida corporis in tumoris istius cryptas liberaliter infundi, illudque celerius expandere. Accidit id præcipue quod, adolescentum, qui a pueritia propius absunt, corpora, illam viridi ætati omnino propriam humorum ubertatem adhuc continent, cujus magna admodum quantitas, destructis vasis, brevi tempore in tunicam cellulosam copiosius adfluere, & tales producere tumores, animadvertitur. Quæ omnia eum in finem dicta sunt, quo deinde, quid ars maturius adhibita ad referendum ejus modi tuberculi velocius incrementum conferre potuisset, plenius intelligatur.

§. XIV.

De naturæ industria in tumore istoc a putredine vindicando.

Non satis mirari possum, qui factum sit, ut tumor iste immanis a putredine liber esse potuerit, quum tamen in putredinem adeo prona adesset materies, concretum scilicet luxurians & polyposum, glandulas obstruens, & pinguedo iners copiosa, abscent autem vasa, ad vitam secundam necessaria, tumor tamen integer maneret, nec abiret in carcinoma. Nullum igitur superest dubium, ad leges canceris occulti, viri-
Dissut. Medico-Pract. Tom. VI. A a a tute

tute vasorum collateralium, in partibus sanis vicinis adhuc residuorum, ulcus hoc latitans servatum, idque fuisse effectum, ut ægrotus suam calamitatem patienter, ac sine dolore, ferret, tumorque, imprudenti medicastorum sectione licet inepte provocatus, viribus tamen vitæ superioribus sublevatus, quietus maneret. Id quod ut fieri posset, ætatis quoque robur excellens, & viscerum bonitas, uti ex cadaveris sectione apparuit, effectarunt; quam eandem ob causam in ipso osse morbofo nova osteogenia observabatur, siquidem vulnus, a chirurgo evacuandi ex rubere ichoris causa, modiolii ope excitatum, clausum, & tenui jam callo obductum, conspiciebatur. Occultum autem osteo steatomatis huius cancerem proxime in ulcus rodens erupturum fuisse, venæ varicosæ evidenter demonstrabant.

§. X V.

De tumoris istius effectibus.

Quales vitæ leges, & quæ actiones corporis hoc tumore interceptæ fuerunt, quæque symptomata, & mors miserabilis ægroti tandem fuisset insecuta, ex effectibus patet. Licet enim vires vitæ putredini, suo tempore timendæ, adhuc resisterent, fieri tamen aliter haud potuit, quam ut prægrandis tumor tam in vicinas sibi partes, ad œconomiam animalem necessarias, quam in universum corpus, suam exerceret sævitiam, & ægrotum denique conficeret. Missa faciamus illa impedimenta, quæ nutritionis respectu, in misero eo magis sese declarabant, quo tumor ipse plus magisque increveret, & viam alimentorum per os adeo difficilem redderet, immo præcluderet, ut non, nisi forbilibus alimentis, a latere ad os advehtis, nutrirî posset, siquidem tumor labium utrumque oppræsserat, quæ res ad maciem, & natam ex solidioris nutrimenti defectu atrophiam, atque illam, sub qua mors consequuta fuit, corporis tenuitatem, haud parum conferre potuit. Certe & sine his solus tumor, in se spectatus, tam mole sua, quam putrida sua labe, jam præsentem, licet adhuc latente, hominem ad extrema deducere potuit. Quod enim ad deformem illam vitiosæ pinguedinis, osse depravato suffultam, molem ejusque effectus, spectat, fieri non potuit, quin repugnantia cordi exinde oriretur talis, qua febrem, ex ipsa omnis scirrhi, sarcomatis, steatomatis & exostoseos, indole, consequentem, lentam scilicet, & exedentem, excitaret. Attentius consideranti, quatenus tumor ille, ex parte ossæus, totam hominis faciem occupaverit, & paulo majores arteriarum, a carotide externa huc derivatarum compresserit, atque deleverit, sponte sua clarius patebit, quanto nunc majorem sanguinis copiam per carotidem internam ad cerebrum deferri oportuerit, qua in nobili illo sensuum internorum ac motus organo ataxia quædam secretionis fluidi nervei effecta videtur, quo etiam respectu febris lenta, ægrotum

tum denique conficiens, necessario gigni debebat; omnis enim sanguis, qui per partes faciei, tumore oppressas, progredi non potuit, sub singula cordis systole ad cerebrum erat mittendus, quo modo destructuræ illius febriculæ, quæ corpus ægroti sceleti ad instar emaciavit, causa ex rationibus repugnantie excitatæ cordi nata intelligitur. Nec parva nervorum pars hoc osteo steatmate fuit sua vi privata. Per foramina enim sub orbita, partimque in osse maxillari, partim osse malæ, inveniendæ, ramus notabilis trigemini, quinti paris nervorum prodit. Præcipue de nervo ophthalmico, qui trigemini illius paris primus est ramus, progreditur atque in labium superius aliasque vicinas partes dispergitur non parvus nervulorum numerus. Accedunt a latere nervuli frequentes, qui a paris septimi, acustici dicti, portione dura prope aurem per foramen stylomastoideum proveniunt, & parotici, vel sympathetici minoris titulo, adductus ophthalmici ramulis, accedunt, atque cum illis amico conjunguntur consortio. Deinde intra ossis maxillaris cellulas & sinus occurrunt nervi illius rami haud exigui, quem maxillarem superiorem, adducti trigemini alteram sobolem dicunt. Tot sane, tantique nervi, proxime a sua origine & a cerebro distantes, maligno istoc futuro osteo-steatmate implicati, non potuerunt non progressum fluidi nervei per sua vasa mutare, & æqualem ejusdem circulum tollere, utpote qui non leve sanitatis momentum constituit. Licet vero hæc res forsitan subtiliores videri possint, quam ut vitæ legibus sufflaminandis pares existant, siquidem æger his adeo parum offendebar, ut nec de stupore, nec de oblivione, nec de deliriis, aliisve affectibus morbofis, a nervoso genere dependentibus, quantum constat, conquestus umquam fuerit; illud tamen primum mortis lentæ fundamentum fuit, quod ex illo tumore ad totam humorum massam lentum ex occulta fortassis putredine venenum redundavit. Etiam si enim manifestæ putredinis signa deprehensa non essent, subdola tamen corruptela necessario adfuit, utpote quam interioris ossium compagis inchoata corruptio, & vasorum nutrientium, rite ordinatorem, defectus haud obscure declaravit, & vasa varicosa, foris conspicua, clarius ostenderunt. Post igitur quam humor subputridus, ex tumore ad totam massam sanguineam redundans, humores circumductos parte sua nutriente privasset, lente consumens febris omnino fuit inducta, quæ vitæ finem optatum tandem ægroti afferebat, cui longior vita triste fuisset donum.

§. X V I.

De impossibili illius tumoris, quum adolevisset, medela.

Morbos, arti valentius oblectantes, sanatu difficillimos, quales sunt vitiosæ carnes, & tumores ossæi, cum his juncti, si eo usque adoleverunt, ut ad vitam facientes actiones ex parte sint abolitæ, κατ' ἐξοχήν magnos

magnum dixerunt Græci. Tunc enim lenta putredo oritur, quæ ad ceteras sanas partes transit, licet paulo serius lethalis. Præsentem igitur tumorem, qualis sub ultimo vitæ ægroti stadio observabatur, nullamquam ars salutaris penitus tollere potuisset. Obstitit ejusdem moles, & profunda, qua ossum internis recessibus junctus erat, cohesio. Licet enim tumores, etiam majores, ossum superficiei adhærentes, ossibus ipsis adhuc salvis, audacem, prudentem, & recto artis usu instructum chirurgum detertere non debeant, quo minus ille, peregrinum corpus e medio tolli possit, autumet, probe gnarus, periosteum etiam cum tumore abscisso simul ablatum, derasa externa ossis tabula restitui, & ex vasis diploicis, ad superficiem ossis excurrentibus, compingi denuo posse. Attamen non ita facile refecantur exostoses, omnium minime illæ, quæ ex ossis aliquo cavo protuberant, siquidem laxitas fibratum, in integrum os restitui easdem non sinunt, quare etiam accidit, ut in locum excisi per modiolum orbiculi non verum os, sed tenuem saltim callum, naturæ vis substituerit. Nec ipsa medicina clinica vel victus, vel medicamentorum, usu, multum, quod tumori nunc adulto, vel levaminis saltim nomine, prodesset, in medium fuisset allatura, nec quidquam aliud, sub summo istoc morbi statu, naturæ ministro erat relictum, nisi, ut ea, quibus diffuentes ægri vires sustineret, & morbus, qui curari non poterat, aliquantum traheretur, applicaret.

§. X V I I.

De indicatione eorum, quæ, quum recens adhuc malum esset, fieri oportuisset.

Veluti autem in tempore venire, omnium rerum primum est, ut propter ea, *temporis ars, medicina* (oo) recte dicatur, ita quoque nascentibus ossium tuberibus mature prospiciendum est, ne illa, quum in majus nunc provecta fuerunt, feram medicinam penitus excludant. Illo itaque tempore, quando tumor ejusmodi sese in aliquo ossis, siue densiore, siue laxiore, ostendit, opus est perspicere, an sub periosteo, vel inter hoc & ossis superficiem, collectus humor sit, de quo, ne sensim condensetur & in tophum induretur, metui forte posset. Quodsi igitur ex infirmato forte per vim aliquam externam periosteo, originem traxisset malum, oportuisset tunc humores discuti, vasis periostei effusos, quum illi adhuc tenues essent, efficique, ut potuissent resorberi. Hunc finem adsequuturus est medicus, si ea admoveat pharmaca, quæ laxam fibram adstringunt, in quorum numero est *Alcohol* vel simplicius, vel illud, cui camphora, vel aliæ simul species aromaticæ sunt admixtæ, ubi spiritus matricialis nomen adipiscitur, atque epithema ex herbis ama-

(oo) *Ovidius* Rem. Amor. v. 132.

ris ac vino rubro coctum, quod ministerio linteaminum, ista medicina tinctorum, loco afflicto applicandum est, nec incommodum erit, tumori isti inchoato, quo valentius comprimatur, fascias, quas fracto naso applicamus, injicere. Enimvero, quandoquidem tuber præfens ex catarthosa ad antrum Highmori destillatione natum est, & tumor ex illo ipso expanso constitit, nihil, uti equidem arbitror, in externorum remedium usu positum est præsidii, quo humorum ista collectio, etiam si recens esset, dissipari ac discuti potuisset. Quam ob causam medicamentorum internorum virtute, si quid effici posset, tentandum fuisset, adhibitis scilicet laxantibus, paulo efficacioribus, quibus mala materia ad ventrem, tamquam cloacam corporis universalem, convocari, quod derivare dicunt, debuisset (pp). Opportunum tunc fuisset, nodulum per epicrasin laxantem adornare, atque herbas amaricantes, absinthii, cardui benedicti, summities centaurii minoris, radicem gentianæ, cum rhabarbaro & sale quodam medio, sub infusi specie jungere, ut lenta aliqua & secunda, attamen efficaci, evacuatione tam vitia primarum viarum correctæ redderentur, quam quoque motis intestinorum liquidis efficeretur, ut possent ex loco tumido evocari quiescentia liquida tunc, quum penitus indurata nondum essent. Oportuisset quoque medicamentum ejusmodi in sanguinem, & dependentes abinde humores ægroti induci, cujus facultas fuisset, aucto sero diluendi id, quod quietem adfectat. Est enim tanta illorum medicamentorum ad occulta quoque & reclusa corporis loca pervadendi potestas, ut, sub continuato eorum usu non omnino dubitandum fuisset, fore, quo, humoribus dilutioribus redditis, id quod in antro Highmorianum quieverat, resorberetur. Etiam si enim quis objiciat, medicos, quum sanguinem fluidiorem medicina diluente erant aucturi, affluxum liquidi errantis ad cavum fuisse promoturos; probe tamen simul perpendat, quod massæ inertis augmentum, licet hoc ita factum fuisset, haud metuendum, quin potius id exinde commodi consequutum fuisset, ut dilutior in cavo reddita materies eo commodius per vasa sorbentia potuisset reduci. Adhibenda igitur fuissent decocta radicum solventium *saponariae, chinte ponderosæ, sarsaparilla*, cum *sassafras* ramentis, si plenus homo fuisset & frigidus, si vero tenuis fuisset & siccus, dictæ radices utique potuissent sufficere. Eo quoque ex mea sententia fuisset respiciendum, ut extracta balsamica, amaricantia, cum *gummi*, quibus ferulacei nomen est, *gummi ammoniaco, sagapeno, galbano, aceto squillitico* solutis, atque cum *sapone veneto* junctæ, interponerentur, potuissentque hæc vel sub pillularum, vel sub liquida mixturæ species, mediante *liquore terræ foliatæ tartari* soluta, exhiberi. Forte ex variolarum, vel scabiei residuo vitio illa labes ossium faciei nata erat, quod tamen frequen-

A a a 3

quen-

(pp) *Avenzoar* libr. 2. Theisr. tr. 6. c. 15. refert: patrem suum, os, paulo tamen molliu, quam naturale, hominis ejusdem dorso instar cornu concretum excussisse cavellitæ, crassos humores expellentibus, & exterius siccantibus, medicamentis, adjuvat. Si credere fas est.

quentius lippitudines chronicae, tussis spasmodica, ferina, asthma siccum, convulsivum, vel omnium frequentissime nervorum irritatorum distentiones, sequi consueverunt; cujus rei si qua subfuisset suspicio, omnem dedissem operam, ut scabiem, vel saltem purpuram revocassem scorbuticam frictione extremitatum, cum pannis laneis perfecta, usu interno succi betulae, panaceae mercurialis cum sulphure antimonii aurato tertiae praecipitationis, camphora, antimonio diaphoretico martiali, conjunctae, ex decocto quodam commemorato sumendae. Suavissem balnea, quibus aperirentur cutis viae, & transpiratio augeretur, quae penes imam plebem ob sordes vehementer impediri solet. Si libertas agendi fuisset, quam plebei homines honestis viris plerumque denegant, fetaceum efficiendum curassem, novoque ulcere artificiali tumorem, mox inchoatum, derivando imminuere tentassem. Sed ea est rusticae gentis, ac multorum etiam ex optimatibus, temeritas, ut cuilibet artem professo sese statim committant, & in se experimenta institui a vilissimis (qq) patiantur, quibus impune licet occidere (rr). Sed vere huc, si quem ullum alium in locum, & optime quadrat trucidissimum illud: *In magnis voluisse sat est*, & ingenue fateor, me cum omnibus illis, huc usque recensitis, quorum alias in materia morbi praevii, non recte subacta, neque critice ejecta, sed potius per metastasin ad alium locum relata, novos morbos, periculi ut plurimum pleniores, efficiende, partim revocanda, partim corrigenda & ejicienda, satis cognita est vis, & usu confirmata efficacia, nihil omnino acturum fuisse in hoc aegrotto, quod scilicet morbus simul, atque sui praesentiam per ossis, & partium mollium, pinguiumque expansionem praeternaturalem praese tulisset, nullam plane sui admisisset medelam.


(qq) *Quanta putatis esse vos dementia
Qui capita vestra non dubitatis credere,
Qui calcandos nemo commisit pedes*
Phaedrus Fab. Aesop. lib. 1. fab. 14.

(rr) *Nulla lex est, quae puniat inscitiam capitalem, nullumque exemplum vindictae.
Discunt periculis nostris, experimenta per mortes agunt, & animas nostras negotiantur.*
Plin. H. N. libr. 29. c. 1.

F I N I S.

J. ERNEST

Tab. XXX.



Disput. Medico-Pract. Tom. VI. HUNDETMARK HIST.
OSTEO-STEATOMATIS. pag. 374.

CCIX.

J. ERNEST HEBENSTREIT

ET AUCTORIS

GOTTL. CAR. SPRINGSFELD,

DISPUTATIO.

DE

PARTIUM COALESCENTIA MORBOSA.

Lipsiæ 11 Jul. 1738.

P R O E M I U M

Quod commodum quantamque utilitatem medicorum ferant observationes, ex cadaverum sectionibus desumpta, & ii cognoscunt, qui, primoribus tantum labris, salutarem degustarunt artem. Magno viventium emolumento secantur mortui (1); tunc enim multa saepe aliter in praxi experimur, quam in theoria fueramus edocti. Quid proderunt igitur medicorum scripta! quid tanti labores! quid theoria omni excogitata studio! nisi cum experientia conveniant, & cultellus anatomicus doceat, de causa morbi recte vel falso sensisse medicum. Experientia in genere sola firmum dici potest fundamentum, quo tuto confidere potest medicus faciens. Præstantior est theoria medica, quæ observationibus nascitur, docetque experientia rationem, ratio experientiam illustrat (2). Quid igitur mirum, si, qui experientia duce suis aliorumque observationibus cum fructu usus est, majora efficit, plusque in re medica promovet; quam qui ingeniosas magis, quam veras, & haud raro fallaces sibi effinxit theorias, Argide (3) dignas, ope cuius phenomena satis callide explicat. At male facit, dum, si omnia accuratius dijudicantur, facili inveniuntur negotio, principia, quæ anatomicis non suffulciuntur observationibus, puras esse hypotheses, quas veras esse optant magis, quam demonstrant plerique. Quibus ita se habentibus, non adeo arduum est, eruere conclusiones ex principiis præ-

(1) Inspectio viscerum omni tempore & nascentis & profectioris medicinæ futurum fuit, & stabilimentum. Incisio vivorum animalium in usus philosophicos, ex inspicia sacerdotum, laniena bestiarum (Boerhaave Instit. med. prolegom. §. 11. & 12.) artem primum adjuverunt. Hinc crudelius paullo carceribus extractos vivos homines secasse fertur Herophilus. Confer. Giovan. Valverde Anatom. del corpo humano, in prologo, fol. 1. ed. Rom. 1560. fol. Democritus ad reddendam morborum a bile oriundorum rationem, ut viam quandam bilis ad cerebrum detegeret, multa dissectuit animalia. Refert ea Hippocrates in epistolis p. 529 lin. 9. ed. Basil. 1538. Καὶ τρεῖς ἐστὶν αἱ, ἐξ αὐτῶν τοῖν μερῶν αὐτῶν παραβέβητο. αἰσθάντο δὲ ἡ ἑώρα συγγῆ, ἀνατὶς μὴ μὴν δὲ ὅλως. Respondet deinde Democritus linea 30. ej. epist. Τότε γὰρ ἑώρα ταῦτα οὐκ ἔστιν ὅλως, τὰ μὲν γὰρ τοῖς ἀνατομῶν ἐνέον, ὡς μὲν δὲ αὐτῶν ἔστιν, καὶ οὐκ ἔστιν αὐτῶν ὅλως. Cadaverum, ad causas morborum cognoscendas, uberiorem explicationem dedit Theophil. Bonetus in Sepulchreto seu Anatomia practica ex cadaveribus morbo denatis Tom. I. II. Genev. 1679. fol.

(2) Experientia prior ratione. Prima arti condendæ fundamenta jecit casus fortuitus, naturalis instinctus, eventus haud prævisus. Barbaave proleg §. 8. Dogmatica ab Hippocrate primum stabilita secta, empiricam pro fundamento habuit: postquam enim ex tabulis sanitatis, undique per templa Aesculapii & aliunde collectis, formasset artem; adjuvante analogia & philosophia opus perfecit. Barbaave ibid.

(3) Horatius Epist. Libr. II. Ep. 2. v. 129.

- fuit haud ignobilis Argis

Qui sibi fugebat viros audire tragædos

In vincto lætus sessor plausorque theatro.

Disput. Medico. Pract. Tom. VI.

B b b

precario adiuntis, atque pro lubitu postulatis. Ingeniosa quidem principiorum, medicorum expositio, generalis quum sit doctrina, nodosus, qui per praxin medicam existunt, continere usquit casus: sed, ut hi ex observationibus anatomicis & practicis compleantur, necesse est. Medico itaque felici practico futuro perutile erit, occasiones nancisci, quibus morbo non adeo frequenter obvio defunctos secare, atque veram indagare causam mortis possit. Accidere non raro solet, ut tunc demum deprehendatur, morbo medelam haud potuisse parari, si sectio anatomica partium corruptelam, pravam situm, coalitionem aliaque patefacit. Dolendum, aliquando defunctorum agnatos adeo male sibi medicoque consulere, ut a sectione omni modo abhorreant, medicosque in ampliori scientia impetranda impediant. Quid vero timeant, an sibi fingant demortui manes turbari; an doloris sensum eidem superesse somnient? sane nescio. Videas fortis atque constantis animi homines, qui, quum vite terminum certe provideant, medicosque habeant dubios, diversamque mortis causam accusantes, suis agnatis, adstantibusque ipsi imperent, velint medicis secandi non denegare copiam. Sepius si id accideret, certiores redderemur in semiotica phenomenorum cognitione, multaque curatius dici possent in morborum historia. Ego certe magno meo commodo intellexi, tunc recte de morbo judicari, quando hominis, hoc eodem morbo defuncti, & dissecti, ante oculos habetur memoria. Quumque acciderit de coalescentia (4) partium in dissectione cadaverum, aliquoties meditari potuisse, hinc, annuente Excel. Dn. Præside, Præceptore meo ad iohannem venerando, talem dissertationis meæ, tanquam speciem academicam conscribende, elegi materiam, quæ maximam quoad partem observationibus anatomicis nititur. Præsertim, quum nulla fere sectio cadaveris, cui diuturnior morbus vires consumpsit, instituitur, qua non hoc vel illud viscus præter naturam cum vicinis partibus concretum observetur.

(4) Coalitus & coalescentiæ terminus haud infrequens est. Hoc vocabulo usus est Nicol. Leonicens in interpretatione Libr. Galeni de causis morborum, Venet. 1541. pag. 9. Cl. III. sub litera C. Cavitates, inquit, quæ partibus corporis insunt, & earum meatus ob eas, quas subjiçimus, causas, aboleri contingit: coalitum scilicet, angustium, obstructionem, compressionem. Συναρτησις penes Hippocratem, Galenum & Theophrastum legitur. Hinc habet Theophrastus: δὲ δὲ συναρτηθῆναι τὰ μέλη. Eiusdem indolis deest esse, quæ coalescere debent. Conf. Thesaur. Lingu. græc. Henr. Stephani aliosque: nec impedit, quo minus statum morbosum indicet συναρτησις: quia ossa dicuntur naturaliter συναρτηθῆναι connasci. Aretæus de morbo semper prædicat, συναρτηθῆναι τὰς αἰτίας καὶ τὰς μετέωρας μετέωρον πύλιν. Edit. Wigan. fol. Εὐμεδία μίση, coalite partes habentur apud eundem. Confer. Index græc. in Aret. Wigan. Synonyma sunt, coalitio, concretio, quod termino Celsus, latinique utuntur medici.

§. I.

DUm humani nostri corporis machinam attentis perlustramus oculis, mutuam in primis partium connexionem considerando, post tot tantæque jucundissima, quæ nobis sese offerunt, spectacula, animadvertimus, viscera quædam cum aliis esse continua, alia saltem contigua, alia suspensa saltem & pendula hæere. Necesse autem erat, ut viscerum situs obfirmatus esset, ne actiones naturales, animales & vitales dum inconstantius fluctuarent organa, cum vitæ aliquando dispendio, in suis turbentur circulis. Nexus partium inter se necessarius eo magis visus fuit, quo violentis magis quandoque motibus machina nostra, quando illis in communi vita supersedere minime possumus, exercetur. Bajulantibus, equitantibus, semper magnum esset pertimescendum periculum, nisi fortiter adhærerent viscera. Quid? quod, tam pondus cujuscunque visceris proprium, quam actionis in ipso viscere vehementia, frequentiaque firmam quoque deposcunt coherentiā. Videas naturam in magno suo opere, quod naturalem etiam partium coalescentiam spectat, haud leviter variasse (1) Non omnibus eodem modo firmantur, vel ligamenti sustinentur viscera: quibusdam a nativitate aliquid, quod haud adeo frequens est, accidit, ut contigua cæteroquin in plerisque organa observentur continua, & in se mutuo immersa, exemplo pulmonum, duræ matris, hepatis; id quod recensere velle instituti ratio non fert. Interea negari nequit, morbum, ut ut leviores, innocentes ejusmodi coalescentias efficere, ut, si quæ coeunt viscera, præter naturam coalescere ferantur. Si quis rem terminis distinctis declarare veller, posset concretas haud solenni modo partes, & citra actionem aliquam læsam coherentes, non naturaliter (2), termino ex galenicorum scholis depromto, coalitas declarare. Distinguenda certe non naturalis concretio a morbosa, quæ actionem læsam comitem habet. Et de ista potissimum coalescentia, quæ morbus, vel morbi causa, vel morbi effectus est, præsens instituetur meditatio.

§. II.

(1) Modi, quibus viscera in sede firmantur, etiam sanis haud mediocriter variant. Legantur quæ Morgagnius contra Bianchium de ligamenti hepatis, laterali dextro, & sinistro, cum xiphoidea cartilagine committatur, nec ne, fufius monuit. Certe & huic visceri & aliis, lieni, colo, mediastino, adhærendi indoles non semper eadem.

(2) Ex recepto loquendi more non naturale dicitur id, quod a consuetudine, quæ inter plurima corpora obvenit, lege abscedit, nullam actionem turbat, causa tamen morbi fieri potest. Sic adpellantur sex res non naturales. Confer. Semmertus Institut. Lib. II. Part. II. Cap. XI. qui non naturale adpellat id, quod ad corporis nostri constitutionem non ita pertinet, nec tamen morbus est, si adfuerit.

§. II.

Hanc autem concretionis speciem, quæ præter naturam in corpore nostro evenire solet, veteres ad morbos ex mala conformatione (1) præsertim connexionæ partium vitiata oriundos referebant, atque peculiaris coalitionis græcis *συμφορῆς* dictæ, comprehendebant nomine. Huic opponerant contrarium morbum, sejunctio ab illis nominatum, cujus exemplum in labio leporino videmus, quo & herniæ aliqua ex parte referendæ. Optime autem definitur coalescentia, quod sit illa constitutio præternaturalis, qua partes, quæ contiguæ esse debent, & in plurimis esse observantur, nunc sunt continuæ. Sicut haud difficile foret de sejunctio-
ne & *διασφορῆς* partium præternaturali pariter instituere meditationes.

§. III.

Differt omnis autem concretio sive coalescentia triplici ratione: vel pro partium, quibus concresecunt, discrimine: vel pro temporis, quo accidit, varietate: vel pro ultimi finis, quem natura intendit, differentia. Non nunquam enim partes in foetu, dum utero adhuc tegitur materno, præter naturam concresecunt, sive quod hæreditario jure a matre vitium foetui communicetur; sive pravus embryonis in utero situs, partiumque cavo contentarum compressio tale quid inferat. Non nunquam autem in lucem diu jam editis contingit, ut quædam partes, vel viscera illis coalescant, quæ antea non cohærebant, sed tantum erant contigua. Diversitas est alia inter partium, quæ concresecunt, substantias. Nam conglutinantur vel mollia cum duris, uti dura meninx cum cranio & pericardio externo, pericardium cum sternone: vel dura cum duris, uti ossa cum ossibus vicinis: vel mollia cum mollibus, uti pulmo cum diaphragmate, vel pleura. Hic denuo diversitas est concretionis: sunt enim mollia vel ejusdem generis, quando intestina cum intestinis, vel diversi, quando hepar cum diaphragmate, colon cum peritoneo fortius connascuntur, prout in speciali coalescentium partium declaratione exponetur uberius. Diximus etiam finem ultimum, cur fiant concretiones, variare, aberrante quandoque natura (2) quandoque provida & morbum præcavente.

§. IV.

(1) Morbos conformationis triplicis generis notant scholastici, a figura læsa partium, a cavitatum numero aucto vel imminuto, vel diametro earundem læso, & superficie inæquali. Confer. *Sennertus* Instit. II. Part. I. Cap. VI.

(2) Naturæ termino utimur ex significato, quem consensu plurimum obtinuit. Non reginam deamque mortalium adpellamus cum *Jul. Caes. Vanino*. Nec terminus nobis ille vagus est dubique valoris, sed dicitur nobis *χῆρις* & habitus, ex nexu causarum viventis animalis subnatus, quo, secundum leges circuli, suapte sponte sta-

§. IV.

Modum, quo coalescentia absolvitur, triplici fieri ratione concipio. Primus per inter positam quandam intra corpora contigua heterogeneam massam, aut viscidum medium continget. Hoc enim modo, præsertim interjecto viscido, uti ex physicis constat, augetur numerus punctorum contactus. Quo vero sunt plura ejusmodi puncta, eo fortior atque tenacior, optime demonstrante *Cel. Hambergero*, Præceptoris meo ad mortem usque venerando, erit cohærentia (1). Particulæ enim, gutten quasi componentes, ob tenacitatem firmiter inter se cohærent. Æquali vero vi adhærent parietibus sive superficiei corporum, quæ contingunt. Ergo eadem vi, qua inter se connectuntur, partes conglutinant. Sic intelligo varios canales a mucro atque tenaci sero impleri, ductus stenonianos, ductus glandularum ciliarium, & nasales: quamvis improprie magis coaluisse sic partes censendæ sint, quia oppletæ & infarctæ potius sint perhibendæ (2).

§. V.

Secundus autem & verus partium coalitus fit per mutuam utriusque partis aut visceris quoad vasa & fibrillas insertionem, quoties soluta unitas (3), uti veteres dicere amabant, utrinque intercessit; sive hæc per vulnus illatum, sive per suppuratum (4) abscessum facta fuerit. Quando

tus aliquis morbosus, orta crisi, & facta aliqua corporis mutatione, in sanum verti potest. Sic elocuti sunt omnes antiqui. Confer. *Mundellæ* Theatr. *Galenus* Fol. Basil. 1568. Ubi naturæ significatus uberius explicatur ad mentem *Hippocratis* & *Galenus*.

(1) *Hamberg.* Elem. Physic. §. 147. n. 1. 2.

(2) Coalescentiæ speciem præ se ferunt morbi ab infarctu orti, quos ita describit ad mentem antiquorum *Sennertus* Institut. Lib. II. Part. I. Cap. VI. *Ἐνδραχίς* est cum meatus aliquis ob humorum copiam, vel crassitiem, & tenacitatem occluditur. *Σπυροχίς* fit ob carnem fungosam vel tumorem in canali existentem. *Θαλάκη* fit a re aliqua extus accumbente & cavum premente. Coalitus ab insertionem carni cruentarum: a qua non multum discrepat *σπυγίς* seu subidentia vasorum, & parietum in illis conjunctio. Nihil discrepat *Boerhaave*, quando immeabilitatis species isdem recenset terminis: Institut. §. 721.

(3) Confer. *Galenus* de Sympt. Caus. p. 29. F. Venet. 1541. Sicuti contra quod *ficcum* est, *vel in se ingredi fuit*, priusquam ipsum aliqua ex parte divisum sit ac *velut exulceratum*.

(4) Idem de Caus. morbor. Class. III. p. 9. A. B. & C. Nam quum nonnunquam, inquit, exulceretur cavitatis interior superficies, ac deinceps simul coalescant exulceratæ particula, formatio naturalis necessario destruitur.

Quando enim vulnus, aliud vulnus in vicino inflictum, contingit, ejusque oræ congruunt; tunc partes vulneratæ, uti quotidie observamus, facillime concreſcunt, atque connascentur. Ratio hæc est: in utraque parte vasa læsa sunt atque aperta. Si hæc per lineam proximi contactus ita disponuntur, ut vasorum orificia unius partis orificiis alterius respondeant; solidiores tunc fibræ, ob particulas nutritivas, & gluten, quo gaudent, naturale, quando se contingunt, cohærent. Fluidæ vero partes, ob insequentem, nec interruptum sanguinis impetum, novas fibras adponunt, commune formant vasculum, quod ab utroque vase læso nutritur. Et sic novæ partes generantur, amissæ redintegrantur, & oræ, quæ disjunctæ erant, conjunguntur, atque cœunt. Tale exemplum videmus in vulnere duobus digitis simul infecto. Hi enim, quando oræ vulneratæ se contingunt, in continuum mutantur, fitque potissimum, quando, dum vulnera deligantur, una constringuntur fascia, nec interponitur quoddam intermedium contactum mutuum impediens, vasa anastomosi (1) morbosa conjunguntur. Idem judicium esto de labiis cum gingiva, palpebris cum albuginea, ob vulnus prægressum, coalescentibus. Quæ autem in externis observamus partibus, hæc, cæteris paribus, etiam inter viscera & partes internas evenire possunt. Simili modo curtorum chirurgia administrata fuit a veteribus, qua partes amissas restituere curtasque sarcire tentaverunt (2).

§. VI.

Tertius modus, quo coalescentiam contingere arbitror, fit per diuturnum mutuam contactum, quo tandem partes concreſcunt. Convenit hic modus cum antecedente in materia, hoc tamen quoad formam discriminare, quod læsio, hinc novorum tubulorum formatio minime illum præcedat, sicuti in priori casu necessario requiritur. Duas ejusmodi coalitionis causas adesse intelligo: alteram vasorum oppositorum perspirantium, hinc semper madentium, lævitatē; duæ enim superficies sicæ non

(1) Anastomosis in sensu anatomico dicitur unio vasorum ejusdem vel diversi generis. Aliam significationem in pathologia illi voci tribuit *Sennertus* l. c. dum anastomosis vocat: quum oscula vasorum nimis aperiuntur atque dilatantur. Consentit *Boerhaave* §. 707. Instit. & modum quo fiat, addit §. 723. Quod si soliditas aucta in partibus humorum concipiatur, habeatur vis nimis immutans tam solidam, quam fluidam, & simul intelligatur in partibus viscosioribus.

(2) Confer. *Cassian. Tascotii* Chirurg. curtor. L. 1 Cap. II. p. 138. edit. Francof. 1598. Horum resarciendorum ratio in eo potissimum consistit, ut partibus mutilatis materia connectatur. & deigationibus idoneis conservetur, quo usque & cæteri & curia coalescant, & cæteris Lib. 1. C. IX.

non consolidantur: (1) alteram, coincidentiam punctorum contactus, seu vicinium diu continuatum, sic partes & viscera valde perspirantia, atque madida intestina, aliave cœunt frequenter, humiditate concretionem adjuvante. Nam quemadmodum tubuli arteriarum ultimi, extra superficiem spectantes, continuo perspirant: ita oscula venarum minimarum, quæ seroso-lymphatica aliis dicuntur, perpetuo resorbent. Quando igitur oscula vasis exsudantis excipiunt absorbentis poros; (2) quod facillimo negotio fieri potest, tam ob numerum indefinitum talium vasorum, quam ob circulum sanguinis insequentem, simulque hunc positum adjuvantem; quamvis enim non directe adplicentur sibi ex opposito orificia, invenient tamen minima vasa sibi semper apta: tunc oritur facilis transitus, atque circulus ex una parte in alteram. Hac ratione intelligo secundum naturam ovulum coalescere cum fundo uteri, (3) quod exemplum clare indicat vasa diversi generis se mutuo subire, atque coalescere posse, ut alia exempla intacta relinquam.

§. VII.

Singularis est coalescendi modus illis, quibus a nativitate concreſcunt partes, dum sic formatus in lucem fœtus editur. Nova equidem hæc est coalitionis species ratione temporis, alia forma fiendique modo huius discrepat a præcedente. Putarem enim minime novum hac ratione oriri modum, quo coalescentia intelligi posset, sed necessario fieri per unum ex jam dictis, vel uno cum altero combinato: nisi quis arbitrari vellet, hunc coalitum, de quo nobis sermo est, quique in utero jam accidisse fer-

(1) *Galenus* de symptom. causis. p. 29. F. Siquidem & quod facilius ac celerius dum agglutinantur, tunc coalescunt, quæ humidiora sunt, quæ vero duriora partim vix, partim nunquam, nemo est qui ignorat.

(2) Porus medicis græcis ac latinis est hiatus a desinente vase vel in cavo quodam vel in superficie corporis, isque parvus & sensum effugiens. *Aristoteles* de Animal. gener. Libr. 1. C. III. & *Aræteus* πύλος adpellant corporum colatoria, itidemque *Galenus* passim. Confer. *Mundellæ* Theatr. Galeni.

(3) Dari autem ejusmodi vasa revehencia a peripheria versus centrum, uti nonnullis medicis loqui placet, uno verbo absorbentia, plura probant phænomena. Hoc merito referendum est, quod interna nostri corporis viscera semper sint humida, qui humor, quum ob insequentem atque pergentem excretionem augetur, stagnaret sane, atque putresceret, nisi resorberetur a venarum ostiis. Idem confirmant morbi epidemici, & salivatio per inunctionem externam excitata. In illo enim casu causa, sive materia morbifica; in hoc hydrargyri globuli per apertas venarum angustias resorbentur, & ad massam deferuntur sanguineam. Ut plura taceam de pure absorpto, abscessu resoluto, atque hydrope sanato. Tales fistulas absorbentes in canali intestinalium sibi concipit *Boerhaave* Instit. §. 106.

fertur; aut in ovulo materno, aut vermiculo feminali, (1) jam ita fuisse delineatum, hinc non oriri, sed jam adesse: quemadmodum minime adfirmare possumus, concretionem naturalem per unum ex adductis absolvi modum. Alias nulla ratio esset, cur partes, quæ secundum naturam cohererent, semper una eademque coeant ratione, quum in omnibus æqualis coherendi sit conatus atque causa. Coalescunt autem quædam infantibus secundum naturam, & maturiore ætate denuo abscedunt, vel manu obstetricis separantur. Hujus exemplum habetur linguae apex cum oris tunica interna continuus; illius, cilia seu palpebrarum tarsi, qui nondum maturo foetui connivent; quale quid etiam animalibus, quæ cæca nascuntur, (2) contingit. Ne etiam canalus intestinorum embryonibus a contactu parietum villosæ tunice coalesceret, continuo humorum affluxu cautum est. Interea tamen & anum, & foemellis vaginam a nativitate haud raro connasci observatur.

§. VIII.

Datur concretionis species, quæ, quum morbosa non sit, nec omnino naturalis, sed consuevit inter omnes lege contingens, non naturalis, translato ex galenicorum scholis termino, dici debet. Et sane natura mire atque insigniter variat in producendis ejusmodi concretionibus. Connascuntur enim interdum partes atque viscera, illæsa non tantum, sed obfirmata magis eorum functione; uti experimur, quando hepar pluribus, quam natura alias solita fuit, ligamentis adnatum fuisse observamus. Tale quid & colo & cæco accidit intestino, quod indeterminato fere ligamentorum numero, prout infra dicetur, pluribus in utroque hypochondrio vinculis peritonæo concrevit. Facile intelligitur viscerum actionem hinc multo validiorem fieri, eo quod suspensa fortiusque ligata si fuerint, pondere suo se in proprio officio turbare nequeant. Accidere tamen potest, ut partes, quæ sic non naturaliter erant concretæ, mutatis circumstantiis, morbum, si quis, non tamen ex hac concretionem, tanquam effectus ex causa, ortum traxit, pejorem reddere queant; quando scilicet partes, quæ concretæ sunt, magis magisque obfirmantur, & denique in morbosam cum actionis detrimento mutantur coalescentiam. Habuit natura, cur sic a solemni partium firmitudine digressa fuerit, rationem, quam adhibito lusus naturæ (1) termino explicare posse arbitror. Qua voce

(1) Confer. vermiculorum patroni: quos inter eminent *Leeuwenhoek* Arcan. Natur. detect. p. 19. & *Boerhaave* Institut. med. §. 673. & Method. discend. at. medic. p. 265.

(2) De iis, quæ cæcos pariunt catulos confer. *Aristoteles* Histor. animal. L. VI. C. XX. p. 539. edit. Casaub. Lugd. 1590.

(3) Confer *Winsl.* Tom. III. §. 333.

(1) Confer. *Winsl.* Traité du bas ventre, §. 333.

non temerarium aliquem lubricum & inconstantem rerum eventum significamus; sed conditionem corporum, qua ex sufficientis rationis principio, huic vel illi individuo, ob specialem ejus vitæ consuetudinem, concessa fuit quædam partium dispositio, in accidentalibus saltim discrepans. Neque enim lusus talis solet fieri præter finem, sed eundem habet certum atque legitimum. Siquidem in suo opere nec turbari, nec tanquam ens sapientissimum quidpiam suscipere possit, cujus oriundi modum, atque certum, ob quem faciat, non prævideat finem. Interim tales lusus, seu discessus a communi regula observantur in pluribus. Aliquibus lien diaphragmati adnascitur, aliis minus; (1) coli ligamenta paucis interim quibusdam, nec arteriæ, multo minus venæ, in omnibus æquali modo dividuntur. Videas quibus muscoli luxurient, adsit psoas parvus vel pyramidalis, in aliis deficiant: adsint ossa sesamoidea his, defint illis. Vertebra vel costa una alterave abundet, nunquam deficiat: nam essentialibus noluit derogare quidquam creator omnipotens.

§. IX.

His igitur sic positis nunc quoque quarundam partium atque viscerum præter naturam concretorum referre exempla conabor; prout & brevitatæ ratio & thematis conditio postulabunt. Dura menynx jure meritoque pro cranii periosteum habetur interno. Laxe autem adhæret secundum naturam calvæ; sed fortiter circa processus petrosos, os sphenoidum, præsertim futuras, quibus intermediis cum periosteum externo calvæ conspirat. Quod factum idcirco fortassis esse puto, ut suspensa teneatur illa menynx dura, ne cerebrum, quod valde periculosum esset, prematur, deinde, ut cranium ipsum, præsertim diploe per vasa sanguifera, quæ, simul illam permeant, accipiant nutritionem. Interim accidere non raro solet, ut dura mater ita arcte adnata sit juxta futuras ossibus etiam bregmatis, ut ab his sine membranæ ipsius dilaceratione avelli quandoque nequeat. Junioribus subjectis dura menynx firmitus adhæret cranio, quam ætate provectis. (1) Fieri id fœvit, quando quidem in simili ætate ossium pori evadunt minores & angustiores, quibus ita factis, necessarium est, quo filamenta & vasa, quibus adhæsit, sensim sensimque extenuentur, prorsusque aboleantur. Aliquando tamen in theatro nostro anatomico cadaveris adulti sectioni, quam excellentissimus atque celeberrimus Dominus *Platnerus*, Præceptor meus nunquam satis laudandus, celebrabat, adstiti, cujus dura mater toti superficiem concavæ cranii, intervenientibus vasis sanguiferis, infinitisque filis, eadem firmitudine adhærebat, qua periosteum externum cum ossibus committi solet. Neque poterat in separatione præcaveri, ne membranulæ quædam & partes duræ matris, qua laminam

(1) Idem Traité de la tête §. 20.

Disput. Medico-Pract. Tom. VI.

ejus exteriorem, *Winslow* ita dictum, (2) avellerentur, atque remanerent. Similes concrectiones a nativitate fieri, duplici ratione adductus affirmare audeo, quia vasa sanguifera ceteraque fibræ connectentes intrant diploen, atque os cranii quasi perreptant, quod minime factum fuisse arbitror, postquam cranium jam in os fuit mutatum, sed eo tempore contigit puto, quum ossa cranii efformantia adhuc essent mucilaginosae vel membranaceae. (3) Praescire ejusmodi adhaesionem quum nequeat chirurgus, fieri potest, ut a terebræ trepani vel modiolii usu convulsiones & dira fiant symptomata: imo vulnera, quibus trepanatio, uti a chirurgis dicitur, adhuc medetur, in talibus subjectis fiunt lethalia. Aliquando tamen a carie, (4) vulnere, atque depreffione calvæ accidit, ut fortiter adeo coalescat meninx, qui status non minus periculosus; oriuntur enim dolores capitis fixi, nullo cedentes remedio, & fere intolerabiles. Multo tamen rariorem plusque mirandam observationem Excell. Dominus *Præses* in puero quodam VIII. annos circiter nato, nuper habuit, cui anteriores lobi cerebri inter se ita cohaeserunt, ut postquam sinus falciformis esset protractus, interventu arachnoideæ membranæ utrinque inter se coirent lobi, & quidam sine noxa, quantum constitit, pueri. Dubius hæsit num hic coalitus fuerit a nativitate? num potius infanti jam in lucem edito contigerit? Nil contradicerem illis qui priorem defenderent sententiam: ast nec illi ratione carent, qui ab angustia cameræ anterioris cranii ita coactos, hinc coalitos fuisse lobos asserere sultinent.

§. X.

Si ad coalescentiam referre quis vellet varia cranii foramina, (1) quæ

(2) Idem l. c. §. 11.

(3) Præter Celeberr. *Albinum* nuper etiam medicus Anglus *Robert. Nesbitt* in libello qui inscribitur *humain osteogeny explained in two Lectures, read in the anatomical Theatre of the surgeons of London: Lectur. I. p. 22. London. 1736. 8vo.* opinio, ossa ex cartilagine fieri, oppugnatur.

(4) Quodsi a vitio pericranii externi caries invaserit ossa calvæ, tunc in perfectiori malo pericranium internum in consensum trahitur, & carioso ossi fortiter adheret; hinc gravissimis symptomatibus occasionem præbet & fata ægri accelerat. Confer. Magnific. *Jo. Zachar. Plattneri* Programma de *Curat. τῆ ἀπονεύρωσις* in calva, edit. 1737 Lips. 4to & nova Act. Erudit. 1736. p. 220.

(1) Ad coalescentiam non naturalem, pertinent foraminum quorundam, in basi calvariae evanescentium, atque cum tempore occlusorum, conditio. Est in osse petroso aliquid foramen pueris, quod suapte sponte evanescit adultis, ut non nisi obscurum illius aliquando superstit vestigium, de quo *Kerckringius* in *Osteogenia* fortuam p. 223. mentionem facit. Porro & foramina occipitalia, per quæ venæ cervicales ex sinu transversali effluunt, describente Illustri *Walthero*. Exercitat. angilogic. de vasis vertebralibus, Lipsiæ 1730. 4to p. 9. haud raro obliterantur; sicut &

quæ cum ætate obliterantur, amplam habiturus esset perorandi materiem. Negandum enim non est in vitio id aliquando reponi posse, si senibus foramina, pro transiui vasorum inservientia, præcludantur. In parte capitis calva concrefcit canalis nasalis, quod si tunica ejus interna prævia rosione a materia purulenta committatur, quem morbum amplissime describit *Jo. Taylor*, (2) multa insimul de coalitis punctis lacrymalibus in medium proferens. Oculi etiam male mulctantur haud raro, tum conjunctiva oculi, vel ipsa cartilago utriusque palpebræ, prævia inflammatione, suppuratione, vel vulnere commituntur. (3) Concrefcunt præter naturam gingivæ cum labiis præsertim in stomacace & pravo salivationis successu. Labium superius in male curato labio leporino, nisi laminæ partibus cruentis interpositæ fuerint, cum gingivis haud infrequenter coire solet.

§. XI.

Spongiosa pulmonis substantia, quoad ejus partem convexam, quæ immediate costas tangit, minime adnasci, sed libera in thorace permanere debet, ut eo melius se expandere in respirando queat. Observare tamen nil sæpius licet, quam quod non solum pulmones a parte postica cum pleura coalescant; sed etiam quod pars pulmonum anterior, & tenuissima pericardio & mediastino, quin in utraque camera (1) pectoris interdum sterno ipsi, inferior vero diaphragmati firmiter adnascatur. (2) Ipse talem videndi coalitum occasionem in asthmatica quadam nactus sum, quo viso miratus non sum cur respiratio difficillima, & suffocationis metus semper adessent. Sufflaminabatur enim pulmonis usus, quum se non sufficienter extendere neque contrahere, nedum plenum haurire spiritum posset. Quantum inde periculi vitali respirationis actioni sit pertimes-

C c c 2

& varia foramina, quo arteriæ carotides externæ per media ossa bregmatis ad interiora meningis demittuntur. Aliquibus sinus frontales nulli sunt, aut perquam exigui, aliis amplii; num coalescentiæ vitio id factum fuerit? liquido haud constat.

(2) Vid. *Mechanisme ou le nouveau Traité de l'anatomie du globe de l'œil à Paris 1738. 8vo.* Ubi diversos, quo canalis nasalis & puncta lacrymalia coalescere possint modos exposuit.

(3) Confer. modo laudatus auctor, qui omnes, qui de oculorum morbis scripserunt accuratissime & prolixitate numeroque morborum enarrato, superat.

(1) Sinistra camera thoracis angustior est dextra, quia mediastinum oblique est protensum, quam ob rem etiam duo saltem lobi sunt pulmonis sinistri, tres autem dextri. Confer. *Winslow*. Traité de la Poitrine §. 96. Hinc facilius in sinistra quam dextra coalescentias fieri posse arbitror, interea tamen promiscue id fieri observatur.

(2) Confer. *Hoffmannus* in *Medic. System. Ration. T. IV. Sect. II. Cap. VI. p. 439.*

miscendum, pathologia declarat; consentiunt Boerhaave, Riolanus (3) aliique. Contradicere tamen, quin contrarium probare conantur Kerckringius, (4) & Nicolaus Massa, cujus verbo ex adducto Riolo transcribere sufficiat. Affirmare autem Massam scribitur: *Istam coherentiam pulmonum cum pleura cordi utilem esse, ne pulmonum mole prematur, nec ulam spirandi difficultatem adferre.* Quod si fides huic duobus habenda esset auctoribus, præsertim Kerckringio, nescirem sane, qua ratione aliorum doctissimorum virorum sententiæ essent conciliandæ, contrarium adfirmantes. (5) In primis quum sana ratio & quotidiana pro Boerhaavio militet experientia. Quis enim mente saltim concipere posset, utramque pulmonis partem esse ulceratam, & cum pleura coaluisse, sine læso respirationis opere, quum accuratissimi morborum observatores tussim & dyspnoeam tanquam signa referant pulmonis in motu impediti, suppurati, vel alio modo infarcti. Quibus igitur albus adjiciendus est calculus? Perplacet Boerhaavii & Lommii (6) sententia, quorum opinio anatomicis physicisque argumentis nec non experientia sustinetur. Extimescit Massa, ne cordi male sit a premente pulmone, quapropter eundem natura costis coalescere jusserit; at nihil mali persentiscit cor ab illa pressione, quam exercere debet pulmo, dum se extendit: quoniam plurima pars viventium, licet illis pulmo minime sit adnatus costis, nullum tamen a pressione sentit incommodum. Præterea fingamus talem concretionem, nec hæc impedire poterit, quo minus pulmo in parte concava, quæ cor respicit sese extendat, atque mole sua cor premat, quum ab externa tantum parte pulmonis concretio fiat. In omnem enim partem æqualiter ab irruente spiritu inflantur vesiculæ pulmonales, hinc pulmo æqualiter distensus suo pondere minime cordis turbare potest motum.

§. XII.

Interim me adfirmare posse autumo, concretiones ejusmodi pulmonis post nativitatem tantum ortas fuisse: nam pulmo in fœtu est collapsus, neque prius ad usque sternum se extendit, donec inspiratio procedat, quæ

(3) Confer. Boerhaave de curandis atque cognosc. morb. aphorism. 897. Frid. Hoffmanni Med. System. Rat. T. IV. p. 479. & Riolanus in Anthropograph. Lib. III. C. XI. Lutet. Paris. 1549. p. 229. *Interdum pulmo p. eura adnascitur, non tantum interventu tenuium filamentorum, sed per adhesionem firmam. Hæc colligatio si ampla & archa fuerit, ita ut pulmo immediate costis adhareat, molestam dyspnoeam etiam sanis hominibus adfert.*

(4) Plura quam ipse Massa defendere contendit in Sicil. anatom. Observ. 72. ita scribens: *Quatuor annorum puella febre continua extincta pulmones exhibuit, costis & steruo firmissime adhaerentes; multis locis dueros, multis pure fluentes & utraque parte, quod rarius occurrit pure repletos. Interim hæc neque dyspnoea, neque tussicula ulla, neque phthysice specie laboraverat.*

(5) Confer. Boerhaave l. c. §. 1188. & Hoffmannus l. c. p. 439.

(6) Vid. ejusdem Medic. Francof. & Lipsi. edit. p. 141.

quæ vero in utero materno minime potest peragi. (1) Coalescit autem pulmo cum partibus vicinis multiplici ex ratione, quando scilicet, quacunque ex causâ, scirrhus evasit, vel vomica rupta male mulctatus, vel empyemate & pleuritide suppurata adfectus, vel denique ab injuriis externis corruptus, aut male conformato thorace incarceratus. Hinc enim rumpuntur vasa, vel pleuræ nimium appropinquant, ea etiam quæ pleuram, vel pericardium, vel diaphragma tangunt, congruunt cum vicinis, formant commune quoddam vas, & sic coalitus ex vasorum prava unione oritur. Istud annotari meretur, nullum viscus sæpius adnasci, quam pulmonem pleuræ. Pauca videas cadavera morbo diuturno extincta, quibus pulmo non aliqua ex parte, licet non semper morbose, tamen plerumque non naturali modo cum pleura cohæreat.

§. XIII.

Nec hepar a concretionem præternaturali exemptum est, licet hæc interdum beneficio naturæ sic contingat. Retulit enim mihi excellentissimus Dn. præses casum ictericæ cujusdam, cujus hepar, postquam obstructum, scirrhumque redditum esset, non tantum cum membrana peritonæi, sed & per eandem cum musculis abdominis, hinc cum fundo ventriculi atque omento coaluit. Non negandum est, naturam, quæ semper vitam eoque producere tentat, quousque potest, interdum aliquid moliri, quod in salutem vergat machinæ. Hinc fieri quoque potuit, quod eadem, quum similem concretionem salutarem fore prævideat, hanc ideo promoverit, ne pondus hepatis, a scirrho majus factum, lethalem in corpore effectum nimis augeret. Sicut autem hepar præter naturam cum adjacentibus connascitur partibus; ita quoque lien ob scirrhum, vulnus, aliamque causam cum peritonæo & diaphragmate concrevit: (1) imo plerumque scirrhus hepatis socium se præbet lien quoque scirrhus, id quod vel generali humorum vitio, vel communioni (2) vasorum & usus, qui lieni cum hepate intercedit, debetur.

§. XIV.

(1) Analogiam respirationis infantis in utero statuunt Petrus van der Wiel de fœtus nutrit. p. 36. Bobnius Circul. anatomic. Progymn. III. p. 36. aliique, putantes, cum sanguine materno introire aërem. Quicquid illius sit, pulmones certe quiescunt in nondum natis.

(2) Confer. Jo. Schenck Observ. L. III. de liene p. 466. & 468. ubi observationem de membrana singulari, quæ, a hepate ad lienem subtensa, illa viscera præter naturam conjunxit, addit simulque adfirmat, quorundam morborum hanc membranam fuisse fomentum.

(3) Varias auctorum de lienis usu sententias collegit Celeberr. Heisterus in Not. ad comp. anat. p. 72. 73. additque suam: *quo hepatis obstructio impediatur.* Hinc obstructi hepatis causâ, quum sit aliquando in liene, utrumque viscus haud raro similia experitur fata.

§. XIV.

Intestina in primis tenuia, secundum naturam libera quidem, ob motum peristalticum esse debent. Nihilominus tamen minus extant observationes, quæ nobis intestina, tam tenuia, quam crassa concreta atque adnata sistunt, aliter quam communi modo fieri consuevit. Duo satis notabilia hac de re in nostro nosocomio Lipsiensi vidi exempla, quorum alterum herniosus quidam, alterum volvulo extinctus præbebant. Priorem sectionem administrabat communis noster præceptor illustris *Waltherus*, Patronus meus præ omnibus colendus. Fuerat autem hernia oscheoceles species. Peritonæum, ex loco ubi annulus a limbo musculi obliqui utriusque formatur, & quem processus peritonæi transire debet, ita erat elongatum, minime autem, quod quibusdam videri poterat, dilaceratum; ut sacculum, qui usque in scrotum se extenderet, formaret, in quo plurima pars intestinorum tenuium occluderetur. At in hujus bursæ fundo videbatur massa quædam fusca, carnem fungosam sanguine grumoso intermixtam referens, ope cujus omnis intestinorum compages fundo sacculi, sive peritonæo, firmiter adhærebat. (1) Nec sufficiebat hæc concretio, canalis enim intestinorum multo firmitus adnatus erat annulo, per quem intestina elapsa fuerant. Quod sane beneficio naturæ factum esse nemo facile negabit, qui considerat, hac ratione non solum impediri quin ulterius prolabantur, sed imminui quoque pressionem, ab intestinorum pondere ortam, & magis magisque quotidie auctam. Multo tamen visu dignior erat altera observatio illius hominis, quem passio iliaca absumserat. Defunctus septimo ante obitum die, quo in laudatum deferrebat nosocomium, statim ab initio de pungente, multumque excruciente in cavo abdominis conquerebatur dolore. Erant præterea illi præcordia dura, totumque abdomen aliqua ex parte magis expansum, quam in statu naturali esse solet, ut sonum quoque, dum manu percuteretur, ederet. Insuper febre acuta laborabat: accedebat id, quod ingesta non per viam ordinariam, sed per os, rejiceret. Omnibus licet adhibitis congruis remediis, atque instituta in brachio venæ sectione minime impediatur, quin satis cederet reger. Facta igitur sectione, apertoque abdominis cavo, alius omnino reperiebatur intestinorum, uti dicitur, volvulus, quam observari ab auctoribus in passione iliaca (2) solet. Sed intestina omnia, præcipue tamen tenuia, miro modo inter se erant connata. Alia quoad su-

(1) Legi debet *Illustr. Waltheri Programma de Entero sacro-cele* Lips. 1737 p. 12.

(2) Confer beati *Pol. Gottl. Schackeri Dissertat. de Morbis a situ intestinorum præternaturali*, Lips. 1721. & *Schenckii* l. c. pag. 406. qui intestinorum tenuium mutuum ingressum accusat, tanquam causam passionis iliacæ; & *Celsus* l. IV. Cap. XIII.

superficiem externam lateralem, immediate se tangebant, firmiterque concreta erant: alia, lacertorum ope carnosorum, plus minus longorum ita cohærebant, ut remotissima essent connexa. Præterea intestini ilei pars admodum adhærebat peritonæo sub regione umbilicali, fortius tamen circa regionem iliacam & inguinalem. Et hic quoque mortis causa latitabat. Omnia enim intestina una cum musculis adjacentibus sphacelo videbantur corrupta. Quid? quod, abscessus ortus erat in illa intestini ilei parte, quæ omnium firmissime adhæserat peritonæo, perforatoque intestino, in mesenterio intra membranas, a peritonæo ortas, formaverat sinum, qui apertus erat orificio satis magno in cavum abdominis & per quod pauci chymi copia in ipsum descenderat abdomen. Hanc inflammationem induxerat ictus brevi ante tempore in illa regione satis vehementer inflicus. Sunt quibus dubitare sustineo rationes; num aliquo ante ictum tempore coalitus iste extiterit; num, id quod magis arridet, post illatam injuriam fuerit ortus, vasis prævia exulceratione inter se commissis. Sin vero concretio a die natali (3) vel aliquo ab hinc tempore jam adfuit ea propter memoratus ictus potuit mortis causa extitisse: quandoquidem in illo factus est loco, cui adnata fuerunt intestina, quæ post contusionem a vi externa illatam, inflammationem, gangrænam, & tandem sphacelum passa sunt. Non discedam ab intestinis, antequam monuero, aliquando salubriter admodum eadem cum musculis abdominis conjunctis: ubi methodus imperat adducere intestina, eademque prævia sutura cruentis labiis agglutinare. Quod in milite factum narrando comperi, qui alvum per vulnus, in epiploica sinistra factum, prævio tali coalitu, exonerabat. Hinc & intestinum aliquod innocenter admodum coalescit, vermiforme scilicet, annotante *Illustr. Walthero* (4).

§. XV.

Omenti cum aliis partibus concretio non adeo frequens est. An cellulæ adiposæ, quum non sui similes in vicinia, excepto mesenterio, inveniant; num vero particulæ oleosæ, quæ nimis sunt lubricæ, in contactu, hanc impediunt? quaeritur. Evenire tamen nonnunquam posse crederem, quod epiploon in herniis, præsertim omphalocèle elabatur, & ob diuturnum contactum, atque nimiam quietem, peritonæo tandem adhæreat & adnascatur. Omnino huc referri merentur, quæ habet *D. Mongin*, (1) de epiplooo quodam in vetula, peritonæo, circa regionem ingui-

(1) Quale exemplum habet adductus *Schenckius* l. c. p. 425.

(4) Confer *Illustr. Waltheri Dissertat. de intestinorum angustia ex obfirmato eorum habitus vicio*. Lips. 1731. §. 14. p. 28.

(1) Dans la dissertation sur la pétrification d'un epiploon, a Paris 1734. 8vo. p. 40 & 41. Il étoit encore uni, & inséré par en bas, au corps du péritoine, par une superficie de la largeur d'un petit écu. Le gros paquet ligamenteux inférieur, étoit d'un rouge noir, - - sur toute la circonférence, où il étoit adhérent au péritoine,

guinalem lateris dextri, ope membranarum, ligamentorum instar, firmiter adnato.

§. XVI.

De vesica urinaria vel utero præter naturam cum alia parte, concretis, nil singulare, neque observatur, neque legitur; nisi quod uterus interdum cum peritonæo, alicujus lateris magis concresecat, quam alterius, Qui coalitus necessario obliquitatem (1) uteri infert. Id quod si accidat, ob obliquam orificii interni directionem, immedicabilis oriri potest sterilitas, vel quod pejus esset difficilis & laboriosus partus, cum matris foetusque manifesto periculo conjunctus. Concresecit etiam vagina muliebris: tum in nativitate, quod atretis evenit; tum ab ulcere, vel procidentia vaginæ inveterata, aut fluore albo maligno.

§. XVII.

Testiculi cum membrana musculosa, dartos dicta concretio præternaturalis non raro evenit in lue venerea, quando scilicet scirrhusus factus aut exulceratus fuit testiculus; vel in cirrfocele, quam haud raro cum sarcocoele, confundere solent. Testiculos vero inter se concretos atque in unum coalitos reperit *Kerckringius* (1) in cane quodam: quod, nisi in communionem pertracto septo scroti, vix fieri posse arbitrandum est. Admiratione tamen & notatu digna erat illa observatio, quam nuper habui in defuncto quodam milite, qui, quoniam abdomen haberet admodum tumidum, pedesque oedematofos, asciticus credebatur: quum tamen post obitum in illius cavo abdominis fere nulla aqua, sed corpus satis magnum, quod mesenterio & peritonæo, in regione inguinali dextra, firmiter adhærebat, reperiretur. Referebat autem illud corpus verum steatoma, & dum lanci imponeretur, XL. libras æquabat. Fortassis exactiorem hujus observationis historiam describendi opportuniorem nanciscar occasionem. Ea saltem jam adduxisse juvabit, quæ hujus sunt loci. Omnibus rite pervestigatis, tandem considerabantur partes genitalis.

(1) Obliquitas uteri tanquam difficillimi partus causa, primum, quantum constat, a *De enterio* fuit accusata, qui, sicut uteri ligamenta nimis laxa increpat, unde obliquitas uteri fieri possit. C. IX. ita idem accidere non negat, quando ligamenta uteri fortius stricta sunt. Sic enim dicit: *Sed posito, ligamenta ita omnino non, vel parum laxari.* ibid. Non dubium est, utriusque ligamenti adhesionem, beneficio esse, nam sic recte continebitur uterus. At ponamus unum ligamentum adnatum, alterum laxum: nonne increcente utero inclinatio fiet versus illam partem, qua fortius adhæret. & hinc obliquitas? Sic scribit *De enterio*. C. XI. *Exulceratio etiam est cicatricis, aut glandula obdurata aut obstructio vasculorum in alterutro ligamentorum, vel partibus vicinis, ansam utero præbere poterunt, ut jam inde ab initio expansionem, obliquetur.*

(1) In Spicileg. anatom. observ. 76.

tales: observabaturque, illum sic dictum anulum in latere dextro, sub limbo musculi obliqui externi situm, minime fuisse tectum peritonæo, sed ita extensum, ut tres digitos quis facile immitteret. Per hanc vero aperturam testiculus dexter in cavum abdominis, ope funiculi spermatici, steatoma accreti atque incumbens, sensim sensimque retractus erat, firmiterque corpori illi steatomatice, in superficie ejus externa, regionem iliacam spectante, adhærebat. Alter autem testiculus bursa sua continebatur. Totum præterea scrotum, sero illo, quod præcipue intra ejusdem tunicas uberrime stagnabat, distentum, hydrocelen referebat. Itaque quum testiculus, limites peritonæi egressus, cavitatem abdominis intrasse omnino videretur: num peritonæum mole steatomatis increcente, & laminam peritonæi internam magis magisque extendente, tandem ruptum fuerit, aliis dijudicandum relinquo. Præsertim, quod recentiores, iidemque doctissimi viri, id sæpius negasse videantur. Vidi enim ipse plus quam simplici vice talis herniæ, præsertim oscheoceles, exempla, in quibus peritonæum dilatatum, per anulum illum una cum intestinis usque ad scrotum descendit, minime vero disruptum fuit.

§. XVIII.

Verum enim vero non solum viscera concresecunt inter se, & cum aliis partibus, sed & ossium & cartilaginum nonnunquam observatur coalescentia. Sic accidere solet, ut ossa, quæ super cartilagine mobilia, & tantum contigua esse debent, inter se, interventu scilicet cartilaginis, coeant, atque, rigidus evadat articulus. Quando enim humor in articulis secundum naturam hærens, atque lævitatem mobilitatemque ejus conservans, inspissatur, vel quacunque alia ex causa absimitur, simulque articulus diu immotus manet, tunc, ob quietem & contactum nimis longum, per §. VI. superficies, ossium articulos constituentium, concresecunt. (1) Quæritur denique an non adhuc alius supersit casus, quo ossa, ut inter se conglutinentur, fieri queat? hoc accidere mihi posse persuaderem, quando ossa, quæ juxta se posita in unam extensa sunt plagam, uti tibia & fibula, sive radius & ulna, in transversum simul frangantur, neque in cura atque deligatione peculiari constringuntur fasciis, ope cujus in illo continentur situ, quo ante fracturam fuerunt: sed inscitia atque negligentia chirurgi ita comprimuntur, ut connasci cogantur. Quodsi hoc contingeret, ob prægressam læsionem, ossis vasa, quum nunc sint aperta, mutuo inferi, formari callum, & hoc intermedio, eodem, quem, §. V. adduximus, modo inter se coire posse, sane crederem. Quæ res plerumque cum carie ossium est conjuncta; eo quod periosteum, & ligamentum interosseum, violenter compressa, inflammam-

(1) Adfirmat hoc *Paul. Barbette* Chirurg. Cap. IV. Genev. 1668. p. 36.
Disput. Medico-Pract. Tom. VI. D d d

flammationem conceperint, pus formaverint, quod deinde fibras cellulæque ossium destruit, & medullam utramque, albam & rubram, in saniam pervertit.

§. XIX.

Nunc quædam adhuc dicenda sunt de coalitu præter naturam in fœtu obveniente. Huc pertinent ante omnia atretæ, (1) & illi, quibus anus, (2) dum in lucem eduntur, concretus est, vel digiti (3) inter se coherent, vel lingua per frenulum (4) adnata est regioni sublinguali. Dantur tamen adhuc aliæ concretiones in infantibus, licet non adeo, ut priores, sint obviæ atque frequentes. Quæritur hinc; num embryoni naturaliter concrecant palpebræ, an vero conglutinentur per lemas naturales, atque mucum, qui ex ductibus illis ciliaribus exsudat? puto tamen magis credendum esse, palpebras non sine naturæ beneficio connivere. Quum enim embryo aquis innatat, fluidum illud impedit pondere atque pressione sua, quo minus eleventur palpebræ, & variis modis oculus embryonis ab illa, in qua fluctuat, aqua læderetur; nisi tectus esset palpebris. Quum enim amphibii instar vivat embryo, vel ad instar piscium, pulmonibus respirantium, quibus iidem prout fœtui canalis arteriosus & foramen ovale (5) concessa sunt: externas partes ad vitam aquatilem embryonis composuit natura, dum conniventes palpebras præclusumque meatum auditorium perfecit. Porro oritur quaestio, an embryoni prorsus sit oclusus meatus auditorius; (6) an saltem per conniventiam tragi & antitrangi operiatur? utrumque contingit, est enim peculiaris membrana (7) membranæ tympani prætensa.

§. XX.

Tandem ea, quæ ad curam atque medelam chirurgicam attinent partium concretarum, non omittenda sunt. Quilibet autem facile intelligit, si de internis sermo sit, neque per medicamenta, neque manu chirurgica aliquid effici posse. Verum, quod herniotomiam attinet, id efficiendum

(1) Confer. *Celsus* Lib. VII. C. XXVIII. & *Borellus* *Histor. & Observat. med.* cent. I. obs. 78.

(2) Idem *Borellus* l. c. obs. 82. non solum de ano concreto agit, sed plures in infantibus obvenientes refert coalescentias.

(3) l. c.

(4) Confer. *Celsus* L. VII. C. XIII.

(5) In cochleæ canalem arteriosum & foramen ovale observavit *Mery* allegatus! & recensitus nuper admodum ab erudito Viro *Jacob Treu* *Dissert. epistol. de Differentiis quibusdam inter hominem natum & nascendum* Norimb. 1716. 4to. p. 65.

(6) Confer. *Celsus* L. V. C. VIII. & *Thom. Bartholinus* Cent. VI. hist. 36.

(7) Confer. *Kerckringius* de *Osteogen.* fœtuum Cap. V. p. 221.

dum est, ut intestini coalescentis cum peritonæo portio, si fieri possit, separetur, vel intacta potius relinquatur hernia, quæ coalitu conjuncta esse judicatur. Præterea diagnosi & prognosis talis coalescentiæ ad modum sunt fallaces. Effectus clarus est, nempe dolor surdus aliquis, & in parte coalita fixus, cum actione difficili, subinde cum impedita respiratione, vel duris præcordiis & hypochondriis, imo in diuturnis malis, si morbus remediis cedere nolit, semper plura & immedicabilia substantiæ vitia suspicamus. At quis affirmaret, a coalescentia fieri, quod a scirrho, pariter atque ulcere evenire solet. Et ex eadem ratione prognosis semper sinistra, & cura ita comparata est, ne suscipi quidem, multo minus perfici queat. Semper enim remanet coalitio partium, quamvis morbus & symptomata aliquando ex parte cessent. Interim non deserendus est æger, siquidem & de hoc malo valent, quæ singulari occasione de vitiis intestinorum, ex obfirmato eorundem habitu, pronuntiat *Illustres Waltherus*: (1) *nec ex toto unquam sanatur, sed salutariibus consiliis tantum levatur, & veluti intra limites continetur.*

§. XXI.

Multo aliter res se habet atque cura, quæ circa partium externarum concretionem institui debet. In hoc enim casu minime afficiuntur partes ad vitam summe necessariæ, & chirurgus medela sua, atque chirurgia efficaci adhuc aliquid in medium consulere potest. Quorsum refero in infantibus sectionem frenuli; porro divisionem illius membranulæ, quæ, modo anum, modo vaginæ muliebri orificium, modo meatum auditorium operit: quibus adjicio separationem palpebrarum, tunicæ conjunctivæ digitorum, tam in recens natis, quam adultis, & denique labiorum a gingivis, quæ facile concrecant inter se post curationem labii leporini, nisi impendantur. Minime tandem omittenda est apertio ductus nasalis atque salivæ stenoniani, quando scilicet eorum coaluere parietes. Retulit mihi exercitatus in arte chirurgica experientiss. *Hartmanns*: cuidam orificium ductus stenoniani post erosionem coaluisse, tumoremque a salivæ fluxu cohibito ortum exterius in buccis apparuisse; se itaque integumentis caute incisus ductum, quem saliva tumentem nunc conspiceret, pariter incidisse, & stylo modeste, quam fieri potuit, rursus aperuisse, illumque cicatrice externo cutis vulnere inducta apertum servasse. Ductum autem nasalem, nisi cruenta operatione non persanari, si obstructus fuerit, posse, omnes adfirmant. Quod reliquum est, omnes, quæ huc spectant, operationes chirurgicas fufius declarandi opportunitas haud est, quin delegandus lector ad auctores, qui ex instituto de heroicis ejusmodi operationibus egerunt. Nobis hæc de coalescentia morbosa dixisse sufficiat.

D d d 2

CAR-

(1) l. c. §. 10. p. 20 & 21.

CAR. FRID. KALTSCHMIED,

PROGRAMMA

DE RARO COALITU HEPATIS

ET LIENIS IN CADAVERE INVENTO.


Jenæ 15. Novembr. 1752.

Lienis structuram sive substantiam esse vasculosam & fibrosam in homine, quæ quidem in quibusdam brutis, v. g. vitulis cellulosa deprehenditur, a recentioribus anatomicis comprobatum est: & a celeberrimo *Reuschio* evictum & recentioribus anatomicis assertum, neque glandulas in liene reperiri, cum nulla in eodem secretio deprehendatur. Usam itaque lieni vindicarunt, quod sanguinem præpareret, ad feliciorum in hepate bilis secretionem subeundam, spissiorum scilicet sanguinem, derivata lymphæ portione, per vasa lymphatica ad ductum thoracicum dimissa, dividendo ac resolvendo, liquidi nervi quantitatem simul sanguini immittendo & sic aptiorem reddendo, ut sanguis ex liene hepatis immixtus per venam portæ volutus facilius per hoc viscus transiret & ad secretionem bilis in eodem symbolam suam conferre possit. Sanguis vero alias per venam splenicam venæ portarum immixtus in cadavere foemina quadraginta annorum, ante mensem a me dissecto, aliam ingrediebatur viam.

Hepar in eo cadavere sinistro in latere ad lienem pergebat, & cum eodem unum constituere viscus, ita, ut per manus latitudinem substantia hepatis ac lienis cohereret. Lienis situs alias erat naturalis, nec nisi in parte inferiore per rimam ab hepate distingui videbatur.

Convexa hepatis pars non solum lieni ita erat juncta, ut plane nulla divisio, neque in utroque margine appareret, sed, quod curiosum erat, eundem etiam hepar servabat colorem ex fusco rubrum per quartam lienis partem, quem totum hepar ostendebat, tum vero color lienis alias naturalis incipiebat, eo usque etiam, quo hepatis color pergebat, superficies magis læva ac nitida tendebat, lienis superficie reliqua quodammodo corrugata & inæquali. In inferiori vero parte hepatis concava, ut supra memoratum est, justum rima quædam limitem ponebat, ut & divisio viscerum pateret, & color in utroque viscere diversus esset. Neque tamen rima ultra profunditatem duarum linearum penetrabat & eo usque etiam

etiam color diversus & substantia diversa hepatis ac lienis pergebat. Innumera in superiori parte vasa venosa recto itinere per substantiam lienis in substantiam hepatis migrabant, & tandem capsulæ Glissonii inserta & ramulis venæ portæ per anastomosis juncta jucundum exhibebant spectaculum, ita, ut omnia de hisce visceribus memorata evincerent, non casu quodam post partum coalita esse, sed prima statim formatione eadem coaluisse & miram hanc fabricam edidisse. Cæterum in vesicula fellea calculus latebat, ovi columbini magnitudinem æquans, duarum drachmarum pondus fere superans, coloris obscure cinerici, figuræ ovalis satis regularis, superficiei tamen asperæ.





CCXI.
HENRICI BACHERACHI
DE
MORBIS LIGAMENTORUM
DISPUTATIO.

Leyden 20. Febr. 1750.

P R Æ L O Q U I U M.

Quoniam in hac dissertatione de ligamentorum morbis, quatenus sunt objectum chirurgiæ, agere, in eorum causas inquirere, & quænam apta instrumenta, aliaque artis auxilia ad eos curandos requisita, personæ indicare mecum constitui. Ne dissertatio in volumen excreseat, Doct. Lect. relego ad virum celeb. Jos. Weidebrecht, medicinæ quondam doctorem academiciæ scientiarum Petropolitaniæ membrum & professorem physiologiæ optime meritum. Egregius hic vir indefesso sedecim annorum studio & opere historiam ligamentorum satis accurate descripsit in libello, cui titulus *syndesmologia*, edito Ao. 1742. ubi singulorum ligamentorum habitum, figuram, colorem, nexum, terminos, usumque assignavit; omnia ordine, & perspicua brevitate exposuit, figuras, naturam indice, tabulis æneis summa solertia incisas oculis subjecit. Plura meditatus, sed præmatura morte in damnum eruditi orbis ereptus est. Fateor plurimos morbos a præstantissimis chirurgis, quorum causæ in ligamenti hærent, descriptos, verum nonnullos sub alio nomine & plerisque indistincte conscriptos. Nec mirum, eo quod opera magni Winslowii & præfati autoris de ligamentorum natura prædecessoribus incognita essent. Hisce ducibus & recentiorum monumentis, additis iis, quæ studio privato in dissectione cadaverum, repetita per aliquot annos opera, observare mihi contigit, & iis quæ a clarissimis professoribus, præceptoribus meis in æternum venerandis in Nosocomiis Petropolitanis & academia Leideni verbo & opere hausi, popositum thema aggredior. Si interim quædam minus recte, nec satis elaborata erunt posita C. L. rogo ut illa serena fronte legant, corrigant, aut transeant.

§. I.

Ligamentorum nomine veniunt illæ partes corporis organice, quæ quoad habitum externum, coloris sunt albicantis, ex fibris flexilibus, elasticis, plerumque parallele concretis in substantiam tenacem, fibrosam, ruptioni fortiter resistentem & solidam compactæ, eum in finem creata, ut duas pluresve partes, quæ alias divulsæ, per se subsisterent, adunentur atque in situ respectivo determinentur. Confer. clar. Weidebrecht §. 5. Sect. I.

§. II.

Quamquam ex ligamentorum numero excludantur eæ partes, quæ præter officium coercendi alias partes, ut in situ & loco retineantur, ali-

quod corpus tertium, alterius usus constituunt. ut sunt ligamenta lata & rotunda uteri, quæ potiori jure receptacula ovariorum, tubarum fallopianarum, ac vasorum sanguiferorum sunt, quam vera ligamenta, quibus uterus in sua sede figatur vid. celeb. Weidebr. §. XV. l. c. Quum tamen iisdem originetenus nimium laxatis, vagina imo ipse uterus loco excidat, sic & vincula, quæ intestinum rectum ossi sacro adligant, ut & musculi abdominales, qui annulum funniculum spermaticum transmittentem faciunt, aliaque id genus, quibus laxatis in utroque sexu oriuntur varix herniarum species, eas inquam, partes de morbis ligamentorum dicturus silentio præterire non possum. Nec illas partes albicantes, elasticæ, cartilagineæ, corpora vertebrarum colligantes omittendæ. Pone eas nimium laxari, adest morbosa flexilitas, aut nimium indurari, elatere destitui, integra spina dorsi inflexilis erit, aut a causa violenta externa rumpi, funesta plerumque præsto erit luxatio. De quibus omnibus infra suis locis dicetur.

§. III.

Dum ligamentum ita a statu naturali recedit, ut functio, ab ejus integritate pendens lædatur, morbus in eo hæret.

§. IV.

Signum est ipsa functio læsa; in quibusdam natura morbi facile patet, ut exilitio tendinum, ruptis armillis coercentibus, luxationes a causis internis, externisve &c. In plurimis admodum obscura est, notitia anatomica loci, functionis, mutata figura, exploratio tactu instituta ad distinctam ideam chirurgo omni conanime acquirendam plurimum faciunt.

§. V.

Differentiis describendis non immoror, quatenus ex fibris constant, possunt peccare excessu aut defectu cohesionis. Si organicam structuram consideras; possunt peccare, figura, situ, nexu, coalitu, solutione continui, mala conformatione.

§. VI.

Species singulares ipsa functio læsa, ut & causæ varix tam prægressæ, quam præsentis cognitæ produnt, adeoque in recensione partium vitio ligamentorum affectarum, quis, qualis, quantusve morbus sit, ex iis determinandum esse duxi.

§. VII.

§. VII.

Causæ sunt externæ vel internæ. Internæ hærent in fluidis, quæ ipsa ligamenta alluunt, lubricant, quæ in juncturis *Gluten Haversianum* aut *Synovia* medicis vocantur, aut quæ ipsa irrigant, nutriunt, dum copia excedente vel deficiente, aut qualitate quippe acrimonia, aut loco, motuve, peccant.

§. VIII.

Effecta inde producta differunt pro ratione causarum istarum, & loco ligamentorum ipsorum. Alia in articulis, capsula conjunctis, alia in interioribus. Nimia copia, cæterum blanda, nimis laxat: inde elongata non sufficiunt officio coercendi, in situ retinendi &c. Acrimonia rodit, dissolvit, dolores aliaque incommoda efficit, de quibus omnibus infra suis locis dicetur. Tantus enim in iis occurrit causarum & effectuum complexus, ut idea distincta haberi nequeat, nisi ad singulares redigantur.

§. IX.

Ad causas externas refero, omnem violentiam extrinsecus illatam; ut est pressio, distractio, ictus, casus, &c.

§. X.

A capite ut incipiam & per truncum & artus progrediar, ordo exigit. Varia ligamenta physiologus in capite considerat, ut sunt ligamenta duræ martis, palpebrarum cutaneum, auris externæ, internæ, labiorum, uvulæ, frenum linguæ, ligamentum pharyngis, ossis hyoidis, laryngis &c. Quæ & cohesionis nimix, aut deficientis, ut & solutionis incommoda, positæ causis, subire possunt, adsoque functiones, ab eorum integritate pendentes, lædi, pleraque tamen eorum chirurgo inaccessa, adeoque succurrere nequit, nisi forte laxitatis aut acrimoniæ vitium subesse, ex notitia causæ applicatæ & læsionibus suspicetur, tum illis causis mutata ratione victus & remediis generalioribus obviam ire conatur. Eorum autem, quæ sensibus magis obvia, ut frenum linguæ & uvula, morbi solertiam & operam chirurgi omnino requirunt.

§. XI.

Frenulum linguæ quandoque in recens natis, nimis longo tractu ad apicem linguæ usque inseritur, itaque eam arctius quam oportet, interiori gingivæ parti adnectit, ut fere immobilis appareat, confert Weidebr. No. 6. Sect. 6. quod si obtinet, suctio impeditur, eoquæ magis, quo nexus arctior, tum infantes in actu succionis laboriosi, summo molimine

mine, aut inani fere conatu labiis papillam apprehendunt, raro tamen suctio inde ex integro impeditur. (Possunt quoque aliæ subesse causæ tam in nutrice, quam in tenello, hæ autem huc non pertinent:) proin non temere ad incisionem procedendum. nisi certo constet, frenulum illud esse nimis latum, & linguam nimis arcte stringens; si infantes linguam possint movere, & ore exerere, sibi relinquendum; si vero descriptum vitium subsit, & negligatur, progressu ætatis, quo ordinario infantes fari & articulatus loqui incipiunt, balbutient, nec deinceps articulate loqui discent, ita ut ista etiam ætate, imo adultiores facti incisionem admittere necesse habeant. Ipsa autem operatio peritum chirurgum requirit, qui pro re nata excessum co hæsiōis solvit, dum latior plaga requiri videatur, metu hæmorrhagiæ nimis pars incidatur, & tum intercedente aliquot dierum intervallo reliqua peragatur; cavendo ne nervi, aut ductus salivales aut venæ raninæ simul incidantur. Hæmorrhagiam lethalem imprudenti incisione ortam refert Dionis in sua chirurgia & Mauriceau in Observ. 301.

§. XII.

Instrumenta operationi huic apta sunt furca & forfex, ab Heistero delineata in Tab. XXI.

§. XIII.

Dilaceratio unguibus facta periculo non vacat, eo quod in medio, quo requiritur, non fiat solutio, sed qua parte major vis adhibetur, & fibræ ipsæ debiliores, mobilioresque, ut in parte superiori, quæ solutio sine gravi nervorum fibris intermixtorum tensione non fit. Incommoda inde oritura harum partium gnato ignota non erunt, vulnusculum forfice vel scalpello acutissimo inflictum, sat cito consolidatur. Rem feliciter peregi charta pictoria plicata, incisa, & forfice. Commendant chirurgi detergens ex melle rosar. aut syr. violar. digito frequenter applicandum, quæ quidem usui erunt, verum saliva propria infantis & lac nutricis huic scopo sufficiunt.

§. XIV.

Uvula suo quoque ligamento in situ coercetur, quod formatur ex membrana tenni, totum palati concavum ad mediam ejus longitudinem laxè ambiens, sic quadam duplicaturæ specie dictum ligamentum efformat, quo uvula in statu naturali versus linguam recurva & elastica servatur, vis hæc elastica, ex parte ligamento & ex parte musculo, quem azygum uvulæ vocant, inest, & omnino requiritur, ut in actu deglutitionis

aeris

aeris, cibi, potus retropressa in sedem pristinam resiliat confer. Weidobr. N°. 5. Sect. 6ta.

§. XV.

Uti frenulum linguæ nimia strictura, sic descriptum ligamentum uvulæ nimia laxitate imprimis peccat, illud rarius, hoc frequentissime, ut vix sit homo quin noxiam hujus laxitatem aliquoties expertus, maxime in destillationibus catarrhosis, quibus sæpe adeo laxatur, ut deglutitio & loquela insigniter lædatur, vox plerumque rauca, difficilis, & species anginæ præsto esse solet. Hisce incommodis varia commendantur remedia. Vulgus fasciculum capillorum in vertice trahit, donec sonus quidam crepitans audiatur; an hoc conferre possit, nulla ratione assequor. Alii pipere & sale, spatulæ imposto, uvulam sursum premunt, aliquando cum successu. Hic agendi modus ratione quadam innititur, acria sensili huic parti applicata, spasmus excitant, quo liquida stagnantia exprimuntur, quibus expressis vis elastica restituitur, semper tamen tutum non est, ob metuendam inde inflammationem. Tutius est hydragogum purgans exhibere, gargarismate ex infuso flor. Chamem. addito nitro reciprocatis vicibus fauces eluere, id aliquoties repetere, quo ingens mucis tenacis copia solet prolici & effluere. Membrana oris mucosa hac colluvie liberata & leni vi stimulata, pristino officio apta redditur, hoc & efficacissimum & tutissimum remedium esse, expertus assero. Ipsam anginam inflammatoriam in faucibus apparentem hac medendi methodo sublatam observavi.

§. XVI.

Si autem nimis laxata & usque ad asperam arteriam propendeat, nec dictis remediis sibi restitui possit, arte amputanda est, vel ligatura vel cultello ab Heistero delineato Tab. XXI. pag. 665.

§. XVII.

Præter laxitatem aliud vitium eundem effectum producens in membrana oris fauces obducente nonnunquam oritur, dum in lue venerea inveterata corruptione fluidorum per universum corpus diffusa exeditur, cui, nisi tempestive aptis remediis in & externe obviam eatur, ipsa uvulæ substantia, palatum molle summopere periclitantur.

§. XVIII.

Scorbutus septicus partibus oris infestissimus, gingivas, partium mollium durissimas, foedo ulcere afficit, partes erodit, nec maxillis parit, alveolis se insinuat, radices dentium absumit, ut iis elapsis ipsius

Eee 3

maxillæ

maxillæ fragmenta aliquando excident. Quales casus in Nosocomiis Pæropolitanis, plures videre mihi contigit, maxime in classiariis, qui longiori temporis intervallo in mari septentrionali degerant. Quidam toto corpore quasi rigeant, omnibus totius corporis ligamentis contractis, erosis, dolores rheumaticos, arthriticos, tum fixos, tum vagos lancinantes, punctorios &c. patiebantur, quibus profuit mutatio aeris, victus, usus largus decoctorum ex rasura lign. guajaci &c.

§. XIX.

Quum scorbutus sit morbus sui indagine dignissimus, imo & causa plurium aliorum morborum inter se effectum diversissimorum, causa efficacissima in accolis Septentrionalibus, Danie, Norwegiæ, Russiæ Borealis, ut & in classiariis iter ad utramque Indiam facientibus, aut militiæ maritimæ causa in Oceano circulantibus, de eo quædam scopo nostro non incongrua dicere visum est, quantum observatis præstantissimorum practitorum, celeberrimorum præceptorum lectionibus & propria experientia ediscere potui.

§. XX.

Omisso scorbutico dictis telluris plagis endemico, de marino mihi sermo erit, siquidem per universum oceanum non est diffusus, tractus Septentrionales modo infestat. De causæ primitivæ origine nondum satis constat. an ex tellure in aerem maritimum, an vice versa ex mari in accolæ ope venti derivetur; si conjecturæ locus, dixerò: in aquis generari & exhalationibus aerem incubum vitari, ope venti in loca finitima diffundi. Mare, quæ mare, solum incusandum non videtur, sed & lacus, paludes in quacumque regione occurrant, data occasione scorbuti causam eructant; Lithuania, Ukraina multis miliaribus a mari septentrionali remota maxime Ukraina (vulgo *Cosaques*) scorbutico obnoxia, quod lacubus & paludibus aqua viva non sufficienter renovatis, nec crebro vento agitata tribuimus, ut sunt tres insigniores juxta Kudac versus paludem meotidem.

§. XXI.

Sed quæ causa in mari Septentrionali, quod tot ingentia absorbet flumina, tam crebris ventis agitur, imo sale antiseptico armatum? an in victu navali latet? Victus quidem causæ jam natæ vires addere videtur; aqua, quam classiarii bibunt, sincera profecto non est, neque alimenta satis salubria; aut si hæc sola incusanda, cur illi, qui vina & cerevisiam bibunt, scorbutico immunes non permanent? cur ab Indiis reverten-

tes non æque ac a littoribus borealibus discedentes afficiuntur? Alia igitur subest causæ scorbutiparæ origo.

§. XXII.

Suspiciari licet exhalationibus putridis aerem incumbentem inficientibus causam illam primitus nasci: omne piscium genus, ut animalia terrestria, licet minus large, perspirent, olfactu duce prædis inhiant. Notum est majores belluas degi in Oceano septentrionali, quæ effluviis atmospheræ propriam sibi faciunt, excrementa eorum huc pertinent. Continet quidem mare salem communem solutum, putredini resistentem, verum, quo magis ad Polum vergit, eo minor salis copia in data aquæ mensura continetur, minus quidem obstante frigore exhalat, tardiusque effluvia putrescunt, ac in mari a Polo remotiori, imo venti frequentiores, sed æqua non videtur compensatio causarum recensitarum. Forte cælum & fundus quid contribuit. Quidquid sit, experientia teste, cognitum est scorbutum marinum septicum esse, seu indolis putridæ, acris, mutatione aeris & usu acidorum, acescentiumve ejurari saltem, si ex integro vitari nequeat. Prophylactica optima videntur spiritus salis, nitri dulcis, succus limonum & ejusmodi, plura de eo dicere angusti limites, quos in tam vasto themate mihi proponere necesse habui, non permittunt. Curatio non differt ab ea, quam (§. XVIII.) compendio recensui, (confer. Boerhaave de scorbutico). Redeo igitur in viam unde digressus.

§. XXIII.

Maxillam inferiorem margini cavitatis glenoideæ sub radice processus zygomatici ossis temporum insculptæ, alligat capsula membranacea, partim ex margine tuberculi jugi exteriori, partim ex ipsa cavitatis profunditate & meatus auditorii pariete post insertionem membranæ operculi superioris, quæ cum illo concreta, pressu indurefcit & cartilagine meniscoidem mobilem constituit, cujus peripheria capsæ adnectitur, confer. Weidebr. N^o. 1. 2. 3. Sect. 3. in suo sinu folliculos mucosos continet, quæ ad lubricam mobilitatem, quæ hic, ut in frequentissimo actu quippe manducatione, loquela, est, ita maxime necessariam contribunt. Dum hi fontes exsiccati, oritur in motu molestia. Sic & si noctu gluten illud tenacius redditur, raro interim acrimonia peccare deprehenditur, licet aliquando scorbutico inveterato, aut lue venerea laborantes dolorem in hac junctura persentiscant. Quodsi obtinet, causæ cognitæ seu morbi primarii tollendi sunt.

§. XXIV.

Quod si a causa externa uni vel utrique capsæ vis infertur, ictu, casu, oscitatione, ita ut condylus in uno aut altero latere, aut utroque excidat, sine mora illud cognoscendum & curandum est, nisi sponte in situm naturalem reducat, cujus exempla in recessu alterutrius condyli quidem sunt, verum rarissima. Ob tensionem nervorum, tendinum gravissimæ inflammationes, convulsiones insequuntur. Imo mors ipsa, notante jam olim Hippocrate,

§. XXV.

Dignoscitur facile oris hiatu, tumore externo, sinu in parte inferiore (antrorsum enim tantum prolabi potest) obliquitate menti in oppositam partem distorti &, si alteruter condylus tantum elapsus est. Si uterque, mentum in priora protractum, quod tamen ob hiatum oris non ita advertitur.

§. XXVI.

Repositionem cujusvis casus indicat notitia articulationis, musculorum maxillam moventium, quorum resistentia, quæ in massetere imprimis & temporali ingens, iusta directione & sufficienti vi superanda (vid. Heister pag. 219. Cap. VI.)

§. XXVII.

De causis violentis externis ligamenta elongando, ex parte lacerando, aut ex integro dirumpendo, variarum partium luxationes producentibus, quum præclare in præstantissimorum chirurgorum nostri seculi omnia illuc pertinentia descripta sint; nil mihi dicendum ratus, ad morbos a causis internis tantum ortos transeo, primo ad eos qui in vertebrarum ligamenti occurrunt.

§. XXVIII.

Notum est ex anatomicis, universi corporis superiorem molem columnæ vertebrarum super se invicem plus minus mobilium inniti, in omnem partem flecti, medullam spinalem per canalem mirabili earum concatenatione processum, figura, & ope ligamentorum factum descendere, per hiatus laterales ramos transmittere, eosque in quavis flexione secundum naturam tuto servari, canalem ipsum tum extus tum intus periosteo a dura matre ex parte continuato obductum, ipsas autem vertebrae, figura, proportionem, processibus concinne adaptari, costis fulcrum præbere,

bere, in collo arteriis vertebralibus transitum ad caput parare, quorum omnium accuratam descriptionem dedit celeberr. Albinus in suo egregio libello de ossibus §. 115. Ligamentorum conditiones variis usibus destinatas absolvit clar. Weidebrecht sect. IV. Musculorum columnam istam moventium, quoad ortum, decursum, insertionem, actionem, in historia musculorum & tabulis suis majoribus ad vivum expressit idem clar. Albinus. Hæc tamen omnia chirurgo vix sufficient; eo quod partium circumpositarum, ut substantiæ cellulose, vasorum decursus, natura & motus circulatorii fluidorum &c. distinctam ideam inde non consequatur, quæ partes neque ad ossa, neque ad ligamenta, nec ad musculos pertinent, sed earum descriptio ad physiologos ex ipsa partium natura, ratiocinia formantes, igitur inde petenda. Nervorum systema delineavit clar. Eustacius tab. XVIII. aliisque, & cel. Vieussenius in sua neurologia, descripsit clar. Winslow. Quanquam hæc ita habeantur, optimum interim, imo chirurgo necessarium est hæc omnia, quæ firmas partes concernunt, ex ipsius cadaveribus non modo autopsia, verum actuali analysi aliquoties instituta ediscenda. Hæc unica, commodissima & certissima ad distinctas harum partium ideas acquirendas via & ratio in morbis agendorum.

§. XXIX.

Nimia copia humorum pituitosorum in spina decubitus gibbosin aut rachitidem producit. Quibus autem in locis ille decubitus fiat, an in ipso specu circum circa medullam, an in vasis illam ambientibus periosteo intertextis, an in ipsa ligamentorum corpora vertebralia colligantium substantia, an quodlibet simul obtineat, quod forte tractu temporis fieri poterit, non determino. Videtur hic idem contingere posse, quod in hydrocephalo, ubi inertium humorum collectio poterit esse in vasis periostei externi, substantia cellulosa, diploe cranii, quatenus vasis irrigatur, dura matre & echymosi tractu temporis facta, collectio inter superficies tam externas dictarum partium quam internas. Vasa in pia matre encephalon proxime ambienti humore pituitoso turgidas exhibuere cadavera hydrocephalo exinctorum; uti cranium involucri defendens encephalon, ita specus vertebrarum medullam spinalem (quæ quasi cerebrum mediante medulla oblongata continuatum est, & nervos, ut illud, utrimque emittens,) continet, dirigit, defendit.

§. XXX.

Hydrops igitur spinæ eodem fere modo ac capitis, origine, incremento, statu, eventu, medendi methodo, sese habet, licet signis externis non ita sensibus obviis, ex causis prægressis, functionibus sensim læsis cognoscendus, videtur primo oriri leuco-phlegmatia, dum vasis sensim

sim debilitatis, laxatis, solutis, humores congesti, mora, calore, attenuati effluunt, interstitia opplent, uti in substantia cellulosa reliqui corporis, statu hoc posito, partes ipsæ vertebrae interpositæ, reliqua ligamenta, tendines tot musculorum vertebrae insertorum laxantur, resistentiæ causis motricibus sunt insuperabiles, & quum in partibus versus concavum abdominis & thoracis calor sit major, magis enim distant ab atmosphæra refrigerante, minor in illis sit debilitatio, hinc versus priora sit inflexio, curvatura, versus posteriora protuberantia, convexitas, ut verbo dicam, gibbosis a causis internis; quatenus proximæ sunt, & in fluidis consistunt. Causæ antecedentes sunt omnia, quæ vi laxandi pollent, ut alimenta aquosa, inertia, diutius ingesta, quies, calor in sellis perforatis, more belgico, fetus quidem hic infantibus amicissimus, sed mora nimia fetus ipsum noxium reddere videtur. Calor inferiora laxat, affluxum a superioribus augeat. Loca humidiora, ut strata lapidea inprimis marmorea; stercis quidem frigus & humiditates arcere conantur, tantum interim abest, ut ad temperaturam tabulati lignei accedant; hinc in foeminis mensium nimius fluxus, prolapsus uteri, passio hysterica a spasmodis inde productis &c. de quibus inferius, tenelli ætati hæc omnia infestissima. Gibbosin a causis internis Hippocrati, Avicenna, Rhazi, jam olim cognitam, eorum monumenta ostendunt.

§. XXXI.

Marcus Aurelius Severinus ad Hippocratem de gibbis differentem (in tractatu de abscessuum recondita natura pag. 410.) sequentia habet: sit spontanea gibbosis ab humorum defluxu, qui si diu consistat in vertebra, sic ut inde non recedat, facit sua permansione atque adhaesu firmo, ut gibber absolvatur & consummetur, quodsi natura procurante de vertebra, ad quas oppulsus fuerat humor, alio abscedit, vertebra liberat a tuberculo, quod gibbosin paritutum erat, oportet; jam vero duplex hic humoris abscessus est, tum per decubitus tum per affluxum, & per decubitus quidem alter modus est, extra venas: sic in inguine per sympathiam conflatam ex materia tuberculum & abscessum facit, ut solvatur gibbus. Alterum genus est intra venas per metastasin sis excipientibus humorem vasculis ample distentis (varices dicunt) nec non hemorrhoidis absolventur etiam a gibbere.

§. XXXII.

Dum humores congesti, cogia incrementos nodos, tumores efficiunt, qui sensim ligamenta laxando, spinam bifidam, ipsam luxationem in tenerioribus producere possunt, dum ipsa corpora vertebrae nimium macerata, aut erosa materiam ossificam effundunt, nascitur gummi, exostosis, ligamentorum officio obtans, elongans, quæ itidem calamitose luxa-

luxationis causa, quacunque directione contingat, licet alii lateralem minus periculosa sentiant. Periosteum interim tantam extensionem sine diris convulsionibus non fert, nec ipsa medulla sine vitæ periculo in angulum flectitur; vita quidem protrahitur, si lente oriatur, tandem tamen succumbit.

§. XXXIII.

Prognosis quod attinet, quo recentior est ille humorum decubitus, eo facilius curatur & contra. Exostosis solvere in artis potestate non est.

§. XXXIV.

Prophylaxis ex propositis causis eruenda.

§. XXXV.

Imminens aut jam coepta gibbosis, quum ejus origo chronica sit, vitæ, causis contrario, aptisque remediis avertenda.

§. XXXVI.

Curationem præsentis dicat causarum notitia, si medellæ adhuc locus. Hæc absolvitur humores inertes ad inferiora derivando, evacuando; extrinsecus fricando, aëre sicco, cavendo, ne frigus accedat, alimentis eupeptis, roborantibus, potu generoso, meraco, ætati, copia & qualitate convenienti, ut paucis dicam, eadem hic conveniunt, quæ clar. Boerhaave commendat in rachitide infantum aph. 1489. nisi forte vomitoria exceperis ob metum luxationis. Rachitis enim ab iis causis oritur quæ jam dictæ, nempe vitio ligamentorum quibuscunque causis internis orta sit, differt modo quod plures partes affectæ.

§. XXXVII.

Si vero luxatio jam facta, repositio tentanda, de qua vid. Heister, Petit &c.

§. XXXVIII.

Oppositum vitium ligamentorum est eorum nimia contractio, extenuatio, rigiditas, tabes; cujus causa privativa, defectus quippe humorum irrigantium, nutrientium, quod obtinet in ætate confectis, fatum senile vocant, ubi coalitis minimis canalibus, incrementum fluidorum subtiliorum defectu, incrementum, atrophiam, rigiditas, curvatio in priora, donec terminetur in mortem naturalem. Cur autem spina in senibus in priora incur-

vetur, non adscribendum musculis flectentibus, scil. abdominalibus, plex utrique, verum curvaturæ eorum hominum voluntariæ, dum in priora curvati sedere & cubare consueverint, spontanea illa corporis curvatura, majorem vim acquirunt dicti musculi, quod vel in digitis fabrorum apparet (vid. Boerhaav. de morbis fibræ rigidæ Aphor. 31. & seqq. add. Com. van. Swieten ad dict. aphor.) Morbus hic senibus inevitabilis ipsius vitæ actione citius aut serius plus minus exercitatur ortus, senectus ipsa est morbus, quem nullus medicorum unquam curavit, nec spes est remediis unquam curatum iri. Ad mortem paulisper deferendam convenit diæta lactea, juscula (vid. Inst. Boerhaav. de Cardiacis No. 1. & aphor. 35.) & ea quæ alvum leviter laxant, ne collectis & siccatis in colo facibus lethalis oriatur gangræna.

§. XXXIX.

Tertium ligamentorum recensitorum vitium est corrosio, ab acrimonia fluidorum in iis stagnantium, aut aliunde delatorum, de quibus superius (§. 18.) qua præsentis, dolores, convulsiones, tetanus, non secus ac in aliis partibus spasmi concitantur, ubi os, aut periosteum, aut tendo musculi juxta emersionem ex ossæ, causa irritante, afficitur. Nullibi plures tendines quam in columna vertebrarum, nullibi plura ligamenta, nullibi periosteum vasis, nervisque dictis, nullibi multiplicior fibratum, non modo ex dura matre productarum, sed ex infinitis tum ossium, maxime in corporibus vertebrarum, tum ligamentorum enascentium, re-cta decurrentium, sese infinitis modis interfecantium, inde intervallo quodam emerso ossi, ligamentisve insertorum series, quæ fibræ ubique periosteum conficiunt. Has optime conspicies, si columnam vertebrarum una cum pelvi grosso modo carne liberatam in certo gradu caloris per plures dies maceras, & vario tempore perlustras, miraberis conspicendo non modo in spina, sed & pelvi stupendas ligamentorum, quæ partes periosteæ sunt, species, partim videntur oriri ex margine vertebræ superioris, & inferi margini inferioris, sed plurimæ plura corpora superascendunt, antequam iis inferantur, quædam ad extrema processuum spinosorum, aliorumque procedunt, quædam uno extremo fluctuant; densissima harum fibrarum congeries, in fasciculos planos quasi disposita, cujus apparentiæ causa forte est jactura teneriorum maceratione facta, aut forte ordo naturalis; quovis enim tempore ita apparent. Tense sunt, splendent, coloris vividissimi ex albo coerulescentis instar argenti recenti politi, ita ut ratione originis de periosteo dicendum, illud ex dura matre & ex ossium subjectorum substantia oriri, & non ex illa sola, uti nec arteriæ membranas vasorum percurrentes omnes oriuntur ex coronariis, sed ex vicinis ubique rami intra membranas demerguntur, quod vel impletionem in brachio a corpore separato apparet, ubi injectio in truncum facta,

fecta, ramos in membranis penetrat, quod fieri non posset, si a coronariis forent continuati. Ruit igitur utriusque originis sententia, quoad partem. Plura de his infra ubi de morbis periosteæ cæu ligamenti sermo erit.

§. XL.

Neque intra dictos terminos persistere solet acrimoniæ effectus, sed ipsam vertebrarum substantiam adoritur, quæ porosa, minus resistens, superficie tenuis solvitur: inde a materie exsudante exostosis, quæ dux vel plures vertebræ in continuum solidum abeunt, fit anchylosis tuberosa, quæ differt ab ea, quæ oritur ab ossificatione partium cartilaginearum, quibus corpora vertebrarum connectuntur. Ejusmodi anchylosin tuberosam in collo sceleti, scorbuto defuncti, admirabundus vidi, ubi tota columna colli erat unum continuum osseum, tuberosum corpus, processibus, ligamentis omnibus confusis, quod, uti in reliquis corporis juncturis, sic & in columna vertebrarum fieri potest. Ingravescente senio inferiora solent ossificationibus ligamentis cartilagineis concrecere, infima cum ossæ sacro, ipsum os sacrum cum ossibus ilei, coxa cum ossæ femoris. Anchylosis tuberosa quavis ætate, quovis loco spinæ, prout materies acris rodens in parte inferiori, intermedia, aut superiori collecta tragediam ludit. Imminentem medicus avertere quidem potest, præsentem curare nequiquam.

§. XLI.

Inter notabiles ligamentorum morbos occurrit spina ventosa, licet ejus subjectum primum omni ratione non sint. Nomine autem spinæ ventosæ omnes medici eundem morbum non intelligunt. Alii in subjecto variant, alii in prædicato, tum nomen spina, quam ventosa diversam sui præbet ideam. Alii cariem ossium esse dicunt, alii rachitidem, alii tumorem periosteæ secædentis, materia elastica ossi & periosteo interposita excitatum, alii ipsius periosteæ & quidem interni inflammationem statuunt. Ita ut varios authores consulendo nescias, cui assensum præbeas. Petrus de Marchettis observ. medic. chirurg. varior. sylloge pag. 118. sequenti theoria, ejus genesin, naturam, sensu complexo concepit: *modus generationis hic est: si pituita nutritioni articulorum dicata putrescat, aut quodammodo sit acrior, primo ossa corrumpit, & quidem dolore nullo, quibus postea corruptis, periosteum labefactatur, cujus signum dolor acutus lancinans, ita ut patiens referat, se quasi spina pungi, inde spina nomen ei inductum. Dum vero hujusmodi dolore eger divexatur atque periosteum eroditur, nullus adhuc apparet tumor, corruptis vero & quidem primario ossæ, secundo periosteo, materia pituitosa libere permeans loca carnea attollit, articulum affectum in tumorem primo mollem & laxum ac doloris expert-*

expertem, cuti concolorem, qui putrescens durior evadit, confluentem eo humorum copia, quorum tenuior pars exhalat, superflite crassiori, ex quo insuper manat serosa atque specillo os corruptum prodit &c. Conceptus hic, licet quædam minus recte pro demonstratis habeat, genesin, meo iudicio, satis exprimit, plerique in eo conveniunt, quod spina ventosa cariem adjunctam habeat, quæ ejus effectus, quæ interne ossa rodendo perforaret; alii teredinem esse dicunt, belgis *Beenvreeter*, Marc. Aurel. Severinus nomine *pedarthrocacem*. Eam descripsit in tractatu de recond. abscess. natur. pag. 337. cui displicuit vocabulum spina ventosa a Rhaze illi impositum, at, quod substituit, magis ambiguum videtur, nam ex definitione ipsius Severini rachitidi applicari posset. Sequenti tenore eam definit; *pedarthrocace abscessus est corruptorius, seu sphaceliformis ossis, circa articulum in pueris*, &c. ibid. pag. 356. De spina ventosa quoque scripsit Josephus Pandolphinus a monte martiano, qui de hoc affectu tanquam regioni suæ familiari sæpius a se viso, ac curato librum integrum edidit. Qui duplici modo eum consideravit nempe in fieri & in facto esse, uti quoque Petr. de Marchettis.

§. XLII.

Omnibus iis sententiis suum inest pondus, differunt modo pro vario morbi tempore, conditione, dum alii in initio, quo adhuc simplicior eum considerant; alii, dum modo est complicatus; alii quovis tempore & conditione. Si vocabulorum significationem examinas, ratio dubitandi evanescit, non sunt considerata in sensu composito, uti præfati auctores fecerunt, sed in sensu diviso. Si spina a dolore punctorio nomen adeptæ, in parte molli exquisitissimi sensus, uti est periosteum, hæret, ossa enim sensu expertia; dolor hic a simplici inflammatione oritur, quæ potest esse sine carie & tumore sensibili, licet a carie ut causa oriri possit. Si tumor a feces partium ab ossibus materiam flatulentam continens *ventosus* appellatur, vocabulum *ventosa* addendum quando talis tumor præsens.

§. XLIII.

Quatenus spina appellatur, subjectum proprium est periosteum, sive internum sive externum. De externo mihi sermo est, quod est non tantum universale integumentum sceleti naturalis, sed & ligamentum continuum, uti cutis universi corporis, tam ossa quam ligamenta subiecta, arcte investiens, exceptis tendinum insertionibus, ubi ad juncturas pertingit, superascendit capsas, iisque arcte, imo arctius quam ossibus adhæret, vasis omnis generis ditissimum, quæ itidem ab osse ad os mediant periosteum procedunt, demonstrante Ruischio *Advers. Decas tertia No. IX.* ipse

ipse artificiali impletione vidi in cadavere infantis, ubi capforum superficies tinctura infinitorum vasculorum rubebant.

§. XLIV.

Quum periosteum descriptum vices ligamenti gerat (ut patet in multis ossibus, quæ, eo separato sponte solvuntur) & a pluribus causis vitatur maxime inflammatione, subjectis ligamentis infestissima, ejus morbos huc referendos esse existimavi, paries nam proximus ardet: vasa uti ex periosteum in ossis substantiam, ita in eam ligamentorum nutritionis & renovationis causa derivantur; igitur quæ hoc loco de eo dixero, de reliquarum juncturarum affectibus intelligenda sunt. Si ab acri fit erosio, sive a materia purulenta, carie aut alia, non modo acerrimi dolores, inflammatio, sed & musculos dorsales in consensum trahendo horrendas convulsiones concitat. confer. §. 39.

§. XLV.

In curatione investigandum, an corruptio ossis subit, an metastasii materia noxia huc delata, an in spina tumor appareat, quod vel in extremo processus spinosi contingere potest. Si tantum signa inflammationis adsint, curatio instituenda methodo omnibus inflammationibus communi, si suspicio est, cariem subesse decoct. lign. guajac. addito melle aut pulpa tamarindorum, nitro, palmarium remedium est, penetrat, deterget, putredini resistit, si chirurgus innoxius datur accessus partem incidendo concurrat, quod rarissime in spina dorso, frequenter in artubus obtinet.

§. XLVI.

Articulatio capitis ossis femoris cum acetabulo binis ligamentis firmata, capsula scilicet solida, ex ossibus ilei, ischii & pubis, lata origine producta ab acetabuli margine, quem magnam partem constituit, caput ossis femoris superascendenti ejusque collo inserta, altera cui *teres* nomen, ex cavo acetabuli nato juxta verticem capitis excepti inserto. Hæc sunt præcipua, de cæteris confer. Widebr. Sect. V. Duo hæc ligamenta in homine adulto unita opera, juncturam hanc adeo firman, ut citius causa violenta applicata, collum tam crassi & robusti ossis disrumatur, quam excidat, nisi forte ipsa capsula prius vitium debilitatis aut solutionis contraxerit. A causa vero interna caput ex acetabulo protrusum exemplis constat, si conjecturæ locus. Qualem casum in nosocomio marino Petropoli, in classario, cui caput ossis femoris a causa interna protrusum judicabatur, novi. Talis in repositione deprehendebatur resistentia, ut nulla vi repositum retinere potuerimus, quin mox sone que

quodam edito extruderetur. Eger, irritato omni conatu, sibi relicto post annum rursus fulcro innixus potuit quodammodo incedere, & pedi ex parte insistere, sed in latus inclinando. Probabili indicio, novum acetabulum in ileo paratum. An vero non fuerit simul pars acetabuli in parte superiori aut exteriori simul ablata, non determino. Sed ponam tantum fuisse causam internam: unde illa vis protrudens par tantam resistantiam vincendo, quæ in homine adulto vegeto ultra mille libras sustinet, solius capsæ & teretis ligamenti ope. Accedit in contrarium nixus validissimorum muscutorum moventium. Ingens igitur vis requiritur ad capitis ex acetabulo detractionem. Cavum acetabuli osseum est, figuram non mutans, nisi post elapsam, nil contribuens, nisi causæ protrudenti resistantiam. Humores in eo congeffi certo causæ sunt. Sed unde isti humores vim acquirunt? Glandula in sinu acetabuli mollis, pulposa, iners. Verum ratio physica dubitantes pro parte expedit & observatio mutationis acetabuli in sceletis eorum, quibus exciderat.

§. XLVII.

Notum ex physiologicis, non modo glandulam muciparam in sinu cavi acetabuli adeo profunde hæere, ut a motu capitis quaquaversum rotati ipsi nulla vis inferatur, nisi forte obstructa intumuerit, sed quoque innumera orificia arteriarum exhalantium, ductuum excretoriorum, humorem mucosum instar albuminis ovi in hoc cavum excernentium; præterea ipsa superficies capitis femoris nullo perichondrio recta, videtur tenue oleum exsudare. conf. com. van Swieten ad aph. 362. Si nunc ponas aliquam vim circulatoriam in singulis vasculis excretoriis, quorum multa millia sunt, ingens inde vis composita emergit. Accedit quod sensim ligamenta humido laxantissimo, alluente, laxentur, debilitentur, tandem, superata resistantia, caput excidere possit, non difficulter concipies, cavum acetabuli cum osculo excretorio conferendo, sunt enim vires in ratione inversa. Notandum interim vix cavum in acetabulo vacuum, nam superficies convexa capitis ossis femoris concavæ acetabuli contigua mucosum tantum lubricante intermedio; ubi vero spatium formari cæpit, proportionaliter crescunt vires excernentes, ista autem causa interna rarissime, imo forte nunquam sola esse videtur. Si salva celeberr. virorum auctoritate judicare mihi integrum, dixerim eam, quam observatio administrat, primas tenere, semper enim acetabula eorum, aut unum aut utrumque, prout in uno aut altero latere sine causa violenta externa claudi fuerant mutata, contracta observantur, quod cariei, aut alii acrimoniæ; ut materiæ podagricæ retropulsæ, aut rheumaticæ erranti, huc depositæ, quo ligamentum capsulare, teres, margines acetabuli exeduntur, *malum seu dolorem ischiaticum* vocant, adscribendum. Frequentior subest recensita causa dolorem ischiaticum produciens, quam capitis ossis ex acetabulo excussio.

excussio, imprimis in iis, qui vitam sedentariam quietam agunt, studiis profundis inhærent; & quidem in provectiori ætate, in quibus sæpe contrarius affectus accidit; nempe concretio acetabuli cum capite ossis femoris, ut unum continuum os referant, sine ullo discretionis vestigio, conf. §. XL. perfectam talem anchylosin videre mihi contigit.

§. XLVIII.

Quamquam ista articulatio in provectæ ætatis hominibus tam firma sit, in junioribus, terminum incrementi nondum adeptis, adeo firma non est, quin a causis internis luxatio contingere possit; quo homo origini propinquior, eo minus resistunt ligamenta causis violentis; imo luxationem fortui in utero contingere asserit Hippocrates, ubi agit de luxatione femoris, dicit, incrementum ossis luxato impediri, *Potissimum autem leduntur, quibuscunque, dum in utero sunt, hic articulus elabitur; deinde quibus id accidit, dum in ætate sunt admodum tenera, minime quum jam robusti sunt.* confer. van Swieten comment. ad aphor. 364. pag. 608. de ratione marcoris. Si periosteum ossi nutrimentum præbet, cur, eo in luxatione illaeso, incrementum intercipiatur, ratio silet, a nervis & arteriis partem irrigantibus marcorem insequi observatis constat.

§. XLIX.

De curatione horum affectuum nil dicam, quum pro varietate tum causarum, tum effectuum quæ sint agenda, dictat morbi idea, ejus causæ, vires; effecta, tum conditio ægri &c.

§. L.

Morbos ligamentorum in reliquis artubus occurrentium discutendos, ordo quidem jubet, propositum exigit, verum destinatum tempus ex parte mihi præcisum, igitur ipsos silentio præterire cogor. Neque multum refert, eos persequi, quum ex modo dictis facile intelligantur. De prolapsu intestini recti & uteri quædam subjicere decrevi, quatenus vitio ligamentorum, quod semper subest, duo hi affectus contingunt & reliquis recensitis frequentiores sunt, & manum chirurgicam, commodissimaque instrumenta requirunt, maxime posterior.

§. LI.

Intestinum rectum sic dictum, ductu tamen incurvo procedens, in pelvi, pinguedine laxissime circumfusa, hæret, ut in molem crassitie vel quadruplo & ultra naturali majorem sine molestia extendi possit, *Disput. Medico-Pract. Tom. VI.* G g g ultra

ultra hunc terminum extensum perceptio molesta hominem ad removen-
dam causam extendentem cogit, siue sint fæces, siue flatus, (loquor
de statu secundum naturam, ubi nulla acrimonia urget) in ipso actu ex-
cretionis parum quidem parte inferiori descendit, non vero ejus pars
extra sphincterem elabatur, ligamenti retinetur, musculus rursus elevatur.

§. LII.

Ligamenta coërcentia suppeditat peritonæum, quibus ossi sacro, coc-
cygi, vesicæ & in foeminis utero adnectitur, sphincterem fulcit incurva
coccyx modo ejus nexus cum sacro firmus sit, molem recti fæcibus gra-
vari sustinet quodammodo curvatura ossis sacri, cui incumbit, adeoque,
ut supra dictum, recta non descendit; hæc ossis sacri & coccygis figura
in foeminis ad uterum in situ retinendum facit.

§. LIII.

Retinaculis nimium laxatis, quacunque causa id fiat, aut ultra vires
tensis in conatu alvum durum aut foetum exprimendo illud intestinum
inversum protruditur, raro sponte elabatur, nisi sphincter & levatores
paralytici fuerint, hoc casu nec fæces retineri possunt.

§. LIV.

Illam intestini protrusio quavis ætate utriusque sexus contingere potest.
Refert *Muraltus* exemplum intestini recti foeminæ post partum difficilem
ad ulnæ, *Saviardus* in puero ad pedis longitudinem elapsi, confer.
Heister. cap. 164. pag. 960. No. 6. certe portio coli simul elapsa, quum
rectum tam longum non sit.

§. LV.

Causæ laxitatem inducentes sunt debilitas universi corporis, spasmus
atoniam inducentes, aut mala conformatio partium, ut os sacrum rectius.
coccyx laxata, nimis facile cedens; altera fæx dura, nimia sphincteris re-
sistentia, majus conamen in excernendo requirens, ligamentorum solutio,
quod in gangræna contigisse vidi.

§. LVI.

Inter causas antecedentes, partus difficilis, diuturnum alvi profluvi-
um, dysenteria, nixus in laboribus duris obeundis, saltus, itinera, ali-
menta nimis pingua, fetus nimium applicati in dolore hæmorrhoidum &c.

§. LVII.

§. LVII.

Quo recentius hoc malum, nisi a paralyti aut sphacelo, eo citius cu-
ratur; in puerperis retineri solet, postquam ligamenta vi laxata & coc-
cyx, restituta, pristinum tonum adeptæ fuerint, modo repositum fasciis
interea temporis, aliisque roborantibus interne assumtis & externe appli-
catis retineatur, de quibus infra.

§. LVIII.

Quamquam in quibusdam intestinum extrusum, post egestionem sponte
introtrahatur, sibi relinquendum non est, metuendum enim, ne partes
coërcentes elongationi assuefactæ tandem officio suo plane deficient, quod
facile fieri posse, patet, frequenti injectione clysmatum, quæ perpetu-
am eorum necessitatem ponunt; illa spontanea restitutio tandem cessat,
& chirurgi opera requiritur. Præterea, licet aliquoties sponte retraha-
tur, temperies aëris favens non semper eadem, dum glaciale frigus, aut
gelu acrius sentientissimæ huic superficiei applicatus præsentissimam in-
flammationem & convulsionem inducit. Hinc, qui hoc incommodo affe-
cti sunt, a frigoris applicatione sibi caveant.

§. LVIII.

Methodus curandi ex dictis patet, intestinum protrusum aut elapsum
quantocius reponendum, nisi sit indicans ante repositionem aliud quid
agendum esse, ut si ob inflammationem, tumorem, dolorem reponi
commode nequeat. Si hæc adsunt, missione sanguinis ex brachio, fetus
blandus, anodynus applicandus, ut vapor lactis recentis, in quo flores
aut semina papaveris contusa, macerantur, aut lac anodynum ope lin-
tei mollissimi intestino applicetur. Symptomatibus mitigatis chirurgus di-
gitis oleo blando inunctis, ungibus præcis, blande contractando sensim
illud reponere adlaborat, ægro in situm primum collocato, posterioribus,
quantum fieri potest, elevatis, abdomen sit ab omni pressione liberum;
monendus æger, ne sub operatione profundius inspiret, neque glottide
constricta nixum (quod urgente dolore facere solent) edat. Operatio
fiat in loco temperato, calidiusculo, frigus omnino cavendum, si forte
sphincter vesicæ per consensum contractus urinæ excernendæ obstat, ut
in inflammatione, cathetere vesica deplenda.

§. LX.

Si nulla signa inflammationis observentur, & homo cæterum valens,
remedium a *Barbeto* propositum in usum vocari poterit, nempe ut nates

ægri palma manus quinquies aut pluries ruditer percutiantur, eo effici scribit, ut muscoli levatores officio admoniti, mox intestinum attollant. Antequam vero hoc simplicissimum remedium applicetur, elapsum prius oleo inungendum; si vero vitium in laxatis ligamentis hæret, hoc remedium non sufficit.

§. L X I.

Intestinum in situm naturalem redactum remediis roborantibus, fasciisque firmandum, donec sufficienter retineri appareat, vid. clar. Heister. c. 164. p. 961. No. 3. Æger abstineat ab alimentis pinguibus, interposito leni remedio purgante, quo congestio, exsiccatio, mora fecum impediatur, illud vero sit simul roborans, ut pulpa tamarind. addito Crem. tart. quod in hoc casu præstantissimum; ne autem continuato huius usu intestina assuescant & congerere incipiant, subinde aliud substituendum, ut rheum cum sale polychr. addito gumm. ammon. & ope bals. peruviani in formam pillularum redactum. Plura de hoc affectu sistunt Bonet. in sua polyæte, felix Platerus aliique practici celebriores.

§. L X I I.

Signa integræ restitutionis sunt, si post continuatum per aliquot hebdomadas recensitorum remedium usum, sine ullo auxilio adhibito intestinum reconditum maneat; nimis cito hoc experiendum non est, nam si semel rursus prolabatur, ad principium curationis redeundum.

§. L X I I I.

Hernias in utroque sexu considerare constitueram; morbus est in utroque sexu obtinens, frequentius in viris, quam in foeminis, omnes herniarum species accurate apud Heisterum descriptas, transeo, de recessu genitalium in foeminis nonnulla dicturus.

§. L X I V.

Quantum uterus possit dilatari, docet gestatio fœtus, quantum vagina elongari possit, ejus procidentia ostendit; hanc extra corpus elabi posse exemplis constitit, quod sine notabili ejus elongatione contingere nequit, manente utero intra pelvim. An uterus ipse sedem, salvis retinaculis, mutare possit, ut extra conspiciatur; nisi plurimis exemplis ab Heistero aliisque allegatis constaret, ex natura partium nemo affirmare auderet, nam mediante peritonæo, cavo pelvis adcreto uterum, vesicam, & intestinum rectum magnam partem involvente, undique firmiter adhæret, ut non nisi ingenti vi & non sine partium dilaceratione extra-

extrahi possit, quæ uteri ligamenta vocantur, potius sunt vasorum involucria, si enim uterum ligarent, ipse, incrementum fœtu, supra pelvim intra abdomen ad umbilicum usque ascendere non posset, distinctam horum ligamentorum ideam assequeris apud Weidebr. p. 230. §. 41. Sect. 17.

§. L X V.

Mira profecto debent contingere in prolapsu uteri; tubæ Fallopiæ, ovaria, suis itidem vinculis firmata sequi debent, & maxime dum utero inverso concavum ejus evadit convexum, quod in partu laborioso a rudiori obstetricis actione contingere potest, dum placentam violente extrahunt, aut ipsam orificii interni substantiam dilacerant, qualem casum in gravidæ defunctæ utero a Clar. D^{no}. Camper mihi ostenso, admiratus fui.

§. L X V I.

Quadruplex partium genitalium in muliere loco motarum potest contingere casus; aut vagina tantum prolabitur, diciturque *Prolapsus vaginæ*; aut uterus in vaginam descendit, *Descensum uteri* vocant, aut prominet extra corpus, tum vel orificium arctum adhuc sustinet uterum; aut eo dilatato uterus inversus, qui casus tristissimus in puerperis obtinens, prolabitur. Hi quatuor casus chirurgus curaturo accurate cognoscendi, quod subinde non ita facile. Prolapsus vaginæ quibusdam aliquando imposuit, accurate os uteri fingendo, ut quilibet ante cadaveris dissectionem crediderit verum uteri prolapsum adesse, vid. Heist. cap. 154. Crassissimus autem error, talem prolapsum pro hermaphrodito habere, qualem duobus adhuc annis in cadavere recens nati vidi, quem quoque inde pro hermaphrodito habebant, examine rite instituto, patebat vaginam & uterum elapsum. Talis apparentia medicis & chirurgis Tolosanis imposuit. Saviardus autem, quid rei esset ostendit, juvenem putatitium in puellam transformando vid. Heist. L. C.

§. L X V I I.

Quum substantia uteri & vaginæ admodum differant, soliditate, figura, diagnosi ex ipsis partibus desumenda, non fidendo specillo, sed partes molliter attrectando, vertendo, probe examinandæ, qualis conditio in iis obtineat, an inflammatio subsit nec ne; causæ prægressæ quid luminis conferunt v. g. si partus laboriosus præcessit, an fœminæ incurvato corpore in locis humidis diutius pavimenta detergendo occupatæ fuerint. Num vero uterus prolapsus inversus sit, nec ne, oculus ipse decernit, modo utraque superficies tam concava quam convexa cognita sit. Si inversus, orificium internum intra vaginam reconditum non conspicitur.

G g g 3

§. L V I I I.

§. LXVIII.

Causæ modo sunt descriptæ, nempe ligamentorum laxatio, laxitas vaginæ, nixus, manus violenta in puerperis &c.

§. LXIX.

Nullus tam uteri tam vaginæ prolapsus sine periculo; vario tempore, plus minus metuendum: magis aëre frigido & calido, quam temperato existente; uterque inflammat, frigidus constringendo, obstruendo, irritando, calidus exsiccando; inversio uteri in gravidis periculosissima. In genere eo periculosior, quo diuturnior, cæteris paribus, difficiliorque curatu, ob laxitatem retinaculorum magis magisque incrementem.

§. LXX.

Curatio manum promptam prudentis chirurgi requirit, & in commoda repositione & repositi firmatione consistit; cito quidem restituendus prolapsus; verum in ipso opere non festinandum, cunctanter & circumspecte agendum. Si tumor & inflammatio appareat, his prius prospiciendum, ut supra de intestini recti repositione, cætera pro re nata peragenda, quæ late descripta habentur apud Heister. l. c.

§. LXXI.

Ad uterum repositum, in situ retinendum, medicamentis tum internis, tum externis roborantibus & machinamentis opus est, item quies corporis, adductio crurum omnino requiruntur. Causæ tussis & sternutationis, si adsunt tollendæ. Victus convenit, qui in prolapsu intestini recti §. 61. descriptus, nixus omnis vitandus, quisque ille sit. Quoad machinamenta, varia excogitata, variae pessarium species descriptæ & delineatæ habentur, miseris fœminis plus, minus molestæ. Commodissimum nuper Parisiis inventum, quo nec corporis inflexio, nec urinæ excretio impeditur, quod nec mole, nec pondere, nec figura molestum, nec calore humoreve alluente intumescens, nec figuram mutans, quale Celeber. Camper in arte obstetricia dexterrimus, nuper Parisiis allatum mihi ostendit, applicationem, usumque exponendo. Est ex ebore affabre confectum, cujus unum extremum vaginam, uterumve sustinet, alterum extra vaginam fasciis firmatur, super juncturam flexile. Id forte in eo inculatur, quod applicatum marito accessum non concedat, adeoque amorem conceptus irritum reddat, quod non ita in vulgaribus pessariis; quibus applicatis modo uterus integer sit, conceptus contingere potest.

test, præstantium virorum testimonio apud Heister. l. c. Conceptu facto foetus sensim mole increfcens, commodissimum evadit pessarium, uteri in vaginam descensum impediens, interea temporis vaginæ restituentibus suffitibus roborantibus prospiciendum, & vagina ope machinæ eburnæ fulcienda. Neque minoris momenti est fascia, machina eburnea instructa ad intestinum rectum repositum in situ retinendum, qualem idem Clar. vir contemplandam curiosis oculis meis concessit. Utriusque fabricam ut inventor aut possessor brevi publici juris faciat, spero.

§. LXXII.

Inter omnes morborum causas, internas ligamentis infestas, nulla est magis formidolosa, remediis quibuscunque magis resistens, quam *materia podagrica*, non modo in extremo pede, verum omnium reliquorum artuum juncturis sub alio & alio nomine firmarum substantiam adurit. Monui quidem superius §. 50. me morbos ligamentorum in artubus occurrentium præteriturum, non possum tamen quin de iis a materia podagrica oriundis quædam ad calcem dissertationis subijciam. Nota est podagra imperiosa & inexorabilis ista dolorum domina, (ut Lucianus eam vocat) omni ævo quibusvis gentibus cognita, contra quam nemo plus molitus est, quam ipse Sydenham 20. annos podagra detentus, qui præ reliquis consulendus, cujus sincera confessio, quid diaeta, quid medicamenta, quid patientia valeat, quousque illa imperatrix auscultet, & quam tandem tragedias, irritis omnibus auxiliis, ludat.

§. LXXIII.

Dum podagra, repetita per plures annos periodo, nodosa evadit, apparentibus nodis ligamenta afficiuntur, quorum in pede plurima sunt, ut ossium tarsi, metatarsi, calcanei, astragali, digitorum &c, hæc a materia congesta, corrupta, calcarea, rodendi vi prædita sensim in similem materiam convertuntur, conversione hac facta, ossa metatarsi situm mutant, cartilagine incrustante itidem absumpta, in calcem conversa, friabilia evadunt. Tendine inserti solvuntur, confunduntur, ex parte absumuntur, motus determinati abolentur, ut verbo dicam, omnium confusio, malum insuperabile, tandem putrilagine caustica, venis resorpta, ad vitalia deleta cacochymiam infert lethalem, quod amorum lusor jam olim novit, dicendo, *tollere nodosam nescit medicina podagram*. Chirurgus medicinæ internæ non ignarus principiis, quantum in arte est, obstat, incrementum arcere studet, convenientem victus rationem imperando; fotu sicco externo perspirationem promovet, id quod solutum est, ad exteriora allicit. conf. Boerhaav. de podagra aph. 1245. & seqq. applicat liquorem balsamicum, penetrantissimum, facile resorbilem, nervis ami-

amicissimum, quo incrementum arcetur, ne ad ossium medullia perveniat, cavendus ad vitalia refluxus. Certe circumspexit medicus plurima in solamen ægri conferre potest, si ægrum habeat obsequiosum. Quidam pessimo consilio morbo & ægro adulantes in & externis opiatas dolores sopiunt, eorum perceptionem, nervis stuporem inducendo minuunt, causam vero iis augent, utut opiata perspirationem augeant, hic tamen noxia sunt, quia non movetur, quod movendum erat, materia illa congesta nondum mobilis reddita, nec resorberi, adeoque nec perspirare potest. Mirabile, quod systema nerveum quatenus sentiendi facultate pollet, opiatorum usu iners reddi, quatenus vero motus vitales exerit, magis ab iis stimulari, inde motus circulatorius augetur, corruptionem inchoatam auget, hinc podagricis caute & nisi urgente necessitate exhibenda additis aut interpositis temperantibus, corruptioni resistentibus, ut nitr. &c.

§. LXXIV.

Quæri posset, an nodos podagricorum, si salvis tendinibus & ligamentis fieri possit, incidere aut ferro inurere oporteat, ut materiae noxiæ via paretur, hac ratione enim pars causæ destructricis continuo auferatur, ejusque accumulatio, mora præcavetur; medicamentis detergentibus, balsamicis applicatis ad interiora accessus conceditur. At podagrico doloribus exercitato non facile persuadebis, ut pedem secandum aut inurendum præbeat. Caustico potenti quidem falli posset, sed quam primum calore & humore perspirabili in actum deductum, dolores insignes excitat; eos mora auget, podagricus eorum impatiens & applicatum causticum & medicum removebit. Hippocrates inustionem in luxatione femoris commendat, scribit ope inustionis claudicationem anteverti, circa podagram autem de eo fillet aph. 60. sect. 16. ita habet, *quibus a diuturno coxendicis morbo vexatis, coxa excidit, his crus tabescit, & claudicant, nisi ulti fuerint.* Quomodo autem ferrum urens ad cavum acetabuli salvis ligamentis & musculis pervenire possit, ut claudicatio avertatur, aut præsens curetur, non concipio. Hinc superius de iis nil dixi, pars affecta in pede longe minus profunda, adeoque longatior posset videri inustio, tenui cylindro, in uno aut pluribus locis peragenda.

T A N T U M.

J. ALB.

CCXII.

J. ALB. HENR. REIMARI

D E

TUMORE LIGAMENTORUM

CIRCA ARTICULOS,

FUNGO ARTICULORUM DICTO.

Leydæ 1757.

Disput. Medico-Pract. Tom. VI.

H h h

P R Æ F A T I O.

§. I.

Cum in Britannia versans elapso biennio, quæ ad amplam victu medicamentis manuve medendi artem pertinent circumspicerem; occurrit morbus hic, quem tum ob frequentiam insignem, tum ob inopinatum quod affert sæpius periculum, animadversione dignum omnino judicarem (a). Idque eo magis, cum de vitio hoc haud levi minus absolute plerosque quos inspicere auctores agere viderem. Quod etiam notat cel. Heisterus, qui distinctius meliusque quam alii scriptores chirurgici de illo egit (b). Binas tamen postea quæ in Germania hoc de malo prodierant dissertationes benevole mecum communicavit vir eruditiss. Paul. Jenisch M. D. Hamburg. alteram, inscriptam *de tumoribus artuum fungosis* cl. Jo. Hadriani Slevogtii, sub eoque a cl. Christ. Lud. Wucherer defensam, Jenæ 1715. 4. alteram *de Fungo articulorum* cl. Herm. Lud. Beckeri præside cl. Deithardingio, Rost. 1743. 4. Hisce igitur, quæ legendo libros (c), consulendo viros peritos, percunctando ægros, membra affecta diligenter inspiciendo atque amputatos articulos sectione scrutando, possem adjungere quæsi. In quo quidem, ne dicam de aliis, parum adhuc mihi ipse satisfeci. Sed cum omissa ulteriore peregrinatione, jam sit in Patriam revertendum, liceat mihi saltem primitiis his academicis invitare peritissimos in arte viros, ut pro experientia sua & ingenio meliora me docere velint, quæ tuta maxime & efficacia ad curationem reperta sint indicando, quæ contra noxia aut periculosa notando, quibusve conditionibus. Digna sane res quæ magna etiam nunc ingenia virosque cordatos exerceat, quemadmodum recuperari salus, ferrum evitandum possit, cum ferro solerter uti a multis jam viris egregie peritis doceamur. Nonne cum voluptate nobis insigni ante oculos versari debet æger iste pedibus suis insistens, ambulans, cui ante octiduum præcidere genu fuerat decretum? quique ultra spem paucis hebdomadibus balneo aromatico

H h h 2

tico

(a) Londini in Nosocomio Georgiano, quod ægros alebat CCLXX, nulla fere per superiorem hiemem effluebat hebdomas, quin unus aut alter se offerret articulorum hujusmodi affectione laborans. Edinburgi, multe pluribus hanc unam ob causam quam ob ceteras omnes simul sumtas amputari membra, observabat cel. Monro.

(b) Chirurg. P. I. L. IV. c. 19. ubi & cl. Ulboornii animadversiones edit. Belgicæ adjectæ conferri merentur.

(c) Veteres interdum citavi, non quod nihil illorum doctrina melius inventum existimem, sed quoniam certiora videntur quæ cum experimentis antiquissimis consentiunt. Sed præter Hippocratem ac Celsum vix alios adhuc inspicere licuit.

tico calido plane sanatus fuit (d). Equidem, si de periculo modo quod levi sæpe de causa supervenire possit quosdam suspicantes minus monuerim, haud inutilem me suscepisse laborem arbitrabor, cum non peritiae medendi famam quærere debeat, sed specimen saltem studiorum edere. Elaboratius dare cuperem: plura mihi proposueram inquirenda: multos annotaveram auctores etiamnunc inspiciendos, nullum afferendum censens locum nisi quem ipse evolvissem, unde si quando liber haud ad manus esset nomen tantum scriptoris absque indicato loco posui. Sed maturandum jam est opusculum affectum, quod quidem, si facultatem aliquando Deus concesserit, emendare, supplere atque politius edere, doctorum adjutus consiliis, conabor.

N O M I N A.

§. II.

Nomen morbi de quo agimus, *Fungus articuli*, vel fungosus tumor, a Germanico *Glied-Schwamm* (e), ex ista tantum ejus indole, quod fungi quasi aut agarici elasticitatem tactu referat, desumptum videtur. Notanda vero hic verborum ambiguitas: cum alius generis tumores sint qui aliam ob similitudinem fungi dicuntur, quales nempe in partibus exulceratis aut erosis, perversa novæ carnis progerminatione, a laxitate potissimum vasculorum oriuntur neque huc pertinent. Sed cum labi hic possent haud attendentes (f), excrecentiam esse putantes, præstaret forsitan *spongiosam* saltem vel *elasticum* tumorem vocare, cum neque una ex radice tanquam fungi surgat, sed potius *instar* corticis *suberis* undiqueque fere commissuram cingat turgentibus elasticis ligamentorum fibris. Verum, dari quoque qui duri sint digitis non cedentes, infra videbimus.

§. III.

Sed quis primum hancce verborum confusionem invexerit, cum omnes quos cuperem nec dum evolvere potue im auctores, non licet definire. Atque in voce Germanica quoque idem deprehendi. Nam *Wurzius* (g) nomine *Glied-Schwamm* non id de quo hic agimus malum, sed

(d) V. Mr. Malat Obs. sur une Espece d'Ankylose. Mem. de l'Ac. des Sc. A. 1728.

(e) Doleus Encycl. L. V. c. 13. Ettmuller Coll. pract. L. VI. c. 3. m. 11. p. m. 1244. Slevoigt. l. c. §. 12.

(f) Sic Juncker Consp. Chir. T. XXXI ubi de fungis articulorum se acturum promittit, aliena habet, dum de fungis in partibus ulceratis propullulantibus, erodendis, resecandis, deligandis, loquitur. Doleus etiam l. c. Ettmullerius, aliique varia afferunt quæ huc non quadrant.

(g) Chir. P. I. c. 6.

sed carnem fungosam intelligit eligamentosis partibus excrecentem. Interim haud negaverim, subesse aliquam affinitatem inter excrecentias istas, ad quas tenaces partes ubi erosio aliqua adest pronas videmus, atque hanc ligamentorum integra cute & absque erosionem turgescientiam.

§. IV.

Aliud Germanicum nomen (h) *Katzen-Kopf* forte a rotunda tumidi genu figura quam *cati capiti* similem esse sinxerunt trahi potuit.

§. V.

Angli hodie κατ ἐξερχῶν tumorem album (*the white Swelling*) vocant (i). Atque id quidem a quibusdam latius sumitur, ut & hydropem articuli comprehendant, sed rei forsitan haud minus quam nominis confusione, cum & alii circa articulos morbi haud satis plerumque distinguantur, de quibus infra. Solebat sane cel. Monrous in suis institutionibus fecernere hydropem a tumore albo, neque alii defunt quibus proprie is morbus de quo hic acturi sumus significari eo nomine videtur.

§. VI.

Vitia hujusmodi intelligenda esse probabile puto, quæ κέδματα vocavit Hippocrates, diuturnos in articulos defluxiones, ex ipso tantum ut videtur laudato auctore, exponit Galenus. Nam Hipp. de locis in hom. c. XIX Fœl. p. 412. ubi suam de fluxionibus, quasi ex capite derivatis, doctrinam proposuerat, „ubi, ait, multo humore morbofo carnes „irrigantur, hydropem (sub cutem) replentur. Sin parum defluerit, ischias efficitur, & Κέδματα, ubi fluxio cessaverit. Nempe, tanquam relictum aliquod a morbo malum describit, ac in seqq. sedem horum in articulis tumorum sub cute ponere videtur (k), ac, licet affines ischiadi faciat, tamen & ab hoc distinguit, & a podagra quoque & arthritide (l), longumque dicit, sed haud mortiferum morbum, nisi quid super-

H h h 3

ve-

(b) Sec. Langham.

(i) Nomen hoc vulgare vocat Turner Art of Surgery T. I. p. 156. Attamen Wisemannus illud significatione communi de quibusvis tumoribus absque inflammatione apparente ponit, veluti L. IV. c. 4. p. 435. ed. in 8. a white Swelling between the Eye-brows. Ac vitio de quo agimus modo idem, ut p. 482. 484. modo alia nomina tribuit.

(k) Εν τῇ σάρκι & ἐν τῷ δέματι ὅπου πρὸς τὸν σκελετὸν γίνονται.

(l) De Morb. L. I. c. III. §. 11. 18. Fœl. p. 447.

venerit. Alibi (m), de Scythiis agens, habitus laxi, in frigidis humidisque regionibus habitantibus, unde iis articulos humidiores ac infirmos esse dixerat; ab equitatione ait illis oriri *Kedmata*. Conf. quæ nos de causis dicemus. Ceterum hoc loco, cum de impotentia virorum agat, quam putat a curatione *κεδματων* per sectas post aurem venas (vel arterias temporales) induci: factum videtur, ut quidam, quod ait Hesiychius, opinati sint, *Kedmata* esse genitalium vitia, quod ex Hippocr. tamen minime colligendum.

§. VII.

Minus autem definitis variis vocabulis varii auctores utuntur. Sic *ganglii* vocem huc extendit Platerus. Alii communi voce *Ankylosis* utuntur (n). Verum hæc quemadmodum differant infra ostendemus. *Tendinum tumores* (*Pees-Geswellen*) vocat J. v. Wyck (o) cum tamen non in tendinibus sed ligamentis hæreant. Wisemannus (p) *Sarcoma* dicit hujusmodi tumorem fungosum ad malleolum internum hærentem: & (q) *Hyper sarcosin* inesse hujusmodi vitii ait. *Tumorem pituitosum* (a *pituitous Swelling*) vocat idem (r). *Tumorem flatulentum* (*Wind-of-Lugt-Geswel*) appellat D. J. Zenguardinus (s): de qua opinione infra dicemus (§. 38.).

§. VIII.

Sed cui jam cognitus est morbus, is in descriptionibus historiam singularum, licet variis nominibus designetur (t), animadvertere potest quæ profint. Contra ex iis quæ sub *fungi* nomine congesserunt varii auctores, quos diversa hic vitia confudisse apparet, parum sperare fructus licet.

D E S C R I P T I O.

§. IX.

Est illud tractatum nobis vitium: *tumor diuturnus, diffusus, in quo ipsa circa articulos ligamenta (u) turgent, ac tela quoque proxima ambiens*

(m) Lib. de air. loc. & aq. c. XLVI. §. 11. Fes. p. 292. & c. L. Fes. p. 293.

(n) Cl. Freke Art. of heal c. XVIII. sect. 1. 12.

(o) Spier-Baudt-en Pees-Geswo. p. 81. & Vyslig Aanmerk. n. 50.

(p) L. IV. c. 4. p. 448. obs. 8. strumar. caustico exstirp.

(q) Ibid. p. 421.

(r) Ibid. p. 475. obs. 2. & p. 481. obs. 10.

(s) Aanmerk. n. 47.

(t) Conf. init. Diff. Slevogtii.

(u) Ligamenta a membranis cartilaginibusque, certius quam crassitie, distinguenda puto fibris manifestis, tenacibus, albis, quales nec in tendinibus adeo cernuntur, per

biens infarcta distenditur, sic ut simul in densam fungosam quasi substantiam mutantur.

§. X.

Hinc exterius apparet circa articuli ambitum tumor fixus (v), plerumque autem inæqualiter turgens, absque cutis rubore, quin cum pallore interdum notabili (x), absque calore & micatione, nec fluctuantem intus materiam tactu prodens, intentus, elasticus, sic ut plerumque quidem cedat digitis, sed foveas impressas haud fervet: neque tamen ea cum equali cutis intentione ac ubi propius sub hac turget materia (y). Figura hinc tumidi genu est ut in cl. J. G. Widmanni Diff. (z) Fig. 22. & si simul incurvatum fuerit ut. Fig. 21. seu Scultet. Armam. Chir. T. XXVI. (1V.) Fig. 1.

§. XI.

Observari quoque his juncta solent sequentia. *Debilitas* infertur articulo, ut gressus usufve ejus firmus non sit. Interim, licet fibræ in ligamentorum textura debilitentur, tota tamen eorum compages distenta commensuram minus mollem efficit, *rigorque* articuli adesse solet non laxitas. *Motus* quoque ut plurimum brevi impeditur, in primis extensio (a), ita

per longitudinem sibi adjacentibus. Sed a ligamentis quæ circa articulos reperiuntur, capsula nempe ipsam commissuram comprehendere, atque fascia seu aponeurosi superjecta, fibræ aberrant plurimæ similis tenacis naturæ, telæ cellulose se immiscuentes: unde fieri debet, ut minus illa his in locis, nec fere sine gravioribus symptomatibus distendi queat. De Fasciis tendineis sub communibus integumentis artus ambientibus vid. Ill. B. S. Albini Hist. musc. L. III. c. 229. de illa circa genu præcipue c. 183. p. 518. Possumus hujus fibras omnino supra patellam persequi a periosteum tendineo illi inhaerente per interjectam telam distinctas. *Adeps* fasciis subiectus subtiliori tela cellulosa penitus intertextus est, ut fere ad corporum illorum adiposorum quæ in commissuris mucosæ glandulæ dicuntur indolem accedat, ac sane glandulosi quid hic quoque circa musculos adesse uti statuit Clopt. Havers de Ossib. si morbos quosdam consideres probabile videtur.

(v) Ita ut sub integumentis tanquam *cystici tumores* huc illuc moveri haud queat, nec fere pressione ab altera parte ita deprimi ut altera attollatur; ac nescio quomodo a Slevogtio §. 20. 22. 28. affirmetur, esse sub cute massam mobilem. Nam neque ipse integer tumor, quippe omnem, fatente etiam cl. Slevogt §. 28. amplectens commissuram, nec colliculi in eo eminentes sub cute huc illucve trudi possunt. Vix etiam integumenta super tumorem queunt moveri, adeo huic arte coherere solent.

(x) Ab impedito ut videtur in vasa cutanea ac cellulose telæ sanguinis influxu. Hinc a *Phlegmone* aliisque quibusdam tumoribus distinguitur. Potest tamen interdum accidere, ut integumentorum superveniat inflammatio, intus hærente fungoso tumore.

(y) Vid. Beckeri Diff. cit. §. 3. (a).

(z) De genuum structura & morbis, Præside cel. Heistero Helmstad. 1744. 4. editam & ab Ill. Hallero Diss. Chir. T. IV. n. 119. recusam.

(a) Conf. Celf. V. c. 26. §. 28.

ita ut recurvata teneatur junctura, ac si extendere coneris magnus inde dolor ægro exsiliat. Si fungus genu occupet (de quo potissimum loquimur) insilire plerumque pedi nequeunt ægri, vix etiam calce humum tangere ob recurvatum articulum. Tum quoque, quod notabile, quod esse deberet *cavum in poplite plenum* intentumque turget.

§. XII.

Dolor sæpe gravissimus pungit, vel hac vel illa circa commissuram parte, interdum & in poplite, alias quasi in interiore articulo hærens, licet nullam adfuisse corrosionem appareat succedente sanatione. Sed præcipue ubi ligamenta vel pendente membro vel alia ratione tenduntur dolor existit. Soletque is exacerbari noctu, frigore, variante tristique coelo, aliis item causis corporis habitum perturbantibus, atque in primis ubi movetur articulus. Sic sanè sæpius affectos in Britannia vidi ægros. Sic quoque Fel. Wurtzium caput illud (b) quo de hoc morbo agit, inscribere videmus „de genubus duris dolentibus“: ac miror, alios auctores (c) nullum plerumque vel exiguum saltem dolorem inferre fungos, asserere. Vidi tamen hujusmodi tumores interdum dolore fere vacuos, etiam qui a vexatione externa originem traxerant, similiaque legi descripta exempla (d). Quodsi cum dolore subito oriantur, febris etiam inflammatoria initio morbum comitari solet.

§. XIII.

Durities mollitiesve tumoris valde differunt, pro sede scilicet morbi nec non humorum indole quibus turgent ligamenta. Vetusti etiam fungi duriores evadere solent. Sed recentes quoque observantur interdum digito prementi minime cedentes, quos tamen haud in ossibus sed forsitan in capsula articuli & ligamentosis proximis partibus fuisse ex curatione colligendum (e). Sed fungosi tumoris nomen hic improprium est.

§. XIV.

Vene non modo infra sed & paullo supra tumidum articulum velut varicosa intumescunt, propter membranas ut videtur distentione debilitatas, id quod & in aliis tumoribus fieri assolet.

§. XV.

(b) Chir. P. II. c. 18.

(c) Ut cel. Heister. Chir. P. I. L. IV. c. 19. §. 1. cl. Slevogt. Diff. cit. §. 14. 20. cl. Becker Diff. cit. §. 1. 3. 14.

(d) Viro 56. annos nato, plenioris habitus, sanguineo-phlegmaticæ naturæ, & contusione genu dolorem atque inflammationem haud supervenisse, licet hora elapsa jam tumor insignis adesset, isque pertinax dein persisteret, narrat cl. Fr. Guil. Gunther Obs. de contus. genu Guelpherbyti 1755. 4.

(e) Velut A. N. C. D. II. A. 8. Obs. 155.

§. XV.

Glandule etiam articularum intumescere solent & circumfusus adeps, qualis potissimum utrinque ad latera ligamenti patellæ sub fascia hæret, copia majori congeri, de quibus separatim infra §. 50.

§. XVI.

Glandule lymphaticæ conglobatæ in inguine axillave ejus lateris ubi pedis manusve aliquis articulus laborat, tumidæ sæpe evadunt (f). Quod cum a resorpta e tumore materia ad istas delata glandulas fieri existimarem (g); a sola nervorum affectione oriri posse, ac a tendinum quoque punctura ante generationem ichoris observatum esse, monuit me cel. Camper Prof. Amstelod. Vidi autem hujusmodi glandularum inguinalium tumores, eliso genu vitio, aut amputato articulo, sponte abeuntes.

§. XVII.

Denique interdum abscessus quoque suppurantes quales Melicerides vocari ait Hippocrates (h), hic illic circa articulum exsistunt. Aliquo etiam nonnunquam intervallo affectis partibus ligamentosis, velut sub fascia musculos tegente, oriuntur, unde & cuniculosi sunt, serpente subitus ichore (i). Hi antequam aperti sint, si turgeant, distentione harum partium dolores sæpe vehementes, febrim, aliaque mala excitant. Ubi erumpunt aut a chirurgo aperiuntur, pus neutiquam læve & æquale exit, sed humor tenuis subglutinosus, simul cum indigesta quadam alba aut subflava materia, quæ nunc forma massarum lactis coagularum, aut sæcum cerevisiæ, in tenuiore sanie fertur, nunc & copiosa crassa ulceri inhæret, adeo ut exprimenda sit aut cochleari eximenda. Nonne hæc igitur est quam

(f) In A. N. C. D. I. A. 9. Obs. 63. p. 162. narratur, viro cui in pollice pedis dextri fungus ex osse resoluto exsisteret dolorificus, (forsitan morbus qualis in Com. Ac. Succ. A. 1754. de quo infra §. 59. (æ)) inguinis dextri glandulas duras tumidasque, & simile in alio ægro observatum phenomenon fuisse. Conf. & Wiseman L. IV. c. 4. p. 488.

(g) Vasa enim lymphatica absorbentia esse, neque arteriis ut creditum fuerat continuari, pluribus argumentis verisimillime probatum vidi ab amico ingenioso cl. Al. Monro jun. in tractatu necdum edito quem Edinburgi legere mihi licuit. Idem quoque videri cel. G. Huntero M. D. Londini ex ejus institutionibus anatomicis intellexi.

(h) Prædiç. II. c. 47. Fæf. p. 111. de quo loco infra §. 87.

(i) Sic a pedis distorsione male tractata præter alios & in medio tibiæ hujusmodi abscessum natum refert Fabric. Hild. de Ichore c. 29. Neque tamen probabile est quod ille putat, cuniculosos esse quod in ipsis vasis sanguineis existant.

Disput. Medico-Pract. Tom. VI.

I i i

quam vocat *meliceram* Celsus (k)? & quæ describitur ibi „ saniei quædam species, (quæ est ichore) crassior, glutinosior, & subalbida, mellique albo sublimilis. Fertur hæc quoque ex malis ulceribus, ubi nervi (quo hoc loco designantur ligamenta) circa articulos læti sunt, & inter hæc loca maxime ex genibus (l). Hic sane magna copia deprehenditur hæc materia. Ceteroquin & ex aliis ulceribus fertur quæ circa partes ligamentosas existunt, tam circa articulos quam sub aponeurosis e. g. fascia lata femoris, aponeurosi lumborum &c. Quin, licet copia minore, ubicunque tunica crassior aut coacta tela cellulosa circa saniei aliquam collectionem in locis ad suppurationem tardis formata est, velut in suppurationibus glandularum aliisque (ll). Quippe partes tenaces, sive natura, seu morbo existentes, deficiente præsertim humorum in vasculis impetu, propter cohesionem fibrarum suarum haud solvi facile possunt, instar laxiorum, in pus læve & æquale, sed particulae emortuæ separantur majores minoresve, & cum sanies circumfusa, dum ulcus clausum est raro ad putredinem vergat, albidæ manent & absque foetore. Fit tamen interdum ut putredo accedat, præsertim divulso jam ulcere aëri patente, ac ubi magnæ emoriuntur laciniae nec cito separatæ eji-

(k) L. V. c. 26. §. 20.

(l) *Meliceram* quidem, seu *meliceriam* Celso illam significare saniem vult doctiss. Fabric. Hild. Tr. de Ichore & *Meliceria* Celsi, quæ copiosa tenuis e vulneris præsertim articulis fluere solet, quam *Synoviam* Paracelsus, Germani chirurgi *Glied-Wasser* vocant. Quo de malo ceteroquin utilia docet: de hujus vero in corpore origine antiquatam exponit doctrinam, quin confundit hic *hydropem articulorum*, cum *hydrops* tamen non effluens sed collectus humor intelligatur. Hunc dein secuti auctores plures, plura etiam confundentes, ut cl. *Trion Heelkund. Waarnem.* p. 171 seqq. ulcera quoque ossium cariola, fungum articulorum &c. hic admiscens. Jam præcedens quidem ap. Celsum *ichoris* descriptio de *Synovia* isthac interpretari posset: quamvis ne de hoc quidem quæ ait omnia huc quadrare videntur. Sed *Meliceram* loco allato aliter describit, crassiorem, &c. Subjungit quoque paullo post, „ *Melicera* autem mala est multa & *percrassa*: melior quæ & tenuior & minus copiosa est. ” At *Synoviam* initio istar aquæ limpidissimæ esse, ac bono demum omine crassiorem fieri, ipse ait Fabric. l. c. cap. 1. sub fin. Et *meliceram* quoque innuere videtur Cels. V. c. 26. §. 28. „ Si sub articulo pus nascitur, *alvumque* & *crassum* diu fertur, nervum præcisum esse, credibile est. ” Neque adeo ex vulnere reddi ait *meliceram*, sed ex ulcere, (sive per se, seu ex vulnere nato) & ubi *Melicerides* habet *Hippoc.* Prædict. II. ibi Celsus *graves aliquas exulcerationes* ponit L. II. c. 7. p. m. 59. Temere igitur Fabric. ib. sub fin. c. 1. ait *Meliceridem* cum *Meliceria* nullam habere affinitatem. Nam, licet *Meliceris* ceteroquin abscessus velamento inclusi species censeatur, dari tamen & hujusmodi, ex quibus similia in sanie coagulata ferantur supra scripsimus. Atque hic etiam ad articulos tunicae species formatur a fascia cingente, unde pro tumore velamento incluso habuit, *Lupiamque* (une *Louppe*) vocat Bailleron ap. le Dran T. II. obs. 100. & crudeli sectione istam tunicam excidere & exscalpere conatus est, nec tamen penitus id se efficere potuisse fatetur.

(ll) Describere quidem hujusmodi in abscessibus materiam, vel appellationibus varios auctores, sed minus cognitam habere videmus.

efficiuntur; tunc illæ sunt atræ, foetoremque ejusmodi ulcera haud alium spirant ac ubi ossa putrefacta subessent licet ulcus ossa non tangat. Quippe ratio eadem inhaerentium illic squamarum hic tenacium laciniarum quæ corruptæ sunt.

§. XVIII.

Præterea, ubi ulcus vulnusve ad partes ligamentosas pertinet, excrescere sæpe solet caro spongiosa luxurians, qui *fungus* alterius nominis vitio de quo agimus superveniens ab eo distinguendus (m), multum sæpe in curatione hujusmodi ulcerum negotii faceffit. De hoc ex articulorum, uti aliorum partium tenacium ulceribus subito interdum excrescente, modo ex albedine rubescente modo livescente fungo, agit Fabr. Hild. (n).

§. XIX.

Neque defunt exempla, ubi, licet integumentis integris, materia tamen in hoc tumore circa articulum congesta acris adeo existit, ut partes firmæ resolvantur, sicuti apparebit in dissectione jam describenda.

DISSECTIO.

§. XX.

Incidendo articulos propter vitium hujusmodi amputatos hæc fere inveniri. Quicquid adest ligamentosæ indolis, & fascia ambiens, nec non ipsa articuli capsula, & cellulosa tela ligamentis circa articulum adjacens horumque fibris interspersa (o), infarcto & quasi spongia absorpto humore turgidum erat atque fungosam naturam referebat. Indeque tumorem externum elasticum & inæqualiter tumentem oriri apparebat, prout hoc illove loco magis turgent partes nominatæ, cum non unico cavo, nec patentibus cellulis ut diffundi posset contentus humor reperiretur, sed minima tantum fibrarum compactarum interstitia referta essent. Inde nec cutis adeo intenta ac ubi a materia propius subjecta inflatur, cum tumor interius in tenacibus partibus hæreat quibus adstricta cutis est. Nam tela quoque cellulosa non ut in hydropse anasarca humorem continebat diffusum, sed ipsius fibræ, seu lamellæ densiores arctioresque factæ erant, sic ut ea a turgentibus ligamentosis partibus sæpe vix posset distingui, atque inde a cute continua fere ligamentosa substantia comprehendi articulus vide-

l i i 2

re-

(m) Vid. §. 2.

(n) De Ichore c. 23. & alibi.

(o) §. 9. not.

retur, quibusdam partibus ad cartilagineam pæne naturam accedente similive ligamenti illis quibus vertebrae inter se conferuntur: adeo omnia spissa erant reddita. Hinc *hyperfarcosin* subesse in hoc vicio haud ineptæ ait Wiseman [p].

§. XXI.

Humor ex his exprimi potest glutinosus (q). Neque tamen aliqua copia effusus sic mihi humor apparuit in dissectis articulis: verum ubi redundaret aliquid, id erat tenue instar feri, odore vacuum. Interdum vix premendo aliquid glutinosi potest elici, sed variam in variis ægris esse crassitiem credibile est. Neque semper acrem ac rodentem esse constat cum sæpe per aliquot annos nulla in fungo corrosio oriatur, interdum & vix dolor ullus. Quibusdam vero exemplis, in iisque ipsis ubi copiosus tenuis aderat humor, naturam ille adeo acrem ostendebat, ut & *fibra ligamentorum* & *musculorum* variis locis emollita quin omnino in *gelatinam* resoluta, *vasa* quoque sanguinea corrosa essent. Interdum & ossa tangit, texturam solvit, exostoses ciet. Loquor autem hic de morbo extra ossa atque capsam oriente haud in ipsis nascente, de quo infra. * Insignia hæc in femina juveni cui genu valde tumidum amputabatur in Edin-burgenſi nosoc. Vitium quidem ab octo demum mensibus accesserat: [primum autem dolor nulla insigni causa cognita, dein, eo ingravescente, tumor ortus fuerat.] Attamen jam præter ejusmodi totius fere *ventris musculi gastrocnemii in gelatinam resolutionem*, ossa erant affecta extra commissuræ capsam, ita ut *festuæ* varix tenues inde enatae essent, velut a patellæ margine deorsum in capsæ texturam extensæ & præsertim ad oram musculorum posteriorem femoris versus poplitem eminentes, tenui radice ossi insidentes, quin particulae ossæ in perioſteo mobiles separatim natae videbantur, & *ossiculum liberum*, nucem fere avellanam æquans, in cellulosa poplitem implente tela reperiebatur. Potissimum vero ad partem femoris anteriorem anteriorem supra condylum, ubi multum ossis superficies ab humore adrosa erat, *nodus* excreverat insignis nucis fere juglandis magnitudine, versus exteriora in cartilagineam dein mucosam naturam desinens, cujus quidem situs superior ostendebat haud potuisse oriri ab humore acri in capsâ generato effluente, nec fere corruptæ erant partes interiores in commissura, nec lunatae cartilaginee, nec quæ vestiunt extrema ossium corrosæ erant, nisi quod locis quibusdam modo coeperat *textura cartilaginea solvi* paullulum in substantiam mollem submucosam. Nihil hic puris generatum erat. *Humor* autem, inodorus, tenuis in cellu-

(p) L. IV. c. 4. p. 421. Conf. & descript. tumor. fung. hic illic jam suppurationem moventis a cel. Monro allatam *Med. Eff.* IV. n. 18.

(q) Gelatinosum quoque crassum, viscidum, in tumore fungoso humorem describunt V. V. cel. Monro l. c. & Hæſterius l. c. §. 2.

losam telam per totum pedem redundaverat. Quicquid gelatinæ speciem habebat, videbatur tantum e resolutis partibus firmis ortum esse. — In aliis interdum hic illic suppuratio aut saniei quid generatur [r], vel sparsim parva copia, vel *abscessus* efficiens majores in ligamenti circa capsam.

§. XXII.

Inspissationis fibrarum jam meminimus, neque eam solum in tela adiposa quæ sub cute est reperi, sed & inter musculos aliasque partes interius, præsertim vero inter fasciam aponeuroticam & articuli capsam. Sic quod circa patellæ ligamentum cellulosa adest confusum quasi in unam eandemque massam, pollicis crassitie a cute ad os pertinentem, adipis tantum flavi compacti particulis nonnullis distinctam, vidi. Sed insignis etiam quibusdam exemplis erat mutatio illius massæ cellulosa quæ fasciæ subjecta poplitis cavum implet, quamque turgere diximus [§. XI.] Nempe tota in pulvem quasi seu uniformem massam mollem, nullis distinctam cellulis ac cerebri fere naturam referentem versa erat, veluti & in genu cujus dissectionem modo descripsimus. *Perioſtea* quoque ossium quæ ad articulum sic laborantem conferuntur crassiora reperi & albidiora, nempe minus transparentia [s]. *Nervorum* adeo magni trunci densiores firmioresque videbantur, a tela ut puto fibras illorum connectente spissiore reddita.

§. XXIII.

Adeps plerumque immutatus erat, coloris citrini obscurius flavi quam solet ac firmior factus, quasi coactus ab humore circum fuso & fibrarum inspissatione. Idque vitium cum densa cellulosa tela nonnunquam ultra articulum per aliquam membri partem excurrerat. De augmento adipis juncturæ adjacentis, itemque de glandularum in articulis tumore jam diximus [§. XV.]

§. XXIV.

Ceteroquin intus in commissura sæpe nihil fere vitiatum est: aut si quæ illic etiam pravi humoris vestigia extant, attamen raro collectio insignis. Ut appareat haud intus fuisse sedem tumoris sub oculum extrinsecus cadentis [t]: neque exterius etiam collectam insigni cavitate materiam, sed minimis firmarum partium interstitiis tanquam quæ spongia imbibitur receptam hæere.

(r) Monro l. c.

(s) Quale vitium in cornea sæpe oculorum tunica insidet.

(t) Neque tamen diffiteor accidere posse, ut hydrops commissuræ aliufve morbus interior junctus sit externo tumori; sed per se differre constat.

Vix tamen illud sibi eripi velle videntur plerique de articulorum fungo agentes: esse collectum in capsula commissuræ eamque distendentem humorem. Hinc accusatur unguinis articulorum [synoviæ] copia & acrimonia [u]. Etiam cl. Becker [v] expresse „materiam in fungoso tumore accumulatam in juncturarum cavis collectam hæere”, ait, & fusius quoque [x], disserit, humorem fungo contentum esse per glandulas articulorum secretum. Sed congruunt cum nostris variorum quos de dissectione accuratius examinando hoc tumore consului observationes [y], & quæ describit a se notata in cadavere cel. Brendel Prof. Gættingenf. Præceptoris nomine mihi colendus [z], „istos ad articulos tumores colloquamentum quoddam fuisse in cellulosa non saltem subcutaneam, sed etiam juxta tendines & aponeuroses, quin proxima ligamenta effusum, alibi liquidius, albuminis ovorum simile, alibi spissius & quasi steatomodes, fereque levissime flavum”: unde suspicatur hos esse abscessus qui pro biliosis habeantur Coac. III. §. 291. Fœf. p. 492. [a] Expertus etiam Wisemannus [b] observat „tumores articulorum esse duplicis generis — alterum oriri exterius in tendinibus [aponeuroses ligamenta]que intelligere videtur] atque inter illos atque cutim, vel inter illos atque os, — ac afficere primum ligamenta atque tendines”: & quæ sequuntur. Illi etiam Heisterus noster [c] in fungo proprie dicto, qui ad oedematum similitudinem proxime accedat, humores noxios extra articulum hæere, & distinguendum ab hoc vitio hydropem articulorum, ait. Attamen, cum utriusque dein vitii misceat curationem, sunt quæ in errorem inducere lectores possint (d). Sed differentiam horum morborum notat & cl. Uthoorn in animadv. ad edit. Belg. Heisteri [e].

R. A.

(u) V. cl. Freke *Art of Heal.* c. xviii. Sect. 1.

(v) *Diff.* cit. §. 5.

(x) §. 6. ac seqq.

(y) Veluti cl. Guil. Butteri quæ de genu in Edinburgensi nosocomio, cui ipse a commentariis est, postquam inde profectus fuisset a se inspecto mecum amiceper litteras communicavit.

(z) *Diff. de Abscessibus per materiam & ad nervos.* Goetting. 1755. 4. §. 3. p. 9.

(a) Crederim tamen, verba ista ἡ κοιλία, & ἡ ἀμαρτία potius ad Dysenteriam quam ad ἀπόσπασιν referenda. Conf. de Affection. c. 24.

(b) *Chir.* L. IV. c. 4. p. 421.

(c) l. c. §. 1.

(d) Sicuti cl. Becker l. c. §. 5. de fungo intelligit humorem punctura facta exsiliens, uti post Wurtzium & Purmannum describit Heist §. 5. Quæ tamen de hydrope vel collectione silem aliqua humoris a fungoso tumore diversa intelligenda sunt, ut in curatione videbimus.

(e) §. 1. c. §. 1.

Cum vero in ligamentorum textura sedem posuerimus hujus morbi, utrum in illis sensus acutior sit ac doloris adeo sæpius hic observati ratio reddi queat, disquirendum videtur. Fateor, me olim Gættingæ præceptoris illustris Halleri doctrina & experimentis captum, sensu has partes ubique carere credidisse. Ac sapienter sane Vir Cel. haud assumendas tantum tralaticias censeret sententias, verum judicio examinandas & experientia. Memorabile &, quod peritus jam Fabric. ab Aquap. [f] & Riverius [g] ligamenta sensus esse expertia dicant. Monebat autem cel. Monrous, aliam esse conditionem læsorum quam sit sanorum, ipsaque adeo ossa affecta, inflammata, emollita, recens ex ulceribus crescentia, sensum prodere acutissimum: idque curiosius ad varia ægrorum exempla attendens, haud potui quin observarem, adeoque statuerem, haud ita tutam esse a brutis animalibus ad homines conclusionem, morusque consequi in his mala varia trahentes a quibus illa sint immunia [h].

Neque nostrum hic est excutere quæ objecerunt cel. Whyt Prof. Edinb. [i] cel. Bianchi [k] aliæ. Ex iis tantum afferam aliqua quæ mihi se obtulerunt. * Londini anno elapso in Georgiano Nosoc. viro sani habitus xxiii. annos nato ad eximendum e commissura genu ossiculum in illa versans [de quo infra §. LIV. seqq.] parvam incisionem d. 23. Januar. meridie faciebat Chirurgus, ad partem anteriorem superiorem patellæ. Dolorem haud insignem se percepisse dicebat æger, nec postea illo die vulnus doluit. Sanguis e vena mittebatur. Erat autem æger animo perterritus, unde forsitan, & quod pedem situ minus commodo compositum haberet, factum est, quod somnum capere noctu non potuerit. *Sequentis diei vespere dolores genu pedemque invaserunt acuti, nec a secta rursus vena cessarunt.* Febris accessit. Somnus nullus. Intumuit genu. Aperto die altero vulnere, emissus humor tenuis in commissura collectus, unde aliquantum levatus fuit æger. *Fotus & cataplasmata* adhibebantur, sub

(f) *Op. Chir.* L. II. c. 12.

(g) *Prax.* L. XVI. c. 1.

(h) Sic v. g. vulnus intestini tenuis sine ullo molesto symptomate in cane coaluisse. legimus in *Phil. Trans.* idem de homine haud sperandum.

(i) In *Physiological Essays.*

(k) In *Epist.* ad D. Bassani dans le *Recueil period. d'Obs. de Med. &c.* T. IV Janv. p. 46.

sub quibus invaluit malum, licet sanguis iterum ac sæpius mitteretur ac medicamenta quoque refrigerantia & opiata exhiberentur. Summis ita doloribus per mensem integrum torquebatur miser: vix ullos autem ad locum vulneris sentiebat, sed maximus dolor in parte interiore commissuræ ex adverso incisionis & in poplite hæsit. Demum autem vagari coeperunt dolores & exhibitio cortice Peruviano ejusque extracto sensim remiserunt. Supererant tamen vagantes & post coalitum vulnus, quod non adeo multum fudit humoris. Spissa ac rigida facta erant juncturæ ligamenta ac tumor aliquis circa ligamentum patellæ modo increfcentis modo subsidens, in eaque tunc regione dolores hærebant — ** Eodem tempore alio in nosocomio militi cuidam vidi incisionem factam in capsam articuli genu, supra patellam, parte interiori ad latus musculi vasti interni, ad emittendum humorem hydropicum in illa junctura collectum. Dolorem tantum levem sentiebat æger. Is erat phlegmaticus, ingenii lentus. Neque ante diem quintum accessit febris. Fetus item & Cataplasmata adhibita. Dolores orti graves, febrisque vehemens. Male illum habuit, quod pedem ponere eo situ non posset ut humor in capsula collectus efflueret, unde hæc distendebatur: hinc & altera inciso parte exteriori facta est, qua levatum se sensit. At tamen accessit cancer, diarrhœa supervenit & extinctus est æger — *** Præterea, cum necdum prior ille e Georg. nosoc. exisset, accessit alter genu tumente. Hic 29. annorum, bona utens valetudine, ante 13. hebdomades vulnus sibi ipse inflixerat securi, ad latus externum genu partemque patellæ superiorem in commissuram penetrans. Atque, uti læsio similis erat priori exemplo, ita & symptomata congruebant. Vulnus primo leve visum: postridie humor tenuis emanaverat: per tres vero quatuorve dies doloris perparum sensit, nec lecto se tenuit. Quarto die vespere subito dolor magnus genu invasit, itemque non in vulnere, sed parte vulneri opposita. Accessit febris vehemens per 5. hebdomades durans, & postquam abiisset intervallo 14. dierum, cum situm pedis recurvati a latere in rectum mutaret, digitis sursum versis, ut genu magis extenderetur, dolore excitato febris repetiit & per octiduum vehementer tenuit, cum tumore ac dolore, quo semper latus vulnere oppositum vexabatur ac interiora ut aiebat commissuræ. Demum circa ligamenti patellæ regionem dolor versatus erat & cum ad nosocomium accederet æger, etiamnunc nec tangi ferebat nec minimum moveri articulus. Atque hæc sufficiant exempla [1].

§. XXVIII.

Neque igitur fanis ligamenti ubi vulnus infligitur dolorem sentiri infirmis.

(1) Quid? quod ab incisa tantum in superficie tunica ganglii tendini inhaerentis, biduo tamen post tumorem, febrem, spasmus secutum, binis exemplis affirmat cl. Eller Mem. de Berlin 1746. T. II. p. 109. seq.

signem asserimus, neque adeo cuivis illorum vulnere supervenire (m): sed intentioni demum ligamentorum ab irruentibus humoribus supervenire solere. Quodsi a nervi ramo aliquo majore per vulnus læso, quales tamen locis supra designatis haud reperiuntur, dolor existeret, deberet is ad vulnus sentiri: jam vero tota ligamenti juncturæ textura laborare, hinc prodi in illa nervuli latentes videntur, (si quidem in his tantum sensum esse positum concedamus,) quibus, accedente spasmo quodam, inexpectata excitantur mala (n). Quin & interdum spasmi hujusmodi a levi ligamentorum vulnere absque tumore excitati totiusque nonnunquam corporis tetanum induxisse observati sunt, licet minimi tantum nervorum ramuli hic læsi esse potuerint. Jam, pro natura hominis, aut accedentibus evitatisve casibus, vel deficere omnino possunt ista symptomata, (sicuti brutis animantibus periculum haud inferri ostendunt ill. Halleri experimenta,) vel tardius supervenire vel citius. Maturantur enim & exacerbantur animi perturbatione, aeris injuriæ aliive læsioni exposito membro affecto (o), itemque, ubi victu imprudenti veluti vino abundantius potu aliave ex causa arcessitur febris.

§. XXXI.

Mala igitur symptomata, quæ læsionibus ligamentorum, membranarum similis naturæ, aponeurosum, tendinumque supervenire antiquissima observatione compertum fuit, cum hisce fere omnibus communia sint; a tenaci harum partium fabrica provenire, conjiciendum videtur. Hinc partes has communi tenacium voce comprehendamus.

§. XXX.

Mera autem nervi alicujus insignis læsio ab illis ni fallor distinguitur quod dolor hic statim acutus sentiatur, inflammatio quoque & quæ sequuntur citius adsint; cum in partibus tenacibus ubi nervi nullus insignis ramus adest, dolor plerumque levis primo aut nullus percipiatur (p); ceteraque serius, altero demum aut tertio fere die aut tardius quoque accedere soleant.

§. XXXI.

(m) Sicut & innuit Fabr. Hild. de Ischore c. 1. 2. esse vulnera articulorum, quæ symptomatibus illis non tententur.

(n) Neque obstat sane, quod nervi in hujusmodi partibus albis tenacibus cerni nequeant: nam nec vascula cerni possunt nisi cera repleta. Nervulos tamen ipsi achillis tendini uti & duræ matri insertos a viris peritis pluribus visos narrat cl. Tbo. Lagbi in epist. ad cl. Cas. Pozzi Bonon. 1756. fol.

(o) Conf. hist. de incisa articuli genu capsula, Med. Ess. IV. n. 20. a cl. Simson allatam, multis sane rebus cum nostris convenientem.

(p) Quod sane hodie qui accuratius ad experientiam attendunt ill. Hallero concedent, cum olim plerique partes hasce albas acutissimo sensu præditas esse putarent, nervosus etiam vocarent & cum ipsis nervis confunderent. Interim nec negandum, Disput. Medico-Pract. Tom. VI.

K k k

§. XXXI.

Nonne igitur eadem fabrica tenax, nervorum ramulos condens, facere videtur, ut sensus minor sit vulneris in statu integro; cum simul fere ut premitur intenditurve nervulus etiam secetur, rumpatur: quæ conditio dein tumore atque inflammatione accedente dolores reddit intolerabiles, cum intentio tunc sequatur maxima? Nam, licet absque dolore ferme vulnerentur illæ partes, attamen, ni fallor, acute dolent ubi ictu colliduntur, premuntur, aut distenduntur, & dolorem sane in ligamentis se sentire fateri videntur miseri, qui, quod homines hominibus facere dedecet, tormentis in equuleo exagitantur. Tum & si emollitæ sint aliquo vitio; aut ab ulcere renascantur, sensus in illis acutus observatur,

§. XXXII.

Sic igitur vexatæ affici videntur. Cum propter resistantiam a læsione minorem, tum stimulo seu irritatione, hic ut in aliis corporis partibus, imo plus etiam ut videtur quam in aliis, affluxus impetusve major humorum ad partem læsam excitari observatur, isque, prouti homo est irritabilioris naturæ (q) animique mobilioris, intentior erit: in torpidioribus (r) minor, ac sæpe vix manifestus. Quo quis præsertim in spasmos aut febrem est proclivior, potissimum si etiam sanguine plenior sit, eo majus imminere solet periculum. Graviora vero tunc longe sequuntur symptomata ac in partibus laxioribus, licet hæc dolorem prius sentiant. Tenduntur tenaces partes insignius. Hinc dolor acutus: major inde irritatio, major humorum affluxus (s), ita ut tumor atque dolor se invicem excitent atque exacerbent. Continuae quoque partes per tota membra simul occupantur, unde sæpe longe ab affecto primum loco, levi interdum punctura modo læso, sub fasciis illis tendinosi hic illic formantur abscessus. Motus tunc ne minimus quidem ferri potest, cum eo intendi partes ulterius oporteat. Ex vulnere tenacium partium, post inflammationem, a vi humorum huc derivata effluere solet ichor multus, tenuis,

quæ aliquando sensus participes deprehendi etiam sanas. Sic Londini cl. Douglassium Chirurgum & Anatomicum peritum, præsentibus variis discipulis, ligamenta tendinesque cani diligenter denudare dein pungere & vellicare vidi, haud absque animalis clamore. Conf. & cl. Whyt & Bianchi ll. cc. & quæ summa cura instituta experimenta narrantur a cl. Laghi l. c. cum adjectis observationibus. Etiam homines alias dolorem hic sentiunt, ut in hist. cl. Simsoni: alias minus. ut in exemplis nostris.

(q) Cujus conditiones eleganter, ut solet, explicavit cel. Gaubius Intr. ad Pathol.). 194. Conf. 173. 174. 176. 179.

(r) Vid. l. c. §. 198.

(s) Dolorem veluti cucurbitulam humores ad partem affectam vocare, lepide dixerunt veteres.

qualem hic in minutis vasculis ferri consentaneum est, præcipue ex articulis vulneratis copiosior manat, Synovia nomine a Paracelfo dato celebris (t), atque illic non ex vulneratis modo partibus sed ex toto etiam commissuræ cavo profluere videtur. Aucto nempe affluxu perinde ut in aliis quoque partibus laceffit v. g. lacrymali glandula, fieri videmus. Profusione autem ichoris ejus, uti plurimum humorum quæ minoribus vasculis feruntur, in diarrhœa, fluore albo, &c. magnopere corpus debilitatur. Interim cum dolore febris magna urget. Sæpe hinc delirium, distentiones musculorum aliaque mala plurima vulneribus laxarum partium raro supervenientia. Tandem, infarctis vasculis exiguis, turgidisque ultra modum, motus humorum plane sistitur, alienantur partes & cancro occupantur. Quæ tristitia sane mala læsionibus articularum supervenisse plus semel ipse vidi. Quæ vero hic de vulnere exposui eadem ratione possunt & ab alia vexatione accidere (u).

§. XXXIII.

Atque hæc profitenda eo magis censui, quod induci jam varios viderem Chirurgos, auctoritate adeo celebri nixos, ut læsiones dictarum partium, dolore minus prodito fallentium, spernant, haud sine insigni ægrorum periculo.

§. XXXIV.

Tantum vero de ligamentorum natura & acutorum a læsis articulis symptomatum ratione afferendum videbatur. Solent autem isthæc sæpe diuturno fungoso tumori locum dare (ut §. 27. hist. 1. & 3.) Nempe si vel remissiora sint vel subigantur, debilitatis vi humorum irruentium ligamenti, hic fere relinquitur, qualis & alias nulla læsione excitatus nascitur, ut in causis videbimus. Utrobique & in eo, licet absque vulnere, sæpe dolores urgent, quod præsertim si subito intenduntur partes, aut humores actiores inhæreant, accidere potest. Aliis torpidiores fibræ aut lentius distentæ, nec acri humore vellicatæ, dolore vacant. Possunt autem diu sic persistere hi tumores, cum succi harum partium glutinosi, ubi aer arcetur, haud facile corrumpantur (conf. §. LXVI.) Sed difficile esse discussionem apparet tam arcte insinuatæ materiæ, his in partibus ubi humores lente feruntur nec fibrarum distentatum habitus facile in integrum restituitur.

K k k 2

M O R-

(t) De quo vir peritiss. Fabricius Hild. Ichoris & Meliceria nomine scripsit ut §. 17. (t) diximus. Verum non hic modo ex articularum vulneribus sed ubicunque & vulneratis tenacibus partibus effusus humor Glied-Wasser vel Gender-Wasser Germanis dictus fuit, uti passim ex Wurtzii Chirurgia colligimus.

(u) Vid. historiam tali levi distorsione vexati maleque tractati sp. Fabr. Hild. de Ichore c. 19. ubi & ulcera in commissuram penetrantia &c. supervenerunt.

MORBI DIFFERENTES.

§. XXXV.

Priusquam procedamus ulterius, varios hic morbos qui circa articulos occurrunt, variis conditionibus distinctos nec ubique accurate separatos, exponere commodum videtur, ut melius natura ejus de quo agimus vitii intelligatur.

§. XXXVI.

Et Hippocrates quidem utrum sedem tumoris qui extra capsam hæret ab eo qui in capsâ est (de quo mox §. XLVI.) distinxit, dubium est, dum muci seu unguinis ad articulos lubricandos nati vitio oriri ait tumorem (v), ubi, cum a carne vitiosus humor irruerit, laborare articulum dicit ac dolere, & in primis, cum haud lubricus sit ille humor; *rigescere*, quæ minus quidem in hydrope articulorum quam in descripto nobis ligamentorum tumore observantur. Et, quamvis in capsâ utique existere unguen illud seu mucum statuisse eum credam, tamen & de diffuso circumcirca tumore loqui videtur, dum ait, „propter copiam humoris qui irruit, non comprehendi potest junctura, sed effunditur, tum, que male coit, ac tumefacit nervos (i. e. ligamenta) quibus ossium commissura connectitur, ilque laxatis & resolutis, claudicationem infert”.

§. XXXVII.

1. *Extra capsâ cavitatem* vero occurrit fungosus ligamentorum tumor de quo agimus. Varias autem hujus morbi species variosque gradus existere ex jam allatis colligendum. Nam vel humor modo aliquis ilque variæ crassitie in manifestis interstitiis colligi potest, molliorem efficiens tumorem; vel ipsæ adeo fibræ lamellæve turgentes, spissiores factæ, firmæ quasi compagis accrementum præ se ferre adeoque tactui magis reniti, aut & texturam corruptam habere. (conf. §. XXII.) Præterea magis minusve alte insidere vitium, & vel inter aberrantes modo a ligamenti in cellulosa subcutaneam fibras (x) vel in fascia seu aponeurosi ipsa tumefacta, aut inter hanc & capsam commissuræ, aut in ipsius denique capsæ hujus textura hæere potest.

§. XXXVIII.

(v) De Loc. in hom. c. XIV. §. 6. seqq. p. 411. Fes.
(x) Quibus illam circa articulos a reliqua in corpore cellulosa differre diximus §. 9. (u) ceteroquin in cellulosa hærens humor simplex *Oedema* faceret, quale tamen nescio utrum circa articulos circumscriptum inveniatur. Differt autem a fungoso tumore, quod hic digitorum impressa vestigia non servet.

§. XXXVIII.

Distinctionem aliquam hic meretur congestio materiæ inter fasciam articulum cingentem & commissuræ capsam, quæ haud raro observatur. Distinguitur autem a proprio fungo, eo quod hic latius diffusus sit, totum fere articulum, licet inæqualiter, ambiens: hujusmodi vero tumor colliculum efficit majorem minoremve, ac plerumque circa regionem patellæ inferiorem ejusve ligamenti oritur (y). Humor hic vel glutinosus est, lentus, neque rodens; vel suppurationem seu meliceridem movens. Exemplum hic ponamus prioris generis. * Virum vidi Londini in Georg. nosoc. XXXVI annos natum, qui rheumaticis interdum doloribus vexatus, ante duos menses, cum febre laborasset, tumorem levem oriri senserat ad partem inferiorem patellæ genu dextri. Primo quidem is exstitit fere absque dolore: mox vero dolor accesserat, præsertim cum a frigore rursus in rheumatismum incidisset, atque hinc & dolor & tumor ille increverat. Chirurgus cl. Guil. Bromfield primo fasciis arctis, hisque subjectis spleniis albumine ovi cum aceto ac farina subacto tinctis, coercere tumorem tentabat, quod in aliis quidem huic similibus ei successerat. Sed cum id per 14 dies efficere haud valeret; incisionem fecit ex utroque latere per longitudinem, levi cum dolore ægri. Trajecto stilo apparebat, collectum sub aponeurosi humorem fuisse, qui prodiit fere limpidus. Impositum ad partem patellæ anteriorem splenium aceto tinctum fasciaque adhibita fuit per 4. dies: qua remota fere coaluerant partes subjectæ. Mox autem ab incisione dolor accesserat, haud ad vulnera, sed circa commissuram ossium versans. Profuit Sp. Vini aliquoties affricatus. Atque sic cum ultra mensem cum aliqua infirmitate articuli durasset, dolor genu remisit, sensimque confirmatus fuit articulus: redibant vero per ceteros artus rheumatici dolores atque exin ultra mensis spatium durabant, licet cathartica & medicamenta e Guajaco illi exhiberet Medicus cl. Batt. Demum (cum sub maxilla tumor durus oriretur, ægro bolos ex argento vivo præscripsit, quibus & ille tumor cessit & rheumatici dolores. — Meliceridis hujusmodi exemplum infra dabimus. Alias autem cavo unico contenta hujusmodi congestio videtur. Accedit tunc ad ganglii naturam, de quo §. 65. differt tamen eo quod ganglii tunica formata demum e coacta in membrana speciem tela cellulosa sit, hic naturalibus velamentis comprehendatur materia, nisi quod ad latera forsitan parietes formet compressa tela cellulosa. Ab aliis vero tumoribus cysticis seu tunicatis differt eo quod moveri sic sub integumentis, quippe fascia deligatus, nequeat, ut hi qui in laxa cellulosa tantum tela hærent. Alias dispersa variis propinquis cellululis materia est. Hinc cum hujus vitii limites accedant ad fungosi tumo-

K k k 3

(y) Figuram exhibet ejus quem cel. Heisterus curavit Widmann. Diss. cit. Fig. 19. C.

moris naturam, penitus tantum in ipsam ligamentorum texturam se insinuantis, cumque & curatio affinis sit, sed faciliior; sparsim de eo simul in sequentibus mentionem faciemus. — De *flatulentis* quidem tumoribus nonnulli hic loquuntur auctores, quales tamen, nisi ubi sphaeculo ac putredine partium emphysema natum sit, ad articulos exsistere vix mihi persuadere queo. Verum decipi eos potuisse puto, quoniam ad tactum interdum fere emphysematis instar strepitum edunt modo descriptæ confectiones (2) qualem in proprio fungoso tumore deprehendi haud meminimus si fungum incidentes nihil prodire humoris observarunt, de quo infra.

§. XXXIX.

Ex aliis circa juncturas morbis distinguendus *Rheumatismus*. A quo quidem tumores solent fungolo similes ad articulos excitari: sed minus tamen alte ligamenti insidere videntur, & facilius eliduntur, vagantur, pluresque fere partes simul aut per vices occupant. Quodsi vero abeant ex ceteris artubus rheumatici tumores doloresque ac in unam aliquam juncturam pertinax decumbat tumor, tunc metastasi fungus exortus videtur, ut aliquoties fieri observavi. — Ceteroquin in Rheumatismo, frequentissimo hodie in Britannia morbo, licet ad articulos potissimum tumores exsistere soleant, latius tamen extensum, etiam circa musculos hæret malum. Propriam ejus sedem & naturam definire non audeo, experimentis destitutus. Gelatinosus supra musculos effusus humor repertus fuit, qualis & in eo vitio a vesicatoriis elicitur (a). Verum inde non constat, utrum hæc morbi causa an effectus tantum dicendus sit, accessit circa dolentes partes humor. Neque tamen negaverim spissitudinem in hoc morbo humorum adesse.

§. XL.

Cum Rheumatismo confunditur interdum *Arthriticus*; qua *Podagram*, *Chiragram* &c. comprehendimus, in quibus tumores etiam superveniunt symptomatice. Hic vero peculiaris indolis humor vitiosus versari videtur qui vel intus vel circa articulos albis sæpe crustis relictis se manifestat, sed & per reliquum corpus fertur (a). Non majores tantopere quam mi-

(2) Vid. J. v. Wyck *Aanmerk.* n. 50. Et hujusmodi tumores sunt priora duo exempla D. J. Zenguardini, quos flatulentos vocat *Aanmerk.* n. 47. tertium fungum fuisse apparet.

(a) Vid. *Clopt. Havers de Oss.* Serm. IV. c. 4. Quæ vero ibidem assert, de observatis in abscessu femoris albi coaguli frustis cum sero mixtis, ea huc non pertinent sed erant melicera, a resolutis fasciæ latæ fibris, qualem descripsimus §. 17.

(a) In mesenterio, pancreate, hepate & liene, materiam albam calcariam invenit *Ferd. Gruwardt Med. Olf.* Sect. VI. c. 1. p. 557. Atque hic, cum venerando Præceptore meo cel. Gaubio licuit mihi inspicere corpus viri, qui olim podagra laborans hac cessante asthmaticus obiit, intusque in ejus pulmonibus hic illic deprehendebatur materia alba, quibusdam partibus satis spissa & gypseam naturam referens.

minores extremos articulos prehendit: & circuitus habet quibus revertatur hic morbus, quod secus in Rheumatismo, isque a causa fere exterius illata, uti frigore & humiditate excitari solet. — Atque isto quoque modo cum haud repetat *Ischiadicum malum*; naturæ id aliud esse puto, ulterius inquirendæ, & forsitan variæ.

§. XLI.

Præter hæc occurrit *rigor*, *contractio* seu *recurvatio* articulorum, quæ ankylosis spuria species est, a rigiditate aut concretionem ligamentorum vel tendinum ac musculorum, horumve spasmo oriens (b), atque ab irritatione quadam seu dolore circa articulum, item a diuturna quiete, nec non a morbo aliquo relicta (c) sæpe existens: neque ea semper cum tumore juncta. Solet autem plerumque fungosum tumorem comitari.

§. XLII.

De fracturis, luxationibus, similibusque læsionibus, tumorem vel acutum, vel & diuturnum fungosum, sæpe producentibus nihil monere opus est, cum causæ perinde ac læsiones manifestæ sint. Sed attentione digna est quæ interdum occurrit ac plerumque negligitur *Distorsio ligamentorum* commissuram comprehendentium, a contusione aliqua genu, præcipue si ligamentum quo patella ad tibiam deligatur ictus aliquis percutiat, aut muscoli magno nixu agant, tum & si capsæ pars latera patellæ necens collidatur. Hinc nempe debilitatæ distractæque fibræ musculis extensoribus cedunt & patella ultra modum sursum, aut ubi altera parte magis debilitatum sit ligamentum, a vastorum altero oblique, trahitur. Exemplum insigne exstat in Tr. cl. Guntheri (d) ubi primum lapsu in genu colliso, postea magis etiam nixu supine cadentis ægri distracto ligamento, patella ultra duorum digitorum intervallum retracta sursum fuit ac post mortem exile penitus flaccidumque, *emaciatum* quasi, *ligamentum* reperiuntur, quod per vitam ægri vix percipi digito poterat, ut etiam ruptum videretur. Tumor quoque statim secutus, absque dolore tamen, quod mirum, & inflammatione. Alias tamen dolor insignis adest (e). perinde ut

(b) Qualem adfuisse censet cl. *Malott* in morbo quem describit loco §. 1 (d) allato.

(c) A variolis in utroque cubito, absque dolore ac tumore relictam unguentis nervinis fricando, ac leniter movendo, sanavit J. v. Wyck *Beengese.* c. 4. p. 112.

(d) Supra §. 12. (d) citato. Conf. & infra §. 51.

(e) Velut in casu, quem litteris Edinburgo datis mihi descripsit cl. *Guil. Butler*, ubi ad latus externum inclinabat patella, genu per lapsum gravem offensum ad lapidem fuerat.

ut in distorsione ac distentione ligamentorum quæ tendines ad carpi talumve coercent interdum occurrit. De curatione hujus mali infra.

§. XLIII.

Extra capsam circa articulum possunt & existere tumores ab humore congesto in *bursis* illis, qualis reperitur sub ligamento patellæ, ac tendinibus subjectos descripsit cel. B. S. Albinus (*f*). Possunt inquam hic existere congestiones materiæ, nam sane & glandulosum quid hisce in cavis ut in articulis adest, & quæ sub patella reperitur glandula muscosa, partim ad juncturæ eavum, partim ad bursam ligamento patellæ subjectam spectat. Neque tamen ad genua morbum hujusmodi deprehendisse me affirmo. Initio tumores in regione ligamenti patellæ in bursa illic sita hæere putabam, dein vero dissectione articulorum glandulæ illic positæ tumorem reperi. (de quo §. L.) Sed narravit mihi cel. Albinus, se bursam illam insignem, quæ ad calcaneum sub tendine Achillis est (*g*) humore spisso distentam reperisse in cadavere. Neque dubito, quin in eadem natum sit vitium suppurationem movens in viro Londini in Georg. nosoc. * Is ante 5. hebdomades, cum vixdum a febre convalesceret, vestigio fallente, *talum distorserat*. Inde spatium octidui dolor ac tumor ortus. Applicato cataplasmate emolliente remiserat malum. Sed cum ambulasset per aliquot dies dolor atque tumor natus ad gastrocnemium musculum, cui cataplasma adhibuit per octiduum. Tunc in nosocomio cum fluctuantem sub tendine ad latera ejus materiam sentiret Chirurgus cl. Bromfield, *incisionem* primo in altero, dein, per immisum stilum indicato loco, etiam in opposito latere fecit, *egro de dolore multo querente*, & cum incisione fieret, & cum stilo tentaretur pars opposita. Exiit pus fluidum. Frustum lintei tractum sub tendine. Postea satis bene se habuit, nisi quod per triduum, noctu præsertim, dolorem in pede sentiret. Cum bene procederet ulceris purgatio, linteam extrahebatur. Dein coaluerunt vulnera. Debilitas vero cum rigiditate quadam pedis restitit: tumor quoque etiam tunc dorsum pedis tenebat.

§. XLIV.

Ne dicam de *Scirrho*, qualis in poplite haud raro observatur. Vide exemplum a cel. Heistero visi, & ex parte jam discussi, dein, cum caustico reliquum sibi auferri curavisset æger, vini intemperans, rupta arteria mortem inducentis (*b*). Alius tumoris in poplite jam exulcerati feliciter

(*f*) *Hist. musc.* p. 532. 537. 551. 559. ac notabilem in primis sub cruralis tendine p. 547.

(*g*) De qua l. c. p. 563.

(*b*) In *Widmanni Diss.* cit. §. 85. seq. & fig. 23. D.

ter a se extirpati historiam habet Purmannus (*i*). Distinguetur facile scirrhus a fungoso tumore, cum ab initio durus sit, nec ut ille elasticus, præterea & circumscriptus &c.

§. XLV.

2. In cavo autem ipso *commisura* deprehendimus *connexione* extremitatum cartilaginum tela quadam qualis fere ab inflammatione in thorace alibique nasci solet: quæ alia *ankylosis* species est. * Semel hoc vidi in genu pueri Londini in Georg. Nosoc. dissecante amputatum articulum cl. Jo. Huntero. Vacui intus nihil relictum erat, nisi quod condylus femoris internus haud connexus esset cum lunata cartilagine tibiæ, atque crustæ illic cartilagineæ integræ erant. Humoris in capsula nulla collectio extabat, nec extra eam abscessus aliquis. Circa tendines flexores *in spissa tela* erat, qua arctius illi cohærebant. Bursa sub musculis extensoribus in femore coaluerat, item in illa quæ sub ligamento patellæ est fibræ quædam latera connectentes ortæ erant. Cartilagine in *commisura* quibusdam partibus *resolutæ* erant atque ex condylo femoris externo *nodulus excreverat*. Ligamenta decussata aliquantum turgescita & molliora. Lapsu offensum genu fuerat ante 6 annos, unde primo quidem dolor cum tumore aliquo extiterat: deinde tamen illa remiserant, sed recurvatum genu fuerat. Per ac in primis *femur* insigniter præ altero *extenuatum* apparebat. — Telam ejusmodi inflammatione natam vera habere vasa, repletionem artificiosa, exemplo pulmonum diaphragmati annexorum, ostendit in lectionibus suis anatomicis cel. G. Hunterus M. D. Neque igitur mirum, similiter a cartilaginibus in *commisura* inflammatis, vel a membrana illas tegente, vascula prægerminare superficies neccientia. In hujusmodi ankylosibus fieri potest, ut vi subito illata, veluti lapsu extenso aut flexo articulo rumpatur cohæsis, atque motus inde *commisura* restitatur, qualia reperiuntur exempla. Veluti ap. Job. a Meekren (*k*) ubi, quod totus, cataplasmata &c. efficere in cubito haud potuerant, ex improvviso, in rigidum brachium lapsu factum est ut motus atque usus restitutus fuerit. Neque igitur cum hoc auctore statuere possumus, materia quadam spissa quæ illic coiverit motum fuisse impeditum, eamque sic statim solutam esse, nec in externis partibus rigoris causam positam fuisse (de quo §. 41.) quas remediis emolliiri potuisse probabile est, nec tamen vere ossium superficies concrevisse videntur, quæ disfractæ lubricitatem motus haud habuissent. Tela vero hujusmodi superficies ceteroquin læves connectere potest, neque fortiter cohæret.

§. XLVI.

(*i*) *Obs. Chir.* LXVI.

(*k*) *Obs. c.* 64. p. 297.

Porro considerandus *Hydrops commissuræ*, ubi nempe humor in ipsa collectus capsula continetur: quale vitium cum fungoso tumore plurimum confunditur. Potest autem plerumque ab experta manu ad tactum distinguui, cum alia sit elasticitas & intentio fungi; hic autem, haud infarsitas esse partes exteriores sentire possis, sed intus fluctuare humorem, præsertim si opposito latere tumidus articulus leviter percutiatur ut intremiscat. Premendo etiam (in genu) ab altero patellæ latere efficitur ut ex opposito turgat, ac infra patellam si comprimis, plus tumet superius. Illic etiam per se magis extenditur quam infra patellam. Superius enim cum ultra patellam ad duorum fere pollicum spatium etiam absque morbo in femore extendatur capsulæ ambitus (l) cumque ibi laxior sit, strictior inferius, crassioribus coercita ligamentis; facile apparet, ulterius etiam a collecto sensim humore sursum extendi, sicuti ultra trium supra patellam pollicum spatium ascendere tumorem vidi (m). Si musculus ipse æger adducat patellam, turgere facit ex utroque latere tumorem. Præterea totus in hydrope æqualiter tumet articulus, cum fungus hic illicve magis eminentes colliculos habere aut in uno alterove latere magis turgere soleat. — Plura de hoc vitio ad calcem dissertationis hujus adjicere animus est.

§. XLVII.

Præterea *abscessus suppuratus* ichorisve interdum in commissura congestio existit. Hæc autem ubi oritur, distinguetur suis notis, dolore inflammatorio &c. Externa ad tactum signa erunt ut in hydrope. Potest vero & a læsione quadam & ab interno vitio existeret: massæque glandulosæ quæ in articulo hærent propter vasculorum copiam in primis illi locum dare videntur (conf. §. 52.) Femine cachecticæ a contusione genu ortum tumorem, quo ultra 7 menses persistente magnoque cum dolore crescente, ad latera æque ac anteriore parte turgido, cum nihil valerent admota medicamenta, atque humor in capsula hædere videretur: in nosocomio Berolinensi incisionem duos transversos digitos longam ad latus factam in commissuram usque, quo facto saniem crassam, grumofam, fere inodoram, prodixisse. Ichoris fluxum aqua grysea (n) suppressum.

(l) Quod etiam notat *Widmannus* Diss. cit. §. 11. & ex *Bourdons* tabulis pingit Fig. 6. litt. H. Potest autem commodè cerni si in cadavere per exiguum obliquum foramen syringe aquam aut aliud quid ad implendam capsulam injicias.

(m) In milite de quo infra.

(n) Quæ ad synoviae fluxum pertinacem sistendum pro insigni medicamento commendatur in *Act. med. Berol.* Dec. I. vol. 3. n. 7. continet autem argentum vivum aqua forti solutum.

sum. Interne mercurialibus cum laxantibus ac decoctis lignor. quotidie adhibitis, sanatam brevi ægram fuisse, mihi retulit per litteras amicus cl. Pallas jun. M. D. — Quodsi constet, abscessu congestam in capsula saniem hædere: apparet, emitti materiam deberi quamprimum, sicque sanationem posse sperari. Ceteroquin, corruptis diuturna mora cartilaginibus atque ossibus, sæpe malum sanationem haud recipere.

§. XLVIII.

Accidit &, ut lentius nocens humor acris undecunque excitatus in capsula generetur, adrodens ossa aut cartilagines, ut infra (§. 58. seqq.) describetur, idque plerumque cum pungentibus doloribus. Hic *unguinis articulorum acrimonia* in causa esse potest, cui tamen plerique nimium tribuunt. Solet autem semper fere recurvatio membri induci ab hujusmodi rodente in articulo humore. Talis vero materia plerumque copia tantum exigua in articulo hæret, neque ejus distentionem efficit. * Vidi tamen & redundantem lente sic generatam in ægro quodam Londini in Nosce. Georg. qui ex duobus fere annis, ignota causa, dolorem in genu senserat, accedente post aliquod tempus tumore supra patellam, lente primum, sed extremis 4. aut 5. mensibus velocius crescente. Dolor modo gravior modo remissior inhærebat. Cum fluctuans materia in tumore supra patellam abscessum referret, incisio illic facta ex utroque latere, emissaque sanie ostium in capsulam pertinens repertum. Intumuit genu: tertio die minus bene se habuit æger, appetitus defecit, nausea interdum accedente. Femur quoque ac tibia intumuit. *Ichor copiosus* e vulnere fusus est, sed *sub extremum cessavit: lente & clanculum* fere absque gravibus symptomatibus obrepente cancro, ac die decimo septimo ægrum exstinguente. In articulo, a cl. J. Huntero dissecto vidimus maximam cartilaginum partem resolutam. Quod supererat, uti & ligamenta circa juncturam, coloris subnigri reperiabantur. A commissura vero sinus in femur excurrebat. — Ceteroquin est ubi malum hujusmodi intus existit absque tumore extrinsecus apparente, ac initio inprimis abesse tumor solet. Interdum autem, affluentibus dein circa articulum humoribus, excitat & fungosum externarum partium tumorem ejusque adeo pessima causa existit. Alias hunc prius existentem sequitur, cum, vergentibus ad commissuram humoribus malis, & qui intus secerni debent acres afferantur. Nequeteramen semper morbus in capsula cum externo fungoso tumore conjunctus est. (conf. §. 24.)

§. XLIX.

Præterea occurrit *unguinis defectus aut inspissatio*, quæ motus commissuræ impeditur, *crepitisque* oritur. Hujus exemplum legimus (o) ægræ 20. an-

L 11 2

(o) In *J. v. Wyck Aammerk.* n. 43. Idem de hoc articulorum vitio agit *Beers* *geswell.* c. 5.

annorum, ceteroquin sanæ, cui maxillæ commissuræ & rigeant sic ut maneam aperire manibus teneretur, & crepabant ita ut & adstantes audirent sonitum. Quæ unguento quodam nervino, & præsertim vapore calidæ admisso, sanata fuit. Minus forte insolens hoc malum in membrorum articulis est Conf. & §. seq.

§. L.

Observamus & tumores glandularum commissuræ uinguinarum, seu maxillæ illarum pinguium, vasculis & folliculis refertarum, præcipue majoris quæ infra patellam sita est. Hujusmodi tumores aliquoties dissectione articulorum inveni. * Velut in cadavere femine cujus mihi copiam Londini fecit cl. Douglas. Ibi in genu dextro inveni cartilagineam & quæ femoris extremum & quæ patellam intus vestiret, in exteriori latere detritam. Ossa se invicem atterentia mirum quam sibi aptas variis sulcis exposuerant superficies. Ibi vero existit aliquanto tumidior femoris condylus, atque exterius marginem quoque habebat prominentem. Contra, per hujus condyli protuberantiam remota, patella ad interiorem partem videbatur minus in contactum femoris pervenisse. Ibi restabant cartilaginee, sed asperiores redditæ, patella tumidior erat. Lunatæ cartilaginee, ligamenta decussata, &c. integra erant. In sinistro quoque genu, tibiæ, patellæ ac femoris cartilagineæ crustæ aliquantum scabræ erant. Lunatæ cartilaginee ac ligamenta pariter integra. Verum haud ita conspicua vitia ut in altero genu. Humoris in commissuris his vix quicquam conspicuum erat. Nulla ossium caries. Glandularum nulla inflammatio aut corrosio apparebat: sed insigniter tumebant, & præcipua quidem ea, quæ sub ligamento patellæ hæret, in utroque genu. Fieri hic potuit ut illud ab obstructione quadam in glandulis oriretur, hinc, deficiente unguine, partes in commissura attererentur & irritata ossium extrema hic illic protuberarent. Deinde vero & a pressionis defectu intumuisse glandulæ videbantur. Nam quacunque parte ossa distabant, ibi glandulæ excreverant, ita ut amplæ essent quæ in statu sano vix conspiciuntur. Tales circa patellæ marginem interiorem tangebant, & ex altera parte sub margine prominente exostosis condyli femoris magna in eo hærebat glandula, uti & superius, ubi item margo aliquis protuberantia ossis formatus erat. * 2. In puella 12. annorum cui in Georg. nosoc. a cl. Bromfield genu amputabatur, in junctura, licet cartilaginee ossis femoris patellæ tibiæque humore acri erosa reperirentur, glandula tamen illa infra patellam plane non adrosa, minus etiam rubra, coloris pallide flavi erat: tumebat autem insigniter ac ex utroque latere ligamenti patellæ turgebat, sicuti & adeps circumfusus & in bursa sub ligamento illo jacente hærens luxuriabat. * 3. In puero quoque §. LV. memorato cui commissuræ superficies internæ connexæ erant, glandula eadem mole valde aucta, haud vero copiosa nec rubicunda, sed flava ad-

adipi plane similis erat. — Ac probabile est, ipso defectu attritus & motus commissuræ quo exprimi deberent hæ glandulæ, eas turgere & circumfusus quoque adipem cujus ab iis distingui possunt (p), qualisque extra capsam ab utroque in primis latere ligamenti patellæ hæret, mole augeri (q). Attamen & læsione quadam glandularum excitari nonnumquam tumor videtur. Veluti * 4. in juvene quem vidi in Georg. nosoc. Is ante menses 15. prolapsus genu aliquantum distorserat & offenderat. Inde dolorem sensit, qui ingravescebat ultimo præsertim mense urserat. Haud intumuerat genu vexatum, quin vel altero exilius factum videbatur. At in parte anteriore sub patella tumor aliquis aderat, quem si hac parte premeres, turgescerebat ex altera ligamenti parte: si medius premeretur, aut si ipse ager musculus extensoribus adduceret patellæ ligamentum, tunc ex utraque ejus parte eminebat. At sursum premi aut loco moveri non poterat. Quæ sane notæ hujus glandulæ tumori convenire videntur. Dum flecteret genu extenderetve, dolorem sentiebat æger majorem, ac sonitus quoque aliquis ubi aurem admoveres percipi poterat velut ubi lubricum quid inter duo corpora interceptum premitur. — Atque hoc quidem exemplo per se occurrit ille tumor: ceteroquin uti diximus fungoso tumori aliisve genu vitiis sæpe junctus deprehenditur, potestque & ibi vel irritationi tribui, vel obstructioni, vel quieti.

§. LI.

Contra, a collisione genu, qua ligamentum patellæ læsum, dein etiam fallente vestigio magis distractum fuerat, non hoc modo exilius redditum, (conf. §. XLII.) sed & glandulam mucosam ac ambientem adipem exstansisse, reliquis partibus illæsis, affert cl. Gunther, adeo, ut vel cavitas sub patella, loco ligamenti, sub cute sentiretur (r).

§. LII.

Inflammationem quoque atque suppurationem glandularum propter vasculorum in illis copiam existere posse, facile apparet. (conf. §. XLVII.) Narrabat in institutionibus suis cël. Monro, offenso lapsu femore ad trochanterem majorem, dolorem in coxæ junctura ingentem ortum, nihilque valentibus remediis, misere tandem exstincta ægra, corrosam se in commissura suppuratione glandulam reperisse.

LII 3

§. LIII.

(p) Vid. cl. Walther Diss. de articulis Tab. I. lit. O. & p. 7.
(q) Sic censet cl. Butter, in epistola, tumoris hujusmodi, qui deficiente a quamque causa juncturæ motu plerumque observatur, mentionem faciens.
(r) V. Tract. cit. p. 35. 39.

Ceterum, quod fere fieri solet, ubi quid ostenditur novi, ut id extendatur ulterius quam par est: ita, postquam Cloptonus Havers illa articulorum unguen ferentia corpora demonstrasset, omnes fere morbi articulorum ex aliquo vitio harum glandularum aut liquoris ab illis redditi explicati fuerunt, cum tamen diversa omnino genera esse haud diffidentum sit, ac vel ex levi hac nostra enumeratione, possit colligi. De fungosi tumoris ratione sigillatim diximus §. XXV.

§. LIV.

Alius occurrit morbus singularis in cavo commissuræ genu: neque enim exempla mihi alterius articuli nota sunt. *Ossiculum in capsula* generatum, crusta cartilaginea obductum, libere fluens, ita ut circumagi possit circa patellam, ac sub ea quoque delitescere (s). A cl. Jo. Frid. Henkelio (t) simile corpusculum in capsula genu repertum describitur: aliudque exemplum duorum ejusmodi ossiculorum in commissura genu huc illuc vagantium, aut sub patella delitescantium, incisionibus ex utroque latere factis extororum narrat, ubi quinque hebdomadam intervallo absque superveniente malo, sanatus æger fuit (u). Vulgo vocari ait (*Mäuse im Knie*) mures in genu. Bina ex eadem commissura, una incisione se exemisse & superdato Balsamo Arcæi cum Sp. Vini, aptisque circumjectis fasciis, absque molestia vulnus conglutinatum fuisse, mihi narravit cl. Guil. Bromfield Chir. Lond. Ipse cum adessem Londini in Georg. nosoc. vidi hujusmodi ossiculum e genu, incisione facta, eximi a Chir. cl. Guil. Hewit, ubi quidem febris, dolor tumorque superveniebant, ut supra §. XXVII. narratum est. Erat & eodem tempore Londini in alio nosocomio æger cui simile corpusculum in genu versabatur. Ne dicam de aliis exemplis quæ mihi narrata sunt.

§. LV.

Dolorem ægri aliqui sentiunt majorem ubi inter patellam atque os femoris intercipitur ejusmodi corpusculum, atque inde motus articuli magnopere dolorificus existit, unde sæpe sistere gradum coguntur, donec id trudendo digitis in alium locum removerint (v). Sic æger quem in Georg.

(s) Vid. hist. a cel. T. Simsoni relata Med. Eff. vol. IV. n. 20.

(t) Dritte Sammlung medic. u. Chir. Anmerk. p. 7. seqq.

(u) Exiit primo ultra semihunc humoris ex articulo: amplius dein haud manavit, parumque secutum tumoris. Applicata Est. vulner. & Balf. Arcæi. Ibid. 3te Saml. p. 26. ubi & assert Jo. Nic. Pechlin Obs. Phys. Med. qui ossiculum ejusmodi ut vocat cartilagineum circa genu fugitivum, exsecuit.

(v) Vid. Henkel. loc.

giano nosoc. vidi si patellam subiret corpusculum, aut extra eam versanti digitus apprimeretur, aut moveretur articulus, *dolorem sentiebat*: unde sensum in commissuris non deesse, colligere licet. Sed in cel. Simsoni historia latens sub patella molestum haud fuisse videtur: infra eam elabens movebat dolorem. & cl. Dav. Middleton, primarius exercitus Britannici Chirurg. mihi narravit, se ægrum curasse, cui, si molecula illa mobilis in genu ad latus patellæ elaberetur, dolor extiterit, motusque commissuræ impeditus fuerit: *sin sub patellam repelleretur, molestam haud fuisse*. Se igitur emplastro adhæsivo circa patellam appposito ac fasciis circumjectis effecisse, ne posset elabi. Sic absque incommodo relictam fuisse: imo post aliquot menses etiam remota fascia haud excidisse rursus. Simile se etiam alterius ægri exemplum nosse. Verum in illo nosocomii Georg. frustra id auxilium tentabatur, & cum vel major inde dolor existeret dum infra patellam teneretur, licet olim initio absque dolore sub patella latuisset, incisione demendum ossiculum erat. — Nasci autem & ex hoc casu per irritationem potest vel fungosus tumor, vel, quod pluries accidit, hydrops articuli.

§. LVI.

Originem hujus mali definire non audeo. Collata observatione a cel. Monroo (x) allata, videri posset, vi illata ossium extremis, frustulum alibi discerpi. Etiam in illo exemplo a cl. Middleton relato corpusculum illud adhærere quasi ligamento cuidam visum erat, ut per totam commissuram vagari non posset. * Æger ille in nosoc. Georg. licet in eodem genu dolorem aliquem jam a tribus annis senserat, accedente & a multo motu tumore; hæc tamen gravia non fuisse, nec corpusculum illud omnino se percepisse ajebat antequam genu laeserit. Accidit autem cum equo ferretur, ut sinistrae tibie superius extremum a parte exteriori graviter allideret ad appressum bombardæ equestris igniarium. Statim inde moleculam ad commissuræ oppositam superiorem partem perlatam sensit, ubi magnum afferebat dolorem, nec motum commissuræ permittebat nisi postquam deorsum digitis, pressa esset. Intumuit genu magnopere doluitque: hæc tamen adhibitis auxiliis & præsertim per vesicatorium circa genu applicatum dolore discusso remiserunt: molecula etiam ea latuit sub patella citra molestiam, donec aliquando, a levi pedis fallente vestigio distorsione, rursus prodiret, atque exinde mobilis tota in commissura versata, ita ut digitis circumagi posset: hinc ille tribus elapsis mensibus ad nosocom. accessit. — Unde & hanc moleculam ictu decerptam crederes. Attamen exemta cum esset, mole circiter phaseolum æquans, circumquaque cartilagine aequali vestita videbatur: in medio ossea erat, pariter ut in

cl.

(x) Med. Eff. vol. IV. n. 19.

cl. Simsoni historia, ubi nec ulla præcedens læsio accusari poterat. Unde ulteriore plurium exemplorum examinatione opus est.

§. LVII.

3. In ossium denique ipsorum quæ articulis inter se conferuntur *extremi* vitia existunt, alia per se alia a supra dictis producta. Corroduntur enim vel foris veniente humore acri, ut a tumore fungoso maligno & meliceridibus in ligamenti natis (y): unde ortas exostoses descripsimus in hist. §. 21. ac periosæ quoque afflicta tumescunt.

§. LVIII.

Vel intus in capsula generato humore acri: (§. XLVIII.) cartilagine in commissa emolliuntur, resolvuntur, & plerumque primo intumescunt in mollem versus extrema fere gelatinosam pellucens subrubellam substantiam. Qualem equidem firmæ cartilaginum naturæ mutationem in resectis articulis aliquoties deprehendi, ita ut ossibus etiam tunc haud leviter adhererent. In genu junctura cartilagine luxuriantem, cujus tumore patella loco suo mota fuerit, se reperisse refert Garmannus (z), (obscura tamen descriptio) talemque se cartilagineam excrescentiam semper advertisse ait in genibus fungoso tumore affectis. Temere tamen, hanc omnium rationem, atque inde spem curationis vanam esse, pronunciat.

§. LIX.

Quodsi vero diutius inhæserit in cavo articuli humor ejusmodi acris: tandem omnino dissolvuntur cartilagineæ crustæ, afficiuntur ossium extrema, nudaque, scabra in commissa apparent. Interdum etiam hic aliqua ossium excrescentia aut nodulus existit. Sæpius tamen accidit, ut ab hoc humore adrosa, nihil intumescant nec propullulent, sed figuram suam retinentia, glutine fibris interposito spoliata, haud emollita quidem, sed rara, ac nonnunquam fere calcinatorum instar levia, fragilia, rarissima evadant. Interdum & ulcera in ossium extrema cavantur absque orarum tumore (a). Sic vero affectis cartilaginibus in juncturis atque ossibus, ægri plerumque magnis vexari doloribus solent (æ).

§. LX.

(y) Quod & notavit atque a malo intus orto distinxit Wiseman. L. IV. c. 4 p. 241.

(z) A. N. C. D. I. A. 9. obs. 63.

(a) Conf. cel. Monro Med. Ess. vol. V. n. 25. p. 298. §. 4.

(æ) Nescio utrum affinis aliquo modo morbus sit memoratus a cl. Acrel, in Comm. Ac. Suec. A. 1754. ubi, causa ignota, extremum digiti os ita affectum fuit, ut, quemadmodum describitur, in carnem, pinguedinem, illi quæ in adiposa tela erat

§. LX.

Hæc uti ab acri humore inducta, ita ab unguinis tantum defectu alia in ossium extremis effecta videntur: dum nempe, *detrita cartilagine*, politas sibi invicem superficies molliuntur, absque carie aut adrosione. Hujusmodi supra [§. 50. hist. 1.] descripta: pluraque e variis commissuris sic polita ossium capita Londini in lectionibus suis extendebat cel. G. Hunter M. D.

§. LXI.

Ceteroquin læsa aliquomodo ossium extrema possunt & concrefcere *verumque* adeo efficere *ankylosin*, insanabilem, uti pluribus exemplis ubi articuli aliquo modo affecti diu immoti fuerant, constat. In fungoso tamen tumore, quæ & ab humore acri in capsula generato (de quo §. XLVIII. LVIII. LIX.) raro id accidit. In vera autem illa ankylosi excrescent ossium fibræ extremæ & cum alterius ossis extremo conjunguntur. Perinde nempe ut in callo fractorum ossium fieri solet, cujus naturam dum Londini adesset investigabat amicus ornatiss. J. Hunterus in osse femoris ante 3. circiter hebdomades fracto, repletis primo arteriis glutine fibrarum colorato. Reperit autem ossium extrema haud tanquam recentem fracta, marginibus acutis, &c. sed obtusiora reddita, propullulantibus fibris instar crescentis ossis. Similiter & festucæ intumuerant. Mollem autem callum, extremis, ac medullis in primis firmiter inhærentem, vasis sanguiferis distinctum, quæ cum ramis suis perspicue cernebantur ab ossis medullis procedentia. Aliis quoque exemplis ossium olim fractorum vasculis colore distinctis in lectionibus suis demonstrabat cel. G. Hunterus M. D. callum, quippe pariter vasis ornatum, haud esse concrementum inorganicum (b). Hinc nec succo quodam concrefcente ankylosin nasci censemus: sed læsa ossium in articulis crusta exteriori, progerminare vascula fibræque, & cum oppositis conjungi videntur. Congruit, quod (c)

nar-

erat similem, (nec tamen igne exploratam utrum arserit, legitur) aut pituitam resolveretur, nullo signo exteriori edito per plures annos, neque digito incurvato, magno vero cum ægroti dolore. In altero exemplo post septem annos intumuit digiti extremum ac lumini oppositum fere pellucens visum, amputatum extremum ossis totum resolutum esse repertum fuit in gluten crassum pellucens, excepta lamina tenui ad articulum proxima. Neque igitur hic morbus articulum adeo sed medium extremumve ossis prehensisse videtur.

(b) Conf. & Diss. cl. Desblef, de Callo Goettingæ ante quadriennium habitam, cum quo tunc in se, cujus arterias cera repleverat, callum, qui duritiem jam & albedinem cartilaginis acquisiverat, vasculis distinctum observavi.

(c) In exemplo ankylosis e Cheselden. Osteogr. t. 51. a Widmanno l. c. Fig. 26. mutuato.

Disput. Medico-Pract. Tom. VI.

M m m

narratur, partes ossis femoris cum tibia concretas aliqua vi separatas apparuisse sanguinolentas instar ossis a quo pars cariosa præmaturo avulsa est. — De aliis ankylosis speciebus diximus §. XLI. & XLV. dum nempe ankylosis generatim pro rigiditate juncturæ sumitur: proprie recursionem significat.

§. LXII.

Alius est intus in ossis plerumque extremo nascens morbus; Spina *ver-*
etosa dictus. Suppuratio nempe s. ichor circa medullam oriens, unde corro-
so ossis meditullio sensim distenditur extenuata lamina exterior, donec erosa
ichorem ad exteriora dimittat. Hicce morbus, cum strumis conjunctus, ple-
rumqueprehendit juniorem ætatem. * Attamen eodem correptus fuerat vir
XXIV. annos natus, cetera sanus ut videbatur ac robustus, cui Londini in Georg.
nosoc, genu amputavit cl. Cæs. Hawkins. Ante biennium subito noctu dolor ve-
hemens profundus in tibia paullo infra genu ortus fuerat. Anni intervallo,
post varias doloris graves accessiones, interpositasque remissiones, intu-
muerat ossis extremum, haud cessante dolore. Resecto articulo, cavum
fere pugni magnitudinis in medio tibiæ capite erosum: crusta exterior ex-
pansa integra quidem sed valde tenuis reperta. Fibula incolumis. — Mor-
bus hicce duritiæ tumoris, lente orientis, aliisque signis dignoscendus,
cum fungoso tumore, quod faciunt nonnulli, minime confundendus est.

§. LXIII.

Sic & peculiaris est *tumor* capitum ossium *rachiticus*, quo ad articulos quasi cedematosa turgent, de quo nostrum hic non est agere. Neque hic tument circumpositae partes molles: quin potius extenuantur, ac cellulosa tela adipe emuncta collabitur. Commissurae tantum abest ut rigescant, ut potius praeter solitum flexiles observentur. — *Pedarthrocace* vocabulum ambiguum est.

§. LXIV.

Tam varii igitur existunt circa articulos morbi. Neque omnes hic recensuisse videri volumus. Sic & scorbutici occurrunt, cum, vel sine dolore, de quibus auctores de hoc morbo consulendi: mihi propria illorum natura haud perspecta est. * Vidi autem in Georg. nosoc. feminam 30. circiter annos natam, cui ex biennio jam *tumor durus* tam *genuum* quam *corporum* ortus erat, *absque* ullo præcedente aut concomitante dolore sed cum *artuum debilitate*, qua & aliæ commissuræ laborabant, nec tamen tumentes. Gingivæ malæ diu scorbuti labem ostenderant. Vitium pertinax erat.

¶ LXV.

§. LXV.

Ganglion quoque cum tumore fungoso a quibusdam confunditur. Verum propria ganglii sedes non in artuum commissuris sed juxta eas supra tendines est: fungusque non sacculo contentus, sed diffusus in textura ligamentorum tumor est. Ganglion (*d*) circumscriptum, collectione oritur ipsi humoris, distendentis caverpulas telæ cellulosaë tendinibus adjectæ, ex eaque compressa velamentum sibi formantis. Hinc sphaerica esse solent & quodammodo mobilia, cum angustiore basi tendinibus adhæreant. Censet cel. Ellerus (*e*) existere ganglia dum liquor ad lubricandum tendinis motum intra membram quæ vagina ejus dicitur secretus, rupta hac, in telam elabatur cellulosa. Verum hac ratione ad radicem ganglii foramen esse deberet in vagina hac reperiundum, cum arctam tamen adhaesionem ad tendinis fibras ipse describat Ellerus. Videtur igitur accretione hac potius seclusi a tendine humor qui circa illum deberet effundi. Hinc si casu, vel actu de industria inflicto, rupto velamento liber illi rursus ad tendinem accessus detur, discutitur ganglion.

MORBI SIMILES.

§. LXVI.

Tantum de variis differentibus morbis. Similes autem fungo articu-
lorum mihi esse videntur *tumores periosteï*, partis quippe pariter li-
gamentosæ seu tenacis. Talium vero nonnunquam molis mirandæ histo-
rias reperimus. Veluti quem per se ortum describit Chirurgus Parisinus
cl. du Fouart (f) ubi ipsum femoris periosteum enormiter tumefactum
fuit: dolores adiuverunt ingentes: ossiculum quoque liberum in eo inven-
tum fuit, (conf. supra §. XXI.) aliæque cum eo quem hic tractamus
morbo convenientia. Varia quoque ingeniose de elicito ex eo tumore suc-
co experimenta instituit V. cl. cujus maximam quidem partem esse gela-
tinosam, ceteram lymphaticam reperit, unde & absque corruptione diu
persistere posse huiusmodi tumores concludit. Interim, quas reperit ejus
qualitates, non peculiarem aliquam a morbo orientem succum demonstra-
re, sed communes fere esse videntur glutini animali, quale quidem in
tena-

(d) Prouti hodie vox accipitur: veteribus enim aliud quid, nempe durum in capite nascens tuberculum, significasse videmus e Celfo L. VII. c. 6.

(e) *Hist. de l'Ac. de Berl.* 1746. T. II. ganglii dissectionem describens.

(f) Dans les *Mem. de l'Ac. de Chir.* T. I. p. 271.

tenacibus partibus maxima copia reperitur, sicuti & quodammodo glutinis fabrorum exemplo videmus. Hinc ipsam partis substantiam tumore adauctam dicere licet, neque adeo absurdum videtur, quod veteres dixerunt, succum nutricium copia majori accumulatum esse, quod quidem vel irritatione quadam, ab externa lésione aut intus generata acrimonia, vel debilitate partis, fieri potest: neque vero omnia tumorem constituentia acria aut morbosa censenda. Sic & pericranii hujusmodi tumores reperimus, qualis partem in qua capilli gignuntur fere rotam occupans, corrosivo remedio circumcirca absumptus, insimulque absque gravibus supervenientibus symptomatibus ablatus describitur (g). Alios ne memorem. Hi igitur absque externo ulcere nati tumores, ubi *fungi* dicuntur, convenit significatio cum fungis articularum, a quibus alios distinguendos diximus §. II. III. Solet autem iis periosteii tumoribus os plerumque adrosum subesse.

MEMBRA AFFECTA.

§. LXVII.

HActenus de natura morbi. Membra quod attinet illo tentata, in omnibus fere brachiorum & pedum articulis accidere posse, ait Heisterus (b). Atque a vexatione quidem aliqua cuivis id articulo accidere posse mirandum non est. Sed & per se, aut translatione humoris noxii, variis locis oritur. Sic in cubito natum aliquoties vidi. Coxæ tumorem puero trienni ceteroquin sano cum subita claudicatione ortum, ac a se discussum memorat Wiseman (i). Tumorem carpi cum rigiditate juncturæ post rheumatismum in humero versantem ortum ac sanatum, narrat cl. Trioen (k). Phlores etiam interdum aliosque ex aliis articulos simul afficit, ut in genubus vidi. A scabie pulsa in ægro quodam alteram post alteram carpi juncturam acerbo dolore ac duro tumore affectam, dein & genua tentata: elisum tamen medicamentis malum, narrat (l). Quin, virum vidit cel. Cullen Prof. Edinb. cui, cum frigori fuisset expositus sub dio cubans, multumque fatigatus, unum primo, dein alterum genu, porroque omnes membrorum articuli fungoso tumore affecti motuque capti essent (ll). Nullum vero articulum, vel per se vel ob

(g) A. N. C. D. II. A. 8. obs. 127.

(b) Chir. l. c. §. 1.

(i) L. IV. c. 4. p. 477.

(k) Waarsen. p. 183.

(l) A. N. C. D. II. A. 8. obs. 155.

(ll) Ut Edinburgo amicus ornatiss. Rob. Ramsay ad me scripsit.

lèsionem illatam, sæpius, neque alium majori cum periculoprehendit quam genu, id quod & auctores varii notarunt. Major hic articulus, majori ligamentorum apparatu comprehenditur, ceteris quoque partibus structuram aliis magis compositam faciliusque viciatam habet, ne dicam, quod motu corporis magis quam alii afficitur, & vexationibus magis est expositus. — Hinc & *genuum tumor* imprimis hoc tractatu spectandus nobis videbatur.

T E M P U S.

§. LXVIII.

Tempus hibernum (m) atque autumnale maxime origini & incremento hujus vitii locum dare observamus, atque universim triste ac varians æelum (n), sub quo semper ægri hi pejus se habere solent. Præterea ab interna causa, vel apparente vel obscura subito existentes tumores, noctu ut plurimum oriri solent, uti variis exemplis notavimus, ubi nihil dum sentientes mali cubitum iverant, noctu expergefacti pungente dolore genu, idque mane tumidum repertum erat (o).

C A U S A E.

§. LXIX.

SI causam examinamus hujus mali, duplicis eam esse generis videmus. Oritur enim vel ab injuria extrinsecus articulo illata, quod vulgo notum est: vel ab interno aliquo vitio, quod minus quidem frequenter observatum, attamen haud raro occurrit. — Ad externas, quæ fere ad irritationem & debilitationem referri queunt, pertinent vulnus (p), nec solum in articulum, sed & juxta eum indictum, uti & propinqui ossis fractura: ictus, contusio, lapsus, pressio, ut in iis qui multum genubus incumbunt: luxatio, aliave circa articulum vexatio. Quin & sola distorsione levi, nixu musculorum ligamenta distendentium, ut vestigio

M m m 3

fal-

(m) Confer. loc. Prænot. infra §. 83.

(n) Hujusmodi tempus erat in Perintho quod describit Hipp. L. VI. Epid. Sect. 2. §. 1. cum æquanti ventorum australium ac borealium & nivis permutatione; ubi ex tussibus gravibus articulos sæpe affectos memorat §. 72. Foet. §. 11.

(o) Idem notat Wirtb. Chir. p. II. c. 18.

(p) Conf. Celsi V. c. 26. §. 28. Wurtz. Chir. p. III. c. 15.

fallente: etiam a motu nimio articuli, ut in fatigatis ambulando, præcipue si frigus accesserit, excitatos hujusmodi tumores vidi. Hippocrates (q) ubi maxime & frequentissime equitent homines, ibi, ait, plurimis *κνέματα* oritura (de quib. vid. §. VI.) & ischiades ac podagram. & exemplum (r) affert.

§. LXX.

Ab interno vero vitio I. interdum per se circa commissuram accumulantur humores: rationemque hic sæpe nec ægri reddere ullam queunt nec medicus investigare (s). Variam autem subesse posse, colligere licet: nec humorum solum quaecunque vitium, seu lentor seu irritans acrimonia fuerit; sed partium quoque firmarum, quo fiat ut hoc loco hoc tempore congerantur humores. Et hic potest strictura vasorum rigiditate aut spasmo laborantium; potest & laxitate & torpore peccantium vitio congestio fieri. Neque hæc conjectura adeo & vana ratiocinatione assequi licet, quam prudenti nocentium ac juvantium observatione utiliter intelligi.

§. LXXI.

Vitus densior ut malum corporis habitum inducere, sic in causa huius morbi esse potest. In Aeno qui propter famem assiduo leguminibus vescerentur, crurum impotentes factos, etiam qui orobo uterentur genuum dolore affectos, notat Hip. (t). In Scotia pauperes quales frequenter hoc articulorum vitio laborant pulte potissimum avenacea vitam sustinent, jam & Solani bulbis esculentie multum vescuntur.

§. LXXII.

Præterea, 2. derivatis ab alia quadam corporis parte humoribus noxiis, morbus in articulum decumbit, quam quidem *μετάσσειν* plerumque dicunt medici, *ἀπόσσειν* Hippocrates (u). sic a febribus variis (u), a mor-

(q) De Aer. loc. & ap. c. LII. Fes. p. 225. l. 52.

(r) Epid. VII. c. LVIII. 11. Fes. 112.

(s) Vulgus, ubi dolore aliquo absque causa manifesta præcipue circa articulos corripantur, guttam sanguinis (*Bluts Tropfen*) eo defluxisse, dicere, memorat Fabr. Hild. Epist. 3. p. 959.

(t) Epid. II. Sect. IV, 34. seg.

(u) Hæc voce enim quamlibet materia translationem, qua liberata aliqua parte alia prehenditur; nec stricto sensu abscessum cum suppuratione significari, facile ex variis Hippoc. locis intelligitur. Quod & monet cl. Brendel. in Diff. cit. de Abscessibus. Conf. Epid. I p. 944. G. Fes. de quartana, ubi ap. Linden. Sect. 2. §. 34. in Græco textu versus omissus est.

(u) Conf. Mem. de l'Ac. des Sc. A. 1728. Obs. sur une Ankylos. & Hippocratis loca infra afferenda.

billis a variolis (v) natos vidi hujusmodi tumores, a febre ephemera interdum in feminis puerperis oriuntur (x).

§. LXXIII.

A menstruorum suppressione variis extitisse observavi, idque subito aliquando noctu insequente. A Dysenteria intempestive suppressa *ἀπόσσειν* interdum in articulis excitari notatur ab Hipp. (y) Et Cel. Brendel (z) ad hunc ipsum locum addit: aliquoties sibi observatos fuisse a dysenteria tumores ad articulum imprimis utrumque tibiæ subnatos: & cum nonnulli, inter tumores hujusmodi dubie levati; tandem intubuissent, quibusdam convalescentibus abscessus purulentos & in uno alteroque scabiem in societatem vindiciarum venisse [a].

§. LXXIV.

Item ab hæmorrhoidum aut sanguinis e naribus fluxus cessatione. * Exemplum sit puer Londini a me visus quem curabat Cl. Amb. Dawson M. D. Is per 7 annos copioso sanguinis e naribus fluxu multum debilitatus fuerat, jam vero fluere sanguis cessaverat. Scrophula aut Rheumatismo se laborasse negabat. Articuli facile intumescabant. Nam & genu dextri tumor fungosus indolens ab offensione aliquoties ac demum a nimia ambulatione ortus erat. Tali quoque articulus in eodem pede, qui præ altero debilis videbatur, sæpius a levi distorsione intumuerat: cumque versaretur in nosocomio Georg. subito aliquando absque causa manifesta cubiti sinistri fungosus tumor cum doloreoriebatur, sed absque adhibitis medicamentis quadriduo elapso abibat, rursus postea ingruens. — Memorabilis hic locus Hippoc. [a] ubi „circa articulos dolores ac tumores „qui a podagricis differant [b] existere ait illis qui viscerum tumore laborant [c], & capitis dolore, ac quibus in pueritia & juventute sanguis ex naribus fluxerit, dein fluere desierit”. Ibidem alia signa enarrat, vitium hoc ab hypochondrii morbo oriri ostendentia, ut hæmorrhoides, pruriginem in pectore & dorso, & si quis magnis conflictetur ventris doloribus absque alvi resolutione.

§. LXXV.

(v) Conf. exemplum in cubito ap. J. v. Wyck Anmerk. n. 22.

(x) V. cl. Simson Med. Ess. vol. IV. n. 20.

(y) Coac. III. 290. Fes. 462. coll. de Vict. acut. c. LIV.

(z) Diff. cit.

(a) Conf. §. 25. allata.

(a) Prædiß. II. c. 47. Fes. p. 113.

(b) „Sine podagra similibusque morbis” hæc reddit Cels. II. c. 7. p. m. 59.

(c) Sic ægram vidi in Edinburgensi nosoc. cui a morbillis primo abdomen inflatum fuerat: inde in genu incubuerat vitium. De qua §. 84.

§. LXXV.

Libro de humor. (d) ait, „etiam a tussi perinde ut a febre ad articulos interdum verti materiam, : innuens observationes epidem. (e) ubi scribit „a tussibus cum lassitudine etiam ad alia loca infirma impetum fieri, maxime autem ad articulos: & si tusses siccae, quales in febre cum lassitudine existant, ita inhæreant; hinc, & a febre, articulos prehendi (ἀρθρα σπλῖζον)”. Et (f) tussis in infantibus, cum alvo fusa & febre continua, significat, inclinante morbo bimestri spatio, seu ut plurimum viginti diebus, ad articulos etiam tumores exituros. (g). Qui quidem si inferiores articulos prehenderint, liberant a morbo; minus autem si superiores, nisi tamen ad suppurationem veniant”. (Hinc, non omnes huiusmodi abscessus cum suppuratione esse, patet.)

§. LXXVI.

In laxis corporibus, pueris, feminis, phlegmaticis, cacochymicis, maxime oriri hunc morbum observat Cl. Slevogt. [h]. Sane omnis fere generis vitia in corpore hærentia ad articulos vergere possunt. Sic ab scabie intus pulsa, interdum hoc malum oritur [i]. Illos qui strumis seu scrophulis laborant sæpius corripit, ætate præsertim nec dum adulta. Hunc tamen corporis habitum pro unica quasi fungi articularum causa temere habere videntur in Anglia varii [k]. Verum equidem ægros examinans, vix scrophulosos magis quam alios eo laborantes deprehendi: varique, nec se ipsos nec parentes fratresve strumis laborasse, affirmarunt: ac strumæ potius ossa ad articulos afficere solent, spinam ventosam inducentes, de qua §. 62.

§. LXXVII.

Frequentius autem vitium, quo laboraverint ægri qui hoc articularum tumore

(d) C. 2. §. 103. Fæf. 35.

(e) L. VI. Sect. 7. §. 72. Fæf. 11.

(f) Epid. VI. Sect. 1. §. 34. Fæf. 11.

(g) Vid. Exempla Epid. IV. c. 18. §. 13. Fæf. 29. Conf. Epid. II. 1. §. 55. Fæf. 56. Exemplum quoque tumoris genu in puella debili tussi laborante affert Wiseman L. IV. c. 4. p. 482.

(h) Diff. cit. §. 16. Scorbaticus fuisse videtur vir tumore genu laborans cuius symptomata cum fungoso conveniunt ap. Hippoc. Epid. VII. c. 26. §. 13. seqq. Fæf. §. 55. ac speciem fuisse ait quasi subesset suppuratio, qua fungum quoque varios de cepisse infra dicemus.

(i) A. N. C. D. II. A. 8. obs. 155.

(k) Quod absque controversia ita se habere ait Turner art of Surg. T. I. p. 124. 156. 160. Wisemannus ne distinguere quidem omnino hunc morbum a scrophulosis symptomatibus videtur: nulla tamen ejus indicia memorat in ægris p. 477. obs. 5. & 6. quos sani habitus fuisse ait.

more afficiebantur, mihi nullum visum est quam Rheumatismus, qui quidem morbus vehementer ex aliquot annis in Britannia invaluit, eoque se antea confictatos plures narrabant ægri, variis & subito inde fungus natus erat, ac decumbente in aliquem articulum pertinaci huiusmodi tumore, ceteri artus etiam tunc affecti vago morbo liberati erant [l].

§. LXXVIII.

Huc quoque referre possumus eos quibus a frigore suscepto atque humiditate corpori admota, mox in articulo aliquo fungosus tumor natus erat absque aliis per corpus vagantibus doloribus, quæ haud rara hujus mali causa est [m]: eaque media quasi inter externas internasque censenda, cum si præsertim hinc laborent qui Rheumatismo antea tentati fuerant, neque aeris injuria juncturam aliquam reliquo corpore magis læserit.

§. LXXIX.

Univerſim notandum: alterutram harum, vel internam vel externam causam, sæpe προϋγκμένην esse, alteramque προκαταρκτην accedere [m], aut ortum jam ab altera malum altera accedente gravari atque confirmari. Sicuti ortos a vexatione quadam articuli tumores exacerbatos vidi a variolis aliisque febribus, a suppressis menstruis, aliove morbo accedente: contra qui ab interno vitio nati erant versos in deterius a frigore admissos, motu nimio, ne dicam de contusione aut vexatione aliqua graviore.

§. LXXX.

De manifestioribus autem causis locuti sumus. Cruditatem, falsum quid, similiave in humoribus vitia memorare, vix melius rem explicat quam caloris nativi defectus ac humidi radicalis imminutio, qualia veteres accusare solebant.

P R O G N O S I S.

§. LXXXI.

Cum causis signa conjuncta sunt. Ea quod attinet, quæ vel ante vel in hoc morbo observantur, varia in accuratis reperimus Hippocraticis commentariis, quæ comparatione illustrare poterimus, cum seorsim spectata quædam sint obscuriora. Diximus jam de voce ἀπόσας §. LXXII.

(l) Conf. §. 39. & §. 97.

(m) Huiusmodi exempl. affert & cl. Becker Diff. cit. §. 12.

(n) Neque aliter fieri posset ut a levissima interdum læsione articulus intumesceret, nisi quia vitiosa jam in corpore lateret materia, quæ facile data occasione huc incumbit.

Disput. Medico-Pract. Tom. VI.

N n n

Ubi

Ubi igitur de suppuratione nihil additur, de huiusmodi etiam inveterascente tumore, qualem a variis morbis ad articulos interdum oriri modo notavimus, licebit verba Hippocratis explicare. Sane [u] distinguit ab abscessu suppurantes ab aliis, & alibi [o] adjicitur expresse „ abscessum dolorificum suppurantem futurum ad articulos, nempe, quibus in febribus tremores citra judicationem cessent. Conf. locum [p] ubi ait „ abscessus raro sunt illis qui rigores habent ” loquitur autem statim de abscessibus ad articulos.

§. LXXXII.

Libro igitur de Humor. [q] notat „ Quibus lassitudinis sensus sit in sebre, iis plerumque vel in articulos, vel in maxillas malum decumbere, prouti hac illave parte dolor oriatur. Ad superiora quidem ut plurimum [r], praesertim si pedes frigidi sint [s]. Sin lentus sit morbus & dorsum vergat, ac potissimum ubi pedes calidi sint, huc se inclinaturum vitium, significari. Observandum &, utrum statim a morbo aliquo in manibus pedibusve dolor existat, aut etiam ante morbum aliqua pars doluerit: illuc enim incumbere malum. Atque huc pertinet quod [t] ait „ Debilitates crurum [observandae [u]] „ qualem sentiunt vel qui ante morbum, vel qui mox a morbo inambulant, quia forsitan in articulos malum incubuit atque inde existunt debilitates, alibique fatigationem in causa esse innuit ut articuli prehendantur [v]. Haec uti experientia constant, ita si mature observentur usus ad curationem insignis esse possunt.

§. LXXXIII.

Porro [x] effatur Hippocrates. „ Si in longum trahatur febris nec tamen interitus periculum sit aegro, ubi dolor adest neque ob inflammationem.

(u) Epid. VI. Sect. I. 36. conf. supra §. LXXV. Sic & in Praenot. (Fasf. p. 43.) c. 18. initio loquitur de abscessibus ad membra inferiora in sinuata ulcera erumpentibus, quibus salutem afferri ait peripneumonicis: dein vero de tumoribus huiusmodi lentis & qui retrocedere possint haud sine periculo aegri.

(o) Coac. I. 198. Fasf. 141.

(p) Epid. VI. Sect. I. 25. Fasf. 10.

(q) C. III. §. 97. seqq. Fasf. p. 49. coll. Cels. L. II. c. 7. p. m. 65. Atque hinc summi Aphor. IV. 31-33.

(r) Τὸ οὐρανόν, quod male reddiderunt interpretes in totum, & hoc & aliis in locis, significat id quod plerumque fit, uti vel ex contextu perspicere licet. Supplendum: πὸ οὐρανοῦ ἰσχυρῶς. i. e. ut summum dicam. Similiter & alii auctores Graeci loquuntur. Vid. Indicem Dionis Celsii Edit. Hamburg.

(s) Conf. de Viâ. acut. XLV. 3. Fasf. p. 399.

(t) Epid. VI. Sect. I. §. 26. Fasf. 11.

(u) Quippe vox οὐρανός in his omittitur. Conf. ib. Sect. II. §. 26. Fasf. 11.

(v) Vid. de viro cui in genu ac poplite (de quo conf. supra §. 11.) tumor exstiterit, Epid. VII. c. 26. §. 13. Fasf. §. 55. & exempl. pueri Epid. IV. c. 18. §. 13-18. Fasf. 29. ubi notis est ἀσθενείας, conf. c. 17. Fasf. 26. Adde de paralyti c. 28. Fasf. 39.

(x) Praenot. c. XXIV. §. 9. Fasf. p. 45.

tionem aliquam neque ob aliam quandam causam manifestam, translatio materiae cum tumore & dolore in articulum aliquem expectanda, maxime in membris inferioribus. Potius vero sunt haec & breviori tempore iis qui necdum triginta annos nati sunt: senioribus minus [y]. Dispiendum autem de translatione statim ubi XX. dies excefferit febris, si continua fuerit. — Sciendum praeterea, has translationes bieme potissimum fieri & tardius cessare, minusque intro recurrere [z].

§. LXXXIV.

Alibi [a]: „ si temporum vena [i. e. arteriae temporales] haud subsident, [nimis distentas exponit Galen.] nec splendus [aut forte candidus] viridescens color sit, ubi spiritus intus haeserit, aut tussis sicca haud ferox adsit, in articulos malum incubiturum esse [ἐξ ἀσθενείας & πνιγῆς] expectandum est, [cujus & exemplum notatur appositum [b]:] idque ut plurimum eodem latere quo inflatio ventris adest. Plurimi autem horum ruborem facie praefertunt, licet ceteroquin candidioris habitus sint, neque iis sanguis ex naribus profluit aut non nisi paucus: & ubi fluens cessaverit, tunc imminet [illa translatio. Conf. loc. §. LXXIV. allat.] Similiter si sitis remanet, & oris siccitas, ac sapor ingratus, cibique fastidium. Haec autem febres haud acutae sunt, sed reverti solent. * Sic aegram Edinburgi vidi XVIII. annos natam, quae a morbillis [tussi haud vacantibus] abdominis primo tumore se affectam fuisse, quo adhibitis remediis mox abeunte, in genu decubuisse vitium aiebat, quod jam per 12. annos, pertinaci, haud suppurato, olim cedente dein a vexatione rursus exasperato, fungoso tumore laborabat. Erat autem coloris floridi, cetero quoque corporis habitu sana. Et [c] Chr. Fr. Garmannus refert, juvenem XVII. annorum in sinistro hypochondrio primum, post circa genu illius lateris leves quosdam ultra mensem sensisse dolores, quibus neglectis tumorem circa genu ortum quo claudicaverit. Queltum esse aegrum, e sinistro hypochondrio materiam calidam & acrem ad genu sibi defluere videri.

N n n 2

(y) Sane ex pluribus quibus ortos huiusmodi tumores vidi, vix unum atque alterum aetate majorem fuisse memini.

(z) Conf. §. 68. Translata haec, minus tamen distincte, & paulum immutata in Coac. I. 202-207. Fasf. 143. quo respicit Cels. II. c. 7. p. m. 64. l. 21. qui quidem de suppuratione haec exponit & ib. l. 3. οὐρανὸν abscessus vertit. Congruit & cum hoc loco Aph. IV. 44 & VII. 63. (65.) Add. Coac. I. 168. Fasf. 118. de Viâ. acut. c. XLIX. Fasf. p. 400. coll. c. XLV. In Aphorism. autem post l. c. ponitur IV. 45. Quibus tubercula ad articulos aut dolores oriuntur ex febribus, si cibis utuntur nimis & VII. 66. (64.) „ longa tubercula, aut in articulis dolores. ” Pertinet etiam huc illud Epid. VI. Sect. 4. §. 1. 3. itemque de Judic. X. 3. & de Humor. sub fin. de tuberculis circa aurem haud suppurantibus ac disparentibus itemque Praenot. c. 18. Fasf. p. 43. de translatione materiae a peripneumonia.

(a) Epid. VI. Sect. 2. §. 27. Fasf. 11.

(b) Epid. IV. c. 18. §. 13. Fasf. 29. coll. c. 17. Fasf. 26.

(c) A. N. C. D. I. A. 9. obs. 63.

deri. Quem dein describit incisione supra genu emissum humorem cum por-
tiunculis quas fungosas vocat, materia meliceridis esse videtur quam des-
cripsimus §. XVII. Periosteum in femore consumtum fuisse, atque intus
quoque in commissura cartilagine luxuriantem fuisse deprehensam [de
qua §. LVIII.] Eam vero causam fuisse tumoris genu haud magis mihi pro-
bat, quam femur quoque inde tumidum fuisse; ac obscurius rem describit.

§. LXXXV.

Pergit Hipp. [d], Quæ post judicationem [seu morbi exitum] relin-
quuntur, reversiones faciunt. Huiusmodi igitur sunt primum lienis tu-
mores, nisi illi in articularum tumores abeant, aut e naribus sanguis
profuscat: tum dextri præcordii inflatio, nisi hæc solvatur urinæ excre-
tione [e]. Utrumque enim horum ubi post morbum relictum fuerit,
febrem reverti probabile est. Ita quidem reddendus mihi, collatis aliis,
hic locus videtur [f].

§. LXXXVI.

Porro ab excretionibus hæc signa ponit [g], Quibus alvus ab initio fusa,
urinæ autem pauca sunt, dein alvus supprimitur, *urina vero multa fer-*
tur eaque tenuis, his incumbet morbus in articulos [h]. Huic contra-
rium aut mancum videtur, quod [i] scribitur "urinam crassam ex qua
quod desidit album est, significare circa articulos dolorem ac tumorem —

§. LXXXVII.

Sane alibi [k] testatur, *urinam crassam, albam*, qualis in febribus
cum lassitudinis sensu quarto die aliquando prodeat, (haud imminen-
tem

(d) Epid. VI. Sect. 2. §. 32. Fes. §. 12.

(e) Conf. Prædict. II. c. 48. Fes. p. 113. Epid. IV. c. 3. Fes. §. 3. ubi sensus
inversione nullus redditus, (Editionem tamen Vindobonensem ad manus mihi haud
fuisse, fateor:) sed nulla difficultas esse videtur, si interpreteris: "Lienes aliis tu-
midi non erant, quibus vero dextera præcordia inflata fuerunt (forsitan *intercubiti*
pro *inter. leg.*) & manu adnota murmur aliquod edentia. His sanguis fluxit,
ac urinæ ejiciebatur mortuus ac solvebatur. Multo magis vero habebant deorsum
(scil. incumbentem) aetiam, *απορρέου* — Qui sic affecti non erant, sed lie-
nes habebant tumidos, *his e sinistra nare sanguis manabat.*" Quæ omnino congruant
cum loco hic in textu allato.

(f) Similia exstant Epid. II. Sect. 3. §. 71. Fes. p. 1027, Add. exempl. tumoris
genu Epid. IV. c. 14. §. 15. Fes. p. 1129.

(g) Coac. VI. 61. Fes. 619.

(h) Conf. Prænot. c. XI. §. 17. de Judic. VII. 6. Coac. V. 40.

(i) Prædict. II. c. 10. §. 7. p. 88. Fes.

(k) De humor. sub fin. Epid. VI. Sect. 4. §. 3. Fes. 2. & de Judic. X. §. 5. quo-
rum alter ex altero illustrandus & corrigendus locus.

tem significare, sed), *liberare ab abscessu (ad articulos)*. Quodsi & præ-
terea e naribus sanguis haud parce fluat, omnino securos præstari: seu
plane cito liberari (1). Sic & in loco illo Prædict. (m) id ex urina
cum aliis enumeratur signis, nempe "Quibus circa articulos dolores at-
que tumores oriuntur & desinunt, ratione haud podagrica, in iis in-
venies viscera tumida, ac in urina subidere album quid, ac, si tem-
pora attollantur (n), ea sæpe dolere dicet æger: dicet & noctu corpus
insudare. Quodsi vero haud subsidat ejusmodi quid in urina, neque su-
dores accedant; metus est ne claudi fiant articuli [o], aut subnasci in
iis exulcerationem quæ *μελανγίς* vocatur". Item alii resolutione a-
verti articularum affectionem innuit, dum iis oriri hoc vitium ait qui-
bus magni existant ventris dolores absque dejectione [p]. Exemplum fe-
bris, vomitu, fluxu sanguinis, urina & sudore [absque abscessu] solutæ,
affertur [q]. Videtur febris rheumatica fuisse, ac membrorum dolores des-
cribit *κοπιδέα τρέπον*. Nescio igitur an *κοπιδέας πυρετοί* sint forte rheu-
maticæ, cum sane & ex hoc morbo fungum articularum sæpe existere su-
pra notatum fuerit §. LXXXVIII.

§. LXXXVIII.

Sanguinis fluxum etiam pueris tussi laborantibus [conf. §. LXXV.]
febrem solvere ait ceteroquin tumores articularum parituram. Fluere au-
tem his minus quam ætate paullo provectioribus [r]

§. LXXXIX.

Sed plura excutere non vacat. Atque hæc quidem signa in nosocomiis
N n n 3 adeo

(1) Ut scribitur Aph. IV. 74. Fes. 73. ubi eadem etiam clarius explicantur. Conf.
de sanguinis fluxu Prænot. c. 22. & c. 25. §. 12.

(m) II. c. 47. Fes. p. 113.

(n) Intelligit forsitan: ubi arteriæ temporales insidentur. Conf. supra §. LXXXIV.
(o) Sic Prænot. c. XVIII. §. 17. Fes. p. 43. ubi a Peripneumonia translatio
materiæ ad pedes fiat, *si spiritum non bene reddatur*, neque urina subidentiam bonam
exhibeat, periculum esse, aut, ne claudus fiat articulus aut multum exhibeat ne-
gotii. Quæ alique ibi memorata huc spectare videntur.

(p) Quæ dein sequuntur: *δυνάει δ' αγγών* &c. non adeo de articularum tumore
agere existimo, sed de illo corporis vitio, cujus cum esse signum seu symptoma po-
tuerat, nempe de viscerum (ac potissimum lienis) inflatione, quamvis Cels. L. II.
c. 7. p. 60. etiam lippitudinem cum articularum vitis conjungat. Verum is, lauda-
bilis ceteroquin scriptor, quæ de morborum signis ex Hippocrate decerpit parum
distincte parumque accurate composuit. De lienis autem tumore similia ap. Hippoc.
alibi dicuntur. vid. Prædict. II. c. 41. Prænot. c. VI. §. 5. 6. 7. Fes. p. 113. &
de Affection. c. 21.

(q) Epid. I. Sect. 3. æg. 6.

(r) Præterea, vid. de Vitis. ac. c. XLIX. Fes. p. 400.

adeo accurate animadvertere vix licet: meliora tamen observaturus fuiss-
sem si Hippocratem antea legere mihi per tempus licuisset. Pauca jam sub-
jungamus: quædam & in curatione sparsim notanda signa.

§. X C.

Ubi per aliquod tempus persistit articuli vitium, caro ejus membri ma-
nifesto emarcescit. Quod quidem a vitio aliquo circa articulos plerumque
fit, ac ab Hippocr. jam observatum: quin, si in pueritia aliquid circa
articulos noxæ inferatur, dein membrum quod affectum fuerat minus
quam alterum crescere [1]. Hic vero notabile, quod non ulterius solum
extenuetur membrum [2], sed & superius, ut puta, non crur tantum-
modo ubi genu hoc modo laborat, sed femur quoque insigniter [3].
Unde colligendum, nervorum affectioni altius truncum debilitanti, par-
tim & motus defectui, quod sentit Hippocr. potius quam compressioni
vasorum nutrientium, tribuendam esse maciem istam: de cujus curati-
one infra.

§. X C I.

Tandem vero, naturæ relictum, aut male tractatum, aut ubi curatio-
nem nullam recipit, sic procedere & exire hoc malum solet. Conficitur
æger dolore, resorptione materiæ acris, qualis hæc vel diuturna stagnatio-
ne tandem debet evadere, tabescit: aut circa ligamenta ortis meliceridi-
bus, ipsa mox periosteæ atque ossa rodente sanie corrumpentibus, sæpe & ac-
cedente aut simul existente intus in capsula articuli acris humoris affluxu, ca-
artilagines illic resolventis, ossa erodentis [4], consumitur, ac nisi tunc
refectetur articulus tabe perit.

§. X C I I.

Sanationem vero plerumque arduam esse fatentur Chirurghi [5]. Al-
tius inhaerentem tumorem, vetustum, atque durum, item, si cum exul-
ceratione sit, curationem habere difficiliorem, facile apparet. Ex dissec-
tione quoque videmus, quænam dissectionem ægre concedant ac pertinax
adeo vitium reddant, si nempe ipsa fibrarum textura spissior sit reddi-
ta aliterve immutata [6], nullo fere effuso apparente humore: cum his-
ce

(1) Uti post ulcera profunda ad humerum, de Artic. c. 14. & Epid. VI. Sect.
I. §. 37. Aluxatione, de Artic. c. 13. §. 9. c. 57. seqq.

(2) Quemadmodum ponit cel. Heister. Chir. I. c. §. 2.

(3) Cujus & exemplum affert cl. Becker Diss. cit. §. 16. J. v. Wick, Beeng-
well. c. 4. p. 114. & conf. Hippoc. de artic. c. LIX. 3. & c. XCIII.

(4) De quo supra §. 48. 58. 59.

(5) Cel. Heist. I. c. §. 3.

(6) V. §. 22.

ce integris si humoris tantum congestio adsit in interstitiis, quod ex tu-
moris mollitie colligendum, facilius elidatur, nisi tamen acris humor a-
droadat partes. Attamen dummodo nulla adsit partium intus in commi-
ssura sitarum corruptio; concreta discuti, rigida solvi, aut cor-
rupta jam a sanis rejici, emaciata quoque habitum recuperare pos-
sunt, si modo adhibeatur attentio ac diligentia Chirurghi. Quod si ve-
ro cartilagineæ, ossa cet. intus affecta sunt; sæpe res omnino despera-
rata, aut si aperto ulcere separari corrupta ac purgari omnia queant, quod
sane, licet in ipsa junctura sit caries, fieri nonnunquam posse videbimus,
ankylosis tamen vix evitanda. Sin extra capsulam tantum abscessus adsint
[de quib. §. 17.] iisque apertis corruptæ ligamentorum fibræ resolutæ
separentur, suppuratio bona fit, atque interdum ita quod malæ materiæ
coiverat educitur, tumor subsidit, & sanatur morbus. Alias tamen liga-
menta fasciæve longe lateque circum inflammantur, & post apertos absces-
sus persistunt mala sæpeque ex ejusmodi casibus teterrima foetens corro-
dens omnia sanies existit & cancri fiunt.

§. X C I I I.

Signa autem hæc possumus asserere. Si vel ab externa causa, vel ab
interna quoque tumor fungosus brevi exsurgat [hydrops enim suis notis §.
46. distinguitur]; tunc extra commissuram tantum hæere malum pro-
babile sit, ac spes est posse sanari. Contra, si post diuturnos alte sitos
dolores lente oriatur tumor, isque durus; metus est, ad cartilagineæ ossa-
que in junctura aut in ipso ossium medullio hæere malum: quod qui-
dem ubi amputatos dein articulos inspicerem, ita deprehendi. Attamen
neq. semper malo hoc omine spes abjicienda. Vide exempl. ægri in quo
hæc ita se habebant sanati [2]. Prius igitur videndum, utrum frustra
adhibeantur varii generis medicamenta.

§. X C I V.

Ex iis autem qui subito oriuntur, plus habent periculi & difficiliores
cûrati sunt tumores qui per se, & potissimum si cum liberatione a mor-
bo aliquo, quam qui ab externa vexatione in corpore sano oriuntur.
Ceteroquin a vitio aliquo in corpore hærente & ad hos accedere mali hu-
moris derivatio potest ut prioribus fiant similes.

§. X C V.

Tumor glandule seu massæ illius adiposæ quæ in articulo ad patellæ li-
gamentum hæret, huic vitio junctus, [§. 50. extr.] pertinax esse solet
etiam post fungosum articuli tumorem discussum.

§. XXII.

(2) A. N. C. D. II. A. 8. Obs. 155.

§. X C V I.

Fungosi tumores si soli adsint, absque interno in capsa vitio, præsertim benigni, dolore vacantes, per annos plures possunt persistere absque sup-
puratione & absque alia ægri noxa [a]. Quin, si ex aliquo corporis
vitio in articulum incubuerit malum, melius inde quoad cetera se habere
solet æger [b]. Sic, ubi a menstribus suppressis orti erant, præcordiorum
oppressio aliaque mala cessaverant: ubi ex rheumatismo nati, desiverant
in aliis articulis dolores &c. Atque hæc imprimis denunciant confirmari
in articulo vitium tale de quo agimus.

§. X C V I I.

Contra, si partes olim laborantes rursus prehendantur, velut si rheu-
matismus qui antea ægrum vexaverit redeat per plures articulos va-
gans; liberari solet is qui fungoso tumore affectus erat.

§. X C V I I I.

Verum, cedente fungoso tumore, motisque sic diu stagnantibus humo-
ribus aut cum liberatione corporis eo depositis, sæpius ægri modo bene
se habentes variis premuntur malis. Præsertim in mulieribus præcordia op-
primi, difficultatem respirandi variaque velut ab obstructis menstribus ori-
ri symptomata vidi: ventriculus sæpe aliaque partes internæ afficiuntur.
Quod si fiat, graviter ac pertinaciter laborare, interdum adeo interire so-
lent ægri. Qua de re memorabilia videntur hæc exempla. * Ægra que-
dam 25. circiter annos nata, habitus floridi, Londini in Georg. nosoc.
medico utens Cl. Dawsono, tumore genu laborabat, qui mense Decem-
bri per se ortus erat, & remediis variis haud cesserat. Sed Martio men-
se cum febris illi forte superveniret, qua lecto per aliquot dies detineba-
tur, sponte abiit genu tumor. Inde vero ventris dolor atque tumor exor-
tus, quo post mensem etiam tunc laborans e nosocomio domum dimit-
tebatur. Tunc accessit urinae suppressio, sic, ut nullum ad reddendam eam
stimulum sentiret, nec ullus in regione vesicæ tumor perciperetur. Usu cân-
tharidum expressa urina instar gelatinæ crassa reddita. Balneum tepidum
frustra adhibitum: applicatis autem circa lumbos pannis frigida madidis,
bis terve lotium elicitum fuit. Vesicatoria regioni utriusque renis ac si-
mul tibiis applicanda suadebat Cl. Dawson, quæ tamen neglexit ægra.
Et cum Londino discederem, quintum jam mensem sic laborabat, per
LXX.

(a) V. exempl. §. 84. Maligni contra i. e. rodentem humorem habentis hist. §.
21. allata.

(b) Hinc merito tunc inter metastases censendi.

LXX. tunc dies nihil urinæ reddiderat, atque oedemate per totum cor-
pus affecta erat — ** Ad alteram ægram adduxit me Cl. Douglas Chir.
Lond. Hæc cum per sex menses, a frigore suscepto, rheumaticis doloribus
affecta fuisset, circa lumbos præsertim, femoribus quoque simul & crura-
bus adeo debilitatis, ut stare vix posset: demum febris accessit per tres heb-
domades durans. Deinde in genu dextrum incubuit omnis morbi vis. Hoc
intinuit doloribusque pungebatur: partes antea affectæ liberatæ fuerunt.
Sic per annum jam persisterat vitium, cum, fallente vestigio, procideret,
pedibus corpori subjectis. Inde laborans genu dolore tumoreque majori
corruptum fuit, præsertim, cum altero die insuper nimis ambulasset. Tu-
mor tunc circa genu fungosus haud exiguus aderat: glandula quoque sub
ligamento patellæ turgebat. Pannos aceto calido tinctos adhibere iussit Cl.
Douglas, quibus levatum fuit malum. Suadebam deinde ut hirudines ap-
plicaret circa partem tumentem, quæ sanguinis haud parum fugentes pro-
fuerunt illi, uti & purgans medicamentum: ita ut melius se habere ge-
nu testaretur quam per sex menses elapsos. Supererat tamen tumor, præ-
sertim ad partem anteriorem circa flexorum musculorum insertionem, ad
tactum valde dolens, item glandulæ tumor. Nec acetum jam, nec alia
varia levamentum afferebant. Tunc auctor erat nonnemo, ut Emplastr.
mercuriale circa genu applicaret: quod equidem, cum & ante a discus-
sione viscera affici senserit ægra, & habitu ad phthisin prono videretur,
dissuadebam, nec Cl. Douglassio placebat. Maluissim sudore ex articulo
ope Sp. vini accensi elicitio dispellere malum, aut ulcere in pede excita-
to tumque trahendo, aliave ratione, materiam derivare & elidere. Illa
vero consilium ignoti secuta, emplastrum istud mercuriale applicavit, ac si-
mul per XIV. fere dies quotidie aquam calidam in genu infudit. Mox hinc
ventriculus affici, ut quavis affusione sentiret nauseam. Simul supprimeban-
tur menstrua, quæ antea haud defecerant. Oppressiones præcordii cum
tumore ac dolore ingravescabant, nec subigi poterant usu aquæ menthæ,
amarorum &c. Sudoribus quoque noctu accedentibus profusis exhaurieba-
tur. Tumor interim genu subsedit, nec adeo per affusionem calidæ quam
postea cum empl. mercur. solum adhiberet. Glandula tantum adhuc sub
ligamento patellæ turgere videbatur, atque extenso pede ab utraque parte
eminebat. Motus articuli liberior redditus erat, rarus modo dolores in eo
sentiebat, cum leviori debilitate. Demum ventriculi tumor quidem assump-
tis medicamentis cessit. Sed tabes invaluit: pulsus exilis, celer: sudores
profusissimi: tussis quoque accessit cum respirandi difficultate, quibus per
14 dies conflictata obiit, cum empl. merc. per sex hebdomades in genu
tulisset huiusque usus satis expeditus redderetur. — Hippoc. [c] obser-
vat,

(c) De Viâ. acut. c. XLIX. 11. Fas. p. 401.

Disput. Medico-Pract. Tom. VI.

vat, quodsi articularum tumores, & huiusmodi quæ cum liberatione a febre oriantur, retrocedant: si manus contrahantur, vel tremulæ fiant, spasmus accessurum esse & delirium [d]. Atque hæc de prædictione sufficiant.

(d) Conf de periculo ab retrocedentibus huiusmodi in articulis a peripneumonia per materiæ translationem existentibus tumoribus *Prænot.* c. 28. §. 19. seq. *Faj.* p. 43. l. 27.

JAm de curatione quoque acturus eram, cujus causa cetera dicta sunt: &, observationibus atque cautionibus variis notatis, affectum jam caput habebam. Sed cum vel sic longius quam putassem protracta sit Dissertatio, alias isthæc edenda erunt. Atque hæc interim ut æqui bonique consulant, Viros rogare doctos debeo, & arte peritos de erroribus moneantes pluraque benevole suppeditantes grato semper audiam animo. Nunc enim amplius mihi differre non licet reditum in liberam & pacatam Patriam, cui summa hæc in humanis bona constanter benignissimum Numen, solusque mortalium Pater, velit servare!

A D D E N D A.

Ad §. X. fluctuantem - prodens) (xx) Interdum tamen huiusmodi specie fallens. Ad §. XXVI. ligamenta - dicant) (gg) Tendines etiam lente sectos interdum sine dolore ægrorum se observasse ait *Mæckren* Obs. Cap. LXV. vaginam illorum sensu majori præditam putat.

Q U Æ S T I O N E S.

I.

Oculorum sensu tantum seducti videntur auctores de internis sensibus agentes, cum de notionum omnium imaginibus in cerebro exstantibus loquuntur, easque non solum pingunt, sed fere tanquam sculptas fingunt.

I I.

Attamen, ne ab oculis quidem imagines ad cerebrum pervenire constet, nedum ab aliis sensibus. Quid igitur, nisi motus quidam tremulus? At ille durare constanter nequit, & ab alio subsequente suffocatur, ac donec durat præsens & imago persistit, [velut ubi oculi nimia luce perculsi fuerint.] Quod secus se habet in notionibus memoria reconditis.

I I I.

I I I.

Neque igitur in eo quod corporis est notionum sensibus haustarum vestigia relicta demonstrari possunt, & de receptaculo imaginum in cerebro inanis opinio videtur. Sed contineri illas oportet vi entis cogitantis, quod corporis quidem ad eam rem organis opus habet: haud vero intueri tantum expressas in corpore imagines ex eo colligitur, quoniam & componit & mutat, cum ipsa se in cerebro imagines immutare non possent.

I V.

Potest igitur quod in corpore tam ad reminiscendum quam ad cogitandum requisitum esse observatur in sola aptitudine ac facilitate usus organorum positum esse, &, quod recentior aut sapius oblata notionem revocentur facilius, vel ideo tantum fieri, quoniam usu habitus acquiritur, veluti dum aliquis fidibus cantilenam ludere didicit, ubi, quis putet succedentium sonorum in cerebro imagines dispositas esse?

V.

Ut Archæi veteres, Animæ (a cogitante diversa) *Stabliani*, sic Naturæ vocabulo hodie ludunt multi, Numen fingentes providum & cum deliberatione agens. Quid autem Natura corporis nostri, nisi mechanismus a Creatore universum tam sapienter constitutus quam potuit maxime?

V I.

Hinc declaratur, cur salutifera illinc plurima fluant: singulares effectus incommodi [quales in Chirurgicis maxime apparent] non potuerint evitari, qui haud inciderent si Natura esset Numen caute de singulis motibus deliberans.

V I I.

Neque de verbis modo disputatio est: sed errores hinc sequi debent medentis, dum pro salutari molimine habet qui necessarius tantum ac noxiis sapienter effectus erat.

V I I I.

Sic febris intermittens interdum quidem vincit causam suam, & per se salutem efficit: plerumque vero haud salutiferum, sed necessarium tantum & corrigendum esse motum, inde colligimus, quia, quo diutius inhaesit eo magis debilitat hominem, eo difficilius sanatur: tantum abest, ut ad valetudinem tendat. Nec illi suppressa, sed male curata, & causa relicta, tribuenda sunt si quæ sequuntur mala.



GEORG.

CCXIII
GEORG. ERNESTI STAHL
ET
JOAN. CONR. TIEFFENBACH,
DE
PODAGRÆ
NOVA PATHOLOGIA
DISPUTATIO.

Halæ 9. Junii 1704.

000 4

P R O O E M I U M.

Qui vulgo queruntur, quod theoria medica cum praxi nihil cohereat, de ea theoria loqui videntur, quæ vel historiam morborum in genere, vel ad minimum historiam temperamentorum, ætatum, morborum, his utrisque symbolice evenientium, & denique genericam convenientiam morborum, plane insuper habeat. Sane enim, si abstrahamus a generali illo conceptu, qui historia, seu experientia contrarius est, quasi nempe quilibet homines, cujuslibet temperamenti & ætatis, quolibet tempore, cuilibet morbo expositi vivant, quotiescunque saltem generales istæ causæ in aëre, in cibo & potu, in acido & viscido, & saporibus aliis, in mutatione figuræ humorum & pororum &c. eveniant: & potius experientia discamus, quod hoc non ita se habeat, sed omnino certis dispositionibus, certa hujusmodi pathemata obtingant: tunc revera nulla insignis difficultas subesse videtur, quæ impediat, quominus non modo rationem facile inveniamus, cur tali constitutioni talia accidant: sed etiam in modum practicam tanto facilius concinnemus, quæ his circumstantiis satisfiat: vel etiam methodos probatæ veritatis, intelligere valeamus, quo nomine & intuitu effectum suum edant: vel denique pertinacis durationis, & contumaciæ adversus curam, rationem, ex assuetudine tanto probabilius percipiamus.

Ex hoc certe fundamento non difficulter ab experientia discimus, quod & inde, certis temperamentis, junioribus ætatibus, certis vitæ generibus, sanguinis abundantia eveniat. Cur & quomodo abundantia facile impedimentum motus, & inde vitia craseos post sese trahat: quomodo huic ordinarie occurratur & succurratur motu auctiore sanguinis, pulsorio intus, tonico extus: & quomodo hic præcipue motus alteruter, ad ætatem sese habeat, pulsorius nempe ad vegetam fervidam, tonicus ad languidiorem & declivem; quomodo ex his duo summa genera multorum, multorum inquam morborum nascentur, nempe (1) hæmorrhagia, aut harum proxima soboles, stases, tumores, inflammationes, corruptiones, suppurascens, ulcerascens: 2) spasmi, & horum proxima soboles, gravativi, pressorii, rigidi, frigidi, stupidi, aut vellicatorii, palpitatorii, vibrativi, fornicatorii &c. dolores.

Actum agerem, si hic multis verbis percererem affectus istos in praxi adeo frequentes, & numerosos quidem, qui ex hoc fundamento, cum eidemque, aut diversis hominibus, eodem temperamento instructis, evenire solent, per diversas ætates, non genere, imo sæpe ne specie quidem, sed loco tantum variantes. In prima juventute lymphatica substantiæ (nondum abundante æque actuali sanguine, sed lymphæ tantum, tanquam communi materia solidarium porosarum partium, & ipsius sanguinis,) circa caput stases & ulcerationes, crista lactea, achores, aurium madores, coryzæ, per accidens, aut abundanti-

dantiam, in tussim sese diffundentes: in pueritia hæmorrhagia narium: in iuventute hæmoptyses, vomitus cruenti: versus consistentis ætatis consinia, interna hæmorrhoides: circa senectutis initia hæmorrhoides externæ: inter hæc utraque mictus cruentus.

Ex stasibus, hæmorrhagia non perumpenti succedentibus, pueritia & adolescentie circa caput, cephalalgia acuta æstuosa, ophthalmia, parotides, odontalgia, Febres diarie, synocha, & similes acutæ valde brevis periodi: juvenibus angina, asthmata sicca spasmodica, pleuritides & peripneumonia, phthises, vomica pulmonum &c. adultioribus & juvenibus, hypochondriacæ passionēs, colicæ, alvi vitia, icteri, hectica, ascites:

Provectioribus, nephritides & calculi, hæmorrhoides cæcæ dolentes, aut palindromes ad pristina loca. His aut senescentibus, varices crurum.

Infantibus & pueris epilepsia & convulsiones promptæ; juvenibus asthmata spasmodica, rheumata circa collum, humeros, scapulas, arthritides vagæ, vomitus, colicæ; provectioribus spastica tales & rheumaticæ tensiones & pressiones circa lumbos, os sacrum, coxas: declivioribus, aut ab his initiis ulterius progredientibus, gonagra, podagra, paralytes &c.

Actum, inquam, agerem, si hæc prolixius hic recenserem, cum ab amico nostro, dissertatione de fundamentis morborum ætatum assatim tractata sint: sufficiat inde in genere adstruxisse, quod theoria medica, hac methodo & praxi seu experientia eruta, & ad praxin directâ, tantam utique connexionem & cohesionem cum praxi habeat, ut neque sine illa ullus rationalis practicus existere possit, neque vero, qui hanc affecutus est, aliter quam scite & perfecte prognosin & praxin subire, & accedente exercitio, quod promptitudinem acuet, felicissimus medicus practicus fieri.

Alia forte questio fuerit, ubi quis hujus rei avidus manu ductionem luculentam ad hanc methodum, scriptam reperire possit? sed quia odiosa & invidiosa, diu ipsi immorari imprudentia fuerit. Hoc unum certissima veritate poni posse arbitramur, quod nusquam nisi in historia medica practica, ejusque scriptoribus antiquioribus longo locupletius, quam recentioribus, materia hujus cognitionis commodissime comprehendatur: forma vero ipsa, collectio, connexio, illustratio, industria & ingenio peragenda sit: hanc enim ignorantiam fateri non erubescimus, quod apud neminem unum adhuc scriptorem hac connexa, nedum inculcata, fere dixissem indigitata, deprehenderimus.

Placuit proinde loco speciminis inauguralis, partem aliquam hujus dogmatis tractandam assumere, nempe pathologiam Podagræ; in quo negotio, ex hac theoria medica, ad mentem D. D. præsidis deducto, quantum accedamus ad veritatem, aut aberremus, judicium sit practicum, non magis activorum, quam passivorum; quæ duplex praxis cum frequentissime in unum subiectum, medicum, concurrat, tanto facilius credo examinatu erit, quid nos medico sensu veri aut falsi inferamus.

Faxit Deus T. O. T. M. ut non modo veritatem assequamur, sed & eviden-

evidentiam ejus exsequamur, & scopum nostrum perpetuum, medicinæ fundamentalem comprehensionem, hic etiam consequamur.

C A P U T I.

Historia podagræ generalis.

B Revibus sane expediri hanc posse, haud paucis videbatur, qui non nisi ipsius passionis immediate, descriptionem respexerint; at vero, si circumstantiæ subiecti, temporis, gradus, imo ipsius generis, denique successus, transitus, exitus, hujus mali, vere percerferi debeant, nihil breve aut præceps satisfactorium esse, satis certi sumus.

Nimirum brevibus describetur podagra, quod sit dolor pedem infestans; neque multum crescet prolixitas, si pro illustando genere addatur, dolor gravissimus, pertinacissimus, diversis vicibus recrudescens; sed vix exhausterit speciem doloris, omnis hæc paraphrasis.

Est vero podagra, minime unice, semper, exquisite, dolor. Siquidem quotidianum utique est, videre tales pedibus captos, qui nullum insignem dolorem, sed tensionem tantum, imo tractionem, quæ membrum non nihil contrahat, perferant; qui quidem, si tunc temporis in quieto positi retineant membrum, nihil quicquam ibi sentiant; sed solum, quotiescunque illud concutiant, imo leviter extendunt. Ubi interim tensio illa, continua utique est. Et est ipse effectus ille, quid aliud, quam podagra? licet doloris sensum non nisi sub frivola motionis partis, percipiat æger.

Imo vero, qui gravissimo dolore podagrico torquentur, annon ordinarie, quo magis, sponte vel arte, imminui incipit dolor, eo magis contrahat & rigentes præ se ferunt, partes immediate affectas: & quidem ante dicto adhuc modo, ut si partes ita rigentes, temere moveant, qualibet vice penetrantem doloris ejusmodi ictum percipiant.

Imo vero ipse sensus doloris, exquisitius a patientibus descriptus, ejusmodi tractorius, vellicatorius, vibrativus, palpitatorius; quem proinde vix ullo alio termino exprimere solent, quam Reissen. Loquaciores vero, multiplici quasi genealogia, indolem & genus doloris hujus, ad tractiones referendo, appellant: Reissen, Zerren, Ziehen, Zücken, hin und wiederfahren, Fechten; es lebe alles drinnen; es lauffe wie Ameisen, es arbeite drinnen; es reiße sie noch gantz zu Schanden, es sey, als ob alles zerreißen und zerspringen müßte: als ob Nadeln hin und wiederführen.

Ex hac prolixitate itaque demum breviter, est podagra; dolor tensionis; live jam magis tacite trahat, & pressionis, aut rigoris sensum inferat, magis continuum & uniformem; live discreto, subtilium tractionum motu, alternante, recurante, vibratilem tractionis sensum inferat, qui in tene-rioribus & sigillaribus fibrillis, punctura sensationem exprimat.

Disput. Medico-Pract. Tom. VI.

P p p

Occu-

Occupat dolor hic, *pedem*. Non quidem *strictissime* dictum, ab infimis *tibia* & *fibula* terminis usque ad apices *digitorum*: neque solam hujus pedis cum *tibia articulationem*; sed ipsam etiam *tibiam*, *fibulam*, *genu*, *femur* & quidem non magis aut certius *articulationes* harum partium, quam ipsas etiam *intermedias* earum portiones.

Invadit patientem communissime cum *præcedanea gravativa lassitudine* totius corporis; nisi ubi a *præcipitibus animi pathematibus*, cum impetu exardescit, & repentino *paroxysmo* erumpit.

Concurrat cum hoc languore, subinde *horripilatio* notabilis: imo non raro manifestus & insignis *horror*, *febrili* nihil cedens.

Succedit huic, imo concurrat etiam alias, vel perpetua veluti, vel ad minimum frequenter recurrens *astuatio*: & illa quidem modo *minor*, *volatica*, & quasi *cursoria* juxta vernaculam expressionem; *es überlauffe* sic eine *fliegende Hitze*: modo satis *ardens*, ad *fitim* & *impatientiam* usque.

Variat vero hujus symptomatis conditio, maxime secundum *diversitatem* gradus *temperamentorum*, *dieta* calidioris & *vinosæ iracundie*, *tempessatis*, aut aliarum plus minus ad *febriles* motus paratarum *circumstantiarum*.

Incipit abhinc aliis *tensio* gravissima, aliis *actnalis vibrativa*, & *vellicatoria* *lancinatio*, & ille *κόπες ἐλκωδής* Galeni, quem *dolorem contusorium* appellare possis, vulgus circumscribit, *es thue weh*, *wie Blutschweren*, *dass sie sich fürchten*, *es anzurühren*, *oder anzuregen*. Hic dolor involat, modo *articulationem* circa caput ossis *femoris*, *genu*; *juncturam pedis*, *juncturam* maximi *digiti* seu *pollicis* pedis, cum osse *metatarsi*, ipsi respondente: modo *vagatur* per longitudinem *tibiae*, aut *femoris*: aut *medium* circiter hujus spatium premit, non aliter, quam si *arcta strictura*, circum os ipsum, comprehensus esset locus. Sæpenumero *vibrat*, *salit*, *micat*, & subtilissime *pulsat* pars affecta, ac si *acus* multæ intus vibrarentur, aut *pectine* *ferreo* locus carperetur & *carminaretur*.

Subsistit, & pergit hæc afflictio per complures *dies*; sine ulla *plena* *intermissione*, sed cum sola *temperaria remissione*: aut, si omnino *intermissio* doloris obtingat, perdurat tamen, (aut succedit in ejus locum,) sive *rigor*, sive *contractior tensio* partis, contra quam, si aliquis *nistis* voluntarii motus suscipiatur, recrudescit mox universus dolor, imo *ferocit*.

Sub dolore illo, *somnus* vix est ullus; si vero sub *remissione* languidus *somnus* obrepat, percelluntur frequentibus *pavoribus*: *erschrecken im Schlaf*, *dass sie inenimander fabren*: ubi sæpenumero *improvida allisione*, *pedis*, *doloris*, immanitatem revocant.

Sane vero, quamdiu hi *pavores* sub *somno*, adhuc vigent, nullus est *paroxysmi stabilis* finis expectandus, sed tantum vel *leves* *inducie*, vel ad minimum metus adhuc facile *reviviscentis* mali, si irritetur, neque adhuc *stabilem* terminum admitturi.

Postquam hoc *dolorum* exercitium per *duas*, *tres*, *quatuor septimanas* dura-

duravit; aut *ira*, *motu improvido*, *dieta vitiiis*, aliquoties *exacerbatur* *excanduit*: incipit denique *ratione doloris*, *decrefcere* & *mitescere*: transit vero vel in *stuporem*, vel in *rigorem*, seu *stabilem tensionem* circa partem, quæ hactenus plurimo dolore afflicta fuerat.

Tumor quidem, erumpit aliquibus etiam interdum circa ipsum *principium*; aliquibus circa *finem*: neque evenit vero, etiam eidem homini, *præcisè* & *necessario*, singulis *paroxysmis*: quoties tamen evenit, & diutius stat, languidius vero dissolvitur; toties fere redeunt alacrius ad sese, & manent diutius a *novo* *paroxysmo* immunes, vivunt vero etiam *interea*, nempe usque ad *novum* *paroxysmum*, commodius.

Sub *stupore*, ut & *rigore* partis, imo sub ipso sæpe *tumore*, apparet manifestissime *musculorum* circa partem, ante omnia vero *interosorum*, in manibus, & *pedum metatarso*, tam evidens *spasmodica* compressio atque *strictura*, ut pars affecta inde quasi summe & *emaciata* exarefacta, oculis occurrat: cui tamen *stricturae*, *contractura* & *inmobilitas* membrorum, ad quæ *musculi* hi pertinent, veluti individuo nexu jungitur.

Primis temporibus hujus doloris, nunquam, aut rarissime, quicquam sudant; nisi quantum præ *anxietate* interdum prodit. Succedente vero tempore, & jam nonnihil *languescente* impetu, erumpit ipsis magis magisque, ad minimum *lenis mador*; non raro vero etiam satis *copiosus* & verus *sudor*: idque præcipue ex ipsa *laborante* parte. Quibus autem sub dolore adhuc *ferociente*, reliquum corpus sudat, illis communiter sub hoc ipso actu, *pars dolens* *perstinacissime* *secca* manet.

Appetitus sub *vigore* mali, aliis omnino *jacet*; imo *nauseat*, quin *vomitur*, & *vomit*, *ventriculus*; aliis sic satis constat.

Prioribus his, concurrat fere cum dolore suo *podagrico*, *syndrome pathematum* in *abdomine*; speciatim in *sinistro hypochondrio*; frequenter etiam *colici flatulenti* dolores & communissime *alvi siccitas*. *Posterioribus*, non æque magnopere hæc eveniunt: magis vero dolores *lumbares*, *renales*, ac *nephritici*, & *actualis excretio sabuli*, aut *calculorum*.

Servat hoc malum *stata* fere *tempora*; ita quidem, ut maxime *autumnali*, aut *hyverno humidore*, minus *gelido*, tempore potissimum invadat patientem: juxta vero hoc, *verno humido frigido* aëre præprimis, recrudescat.

Invadit ibi satis frequenter cum *pectoris angustia*, *tussim* mentiente, & *asthina* humidum; concurrente etiam *gravedine* & *coryza*. Quæ quidem maxime *circumstantia* veteres permovit, ut mali hujus causam in *decubitu pituitosorum*, *frigidorum*, seu *mucidorum humorum*, collocarent, qui e capite ad *ignobiliora* hæc membra mittantur.

Experiantur vero hoc *accidens* illi præprimis, qui *pathemata* illa circa *abdomen* *conjuncta* *persentiscunt*.

Exacerbatur vero, & *repullulat*, seu *revocatur* *paroxysmus*, etiam *maximopere iracundia*, *terrore*, imo *venereis* quoque *abusibus*, & *ebrietate*.

tate. Illis, qui abdominis pathemata conjuncta habent, inolefcit frequenter malum, ab eduliis, ventriculum & primas vias gravantibus, & ibi colicam, cardialgiam, nauseam, vel etiam obstructions, inducentibus.

Frigus, præcipue humidum, non parum contribuit ad recrudescentiam mali. Concussorii etiam motus corporis, irritant efficaciter paroxysmum: omnia tamen hæc tunc maxime, si cum reliquis ante dictis causis, & præcipue jam magis assuefacta affectus ferocia & recidiva, concurrant.

CAPUT II.

Historia subjectorum.

Quantum lucis ad causarum cognitionem in morbis, afferat notitia diversitatis subjectorum, morbis talibus obnoxiorum, innotescet forte adhuc illustrius, quo magis attendi denuo ceperit. Certe temperamentorum seu habitus corporis, diversitas; ætatum disparitas; sexus differentia evacuationum assuefactarum prærogativa: hereditaria dispositiones &c. Quantumtopere restringant atque veluti determinent, non modo generalem dispositionem ad morbos, sed præcipue specialem habilitatem, ad certas species morborum, ut ex triviali pathologia non innotescit; ita ex circumspecta ipsius experientiae penfatione, non potest non in sensus incurrere.

Luculentum sane hujus rei exemplar præbent podagrici. Hi enim minime e quibuslibet temperamentis, ætatibus, sexu, aut vite generibus, nascuntur, sed admodum e certis, quorum proinde historiam attingere ex usu erit.

E numerosis vera podagra affectis (quæ nempe non ex febrili apostasi, quod hodie rheumatismum vocant, neque ex aliqua violenta partis læsione, per fracturam, contusionem, longam spongiosam ulcerationem, insignem perfrigerationem, venerea gummata & viscositates, sed quasi sponte, & veluti tacite, suboriatur) e numerosis, inquam talibus, vix paucissimi inveniuntur, qui alterius, quam laxæ, porosæ, spongiosæ, turgidæ sint corporis structuræ, cum venis tamen mediocriter infarctis & roseo rubello colore. Temperamenti nempe, quod vulgo sanguineum, sanguineo-cholericum, sanguineo-melancholicum, phlegmatico-cholericum, phlegmatico-melancholicum appellamus. Status vero Plethorici.

Graciliores hoc malo laborantes, si occurrant, vel manifestam turgiditatem tamen musculorum partium præ se ferunt: vel, quod sæpe obtingit, & tanto magis notari debet, fuerunt olim, imo vel ante parvum adhuc tempus, modo descripta corporis laxitate conspicui.

Rarissimum vero visu fuerit, exquisitè gracilem, & valè capacibus simul venis instructum, quique hoc habitu corporis jam dudum, imo semper

semper præditus fuerit, vera & exquisita podagra laborare, nisi hereditaria dispositione agitur.

Secundo nequaquam omnis indifferenter ætas malo huic exposita est, sed fere unico, certe plus quam plurimum, ipsa consistens virilis, imo senilis. Quæ enim observationes de incantibus podagricis allegantur, inter rariore connumerandæ sunt; & laborant suspitione certitudinis: cum quemlibet Rheumatismum, aut similes affectus, a febribus male solatis, a scabiosis inquinamentis retropulsis, a perfrigerationibus & particulari transpirationis defectu, imo interdum a disorsione, lapsu in coxas, ab epilepticis concussionibus &c. subnatas, pro podagra interpretari, nostri non sit propositi.

Qui sinceriori podagra, adhuc juniores afficiuntur, ab aliquot supra viginti annis ad triginta, illi vel hereditaria dispositione præparati observantur: vel hæmorrhoidibus ante illud tempus manifesto tentati fuerunt: simulque communiter animi vel admodum iracundi, vel gravibus terroribus percussi, vel denique diæta vinosa vel spiritu vinoso gaudentes, deprehenduntur.

Tertium discrimen, facit tantisper sexus. Revera enim rariore occurrunt femine vera podagra laborantes; sed potius vel gravibus hypochondriaco-histericis pathematibus, vel vaga ad minimum arthritide, aut manifestioribus varicibus crurum. Quæ vero obnoxia huic malo sunt, omnes fere incipiunt ab Ischiade, & communissime manifestis, imo in consuetudinem apertam deductis hæmorrhoidibus, deinceps emanentibus.

In feminis tamen certe, quantum usquam, per frequenter rheumatismi potius in consuetudinem deducti, & alii externi phlegmonodes & erysipelatodes male tractati affectus, simul perquiri, & in suspitionem trahi, merentur.

Virilis vero sexus frequentius passioni huic obnoxius utique deprehenditur.

Quod communiter notare solent, de capite ampliore, quod nempe qui caput amplius & diffusius habeant, podagra præcipue obnoxii observentur: id partim magis ex antiqua hypothese asseritur, quasi catarrhalis materia, in capite seu cerebro ampliore coactervata, deinde ad articulos depluat: partim connexum utique est, cum generali proportionem talium temperamentorum, ubi videlicet corpori laxiori & diffusiori, non nisi per raro arctum & exile caput insidere spectatur, sed fere his queque conditionibus corporis moli respondet.

Quarto loco memorari debet consuetudo evacuationum; ubi præcipue duæ circumstantiæ per frequenter, & vix non semper, vera podagra conjunctæ observantur. Nimirum vel sincera evacuatio sanguinis assuefacta, vel copiosæ consumptoriæ & resolutoriæ sanguinis commotiones, per laboriosos motus.

Sanguinis illæ sincere evacuationes, modo ante multum tempus, in

ipsa prima juventute aut adolescentia, per *varium hæmorrhagias* frequentes & copiosas, factæ; *intermedia* ætate, per *agilium* vitæ genus interceptæ: jam denique *segiore* denuo vita, *pleniore* tamen simul *vita*, antiquam abundantiam coacervantibus, denuo turbas afferunt: modo *proximis* plane annis, per *mixtum cruentum*, aut *hæmorrhoides*, coortæ, postea vero *omissa*, aut *suppressa* huic malo *materiam* subministrant: modo etiam *artificiali* assuefactione, deinde temere *omissa*, turbis hisce velificantur, ut *V. S. in pedibus* sæpe usurpata, postea vero neglecta & *scarificationes*.

Postremus locus, debetur *consuetudini*, sive *conata*, seu *hereditaria* dispositioni: sive *adscititia*.

Hereditaria dispositio, obtingit infantibus, quando a *parentibus* generantur, qui maxime isto *tempore* quo hos progignunt, ejusmodi affectibus laborant, qui plurimum in *motibus* & *intentionibus* movendi, consistunt. Qui talium *motuum*, *intentionum*, *impressionum*, tacita *memoria* imbutus est infans, ille variis succedentibus temporibus, varios *podagricorum* motuum prodromos, sentit: nempe *perfrequentes* & *impetuosas* hæmorrhagias *narium*, *dolores dentium*, molestas sensationes in *artibus*, *spasmodum*, *epilepsiam*, in prima pueritia, *erysipelata* &c. mature & sæpe tolerat & experitur.

Tales iidem incidunt mature, & annis adhuc *junioribus*, quam ordinarie, in *arthriticas* passiones; quæ tamen deinde admodum tempestive in *podagricas*, aut potius, sit venia verbo, *hemiagricas*, abeunt, tales videlicet, quæ totum alterutrum *latus* corporis occupent, & non modo *pedem*, sed & *brachium* unius lateris, infestent.

Adscititia consuetudo, nascitur ex *rheumaticis* ejusmodi affectibus, qui a *febrili apostasi*, maxime vero *quartanaria*, ortum suum ducentes, artum aliquem occuparunt, eumque *spasmodicis* ejusmodi, *tractoris* & *vibratoris* palpitationibus exercent: e quo nisi quantocius per *alexipharmaca* diutius continuata, & *temperantia* & leniter *diuretica*, *internæ*; *externæ* vero, per *camphorata* & *nervina* fugantur, faciunt id, de quo jam loquimur, nempe transeunt in *habitum*, *arthritico-podagricum*, si vel maxime non pure *sincerum*, mire tamen pertinacem & *refractorium*, quippe promptissime in *vagam arthriticam* passionem degeneret.

In quocunque ergo *subjecto*, hæc causæ, vel omnes, vel ad minimum *pleræque*, concurrunt, ille a *podagra* vix liber & securus manserit, nisi *mobili* admodum vitæ genere, *animi* vero summa moderatione, plurimum supra consuetam negligentiam harum rerum, sese efferat.

Ubi certe inter *fatales* hujusmodi *subjectorum* difficultates, præcipua illa conjuncta est, quod tempore *induciarum* morbi, tanto magis vero ante quam ferociam ejus adhuc unquam experti fuerunt, efficiendi & plane incuria licentia corpori & cupidini suæ indulgere non desistunt; quando vero jam male habere incipiunt, summa impatentia, & perpetua indigna-

ignatione turbulenti, etiam ad levissima quæque iracundi, sint: & revera perfrequenter falsis & supervacuis quiritationibus, magis ab indignatione ipsorum, quam sensus proportionem profectis, sese & alios fatigant.

Imo vero, quemadmodum illi, qui hæcenus dictas constitutiones in se sustinent, *podagræ* expositi vivunt; ita e converso pro monstro sit, reperire *sincere podagricum*, qui non omnes, aut *plerasque* has conditiones, examissim referat.

CAPUT III.

Historia accidentium podagræ, specialis.

PAUCIS hanc pertexere ex usu fuerit, ut partim *specialissima* affectus hujus circumstantiæ, partim magis *accidentariæ*, penitus in conspectum prodeant.

Ad *speciales* ejus circumstantias pertinet, quod *paroxysmum* suum magis ordinarie post *medium* noctis inchoet, ut *Sydenham*, in se ipso & aliis facti *constanti* observatione, deprehendit. Intelligendum tamen hoc solum de *spontanea* & quasi *tacita* magis affectus recrudescencia; illa enim *paroxysmi* concitatio, quæ a repentino *terrore*, aut gravissima *iracundia*, prorumpit, horas has non expectat: unde novimus casus, ubi in momento veluti *terroris* & *coincidentis* præcipitis *iracundia*, *spasmi* illi *podagrici* ita immaniter invaserunt patientem, ut motu necessario in ipso veluti vestigio destitutus, non nisi ministerio familiarium in lectum magis deportari, quam duci, debuerit.

Ejusdem generis est etiam circumstantia illa, quod *podagra autumnali* provectiori, aut *hyberno* plane tempore, cooriri soleat: quod nimirum pariter de sibi quasi relicta, non vero aliunde insigniter *proritata*, intelligendum.

Illud vero notare maxime quam dignum est, quod tantopere inculcat *Sydenham*, quod unus *decubitus* *podagricus*, seu una veluti *periodus* *podagrica*, absolvatur numerosis parvis *paroxysmis*: adeo, ut quotidie circa vel post *mediam noctem* præcipue, coorietur *doloris* impetus, & multiplici *tersione* patientem fatiget, usque ad dimidiam circiter *antemeridiani* temporis partem, ubi mitescens tolerabilius se gerat, usque ad *nocturnum* illud tempus, quo denuo exurgens, scenam suam prosequatur.

Periodum ipsam absolvere observatur *quatuordecim* diebus, aut *tribus* aut *quatuor septimanis*, quando *ordinatissime* & *sincerissime* affligit; quo magis vero vel *turbatur*, vel *mulcetur*; vel *consopitur*, vel contra *irritatur*, eo *diutius* obsidet patientem. Quod idem etiam facit, quo magis jam *insoluit*, & longa assuetudine in *habitum* magis deducta est.

Certe

Certe vero minime omittenda est illa circumstantia, quod, quo magis exquisitè torquet & doloribus sensibilibus exercet patientem, eo non modo brevius, sed & perfectius deinde periodum suam terminet, & pro hac vice desistat, ipsumque patientem alacriorem & vegetiorem, diutius etiam a novo insultu immunem, relinquat.

De specie doloris, quod tensorius, tractorius, vibrativus ille sit, dictum est superius. Exercet vero patientes præcipue etiam palpitabunda illa, formicante, & reptili, vibratione, quæ situm quietum membri non diu ferat aut admittat, unde perpetua mutatione situs, effugium aliquod querunt, quod sane graphice & plus quam pictoria similitudine delineavit Sydenham. Ubi nempe notandum, quod hunc quidem sensum, qui ipsos ad hanc inquietudinem & variationem positus partis adigit, verbis describere non æque noverint plerique, nisi quod illud: *es thue ihnen allenthalben wehe, sie haben keine Ruhe drinne, es lauffe, als ob sie in einem Ameisen Hauffen saßen, es krummele und wümmele drinnen* &c. adumbrent.

Sudoris eruptio spontanea, ejusque moderamen, a laudato Sydenhamio egregie notatum, sub finem singulorum, maxime tamen posteriorum paroxysmorum, præcipue quoque recenseri debet.

Secessio vero illa, quasi subtilis squamositas, aut furfurâ, non adeo perpetua, & omnibus podagricis familiaris est: multis tamen evenit utique, imprimis, qui nonnihil magis cholericus habitus existunt.

Tophacæ vero materiæ, & nodorum ejus consistentiæ, proventus, non paulo rarior est; siquidem vix, nisi in admodum inveterata & diuturna passione, & habitu magis pituitoso, simulque externorum remedium refrigerantium, coagulantium, incongruo usu, evenire solet.

Perquam familiare vero est, & revera magis inseparabile ab hoc nostro affectu, ut patientes, non solum sub toto fere cursu doloris, sed præcipue circa ejus exitum, manifestissima compressione, strictione, & contractura partium musculosarum in parte affecta afficiantur: ita quidem, ut non modo musculosa illæ partes, veluti prorsus arida & macie consumptæ appareant, sed etiam motus partis voluntarius, rigida illa tensione penitus interceptus sit, neque nisi cum summo dolore, ulla ejus extensio aut distractio suscipi valeat.

Hoc sane phænomenon, ut nobis inter omnia reliqua podagræ accidentia primarium locum possidere videtur, ita unum adhuc est, quod immediate ab ipsius latere collocandum arbitramur, nimirum illud, quod inter omnes alios, non modo maxime luculenter, sed solus forte, quod nos sciamus, Sydenham annotavit, turgida prorsus inflatio & infarctus vasorum per crura excurrentium, præcipue sub initium paroxysmorum, in genere, seu periodi recrudescantis.

Urina, quo magis bene, & adeo sensibilibus dolorifice, succedit affectus, est rubicunda, valde crassa; rubedine videlicet, non illa rutilante flam-

ammea, sed paulisper tenebricosa veluti, quales apparere solent cerevisiæ paulo magis defecatae, non admodum nigræ. Deponit sedimentum, crudius adhuc malo, paucissimum & valde leve: provectione, crassius, & submucida consistentiæ propius: illic pallidum albicans, hic magis roseum: affigit lateribus vitri, & dimittit etiam ex parte ad fundum, copiosa grana: quæ interdum quidem non ultra valde teneri sabuli magnitudinem ascendunt: interdum contra, crystallulorum tartari una simplici ebullitione & refrigeratione nascentium, quantitatem representant, peluciditate illi parum cedunt, colore vero quasi carneolio, i. e. saturatissimo, & cum rutilatione insigni, aurantio, conspicua sunt.

Quibus admodum jam inveterata est chiragrico podagrica passio, iis eveniunt persæpe valde diuturnæ imo tandem stabiles membrorum horum contractura & rigores. Nodi etiam circa articulos digitorum; & non sane injuria a Sydenhamio quoque notatus ille nodus, seu purus tumor in ipsa extremitate ossis cubiti seu olecrano, qui interdum ad exigui ovi galinacei magnitudinem pertingens, satis diu subsistit, & si temere emollientibus aut maturantibus tractetur, tandem in corruptelam tophaceo-corrosivam transit: calore vero solum, & quiete, fovendo, aut camphoratis discutiendo, mature, satis prompte, & penitus, iterum solutio fit.

Si podagra ex artubus, vel ambulatione & exercitio solos artus movente, vel adstringentibus, cito repellitur; succedit ordinarie periculosa turba circa interiora abdominis: quæ unius generis e tribus deprehenditur, nempe vel primo, inflammatio hepatis, aut lienis, aut ventriculi, cum febre acuta & lancinationibus perpetuis valde dubii eventus junioribus, paulo abundantius plethoricis, & cholericis sanguineis, calidiore etiam dieta utentibus, maxime obtingens.

Vel, secundo, repentina plenaria appetitus dejectio, cum mox sequente omnium assuntorum, sæpe etiam vacuo, vomitu frequentissimo: cui graviora splenica pathemata, febris lenta & hectica, maxima dejectio virium, agrypnia, mox concurrunt: imo vomitus cruentus non magis potest, quam solet obrepere: accidit, mediocriter annosioribus, mucosioribus, neque tam calida diæta, sed cerevisiario potu affatim, utentibus.

Tertio, colica tormina, & copiosa flatulentia, ceterum inappetentia, dejectione virium, defectu somni, febricula &c. non minus, quam præcedens, stipata.

Summe notabilis simul est, illa magis fere vulgi traditio, quam literatorum observatio, quod qui admodum juniores podagra infestari incipiunt, ii non ad insignem ætatem perveniant: qui vero maturis annis, tarde, podagra tententur, ii communiter ad seram usque senectutem vivant.

Exitus podagricorum, juniorum illorum præcipue, fere est vel a febribus inflammatoriis acutis, vel ab hecticis satis æstuosis & typo quodam excandescens: vel a paralyti partium, imo apoplecticis eventibus. Acci-

dentaliter concursantibus vomitu cruento, colicorum dolorum defatigationibus, singultibus, henteris, fluxibus hepaticis &c.

Seniorum languescantium, exitus, magis fere marasmodi, corpore & viribus extabescens aut hydropico-hecticus, aut paralytico-apoplecticus. Apud vegetiores tamen, & vividiores etiam, non ita raro febrilis acutus.

Inter numerosos podagricos, velim mihi paucos dari, qui non vel maris vitiis, obnoxii deprehendantur.

Quamvis vero non ita pauci, certe tamen neque adeo multi, sunt podagrici, & vix ulli crediderim, quo dimidia pars podagricorum existat, quin manifestis, aut ad minimum satis sensibilibus enitentibus fluxibus aut motibus hamorrhoidum una afficiantur, aut affecti fuerint.

Ex his precipuis circumstantiis, pathologiam podagræ eruere, noster erit labor. Possunt autem historice tales descriptiones podagræ, tum hinc inde apud authores legi, tum etiam apud Forestum, apud Pansam in consiliis antipodagricis, apud Solenandrum in consiliis, in pluribus epistolis Deringii, ex propria in se ipso experientia, ad Sennertum, item elegans certe in hoc genere epistolaris recensitio Christ. Arcissewsky ad Johannem de Laët, de podagra sua per D. Cnesellum curata seu mitigata; & denique instar omnium Sydenhamii, ex domestica similiter experientia, concinata, satis perfecta delineatio.

C A P U T I V.

Arthritidis & podagræ cognatio.

BRevissimis hic nos expediemus. Arthritis vel sumitur generaliter, ut podagra sit ejus species, idque recte; vel sumitur distincte a podagra; similiter specialiter κατ' ἐξοχήν, pro dolore non in pedibus, genubus, coxis, aut manibus: sed inter scapulas, sub scapulis, in junctura humeri, seu axilla, in cubitis, in capite ossis femoris hærente; illis tamen sensationibus, quibus podagra pedem, has partes exercente.

Si tamen cito ab uno tali loco in alterum resiliat, ibi, licet maxime manus, coxas, genia, pedes, frequenter una involvet, arthritis vaga appellatur.

Qui vero fixius ista loca obsidet, in manibus chiragra, in coxis & osse sacro, malum ischiaticum, in genubus gonagra, in cruribus & pedibus podagra, appellatur.

Dixi, & repeto, dolorem arthriticum, genere, seu qualitate sensationis, convenire cum podagra: hanc supra diximus esse dolorem tensorium, tractorium, vellicatorium, palpitatorium, fornicatorium, reptilem, compun-

compunctorium, verbo, subtilissimarum, molestarum motitationum sensu, patientem exercere. Hic adjicio, præcipue in junioribus, sensum ardentem, non æstuosum, sed pruriginosum. Dicunt: es hitzt nicht, sondern es brennt, feuert, daß man zerkratzen möchte: disertiores fere conjungunt expressiones: es krümmele, krüble, wümble: omnes vero vix temperant a scalptione & frictione, eoque ipso sensum potius rosionis, seu pruriginis ferventis, testantur.

Differentia arthritidis, talis, non vaga, a podagra itaque est, 1) ratione loci affecti, quem supra notavimus; hic solum addimus, quod satis frequenter etiam thoracem, a claviculis ad hypochondria, invadere soleat: & ibi quidem præcipue sensu lancinante, notham pleuritidem exprimeret, arthritis.

2) Differt subiecto. Licet enim quoad temperamentum, corporis & animi mores, plethoram, assuefactiones generales hamorrhagiarum suppressas, hereditariam dispositionem, convenient: differentia tamen præcipua est ætatis, cum arthritis magis juniores occupet, podagra annosiores.

3) Differt causa. Non quidem generali, quam cum podagra quoque communem habet; nempe molimen, sanguinis excretioni, velut eminens intentum, quamvis ad ipsam non perveniens; sed tantum congestionem, & spasmos ad hanc tendentes, exercens. Differt vero speciali hoc molimine, nempe secundum locum. Sed de hoc forte inferius plura.

Potest etiam differentia agnosci, ratione ordinis, quatenus arthritis, ordine prior est podagra: & transit denique per ætatem, in podagram: ita, ut reliqua quidem arthritis, sæpe cesset nascente podagra. Non vero æque contra; sed, licet podagra succedere, seu conjungi videatur, ante adhuc insolita arthritis; minime propterea cessat aut remittit ipsa podagra, sed extenditur, seu diffunditur magis.

Facit vero hoc fere præcipue arthritis vaga, quæ sæpe numero intempestivis regiminibus sudoriferis & podagra satis exquisita, seu fixiore, quasi excuscatatur & in actum deducitur.

Præter has circumstantias, coincidit de reliquo omnino arthritis cum ipsa podagra, ut supra dictum.

C A P U T V.

Præparatio Pathologica, seu dispositio circumstantiarum, ad causas eruendas & connectendas, pertinentium.

IN tanta libertate, imo ambitione hodierna ad novum quiddam professendum & arbitrandum, nemo spero vitio mihi vertet, si illud ipsum, quod hactenus quidem, quantum suspicor, novum apparet, quamvis re ipsa

ipsa, nempe quatenus cum re convenit, antiquissimum esse sentiam, amplectar, nempe D. D. præfidi sententiam, de morborum tonico-spasmodicorum origine, & fiendi atque vigendi ratione.

Sicut pulsus sanguinem, unico impulsu, æqualiter & jugiter ad omnes partes pellit, ita, ut ad nullam specialem partem, præ aliis, per pulsus, plus vel minus dirigi, sive dispensari queat, quam quantum ordinarie capacitas, & quidem in se immutabilis, arteriarum, admittit; ita tonus partium porosarum, quæ sanguinem pulsui appulsu, recipiunt & transmittunt, aliter utique sese hic habet, & huic admissioni & transmissioni, ita velut imperat, ut si ipse partes ardet, seu contrahat, tunc longe minus sanguinis pulsui admoti, in ipsas transire queat, sed vel in intermediis spatiis congestus atque coarctatus, ibidem congeratur, partes illas distendat, mora ipsa coaguletur, porro corrumpatur; aut alioquin reprimatur, quin exprimatur.

Hoc negotium, nisi multis hæcenus exemplis peroratum est, nos etiam de ulteriori ipsius illustratione fere desperamus. Credimus vero cuilibet, vel mediocriter pensanti, facile obvium fore, quomodo strictis aliquibus partibus musculosis seu porosis, sanguis ab illis quidem tantisper exprimatur & excludatur; eo ipso vero, manente pristino gradu pulsus, ad alias partes non contractas seu coarctatas tanto præsentius distribuatur, & quasi redundet. Neque difficiliorem conceptum illum quoque fore speramus, quomodo strictis alicubi musculis, vasa venosa, quæ alioquin majoribus suis truncis per istos musculos transeunt, horum compressione ita stringantur, ut refluxus sanguinis per ramificationes eorum, non modo impediatur, sed etiam successive, facta insigniori vasorum ita impeditorum, turgescencia atque infarctu, sensus pressionis & renifus, in vicinis partibus eveniat: imo denique, in extremitatibus atque superficiebus aptis, perruptio expressoria subsequatur.

His præmonitis, vix quisquam dubitaverit, quin in illis corporibus, in quibus porose istæ partes magis veluti abundant; in corpore inquam, quod magis porosum, plurimis poris instructas, habet partes: quod in tali corpore, plus tonici motus requiratur, adeoque etiam ordinarie celebretur, & variis alternationibus dirigatur, quam in contraria harum partium dispositione.

Cui tanto magis consentit, teneritudo vasorum in hujusmodi, de quibus loquimur, corporibus, velut ordinarie conspicua: e qua nempe facillimo negotio concludere licet, quod in tali constitutione, longe plus tonici motus, in partibus porosis, impulsu peragi possit, debeat & soleat, quam nuda pulsus successione.

Hæc generalis necessitas, auctioris motus tonici, in tali constitutione, deducitur tanto magis in actum, quando materia, huic motui destinata, quantitate abundat; tunc enim non modo in genere magis promoveri debet: sed etiam, facta commotione intentionis (quæ hoc superfluum, ut corpori

corpori molestum, & facile ad fonticas noxas inferendas aptum, directe & copiose exprimere sibi proponat) per tales utique pressorios motus, hinc illinc reprimi, atque ad loca excretionibus apta restringi necesse habet, ut ita corpus brevi methodo exoneretur. Unde utique spasmodicas exacerbationes, sive intensiones motus Tonici, causam subministrat, quia hac ratione maxime prompte, & immediate, ventilari atque e corpore elidi potest superfluum sanguis.

Fit vero hoc tanto magis, quando natura, si non huic speciei, tamen huic generi excretionis pressoriæ, assuefacta est. Quæ sane circumstantia maximopere gravat conceptum, quod hæmorrhagiæ tales a passiva obstructione & stasi, & denique orgasmica turgescencia eruptione, fiant: cum tot quotidiana exempla manifestissima sint, quod recurrentia gravia pathemata, spasmi in musculis, turgescencia in vasis, perruptiones interdum horum, non solum obtingant in illis partibus, in quibus etiam artificiales arbitraria emissiones, consuetudinaliter institutæ fuerunt: sed quod palmarium est, stasis & certis temporibus revertantur, talibus nempe, quæ prius evacuationis temporibus, non modo plurimum, sed sæpe exquisitè ad diem, respondeant, intermediis vero temporibus, etiam inter occasionales causas satis impetuosas, tamen quiescant. Si vero obstructionem illam ita interpretari placeat, quod ab intercepto per compressionem, trans five refluxu per venas, obstructio talis inducatur, tunc facile explicationem receperimus.

Quemadmodum vero hæc habitus corporis porosi, cum exiguis vasis, constitutio, hoc post se trahere apparet, ut sanguinem, si abundet, mediante tractione, motitatione, constrictione harum partium (utpote in quibus plurimum comitat) ad progressum, aut plane ad exitum, disponat & comprimat: adeo, ut talis præcipue structura & habitus corporis homines, tonicis talibus spasmodicis musculorum partium motibus expositi sint: ad eum nempe finem, ut sanguis necessaria propensione per ipsas, satis flexilis serveretur, aut compressione versus & per certa loca, exprimatur, evacuetur & imminuatur.

Ita altera circumstantia, quæ universum negotium morborum chronicorum certis ætatibus propriorum, fere absolvit, est diversitas loci excretionis, per quem sanguinis imminutorie illæ expressiones, diversis ætatibus perpetrari solent.

De qua re cum latius actum sit dissertatione de fundamentis morborum ætatum; illam hic prolixius tractare nulla necessitas requirit. Sed suffecerit paucissimis adumbrare.

Omnis ætas, corpus vero præcipue sanum, & εὐαρεστος, cum animo libero & otioso, patet & expositum est, sub appetitu superfluo & voraciore, etiam retentioni atque assimilationi, præcipue in sanguinem, non modo abundantiori, sed non minus superfluo, atque inde plethoræ.

Plethora semel facta, longe difficilius toleratur, quam formabatur;

unde expeditissima iterum, & tam modo, quam successibus commensurata via, est immediata depletio & evacuatio per hemorrhagias.

Hemorrhagie hujus generis, instituuntur ita sponte ab intra, per pressionem porosarum partium, & ex his repressio in vasa, imo denique sincera expressio etiam ex vasis, per ipsorum horum majorum truncorum compressionem, ipso illo tonico-spasmodico motu musculorum partium, inter quas hi trunci procurrant.

Loca vero illa diversa, ad & per quæ exitus sanguinis hujusmodi, diversis ætatibus diriguntur, sunt in pueritia, caput & nares; adolescente & juvenescente ætate, pectus, hypochondria & inde ventriculus & hemorrhoides internæ: consistente magis ætate, hemorrhoides externæ; aut mihi cruentus, denique varices.

Omnes hæc evacuationes sinceri sanguinis, uti activis pressionibus ad ista loca, ubi exitum fortiri debent, constriunguntur, atque diriguntur; ita non modo sensus ejusmodi pressionum, tensionum, strictionum exterius: & sed renisus, infarctus, quasi repressio, interius in partibus affectis, post sese trahunt.

Exhibent etiam manifestissimum aspectum turgidum atque inflatum, vasorum, circa illa loca atque partes, quæ exitum præbere debent, possunt.

Quemadmodum vero admiratu forte non indignum est, quamobrem hemorrhoidum historia adeo parum in scholis medicis perpenſa, & aliqua consequentia digna judicata sit; ita non valde minore admiratione, aut ad minimum attentione digna fuerit, illa penſatio, cur varices, prope modum nudo silentio involati inveniantur, & varicæ ipsorum circumstantiæ, præcipue tamen ætatis, & concurrentis doloris, velut absolute insuper habeantur atque negligantur,

Ex his profecto quasi primoribus fundamentis, nimirum ab hemorrhoidali, præcipue externo, & varicoſo motu sanguinis, & pendentibus inde pressionibus atque tensionibus, nos fundamentalem podagræ, ut in aliis partibus arthritidis, pathologiam petere posse, & deducere valere, certo confidimus, quod proinde agemus.

C A P U T V I.

Pathologia podagræ.

SI pathologiam non solum antiquiorum, sed etiam recentiorum, sine præjudicio penſitamus, nobis sane perpetuo occurrit illa difficultas, quod causis admodum generalibus, & præcipue omni tempore jugiter præsentibus, effectus adscribantur, qui non modo plane particulares, ut pote sic satis raro evenientes, deprehenduntur; sed etiam, quibuscunque eveniunt,

veniunt, certis demum ætatibus, adeoque sic satis tarde, aut non continuo successu, obtingunt.

Ne longius evagemur, ut pathologia podagræ recepta, hoc sane, si aspiciam, satis monstrare possumus. Ne tamen nimii simus, tres potissimum causarum hujusmodi assignationes solemniore, attingemus.

Antiquiores accusant mucidiorem sanguinis constitutionem, seu catarrhales decubitus; recensent huc caput amplius, collectionem pituitæ in cerebro, & delapsum ejus ad articulos ætate debiliores. Sed evertit opinionem 1) quod talibus utique tale caput per omnem ætatem præsto sit, cur vero noxios suos effectus nunquam edit, nisi demum in senio?

Deinde, pituitosiores abundantissime tales, non laborant podagra: & quibus talis muciditas & pituitosa serositas immaniter distendit membra, edematosa, hydropici, non laborant dolore podagrico: sed qui laudabilem colorem & sanguineum magis habitum, etiam in ista ætate decreſcente, adhuc præ se ferunt, neque animo etiam aliter quam alacri, aut acri iracundo, vigent. De debilitate membrorum, non magis vero similis est assertio; siquidem, qui modo membra ista exerceſce ſuſcipiunt, potius a paroxysmo ex ipsis membris, levantur (licet interdum inde magis ad viscera, introſum, vergat impetus, notante etiam Sydenhamio) cum tamen ex hypothese, contrarium fieri deberet siquidem membra ex hypothese debilia, fatigatione adhuc magis debilitarentur: præterea etiam vera horum membrorum debilitatio, in phlegmaticis temperamentis, edematosis tumoribus, imo paralyticis, aut aliis gravibus enervationibus, per frequenter evenit, neque tamen tunc temporis & ætatis, podagra adhuc succedit. Imo potius, lætandum solenniorem veterum opinionem, transmissio illa ad has partes, non pure passive qua debiles, sed magis active, qua ignobiles solum, intelligi posset; nisi obſtaret eadem obſectio, quod ex hoc fundamento omni ætate hæc transmissio ita fieri deberet: imo tanto magis vegetiore adhuc ætate, adeoque rerum suarum magis efficaciter satagente: quod tamen non fit.

Secundo, emerſit theoria rediviva, aut forte alieno spiritu afflata Hippocratis, post Fienum, per ten Rhyne ad superas auras revocata, quod dolores arthritici & podagrici, fiant a materia flatuosa, in partes illas delata. Præterea enim quod neque inſuſio illa per moxam, flatum hunc commode educat: neque acupunctura Japonica, exitum flatui huic satis patefaciat (quandoquidem acum, præterea tenerimant, aliquandiu infixam potius relinquunt, quam pro emissionem flatus illius, statim post pertuſionem educunt: (fatale sane huic etiam flatulentia est, cur præciſe illos demum annos expectet, neque maturioribus ſeſe pariter exſerat: aut ad minimum, cur diversis ætatibus, diversa præcipue loca occupet? Ante omnia vero, cur habitu maxime laxo & flaccido præditos, phlegmaticos puriores, non occupet.

Quæ sane qui expediverit, hypothese ſibi aſſerat.

Tertio loco, est Sydenhamii theoria; viri, quem certe ex commendatione

datione D. D. Præsidis, ex sua experimentalis prorsus scribendi & subsu-
mendi methodo, maximi facio. Interim *amicus Plato*, *amicus Socrates*,
sed magis amica veritas.

Non capio certe *Anti-Praxiam* illam, quam vir Meritissimus supponit,
quod *Apepsia*, seu pessima concoctio, & camen *fervidi sanguinis* proven-
tus, una stare possint. Cui nempe fundamento, si verum æstimes, to-
tam suam opinionem superstruit. Quid enim *debilis ventriculus*, *p-ibus*
officere possit, si illi, cum toto corpore, *fervido sanguine* perfusi sint,
& quomodo hæc simul stare possint, nos certe non perspicimus. Sed
non prolixè refragabimur Viro plurimis nominibus nobis æstumatissimo,
neque in *Antithesi*, sed potius in *Thesi*, & applicata *Hypothesi*, senten-
tiam nostram proponemus.

Podagra evenit illis *etatibus*, quibus *hemorrhoides externæ & varices* e-
venire solent. *Arthriticis* iis, quibus *evacuationes artificiales*, *scarificatorie*,
venæsectorie, aut magis spontaneæ, *narium hæmorrhagiæ*, suppressæ
fuerunt: aut *feminis*, quibus *inter mensium vitia*, aut plenariam *suppres-*
sionem, *statu corporis plethorico*, *sudorificum regimen cum calidis acerbis*
medicamentis, intempestive adhibitum fuit: *viris* quoque *plethoricis*, val-
de *hypochondriacis*, simili *regimine tractatis*: maxime omnium, quo ma-
gis ejusmodi individua, *habitus corporis laxioris seu turgidoris*, *sanguinei*
prædominantis existunt, eoque ipso ad excludendum minus prompti.

Ischiatici arthritici dolores, *obortis hæmorrhoidibus*, aut in tem-
pore adhibitis *hirudinibus*, certissime cessant: Continuante *hæmorrhoi-*
dum talium, per *stata tempora fluxu*, constanter *desiunt*. Nondum alias
percepti, *hæmorrhoidibus*, imo etiam *attricibus* sive *serpiginosis* in ano
ulcusculis, diutius gestatis, aut sæpius repullulantibus, aliquando vero in-
tentius *consolidatis*, & suppressis, *ischiatici* dolores communissime, &
vix non infallibiliter succedunt.

Apud *Jodocian Lomium*, observationum Lib. XI. fin. lego: *Varici*
magis crura, quam *ceteræ partes patent*: maximeque in *feminis*, quæ *utero*
gerunt: Et in *his viris*, quibus *soluta quartana*, aut *curata longa Hæ-*
morrhoidis est. Non vacavit hanc observationem sive ex *Hippocrate*, sive
Galeno, sive *Avicenna*, aut *Rhase*, exsculpere, cum aliqua evolutione
nihil comparuerit: *Sennertus* etiam *Prax. Lib. V. part. 1. Cap. 44.*
nihil hac re dignum attulerit, adeo, ut neque *Plinii* error, aut si ve-
rax est, in *calidis tantum regionibus* forte ita evenienti rei, quod nempe
mulieribus raro, sed *viris tantum*, *varices* in *cruribus* eveniant, nihil
quicquam objecerit: diligentissimus etiam *Forestus*, in suis non tantum *Me-*
dicis, sed & *Chirurgicis* observ. nihil nisi pure incedenter de *varicibus* me-
tinerit. Interim convenit profecto cum experientia, dicta hæc descriptio;
præsertim si *levis discretio ætatis*, & *habitus corporis seu temperamenti* in
viris una adjiciatur: & *differentia varicum*, & *varicosi motus sanguinis* se-
cundum has circumstantias addatur. Nempe, quibus valde *exilia* sunt
vasa

vasa, partes vero musculosæ *crurum laxiores*, porosiores, iis non tam
varices *cruris*, nempe insignes *superficialium venularum dilatationes* sta-
biles, eveniunt; sed in *profundo*, in *ipsis musculis*, isti modo *infarctus*,
modo *renisus*, *pressiones & repressiones*, *palpitationes*, *tremula vibrationes*,
ardores quasi *punctulares*, seu *tenerime compungentes*: interdum, facta
ad *superficiem elisione*, *erysipelas* præcipue *junioribus*, ut ante dicta ma-
gis *senioribus*. Qui vero *ampliora* habent *vasa*, illis *citra externam vio-*
lentiam, rarius eveniunt, & si maxime eveniant, magis *superficiales*,
& *directe in partibus affectis*, quam *profundos*, aut in *diffusis partibus*,
dolores concitant. Mirum sane apud *Galenum* de *V. S. cap. 6.* & de *Attra-*
dolores *cap. 4.* inter *noxas*, quæ a *varicibus* intempestive sublatis, succe-
dant, mentionem nullam fieri *doloris vel podagrici*, vel *arthritici*; quod
sane *climati* adscribendum est: in nostris enim *frigidioribus*, & *diata cras-*
siore, *Natura* vero de cetero *vegetiore*, hæc fere prima *consecutaria* sunt.

Quemadmodum vero *varicibus*, non secus quam *hæmorrhoidibus*, in-
sanæ *supervenientibus*, ejus *solutionem* fieri, jam *Hippocrates* annota-
vit, & omnes post ipsum hujus loci *Paraphrastes*, ab experientia consen-
tiunt: ita *ratione adstruunt*, quod hoc fiat per *metathesin materiæ*, nempe
motum sanguinis versus has partes inferiores. Non quidem tam e *capite*, sed
quod *pertinacia illa infarctus congestorii ad splenem & ramum hæmorrhoi-*
dalem internum, *directe* quidem per *hæmorrhoidum perruptionem* mate-
rialiter expediat & evacuetur: per *varicum* vero *inflationem*, si non ea-
dem illa *materia*, ille idem *numero sanguis*, tamen ille *motus*, illa *inteu-*
tio congerendi & exprimendi, ex illis *hypochondriacis* partibus ad *crura de-*
feratur, adeoque in istis locis omittatur.

Ubi certe absurdus sit, si quis nobis vitio vertat, si asseramus, *vari-*
ces quoque *evacuationis* scopo congeri & comprimi: cum certe *perruptio*
eorundem, in *subjectis*, quibus *tenerior est cutis*, perfrequens aliquid
existat.

Ut ad rem redeamus, multa exempla novimus eorum qui *podagra*,
præsertim ab *ischia*de coëpta, jam plurimis *paroxysmis* cruciati, *obortis*
hæmorrhoidibus, & bene postea *succedentibus*, per *numerosos annos*,
ad *serum senium* usque, *immunes* ab omni *podagra* manserunt.
Contra, quibus *largior fluxus hæmorrhoidum*, post insignes *arthritides*
& *ischia*dem, coortus, ab horum quidem *dolorum immanitate* ipsos pro-
pemodum *absolute liberavit*: subnata vero *fluxus illius resitatione*, mox
in *stuporem & gravissimam tensionem*, & *intercurrentes vibratorias lanci-*
nationes in *femore & crure*, devoluti sunt.

Ex his omnibus colligimus, *podagram* nihil aliud esse, nisi *dolorificam*
spasmodicam motitationem, ex *hæmorrhoidali externa*, & *varicosa sanguinis*
compressione intentata, primo *ortam*, & *initia sua ducentem*; successive
vero, partim non *reperito exitu*, insigni *pertinacia*, continuantem: par-
tem ipsa *consuetudine*, cujus *objectum formaliter* sunt *motus*, ita *insoles-*
Disput. Medico-Pract. Tom. VI. R r r *cent.*

centem, ut deinde sæpius, etiam ex *levi* occasionali causa, præcipue tamen ab *animi pathematibus*, utpote *motuum turbas* longe ultra proportionem vel subjecti, vel objecti intendentes, non modo prompte, sed etiam ferociter, recrudescat.

Non desino mirari, quod tam rara mentio *hemorrhoidum*, aut aliarum sanguinis evacuationum, ad *arthritidem fixam, vagam & podagram*: & horum *dolorum* vicissim, ad istas & alias *hemorrhagias*, tendentium, apud authores occurrat, ut fere practici magis empirici, quam *critice theoretici*, hic veritatem longe acutius subolfaciant: quemadmodum vix apud alium quemquam hujus rei similem mentionem vidi, quam nomine solo, & quasi primo aspectu *ἀτόπως*, facit Zobelius, in *der Chymisch und Medicinischen Perle*, cap. 16. de scorbuto, ubi aliquoties *sanguinem scorbuticum*, & *sanguinem hemorrhoidum*, synonymice usurpat.

Certe manifestissime obvia illa apud eos, quibus paulisper *capaciora* sunt *vasa*, *vasorum* circa *pedes* laborantes *inflatio*, cujus propterea etiam Sydenham percommode mentionem fecit, quid aliud designat, quam quod nos loquimur, *varicodem* congestionem sanguinis *versus* pedes. *Tumores* isti *phlegmosi* & *erysipelatosi*, apud eos, qui *laxioris* hic sunt habitus, cujusnam alterius, quam hujus *pressorie* congestionis sunt soboles? *ardores* podagricorum, quid differunt a *varicosis*, nisi profunditate situs? omnes vero *vibrationes & palpitationes* podagricorum, tanquam occulte *varicosorum*, seu temporaria tantum *congestione & compressione varicode* prehensorum, quid differunt ab aliis manifeste & *superficialius* varicosorum, nisi loco, qui in *podagricis* latior, in *varicosis* strictior, interdum tamen inter utrosque par, observatur.

Arthritis vaga, scorbutica dicta, quo crudelior & diuturnior est, eo magis ruit & erumpit ad *efferas narium hemorrhagias*, *hemoptyses*, interdum *vomitibus cruentis*, non raro *mictibus cruentis*, & sæpe numero *hemorrhoides*. Ubi frequentissime, quandiu *fluit sanguis*, requiescit omnis *dolor*; simulatque *fluxus* sistitur, vix non eodem momento recrudescit *dolor*.

Insignis & præsentanea efficacia *maturæ & sufficientis V. Snis*, ut hinc inde experientia confirmatur, ita inter alias elegantes huc facientes *Observationes*, efficax V. S. in *ischiadico-podagrico* dolore, præsto est apud *Thounerum* in *Obsl.* ubi de *Ischiade*: & *Polissi* in *A. N. C. Dec. II.* Anno 5. p. 338. de usu cucurbitularum in dolore ischiadico.

Quid etiam tempestivus & sufficiens usus *hirudinum*, in *ischiadico-podagricis* doloribus possit, poterunt dicere Medici peritissimi, *Itali, Austriaci, Palatini*, quibus illarum frequentior est usus: scimus ejus rei experientia certissima.

Quibus omnibus circumstantiis perenniter conspirantibus inducti, hanc *Pathologiam Podagræ* cruimus, & pro certa atque vera agnoscimus, ac nemur.

CAPUT VII.

CAPUT VII.

Therapia Podagræ.

Non arrige aures Pamphile. Non expecta a nobis invidiosam pollicitationem, licet hujus seculi stylo unice congruam, *percuranda, tollenda, profliganda, proscribenda, eradicanda* podagræ. Abunde est talium, & sane nos, quia hic *novam* Pathologiam formavimus, hoc quoque novum in Therapia subjungemus, ut *nihil cum vulgo* pollicitatorum promittamus, sentiamus, aut faciamus.

Hac methodo certe series dicendorum ad pauca nobis recidet, eaque ad minimum propositu *nova*. Hoc ipso aliorum labores, opiniones, traditiones, neque probamus, neque reprobamus: speculationes, neque probamus, si cum nostra Pathologia conveniunt, facile erit divinari, quantum cum ipsis conveniamus: si contra, contrarium.

Podagra cum *materialiter*, sit a *quantitate* sanguinis abundante, *depletio* ejus indicabitur.

Cum vero *formaliter*, sit a *motu* ejus, & quidem *destinato* ad certas partes; *depletio* illa *generaliter* nihil proficiet, nisi vel *quantitate* ad *revulsionem* sufficiente fiat, vel *loco* plane congruo, ad *specialem* hanc *vergentiam* instituitur.

Quantitatem illam evacuationis, quæ *revulsi* sufficiat, nempe *ingnem*, neque *etas* hæc fert, neque ipsius affectus *indoles*; ut pote in quo, ut non frustra monuimus (& quidem tanto magis, quo magis *insuevit*) *Mensura commotionis*, non sequitur exacte, sed *excedit* communiter *proportionem & movendi*. Unde brevibus, V. S. scarificatio, *curative*, hic, ut communiter *curative*, frustranea est; sed *preservative* non temnenda.

In loco vero, aut in locis *originariis*, profunt *evacuationes sanguinis*: idque & *preservative & curative*.

Absurdam nempe illam V. Snis & scarificationis administrationem, *uno* eodemque loco, sine discrimine *atatum & affectuum*, hic quidem deducere, non sinit charta: interim qui *juniore ætate* circa *superiora*, *provehente* circa *inferiora*, *preservative* evacuationes sanguinis instituunt, sentient, quid commodi, præ *contraria* methodo, hic percipiant.

Ad *podagram*, sanguinem, multo & assiduo, moderato, sed diuturno, *motu corporis*, consumere & discutere, eximium est; sed nulli podagricorum placet. *Emissio* itaque commodius instituitur. *Preservative* præcipue; aut si *curative*, vel in primo *principio* paroxysmi, *copiose*: vel in *statu*, moderate: in *declinatione*, etiam *parce*.

Idque vel in loco *originario*, circa *hemorrhoidalibus* loca. Et fortasse dis-

cet adhuc *posteritas*, quid usus sit in *hirudinibus*. In loco vero *statario*, immediate, *hirudines* eadem & *scarificationem*, cujuslibet discretioni quidem relinquemus, allegamus tamen obiter commendationem illam, quam *Gottfriedus Kirch*, aliquoties calendariis suis adjecit.

Opium in cura, ut semper in cura, damnamus. Ad *palliationem* temporariam, vix admittimus: pathemata circa *abdomen*, sub *podagricis* tubationibus, *nitro*, cum *tartro vitriolato* & *cinabari* plus debent, quam ulli *anodyno*.

Verbo: *hirudines* & *nitrum*, aut *hemorrhoidum fluxum* & *camphoram*, commendamus *posteritati*.

SOLI DEO GLORIA.



J. GODOFR.

CCXIV.

J. GODOFR. DE HAHN,

HISTORIA PODAGRÆ

PHILIPPI LUDOVICI CARDIN.

DE SINZENDORFF.

Norimb. 1750.

R x x 3

Meretur omnino, uti quovis monumentorum publicorum genere conservari, immortalis memoria Eminentissimi Cardinalis a *Sinzen-
dorff*; ita posteritati quoque, in medici orbis gratiam, propagari singularis plane historia articularis morbi, cum quo per optimam pretiosissimæ vitæ partem conflictatus est, & cui altero ab hinc anno, in communes Silesiæ luctus, succubuit princeps integerrima sanitate ad senium usque perdignus. Hæreditatis quidem jure transferat malum in corpus ad obsecratam fere nimiam primum, pituitoso oleo abundans molliorisque adeo & spongiosæ texturæ, atque iis præterea signis omnibus instructum, quæ suscipiendo morbo favent. Quibus inter alia caput grandiusculum, ingenium fervens, immo vero fabricæ partium inexplicabilis quædam dispositio, adnumerantur. Accedebat ad hæc lautior, & delicatissimorum ciborum copiam indulgens diætæ ratio, vini nullus quidem abusus, usus tamen liberalior, exercitiorumque, ob pedes præpropere motu privatos, defectus. Primos enim impetus exeruerat articularis dolor jam tum, cum viginti annos natus esset. Quotannis dein modeste invisens pedes, octavo autem anno subito ingravescentes, totiusque corporis, præcipue articularum vires infringens.

Ansam morbi augmentis dederat glacialis haustus. Hunc arthriticus sumens in colicam sævam inciderat, retrogresso ad interiora morbo & ab hinc etiam in externis partibus violentiore, sensimque intactas ante superiores corporis partes occupante.

Id sane repetito morbi accessu effectum erat, ut fractis articularum viribus jam tum pedibus captum deprehenderem optimum principem, cum primum valetudinis tuendæ causa ad eum convocarer. Scilicet per quadriennium ex frictionum siccarum & fervidarum abusu ita invaluerat pedum contractura, ut ægerrime, nec nisi binis servis adjutus, loco eos movere, vacillantemque formare gressum valeret. Sexta erat hac vice, qua articulari morbo decumbebat, dies, pedesque & manus dolore non adeo sævo detinebantur. Et cum cognitorem morbi, quam præfestinantem medicum, agere mallerem, tum irretorto obtutu omnes & singulas mali circumstantias sollicitus observabam tantum, absque ut quidquam molirer.

Primum, quod me, statum morbi considerantem, in admirationem rapiebat, phænomenon, erat juncta articulari dolori *canina fames*. Visa quidem ea in quibusdam aliis podagricis, sed eo, quo hic sæviebat, excessu, nusquam.

Vellicabat nempe ventriculum adeo molestus titillans, rodensque cibi appetitus, ut, nisi ad primam cibum clamantis vocem accurrerent servi, nutrimentum adportantes, illico vomituritione ingratiissima afficeretur

tur noster, spasmo gulam tamdiu torquente, usque dum proripatus esurie ventriculus pituitam & bilem cum impetu eructaret. Optime autem reprimebat hanc æstuosam famem panis albus, vel oryza cum lacte præparata, quorum fere semper ad manus erat alterutrum, ne frequentior exurgeret ex horum defectu vomendi libido.

Ulus fuerat Eminentissimus Cardinalis ante hanc podagræ accessionem *dieta lactis* per integros octodecim menses. Toto illo temporis tractu, præter lac, non nisi pisces, panem album, legumina, fructus horæos, assumens. Tale quid enim poscebat dietæ lactis rigor, quo præripere infestum morbi fomitem conabatur.

Re ipsa insigne levamen tali victus ratione se affecutum affirmabat. Durante interim podagræ impetu abstinemus a lactis usu, quem non nisi finito penitus illo revocabat; id quod hac vice post undecimam diem obtingebat, pace abhinc plurium mensium impetrata.

Vena Majo secta sanguinem & serum iusta proportionem & consistentia nobis offerebat, raro passim muco oleoso conspicuo.

Novembre autumnalis accessio aderat, vernali illa longe gravior & diuturnior. Prævia per aliquot noctes turbulenta insomnia excipiebat chiragra dextra. Sensim assurgens rubellus tumor octavo die manum levabat, succedentibus eidem primo cubitu, mox & pede dextro. Latus sinistrum simul afficiebatur, costis turgidulis & subrubris. Hinc transitus in manum sinistram, tandemque in pedem. Singulæ partes iustam maturitatem consequiebantur, mire intumescences, madentes, cum splendore rubentes, ipsa facie phlogosi repetita perfusa. Ardor quidam, cum igne lambente comparandus, totum caput exagitabat, molesto adeo sensu, ut vel levissima tegumenta jugiter a capite raso removeret princeps.

Erat autem in iis totum a superfluo illo stratorum plumeorum apparatu, quo alii podagrici tantum non suffocantur, alienus. Culcitris quippe, pilorum equinorum infarctu elasticis, corporique resistentibus, incumbere, levioribus textilibusque stragulis obiectus.

Bis conquirere visæ dolorum turbæ bis revocabantur, in Decembrem protractæ, fistidio & alvi lubricitate morbi augmentorum prænuntiis, pulsu celebri & debili, & canina fame comitibus. Tricesima septima jam agebatur dies, qua nuchæ tumor & rigor, & calor auctus, & pervigilium, & verticis dolor spasmusque genu alterius, negotium nobis faciebant, urinis ipsis, quæ alias rarissime a naturali devix erant, hac vice exaltatis. Succedens tandem sputatio solvebat morbum, ita tamen, ut octoginta demum dierum ambitu penitus is terminaretur. Hoc impetu primum in usum vocavimus massam pilularum de cynoglossa, repetitis dolorum & spasmorum vexationibus invitati, hujusque pharmaci continuationem morbo perquam accommodam experti sumus.

Quam-

Quamprimum liberum se a doloribus sentiebat Cardinalis, devotum Regi animum testandi causa Berolinum proficiscebatur. Constat inter omnes, quanta summi principis, maximi ingeniorum cognitoris, clementia ibidem fuerit susceptus. Ipseque Eminentissimus noster Berolino redux, regie, qua gavissus fuerat, consuetudinis suavitatem & animi & corporis vires insigniter refecisse lætus iterato testabatur.

Martio brevis arthritidis accessio pedem alterum & cubitum invasebat. Aquæ potui aduersus princeps hac occasione fastidians aquas, protinus has cum cerevisia commutabat, per mensem integrum tres ejus vel quatuor mensuras quotidie cum voluptate exhaustiens, usque dum Aprilii mense innumeri vomitus nocturni cerevisiæ continuationem nobis dissuaderent. Exin aqua cum vino remixta per aliquod tempus obtinebat. Sanguis hoc vere cum e vena brachii, tum hirudinum ope ex hæmorrhoidalibus valis extractus. Cælo tunc perquam blando, calido & pluvio, pacatus aliquamdiu rerum status. Mollioris enim auræ afflatu, ventique tepidi (qualem Itali *Girochi* vocant) demulcente virtute insigne semper vel in ipsis doloribus commodum se percepisse memorabat æger.

Majo perquam moderata podagræ accessio, tertianæ typum observans, undecim diebus absolvebatur.

Julio e contrario gravissimus impetus nos affligebat. Dederat vespertinus aer, in horto admissus, ansam dolori manus sinistrae. Confestim & facies rubore perfundebatur. Altera die pes dexter patiebatur. Hoc non obstante tertia die per aliquot horas in templo commorabatur Eminentissimus Cardinalis, in gratiam Serenissimi Principis Coadjutoris de *Schaffgotsch*, hodierni Episcopi Uratislaviensis, qui tunc Abbas Canoniorum regularium Lateranensium eligendus erat. Tali moræ juncta fervidior paulo occupatissimi simul animi commotio exasperabat dolorum articulare cruciatus, quos insequens septima die mador parum levabat. Recrudescentibus iisdem decima die in usum trahebamus mixturam quandam facilitandæ motuum ad peripheriam directioni dicatam, cujus formula sequens erat:

℞. Aquæ Menthæ sine vino
Card. benedict.
Serpilli aa ʒj.
Theriacæ Smaragdinae
Pulver. antispasmod. aa ʒj.
Liquoris anodyn. Hoffm. ℥ij.
bezoard. Bullii ʒj. M.

Hujus pharmaci cochlearia bina quavis hora exhibita, torpentes & interiora obruentes motus feliciter ad extremitates propulerunt olim aliquoties.

Disput. Medico-Pract. Tom. VI.

S s s

ties.

seculorum proxime præterlapſorum medicos illuſtres, *Amatum Luſitanum*, & *Julium Cæſarem Claudinum*, quorum prior (c) monachum quendam nephriticum ſex menſium uſu terebinthinæ, nucis magnitudine quovis mane devorata, reſtituerat; alter vero (d) principi Miranduleni podagrico, Frederico Pico, terebinthinam cum pulvere ivæ ſumendam ſuaſerat, externe adhibitis Tettuccianis & Porrettanis novis pro lotione & embrocatione. Idemque poſterior (e) in chiragra terebinthinam, cum pulvere ivæ arthriticæ, per temporis tractum ægro exhibuerat.

Eſt autem hæc ivæ arthritica Polii montani ſpecies, *ajuga* dicta, ſive *Chamaepitys*, ſpecialiſſimo quodam amarore, eoque non ingrato, commendabilis. Illum amarorem coctæ terebinthinæ altiffime imprimi, maſſamque exhibet globulis formandis & deglutiendis facilem. Quod autem ad ipſam terebinthinam attinet, baſam illud nativum perquam nobis accommodum videbatur eliminandis per urinarias vias, vel & involvendis ſalibus, periſteis, tendinibus, ligamentisque articulorum inſectis. Eminentiffimus enim Cardinalis, qui inter blandiſſimas colloca- tiones non raro graviſſimum ſe in hoc morbo auctorem clafficum jocans profitebatur, in ea verſabatur opinione, veram arthritidis rationem repetendam eſſe a ſale, quod podagricorum machina copioſius ex alimentis extraheret, quam aliorum hominum. Non abſimili modo, quam fieri tale quid cernimus in ſalinis, in quibus aqua diuturniore mora ad extrahendum & exhibendum ſalem præparatur, fere eadem lege ventricu- lum & digeſtionis viſcera cuncta favere ſalium extractioni e cibis, e quibus aſſatas carnes majorem præ elixis ſubminiſtrare copiam affirmabat. Trifti enim experientia edoctus, aſſam, inprimis vitulinam, multoties podagram provocaffe perſenſerat. Non alienus fuit ab hoc, ex intimo rerum ſenſu enato principis noſtri, de podagra ſyſtemate, judicioliſſimus & in intima morborum ſæpe feliciffime penetrans *Boerhaavius*, quandoquidem is in opere practico (f), podagræ rationem expoſiturus, ergo, inquit, *non bilem, non lympham, ſed ſalem hic aliquem accuſo*; paulo- que poſt (g) elegantiffime ſubjungit, "podagram eſſe effectum totius compagis corporis noſtri, ſuoque tempore æque accidere, ac ſeminis ſecretionem in viris, cauſamque habere in nervis ita genitis". Taceo quæ idem *Boerhaavius*, in ſtupendi laboris opere chymico, de ſale animalibus proprio, monuit, miti quidem illo & ſaponaceo, & inter vo- latilem & fixum medio. Cum quibus omnibus ſi contuleris, quæ non adeo multis retro annis, de ſale alcalico volatili vera podagræ cauſa, erudite

(c) Curat medicinal. centur. 1. cur. 63. p. 305.

(d) Conſultat. medicar. conſult. 19. p. 49.

(e) Conſult. 39. p. 93.

(f) Part. 5. p. 198.

(g) L. c. p. 200.

erudite commentatus eſt medicus Florentinus, *Michael Pinellus* (b), nobiſcum omnino ſenties. Nos certe tali vel experientiæ, vel acutiſſimi ingenii ratiocinio innixi, in uſum trahebamus laudatam illam terebin- thinæ cum polio montano coctæ maſſam, propoſitique tenaces continua- bamus per integros ſeptendecim menſes, conſtantia a nullo fere privato homine exſpectanda.

Prima podagræ acceſſio, quæ durante hac aëra terebinthinæ Sereniſſi- mum principem detinebat, ſub finem Septembris obtingebat. Soda & ſitis immodica præviæ erant. Acceſſio ipſa permodèſta pedem dextrum occuparat. Alvus paulo liberior comes. Noctes parum quietæ, ſed non doloris culpa, qui miſiſſimus erat. Appetente vinum ſtomacho, ſume- batur hauſtus generoſioris. Septima die lateris ſiniſtri coſtæ affligebantur. Reſpiratione inde turbata, deglutiſque difficultas maxima. Flatuum præterea turbæ. Abhinc latius ſe diffundens dolor, aurem ſiniſtram, cubitumque & manum hujus lateris inſeſtabat. Vocabatur in uſum mix- tura ſupra laudata recreans, quæ, juncta repetitæ pilularum de cyno- gloſſa exhibitioni, inſignem & hic effectum præſtabat, ſocia utriusque pharmaci virtute adjuto cordis & arteriarum vigore, refrænato fibrarum ſpaſmo, invitato molliter madore, partiumque benigno tumore, dolo- res ſequentium quatuor dierum ambitu blanda quaſi vi emolliente.

Aliquoties obſervaram, & hoc paroxyſmo iterato experiebar, ſepten- tionalem ventum provocaffe morbum, perinde uti mollioris auræ affla- tum, eundem mitigaffe vidimus ſupra. Obtinuerat ſcilicet per quatuor- decim dies boreas, cœlo ſereno & frigido. Huic in horto expoſitus Cardinalis, ſine dubio laterali dolori anſam dederat. In qua ſuſpicionem confirmabar catarrho arthritidem excipiente; quanquam familiaris etiam ſit podagricis fere omnibus quædam catarrhorum cum podagra vi- ciſſitudo.

Uſum terebinthinæ noſtræ omittebamus durante acceſſione, uti olim lactis, revocantes eundem finitis doloribus.

Novembre ſanguis e brachio miſſus, ſatis bonæ notæ erat; in- deque armiſtitium cum morbo obtinuit ad initium uſque ſequentis anni.

Grave autem hoc nobis exiſtebat. Mox enim prima ejus die dolor principem ſalutabat, cubito primum, mox pede dextro & præcipue genu affectis. Hoc prætumidum, durum, ſpaſmo tentatum, negotium nobis faciebat.

Fervoris ſenſus univerſalis poſcebat aliquot noti pulveris antiſpaſmo- dici exhibitiones, quibus alvus illico turbabatur, novo dolorum augmento

S s s 3

octavi

(b) Nuovo ſiſtema dell' Origine o principio della podagra, e ſuo Rimedio. In Roma, 1734.

octavi diei noctem somno privante. Feriebat autem manum dextram impetus. Confestim interim rubor & tumor comparebant, morbum undecim diebus absolventes. Catarrhus & hac vice post morbum, sed is quarta die innumera sternutatione dissipatus. Abhinc silentium turbatum per aliquot menses. Vena secta in pede Aprili mense, sub cuius finem primi calores vernaes, repetente hiemali frigore repressi, ansam reitratæ podagræ subministrabant. Catarrhus cum vocis raucitate comes. Sputa mira quantitate afflua.

Rubor erysipelaceus per faciem & nucham. Vespertini algores, pulsuumque durities & insueta celeritas. Rari quippe alias febriles motus universales. Fervor aliquis, cum igne lambente comparandus, per affectarum partium superficiem vagabatur. Septima dies, post noctem irrequietam, dolorum augmentum secum ferebat, manu sinistra plus quam arthritico rubore perfusa & præurgida. Non secus ea vivebat, quam si phlegmone in gangrænam prona detineretur, sicuti maturæ non absimilis. Hunc fere excedentem maturitatis gradum consecuta, vesperti subsidebat. Alvus moleste hærens, enemate officii admonebatur. Recipiente se abhinc undecima die dolore, sudores, sputa larga & liberior alvus, vernalem hunc impetum feliciter terminabant.

Julio æstivalis aderat lateris primo sinistri dolor, sed hic proxime in femur descendens, mox in pedem. Blandus & superficialis turgor erat, ruborque lætus. Sexta die latus dextrum eisdem leves dolores experiebatur, mox in pedem & manum migrantes.

Mirus manus dextræ turgor, nec minus sinistræ intense rubentis. Alvus liberior; duodecima die accessionis finis.

Vix mense elapso modestum hunc impetum excipiebat gravior. Bihorio a prandio subito aderat chiragræ dextræ perceptio. Protinus succedebat turgor cum rubore. Canina fames præ aliquot prægressis vicibus, hac ipsa magis invalescebat. Quinta die, altera a prandio hora, indigestæ carnis frustulum vomitu reddebatur. Alvus naturalis. Nona die, remittere jam tum viso impetu, dolor latus sinistrum occupabat. Spasmus hinc excitatus noctem diro cruciatu turbabat. Sciscitantes comperiebamur, diuturniore extra lectum mora, intense frigidum borealem afflatum liberius admissum irritasse latus. Interim decima die sudor largus, flatusque copiosi solvebant turbas, quas biduo post glacialis haustu refregebat.

Notandum sic, Serenissimum principem, aquæ potui adfuetum, etiam in ipsa podagræ accessione, rescipientem frigidæ haustum semper calidè prætulisse. Erat enim a frequentibus illis infusi foliorum theæ sorbitionibus, quæ adeo familiares nobis sunt, prorsus alienus. Nec diffiteri possum, solam aquam, iusta frigidæ admixtione temperatam, sapissime nobis expellentis & rescipientis pharmaci virtutes, præsentissimo effectu exhibuisse. Eminentissimus autem noster, nunquam non alia utebatur aqua, quam

quam cum glaciali remixto quovis haustu. Unde evenit subinde, uti hac vice, ut paulo liberalior glacialis aquæ additio, committendi erroris occasio fieret. Adeoque latus jam dextrum, uti prius sinistrum, dolorum cruciatu afficiebatur, malo non nisi decima quarta die, penitus conquiescente.

Medio Septembre, post nocturnum vomitum, pedis dolor novus aderat, simulque pulsus fortior, calor immodicus & rubor. Tertia die benignus tumor cum madore. Quinta pulsus & calor propius ad febrilem accedentes. Inde nox fervida, spasmus genu dextri immitis, faciei rubor, sputatio spumosa largior. Octava die dolor acerbus & spasmus genu sinistrum quoque occupant, ægreque obsecundant consuetis nostris pilulis de cynoglossa. Decima die mador auctus cum levamine. Mox alvus lubrica, & per aliquot dein dies solito importunior, diascordium aliquoties eludens, tandem cedens ejusdem virtuti.

Sub Novembris initium ex refrigerio catarrhus, e catarrho transitus in chiragram dextram. Dolor ferendus, tumor æquus & cum madore. Pulsus quarta die violentior. Nox spastica, raptio in societatem dolorum genu. Alvus abhinc per plures dies lubrica, undecima autem & sequenti, vomitus aliquot vitellinæ bilis, dein status pacatus. Hoc mense sanguis e pede missus catarrhalem mucum secum attulit.

Anni 1745. ingressus immodica siti notabatur, maxime nocturna ea & febrilem colliquationem minitante. Ad hanc permolestam & vix restinguendam sitim accedebat phænomenon notatu perquam dignum. Sputa scilicet, in nostro principe semper, & tunc inprimis affluentissima; tenacia prodibant, saporemque & odorem terebinthinæ tota referebant. Nunquam solemniss ille terebinthinæ effectus, violaceus nempe odor, se prodiderat in urinis. Nunc vero impetu irruere in salivalia organa coeperat, ibidemque exitum iterum moliri traditus massæ sanguinæ resinæ hujus adparatus. Hæc operosa mucæ terebinthinosi per salivales ductus excretio, per plures dies nos exagitabat. Quamquam enim statim a primo hujus phænomeni momento abstinere ab ulteriore terebinthinæ assumptione, fons tamen ejus videbatur inexhaustus, omnisque saliva nil nisi fecundissima terebinthinæ progenies erat. Nec mirum! Adeo longo enim temporis tractu decantati hujus medicaminis frugem periclitati fuimus, ut tota humorum massa imbui ejus substantia commode potuerit. Nec improbabile est, inter causas excedentis sitis referri debere protractum hujus resinæ usum.

Jam quod ad hanc sitim attinet, huic quidem restinguendæ perquam favens erat spiritus nitri dulcis, ordinario aquæ potui jugiter admixtus. Eliminandæ autem terebinthinæ superflue non statim in promptu erat consilium. Tandem vero facilitando ejus a sanguine divortio, præ reliquis accommoda videbatur emulsio nostra oleosa, qua aliquot olei repentis amygdalarum dulcium uncæ, cum sufficienti sacchari quantitate

& vitello ovi recenti exactissime subactæ, admixta sensim iusta aquæ quantitate, in emulsionem gratissimam abeunt. Hanc saponacea sua facultate idem præstituram corpori iudicabam, quod vitellus vestimentis resinosa vel picea massa contaminatis. Felicissime illius ope hanc eluunt artifices.

Hocce consilium etiam ex voto successit, Serenissimo principe paucorum dierum continuatione ab hoc incommodo penitus liberato. Felices illas interim, quibus per sex fere menses gavisi fuimus, inducias, pro fructu assumptæ constanter terebinthinæ jure agnoscebamus. Sed minoris momenti erat ille fructus, quam ut urgere ulteriorem terebinthinæ usum fas ducerem. Incesserat præterea etiam aliquis metus omnium animos, subjugata, quacunque demum arte, podagra, alios, eosque pariter graves morbos, facile oborituros.

Missus Februario sanguis floridus erat.

Majo levis impetus manum primo, mox cubitum, exin genu tentabat. Respiratio contentiosa erat. Sputa uberrima. Phlogoses universales, præcipue faciei, quam spongia humida indefinenter solabamur. Cetera nil contra moliebamur, motu omni ad peripheriam expeditissimo. Marcescente undecima die, sub remissioribus doloribus, partium turgore, alvus per aliquot dies fluxa erat, cum molesto sensu. Decima tertia autem die, hæmorrhoides sine incommodo stillabant.

Junio simillima huic per omnia accessio blanda, decem dierum ambitu circumscripta, observabatur, eaque alvi fluxu terminata, post noctem, ab assumptis pilulis de cynoglossa voluptuosam, uti hanc ipsam salutabat princeps, quem hac unica vice recordor hausisse, per paroxysmi totius decursum, tenue pulli jusculum, appetente calidum potum ipso palato.

Julio gravior nobis incumberebat impetus, clamores eliciens, & quinque horarum spatio ad summum gradum evehctus. Quo temporis momento & turgor aderat, & congruens rubor, & pilulis nostris feliciter promota maturitas, prodeunte madore benigno. Sexta interim die per nucham vagabatur superficialis & rubellus dolor, cito discussus. Tum demum alvi levitas cruenta, & excessu peccans, & calori costæque dolori juncta. Pertinax malum nec diascordio, nec absorbentibus pharmacis morem gerebat. Vinum calidum proderat, inde a die decima tertia ad septimam frequentius haustum. Vini istius, quod *vin brûlé* vocamus, præparatio talis: vini gallici, *hermitage* dicti, vasculum, tres circiter scutellas, theæ forbitioni dicatas, capiens, bullire sinentes, vinum saccharo & cinnamomo imprægnatum, inter bulliendum accensum deflagrare permittebamus. Qua arte & gulæ acceptum, & minus inflammas reddebatur vinum, cujus haustum, elapsio fere semper quatuor horarum spatio, sumit rex noster cum euphoria.

Quam

Quamquam autem consistentior indies hac methodo alvus evadebat, nondum tamen naturalis ea, nec incruenta erat, viriumque lapsus & appetitus prostratio ita invaluerant, ut attonitos nos redderet insolitus aliquis sensim obrepens corporis & animi marcor. Contristatum enim aliquando præter morem conspicabar Cardinalem nostrum, vultumque ejus mortifero vulnere affectorum vultui simillimum. Tali rerum statu geminata opera extricare nos e dubiis rebus conabamur, voti tandem compotes facti duplicata diascordii dosi, victu lactis cum pane albo, & decocto radicis tormentillæ cum cortibus aurantium parato, tricesimaque morbi die alvi fluxus cum chiragra brevis durationis commutabatur. Hoc tempore medicus quidam Venetus, sententiam suam circa nostram medendi methodum rogatus, frequentiore pilularum de cynoglossa usum in suspicionem vocabat, parumque aberat, quin diffidentiam pharmaco excitasset, minus considerate scriptis ad serenissimum principem his verbis: *rimedio da medici tutti di buon senno proscriito*. Præferebat enim ille medicus pilulis nostris de cynoglossa, massam pilularum de styrace, accusans in prioribus cum cynoglossam, tum hyoscyami semen, quippe quod tremores musculorum & debilitates induceret, aliasque plures nocivas qualitates exerceret. Cui quidem acriori judicio, & infanti pilularum de cynoglossa massæ minus competenti, opponebam primo auctorem gravioris medici Romani, *Prosperi Martiani*, fidelitate & candore cum *Hippocrate* & *Sydenhamo* merito comparandi, qui tutissimum hujus remedii usum diuturniore experientia compertus, ubi de articulari morbo verba facit (i), hæc eloquitur: *ego autem theriaca utor ad scrupulum unum, cum granis septem pilularum de cynoglossa, vel etiam theriaca ipsa, ævi natura inspecta. Quorum medicamentorum caliditatem & siccitatem corrigo victus ratione iis contraria. Hisque omnibus absolvitur curatio hujus affectus adeo exacte, ut alia omnia remedia irrita habeam, quæ in alium finem tendunt*. Ostendebam utramque pilularum massam eundem agnoscere auctorem *Alexandrum*, ob magnum in praxi medica nomen κατ' ἐξοχήν medicum dictum, atque adeo eadem antiquitatis prærogativa gaudere.

Incognitas porro mihi plane esse regerebam nocivas illas specierum, quæ massam pilularum de cynoglossa ingrediuntur, qualitates. Neque id mea tantum, multiplici sane experientia, sed & judiciosissimorum medicorum effato confirmabam. Quod enim ad cynoglossam attinet, perplacent quæ de hac planta proficitur *Fullerus* (h): *populus, inquit, medicorum uno ore vim soporiferam attribuit cynoglossæ. Ipse vero, licet nullies in usum duxerim, nullam ejusmodi virtutem observare potui. Egregium pharmacium in defluxionibus calidis*. Et commemini assertum cujusdam medici, in Ephemeridibus his nat. cur. pilulas de cynoglossa in compes-

Disput. Medico. Pract-Tom. VI.

T t t

cendis

(i) Commentario in Hippocratem, pag. 214.

(h) Pharmacopœia extemporanea, p. 355.

cendis convulsionibus ipsi opio præferentis, & tanquam excellentissimum antispasmodicum dilaudantis.

Ad hyoscyamum vero quod spectat, non equidem ignoro fugillare hujus antiquissimi dolorum domitoris virtutes haud paucos. Nec diffiteor, culpa non vacare liberaliorem feminis dosin. At vero quale damnum emergere possit ex minuta adeo ejus quantitate, non video. Unicum enim feminis granum duodecim massæ inesse, norunt omnes. Neque huc trahendas esse arbitror tristes illas historias, quibus abunde devorati effectus venenosi memorantur. Cruda semina copiose ingerere alias certe sequelas excitabit, quam congruo tempore & loco judiciose in usum vocare accommodam circumstantiis quantitatem. Quodvis remedium facile excessu peccabit. Quidni potens adeo & generosum!

Nos vindicatæ hujus pilularum massæ usum, constanti aliquot annorum decursu ita comprobavimus in eminentissimo principe, ut nullum unquam in contrarium effectum fuerimus experti. Confestim altera vel tertia accessionis nocte quinque vel sex grana deglutiebat æger, rarissime eandem dosin intra unius diei spatium repetere coactus. Ut plurimum prima pharmaci exhibitione signa promoti ad peripheriam impulsus aderant, maior nempe blandus, turgor æqualis, rubor lætus, excedentisque doloris sensus moderamen. Tantum abest, ut cohibuerit unquam justum morbi articularis succellum, ut potius commodam viam ad attingendam eo facilius metam præpararit, fibrarum resistentiam amolendo, partiumque spasmus crispatarum nifum refrænando. Et sane hic verus anodynorum rite adhibitorum fructus est, a reliquis remediis, contra spasmos adhiberi solitis, vix expectandus, hocque ratiocinio conquiescens princeps, cum fiducia uti remedio non desist.

Augusto sanguis tenax & pituitosus e pede missus.

Septembre, iterumque Octobre leves aliquot dierum accessiones aderant, faciem & aures scarlatino rubore perfundente superficiali phlogosi. Exin saccharo lactis usus fuit Cardinalis per mensem. Sub finem autem Novembris, prima nive, vigentibus ubivis catarrhis, principem occupabat catarrhus. Nuchæ dolor comes mox & chiragra dextra, splendente & quadriduo maturo turgore. Privo quodam jure liberi censentur ab epidemicis morbis podagrici; nec quemquam recordeo ex meis epidemica febre correptum, quamquam non pauci proflent, quibus acuta febris, juncta doloribus, auxerit periculum, & quos socia utriusque morbi violentia jugularit.

Catarrhorum interim epidemiciæ podagricis minus parcunt, quin imo permulti ansam sunt recrudescantis morbi. Quidam etiam per vices vel catarrho laborant, vel articulari morbo, non obscuro, ni fallor, indicio, acre illud, quod supra accusavimus, podagricorum sal in illis catarrhosæ pituitæ vaginis delitescere, atque in catarrhis unacum pituita eliminari e corpore

corpore; in rheumate & arthritide ossium membranas obsidere & rodere, omnesque illos, quos podagrici experiuntur, cruciatus excitare.

Sub anni 1746. initium importunus gulæ spasmus, deglutionem turbans, quarta die vomitum proritabat. Ossa lingualia revera arthritide affecta loquebantur omnes circumstantiæ, præcipue autem gulam ea ipsa die liberans manus dolor. Dolor erat immitis, pilularum nostrarum usum poscens, quibus octava demum die æqua maturitas promovebatur. Nona micror aliquis & insueta morositas & extremorum pallidus albor, pulsu duro existente, gravem tempestatem portendere videbantur. Sed metu liberabamur proxime, genu dextrum feriente impetu, intra biduum iterum fastiscente.

Februario ambæ manus & lateris dextri costæ septem dierum decursu vellicabantur, madore affluo liberatæ. Quale quid & Martio nobis obtinebat.

Medio Aprili nocturnæ cholæræ ansam dabat repletio aliqua diurna. Pulsus operosus comes. Malum vino calido repressum, post magnam fastidiæ nondum bene subactæ exturbatam copiam.

Eminentissimus Cardinalis, per omnem vitæ tractum ventriculi virtutem nunquam deficientem expertus, hac cholæræ occasione tamen ventriculi aliquem languorem accusans, potum subito mutabat, & loco adfueti potus aquæ simplicis, hanc ipsam cum vini Burgundici quarta parte remixtam inde ab hac die hauriebat. Lagenam integram vini istius intra unius diei spatium ordinarie exsiccat, non sine blandiente quadam, eaque per totum corpus se diffundente sensus grati perceptione. Vena hoc mense in pede secta sanguinem exhibebat floridum.

Prima arthritidis salutatio, ex quo vinosa gavisi diætæ fueramus, eveniebat Maji quarta die. Aeris vespertini in horto afflatus excitabat dolorem manus & costæ, mox & pedis. Pulsus vinosam diætam decens, alacrior solito & a febrili parum abludens. Promotus tali pulsu terminus maturitatis, septima die intra non adeo molestos cutis fervores absolutæ. Perstabat interim aliquis dolor ruborque, & tumor articularum duricululus, ad decimam quartam usque diem, madore non ut ante affluo, sicciorque ambitus corporis calore.

Medio Junio ex asse similis huic chiragra & podagra decem dierum decursu commodissime superabatur. Alvus hac vice præter morem siccior, unica magnæ drachma in ordinem redigebatur.

Pari ratione Julio & iterum Augusto leviores chiragræ accessiones sine alvi lubricitate finiebantur.

Sub finem Septembris chiragra & gonagra sinistra repetebant. Hæc quidem cum spasmus circa genu vigente clamoroso & perseverante etiam tum, cum tumor & rubor & mador succederent. Sputa tenacissima. Decima tertia morbi die cholera superveniens, & hæmorrhoidum fluxio artus liberabant. Decima quarta facies uredinibus perfusa, luculenter indicabat

cabat, qualis præcedente die internarum partium facies fuerat. Similes enim uredines in primis viis choleram provocasse, nullus dubito. Rhabarb. bari tosti drachma sumebatur cum effectu optato.

Octobre sanguis e pede missus partim pituitosus conspiciebatur, partim floridus. Octiduo a vena secta elapso, hæmorrhoidum fluxio repetebat sine incommodo.

Novembre manus sinistra denuo affligebatur. Catarrhus doloris socius. Status per decem dies violentus. Maturitas tum demum exquisita. Tumor prægrandis. Sputa tenacissima gratissimo pharmaco saponeo fluido & mobilia reddebantur, succo, scilicet pomorum Sinensium saccharato.

Communicaverat illo tempore cum serenissimo principe nostro aliud quoddam remedii genus, debellandæ podagræ dicatum, Eminentissimus Cardinalis de Rohan, qui eadem, qua Cardinalis de Sinzendorf, dolorum fere menstruorum catena irretitus, remedio illo per longum annorum tractum usus fuerat cum notabili fructu. Erat autem hoc sequens:

℞. Radic. Gentianæ
Aristolochiæ
Herb. Centaur. minor.
major.
Chamædryos
Chamæpityos a a ʒj.

Infund. in spiritus vini Rhenani libr. iij. digeratur per xv. dies furore bene calido, colatura D.

Hujus guttæ XL. vel L. sumantur mane & vespere in infuso herbæ aristolochiæ, & post coenam in vino. Singulis mensibus purgandum semel per annum.

Quodsi calefaciat nimium, sequentis ptisanæ haustus bini vel tres sumantur post prandium.

℞. Radic. Graminis Miiß.
Fragariæ Mj.
Dactylorum No. viij.
Radic. Glycyrrhizæ ʒj.

Coquantur in aquæ fontanæ libr. IX. leni igne, ad casum tertiæ partis. Purgans sit sal Anglicanum. Post tres menses guttæ semel de die; dein bis per septimanam sumantur per omnem vitam.

Sunt fere omnes podagrici isto animo, ut hac vel illa via restitui se in integrum posse sperent & metuant, dubioque consilio a cruciatuum repetitione liberari non minus ardentem desiderant, quam tremuli vereantur.

Jam quamquam fragrantior paulo nobis videretur mixtura illa spirituosâ, periculum tamen ejus faciebamus per unam vel alteram diem. Et cum prima hæc tentamina nimis ferirent linguam, eamque siccarent, præterea

terea quoque spasmodum costarum excitare viderentur, abstracta spiritus dimidia quantitate, mitiorem eam & gustui magis gratam efficere curabamus. Vix autem per aliquot dies assumpta erat mixtura hæc temperata, cum continuationem ejus interpellaret chiragra sinistra sub finem Januarii molesta. Fervor aliquis universalis huic junctus erat, dolorem cito transferens in manum dextram & genua. Alvus siccior enemate monenda erat officii. Octavo die pacata omnia.

Fervor ille, præ aliis vicibus notabilior hac accessione, suspectam nobis reddebat pharmaci spirituosæ virtutem. Neque enim ferebat Eminentissimus Cardinalis ptisanam moderandis caloribus, ab usu hujus mixturæ expectandis, destinatam. Obtinebat præterea adhuc aëra Burgundica, usus scilicet vini Burgundici cum duabus vel tribus aquæ partibus remixti, iustusque adeo suberat metus, flammam tandem concepturum sanguinem vino & spirituosâ medicamine simul imprægnatum. Abstinuimus ergo penitus ab hujus continuatione.

Februario medio catarrhus cum tussi inani agitabat pectus. Violentia stimulantis tussis pillulis de styrace perdomita.

Martio subitus & longe acutissimus dolor petebat pedem, eumque æque cito altera die iterum dimittebat, non sine metu interiora ferientis impetus. Tertia enim die enormis vomitus inter prandendum observabatur, quem quidem magnam etiam vino Burgundico copiosius hausto, lentibusque, quarum amantissimus erat princeps, aceto vini humectis, avidius ingestis, tribuebamus. Turbæ sponte conquievere.

Hoc mense sanguis præter morem tenax, luridus, teter, inflammationem spirans, e pede emissus, inquietos nos reddebat, variaque meditabamur, quæ obijci glutinoso illi pingui cum fructu possent. At enim vero quis fructus expectandus erat a quocunque pharmaco, cum primum in pituita dissolvenda remedium in potestate nostra non esset, labor scilicet & muscularis motus, absque cujus adminiculo irritum quemvis conatum prævidebamus.

Erat enim per hos annos, quibus assistere serenissimo principi datum fuit, impossibilis omnis inceffus, muscularisque motus quivis, vel tantillum operosus. Manibus ipsis vix ciborum assumptioni, librorumque, quorum lectione nulla non die delectabatur, evolutioni sufficientibus. Unum motus corporis genus nobis liberum erat: vel curru longius exspatiari, vel curriculo suo triumphali in horto aut conclavi vectari; motus intimæ humorum tenacium miscelæ juvandæ non adeo magnifice favens, optimus tamen, deficiente omni reliquo, si exceperis frictiones humidas in pediluviiis & balneis, satis solenniter in usum vocatis, adhiberi solitas.

Venerat inter alia in mentem nostro Eminentissimo, experiri in se ipso virtutes medicamentosas pretiosi illius lapidis hyssricis, quem mille florenorum Hollandicorum sumtu sibi comparaverat. Notum est, medicamenta biliosa, & in his præcipue concretum hoc velleum, glutinoso pingui ob-

jici a magno seculi nostri medico *Boerhaavio*, bilemque & lentam pituitam oppositam inter se habere indolem, observante id illustri illius commentatore *van Swieten*; minus ergo hæsitabam concedere hoc, si non adeo proficuum, innoxium tamen futurum tentamen.

Infudimus lapidem istum per viginti minuta in aquæ cardui benedicti uncis quinque vel sex, & hausimus jejuni. Affligebant illo tempore matutini quidam pituitæ vomitus principem nostrum, qui & alias facili causa, maxime vero nunc abundante pituita, proritabantur. Hi, repetito per aliquot dies haustu illo bilioso, conquiescebant. Observabamus autem sequentibus experientiis, aquam simplicem feliciter & citius imbui specifico illo amarore, a quo virtus omnis medica lapidis pendet. Missa ergo cardui benedicti aqua, benedictam fontanam præ hac pro menstruo pharimaci feligebamus. Effectus tandem, si, quod res est, fateamur, nec tantus erat, ut nos ultro alliceret, nec tam nullus, ut suscepti nos poeniteret. Sub finem Aprilis afflatus Boreæ invitabat catarrhum, hic lateris dolorem, quem chiragra levabat, felici humorum ad extrema motu.

Hæc eadem chiragra sub Maji finem repetebat, sed violentior & tri-duo acutissima, repetitamque pilularum de cynoglossa dosin poseens, antequam blandum illum, maturitatem & levamen adferentem, mudorem impetraremus. Quarta die manum alteram seriebat impetus, septima die discussus, largumque hæmorrhoidum fluxum post se trahens. Inter solennes pilularum nostrarum effectus constanter observabatur alvi aliqua segnities. Hæc præsentis accessione paulo solito pertinacior, vinosaque diata auctior, repetitis enematibus levanda veniebat. Rhabarbaro illa imprægnata votis satisfaciebant sine incommodo.

Junii octavo die subita cholera media nocte magnam assinatorum saburram per superiora & inferiora exturbabat. Causam mali accusabamus fervente coelo largiorem solito vini Burgundici, cum aqua remixti, haustam quantitatem, sudantique corpori admissam noctu frigidiusculam auram. Irritos plura egerendi conatus, probe vacuatis spontaneo illo motu viis, reprimebat medicamentum absorbens & unica theriacæ dosi.

Julio levis dolorum podagricorum mussitatio, & octiduo abhinc fluxus hæmorrhoidum parvus aderat, turbis exin pacatis ad primam Augusti, qua noctu pes, mane coxendix dolebant. Rubellus illico pes. At vero superveniente gravissimo & non prævisio animi motu, & dolor & rubor præpropere se recipiebant, visceribus e vestigio molestissimo sensu pressis. Hæc prima secururi propediem morbi origo.

Erat Eminentissimus Cardinalis, quod magno ei honori esse deo, summæ animi moderationis, contemnendisque adversitatibus adsuetus. Hac tamen vice parum aberat, quin momento iis succubisset. Animum insolita quadam afflictione perculsum schedula ad me missa ipse profitebatur, viscera premi simul innuens. Scilicet ardentissimo princeps flagrabat desiderio interesse electioni Archiepiscopi Salisburienfis. Videbatur quippe ei blan-

blandiri aliqua spes successuræ ex voto electionis, si modo daretur eidem dirigendæ præsto esse. Quicquid ergo vel remorari Salisburienfem iter, vel præsciendere conceptam spem minabatur, infestum erat animo in istam præsciendæ metam defixo. Levatis obstaculis levatæ præcordiorum molestiæ, gloriæ metam defixo. Levatis obstaculis levatæ præcordiorum molestiæ, iterque institutum die duodecima Augusti. Neminem latet, rebus Salisburii minus optabiliter cedentibus, Cardinalem longe gravissimis maceratum fuisse animi turbis. Factum inde, ut altera ab electione die, domum reversurus, iter iterum instrueret. In hoc Danubium navi descendens, somnoque indulgens, humido refrigerio admissio in alvi molestum fluxum incidebat.

Hunc alvi fluxum die duodecima Septembris sequebantur vomitus plane enormes. Exceptus ea die convivio splendidissimo fuerat ab Episcopo Olomucensi, ad quem diverterat, partim ferente id itineris ratione, partim & recreandi animi causa. Vomitus illi, de die in diem importuniores, repetitis theriacæ coelestis dosibus ad breve temporis momentum repressi, ultro semper urgebant. Princeps tandem, intimo ingravescentis mali sensu percussus, magnis itineribus Uratislaviam suam contendebat, dieque vicesima tertia quatuordecim miliaria absolvens, versus mediam noctem domum redux salutabatur. Mihi quidem tunc advolanti immane quantum mutatus ab illo videbatur Eminentissimus noster. Obreperat notabilis aliquis marcor, consuetum, & principi plane peculiarem faciei splendorem obliterans. Oculi præfundi erant & nobis plane peregrini, nimium obtusa eorum acie. Ad hæc insolita vocis, acutæ alias, raucitas ustulatas levi inflammatione oris membranas subindicabat.

Ex hisce ergo junctim consideratis, cum tristiores nobis imminere turbas præmetuerem, itineris comites, animum a metu liberaturi, suggererant, omnia hæc operosi & pulverulenti itineris culpa evenire, concessa quiete facile iterum disparitura. Sumserat Cardinalis istius diei mane, ut compeceret vomitus, quatuor theriacæ coelestis grana, & conquieverant turbæ ad noctem. Lectum ergo petebat absque repetitione pharimaci. Nocte somno transacta, summo mane denuo aderat vomitus. Non obstante impetuosa hac ventriculi actione soporofum deprehendebam principem nostrum. Novus latentis periculi monitor mihi existerat ille sopor, præcipue cum statum fonticum tacite declararet pulsus ea die subinde, magno meo dolore, intermittens; phænomenon, quod me, pulsuum rationes in principe nostro exactissime semper examinantem, protinus attonitum reddebat.

Hac tam implicata rerum facie mirum tutam judicans soporiferam nimium theriacam coelestem, mitius pharmacum eidem substituebam, unam scilicet diascordii Fracastorii drachmam. Hæc mane sumpta ab ulteriore vomitu præservabat totam illam diem, quæ, animo ob reditum magis composito, sic satis per omnia tranquilla transigebatur; quin & ipsa nox præ priore magis adhuc pacata. Matutinus interim vomitionis repe-

repetentis impetus longius a securitate nos abesse indicabat, quam opinarer. Et quanquam ea die levia se manifestarent arthritidis molimina, inflatis sinistri pedis venis, subrubella cute, dorsoque pedis indolente, eaque omnia constantem nobis podagræ accessionem & hoc ipso salutarem vomituum medelam, pollicerentur; mox tamen evanida erat illa spes, intra brevia temporis momenta cum ipso podagræ apparatu diffuens. Idem enim impetus, qui paulo ante extremum pedem petere visus fuerat, confestim inverso ordine ventriculum feriebat, noctemque, reitatis post quævis assumpta vomitibus, turbabat. Erat autem vomituum ratio talis: singuli haustus commorabantur aliquamdiu in ventriculo, usque dum proxime in intestina transitum moliri viderentur. Tum vero jugi impetu rapidus assumtorum torrens, distento ore, liberalius effundebatur, manifesto indicio, denegatum assumtorum transitum in intestina provocare ventriculi, diaphragmatis, omniumque thoracis & abdominis musculorum convulsionem, veram vomituum verendorum causam! Et par erat, sive frigide, sive calide assumtorum fatum. Calidorum quidem summum aderat per plures dies fastidium. Aegrius ergo illa assumebat æger; assumebat tamen rogatus theam. Calida scilicet adstantibus magis blandiebantur; sed eadem mora, eadem, qua ingurgitata erant, via, regurgitabant & illa. Quin & ipsa medicamina, vomitibus objecta, ne excepto quidem, felici alias in his reprimendis, laudano liquido *Sydenhamii*, aliquoties post vomituum violentiam exhibitio.

Tum vero rebus aperte desperatis, periculoque pulsuum inconstantia confirmato, anxii confugebamus ad lapidis hystricis infusum, ad mixturam nostram arthriticam, ad enemata varia, ad decoctum corticum aurantiorum cum tormentilla, iterumque ad theriacam illam, si diis placet, cœlestem; successu nullibi votis nostris respondente, nisi quod sopor auctus inducias quasdam proficuas mentiretur. Sub vespere tantillum vini generosissimi Tockaviensis, cum pane albo sumtum, compescere indomitos vomitus videbatur, Eminentissimusque, relictis tantillum viribus, per aliquot horas tranquillius blande madescebat, cumque paulo post, aliquot theæ vascula hausta nauseam vomibundam revocarent, motus illos commorso citro feliciter reprimebat. Nox præter expectationem profundiore somno tranquilla erat, nisi quod pavores, in somno a me observati, fulgures mihi viderentur, certo imminentem proxime annunciantes tempestatem graviolem. Quam inevitabilem, magno tamen conatu prævertere annitebamur, fotu, frictu, sinapismo, vesicantibus, motuum directionem ad extremas partes invitaturi, decollantemque spem resuscitabat nunc gratus sudor, nunc plenior & ordinatus pulsus. Comparebat præterea rubellus turgor, ambas manus occupans, faciemque simul perfundens. Soli pedes minus tumori se adaptabant, sicco calore rigentes. Matutinæ aliquot horæ statum adeo tranquillum adstantibus offerebant, ut singulorum animis spem inspirarent, res desperatas adhuc dum

in

in integrum restitui posse. Coniunctos ideo cum sopore & nunquam non reverendos pavores, molliter in ægri gratiam sentientes, interpretabamur oboriri a podagræ molimine; solam podagram, debita loca attingentem, solvendo morbo, alias insuperabili, parem pronunciantes. Quibus auditis attentissimus ad quævis Serenissimus princeps: *Ergo vero*, inquit, *status noster similis est ei, quo occubuit Carolus VII. Imperator!* Congruum sane iudicium & apposita comparatio! nisi enim, tristis monebam, *crisis nostra ad peripheriam cito absolvetur, æque cito actum de nobis est, ac de illo.* Cui acerbissimo effato proxime respondebat acerbior eventus.

Nam post meridiem subito remittebat salutaris ille visus & ad peripheriam tendens humorum motus. Turgori rubello succedebat squalidus marcor. Invalescerebatur sopor, ita quidem, ut de potu aut alia quadam re admonitus Cardinalis, semper quasi ex alto somno excitatus cum terrore aperiret oculos, & quid rerum adesset, sciscitaret, mox iterum clausis oculis. Ad pavores accedebant artuum tremores, reliquo corpore immota quadam situs ratione propius ad tetanum accedente. Tussim provocabat vel parcissima liquidorum deglutitio, quorum justam exhibitionem præpediebat maxillarum spasmus, os tenacius constringens. Oculi tunc vitrei & altius immersi. Urinæ suppressæ, Stertor sensim obrepens. Singultus quoque & tandem fatiscitibus per noctem cunctis vitæ motibus, stertorosa mors, quæ conseqebatur die Septembris vicesima octava, hora octava matutina, tabo cruento, consummatæ inflammationis gangrænosæ teste, paulo post mortem per omnes poros magnos penetrante, corpore ad crepaturam inflato.

Tantum valere cum itineris molestiæ, tum gravissimæ animi iterato vulnerati afflictiones, forte & vini Burgundici adulterati usus, & lubricæ in itinere, uti mustitant adstantes, diætæ ratio. Quibus junctis vigor cordis tandem infractus fatiscere cœpit. Imminente postmodum arthritide non amplius attingere potens remotiora a centro loca, & penetrare per vias vel spasmus strictas, vel tophis obstructas, vel coalitu deletas, detento adeo malorum fomite in ipsis visceribus, lethali que ibidem incendio producto. Nullus enim dubito, gangrænosum reperturos nos fuisse ventriculum, præcipue circa pylorum, si sectioni corporis Eminentissimi Cardinalis locus fuisset. Notaram quippe inter repetitos vomitus, manu aliquando leviter contrectans abdomen, locum aliquem duriusculum in regione gastrica dextra, eumque renitentem & ad contactum confestim convulsione jactatum; tremulo subsultu exquisitissimum sensum prodente, focumque incendii manifeste indicante. Quanquam de reliquo non aliena etiam a vero videatur suspicio, hærentis simul in vesicula fellea calculi, sanitatis vitæque destructoris. Præterquam enim quod huic choleras & indomitos vomitus proritare soleant sit: hæreditaria quoque dispositio quædam favebat calculi generationi apud Cardinalem, utpote cujus illustrissimus Pater magnæ molis calculum in hepate

Disput. Medico-Pract. Tom. VI.

V v v

exhi.

exhibuerat; notumque insuper, similem vesiculæ felleæ calculum exhibuisse insuperabili cholera humanis rebus ereptum Augustissimum olim Cæsarem *Carolus sextum*.

Quod autem attinet ad historiam mortis *Caroli septimi* Imperatoris, ad quam provocabat moriturus Cardinalis, e re esse judico brevibus eandem hic commemorare, ob aliquam morbi interemtoris affinitatem.

Quinta Januarii die chiragra laborare coeperat Imperator. Hanc octava inde die excoeperat podagra, mox & gonagra. Die decimo quarto morbi, superato jam viso accessu, madore humectus æger in conclave subgelidum se conferebat. Vix horæ quadrantem ibidem commoratus, lectum tremulus repetere coactus, convellitur. Per horæ dimidium vix respirans, dentibus stridens, secta in brachio vena tandem ad se rediens, pulmonalesque ardores accusans. Artus omnes inscii dolorum. Urinæ parcissimæ. Tussicula sicca. Alvi lubricitas ominosa. Respiratio turbatissima. Diferti lethalis nobilissimorum viscerum incendii testes. Nullum a repetita venæsectione auxilium, sed præceps, prævio linguae livore, mors, die morbi decima septima. Sectum corpus adstantium oculis offerebat pulmonum & ventriculi sphacelum, cordis polypum, calculum renum; uti hæc omnia in memoriis publicis (*Pommerische Nachrichten* 1745. im 21. Stück pag. 238.) recensuit Cæsareus Archiater *Wolterus*.

F I N I S.

J. FRID.

CCXV.

J. FRIDERICI BAUER

E T

CAROL. JOAN. MICH. OTTO;

EXERCITATIO

D E

SCARIFICATIONE CERTO

ET SECURO REMEDIO ANTIPODAGRICO.

Lipsiæ 25 Octob. 1732.

V v v 2

Q. D. B. V.

Quanta cum industria ad hoc usque tempus a Medicis Cultoribus Medicina contra podagram sit quaesita, neminem nec ipsum vulgum latere potest. Equis mirabitur hoc specificum a quovis omnino Medico adeo anxie optari, cum videamus, tam stupendam huius morbi esse potentiam, ut nulla tyrannorum vis illi equi parari queat.

Bellicosissimi heroes, qui nunquam nisi victoriosi revertuntur, victi jacent, nec sua fortitudine plagas has insanabiles avertere possunt. Quin adeo furiose haec lues in genus humanum grassatur, ut ipsius vita pertaesi nil magis saepe quam mortem agrotantes exoptent, dum omnium Medicorum artem eludit. Mirum non esset Crassi divitias medicum reportare, si unum quemvis ex voto ab hac tortura liberare posset.

Fridericus Wilhelmus, Elector Brandenburgicus gloriosa memoria, aliquando hic Lipsia in edibus Welschianis degens, hospiti suo D. Welschio centum mille imperiales obtulit, si ipsum a Podagra posset liberare, hic vero Electori pro gratiosa liberalitate gratias agens, morbum hunc prorsus incurabilem professus est.

Quae cum ita sint, B. L. forsan me nimis audacem pronuntiabit, quod morbum hunc adeo rebellem impugnare audeam, vel putabit, quod Medica mea antipodagrica ejusdem sit valoris cum illa, quam a non paucis speciosis sane encomiis in una & altera plagula ad lucrum capeffendum commendatam, effectum tamen minus felici, in lucem quotidie prodire videmus. Sed mitiorem mihi polliceor sententiam, quam mea medendi methodus non solum rationi apte respondeat, sed etiam ipsa experientia eam infallibilem reddat, denique ratio huius instituti non in eo consistat, ut vanum arcanum jaclitem, sed unice, ut Reipublica inserviam.

§. I.

Est podagra morbus articularis chronicus, virili sexui imprimis familiaris, doloribus tensivis, lancinantibus & corrodentibus complicatus, vel regulari vel irregulari tempore recurrens.

§. I I.

Omnes ossium cohaesiones, five sint cum motu manifesto five obscuro, hujus morbi constituunt subjectum, ita ut nihil prohibeat, si podagram sensu latiori capias, ne reliquæ arthritidis species, videlicet *gonagra*, *malum ischiadicum*, *dolor scapularis*, *spinalis* & *chiragra* comprehendantur. Præcipue vero pedum articuli immensos hosce dolores experiuntur, dum observamus, primum pedis digitum ad quoscunque motus fieri ineptum, & istius juncturam, quæ cum metatarso cohaeret, maxime cruciari. In chiragra simili modo digitorum articuli huic morbo pandunt portam, cum primo pollex, postea vero reliqui digiti & denique Metacarpi ossa in consensum rapiantur. Par esto judicium de sede gonagræ, dum ex anatomicis constat, eo in loco, ubi os femoris & tibia cohaerent, nec non patella genu conformat, multo grandiore esse juncturam, quæ pariter tam vehementi dolore afficitur. Nec illas ossium cohaesiones, ubi motus vel plane nullus, vel admodum obscurus animadvertitur, esse immunes, probat Celeberrimus *Barbæve*, qui in naso ejusmodi podagricum observavit dolorem. vid. *Prax. Med. p. 127.*

§. I I I.

Inter morbos chronicos hoc malum esse referendum, nemo facile dubitabit, quum quotidiana experientia nos doceat, ægros, qui semel hoc morbo sunt vexati, nil magis quam crebriorem ejus recursum sibi promittere posse, imo malo inveterascente per totam vitam eodem cruciari. Sicuti enim omnes morbi chronici in corpore debili diutius durant, ita simile judicium de podagra ferendum, quæ debiles homines infestat, & viribus exhaustis diutius durat.

§. I V.

Sexus imprimis virilis hoc morbo vexatur, perraro femineus, ni, asserente *Hippocrate L. VI.* sint vetulæ, corpore masculino præditæ, vel menstrua sint suppressa. Huic vero contrarius est *Seneca Ep. 95.* quando dicit, quod tempore Hippocratis mulieres moderate victitaverint, nec luxui vel voluptati se dederint, hodie vero non ob mutatam femineam

naturam, sed ob varii generis debacchationes podagram sibi contrahant, cui & *Lipsius* in *Comment. ad Senecam* adstipulatur.

§. V.

Dolores, quibus podagrici cruciantur, diversæ sunt indolis. Ab initio ægri nihil fere sentiunt præter ventriculi cruditates, affectus spasmodicos & animadvertente *Sydenhamio Opusc. Prax. p. 547.* torporem & quasi flatuum descensum per femorum carnes, quibus post aliquot septimanas, sensus præcipue in articulis sese adjungit exquisitior, cui aliquando ardor & rubor succedunt. Cæterum dolores sunt tensivi & lancinantes, qui vel genu, vel longitudinem tibiæ, vel inferiorem pedem occupant, temporis successu vero adeo exacerbantur, ut pars affecta ad quoscunque levidentes motus inepta reddatur, & lintheamentorum pondus vel pavimenti levem motum, vel ullum fortiolem strepitum sine dolorum augmento perferre nequeat. Hi dolores gradatim intenduntur, & cum unicum articulum ab initio occupaverint, reliquis successive in consensum rapiunt, imo, si materia peccans exuberet, qui in unicum saltim pedem sunt grassati, utrosque pari vehementia occupant.

§. V I.

Podagra est vel regularis vel irregularis, dum vel partis affectæ vel temporis invasionis ratione eam variare intelligimus. Regularis appellatur, quæ non solum regulari tempore, e. g. circa solstitia & æquinoctia, sed etiam certa corporis parte e. g. in genu, extremo pede vel manu fixam sedem sibi format. Irregularis e contra modo has partes afficit & corpus pervagatur, modo diversis temporibus homines dispositos exercet, nec constantes servat periodos.

§. V I I.

Causa proxima hujus affectus non in spiritibus & genere nervoso est quaerenda, sicuti sibi persuadet *Doleus*, cum spiritus animales nequaquam adeo crassos & exuberantes credere debeamus, ut materia peccans podagrica pro eorundem facibus haberi debeat. Majori fundamento statuimus, quod sanguis acris & tartarus, particulis salinis & austeris refertus, causam efformet podagræ proximam. Probatur hoc assertum inde, quod horum ægrotantium sanguis V. S. missus, apprimè pleuriticorum sanguini respondeat, & vasa sanguifera cruralia circa principium paroxysmorum tumida & inflata conspiciantur. Nec quis vocabit in dubium, nephriticæ passionis causam, videlicet materiam tartaream & deo *Ornam*, consanguinitatis vinculo cum materia podagrica junctam, a sanguine ad renes

transferri, ita, ut simili ratione sanguis impurus suam sæculentiam & impuritatem, quæ secundum analysin a *Kerkringio* institutam *Startari* *co non dissimilis est, in articulis & extremitatibus corporis deponere soleat. vid. *Spicil. Anat. Obs.* 28.

§. VIII.

Quando vero spiritus animales eatenus pro causa hujus affectus agnoscuntur, quatenus eorum defectus auxiliatrices manus præbet, libentissime & ego calculum adjicio. Notum est, nil magis, quam frigus externum, spiritus animales offendere nostrosque in corpore congelare posse humores, ita ut viatores hyemali tempore iter facientes, non raro artus combustos reportent, & quotannis dolores sentiant podagræ correspondentes, sicut *Borrichius* hoc confirmat, ubi in *Act. Hafn. Vol. IV. p. 169.* meminit, se aliquando ad ægrum fuisse vocatum, qui chiragram sibi contraxit, quod per aliquot horas in scribendo mensæ marmoreæ incubuit. Quod si denique ad propriam experientiam provocare fas est, nota mihi est persona, cujus fidem magni facio, quæ ab inhabitatione hypocaustorum pavimenti marmoreis instructorum podagram se accepisse sancte testatur. Quidam Capitaneus de sua valetudine verba mecum faciens, inter alia referebat, se ab eo tempore, cum locum paludosum cum suis militibus transgrederetur, podagram sensisse, quod confirmat *Barhaave*, dum præter milites venatores podagræ subjectos censet, quia pedes sudantes frigori exponunt.

§. IX.

Sicuti a refrigerio, ita ab immodica venere ignis naturalis extinguatur, ita ut mirum non sit, quod libidinosi a podagra castigantur. Nil magis ad humorum circuitum accelerandum confert, quam spirituum animalium integritas, quæ veneris abusu adeo offenditur, ut omnes humores postea lente progrediantur, stagnent & in minimis extremitatum tubulis impuritatem, podagricorum dolorum matrem, relinquunt.

§. X.

Eandem ob rationem iracundi & qui animi pathematibus indulgent, præ aliis ad podagram sunt proni, cum quævis animi passiones spiritibus sint nocivæ. Nec quis vocabit in dubium, ab effusione bilis ventriculum maxime lædi, ita ut chylus crudus elaboretur & pneumatosis turbetur, imo ob bilem sanguini admistam, materia cruori adferatur ad podagræ generationem apta. Præclarum exemplum habemus in calculis, quos sæpe numero in vesicula fellea reperimus, quippe qui quadantenus cum apillis podagricorum conveniunt.

§. XI.

§. XI.

Duplici modo literarum cultores ad podagræ generationem symbolum suum conferunt. Dum enim diurnis ac nocturnis laboribus se fatigant, & profunda meditatione omnes nervos intendunt, ignis naturalis & spiritus extinguuntur, ut mirum non sit, si corporis macies & pallor sequantur. Spiritus, si ingeniosis laboribus & meditationibus unice impenduntur, cæteris œconomiae animalis functionibus inservire nequeunt, unde fit, ut cruditates spissique humores generentur, qui per exilia vasa non progrediuntur, sed stagnant & vitio suo intrinseco tempore suo dolores pariunt. Qui literatos, serio literarum studio operam dantes in suis museis videt, facillime affirmabit eos, quantum mente sunt negotiosi, tantum corpore esse otiosos, ita ut omnia vitæ sedentariæ incommoda reportent. Dum in legendo & scribendo caput & pectus inclinantes libris incumbunt, ventriculum & cætera inferioris ventris viscera comprimunt, ut fere nullus inveniat, qui de stomachi languore & appetitu depravato non conqueratur. Quid vero labefactata chylicatio ad podagræ generationem conferre valeat, mox fusius, Sydenhamii sententia examinata, deducam.

§. XI.

Quod alimenta, sive sint esculenta sive potulenta, conferant ad morbos articulares, principes imprimis & magnates experiuntur, dum frequentius in palatiis, quam in casis rusticorum eos residere observamus. Potulenta & imprimis vinum large haustum, quantas in hoc affectu generando habeant vires, ipsa experientia docet, dum vinum quod tartaro gaudet, uti Rhenanum & Werthemense, materiam in articulis calciformem & lapidosam generat, quæ ob corrodentem naturam, partes nervosas vellicat, pungit, hosque dolores producit. Hanc ob causam *Mr. Smith* potum aquæ antipodagricum appellat remedium, multaque recenset exempla, ubi sola abstinencia a potulentis spirituosiss, continuato aquæ potu, ægri a podagra liberati sunt. Vid. *Traité des vertus Médicinales de l'eau commune p. 33.*

§. XII.

Ne vero tibi persuadeas, omne vinum cui materia tartarea inest, gignere podagram, non inficias eo, quod tartari genera, pro diversorum assumptorum natura sint diversa, alia crassiora, mitiora, acutiora, subtiliora magis ferientia & penitus intransientia, ita ut vinum tartaro adeo abundans, sicuti Jenense, nevitquam neque podagram neque calculum generet, quum tartarus, qui illi inest, adeo crudus & disproportionatus sit, ut per vasa lactea ad sanguinem penetrare nequeat, sed omnis potius saburra cum sacibus excernatur; sicuti hoc probari potest, quando

Disput. Medico-Pract. Tom. VI.

X x x

vin

vinum certa quantitas mensuræ politæ infunditur & per aliquot horas ita relinquitur, quod præter maculam, quam vinum relinquit, tactarum instar fabuli abstergere queas.

§. XIV.

Restat ut Sydenhami sententiam examinemus, qui asserit, quod in ventriculo & labefacta digestionem causa sit quærenda. Licet non in genere statuamus, quod omnis podagra a mala digestionem dependeat, quum hoc pacto quilibet imbecillitate stomachi laborans, podagricus fieret, tamen libentissime largior, quod chylicatio læsa ad producendum hunc morbum eatenus symbolum suum conferat, quatenus pneumatosis offenditur & ignis naturalis exstinguitur. Ex dictis constat, quantum contribuatur ad hujus mali generationem defectus spirituum, ubi addere lubet, quod depravata chylicatione, ingens humorum peccantium quantitas sanguini adferatur, quæ generationi hujus morbi suppetias ferre potest.

§. XV.

Si quærat aliquis, unde eveniat, quod podagra regulariter in articulis pedum animadvertatur, cum calor non pedibus saltem, sed in toto corpore deficiat, materia etiam peccans podagrica non in pedibus generetur, sed sanguinis circuitu ad pedes ablegatur, rationes *Celeb. Berhaavii* omnem plane absolvunt paginam, dum l. c. p. 196. ita argumentatur: *hæ partes primo constant vasis minimis, secundo a corde remotissime distant & tertio maxime comprimuntur.* Quod minima sint vascula, quæ materia tenax & corrosiva particulis repleta, penetrare tenetur, ex anatomicis constat, quum iis in locis adeo exiles sint arteriolarum ramusculi, ut nequaquam humorum spissorum progressus, multo minus vero particularum calciformium agilitas sperari queat. Distantia harum partium a corde, utpote principio humorum commovente, causa omnino est, quod tantus in extremitatibus non sit vigor, ita ut, refrigerio externo accedente, humorum fiat congelatio. Multum denique confert pedum compressio, dum per stricturam & violentiam externam calceorum vascula per se angusta, multo angustiora reddantur.

§. XVI.

Sed ut dicam quod res est, omnis podagra conjunctim a materia acris & corrosiva & ignis naturalis defectu generatur, quæ duæ causæ in quovis podagrico sunt supponendæ. Nunquam enim mihi persuadere possum, unicam earum, separatim consideratam, affectum hunc producere posse. Quodsi defectus caloris naturalis per se sine materiæ peccantis adminiculo generaret articulare morbum, verendum esset, ne omnes ægroti, diuturniori morbo emaciati fierent podagrici. Pari modo lascivi, potatores

& qui genio suo quocunque modo indulgent, hincque sufficientem materiam podagricam in sanguine alunt, satis vero sunt robusti nec ullum spirituum defectum sentiunt, nunquam podagra laborabunt. Robur enim naturæ plus valet in ægroto quam materia peccans. Quæ ratio est, cur illi, qui ob dispositionem hæreditariam præ aliis ad podagram proni, ea sint immunes donec vel ob varii generis bacchationes, vel incidentem senectutem de caloris naturalis defectu conquerantur. Experientia testatur, regulariter circa annum quinquagesimum, ubi vires sensim sensimque mutantur, podagram suas incipere tragedias. Quæ cum ita sint, concludendum est, duas jam allatas causas ad generationem podagræ omnino requiri, quod in curatione maximopere est attendendum. conf. *Forest. L. XXIX. p. 414.*

§. XVII.

Quodsi practicum codices de methodo medendi consulimus, eos adeo discrepantes deprehendimus, ut parum aut nihil optati sperare queamus. Plurimi in eo conveniunt, materiam peccantem esse educendam, quare ad cathartica tanquam ad sacram anchoram confugiunt. Hæc remedia, utut speciosis titulis superbiant, tamen ægrotantium voto vix satisfaciunt; etenim, cum materia peccans ad artus jam sit delata, lenia remedia, siue *ἄνω* siue *κάτω* operentur, inepta sunt ad materiam peccantem removendam, fortiora vero, quæ artubus sunt dicata, naturam maxime debilitant, spiritus animales ad vincendum hunc morbum necessarios, dissipant & morbum contumaciorem reddunt. Drastrica ergo remedia nil aliud agunt, quam ut materiam podagricam ad extremitates a natura ablegant, ad sanguinem vel ad viscera nobiliora non sine summo ægrotantium periculo revocent. vid. *Sydenh. p. 561. Ephemerid. A. N. C. D. III. A. V. & VI. p. 347.*

§. XVIII.

Alii cautius in curanda podagra procedere credunt, cum per *sudorifera* materiam peccantem expellendam esse, sibi persuadent. Quamvis autem massa humorum non inepte hac via ab impuritate liberari queat, tamen in hoc morbo vix ac ne vix quidem scopus optatus attingitur. Notum enim est, eatenus diaphoretica operari, quatenus sanguinem commovent serumque expellunt. Ponamus ergo, extra paroxysmum hujus generis remedia adhiberi, prædictum nobis promittere possumus effectum, quum natura impuritatem humorum ad extremitates propellere intendat, ut ob sanguinis concitatiorem motum eandem vi quasi in artus protrudat, & ut citati Sydenhamii verba faciam, cunctantem paroxysmum ante diem sollicitet. Quando vero in ipso paroxysmo hæc remedia in usum vocantur, materia morbifica, articulis inhabitans omni humiditate orbatur,

tenacior & spissior redditur, ita ut impacta & ad omnem motum inhabilis fiat. Ut taceam una cum sudore particulas laudabiles & nutritivas expelli ita ut corpus residuo vigore penitus spoliatur. Denique non omitendum est, quod particulae podagricae poris cutaneis plane non respondeant; ita, ut impossibile sit, eas una cum sudore egredi.

§. XIX.

Nec illa diaphoretica, quae placide alias movent perspirationem & diaphoretica salutantur, omne sanationis punctum absolunt. Licet enim huius generis remediorum intrinseca virtus discutens, quando videlicet particulae tartareae adhuc sunt solubiles, aliqualem effectum edere valeat, tamen fatendum est, quod ejusmodi remedia parum aut nihil efficere queant, si materia peccans ad artus jam est delata, adeoque praeservative, neutiquam vero curative illa sunt adhibenda.

§. XX.

Par esto iudicium de diureticorum virtute antipodagrica. Hisce medicamentis nonnulli authores specificam attribuunt virtutem, quibus subscribere haesitamus, quia horum remediorum operatio admodum est incerta, dum lenia diuretica, omnibus consentientibus doctoribus, saepissime convertuntur in diaphoretica, fortiora vero, sale penetrantiori praedita, uti sunt juniperina, therebinthinata, ex cantharidibus praeparata &c. potenter pellunt urinam, ut diabetes non raro sequatur, & tamen tanti non sunt effectus, ut materiam podagricam a massa sanguinea separare & saburram tartaream articulis pedum inhaerentem, via plane inversa, per venas emulgentes & meatum urinarium educere valeant.

§. XXI.

Nec magis salutaris effectus de anodynis & opiatis est sperandus, quamvis a Willisio, Sylvio, Dolæo aliisque magni aestimantur & in prima classe remediorum antipodagricorum locentur. Verum equidem est, nos anodynorum usu furorem huius affectus ex voto compescere posse, ita ut ab ægrotantibus istiusmodi remedia miris laudibus praedicentur, sed multum abest, ut victoriam gloriari queamus, ut potius diris symptomatibus post brevem quietem malum recrudescat. vid. *Ephemerid. N. C. Dec. III. A. II. p. 32.* Si quoque anodynorum operationem, quatenus spiritus animales consopiantur, probe ponderamus, per se patet, vigorem vitalem maxime offendi nec quicquam materiae peccanti derogari.

§. XXII.

§. XXII.

Quid vero dicendum de remediis topicis, quorum adeo ingens utrobique reperitur copia, ut numero vix comprehendi queant. Sint ergo vel spiritus antarthritici, vel emplastra, vel unguenta antipodagrica vel cataplasmata aut pediluvia, vel quocunque specioso nomine veniant, cane potius & angue sunt vitanda. Quum enim spirituosae sint energiae, quorum pediluvia ammoniacalia a quodam empirico frequenter commendata, referri merentur, nil magis quam materiae morbificae retrogressus ad interiora & nobiliora corporis viscera est sperandus. Natura enim, quae a centro ad peripheriam vel extremitates materiam malignam propellit, hisce remediis externis turbatur & impeditur, qua ratione multo periculosior sequitur effectus. Hoc suo damno expertus est Legatus Caesareus L. B. a Bendenrider qui Soisoni ante breve tempus podagra laborabat, adeo vero infelici successu pediluvii tractabatur, ut podagra in ventriculum reversa, brevi post hunc ministrum jugulaverit.

§. XXIII.

Alii per interna remedia generosiora & fortiora morbo huic contumaci mederi volunt, unde Fialia in usum vocant. At minime omnium miseri ægrotantes, quicquid etiam *Blancardus* in Tr. de podagra p. 115. iis promittit, effectum salutare sperare valent. Impossibile enim est, per salivationem materiam morbificam ad artus delatam, expurgari, cum sequeretur, causam materialem sine noxa ab extremitatibus, via plane inversa, ad glandulas oris retrahi, quod tam rationi quam experientiae repugnat. vid. *Eph. A. N. C. D. II. A. II. p. 362.*

§. XXIV.

Transeunt denique ad ferrum & ignem, qui pharmaceuticis remediis hostem hunc obstinacem movere nequeunt, dum ad moxam confungunt, quae inustione parti dolenti applicatur. Si de hoc peregrino remedio dicendum quod res est, huius operatio in eo consistit, ut dolor, quem excitat inustio, podagricum superet suaeque vehementia hunc quasi obscurat, quod *Hippocrates Sect. II. Aph. 46.* confirmat, si dicit: duobus doloribus simul obortis, vehementior alterum obscurat. Insuper humores congelati & stagnantes ab externo calore, quem moxa adusta excitat, solvuntur, ut ad sanguinem commode regredi queant, quod non solum a moxa sed etiam urticarum caesione & frictione cum pannis laneis sperari debet, sicuti mox demonstrabimus. Quum vero ad fundamentalem cujuscunque morbi curationem requiratur materiae peccantis remotio, quae nihilominus in sanguine remanet, non possum non speciosam hanc curam palliativam, neutiquam vero fundamentalem appellare.

X x x 3

§. XXV.

§. XXV.

Majori fundamento ad avertendum hunc morbum, vel in manibus vel pedibus V. S. instituendam, commendari videas. Utcunque vero hac operatione res acu tacta videatur, tamen non possum non sanguinis missionem ob id reprehendere, quia impossibile est, ut per venæ inflictum vulnus causa morbifica auferatur vel naturæ vigor hac operatione restituatur. Inquit supra laudatus Boerhaave V. S. esse adiaphoram, quæ in plethorico uno vel altero mense ante paroxysmum instituta, id efficere valeat, ut dolores vix percipiantur. Huic contrarius est Sydenham, qui dicit, timendum esse, ne a sanguinis & humorum agitatione novus excitetur paroxysmus, qui diuturnior & vehementior prioribus sit. At Boerhaavio magis applaudendum videtur, imprimi si phlebotomia in pede vel parte affecta celebratur & crebrius reiteratur. Conf. *Breslauerische Natur-Geschichte den XIX. Vers. p. 135.* Quicquid sit, cunctas morbi causas hac operatio non removet, cum calor naturalis, qui cumprimis attendi meretur, hoc pacto non restauretur. Ad aliam ergo medendi methodum est progrediendum.

§. XXVI.

Ante omnia inquirendum est, utrum malum recens vel inveteratum sit. Priori casu, ubi podagra nondum quatuor superavit annos, afflicti firmam spem concipere possunt, fore ut a morbo liberentur. In curatione ergo hæc indicationes sunt respiciendæ, quo materiæ peccantis evacuatio & caloris naturalis restauratio promoveantur, quod ut eveniat, non juvat ægrum defatigare mille medicamentorum speciebus, sed simplicissima methodus, per scarificationem instituta, sufficiens est, ut ad scopum perveniamus. Alibi dictum, quod natura in podagricis omnem impuritatem ad corporis extremitates ablegare soleat, hinc impossibile est, eam sine sanitatis læsione alia via, quam poris cutaneis expurgari. At pori cutanei adeo sunt exigui, ut causa materialis eos haud penetrare queat, sicuti §. 18. & 19. fufius docuimus, hinc necesse est, ut loco pororum foraminula cuti insigamus, quantitati impuritatis sanguinis æquata, quod optime balnearioris lanceola absolvitur.

§. XXVII.

Licet facta hac operatione, natura patulam habeat viam omnem impuritatem foras ejiciendi, nihilominus haud sufficit sola cutis vulneratio, ni insimul humorum saburra ad exeundum stimuletur. Ergo stimulatur & vi quasi provocatur humorum colluvies cucurbitularum adplicatione, quod neminem medicorum latere potest, dum omnes pro scopo revulsorio vel derivatorio huic vel illi parti cucurbitulas admovendas commendant,

dant, quo humores aliunde ad partem, cui affixa est cucurbitula cum impetu propelluntur.

§. XXVIII.

Cucurbitulæ post scarificationem necessario adhibendæ sunt, cum experientia teste, vix ac ne vix quidem sola scarificatione ad finem perveniamus. Mercator hujus loci mea persuasione scarificationem contra podagram cum euphoria continuaverat, ita ut ne minimum hujus morbi insultum sentiret. Sed accidit ut ægrotus, nescio qua ex ratione, alii balneario, qui nondum suppetias tulerat, negotium scarificationis committeret, qui loca quidem designata scalpello suo tetigit, sed cucurbitulas admovere studio intermisit, defectum earundem supplere putans cultellum eburneum, quo sanguinem prorumpentem abstergebat. Multum vero absuit, ut mutila scarificatio hæc, priori cum cucurbitulis administratæ æquiparari potuerit, ut potius podagræ paroxysmus vix triduo præterlapso reverteretur. Ratio, cur adeo sinister effectus tum demum scarificationem secutus sit, in eo consistit, quod a scarificatione quidem materia stagnans tartarea fuerit irritata, propter cucurbitularum vero defectum non evacuata, sed potius inepta balnearioris abstersione cum eburneo cultello suppressa, quod ipse ægrotus confirmavit, referens, cruoris vixdecimam partem, uti antea, emanasse, nec obscuro, sed magis florido colore comparuisse.

§. XXIX.

Scarificatione ulterius calor naturalis optime restauratur. Etenim ob vulnuscula cuti inflicta & cucurbitulam ardentior dolor calorque sensibilis in membro excitantur scarificato, ita ut spiritus, qui antea quasi suffocati videbantur, resuscitentur suoque influxu calorem restituant. Qua ratione methodus Boerhaavii suo non caret usu, quando l. a. commendat, ut omni mane & vesperi pannis laneis & calidis juncturæ fricentur, vel etiam urticis verberentur, utpote quod aliquando suam præstat utilitatem, si nempe malum dependeat ab humorum congelatione a refrigerio orta, sine ubertate materiæ podagricæ. Massa enim stagnans hoc pacto discutitur & calor resuscitatur, ut particulæ tartaræ, quæ intra articulos subsistunt, circulationis lege ad sanguinem reducantur.

§. XXX.

Ut hæc, quæ de scarificatione dixi, in summam contraham, nemo vitio mihi vertet, si hoc elogium scarificationi tribuam, quod nullum medicamentum a prudentissimis Medicorum sit inventum huic medicinæ æquiparandum, dum ambo requisita vi quasi concentrata & specifica causæ hujus mali respondent. Nullum remedium invenitur, quod adeo commo-

mode materiam podagricam, videlicet sanguinem frigidum & crassum, senili ætati familiarem, sine regressu ad interiora evacuat & vi quasi humores corruptos ex profundo corporis ad locum scarificatum allicit. vid. *Valefc. de Taranta Phil. Pharm. Chirurg. p. 35.* Nemo a scopo aberrat, qui hanc methodum medendi fonticulis æquiparat, qui in morbis chronicis pro evacuanda materia peccante omnem sæpe absolvunt paginam. Si nili, modo, cum podagra aßerente Hippocrate, profunda sanguinis expurget & materiam nocivam ad extremitates rejiciat per scarificationem fonticuli ad instar, materiz peccanti exitus paratur, cui natura brevi adsuæcit & omni impuritate se exonerat. De altera scarificationis virtute, videlicet calefaciente, supra verba fecimus, ita ut nihil prohibeat, quin titulo veri remedii antipodagrici, scarificatio insigniri queat.

§. XXXII.

Ne illotis manibus hanc medendi methodum quis aggrediatur, monendum est, quod in ipso paroxysmo scarificatio haud instituenda sit, quoniam tum, ubi dolores sæpe superant ægrotorum patientiam, verendum est, ne atrociora symptomata excitentur. Tutius est, tempore intercalari, i. e. vel ante vel post podagricum insultum, ubi humores placido motu circulantur, hanc operationem suscipere. Hoc pacto enim causa materialis futuro paroxysmo detrahitur, ut ægroti, etiamsi dolores proximo termino quadantenus recurrant, eos vix percipiant.

§. XXXIII.

Hic veniam mihi dabis B. L. ea, quæ experientia circa tempus scarificationis me docuit, Tecum communicare. Dixi in præcedenti §. quod minus consultum videatur, hostem hunc, qui castra jam in articulis locavit, armata manu aggredi, sed majori fortuna, insidias struendo illi obviam iri. Ast contrarium in uno alteroque casu sum expertus, ubi ægrotantes dolorum vehementia victi, in ipso paroxysmo parti dolenti violentam manum admoverunt, dum unus balneatoris auxilio scarificationem una cum cucurbitularum applicatione suscepit, alter vero omni pariter patientia destitutus, summo cum furore scalpellum arripiens articulum primi digiti pedis vulneravit, ubi utroque casu sanguis atramenti instar nigricans & grumofus prodiit, quo facto dolores illico cessarunt & paroxysmus, qui alias per aliquod tempus duravit, hoc pacto interceptus & sine ullo incommodo. Verum enim vero, quis hæc exempla pro norma assumet vel sibi persuadebit, quod durante adhuc paroxysmo hæc violentia sit admittenda? Notum enim est, tam apud Medicos quam Chirurgos canonem esse receptum, quod in partibus extreme sensibilibus & nervosis, ubi adest dolor summus ab igne & ferro sit abstinendum,

ni

ni necrosin vel gangrænam provocare velimus. Licet ergo in allatis exemplis audaces fortuna juvarit, neutiquam tamen concludendum est, quod utrobique pari successu hic conatus voto nostro respondeat. Interim non inficias eo, quum dies diem doceat, fore, ut majori experientia & penitius hanc controversiam rimando, nodum hunc solvere & certum quid determinare valeamus.

§. XXXIII.

Haud sufficit scarificatio semel adhibita, sed sæpius reiteranda est. Quum enim ad materiam morbificam educendam naturæ patens sit facta via, necesse est, ut crebro hæc operatio reiteretur. Commendant *Nenterus Fund. Med. P. I. & Christ. Job. Langius Oper. Med. P. II.* scarificationis mensuram repetitionem, quibus vero ob id contradicere audeo, quod ægris multum facessit incommodi, singulis mensibus in reliquis negotiis turbari, & quantitas sanguinis, quæ ad libram unam singula scarificatione evacuat, aliqualem debilitatem conferre potest. Experientia me docuit, singulis tribus mensibus institutam scarificationem omnino sufficere ad omnimodam hujus morbi curationem.

§. XXXIV.

Quo in loco cucurbitulæ sint applicandæ haud difficile est determinare. Quando enim in manibus morbus grassatur, intra pollicem & indicem in metacarpo scarificare & cucurbitulam collocare fas est, quod si vero in pedibus dolores exsurgant, in metatarso ille locus est eligendus, qui inter omnes pedum digitos est medius, ubi & scarificatio & cucurbitulæ applicatio debite ordine adhibentur. Si denique gonagra salvis manibus pedibusque sentiatur, supra genu prope patellam cucurbitula apponi debet, cæteroquin vero attendi, ut ipsæ jurejuræ nec a scalpello nec cucurbitula afficiantur, sed potius a balneatore locus transverso digito distans eligatur.

§. XXXV.

Si juxta methodum præscriptam singulis tribus mensibus scarificationis negotium expediatur, omnis materia podagrica tandem penitus eradicatur, ita ut vix transgresso anni spatio ne minimus quidem podagræ dolor sentiatur. Etsi vero omnia ex voto cedant, tantum abest ut scarificatio post hæc negligatur, ut potius qualibet temporis periodo omni attentione continuanda sit. Natura enim huic evacuationi adfucta: & tali ratione fonticuli ad instar omnem impuritatem excernere solens, maxime offenditur, si in hac salutari evacuatione impediatur. Neminem latere potest, quantum molestiæ sentiant, qui V. S. per aliquot annos continuatam, negligunt; inde multo majori periculo se exponunt podagrici, qui

Disput. Medico-Pract. Tom. VI.

Y y y non

non pro copia sanguinis imminuenda sed materia peccante educenda scarificationem suscipere necesse habent, si per negligentiam hanc materiam vitiosam in corpore retineant. Neque mirum est, si morbus articularis vel recurat, vel natura impuritatem ad loca multo nobiliora, e. g. ad pectus, ventriculum, intestina &c. ablegando, asthma, vomitus, inflammationes periculosissimas & hujus generis alia symptomata lethalia excitet. Qui ergo semel ad hanc medendi methodum sunt transgressi, eam sine omnimoda mutatione continuare tenentur, alias mortem sibi confiscunt, & sinister effectus non scarificationi sed propriæ ipsorum negligentiae adscribendus est.

§. XXXVI.

Quærat aliquis, unde veniat, quod neglecta scarificatione podagra adeo tarde regrediatur, vel pristinam suam sedem penitus negligat & ad alia loca, v. g. ad pectus, ventriculum tendat? Rationem hanc concipio. Quia omne podagræ seminum, scarificatione per aliquot annos continuata penitus est extirpatum, & calor naturalis restitutus, ita ut sanguis per exilia vascula libere circulari queat, materia peccans, quæ in articulis seminum suæ indolis non invenit, cui ante hac adhærebat, ad communem sanguinis massam reducitur, & natura a recto tramite aberrante, ad nobiliora viscera propellitur e. g. ad communem alimentorum canalem, cujus in tunicis postea firmiter hæret, quod venenum atrocis ventris tormina, diarrhoeas, vomitus & periculosissimas inflammationes excitat. Si vero natura viam ad extremitates inveniat & materiam peccantem ibi deponat, magis requiritur temporis spatium antequam verus paroxysmus oriatur. Etenim particulæ podagricæ ob eradicatum seminum ægre articulis affiguntur, usque dum temporis successu rursus fruticis instar radidentur, quo facto demum podagra fixam sedem recuperat. Interim non nego, quod quandoque in uno alteroque subjecto, ubi sanguis materia vitiosa scatet, podagra breviori tempore redire & ob fertilius materiæ peccantis incrementum novum paroxysmum formare queat.

§. XXXVII.

Quod scarificatio non obstante senectute continuanda sit, forte quis dubitabit, qui sanguinis adeo crebram effusionem senectuti nocivam autumat. Verum, quum in mulieribus post quinquagesimum annum, ubi ipsa natura menses supprimendo sanguinis evacuationi contradicit, summo cum fructu venæ sectio crebro instituitur, non video, cur non eadem ratione scarificatio trimestris sit admittenda. Hac ætatis periodo, qua homines magis quiescunt, & corporis exercitia negligunt, massa sanguinea augeatur & particulæ tartaræ, ob defectum vigoris, qui antea eosdem in sanguine retinebat, fundum petunt, quare in articulos manuum pedumve

se insinuant. Meminit *Vit. Riedlinus Lin. Med. A. VI. p. 154.* menstruæ scarificationis a muliere sexagenaria in pedibus ad eorum tumores abigendos, summo cum fructu institutæ, ubi quæstio ab Autore movetur, an in tanta ætate adeo crebra scarificatio conveniat. Sed experientia docuit, nil minus quam periculum scarificationem esse secutam, dum, ea quovis mense repetita, tumores prorsus evanuerunt, qui vero scarificatione neglecta redierunt.

§. XXXVIII.

Cæterum non solum ii, qui uno alteroque anno podagra jam sunt cruciati, de hac medicina sibi gratulari debent, sed etiam qui ob hæreditariam dispositionem affectum hunc saltim metuunt, spem concipere possunt, fore ut scarificatione in usum vocata & singulis æquinoctiis reiterata ob omni podagrico insultu sint præmuniti. Cum enim extra omnem dubitationis aleam positum sit, parentes corporis sui vitia sæpiissime propagare, quilibet podagricorum parentum sanguine natus suæ sanitati optime consulit, si præservative bis in anno scarificatione utitur in pedibus instituenda, ubi pariter notari mereatur, quod sine intermissione ea per totum vitæ cursum continuari debeat, ne ob negligentiam in excernenda materia peccante podagræ paroxysmus oriatur & postea trimestris scarificatio in usum vocari debeat.

§. XXXIX.

Qui dicto modo curari volunt, propriam scarificationis suppellectilem sibi asservare tenentur, ne instrumentis balneariorum, quæ cuilibet sine discrimine inserviunt, sese subicere debeant. Nil magis apud vulgum est receptum contra cutis exanthemata, quam scarificatio, ita ut in scabie, purpura & aliis affectibus a sanguine corrupto ortis, ad vaporaria balneatorum ægrotos confugere videamus. Si ergo ab ejusmodi fati ægroti tuti esse volunt, non balneariorum sed proprium apparatus adhibere debent, quod *Georg. Horstius T. II. p. 433.* inculcat, ubi insimul meminit, quod a balneatore ob instrumenta venenata ingens ægrotantium numerus malitiose fuerit interfectus.

§. XL.

Dictum est §. XXVI. quod podagrici intra quatuor annos, vel nondum transgresso quarto invasionis anno, mediante scarificatione se ab hoc malo liberare possint, unde facile concludi potest, quod non cuivis podagrico hæc medendi methodus sit salutaria. Atque omnes omnino a scarificatione abstinere oportet, quorum articulis & tendinibus hic morbus diu inhaesit & in nodos & tophos abiit, quod *Ovidius L. I. ex ponto epist. 3. v. 23.* ita confirmat:

Tollere nodosum nescit Medicina podagram

Y Y Y

Cum

Cum enim causa materialis adeo firme articulis inhæreat, imo calcis ad instar indurata & concreta sit, oleum & operam perdimus medicamentorum usu. Imo de scarificatione plus damni quam salutis in ejusmodi ægro sperari debet, dum materia tartarea ligamenta & tendines inhabitans movetur, sed non promovetur. Etenim vulnuscule scalpello cuti inflata nequaquam quantitati materiæ podagricæ respondent, ut hæc penetrare commode queat. Hinc fit, ut pessima symptomata, videlicet contracturæ, convulsiones, inflammationes & hujus generis alia sequantur pejora, quum massa concreta scarificatione irritata, spiculis suis acerbis partes nervosas pungat & dilaceret. Melius ergo est adeo rebellem & incurabilem morbum plane intactum relinquere, quam infelici conatu deteriorem reddere.

§. XLII.

Ne quicquam, quod de effectu scarificationis in podagra nodosa experientia me docuit, silentio prætermittam, lubet sequentem brevibus addere observationem. Vir quidam casu, ter iterata vice, indicem sinistræ manus contusione ita lædebat, ut quamvis læsionem cruentatio aliqualis sequeretur. Quum digitus integritati fuerit restitutus, accidit, ut chiragra digitum hunc doloribus acutissimis bis vel ter quovis anno cruciaret, qui tandem successu temporis tophum efformarunt, hocque in statu ægrum per duodecim annos detinuerunt. Hic scarificationis effectu in podagra admodum proficuo suffultus, tophum primo aperit, materiam tartaream eximens &, quovis mense scarificatione præmissa, cucurbitulas adhibens, quo regimine jam per tres annos continuato factum est, ut dolores sensim sensimque fuerint mitigati, donec ab omnimodo chiragræ insultu ægrotus fuit liberatus, quo in statu jam ultra annum lartus atque incolumis vivit & digiti agilitate pristina ex voto fruitur.

§. XLII.

Regulam, quod in podagra nodosa scarificatio non admittenda sit, singulares circumstantiæ, quæ in hoc casu occurrunt, non destruunt. Ex relatione patet, ægrum externa digiti læsione reiterata, occasionem dedisse, ut natura materiam podagricam congesserit eamque ad manus extremitatem ablegaverit. Quum ergo nullibi in corpore ægrotus, neque dolores podagricos neque tophos præter hunc in digitis observaverit, nec in adeo profunda articuli cavitate uti genu & ossis femoris cum ischio sunt cohesiones, sed magis superficiali regione, qua materia calciformis sibi exitum sine molestia parare potuit, sedem occupaverit materia peccans, quæ crebro ab ipso ægroto est remota, in dubium vocandum non est, quod in tali casu scarificatio, præmissa videlicet tartari evacuatione, admitti, sicque malum inveteratum eradicari commode possit. Nec sicco pede transeundum est, quod

scarificatio menstrua in ejusmodi ægroto requiratur, ut locum excretorium, cui a multis annis natura jam est assueta, patentem inveniat, quo ab impuritatibus se commode liberare queat.

§. XLIII.

Antequam filum abrumpo, liceat paucis diæteticiæ & pharmaceuticæ curationis mentionem facere. Sicuti in genere diæta congrua in innumeris morbis admodum est proficua, ita & in podagra moderata vita, & sex rerum non naturalium norma omni medicina sæpe sunt potentiores. An vero adeo exacta diæta utrobique ab iis, qui podagra vexantur, expectari debet, quum vix decimus inveniatur, qui secundum normam diæte vitam agit? Neceffe ergo est, ut talis adhibeatur medicina, quæ errores insimul in diæta commissos corrigere valet eosque sua virtute plus pollente superat. Sed ejusmodi medicina, ut cum Sydenhamo loquar: adhuc in Democriti puteo latet atque in naturæ sinu recondita est, ita ut magis optanda quam speranda sit. Si quid ergo ab ullo remedio hucusque commendato sperari debet, certe a scarificatione præ omnibus potest expectari, ita ut nequaquam adeo angustis limitibus diæta podagricorum sit circumcingenda, sed, etsi hi genio suo quandoque indulgent, scarificationis specifica virtus omnium errorum effectum infringere potest, si modo ægri se ne quid nimis memorie commendatum habeant. De curatione pharmaceutica non est ut multa proferam, quum scarificatio ordinato tempore reiterata sufficiat ad perfectam sanationem. Quodsi tamen medicamenta a prudente medico præscribantur, quæ humorum pravam dispositionem corrigunt, nec non ignem & vigorem vitalem resuscitant, illa curationem adjuvare possunt. Ast proprio ad portum, hinc vela contraho Tuoque favori L. B. me meaque studia de meliori commendo.



J. ADRI

CCXVI

J. ADRIANI THEOD. SPROEGEL

EXPERIMENTA

CIRCA VARIA VENENA IN VIVIS

ANIMALIBUS INSTITUTA.

Göttingæ 17 Martii 1753.

P R O O E M I U M.

Cum mihi ad summos in arte medica honores adsequendos, aliqua pro legibus huius Academiae dissertatio conscribenda esset, pro themate praeceteris hoc, quod Experimenta circa varia venena in vivis animalibus instituta sistit, selegi. Enarrabo nempe fideliter ea omnia, quae in vivis animalibus de hoc vel illo veneno observari, symptomata, modumque agendi, cum vivi adhuc, vel mortui jam animalis, dissectionis historia & brevi de his observationibus ratiocinio. Subjuncturus alia nonnulla experimenta, quae ad scopum quidem meum non pertinent, in iisdem animalibus tamen a Perillustri ac Generosissimo Hallero, Praeceptore meo aeternum sanctissime devenerando, me praesente instituta. Capta haec imprimis sunt de respirationis mechanismo, quem adsertis Hambergerianis semper contrarium esse, iterata experientia docuit. In tres hunc meum laborem distribui sectiones, harum prima illa continebit, quae ex regno vegetabili desumsi venena; secunda tractabit, venena mineralia; & in tertia de illis agam, quae siphone in jugulari vena externa, viventis animalis injecta sunt. Nulla inchoare mihi licuit experimenta cum animalibus sic dictis venenatis, occasio enim ea experiendi defuit. Ne vero experimentis meis fides denegari possit, mihi nominandi sunt testes fide dignissimi, imprimis Venerandus ac Perillustri Praeceptor omnibus fere interfuit, alia etiam vidit Cl. Joannes Georgius Zimmermann M. D. amicus meus integerrimus, & multi Generosissimi ac Pranobilissimi commilitones praesentes fuerunt.

S E C T I O P R I M A

De plantis nonnullis venenatis.

§. I.

VENENI generalis definitio facilis non est & diversissime ab Auctoribus data. Boerhaavius (a) omne illud venenum dicit, quod ingestum vel adplicatum corpori, talem excitat mutationem, quæ per eam mutationem ipsam superari non potest, & medicamentum a veneno ea nota separat, quod ea, quam medicamentum facit mutatio, in sanitatem tendat; illud vero corpus vel in ægrotum aut mortuum mutet. Optimam hanc Boerhaavii definitionem non esse, unusquisque statim videbit, qui considerat medicamentum a veneno non differre, nisi quod minori copia datum corpori nostro prodest, majori vero valde idem inimicum sit & venenorum doses dentur, quæ a vitæ viribus superari possunt, aliæ minime; in priori igitur casu essent medicamenta & in posteriori unice venena. Celeberrimus Richardus Mead in introductione elegantissimi sui libri de venenis (b) meliorem dat definitionem; venenum nempe vocat omne illud, quod parva copia datum, animalium vitæ ita contrarium est, ut vel per os sumtum vel extrinsecus adhibitum ei destruendæ sufficiat, aut saltem funestos effectus producat; hæc etiam Illustris ac Generosissimi Halleri sententia est.

§. II.

Venena inter se valde differre, potissimos tamen effectus & modum agendi congruere, antiquissimi jam observarunt Auctores. Dioscorides in Præfatione libri de venenis (c) inquit: venenorum quamplurimorum facultates in affectus consimiles corpus redigunt, & in libro de alexipharmacis ipso: medicamentorum venenatorum magna est varietas, mutationes autem corpori inductæ communes & paucæ. Eadem cum veteribus sententia est Richardus Mead, quin princeps discrimen illud esse, inter animalia etiam, quod horum vulnera extrinsecus, pharmacorum vero effectus intrinsecus, in stomacho & intestinis sint, adfirmat (d). Plantæ vero venenatæ a mineralibus venenis se distinguunt potissimum, quod

(a) Prælectiones Academicæ Tom. VI. Gœttingæ 1744. p. 374.

(b) A Mechanical Account of Poisons. London. 1747.

(c) Interpretatio Joannis Antonii Saraceni 1593.

(d) Libro citato, pag. 185. 186.

quod hæc illis vehementiora sint, ob proprium pondus, cum soliditas earum partium vires addit & robur, quo succos plantarum nocivarum superant.

§. III.

Magnus est plantarum venenatarum numerus, in duas classes tamen dividerunt eas auctores: in venena nempe corrosiva & narcotica. Corrosiva dicuntur ea, quæ gustu acris sunt, & in ore, faucibus ac ventriculo, alicujus ustionis speciem producant, corroduunt ventriculi & intestinorum membranas, faciunt inflammationes & subtilissimis suis particulis nervos penetrant, pariunt inde convulsiones vehementes, quas tandem mors sequitur. Excitant etiam maximos vomendi conatus, aut vomitum ipsum, cum dirissimis anxietatibus conjunctum. Narcotica vero faciunt vertiginem, mentis abalienationem, constringunt vasa cerebri, & sistunt motum fluidi in iis contenti, hinc excitant stuporem quendam & somnum profundissimum, qui denique lethalis sit. Destruunt etiam penitus in ventriculo & intestinis, motum vermiformem omnemque fere irritabilitatem & sensibilitatem, & ita porro. Enarrabo nunc ipsa mea de hac re facta experimenta.

§. IV.

EXPERIMENTUM I.

D. 24 Julii Anni 1751. hora pomeridiana tertia, feli trium mensium, radicis Napelli recentis, minutim concisæ & lacte mistæ drachmam semis spatula in os intrusi. Vix hæc deglutita, vehementer vagiit & clamavit, parietes, fenestram, circumstantia omnia, ex maxima sine dubio anxietate conscendit. Verum totum corpus brevi post debilissimum redditum est, ut modo in dextrum, modo in sinistrum latus decumberet, præsertim vero in sinistrum; pedibus etiam posterioribus insistere ægre potuit & horum dexter paralytici instar erat, potus adpetentissima, os lingua sæpius linxit. Hora elapsa integra & dimidia, ingesta varia, carnem nempe, piscium spinulas, cum veneni adsumti frustulis evomit, valde convellebatur, dein, oculis firmissime clausis, dormiit; post horæ quartam partem iterum ut prius varia egeffit sed majorem radicis copiam, nec non spumam albam subviscidam & lac coagulatum, conatus ad vomitum semper semperque vehementiores erant. Ter adhuc eodem modo vomitum fecit, postremo vero nil præter aquam subspumofam albidam eructare potuit, versus tempus vespertinum singultus, tremores corporis convulsivi superaccedeabant & fortissimis conatibus penitus nihil egerebatur, infirmis semper manentibus pedibus in latus sinistrum cubitavit.

Z z z 2

Nocte

Nocte subsequente vomitus plane cessavit, alterius diei matutinali tempore, hesternæ pedum debilitas adhuc aderat, cibum omnem recusabat cum vagitu. Post meridiem vero jam erat vegetior, devorabat avide lac & panem & tandem ad priorem sanitatem rediit.

EXPERIMENTUM II.

Repetii d. 19 Augusti, recuperata penitus sanitate, in hac feli, *napelli radice*, eodem modo præparata, majori tamen dupla copia, drachma scilicet integra, hoc experimentum, hora 4. pomeridiana jam audita. Quantitatem hanc totam non deglutivit, cum quarta pars ex ore circiter effluerit. Veneno adsumto caput statim vehementer succussit, fortiter singultit, & multa viscida spuma, cum paucis guttis meræ aque, ex ore emanavit. Post horæ dimidium ingesta varia, materiam viridem, spumofam multam, & aliquid delesterii adsumti evomit; pedes posteriores ut in superiori exemplo, erant inbecilles, ut iis uti nullo modo potuerit & modo in dextrum modo in sinistrum latus decubuerit, capitis succussiones & singultus vehementiores erant. Hora sexta iterum ut antea vomuit, nullum vero venenum, incedere vero nequaquam potuit, sed per aliquot tempus quietissima permansit; paulo post parum & claudicans ambulavit, & subito rursus moribundæ similis in terram prostrata est. Nasum animalis scalpello acuto tunc temporis irritavi, absque ullo doloris signo, vehementer dein anxia respirationem cum sibillo & strepitu peregit, mox dirissime convellebat sed iterum prostrata per longum tempus penitus absque motu erat. Hora septima ut prius irritata, clamavit, saliva perpetuo copiose fluebat. Decima ejusdem diei hora eundem in modum sese adhuc habebat. Hora septima alterius diei matutina viva erat, sed ejulabat fortiter & vehementissime cum totius corporis motu convulsivo in altum subsiliit. Hora elapsa nona & dimidia tandem maximas inter convulsiones obiit, corpus totum erat rigidissimum ita ut pedes vix a se invicem in dissectione dimovere potuerim. Aperto animalis ventriculo, naturali simillimum eum reperi, absque ulla contractione vel dilatatione, satis magna quantitate veneni repletum & cibus & muco quodam viridi, & nihil erosionis simile visum est, villosaque tunica mundissima, intestina cum visceribus reliquis sanissima. Aperui deinde thoracem, sanguis ventriculo cordis dextro fluidus multus, fere dissolutus, inerat, sic etiam in aorta & reliquis arteriis & venis. Urinaria vesica constricta, ut nulla fere cavitas superesset.

§. V.

Napelli vulgaris Clusii (e) aut *Aconiti foliorum laciniis linearibus*, superne

(e) V. Rariorum plantarum historia lib. 5. Antwerpæ 1601. pag. 96.

perne latioribus, linea exaratis, *Illustr. Halleri (f)*, vim venenatam, tota fere jam antiquitas novit. *Petrus Andreas Matthiolus in Commentario suo ad Dioscoridem (g)*, totam plantam valde venenatam esse, præsertim vero ejus radicem adfirmat. Adeo pernicialis tamen non est hæc radix, ut manu calefacta tenentes interimat, sed tantum vulgi persuasio (h). Multa vero profert experimenta funesta, omni fide digna & vario modo facta; illa imprimis experientia, jussu Imperatoris in latrone instituta, fulissima est. *Saracenus in scholiis suis in Dioscoridem (i)*, multa nomina adduxit, quæ ob vim delesteriam, huic plantæ data sunt. *Plinius (k)* in historia sua naturali, hoc aconitum omnium venenorum occisimum esse dicit, ita ut pantheras gustatu necet, & inde nomen *Pardalianches* acceperit. *Celeberrimi Wepferi experimenta*, quæ fulissime in aureo illo libro (l) describit, hic repetere superfluum esse credo. Cum nullum nec erosionis, nec inflammationis, in animali hoc veneno interempto, signum viderim, vim suam potissimum in nervos exegisse oportet, vellicando nerveam ventriculi membranam, unde diræ illæ convulsiones & anxietates subortæ sunt: sanguinem etiam minime coagulatum, sed fluidissimum, invenimus; ita ut coagulatio accusari nequeat (m).

§. VI.

EXPERIMENTUM III.

D. 25 Augusti hora 2. pomeridiana, felis *radicis Anthoræ* bene confise & in mortario contusæ, cum lacte, drachmas duas devoravit; sanissima permansit & omnino nihil inde mali subsecutum est.

EXPERIMENTUM IV.

Eodem modo præparatæ radicis, partem duplam, drachmas nempe quatuor subsequente die, eidem animali dedi & iterum absque ullo damno.

§. VII.

Ex his duobus experimentis adparebit, nullam vim *Anthoræ* inesse nocivæ.

(f) V. Enumeratio stirpium Helvetiæ. Götting. 1742. p. 312.

(g) Venetiis 1565. p. 1095.

(h) Vide venerandum ac optimum Præceptorem meum l. c.

(i) Dioscoridis Opera, ex interpretatione. J. A. Saraceni 1598. p. 85.

(k) Parisiis 1723. Vol. II. pag. 419.

(l) De cicuta aquatica, Lugd. Batav. 1733. p. 225. seqq.

(m) Vide Wepferum l. c.

nocivam, a veteribus enim pro multorum venenorum antidoto habita est. *Matthioli* in suo *Commentario* (n) eam virus napelli frangere retulit, sed *Clusius* ob similitudinem cum aliis aconitis, quorum tota classis suspecta nobis omnino est, sibi etiam anthonam valde suspectam adfirmat (o), & eadem suspicio fuit *Friderici Hofmanni* (de medic. inscur. § insid.) Nomen genericum hujus plantæ, *Venerandus ac Optimus meus Præceptor* in jam excitato elegantissimo libro (p), sequens dedit: *Aconitum foliorum laciniis linearibus, ubique ejusdem latitudinis; Anthora* vero nomen accepit, quia ranunculo illi, *thora* veterum dicto, qui ob vires suas deleterias infamis est, contraria creditur.

§. VIII.

EXPERIMENTUM V.

D. 26 mensis Augusti, post meridiem hora 2. & dimidia, feli, quæ bis anthonæ radicem devoraverat, scrupulum integrum succi illius lactei, qui sponte ex decerptis foliis *tithymali*, cui vulgo *cataputiae* nomen est, exstillat, eadem circiter cum quantitate lactis vaccini infudi. Valde succussit statim caput, tussit vel sternutavit potius vehementer, cum tremoribus & motu totius corporis convulsivo, exoneravit postea alvum siccis & paulo post fluidioribus fecibus, cessavit inde tussis, sed respiratio difficilis & cum sibillo quodam peragebatur, superaccedebant conatus ad vomitum, sed sine ullo penitus effectu. Oculi erant firmissime clausi & per longum tempus quietissima permansit, lac, panem & radicem ingestam brevi post evomit, iterumque ut in initio, non ita tamen vehementer, tussit. Penitus fere sanitate recuperata, aperta casu janua, fuga sibi consuluit.

EXPERIMENTUM VI.

Canis molossus, seminum *cataputiae* bene contusorum, drachmas duas, quæ in carnis frustulis abscondita erant, avide devoravit; nihil vero inde subsecutum est mali, nisi quod alvum ter vel quater naturali firmitudinem, neutiquam vero fluidam, deposuerit. Quod plane nullus effectus subsecutus fuerit, credo a seminibus valde vetustis subortum fuisse, quæ ex pharmacopolio sumere oportuit, etsi mihi unius saltem anni esse, qui vendidit, adfirmaverit.

§. IX.

(n) L. c. pag. 1097.

(o) L. c. lib. 5. pag. 97.

(p) Enum. Stirp. Helv. pag. 313.

§. IX.

Totum fere *tithymalorum* genus acre & causticum esse, & eam ob causam iis aut penitus abstinere, aut saltem caute cum hac tota gente agendum oportere, *Illustr. Hallerus* (q) monuit. Hæc species, quæ *Tithymalus foliis ad caulem cruciatis, lingulatis, sub floribus cordatis, longe acuminatis, scutis bicornibus, obtusis, Enumerationis stirpium Helvetiæ* (r), est præ aliis venenata, imprimis enormi purgante vi pollet, ideoque a feminis lascivis, plerumque recens semen ad abortum promovendum adhibetur, quod flagitium merito in medicina legali fustigationis pœnas cadit. *Dioscorides* (s) grana sex vel octo alvum vehementer satis purgare, & multam desumere pituitam, *Matthioli* (t) adnotavit; exstant etiam varia exempla lectu digna apud *Plinium* in *historia naturali*. Gustus hujus plantæ virus statim prodit, intolerabilior acris enim est, & linguam, fauces & ventriculum urit, vellicat membranam ejus nervæam, parit vomitum, facitque majorem humorum secretionem. Cuti faciei exterius admotus hic plantæ succus, pustulas instar febris urticatæ excitare, in me ipso expertus sum. Doleo vero me non potuisse hoc experimentum ad finem perducere, tanta enim copia in horto Regio Academico, ex quo indultu & benevole adsentiente *optimo Præceptore, Illustr. Hallero*, hanc & alias plantas sumsi, non aderat, ut hoc experimentum reiterarem, & animal quod memorato modo aufugit, nunquam postea vidi.

§. X.

EXPERIMENTUM VII.

D. 1 Sept. feli juniore, pomeridiana hora 2. lactis, sponte ex decerpto *Tithymalo*, *Cyparissias* dicto, exstillantis, aqua fontana simplici misti, scrupulum unum, propinavi, de quo vero penitus nullum incommodum perpessa est, & altero die æque sana ac vegeta fuit, ac si nullum accepisset deleterium medicamentum.

§. XI.

Tithymalus foliis ad caulem linearibus, obtusis, radiis umbellæ plurimis, petalis

(q) Enum. Stirp. Helv. pag. 190.

(r) Pag. 189.

(s) In libro quarto materiæ medicæ cap. 167.

(t) V. *Commentarius in Dioscoridem* pag. 1260.

petalis lunatis, *Illustr. Hallero* (u) dictus, & *Tithymalus Cyparissias* *Matthiolo* (x), ejusdem cum priori indolis est, non vero ita acris & causticus, quod proxime antecedens experientia docuit. Damnatur tamen a plerisque ob virulentam suam acrimoniam, & in hydrope solum eo *Boerhaavius* utitur, quando viscera omnia sana sunt.

§. XII.

EXPERIMENTUM VIII.

D. 10 Septembris hora ante meridiem undecima & dimidia cuniculo juniore, succi ex *cicutæ aquatica Gesneri* foliis expressi, semunciam circiter infudi, sed nullum inde subortum est malum. Translata erat hæc planta ex lacu *Denkershausen* a *Venerando Præceptore* meo in hortum medicum, in quo nullos flores produxit, & multum forte virium suarum amisit, cum ibi multo siccior, quam in loco suo natali, solum sit.

EXPERIMENTUM IX.

D. 29 Septembris, mediocris magnitudinis cani, nigro, unciam integram succi hujus plantæ ex foliis & floribus expressi, quam die antecedente a loco natali, trium milliarium germanicorum distante, ex lacu nempe qui prope pagum *Denkershausen* situs est, recenter adportaveram, eodem modo ut prius dedi, hora matutina decima. Nullus inde penitus subsecutus est effectus, sed circa vespertinam ossa, panem & alia, avidè, summa cum voluptate, sanus devoravit.

EXPERIMENTUM X.

Eidem cani ut heri, ligato prius, eadem quantitate, succum ex radice sola expressum, quem multo fortiores esse, & odor & sapor demonstrant, vi in os infudi; differt hic succus ex radice, qui flavus & spissior est, ab illo ex foliis & floribus hujus plantæ, qui colore viridior & multo aquosior est. Hora elapsa ter ingesta omnia, maximo cum conatu, egressit, & aqua mere limpida, spumosa ex ore interdum emanavit. Et si hi vomitus mox cessarint, per totum tamen diem, omnem cibum & potum recusavit, contremuit sæpiissime toto corpore, nec ullum sonum edidit, cum antea maximo nostro incommodo, perpetuo latraret.

EXPE-

(u) Libro citato pag. 193.

(x) L. c. p. 1254.

EXPERIMENTUM XI.

Subsequente die, radicis bene concisæ & contusæ ipsius, ultra unciam & dimidiam eidem cani, ore vi diducto, ligneo bacillo intrusi, quam vero ægerrime deglutiit. Corpus totum vehementer statim contremuit, quod mihi vero videbatur, magis a tortura illa, quam ligatis pedibus in veneni intrusionem perpassus est, non ab ipso veneni effectum subortum fuisse. Spuma magna copia effluxit, ita viscida, ut pugni magnitudine ex ore propenderet, sed altero die sanissimus, oblatum cibum avidè comedit.

§. XIII.

Sicut pinnis laciniatis, pinnulis trifidis, nervo non folioso Illustr. Haller (y) hanc *cicutæ* speciem nominat. Notissimæ ejus vires deleteriæ in hominibus sunt, a *Celeberrimo Wepfero* (z) tristibus exemplis comprobata. Antiquissimis Auctoribus virulentam hujus plantæ indolem notam fuisse, *Nicander* (a) testatur, qui *cicutam*, *aconitum* & alia venena, carmine græco descripsit & *Dioscorides* (b) e lethalium venenorum genere esse, & vi sua refrigeratoria necare, adfirmavit, inque *Alexipharmacis* (c) pleniorē dat effectuum hujus veneni historiam; *Saracenus* vero in scholiis suis in *Dioscoridem* (d), *Celsi* sententiam, qui *cicutæ* semen inter rodentia numerat, damnat, cum *cicutam* potenter refrigerare & vi sua refrigeratoria enecare, apud omnes fere medicos, in confesso sit. *Matthioli* (e) nonnulla enarrat exempla, quibus abunde *cicutæ* nociva vis probatur, inprimis triste experimentum rustici, qui pastinacæ loco has radices comedit, lectu dignissimum est. *Plinius Secundus* (f) *cicutam* ut magnum venenum describit. Verum hæc *cicutæ* omnes, non aquaticæ, sed vulgaris illius terrestres, speciei esse videntur, quæ *Illustr. Hallero* *cicutæ* simpliciter dicitur (g). Ceterum hanc *cicutam* aquaticam vi sua refrigerante necare, falsum omnino est & experientia *Wepferi* contrarium ostendit; calidam potius esse, amarities & acredo docet, & symptomata a *Wepfero* memorata. Maximas producit in ventriculo

(y) L. c. pag. 436.

(z) In historia *cicutæ* aquaticæ.(a) *Nicandri Theriaca*. Interprete Joanne Gorraeo. Parisiis 1622.

(b) In libro 4. de materia medica, caput 79. pag. 276.

(c) Pag. 406. cap. 11. de *cicutæ*.

(d) Pag. 85.

(e) L. c. pag. 1415. 1416.

(f) In historia naturali.

(g) Enum. Stirp. Helv. pag. 434.

Disput. Medico-Pract. Tom. VI.

A a a a

triculo anxietates, facit sopores, deliria & mortem, nisi accedat vomitus, quo sæpe homines servati sunt, parit etiam vehementissimos convulsivos motus, quos, miseri illi mortales, qui hanc radicem ederant, experti sunt. Somnus & deliria illa satis, ut credo, ostendunt, hanc cicutam majorem sanguinis versus caput determinationem facere, & circulationem ejus vehementiorem, igiturque potius motu sanguinis circulatorio aucto, calorem, quam frigus in corpore nostro excitare. Convulsiones etiam, huic plantæ, particulas acres & pungentes inesse, quæ vellicatis nervis ventriculi, has producant, demonstrant. Sed superfluum fore existimo, experimenta *Celeberrimi Wepseri*, qui hanc plantam peculiari libro (b) descripsit, hic repetere; monendum mihi tamen adhuc est, non in parva copia hanc cicutam effectus suos demonstrare; & tempore vernali, virus multo fortius esse, quam autumnali, eamque ob causam, mea experimenta expectationi non satisfecisse. Multa etiam de hac cicuta aquatica cum *Wepsero* communia habet, *Cel. Richardus Mead* (i).

§. XIV.

E X P E R I M E N T U M X I I.

D. 11 Octobris cani eidem, succi ex foliis *Hyoscyami foliis amplexicaulibus*, *Illustr. Præceptoris* (k) expressi, unciam infudi integram, sanissimum permansit hoc animal & ita vegetum acsi nihil deleterii acceperat.

§. XV.

Plantas inter narcoticas, *hyoscyamum* hunc, unum ex fortissimis esse, omnium auctorum sententia est. Suffitum ipsum stupefacere & vi sua narcotica dentium dolores tollere *Illustr. Hallerus* (l) memorat, narrat etiam tristem historiam hominis, qui varia venena, napellos, apocyna & belladonnæ baccas sine noxa comedit, ab *hyoscyamo* vero mente alienatus fuerit. *Dioscorides* (m) insaniam & soporem gignere, ideoque vix in communem usum recipi posse, ait, & *Clusius* (n) omnibus *Hyoscyami* speciebus vim refrigerantem, soporiferam & dolores sedantem adtribuit.

Plinius

(b) Cicutæ aquaticæ historia.

(i) Mechanical Account of Poisons. pag. 230. & seqq.

(k) Enum. Stirp. Helv. pag. 512.

(l) L. c.

(m) Lib. 4. de materia medica cap. 69. pag. 269.

(n) In rariorum plantarum historia. Lib. 5. pag. 85.

Plinius vero largiorem hujus plantæ succum, venenum esse, & potum insaniam fecisse, oleumque ejus majorem cerebri motum excitasse, in historia naturali testatur (o) & *Matthioli* (p) exempla varia adducit de venenata vi hujus plantæ, narrat inprimis, illos qui de hoc succo biberint, capitis gravitate & venarum distentione laborasse, menteque cum quadam verborum altercatione abalienatos fuisse, & vidisse se, puerum adeo desipientes factos, ut parentes eos a cacodæmonibus vexatos crederent. *Wepserus* (q) etiam habet casum lectu dignum, in quo totum monasterium his radicibus, radicibus cichorei mixtis, comestis, varia & partim ridicula symptomata perpeßum est. Causam inertie hujus plantæ, in memorato meo experimento, sitam esse credo, vel in nimis parca dosi vel quod post diuturnum tempus pluviosum & quidem autumno decerpserim, cum hæc planta calore æstatis penitus fere siccata, succusque ejus multo aquosior redditus fuerit & vim suam deleteriam amiserit. Requisite ad occidendum copia, inprimis in animalibus, haud facile potest determinari, alia enim in eadem specie, aliis multo sunt robustiora & aut majorem, aut minorem, veneni quantitatem requirunt, secundum eorum naturam, quam his experimentis diversissimam semper inveni. In hominibus tamen hunc *hyoscyamum*, & in minori copia datum, funestos semper effectus facere, compertum est, iterataque experientia docuit (r). Sed hac occasione necesse esse mihi videtur monere, nullam valere conclusionem effectus & virium venenorum in corpore nostro, cum vires ejus multo, viribus animalium, debiliores sint, & paucissima veneni quantitas illud penitus destruat, qua multo major ab animalium natura impune superari possit.

§. XVI.

E X P E R I M E N T U M X I I I.

D. 13 Octobris canis idem, qui antecedente die drachmas duas seminum *lathyridis majoris* *Raij* (s) sumserat, unciam semis *daturæ Acostæ* vel *stramonii fructu erecto*, calyce pentagono *Illustr. Halleri* (t) seminum, carne mistorum devoravit. Licet famem per viginti quatuor horarum spatium quietissime sustulerit, ferculum tamen hoc in initio recusavit, exceptis paucis seminibus, sine noxa tamen adsumtis.

§. XVII.

(o) L. c. Vol. II. pag. 215. 310. & 457.

(p) L. c. pag. 1064.

(q) L. c.

(r) In actis S. R. *Parisiensis* & *Londinensis* multa exstant exempla.

(s) Pag. 866.

(t) Libro citato pag. 489.

§. XVII.

Validissime narcotica est hæc planta, cum tota sua gente, & semen ejus parva copia funestos effectus producit. Recordor *Illustrem ac summe Venerandum Præceptorem* meum, in prælectionibus narrasse, hoc semen ex pharmacopolæ inperitia pro nigellæ semine, colore & habitu cum hoc simili, venditum ad drachmæ unius pondus, lethale fuisse, atque se ex ventriculo feminæ exemptum semen adservare, quam occiderat. Dementat enim statim, facit deliria, somnum, quem denique mors sequitur. Refert idem *Illustr. Vir* (u) experimentum *Bartholeti*, qui cum hac planta deliria, mania contraria, arte produxit, & *Kempfero* in India ab amicis suis deliria conciliata esse. *Dioscorides* (x) qui stramonii aliam, finitimam utique speciem fructibus pendulis, calyce terete, *solanum manicum* adpellat, drachmam unam radicis ex vino potam, imagines haud injucundas menti repræsentare, duas ad triduum usque insaniam & mentis alienationem facere, duplam hujus vero ponderis copiam, mortem conciliare, testatur. Commentator *Dioscoridis*, *Petrus Andreas Matthioli* (y) se nunquam hoc solani genus vidisse, adfirmat, loquitur tamen prolixè de venenata aliarum a *Dioscoride* memoratarum specierum indole. *Clusius* (z) vero, hanc speciem *daturam* Indis vocari dicit, & ei easdem fere cum *Dioscoride* vires adtribuit, mentis nempe alienationem, viginti quatuor horarum spatio durantem, & alia. In *aromatum* vero *historia* tres *daturæ* species describit *Christophorus a Costa* (a) narratque de prima illarum, quam id ipsum modo citatum *stramonium* esse credo, quod consuetudo apud impudicas mulieres invaluerit, hujus in pulverem triti, seminis drachmam semis ex vino præbere, miserumque maritum qui venenum bibet, tota die mente alienatum esse. *Plinius* vim reprimendi refrigerandique huic plantæ tribuit (b) & *Wepferus* funesta etiam exempla habet (c).

§. XVIII.

- (u) In *Enum. Stirp. Helvet.* pag. 490.
 (x) L. c. lib. 4. de medica materia cap. 74. pag. 272.
 (y) L. c. pag. 1073. seqq.
 (z) V. *Indicarum plantarum historia* lib. 2. pag. 238.
 (a) Pag. 289. in operibus *Caroli Clusii*
 (b) L. c. Vol. II. pag. 438.
 (c) L. c. pag. 289. seqq.

§. XVIII.

EXPERIMENTUM XIV.

Ultimum quod ex plantarum regno, excepto opio, institui experimentum, cum *phytolacca americana*, majori fructu, (d) vel *phytolacca foliis integerrimis* Linn. (e) fuit. Dedi nempe decimo die Septembris, mediocris magnitudinis cani, in initio saltem guttulas aliquas succi ex baccis expressi, neque enim maturæ erant; tulsiit statim vehementer, corpus tremuit & aliqui, sed parvi momenti, motus convulsivi accesserunt. Drachmas postea duas hujus succi, eidem animali in os infudi, & antea memorati effectus erant multo fortiores, sed post breve tempus restitutum penitus animal, nihil amplius mali passum est.

§. XIX.

Cum hujus plantæ succo experimentum faciendi occasionem nactus sum ab Anglis illis, qui eadem cancerum curasse, in *diario Londinensi* scripserunt. Acrem esse gustus demonstrat, an vero materiæ isti cancerosæ absumendæ par sit, merito dubito, cum debiles effectus, in hoc exemplo demonstraverit. Non licuit mihi plura de hac re capere experimenta, quæ vero adjuvante *summo numine* in posterum instituere certe non desinam.

§. XX.

Capta cum opio experimenta, secundum eum ordinem recensabo, quæ a me instituta sunt, & in mea diaria relata. Octo mihi omnino existant cum opio in substantia, & duo cum ejus resina, spiritu vini extracta, facta.

EXPERIMENTUM XV.

D. 15. Septembris, hora nona matutina, cani, in quo ante paucos dies vim succi *phytolaccae americanæ*, explorare volui, drachnam opii crudi integram, in pulverem conusi, ore vi diducto & animali bene ligato, intrusi, utque eo facilius hunc pulverem deglutiret, satis magnam aquæ fontanæ copiam, ei superinfudi. Die antecedente, drachmam integram hujus veneni eodem modo præparati, jureque carniū misti, huic cani dedi, ob vehementem vero amaritiam recusavit. etsi duobus diebus famem sustulisset. Hoc veneno vix adsumto, spuma viscida, a colore opii rufescens, ex animalis ore perpetuo manabat, totumque ejus corpus contremiscere incepit. Usque ad horam pomeridianam quartam subsequentiæ

A a a 3 diei

(d) V. *Tournefort institutiones rei herbariæ* p. 299.

(e) V. *Adriaani van Royen floræ Leidenfis prodromus* p. 222.

diei, hoc in statu, sine ullis aliis memoratu dignis symptomatibus, præter copiose semper fluentem spumam, tremores & leves vomendi conatus, permansit, modoque in hoc modo in alterum latus, decubuit quietus. Pedibus, imprimis vero posterioribus, insistere nullo modo potuit, quod quidem potius torturæ, ex ligatis artubus, quam effectui veneni attribuo. Præterea somnolentus absque vero somno fuit; ut perpetuo dormire videretur, oculi tamen aperti erant. Vivum eodem die adhuc, præsentem *summe venerando ac optimo præceptore meo magno Hallero*, dissecui. Motus in ventriculo & intestinis peristalticus penitus deletus, eaque vacua ingestis erant, repleta tamen aqua flava, bile & opio tincta. Vesica urinaria lotio plenissima & fellea vesicula, bile itidem plena erat. In reliquis partibus vero nihil a natura alienum aderat. *Opium* irritabilitatem ac sensibilitatem imminuere, *venerandus præceptor meus*, in eodem animale ante ejus mortem adhuc observavit. Nullum enim percepit dolorem a punctura aliqua, vel a vellicatione aurium; spiritu nitri vel scalpello tactus, parum clamavit, & deletio motus peristaltici superius jam observata, satis clare, ut mihi videtur, opium irritabilitatem imminuere, ostendit. Vesica urinaria nitri spiritu tacta, paululum contrahebatur & aperto abdomine constricta, aliquid adhuc lotii expulit. Observatum etiam est, sed in hoc animale non satis bene, diaphragma œsophagum in inspiratione constringere, quæ etiam *illustr. Halleri* sententia est. *Cl. Joannes Dietericus Walstorffius*, (f) cranium quidem animalis aperuit, ad motum cerebri explorandum, qui nullus ab *optimo præceptore nostro*, digito cerebro inposito, inveniebatur. Stilum tandem nitri spiritu madidum, in substantiam cerebri ipsam infixit, maximæ statim subsecutæ sunt convulsiones, imprimis vero opisthotonus vehemens erat & eo vehementior, quo profundius in cerebrum & cerebellum hic stilus infigebatur.

EXPERIMENTUM XVI.

D. 20. Septembris. in cato, valido animale, eadem cum veneni quantitate, hoc experimentum repeti, inde statim pene delirus factus ac posteriori pede mancus mansit, nulli vero alii effectus apparuerunt, præter illos in superiori experimento memoratos. Ventriculo aperto, & ipse & tenuia intestina, aqua flava, bile tincta repleta apparuerunt, & perinde in cane, fellea vesicula bile turgidissima, panis etiam & opii aliquid in ventriculo, qui nullibi inflammatus erat, repertus est. Motus vermiformis in ventriculo & intestinis aderat adhuc integer & sano similis, & motui cordis insigniter superstes, etiamli pectus serius abdomine apertum fuerit, cordis ventriculorum vero motus, illis incisis, aliquis supererat. Cor

(f) Vide pulcherrimam ejus dissertationem de motu cerebri, cerebelli, & dura matris ac ventriculi. Gott. 1753.

Cor interne irritatum, ad motum revocari non potuit, vena cava vero inferior, spiritu nitri tacta, valde constringebatur, magis, si intus irritaretur, si extus, minus. Urinaria vesica & fellea valde etiam irritabiles erant; modoque multum, modo parum, diaphragma in respiratione descendebat & œsophagum fortius, quam in antecedente experientia, constringebat & in magna actione vesicæ instar deorsum tumentis, septum transversum turgebat. Ex præsentia motus peristaltici credo, opium effectum suum nondum per breve hoc tempus exercuisse, quod animal sex circiter post veneni adsumptionem horis jam aperueram.

EXPERIMENTUM XVII.

D. 21. Septembris. Rana, hora antemeridiana undecima, opii grana decem, ore diducto, in ventriculum intrusi, quæ dosis eam hora vespertina sexta occidit. Ante ejus mortem *venerandus ac optimus præceptor meus*, varia hac occasione, ad circulationem sanguinis pertinentia, observavit; imprimis quod sanguis venæ sectione adhibita, magna cum celeritate iter suum peregerit, cor etiam sanguine jam stagnante iterum per hanc, ad motum revocavit (g). Motus peristalticus nullus, nec in ventriculo, nec in intestinis, observabatur, nullaque in vellicatis vel discissis nervis, irritabilitas, quæ alias in hoc animalium genere, diutius quam in reliquis, superest.

EXPERIMENTUM XVIII.

D. 23. ejusdem mensis cuniculo, cui ante hos undecim dies, succum *cicutæ aquaticæ* (Experim. VIII.) dederam, hora ante meridiem undecima, drachmam opii crudi, forma pilularum, intrusi, circa noctem animal mortuum, absque prægressis memoratu dignis symptomatibus, erat. Eo inciso nihil præter aquam istam flavidam, ventriculo & intestinis contentam, ventriculumque crambe repletum, inveni; vesicula fellea tota hepatis innata erat & vix conspicua. *Illustr. ac generosissimus Hallerus* varia in hujus animalis oculis observavit.

EXPERIMENTUM XIX.

Subsequente die, ejusdem cum priori ætatis cuniculo, pilulas ex opio factas, eodem modo intrudere volui, sed in nimis magnam massam collectum, faucibus & œsophago fortiter adhærebat animalque suffocabat.

EXPE-

(g) Vid. *Cl. Georgii Ernesti Renui*. Dissertatio inauguralis sistens experimenta circa circulationem sanguinis instituta. Gott. 1752.

E X P E R I M E N T U M X X.

D. 24. Septembris, hora ante meridiem nona, occiso per *opium* cuniculo, in rana experimentum eodem modo institui. Motus peristalticus in initio omnino adhuc satis visibilis aderat, nulla vero ex puncturis nervorum sensibilitas apparuit, vesicula fellea bile flavissima repleta erat, quæ pallidior alias in ranis est. *Illustris ac venerandus praeceptor*, experimenta ad sanguinis circulationem pertinentia, reiteravit, eodemque cum successu ut in priori exemplo. Incidit nempe venam, & continuo sanguis celeriter fluxit, cor interdum quiescebat, stimulum vero sese pulcherrime iterum contraxit atque dilatavit, egregieque mucro ejus in actione per lineam & ultra in altum surgebat. Cor absque irritatione, erat quietum, nullusque sanguinis in mesenterio motus.

E X P E R I M E N T U M X X I.

D. 14. Octobris, cani mediocris quidem magnitudinis, sed insignis roboris, coloris nigri, *opii crudi* drachmam integram, in pillularum massam redactam, superinfusa copiosius aqua, deglutendam dedi, animale fortiter prius ligato. Spuma illa, in antecedentibus experimentis saepius jam memorata, maxima ex ejus ore copia, perpetuo emanavit, ita viscida, ut fila ad duos usque, & tres pedes longa, traheret; satis quietus erat, quando sibi relinquebatur, quoties accederet aliquis parum autem latrabat, mordebat & animum inimicum ostendebat. Hora decima penitus quieti traditus, clausis fortiter oculis per integræ horæ spatium, quietissimus dormit, spuma ex ore profluere & longa ejus fila propendere, continuabat, totumque ei semper tremebat corpus. Expergefacto hora nona, major copia spumæ & viscidior aderat, ita viscida, ut pugni magnitudine os circumdaret, qua maximis capitis motibus & quassatione sese liberare, nullo modo potuit. Pedes magnopere imbecilles fuerunt, ut iis insistere ægerrime potuerit, sed modo in anteriores, modo in posteriores decubuerit; etsi per viginti quatuor horas famem & sitim sustulerit, omnem tamen cibum & potum constanter recusavit. Hora integra & ultra iterum elapsa, dormituriit, saepissime vero expergefactus, auribus vellicatis, omnino nullum ostendit doloris signum, neque magis cum totum animal prehenderem & in altum elevarem; spuma copiosius semper semperque fluebat, & pedes debilissimi, usque ad ejus dissectionem fuerunt. Post meridiem, hora secunda, eum tandem liberavimus ab illa tortura, & præfente *venerando ac optimo præceptore*, magno *Halleri*, cultro anatomico subjeci. Vermiformis motus, in tenuibus intestinis, nullus omnino aderat; in crassis vero & inprimis in recto, satis adhuc visibilis per longum tempus manebat. Cane jam mortuo & resectis a mesenterio intestinis, & peristalticus & antiperistalticus motus, admodum

clare adparebat. Ventriculus mera aqua, colore opii colorata, distentus erat, nullus ei inerat motus, nec scalpello irritatus, nec spiritu nitri fumante tactus, tunica vero ejus villosa subinflammata videbatur, quod non effectui opii, sed longo jejuniio attribuendum esse, existimo. Cl. *Walstorffius*, cranium memorato modo forcipe aperuit, ad effectum, quem opium in cerebro excitat, videndum & observandum, sed expectationi nostræ nequaquam hac vice respondit. Pulcherrime dura matre denudata, nullus unquam ejus motus, licet animal diu supervixerit, in respirando, per plus quam semihoram, observatus est, neque successit, cum *illust. Haller* animal cerebrum depressisset & a cranio liberasset. Dura mater, spiritu nitri fumante tacta, nullam irritabilitatem vel sensibilitatem ostendit, etsi cutis sensibilissima adhuc fuit, vehementissimeque animal in ejus dissectione clamaret (h). Respirationes etiam, in abdominis incisione erant magnæ, certo doloris signo; ex inciso duodeno-bilis, quam spiritus nitri viridissimo colore tinxerat, magna satis copia, profluxit, & stilo, spiritu nitri madido, profundius in cerebrum & cerebellum infixo, dirissimæ subsecutæ sunt inde convulsiones, & totius corporis tremores. Animal hoc, quod diutissime aperto abdomine, thorace & cranio, immo ipsi cordi, vulnere satis magno inflicto, vixit, nondum omnem ab opio irritabilitatem amiserat, sed incisiones cutaneas optime adhuc persensit, licet & motus peristalticus & venarum & cerebri ipsius sensus & motus destructus esse videretur, qui tamen in aliis experimentis clarissime adparent.

E X P E R I M E N T U M X X I I.

D. 21. Octobris, cani molosso, flavo, scrupulos duos *opii crudi*, eodem modo & eadem forma, ante meridiem hora decima, divulsis vi faucibus, intrusi; somnolentus statim fuit & ad quietem se comparavit, temulentique instar modo in dextrum modo in sinistrum latus cadebat. Post horam, bis magno cum nixu aquam, in qua magna opii quantitas jam dissoluta erat, evomuit, quod nondum in superioribus meis, cum opio institutis experimentis, accidit. Spumosa illa materia, in omnibus antecedentibus meis experimentis memorata, post hos vomitus primum ex animalis ore manare coepit, quæ inter vomendum non adparuit, licet in aliis experimentis, opio vix deglutito statim adfuerit; cætera symptomata cum jam memoratis analoga fuerunt. Irritabilitatem ab opio satis imminutam fuisse, observatum est, nullum enim doloris signum hoc animal, vel ab aurium vellicatione vel a punctura cutis ostendit, & immo-

(h) Cl. *Joannis Georgii Zimmermanni* Dissertatio pulcherrima, de irritabilitate. Gottingæ 1751. proposita.

bile semper permanfit. Nullam etiam iridi irritabilem vim inesse, sequens nos experientia edocuit: admovimus nempe oculo quam proxime candellam, sed nulla inde subsecuta est iridis contractio, neque ulla dilatatio; candela rursus remota, & manu umbra opposita, quod etiam accidit admoto oculis cultro peracuto. Hoc in statu per totam hanc diem usque ad subsequens post meridianum tempus canis inmutatus fuit, cataleptici instar immobilis, sine ulla sensatione, etiam si funibus vapularet. Hora secunda alterius diei, totum corpus convulsivè tremuit, verè tamen convulsionem non erant, sonusque aliquis in ventriculo & intestinis, ut murmur aliquod a nimia adsumta aqua, auditu percipiebatur, certo presentis motus peristaltici signo, quem plane jam destructum fuisse, ideo conjiciebamus, quod abdomini, imposita manus, nullum observaret. Hoc toto tempore nec alvum deposuit nec lotium. Tertio vero post venenum adsumtum die vegetior erat, oblatumque cibum avidè devoravit, valde tamen adhuc quietus & pedes etiam inbecilles fuerunt usque ad diem subsequens, atque ita convaleuit.

EXPERIMENTVM XXIII.

Recuperata rursus sanitate, eidem cani, quinto post priorem veneni adsumptionem die, drachmas duas *opii crudi*, eodem modo ut superius, intrusi. Spuma illa nunquam non observata, magna copia statim aderat, sed emanare non potuit ligato animalis ore, ut miserrime eam deglutire cogeretur. Cæterum eadem semper symptomata passus est, a majori *opii* quantitate patum fortiora, nec magis dormiit, sed stupidus, immobilis & irritabilitate destitutus, ad diem usque tertium absque ullo cibo vel potu, ita etiam absque fecum alvinarum & urinae excretionem permanfit. Experimentum cum iridis sensibilitate, in presentia *optimi præceptoris*, eodem modo, ut superius repetiit, & penitus eundem eventum expertus sum. Post meridiem tertii, ab adsumto *opio*, diei, vivo cani abdomen aperui, cutis sine ullo doloris signo dissecta est, & motus in ventriculo ac intestinis vermiformis omnino nullus adparuit. Ventriculus & intestina repletissima flava bile & spumosa aqua fuerunt, fellea vesicula & urinaria vesica itidem valde distentæ. Foetidissimam animam spirabat hoc animal, ex acrimonia humorum a longo isto jejunio, sine dubio ortam. Strangulavimus tandem miserum canem, & quidem in inspiratione, & aqua submerso, sinistram thoracis latus aperuimus scalpello obtuso, quod acutum non esse oportet, ne pulmones ipsi vulnerentur. Verum nulla omnino aeris bulla ab ill. & venerando præceptore, aliisque multis circumstantibus conmilitionibus, observata est. Aeri postea iterum expositum animal, rursusque immersum, multæ aeris bullæ adparuerunt. Dextrum deinde latus etiam eodem modo & eodem cum effectu apertum est. Alibi ab illustri præceptore, magno Hallero, abundè demonstratum est, nullum inter pulmo-

pulmones & pleuram esse aerem, & sæpius reiterata experientia adserti hujus veritatem, satis ut credo, ostendit. Oportet itaque fallaciam in experimentis, quæ a celeberrimo Hambergero & ejus adleclis, hac de re instituta sunt, fuisse, unde error iste natus sit, aerem nempe in cavitate thoracis inter pulmones & pleuram adesse. Facillime etiam aliquis committi potest, si pulmoni ipsi levissimum vulnusculum infligatur, ex quo aer in pulmonum cellulas contentus, exit; memorabile etiam est ex pilis ipsis multas aeris bullas adscendere.

EXPERIMENTVM XXIV.

Canis, mediocris magnitudinis, resnam *opii*, spiritu vini extractam, duarum drachmarum pondere, hora ante meridiem nona, divulsis vi faucibus, intrusi. Vix *opio* deglutito, consueta illa spuma, sed albidior, quam in experimentis cum *opio* crudo factis, ex ejus ore, insigni quantitate profluxit. Post horæ dimidium mortui similis dormitabat, valde vero anxius & inquietus fuit, caputque sæpius succussit. Irritabilitas, pedibus vellicatis, omnino satis manifesta aderat, nervoque crurali irritato, valde clamavit animal; alvum dormituriens deposuit naturali similem, debilissimum erat, ut nullo modo incedere & pedibus insistere potuerit, & erectum subito iterum in terram prostratus fuerit. Duobus post adsumtum *opium* horis elapsis, irritatus ac instrumentis vehementissime vellicatus canis, nullum omnino doloris signum ostendit, & firmissime dormiens, caput pedibus nonnunquam vellicavit. Hora prima pomeridiana multo alacrior videbatur, & irritatus clamavit ac latravit, sed parum tantum & submissa voce. Hora tandem secunda, abdomen aperui, nullumque doloris signum, dissectis musculis & cute, edidit, motus ventriculi & intestinorum vermiformis, etiam penitus deletus erat, nervo vero vellicato vehementer doluit animal, & diaphragma, nervo diaphragmatico irritato, sese convulsivè constrinxit, sub loco compressionis; minime vero motum est, si supra eam sedem irritares. Diaphragma omnino videbatur oesophagum constringere, dum carnes eum transmittentes, tument, sæpiusque adhuc, thorace aperto, canis diaphragma agitavit. Venam cavam abdominalem manifestò in inspirando detumescere & pallescere, ideoque vacuam evadere, in expirando vero iterum intumescere & plenam fieri, Cl. Walstorffius mecum observavit. Ventriculus aqua flava, subnigra repletus erat, non vero inflammatus, intestina bile plena, uti semper in animalibus *opio* interemtis, nullum vero in his visceribus inflammationis signum adparuit. Tota extracti hujus massa, vix ejus quantitate inminuta, aderat in duodeno intestino.

Die subsequente, qui primus mensis Decembris erat, alii, ejusdem magnitudinis & roboris, cani, drachmas fere tres hujus *extracti resinosi opii*, ante meridiem hora decima, eodem modo, intrusi. Vehementer statim inquietus & vomitibus, qui vehementissimi aderant valde cruciatur, dum ore ligato nihil evomere potuit, indeque subortæ sunt dirissimæ convulsiones & totius corporis motus convulsivi, sæpe etiam alvum anxius deposuit. Symptomata cæterum reliqua, eadem erant, ut in antecedentibus experimentis jam a me descripta sunt, & animal elapsis nonnullis diebus pristinam sanitatem recuperavit. Deinde, ab *illustri & venerando præceptore meo, magno Hallero*, experimenta quedam, de respirationis mechanismo & imprimis de actione muscutorum intercostalium interiorum, in eodem animale instituta sunt, quæ circumstantibus omnibus abunde de veritate adsertorum, *optimi nostri præceptoris*, convicerunt. Observatum nempe est, musculis intercostalibus externis, quatuor superiorum intervallorum penitus destructis, ita ut actio interiorum clarissima adpareret, hos in inspiratione valde intumescere, & distantias costarum a se invicem imminuere, ita ut earum angulus denique rectus factus sit; in expiratione vero, musculi intercostales interni, rursus tensi, longique facti sunt, & distantie costarum maximæ, earumque anguli cum sterno acutissimi redditi sunt. Unius lateris thorax, deinde & alterius a *venerando ac optimo præceptore meo* perforatus fuerat, ad respirationem fortiozem reddendam, & mediastinum, bullæ simile, primo per unum, deinde per alterum thoracem prorupit. Diu hoc in statu, thorace aperto animal vixit, & per horæ integræ spatium fere, hanc intercostalium muscutorum interiorum actionem, optime contemplati sumus.

§. X X I.

Enarratis nunc meis cum opio factis experimentis, exceptis iis, quæ per injectionem in vena jugulari viventis animalis, institui, subjungam breve de opii viribus ratiocinium. Brevior ero in hac enarratione, cum multi, & inter hos *celeberrimi viri*, jam satis hanc materiam exhausterint, doctissimeque descripserint. Opium, succum sponte ex capitibus incisis, *papaveris foliis simplicibus glabris, illust. Halleri (i)* exstillantem, & a solis calore condensatum, esse, omnibus notissimum est. *Venerandus ac optimus præceptor meus (k)* etiam hic Gottingæ, ex capitibus hujus papaveris speciei, extractum vinosum se parasse, quod opio vero nihilo debilius fuit, adfirmat. Succus etiam, qui in hac specie amarissimus

(i) Vid. Enum. Stirp. Helv. p. 303.

(k) L. c.

simus est, & odor, qui statim caput feriat, vim valde narcoticam inesse, satis demonstrat. Differt itaque hæc nostra species papaveris, non aliter ab illa Asiatica, ex qua Turcæ imprimis, opium conficiunt, nisi quod illius Asiatici opii succus, a nimio solis ardore, magis condensatus & ab aquosis particulis liberior, ideoque multo fortior sit. In minori dosi datum opium, ex optimis certe medicamentis esse, itidem omnibus notum est, in majori copia vero datum, inconsuetis mortem inferre, quotidiana experientia docet. Symptomata, quæ producit in humano corpore, præcipua sunt: quod primo loco letitiam efficiat, sanguinis circulationem accelerando, & hæc ratio esse videtur, cur Turcæ eo delectentur, ad melancholiam & perpetuam tristitiam profligandam, quæ illis propria est, quare huic voluptati adeo adfuecunt, ut pereant, si illis usus opii negetur. Ejusmodi exemplum apud *Bellonium* lectu dignum exstat; amiserat, miles Turca opium, unde adeo animo consternatus est, ut a *Bellonio* vehementissimis precibus opium efflagitaret. Dedit noster peregrinator drachmam & dimidiam militi, eam tantam dosim statim maxima cum voluptate & sine noxa devoravit. Facit deinde somnum, qui initio satis blandus est, mox vero turbulentus fit, si tandem nimia fuerit adsumti opii copia, absque ullo dolore & incommodo hominem æterno somno tradit. Destruit nempe opium motum spirituum, omnemque irritabilitatem, nec non peristalticum ventriculi & intestinorum motum. Alius etiam adhuc opii effectus est, quod lentam faciat mortem, si quis quotidie jejuno corpore, magnam, non vero tantam opii quantitatem adsumat ut moriatur; ita enim sensim fatuus fit, & mens cum corpore perire videtur, & æger infantis instar, repuerascit. Sufficiens ad occidendum copia rite determinari non potest, dantur enim homines, quibus drachmæ duæ non nocent, cum e contrario nonnunquam grana decem ad hominem occidendum, sufficiant; secundum consuetudinem & naturæ diversitatem enim variat opii effectus. *Illust. ac venerandus præceptor* in prælectionibus suis, casum notatu dignum virginis, quæ incauta grana decem, opii adsumserat, sæpius narravit. Incidit illa in somnum quadraginta octo horarum spatium durantem, tandem mechanice ad vomitum irritata, iterum resuscitata est, & cum morti proxima esset, tamen servata est. Animalium natura, quæ omnino nostra multo fortior est, longe etiam majorem venenorum copiam superare potest, ut ex meis memoratis experimentis satis adparuit. Sed superfluum esse credo, prolixius hic sermonem de opio facere, cum ab omni tempore elegantissimi libri hac de re scripti sint. Imprimis vero legi meretur *celeberrimus Anglus, Richardus Mead*, qui peculiari tentamine de opio & ejus effectibus (l), fusillime egit. Exstant etiam varia notatu digna in *observationibus medicis societatis regie scientiarum Edinburgensis, & in philosophicis transactionibus.*

(l) V. Mechanical Account of Poisons. Lond. 1747. p. 241. seqq.

S E C T I O S E C U N D A

De venenis nonnullis Mineralibus.

§. XXII.

Venena ex regno minerali ut plurimum, plantis venenatis multo fortiora esse, & minori copia ingesta vel exterius adplicata, corpus nostrum destruere, superius jam (§. II.) a me observatum est. Videtur ratio, cur corpori nostro ita, & parva dosi adsumta, inimica sint, pendere a magno illorum pondere specifico & a partium soliditate, quæ villosæ ventriculi tunicæ adhærent, hanc erodunt, ventriculi nervos vellunt, indeque pariunt convulsiones & tandem mortem ipsam inducunt. Vehementissimum omnium mineralium venenorum sine dubio, *mercurius sublimatus corrosivus* est, quo cum nonnulla institui experimenta sequentia.

§. XXIII.

E X P E R I M E N T U M X X V I.

D. 3. Septembris 1751. feli vetulæ scrupulum unum *mercurii sublimati corrosivi*, cum lacte, ad eius deglutitionem promovendam, dedi. Nondum hoc venenum deglutierat animal, cum multum spumosa materiæ ex ejus ore profluxit, absque ullo motu ventriculi. Non multo post in latus decubuit, & quinque horæ minutis primis vix elapsis post veneni adsumptionem, mortuum jam erat animal, sine ullis prægressis convulsionibus & aliis symptomatibus, nisi quod pedes parumper adtraheret, caputque concuteret. Statim dissectui mortuam fœlem, & œsophagum ita contractum, ut nulla fere superfuerit cavitas, inveni; nullo modo tamen inflammatus adparuit, licet tota veneni quantitas illi adhuc inesset. Ventriculus non adeo, ut œsophagus contractus fuit, & multo laxior versus pylorum, circa ejus fundum etiam satis visibilis cavitas superfuit; repletum autem reperi mera aqua & nonnullis devorati veneni spiculis. Villosa ventriculi tunica ubivis quidem inflammata, in fundo fortior tamen adparuit; inflammatio hæc nihilominus non ita vehemens fuit, ut in ea fele, quæ scrupulum arsenici albi, adsumserat. Motus peristalticus validior, quam facile vidissem, sursum deorsumque adfuit, flatusque vel sursum vel deorsum impulsus, modo longitudinales fibræ, modo transversales contractæ, adparuerunt. In intestinis nihil cæterum præternaturale repertum est. In tuba etiam motus vermiformis satis manifestus fuit, ovarium vero cum ovis Graffianis minimum adparuit. Aspera

Aspera arteria usque ad suam divisionem, eadem spuma, qua ventriculus, repleta erat, pulmonesque pulcherrime rubri & aere plenissimi, vesica urinaria distentissima. In hepate, corde, aliisque visceribus nihil, quod a statu naturali alienum foret, offendeatur. Alkohole irritata intestina sese contraxerunt, ventriculus vero parum tantum ea vi valuit; in plenissima vesica urinaria motus ejus constrictorius adparuit, cum nitri spiritu irritaretur. Fellea vesicula & vena iliaca, eodem spiritu tacta, irritabiles fuerunt, arteria vero iliaca neutiquam. Cordis ventriculi etiam adhuc palpitabant, & ad fortiolem motum, scalpello vel veneno irritati, resuscitati sunt, sanguisque corde contentus, niger & coactus fuit.

E X P E R I M E N T U M X X V I I.

D. 3. Octobris, cani, qui neque succo ex foliis cicutæ aquaticæ, neque illo ex radice sola expresso, neque radice ipsa, neque tandem succo hyosciami, interimi potuit, bolos aliquos carnis, in quibus *mercurii sublimati corrosivi* grana decem abscondita erant, ad devorandum dedi, quos etiam libentissime adsumsit; statim evomuit hanc carnem, & mox iterum egesta omnia, devoravit. Decem minutis primis horæ vix elapsis, vehementer inquietus ejulavit, & ob maximam procul dubio anxietatem, sæpius in gyrum incessit, adque sitim forte extinguendam, extremitates pedum linxit. Post horæ dimidium ter devorata carnem, & multam spumosa materiam, vehementissimis cum conatibus evomuit. Per breve tempus dormiendi illi animus fuit, seque quieti tradidit; verum hæc quies, aliquot tantum minutis perdurans, vehementissimis vomendi conatibus mox interrupta est, quibus tamen nihil, præter parum spumæ egerere ex ventriculo potuit. Subsequente nocte, cessantibus his vomitibus, altero die vegetus & sanus hic canis fuit. Ex hoc experimento, adparebit, venenum hoc, carne absconditum, non potuisse effectum suum, satis manifeste exercere, quia villis ventriculi non inhæsit, & animal iteratis vomitibus se eo liberavit.

E X P E R I M E N T U M X X V I I I.

Tandem huic cani, qui diutissime inter bestias venena toleravit, d. 4. Octobris, post meridiem hora prima vix audita, grana circiter quindecim, *mercurii sublimati corrosivi*, superinfusa copiose aqua fontana, intrusi. Adfuerunt statim magni ad vomitum conatus, nihil omnino vero præter meram aquam subspumosa eructare potuit, quod mirum non est, quia per aliquot jam dies nihil cibi adsumsit. Incessit sæpius in circulum, mox posterioribus pedibus iterum insedit, subito rursus subsiliit & valde ejulavit. Observatis his per horam integram & ultra, hoc animal cultro anatomico subjeci, inprimis ad actionem ventriculi in vomendi conatibus

tubus, qui semper vehementes fuerunt, observandam. Sed nequaquam hac vice nostræ expectationi respondit, licet animali jam ligato, granum adhuc hujus veneni intrusissem; & videtur maxima vis in vomitu, musculis abdominalibus, ventriculum fortiter prementibus, inesse, quæ iis dissectis plane cessat. Os totum inflammatum & rubrum, immo nonnullis locis lividum adparuit; œsophagus nec inflammatus, nec constrictus, ut in fele, hoc veneno interemta, fuit, ventriculus vero, imprimis ejus orificium superius, valde inflammatum, nigrum & gangrenosum. Villosa tunica partim rubra, partim sublivida adparuit, & ubivis veneni adsumti spiculis repleta, in intestinis vero nullum, nec levissimæ erosionis vel inflammationis signum. Motus in ventriculo & intestinis vermiformis penitus deletus erat, spiritu vero nitri fumante irritatæ hæ partes ad motum resuscitatæ sunt. Effracto cranio, in hoc animali, motus cerebri pulchre adparuit, & pulchrior adhuc fuit, dura matre digito depressa & a cranio liberata, pulsus etiam arteriarum duræ matris, per apertum cranium optime observatus est. Thoracem tandem aperui, & motum cordis per longum temporis spatium contemplatus sum, diutissime enim hæc bestia vixit, & thorace aperto, discissis costis, perforato cranio, & inciso sinu falciformi duræ matris, ex quo magna sanguinis quantitas sine pulsatione effluxit, respirationis officio perfuncta est. Modice stimulo vel nitri spiritu icto cortice cerebri & dura matre, nullæ subortæ sunt convulsiones, stilo vero, eodem veneno inbuto, profundius paulum in cerebrum & cerebellum infixio, opistotonus vehementissimus fuit. Cor denique scalpello incidi, quod per aliquot horæ minuta prima adhuc palpitavit.

EXPERIMENTUM XXIX.

D. 19. Octobris cuniculo mari vetulo, satis grandi, *mercurii sublimati corrosivi*, in pulverem redacti, grana decem magna cum aquæ fontanæ copia infudi. Perit hoc animal, vix veneno deglutito, cum paulo ante mortem meram aquam evomisset. Abdomine statim aperto, motus peristalticus & antiperistalticus, & in intestinis tenuibus & in crassis valde pulcher adparuit, & nunquam ita fortem & per tam longum tempus durantem, observavi. In ventriculo vero omnino nullus adfuit, si quietus relinqueretur, si vero eum digito vellicares, satis contractilis & irritabilis fuit; vesica urinaria, quæ distenta valde fuit, etiam facile irritabilis adparuit, non vero perinde vesicula fellea. Cordis motus plus quam dimidia post mortem hora adfuit, & longe motui intestinorum vermiformi superstes. Ventriculum cum œsophago inde aperui, qui devorata brassica repletus erat, officium & superius & inferius ventriculi valde constrictum, nullum vero in toto ventriculo inflammationis vel erosionis signum adparuit. Quod etiam adesse non potuit, quia ventriculus

culus ita brassica distentus fuit, ut venenum illius membranas attingere non potuerit, sed statim se cum contentis his miscuerit. Oesophagum etiam valde constrictum inveni, non tam vehementer tamen, ut in superiori, cum feli instituto, experimento. Intestina cæterum penitus naturalem statum ostenderunt, nihilque veneni, neque in illis, neque in ventriculo, neque in œsophago repertum est, videturque igitur, id venenum, copiosa infusa aqua, solutum fuisse, & vim suam statim in nervos exercuisse, quod etiam subitanam istam mortem suadere, credo. In magno illo, superius jam observato motu vermiformi intestinorum, ab *Illustr. & Venerando Præceptore* nostro, invaginationis principium & causa dirissimi illius morbi, qui volvolus vocatus, observata est; quæ sit a particula intestini gracilesciente in aliam vicinam crassiorem recepta; facillime vero, motu peristaltico aucto, se iterum expedit intro-sulcepta intestini pars, morbusque tum statim penitus evanescit.

§. XXIV.

Subitanea mors, quanti *mercurius iste sublimatus corrosivus*, parva etiam dosi ingestus, corpori animalium infert, satis clare ut ut mihi videtur, ostendit, illum effectum suum in nervos potissimum exserere, motum fluidi in illis contenti retardando & sistendo. Vulnerant nempe & lacerant spicula ista salina teneras ventriculi membranas, earum mucum naturalem deradunt, irritantque adeo liquidum nervosum; inde oriuntur diræ illæ convulsiones & vomitus; discindunt & pungunt vasa, quo facto, omnium circumjacentium partium inflammationes producuntur, sanguineque stagnante, extravasatio illius & denique gangræna suboritur. Adgnoscutur vero statim adsumtum hoc venenum, sapore summe corrosivo, qui in ore percipitur, & in faucibus & ventriculo, prunarum candentium instar, vehementissime urit, succedentibus enormibus torminibus cum totius ventriculi maxima distensione. Distenditur enim ille ad crepaturam usque, quod ab aere in eo contento fit, qui, constrictis a veneni irritatione orificiis ejus, nullibi exire potest. Non facile servari potest homo, qui ejusmodi venenum comedit, nisi statim ab initio iteratis vomitibus se ab hoc veneno liberet. Tale exemplum exstat apud *Celeberrimum Sydenhamum* (m), in quo famulus pharmacopœæ, vitæ pertæsus, mercurium sublimatum devoravit, & hoc modo sanatus est, adjectis balneis, fomentis, clysmatibus, aliisque demulcentibus. Plura de hoc veneni genere, & experimentis etiam comprobata, apud *Cel. Richardum Mead* (n) exstant. Multa etiam lectu digna

(m) Vid. *Hermani Boerhaave Praelectiones Academicae*. Tom. VI. Gotting. 1744. N^o. 1029. p. 180.

(n) Libro citato p. 187. seqq.

Disput. Medico-Pract. Tom. VI.

digna experimenta habet cum hoc veneno instituta, *incomparabilis plane vir, Joannes Jacobus Wepferus* (o), elegantissime & fideliter descripta, aliique egregii & antiquitatis & nostri ævi Auctores,

§. XXV.

EXPERIMENTUM XXX.

D. 11 Septembris, illa felis, cui antecedente die lactis ex decerptis foliis *Tithymali Cyparissie* (exper. 7.) sponte extillantantis, infuderam, hora post meridiem prima & dimidia, scrupulum *arsenici crudi albi*, devorare coacta est, quod alicui copię lactis vaccini inmixtum erat, ad venenum tantum facilius deglutendum. Statim clausis firmissime oculis, horribili cum vagitu, totum corpus tremuit & convulsus est, summoque cum nixu e ventriculo aquam mere spumofam egressit. Dimidia elapsa hora, aquam subspumeam, iterum ut prius, maximo cum clamore vomuit, ac sæpissime præ magna siti pedum extremitates linxit. Hora tertia iterum ut antea vomuit, egressitque aliquam, sed parvam tamen veneni quantitatem, cum majori aquę merę copia. Ter adhuc eodem modo vomuit, majoribus semper cum conatibus & vehementissima totius corporis concussione, immo motibus nonnullis convulsivis, ejulatu & vehementi anxietate conjunctis. Ad motum, quem ventriculus in vomitu facit, observandum, vivum deinde, in præsentia *Venerandi ac optimi Præceptoris, Magni Halleri*, dissecuri animal. Sed abdomine aperto non amplius vomuit, etsi ventriculus valde contraheretur, & motus peristalticus & in stomacho & in intestinis satis manifestus adparuerit, qui per horę integrę spatium, perduravit. Circa pylorum ventriculus valde inflammatus adparuit, nullum vero veneni adsumti vestigium inventum est, etsi in intestinis tenuibus, inprimis vero in duodeno, satis multa spicula arsenici adessent, quę id intestinum non nihil inflammaverant. Ventriculo & intestinorum initio multum spumosę aquę, bile flavo colore tinctę, inerat, hepar vero, lien & reliqua viscera sanissima reperta sunt. Rugę ventriculi admodum pulchrę, in harum interstitiis sanguinis grumuli coagulati observati sunt.

EXPERIMENTUM XXXI.

D. 13 Octobris cani, hora post meridiem prima, scrupulos duos, *arsenici crudi*, in carne absconditi, dedi, quod ferculum avidissime devoravit. Post dimidiam horam, deglutito veneno, frustula aliqua siccę panis ei exhibui, quę vero vix deglutire potuit; devoratis tamen illis,

(9) Libro citato p. 373. seqq.

lis, vehementer cum totius corporis tremore tussit, posteaque satis quietus per breve tempus permansit. Bis deinde maximo nixu vomuit, nihil tamen evomere potuit, præter frustula aliqua panis, & quidem secunda tantum vice. Incessit interdum in gyrum, corpusque pariebus adlilit, atque caput sæpius concussit, sine ullo tamen convulsivo motu. Liberavi denique animal ab hac tortura & anxietate & vivum dissecuri. Cranium primo loco apertum est ad observationes de cerebri motu, sæpius jam institutas, reiterandas, pulsaverunt aliquamdiu arterię durę matris, cerebrum vero penitus quievit. Depressa vero a cranio dura matre cum aliqua crepitatione, animal, a veneno valde jam debilitatum, mortuum est. Abdomine aperto, ventriculus inprimis interne accurate contemplatus sum, qui totus ruber fuit ab inflammatione, quę a veneno producta fuit. Valde aëre elastico distentus erat, & carnem, in qua arsenicum absconditum fuit, penitus immutatam reperi. Reperiatur etiam inter ventriculi villos magna arsenici copia, extravasato & in grumos collecto sanguine circumdata. Oesophagus & intestina penitus sana fuerunt, & motus peristalticus in istis validissimus, & sponte & mechanice aut chemice irritata, ita ut breviora & angustiora fierent. Per medium dissectum intestinum, adfluxit alba flavescens materies, quam modo expulit motus vermiformis, modo iterum resorpsit, & spiritu nitri tacta villosa tunica parum se constrinxit. Urinaria vesica valde magna & lotio plenissima fuit, quam vivus nullo modo exonerare potuit; vesicula fellea itidem bile turgidissima adparuit. Constricta etiam fuerunt ventriculi orificia, & ductus choledochus parvam tantum ostendit cavitatem, ex qua nihil fere bilis exprimi potuit; ventriculi etiam contenta nulla bile tincta fuerunt, certo signo fellis adfluxum, ductuum constrictione ineditum fuisse.

§. XXVI.

Ob analogiam *cadmię native* vel *cobalti*, cum *arsenico crudo*, cujus minera est, mea statim cum hoc ipso instituta experimenta, hic subiungam.

EXPERIMENTUM XXXII.

D. 9 Octobris hora post meridiem prima, felem sex circiter messum, scrupulum integrum *cadmię native*, devorare coegi. Hora vix elapsa, hesternæ ingesta & post horam dimidiam iterum ut prius, maximo cum conatu, totiusque abdominis vehementissima constrictione, vomuit, multumque devorati veneni simul ventriculo egressit. Aliquoties eodem modo, vehementioribus tamen semper cum conatibus, vomitum repetiit. Vivam tandem dissecuri, nullam vero mutationem, neque

in ventriculo, neque in intestinis, neque tandem in aliis partibus, aliquid notatu dignum, reperi; videtur igitur, hoc animal iteratis vomitibus sese a nociva cobalti vi penitus liberasse. Experimentum de cerebri motu a *Cel. Walsorpio*, præsente *Ill. ac Generosissimo Hallero*, in eodem animali repetitum est, pullum vero omnino motum inesse, invenit, si pericranium cum dura matre firmum permaneat, satis vero conspicuus hic motus adparuit, quoties dura mater a pericranio, digito divulsa fuerat. Observatum etiam est, in inspiratione cerebrum a cranio discedere, in expiratione vero rursus ad id accedere; confundenda tamen non est pulsatio arteriarum duræ matris, cum motu cerebri ipsius, quod facillime fieri potest.

EXPERIMENTUM XXXIII.

D. 20 Octobris, hora decima ante meridiem exaudita, mediocri magnitudinis cani, *cobalti*, bene in pulverem contusi, scrupulos duos, superinfusa multa aqua, intrusi. Post dimidiæ horæ spatium, varia ingesta binis vicibus, magno cum conatu evomit, horaque undecima iterum eodem modo, sed meram tantum aquam vomuit. Hac ratione aliquoties adhuc vomitum repetiit, & paulo post panem, avidissime & summa cum voluptate devoravit, atque altero die æque sanum ac vegetum fuit animal, ac si nullum venenum acceperat.

EXPERIMENTUM XXXIV.

Subsequente itaque die, hora decima, maiorem huic cani dosin, scrupulos nempe quatuor *cobalti* vel *cadmiæ nativæ*, eodem modo ut in hesternâ experientia, dedi. Evomit sæpius, hora integra nondum elapsa, devoratum heri panem, cum aliis cibis, a veneno colore nigro tinctis, eo tamen discrimine, ut ultimis vomitibus, nil nisi meram aquam, cinericii coloris egressit; hora vero post meridiem secunda elapsa, meram spumofam flavescens aquam, cum nonnullis *cobalti* spiculis eructavit. Hos vomitus quinquies vel sexies eodem die, maxima cum anxietate totiusque corporis tremore, hoc animal continuavit; circa vespere vero quietius factum & per subsequentem noctem penitus hi vomitus cessaverunt alteroque die ad pristinam sanitatem rediit, ac ita vegetum fuit, ac si nullum unquam deleterium medicamentum acceperat.

EXPERIMENTUM XXXV.

Die tandem 23 mensis Octobris, hora undecima ante meridiem audita, huic cani *cobalti* drachmas duas, eodem modo ut in superioribus ex-

experimentis, parati, divulsis faucibus, intrusi; os animalis vero firmissime ligavi, ne venenum statim rursus evomeret, ejusque vim, sæpius iteratis vomitibus, penitus inertem vel saltem valde debilem redderet; quam cautelam & in omnibus meis sequentibus experimentis & in multis antecedentium semper observavi. Devoraverat canis vix hanc veneni dosin, cum vehementissimis vomendi conatibus, magna cum anxietate & totius corporis motu convulsivo conjunctis, cruciaretur. Paulo post superaccedebant ipsi vomitus, dirissime convellebatur animal, cum ore ligato, egesta iterum deglutire cogeretur; valde debile fuit & pedibus neutiquam insistere potuit. Hoc in statu usque ad horam secundam pomeridianam permansit, tunc temporis a tortura liberavi canem & ligaturas pedum orisque dissolvi. His dissolutis vinculis tranquillior fuit canis, sed ita debilis, ut, cum incedere vellet, statim iterum in terram procideret. Tremebat vehementius totum corpus, quod vero magis ligaturæ, quam veneni actioni tribuendum esse, mihi videtur. Abdominis muscoli sæpiissime sese adhuc convulsivum in modum, ut in vomitu fieri solet, contraxerunt, sed omnino nihil, ob magnam debilitatem ventriculi totiusque corporis evomere potuit; dimidia vero iterum elapsa hora, meram aquam, ab adsumti veneni colore, nigerriam, maximo cum nixu & motu corporis convulsivo, egressit, quaterque alvum satis fluidam deposuit. Circa horam tandem tertiam post meridiem animal, absque ullis aliis prægressis notatu dignis symptomatibus, mortuum est. Aperui statim abdomen, ubi motus peristalticus & antiperistalticus in intestinis pulcherrimus adparuit, in ventriculo vero omnino nullus, nihilque in reliquis visceribus, quod a natura alienum foret, offendebatur. Conspecto intus ventriculo, hic vehementissime inflammatus visus est, & ita pulchre ruber, ac si omnia ejus vasa cera rubra optime repleta essent; fuit etiam nonnullis locis sublividus, contractus & penitus vacuus. Totus intestinorum tractus ab inflammatione ruber intus adparuit, eo rubriora vero fuerunt intestina, quo ventriculo propiora, eoque debilior inflammatio, quo ab illo remotiora essent.

§. XXVII.

Inter omnes *arsenici* species, illa quæ *alba crystallina* vocatur, vehementissimum venenum præbet & imprimis in usum adhiberi solet. Eo magis hoc venenum detestabile est, quod a saccharo haud facile distingui potest, omnisque saporis expers cum hoc mistum, propinari solet, ac ita corpori nostro ingestum, illud subito destruit, nisi statim ab initio iteratis vomitibus succurratur. Modus agendi manifesto idem est, qui mercurio sublimato corrosivo, cum quo structura etiam sua arsenicum hoc album valde convenit, eo tantum discrimine, quod mercurius

vivus sublimatus multo citius vires suas in corpore nostro exerceat, mortemque inferat, quam hæc veneni species, de qua hic nunc sermo est. Præcipua, quæ in animalium corporibus, excitat symptomata, consistunt imprimis in eo, quod in ventriculum receptum hoc veneni genus, dirissimas anxietates, vellicando nerveam ejus tunicam producat, quæ totius corporis motus convulsi sequuntur. Ventriculus, cujus & intestinorum omnem destruit hoc venenum motum peristalticum, constitit a vehementi irritatione orificiis, aere in illo contento ad crepaturam usque distenditur. Parit porro nauseas ac vehementissimos vomendi conatus, qui semper eo vehementiores sunt, quo magis ventriculi orificia sunt constricta, & imprimis superius ut nihil evomi possit. Post mortem ventriculus & intestinorum initium valde inflammatum, & in nonnullis locis maculas lividas, subnigras observavi, certo sanguinis extravasati signo. Videtur igitur omnino, arsenicum vasa ventriculi sanguifera discindere, villosamque ejus tunicam corrodere, hinc dira illa symptomata, convulsiones nempe, maximas anxietates, vomendi conatus, aliæque oriri. Si arsenicum hoc album crystallinum pulverisatum prunis candentibus injiciatur, odor statim virus ejus prodit, qui sulphureus, alliaceus, foetidus atque nonnihil narcoticus est, qualem viam etiam arguere videtur, et si experimenta *Celeberrimi Wepferi*, & mea vehementem corrosionem, nihil vero omnino narcotici simile, ostenderint; facile etiam arsenicum agnosci potest, si lithargyri solutio adfundatur, quam statim colore nigro tingit. In hominibus quantitas ad occidendum sufficiens rite determinari non potest, variat enim hujus veneni effectus, secundum humanæ naturæ diversitatem, & in venenis adsumendis consuetudinem. Granum unum vel alterum arsenici sæpius sine noxa adsumtum est, & *Boerhaavius* (p) majorem adhuc copiam ab agyrtis adsumi adfirmat. Exstant e contrario etiam exempla, ubi hoc veneni genus, minima copia ingestum, funestos produxit effectus, & imprimis illud legi meretur, quod in *observationibus medicis Societatis Regiæ Scientiarum Edinburgensis* (q) reperitur: immisit nempe femina incaute, cum gustu aliquid in usum domesticum explorare vellet, parum arsenici in os, quod aliis rebus absconditum erat, unde dirissima symptomata perpessa est, totius nempe corporis convulsiones, vertigines, aliæque. Postquam hoc in statu per integras viginti quatuor horas permanerat hæc femina, symptomata illa tandem cessarunt, copioseque assumpto oleo amygdalorum dulcium, adjectis injectionibus ex oleo olivarum atque laudano liquido, intra sex dies sanata est, per multos tamen annos debilis ejus fuit sanitas. Multa etiam funesta exempla de hoc

(p) Vid. *Prælectiones Academicæ* Vol. VI. Gott. 1744.

(q) *Medical essays and observations* Vol. IV. pag. 41. Edinburgh. 1747.

veneno, in hominibus observata, enarrat *Celeberrimus Wepferus* (r), quæ etiam experimentis in animalibus vivis institutis, comprobata sunt. Varia etiam exstant apud *Illustrem Richardum Mead* (s), lectu digna, & apud alios Auctores.

§. XXVIII.

Cobaltum ejusdem cum arsenico indolis esse, superius jam (§. 26.) observavi. Eodem modo agit quam arsenicum, quod magna copia huic lapidi inest, sed dosis ad occidendum requisita multo major esse oportet, quia arsenicum aliis rebus haud venenatis, immistum est. Ad venenationem non facile adhiberi solet hæc *cadmia nativa*, color enim illius niger statim contrarium aliquid ostendit, & quantitas quæ multo major requiritur, facit, quod fere semper arsenicum huic veneno præferatur; quod etiam ob colorem suum album facile aliis corporibus immisci potest. Adhibetur plerumque *cobaltum* contusum, & in aqua calida solutum, ad muscas occidendas. In sanguinem receptum hoc venenum mortem inferre, hic *Gottingæ* exemplum exstat (t); feminae pauperioris nempe filia scabie capitis laborabat, mater ut malum debellaret ac ulcera sanaret, pulverem cobalti insperxit, unde vero filia intra paucas horas miserrime mortua est. In cane scabioso idem experimentum institui, eundemque inde effectum expertus sum, qui etiam subsecutus est, cum hoc experimentum sequentem in modum instituerem.

EXPERIMENTUM XXXVI.

D. 11 Decembris hora ante meridiem nona fani canis, mediocris magnitudinis dorso, derasis prius novacula pilis, & parvis, saltem in cute, incisionibus factis, drachmam circiter unam *arsenici crystallini albi*, inspersi. Pedes vero & os ligaveram animali, ne dorsum lingere & se ab effectu veneni, quem exterius observandi mihi animus erat, liberare posset. Breve post elapsum tempus, dirissimis cruciabatur animal convulsionibus vehementissimeque in altum sublevis, superaccedebant conatus ad vomitum, nihil vero ligato ore, evomere poterat. Hoc in statu per quatuor horas permansit, & eadem symptomata perpessus est canis, ac si venenum interius adsumisset. Hora tandem post meridiem secunda mortuum est animal vehementes inter convulsiones. Incisus ventriculus & intestina omnia, tam exterius, quam interius, valde inflammata ad-

parue-

(r) In libro de cicuta aquatica.

(s) *A Mechanical. Account of Poisons*. Lond. 1747.

(t) *Venerandus ac optimus Præceptor meus Magnus Hallerus* sæpius hujus exempli in *Prælectionibus* suis, mentionem fecit.

paruere; inflammatio hæc erat partim sanguinis exsudatio in totam ventriculi & intestinorum cellulofam, partim etiam extravasatio vera, nigra, sanguinis in magnos satis grumos collecti. Cutis, in qua venenum applicatum fuit, tota erat livida, subnigra & tumida, venarum tunica rubra & inflammata. In thorace pleura itidem cum pericardio inflammata, cor sanguine plenissimum & pulmones ruberrimi adparuerunt, unoque verbo inflammatio multo vehementior observata est, quam si animal eandem arsenici quantitatem intus sumssset. Bis adhuc eodem modo, eodemque cum effectu, in canibus hoc experimentum repetii.

§. XXIX.

Hæc experimenta satis, utut mihi videtur, venas resorbentes demonstrant, quæ resorptis particulis salinis arsenici, cum sanguine nostro facillime miscibilibus, in antecedenti exemplo memoratos effectus produxerunt. Neque mirum etiam est quod majori cum vehementia & velocitate, venenum hoc effectum suum exercuerit, cum sanguini immixtum, rectissima via ad cor & ad nervosum systema pervenerit, unde statim diræ convulsiones istæ subsecutæ sunt. Hinc tam velox effectus sequitur a morsibus venenatorum animalium, qui nullus est, si exempli causa, vipera vel bubo vel ejusmodi aliud animal devoraretur, & nunquam nocent venena animalium, nisi immediate in sanguinem immittantur.

§. XXX.

EXPERIMENTUM XXXVII.

D. 23 mensis Octobris, cani mediocris magnitudinis, hora undecima & dimidia antemeridiana, *sacchari saturni* drachmam dimidiam, ore vi diducto, cochleari intrusi. Semihora vix elapsa vomuit, sed ligato ore nihil egerere potuit, & e ventriculo egesta iterum deglutire coactus est. Spumosa lactea materia, in qua multum veneni solutum erat, maxima copia ex animalis ore promanabat, quæ interdum satis viscida fila traxit. Continuavit hos vomitus quater adhuc, vehementioribus semper cum conatibus, totius corporis motibus convulsivis & tremoribus; quæ tamen symptomata omnia post meridiem ejus diei cessaverunt, & hora secunda nulli vomitus amplius subsecuti sunt, sed sanitate recuperata, canis oblatum cibum, ossa, panem butyro illitum, aliaque avide devoravit.

EXPE

EXPERIMENTUM XXXVIII.

Repetii hoc experimentum die 25 Octobris, dupla majori quantitate, drachma nempe integra *sacchari saturni*, in eodem cane. Idem penitus effectus & in superiori experimento memorata symptomata, parum fortiora, subsecuta sunt, spumaque ista albida majori ex ejus ore quantitate profluxit; sed post breve tempus ad priorem sanitatem rediit animal, quod deinde ad experimenta de respirationis mechanismo capiendum, cultro anatomico subjectum est, quæ *Illustris & Generosissimus Hallerus*, inprimis de aere, qui inter pleuram & pulmones a *Cel. Hambergero* adesse affirmatur, instituit. Strangulavimus laqueo canem, & cum sub aquam mergeretur, primo dextrum thoracis latus aperuimus, sed nulla omnino aeris bulla exiit, perforavimus deinde etiam alterius thoracis latus, & idem effectus inde subsecutus est, nullæ nempe adparuerunt aeris bullæ. Iterum vero aëri expositum animal & postea submersum, magna bullarum aërearum copia adfuit, quarum etiam multæ ex ipsis pilis proruperunt. Experimenta cæterum cum *saccharo saturni* sæpissime, & maxima dosi repetii, nullum vero alium effectum, quam in experimentis antecedentibus memoratum, observare potui.

§. XXXI.

Saccharum saturni vix inter venena referri potest, cum actio ejus & effectus tam lentus sit, ut post aliquod tempus demum interficiat. Magna etiam copia adsumtum hoc venenum, nunquam statim mortem corpori animalium intert, sed illud tantum languidum facit. Diversa quantitate cum hoc veneno institui experimenta, dedi his animalibus in initio saltem semidrachmam, deinde integram, postea duas, & tandem tres, sed nullum animal inde mortuum est, & ipsa in antecedentibus experimentis memorata symptomata, a majori dosi parum fortiora quam a minori, fuere. Quotidie vero & per aliquod temporis spatium sumtum hoc *saccharum*, omnino corpori nostro valde inimicum est. Destruit nempe, fere ut opium, motum peristalticum in ventriculo & in intestinis omnem, aufert omnem irritabilitatem ac sensibilitatem visceribus, sistit etiam motum sanguinis in vasis, saltem eum valde retardat, immo ipsum spirituum motum impedire videtur. Hinc factis in toto corpore obstructionibus, suboriuntur scirrhi, inprimis mesenterii, colicæ vehementissimæ, quæ tandem in veram paralyfin abeunt. Hi effectus sequuntur, si hoc venenum magna dosi exhibitum fuerit, si vero in minori quantitate sumatur, languescens facit corpus, homines habituali aliqua tristitia afficit, ita ut evanescere videantur & tandem pereant. Potentissime etiam hoc saturninum adstringit, alvique obstructiones efficacissimas facit, &

Disput. Medico-Pract. Tom. VI.

D d d d

con-

contrahendo spermatica vasa impotentiam efficit, hinc in usum medicum, ut adstringens medicamentum & in inflammationibus ac fluxionibus proficuum, adhiberi solet. Nullum etiam dubium est, lentum illud veneni genus, quod Gallis *la poudre de succession*, adpellari solet, saturninis ejusmodi originem suam debere. Oportet tamen ad hæc venena adhibenda, esse familiaritatem, ut possint longo tempore & in magna dosi exhiberi. Attamen falsum omnino est, quod nonnulli crediderint, mortem ad certum & determinatum tempus promoveri posse, quod nullo modo faciendum est.

§. XXXII.

EXPERIMENTUM XXXIX.

D. 23 mensis Octobris, cani juniore parvo, grana decem *reguli antimonii simplicis*, eodem modo ut in prioribus meis experimentis exhibui, hora ante meridiem undecima & dimidia audita. Os usque ad horam secundam pomeridianam ligatum reliqui, sed nihil inde mali perpeffum est animal, præter leves aliquos ad vomitum conatus & pedum tremores.

EXPERIMENTUM XL.

Die vero ejusdem mensis 25, eidem animali semidrachmam *reguli antimonii simplicis*, superinfusa copiosius aqua, eadem ratione intrusi. Inquietus statim valde erat canis, & dum ligato ore, nihil evomere posset, tremoribus & nonnullis convulsivis motibus cruciabatur; post breve tamen tempus, sanitate recuperata, oblata ossa avidè devoravit.

EXPERIMENTUM XLI.

Eodem die hora undecima antemeridiana, cani ejusdem cum priori magnitudinis, *vitri antimonii* bene contusi drachmam semis, eadem ratione ut in antecedenti experientia, intrusi. Horæ quarta parte vix elapsa, valde convulsus est animal, dum vomere vellet, & ob firmiter ligatum os nihil egerere posset, sed postea per longum tempus quietus permansit canis, & absque aliis memoratu dignis symptomatibus, altero die, ita sanus ac vegetus fuit, ac si nihil deleterii simile accepisset.

§. XXXIII.

§. XXXIII.

Ejusmodi plura, eodemque cum effectu, institui cum *antimonio* experimenta, quæ vero omitto, cum nihil novi ex iis observaverim. Antimonium crudum in se quidem pro nullo veneno haberi potest, cum experientia doceat, illud sæpius magna satis copia brutis pro medicamento sine noxa propinari. *Celeberrimus* etiam *Kunelius* (u), se contracturam ipsam, pulvere antimonii crudi, in substantia ad grana viginti quinque dato, feliciter sanasse, & vim antimonii non tantum in aliis sed & in proprio suo corpore expertus est. Si vero vel calcinatione vel sublimatione, terra in antimonio existens destruat, ita ut ejus sal corrosivum & arsenicale a vinculo suo liberetur, omnino vomitorium vehemens & venenum fieri potest, quo imprimis antimonii regulina pars, ejus vitra, flores, aliaque præparata pertinent. Hujus classis etiam est tartarus sic dictus emeticus, qui maximopere in usum adhibetur & nullo modo pro veneno habendus est, etsi exempla existant, illum interdum homines fere occidisse, dirissimis illis, quos excitat, vomitibus, & inde subortis totius corporis convulsionibus. Non facile tamen hæc antimonialia occidunt, nec ullum exemplum existat hominis inde enecti, cum emetica sint, seque ipsa expurgent, & corpus nostrum a venenata vi liberent. Multas cæterum habet lectu dignas observationes *celeberrimus* & in experimentando *sagacissimus vir Joannes Jacobus Wepferus*, qui cum antimonio plura & vario modo instituit experimenta, quæ in sæpius jam excitato elegantissimo libro (x) existant.

(u) In laboratorio chimico, cap. de *antimonio*.

(x) De cicuta aquatica.

S E C T I O T E R T I A

De injectionibus in venam jugularem externam.

§. XXXIV.

IN hac tertia sectione, ea experimenta enarrabo, quæ veneno aliquo, siphone in venam jugularem externam vivi animalis injecto, institui. Recensebo omnia quæ hac occasione a me observata sunt symptomata breviter, & comparabo mea experimenta cum illis, quæ in *philosophicis transactionibus* & apud *Cel. Anglum Joannem Freind* exstant. Multum de his experimentis concludere non licebit, quia diversissimum semper inveni effectum, qui interdum magnus injecta parva quantitate, & minor injecta majori adparuit; & ipsæ alias innocentissimæ res sanguini immixtæ, subitanæ animalibus mortem induxerunt; quod clarius ex ipsa experimentorum enarratione patebit.

§. XXXV.

E X P E R I M E N T U M X L I I.

D. 20. Decembris, hora post meridiem prima, denudavi canis majoris venam jugularem externam dextri lateris ab integumentis illi incumbens, & incisione in ipsa vena facta, quam superius versus caput prius ligaveram, siphonis auxilio, drachmas sex *laudani liquidi Sydenhami* injecti. Post hanc operationem inferius venam ligatura clausi, ad vulnus cutaneum vero sanandum futuram, quam vocant pellionum, adhibui. Post semihoram, mortui instar humi prostratum fuit animal, nullumque vitæ vel motus signum edidit, etsi variis instrumentis pungentibus lacefferetur. Postquam per integram saltem horam hoc in statu fuit canis, a somno quasi expergefactus, iterum obambulavit, sed temulenti similis modo in unum, modo in alterum latus, subito decubuit, quietus cæterum fuit, nullamque doloris perceptionem ostendit. Altero jam die alacritatem recuperavit penitus pristinam, cibi & potus valde adpetens, panem in carniis jure tinctum, avidissime devoravit.

E X P E R I M E N T U M X L I I I.

D. 31. ejusdem mensis, vulnere lateris dextri penitus sanato, hora circiter secunda, sinistri lateris venam jugularem eadem ratione, ut in antecedenti experimento aperui. *Solutionis opii per fermentationem parata,*
& aquæ

& aquæ uncia dimidia dilutæ, drachmas duas injeci, vulnusque ut prius ligatura & sutura clausi. Moribundi simile per trium horarum spatium, absque motu & vitæ signo permansit animal, circa vespertinum tempus vero incessit paulisper, debilissimi illi erant pedes & inprimis posteriores, ut his nullo modo insistere posset, sed statim rursus in terram decumberet. Per tres integras dies eundem in modum sese habuit canis, totoque hoc tempore omnem cibum & potum strenue recusavit, mortuus tandem est quarto post hanc operationem die, absque ullis antea prægressis notabilibus symptomatibus. Instrumentis variis vehementissime laceffitus, nec clamavit nec alium motum exhibuit, sed absque irritabilitate immobilis fuit. Videntur itaque omnes partes corporis & inprimis nervi, irritabilem suam vim penitus amisisse, quod clarius adhuc de ventriculi nervis patet, qui alias facile a fame irritati, sensum alicujus doloris in illo produciunt. Nervo octavi paris qui jugularem hanc venam comitatur, una cum vena ligato, vocem valde inminutam fuisse, *venerandus ac optimus præceptor* meus mecum observavit; illa tota vero periit, cum in altero latere idem nervus ligatus esset. Ab abstinentia omnis cibi & potus, tanta suborta est humorum acrimonia, ut foetor vivente adhuc animale summus & fere intolerabilis esset. Ab hoc impeditus sum, omnia accurate interne perscrutari, sed obiter tantum adnotare potui, ventriculum, intestina & omnia viscera valde inflammata fuisse, vasque, inprimis vero venæ, putrido sanguine repletæ adparuerunt, quod vero magis putrilagini, quam opii effectui tribuendum esse, censeo.

§. XXXVI.

De opii viribus, jam supra (§. XXI.) prolixius egi, ut superfluum esse credam, harum etiam hoc loco mentionem facere; inprimis cum effectus opii in injectione idem fere fuit, quem experimenta mea, opio intus sumto, in animalibus ostenderunt. In *philosophicis transactionibus* (y) eodem modo instituta experimenta, sed cum opio crudo in aqua simplici soluto, exstant, quæ partim eundem, partim penitus alium effectum docuerunt, quam mea experimenta. Injecta sunt in primo exemplo, venæ crurali felis quinquaginta opii grana, in aquæ uncia soluti, unde dirissime statim convulsus est animal & post perpessa multa adhuc alia symptomata, quadrante horæ vix elapso mortuum fuit. Alterum majori paulum quantitate opii institutum experimentum enarrat, canem etiam valde convulsus esse toto corpore, vehementesque habuisse cordis palpitaciones, dormiit interdum, mox rursus expergefactus parumper incessit, iterumque quieti se tradidit. Per tres dies hoc in statu vixit, quarto denique mortuum inventum est animal, omnem cibum &

D d d d 3

potum

(y) Philosophical transactions Vol. XXVII. Numbr. 335. pag. 493. & 494.

potum etiam toto hoc tempore recusavit. *Cel. Joannes Freind* (2) retulit etiam experimentum, ubi in venam jugularem canis *panaceam opii* injecti, & illum intra quatuor horæ minuta mortuum fuisse, affirmat. Nescio quomodo factum sit, quod in hoc memorato exemplo, tam subitanea mors ab hac opii injectione subsequuta sit, quæ in meis experimentis post aliquot demum dies supervenit. Quod ad alterum, ex *philosophicis transactionibus* adductum exemplum attinet, maxima parte cum meis convenit, exceptis illis convulsivis motibus, quos *illustris auctor* observavit, & quos ego nunquam vidi. Ortæ sunt hæ convulsiones forsitan a ligaturis, quas animal in hac operatione perpassum est, non vero ab ipso opii effectu, qui potius illas sopit quam excitat.

§. XXXVII.

EXPERIMENTUM XLIV.

Die 20. Januarii 1752. hora ante meridiem undecima, in magnitudinis mediocris canis venam jugularem, *sacchari saturni* drachmas duas, quod in aquæ calidæ sufficiente quantitate dissolutum erat, memorata eadem ratione, injecti. Vix veneno immisso, animal mortuum fuit, neque ullum vitæ signum amplius edidit, cum tamen in fere omnibus reliquis experimentis, cordis motum diu adhuc superstitem fuisse observaverim. Aperto thorace, pulmones ruberrimos ac sanguine turgidissimos inveni. Venosum totum systema, vena cava superior & inferior, vena portarum, iliacæ, unoque verbo omnes, valde sanguine replete adparuerunt. Sanguis ex tota pulmonum superficie ubique extravasatus, & in satis magnas guttas collectus, adfuit. Pulmones collapsi & ab aere vacui, hepar etiam ad impedito sanguinis per venas refluxu, nigricans fuit, eundem in modum ventriculus & intestina reperta sunt. Cordis ventriculus dexter aterrimo sanguine ad rupturam usque distentus, sinister vero penitus vacuus observatus est; eademque ratione in cordis auribus res se habuit. Alia ad irritabilitatem partium corporis animalium pertinentia, *illustris ac generosissimus Hallerus* observavit, nec non motum venæ jugularis in respiratione, qui vero hac vice non optime respondit.

EXPERIMENTUM XLV.

Subsequente die, cani hesterno majori, drachmam tantum unam *sacchari saturni*, in aqua tepida soluti, in venam jugularem injecti. Effectus idem fuit ut in antecedenti experimento memoravi, subsequuta nempe est statim subitanea mors. Cadavere dissecto, omnia ut prius inveni.

EXPE.

(2) In *Emmenologia* pag. 167. 168. Oxoniæ 1703.

EXPERIMENTUM XLVI.

D. 22. Januarii, cani molosso, hora ante meridiem undecima, solutionis hujus *sacchari saturni* drachmam unam, eadem ratione injecti, & in prioribus experimentis observatum effectum etiam hic vidi. In dissectione animalis, summam venosi systematis repletionem, omniaque viscera ruberrima, & sanguine extravasato tecta reperi.

EXPERIMENTUM XLVII.

Non penitus dimidium scrupulum hujus solutionis *sacchari saturni*, venæ jugulari junioris ac parvi canis injecti, & eundem ab hac parva quantitate effectum expertus sum. De motu venarum & imprimis venæ jugularis, *venerandus ac optimus præceptor* iterum instituit experimenta, qui pulcher hac vice adparuit & cum respiratione semper synchronus fuit. Confundendus vero non est hic motus venæ jugularis cum pulsatione subjacentis arteriæ carotidis.

§. XXXVIII.

Ex nimia ista omnium venarum repletionem, quam in enarratis his experimentis omnibus observavi, causa subitanæ illius mortis, quam *saccharum saturni* in venam injectum, produxit, clare patet. Impedit nempe statim omnem sanguinis circulum per pulmones & ita animalia suffocando necat, unde etiam extravasatio illa sanguinis, quam in primo imprimis experimento reperi, orta esse videtur, quam nimia venarum minimarum distentio produxit. Nulla cum *sacchari saturni* solutione in venam injecta, reperiuntur experimenta, neque in *transactionibus philosophicis*, neque apud *clarissimum Joannem Freind*.

§. XXXIX.

EXPERIMENTUM XLVIII.

D. 22. mensis Januarii, cani majori drachmas duas *spiritus vini rectificatissimi*, syringa in venam jugularem enarrato modo injecti. Statim corpore toto tremuit, cor valde palpitavit, subsequentibus interdum arteriarum pulsationum intermissionibus, respiratio vix adfuit ulla. Per semihoram deinde, vinculis solutis, quievit, mox temulenti instar parumper incessit, modo in unum, modo iterum in alterum latus decubuit cum totius corporis motibus nonnullis convulsivis, breve vero post tempus pristinam recuperavit sanitatem.

EXPE.

E X P E R I M E N T U M X L I X.

Inmissi per siphonem in canis, non magni quidem sed fortissimi venam jugularem, d. 24. Januarii, hora undecima ante meridiem, spiritus vini rectificati, qui tamen optime dephlegmatus non videbatur, drachmas duas. Inmisso vix spiritu hoc, cor vehementer palpitare & clamare coepit animal, mox obambulavit paulisper sed subito iterum in terram procidit. Altero die sanus iterum fuit, & sanitate pristina bene adhuc fruitur, cum ad priorem suum dominum, cui furto ablatum erat, non longe post hanc operationem redierit.

E X P E R I M E N T U M L.

Idem experimentum die 28. Januarii in alio cane, eadem spiritus vini quantitate, quam ipse bene dephlegmaveram & cineribus clavellatis ab aqua liberaveram, repetii. Inmisso vero vix veneno in venam animalis, mortuum est, absque ullis convulsionibus, si leves quosdam tremores excipiam. Dissecui statim post mortem canem, sanguinem in cordis ventriculo dextro, in venis pulmonalibus, cavis & in toto venoso systemate valde coagulatum observavi; coagula hæc erant admodum dura, ita ut nullo modo circulationem subire potuerint, sanguinis etiam tota massa spiritus vini odorem vehementer spirabat.

§. XXXIX.

Adducta hæc experimenta, imprimis vero ultimum satis ut credo, actionem spiritus vini, sanguini nostro inmissi, ostendit. Coagulat nempe ille statim sanguinem, atque ejus circulationem penitus sistit, hinc subortæ sunt istæ vehementes palpitationes cordis, corporis tremores, aliæque recensita symptomata. Si spiritus vini non bene rectificatus fuerit, effectum quidem suum etiam eodem modo ostendit, sed leviores; coagulavit sanguinem, hæc coagula vero non ita dura fuerunt, ut a vi cordis superari non potuerint & ab illa iterum dissoluta, pristinum motum subierunt. Eodem modo successerunt experimenta, quæ in transactionibus philosophicis (a) enarrantur, sanguisque in primo illorum etiam in cordis ventriculo dextro & in toto venoso systemate, valde coagulatus inventus est; in altero exemplo a majori quidem spiritus quantitate, non vero rectificatissimi, animal non mortuum est, remulenti instar & apoplecticum per breve tempus permansit, posteaque pristinam recuperavit sanitatem. Hac ratione instituit etiam Cel. Joannes Freind (b) hoc experimentum eundemque effectum expertus est.

§. XL.

(a) Vol. XXVII. Numb. 315. pag. 496. & 498.
(b) in Emmenologia pag. 168.

§. XL.

E X P E R I M E N T U M L I.

Die 22. Februarii, in canis molossi venam jugularem externam, aceti vini destillati optimi drachmas duas infudi, & subitanam mortem ab illo subsequutam fuisse observavi. Dissecto post mortem animale, nullam fere mutationem in sanguine reperi, nisi quod paulum rubrior & nonnihil fluidior, quam in statu naturali videretur. Ter hoc experimentum postea adhuc repetii, eundemque semper effectum vidi.

§. XLI.

Acida omnia, quæ in vivo animale venis infundantur, sanguinem nostrum cogere, peripneumoniam & denique mortem inferre cum Boerhaavio (c) omnes fere auctores consentiunt. Acetum solum ab hoc effectu excipiendum esse, quod magis sanguinem nostrum fluidiorem reddit, quam coagulat, iterata experientia docuit, a Boerhaavio etiam confirmata. Nescio quomodo factum sit, quod in meo experimento, tam subitanea mors, ab aceto venæ vivi animalis infuso, supervenerit, cum tamen & in philosophicis transactionibus (d), & apud alios auctores nullus fere adfuerit effectus. Aer forsan hunc effectum produxit, qui sæpe impediri non potest, quo minus aperta vena se in illam insinuet, tuncque semper cum sanguine mistus occidit, quod ex mox recensendis experimentis patebit.

§. XLII.

E X P E R I M E N T U M L I I.

D. 13. Februarii ante meridiem cani unius saltem mensis, aperta vena jugulari eaque superius ligata, inferius tubulo modicam aeris quantitatem inflavi, quæ hoc animal intra pauca horæ minuta absque ullis memorabilibus symptomatibus prægressis, si leves quasdam convulsiones exceperis, occidit. Dissecto animale, auriculam ac cordis ventriculum dextrum aere distentissimum inveni, qui aer una cum sanguinis circulatione movebatur, pulmonum cellulæ itidem valde aere plenæ apparuerunt. Motus cordis post mortem hujus canis ultra horam integram, valde pulcher & fortis ab irritatione aeris adhuc fuit, cumque semper fortio-

(c) Praelectiones Academicæ Vol. VI pag. 382.

(d) Vol. XXVII. Numb. 315. pag. 492.

Disput. Medico-Pract. Tom. VI.

fortiorem observavi, si cor exterius scalpello irritaretur; auris vero dextræ motum per longum tempus, quiescente jam reliquo corde, superstitem observavi. Vermiformis itidem in ventriculo & intestinis motus per longum tempus, cane mortuo superfuit, qui etiam resecta a mesenterio intestini parte & mensæ inposita, permanit; iste motus non materiam quandam flavam biliosam expulit, modo iterum resorpsit, ut superius jam observavi. Nihil præterea quod a naturali statu alienum foret, in abdomine adparuit, nili quod vena cava, mesenterii venæ, totumque venarum systema ab inflato aere valde distentum offerebatur. Nervum diaphragmaticum scalpello etiam irritavit *Illustris ac optimus meus præceptor*, & digito in medium compresso nervo, diaphragmatis fibræ musculares tremebant si infra compressionem nervum irritares, minime vero si supra hanc lacesseretur nervus. Plura ad irritabilitatem & sensibilitatem pertinentia experimenta in eodem animale instituta sunt.

EXPERIMENTUM LIII.

Eodem modo in cane molosso feci cum aere hoc experimentum, d. 17. ejusdem mensis, qui inflato vix aere mortuus est. Post mortem omnes venæ inflatæ valde adparuerunt & ab aere distentæ, nihil vero naturæ dissimile aliud observatum est. Jugularis venæ externæ, ab integumentis nudatæ pulsationem optime vidimus, nullo modo a subjacente arteria carotide ortam. Cor pulsavit valde diu cum utraque auricula supra integram horam, inprimis vero dextra; appendice cordis leviter tacta, cor valde se contraxit, ut deorsum suum sanguinem mitteret, absque ullo venæ cavæ motu. Cum post unam & dimidiam horam diaphragma quiesceret, sternocostales muscoli adhuc tumuerunt, costasque adtraxerunt; œsophagus etiam egregie irritabilis, tactusque cultro anatomico se contrinxit & contenta sua promovit. Evulsa de corpore intestina, inque partes fissæ mensæ inposita, repperunt motu suo peristaltico seorsim singulæ partes & pulchre irritabilia fuerunt, refrigerata vero penitus quieverunt.

§. XLIII.

Sæpius hoc experimentum in canibus eodem modo reiteravi, qui omnes continuo mortui sunt. Videtur igitur aerem enarrato modo inflatum, cor ita distendere, ut se contrahere non possit, adeoque motum sanguinis circulatorium statim sistere. Si nimiam aeris copiam inflaverim, aer ipsas pulmonis cellulas dirigit, & in illorum superficie bullis fatiscis conspicuis adparuit. *Boerhaavius* (e) causam subitanæ illius mortis, quam venæ vivi animalis inflatus aer efficit, in illo ponit, quod lethalem statim

(e) *Prælectiones Academicæ* Vol. II. pag. 208 Gett. 1749.

statim peripneumoniam, dum vasa pulmonum minima obstruit, faciat atque omnia diffingat, dum per vias, quæ illi alias impervie sunt, iter sibi parare conatur. In illo cæterum a *Boerhaavio* recensito experimento *Bobuii* adfirmatur, sanguinem ab aeris inflatione coagulari, quod vero in meis experimentis nunquam accidit, cum sanguis e contrario fluidus, immo fluidior quam in statu naturali adparuerit.

§. XLIV.

EXPERIMENTUM LIV.

D. 21 Februarii hora prima post meridiem, in canis venam jugularem scrupulum *salis armoniaci* in aqua soluti, memorato modo injeci. Maximas statim animal perpeffum est convulsiones per semihoram circiter durantes, mox iterum ad se rediit, ac altero die, clauso bene vulnere, æque sanum fuit, ac si nihil naturæ alienum pertulisset.

EXPERIMENTUM LV.

Postridie ejus diei, alterius lateris venam huic cani aperui, eademque ratione *salis armoniaci* solutionis in aqua tepida drachmam infudi, de quo animal omnino nihil mali perpeffum est, & ligata utraque vena jugulari tamen valuit. Perforavit deinde *Illustris & Generosissimus Hallerus*, tendinem Achillis bis in pedibus posterioribus hujus canis inciditque capsulam articulatoriam patellæ absque ulla visibili noxa; animal enim bene post hanc operationem cucurrit, pedibusque posterioribus incedens saltavit, aliosque motus absque incommodo peregit. Periostium absque sensu esse in eodem animale etiam observatum est, cum nullam perceptionem ab illius irritatione ederet canis, in cutis vero incisione perpetuo quiritavit.

§. XLV.

Idem effectus non fuit *salis armoniaci*, eadem copia eodemque modo venæ jugulari canis immissi, qui in *Philosophicis Transactionibus* (f) enarratur, quod animal breve post tempus occidit. Nec illud meo respondit experimentum, quod *Celeberrimus Joannes Freind* (g) cum spiritu *salis armoniaci* cum calce viva parato, instituit, in quo vero magis spiritus & calx, quam sal, culpandi sunt. Cæterum experientia me edocuit, effectum hujus *salis* sanguini immissi, nullum fere fuisse.

E e e e 2

§. XLVI.

(f) Vol. XXVII. numb. 335. pag. 490.

(g) Libro citato pag. 169.

EXPERIMENTUM LVI.

D. 24 Februarii, in canis venam jugularem drachmam integram *spiritus salis crudi*, quem aquæ fontanæ uncia dilueram, injeci; nulum vero inde subortum fuisse malum observavi, exceptis illis clamoribus, quos animal edidit cum liquor iste injiceretur.

EXPERIMENTUM LVII.

Eidem cani postridie ejus diei in altero latere, hora ante meridiem undecima, venam jugularem aperui, & drachmam unam semis, *spiritus salis crudi*, eadem cum aquæ fontanæ copia diluti, infudi. Pervenit vix iste liquor ad cor, cum animal dirisime convelleretur & clamaret, postque quinque circiter horæ minuta mortuum est. Dissecto post mortem cane, sanguinem in cordis ventriculo dextro, auricula dextra, vena cava superiori & inferiori, & ut brevis sim, in toto venarum systemate, valde coagulatum reperi. Coagula hæc ita dura fuerunt, ut figuram suorum vasorum exactissime referrent, fragiliora tamen quam illa, quæ in mox recensendo experimento cum oleo tartari per deliquium instituto, observata sunt. A corde remotiores venæ sanguine repletissimæ adparuerunt, sanguis ille non erat coagulatus sed satis fluidus; vacuæ quidem non observatæ sunt arteriæ, sed modica tantum illis inerat sanguinis minime coagulati quantitas. Multum de irritabilitate cæterarum partium observatum est in hoc animale, butyro enim antimonii tacta tibiæ capsula articularia, nulla subsecuta est constrictio, nec ulla cum denudatum peritoneum eodem veneno conpergeretur, tendo etiam Achillis absque sensatione repertus est, itidemque pericardium penitus insensibile. In corde auricula dextra irritata immobilis fuit, sinistra vero auris cum suo ventriculo omnino valde irritabiles observabantur.

EXPERIMENTUM LVIII.

D. 7 Martii hoc experimentum eundem in modum in cane satis magno repetii. Effectus idem ut in superius memorato exemplo fuit, sanguis nempe in venis cordi propioribus coagulatus valde & in grumulos collectus inventus est. Alia experimenta a Venerando ac optimo Præceptore meo in eodem cane instituta, hic enarrare non vacat.

Reptinæ illius mortis causa, qua animalia statim *spiritu salis* vix in venam injecto, interfecta sunt, facile ex ipsa experimentorum enarratione patet. Vehemens enim ista sanguinis coagulatio, ejus circulum impedit, cordisque motum uno quasi momento abstulit. In primo meorum experimentorum, acidum hoc fortissimum, eam ob causam animal non interfecit, quia nimia aquæ copia dilutum fuit, ideoque sanguinem non tam cito & tam vehementer cogere potuit, quin a cordis vi hæc coagula superari potuerint; quod in altero experimento tamen, parva tantum aquæ copia spiritui huic adfusa, accidit. Exemplum in *Transactionibus Philosophicis* (b) exstans, eadem quantitate & ratione institutum, eundem effectum ostendit, vehementissimam nempe sanguinis in venis coagulationem. Venæ vero abdominis & inferiorum partium sanguinem habuerunt naturali similem hanc ob causam, quod spiritus ad usque cor solum delatus, impedito statim cordis motu, ulterius progredi non potuit. Superius cæterum, acida omnia sanguinem cogere, *Boerhaavii* (i) sententiam esse jam dixi, qui solum acrum ab hac classe excepit, & mea experimenta, quæ aliquoties cum spiritu hoc salis adhuc repetii, me de adserti hujus veritate magis convicerunt.

§. XLVIII.

EXPERIMENTUM LIX.

Die 11 mensis Martii infudi in canis venam jugularem, *salis tartari* in simplici aqua soluti drachmam. Immissio vix veneno, convulsionem totiusque corporis tremores satis magni fuerunt, sed paulo post absque aliis notabilibus symptomatibus, pristinam recuperavit sanitatem animal.

EXPERIMENTUM LX.

Subsequente die, huic cani alterius lateris venam jugularem aperui, & tres drachmas *olei tartari per deliquium* in illam injeci, quod animal in uno temporis momento occidit. Post mortem thoracem statim perscrutatus sum, & ventriculi dextri, auriculæ dextræ, cavarumque venarum sanguinem valde coagulatum reperi; coagula hæc erant viscidissima & non ita fragilia, ut in modo memorato experimento cum spiritu salis facto, figuramque suorum vasorum, immo minimas eorum ramificationes

E e e 3

pulchre

(b) Vol. XXVII. numb. 335. pag. 492.

(i) Praelectiones Academicæ. Vol. VI.

pulchre retinebant. Venæ a corde remotiores, sanguine quidem erant distantæ, sed fluido & non coacto; arteriæ ut in experimento cum spiritu salis non quidem vacuæ sed modico tantum sanguine repletae observatae sunt. Pulcherrimæ etiam repertæ sunt ventriculi & intestinorum venæ, sanguine turgidæ earumque ductus serpentine optime adparuerunt.

EXPERIMENTUM LXI.

Repetii hoc experimentum die 7 Martii, eadem olei tartari per deliquium copia, eodemque modo; effectus idem fuit ut in antecedenti experimento, excepta arteria pulmonali, cui etiam sanguis multus polyposus, qui arteriæ figuram exprimebat, inerat. In vena cava abdominali sanguis magna copia fluidus repertus est, cum quo *Illustris ac optimus præceptor* meus, *Magnus Hallerus* experimenta fecit sequentia. Adfudit sanguini isto spiritum nitri, de quo semifluidus permansit floridior vero sano adparuit; pene perinde fuit sanguis, cum parum salis tartari injiceretur, sed paulum minus floridus; adfuso vero aceto, niger & coagulatus repertus est sanguis, major vero fuit hæc coagulatio, spiritus vini sanguini isti infuso.

§. XLIX.

Primum quod cum *sale tartari* institui experimentum, eadem quantitate factum, etiam in *Philosophicis Transactionibus* (k) enarratur; aliud vero penitus fuit effectus & ab illo in experimento enarrato diversissimus, mortem nempe statim animali intulit. In altero vero experimento cum oleo tartari per deliquium, causa mortis manifesto eadem est, quæ ab injectione spiritus salis reperta; impeditur nempe statim sanguinis circulus a vehementi ista coagulatione & cor se movere desinit. Ter in diversæ magnitudinis canibus hoc ultimum experimentum reiteravi & effectum eundem esse inveni.

§. L.

Enarratis nunc omnibus experimentis, quæ partim cum venenis ex vegetabilium regno, partim ex minerali, partim etiam cum injectionibus in venam jugularem vivorum animalium institui, finem huic opusculo inpono. Plura mihi adhuc restant experimenta facienda, quæ volente *summo numine*, si occasio & otium mihi fuerit, certe & ulterius instituere pergam, multa etiam jam facta repetenda sunt ut horum venenorum

(k) Vol. XXVII. numbr. 335. pag. 491.

rum actio & effectus clarius fiat & melius determinetur. Parva cæterum & nulla fere conclusio formari potest in corpus humanum ab effectibus venenorum, quos in animalibus ostenderunt; cum eorum natura multo fortior & a nostra diversissima plerumque sit, & longe major vis veneni alicujus ab animalibus superari impune potest, quæ minori copia penitus jam destruit corpus humanum. Injectiones vero nihil fere demonstrant, quod & ipsis experimentis satis patet, cum innocentissimæ alias res magnum effectum sæpius ostenderint, & impediri nunquam satis potest, ne aer se in hac operatione in venam insinuet, quem animalium vitæ valde contrarium esse experientia docuit, ut taceam de aliis rebus accessoriiis, quæ sæpius evitari non possunt, exempli causa nimiam amissionem sanguinis, nervi recurrentis punctiorem, unde vehementissimæ statim suboriuntur convulsiones, aliæque supervenientia mala. Hæc pauca, quæ in enarratione experimentorum ipsa jam admonui, hic repetere mihi visum est; latissimus cæterum mihi pateret campus & fere inexhaustus, si omnium venenorum effectus experimentis explorare vellem, nullusque foret sermoni meo

F I N I S.



ABRAH.

CCXVII
ABRAHAMI VATER
ET
FRIDER. GENSLE
DE
ANTIDOTO NOVO ADVERSUS
VIPERARUM MORSUM PRÆSENTISSIMO
IN ANGLIA HAUD ITA PRIDEM DETECTO.

Vitemberg 11. Septemb 1736.

Disput. Medico-Pract. Tom. VI.

FFFF

Q. D. B. V.

DE Antidoto adversus morsum viperarum, noviter in Anglia detecto, quædam commentaturi, non opus fore judicamus, ut vocis antidoti significationem fusius exponamus, cum nemo facile sit, quem lateat, eadem remedium contra venena intelligi. Neque etiam quis a nobis expectet, ut in explicanda natura venenorum in genere, horumque differentia & varietate modoque operandi, verbosiores simus, quia hoc ab aliis actum est, nec instituti ratio id permittit. Hoc quidem certum, atque ab auctoribus sufficienter demonstratum est, quod, uti veneni vox a priscis Latinis Scriptoribus ambigue, & nunc pro deleterio, nunc pro salutari remedio usurpata fuit, teste *Gellio Noct. Attic.* ita nulum detur venenum absolute tale, id est, noxium ac vitæ animalium infestum, sed quod omnia sint corpora naturalia in se bona & innoxia imo ne ullo quidem excepto, utilem quandoque præstent medicinam. *Vid. Friccius de virtute Venenorum Medica, conf. etiam B. Parentis Phys. Exper. in Append. Comprobat hoc, ut reliqua nunc taceamus, vipera suo exemplo, quæ per se & in præparatis, non tantum contra varios morbos, ipsumque morsum viperæ utiliter solet adhiberi, sed cujus etiam saliva venenata perinde, ac capita integra horum animalium ore hausta ac deglutita, nihil noxæ inferunt, de quo legi meretur Francisc. Redi observ. de Viperis in Ephemer. Germ. Dec. I. A. I. & II. Nihil tamen secius vulnera a viperis vivis inflata, imo dentibus mortuarum facta, ac saliva earum simul vulnere instillata, dira symptomata, ipsamque mortem brevi inducunt, uti experientia docet, & experimenta loc. cit. adducta confirmant. Notatu dignum imprimis est, vulnera a vipera inflata, non tantum aliis animalibus, sed sibi ipsi etiam esse exitalia, quod curiosissimum comprobatur experimentum, a Capitango Hall in Carolina Meridionalis Americæ anno 1720. factum, quod ab Illustri Sloano cum Societate Regia communicatum in *Transact. Vol. XXXIV. n. 399. n. VII.* consignatum est. Ille nimirum post varia tentamina cum canibus, a vipera caudifona morsus, in ipsa vipera experiretur, illam suspensam, acubus baculo infixis, pupugit & vellicavit tandem, usque dum se ipsam morderet, quo viso, istam in terram demisit, ubi octo ad duodecim minutorum intervallo, mortua est. Quapropter non immerito de Antidoto, huic veneno opponendo, ac ad symptomata funesta atque fatales eventus, ab eodem metuendos, præcavendos & avertendos, solliciti sunt Medici. Varia quidem sunt ab auctoribus observata, uti infra videbimus in tractatione, singulare tamen in Anglia recenter detectum, atque experimentis comprobatum: in præsentem producimus. Communicavit idem nobiscum Clariss. Sprengell eques auratus ac medicus Londinensis primarius, itemque Societ. Reg.*

Indiæ Orientalis ad *Manzelium*, uti videre licet *Ephem. Germ. Dec. II. A. II. obs. VII.* quamvis quod uros attinet, nihil se comperisse dicit *Kempferus*, ac propterea ad nugas fabulantis vulgi id referat in *Amoenit. Exot. Fasc. III. obs. IX. p. 573.* Ibidem autem producit viperæ speciem, quæ Indis Naja, Lusitanis cobras de cabelo dicitur, quæ eodem narrante, ferrox & hominibus insensibilissima bestia est, quæ mordendo exitiale virus vulneri instillat, unde subito anxietates cordis, lipothymix, atque neglecto alexipharmaci maturo usu, mors sequitur. Peculiarem præterea viperam India Occidentalis, America patefecit, quæ caudifona appellatur, ita dicta, quod in cauda singularia crepitacula, ex annulis mobilibus, ultimæ vertebræ adnatis, conflata gerit, quatum ope multiplicatum sonum edit, quo admoniti homines æque ac bruta, tempestive sibi cavere possint, a tam pernicioso colubro. vid *Anatomia ejus ab Edward. Tyson Medico Londinensi descripta, excerpta ex Transact. Philos. in actis Erudit. Mens. Mart. A. MDCLXXXIV. p. 138. Plura de hac Transact. Philosoph. Vol. XXXII. n. 376. n. 4. & Vol. XXXIV. n. 399. N. 7.*

T H E S. I I.

A morfu viperarum, uti ex parte jam vidimus, in homine extemplo atrocissima excitantur symptomata. Membrum vulnere tactum acerbissime dolet, atque enormiter intumescit, facies pallescit, sensimque cum reliquo corpore flavescit, ac ictero afficitur, totum corpus occupat tremor, oritur anxietas præcordiorum, inquietudo ac tristitia, pulsus fit debilis ac interruptus, cum palpitationibus cordis animique deliquiis, accedunt horrores, nausea & conatus vomendi, motusque convulsivi, tandemque æger, nisi cito eidem succurratur, nunc citius, nunc tardius, brevi tamen temporis spatio expirat. Eisdem propemodum effectus morfus viperarum in brutis edit, cujus rei experimentum in capra majori fecit *Mangerus*, uti refert in *Bibliotheca. Medic. Pract. L. XVIII. p. 853.* quæ a vipera irritata, vulnus naribus inflicto accepit, unde illa ipso momento tremula facta, vix ab una parte domus in aliam, præ debilitate, migrare potuit. Abhinc humi cubuit, tremulosque per totum corpus motus, cum abdominis distensione passa est. Post horæ circiter quadrantem salivatio, eaque admodum viscosa & spumosa exorta est, & ad aliquot minuta talis perduravit. Inde in dyspnœam incidit, qua paulum imminuta, somno correpta est, quem rursus subsecuta est salivatio, sed tenuis, ac minus, quam prior, spumosa. Somnus hinc cum intensiori dyspnœa, comiteque stertore, ingenti partium omnium tremore, & musculorum colli convulsiva tensione, eam corripuit. Salivatio interea non ita copiosa substitit, dyspnœa & tremor sensim remiserunt, ac oculos identidem aperuit, donec post duas, cum unius quadrante, a morfu horas, pedibus insistent, rigida & quasi cataleptica facta, non ita tamen per-

pertinaciter immobilis, quin excitata atque aliquatenus adacta, horæ quadrantem per cameram obambulet, donec veneni vi rursus prostrata, & vehementioribus motibus convulsivis succussa, toto tandem corpore resoluta perierit. Sed breviori temporis intervallo, effectum funestum producit, morfus viperarum in animalibus minoribus. Ictus a vipera turtur, quem *Steno* objecit, narrante *Borrichio in Act. Medic. Hafnient. Vol. V. p. 268. obs. 100.* tremore initio correptus est, ambulans inde tantillum, sed ebrio ac vacillanti similis, spatioque exiguo interjecto, post convulsiones insignes, in dorsum decumbens, expiravit. Vipera enim, observante *Redi in Epistol. II.* occidit facilius columbam, pullum gallinaceum, gallum Indicum, sciurum, glirem & alia, tum aves, tum animalia minora, quam bestias grandiores, ut sunt vervex, dama, equus, taurus, imo majora ista, & pelle durissima instructa sæpissime non occidit. Secundum magnitudinem animalis, & secundum locum, quem vipera ferit, sequitur mors citius aut tardius, vid *Ephem. Germ. Ann. II. p. 414.*

T H E S. I I I.

Venenum hoc adeo deleterium, symptomatum istorum atrocissimorum causa, in quo consistat, & in qua corporis viperarum parte resideat, maximus auctorum, in diversas partes abeuntium, dissensus observatur. Veteres, uti multa fabulosa, de viperarum generatione & indole tradiderunt, ita easdem totas ac in omnibus suis partibus venenatas esse, persuasi fuerunt, vel varias earum partes veneni suspectas crediderunt, atque hoc nomine nunc caput, nunc oculos vel linguam, modo caudam, aut etiam bilem accusarunt, vid *Severinus loc. citat p. II. p. 273. seqq.* At enim vero recentiorum in perscrutanda natura viperarum diligentia, ac instituendis variis tentaminibus, ad indagandam veneni hujus rationem adhibitis, solertia effecit, ut hodie sciamus, neque totas vipersas, neque ullam earum partem, sive solidam, sive fluidam esse venenatam, excepta sola saliva, in vesiculis, juxta dentes incisivos majores, stagnante. Atque ne hæc quidem, ore hausta & deglutita, venenatum effectum edidit, uti supra vidimus, sed solum mordendo, a vipera vulnere simul instillata, aut vulnere, alio instrumento facto, afflicta, sanguinique ibidem immediate mixta, horrendorum istorum effectuum, antea enumeratorum, causa existit, uti experimenta a *Francisco Redi loc. cit. consignata*, confirmant. Huic quidem adversarium ea in re se præbuit *Moses Charas*, qui duplici Tractatu, *experimenta nova circa vipersas* inscripto, id egit, ut demonstraret, liquorem hunc flavum salivalem insontem plane esse, malignitatem ejusdem fictitiam appellans, & venenatos effectus, spiritibus viperæ ad iram concitatae, efferatis, ac idæ vindictæ, quam sibi formavit, adscribens, plurimæque experimenta in contrarium, pro demonstranda natura salivæ viperinæ innoxia, facta adduxit. Dubiis tamen ab

ab ipso factis, satisfecit laudatus *Redi in Epist. ad Abbatem Bourdelot & Alexandrum Morion loc. citat.* cujus adeo sententia apud plerosque prevaleuit. Ad indolem hujus liquoris salivaris quod attinet, colore & sapore simillimum olei amygdalarum dulcium esse, perhibet *Redi obser. de viperis loc. citat. in Ephemer. Ger. man. A. I.* Sale tamen, eoque volatili, uti aliorum animalium, imprimis insectorum humores, eundem esse turgidissimum, singulari admodumque eleganti experimento comprobavit clarissimus *Mead, in Tract. Anglico, mechanical Account of poisons in several Essays.* Excepit nimirum ille salivam a vipera irritata, mordendo dentes in corpus solidum oblatum insigente, effusam, ac sollicitè collectam, plano vitri polito imposuit & microscopio examinavit. Primo intuitu nihil præter congeriem spiculorum salinorum, in liquido velocissime agitatorum apparuit, sed brevi facies mutata est, postquam evaporato humido, spicula ista salina in crystallos incredibilis tenuitatis & aciei abierunt, quæ hinc inde nodulis, quasi punctis crystallisationis, inter se connexæ fuerunt, adeo ut telam aranearum, contextu suo tamen infinite subtiliori, exhiberent, tantæ soliditatis ut per plures menses, in vitri superficie absque ulla alteratione persisterent. Idem laudatus vir, naturam hujus salis ulterius examinaturus, non obstante exilissima ejus quantitate, tincturam heliotropii cœruleam instillavit, quam more acidorum in rubicundam mutavit. Præter lacerationem itaque partium membranosarum & nervosarum, dentibus subtilissimis iisque uncinatis factam, hæc partes etiam a spiculis salinis irritatæ, in spasmos aguntur, ac hoc ipso affluxus humorum, dolor acutissimus, ac intumescencia membri vulnerari producit non tantum, sed etiam spicula ista sanguini immediate permixta, ac circumacta, tantas in corpore turbas, diraque symptomata excitant.

T H E S. I V.

Universum quippe sanguinis circulum a veneno hoc admixto vehementer non tantum confundi, atque secretiones ac motus tum liquidi nervosi, tum bilis vade turbari, testantur symptomata atrocissima, pulsus debilis & interruptus, lipothymia, palpitationes cordis, conatusque vomendi, tremor totius corporis atque convulsiones, icterus &c: presso pede insequentia; sed etiam sanguinis ipsius crassum atque texturam destructum iri, monstrarunt sectiones brutorum ex morsu viperæ enecatorum. *Mangetus in Biblioth. Med. Pract. L. XVIII. Tom. IV. pag. 852.* canum aliorumque animalium sectiones a se factas, recenset. In cadavere canis, in trunco venæ cavæ nonnihil sanguinis concreti se reperisse dicit, reliquum vero sanguinem ibi loci, in corde & ubique fuscum & obscuri coloris observavit, vitiosæ consistentiæ, qualis sanguis ex parte dissolutus & corruptus. Viscera autem omnia naturalis fuerunt coloris, præter ventriculū, cujus color quodammodo obscurus, sed manifestius in me-

mesenterio & intestinis. In alio cane nullus sanguis coagulatus repertus est, totus tamen coloris obscuri, vitiosæque consistentiæ, cum manifesta ad concretionem propensione, apparuit. In alio cane, cujus lingua a vipera morsa, hæc livida evasit, totumque mesenterium maculis lividis conspersum fuit, quatum plurimæ lentium magnitudinem superarunt, sub quibus sanguis concretus delituit. In columba atque pullo gallinaceo, nihil sanguinis concreti in corde & vena cava repertum est, reliquo cruore nigricante, ac ad coagulationem vergente, & dissolutioni & corruptioni proximo, viscera vero ceteræque partes internæ coloris floridi, recteque constitutæ fuerunt. Ex his patet vis atque efficacia virulenti istius succi, quem vipera mordendo vulnere instillat, cum exilissima ac vix sensibilis quantitas hujus liquoris, universam massam sanguineam in tantas turbas agere, ac compagem ejus destruere valeat. Non immerito itaque cum fermento comparatur ejus activitas modusque agendi, quia in fluido vitali motus peregrinos, fermentationi analogos excitat, utut hæc voces in sensu proprio, monente laudato *Mead. loc. citat. p. 14.* non sint accipiendæ, quo fermentatio in corporis animalis humoribus non datur. Pulchre rem illustrat experimentum, quod in India factum, *D. Tyson in Philosoph. Transact. Vol. XII. n. 144.* citante *D. Mead. l. c.* refert: Venit ad illum Indus cum variis diversarum specierum serpentibus, inter quas cobra de cabelo fuit, ex qua particulam minutissimam salivæ expressam, instillavit sanguini coagulato, vulnere, ab alio serpente femori ipsius, præmissa ligatura, inflicto, adhærenti, a quo sanguis ille coagulatus in fluorem & fermentationem quasi actus, mox in flavum liquorem abiit. Cujus naturæ sit sal illud, quo turget saliva viperina, utrum sit acidum, an vero alcalicum, difficile est determinare. Vidimus supra quidem experimento Meadiano, spicula in vitro polito, a saliva viperina relictæ, acidorum more, tincturam cœruleam in rubicundam mutasse, adeoque acidæ indolis esse videtur venenum viperinum, quemadmodum etiam *Berneri in observat. de aranea punctura*, exercitationi Physic. Medic. de applicatione mechanismi ad medicinam annexa, liquorem viscidum ab aranea ictu communicatum, acido volatilem esse dicit, atque inde symptomata ab ictu aranearum inducta deducit, & propterea rejicit eorum sententiam, qui morsum viperarum succo citri, aut alio acido curari posse perhibuerunt. Multum etiam huic doctrinæ favet, quod sanguis coagulatus & ad coagulationem pronus, in animalibus brutis dissectis, repertus fuerit. Sed nos in defectu propriorum experimentorum, nihil hac in re decernimus, quia id nos longe nimis a scopo nostro abduceret. Notum enim & exploratum nobis est, quid huic sententiæ opponi soleat, quod nimirum non tantum acida cum alcalibus, sed etiam acida diversa inter se effervescent, quod morbi acido principio communiter adscripti, acidis medicamentis sanentur, itemque quod coagulum sanguinis sæpe sit effectus prægressæ resolutionis, adeoque principium acidum

non evincat, quia & acida volatilia resolvunt. Parum etiam refert, si acidum siue alcalicum sal in saliva viperina statuatur, sufficit quod illud sanguinis crasi & texturæ sit contrarium, ac compagem ejus destruat, atque œconomiam animalem pessundet. In cura etiam non tam ad naturam istius veneni acidam, aut alcalicam, quam ad exclusionem ejus & eliminationem e corpore per diaphoresin respiciendum est, ad quam nunc progredimur.

T H E S. V.

Ut itaque venenum hoc adeo virulentum ac deleterium, morsu viperæ insinuat, quanto citius e corpore exterminetur, ac quo minus sanguinem inficiat, caveatur, aut si jam ad illum penetraverit, idem omnibus modis per diaphoresin expellatur, varia tum extrinsecus applicata, tum intus sumpta, commendata & proficua observata, apud auctores consignata reperiuntur. Commendantur propterea ab auctoribus ligaturæ membri supra plagam, qua impedire student, quo minus virus malignum vulnere instillatum, se latius extendat, cor versus serpat, atque circulo sanguinis universali communicetur. Ad venenum vero ipsum e vulnere extrahendum, suctionem ore institutam, profuisse legimus, quo sine certos homines adhibuerunt veteres, quos psyllus aut marfos appellarunt, quorum corpori ingenitum virus, serpentibus exitiale, esse crediderunt, adeo ut illi eadem solo odore sopire ac in fugam dare queant. Agnovit tamen fallaciam suo jam tempore Celsus L. V. C. XXVII. n. 3. affirmans, non, hercule, scientiam præcipuam habent hi, qui psylli nominantur, sed audaciam usu ipso confirmatam. Nam venenum serpentis non gustu, sed in vulnere nocet. Ergo quisquis exemplum psylli secutus, id vulnus exuxerit, & ipse tutus erit & tutum hominem præstabit. Illud interea ante debet attendere, ne quod in gingivis, palato, aliave parte oris ulcus habeat. Vidimus nos etiam superius, succum virulentum viperarum, ore hauritum atque deglutitum nihil nocere. Suctionis vicem supplere potest cucurbitula, aut quodlibet simile vas, adhibita simul scarificatione circa vulnus, quo plus vitii jam sanguinis extrahatur, quod idem loc. citat. commendat. Porro ferrum candens vulnere, quantum quidem præ æstu ejus vicinitatem ferre potest, quam proxime admoveere jubent, referente Boyle in exercit. II. de utilitat. philosoph. Experim. usque dum uti loqui amant, omne extraxerit venenum, quod ut oculares testes asseverant, sæpius instar maculæ subflavæ, ferro adhæreat. Quam quidem rem idem loc. cit. in medio relinquit, historiam tamen refert viri, a se eum in finem pretio conducti, qui a vipera ad iram concitata, in manu morsus, cultri candentis, decem aut duodecim minutorum intervallo vulnere admoti, beneficio, ab omni malo liber mansit, ac repetitione hujus experimenti, præmius haud contemnendis positus est.

T H E S.

T H E S. V I.

Pro usu interno ad expellendum venenum, auctores valde laudant vi-peras ipsas, earumque capita ac viscera, imprimis hepata, maximeque ex iis paratum sal volatile. Eam ob causam Mithridatium, regis Mithridatis antidotum decantatissimum, additione carnis viperarum auxit Andromachus, cui propterea theriacæ nomen impositum est. Hæc uti adversus alia venena, ita sigillatim contra animalium venenatorum morsum, specifica virtute pollere creditur, adeo, ut etiam præservationis gratia assumpta a quibusvis venenis tutos præstet. De hac Galenus alique perhibent, quod ejus usu plurimi imperatores ac principes, qui eam opportune sumpserunt, a lethifera venenorum noxa præservati sint, imo Idem Cap. XVI. Lib. de Theriaca ad Pisonem, de eadem affirmare non dubitavit, quod instar ignis cujusdam purgatorii illos, qui ipsam biberunt, a pestilentia præservet, neque permittat, ut eadem corripiantur. Ad demonstrandam virtutem alexipharmacam viperarum, varia experimenta in brutis ac hominibus facta, adducunt recentiores, quos inter Charas in Libro novarum experientiarum circa vi-peras, plurima adducit in diversis canibus & in fele instituta, quibus capita viperarum tosta, & omnia tostone, devoranda dedit, quæ animalia a viperis irritatis morsa, omnia hujus antidoti beneficio evaserunt. Concludit propterea idem, rem esse certissimam, quod caput viperæ tostum & deglutitum, morsum penitus sanet, & quod partes quædam corporis, cor & hepar ejusdem sint efficacis, unde in periculosa occasione ad hanc medicinam sit confugiendum. Mangetus pariter loc. citat. adducit exemplum juvenis, qui cum in medelam affectionis cujusdam faciei crustosæ, juscula viperina ac sal volatile viperarum adhiberet, aliquando a vipera forcipe comprehensa, altum inter pollicem & digitum indicem commorsus fuit, nec inde tamen quidpiam noxæ retulit, quod longo jam prædictorum jusculorum & salis usu præmunitus quasi fuisset, in succi virulentissimi & perniciosissimi expulsionem ac extinctionem, ac propterea nobilissimum ac præsentissimum hoc in casu medicamentum vocat sal viperinum, totamque viperæ substantiam. Sed Redi repetitis iisdem experimentis cum capite viperino, in canibus quidem duobus eundem effectum expertus est, adeoque experimentum inter res comprobatas numerare constituit, sed oborto dubio, duos alios catellos, antidoto non devorato, admorderi curavit, qui pariter mortui non sunt, contra vero capo, duo catelli, octo pulli gallinæ, duo feles catuli, atque sex turtures, muniti licet antidoto ex capitibus viperinis, morsu viperarum interierunt, uti idem testatur loc. citat. Singularis virtutis quoque hoc in casu prædicatur pomum citreum, uti videri potest in Hoffmann. Clav. Pharmac. Schrad. quo loco non tantum histotia ex Athenæo desumpta adducitur, ubi refertur, quendam fascinosum, ad bestias damnatum, integri pomi citrei esu ab interfectione

one aspidum fuisse vindicatum, sed etiam pro confirmanda hujus rei veritate, narratur casus studiosi medicinæ, Parisiis Gallorum a viperæ morfu lethaliter fere decumbentis, nil quicquam proficientibus theriaca, orvietano, cauterio potentiâ, sale viperarum volatili in aqua theriacali hausto, salutifero pomorum citrinorum esu restituti. At enim vero sæpius citatus Redi testatur, se duos pullos gallinaceos quatuor diebus continuo nutritum hordeo, in decocto citri infuso, ultimo eorum guttur frustulis citreorum & citrato implevisse, ac elapsis duabus horis a viperis morderi curasse, insuperque vulnus Q. Essentia corticum citri inunxisse, ambo autem intra tres horas morientes, ansam ipsi colligendi dedisse, hanc medicinam esse frustraneam, & historiam *Athenæi* fabulosam. Præter hæc enarrata antidota alia adhuc sunt, quæ a virtute specifica, qua contra morsum viperarum gaudere creduntur, nomen etiam acceperunt, qualia sunt scorzonera, ab escorzo, quod viperam lingua catalonica indicat, adeoque viperaria dicta, ac serpentaria virginiana, itemque lignum colubrinum, quod vero potius radix lignosa est, quia serpentum atque colubrorum moribus medeantur, ita appellata. Exquisita horum, qua pollent, amarities omnino in istis virtutem diaphoreticam ac alexipharmacam satis evincit.

T H E S. VII.

Progredimur nunc ad duo alia antidota præcipua, quæ India orientalis nobis præbuit, numero tot venenorum dirissimorum, quæ incolæ ibidem maximopere reformidant, respondentia. Alterum horum venenorum est morfus serpentis Naja, Lusitanis Cobra de Cabelos, cujus malignam indolem a *Kæmpfero* notatam supra vidimus. Alterum exhibet arbor ipu, vel upa, in abditiis sylvarum insulæ Celebes locis crescens, quæ recens fauciata, fundit succum adeo exitialem, ut referente itidem *Kæmpfero loc. cit.* nisi arbor eminens vulneretur, & ab ea parte, a qua ventus adspirat, vel aura incumbit, aggressores erumpente halitu suffocet, quam sortem etiam volucres, arborem recens vulneratam transvolantes, experiri feruntur, quamobrem collectioni hujus succi lethiferi, morti ob malefacta damnatis solum committitur, qui ad vitam salvandam hastis longis & acutis, ex arundine magna & robusta factis, sylvas dumis & beluis infestas ingredi & penetrare tenentur. Hoc succo exitioso Macassarenses lanceas & pugiones inficere dicuntur, quibus vulnera lethalia vix sanabilia infligunt. Adversus ambo ista venena adhibent & laudant bina memorata antidota, radicem nimirum mungos, atque lapidem viperinum, quibus solis prædicta venena, vix alio remedio vincibilia, sanari posse tradunt. Radix mungos ab animalculo ejus nominis denominationem accepit, quod sciuri forma, alias etiam mongutia, mustela aut viverra audit, a quo primum usus hujus radices detectus dicitur. Animal istud

natq.

naturali odio, velut catus glirem, serpentes prosequitur, ac perpetuum cum illis bellum gerit. Narrant de illo, quod ubi cum vipera dimicando, se morsum sentit, tantæ sit sagacitatis, ut, relicto hoste, radicem prædictam pro alexipharmaco quærat, cujus esu restitutum, ad certamen reintegrandum revertatur, ex quo virtus radices primum innotuisse perhibetur. Hanc itaque exploratum antidotum, ad cuncta venena, sive intro sumpta, sive corpori extrinsecus vulnere illata æstimant. Propterea tum præservationis, tum curationis gratia, radicem rudi saltem frictione super lapidem comminutam, aut cultiori modo pulverisatam, cum haustu aquæ dulcis, sive alius liquoris assument, ipsi quoque loco vulnerato pulvrem ex radices pulvere cum sputo vel aqua factam, imponunt. Recenset hæc omnia pluribus circumstantiis *Kæmpferus in Amoenit. Exotic. Fasc. III.* quo loco etiam testatur, se radice hac, quæ penetranti amaritie, ob quam planta tota, fel terræ audit, virtutem alexipharmacam prodit, in febribus putridis morbisque malignis feliciter usum, multisque successibus infallibilem ejus efficaciam, adversus canis rabidi morsum, in brutis æque ac hominibus expertum fuisse. Videri etiam potest *Lochneri Schediasma*, quo mungos animalculum & radix describitur, in *Ephemer. Germ. in Append. ad Cent. III. § IV.*

T H E S. VIII.

Alterum ex duobus commemoratis Indiæ antidotis, constituit lapis serpentinus aut viperinus, quia extrinsecus locis sauciis impositus, firmiter adhærens venenum omne extrahat, magnes etiam venenorum dictus. Hunc generari credunt in capite aut cerebro serpentis, cobra de cabellos vocatæ, non quod pilis tegatur, nec quod capite operculum tantquam depressum pilum, hinc inde mobile gerat, sub quo prædictus lapis inveniatur, sed quoniam laceffita, cutem capitis utroque cervicis latere inflare & in orbem planum, sive compressum, ad instar alæ vel vittæ, quæ in dorso exactissimam imaginem conspicilli exhibet, extendere solet. *Conf. præter Kæmpfer. Valentin Hist. simpl. Musei museorum titulo antea germanice edita.* In hujus serpentis capite generari lapidem istum, fabulantur Indiæ populi, eundem tamen a sacerdotibus eorum, quos brachmanes vocant, arte potius elaborari, conjiciunt prudentiores, qualem formulam componendi talem lapidem, ad imitationem eorum, videre est in *App. ad Ann. VI. § VII. Miscell. Curios. f. Ephemerid. German. in Dn. de Bernitz fasc. II. Medic. singul.* Lapidem dictum, ad venenum e vulnere venenato, sive cæsum, sive punctum, sive morfu inflicto extrahendum, certissimum & infallibile remedium esse tradunt, quando nempe loco vulnerato, aut morfo adhuc cruento aut scarificato applicatur, cui idem firmissime adhæret. Hac ratione elicit æq. imbibit venenum, nec prius decedit, nisi extracto omni veneno, aut

G g g g 3

lapi-

lapide eodem satiato, quamobrem duo in promptu esse debent, alter natim adhibendi, lapis vero decidens confestim lacti calido, pro purificatione ejus, immergi debet. Ita enim virus ex poris ejusdem elicitum, quod in superficie lactis colore flavo & cœruleo variegatum spectabile innatare, narrant, atque sic lapis novo usui aptus redditur. *Kempferus* quidem parum fiduciam in virtute hujus lapidis collocat, valorem tamen ejus in suspenso relinquit, nunquam ipse illius efficaciam expertus. In casibus siquidem ipsi obvenientibus, ad sacram suam ancoram, uti vocat theriacam, se potius confugisse profitemur, quam ligato prius membro, vulnere scarificato, post factam sanguinis expressionem, affricuit, propinata insuper ejusdem electuarii portione pro sudorifero. Refert tamen idem casum oppido rarum, quem ipsi dominus de Pavillon, gubernator provinciae Choromandelo narravit, & tota testata est spectatrix ejusdem familiae, qui domi suae acciderat, quem huc inferere operae pretium censemus. Una nempe ex servis domesticis a cobras de cabelo morsa, ardentissimos plorabat dolores. Productus illico & impositus lapis est; quo decidente, cum nec lapis præterea alius, nec lac dulce in promptu esset, quod poros elueret, nutrix, in tam pernicioso malo anxiosa, lapidi immulsit ex suis uberibus. Ex quo vero illi papilla confestim dolere, mox uber ejusdem lateris intumescere cepit, non sine vitæ discrimine, in quo triduum versabatur, ab uberis duritie vix decem diebus liberata. Papillam autem habuerat aliquantillum ab alumni gingiva excoriatam, adeoque reclusis venulis aptam, quæ veneni inquinamenta reciperet, calenti lacte elicta. Possideo duos tales lapides cum radice mungos, sed nulla eorum vires experiundi se obtulit occasio. Reminiscor tamen historiam, quam ante triginta & duos aut tres annos B. Parenti & mihi, B. Spenerus, medicus aulicus Berolini, cum ipsum inviseremus, retulit. Monstrando enim nobis inter alia curiosa, quæ possidebat, pugionem Macassarensem & lapidem viperinum, narrabat, studiosum quendam medicinæ in suis ædibus, de istius pugionis indole venenata dubitando, cutem in manu propria leviter vulnerasse, ut quid sublit, experiretur. At ambo cum reliquis præsentibus valdopere perterriti fuerunt, cum vidissent, manum cum brachio toto mox intumescere & acuto dolore affligi. Applicato tamen subito lapide dicto, dolorem remississe, ac tumorem sensim immixtum, nec funesti quid ulterius secutum fuisse, idem nobis asseveravit. Nos uti propria experientia destituimur, ita rem merito in medio relinquimus, & si quid hoc in casu præstat lapis, id non tam magnetismo quodam, quam sola porositate sua, firmiter adhærendo parti vulneratæ & faucibus, sanguinem extillantem, eidemque ibi admixtum virus, imbibendo, perficere judicamus, id quod forsitan bolus armena, terra sigillata, unicornu fossile, aliaque sicciora & porosa corpora applicata præstare poterunt.

T H E S.

T H E S. I X.

Nunc ad antidotum nostrum, cujus usus in morsu viperæ noviter detectus, oleum nimirum olivarum accedimus, ut videamus, quomodo hoc loco morsu viperæ tacto inunctum, sequelas ejus funestas avertere queat. Hoc licet vilissimum, hæcenus recensitis tamen erit antefendum, quia vulgare, facile parabile, ac ubivis in casu necessitatis obvium est, si modo virtus ejus constanti experientia fuerit confirmata. De hoc tamen nullatenus dubitandum, ut potius spes affulgeat certissima, fore, ut plura experimenta facta, rem istam extra omnem dubitationis aleam ponant, si modo olei istius naturam atque effectus paulo curatius perpendamus. Non est ut de ortu, varietate ac multiplicitate ejusdem in vita communi utilitate quicquam hic adjiciamus, cum hæc in vulgus sint nota. Neque usus ejus, in pharmacia & medicina amplissimus, ignotus est, quia inter omnes constat, nullum facile oleum coctum & infusum, aut unguentum emplastrum, atque clysterem esse, quem idem non ingrediatur, illud per se etiam emolliendi & lubricandi gratia intus & extus usurpari. Nobis nunc solum cum virtute ipsius alexipharmaca, qua venenis resistit, res est. Notum magis est, quam ut exponi a nobis debeat, post venena mineralia corrosiva ore hausta, illud superbibitum, aut etiam præservationis gratia assumptum, effectus funestos abinde metuendos præcavere & avertere, quatenus salia acris oleosa natura involvit, lubricitate canalem alimentorum defendit, ac vomitum excitando, expulsionem venenorum promovet. *Celsus* propterea illud remedium generale adversus omnia venena, vel in cibo vel in potione assumpta loc. citat. commendat, commodissimum esse, inquiens, ubi primum sensit aliquis, protinus oleo multo epoto vomere. Deinde, ubi præcordia exhausta, bibere antidotum: si id non est, vel merum vinum. Norunt id in suum commodum vertere circumforanei & agyrtæ, qui, ut theriacæ ac orvietæno suo vendibili fidem faciant, assumpta prius quantitate olei atque jusculorum pinguium; venena impune cum admiratione vulgi devorant. Neminem etiam latet, oleum scorpionum, suffocatione horum insectorum in oleo olivarum paratum, contra istorum non tantum, sed etiam aliorum animalium venenatorum, aut venenatos saltem effectus producentes ictus morsusque commendari, & cum fructu adhiberi. *Matthiolus* comment. in L. II. Dioscoridis p. 232. ego, inquit, usu illud exploratum habeo, quod oleum per me factum, in quod sane magnus scorpionum ingreditur numerus, cordi duntaxat & pulsantibus manuum & pedum arteriis, illitum, ab omnibus liberat venenis. Quin & eos sanat, qui tam a viperis, quam ceteris venenosis animalibus vel icti, vel demorsi fuerint. Conferendo hæc cum experimentis istis cum oleo olivarum factis, & cum effectu laudabili contra morsum viperarum observato, non immerito in animo nostro exoritur suspicio, fallaciam subesse, & quod scorpionibus in oleo isto

isto infusis tribuitur, hoc idem per se præstare posse. Clarum enim nulloatenus esse judicamus, quid oleo a scorpionibus, ex immersione eorum etiam vivorum accedat. Dices forte, sale volatili horum insectorum oleum hac ratione imprægnari. Nemo facile sibi persuaderi patietur, sal volatile, in succis horum insectorum glutinosis inclusum, hac infusione liberari, ac cum oleosa substantia uniri posse, qui novit, extremam ignis torturam in operationibus chemicis requiri, ubi sal volatile ex animalibus, eorumque partibus desideratur. Forsan autem scorpiones oleo immersi, perforando propriis aculeis, folliculum liquore venenato turgidum, eundem in oleum ambiens effundunt, seque ipsos hac ratione interficiunt, ut vulgus fabulatur. Constat tamen, non propterea animalcula ista in oleo emori, sed quod aeris liberioris, ad vitam continuandam adeo necessarii, usu priventur. Eset etiam hoc, venenum veneno addere, si vulnera recentia morfu ictuque animalium venenatorum facta, hoc oleo succo virulento scorpionum prægnanti, inungere vellemus, quoniam supra vidimus, salivam viperarum vulnusculis, instrumente acuto factis, instillatam, eosdem funestos effectus ac morsum earum, producere. Credendum potius est, solum oleum substantia sua unguinosa, lubricante ac demulcente illud præstare.

T H E S. X.

Quod igitur nunc ad modum operandi attinet, quo oleum olivarum hoc perficit, id unice ab oleosa ejus natura pendere, ratio suadet. Etenim uti superius demonstratum est, dira illa symptomata morfu aut ictu, uti aliorum animalium venenatorum aut saltem iracundorum, vel rabidorum, ita etiam viperarum producta, a saliva vulnere simul instillata, proveniunt, quæ judice celeberrimo Hoffmanno in *Medicin. Rational. System. T. II. Pathol. General. P. II. Cap. II. §. IX. imprimis venenata qualitate imbutur, quoniam est humor valde subtilis, fermentativus & spirituosus indolis, qua de causa, ut in scholio adjecto pergit, salivæ illæ virulentus liquor, mediante morfu nervosis & fibrosis partibus insinuat, summe perniciosus*. Vidimus quippe in antecedentibus, eundem naturæ suæ salina spiculisque acerbis, nervos non tantum lacerando & irritando, spasmos atque affluxum humorum excitare, sed etiam in sanguinem penetrando, motum peregrinum, fermentativo analogum, inducendo compagem ejus dissolvere. Quid autem ad salia acra temperanda, spicula involvenda, rosiones ac irritationes, mox inde pendentes, præcavendas efficacius, quid ad partes membranosas & nervosas contra stimulos defendendas & solandas, spasmos sistendos, motus turbulentos ac fermentativos impediendos, potentius est substantia oleosa? Eam ob causam *Celsus lib. V. cap. 27. contra hydrophobiam, a canis rabidi morfu, projectionem ægri non opinantis in piscinam, non antea ei provisam, com-*

mendando; inquit: *Sed aliud periculum excipit, ne infirmum corpus, in aqua frigida vexatum, nervorum dissentio absumat. Id ne accidat, a piscina protinus in oleum calidum demittendus est*. Alio antidoto adversus morsum viperarum se munire harum captores, memorat citatus *D. Mead l. c. p. 29*, quod quidem isti in secretis habent, ipse tamen diligenti investigatione tandem detexit: nihil aliud hoc esse, quam axungiam viperarum, mox vulnere illitam, idem testatur, qui iteratis experimentis cum successu factis, de ejus efficacia confirmatus, affirmat, curam hanc adeo facilem & certam esse, ut nullo alio interno remedio opus sit, quia dicta pinguedo substantia sua glutinosa & viscida involvat sal volatile liquoris hujus venenati, quominus spiculis suis crystallinis effectum virulentum edere queat. Idem valet oleum nostrum olivarum, quod vel ideo omnibus & pinguedini etiam viperarum anteferendum, quia ubivis locorum ad manus esse, ac in largiori copia membris læsis inungi potest. Multum ad ejus effectum promovendum valet calida inunctio, ut tanto intimius penetrare queat. Nihil igitur restat, quam ut continuatis experimentis, efficacia ejus laudabilis in iisdem casibus ulterius confirmetur. Utrum istud eundem effectum contra ictus morsusque aliorum animalium edere queat, antequam usus id docuerit, affirmari quidem non potest. Nulli tamen dubitamus, cum in plerisque eadem est ratio, omniaque ista vulnera ob succum virulentum simul instillatum, potissimum horrenda illa symptomata producant, quin idem ab eo expectare liceat. Nihil itaque addimus, præter votum, ut divina benedictio prospero eventu in his casibus ancipitibus, opus hoc coronet, laborque noster ad solatium multorum afflictorum vergat.

JOS. EXUPERII BERTIN

E T

J. FR. CLEM. MORAND

T H E S I S I N H Æ C V E R B A

*Ergo specificum Viperae morsus antidotum,
Alkali volatile?*

Parisiis 13 Novemb. 1749.

L

Venena appellantur ea omnia quæ parva quantitate intra corpus assumpta, vel ipsimet extus applicata, ejus naturalem statum violenter, nunc brevi, nunc tardius destruant. Græcis τοξικά, imo & φάρμακα, sed melius addendo deleteria vocantur, quia pharmaca, medicamenta etiam significant. Triplex est venenorum genus, ex triplici naturæ regno. Quæ vegetabili ortum debent, ob rodentem vel causticam indolem, ut aconitum, helleborus, euphorbium, tithymalus aliaque plura, vel ob vim inspissantem sive obstruentem, vel narcoticam, noxia deprehenduntur. Ex mineralibus venena, acidæ plerumque sunt indolis ut arsenicalia & mercurialia. Omnium subtilissima suppeditant animalia, quæ morfu vel punctura potissimum irrepunt; hinc promptius per varias partis læsæ contractiones, in vascula minima, inde in massam sanguineam permeant. Quid igitur mirum est, si spiritibus animalibus permixta materies venenosa, fibrillas nerveas dolorifice pungat, convulsiones ab excitato impetuoso spirituum motu, citius excitet, si demum omnes humores totumque corpus contagione labefactentur, donec foras amandata fuerit? Ex hacce triplici venenorum familia, alia aliis magis sæviunt, diversasque edunt malignitatis strages; quemadmodum enim diversæ sunt partes machinam constituentes, ita quoque subjectorum ratione, eorumque corporis habitus, varia sunt venena, quam multiplex ac diversa latentium humorum conditio, tam dissimilis inde exorientium symptomatum ratio. Non omnes æque vehementer eodem veneno afficiuntur, quidam levius, quidam

dam violentius; quidam cito, quidam tardius moriuntur. Inter animalium venena, primum obtinet locum viperæ venenum, cujus etiam non eadem est in omnibus viperis, & corporibus, energia, non eadem in omnibus regionibus, calidioribus, frigidioribusve sævitia; imo etiam, ex pluribus physicis, pro animalis, plus vel minus irati, mole, colore & sexu, varios habent eventus: non igitur convenit omnibus idem remedium, sed certum & optimum haberi debet, illud quod tutissimo, citissimo, minusque injucundo donabitur effectu.

I L

Inter serpentes morfu venenato inquinantes, vipera quod vivos pariat fœtus, sic dicta, est animal in totum perniciosissimum, ut loquitur *Amatus Lusitanus*, in hieroglyphis etiam ægyptiacis, quidquid periculosissimum significat; ut bene multa, ad ipsius historiam & anatomen attinentia quæ prope infinita sunt, omittam, maxillis mobilibus articulatos ab ipsomet ortu gerit uncus & incurvatos dentes, qui peculiari actione musculari, cum maxillæ superioris ossæ primo, antrorsum protruduntur. Basi illius ossis, affigitur vesicula flavo liquore plena, cui annectitur ductulus excretorius, fibris musculosis, in longum & circulum protensis (a), munitus, quarum ope e vesicula exprimitur succus, ab acuto, & fistuloso dente in infictum vulnus stillandus: hic tanquam mera salivalis materies, a celeberrimo pharmacopœo (b) spectatur, & omnium ferme scriptorum opinionioni directe adversans, hunc venenatum esse negat, sive ex eo quod absque ullo incommodo pluries gustatus & deglutitus fuerit ille succus, sive quod non infelicitè cum sanguine mixtus fuit per aperta recenti vulnere vasa, & ex solis iratæ viperæ concitatis spiritibus, miserandorum omnem symptomatum syndromen oriri affirmat. Sed quid inde? Etenim non nisi læssita, sæpe externa læsione provocata, vindictæ inhians, morsum infert vipera; qui igitur effectuum ætiologiam rimari voluerit, dentes percrutetur; inde malorum quibus catervatim stipatur ille morsus, unicus fons & origo. In vesiculæ jam descriptæ succo, latere vim lethalem certo concludere est; ut autem explicetur in quo præcise consistat illud venenum, a vipera demorsum inspicere. 1º. Acute dolet pars læsa, quæ rubet deinde, & incalcescit, gangrenæ prænuntius succedit livor, ad vicinas partes brevissime æque ac intumescencia serpens, his accedunt languor, totius corporis debilitas, pulsus fit celer, quanquam debilis, & intermittens: convulsivos motus, frigidus comitatur sudor; sed maxime omnium & pertinacissime muscoli collum caputque moventes convelluntur, supervenit icterus, magnus & intolerabilis dolor, regionem umbilica-

H h h h 2

lica-

(a) Mead. de Vipera.

(b) D. Charras, Regiæ Scientiar. Academ. Socius.

licalem occupat: excitantur nausæ, biliosæque evomuntur materles. Quamquam autem pessimus sit in genere viperæ morsus, non semper tamen indubitato mortem infert; citius, otiusve hæc apparent symptomata, plus vel minus exacerbantur, prout cor usque & cerebrum virus penetravit, pro tempestatis, morfi, mordentis, temperiei, sanguinis diatheseos, victus ratione, aliorumque similium, unde explicari poterit, quomodo plura animalia post mortem absque ullo remedio curata fuerint, quomodo semetipsum a vipera vulneratum, coram illustrissima scientiarum Academia Parisiensi; intra breve tempus curavit D. Charas; non igitur absurde concludetur, mortem ostia pulsare, nisi remedia tempestive adhibeantur. Sed quodnam medicamentum, tot & tantos avertet tumultus? Illud erit, quod & poros aperire, & sudoris beneficio, per patentia cutis ostiola, venenosam eliminare materiam poterit.

I I I.

Quamquam enim nemini accurate, nota & perspicua sit veneni viperini indoles, de eo tamen a posteriori, ratiocinari fas est. 1°. Affici fluida, injectique succi vi inspissari & deturbari suspicandi locus est, ex frigore morsum affligente, ex pulsu debilitate arteriæ, cum quadam molitie, quod & adhuc confirmant biliosi vomitus, symptomaticus icterus, doloresque in abdomine. 2°. Genus nerveum affectum designant motus convulsivi, in demorsis apparentes; quomodo autem excitantur illi? Quæstio sane difficilis, & ex nervorum structura, cum innotescet, facile forsitan, eruenda. In his effectibus curandis infinita prope, a neotericis instituta fuerunt experimenta. Notum est omnibus eos qui vipers colligunt, viperina axungia vulnere cito applicata, omnes ab hoc morfu futuros eventus, prævertere quod, etiam clarissimus Anglus, (a) ut specificum laudat. Ferrum, ad eum caloris gradum, qui vix tolerari potest, excandescens, parti applicatum, tanquam eximium in hoc morbo, experimentisque comprobatum remedium prædicat, D. Boyle. Pulvere pyrio super parte demorsa accenso, apud Americanos; & quarundam decoctione plantarum levique partis læsæ scarificatione, apud venatores Pictavienses, nulla est præstantior viperæ morsus medela; ab antiquioribus, viperinæ partes coctæ, hoc serpente demorsis, felicissime exhibebantur. Tanquam certissimum ab Anglis celebratur oleum simplex olivarum (b), quod & toti membro illini potest, sed in dubium revocavit illud pharmacum regia scientiarum Academia Parisiensis (a), inventis & perfectis, Urbi & Orbi pariter notissima. Vulgo autem ignis, caustica, ligaturæ in parte affecta

(a) Mead, Lib. de Venen. Anglo. p. 29.

(b) Vaterus, Dissertat. de novo Antidoto adversus Viperar. mors.

(a) Mémoire de M. M. Geoffroy & Hunaud; année 1737.

ejusque viciniis, adhibentur, nec non scarificationes quibus nonnulli cucurbitulas in principio succedere volunt, remedium certe non contemnendum. Aqua muriatica sive simplex, cui sal solutum insit, vel spiritus vini camphorati, aut spiritus theriacalis, calide applicantur vulnere, quod deinde prompte scarificandum est, & emplastro vesicatorio cum theriaca, emplastro de meliloto, ut & oleo succini & castorei, simul mixtis obtegendum; deinceps in quavis deligatione, vulnus aliquo illinatur liquore, ut & oleo scorpionum, rutæ, chamœmeli, balsamoque Peruviano. Curationem absolvunt alexipharmaca, diversæ præparaciones viperinæ, & omnia quæ cor ad celeriores vibrationes stimulando, naturæ conatum juvare poterunt. Hinc sudorifica, & cardiaca pleraque promiscue usurpantur, cum eadem fere sit utriusque medicamenti indoles, poros aperire, ut facilius & admitti, & eliminari possit serum; recte equidem, ista, donec nulla amplius veneni vestigia hinc inde apparent, statim & sæpius exhibentur, theriaca præsertim, quæ amico amplexu, diffusas veneni portiones sibi adjungit, quas aut præcipientes secum ducit, aut si fluitent adhuc, nullam noxam propter ascitos comites valent inducere; sed omnibus remediis, quæ vel non satis prompta, vel truculenta nimis sunt, præpollet Alkali volatile.

I V.

Sal volatile, omnium medicamentorum, sive natura sive arte paratorum nobilissimum, spiritibus quibus abundat sanguis analogum, hos recreat, reficit, & nisum, quo noxia quæque amoliri conantur, roborat, intimasque corporis partes subit celerrime, oclusas venarum scaturigines, meatus coherentes, humoresque concretos, luminis adinstar momento dissolvit, noxiosque per corporis emunctoria eliminat. Hujus equidem effectus, varii erunt pro diversa vulnere & injecti veneni ratione, quantitate, qualitate, nunc citius, nunc tardius pro vario inspissationis gradu, pro varia succorum inspissationum indole, pro variis in quibus primum inspissantur partibus, vim suam exercet, sed semper felicissimo cum successu, si statim & sæpius exhibeatur; hujusce pharmaci præstantissimam in eo casu virtutem non satis commendandam reddit, eventus, pluribus circumstantiis notabilis, & coram regia scientiarum Academia, a celeberrimo Bernardo de Jussieu prolatus. Vir quidam, (*) regium professorem una cum frequentissimis rei medicæ studiosis, rei herbariæ causa, ut quotannis mos est, in agris concomitans, dum angues venabatur, in viperam, quam prima facie colubram autumavit, fortuito incidit (nam in viciniis Parisiæ raro occurrit) eam, infelix heu, ex una in alteram manum securus trans mittebat. Ira ferox anguis, occupat

H h h h 3

hanc

(*) Mense Jul. ann. 1747.

hanc morfu, lethiferamque ibi eructat saniem, formidabile virus; longis amplexibus illam implicat, triplicique demum tabidos morfu, depascitur artus. Dolore, & intumescencia quæ inflicta vulnera statim secuta fuerunt, impulsus, unde & doctrinam, hic & etiam malis medicinam quaerit. Extrema carpitur cauda serpens, & peritissimo defertur Magistro qui viperam, non colubram pronuntiavit, nullaue relicta mora, alkali volatile liquidum, & deinde sal volatile, intus & extus adhibuit; res ægotantis, quamvis in tuto positæ viderentur, & citissime appositum fuisset remedium, gravissima nihilominus exorta sunt symptomata. Brachia ad scapulas usque, subitaneo tumore, horrendam in magnitudinem assurrexerunt, unde ligaturæ ex consilio cuiusdam primum admotæ, sublatae fuerunt; nausæ vehementes, anxietates cordis, nec non syncopes accesserunt. Ad locum in quo pernoctandum erat, ægrum recto tramite tres diduxerunt Philatri, & interea, aquam supradictam guttatim in vino mixtam sæpe sæpius ei exhibebant. Ibi adventus, lectum intravit, & jussulum, cui alkali volatile miscuerunt, forbuit, quod delirium leve & ciborum per cœnam injectorum vomitum non amovit: ad dolores & torpores in brachiis levandos, vulnera, & partes inflatæ, oleo olivarum, & sale armoniacali, hacce nocte sæpius illata fuerunt. Demum post abundantes sudores melius se habuit ægotans, & sex horis elapsis absoluta fuit curatio, ut postridie, arva nobiscum, prima luce petiit; per plures deinde dies, supradicto illitu, intus vero, sale volatili usus fuit. (*). Æque salubriter eodem fere processu, pari casu in usum revocavit spiritum volatilem viperæ, doctor medicus D. T^{von}, qui supradicti eventus testis fuerat.

V.

Exulet ergo tanta medicamentorum sylva, qua nihil ad distingendam ægotantium salutem, & ad praxeos rationalis, & efficacis incrementum remorandum deterius inveniri potest (a); ad pauciores & selectorum numerum redigatur innumerabilis apparatus, quippe qui, a citratorie methodi simplicitate, curati sectoritas, (b) quin imo, per multis, & compositis, indicationibus, pauca & simplicia sufficiunt medicamenta, ut luculenter patet, elegantissima thesi celeberrimi hujusce Academiæ socii domini Herissant; eo salubrius est illud pharmacum, quod pluribus & valde compositis supplet, quod eorum omnium vires in se continet: Alkali volatile, duris rigidisque corporibus, in partes minutissimas dividi facile potest, & in exiles canaliculos permeat, naturæ laboranti juvamen avertit;

(*) Ex dono Bacc. propon. servatur vipera in museo Hort. Reg. Plantar.

(a) Hoffman. Med. rat. System. Tom. 3. Sect. 2. Cap. 3.

(b) Thesis D. le T^{bienville}.

si quid est liquoribus, tenax, viscidum, ac everberantibus solidorum moscillationibus inobediens, illud alkalium ope totidem cuneorum instar dividitur, atteritur, comminuitur. Præcipua hujus morfus curatio, in fibrarum elatere, & liquorum fluxilitate restituenda sistit. Hæc omnia alkali volatilis usu assequeris: partes solidas quibus præterlabuntur fluida, ad motum excitat, actuosius particulis sanguinem exagitat, & dissolvit, vasorum systolen adauget, diaphoresim promovet, & sudores. Forfan obijcies, sanguinem in patella effusum, ab alkalibus pluribus tum fixis, tum volatilibus, oleosis inspissari (c), sed hic effectus, ex aërearum partium miscela oriri potest; an calorem quo pollet hocce medicamentum, noxium supponeres? Num semina quædam, & fructus nonnulli, acrius os afficiunt, & tamen salubre sanguinis fervori frænum injiciunt; sic semen Cardamomi, masticatum, calido licet donetur sapore, sitim nihilominus, frigiditate, in ore ipso salubriter extinguit; quid plura? Hujus medicamenti vim asserit experientia, quapropter non dubites concludere:

Ergo Specificum Viperae morsus antidotum, Alkali volatile.

(c) Chym. Boerhaav. Tom. 2. p. 239.



CCXIX.

J. HENRICI SCHULZE,

ET AUCTORIS.

JO. GEORGII KRUMNAU,

DISPUTATIO.

QUA CORPORIS HUMANI MOMENTANEARUM ALTERA-
TIONUM SPECIMINA QUEDAM EXPENDUNTUR IN
QUE CAUSAS EARUM INQUIRITUR.

Halæ Septemb. 1741.

P R Æ F A T I O N.

Quam certus sim medicinam duobus nitî debere columnis, experientia & ratione; & quod ipsa ratio ex repetitis experimentis eodem semper modo cadentibus, horumque pluribus inter se collatis & comparatis, elicienda & producenda sit: totam medici vitam sentio nihil aliud esse debere, quam perpetuam observationem eorum, quæ in sensus incutunt, atque severam indagacionem illorum, quæ sensibus abscondita sunt, & istos, quos per sensus nostros percepimus, produxerunt effectus. Fuit quondam schola medicæ aliqua familia, quæ propalam profitebatur illam abditarum causarum indagacionem, quæ rationem venamur, ad medicum nihil pertinere: forte etiam Hippocratem non iniuste dicemus a rationibus requirendis aliquantulum alieniorem, quam videri ipsum voluit clarissimi viri, qui dogmaticorum seu rationalium patrem ac principem per complura secula decantant. Sed quod Hippocrates remotioribus causis requirendis sedulo feliciterque studuit, etsi in proximis industria ejus defecit: maneat ipsi laus, quæ diutissime floret, per nos illibata. De empiricis autem manifestum est, quod totus mundus in profunda rerum medicarum ignorantia versaturus esset, si ab exitu illius sectæ mansissent & ad nos peristerent ejusdem decreta, quibus omnem abditarum causarum requisitionem absceidebant. Nam qui anatomicum scrutinium corporis humani contemnunt medici, eos necesse est aut ignaros esse summi momenti accessionum, quas ars nostra inde a ducentis annis, dante & procurante anatomia, accepit; aut de sua, ad quam delati sunt, secta ita sentire, quod ad summum perfectionis apicem deducta sit, & tanquam corpus athletice repletum in extremo boni habitus consistat. Certe de secretionibus parum, præter facultates veterum, nosceremus, nisi anno, qui ante hunc præsentem centesimus fuit. Mauricius Hoffmannus Fursienwaldensis Marchicus ductum pancreaticum in animalibus invenisset, suoque hospiti Wirsungo ostendisset, qui sequenti anno in homine etiam repertum publicavit. Certe ab hoc tempore anatomici certatim glandulis quasi venandis operam dederunt, infinitosque ductus detexerunt, quibus diversi latices multis locis effunduntur. Legat recentissimos physiologos, qui dubitat, an hæc inventa lucem attulerint. Quid dicam de circulatione sanguinis, quid de chylo & lymphæ, horumque humorum viis, quid de novis, circa partes generationi inservientes, inventis? Omitto hæc, cum longe pluribus, & pauca attingo, quæ in memoriam revocent quantum opera artis medicæ emendatiora certioraque per anatomem sunt reddita. Quanto nunc expeditior & facilius est fistularum lacrymalium curatio, præ illa pristina, quæ non poterat non corrumpere & miseros reddere egrotantes? Quanto melior est herniarum curatio: & quam compendiosa multisque modis certior calculorum excisio, postquam anatomici ruditer artis necessarie emendaverunt.

dandam, dirigendam, illustrandamque susceperunt. Atque hæc pro anatomia empiricis visa fuerunt respondenda. Quis autem exitus erit, si pro physica dicendum esset, quantum leges motus declarando, corporumque qualitates expendendo, aeris, ventorum, caloris, frigoris, diversarum, quæ in aëribus & aquis occurrunt, mixtionum & adventitiarum qualitationum indicium faciundo, ortumque indicando, ad morborum generationem intelligendam & curationum vias inveniendas, opera pretium faciat: aut si expediendum esset quantum amplissime patens chymia artem nostram promoverit ad inveniendam mixtionem eorum, quibus recte comparatis valetudo ac vita nostra quotidie producit & continuatur: quantum ad venenorum distinctam cognitionem ea faciat, eodemque ad oppositam illis medelam cum recta ratione faciendam nos instruat. Hæc certe omnia si recte adhibeantur, & non tam inferantur in doctrinam medicam, forte extra corpus nostrum particulariter visa & observata, sed in ipso corpore observatis maturo providoque iudicio ad illustrationem adhibeantur: ostendunt sane multas vias propius ad naturæ abdita penetrandi. Sed videtur optimam spem nimis sepe corrumpere festinatio, quando nos impatiens desiderium novæ inventionis, aut omnino systematis novi, laudem decerpenti impellit ad extrudendum quod maturitatem nondum consequutum est. Aequè enim incrementa artis remorari videntur, qui ad placita sectarum, tamquam in brevia aut syrtis deveci, hærent, quam qui libere in verum inquirere exorsi, navem inconsideratius vento ratiociniorum permittunt, a quo cæcis & latitantibus saxis impinguntur. Quare mihi hanc legem scripsi in veritatem medicarum scrutinio tenendam, nihil ut adspicer, quod vel ipse fideliter observavi, vel a viris fide dignis annotatum & in commentarios suos relatum deprehendo, quodque plena fide historica dignum debeat haberi: deinde ut in eventus causa proxima requirenda in nulla acquiescam, quæ supponitur, sed indagando pergam, donec inveniam in corpore humano realiter presentem, sensibus comprehendendam, & cum quesito eventu manifestationem nexum habentem. Ut autem exercitium perpetuum haberem, a longo jam tempore mihi præfixi investigationem momentanearum in corpore animali vivo accidentium mutationum: quarum ipsemet partem fidelibus & attentis sensibus observavi: partem ex virorum fide dignorum scriptis aut orali relatione accepi. Selegi autem ex multis pauca alterationum ejusmodi specimina, ne limites commentationis academica nimium excederem, & ut tempori angusto, quam graves causæ reditum in patriam accelerare jubeant, consulerem. Lectoris benevoli equitatem implo-ro, ut omnia in meliorem partem interpretetur.

§. I.

Alterationem, cum omni schola medica, vocamus status, qui ante fuit, notabilem mutationem, sive illa in melius accadat, sive in deterius. Atque talis accidit multis subjectis; ut aëri, quando serenus in nubilum, frigidus in calidum, siccus in humidum, aut quoviscunque alio modo constitutus in diversum aut contrarium migrat: ut vino generoso, quanto lentescit, vappescit, aut in acetum transit. Sed medica consideratione digniores sunt alterationes, quæ in animalium viventium corporibus, præcipue autem humanis, eveniunt. Pridem itaque invaluit in medicina hoc nomen alterationum, quum vetustissimi therapie omnem, quam ægrotis navat, operam bipertitam voluerint: scilicet evacuatoriam, quæ nimia & noxia subducit; & alterantem, quæ qualitatem humorum aliter determinat, & his ita alteratis, firmarum etiam partium statum & condiciones mutat.

§. I I.

Latissimum illum conceptum, commodioris doctrinæ causa, emendavit Illustris Academiæ hujus Senior Dom. Frider. Hoffmannus, præceptor ac patronus meus omni pietate & obsequio ætatem colendus in medic. systemat. Tom. III. sect. 2. cap. 4. qui quatuor medicamentorum summa genera docens, alterantium nomen illis reliquit, quæ materiæ vitiosæ corrigendæ dicata sunt, & ab iis sejungit, quæ solidorum statum roborando & excitando, aut remittendo & sedando, mutant. Quæ divisio ut rei naturæ convenientissima, & docentibus ac discipulis aptissima est, quando de medicamentorum generibus agitur: ita non videor mihi contra mentem illustris venerandique præceptoris agere, qui alterationis vocabulum in tractatione mixta, scilicet pathologica & therapeutica, tam amplo sensu accipio, ut lædentium æque ac juvantium momentaneis effectibus conveniat.

§. I I I.

Momentaneas alterationes dicendo, intelligo illas, ubi inter tempus causæ corpori allapsæ, vel quocunque modo insinuatæ aut illatæ, illiusque conspicuum effectum, sive salubrem sive insalubrem, nullum omnino intercedit notabile intervallum. Atque hujus generis non pauca notantur in vita hominum, ubi a re audita, visa, odorata vel ore assumpta, ipso illo momento affecti exsternantur, concidunt & vitæ suæ ipsimet ignari, alios de ea dubitantes, aut non multum boni sperantes

reddunt. Et quamquam ab illo initio continuo augescentes lusiones sæpe progrediuntur, & gravissimos effectus tandem producant; ut finis seu eventus istiusmodi momentaneus non possit dici: quoniam tamen cum initio, perpetua & necessaria serie, coheret eventus posterior; non vereor ne litem mihi de nomine quisquam moveat.

§. I V.

Quum multa occurrant istiusmodi alterationum exempla, quas momentaneas optimo jure dicas: haud scio an me reprehensurus quisquam sit, si dixerò & gravissimas & frequentiores esse, quæ initium capiunt ab aliqua causa, quæ auditum & visum afficit: maxime si, quod vix abesse in his binis solet aut potest, animi magna & improvisa commotio jungatur. Sic pleraque exempla gravissimarum passionum præbent feminae, præcipue gravidæ aut menstruæ, quas incurrerunt subita tempestate exorta, quæ magnis tonitruis aut fulgetris vel in ipsas ædes, quas habitaverunt, vel vicinas delapsis, incendiove excitato periculum magnum adduxerunt, aut minatæ fuerunt. Deinde conspicientes oculis suorum, quibus tamen succurrere non possunt, maximum & improvisum periculum; tantoque magis læduntur & afficiuntur, quanto securioribus & tale quid minime expectantibus tam tristitia obijciuntur oculis.

§. V.

Sed & per olfactus & gustus sedes in nos primum delata, ipso momento, quo tam breve iter trajiciunt, incredibiles sæpe effectus perpetrare solent, tam ad juvandum excitandumque, quam ad animi deliquia, strangulatus uterinos, epilepticas convulsiones, mentis perversiones alienationesque subitaneas inducendum. Tandem etiam tactum accensere debemus illis fenestris, per quas mors cum morbis subire vitalem œconomiam valet. Non multa, fateor, specimina occurrunt, quæ satis clare comprobent tactum, quatenus organum sensus denotat, & in manu eminenter collocatus est, momentaneas producere aut potius primum suscipere & in universum corpus diffundere & propagare posse alterationes. Nam quod frigus, calor, humiditas, siccitas, horumque vicissitudines brevi tempore sibi succedentes potenter agant & celeriter, nemo negaverit: dubitabunt tamen plerique, an hic magis in humores alteratos & hinc per totum corporis habitum undique ad interiora recurrentes causæ conjicienda sit, quam in tactus organum, per se & privatim patiens.

§. V I.

§. V I.

Enimvero omnem eximit animo dubitationem, quod apud gravissimos scriptores, tam veteres quam recentiores, consignatum de torpedine pisce legimus. Tantum scilicet scribunt vivæ vim inesse, ut retibus capta, antea quam manu attingatur, manum lacertosque piscatoris stupore non modico afficiat. Quin si quis contum vel hastam mari immiserit, illaque hunc pisce attigerit, celeriter stupor manum corripit. Ex quo factum est, ut jam a bis mille annis de tam singulari efficacia, per maris inquietas undas, per funes retium, per contos hamorum transmissa disputatum fuerit. Et ne manibus solum infestam putemus, etiam de pedibus nos certiores reddit *Plinius hist. natur. lib. 32. torpedo*, scribens, *etiam procul & e longinquo, vel si hasta virgave attingatur, quamvis prævalidos lacertos torpescere facit, & pedes, quamlibet ad cursus veloces alligat & retinet.*

§. V I I.

Videntur etiam tactui plurimum debere illæ alterationes, quas relatas legimus apud *Anselm. Boetium de Boot de gemm. & lapid. libr. 2. cap. 102.* & ex eo repetitas apud *Rob. Boyle de utilit. philosoph. experimentalis exercit. 5. pag. 279.* Scilicet *Boetius* apud illustres Baronem de Kniphausen didicerat vim insignem jaspidis rubræ, in menstruis impetuosius subito sistendis, quum femori alligata esset: ut & in vulnere pedis, quum nihil ad sanguinem cohibendum valeret, eandem admotam, etiam non tecto vulnere, hæmorrhagiam extemplo sustulisse. Harum curationum memor, quum virgo per sex annos menstruis nimis & impetuosius vexata, ut vix umquam hebdomada præteriret, quin aliquoties ipsi sanguis efflueret, quæque omne genus præsidiorum & medicamentorum frustra tentaverat, opem ejus implorasset: sepositis aliis omnibus utendam ipsi dedit jaspidem rubram, crebris experimentis antea spectatam, quam collo appensam gereret. Silitur illico sanguinis fluxus, nec redit, quamdiu gemmam gestat: si deponeret, interjecto non longo tempore redit, idemque, gemma iterum appensa, statim sistebatur.

§. V I I I.

Dantur etiam notabilia alterationum satis celerium specimina, in quibus obscurum est quis sensus potissimum primumque afficiatur. Refert illustr. *Rob. Boyle de insign. effluviis. cap. 6.* de virgine nobili quæ a rosis tantopere offendebar, ut etiam ignara nulloque sensu de præsentia earum admonita, anxietatem ad lipothymias properantem perciperet: cujus rei experimentum, in principissæ cujusdam aula captum, plu-

pluribus refert. Nota mihi est nobilis matrona, quæ feles jam adultos circa se pati potest: ubi autem exigui & nondum adulti conclave subeunt, maxime infciam illico admonent de sua præsentia anxietate cardialgica ad syncopen, nisi animalculum cito removeatur, progrediente. Forte tamen omnium maxime mirabile est, quod in viro illustri, & maxime forti animo ac corpore prædito, nostro tempore multis cognitum est. Is quum omne pomorum fructuumque horarum genus sine offensa ferat, ab una tamen pomorum specie, quam vocant *Herren-Äpfel*, tantopere læditur, ut, si ipso maxime infcio vel unicum in conclave, quo degit, inferatur, mox animi deliquio corripiatur: cujus rei experimentum in aula magni principis factum esse, multis referre possem; & longiorem sermonem liceret texere.

§. IX.

His momentaneam alterationem inducentibus proxima sunt, quæ admodum exiguo ab assumptione aut applicatione intervallo, vix uno aut altero horæ minuto longiore, corpus aut mentem mirifice alterant & pervertunt: utinam sint, quæ æque certe & celeriter eam possint in statum integrum restituere. Nequissimum apud externos paratur unguentum, cui odores admisti pulchrum balsami nomen dederunt, cujus si vel tantillum, quod pisi magnitudinem æquet, subter nares hominis inungas, ex leviter in iram concitato reddet furiosum, feminae autem ad voluptatem blandis sermonibus paululum flexæ, omnem pudorem, omnem, quam sana ratio requirit, continentiae curam aufert. Eiusdem generis est perniciosum daturæ semen, cujus in sanæ rationis & conscientiae usu auferendo tam multa exstant, tamque infamia specimina, ut ab eo tempore, quo primum ab Indis ad nos mitti coepit, omnes libros medicorum querelis de maleficiis suis impleverit.

§. X.

Sufficiant hæc specimina alterationum momentanearum: quibus tamen nonnulla adjicere commode debemus, in ea, ad quam illico accedemus, indagatione proximæ causæ. Istud tantum monemus, quod in exemplis alterationum, quas concitati affectus subitanei intulerunt, longi esse noluerimus, quum copiose de illis a doctis viris pridem actum fuerit, ex quibus indicamus, qui ad longe plures remittit, b. D. D. Chr. Jo. Langium in binis dissertationibus, *de animi commotionum medica, & de mortuis ex affectibus*.

§. XI.

§. XI.

Atque has omnes alterationes, quando in titulo diximus fieri in corpore humano, illud utique vivum intelligimus; nam mortuum, præterquam putredinosi corruptivi, nullius motus capax est: has autem omnes alterationes, motuum tam in fluidis quam solidis, esse alias determinationes, quam brevi antea fuerant, manifestum esse existimo. Dum vivum dico, eodem ipso dico in tali statu constitutum, ut ærctissimus inter animam atque corpus nexus subsistat: proinde itaque animam minime excludimus, quippe per organa sensuum, animalibus functionibus utique servientia, tam quæ celeres mutationes ad pejorem, quam ad meliorem statum afferunt, corpori primum allabi diximus. Sunt præterea quam plurima facultatum animalium valde tunc alteratarum documenta: in illis utique qui sine sensu, motu, suique conscientia jacent. Quum vero hæc de anima disceptatio nihil, quod in sensu incurrat, adeoque convictionem sensualem, quæ in experientia esse debet, afferre possit, ex ulla parte præbeat; summique medici & philosophi in diversum longe hic abeant: statui mihi omnem hanc de animæ in harum alterationum eventu partibus & concursu disceptationem suo loco relinquendam, mihi vero illa supersedendum esse.

§. XII.

Jam ut mihi aditum ad hanc indagationem parem, experimenta quædam, cum ab aliis capta, tum a me ipso instituta, testibus semper adhibitis, recensere. Animal quodcumque recens macatum, si sanguis omnis, ablato capite, effluxerit, & modo nondum omnino obriguerit, in spinalem ejus medullam acum ad hoc satis firmam & commodam imprefferis, illico observabis motum aliquem, qui artus trahit & convellit. Hoc quum alii in aliis experti fuerint; ipsemet in ranis sæpius: nuper autem in cane, cui caput amputatum fuerat, omnisque sanguis effluxerat, tentavi, eo successu, qui omnium expectationem si non superabat, certe implebat. Puncturam enim factam illico excipiebant satis notabiles, quin celeres & vegetæ artuum superiorum commotiones: quumque retracta aculex eandem iterum imprimerem, moveri & contrahi semper easdem partes, quamquam semper imminutius, observabam. Quum vero ad lumbares vertebrae eandem acum postea adigerem, non licebat motum contractionis ullum conspiciere. Habeo a viro fide dignissimo, multisque annis Lipsiæ commorato, quod suo tempore id experimentum in homine violenta morte extincto, in almæ universitatis theatro factum fuerit, omnibusque admirationem moverit successus ejus.

§. XIII.

Puto me ex adducto experimento satis juxta colligere, quod & ante me docti viri tam ex illo, quam iis, quæ chirurgi in capitis vulneribus quotidie observant, didicerunt & docuerunt, esse scilicet inter corporis nostri partes ad motum suscipiendum nullas promptiores & celeriores illis, quæ a cerebro, membranæ ejus investitæ, proxime exeunt; tum vero quæ a medulla ejus per dorsi spinam demissa, iisdemque membranæ involuta, procedunt: denique illa, quæ majores nervorum ramos accipiunt aut membranas habent cum cerebri involucri proxime & immediate conjunctas, aut plures diversorum ramorum propagines nervosas, in ganglia plexusque coadunatas, deinde iterum de se emittunt & propagant. Qui autem nervi integumentis minime involutis prodeunt, ut qui a processibus cerebri mammillaribus per tunicam narium pituitariam distribuuntur, motui non æque apti sunt & destinati; sed tanto interiori ad animalis facultatis sedem accessum præbent: unde odores ad vires refocillandas plurimum valent, & efficaciam celerem exerunt; sed & non minus perniciosi atque nocentissimis exhalationibus portam aperiunt.

§. XIV.

Olfactus atque gustus organum arcte inter se coherent: quod vitæ quotidianis experimentis cognitum est, etiam illis, quæ medicinæ omnium minime vel gnari vel curiosi sunt. Efficiunt autem illam cognitionem, & notabilem officii communionem, nervi ab eodem pari quinto exorti, quorum pars magna ad superiorem maxillam, nasum, palatum, uvulam, partesque cum his connexas, distribuitur: sed nec minor portio maxillæ inferiori, præcipue autem linguæ, impenditur. Et quamquam sunt hodie, qui, sub celeberrimi viri ductu, officium gustatorium, huic quinti paris propagini ablatum, in nonum par, quod alias linguæ motorium habebatur, transferunt: nescio tamen, quam id juxta faciant, & an gravius pro suo gustatorio vel argumentum vel experimentum attulerint, aut auferre possint, quam quo *Realdus Columbus*, excellentissimus anatomicus, omni, ut mihi videtur, dubitatione majori documento, ab experientia rerum magistra ducto, quinti paris officium luculentissime comprobavit *de re anatomica lib. 15. p. 264.* edit. venet. fol. Quanquam enim iste doctissimus anatomicus adducto loco de pari quarto loquitur: neminem tamen offendere hoc debet, qui novit, quam non longissimum tempus effluxerit, ex quo olfaciendi officium istis per os cribrosam trajicientibus cerebri portionibus medullaribus, tunicam narium subeuntibus, attribuere coëptum fuit.

§. XV.

§. XV.

Jam igitur mirari tantopere non debemus, si nervi tam propinqua via e cerebro egressi, deinde ita a natura conditi, ut debeant ab oblati immediate, quamvis subtilissimo modo, quem potissimum *Marcellus Malpighius* docuit, contingi, atque hinc in se factam mutationem ad sensorium commune deferre; ubi in debilitatis grato quodam & analeptico excitante contactu fuerunt, non solum in naribus & oris partibus substantem effectum exerant, verum etiam illico & celerrime ad sui originem, cerebrum puto, transmittant. Accedit, quod effectum eorum, quæ in nos per olfactum gustumque delata sunt, magis propagari oportet, gustatorii seu quinti paris per complures partes distributio, quum non solum variis oculi partibus, verum etiam faciei plerisque sese immittat. Omnium autem maximum est, quod pro nervi intercostalis compositione in ipso adhuc cranio partem largitur, qui deinceps juxta spinam dorsi per thoracem & abdomen latissime decurrens, & cum vago pari omnibusque spinalibus infinitis sese modis & locis conjungens, fere omnium in corpore plurimum admirationis impensæque indagationi operæ pretium reddit. Et quemadmodum de gratis atque amicis illud apertum est, ita non minus manifestum & ex parte antea jam monitum, quod noxia sese haud minori facilitate hic insinuare atque hinc diffundere longe lateque possint.

§. XVI.

Videtur autem nec injucunda neque inutilis quæstio, quidnam istud dicere debeamus, quod se per gustum odoratumque nervorum extremis papillis applicat, & quo pacto in illas agat? An substantialiter aliquid nervos subeat; an vero tantum tractio, stricturave, vel e contraria parte remissio tonique destructio fiat? Sic quando perpendimus, quam sevos effectus in nos edat tonitru, vel improvise vel gravius solito auditum, fulgurque aut incendium, vel alia res terribilis visa auditave: vix quisquam erit, cui non absurda molens videatur, qui aliquid substantiale & materiale vel suspicari hic velit & requirere. Enim vero ut in illis, quæ per auditum visumve concussa & quasi prostrata sunt, prorsus existimo motum tantummodo profunde pertinaciterque alteratum in culpa esse, ita tamen spero, me effecturum, ut excusatus videar statuere, quod in effectibus, qui ab odoratu, maxime autem gustu pendunt, etiam materialis quædam substantia nervos intret & per hos in corpus celerrime dispergatur.

§. XVII.

Quibus id argumentis inductus mihi persuaserim, paucis expediam. Audiveram *D. D. Presidem* non semel auditorio suo recensentem experimentum, quod ante hos 25 annos, in corona multorum commilitonum, instituerat, animo certe nil minus, quam præoccupato. Scilicet legerat in dissertatione quadam inaugurali apud Belgas habita subijunctum corollarium, quo provocabantur omnes anatomici, ut darent, si possent, rationem, qui fieri queat, ut, si cani vivo vegetoque crus integrum uno impetu amputaretur, atque sub ea, quam evenire necesse est, hæmorrhagia paucæ guttulæ liquoris cujusdam styptici rubri ori indantur, momento plane, absque ulla deligatione aut arteriarum constrictione per filâ obducta, impetuosus ille fluxus subsistat. Videbatur hoc magnum & admirabile: obversabatur tamen animo, quod arteriæ difficilæ, motu contractionis, per validum stypticum inducto, retrahi & ab circumjacentibus partibus comprimi potuerint. Existimabant itaque patroni & amici, cum quibus de hoc argumento collocutus fuerat, dubio huic esse obviam eundem ea providentia, ut arteria non discinderetur, sed incideretur commodo ad arteriotomiam instrumento. Procuraverat inter hæc amicus, ipsemet medicus, liquoris hujus sufficientem quantitatem ex Batavis transmissam. Cum omnia jam necessaria ad manus essent, cani ex venaticorum genere, mensæ commode alligato, cutis in summo crure aperiēbatur, & quantum necessarium erat, deducebatur, ut arteria libere conspiceretur. Infigebatur vulnus, saliebat sanguis longe lateque in altum, & arcum bene longum faciebat. Hoc viso fibulatum lorum ori circumductum momento aperiēbatur, & cochleari, quo saccharum infusis calidis admetiri solemus, infusæ guttæ forte triginta ori immittebantur. Momento subsistebat sanguis; & vulnerato loco thrombus coagulatus superstabat. Non longo tempore interjecto ipsa liquoris conficiendi formula cum *Exc. D. D. Joanne Junckero* communicabatur, ad cujus præscriptum *D. D. Præses* prorsus similem & experimentis pluribus comprobatum elaborabat, ex hæmatite præparato, crystallis tartari & aceto bono destillato diu una digerendis, donec acetum colorem rubrum saporemque bene stypticum acquirat: quo facto modica spiritus vini quantitas successive additur.

§. XVIII.

Quum hoc experimentum semel iterumque repetitum, sæpiusque a *D. D. Præside* in prælectionibus suis laudatum esset, in mentem venit alicui amico meo, annon idem possit effectus impetrari alio quodam liquore styptico, quorum in officinis aliqui haud contemnendi semper pro-

prostant, aut non magno temporis impendio parabiles sunt. Sumisit itaque illum liquorem martialem, in dispensatorio Borussæ Brandenburgico sub hoc titulo descriptum, scilicet qui paratur ex residuo a floribus salis ammoniaci martialibus in cella per deliquium soluto. Hunc cani, ut decet, ligato ac sanguine per apertam arteriam saliente, ori infudit, atque omnino eundem inde effectum observavit. Ipsemet tandem, ante mentis forte spatium, utriusque liquoris, tam styptici rubri Dippelliani (ad hunc enim auctorem refertur) quam dicti martialis experimentum cepi: omninoque de successu certus sum: quanquam non diffiteor mihi efficaciorē visum fuisse liquorem martialem, illo styptico Dippelliano: cujus culpam tribuo aceti, minus quippe, quam volebam, generosi imbecillitati.

§. XIX.

Nescio annon maxima admiratione in his experimentis dignum sit, quod stypticus liquor momento ab ore ad crus satis distitum pertigerit. Pertigisse autem effectus docebat. Erat enim in ore inflicti arteriæ vulneris conspicuus thrombus, seu tenaciter coagulati sanguinis grumus, leviter fastigiatus, qui, instar epistomii, vulnus obturabat, atque egressum sanguinis omnino prohibebat. Jam mihi plane videtur, si infusus ori liquor tantum in solidas partes egisset, easque, nervis in ore ac œsophago fortiter strictis, deinceps momento procurrente motu, etiam in reliquo corpore valide adduxisset; meram labiorum vulneris constrictionem accidere debuisset. Quum autem effectus in sanguine coagulatorius, qualem fortia tantum acida producunt, in oculos clarissime incurrit: quis non miretur momentaneam celeritatem delatæ ab ore ad crus medicinæ coagulantis, quæ profecto non potuit per ordinarias vias ad œsophagum primum venisse, deinde per lactea aut lymphatica vasa ad sanguinem deducta fuisse, quantumvis rapidum nobis per has partes assumptorum progressum nunc velimus fingere, quem alias placidissimum & lentissimo gradu succedentem omnes physiologi nobis proponunt.

§. XX.

Enimvero objicies nobis, quod parum vero similia sint, quæ de medicina styptica, per nervos celerrime provecta ad arteriam vulneratam, diximus. Antiqua est, & toties repetita oblocutio, quod in nervis cavos ductus ostendere non liceat. Non reponam hoc loco sæpius responsa, quod non omnino aut fieri nequeat aut umquam factum sit, ut conspiceretur ex majoribus nervis discissis alicujus humoris effluxus: sed ipsius postulati iniquitatem tantum ostendam. De nervis, mollibus utique & porosis partibus, tam inexorabiles sumus, ut progressum alicujus

fluidi per illos nolimus admittere, nisi ostendantur ductus cavi, per quos seta aut stilus immitti forte possit, quum de ossibus, longe certe durioribus & rigidioribus, nemo dubitet, quin fibræ eorum cavitatem habeant, per quas influat, quo ad vitalitatem eorum conservandam, & ad augenda illa secundum omnem dimensionem, a prima inde ætate ad consistentem opus est. Fracta ossa, quando adducta materia, quæ in callum abit, confervent, annon probant esse fibras, diaphysin eorum constituentes, quantumvis videantur compactæ rigidæque, ductibus cavis, per quas tenuissima lymphæ adfluat, præditas?

§. XXI.

Suspiceris forte non per fibras ossium diaphysin constituentes illud fluidum, sed a periosteio suppeditari: adeoque ad id, cujus causa ossæ fibræ porositate adduxi, comprobandum eam non quadrare. Enimvero causa non cadam, etiam si liberalis sim in largiendo tibi quod postulas. Superfunt enim mihi, quæ in praxi toties visæ sunt, in medio diaphyseos durissimorum ossium exorti veri magnique tumores, in quibus tandem arte chirurgica apertis collecta humiditas mensurabilis ac ponderabilis deprehensa fuit. Qui in eboris elaborant artifices haud exiguo damno suo subinde incidunt in tales durissimi ossis abscessus: quorum unum, qui multas uncias limpidæ aquæ continuit, D. D. *Præses* vidit Norimbergæ apud b. D. D. *Goetzium*, apud quem ad invisendum diverterat, quum artifex recens inventum, & adhuc bona humiditatis quantitate intus servata caute excisum eum adferret. Qua occasione plura in eboris media & durissima parte enata abscessuum specimina, ab artificibus redempta, non sine admiratione conspexit.

§. XXII.

Et annon quotannis nobis obversantur arbores, justo tempore succo turgentes, ut ad integras pluresque mensuras intra paucas horas eum possis educere: v. g. betulæ, juglandes. Erras si per corticem eum putas emitti: videas enim in Germania inferiori & Livonia mea, ubi præ ceteris betulæ & multæ & annosæ sunt, pro succo colligendo & exhausto veris tempore truncum earum magnis & profundis excidi cavitatibus. Et qui ex juglandibus aquam limpidam sapidamque cupiunt, Januario mense ex majoribus radicibus unam ad medullam usque perforant, sicque in vas commode apteque appositum, si ceteris recte prospectum sit, aliquot mensuræ succi confluunt. Si autem vel juglandem vel betulam alio tempore succi obtinendi causa sollicites, lignum ejus siccum invenies, & non multo plus humidi, quam ex arida pumice, obtinebis. Eandem arborum siccata ligna ferriariorum, tornatorum, doliariorum eleganti-

elegantioribus & firmioribus operibus idonea reperiuntur. Ebur autem quam firmum durumque sit, quid attinet hic multis inculcare?

§. XXIII.

Sed ex levi diverticulo in viam æque ad nervos redimus, visuri quid celerem decursum & momentaneam propulsionem intra ipsorum poros ductulosque receptorum valeat efficere. Diximus antea illos nervos, qui per organa olfactus gustusque distribuuntur, ita fuisse a natura fabricatos, ut involucris porosis obducti & reconditi sint, per quæ odorabiles & gustabiles particule, penetrantes ad papillas nervorum extremas atque subtilissimas, eas immediate & substantia sua adficiunt. Jam itaque si blanda, naturæ amica & non nimis confertim illata illa sint, effectum blandum & œconomix vitali commodum edere valent: ut quotidie videmus ex odoratorum, spirituosorum, vinique vel aceti tempestivo usu, ut & ore hausta & in illo tantum detenta efficaciam jam edant optabilem. Sic animo defecti præ imbecillitate, jam recreantur, quando analepticum ore tenent: aut naribus admota odorabilia obversantur. Fit inde perspicuum, quod ad nervos immediate accedant: quod autem intra illos de talium substantia aliquid recipiatur & per corpus celeriter distribuatur, experimentis adductis credimus comprobasse. Superest itaque una quæstio, quid sit in nervis, quod tam celeriter impellat & distribuatur receptorum sive laudabiles sive noxias vires.

§. XXIV.

Nihil autem vereor omnem hunc fructum tribuere maximo artificio constructis gangliis nervorum, quorum fabricam atque usum sagacissimus atque accuratissimus anatomicus Jo. Bapt. Morgagnus, *advers. anatom.* 2. magis, quam ante ipsum quisquam, illustravit: exquisita autem & luculenta dissertatione explicavit illustrissimus etiam post fata Jo. Mar. Lancisus. His duumviris docentibus istud novimus, esse ganglia veluti corcula quædam structura musculari composita, arteriis suis venisque, per tunicas exteriores ad interiorum substantiam admissis, prædita, unde accipiunt vim semet contrahendi, & contentum appulsumque liquidum, vegeto motu, quasi ejaculandi. Atque sane notabile est, quod ad ganglium paris intercostalis supremum, ubi a pari vago insignem ramum accipit, eodem loco non minor ad linguam excurrit, per quem utique communicatio manifesta & in oculos incurrens prima perficitur, quæ autem deinceps, usque ad ganglium secundum, in thoracis suprema regione jacens, per complures alios nervos ab lingua, oris palatque partibus sapissime augetur & intenditur. Cumque nunc exinde per thoracem & abdomen ita pergat hic intercostalis nervus, ut, non dicam singulis nervis

vis a spina exeuntibus fila impertiatur, sed in arteriarum venarumque singularum tunicas sese immergat, easque variis modis stringat, inve-
stiatque, non video, cur fieri non possit, ut intra vasa, vasorumque
tunicas aliquid deponant ex eo, quod intra se receperunt. Sic acidas pe-
netrantissimas, itidemque stypticas subtilissimas particulas ad arteriam
vulneratam perduxisse, atque in ipsa vulnerata tunica arteriæ effluenti
sanguini admiscuisse, atque sic coagulum induxisse, mihi prorsus persuadeo.

§. XXV.

Atque eadem ganglia mihi prorsus videntur haud minimam partem ha-
bere in effectibus aliarum medicinarum, subito, vel ad sanitatem vel per-
niciem, aut magnam læsionem corporis operantium. Ex quo tempore salis
ammoniati commendatio ad curandas febres intermittentes coepit scriptis
divulgari, visum fuit hic quoque accidisse, quod in infinitis aliis, ut,
si nimis ampla & universalia promissa minus spei respondeant, ad medi-
camentum, ut loqui solent, rectificandum & exaltandum animus adji-
ciatur. Id hic quoque factum esse rerum documentis patet. Primo flores
simplices expetebantur. Quum hi prodigiosas curationes non facerent,
adhibebantur citrinescentes martiales. Tandem, ut non quiescere sole-
mus, donec ex bonis nimium bona, sed bonæ valetudini tanto omina-
siora, arte procudamus: elaborati sunt flores hi cum hæmatite facti,
aurantii obsoleti coloris: quorum usu quum unus itemque alter momento
ipso, quo ore acceperat, gravi somno obrutus, nihilque sui conscius
jacuisset, atque deinde evigilasset febre solutus: mirum in modum en-
comiis ferebatur hoc sulphur anodinum. Sed quum pergeretur alacrius,
accideretque ut vir senio propior iisdem floribus acceptis obdormiret,
numquam evigilaturus, sicque a morbo in perpetuum liberatus libitinæ
commendandus esset: cito, & merito quidem, desit illius medicinæ fi-
ducia, factumque deinceps fuit, ut sollemnissime inter venena narco-
tica scriberetur.

§. XXVI.

Quorsum hæc valeant adducta, paucis dicam. Momentanea narcosis,
omniumque sensuum feratio, in sensus incurrit. Si quis medicamentum
vel minima quantitate gustu exploret, profundissimam adstrictionem,
tantum non strangulatoriam, ori & faucibus illico impressam diuque
inhærentem, non sine vertiginosa ad caput congestione experietur. Idem
tamen esse volatile docet ejusdem confectio: nam si encheireses probe te-
neantur, non solum facile & mediocri igne, sed copiose & confertim
adscedunt flores isti. Et quoniam illud martiale, quod tantopere, ad
stran-

strangulationem usque, adstringit, cum salino solubili & per se pene-
trante conjunctum est, vehiculoque solutum exhibetur; illico se poris
linguæ, palati, faucium & oesophagi insinuat, per omne nervosum ge-
nus diffunditur, ganglia plexusque vehementi sua adstrictione contrahit:
a quibus vicissim tunice arteriarum ad superficiem excurrentium angustan-
tur, ut humoribus illuc excurrendi libertas magna ex parte adimatur, in-
tus autem intra majora vasa acervati hæreant, ad cerebrum copiosius ir-
ruant, oppletisque vasis corticalem substantiam intrantibus medullarem
substantiam, ex qua prima nervorum stamina producuntur, premant: il-
laque durante stuporem illum seu effectum narcoticum, inducant & susten-
tent.

§. XXVII.

Si inter hæc fiat, ut vis naturæ corporeæ, per acervatos in vasis hu-
mores, excretoria organa recludat & perrumpat, ibique effluxum & exi-
tum, cum medicinæ salinis permixtum adstrictorium habenti, tum simul
halituosis aliisque in morbo acervatis sordibus inveniat atque aperiat: sa-
lutem ægrotus recuperat. Quod si vero in corpore humoribus superone-
rato, viis non facile expediendis, humoribus autem ad motum non dis-
positis, eadem accidant, rem ad eventum apoplecticum decurrere minime
debemus mirari. Videnturque in hoc genere majoris periculi, quæ cum
volatili expansivo principio profunde adstringens una habent: quam quæ
sine illo turgesciens tantum & orgasticum possident. Certe ab oleo animali
Dippeliano, quin spiritu cornu cervi probe facto, visi sunt homines epilep-
tici, aut febre intermittente laborantes, si justo tempore ante paroxys-
mum data fuerint, profunde sopiti aliquot horis jacuisse; tandem cum ex-
sudassent, expergefatti cum euphoria fuerunt, neque tamen, quod ad
meam notitiam pervenerit, quisquam inde funestum soporem contraxit.

§. XXVIII.

Quum de medicinis momentaneum effectum edentibus sermo sit, non
possum quin inseram specimen notabile, quod *D. D. Præses*, præceptor
omni obsequio ætatem colendus, cujus fideli institutione in quintum jam
annum, ædibus autem & convictu per tres admodum annos magno cum
fructu usus sum, doctrinæ & admonitionis causa subinde recensuit. Scili-
cet puerulo semestri paululum majori, quum miserandum in modum per
aliquot horas ejulasset & abdomen contorqueret, injecta autem enemata,
atque nescio quæ alia exhibita, parum conspicuæ opis tulissent, suasu ma-
tronæ cujusdam petebatur ex pharmacopolio pulvis, cujus effectum opta-
bilem in aliis sæpe spectasset. Dabatur modica quantitas: quæ vix ori in-
fusa fuerat, quum puellus in medio ejulatu tamquam obmutesceret, ocu-
los clauderet, somnum placidum caperet. Quam id optabile initio fuerat
Disput. Medico-Pract. Tom. VI. L 111 vi

vilum, tam sollicitos reddebat parentes momentanea mutatio & somnus, quantumvis placidus, ultra octavam jam horam continuus. Advocabantur, quotquot haberi poterant medici, qui metum eximebant, quum libere respirantem & bellissime transpirantem viderent. Examinato pulvere, qui ex epileptico M. speciebus diatreos & saccharo penidio concinnatus & guttula una vel altera laudani liquidi Sydenh. concinnatus fuerat, inveniebatur centesimam forte grani unius opii partem fuisse, quæ tam momentaneum, tamque conspicuum effectum ediderat. Quum post aliquot interjectos dies eadem in pulsione exacerbatio dolorum accederet, jamque medicina confidentius daretur, vix conspicuum fuit, quod fructum adferret eadem quantitas; & altera tertiaque demum dosi profectus sentiebatur.

§. XXXIX.

Hactenus de nervis primas regiones, quas medicinæ subeunt, perreptantibus, atque vires earum primum in se recipientibus, loquuti sumus, quantum necessarium visum fuit ad indagandas rationes momentaneorum, quos producant, effectuum. Non fuit propositum nervorum, iisque appositorum gangliorum omnem doctrinam evolvere; aut ab iis pendentium alterationum non æque momentaneorum censum agere. Quod cogitans benevolus lector veniam dabit, si ad pathologiam atque praxin utilissima plura, quæ docti viri *Willisius*, *Vicussenius*, atque hos omnes longe supergressus *Lancisus*, in hanc rem attulerunt, sicco pede a nobis prætermittam animadvertit.

§. XXX.

Supereft nunc ut dispiciamus, si quæ supersint celeres subitæque alterationes, quæ ad censum earum, quas tractavimus, haud commode videntur referri posse. Scilicet loquuti fere sumus tantum de illis, quæ excitantur, quando per odoratus gustusque vias nervi immediate affecti mutationem aliquam susceperunt & propagaverunt ulterius. Videntur his fere contraria, quæ in nervorum extrema, cuti intertexta, primum incidunt, & effectum ad interna propagant. Quæ de torpedine §. 6. attulimus, quantum ad historiam pertinet, puto indubia esse: tanto autem magis admiranda, quia non nisi vivæ illa vis est, mactata autem inter mensarum delicias habita fuit. Sed quod nostris regionibus dispiciendi de his atque indagandi copia omnis adempta est; & antiquus auctor, qui ostendit in quo illa vis sita fuerit, ad nos non pervenit: cum iusta excusatione hæc omitimus. Pariter despero de invenienda ratione individualium alterationum a rosa, fele, pomo certæ & determinatæ speciei: quare nec his expediendis frustra insudabo.

§. XXXI.

§. XXXI.

Quotidiana sunt exempla celerium magnarumque alterationum, quando corpori bene calenti ac transpiranti, animo autem securo & nihil adversum expectanti, aliquid accidit contrarium, ut magno frigore afficiatur aut humiditate simul ac semel perfundatur. Atque quo magis quisque infuetus est talium, tanto magis graviusque ab illis afficitur: quum aduetis etiam ex ferventi balneo in fluvium, hiberno ipso tempore, se immittere atque natare, deinde in hypocaustum fervens redire, non solum impune sit, verum etiam ad corporis firmitatem & alacritatem conducat: quod inter Russos toto licet die oculis arbitrari. In plerisque, quibus male talia cedunt, terror subitus concurrit, & plurimam partem in læsione hinc orta sustinet. Sed si demamus illum, contrarii effectus caloris blande expandentis & ad superficiem pellentis; frigoris autem superficiem constringentis & ad interna pellentis, solidis vero partibus angustationem & corrugationem inducentis, manifesti sunt. Hinc fit ut hæmorrhagiæ sæpe nimis cito hac arte supprimantur: sed non raro gravissimos post se affectus relinquant: ut in naribus polypos, ut & in utero: hæmorrhoides autem ita supprimant, ut mox tubercula dura, pulsantia, suppurantia & in fistulas aut abeuntia producant. Possemus, si tempus permitteret, notabiles casus dare, quibus tristes hi eventus clare comprobati fuerunt.

§. XXXII.

Sed hæc valde nota, & quotidianis exemplis sæpe nimis spectata, mitimus. Paucis autem dispiciemus quam firmæ sint eorum rationes, qui in jaspide aut hæmatite exterius applicatis, præter frigoris effectum, nihil volunt admittere. Enimvero sententiam illam fida observatio refutat. Supra §. 7. adduximus ex *Anselm. Boetio* virginem, cui jaspis rubra ad nimiorum mentium vitium corrigendum fuerat proficua. Ut autem judicari possit, quod frigori lapidis nihil tribuendum sit, non gravabor adscribere auctoris verba. „Jaspidem - - illi commodato do, ut collo appensam gerat. Paret illa, sanguinisque fluxus illico sistitur. Gestat per aliquot hebdomadas; non redit fluxus. Cum itaque se pro fus curatam opinaretur, deponit gemmam: post paucos dies redit fluxus: iterum appendit jaspidem, cujus beneficio mox liberatur. Cum vero singularem hujusmodi facultatem & divinam miraretur, ut mihi retulit, experiundi gratia aliquoties a collo deposuit gemmam, ac semper animadvertit redire fluxum, nec curari, quin iterum appenderet. Observavit tamen non statim, seposita jaspide, redire, sed post multas prius elapsas hebdomadas: appensa tamen statim sisti, ita ut nulli alii causæ fluxus inhibito adscribi ab illa potuerit, quam jaspidi”.

§. XXXIII.

Non gravabor adscribere prorsus parallelam huic observationem *Rob. Boylei* ex fine tractatus, cui titulum fecit *de atmosphæ. corpor. consistentiis*. „ Vidi, inquit, lapidem penes academicum quendam mihi notum, quem, „ si oculis fuisset habenda fides, agatem judicasset, non hæmatitem, adeo- „ que non credidisset aptum ad medica effluvia, vehementi hæmorrhagiæ „ sistendæ accomodata, communicandum, nisi, qui eum gestabat, mor- „ bo illi fuisset obnoxius, seque ipsum & alios hoc lapide cervici appenso „ pluries curasset: quem si deponeret, ut quandoque experimenti gratia „ scitabat, temperamentum ejus perquam sanguineum, cui geminum raro „ vidi, ipsum paucorum dierum spatio in recidivas conjecit. „ Judicem nunc „ ipsum benevolum lectorem facio, possitne hic frigori, si ve jaspidis si ve hæ- „ matitæ, causa cohibitarum hæmorrhagiarum tribui. „ Esto frigidus hos esse „ lapides, quando cervici appenduntur: quam paucis momentis opus est ad „ expellendum frigus, caloremque suscipiendum, si ex collo, sub vestimen- „ tis, dependeant. Et an vero videri potest simile, tales lapillos per menses „ annosque gestatos, frigiditate sua, quam olim habuerunt, continuo juva- „ re. Ceterum paucis addo in talibus eam adhiberi debere judicii moderatio- „ nem, ut non illico adspernemur omnia, si non quævis obvia jaspis, aut „ quivis hæmatites, parem opem ferant. In omnibus istiusmodi externis no- „ tatur, quod non æque duriore homines afficiant, ac teneriores & majori „ sensibilitate præditos. Deinde ipsi lapides mirum in modum differunt, quod „ exemplo magnetis cognoscas. Omnes enim norunt esse inter illos, qui ferri „ modicum pondus attrahunt & sustentant: dari autem nobiliores atque pre- „ tiosiores, qui tantum pondus sustinent, quod proprium suum pondus quin- „ quagies, immo, ut *Rob. Boyleus* auctor est, octuagies æquat. Quam ta- „ men ejus virtutem nemo a priori, ut loqui solemus, per sensus cognoscit: „ sola experimenta indicant & comprobant.

§. XXXIV.

Sed ad finem tandem properamus, atque ex longo ordine dictis aliquas „ conclusiones ducimus, quas in arte versatorum judicio submittimus. Dica- „ bimus §. 4. longe gravissimas esse læsiones, quas inducunt alterationes mo- „ mentaneæ feminis gravidis ac menstruatis. Facile esset plura colligere ac ad- „ ducere ex optimis observatoribus exempla gravium convulsionum, ab hoc „ initio ortarum, nævorum etiam corpori fœtus gestati impressorum, atque „ abortuum: sed unicam mihi probe notam pro exemplo dabo historiam. Fe- „ mina juvenula, quæ ætatis suæ anno 18. primum pepererat, quum ute- „ rum iterum tertio mense gereret, & mæsis tempore omnes domesticos in „ agrum dimisisset, sola domi relicta, oborta gravissima tempestate, cellam „ pro-

profundam subibat, quo minus fragorem tonitruum exaudiret & fulmini- „ bus terreretur. Sed cum fulmen in propriarum ædium tectum decideret, „ magnamque frontis earum partem summo cum fragore dejiceret: isto tanto „ terrore penitus exterrita in syncopen incidit, & abortum fecit. Ab eo „ tempore, quoties conceperat & ad tertii mensis medium accesserat, abor- „ tum toties experta est, ut, si recte memini 23. immaturos fœtus ejecerit. „ Nulla fuerunt artis præsidia omissa: consilia celeberrimorum medicorum, „ integrum volumen conscientia, præstantissimæque medicinæ omnino nihil „ profecerunt. Infelix femina tandem melancholica facta & cachectica, finem „ tot calamitatum optatissima morte invenit.

§. XXXV.

Quum per nares & linguam tam propinqua sit ad cerebrum, atque hu- „ mores vitales nobilissimos via; medicus odoratum & gustum afficientia pru- „ denter in usum vocata, neutiquam adspernetur. Sunt hujus generis com- „ plura in officinis, quæ si individuis recte aptentur, insignem fructum lar- „ giuntur. Possunt ope spir. salis ammoniaci, aut mixtura hujus salis cum „ calce viva, exaltari. Sed aliis potius aceta, aut vinum arrident. Ipsumque „ vinum aut acetum, ore tantummodo detentum, si intro dare dubites, gar- „ garisatione juvant. Quam efficacia sint adstringentia volatilifata, patebit ex „ §. 17. lectione: quare vix opus est de cauto illorum usu admonere. Quin „ nec volatilia, sed satis fixa, ut terram Japonicam cum tinctura martis & „ modina mixtam, haud segniter vires suas per corpus diffundere: patebit „ ex illo casu, quem *Exc. D. D. Præses* ante complures annos cum publico „ communicavit, viri ab inconsulta hæmorrhoidum suppressione apoplexia „ extincti, cujus intestinum rectum cum bona coli parte, arctissime & an- „ gustissime constrictum inveniebatur. Opiatorum igitur cum adstringentibus „ vix videtur fieri faustum auspiciatumque connubium. Sed vere tutiora sunt, „ quæ & per se sunt purissima ac a fœcibus sequestrata, & deinde cum pur- „ gantibus aut emeticis non segnibus, ut veratro albo, scilla, sulphure au- „ rato antimonii, gutta cambodia, ut quodvis purgans morbo commodius „ videtur, rite combinata sunt. Hoc pacto correctæ opiata, præsertim alca- „ lino sapone adjuncto, ut in *Starckeyanis* pilulis, divinum sunt remedium, „ si modesto usu eadem adhibeas.

§. XXXVI.

Non quidem momentaneam, sed satis profecto celerem opem adfert „ etiam castoreum illis, quos rigida & pluviosa tempestas in graves spasmodi- „ cas contractiones conjecit. Novi exemplum viri proceræ staturæ & tamquam „ quadrati, robusti & cetera non certe in umbra molliter educati. Hic cum „ aperto curru, quales sunt apud nos veredariorum publicorum, injurias in- „ cle-

clementissimi aëris, ventorum frigidorum, pluviarumque pertulisset, dira corripiebatur colica, cum abdominis partium tam vehementi contractione, ut umbilicus omnino ad lumbos intus retractus esset. Totum proinde corpus in anteriorem partem rigide incurvatum erat, ut nullo pacto semet, non dicam erigere, sed vel tantillum movere posset, robustisque pluribus viris opus esset, qui admotis scalis de curru ipsum tollerent, inque proximam tabernam deponerent. Ibi quum momento quievisset, donec cyathum potus caffè appararent, & sibi, sæpius idem passo, familiarem medicinam, essentiam castorei afferrent, duas forte drachmas hujus essentiae simul ebebat atque pauculis momentis interjectis, jam aliquantum semet erigere, mox surgere, libere obambulare, atque in hospitium suum pedibus abire valebat. Habeo historiam a viro, qui coram omnia vidit & observavit: & forte ipsemet, cui id accidit, hodie superstes est. Medicus erat, doctoralibus infulis in hac academia ornatus. Adduxi autem casum, quia celeris alterationis & auxilii exemplum est, & ut cogitandum commendem, annon a castoreo minorem opem propterea plerumque reportemus, quod nimis paucas guttulas granave ægrotis admetimur. Sed rivos tandem hic claudo, benevolumque lectorem rogo, velit a me dicta in partem optimam accipere, suaque benevolentia & æquitate omnibus æqui bonique consulere.

F I N I S.

DANIELIS

C C X X

DANIELIS LANGHANS

D E

CONSENSU PARTIUM.

Gottingæ 10 April. 1749.

§. I.

Medico praxi operam daturus, sane non sine magna erit utilitate certa variorum illorum corporis humani consensuum notitia, cum magna gravissimorum etiam morborum pars unice per hanc illamve consensuum speciem in corpore nostro oriatur.

§. II. Per consensum autem harum partium nihil intelligimus, nisi ejusmodi harum partium inter se harmoniam, cujus ope sæpenumero contingit, ut, affecta una parte, alia eodem vel post aliquod tempus perinde male afficiatur. Idem erit genus consensus, si per certas causas in hac vel illa corporis parte aliquis producat effectus, deinde alius iterum in alia & a priori plane remota parte nascatur, qui primum affectum inter suas causas habet. Manifestissima harum rerum exempla sunt abscessus, qui post inflammatorium pleuritidis, pleuropneumoniæ, aliorumque morborum inflammatoriorum stadium, in certis locis superveniunt, uti inguinibus, glandulis parotidibus, aliisque etiam interne latentibus partibus. Deinde vomitus ab inflammatione aut a calculo renum excitati. Mammarum intumescencia, quæ tempore illo fit, quo foemina lochia fluere incipiunt, &c.

§. III. Omnes hi morbi, symptomata, atque effectus varii, qui per consensum aliquem in corpore nostro excitantur, ad sequentes classes commode referuntur: ad consensum scilicet tunicæ cellulosæ, quæ ubique per totum corpus regnat; secundo ad consensum vasorum, non solum rubrorum, sed & lymphaticorum, & serosorum: tertio ad consensum nervorum: quarto ad consensum partium quarundam, quæ fabrica simili inter se & structura gaudent: & quinto denique, ad membranarum consensum.

§. IV. Primam ad classem pertinent pleræque fere hydrops; hydrops nempe anasarca, hydrops scroti; hydrops cavi abdominis, Veteribus ascites dictus; hydrops pulmonum; hydrops asperæ arteriæ. Abscessus varii. Emphysema, sive aeris per vulnus aliquod in adiposam præsertim tunicam immissi, ibique rarefacti, per universum corpus mira distributio.

§. V. Hydrops *ana sarca*, ut nemo facile ignorat, est nimia aquæ secretio in adiposam telam subcutaneam, quæ iis maxime in locis colligi primo incipit, in quibus tardior paulo sit sanguinis per arterias in venas circulatio, quam in aliis partibus. Unde prima plerumque hujus mali sedes in imis est pedibus, a corde quippe omnium partium remotissimis, ex quibus per venas ad cor sanguinis motum valde imminutum esse oportet (a). Secernitur hæc aqua, neque per vasa lymphatica, neque, per

(a) Si aqua hæc unice in pedibus continetur, & haud ultra ascendit crura, tumoremque ibi aliquem laxum, album & mollem producit, vocatur *œdema*, vid. Lomii *Obsev. Medic. practic.* p. 268.

per serosa, quæ in imis pedibus nondum demonstrata sunt, sed per ipsos rubris continuos canales, qui per omnem subcutaneam cellulosa migrant: hæc autem ita fieri, demonstrant anatomicæ injectiones, quarum opæ cera, aqua, atque aer facillime in hanc telam expellitur (b). Ab aucta nunc hoc modo per aliquod tempus hujus aquæ copia in imis pedibus, vicinæ cellulosæ areolæ sensim sensimque replentur, quæ sequentibus simili ratione abundantem suam aquam advehunt.

§. VI. Hanc igitur ob causam certe haud difficilis nobis erit cognitu origo hydropis scroti, licet plerumque cum hydrocele pro uno eodemque habeatur morbo, quod manifeste autem anatomicis repugnat inspectionibus, uti mox videbimus.

§. VII. Sedes hydropis scroti est intermedia illa sine dubio cellulosa inter cutem & membranam, quam Græci proprio nomine *Scrotov* appellaverant. Est ergo hæc cellulosa mera continuatio cellulosæ subcutaneæ, quæ sub cute in corpore nostro ubicunque reperitur. Oritur hydrops scroti fere semper ab hydrope anasarca, dum aqua illa hydropica, quæ superiora crura inguina jam occupat, in tunicam externam cellulosa scroti, continuam cum cellulositate inguinum & femorum, lente sese demittit. Distinguitur hoc malum ab hydrocele, quod cutis scroti, quæ in sano homine rugosa est, nunc plane glabra & albicans appareat: deinde, quod tumor ille a distendente humore productus, mollis sit tactu, digitisque impressis facile cedat. In hydrocele autem cutis scroti haud glabra, sed tota rugosa apparet: tumorque hic elasticus est, & impressis digitis magis resistit: occupat etiam plerumque unicum tantum scroti latus (c).

§. VIII. Sed in hydrope anasarca a dispositione quadam cachectica corporis oriunda, non solum pedes & testes, sed tota subcutanea, & musculis etiam interposita cellulosa, ab ejusmodi aqua repletur: visa sunt aliquoties a BOERHAAVIO ipsa corpora cavernosa penis ab hac aqua distenta. Non immerito igitur inter alias curationes ab Auctoribus (d) profundæ superiorum femorum scarificationes commendantur, ad avertendam nimirum aquam illam in subcutanea cellulosa superiori contentam: hoc satis commode fieri posse, nemo non videt, nam omnes areolæ tunicæ cellulosæ ita inter se communicant, ut aqua, in una collecta, libere in vicinam exire queat.

§. IX. Sicuti in hydrope anasarca aqua ex imis pedibus ad superiora sensim sensimque progreditur, ita & hic contingere potest, ut aqua in

(b) Vid. Ill. atque, æternum mihi Venerandum *Præceptorem* in Comp. suo Physiolog. Cap. I. pag. 9. §. 20.

(c) Vid. Zachar. Platneri Institut. Chirurg. pag. 849. §. 863.

Boerhav. Aphoris. p. 300. §. 1227.

Heisteri Institut. Chirurg. pag. 8. 42.

(d) Frid. Hoffman. in Medicin. rational. pag. 323. Edit. Genev. Boerhav. Aphorism. p. 307.

externa peritonæi membrana collecta, proprio suo pondere versus pelvim descendat, & inde per varias hujus cellulosæ productiones vicinas partes adeat. Hæc ita fieri posse, ex decursu hujus cellulosæ perfecte omnino videbimus. Quando peritonæum ad conjunctionem sive symphysin ossis pubis pervenit, ubi supra vesicam urinariam sese conjicit, magna telæ illius cellulosæ pars, quæ extrinsecus hoc peritonæum ambit, discedit idem, atque per vesicæ latera ad prostaticam, urethram, & corpora ipsa cavernosa abit; potest ergo opæ harum productionum aqua hydropica in omnes has partes libere descendere, neque, ipsæ testibus circumpositæ cellulosæ, crurum, inferiorumque denique pedum subcutanea etiam cellulosa ab adfluxu hujus aquæ immunes manebunt: continuatur enim modo dicta cellulosa per hiatus illum abdominalem, quem multi, sed immerito quidem, anulum abdominalem vocant, usque ad testes, vasis spermaticis, & ductui deferenti instar vaginæ circumdata, quæ cellulosa deinceps testis vaginalem tunicam producit (f). Eadem ad superiora pervenit femora cum maximis vasis iliacis, quæ sub ligamento Fallopii transeunt, ubi iterum cum copiosa musculis femoris interposita, & adiposa subcutanea amplum satis commercium habent.

§. X. Duæ adhuc hydropum species nobis explicandæ veniunt, hydrops nempe asperæ arteriæ & pulmonum. Prior species sane vix differt ab hydrope anasarca, cum aqua illa simili ratione in cellulosa illa inter cutem & cartilagineam asperæ arteriæ partem media, primo ad certam aliquam quantitatem colligatur, & in vicinam continuamque paulo post cellulosa tunicam propagetur (g). Satis largam, valdeque dilatabilem esse hanc cellulosa, quæ inter cutem asperæque arteriæ faciem anteriorem reperitur, demonstrant pleraque fere huic parti inflicta vulnera, per quæ aer externus facillime eam subit, atque simul cum colli cute in tumorem aliquem expandit.

§. XI. Licet omnino valde raræ sint, hydropis pulmonum observationes, aliquoties tamen contingit, ut lymphæ, vel aquosa sanguinis pars, aut ex ruptis quibusdam lymphaticis vasis, aut ob similes forsitan causas, quæ hydropem anasarcam gignunt, in pulmonum cellulosa substantiam

M m m m 2.

per-

(f) Vid. Ill. *Præceptorem* in Comp. Physiolog. n. 776. nec non in Comment. Boerhav. Vol. V. P. I. pag. 289.

Clarissimi atque Eruditissimi Dni Doctoris Schobingeri Amici mei, omnium optatissimi & curissimi elegantissimam, utilissimamque plane Diss. Inaug. De Dignitate Telæ Cellulosæ in Corp. Humano, in qua subtilissime atque exactissime omnino totam hujus cellulosæ historiam nobis descriptam dedit.

Testium vaginalis hæc tunica certa hydroceles sedes est. Vid. Mr. Garengeot observ. de Chirurg. Tom. I. observ. 27. p. 461.

(g) Vid. Boerhav. Aphorism. p. 298. §. 1221. ubi de hac hydropis specie ita loquitur. Quin & aspera arteria auctiori & conspicua parte quacunque, vi lympham stagnantem colligens, Bronchoceles sæpe speciem exhibet.

perveniat. Hæc vasa a *Rudbeckio* descripta, a *D. Ferrein* & *Huandl* repetita, varia in pulmonum superficie reticula habent, quæ ad glandulas vicinas bronchiales migrant, indeque ad œsophageas, & abhinc denique in ductum thoracicum. Similes hydropum species reperiuntur vel in ipsa ovariorum mulierum cellulosa (*b*), aut in eorum cavitate interna, quas multi pro principi sterilitatis causa habent. Sic etiam in utero non infrequens valde ejusmodi hydrops, qui plerumque sub nomine hydatidum venit (*i*).

§. XII. Transimus nunc ad abscessuum historiam, qui per consensum tunice cellulose variis in corporis partibus apparere solent. Neminem esse, credo, qui nesciat, nihil esse abscessum, nisi congeriem purulentæ cujusdam materiæ, post prægressam aliquam inflammationem in loco affecto productæ, quæ ex affusis per rupta a nimia inflammatione vasa ultima liquidis, & liquefactis simul pinguedine fit. Sed alia adhuc observatur species abscessuum, qui, prægressa antea nulla plane inflammatione, certa quædam loca superveniunt. Hi vulgo *metastatici* appellari solent, atque duplicis sunt originis; alii enim pertinent ad vasorum consensum, de quibus suo loco nobis dicendum erit: alii ad consensum tunice cellulose.

§. XIII. Unum alterumque hic sufficiet exemplum, ad demonstrandam horum abscessuum originem, qui ad consensum cellulose tunice pertinent; nam sicuti pleræque hydropum species ratione suæ originis nihil plane inter se differunt, ita etiam & abscessus isti nullam adeo magnam differentiam admittunt. Demonstrabimus ergo, quomodo post pleuritidem nata in pleuræ externa cellulosa materies purulenta (*k*) in subcutaneam affecti thoracis lateris cellulosa possit pervenire. Duplicem hanc viam esse, per quam ejusmodi purulentæ materiæ fit translatio, docet *Anatome*. Prima est, quando pus arteriarum & venarum musculos intercostales perforantium cellulosa sequitur, quæ non solum cum intermedia horum musculorum cellulosa, sed & cum externa subcutanea manifestum commercium habet. Altera autem via est, quando pus ad angulum illum colla-

(*b*) Vidit *Boerhaavius* ejusmodi hydatides in ovaris mulierum, quæ octo & decem denique aquæ libras continebant.

(*i*) Hydrops uteri difficulter certe potest agnosci, uti optimus *Drelincourt* in epistola ad *Bonnetum* libere fatetur: accusat enim se ipsum, quod formosam aliquando, sed omnino honestissimam Virginem, cui mammae lacte incipiebant turgere, & ciborum jam aderat fastidium, drasticum petentem, repulerit ut gravidam, & medicamenta negaverit: mortua autem biennio post hac virgine, & corpore inciso, innocentiam ejus cum dolore detexit.

(*k*) Hos abscessus olim Aegyptii, si post diem decimum quartum subito dolor pleuriticus remiserit, scalpello, vel ferro ignito aperiebant. Vid. *Aræteum* lib. 1. de *Morb. Acut.* Cap. X.

costarum, ubi muscoli intercostales interni desinunt, per intermediam horum musculorum cellulosa in subcutaneam migrat (*l*).

§. XI V. Neque sane dispar est ratio originis abscessuum reliquorum omnium, qui huc referri possunt. Nati sunt ope hujus tunice cellulose abscessus in extremis manibus a deglutitis aciculis; (*m*) sicutiam ad umbilicum, ad axillas, &c. ab aliis per os ingestis scindentibus, vel pungentibus corporibus, quæ in abscessibus reperta sunt. Haud potuit deglutita ejusmodi acicula aliter, nisi per consensum tunice cellulose ad manus pervenire, perforata prius illa œsophagi parte, quæ extra pectoris cavitatem sita est: probabile omnino videtur, hanc aciculam, quæ in cellulosa forte aliquam brachii musculis interpositam pervenit, æquali compressione horum musculorum ad inferiores sensim sensimque promotam fuisse, & horum simili denique conatu & actione ad volam usque manus pervenisse.

§. X V. Ultimus qui nobis explicandus superest morbus, & qui merito ad hanc consensuum speciem referri debet, est *emphysema*. Hæc vox græcæ originis est, oriturque a verbo *εμφυσω*: *emphysema* ergo dicimus, quando post vulnus aliquod pectori aut integumentis capitis inflictum, aer externus in adiposam tunicam subcutaneam irrumpit, eamque ita destendit, ut totum ubique corpus, aut magna saltem ejus pars, aëre tumida appareat.

§. X V I. Contingit sæpenumero, præcipue autem in hominibus macilentis, quibus aut per lapsum, aut instrumento quodam leniter tantum aliqua integumentis ossa cranii ambeuntis pars vulnerata fuit, ut aer per totam subcutaneam cellulosa sese diffundat, uti *Mery*, *Palsin*, & præsertim *Boerhaavius* (*n*) noster observant.

§. X V I I. Certa quædam sunt loca tam interne quam externe in corporis superficie, per quorum vulnera aer nos ambiens longe facilius vicinam cellulosa subit, quam per alias corporis sedes. Omnia subcutanea loca multa pinguedine repleta, post accepta vulnera ab hoc malo plerum-

M m m 3

que

(*l*) Vid. Eruditissimum *D. D. Schobingerum*, amicum, quem certe magis amo, quam memetipsum in *Diff. Inaug.* pag. 50.

(*m*) Vid. *Mr. Petit* dans les *Memoir. de l'Acad. Roy. de Chirurg.* pag. 552. Invenit aciculam in abscessu, qui in infimo pede a deglutita & ad eum usque locum descensa, generatus fuerat. *Moinichen.* *Observat. Medic. chirurg.* obs. 21. similem describit casum in Foemina, quæ ex improvise aciculam deglutivit, quam ex superiori pedis parte, quam simili modo parvulus abscessus obsidebat, postea extraxit. *Williams Derbans* *Physic. Theologic.* pag. 811. *Rodericum a Castro* Lib. 4. de mulierum morbis. Cap. 6. *Blancardi* *Anatom. Practic.* Cent. 1. *Observ.* 42. *Reiser* *Camp. Elys.* jucund. quest. 92. Sect. 1. pag. 1175. circa aurem dextram ex abscessu aciculam extraxit. *Les Memoir. de l'Acad. Roy. de Chirurg.* pag. 550. Ubi *Petitus* similem priori historiam enarrat. Confer etiam *Philosoph. Transact.* Num. 26. 282. 304. &c. *Ruysschium* *Observ. Anatom.* 55. advers. Dec. 11. pag. 12.

(*n*) Vid. *Commentar. ad Institut.* Vol. VI. pag. 87.

que immunia esse solent, uti v. g. nates, crura, pedes, ipsum abdomen, brachia, &c. quibus magna præ reliquis omnibus corporis partibus adipis atque pinguedinis copia est. E contrario autem, loca minus pinguedinosa, & macilenta, qualia sunt, tota capitis posterior & lateralis ad aures usque pars, nec non pectoris latus utrumque magis omnino ad suscipiendum aerem disposita sunt, per vulnera sua. Unde Chirurghi in pectoris aut capitis vulneribus summa semper cura, antequam labia ad se invicem adducunt, & glutinantia sua emplastra imponunt, aerem intus expellunt. Neglecta enim ab ignaro & artis suæ minus perito Chirurgo hac cautela, aer in cellulosa illa subcutanea macilenta, in fronte v. g. coercitus, & a corporis naturali calore rarefactus, brevi per totam ubique faciem, palpebras, collum, brachia, unoque verbo per totam non solum subcutaneam, sed musculis etiam interpositam tunicam cellulosam diffunditur, eamque ad crassitiem duorum pollicum distendisse visus est. Simili modo in vulnerato oesophago, (o) aliisque internis partibus, quas aer externus adire potest, nascitur emphysema.

§. X V I I I. Ex historiis emphysematum satis patet, cellulosa subcutaneam non solum per totam regionem, quæ sub cute est, sed cum aliis etiam internis corporis partibus ambientibus cellulosis infinitas certe communicationes habeat. Non ignorant hoc commercium laniones, qui per tubos mastatis suis animalibus aerem inter cutem & musculos inflant, ut facilius de carne, mediante cellulosa ei adnexum pellem detrahant. (p) Hanc artem plurimi Helvetiæ nostræ rustici in equis vivis, quibus, ut pulchram atque formosam eis formam concilient, aerem simili ratione per insectum cuti vulnusculum in subcutaneam cellulosa impellunt, interque, emplastro claudunt, ne fraus tam nefaria ab emtoribus facile percipi queat. Idem etiam artificium orientales aliqui mangones in camelis imitantur, (p) quos ob fallacem, quam acquirunt, pulchritudinem, ignavis hujus fraudis pretio caviori vendunt.

§. X I X. Sane haud opus esse, existimo, ut multis hic exponam causam atque rationem physicam, ob quam aer in tunica cellulosa coercitus adeo mirabiles effectus producat. Nam si quis generales tantum aeris nos ambeuntis agnoverit proprietates, quæ eo imprimis redeunt, ut ab incumbente & premente corpore in angustius aliquod spatium comprimi possit, & remota causa premente, proprio suo elatere iterum expandi, & calore incredibiliter dilatari, ille sine dubio facillime videbit, effectibus illis nihil plane obscuri inesse. (q)

§. XX.

(o) Vidit Boerhaavius ejusmodi emphysema in dissecto nobilis viri cadavere, quod post ruptum oesophagum in vicinis cellulosis tunicis natum fuerat. vid. ejus histor. alter. morbi atrocis.

(p) Vid. Litttrium Mem. de l'Acad. Roy. des sc. 1713. Maubartum in Ephem. N. C. centur. 1. observ. 12.

(q) Vid. Illust. atque, Excellentissimum Segnerum, Præceptorem meum omni pietate mihi venerandum, in seiner Einleitung in die Naturlebre, pag. 104. ad pag. 110.

§. XX. Propositis sic plerisque, quoad mihi licuit, illorum morborum speciebus, qui ad consensum tunicae cellulosa pertinent, ad proximum caput jam jam nos conferimus, ad historiam scilicet vasorum, quam non solum arteria rubra & venæ, sed reliqua simul omnia vasa excretoria constituunt.

S E C T I O I I.

De Consensu Vasorum.

§. XXI.

Magnum certe hic vasorum consensus in se continet numerum morborum symptomatum & affectuum. Hujus enim loci est, omnis major sanguinis determinatio ex una parte in aliam: (r) deinde contagiorum resorptiones & metastases materiarum morbosarum: huc pertinent excretiones & evacuationes variae: animi affectus nonnulli.

§. X X I I. Primam ad classem sane non immerito ab auctoribus practicis capitis dolores & deliria febrium acutarum referuntur, de quibus plerumque ægroti hujusmodi febre laborantes, aut ab initio febris, aut in incremento demum valde conqueruntur. Eorum deliriorum, licet variae omnino causae sint, princeps tamen unice a majori sanguinis cerebrum delati copia petenda videtur, quæ arteriarum diametrum ita sensim distendit, ut vicini nervi vel comprimantur, vel a novo saltem a corde in arterias pulso sanguine ingratam aliquam pulsationem percipiant.

§. X X I I I. Haud mirum videri potest, in febribus acutis dolorem capitis pro prima causa majorem sanguinis in cerebrum adfluxum habere, si arteria carotidis truncum communem & arteriam vertebralem simul sumtam comparaverimus cum lumine arteria aortae, in quorum rationem aliquoties inquisivit magnus & æternum mihi venerandus præceptor. Invenitur omnino arteriarum carotidum & vertebralium lumina simul sumta $\frac{1}{2}$ esse luminis aortae. Oportet igitur, ut per hæc vasa ad minimum $\frac{1}{2}$ totius sanguinis ad caput perveniat. In fetibus autem, quibus hæc arteria ratione corporum suorum majores quam in adultis sunt, major & dimidia forte pars ad caput ascendit. Ea copia sanguinis poterit vel per motum muscularem, vel vitalem facile augeri, & in caput determinari, uti nos docet ratio hydraulica. Omnis enim canalis ita dispositus, uti arteria aorta educet ex convexitate arcus particulas fluidi intus moti motus tenacissimas, cum ii rami sint in directione axis, quæ vero ex concavitate trunci prodeunt, extra axis directionem sunt: necesse igitur est, particulas mobilissimas ex arcu aortae in arterias carotides propelli. Hanc rem ita sese habere, ex quibusdam practicis experimentis abunde constat. Mercurius

(r) Vid. Magnum Præceptorem in Comp. Physiolog. p. 300.

v. gr. ex mobilissimis atque ponderosissimis constans particulis, non potest fere ulla arte impediri, quin in caput ascendat, ibique effectum suum per salivationem prodat; nunquam autem agit per diuresin, raro per alvum. Simili ratione omnia medicamenta volatilia operantur in corpore nostro, ut alcohol vini, &c. quæ in cerebrum continuo & quam velocissime rapiuntur. Repertus est aliquoties spiritus vini in cerebri ventriculis, post obitum hominum, qui huic potui valde adfueti fuerant.

§. X X I V. Apparet nunc satis, puto, manifeste, in febre acuta, ubi cordis & artieriarum pulsus præter naturam valde frequens est, sanguinem tanta copia ad caput pervenire, ut vasa necessario omnia distendant, atque hoc modo teneram cerebri substantiam moleste etiam afficiat. Pendet etiam a nimia hacce sanguinis agitatione & copia deliriorum in his febribus ratio, qua continuo tolluntur, dummodo repetitis, iisque satis largis venæ sectionibus, pediluvii & phœnigmis cerebro abundantem suum sanguinem detrahamus, & ope hujus irritationis ad inferiores partes derivemus. Hujusmodi revulsiones non solum hic commode instituuntur, sed in omnibus etiam reliquis partibus. In inflammatione enim v. gr. pulmonum, pleuritide, vel quocunque demum morbo inflammatorio, imo etiam, quando materies podagrica interiora versus retropellitur, multum certe juvant, teste experientia.

§. X X V. Certa quædam habemus signa, quæ demonstrant, sanguinem in febribus acutis maxime determinari ad caput. Huc pertinet rubor faciei, aurium tinnitus, carotidum pulsationes in collo, oculorum tumor, vertigines, narium hæmorrhagiæ, & quæ reliqua sunt. Vertigines oriuntur, dum interna arteria carotis vicinos, imo proxime adpositos nervos opticos, & magis vicinos ramisque arteriosis obnuptos nervos tertii paris pulsat, quod alias in statu naturali nunquam, nisi in hominibus summe plethoricis observatur. Similem vertiginis speciem illi etiam patiuntur, qui vino aut alio spirituoso potu sese obruunt, ut ex præcedenti (§. 24.) optime patet.

§. X X V I. Alteram adgredimur abscessuum historiam, qui per vasorum consensum fiunt. Enarravimus in superioribus quædam abscessuum metastaticorum exempla, quæ per tunicæ cellulosæ consensum certa quædam loca superveniunt. Oriuntur abscessus ope consensus vasorum, quoties post prægressam aliquam inflammationem, post pleuritidem (1) v. g. pleuropneumoniam, peripneumoniam, paraphrenitidem, &c. materies purulenta per vasa resorbentia in sanguinem recipitur, & ex eo ad alias partes advehitur. Recensebimus ex ordine omnes sigillatim absce-

(1) Vid. *Barthol.* Aphor. pag. 199. §. 892. De peripneumonia vera. pag. 181. §. 892. de paraphrenitide pag. 204. §. 910. *Aretæum* de morbis acutis lib. 1. pag. 9. lit. B. *Frid. Hoffmann.* Edit. genev. Tom. 1. pag. 137. §. 17. ubi hujus morbi historiam ex aretæo proponit. *Lomii* observ. medic. pag. 108. 115.

ssus, qui post hunc vel illum morbum inflammatorium nascuntur.

§. X X V I I. Quando adeo ab irresolubili inflammatione pulmonum, externi thoracis, diaphragmatis, aut alius in corpore notabilis visceris, pus natum est, resorbetur id omnino, vel per aperta oscula venarum resorbentium, quæ in tunicam cellulosam patent, in cujus areolas elabitur, vel per vasa illa resorbentia, quæ in toto thoracis non solum & abdominis interno ambitu, sed in omnibus corporis nostri cavitatibus copiose ubique reperiuntur. Per ea vasa in majores venosos ramos revehitur, & ex his in truncos, qui ad cor ducunt.

§. X X V I I I. Facillimum est demonstratu, omnino in omni tela cellulosa magnam adesse vim ejusmodi venularum, quæ nimiam in areolis hujus teke secretam pinguedinem, aut aliud quodcunque liquidum resorbent. Nemo enim ignorat, in somno, omnique animi, corporisque perfecta quiete, maximam adipis atque pinguedinis copiam in tunica nostra cellulosa generari, quæ certe, nisi per vias aliquas aut in sanguinem, inde ad renes, aut ad intestina, aut immediate per transpirationem auctam extra corpus decederet, brevi in immensum cresceret. Oportet ergo, talia hic adesse vasa, per quæ liquefacta, & nimia pinguedinis pars ad alias partes pervenire possit. Hoc eleganter probant experimenta nonnulla practica. Videmus in luis veneræ curatione mercuriali omnem fere in corpore pinguedinem solvi, atque ad fauces determinari, ita ut infelicissimis ejusmodi hominibus superata curationis vi ossa sub cute emineant, quæ antea multa pinguedine tecta, vix percipi poterunt. Sed non diu in eo tristissimo statu eorum corpus manet, quod skeleton plane refert, acquirunt enim brevi tempore, postquam salivationem passi sunt, tantam pinguedinis copiam a bono cibo potuque, ut amissum multarum librarum pondus non solum restituant, sed multis libris præterea augeant. Eadem observamus in hydropo anasarca, hydropo ascite, & reliquis hydropum speciebus, ubi quam maxime areolæ tunicae cellulose aqua distentæ sunt, quæ educi haud potest, nisi validis purgantibus naturale robur & libertatem resorbentibus tunica cellulosa vasculis penitus, vel ex parte saltem conciliaverimus, quod fit, quando intestina a transeunte materie ita irritantur, ut sanguis & tenuior ejus pars copiosius in vasa mesenterica confluant, & venæ bibulæ, nunc inanes ad resorbendum liquidum in cellulosam effusum, aptiores evadant. Aliud porro occurrit exemplum hujus rei in suppatorio variolarum decursu, (1) sub quo tanta sæpenumero consumitur pinguedinis, subcutaneæ præcipue copia, ut vix dictu credibile sit: visum enim est, hunc morbum haud longo certe ex tempore quinquagintas libras consumsisse, quæ partim per sudores viscosos, partim per urinam, partim per suppurationem ipsam decesserunt: sedimentum, quod in urina eorum hominum reperitur, mera pinguedo soluta esse solet.

§. X X I X.

(1) Vid. *Thom. Sydenh.* pag. 137. 138. 156.

§. XXIX. Similia etiam per vasa reſorbentia reſorbetur purulenta illa materies, quæ poſt pleuritidem, vel prægreſſam pleuropneumoniâ in pectoris cavo collecta fuit. Adſunt enim & hoc loco, uti in omni corporis cavo, ejuſmodi vafa reſorbentia, (u) ob perpetuam nimiam exhalationem vaporis illius aquoſi, & coagulabilis, qui ex univerſa pulmonum ſuperficie ex ultimis arteriarum finibus exhalat. Similem exhalationem producimus, ope injectionum aquoſarum, quæ per arterias, aut venas, in tota pulmonum ſuperficie exſudant. Quando eæ exhalantes arteriolæ liquidum ſuum debito modo ſecernere pergunt, & vonæ deſinunt ſuo fungi munere, id eſt, nimiam ſecreti liquidi quantitatem iterum reſorbere, oritur proprium pectoris malum, quod recentioribus ſub nomine hydropis pectoris notum eſt, de quo ne tantillum autem a veteribus nobis memoriæ proditum eſt. Eodem modo res ſeſe habet in cavo abdominis, ubi ex omni interna peritonæi parte prior ſimilis exhalat liquor viſcidus, coagulabilis ab igne & alcohole, quem reſorberi etiam oportet, ne idem hic ac in pectore contingat malum, cum hydrops abdominis a pectoris hydrope non niſi nomine differat.

§. XXX. Mixta denique ſanguini purulenta hæc materies reſorbta, vi cordis & arteriarum brevi per univerſum corpus diſtribuitur; tranſit aliquando ſine damno pulmonum, hepatis, aliorumque viſcerum nobilium, vafa tam rubra quam reliqua: ſæpe autem in ultimis harum arteriarum finibus immeabilis hæret, novamque ibi inflammationem producit, & ſuppurationem; quod ſine dubio a diſpoſitione quadam pendet inexplicabili corporum, & variabili huius materiæ conſiſtentia, quæ modo craſſior, modo ſoluta magis, modo deterior, modo minus, concipi debet. Loca autem conſuetiſſima, in quibus plerumque hæc materies inſarcta hæret, ſunt glandulæ quædam conglobati præſertim generis, nec non conglomerati, parotides ſcilicet & inguinales, quod ab Hippocrate jamjam animadverſum video. (w) Sed præter hæc loca tamen non raro etiam hepar afficitur.

§. XXXI. Sane mirabilis plane huius materiæ purulentæ in corpore decurſus eſt; cur enim plerumque unice ſere in dictis glandulis accumulatur, ibique abſceſſus format; cur non in aliis glandulis conglobatis, quæ magna certe copia per colli latera partim ad alas, partim in ipſum pectus cum arteria aſpera, ſupra pericardium ad ſuperiorem uſque ſepti tranſverſi partem descendunt, & per hoc cum ductu thoracico & arteria aorta per totum abdomen ad ipſa inguina. (x) Simili inter ſe gaudent fabrica & ſtructura omnes hæ glandulæ.

§. XXXII. Huius rei ratio quærenda forte erit in peculiari harum glandularum ſitu, quarum aliæ, ut nemo non videt, aëris frigidiuſculo adflatui externo magis ſunt expoſitæ, aliæ autem minus. Glandulæ enim parotides, nec non inguinales, non niſi unico teguntur involuero, cute ſcilicet, quare facillime certis quibuſdam temporibus aliqua mutatio in his contingere poteſt, quæ internis glandulis vix poteſt accideri. Ita poterit ab adſpirante aëre frigidiuſculo aliqua in his vaſis conſtrictio fieri, quæ glandulas has adeunt, ut materies illa purulenta, per ultimos horum vaſorum fines nunc tranſeunda, plane immeabilis reddatur. Uti enim, ineunte vere, aut autumno a ſubitaneis aëris mutationibus graviſſimæ obſtructiones & inflammationes intra quartum ſæpenu-mero diem funeſtæ, in vaſis intercoſtalibus facile generantur, licet non unico tantum involuero tegantur, ſed validiſſimis præterea muſculis, qui in utroque latere pectus cingunt, cur non malum idem & hic in ſubcutaneis ejuſmodi vaſis locum habeat, quando a frigido aëre conſtringuntur.

§. XXXIII. Sed in internis glandulis ab omni quippe externi aëris injuria immunibus, haud ſimile aliquid unquam timendum eſt, quum illis etiam gaudeant naturæ auxiliis, quibus dictæ ſubcutaneæ glandulæ carent. Foveantur enim perpetuo naturali vicinorum viſcerum calore, & exhalante ex iſdem viſceribus liquore limpido, atque calidiuſculo lubricæ ſervantur, ut neceſſario hoc modo arteriæ omnes, quas accipiunt, ad expansionem & dilatationem facilius ſe accommodent. Interim haud dubito, quin & internis quibuſdam glandulis ejuſdem præcipue generis, ſimiles ſæpe naſcantur abſceſſus: verum hoc non niſi ex longinquo tamen ſuſpicari nobis licet.

§. XXXIV. Quemadmodum hæc ab inflammatione producta materies purulenta per vafa alia reſorbentia ſanis antea corporis partibus poteſt advehi, novamque ibi iterum excitare inflammationem & ſuppurationem, ita etiam propagantur contagia omnia ex primis ſuis ſedibus in alias atque remotas partes. Id maniſeſto videmus in morbis præſertim venereis, rabie canina, variolis, &c. Vix ullus in corporis tam externis quam internis partibus locus eſt, ex quo, ſi venereum ei applicatum fuerit venenum, non poſſit non aliquid in alium locum tranſferri. Hoc fieri poteſt, aut per ſudores, aut contræctatione, aut lactatione aut infecta ſaliva, aut per ipſum concubitum, teſte experientia (a).

§. XXXV. Si certum eſt, his modo dictis modis venereum malum ad internas partes propagari poſſe, oportet, cutem in toto noſtro corpore talia habere vafa, quæ tenuem adhærentem liquorem & ſubtiliſſimum hoc alcalinum venenum reſorbant, & in ſanguinem revehant. Conſentiant huic noſtræ ſententiæ variæ obſervationes practicæ: mercurius enim unguentis quibuſdam exceptus, leni frictione manibus facta, ple-riſque locis per cutem penetrat, & ad ſanguinem venit. Eo venire, ad-paret ex affectibus, qui poſt ejuſmodi frictionem ſenſim in faucibus æ-

(u) Vid. magnum *Præceptorem* in *Compend. Phyſiol.* pag. 124. & 54.

(w) In *Progn. Charter.* Tom. VIII. pag. 684.

(x) Illuſtr. atque æternum mihi venerandus *præceptor* in *primis Phyſiol. lineis.* pag. 87. §. 183.

(a) vid. *Bærbæav.* Aphoris. pag. 340. §. 1441.

grotorum apparent, ex quibus post tertium diem ingens liquefactæ a mercurio in tela cellulosa pinguedinis copia effluit, quæ ad glandulas salivales determinatur. Reperti sunt, haud semel certe in hujusmodi hominum hoc morbo consumptorum cadaveribus, integri globuli mercurii crudi, sanguini per frictiones repetitas adjecti, & ex hoc in cariosum aliquod os depositi.

§. XXXVI. Quando in gonorrhœa virulenta, aut in penis venereo cancro saniosa hæc materies adstringentibus, aut alio quocunque modo in sanguinem retropellitur, oriuntur bubones in inguinalibus, & axillaribus glandulis, nariumque & faucium membrana post aliquod tempus fordidis ulcusculis obsidentur. Multi scriptores crediderunt, sedem hujus gonorrhœæ esse glandulam prostaticam, ex quo corruptus liquor prostaticus efflueret. Verum ea glandula ab hoc malo plerumque immunis reprehenditur: sunt autem sinus illi muciferi urethræ *Morgagniani*, (b) qui saniosam illam materiem in cavitatem urethræ effundunt. Horum sinus, ut paucis rem absolvam, alii majores sunt, alii minores, atque per totam urethræ partem superiorem & lateralem dispositi; tendunt oblique versus glandem. Superiores & reliquis majores octo, novem, vel decem adesse solent. Maximus autem omnium sedet retro glandem, qui primum ab impuro concubitu saniem illam suscipit. Similes sinus in uteri præsertim cervice, qui vulgo ova Nabothii dicuntur, & secundum urethram, nec non circa clitoridem, &c. reperiuntur. Secernitur ex his ductulis mucus aliquis, qui in viris sensilissimam urethram oblinat, ne urina in transitu suo acri & irritante sua natura aliquod damni ei inferat: hinc quoties deficit, aut abraditur, intolerabilis dolor nascitur, de quo homines gonorrhœa laborantes perpetuo queruntur, quoties urinam mittunt. Quando materies hæc ichorosa diu ita sibi relinquitur, in diem magis magisque vicinam urethræ substantiam corrodit, & ampliora sensim in ea generabit ulcera, & præterea eodem modo subtilissimum hujus materię in sanguinis universam massam resorbetur, uti fit, quando lues venerea per sudores acquiritur. Urethræ enim structura non differt a reliqua cute, quæ non sit, nisi canalis ex cute, cellulosa, & epidermide factus, (c) Oportet igitur, talia & hic etiam adesse vasa resorbentia, qualia in toto externo corporis ambitu reperiuntur. Inde procul dubio pendet ratio originis inflammationum & ulcerum illorum, narium pituitariam & faucium membranam obsidentium.

§. XXXVII. Mirabilis hujus veneni in corpore effectus omnino notatu dignus est. Vidi aliquos agros, quibus ab impuro concubitu par-

(b) Hos sinus *Eustachius* olim perspectos jam habuit, uti tabula ejus octavo post mortem suam edita, docent; sed melius omnino eos descripsit, & depinxit *Ilust. Morgagnius* in adversariis Anatomi. Tab. IV. fig. 4. ita, ut recte vocata fuisse, hos sinus suo nomine *Morgagnianos* appellare.

(c) Vid. magnum *Hallerum* in *Compend. Physiolog.* pag. 422. §. 765.

va, sed canerosa ulcuscula retro penis coronam nata fuerant, quæ, cum statim decoctis ex ligno sancto, sassafras & mercurio dulci paratis, occurrerem, aliaque præterea remedia, ad depuranda ulcera imponi juberem, mox evanuerunt, sed brevi in faucibus in conspectum venerunt, his simili ratione delectis, ad pristinam sedem malum iterum rediit, quod tandem contigit, donec a sufficiente mercurii usu omnis hujus veneni vis iners plane reddita fuerit.

§. XXXVIII. Licet nobis plerumque fere contagiorum natura, quæ tot & tam stupendos sæpenumero effectus in corpore nostro producit, penitus, vel magna saltem ex parte sit incognita, haud obscura tamen mansit via illa, per quam internas partes adeant: nulla enim datur alia, nisi per vasa resorbentia, quæ non solum in omni externo corporis spatio, sed in internis etiam partibus illis maxima reperiuntur copia, quæ ad suscipiendum præsertim cibum potumque destinata sunt. Hujusmodi ergo partes sunt, oris interna cavitas, faucium, oesophagi, ventriculi, & intestinorum omnium; præsertim quidem tenuium, (d) in quibus certe vim innumerabilem vasorum resorbentium esse oportet, quorum nonnulla oculis conspici queunt, alia, quippe minora per varia experimenta demonstrantur. Si quis in ore spiritum vini, aut alium quemcunque potum spirituosum diu continuerit, specie quadam ebrietatis corripitur, ipsa sanguinis circulatio auctior ei redditur, & vires universi corporis in debilibus exinde valde refocillantur, manifesto satis argumento, volatilem horum liquidorum partem in sanguinem resorberi. Non male hoc utimur adminiculo in praxi medica, quando subito amissæ in corpore vires instaurandæ sunt. Longe major est numerus vasorum resorbentium in cavitatibus ventriculi & intestinorum, quæ omnis potus libere & intra paucissima sæpe minuta ad sanguinem transit, nam in statu sano vix guttula per anum effunditur & si magna liquidorum copia, sub usu ex. gr. acicularum mineralium, epota fuit.

§. XXXIX. Diversa est contagiorum omnium in corpore nostro indoles: alia enim unice fere fauces affligunt, uti rabies canina: alia sub epidermide stigmata varia producunt, qualia a morbillorum contagio & petechiarum quarundam sunt; alia in cute inflammationes excitant, quæ mox in suppurationem abeunt, quemadmodum hoc videre nobis licet in contagio vero varioloso: alia præ nimio sudore corpus fere consumunt, uti in sudore anglico: alia in glandulis quibusdam suam injuriam exerunt, & partes musculosas destruunt, uti in peste: alia iterum aliter atque aliter sese produnt. Sed quænam causæ sint, cur unum contagium

Nnnn 3

magis

(d) In intestinis tenuibus nullum plane dubium est, quin multa similia adint vasa resorbentia. Non semel ea injecit magnus & pie mihi venerandus *Hallerus* per venam scilicet mesentericam, in quam, & duodenalem dextram conflunt. Vid. *Comp. Physiol.* pag. 390. §. 712. *Ruysschii* *Advers.* Dec. II. pag. 18. & *Adv.* Dec. III. pag. 21.

magis hoc modo & non alio in corpore agat, & cur in hac vel illa tantum parte adeo mirabiles producat effectus, id quidem, ut lubenter confiteor, plane me fugit. Theoreticis haud adeo difficile erit, pro lubitu varias hic detegere causas; sed invenire causas, quæ veritati & naturæ horum contagiorum respondent, res erit, omnibus difficillima. Quis enim unquam hominis, rabie canina aut peste vera consumpti cadaver, ad examinandas interne affectas partes sollicitè secuit, cum constet, ab unico sæpe attractu funestum in se ipsum morbum transire posse. (e) Interim fas est, reliquos hic etiam paucis considerare morbos, & affectus, qui ad vasorum consensum referri optime queunt.

§. XL. Diximus (§. XXI.) ad vasorum consensum varias excretiones pertinere, & evacuationes sanguinis, reliquorumque liquidorum. Earum hæc præcipue notatu digna est, quæ a terrore subito in intestinis, sub nomine diarrhææ accidit. Hujus excretionis prima causa pendet sine dubio a nimia nervorum relaxatione, & a debili spirituum animalium ad cor & arterias determinatione, uti ex variis phænomenis hic occurrentibus, satis apparet. Omnia enim plane relaxata sunt, ipsum cor vix tanta vi gaudet, ut sanguinem debito modo per omnes arterias expellere possit. Hinc multi, maxime quidem homines debiliores in animi deliquiis cadunt, quæ nil nisi quies cordis sunt, & eandem ob causam frequenter in metuculos cordis & arteriarum polypi reperiuntur. Rivinus, Pechlinus, aliique clarissimi viri observarunt, grassante peste, neminem nisi timidos, & eos, qui infecta corpora tangunt aut cum hominibus infectis vivunt, hunc morbum contrahere. In timidis enim tota cutis, omnesque vasorum sphincteres relaxati aerem corruptum & infectum magis ad interiora transmittunt. Manifestum hujus rei exemplum nobis suppeditant medici illi Monspelienfes, a rege olim Massiliam missi, ubi pestis contagium multa jam milia hominum interfecerat, qui tamen deleta omni contagio, sani atque incolumes domum redierunt. Certum igitur est, nullam aliam hujus diarrhææ causam esse, quam nimiam nervorum omnium relaxationem, præsertim autem illorum, qui laquei instar arterias includunt. (f) Unde, de-

(e) Vidit Boerhaavius Leydæ medicinæ studiosum, qui, cum canem rabie suæ extinctum, incisus aperiret, & dissecaret, in eundem incidit morbum quo postea consumtus est. Alius instrumento leniter vulneratus, quo antea canem rabiosum dissecuerat, simili morbo correptus, brevi post, miserrimo modo vitam amisit.
(f) Sane ad intelligendam hujus affectus & reliquorum omnium mirabilium symptomatum, effectuum, & phænomenorum, causam, oportet, nos antea satis perspicuum habere magni & æterni mihi venerandi præceptoris hæc de re novum systema, quod in propria dissertatione anno 1744. Göttingæ in publicum edidit. Verum Wilkiesius in Libr. de Anatom. cerebri primus ni fallor, & qui eum hac in re secuti sunt, Viussentius & Bianchi, &c. aliquam de modo, quo nervi circulationem sanguinis dirigunt, conjecturam proposuit. Sed imperfecta tamen omnis nostra mansisset cognitio, nisi optimus præceptor pro sua in anatomicis præsertim experientia summa, plurima

structo hoc nervorum cum valis vinculo naturali, liquor omnis tenuis liberius & majori quantitate per ductus excretorios intestinorum in eorum cavum effunditur. Non semel hoc spectaculum magnus præceptor in itineribus suis botanicis, quæ per altissimos Helvetiæ montes suscepit, aliis, quos secum duxerat, contingere observavit, cum ex eminentissimis rupibus subito oculos in remotissimam terræ planitiem dirigerent: cum aliis vertigo, aliis tremor artuum, aliis pene deliquium, aliis demum diarrhœa, aliquin in metu non raro molesta incumberet.

§. XLI. Tristitia ratione suorum symptomatum a timore vix differt: franguntur enim cordis & reliquæ corporis vires, quod in more lente fit & sensim, oriuntur diarrhææ similes, appetitus diminuitur, quod illi optime experiuntur, qui in conviviis tristi nuncio afficiuntur: pallor nascitur in facie a diminuto scilicet sanguinis motu in subcutanea cutis faciei vasa sanguifera: dispositiones sunt in cachexiam, ob deficiens ventriculi in ingestis coquendis & subigendis robur: impeditur pariter sanguinis per pulmones transitus, quia cordis vires, quas a nervis uti reliqui etiam muscoli omnes, acquirit, ita debilitantur, ut non nisi imbecilli vi superstitè, munere suo in expellendo quippe accepto sanguine, fungantur, quæ certa hic est ratio, cur in tristitia diu durante lachrymas fundamus, cum sanguis libere ex capite per venas jugulares in venas subclavas sese evacuare non possit, quia & hæc nimio jam sanguine turgent.

§. XLII. Tristitiæ oppositus affectus ira est, quam ob notabilis, & ad consensum nostrum pertinentia phænomena, merito a nobis considerari hic oportet. Iram igitur appellamus eam animi affectum

rima, quæ huc pertinent, detexisset, eaque simul in hanc systematis elegantissimam formam redegit. Ipse Cartesius Lib. de affectibus animi, & Meyerus nostris temporibus, hos effectus explicare conati sunt, de mechanismo autem, cujus ope omnes hi effectus in corpore nostro producuntur, nihil plane attigerunt. Ut sciamus igitur, quam in re hoc sistema consistat, necesse erit, ut pauca adjiciam verba. Invenit illust. & pie venerandus Hallerus in dissectionibus suis, quod plerisque in corpore locis arteriis nervi circumjaceant, uti instar laquei in animi affectibus validis eas, venasque constringere possint: sic arteria aorta, ut breviter dicam, a nervo recurrente octavi paris includitur: uti etiam ab intercostali arteria subclavia, & brachialis præsertim a quinque illis plexibus brachiorum. In abdomine nullus fere truncus notabilis ex arteria aorta proficiscitur, quin simili semper ratione ab uno alterove plexu nervi intercostalis involvatur. In minoribus ramis arteriosis non dispar est ratio: arteria e.g. meningea ex arteria maxillari interna oriunda, duobus illaqueatur ramis nervi temporalis superficialis, a ramo descendente tertii quinti paris provenientis, quorum superior trans arteriam dictam, inferior autem retro eam migrant ad truncum suum, cui sese inferunt. (Vid. ill. Halleri Diss. de Nerv. imperio in arterias, §. 14. Clarissimum atque eruditissimum dominum Meckelium amicum meum suavissimum in Diss. sua inaug. de quinto pare nervorum cerebri: Winslowi Exposit. anatomic. traité des nerfs, §. 58. 59.) Quo accuratius neglecta hæcenus anatomes nervorum excolitur, eo plura horum laqueorum specimina deteguntur. His igitur rite inter se consideratis, omnium phænomenorum & symptomatum affectuum animi causam inspicere merito fas erit.

affectum, qui a malo jam praesente primo in anima nostra excitatur, quod, mediante corpore subito avertere aut mutare conatur. Eam etiam ob causam fit, ut eo tempore corpus hominis irati robustissimum reddatur, praesertim autem muscoli, qui statim in actionem rapiuntur: cor ita incitatur, ut circulatio intra minutum primum saepe ad viginti quinque pulsus aucta visa fuerit. Hinc tantum vulneratis imminet malum, si quocunque modo ad iram incitantur, increscunt enim iterum eorum vulnera, quae a sanatione & coalitu parum distabant. Tota etiam facies rubicunda apparet, quod clarum omnino signum est, sanguinem auctiori copia ad caput determinari. Haud mirum inde videri debet, quod in hominibus iratis tam frequentes fiant narium haemorrhagiae, apoplexiae & subita nonnunquam mors. Sed ex principibus phaenomenis, quae ira in corpore nostro excitat, & illud sine dubio scitu valde dignum, quod in bile observatur. Scimus enim, bilis secretionem insigniter tunc augeri, cujus in brevi tempore tanta copia per ductum choledochum in intestinum duodenum effunditur, ut in ipsum ventriculum ascendat, ubi vomitu bilioso, nauseaque sese prodit. Imo, si per resorbentia ventriculi vasa copiosissima bilis ad sanguinem transit, peculiaris inde nascitur febris, vulgari febrium acutarum aut intermittentium curandi methodo haud sanabilis. Praeter haec autem irae phaenomena, quae corporis sanitati adversa, & valde inimica esse solent, alia adhuc observantur, quorum ope pertinacissimi saepenumero morbi, nulla arte edomabiles, penitus victi fuerunt, paralyseos v. gr. arthritides, podagra, aliaque a lenta debiliq[ue] humorum circulatione oborta mala ira non raro subito sanavit.

§. XLIII. Terror, laetitia, gaudiumque nimium, multa cum ira communia habent, etsi horum affectuum prima causa plane diversa est. Terror enim nascitur, dum subito grave & improvisum malum animae nostrae offertur: unde effectus, qui hoc tempore vario modo in corpore nostro ludunt, vix, nisi vehementiori saltem gradu ab illis differunt, quos ira excitare solet. Incitatur hic etiam sanguinis circulatio, (g) sed magis, quam in iratis, cor palpitatur, ob immodicum sanguinis in cor influxum, quam ob causam lege consueta sese evacuare in arterias non potest. Salubris plerumque habetur hic animi affectus, maxime quidem pro iis, quibus lente in corpore humores circulantur. Sic in paralyseos haud minus quam ira prodesse visus est. Manifestissimum hujus rei exemplum nobis offert *Craesi* filius mutus, uti testatur antiquitas: qui cum in praelio cum rege patre suo contra Persarum victorem exercitum dimicaret, nudato gladio militem ad occidendum patrem suum appropinquare, vidit, quo facto filius summa incitatus ira & terrore, subito exclamavit, parce miles, rex est, quem occidis. Multi homines terrore sanati sunt, qui per annos neque pedibus incedere, neque ex lecto sur-

(g) Vid. *Will. de cereb.* pag. 177.

gere potuerunt; & ab incendiis, quae in vicinia oborta fuerant, non pauci artuum usum recuperaverunt. Omnia haec abunde demonstrant, maximam tum temporis fieri spirituum ad cor & partes reliquas determinationem, & ab hac denique sanguinis, reliquorumque corporis humorum per omnia vasa incitatio, quae non raro certe funestos etiam eventus producit. Mirabilia hac de re exempla exstant apud *Petitum* chirurgum Parisinum celeberrimum. Vidit hominem, qui a solo aspectu nudatorum per inflictum vulnus manus suae tendinum, terrore subito extinctus est. Similes terroris effectus vidit *illust.* & quoad vixero, nunquam mihi satis devenerandus *praeceptor* in canibus, quos *Hambergeri* incredulitatis, aut ut recte loquar, ejus in anatomicis praesertim ignorantiae, & nefarii ingenii causa toties dissecare coactus fuit, qui, dum vinculis adstringuntur, ne guttula quidem sanguinis effusa, & ne mucronem quidem cultri experti, praeter solo metu non raro exspirasse visi sunt. Legimus porro in Bibliis sacris Lib. 1. Samuelis Cap. 4. Eli Pontificis Judaeorum maximi funestam historiam, qui nonagesimo aetatis suae anno, cum ab hostibus Judaeorum exercitum profligatum esse audiret, captamque cum sacerdotibus arcam, terrore extinctus est. Infantes debiles & teneri, quibus non raro ab ancillis, aliisque feminis spectra finguntur, tanto saepe convelluntur terrore, ut, vel ipsam aliquoties vitam amittant, aut epileptici per totum reliquum vitae tempus evadant, aut in alium gravem morbum incidant, uti in apoplexiam, quae consueta sine dubio est causa mortis eorum, qui terrore vehementi occiduntur.

§. XLIV. Laetitia, gaudium, & amor, ratione effectuum illorum, quos producant, ab ira, nimioque terrore vix differunt. Cor sanguinem, quando praeter naturam frequentius constringitur, per totum corpus auctiori & incitatori celeritate distribuit. Hinc perspiratio libera, & expedita: hinc, ob majorem liquidi gastrici in ventriculum effusi, major appetitus: hinc in facie rubor, & apoplexia tandem lethalis, quam gaudium nimium producere visum est, cujus rei memorabile habemus exemplum in *Leibnizii* nepte, quae Hannoverae vixit. Eam *Leibnizius* post mortem suam omnium bonorum suorum haeredem reliquit, quorum inopinato aspectu, & cum praeterea in arca viri thesaurum multorum millium imperialium inveniret, niruo gaudio & laetitia consternata, vitam amisit. Caeso, ad Thrasymenum lacum ab *Hannibale*, cum *C. Flaminio* toto fere Romanorum exercitu, tanta ubique Romae nata est animorum perturbatio, ut matres, quae filios, quos occisos putabant, cum incolumes reciperent, praeter nimio gaudio exspiraverint, uti *Livius* rem describit. (b) Inde varios (ait) vultus digredientium ab nunciis cerneret, ut

(b) Vid. *T. Livii Patav. Histor. Roman.* Tom. 11. pag. 99. *Plinii Secundi* natural. hist. part. 1. pag. 173. ubi in *Cibione*, *Sophocle*, & *Dionysio* Siciliae tyranno similia exempla leguntur.

ut cuique aut læta aut tristia nunciabantur, gratulantesque aut consolantes redeuntibus domos circumfufos. Feminarum præcipue & gaudia insignia erant & luctus. Unam in ipsa porta hospiti filio repente oblatam in conspectu ejus exspirasse ferunt, alteram cui mors filii falso nuncata erat, mœstam sedentem domi ad primum conspectum redeuntis filii gaudio nimio exanimatam.

§. XLV. Ad intelligendam igitur causam omnium horum phaenomenorum & effectuum, nil aliud opus esse arbitror, quam, ut sciamus, ab auctiori spirituum per fibrillas nerveas determinatione majus corpori robur conciliari, & e contrario ab impedita ea determinatione diminui. Priori sub statu omnes nervosi laquei arterii circumducti aliquam eis inferunt vim, quoties laquei illi (not. f.) arterias stringunt, & transuntem sanguinem celerius movent, uti in ira, terrore, & lætitia fit. Altero autem sub statu, ubi vix aliqua spirituum determinatio superest, nullam ejusmodi vim nervi possident, unde priori oppositus effectus in circulatione sanguinis producit, qualis in timore, tristitia, aliisque hujus generis animi affectibus observari solet, in quibus nulla vi nervorum superflite, soli cordi circulatio committitur, & præterea ipsum cor, fracta vi nervea, debilitatur. Falsum est, quod nonnullis de his phaenomenis proferre placuit; animam nempe nostram immediate operari in cor, & arterias. Ex aliis enim observationibus satis constat, animi affectus neque in cor, neque in arterias, sed unice in systema nervosum agere? Quid enim sunt animi affectus, nisi modo aucti, modo autem imminuti spirituum per nervos motus, qui deinceps ea ratione, quam diximus, in circulatione sanguinis aliquas mutationes producant. Hæc ita se habere, evincit opii actio, quod minima copia, quæ pulsus non mutat, non in sanguine, nam calidum est, & incitans motum, sed in nervoso systemate vim suam exercet, qua motus hysterici convulsi subito tolluntur, quorum immanes effectus totum corpus senserant.

§. XLVI. Hæc ex historia consensus vasorum adferre mihi licuit: multa autem hic nobis considerata adhuc supersunt, quæ tamen, perspectis enarratis omnibus, sponte sua nemini non intellectu unquam erunt difficilia. Multa etiam ex industria silentio hic mihi præterire oportet, quum ob similitudinem quandam suarum partium ad ultimum consensum magis pertinere videantur.

§. XLVII. Ex his nunc nemini mirum videri potest; cur tot morbi, tot effectus, & tam mirabilia phaenomena unice per vasorum corporis humani consensum oriri queant. Tanta enim ejus per universum corpus expansio est, ut nullum omnino viscus, nulla membrana, nullus musculus, nullaque fere cerebri pars, &c. inveniri unquam possit, quin earum semper cum reliquis etiam partibus omnibus elegantissimam harmoniam detegeres, cujus ope cerebrum v. gr. cum imis consensit

sensit pedibus, cum brachiis, & viceversa. (b) Exemplum evidentissimum est in curationibus deliriorum, capitisque dolorum, febrium quarundam acutarum, ubi maxima sanguinis copia in cerebrum pulsa, redire libere non potest: liberato autem a nimio sanguine cerebro, quod pediluviiis, phœnigmis, & repetitis venæ sectionibus, in pedibus institutis, commode obtineri potest, æger continuo ad pristinam sanam mentem reducit. Sed cur derivant pediluvia, phœnigmaque sanguinem in cerebro abundantem ad inferiores ejusmodi partes? Nempe pedum vasa omnia sensim ab aqua calida incipiunt incalescere, se expandere, ut ab ea irritatione major spirituum & sanguinis simul ad irritatas pedis partes affluxus fiat, quæ ob dilatatam vasorum diametrum ad recipiendam majorem liquidorum copiam nunc longe quam antea capaciores sunt factæ.

S E C T I O I I I.

De consensu nervorum.

§. XLVIII.

Vasorum historię succedit nervorum amplissimus consensus, qui, ut mox videbimus, per totum corpus pariter late regnat, & cui magnum omnino cum valis est commercium, quod præsertim ex omnibus supra recensitis animi affectibus patet, qui vix rite intelligi queunt, nisi certam prius nobis formaverimus ideam illorum, quæ ad nervosum systema merito referri deberent.

§. XLIX. Priusquam autem hujus consensus morbos, affectusque varios adgredi liceat, operæ pretium fore arbitror, ut de nervorum antea fabrica, proprietate, & spirituum in eos influxu pauca verba præmittamus.

§. L. Quid nervus sit, omni tempore inter auctores veteres & recentiores in lite fuit: alii enim ajunt, fasciculum esse fibrarum solidarum, secundum longitudinem sibi adcumbentium, & inter se ope telæ cellulose tenerrimæ junctarum: alii autem negant, fibras has solidas esse, quod multis verisimilibus & probabilissimis defendunt ratiociniis, & experimentis. Assumimus ergo nervos nihil aliud esse, quam fibras me-

O o o o 2

dullofas

(b) Vid. in illust. *Præceptoris* Dissert. Anatom. Select. Vol. II. *Vateri* Diss. de consensu partium corporis humani. Thef. V. de cordis cum toto corpore consensu. *Buchneri* Dissert. Inaug. med. de consensu morborum capitis & ventriculi. pag. 4. §. 11.

dulosas cavas, sibi parallelas, telæ celulosæ ope inter se coherentes, piaque membrana collectas, & validissima membrana illa, quæ vulgo ab anatomicis dura mater appellatur, vel continua cum dura membrana valida cellulosa tela, in fasciculos quasi formatas. Ipsam cerebri medullasam substantiam similibus ex fibris fabrefactam esse, anatome non uno loco manifeste satis testatur; verum hoc, neque in junioribus corpusculis, quorum cerebra mollissimæ adhuc & tenerissimæ sunt substantiæ, neque, in adultorum toto cerebro, demonstrari commode potest. In corpore vero calloso, corporibus striatis, atque thalamis opticis, solis oculis infinitæ ejusmodi fibræ parallelæ secundum longitudinem, varieque decurrentes, optime discerni queunt, ne dicam de animalium quorundam cerebro, præsertim quidem piscium, quorum tota medullosa cerebri pars instar pectinis infinitas ejusmodi fibras refert, quæ in nervos continuantur. Mirabilis sane cerebri horum piscium figura est, quæ ex quatuor collibus componitur, quorum duo priores nervos olfactorios constituunt, reliqui duo nervos opticos. Et ex hac medullosa cerebri parte nervos omnes in corpore componi, variorum nervorum origo, uti quarti, quinti, & septimi, satis omnino probat, (g) quin imo medullam spinalem ipsam, quæ mera est continuatio medullæ oblongatæ, hujus esse fabricæ, nemini non ignotum esse, puto. In animalibus enim, & cadaveribus hominum quibusdam morbis consumptorum per totam hujus medullæ longitudinem similes fibræ longitudinales apparent, quæ in hydrope e. g. ubi aqua sese eis interponit, a se invicem ducuntur & separantur.

§. LI. Fas erit, tot experimenta & toties a multis clarissimis viris iterum repetita, intacta hic relinquere. Neminem enim superesse credo, qui dubitaret, nervorum fibrillas cavas esse. Transit per has fibras liquidum aliquod invisibile sub nomine spirituum animalium notum, quod omne corpori robur conciliat, & quod omnem in corpore motum producit. Nemo hucusque certam nobis formavit ideam de natura hujus liquidî, licet omnino multæ hac de re natæ sint sententiæ & controversiæ; nulla enim earum tanta gaudet probabilitate, cui non possit non multum & quidem iustissimo modo obijci. (h) Albuminosa, aquosa sanguinis pars qualis perspirabile sanctorianum, & in cerebri ventriculos, pectoris, atque abdominis cavum exhalans liquidum est, ad liquidum nerveum translata est a Boerhaavio, & multi ante & post eum spiritus hujus naturæ esse crediderunt. Verum parum probabile est, liquorem ejusmodi tam stupendos effectus producere. An materiem autem electri-

(g) Vid. *illust. præceptorem* in *Comp. Physiol.* pag. 197. §. 385.

(h) Testantur *Bellinus* & *Malpighius*, sese liquidum hoc nerveum ex extremitatibus dissectorum magnorum nervorum exillare, vidisse: sed hoc liquidum, revera non est liquidum, nerveum, neque exillat ex nervis, sed ex tenui illa nervorum fibrillarum, fixiculis interposita tela cellulosa, & imprimis ex medullæ spinalis sacco ultimo, ubi simile, quale in ventriculis cerebri, liquidum colligitur.

electricam, aut magneticam spiritus nostros componere, perinde dubito: aerem multi spiritus efficere arbitrati sunt, quibus minus credo, quia aditus in corpus omni aeri penitus impervius est, & quia ejus in corpore præsentia non potest non omni tempore inimica & noxia valde esse. Quibusnam autem ex principiis elementalibus sanguinis mirabilis hæc materies componatur, id certe debilem meam cognitionem fugit.

§. LII. Ab influxu incogniti hujus liquidî per nervos omnes in corpore metus, tam voluntarii quam involuntarii excitantur, & prout aliqujus nervi irritatio vel major, aut minor est, secernitur vel major vel minor etiam ex communi sensorio spirituum animalium copia, ad locum præsertim irritatum: hinc idea doloris ab idea voluptatis non nisi gradu irritationis differt, si in trunco ex quo aliquot rami nervei cum aliis ramis ex diverso trunco oriundis, in hoc vel illo ganglio conveniunt, aliqua irritatio excitatur, similis fere & in his ipsis alieni trunci unice connexis nervis effectus produciitur, nihilo secius, quam si prima irritatio in iis ipsis contigisset. Inde explicatur, cur in nephritide vomitus, stupor, sensusque molestus in crure & teste proximo oriatur? Cur in malo hysterico, a vitio uteri producto, hinc & inde in corpore tam mirabilia phænomena excitantur? Cur in hernia incarcerata vomitus? Cur affecto uno oculo, alter brevi etiam moleste afficiatur. &c.

§. LIII. Quia de plerisque nephritidis symptomatibus, quæ ad consensum præcipue nervorum pertinent, dicere hic mihi animus est, haud supervacaneum fore, arbitror, si generalem hujus morbi descriptionem præmiserimus.

§. LIV. Nephritis in genere significat rerum inflammationem, hærentem in ultimis arteriæ renalis finibus, cujus origo multiplex & varia omnino esse potest. Ulcera aut vulnera e. gr. renibus inflictæ, talenti fere semper inflammationem excitant: ita etiam a retropulsa materie podagrica: a nixu vehementi hominis, qui nimia pondera elevare conatur, ubi sanguis, dum anima retinetur, in uriniferos ductulos urgetur, renes facile inflammari solent. Ipsi calculi sæpenumero, præsertim autem asperi atque tuberosi, quando corpus quocunque modo valide exercetur, simile renibus damnum inferunt. Hanc inflammationem comitatur more solito febris acuta, quæ pro gradu inflammationis, ratione vehementiæ differt. Ex affectibus, qui plerumque hic occurrunt, facile hoc malum agnoscitur; læsa est diuresis, nam urina non nisi exigua copia redditur, quæ simul aquosa, pellucida & absque ullo sedimento est. Hinc olim Hippocrati ejusmodi urina aquosa & tenuis mala habita est, quoties spissa antea & crassa reddita fuerat. Ad effectus porro nephritidis merito numerantur mirabiles illi motus spasmodici, qui sub inflammationis statû in œsophago, ventriculo & intestinis statim percipiuntur. (i)

O o o o 3

§. LV.

(i) Vid. *Lomii Observat. Medic.* pag. 205. *Arætanum* Lib. II. De Morb. Acutis, Cap. 9. litt. D. *Boerhaav.* Aphoris, pag. 225.

§. LV. Ad demonstrandam veritatem propositæ §. LIV. sententiæ, oportet ostendere, renum nervos cum iis aliquod habere commercium, qui ventriculum, intestina, & testes adeunt. Renibus natura multos, sed parvos dedit nervos, quod ex anatomicis optime constat: hinc renes vix acutum, sed obtusum magis in vulnerebus, exulcerationibus, & plerisque irritationibus dolorem excitant. Possunt enim sæpenumero calculi, satis magni & asperi, diu sine adeo magno dolore vel incommodo in rene circumferri. Videbimus nunc primo, unde renum nervi proveniant, & secundo, quibusnam cum nervis & plexibus anastomoses habeant.

§. LVI. Renes nervos suos accipiunt, tam dextro quam sinistro in latere a plexibus illis magnis semilunaribus, quos trunci illi valde magni *splanchnici*, ex ipso nervo intercostali ex thorace provenientes, constituunt. (k) Hi trunci, priusquam superiorem lateralem musculi inferioris septi transversi partem perforant, a quinque diversis, quos nervus intercostalis in thorace producit, ramis componuntur. Plexus hi semilunares ante aortam positi, communicant inter se, & cum intermedio nervo stomachico posteriori, qui ante & circa originem arteriæ celiacæ plexum format. (l) Plexus semilunares produunt ex convexitate sua multos satisque notabiles ramos, quorum aliqui conjunctim cum primis gangliis lumbalibus plexus renales constituunt, a quibus principes omnino nervi renum proveniunt, qui cum arteria & vena renali simul per sinum renalem in eorum substantiam distribuuntur. Ex hoc renali plexu multi oriuntur rami, qui partim ad testes, partim autem ad plexum mesentericum medium abeunt, qui magna ex parte ex his ramis efficitur. Notandum porro hic est, renes etiam cum ventriculo per nervorum anastomoses aliquod commercium habere; non quod ventriculus immediate a plexu renali aliquos ramos accipiat, sed quod plexus coronarius stomachicus maximis ramis cum ganglio magno semilunari communicet, a quo nervi renales proveniunt. Ex his ipsis satis apparet, cur inflammato uno alterove rene, cardialgiæ, vomitusque statim subsequantur, & cur ad proximum testem dolor stuporque oriantur? summe certe probabile est, materiem illam spirituosam primo ad locum irritatum pervenisse, & abhinc per communicationes nervorum ad ventriculum & testes ivisse, quibus per se, ob summam nervorum copiam, maxima sensibilitas est.

§. LVII. In explicandis reliquis omnibus supra recensitis symptomatibus & morbis hujus consensus, nulla certe alia, quam hac nobis opus erit methodo. Non dispar enim est ratio vomitus e. gr. illius & cardialgiæ, quæ in affectibus hystericeis plerumque incidit, ab illa, quæ in nephritide excitari solet,

§. LVIII.

(k) Vid. *venenandum* atque *illust. Præceptorem* in comp. Physiol. pag. 414. §. 759. nec non in comment. Boerhaav. Tom. III. pag. 218. not. m.

(l) *Wunslowi* Traité du Bas Ventre. pag. 162. §. 399. §. 78. 79.

§. LVIII. Transimus nunc ad historiam affectuum hystericeorum, quorum tanta vis est, ut vix alio in morbo amplitudo hujus consensus melius intelligi, & inspicere possit, quam in passione hac hysterica. Omitimus autem omnia hujus morbi symptomata, quæ ad vasorum præcipue consensus pertinent: dolorem exempli gratia capitis, quando menstruum fluxus, aut ad parvam aliquam quantitatem diu imminutus, aut plane abolicus, & interceptus, passionem hystericeam producit. Nulla fere datur in corpore feminino notabilis pars, in qua malum hystericeum non peculiare & constantes aliquos affectus excitaverit. Caput enim æque afficitur ac collum, abdomem, & extremitates tam superiores quam inferiores. Quare, in exponenda horum omnium, vel saltem ad consensus nostrum pertinentium affectuum ratione, maxima omnino opera danda est, ut quoad mihi ob exiguam & vix ullam in praxi medica cognitionem fas erit, aliquem hic ordinem servem. Recensendi igitur primo nobis erunt capitis affectus.

§. LIX. Præter generalem illum capitis dolorem, & vasorum sine dubio consensus unice respicientem, aliæ adhuc dolorum capitis species hic ab auctoribus observari solent, quæ plerumque unam alteramve tantum capitis partem occupant, aut instar clavi infixi ægrotæ caput molleste afficiunt, cum alternis tensivis & veris spasmodicis motibus, ad usque verticem sese exporrigentibus. Eodem hoc tempore alia symptomata observantur in interno capite, deliria nempe, ab ipsa cerebri medulla substantia irritata, & vellicata, producta: obliviones: animi affectus, uti ira, tristitia, metusque, &c.: ipsi oculi omnem sæpenumero videndi facultatem amittunt, (m) in vertiginem incidunt, lacrimasque fundunt; nares frequentissime sternunt: in auribus ægrotæ molestum quendam sentiunt tinnitus aut campanarum quasi sonantium sensum, aut penitus, sed pro tempore, quo paroxysmus sævit, surdæ redduntur. Interne deliquia animi perfecta multarum horarum, & urinæ suppressiones decem & duodecim dierum *illust. Hallerus* vidit.

§. LX. Haud exigui etiam momenti sunt, quæ, durante paroxysmo in organis respirationis atque deglutitionis accidere solent. Ajunt enim feminæ ejusmodi hysterice, ascendere sibi dolorem quendam obtusum a synchondrosi ossium pubis secundum totam illam musculorum rectorum abdominis directionem, instar adscendentis cujusdam glomeris vel modi versus os hyoides, aut paulo altius, ibique subsistere, & in omni deglu-

(m) Verum, haud miror tales in hystericeis affectus, si *illust. Morgagni*, aliorumque magnorum virorum mirabiles plane hac de re observationes perpendeo. Vidit *Morgagnius* in feminis hystericeis perfectas cæcitates uno alterove aliquoties supervenisse oculo, a solo nimirum, de quo antea vehementissime querebantur, colico dolore. Vid. *Morgag. Epist. Anat. XVIII. pag. 316.* Ejusmodi casus etiam describit *Michael Adolph* in Act. Nat. Cur. Vol. 2. Obs. 887. & *Nebelius* in Ephem. Nat. Cur. Dec. 3. 4. Observ. 81.

glutitione difficultatem parere; hinc mulierculis hystericis, quæ huic symptomati obnoxie sunt, nescio, quæ causa persuadet, uterum ad fauces ascendere. Tam vehemens sæpe hic in faucibus dolor est, ut brevi, suffocatione sese morituras esse, putent.

§. LXI. Neque immunes subsistunt ab hoc malo partes in pectore absconditæ, & musculi, qui pectoris latera cingunt, respirationique inferviunt, tentantur enim spasmis, præsertim autem pectorales. Sanguis, ob constrictas ab irritatis nervis arterias pulmonales difficulter, lenteque per pulmones trajicitur, unde anxietates tunc temporis valde crudeles, & palpitationes cordis nascuntur; imo non infrequens est, ut in animi deliquia incidant, quem admodum jam monitum est, aut molesta tussi laborent.

§. LXII. In abdomine maxime afficiuntur ventriculus, renes, & aliqua etiam intestinorum pars. In ventriculo cardialgiæ, vomitusque excitantur: in renibus ejusmodi sæpe fit constrictio, ut urinæ transitus in ureteres claudatur, sæpe etiam, ut a nimia hic generata irritatione vomitus cieatur, uti in nephritide, quod *Sydenhamus* jamdudum observavit: moniti enim sunt a *Sydenhamo* medici, ne fæminas hystericas nephritide laborare crederent, quando de dolore circa regionem vertebrarum lumborum inter ultimam costam spuriam & os ilium sævientem, queruntur, & eadem fere ac in nephritide adsunt symptomata, vomitus v. g. cardialgia, & læsa diuresis. In intestinis borborygmi, tenesmi, dolores in intestino præsertim colo, sæpe laborant obstructione alvina satis pertinaci. Brachia atque pedes convulsiivo quodam motu huc & illuc jactitant.

§. LXIII. Et hæc consuetissima sunt symptomata & affectus, qui in passione hystERICA a plerisque scriptoribus observati, & memorie ita proditi sunt. Inquirenda & examinanda nunc erit horum omnium origo, quæ maxima ex parte ab anastomosis nervorum, uti supra jam diximus, pendere videtur. Verum autem, uterus, fons omnium horum malorum, nullos ejusmodi habet nervos, qui immediate cum musculis v. gr. laryngis, aut cum ventriculo cohærent, quos motibus spasmodicis afficere posset, sed ex eodem tamen proveniunt trunco, a quo & uterus & reliquæ partes omnes, quæ in hoc malo afficiuntur, nervos suos accipiunt. Hic truncus, uti notissimum est, est nervus intercostalis, qui per totum thoracem, abdomen ad pelvim usque decurrit. Neque opus esse credo, ut de omnibus ramis & anastomosis, quas cum aliis nervis habet, multa hic verba faciam, sufficit autem, illos tantum considerasse ramos & anastomoses, quarum ope propositi morbi affectus rite intelligi queunt.

§. LXIV. Prima hujus morbi causa, omniumque illorum affectuum, qui tunc temporis in remotissimis partibus excitantur, origo, in irritatione quadam nervorum uteri consistit, quæ per communicationes nervorum ad omnes illas partes propagatur, quæ ab hoc morbo patiun-

tur. Oportet igitur has partes ex uno eodemque trunco nervos suos accipere, ex quo uteri nervi proveniunt. Hæc res facilis omnino demonstratu erit.

§. LXV. Potest autem sensus illius irritationis ex infimo mesenterico plexu ad sequentem, & ex hoc ad supremum facile propagari, quia inter se varias satisque conspicuas anastomoses habent. Plexus autem mesentericus supremus non paucos etiam ramos mittit ad plexum renalem, uti vicissim accipit a plexu stomachico, quod supra jam, ubi de vomitu nephriticorum dictum est, vidimus: patet igitur, irritationem illam hystericam, quæ ad renales plexus ascendit, simili via ad ventriculum pervenire, qua pervenit irritatio nephritica.

§. LXVII. Plexus semilunares constituunt una cum ramulis quibusdam primorum nervorum lumborum plexus renales, quorum dexter cum plexu hepatico, sinister autem cum plexu splenico, & coronario stomachico ope ejusdem magni ganglii communicat. Plexus semilunares, uti §. LVI. vidimus, originem suam debent ramis quibusdam nervi intercostalis, qui ex thorace in abdomen descendunt. Nullum ergo dubium est, quin per varias has anastomoses omnis illa in utero primo excitata irritatio ad has partes pervenire possit. Sed neque hic penitus subsistit sensus irritationis, ubi nervus intercostalis enarratos illos, plexus semilunares constituentes, ramos producit, nihil enim impedit, quin per reliquam etiam nervi intercostalis partem, variosque ejus ramos ad reliquas partes omnes excurrat, variosque illos in eis effectus producat.

§. LXVIII. In pectore pleraque fere partes a nervo intercostali nervos accipiunt. Cor enim magnam nervorum copiam habet, quorum principes merito hic enarrandi sunt, quia seminarum hystericarum animi deliquia ab his nervis unice oriri videntur. Ganglion cervicale supremum, factum, ex trunco nervi intercostalis per foramen caroticum retro arteriam carotidem ad primam vertebra collis descendente, & ex primo, secundo, & tertio nervo cervicali, multos dat ramos & furculos pharyngi & laryngi, & musculis præsertim destinatos, qui ut omnino probabile est, sensum adscendentis illius nodi & glomeris in his musculis generant. Idem hoc ganglion primos cordis nervos generat, qui aucti ramis & ab octavi paris pharyngeo plexu, & a nervis cervicis, & a trunco intercostali, secundum asperam arteriam per collum in pectus descendunt, secundum primo ad arteriam thyroideam ganglion faciunt, ex quo denuo nervi orti alii cor adeunt absque medio, alii ganglion cervicale imum efficiunt, quod & ipsum insignes cordis nervos mittit, auctum a cervicalibus imis. Hi nervi ad sedem dextram ductus arteriosi, retro aortam plexum faciunt, ex quo tres nervorum fasciculi cor adeunt, quorum anterior ad coronariam arteriam dextram, medius ad sinistram, postremus ad sinum sinistram ramos suos mittunt. Hi cordis nervi varie augentur a recurrente nervo, sibi multis modis innexo, a quo arteria

aspera non paucas fibrillas accipit: unde tussis illæ & affectus asthmatici, qui quidem irritatis, & mox dicendis pulmonum nervis multum simul etiam debent.

§. LXXVIII. Sic ganglion cervicale medium generat interim truncum nervi intercostalis, qui haud procul abhinc in duos quasi dividitur ramos, quorum unus magis superficialis est, alter autem profundus. Ramus superficialis descendit versus arteriam subclaviam, ubi circumiens circa arteriam, retro eam in ganglion iterum recipitur, quod a ramo profundo conficitur. Vidit præterea *Clarissimus Winslowus* ramum, qui cum nervo recurrente anastomosi facta, propaginem generat, una cum octavi paris nervis in pulmonem distributis.

§. LXX. Sed nervo intercostali aliquod etiam omnino commercium est cum nervis, qui externas cranii partes adeunt, quarum aliquot in malo hysterico afficiuntur, & cum nervis brachii, & pedum. Omnia enim paria nervorum cervicis manifestissime uno alterove ramo communicant cum nervo intercostali, de quibus autem nunc paulo fufius nobis dicendum erit.

§. LXXI. De primo, secundo, & tertio nervo cervicis ex §. LXXVIII. jam constat, quod maxima ex parte ganglion illud cervicale supremum simul cum truncu nervi intercostalis constituent. Horum ramorum quilibet sæpe major est, quam ipse truncus intercostalis ex cerebro descendens. Ramus posterior primi nervi cervicis unice fere musculis rectis & obliquis capitis destinatus est.

§. LXXII. Nervus intercostalis communicat etiam, ut nemo ignorat, cum nervis brachii, quos quartum, quintum, sextum, & septimum colli par, primumque & alterum dorsi, constituent; quam ob rem facile intelligi potest, cur in malo hysterico brachia toties convulsivo motu agitentur, uti in præcedentibus annotatum est. Ob similem etiam anastomosi nervi intercostalis cum duobus ultimis nervis lumborum, & cum nervis sacris, qui multum omnino conferunt, ad constituendum maximum illum nervum sciaticum, pedes spasmis corripiuntur.

§. LXXIII. Propositis, quæ de malo hysterico ratione consensus nervorum dicenda erant, ad alium affectum transimus, qui in hominibus hernia incarcerata laborantibus, observatu non adeo infrequens est: contingit enim, ut, elapsa aliqua intestinorum præcipue tenuium parte, aut in scrotum per anulum abdominalem, aut ad inguina, haud diu post id infortunium, vomitus quippe ingentes, & stercoris ejectiones per os succedant.

§. LXXIV. Triplex hujus vomitus causa est, quam nemo non optime intelligit: alia fit a tractione quadam membranarum, quæ adeo ad continuationem membranarum pertinet: alia, si elapsis in scrotum intestinis multum atque indurati inest stercoris, quod naturali via discedere haud potest, ob constrictum illorum exitum & mutatum naturalem situm; tertia

tertia denique causa ad consensum nervorum proprie pertinere videtur, qui plerumque ob excitatam in inclusa intestinorum parte inflammationem fit, qua nervi partis incluse aliquam irritationem patiuntur, quæ ut supra vidimus, per communicationes nervorum ad usque ventriculum & oesophagum propagatur. Oportet igitur, ut in hunc consensum inquiramus, ne incerti hic aliquid remaneat.

§. LXXV. Intestina tenuia nervos suos accipiunt a plexu præsertim mesenterico supremo, qui arteriæ mesentericæ superiori circumjacet, & cum ea magna omnino ex parte ad intestinum colon, & intestina tenuia abit, quibus, & glandulis mesentericis, infinitos certe ramos largitur, a quibus summa illa intestinorum sensibilitas pendet: a purgantibus enim vix aliquid patiuntur linguæ atque faucium nervi, sed intestina ne quidem mercurium dulcem diu sustinent, qui linguæ papillas nerveas grata quadam dulcedine afficit. *Willisus* hunc plexum mesentericum supremum ganglion vocat solare, a similitudine quadam radiorum quos prodeuntes ex hoc plexu rami referunt. Proveniunt ab eo plexu & renali aliqui sirculi, qui ad originem mesenterii descendunt, ad arteriam mesentericam inferiorem, ubi medium produunt plexum mesentericum, cui truncus ipse intercostalis nonnullos ramos addit. Reliqua, quæ hic occurrunt, dictis §. LVI. simillima sunt.

§. LXXVI. Neque magis speciales quosdam hic partium quarundam ope nervorum inter se consensus omittere licet, quos a *Willisio* præcipue annotatos video. Ita (m) ventriculus cum aspera arteria & larynge consentit, quod ex tussi illa scitur, quæ unice a vitio, magnæque pituitæ quantitate obsessu ventriculo, sæpe producit: sic ventriculo aliquis etiam est consensus cum corde: & uni oculo cum altero (n).

§. LXXVII. Ventriculus consentit cum arteria aspera, & larynge, nec non cum corde ipso, ope nervi vagi, sive octavi paris, quod ex tribus diversis truncis componitur. Primus accessorius esse videtur, oriaturque a septem ramulis nervorum cervicis, qui in unum quasi truncum concurrunt. Is truncus in cerebrum adscendit, ubi innumeri ex medulla oblongata prodeuntes ramuli ei inseruntur, quibus auctus, exit de cranio cum octavo pare, & musculum adit trapezium, cui unice destinatus est. Secundus octavi paris truncus est nervus pharyngeus, qui pharyngem præsertim & linguæ basin adit: anastomoses etiam quasdam habet cum nervis mollioribus intercostalis. Tertius denique truncus omnium est maximus, & de quo præcipue dicendi hic nobis erit scopus, truncus nempe octavi paris. Primi hujus nervi rami veniunt ad laryngem, ubi cum nervo recurrente varie communicant: descendit autem truncus, datis his ramis, cum vena jugulari in thoracis cavum, generatque ibi locorum,

P p p p 2

ubi

(m) Vid. *Willis.* de Cerebro. pag. 178.

(n) *Illust.* atque æternum venerandum *Præceptorem* in Comp. Physiol. pag. 300.

ubi bronchia pulmones subeunt, nervum recurrentem, qui sinistro in latere circa arteriam aortam sursum flectitur, in dextro autem circa arteriam subclaviam, unde nomen nervi recurrentis natum est. Is recurrentis nervus, facta hac in utroque latere mirabili flexura, aliquod ad eorum ramos mittit, adscenditque secundum œsophagum versus laryngem, ubi cum nervis laryngeis superioribus varias anastomoses habet; in toto hoc autem itinere non paucos certe œsophago dat ramos. Pulmonum plexus notissimos ipse truncus efficit; haud magni sunt, quod natura horum viscerum optime demonstrat, nam vix aliquem exulcerati in phthisicis pulmones dolorem excitant, si anxietates illas summas excipis, quas transeuns per compressa pulmonis vasa sanguis parit. Sed uterque tandem plexus mutatur in plexus alios, quorum sinister œsophageus anterior & minor vocatur, dexter major, œsophageus posterior; prior descendit cum œsophago ad anteriorem ventriculi superficiem, ubi in multos ramos & furculos dividitur, qui causa sunt summæ sinistri orificii sensibilitatis, plexus posterior per totam curvaturam minorem ventriculi expanditur, variosque dat ramos hepatis vicino, cum ramis ganglii magni hepar adunantibus, commistos.

§. LXXVIII. Ex istis nunc ratio patet, cur a vitio ventriculi tussis, & vice versa, a tussi vomitus & cardialgie toties nascantur, uti in malo hypochondriaco inveterato sæpe fit, dum crudi & haud facile digerendi cibi debili ventriculo ingeruntur.

§. LXXVIII. Quomodo autem oculi inter se consentiant, ut affecto uno oculo, alter etiam male afficiatur, nunc inquirendum. Nemo sine dubio ignorat, hunc mirabilem consensum latere in conjunctione illa notissima thalamorum opticorum, qui magna certe ex parte nervos opticos, tanquam principes oculorum nervos, generant. Si nunc in uno alterove oculo vel a causis quibusdam externis, vel internis etiam, notabilis aliqua irritatio excitatur, in utroque statim oculo unus fere idemque producit effectus, quia propagato sensu irritationis illius ad iritanti nervi originem, altera priori adnexa, similem irritationem percipit, hinc per utrumque æquali vi spiritus ad oculos determinantur (o).

§. LXXX. Infinita similium observationum & symptomatum exempla enarranda nobis adhuc restant, sed, cum pleraque eorum ab aliis jam exposita sint, haud opus erit, ut speciatim omnia iterum proponam. Digna erunt perspectu, varia illa symptomata, quæ ope anastomosis quarundam nervi duri cum nervis maxillæ tam superioris quam inferioris & ramis quibusdam nervi intercostalis sæpe producuntur.

§. LXXXI. Quando parietes calce obducti unguibus vel corpore aliquo scindente raduntur, ingratus aliquis producit sonus, qui dentes moleste afficit: aliis hominibus similis in dentibus stridor nascitur, quando

quando charta, aut lingua dura raduntur. Omnia hæc sola fieri communicatione nervi duri cum ramis maxillaribus & dentalibus nervi quinti, docet Anatome. Truncus nervi duri, egrediens ex cerebro per proprium foramen, quod stylomastoideum vulgo dicunt, deinde, perforata glandula parotide, ad angulum maxillæ inferioris in conspectum venit, ubi in duos ramos dividitur, quorum unus inferior est, alter autem superior. Hic major duorum est, atque in septem aut octo plerumque ramos distribuitur, qui fere omnes in lateralem capitis partem ad faciem excurrunt, & speciem plexus formant, qui ab Anatomicis Gallis *pes anse* appellatur. Ab hoc nunc superiori ramo veniunt duo vel tres circiter furculi, qui supra tendineam musculi temporalis partem ante venam temporalem cum nervo maxillari communicant; & ab ejusdem aliis ramis insignes furculi producuntur, qui transversim faciem perrepunt, & plexum cum infraorbitali ramo nervi maxillaris superioris insignem faciunt (p). Idem ramus superior furculos habet, qui cum nervi tertii quinti ramo hyccinatorio uniuntur. Inferior nervi duri ramus æque ac superior variis in locis cum nervis maxillæ inferioris & cervicis communicat: distribuitur enim ad angulum maxillæ inferioris in multos ramos, qui partim ad faciem & partes vicinas, partim autem ad collum distribuntur, inter quos hic præcipue memorabilis est, qui ad marginem maxillæ inferioris longo itinere versus musculum labii inferioris migrat, quo perforato, cum nervo ex maxillæ inferioris foramine prodeunte, communicat.

§. LXXXII. De specialiori & magis composito nervorum inter se consensu, cujus ope multi Clar. Viri mirabiles certe effectus & symptomata explicant, nihil hic dicam: imo, neque de hoc nervorum consensu aliquid attingam, qui a sola fit cohaesione nervorum, mediante interposita tenerrima tela cellulosa, quum vix aliquid auctoritatis vel certi eis insit.

§. LXXXIII. Omnia hæc recensita symptomata graviora fieri, & sensum alia producere facile queunt, quotiescunque irritatio ad certum quendam gradum augetur: si intestina, verbi gratia, infantum ab acescente lacte materno irritantur, non raro eodem tempore in toto corpore convulsivi motus excitantur. Sensus igitur hujus irritationis, si ad nervorum originem pervenerit, totam fere medullasam cerebri substantiam in consensum rapit, ex qua universali irritatione ad omnes partes major spirituum nascitur determinatio. Hoc fieri, manifeste apparet in motu musculari, qui citra animæ voluntatem in omnibus fere corporis musculis maximus in convulsione fit: flexores vehementius & citius, quam in statu naturali contrahuntur, & idem extensoribus contingit. Ab ejusmodi mutua quasi musculorum contractione & extensione pendet convulsionum

P p p p 3

idea.

(o) Vid. l'Anatom. d'Heister &c. p. 792.

(p) Vid. Winslow. Traite des Nerfs. Tom. III. pag. 235. 237. Edit. Paris.

idea. Varie sunt cause, quarum ope convulsi in corpore motus excitari queunt: vulnera exempli gratia valde magna, & productæ per ea hemorrhagiæ notabiles, vel quæcunque liquidorum evacuationes nimie: nervi ex parte tantum disseci: & generatim nervorum irritationes summae.

§. LXXXIV. Vidimus hæcenus irritati nervi effectus, variaque, ob communicationes nervorum inter se, symptomata: sed fas erit, ut oppositum etiam nervorum his consideremus statum, qui fit, si aliqua cerebri pars, vel nervorum origines, aut truncus aliquis ita comprimitur, ut per eum truncum nulla amplius spirituum fiat determinatio ad partes destinatas. Ejusmodi statum observamus in apoplexia, morbisque omnibus, ab ea oriundis.

§. LXXXV. Apoplexia in genere considerata, est sensuum & functionum plerarumque partium corporis humani subita quædam abolitio (q), instar hominis summe ebrii & fatigati, dum in profundissimo jacet somno: plerumque tamen superstes manet cordis & respirationis officium; manifesto satis argumento, nihil pati cordis nervos, licet effusus in cerebri ventriculos sanguis ipsum cerebellum premat, a quo multi *Celeberrimi viri* cordis nervos venire crediderunt.

§. LXXXVI. Producta ab effuso in cerebri ventriculos sanguine apoplexia, haud longo ab ea calamitate tempore aliis morbis originem præbet; minime enim rarum est, ut, sanata apoplexia, hi vel illi musculi paralytici evadant. Hinc, si omnes unius lateris musculi tali laborant paralyti, *hemiplegia* vulgo dicitur: *paraplegia* autem, quando omnes partes, cervici suppositæ, ita affectæ sunt. Sed, quænam horum effectuum causa sit, dici oportet. Quærenda certe erit in conjunctione & communicatione omnium cerebri ventriculorum, & libera ex ultimo in medullam spinalem via, per quam sanguis effusus ad origines nervorum spinalium descendit, quas suo pondere ita premit, ut per eas liquidi nervi secretio penitus, vel ex parte saltem aboleatur. Sanguinem hoc modo ex ventriculo quarto ad medullam spinalem facile descendere posse, docet spinæ bifidæ in fetibus origo.

§. LXXXVII. Priusquam autem apoplexiæ effectus considerare nobis licet, oportet, ut antea rite intelligamus ipsas apoplexiæ ab effuso sanguine natae causas & rationes: an forte ventriculis aliquid inest, quod, si ab effuso comprimeretur sanguine, tales in toto fere corpore effectus producere posset, nempe abolitionem sensuum & functionum omnium sæpe partium, excepto corde, & aliqua pulmonum parte, cujus integritas a ramis trunci nervi intercostalis pendet.

§. LXXXVIII. In anteriori ventriculorum anteriorum parte duo eminent colliculi (r), qui ab anatomicis *corpora striata* vocantur, quorum

(q) Vid. Boerhaav. Aphoris. pag. 232. §. 1008.

(r) Vid. *Venerandum* atque *Illust. Praeceptorem* in Comp. Phys. pag. 181. §. 362. &c.

rum substantia externa corticalis est, mollissima pia matre obducta, interna autem media pars medullaris & corticalis simul est, atque in strias distinctas disposita. *Viesseus* tria diversis nominibus ejusmodi corpora descripsit, sed unicum est utrumque, cujus diversas regiones *Vir Clar.* diversis nominibus insignivit. Hæc corpora principem atque nobilissimam totius cerebri partem esse, docent observationes practicæ: nam abscessus, hydatides, sanguis effusus, vel quidquid aliquam in corpora hæc striata pressionem exercet, gravissima in toto corpore symptomata producit, uti epilepsiam, apoplexiam, & mortem sæpe ipsam. Haud miror autem, tanta exinde mala oriri, quando considero, ab his corporibus maximam crurum cerebri partem oriri.

§. LXXXIX. In posteriori vel media horum ventriculorum parte alii duo apparent colliculi, *thalami* nervorum opticorum vulgo appellati. Externa eorum substantia medullaris est, interna autem striis corticalibus mixta, quæ melius in animalibus quibusdam, uti in vitulo, quam in hominibus conspici queunt. Hi thalami, dum retrorsum eunt, cerebri crura ingrediuntur, quæ una cum corporibus striatis nervos opticos generant. Inter thalamos reperitur stria medullosa, *geminum centrum a Viesseio* nominata, quod centrum a dextro in sinistram latus transversali quasi nervo conjungitur, quam cohesionem Anatomici vocant commissuram cerebri anteriorem. Intervallo illo, quod est inter thalamos nervorum opticorum, & corpora striata sedet *septum lucidum*, quod tenerima est lamina medullaris, pia matre obducta: ad anteriorem hujus septi finem adscendunt plexus choroidei, ubi in unum coeunt, adscendunt inquam cum thalamis opticis ex basi cranii, ubi originem suam ducunt a plicata pia matre, numerosis vasis rubris picta; arteriæ ejus inferiores a carotide veniunt & vertebrali: venæ confluunt in venam Galeni. Exhalat perpetuo ex his plexibus vapor aliquis, ventriculos replens, qui mox autem per venas resorbentes resorberi solet, alias idem hic contingeret, ac in pectore & abdomine, hydrops scilicet nasceretur, a quo corpora striata facile comprimerentur.

§. XC. In ventriculo tertio itidem varix reperiuntur eminentiæ, & colliculi: inter quos illi notatu maxime digni sunt, qui a Veteribus *nates* atque vocabantur, nunc autem a *Winslowio* eminentiæ anteriores & posteriores dicuntur. Hæ eminentiæ ab intermedia illa stria crassa medullari dextrum & sinistram cerebri lobum posteriorem inter se conjungente, in quatuor hos colliculos figuratæ sunt: anteriores nates, & posteriores testes vocantur: anteriores partim corticales & partim medullares sunt. Hæ quatuor eminentiæ inter se efficiunt intervallum, quod glandula pinealis replet (s), cui plexus choroideus medius super expansus est.

§. XCI.

(s) Glandula hæc pinealis non raro ossea, lapideaque reperitur, & argumentum satis firmum contra *Cartesium* & reliquos præbet, qui hanc glandulam animæ nutritæ receptaculum esse crediderunt.

§. XCI. Sanguis ex ventriculo tertio in quartum immittitur, non patitur ea & hic etiam nocere potest, quando pons Varolii & cerebellum aliamquam injuriam patitur. Negat equidem *Vienissiens*, sanguinem aut aliud liquidum ex tertio ventriculo ad quartum venire, ob valvulam nempe illam cerebelli, qui in anteriori & superiori hujus ventriculi parte reperitur. Verum ea valvula ventriculum quartum non excludit ab aquæductu, sed unice posterius a cranii camera separat. Naturalis autem via ex ventriculo tertio in quartum, est aquæductus *Sylvii* de le *Bos*: hoc nomen non male certe a similitudine quadam canalium illorum, qui absconditi sub terra aquam ad destinata loca vehunt, desumptum est; descendit enim aquæductus ille sub natibus in calamus, sive posteriorem medullæ spinalis sulcum, instar aquæductus cujusdam veri, dum in locum suum terminatur.

§. XCII. Quotiescunque igitur ab effuso in hos ventriculos sanguine, vel a nimia exhalantis aquæ copia, hæ partes aut omnes, aut earum principes ita comprimuntur, ut earum destruat integritas, a qua omnium quinque tam externorum, quam internorum, actio pendet, apoplexia nascitur. Quando vero sanguis ex ventriculo quarto in medullam spinalem sensim descendit, disparent mox pleraque apoplexiæ symptomata, quibus alia, & sæpe subito funesta superveniunt: paraplegia exempli gratia, hemiplegia, aut paralyse hujus illiusve tantum membri, vel musculi.

§. XCIII. De paraplegia in genere notandum est, resolvi in ea maximam tunc temporis partium illarum partem, quæ a ramis nervorum medullæ spinalis liquidum nerveum accipiunt, ne dicam de iis partibus, quibus nulli alii sunt nervi, quam ii, qui ex medulla spinali veniunt: comprimuntur igitur hic plerique ex utroque medullæ spinalis latere oriundi nervi. In hemiplegia autem destructio unius tantum fit lateris, quia sine dubio illius tantum lateris nervi a descendente sanguine premuntur, remanente interim altero incolumi.

§. XCIV. In summo illi vitæ periculo versantur, quibus, uti olim jam *Hippocrates* observavit, post apoplexiam paraplegia contingit. Cui hæc autem tantopere timenda sit, quivis optime sane intelliget, dummodo sibi animo revocaverit, cordis principes nervos non a cerebro, sed ex ipsa medulla spinali proficisci, & his compressis, in corde non nisi imbecilem, liquida sua expellendi, vim remanere, qualem paucissimi, uti supra abunde vidimus, octavi paris nervuli, & primus ille a capite nervi intercostalis perveniens trunculus, præstare possunt.

§. XCV. In paraplegia multum non solum externa membra patiuntur, musculique pectus & abdomen cingentes, sed & interna pleraque fere viscera, quæ a trunco intercostali ramos accipiunt. Ratio ex præcedentibus fatis patet: truncus enim intercostalis maxima ex parte ex ramis nervorum spinalium efficitur, quorum quilibet, excepto tamen pare tertio, quarto

quarto & quinto, ramo suo anteriori nervum intercostalem adit. Non repero autem quæ de hoc nervo supra passim exposita sunt.

§. XCVI. De spina bifida ejusque origine, quæ nemini, perspectis his, quæ de apoplexia, hujusque effectibus dicta sunt, obscura videri potest, haud multa enarranda mihi supersunt. Hoc malum non infrequens est infantibus, quibus in capite hydrocephalus a quacunque causa natus est. In fetibus non raro ejusmodi hydrocephalus sive congeries aquæ illius exhalantis (§. LXXXVI.) in ipso utero nascitur, quæ cum temporis progressu cerebro circumpositas membranas, ipsaque nullis adhuc futuris inter se connexa ossa ita sensim distendit, ut hiatus amplum efficiant, ex quo dilatatae membranæ cerebri instar sacci vel aqua repletæ vesicæ, supra faciem, vel capitis latera propendent. Quando hæc aqua in cerebri ventriculos effunditur, brevi dicta (§. LXXXVII.) via in medullam spinalem pervenit, & ubi dura mater ad os sacrum cum reliquis simul membranæ in speciem sacci cujusdam formatur, sensim sensimque ad tantam augetur copiam, ut proprio tandem pondere & nixu ultimorum vertebrarum lumborum corpora, quæ eo tempore nondum tanta ac in adultis duritie gaudent, distendat, atque rumpat (*).

§. XCVII. Finito denique & hoc nervorum amplissimo certe consensu, de quo non nisi generalia, & quæ scitu nobis quam maxime necessaria erant, proferre licuit, ad sequentem & priori ex parte analogum consensum transire omnino fas erit, qui in continuatione latet membranarum & cohæsione inter se.

SECTIO IV.

De consensu Membranarum.

§. XCVIII.

Generalis hujus consensus idea pendet ab irritatione membranarum, quæ ob cohæsionem mutuum in parte non irritata similes ac in irritata effectus producit.

§. XCIX. Ut clariora & certiora hæc omnia videantur, oportet proponere symptomata ab ejusmodi irritatione excitata. Ita pruritus in glande penis a latente in vesica urinaria calculo vel materie tophacea exci-tatus, sine dubio fit per continuationem membranarum vesicæ cum membranæ urethræ (†), quæ ad penis glandem continuantur. Cum autem vesica

(*) Vid. *Tulpii Observat. Medic.* lib. III. pag. 235.

(†) Vid. magnum atque æternum mihi Venerandum Præceptorem in *Comp. Physiol.* pag. 360. §. DLV.

Disput. Medico-Pract. Tom. VI.

vesica urinaria ex variis, uti notissimum est, membranis, & interpositis sibi tunicis cellulosis constat, necesse erit, ut inquiramus, quænam ex his membranis & telis, cum urethra continua sit.

§. C. Fabrica vesicæ urinariæ sane haud multum differt ab intestinorum aut ventriculi fabrica. Primum involucrium præstat peritonæum, quod apici & anteriori vesicæ parti ad conjunctionem ossium pubis insidet; non tota autem anterior pars peritonæo tegitur, sed dimidiam circiter tegit cellulosa. quæ est inter vesicæ partem anteriorem & faciem internam ossium pubis. Hæc igitur tantilla peritonæi pars supremam vesicæ partem tegens, minime pro involucrio habenda est: verum sub hac cellulosa prima jacet musculosa tunica, ex multis, varietate huc & illuc tendentibus stratis & fasciculis composita, qui in nullum perfectum ordinem redigi aut disponi queunt. Princeps, maximumque harum fibrarum stratum incipit a prostatae glandulæ facie anteriori, a qua per totam vesicæ partem anteriorem ad usque urachi originem ascendit: inde per posteriorem vesicæ partem descendit ad prostatae faciem posteriorem. Hæc fibræ considerandæ sunt, tanquam vesicæ urinariæ musculus depressor, quemadmodum *Comperus* eas ita nominavit (v). Præter has fibras autem, aliæ adhuc observantur, quæ ad omnes fere partes excurrunt absque ullo ordine. Earum multæ a prioribus veniunt, sed haud longum per intervallum conjunctim migrant, partim etiam a prostatae facie anteriori supra vesicam ad faciem posteriorem procedunt, ubi a priori teguntur strato. Nulla ex his fibris continuatur in urethram, neque cellulosa illa huic membranæ circumposita, aut sequens inflexibilis, quæ est inter tunicam musculosam & proximam nerveam: nervea autem & villosæ similis intima membrana, quibus vesica non caret, utique in urethram continuatur, estque vera continuatio cutis & epidermidis, ex quibus tota urethra manifeste componitur (x). Nullum ergo superest dubium, quin pruritus ille per solam continuationem tunicæ nervæ vesicæ, & villosæ, ad glandem penis propagetur.

§. C I. Similem ob causam excitatur in naribus infantum pruritus a vermibus in intestinorum cavo hærentibus. Narium cavitatem investiens membrana ab Auctore Schneideriana dicta, manifestissime per os, fauces, œsophagum, totumque intestinorum tractum ad anum usque continuatur, & in toto hoc itinere nusquam interrupta continuatione nomen ejus mutatur. In intestinis & ventriculo villosa appellatur: in faucibus & ore simpliciter membrana oris: & in naribus Schneideriana. Non semel

(v) Vid. Magnum Præceptorem in Comp. Phys. p. 420.

(x) Winslow. Eposit. Anat. Traité du bas-ventre pag. 222. §. 531. ubi his verbis utitur. Il n'est d'abord qu'un canal membraneux, produit par l'ouverture antérieure de la vessie à l'endroit, qu'on appelle communément le col de la vessie &c.

mel examinavit Ill. *Winslowus* (y) hujus membranæ structuram, quam non ubique æqualem invenit: ad marginem cavitatum narium vidit, eam cuti & epidermidi faciei continuam esse, sed paulo interius pulposiorem, porosiorē, mollioremque fieri: ope hujus membranæ efficitur magna veli mobilis palati pars, ibique etiam in membranam faucium continuatur. Hoc uti verum est, nihil de reliquis dubitandum superest: œsophagi enim interna membrana, quæ ob continuationem villosæ tunicæ ventriculi & intestinorum villosa etiam nominari solet, ejusdem fere est fabricæ & structuræ, quæ in faucibus est, pulposa nempe, glabra, & absque villis. Oportet igitur, & ventriculum hanc membranam accipere. cum ventriculus vera continuatio sit, quod in canibus præsertim apparet. Hujus villosæ tunicæ integra aliquoties frustra ob deglutitos fervidos potus aut cibos secessisse visa sunt (z), unde ingens excitatur dolor, quod in cute externa etiam fieri solet, quando epidermis quocunque modo destruitur. Similia sæpe contingunt in diarrhoeis, uti ex practicis observationibus satis constat.

§. CII. Ob continuationem hujus membranæ per nares, fauces, œsophagum, atque intestina omnia, facilia explicatu erunt, quomodo nempe a diarrhoeis furditates sæpenumero tollantur. Nihil ergo ad demonstrandam hujus rei veritatem opus esse credo, quam ut demonstramus, tubæ Eustachianæ membranam internam a faucium spongiosa membrana oriri, vel cum hac saltem continuam esse.

§. CIII. Nemo ignorat, tubam Eustachianam, male a multis Auctoribus pro *Fallopianæ* aquæductu habitam, ejusmodi canalem esse, cujus pars una intra cranium, altera autem extra cranium ponatur. Prior pars irregularem quandam canalem representat, qui orificio suo in tympani cavitatem hiat, cui etiam perfecte adaptatur: pars altera non male figuram tubæ musicæ, unde nomen traxisse videtur, exprimit, libera enim est hæc pars, & faucium cavitatem prominet, ubi membranam suam a faucibus recipit, quæ ad alterum orificium usque extenditur. Hæc membrana priori simillima est, porosa scilicet, multis cryptis & excretoriis ductulis plena, ex quibus mucus aliquis secernitur, qui tympani cavitatem, ipsumque tympanum oblnit, ne aer per fauces in hanc tubam veniens, tympano aliquid damni inferat: nullum enim plane dubium est, quin & per hanc etiam viam aer externus ad tympanum perveniat, nam, aperto ore, auditus acui potest; vicissim, quando nimia fit aeris per fauces inspiratio, tota fere audiendi facultas perit, quod in oscitationibus præsertim observamus, id fit, quando aer ea copia per orificium tubæ anticus subit,

Q q q q 2

(y) Traité de la Tête §. 336.

(z) Datur in America peculiare quoddam genus animalium, in quibus quotiens tota hæc tunica villosa per alvum ejicitur, quod *D. de la Foye* in Catto spoliato americano observavit.

bit, ut aeri per meatus auditorios advenienti resistat, & contrarios in aure fluctus excitet.

§. CIV. Si mucus ille, qui ex cryptis exstillat, quos diximus, in tympani & tubæ cavitatem, tanta augetur copia, ut ab ea aeris in tympano tremores suffocentur, species quædam surditatis nascitur: hinc, si in ventriculi & intestinorum tunica villosa, quæ tubæ Eustachianæ membranæ continua est, tanta irritatio excitatur, quanta sine dubio in diarrhoeis adesse oportet, omnis sanguis, ejusque tenuiora liquida ad irritata excretoria intestinorum vasa majori determinantur celeritate, & copia, quæ adhærentem villosæ tunicæ mucum naturalem abstergit, & per anum educit. Sed, quia eadem hæc villosa tunica in tubam Eustachianam continuatur, & irritationis sensus in eam facillime propagari potest, necesse est, ut & ibi similis effectus producat. Diluitur ergo ab adveniente liquido tenui per ductulos illos mucus inhærens inspissatus, qui excerni antea haud potuit (a).

§. CV. In tractatione consensus vasorum & nervorum, ubi de causis vomitus in hernia incarcerata contingentis, aliquid jam dictum est, principem hujus phænomeni causam omisimus, quæ ad hunc unice consensus membranarum pertinet.

§. CVI. Omnia intestina, dum in statu naturali sunt, totum abdominis cavum exactissime ubique replent. Id fit, partim ab æquali musculorum abdominis resistentia: partim autem a variis illis peritonæi productionibus, quarum ope pleraque intestina firmantur. Elapsa autem per dilatatum quocunque modo anulum abdominalem, aut viam aliam, aliqua intestinorum tenuium parte, extra peritonæi cavitatem, mox aliquod ibi locorum relinquitur spatium, quod elapsum nunc antea occupavit intestinum. Sed in hujus locum descendit vicina superior pars, quæ simile etiam spatium relinquit. Elapso denique intestino colo ex situ suo naturali, deorsum simul trahitur ventriculus, qui colo transverso, ut nemo ignorat, ope omenti gastrocolici adhæret. Excitantur igitur tunc temporis, dum tot nervi valde distrahuntur & irritantur, vomitus ingentes, & ventriculi dolores acerbissimi.

§. CVII. Ultimus tandem partium corporis humani consensus, cujus historiam paucis adhuc adgredimur, a similitudine fit duarum partium inter se.

(a) Ait Hippocrates Coac. Prænot. Sect. II. p. 147. *κατακλύδεις, κοπιώδεις, κινεώδεις, καλινές, κατέργοντες, ἐπὶ τοῖς, διὰ τὴν πύλιναν, ἀφ' ἧς*

SECTION V.

De consensu partium quarundam similium.

§. CVIII.

Sane haud minoris est momenti hic consensus, quam reliqui jam expositi: multa etiam ei communia sunt cum vasorum consensu, imo, si dicendum, quod res est, tota hujus consensus idea a sola pendet similitudine vasorum & glandularum.

§. CIX. Ad hunc consensum primo referimus mirabilem illam mammarum muliebrium mutationem, quæ sub tempore pubertatis, ubi prima nimirum menstruorum fit eruptio, observari solet. Incipiunt enim tunc temporis efflorescere mammæ, quod recte ab *Aristotele* jam observatum video, licet ejus observatio non penitus hujus rei veritati respondeat: quotiescunque enim (ait) mammarum altitudo, duorum circiter digitorum est, prodire menses. Verum certum est, sæpe prodire, licet nulla plane adhuc mammarum tumescencia appareat.

CX. Multi sunt, qui hujus phænomeni causam ab anastomosibus illis arteriarum mammariarum, & epigastricarum deducunt: & dantur utique ejusmodi anastomoses inter has arterias, quod ex anatomicis satis patet. Sed quid eis fidendum, auttribuendum sit, nemo non facile videt; nam arteria utraque epigastrica ita est disposita, ut plerumque nullum omnino ipsi cum uteri & pelvis arteriis commercium sit, quas solus fere truncus hypogastricus generat. Deinde mammis exiguæ sunt eæ anastomoses, quas toties in musculo recto vidimus gracilibus & capillaribus furculis fieri, neque magis epigastricæ cum mammariis consentire, quam cum lumbalibus, aut intercostalibus, aut quæcumque in corpore arteriæ cum vicinis arteriis solent.

§. CXI. Si utriusque partis, mammæ scilicet atque uteri secretos liquores paulo accuratius examinaverimus, nullam aliam hujus phænomeni esse causam, quam adfinitatem secreti humoris, reperiemus, cujus adfinitatis causam in fabricæ subtilis similitudine poni necesse est.

§. CXII. In virginibus sæpe vix aliqua datur differentia inter liquidum, quod in mammis præparatur, & illud, quod in uterum effunditur: utrumque enim serosum est & lacteum. Lac ipsum non raro a multis magnis Viris in uteri cavitate repertum, & ex ea exstillare visum est (b). Oportet igitur summam esse analogiam inter uteri vasa secretoria

Q q q q 3

ria

(b) In vaccearum & ovium utero verum lac invenit magnus Præceptor & Regis in feminis quibusdam lochia alba vidit.

ria & mammarum ductulos excretorios: nam, si secretoria vasa multum in mamma & utero differrent, nunquam tanta foret similitudo in his liquidis. Horum vasorum analogia autem respicit sine dubio unice proportionem illam æqualem, quæ est inter uteri excretoria vasa ad arterias suas rubras, & mammarum ductulos excretorios ad arterias suas rubras. Et ex his nunc colligimus, illum sanguinis nixum, qui menstrua excitat, majorem etiam liquidi serosi quantitatem in mammis secernere: nam hic sanguinis nixus nihil est, nisi nimia sanguinis copia ad uterum delati pro portione resistentiæ vasculorum uteri, quæ omnia fere vasa sensim sensimque magis dilatat.

§. CXII. Mammæ consentire cum utero, docent variæ observationes præcticæ: nihil enim inauditum est, resecta una alterave cancro obfessa mamma, in ipso utero idem malum generari, quod aliquoties olim observavit Boerhaavius.

§. CXIII. Mirabile porro hujus consensus argumentum est diarrhœa illa, quam transpiratio a frigore suppressa excitat. Ponimus ex præcedentibus, in tota corporis superficie infinita adeste vascula exhalantia, quæ omni fere tempore liquidum aliquod tenue, aquosum, ab igne & alcohole nullo modo coagulabile, transpirabile sanctorianum vulgo appellatum, transmittunt. Hoc liquidum exhalat ex vasculis teneris, arteriis rubris continuis, quæ apertis osculis in cute aperiuntur: hæc vascula hanc habent proprietatem, ut, adspirante aere frigidiusculo sese contringere, & calore aperire facile possint. Quamdiu ita contracta sunt, tamdiu nihil plane liquidi per ea transit: hinc omnis reliqua hujus liquidi a sanguine veniens portio, priusquam ad exhalantia vasa perveniat, ubi ab incluso & retento jam liquido obstaculum invenit, cogitur reliquas transire arteriolas, quæ cum venis mutuo communicant, & per has denique lege circulationis ad cor movetur, ex hoc iterum in arterias & harum ultimos furculos, quibus aliquam cum exhalantibus cutis vasculis analogiam esse oportet. Horum vasculorum magna certe copia in toto tam tenuium quam crassorum intestinorum tractu reperitur, quin etiam in arteria aspera, ubi a suppressa transpiratione, si liquidum hoc perspirabile in excretorios hujus arteriæ asperæ ductulos urgetur, tullis molesta, pulmonum catarrhus, & similia mala oriuntur.

§. CXIV. Intestinorum vasa excretoria videntur aliquid diversi habere a cutis vasculis exhalantibus, quum in statu naturali mucum quandam effundant, ad lubricandam internam intestinorum tunicam, ab anatomicis villosam nominatam, quemadmodum supra jam vidimus: sed hoc discrimen nihil omnino impedit, tota enim horum vasculorum differentia unice in eo consistit, quod exhalantia intestinorum vasa paulo ampliorem diametrum habeant, quam cutis vascula exhalantia. Utriusque vero partis vasa & arteriolas rubris continua sunt, & transeunt nervæam & villosam intestinorum tunicam, quæ cuti & epidermidi similes plane sunt.

§. CXV.

§. CXV. Superest, ut de glandularum similitudine, quæ in conglobatis præsertim valde evidens est, aliquid differam. Non infrequens certe est, ut, obstructa una alterave, a causis quibusdam internis, ex hoc genere glandula, mox reliquæ omnes, vel magnâ saltem pars, impervia reddatur.

§. CXVI. Glandulas autem conglobatas vocamus omnes ejusmodi in corpore glandulas, quæ globosam aliquam figuram exprimunt. Harum glandularum sedes est tunica cellulosa laxa, in qua leniter firmatæ sunt: hinc tanta gaudent mobilitate, ut digitis, si sub cute percipiuntur, hoc & illuc sine damno commode moveri queant. Hoc non fugit plerisque Chirugos, dum tumores cysticos, qui destructæ & induratæ sunt glandulæ, digitis extrahunt, vel, ut eis placet, enucleant.

§. CXVII. Primæ harum glandularum sedes in suprema glandulæ parotidis parte sub jugo, inde descendunt versus inferiorem hujus glandulæ partem, ubi nonnullæ circa marginem maxillæ inferioris disperguntur (c). Princeps autem agmen descendit cum vicina carotide & jugulari vena per totum collum, usque ad intersectionem venæ jugularis in venam subclaviam, ubi in duo quasi agmina sive strata dividuntur, quorum primum venæ subclaviæ directionem & partem adhuc aliquam venæ brachialis sequitur: hinc primæ ob viciniam venæ subclaviæ glandulæ subclaviæ, reliquæ axillares appellantur, quæ glandulæ axillares in peste in abscessus sive bubones mutantur. Musculo bicipiti aliquot etiam glandulæ insident, sed in reliqua brachii parte & manibus ne vestigium quidem earum adest, unde nulla etiam hic conspicua sunt vasa lymphatica, nam, ubi adsunt glandulæ conglobatæ, ibi perpetuo adsunt vasa lymphatica.

§. CXVIII. Alterum harum glandularum agmen in ipsam descendit thoracis cavitatem, sub nomine glandularum bronchialium, sed male omnino: harum pars una migrat cum vena cava ad transitum suum per alam dextram septi transversæ; altera supra pericardium dispergitur: eas glandulas optimus Lancisus tanquam fontes certos scaturientis in cavum pericardii aquæ & halitus, post mortem maxime ibi reperiendi, descripsit; sane hic error non tam Illustri, & in altioribus negotiis occupato Viro Lancisio, quam Chirurgo Romano Caietano Petroli tribuendus est, qui Lancisio has descriptiones proposuit; ipse enim Lancisius haud potuit tunc temporis, ob illustre, quo fungebatur, officium, cum apud Clementem XI. Pontificis Archiatri munus obiret, proprias instituere dissectiones.

§. CXIX. Non exigua est copia glandularum conglobatarum, quæ ductum thoracicum, & arteriam aortam per totum thoracem sequuntur, sub nomine glandularum dorsaliæ, ex quibus nonnulli Clari Viri non firma suspitione usi, liquidum ventriculi provenire scripserunt.

CXV.

(c) Vid. magnum Præceptorem in Comp. Phys. pag. 86. §. 183.

§. CXX. Similibus glandulis neque abdominis cavum caret: magna enim & hic earum est vis, quæ cum ductu thoracico & vicina arteria aorta huc pervenit. Vocantur hic glandulæ lombales; quæ cum vasis autem iliacis ad inguina descendunt, inguinales. In pelvi multæ etiam sedent circa nervum obturatorium, & vasa ejusdem nominis: aliæ ludunt retro & circa intestinum rectum, cum quo iterum in abdomen adscendunt, ubi denique in mesenterii & mesocoli duplicaturam late disperguntur, quod aliquoties observavit Illustris & æternum mihi venerandus Præceptor. Circa abdominis vasa magna coacervantur sæpe in agmina: circa venam v. gr. portarum, truncum arteriæ celiacæ, & hujus ramos, lienalem, & illos, qui curvaturam minorem ventriculi adeunt.

§. CXXI. Inter omnes fere corporis humani partes nulla certe mutationibus tam facile obnoxia esse videtur, quam glandulæ hæc conglobatæ; aliam enim habent figuram in recens natis, & junioribus corpusculis, quam in adultis, ibi enim rubellæ sunt, subpallidæ, & tactu molliissimæ, liquidum in se continent sublaeteum, album, & serosum; hic autem, in adultis quippe, & ætate provectioribus, cæruleæ quasi aut nigræ penitus sunt; tactuque longe duriores, neque ea qua in junioribus copia supersunt, plurimæ enim evanescent, & ita indurantur, ut liquidum nullum transmittant, quod in senectute summa in se ipso olim optimus *Ruychius* observavit. In ultima nempe ætate mesenterii præsertim glandulas induratas & ad transmittendum chylum inutiles plane esse. Earum officio tunc funguntur resorbentes illæ venulæ mesaraicæ intestinorum (d).

§. CXXII. Summam esse analogiam inter has glandulas docet non solum Anatome, sed variæ observationes practicæ. Nam infantulis, quibus collum scrophulis sive induratis ejusmodi glandulis obsessum fuit, pleræque internæ post mortem simul obstructæ & induratae repertæ sunt. Non potest certe valde magna inter has glandulas adesse differentia, quia omnes simile liquidum continent, albidum serosum.

§. CXXIII. Et hæc sunt, B. L. quæ de consensu partium corporis humani proferre mihi licuit. Multa sine dubio hic invenies, quæ tuam attentionem omnino haud merentur, hæc autem, si placet, exiguis meis tribue viribus.

(d) Vid. Magnum Præceptorem in Comp. Physiolog. p. 39. l. §. 712.

SAMUEL SEELMATTER,

MORBI CIRCA TOBINIUM

FAMILIARES CUM CASIBUS NONNULLIS

E T

OBSERVATIONIBUS RARIORIBUS

Basileæ 28 Maii 1751.

§. I.

Jam ferme annus elapsus est, ex quo meditabar dissertationem de aquis mineralibus & Soteriis, pro consequendo in arte medica gradu doctoris, luci tradere. Eaquo propter sæpius anceps hærebam, an particularis cujusdam fontis, an plurium & præcipuorum simul, quibus *Illustis Bernatum* ditio abundat, indagationem ex principiis chimico-physicis in me suscepturus essem? At cito perspexi, arduum nimis & maximi momenti fore hoc cæptum, cui tyro in arte asclepiadea non sufficeret, & cujus solidam elaborationem plurium annorum series non exhauriret. Decrevi itaque cautius mercari & hunc laborem non nisi partitis vicibus & successu temporis majore cum commoditate peragere, quando scilicet occasio oblata fuerit unumquemque istorum fontium seorsim in loco per sufficientia experimenta examinandi, probe gnarus, quantum temporis ac industriæ hujus generis materies requirat. Cum autem vitæ studiorumque meorum ratio nunc abs me postulet cæpta negotia impræctica persequi, aliam breviorēque viam calcare in animum induxi, supeditaturus fasciculum de morbis quibusdam patriæ nostræ civitatis & locorum prope adjacentium; argumentum quidem satis difficile atque arduum, quod tamen B. L. temerario & juvenili ausui eapropter non adscribet, cum pleraque contenta jam inde ab aliquo tempore vel ex ore ipsorum ægrorum, vel ex praxi optimi parentis, immo non raro ex ipsis, de quibus nunc agitur, locis haurire abunde mihi licuerit. Spero etiam non insuave fore hoc qualecunque tentamen, cum plures satis curiosas & attentione dignas observationes ex circulo trium miliarium distantiam fere non exsuperante, quam brevissime potero, divulgare constituerim. Ventilavit quidem jam ante decennium ex parte hanc materiam Experientissimus D. Dr. & Physicus Aulæ Gothæ-Saxonum J. Casp. Sulzerus, Vitodurensis, honoratissimus & amantissimus agnatus meus, in dissertatione sua de morbis quibusdam Helvet. endemiis. Cum vero nos specialiori & multum diversa methodo iis fere tantum morbis & casibus inhæserimus, qui limitatæ nostræ sphaerulæ præ reliquis Helvetiæ locis familiares sunt; facile judicabit æquus Lector, me non actum agere, aut falcem in alienam immittere messiem.

§. II.

Tobinium præ reliquis municipiis & locis proxime circum jacentibus aëre gaudet fere semper saluberrimo. Mirum profecto, quod, cum gelu hybernū sæpe jam a principio mensis Novembris suam ordiatur telam,

eamque adusque principium vel medium Maii extendat, parciore tamen nobis nascantur morbi. At magis mirum, quod hujus anni constitutio, variante indies fere tempestate, ex frigida & sicca in humidam pluviosam & ventosam, divini numinis clementia, aut nullos aut paucissimos intra moenia nostra produxerit morbos; solis variolis, mitius tamen & parcius grassantibus, exceptis. Mirum, quod febres intermittentes, tertianæ, quartanæ, oppido raræ existant, & quod constanti experientia teste omnes, qui hætenus in urbe nostra hisce morbis decubuerunt, eosdem ex aliis & minus salubribus locis sibi conquiverint; unico (quousque memini) excepto exemplo, quod cum rationibus physicis inferius sistemus. Mirum morbos quosunque ordinario facilius ac alibi locorum medelam admittere, omniaque symptomata mitiori incedere gradu. Nec minus attentione dignum est, neminem hætenus purpura alba laborasse, paucos rubra, si chronicam excipiamus; & tria modo subiecta febre petechiali vera, uni fatali, non tam ex morbi hujus genio & sævitia, quam quod ad ipsam usque febris ἀκμὴν æger infausto sidere epoto vino medicato valide purgantem inflammationem ventriculi & intestinorum lethalem sibi contraxerit.

§. III.

At si ex antithesi quædam Tobinio prope contigua loca consideremus, longe aliam & plane immutatam deprehendemus morborum faciem. Sic vicini nostri Lucernenses in pagis necdum miliari ab urbe distantibus longe plures & sævioris indolis patiuntur morbos; præcipue illi qui valles depressas undiquaque montibus & collibus, aut lucis cinctas, aut austro & favonio fere solis perspirabiles, & loca aquosa, paludosa, stagna inhabitant. Cælum ibi continuè fere nebulis gravem spirantibus odorem, tectum & obfuscum, aer vappidus, crassus, infectis & rebus putrescentibus, sulphureis, fetidis imprægnatus; unde lerna malorum & morborum producit. Hinc quovis fere tempore ibi locorum grassantur febres intermittentes pertinacissimæ, anomalæ, putres, petechizantes & veræ petechiales, angina, peripneumoniæ, pleuritides veræ, nothæ, aliæque plures, quæ vulgo malignarum nomine veniunt; Immo quavis fere anni constitutio, ratio aeris, victus, aquæ, novas & particulares morborum irregularium sistunt historias. Sic, parcat. B. L. digressioni, memini aliquando dimidiam partem incolarum pagi Triengen, ditionis Lucernensis, febris inflammatoriæ specie cum immani cephalalgia, capite ultra modum tumente, decubuisse; servatos tamen absque remediis, qui sex septimanas supervixerunt. Causa mali deprehensa fuit in fonte, quem biberunt, aqua nivali & cæno putrido infecto. Cessabat enim epidemium malum statim ac aquam coctam ejus loco biberunt; ægrique dein paucis remediis diluentibus & antiphlogisticis feliciter restituebantur.

Nec

Nec minus memorabilis est casus, qui hacce hyeme infausto omine se obtulit in pago Reiden ejusdem ditionis, ubi integra familia cum illis, qui hanc invisebant, febre inflammatoria correpta fere tota diem supremum obiit, ex potu insalubrium, uti tum judicabatur, aquarum, quarum tamen depravata indoles ad oculum non patuit.

§. IV.

Par fere ratio obtinet circa alia multa Tobinio vicina loca, ubi morbi quicunque gravioribus procedunt symptomatibus, quorum ratio physica, præter victum & regimen, non minus ab aëre, aqua & soli situ petenda. Sic pagum Moos Lerb dit. Bern. & loca adjacentia quotannis morbis malignioribus, febribus inflammatoriis, anginis, hac hyeme diarrhæa inflammatoria, quam falso dysenteriam existimabant incolæ, aliisque ejus generis morbis, ob stagnorum frequentiam infestata fuisse & infestari adhuc, omnibus compertum est; idem observatur in pago Roggwyl dit. Bern. Cincta nimirum infelici sidere villa est luco, qui Boreæ & Euri perspirationem intercipit, & quem ascendentes e locis paludosis nebulæ deficiant. In medio autem, licet eminus multum elevata videatur, situs ejus depressior observatur, undequaque stagnis & cæno circumductus. Eadem fere fata ratione aeris & stagnorum experitur pagus Savenwyl, salubrior tamen, licet ejusdem situs priori longe depressior; id quod flammæ ventorum Euri & Boreæ liberiori, Favonii autem a parte opposita interceptiori adscribendum esse existimo. Observantur desuper plurimæ nobis proximæ villæ, inter quas Winiken, Moosen ditionis Lucernensis, quæ quidem locis paludosis minus vicinæ, pluribus tamen rivis sæpe exundantibus alluuntur; hinc salubriores quidem memoratis existunt. Nihilominus propter copiosas exhalationes multæ ibi generantur febres catharrales, intermittentes, rheumatismi, coryzæ, angina, aliique morbi, qui interceptæ transpirationi suam debent originem; id quod præcipue hujus anni constitutio probat, ubi v. g. in pago Wittwyl quadraginta circiter subiecta simul febre catharrali correpta fuere, ex quibus tamen non nisi unus & alter senex Libitinæ tributum exsolvit; cujus ratio physica montibus ab utraque parte pago adjacentibus frequentius nebulis tectis, aquis vallem alluentibus, hinc exhalantibus, & forsitan austro hunc tractum tunc perspiranti, attribuenda videtur. Liceat huic paragrapho addere, quod in loco non procul ab hoc pago distito, eodem fere tempore, trium quatuorve casularum familia ex febre quadam inflammatoria inter paucos a morbo incipiente dies fere tota emortua fuerit. An funesta hæc catastrophe aeris inclementiæ, an fonti insalubri nimium frigidus, quem bibere (uti perhibebant accolæ) debeatur, ob maneam, quam obtinui, relationem, in medio relinquo? Constat autem mihi pro certo, quod ex aquis frigidissimis, recenter ex petra

R r r r 3

ad

ad radicem arcis cujusdam diffutioris, effolis, epotis tres equi quam brevissimo tempore sublatis, fervusque de insigni inventi commodo glorians ex earundem haustu violentissima colica tantum non enectus fuerit; quæ an ab aquæ frigiditate, an contentis noxiis, contigerint, ob insufficientem experientiam decidere non audeo. Coronidis loco apponere lubet observationem quandam perquam curiosam, sed frequenti experientia confirmatam, ex ore & relatione Rev. Dn. Parochi de Niderwyl haustam, pluribusque Parochiæ loci membris compertam: exurgere nempe, præprimis tempore verno non raro nebulam aut exhalationem sub nebulæ specie, circa basin montis dicti Engelberg 5000. mille passibus circiter ab hac villa ad Septentrionem & in Orientem diffusi, coloris ex cinericio viridescens prodromum infallibilem varii generis morborum, febrium malignarum, anomalarum, tam intermittentium quam continuarum; idem denuo rogatus affirmat de eodem phænomeno, si ad radicem montis Lottorhensis, versus septentrionem duobus a pago millaribus distantis, appareat. Admonuit sæpe Rev. D. D. Parochus Parentem meum de hujus meteori apparitione, & illud excipient, talibus morbis; quin reminiscimur, aliquando post idem phænomenon in supra memorato pago Niderwyl grassatum fuisse morbum oppido rarum, quem Cel. Fr. Hoffmannus ex Plinio Zosterem sive Zonam vocabat, nemini tamen, quod scio, fatalem, & blandis diaphoreticis cum diluentibus feliciter discussum.

§. V.

Plura adhuc circa pagorum & villarum nobis contiguarum salubritatem & insalubritatem in medium proferri possent, quæ tanquam ex situ locorum, aere, aqua, stagnis, nebulis, montibus, collibus, sylvis &c. eruenda forent, ex quibus ad oculum pateret distantiam mille passuum non raro maximum momentum prosperæ aut adversæ valetudinis efficere. Cum autem ultra cancellos dissertationis exploratoriæ excurrerem, si omnes & singulos tractus seorsim sub incudem revocare vellem; constitui tantum paucis demonstrare, quod reliquæ nobis vicinæ civitates & municipia, licet pluribus villis salubriora, nihilominus pluribus & pertinacioribus infestentur morbis quam Tobinium nostrum. Veritati primo constans assentitur experientia, neminemque latet, febres intermittentes, tertianas, quotidianas, quartanas, certis anni temporibus ibi locorum grassari, cum harum paucissima apud nos prostant exempla. Nec minus experientia & observationibus plurimis confirmatum, v. gr. Arburgi, Olten, variolas, morbillos, febres continuas, pleuritides veras, nothas, rheumatismos, affectus catharrales aliasque multas ægitudines periculosius ac levius quam apud nos grassari. Similiter febres petechiales, petechizantes, biliosas, diarrhoeas torminosas, aliasque ejus generis incom-

commoda Aroviæ & Brugis frequenter observant. Ratio physica haud dubie plurima ex parte quærenda ex Arola hæcque urbes præterlabente, ex adverso montibus cincta, cujus propterea effluvia jugiter in aerem elewantur, & modo sub exhalationum subtiliorum, modo sub nebularum specie corpora incolarum afficiunt. Ejusmodi enim nebulæ circa montes vicinos fere continuo ascendunt. Quid autem & quantum ad procreandos morbos valeant effluvia & exhalationes, docent pluviae tam autumnales quam vernaes; & posteriores quidem ea propter maligniores, quod earundem exhalationes simul cum materia putredinosa ut plurimum in aerem evehantur. At utrasque fere statim comitantur morbi epidemici. Hinc patet etiam ratio, cur Lenzburgensium civitas morbis epidemicis citius & gravius Tobinio afficiatur? Licet eandem grandiores fluvii non affluant. Nimirum situs loci observatur humilis & depressior, planiorque. Quo autem depressior planiorque locus est respectu adjacentium, eo major tempore pluviali defluet aquarum copia, eoque minus cito inde derivabitur, sed stagnabit, & demum in vapores resoluta graviore & plures producet morbos. Accedit, ob eandem rationem, quod frequentiores ibi observentur nebulæ. Quod si jam situm supra memoratarum urbium cum Patria nostra comparare liceat, deprehendemus situm ejus præ reliquarum multo elevatiorem esse, Aquiloni apertiore, circa reliquas plagas collibus quidem cinctum, at ita, ut ab Euro & Zephyro liberius, ab austro autem ob præminentes colliculos obliquius modo perflari possit. Ex his patere puto, quare morbis præprimis epidemicis minus obnoxia sit patria nostra civitas.

§. VI.

Nollem ex supra allegatis B. L. existimet, me ex Tobinio Utopiam effingere voluisse. Nulla regula est sine exceptione. Non destituitur Tobinensis civitas morbis quandoque epidemicis, multo minus endemiis. Nec me latet epidemica anni, ni fallor, 1738. constitutio, quæ solo mense Januarii intra angusta nostra mœnia, exemplo non audio, triginta & ultra decrepitos senes ad charontis cymbam deduxit, affectibus soporosis, apoplecticis, paralyticis, catharrhis suffocativis plerumque intra triduum e vivis sublatis. Ludebatur quidem tum temporis eadem tragedia cum quibusdam civibus Arburgi, Aroviæ, aliorumque adjacentium pagorum habitatoribus. Flabat tum, quod attentione omnino dignum censeo, per totum mensem Januarii decursum, inde a media nocte aut hora secunda matutina, usque ad meridiem aut horam secundam pomeridianam acer & frigidissimus a canis Lucernatum & quinque pagorum alpebus auster, succedente cum madidis copiosissimisque imbribus Zephyro. Nec dubitandum hanc Silicerniorum stragem natalia sua tam subitæ & frequenti ventorum & aeris frigidissimi in humidiorum & cali-

calidiorem mutationi præcipue debere; stringendo quippe & relaxando alternatim impotentiores jam senum nervos usque dum soluti fuerint, sanguineque & humoribus simul hac sub vicissitudine retropulsis ad corporis interiora, præcipue caput, ibique expansis aut effusis. Nec reticendum illud epidemicum malum, quod anno 1743... Sub febris catarrhalis larva multas regiones Helvetiæ & Germaniæ infestavit, ex qua dimidia civium nostrorum pars ægra decubuit. Sed & tertio aut quarto a morbo die plurimi reconvalescere ex usu lenissimorum alexipharmacorum cum nitrosis temperatorum, blandorum item diaphoreticorum & infusione herbarum resolventium. Mortuus tum temporis nemo, nisi unus & alter senex, occisime apoplexia lethali quasi fulmine tactus. Morbis endemiis, qui Tobinium etiam invaserunt, merito adnumero dysenteriam, quæ novissime elapsa ætate & autumno tot feralibus stragibus, præprimis circa infantes in ditione Illustr. Reipublicæ Bernensis inclaruit. Mortui hac lue intra mœnia nostra unus adultus & quatuor aut quinque infantes; ægri 20 ad 25. Morbus hic Arburgi paucos; Aroviæ, Brugis & in ditione Lucern. neminem fere, quoad scio, & in comitatu Lenzburgensi solam villam Attelwyl aggressus est.

§. VII.

Sunt etiam Tobinio nostro & locis adjacentibus quidam morbi endemii, licet iidem plurimis Helvetiæ plagis communes sint, in hac urbe autem ut plurimum mitiores, nisi qui senibus superveniunt. Ex horum censu primum agmen ducunt morbi & affectus cerebri & nervorum. Cum enim, uti superius jam meminimus, gelu hyemale mense Novembri jam canam suam ordiatur telam, eamque multoties usque ad Majum protrahat, non potest non debile corpus humanum & præcipue systema nervosum multifariam inde affici. A frigore constringuntur fibræ, vasa, nervi, & spissantur fluida, & quo magis & diutius hæc constrictio durat, eo major postea eorundem subsequitur atonia & debilitas; & hæc constrictio profecto plurium morborum mater est. Nam constrictis a frigore poris cutaneis sufflaminatur transpiratio insensibilis, sudor, & sic partes inutiles excrementitiæ in venas & sanguinem resorbentur, quantitate & qualitate æquali & libero circulo obicem ponunt, sanguini & humoribus lentorem, visciditatem, & torporem inducunt, eundemve partibus salinis, sulphureis, oleosis aut volatilibus nimis onerant & confurcant. Hinc si talibus partibus foetus, aut spissus sanguis cum impetu quodam ad caput rapiatur, quam facillime ibidem stagnare, immo ruptis aut infarctis vasis apoplexiam lethalem, hemiplexiam, affectus soporosos, febrem inflammatoriam, deliria &c. producere potest; si ad pectus, pleuritides, peripneumonias; ad hypochondria, omnis generis infarctus & obstructions. Pari modo a virtute frigoris constrictiva quam

ply.

plurimi exurgunt morbi serosi vel lymphatici, tumores glandularum, parotidum, amygdalarum, uvulæ &c. nam strictis gelu fibris impediuntur motus humorum, se & excretiones, lymphæ densatur, corrumpitur; hinc tempore hyemali tam frequentes sunt tussis, coryzæ, defluxiones & febres catarrhales. A corruptione autem lymphæ succedunt in infantibus achores, tineæ, scabies, quandoque ulcera cacoëthea. Observandum autem frigus morbosum suum effectum non semper manifestare, quamdiu intense durat, sed demum, cum jam paulum desævierit; succedente nimirum tempestate pluviosa, ventosa; & idem fere contingere ex frequentibus nimium mutationibus aeris, ex frigido in humidum, pluviosum. Tum enim generantur potissimum varii affectus rheumatici, cephalalgia, otalgia, odontalgia, dolores artuum varii, rusticis nomine *der gesüchten* venientes; alii demum propullulant sole jam magis calente, & tempore, quo plantæ arboreque virefcere, ac germinare incipiunt, morbi nempe cutanei varii, purpura chronica &c. (cujus tamen prima natalitia non frigori, sed victus rationi adscribo) aliæque efflorescentiæ, a sanguine salibus vitiosis referto originem trahentes.

§. VIII.

Hæc de effectu aeris frigidi & humidum; at a calido & sicco pauciores patitur sphaerula nostra morbos, licet & nobis Syrius ardeat, æstusque sub exeuntem Julium & principium Augusti quandoque eodem fere gradu torreat ac Taurini in Pedemontio, asseverantibus id nobis ejus loci atque urbis mercatoribus. Ex opposito non defuere nobis ut aliis ætates, ubi Junius & Julius admodum algidos se nobis sistebant, concomitantibus hosce menses ventis acrioribus vel siccis vel pluviis. Observantur communiter circa insignes æstus febres biliosæ, tormina, morbi inflammatorii, & si diurnis æstibus succedant noctes frigidiusculæ, dysenteria. Morborum biliosorum & febrium cholericarum exempla nobis non defunt; quin etiam observavimus aliquando diarrhæas inflammatorias pessimi moris, & ex quibus unus & alter e vivis sublatus fuit; sunt tamen hi morbi apud nos longe rariores ac alibi locorum, & tantum non semper a nimia copia frigidi corpori æstuant ingestæ, producti. Sic prostant talia exempla, ubi messores post avidissimum frigidiæ potum subito mortui in terram procidebant. Nec me fugit casus sex militum, qui postquam post strenuas operas rusticanas, corpore insigniter calente gelidam potarunt, singuli ocyus inflammatione cum subsequente phthisi pulmonali corripiebantur, cum fatali omnibus intra sex hebdomadas exitu. Observamus sæpius messores tormina & inflammationes a nimio frigidiæ potu sibi contrahere. Levantur autem brevissime, si juscula ex cumino cum oleo olivarum vel lini superpotent; at si ad placandam sitim gelidam denuo gelidæ super affundunt, non raro enecantur.

Disput. Medico-Pract. Tom. VI.

S s s s

§. IX.

§. IX.

Morbis viciniae nostrae, immo toti fere Helvetiae familiaribus & certo respectu endemicis, non immerito adnumeramus hydropem, ejusque varias species, leucophlegmatiam, anasarcam, ascitem, hydropem pectoris, ovarii; sic etiam oedemata, cachexiam dictam scorbuticam. Affectus hic non sine ratione temperiei aeris frigidiori & humidiori ex parte adscribendi. Verum facile dijudicabit æquus Lector, plures causas physicas & naturales hic simul cooperari. Sic indies observamus, procreari tales morbos a mala diæta, sinistro regimine, perversa medicatione, potu frigidae post æstum, subitanea refrigeratione; longe sæpius autem a nimio vini, præprimis autem spiritus vini & liquorum spirituosorum abusu, qui pessimæ notæ mos ingentem hominum multitudinem pessundat & quotannis ferales sistit tragœdias; præcipue ex eo tempore, ubi vina cariori & plebejorum fortunam exsuperante stant pretio. Deleterius autem liquorum istorum effectus in eo consistit, quod fibras stringant, corrugent, exsiccent, lymphæ & sanguini lentorem, acorem, coagulum inducant humoresque corrumpant; hinc obstructions viscerum, præcipue hepatis, efforment, stagnationes, scirrhus, vel & inflammationes producant. Unde pro vario horum effectu, locoque affecto etiam variae hydropis species contrahuntur. Cumque plures ex vicinis nostris Helvetis sanguinem alant spissum &, ut ita dicam, fibrosum, non raro ex hac S. constitutione generantur sensim circa vasa cordis polypi, qui dum sanguinis undarum liberum transitum & circulationem per vasa cordis impediunt, alibi locorum, uti in hepate, stagnationes sanguinis, immo disrptiones vasculorum lymphaticorum & sic hydropem efformant; non secus ac hydrops pectoris, senibus admodum familiaris, qui distentis in pectore a sanguine vasis (in senibus forsitan etiam pulmones accretos pleurae habentibus) sua debet incunabula, tunc equidem, ut videtur, curabilis, si nonnisi ab exhalantis per parietes aut fines vasorum lymphæ collectione proveniat, at non item, si disrptis a fortiori stagnatione & obstructione, ad exteriorem pulmonum superficiem vasis lymphaticis, ubi quippe lymphæ continuo in cavum pectoris & super diaphragma depluit, ex jugi motu pulmonum, calore, fotu, & renisu diaphragmatis quantocius alteratur, arescit, putrescit, & tam insignibus angoribus cum difficillima respiratione ægros ad mortem usque excruciat, nec medelam admittit facile, nisi, quod rarissimum est, quandoque naturæ viribus, forte etiam casu disrpta hæc vascula cum pleura coalescant. Obtulit se sic Parenti aliquando casus analogus ex occasione ascitis sponte cessantis, dum filiam 30 annorum ex cholera a superingurgitata horrenda frigidae quantitate emortuam, ob suspicionem propinati veneni, cultro anatomico subicere mandabatur; ubi inter alia hepatis extremitateq

tates ad duos pollices quam firmissime lieni connatas deprehendit, rogansque quibuscum morbis confictata fuisset defuncta, ex matre ejusdem percipiebat, illam ante decennium insigni hydropse laborasse, sponte tamen hunc morbum evanuisse. Sed, ut in viam redeamus, inter morbos endemicos etiam recensere licet oedemata & tumores pedum, sexui sequiori, præprimis a partibus admodum frequentes & toto fere vitæ curriculo perdurantes. Affectum hunc cum Boerhaavio a fibra nimis laxa in sexu feminino provenire, nemo facile negabit. Sed cur non maritata, vel quæ non peperere eidem vel rarissime, vel non obnoxia? Ratio physica hinc potius petenda videtur, ex præmaturis scil. partus laboribus, quibus non raro pessimo more exercentur misellæ, nec minus a lochiis post partum non rite succedentibus, ex abusu vini cocti, placentarum, pastarum aliarumque, quæ fluxum hunc sistere, aut minuire valent. Tumores pedum si ultimis graviditatis mensibus superveniant, & varices quoque appareant, ut plurimum compressionem vasorum iliacorum, sicque impeditum sanguinis ex inferior. part. refluxum pro causa habent. Cachexia scorbutica jam auctiorem tumoris gradum præ oedemate sistit, & leucophlegmatia eo minus curabilem, quod plerumque insignem sanguinis & humorum dyserasiam & corruptionem non raro cum labe visceris nobilioris pro fundamento agnoscat. Cum leucophlegmatia non nisi in viscositate lymphæ & humorum consistat & partes externas potissimum occupet, genti rusticæ ideo magis familiaris, quæ frequenter cibis viscosis, ut radicibus Solani tuberosi esculenti C. B. T. lacte, caseo, pastillis, passim etiam quibusdam fungis nutritur; cum ex opposito cachexia scorbutica non raro a vini meracioris, spirituosioris, ejus spiritus, carnis suillæ, salitæ, aromatum, abusu suam debeat originem. Hydropis ovarii, immo & molæ, licet proprie non tanquam aeris productum spectari queant, nisi in quantum a spissiori sanguine derivandæ sunt, non adeo infrequentes heicce locorum sunt, hæ tamen hydropse hoc frequentiores & multivariis ex causis oriuntur; præcipue catameniorum post iram, terrorem, potum frigidorum, acetaria, placentas immoderate comestas &c. subsistens fluxus considerandus hic est.

§. X.

Jure merito etiam inter morbos nostros familiares recensemus mala hypochondriaca, hysterica, melancholias, omnesque affectus, qui cum hisdem certam quandam analogiam & communicationem habent. Mirum profecto, at non minus certum videri potest, si affirmamus, affectus hosce non modo civitati nostræ & vicinis, sed & circumhabitantibus rusticis, præcipue istis, qui corpus durioribus laboribus fatigant, non adeo infrequentes esse. Non incongrue malum hypochondriacum a motu peri-

peristaltico inverfo deducit, Cl. Frid. Hoffmannus, exempla citans, ab unico potu aquæ frigidæ subinde hoc malum conquisitum fuisse; & sic indies observamus in hypochondriacis sanguinem versus superiora & ventriculum regurgitare, cum ejusdem inflatione, molesta circa præcordia tensione, cardialgia, flatuum & aciditatum copia &c. At, quod pace tanti viri dictum velim, manet tamen primum quæsitum. Stagnare sanguinem ab nimio haultu frigidæ, & nisi resolvatur stagnatio, generari inflammationem, l. infarctum, nemo dubitat, si vero resolvatur, præcipue ante inflammationem, tollentur symptomata stagnationem comitantia. Taceo quod hac ratione omnes fere rustici malo hypochondriaco laborarent, nam fere omnes, quocunque tempore, immo etiam æstuante corpore frigidam ultra modum potant. Nolo indagare, quam proteiformis sit hic morbus? Quomodo & cur sub diversis larvis ludat & sæpe eludat medicos? At certo certius observabimus rudimenta illius tantum non semper consistere in spissitudine nimia sanguinis, torpore, visciditate, inertia, difficillima circa vasa venæ portarum, progressu, subsequente hunc ex nimia vasorum extensione compressione nervorum circumjacentium & motu anomalo; non secus atque in malo hysterico observamus vasa uteri nimium tensa & repleta, restagnante hinc versus partes superiores sanguine. Demonstrat hoc assertum mali hypochondriaci gradus auctior, melancholia hypochondriaca; demonstrat eductus per V. S. cruor, fero ut plurimum privatus niger, aut viscidus. Nec fere cum centesimo quoque hypochondriaco aliter res se habebunt, nisi quum in hoc malo per nimios motus spasticos & paroxysmos hypochondriacos adeo corruptus & alteratus fuerit sanguis, ut aliam prorsus, immo adhuc pejorem induerit naturam. Hinc tanti usus sunt in hoc malo debellando diluentia, aperitiva, lenia carminativa, antispasmodica, extracta amara, succi & herbæ antiscorbuticæ, & ante omnia motus succussatorius per equitationem & vecturam. Patet ex his quoque ratio physica, cur Helvetii & præprimis montium accolæ rigori ventorum expositi, ipsique inter duros labores rustici frequentius his malis afficiantur, & ad ea disponantur ex cohibita transpiratione, sudoreque, hincque generata sanguinis spissitudine & inde male affectis nervis, uti superius dictum. Nolo propterea plures & omnes alias causas cooperantes hinc excludere. Sic malum hypochondriacum esse morbum eruditorum, vitam sedentariam degentium, noctes atque dies meditationibus incumbentium, librisque impalescentium, omnes norunt. Sic animi affectus, tristitiam, pavores, terrores, protracta & intensa animi desideria hanc passionem provocare posse nemo dubitabit. Sed quid quæso progignitur ab hisce aliud, nempe a vita deside & motus experte, quid a diuturno mærore, terroribus &c. nisi sanguinis spissitudo, inertia, turbata perspiratio, debilitas nervorum? Quid aliud a cibo & potu crassiore & fæculento? Quemadmodum nunc in sexu masculino frequentius occurrunt pathemata

pathemata hypochondriaca, ita in fæminino longe frequentiora sunt hysterica. De differentia horum affectuum merentur legi, quæ Hoffmannus aliique fufius tradunt. Nos tantummodo allegabimus, tam frequentem apud nos esse hunc affectum, ut nulla fere fæmina gloriari possit, se per longum vitæ tempus ab illo immunem vixisse. Sanguinem copiosius in mulieribus generari omnes norunt, hinc quodocunque extra graviditatis & lactationis tempus catamenia subsistunt, aut impeditus fluunt, jam exsurgent talia pathemata modo mitiora, modo sæviora. Inclinant in hunc affectum tanto magis mulieres, ob tortuosum vasorum in utero decursum, forte etiam ob absentiam valvularum in venis uterinis; hinc etiam ad stagnationes sanguinis naturaliter magis disponuntur; cum arctissimus uteri non modo cum ventriculo, pectore & capite sit consensus, sed etiam cum vesica urinaria, parte maxime sensibili & nervosa; unde facile patet, cur hæc mala hypochondriaco sint frequentiora & sæviora?

§. X I.

Lubet hic attingere quædam de arthritide & podagra tanquam morbis, qui frequentius hanc nostram infestant sphaerulam. Arthritis in vagam & fixam distinguitur; hæc posterior ægrum sæpe per duos aut 3. integros menses insigniter exeruciat, & sanguini spissiori & humoribus lentioribus circa articulos hærentibus, suam debet originem; cum in vaga sanguis quidem depravatus & salibus nimis aut heterogeneis refertus, sed tenuior simul observetur. Sic novi exemplum honestissimæ Matronæ, quæ quotannis fere hac arthritide excruciatâ sanguinem mere serosum & acrem nutriebat. Novi etiam hunc morbum progenitum fuisse a nimio potu theæ indicæ inter plurima saccharata, cum vita sedentaria. Patet hinc ratio, cur hæc duæ arthritidis species diversam exposcant medendi methodum; vaga quidem, ea quæ humorum acrimoniam obtundunt & corrigunt, subjungendo quæ sanguini virtutem sic dictam balsamicam & consistentiam conciliant; fixa, quæ tenaces & viscidos resolvunt humores: utraque autem appropriata sibi diluentia. Ad hosce affectus producendos contribuit sanguinis & humorum hæreditaria dispositio, aer frigidus aut humidus, victus ratio perversa, subitum a calore refrigerium, immo ipsa animi pathemata, præcipue ira & exandescencia. Podagram cum arthritide congenerem esse affectum docent plurimi Authores & scholæ medicæ, id quod certo respectu nemo inficiari potest, nam uti arthritis articulos totius corporis cum symptomatibus multum similibus occupat, ita podagra incipiens quidem pedes, increscens autem etiam alios articulos, aliasque partes invadit, nomine tunc mutato, sed causâ eadem. Licet autem insignem inter hos morbos deprehendere differentiam eosdem paulo attentius consideraturo. Ob-

servamus in interstitiis digitorum pedum, præcipue cum sudent, secerni naturaliter ex glandulis cryptis sive folliculis materiem quandam tophaceam (si exsicceatur & indurecat) cum unctuofo humore, ne nimirum digiti pedum valido affricu lædantur, non secus ac in aliis corporis humani partibus per glandulas alias diversi indole, se & excernuntur humores. Hæc materia tophacea in quibusdam, & specialiter in illis, qui vina tartarea, sive calcarea bibunt, copiosior, in aliis paucior generatur. Quamdiu jam materia transpirationis insensibilis, copiose, satis, libere & absque impedimento secernitur, corpus & pedes valent. Cum vero hi pori s. colatoria ocludantur, materia ista tophacea circa & intra partes tendinosas obhæret, immo & quandoque resorbetur in sanguinem; simulque ibi retinentur particule hæ crassiores excernendæ, ubi jam accumulata ea nova metastasi, præcipue versus æquinoctium vernale, quo tempore ordinario sanguinis undæ orgasmum patiuntur, ad pedes & articulos fertur, & mole jam aucta, partes nervosas, intra quas constringitur, vellicat, cum dolore irritat, & ob sanguinis copiosorem & celeriora a tergo appulsum, tumorem, calorem, ruborem demum, affectumque podagræ nomine venientem efformat. Comprobat hoc assertum suo exemplo Experientiss. olim in vicinia nostra medicus, cui nulla ad podagram hæreditaria, aut naturalis dispositio, qui nec vina, nec potus spirituosos bibebat, nec cibis ullis ad hunc morbum disponentibus utebatur, optimæ diætæ strenuus observator, & tamen de repente podagra afficiebatur, cum fervida ætate per medium rivum equo vectus extremos pedes frigidis rivi undis allui passus fuisset. Idem porro demonstrari potest ex ipsa materie hujus tophaceæ inter digitorum pedum interstitia præsentia apud quoscunque, iis forte except. quibus malo omine pedes semper frigent. Elucet quoque ex eo, quod ipsa hæc talisve materies sæpius post fortiora transpirationem, aut sudorem circa juncturas & partes tendinosas in extrema cute obhæreat; quod in podagra jam fere consumtis in magna copia inter tendines & membranas nervosas coarctetur, & tophos sic dictos podagricos efformet; quod topi isti ejusdem sint indolis, ac materia calculosa, unde etiam podagrici frequenter in affectus calculosos prolabantur; præterea tandem quod materia podagrica iisdem torqueat doloribus in partibus internis quas oblidet, ac in externis, quas deseruit. Sic ad intestina delata quam atrocissimos suscitavit dolores colicos, inflammatorios; ad pectus insignes anxietates cum metu suffocationis; ad ventriculum frequentissimos & molestissimos vomitus; ad caput immanibus cum inflammatione sævit doloribus, sæpe etiam deliriis, quæ quidem symptomata illico cessant, revocata ad partes exteriores podagra. Elucere denique videtur rei hujus veritas ex iis medicaminibus cum conveniente diætâ, quibus podagrici insigniter levantur; immo plures restituerentur, si juxta naturæ leges convenienter vivere amarent. Ex prioribus præstantissima sunt

sarsa-

sarsaparilla, china, polypodium, quæ materiam morbificam non modo corrigunt, verum etiam per sudorem & copiosiora transpirationem educunt, si longo tempore extra accessus usurpantur. Ratione Diætæ si podagrici quam maxime levantur, qui frequenti gaudent motu, & corpus perspirabile servant, qui carnes alcaliscentes ferinas evitant, sola vitulina, aut simili contenti, oleraceis & fructibus parum acidis nutriuntur, remoto vino & quovis potu generosiore. Notum est plures podagricos ex usu lacticiniorum ab omnibus insultibus liberos mansisse, quamdiu huic methodo insisterent, at revocatam illico pristina tragœdiam, cum vel minimam vini portionem bibissent; quæ tamen medicatio non omnibus æque convenit, quod fusius explicari posset, si modo limites paginarum nostrarum id permetterent; merentur legi de his Car. Piso, Dower Legs d'un ancien médecin, nec minus tract. med. Anglorum de calculo & podagra.

§. XII.

Morbis Helvetiorum endemiis jure merito adnumerat cum laude iterum memorandus Experientiss. D. D. J. Casp. Sulzerus, varii generis hernias, quem morbum non minus dextre quam judiciose, ratione quippe & experientia sussultus paulo fusius pertractavit; strictius autem strumas, aliasque hujus generis affectiones. Quoad hernias, hoc tantum brevibus adjicere consultum duxi, illas nempe non tam lacti, quam lacti, quam aliis pluribus causis originem suam debere. Notum quidem est lac & lacticinia fibras delinire & emollire, at nec minus notum est, virtutem lactis præcipue istius, quod apud alpicolas colligitur, ob pascua præstantiora herbasque vi aromatica præ cæteris gaudentes, esse magis roborantem & confortantem, unde etiam (cæteris paribus) incolæ præ reliquis Helvetiis insigniori robore pollent. Quodsi igitur morbum proprius & ex meris principiis physicis contemplerur, facili negotioprehendemus, effectum hunc præprimis iis causis adscribi debere, quæ lac in stomacho & primis viis alterant, coagulant, in pessimam aciditatem convertunt; non secus ac indies observamus, quantum etiam a minimo lactis potu lædantur hypochondriaci, utpote cujus usu aciditates, cardialgie, flatu, dolores colici, tensivi, alvi durities mirum quantum adaugentur. Idem alpicolis infausito omine evenit, qui potibus magis aut minus spirituosus, acidis, spiritui ceraforum nigrorum, vino aliisque potulentis & cibis acorem inducentibus inter lacticinia nimium indulgent, animique affectibus frequentibus abripiuntur, per loca acclivia sub quacunque tempestate modo ascendunt, modo descendunt; ita ex prioribus causis, torminibus, alvi segnitie & flatibus sæpe multum vexati, abdomine inde frequenter valde extenso in herniarum dispositionem, aut ipsas hernias conjiciuntur. Quodsi jam ab Alpicolis ad proprias ædes & circum-

cumjacentes revertamur, visuri quomodo res harum respectu se habeat, primo intuitu deprehendemus hunc morbum nobis satis familiarem, immo & certo respectu endemium propterea appellari posse. In infantibus, uti mos est, vulgo meris lactis vitiis tribuitur, si non ad nutricis mores, ingenium, animi pathemata, errores in victu, ingluviem & alia attendamus, unde lac humanum tot tamque diversis modis corrumpi potest. Sic a lacte pinguioris consistentiæ infans ultra corporis necessitatem & commodum nutritur; ventriculus, reliquæ primæ viæ, immo mesenterium materia cruda, viscida onerantur, ceu plurium morborum pabulo. Ab acriori in convulsiones rapitur, ab acidiori inflatus & tormina, a bile turgescens in affectus biliosos, diarrhæas torminosas, convulsiones &c. Immo ipsa dentitio diffic. lac quodcumque symptomatibus spastico-convulsivis pessime alterat, variasque morborum periculosissimorum species producit? At quot quantosque etiam morbos circa lactis vaccini & caprilli usum quotidie cum pessimis tenellorum rebus observamus, dum aut frigidum aut frigida permistum, aut nimis pingue, aut a vaccis, herbis recentibus inter gelu & quascunque immites tempestates foris pastis, propinatur? Quæ quidem omnia non tam lacti, quam inexcusabili circa propriam propaginem incuriæ humanæ rectius adscribenda puto. Jam ex antedictis facile colligi potest, cur nostri & vicinorum infantes frequentius herniis infestentur? At nec adulti ab hoc malo liberi (loquor de illis, quorum infantilis ætas hoc malum non ad virilem aut consistentem transiit) sed si attentius quod res est consideremus, videbimus illos numero esse pauciores, nec plures quam in alii mundi plagis. Videmus enim urbium incolas, & desidem vitam agentes ad minimum æque frequenter hoc morbo corripì, ac rucolas. Videmus insuper urbicolis hanc labem non a lacte, utpote a quo plurimi abhorrent, sed a vino, cibis potibusque fermentescibilibus, acidis, crudis, flatulentis, ingluvie, ira, violentia quadam externa, in mulieribus non raro a partu difficiliore, laboribus in partu præmaturis, aut difficillimis aliisque similibus causis contractam fuisse. Attentione propterea quam maxime dignum est, quod ex vicinis nostris rusticanis, & quidem ex iis, qui durissimis defatigantur laboribus, quique ob opum penuriam fere meris lacticiiniis vescuntur, quam paucissimi hernias sibi conquirant, nisi externæ simul concurrant inter duriores operas violentiæ. At longe plures ex his, quorum res domi lautiores occasionem suppeditant vina acida, spirituosæ aliæque noxia liberalius ingerendi. Commendandum hinc pro scopo prophylactico, ut omnia illa sedulo evitentur, quæ tam in tenellis, quam adultis hanc tædiofæ alexæ plenam labem corpori humano inducere valent. Præsentem autem manus chirurgica, quantum potest, levabit. Consultius augetur cum tenellis, quorum nutrices iracundiores, socordiores, intemperantes, si ipsis statim cum lacte vaccino infusum fl. til. primul. ver. aut mera hæc infusio, aut denique aqua fabariensis tepida propinetur.

§. XIII.

§. XIII.

Strumæ nobis non sunt endemiæ, rarissimæ saltem observantur. Debemus hoc, uti existimo insigni aquarum nostrarum salubritati. Memorabile autem, quod ante annos circiter 30. plures strumosi, scrophulosi, sardi & muti & imbecillæ mentis homines in duobus nobis proxime contiguis pagis, Ill. Ditionis Lucernatum, Adelboden & Wikon reperti fuerint, non tam a pravo victu, quam aquis tophaceis, fabulosis incolarum campos undique alluentibus, & inde abundanter scaturientibus, quas etiam pro potu ordinario hauriebant. Affectus hi hodiernum tantum non ex toto evanuerunt, ex quo puriorum scaturiginum aqua detecta, prioresque multa industria melius servatæ & interceptæ seorsim ad fontes conducuntur peculiæ. Observatur quidem & apud nos & alibi locorum in Helvetia affectus strumis analogus, consistens in colli quadam inflatione & intumescencia; morbus virginibus parcius menstruatis, aut quibus catamena primo erumpere deberent, immo & quibusdam hypochondriacis familiaris, sanguinis restagnationi, spasms & flatulentis sua debens incunabula, in quo mirum, quantum lædantur a pulveribus strumalibus ægri. In medela autem elixiria stomachica, aperitiva, carminativa, cum emplastro strumali & ungulis bubulis combustis, luna decrecente, si non interdiu, saltem noctu applicatis omnem absolvunt paginam. At ex supra memoratis lactis vel potius nutricum erroribus & vitiis in diætâ & regimine, sæpe etiam ex dispositione hæreditaria, aërisque injuriis, generantur heic locorum infantibus, pueris & puellis morbi quidam satis familiares, quales sunt infarctus glandularum parotidum, colli, mesenterii, atrophici, exostoses, rachitis &c. Tenerioribus pauca exhiberi possunt medicamenta, & rarius cum indulgentia matrum, rarissime cum diætâ, moribus & regimine nutricum conveniet, ut ipsæ idonea pharmaca epotent. Hinc præter pulverem rad. Ir. flor. chin. epilept. March. Magnes. nitr. sacch. lact. aut vulgare, fere omnia respuunt. At cum iis, qui 6. vel 7. annos egressi, jam melius res se habent. In iis trageæ aperitivæ, alvum bis vel ter de die moventes, cum sero lactis dulcificato ad methodum Fr. Hoffmanni præparatæ non contemnendam præbent opem; & si mala hæc pertinaciora, uti in exostosi, rachitide incipiente, scrophulis, loco modo memorati feri lactis, destillata per fermentationem cum lacte præparata ex herbis antiscorbuticis, aperitivis, antatrophicis conducunt. Effectum certe eximium horum medicaminum expertus est Nobilis quidam Helvetius, annum ætatis tum agens 14-mum; qui quamplurimis incassum tentatis remediis ex usu hujus feri lactis, cum tragæa aperitiva & discutiente non modo ex diuturniore & pertinacissima ophtalmia, sed simul etiam ex rachitide felicissime convaleuit, succedente decore & venusto cum incremento corporis habitu. Eundem successum ab

Disput. Medico-Pract. Tom. VI.

T t t t

usu

usu horum percepit aliquando, in gravissima mesenterii obstructione & statu atrophico, filius illustris olim Senatoris Reipublicæ Bernensis, in quo oculi antea concavi & luridi, primum vivacem & vere dein splendorem induerunt colorem. Eodem modo sanatus fuit anno ætatis undecimo, ab ulcere inveterato cacoëtheo, seroso, acri, depluente inter tertiam, ni fallor, & quartam costam veram dextræ partis, strenuus nunc copiarum Regis vicini quidam Centurio; quibus plures adhuc hisce analogi casus, tam circa adultos, quam juniores, adnecti possent, si temporis ratio permitteret.

§. XIV.

Verum si quidam morbi nobis familiares, uti modo memorati, convenientibus remediis facile debellari possunt, licet non raro primo intuitu funestam præ se ferant faciem; non destituimur aliis, qui licet vulgo parvi momenti videantur, & forsitan eandem ob rationem in primordiis suis negligantur, omnem respuunt medelam. Tales sunt affectus quidam hepatis, qui nullo dolore, nulla febre, nullo fere gravitatis aut molestiæ sensu, sed exigua tantum quadam externa duritie, aut tensione in hypochondrio dextro ad hepatis situm se manifestant, tarde ad feralem exitum procedunt, nisi incongrua medela, aut diætæ vitiis præmature exasperentur. Increfcit interea lento pede hæc durities, abdomen sensim magis magisque intumescit, facies sublava fit, decrefcunt carnes, primum ab humeris ad cubitos & manus, & demum per totum corpus; hoc decrementum sequitur sensim tumor pedum, calor febrilis, sitis, anorexia, cardialgia, respiratio difficilis, urina intense rubicunda, cum sedimento copioso roseo, quandoque verus ascites, & tandem sideratio & ultima linea rerum mors. Attentionem meretur hic morbus ex eo, quod hepatis viscus sit molle, indolentius, parvis in substantia sua interiori munitum nervis; quod sit officina bilis mediante concursu venæ mesentericæ, hæmorrhoidalis & splenicæ, quæ venæ portarum truncum constituunt; quod insignis illa vena portarum pulsu & valvulis careat &c. unde sanguinis regressus per venam cavam ad cor sæpius admodum impeditur & tarde procedit, ut in febribus intermittentibus pertinacioribus & morbis hypochondriacis, in quibus tensiones ad hypochondria & molestiæ supra memoratæ, observantur. Et ex his evidentius patet, quare hoc viscus præ cæteris ad obstructiones pronius sit. Cæterum hic morbus ex multivariis producit causis. Plura mihi nota exempla, ubi a frigida, corpori æstuanti ingesta, statim subsequutus fuit hic affectus, uti etiam a spiritu vitrioli ad sitim restinguendam immodice potui ordinario commisso; a vinis acidis, meracis, nimio spiritus vini & spirituosorum usu. Ita etiam sæpius observatum est, quod ii, qui a prima juventute vina generosiora, ex regionibus Ditionis Reipubl. Bernensis, dictis la

Cite

Cite & la Vaux biberunt, in consistente autem ætate hunc potum cum vinis acidis & minus spirituosus Ergoviensium commutaverunt, brevi tempore omnes hoc morbo perierint. Producit etiam ab iracundia & adstringentibus, cortice peruviano intempestive & ante febris desputationem oblato, nec non a martialibus. Notum mihi exemplum honestissimi cujusdam Senatoris Municipii vicini, qui triginta ante obitum annis, ad arthritidem, qua laboraverat, curandam, uti tum moris erat, limatura ferri copiose usus fuit. Fugata hinc tandem arthritis, at supra memorata durities in regione hepatis subsequuta, cum respiratione indies difficiliore, reliquisque jam allegatis symptomatibus, quæ, licet exactissimam observaret diætam, ægrum tamen usque ad mortem comitabantur. In superioribus jam mentionem fecimus de morbis quibusdam mesenterii, ejusque glandularum obstructionibus, ætati juniori præcipue familiaribus. Nunc paucis describemus alium ejusdem morbum atrocem & satis periculosum, rariorem quidem visum, sed forsitan minus rarum, si morbi hujus visceris penitus cogniti essent. Incipit ut plurimum cum febre inflammatoria, & post aliquot dies in abscessum terminatur, feliciore quidem sed non minus ominoso cum eventu, cum abscessus circa inosculationes vasorum lacteorum primi generis in intestina, disruptus fuerit; tum enim aliquando materia purulenta coloris cineritii per intestina & alvum educitur; infeliciore autem si abscessus in medullis mesenterii delitescat; tum enim partes vicinas exedit, brevi fatalem ludens catastrophem. In parte affectus nullus manifestus perferitur dolor, & ob mollitiem nulla alia se produnt signa, secus ac in affectibus hepatis aliorumque viscerum. Cognitu hinc admodum difficilis est hic morbus, & inde solum, ut mihi videtur, dijudicandus, si in reliquis visceribus nihil mali deprehendatur. Curatus aliquando fuit hic morbus, modo nominatis symptomatibus stipatus, secedente per alvum materia purulenta, aliquibus in locis striis sanguineis tincta, in Parocho Ditionis Luteranæ, herbis aperitivis, discutientibus leniter vulnerariis, forma infusi propinatis; durante febre temperantibus, diluentibus, & blandioribus cardiacis. At post tres quatuorve annos ob debilem constitutionem, multos jam annos ante hunc affectum, perpeffos gravissimos morbos, phthisi pulmonali corripiebatur æger, cui utcumque tractatæ successit tandem insanabilis ascites cum vitæ & miseriarum fine. Eadem aliquando observata fuere in femina juniore; cum autem morbus & morbi genius latuissent medicos, morbusque ideo forsitan non convenientibus remediis oppugnatus fuisset, brevi post hypogastria insigniter & cum duritie intumuerunt. Liberata autem ad tempus ægra ex prudentissimo consilio & remediis percelebris atque experientiss. nunc defuncti D. D. Eusebii Christiani Proto-physici Bernensis, licet post duorum aut sesquianni inducias hæc symptomata cum lethali exitu repullularint. Fatalis idem morbus, exonerato licet feliciter abscessu, fuit puerperæ sexto a partu die.

T t t t 2

§. XV.

§. X V.

Liceat nunc etiam quædam adjungere circa affectus pulmonum. De infarctu videantur passim Authores. Circa hæmoptoën autem id modo annectemus: quod medelam per adstringentia tentatam fere semper infelici omine successisse, aut malum adauctum, aut obstructions immo ipsam phthisin pulmonalem obortas fuisse viderimus. Tutius autem curatur in plethoricis V. Sne, antispasmodicis, temperantibus, diaphoreticis si xioribus, potu infusi veronicæ, manus & pedes balneo tepido fovendo, ut ad partes exteriores alliciantur sanguinis undæ, prospiciendo simul, ut alvus libera & laxior servetur, & dieta sit ex tenuioribus salubrioribusque in cibo & potu. Phthisis pulmonalis uti vario incedit gressu, ita etiam a diversis producit causis. Progignitur, uti allegatum fuit, sæpius ab hæmophthisi, a peripneumonia, cum pulmones a pure non probe repurgati fuerint, a peculiari humorum ad pectus depluentium acrimonia, a fumis metallicis argenti vivi in aurifabris, arsenici & mercurii sublimati in tinctoribus & iis, qui arsenicum sublimant, a polypis sanguini circulanti obicem ponentibus, & retrocedente scabie, morbillis, ulceribus manantibus exsiccatis, ab ingurgitatione gelidæ corpore æstuantæ, ab emanatione & suppressione mensium, plurimisque aliis causis, quæ passim apud observatores legi possunt. Longum nimis foret hanc telam integre pertexere. Monebimus saltem phthisin raro aut non curari posse, si a mensium diuturna suppressione proveniat, si vomitæ ulceratæ soboles sit, si a copia haustæ frigidæ contracta, si cum polypis concomitata in vasis pulmonalibus aut a sanato intempestive ulcere manante (exemplo civis Arburgensis, qui sanato effluxu seroso in pede, licet a causa violenta conquesto, in phthisin immedicabilem & lethalem prolapsus fuit) si denique pulmones obsideantur scirrhis cum materia quadam sebacea, steatomatosa, si scirrhus jam carcinomatis naturam induerit, si unus aut alter lobus jam sit exesus, pure, ichore, aut alio acri. At uti quævis phthiseos causa peculiarem fere exposcit medendi methodum, nos pro more non nisi generalia quædam remedia cum uno vel altero casu adjiciamus, id adhuc prius monentes, quod forsitan in libris medicis non adeo obvium est; sæpe nempe obstructions hepatis phthisin præcedere, & si omnino nil ad phthisin conferant (quod tamen vix semper valere poterit) illam tamen tum concomitari; illisque resolutis felicior semper expectanda morbi curatio. Dijudicantur hæc ex colore faciei ex flavo fusco, non raro cum connexis pathematibus hypochondriacis. Obvult se talis casus in Ecclesiastico civitatis cujusdam vicinæ, subjecto admodum plethorico, temperamenti cholero-sanguinei. Non tam emaciatus fuit æger, quam molestissima affectus tussi, modo sicca, modo humida, & purulenta, cum summa respirandi difficultate. Vultus ex flavo

fuscus

fuscus erat. Post mille undiquaque conquilita & epota pharmaca convaleuit tandem ex usu feri lactis dulcis & gelatinæ antiphthisicæ D. D. Wepferi, cum tragæa aperitiva, hepatica, leniter bilem ducente, intra breve tempus. Liceat huic casui alium adjungere, ægri in eodem loco aliquando commorantis Ord. R. R. D. D. Capucin. Is phthisin sibi contraxit ab insigni & eminenti humorum acredine. Mitescebat malum remediis, adeo ut etiam aliquoties devictum putaretur. Verum post quatuordecim dies semper pristinam redordiebatur telam; donec tandem ex tusa alternis diebus per sex integras septimanas vena, qua singulis vicibus uncie sex sanguinis educabantur, & subjuncta pro victu sola forbitione jusculem ex gelatinis pedum vitulinorum & gallinarum, perfecte restitutus fuerit. Sic plura alia exempla allegare possemus illorum, qui ex potu aquarum Selteranarum cum lacte alinino, convalescere; plurimum, qui ex usu notissimarum circum nos nascentium plantarum; aliorum denique, qui ex revocata ad partes corporis exteriores scabie, decocto ras. C. C. & rad. juniperi, sanitatem recuperabant.

§. X V I.

Peripneumonia, pleuritis vera & spuria sunt affectus in urbe nostra rariores, adeo ut per totum hujus hyemis decursum neminem civium his decubuisse observaverimus, nisi forsitan quis pleuritidem spuriam exceperit. At licet priorum specierum exemplis non careamus, ruri tamen frequentiora ea esse animadvertimus, ubi non raro undiquaque circa urbem nostram epitemice grassantur. Definitionibus horum morborum aliorumque multorum in hoc fasciculo recensitorum, supersedeo, tum ne nimis increseat volumen, tum quod in iis a novissimis Authoribus non dissentiam, eæque abunde ex illis legi possint & satis alias notæ sint). Pleuritis peripneumonia frequentior est in consiniis nostris. Originem debent hi morbi insigni sanguinis spissitudini ad pectus congestæ; hinc hyeme & circa principium veris maxime grassantur. Non raro a potu frigida, nec minus a subita refrigeratione post insignem laborem & exæstuationem producuntur. Frequentiores sunt illis, qui sanguinem alunt tenacem, spissum, sic dictum phlogisticum, & qui assuetas venæsectiones negligunt; & quo frigidior hyems, eo fere facilius ac frequentius generantur. Sic rigidissima aliquando hyeme pleuritidem non modo acriter in pagis quibusdam nobis vicinis, Gondenschwyl, Reinach aliisque sævisse, sed & plurimum mortibus inclaruisse meminimus; non quidem æque ex morbi genio & natura, ac ex perversa dieta & pessimo regimine. Observatum quippe fuit, mercatores tunc & itinerantes rusticos primam horrois & frigoris sensationem vino & spiritu vini suppressere voluisse, postea vero potu frigida, cum post frigus & horrores calor & sitis febrilis urgerent; moriebantur autem omnes intra triduum, qui hac infelici

T t t t 3

ute,

utebantur methodo, evadebant autem postea fere omnes alii auxilio medico, & conveniente methodo secundum probe observatas diætæ & regiminis regulas tractati. Licet vero periculosa alæ pleni sint hi morbi, reminiscimur tamen certis annorum constitutionibus inter centenos ægros, ex iis, qui methodo conveniente tractabantur, vix unum & alterum e vivis sublatum fuisse. Plethorici statim in principio morbi a V. S. etiam reiterata, multum levantur. Dantur autem epidemica pleur. ubi non profuisse certo observatum est. Cum etiam extra urbem degentes auxilium medicum communiter non exposcant nisi quarta aut quinta post morbi invasionem die, ubi sputa jam cruenta succedunt, in plurimis venæsectio non amplius imperari potest. In principio morbi nihil magis convenit nostratibus, quam blanda infusa pectoralia & discutientia in largiori dosi, cum diluentibus; in progressu autem ad facilitandum, si opus sit, scrotaum, sperma ceti cum conservis pectoralibus, idque eo magis, quod nervorum, solidorumque systema ob aerem acriorem, rigidius heic quam alibi locorum, præsertim in duris rusticorum corporibus observetur. In pleuritide conveniunt etiam impr. ab initio diaphoretica fixiora, cum nitrosis, acidis, resolventibus &c. Cum autem methodus hæc a consuetudine parum abludat, adjungam adhuc aliquas observationes, quas non admodum inutil. vel injucundas B. L. fore, spero. Memoriam adhuc inheret fatalis casus famuli, die solis vehementissima vixdum correpti pleuritide, cum jam certissimam circa proximæ diei veneris meridiem sibi instare mortem præfagunt, repetendo idem præfagium, quodcumque remittebant deliria. Nec dies, qui a morbo erat sextus, nec hora fessellæ miserum, nam accurate præfixo sibi tempore naturæ tributum exsolvit. Memoratu dignus quoque est casus adolescentis 20. tum circiter annorum jam sexta die gravi peripneumonia laborantis, ob deficiens sputum spiritum ægerrime & nonnisi inter luctuosos anhelitus trahentis, cui electuarium unciarum quatuor, ex conservis pectoralibus cum uncia dimidia spermatis ceti aliisque præscriptum, cum infusi herbarum consimilium mens. l. At ille ad signaturam parum attendens, circa vesperam electuarium integrum deglutiit, superpotando calide integrum infusum. Mane semimortuus in lecto deprehensus; observatumque fuit materiam purulentam insigni quantitate cum remediis *αυο* & *κατω* rejectam; relictus jussulo optime habuit, nec febrem, nec tussim nec quidquam residui morbofi, præter debilitatem, persensit, immo insequenti die sospes & sanus lectica ad suos transportatus fuit. Quibus nunc addi potest, quod tales febres quandoque in primo aggressu jugulari possint, ubi scil. a primo statim morbi invasu remedia copiose exhibentur. Sic in ancilla juvenula vehementissimis cum symptomatibus pleuritidis intra 18. horarum spatium discussa fuit ex sola infusione herbarum resolventium, sed in tam exiguo temporis intervallo ad f. 18. & ultra calide potat. Idem effectus, quod mirum, sed ideo non minus verum, observatus fuit ex pulveribus Hei-

Heideggerianis, ex regulo antimonii fixato, ☉ & ☽ confatis, in duabus ex nostris civibus, quorum cuique tres doles exhibitæ; prima statim a principio morbi, altera binas post horas, & sic tertia. Sic ambo intra sex horarum spatium feliciter a truculento morbo liberati sunt. Cum pleuritidis spuria speciem quandam rheumatismi sistat, cum febre, in consueto est venam tundere, si subjectum sit plethoricum, & tum diaphoreticis fixioribus, temperantibus & resolventibus morbum discutere.

§. XVII.

Ex morbis, nostratibus admodum familiaribus, omni modo endemiis, & qui plures ad cymbam Charontis comitantur, sunt apoplexia & hydrops. De priori hæc sp̃ho mentionem faciemus. Si apoplexia a disruptione vasculi, effusioneque sanguinis in cerebrum provenit, actum est de vita ægri, immo sæpe subito ad terram mortuus concidit; si ab obstructione vasorum, vel levatur morbus, vel in hemiplegiam transit. Communis medendi methodus est in larga, etiam repetita V. S. remediis derivantibus, revellentibus, clysteribus acrioribus purgantibus, antispasmodicis, confortantibus, discutientibus, vesicatoriis & iis, quæ motum resuscitant. Nos simpliciter asserimus, statim in principio vix tutius & efficacius ad hunc morbum debellandum, dari posse remedium, quam jam dictos pulveres Heidegger. quippe quibus sæpius ab unica dosi intra quartam horæ partem discussus fuit insultus, uti numerosa hujus affectus possemus allegare exempla. Conveniunt etiam hi pulveres in affectu quodam rariore, qui forsitan aliquoties pro vera cerebri apoplexia habitus fuit, ab ea autem differt, quod in cerebro neque stagnationes, neque effusiones in mortuis, anatomico examine deprehendantur, in vivis autem oculi nec rigidi; nec vitrei observentur; a syncope, quod oculi non clausi, & animus ad mortis punctum sit præsens; oritur, uti suspicamur a nervorum resolutione subita, & stagnante motu sanguinis in corde, aut circa præcordia, in quibusdam forsitan cum polypis. Tale exemplum nobis sistit casus Sereniss. cujusdam Ducis & Principis Germaniæ. Sic aliquando obiit in urbe nostra ocyus fœmina quædam obesa, phlegmatica, in qua malum cum paralyti pedum subito sursum versa incipiebat. Lenzburgi eodem fere modo unus ex civibus nostris subitissime e vivis sublatus, ad quem nuncium magno terrore perculsa uxor, eadem fere cum summa virium dejectione & leni sensu oppressorio circa pectus symptomata persensit, apertis cæterum, nec ullo modo rigidis oculis. Liberata tamen a duabus pulverum supra memoratorum dos. & frictione pectoris cum aqua Reginæ Hungariæ. Binis adhuc circa apoplexiam adjungere lubet casus, ut pateat B. L. quam diversa sæpe in medendo sit calcanda via? Restituta est aliquando fœmina decrepita, temperamenti robustissimi, durissimis & crassissimis cibis vesci sueta, cui jam excre-

menta involuntariæ secedebant, ab usu unc. dimidiæ spirit. sal. armon. anis. & liq. C. C. succin. ex aquis cephal. intra XXIV. horarum spatium successive exhaustis. Alter casus fuit apoplexiam in viro gravi, ætatis provectioris, a retrograda, vel potius emanente prodagra, cum subsistente simul fluore consueto ulceris in pede antea manantis. Frustra hic tentatis remediis consuetis antapoplecticis, quin potius intermefcentibus, verus formabatur ascites; quam primum autem decoctum ex rad. aperitivis cum rad. chin. farsaparill. lign. guajac. & sale resolvente bibit, omnia in melius vergere ceperunt. Discussus intra quatuordecim dies tumor, ulceri pristinus fluxus conciliatus, fractæ ab apoplexia vires restitutæ, cum pristino memoriæ & iudicii, quo ante pollebat, acumine, subsequente brevi post consueta podagra.

§. XVIII.

Hydropis species jam recensuimus, excepta tympanitide, morbo rarissimo, cuius tamen verum exemplum & historiam viri 56. annorum, cum petitione consilii, cum Experimentis. atque Excellentiss. D. D. & professore *Job. Rudolpho Zuinger* communicavit parens m. colend. Morbus hic merito incurabilibus adnumeratur, cum fere semper junctam viscerum labem, aut non minus graves causas habeat. At casus hic ideo memorabilis, quod malum cum toto feralium symptomatum agmine uno quasi ictu se in ægro manifestaverit; primo quidem ex immodico esu integri caseoli sic dicti caprilli; & statim post subsequuta hypercatharsi ex usu purgantis validioris, tridui spatii ultra 200. sedes provocantis. Uti autem diversæ sunt hydropis species, diversæ causæ, diversa temperamenta ægrorum; diversa ratio victus, diversi morbi gradus; ita etiam diversa requiritur in medendo methodus. Tumores hydropici aliquando solis decoctis ex rad. petroselinii, fœnicul. chin. pareir. brav. & similibus feliciter discutuntur. Quidam insignis phlegmaticus hydrope ad crepaturam tumens, usu ~ ꝑ xci anis. & liq. C. C. succin. cum paucis aperitivis in ptisana ordinaria exhib. perfecte restitutus fuit. Alius adhuc pejus habens solo Liq. miner. annod. H. cum tinct. tartar. sanatus, nunc athleticæ & pancratice vivit; & mirum profecto, quantas aquæ copias tam per urinam, quam per alvum immo & sudorem eduxerit hoc remedium. Sic non pauci ex succo absynthii & herbarum al. amararum liberati. At nulla fere methodus tutior & efficacior, quam per decocta rad. aperitiv. diuretic ex herbis capillaribus, cum paucis sale tartari, aut tartaro solubili. Sed copiosiori & largiori dosi heic non parcendum. Hac methodo absque maritatis purgantibus aquæ copiose, etiam per alvum, evacuantur. Certius autem, præcipue in fortioribus subjectis, si in hoc, aut simili decocto tertia, aut quarta die adhuc infundantur drachmæ duæ v. pl. fol. fen. cum

cum drachm. i. rad. mechoacanh. alb. Sic aliquoties intra septimanam aquæ penitus eductæ, in ægris facie jam hippocratica, & cute, miro spectaculo, pendula prædit. At intra paucum tempus extractis amaris & roborantibus vires restauratæ, sanitasque integra restituta. Obversatur adhuc animo casus viri gravissimi, qui a decennio, antequam in hydropem incidere, sæpius suspectis ictericis suffusionibus corripiebatur, levatus tamen idoneis remediis. Cum autem hydropicus factus fuisset, aquæ a medicis fortioribus purgantibus evacuabantur, sed novis semper succedentibus undis, usque dum purgantia nihil amplius efficerent. Restitutus tamen fuit consilio parentis m. usu elixirii robor. aperit. ex extractis amaris, remissis blandioribus & in parca dosi laxantibus balsamicis, summo simul quovis triduo inter continuatum elixirii usum, laxante ex sale Sedliz. rob. sambuci in aquis petrosel. chærefol. & fl. sambuc. spatio undecim dierum. Alii plures & quidem ascitici (quorum unus nunc optime valens, ex purpura ab usu balnei saponaceo aluminosi retropulsa, in hunc morbum incidit) vino medicato ex aperitivis, purgantibus, cum squilla liberati.

§. XIX.

Febres intermittentes perquam raras esse huic nostræ civitati & semper fere aliunde conquistis, unico exemplo excepto, jam secundo monuimus paragrapho; eaque propter nunc hunc casum tertianæ admodum pertinacis paucis recensere operæ pretium esse duximus. Corripiebatur ante aliquot annos hac febre ex improvviso, æstatis tempore, unus ex Rev. D. nostris pastribus, & paulo post, inimo ante ipsius restitutionem ejus uxor; demum natus trium vel quatuor tunc annorum. In usum vocabantur salia aperitiva, digestiva, temperantia, laxantia, etiam amara, pluraque alia, quæ ad febris despumationem & solutionem alias conducunt; at omnia frustra. Inter hæc quoque non raro duplicabatur febris, donec tandem optimus vir sub finem quintæ aut sextæ septimanæ, uxor autem paulo citius convalesceret. Cum parenti m. experientia compertum fuisset, febrem hanc in aliis quatuordecim dierum spatio semper periodum suum absolvisse, examinavit tandem quam proxime ad ædes ægrorum sitas aquas, in quibus ordinarie equi lavabantur, deprehenditque eas, ob impeditum recentis aquæ affluxum & sublatum effluxum ex alveo, in putridum & graveolens stagnum abiisse, unde simul flante, uti tum accidit, Borea, exhalationes istæ noxiæ necessario ædibus & cubiculis, quæ inhabitabant, communicatæ fuerunt. Sero nimis in damnum ægrorum hæc observata. Quod autem ex his causis febris hæc pertinacissima prognata fuerit, ex eo manifeste liquet, quod natus eadem ultimo correptus, post unum alterumque paroxysmum aliorum deportatus statim a febre convalesceret. Memoratu quoque dignum Rev. D. P. post fugatam febrem extrema laborasse inappetentia, nil quicquam proficientibus stomachicis, *Disput. Medico-Pract. Tom. VI.* V v v v ro-

roborantibus elixiriis, restauratum autem quam brevissime appetitum ex usu halecum & casei saliti. Laboraverat etiam aliquando in hac urbe civis quidam per plures annos symptomatibus febrem hecticam simulantibus, a tertiana olim in Germania citius suppressa; in quo frustra remediis febris revocatio tentata; sed quem medicina non potuit obtinere effectum, ex improvise opportuna præstitit iracundia, a qua febris recidivam passus dein juxta artis regul. restitutus, jam a pluribus annis optime valet.

§. XX.

Plures adhuc & quidem rariores proferre possemus casus circa podagram, sed rem, quam paucissimis tant. expediemus. Forfan aeris rigor unam ex principalioribus causis constituit, cur in subjectis quibusdam quam facillime retrocediatur, & quod quosdam invadat, licet ominosis semper ægrorum rebus, obtuso tantum cum dolore, nominata inde *das kalte podagra*; quale exemplum obvenit in viro gravi, cujus corpus & articuli post tales dolores, materia quippe non diffusa, tumore ascitico infestabantur, sublato tamen ab usu 12. dosium pulv. Heideggeri, una mane, & altera sub noctem per 6. dies exhibiti. Inter causas externas retrocedentis podagræ merito recensemus illorum pessimos mores, qui, animo sanguinem podagricum evacuandi, statim a principio doloris parti affectæ cucurbitulas applicant. Remedium, quo quidem dolores evanescent, at materia peccans in sanguine uberrime contenta, & indies mole aucta, ut plurimum ad pectus transfertur, cum intensiss. sæpe doloribus & metu suffocationis; ubi, si quando inflammatio discuti & podagra ad partes exteriores revocari potest, non modo durante morbo, sed singulis fere diebus aliquoties retrocedit; quale exemplum nobis sæpius præbuit aliquis ex concivibus nostris. Quidam, applicatis ad pedes emplastris narcoticis cum oleo hyoscyami malaxatis, dolores in loco affecto consopiant; Tum ad interiora recedit nodosa podagra, sæpius ad intestina & effectus patrat supra jam recensitos; uti in centurione quodam observatum fuit, qui hanc tragediam in proprii corporis dispendium ea intentione ludebat, quod, uti perhibuit, a podagra emori non amaret. Non latent me exempla podagræ in vesicam, colon, stomachum, pectus, retrogradæ. Sic subit animum exemplum viri ætatis profectoris, qui per plurimam anni partem podagricus decumbebat, aut lecto, aut sellæ semper affixus, & cui tum materia podagrica pectori infixæ cum immanibus doloribus hærebat, a potu aquæ hippenterorum, ex simplici expressione finni equini destillatæ, intra biduum curati, ita ut quo vellet exspatiari, immo equo peregre vehi potuerit. Fuit & exemplum viri, 56. annorum, qui a podagra circa stomachum hærente per 15. annos inter cenam quotidie tribus torquebatur vomitibus, curati tum, ut alii plures, revocata ad pedes podagra, licet ante usum remediorum ab omnibus agonizans

ans prædicaretur. Curata sic est podagra retrograda, quæ ante eruptionem in articulos per quatuordecim dies, immo per integrum mensem gravissimis in hypogastrio sinistro vexabat ægrum doloribus. Qui evacuantibus mitioribus, stomachicis iisque, quæ transpirationem promovent, medicamentis, impr. farsaparilla, debita methodo & habito respectu ad circumstantias, temperamentum &c. uti novit, multo profecto præstabit, si non penitus in eradicanda podagrica materia, saltem & quidem ad minimum in leniendis doloribus, in minuenda morbi frequentia & duratione. Paucis nunc addamus, quid hujus generis remedia in podagra, selecta antiscorbutica in arthritide fixa præstent. Tali destillato per 6. hebdomades continuato liberatus fuit aliquando R. D. P. Capucinus, qui ex radicata per plures annos contractura nec manus, nec pedes movere potis erat.

§. XXI.

Non destituimur præterea pluribus & insignioris momenti observationibus, uti circa variolas, morbillos, morbos infantum, & puerperarum ex malo regimine, casum perquam rarum de calculis in vesicula fellea innumeris, circa hæmorrhoides vesicæ, albas, vel viscidas ani & vesicæ, febres lentas, heclicas; inflammatorias per V. S. nono & decimo tertio die curatas, epilepsiam, miras & chronicas convulsiones uterinas, molas, scirrhus uteri exulceratos, excretionem vivi & ingentis longitudinis serpentis per anum ab oblatione fortuita pulveris Heidegg. in homine, qui octogenarius adhuc vivit, aliaque plura. At cum B. L. patientia ulterius abuti nolimus, ipsaque dissertatio nostra jam in prolixius, ac prævidere potuimus, opusculum excreverit, pauca quædam de rebus & non naturalibus, & illis tantum, de quibus in superioribus nullam fecimus mentionem, coronidis loco apponamus.

§. XXII.

De aeris in microcosmum effectum superius egimus. Cibo & potu gaudemus saluberrimo. Aquas ex fontibus vivis Tobinium haurit purissimas, limpidissimas, leviores, non corruptibile sponte, sub quiete & leni tepore nullum contrahentes ingratum odorem, nec saporem, nec turbandas, nisi igne ad ebullitionem calefiant, qua, uti ex paucis reagentibus etiam apparet, indicia terræ levioris, albidæ, simulque ut videtur homogeneæ, exigua quantitate, deteguntur, quæ in tophos cinericios sublaves, non admodum graves, in achenis, ubi aqua coquitur, formata adheret; & terra aluminosa vulgo vocatur. Chemica & integra analysis earum, pluraque experimenta inde nondum secundum artem plene capta sunt. Constat autem eas stomachum non gravare, potas, uti insalubres & noxiæ aquæ sæpe solent; & lixiviiis, saponi solvendo, operibus che-

micis, pharmaceuticis, technicis optime inservire. Vina ex gallica Ill. Reipublicæ Bernensis ditione, optimæ notæ, nobis advehuntur. Cumque lætissimis cincti simus pascuis, carnes edules quæcunque suavi pol. lent sapore, & valde succulentæ sunt; pisces canrosque nobis ex vicinis undique rivis & aqua recenti puraque, habere licet, sed rarius indies; cum exteris enim æque commendabiles visi sunt ac nobis eo, uti in pluribus aliis, res devenit, ut non semper æque abundanter ac æque commode iis nobis prospicere possimus. Sic aves & ferinæ, magna quamvis sub venatorum, sylvarumque copia, minus apud nos venales reperiuntur, eo forte tamen commode, ne nodosæ podagræ obnoxii fiamus. Oleraceis tamen, frugibus hortensibus, & arboreis, leguminibus & frumentacea non caremus, imo sæpius abundantem habemus copiam. Felices, immo nimium felices cives, si tam divite salubriorum penu ad nutritionem, sustentationem immo ad satietatem, non vero ad luxuriam perfrui animo constituerent. At bone Deus! quantum intra illiacos peccatur muros & extra! quantum gulæ in propriam sui perniciem adulatur civitas; hinc non mirum, si morbis aliquando corripiamur, at mirum quod non pluribus. Nec propterea existimandum, luxum & ingluviem nostram tantum inhabitare mœnia. Certe & rusticorum casas & pauperem tuguria eodem salutat omine, nam si non ferina, alicibus & turdis pascantur rustici, Baccho propterea non minus strenue litant, & pauper cum divite nimium & nocentissimum vini & cerasorum spiritum, aliaque multa spirituosa ingurgitant. Hinc cum ad senium vergit ætas, eadem cum nostris subeunt fata; ac tussim siccam, respirationem difficilem, hydroperam pectoris, hepatis scirrhus aliosque mortis & miseriarum prænuncios patiuntur. Taceamus graves, quas præcipue feminæ non raro a placentis variis, intempestive deglutitis, experiuntur noxas. Cum autem duriora nutriat illa messor, duriores quoque sustineat labores, victum duriorum & copiosorem absque noxa perfert. At quid nobiscum fiet, qui fumosas urbes inhabitamus, sub vita deside, si quod pessimi moris est, vix dum lectum egressi jentaculo, mox prandio, merenda, & denique non raro lautioribus sub cæna epulis miserum & invitum stomachum ad nauseam usque laceffimus? Ignorabant avi erapulæ torpidos effectus & forsitan nomen; aviæ rem cupedinariam, tot placentas, tot condimenta saccharata, aromatizata, potum coffe aliaque multa, nullos hinc fere morbos utrique perpeffi, nisi ipsam senectam, & ætate magis, quam morbis confecti supremum placide obibant diem. Sequioris sexus homines nec purpura, nec phlyctænis, nec tot malis hystericis, rheumatismis, cephalalgis, sic dictis vaporibus, consimilibusque malis torquebantur. Vereor equidem (sed fallant me præmatura vaticinia) ne brevi puerperæ nostræ, ut alibi, a prava diætæ & victus ratione inter puerperia funestissimum & periculo plenum morbum purpuraceum sibi contracturæ sint.

§. XXIII.

§. XXIII.

Motu & labore nimio nemo intra mœnia nostra peccat; inertia & desidia plures. Non item rustici morbos, quos a vita deside procreari jam superius ex parte indigitavimus, patiuntur. Noto notius est hanc vivendi rationem sanguini, nervis & toti corpori torporem conciliare, & quæ a fibra laxa promanare possunt incommoda, sc. non modo sanguinis visciditatem, spissitudinem, aut & ferositatem, acrimoniam, mala hypochondriaca, hysterica, alvi duritiem, mensium vitia, verum etiam affectus apoplecticos, soporosos & alia plura. Hinc sartoribus & netricibus, generi hominum desidi, scabies, alba profluvia & hujus census incommoda non sine ratione, tanquam morbi familiares adscribuntur. Plures etiam ex somno pot. quam nimis vigiliis ægrotudines sibi contrahunt, & quidem easdem fere, quæ ex vita deside fluunt. Hinc plerique, qui sic in diem lethargice & ad mortis imaginem vivunt, ex pinguiori aqualiculo, etiam invito medico satis manifestant, excreta retentis nullo modo respondere, otia hæc non diu duratura, & Hannibalem jam ante portas stare.

§. XXIV.

His non obstantibus caivis observare licet, sola animi pathemata citius & sæpius mortales, uti ubique locorum, ita quoque in sphaerula nostra, tam in insignes & periculosas ægrotudines conficere, quam modo memoratos ex rebus non naturalibus errores, si forte effectus ex aeris constitutione, de quibus superius actum, excipiamus. Sic ab ira choleram, apoplexiam, hemiplexiam, mensium suppressionem, arthritidem pluraque mala aut oboriri, aut revocari posse pluribus exemplis comprobare possemus, a terrore animi deliquia, syncopen, tremores artuum, mensium suppressionem, nervorum resolutiones &c. Quo plures autem & graviores causæ concurrunt, eo pejor in corpore humano resultabit effectus. Qui ex iracundia febrem cholericam incurrunt, non sine periculo ægrotant; at gravius & longe periculosius ægrotabunt, qui paulo ante nimio mero aut spirituosis indulserunt, aut qui statim post iracundiam nimiam frigida copiam epotant. Rustici sæpe sæpius inani, sed non minus gravi & vere panico terrore percelluntur, si inter ambulandum subito ventorum turbinibus obruantur, aut si post frigidum aerem subito tepidiusculum hauriant; effectu profecto admodum sinistro, immo sæpe periculosissimo; nam statim inter horrores & motus febriles, a vano & inani terrore obortos, insigniter intumescit corpus, cum summa virium dejectione & lassitudine. Hinc est, cur illorum medicaltri, si causam morbi cujuscunque ignorant, statim audacter pronuntient: *der Krancke ist in einen bösen Wind gekommen*, immo spectris & phantasmatibus causam morbi tribuant, quæ soli debetur terrore. A tristitia affectus melancholicos, hypochondriacos, hystericos,

eosdem aliosque etiam ex intensis protractis desideriis progigni, nemo est qui dubitet. At ex gaudio & lætitia morbos apud nos procreatos fuisse, nedum subitanæ mortem, quale exemplum matris romanæ ex improvise aspectu filii, quem in prælio ad Thrasimenum lacum occubuisse putarat, præ gaudio subito mortuæ tradit Livius, nobis hætenus non patuit.

T A N T U M.



GUSTAV

CXCXII

GUSTAV. HARMENS

E T

JOAN. FIELSTROEM

MEDICINA LAPONUM.

Lond. Gothor. 22. April. 1734.

P R O O E M I U M

Quemadmodum hoc verum est, omnes in universam homines morbis esse obnoxios, nec ullas dari nationes ab his plane immunes, licet alia annis, alia huic, alia vicissim illi morborum generi magis exposita videantur: sic ex hac inevitabili necessitate, & ex philantia illa naturali, qua ad conservationem vite sue quisque ducitur, omnes semper in id anxii laboraverunt, ut aliquas saltem medendi artes, quavis non semper adequatas, invenirent, quibus sanitatem vel tueri vel morbos tollere possent. Huc spectat non modo medicina illa, que inter excultioris ingenii homines, a medicis cordatis & rationalibus exercetur quotidie, verum etiam empirica ista medendi ars, qua intra vulgus, imo qua intra gentes barbaras minusque excultas usu recepta viget. Hæ enim quamquam medicis & medicina, proprie dicta sint destituta, consiliis tamen & remediis suis domesticis sibi invicem succurrere egrotosque sublevare quacunque ratione conantur. Hujus indolis (si quæ ulla) certe medicina est Laponum, cujus adumbrationem in hac qualicumque dissertatione sistere mihi mens est. Argumentum autem hoc eo arrisi magis, quo majorem ejus occasionem mihi dederint exempla clarissimorum medicorum, qui ad locupletandam historiam medicam sedulis observationibus patefecerunt medendi methodum certis etiam nationibus præ ceteris consuetam, nec non remediorum genera his familiaria, eademque vel noxia vel utilia. Equidem fateri non erubescam, me summorum medicorum vestigia non posse vel premere vel digne sequi; interim tamen hos, quantum gigantes pygmeus, emulaturus; hoc jam suscepi laboris, ut brevissimè quidem & pro virili exponam morbos medicinamque Laponum, idque parim secundum ea, quæ mihi, licet puero, per biennium fere inter ipsos observare licuerit; parim etiam secundum relationes, quas deinde per iteratas sæpe literas ab amicis, & imprimis a fratre Germano (quæ ipse jam aliquot annis in Uria Lappmark moratus est) mihi colligere contigit. Benevolum autem lectorem ut his conatibus, lineamenta potius, quam completam historiam representantibus faveat, obsecramus. Plura forsàn in futurum, si Deus vitam facultatesque benigne largitus fuerit, spondemus.

§. I.

Neminem latere existimamus, situm obtinuisse Lapponiam polo admodum vicinum, unde per se liquet qualis heic cœli temperies, scilicet jam frigidissima, jam iterum calidissima secundum anni vicissitudines. Frigus hybernum prorsus est ingens & acerrimum, nec tolerabile, nisi iis, qui a teneris perferre didicerunt. Unicum adducam exemplum, unde fas sit concludere, quanta ibidem frigoris vis. Observavi nempe hyberno tempore, quomodo arbores imprimis abietes & pini, quæ hic frequentes inveniuntur, vi intensissimi frigoris a radicibus usque ad summa cuneo quasi in duas funderentur partes, quod vehementi cum fragore fieri sæpe solet. Æstivo iterum tempore, quando hi innocidui per aliquot menses fruuntur solis lumine, calorem sentiunt non minorem. Aperte hoc testatur Schefferus (a) præeunte Joh. Tornæo, tempore, inquit æstivo, quando sol ingreditur cancerum, ingens exoritur calor, cujus sine dubio causa ex eo est, quia sol nunquam occidit, sed tota nocte lucet clarissime, atque ita nec calor quidem cessare potest, verum durat tempore æque nocturno sicuti diurno. Huic æstivi caloris excessui merito debetur etiam præcox illa festinatio, qua terra hæc alias gelida satis, brevi admodum suos ad maturitatem perducit fructus, gramina atque herbas, quod miraculi instar semper habitum fuit peregrinis (b). Neque silentio prætereundum prorsus existimo, quod plerique, qui hic spirant venti terrestres, sicciores sint, & pro mundi plagæ, annique tempestatis diversitate nimio aut frigore aut æstu adurant, præter unicum illum, qui ab occasu venit, nebulosum, & quoniam in transitu oceanum lambit continuo, humidior, sed quoque rariorem, nec diu durantem. Hunc certe ventum indicare videtur Schefferus (c) dicendo: unum genus est, uti testati sunt mihi, qui viderunt, surgens a mari, quod cum spirare incipit, densas crassasque media æstate dieque creat nebulas, quibus longior omnibus prospectus intercipitur. Hyberno autem tempore tantam nivium deiecit vim atque copiam, ut si quem deprehendat in campis, illi non aliud supersit remedium, quam ut projectus in terram, veste se operiat, obruique sinat nivibus, donec tempestas desiverit.

§. II.

Aëris hæc temperies, modo frigida, modo sicca & utraque in excessu, non potest

(a) Conser. Lapp. Illustr. Cap. III.

(b) Conser. Billberg de refract. Sol. innocid. p. 78. Item Scheff. Lapp. Illustr. Cap. III p. 20.

(c) Fid. Lapp. Illustr. Cap. III. p. 18.

potest non liquidissima expellendo condensare humores, solidasque partes efficere rigidiores, unde endemicum & quasi universale furget Lapponibus temperamentum ad melancholicum proxime accedens, hoc etiam ipsis maxime competere dilucide satis ostendunt, tam eorum corporis habitus, quam animi mores. Prius enim quod attinet, sunt Lappones, statura corporis mediocres, ut plurimum vero breves, at non cubitales, ut quidem voluerunt (d), nec membris contortis inconcinni adeo, quemadmodum eos facit Isaac Vossius (e); membra etenim illi omnino habent exacta proportionem sibi mutuo accommodata & optime convenientia, unde & summa in ipsis agilitas & pedum velocitas. Habitus corporis admodum est constrictus densus atque siccus, qui manifestam præ se fert macilentiam. Nec mirum hoc quia frigus quod non finit eos pervenire ad proceritatem aliquam, non potest non succum etiam naturalem ipsis denegando, reliquam molem minuere. Recte ergo Schefferus Cap. Cit. sicuti Lappones sunt breves, sic etiam macilenti, estque res prorsus rara inter ipsos homo obesus. Color corporis ex lurido subfuscus est; capillos habent nigros atque spissos, idque præ reliquis septentrionalibus magis commune, testatur & idem de ipsis Joh. Tornæus, dicens, se nunquam vidisse præter unicum Lapponem capillis flavis. Pectus habent latum, inque membris vis & robur tantum, quod longe superare videtur ipsius corporis molem. Unde etiam Damianus Goës ipsos appellavit nervosos, quemadmodum & illud annotavit Schefferus eodem Cap. V. Longe validiores, inquit Petrus Claudii sunt hi, quam homines vulgo alii, quod ex ipsorum colligitur arcibus, quos Norwegus quis vix ad dimidium intendere potest, quod ipsi faciunt: (f) addimus & hoc quod hujus gentis corpora aspera & dura non facile alterentur ad injurias aeris, hincque labores quosvis diutius sustinere possunt quam multi alii. Præclare ergo Polypius Lib. 4. Ita natura comparatum est, ut cœli habitationis consimiles evadamus.

§. III.

Corpore quamvis satis sint robusti Lappones, fortitudo tamen in ipsis nulla, sed meticulositas & timiditas summa, quod jam pridem de ipsis notarunt varii autores; Olaus scilicet magnus, Petrus Claudius, Paulus Jovius, quorum testimonia secutus Schefferus hisce usus est verbis: gens Lapponum, supra quam quis credat, meticulosa est & imbellis. Ex hac meticolositate illud provenit, quod summa in ipsis deprehendatur promptitudo ad suspiciones omnes & occultas machinationes; student quippe declinare malum quod sibi imminere suspicantur cum damno, interdum etiam cum exitio ejus a quo sibi metuunt. Animo quidem videntur tranquilli,

Xxxx 2

sed

(d) Conf. Scheff. Cap. V. p. 28.

(e) Conf. Scheff. Lapp. Illustr. Cap. V.

(f) Conf. Autor, in Norweg. Descript. Cap. 27. Item Scheffer, Loc. citato.

sed si semel ad iram fuerint commoti ad reconciliationem deinde minus sunt prout; imo osorem suum perpetuo prosequuntur odio, cujus notabile exemplum existat apud Schefferum Cap. V. p. 33. Quod dominante illo melancholicorum vicio, avaritia laborent, satis eorum pecunias contrahendi cupido & desiderium denotat; si ergo dolo aliquem in commerciis circumvenerit, ipsum quoque ultro derident. De salacitate Laponum præeunte Joh. Tornæo testatur etiam Schefferus, cujus hæc sunt verba; *sunt Laponi ad alia propensi vitia magna, sed peculiari modo ad libidinem*: vid. Cap. V. p. 33. & ulterius ex Heberstenio; *Lappi aut quamvis sale & pane aliisque gula irritamentis careant, multum tamen prout in libidinem esse perhibentur*. Ex omnibus hæc facile apparere existimo, temperamentum eorum præcipue esse melancholicum; licet negare non velim, idem aliorum temperamentorum miscelas ratione parentum, educationis, & reliquarum circumstantiarum admittere, quæ utique temperamentorum unicuique singulare non minus hic quam alibi efficiunt.

§. I V.

Vicius Laponum quamvis simplicissimus, tamen ejusmodi est, qui optimum dat nutrimentum, atque multum bonumque generat sanguinem. Utuntur vero alimentis non aliis, quam quæ ipsum natale solum & proxima ejus vicinia suppeditat, quorumque usus & consuetudo a longo tempore apud ipsos invaluit. Et ut paucis me expediam, communis inter ipsos in victu est usus carniū urforū, leporū, rangiferorū domesticorum & ferorū, nec non sylvestrium & aquatiliū avium ferarū, anserum puta, anatum, kniparū, tetraonū, majorū minorūque. (*Kiadate och Orrar*) attaginum, lagopodum (*Kypor*) & aliorū ejusmodi animalium, quæ æstate simul ac hyeme in tanta hic aluntur copia, ut non solum captura horū vivant ipsi, verum mercatoribus etiam vili satis vendant pretio. Horū animalium carnes recentes, aere vel fumo induratas lixando, interdum assando in usum paratas comedunt Lappones sine pane interdum etiam sine sale. Pari modo ab iis, præsertim a Laponibus sylvestribus (*Sveth. Gran Lappar*) qui magis ex venatione & piscatura victitant, pisces consumuntur varii generis; his vero induratis & assatis non (ut vulgo creditur) loco fruuntur panis, sed & obsonii & panis instar. Ex lacte rangiferorū caseos faciunt, quos in hyemem asservant. Lac vero ultima collectum æstate, miscet cum vacciniis rubris & chamætaxi baccis, quo facto massam hanc pulvi formem visceribus includunt rangiferorū, stomacho puta, vel aliis intestinis crassioribus, sicque frigori congelandum exponunt. Cum hoc deinde jussula sua condiunt hyeme, quo gratiora reddantur. Interdum etiam congelatum hoc absque prævia aliqua solutione comedunt, quemadmodum ipse non semel observavi. Post confectionem casei ex sero lactis, pulmenta

menta parant, ubi loco farinæ, quam ipsi non habent nec desiderant, sumunt turiones pini contusos, vel intimum liberum ejusdem arboris, quem aere exsiccatum ope pistilli lignei in minutissimas contundunt partes; habetur vero utrumque hac cibi genus summe salutare, hincque in vitiis ventriculi frigidis, inque morbis pectoris commendatur. Alterum modum, quo liberos pini arboris Lappones utuntur, his tradidit verbis Schefferus, teste Samuele Reeng: *pinos proceras decorticare, præsertim ea parte, quæ vicina soli est, consueverunt, & interiores capere liberas, inque tenuissimas membranas chartæ instar, divisas bene purgare, hos postea exponunt soli, ut fiant aridi, tum eas in minutissimas lacerant particulas, quas conjiciunt in capsas majusculas, confectas ex corticibus arborum. Capsulas repletas, sic desodiunt in terra, sabulo operas vel arena, atque ita die integro sinit macerari suo calore. Deinde superne ubi capsule sunt desosse magnam excitant ignem, per congestos caudices stipitesque arborum, ita sub terra liberi illi cocti colorem nanciscuntur rubrum, saporem vero gratissime dulcem. Hoc ipsis condimenti loco in frequenti usu est. Forlan etiam pulmenta hinc faciunt haud secus ac ex fructibus chamæmori Norvagici, quorum præparandi modus idem est, nec magis discrepat quam quod hos, pauca aquæ portione addita, primum leni macerant igne, sicque cum suis vasculis terræ demandant. Acetosam vulgarem æstate collectam in aqua decoquunt ad formam pultaceam, cui deinde refrigerato lac admisceant rangiferinum atque ligneis capsulis servant: pulmenta hinc quoties lubet, parant vel jussula sua carniū eo condiunt. Quæ alia sunt fercula peculiaria, brevitati studens jam hic omitto, addita tantum mentione potus. Potus communis & ordinarius est aqua, quam etiam habent purissimam, fluvialem nempe & fontanā, adeoque saluberrimā; tempore vero hyberno, dum gelu condensata jacent omnia, & ex hac ratione aliam habere non possunt, ex nive liquefactam hauriunt ejus loco. Ne autem ventriculus vitium inde contrahat, frustulum interdum casei eidem injiciunt aquæ sub liquatione ad ignem. Spiritus vini quamvis Lappones sint avidissimi, optime tamen eo carere possunt. Utuntur vero hoc potus genere præsertim in conviviis suis & nuptiis, quas circa tempus nundinale potissimum celebrant, quo tum simul pocula hilaritatis pleno gutture hauriant supini. Herbarum tabaci denique adeo sunt avidi, ut ejus acquirendi causa periculosissima sæpe & multorum milliarium itinera absque hesitatione instituunt. Nec semel observavi ipse, quomodo Lappones crumenas ipsas, herbarum repositoria, dilacerantes, partem unam post alteram masticabant, usque dum saporis aliquid hujus aromatis isti inesset.*

X x x 3

§. V.

(2) Vid. Lapp. ejusd. Illust. Cap. XVIII. p. 213.

Data jam aliquali adumbratione situs, loci, temperamenti, atque vitæ generis Lapponum, ordo tandem postulat, ut propius accedamus ad considerationem morborum, qui inter ipsos vigent. Sicuti autem sanitas consistit potissimum in motu æquali & moderato sanguinis, legitima orasi & qualitate gaudentis, ita morbus fit a sanguinis & humorum motu impedito, inæquali, aucto, atque turbata naturali mixtura, ob quantitatem excedentem non modo humorum per se utilium, sed etiam deficientem, eorundemque qualitatem quacunque ratione depravatam. Sanitatis ergo firmatæ idea petenda est ex proportionem inter moventes sive vires motrices, quæ sunt in nervis, & inter sanguinem, & humores contentos in vasis. Ex hac enim proportionem læsa, omnis exsurgit fons morborum materialis. Ad producendam autem tam plethoram, quam cacochymiam, non tantum multitudo ciborum major, quam corpus ferre potest, sed etiam laborum intermissio confert. Dicitur quoniam vix potest, quam sanitati sit amicus moderatus corporis motus & membrorum exercitatio. Ex hac ratione robusta corpora, in quibus validus celebratur motus, ciborum copiam bene possunt ferre, digerere, superflua ejicere citra sanitatis dispendium; imbecilla vero, quibus parum motus & vigoris inest, iisdem non sine damno utuntur; ob defectum enim digestionis & egestionis, copia feri & sanguinis impuri in venis progignitur, quorum utrumque amplius est fons morborum, tam chronicorum, quam acutorum. Tria ergo sunt quæ ad malam concurrunt dietam: primo major ciborum multitudo quam corpus ferre potest; secundo laborum intermissio; & tertio ciborum multa varietas. Assertionem hanc veram esse Lapponum victus ratio satis ostendit. Nam hi robusta habent corpora, quæ non facile alterantur ab aeris injuria. Victu etiam, quamvis gaudeant simplici, aqua scilicet, caseo, lacte & carne sub motu corporis continuo, sanitate longe præstant iis, qui delicatis variis in otio fruuntur cupediis; vividiores hi observantur in protracta ætate, quam alii in juventutis fine. Nec insolens est inter ipsos videre, qui centesimum superavit annum, plerique vero septuagenarii & nonagenarii alacres adhuc permanent adeo, ut negotia sua domi forisque promte expedire possint. Morbos, qui humorum putrefactionem consequi solent, omnino ignorant. Febres continentes malignæ, petechizantes & epidemicæ, ab aeris malignitate propullulantes, nunquam illos infestant. Nec scorbutus, lues venerea, lepra aut alii ejusmodi affectus fecdi ipsis adhuc innotuere; febribus intermittentibus raro, rarius adhuc variolis & morbillis laborant. Recte itaque Schefferus Cap. 27. *Lappones*, inquit, *tametsi aspere duriterque vivant, tamen commodissima fruuntur valetudine. Morbos ignorant plerosque, nec iis quidem infestantur, qui alias totas gentes solent populari. Febres ardentes nulle, nulla pestis inter ipsos.* Præterea quod hic de peste asserit, illud etiam

etiam mox confirmat ex testimonio Olai Petr. Niurenii Cap. 9. cujus hæc verba. *Ante aliquot annos pestilens lues secuta est canabim in Lapplandiam, sed præter feminas nendo eam masticantes neminem interemit; rationem quoque sufficientem addit dicendo, frigus enim septentrionale facile venenosum halitum dissipat.* Et sane ex eadem hac ratione ceteros quoque borealis plagæ inhabitatores, ab hisce morbis contagiosis immunes judicandi sunt. De Ferroensibus hoc verum esse, jam dudum notavit Thom. Bartholinus: *pestilentia*, inquit, *nulla incolas inficit nec febris, propter ventos varios, quibus purgatur aer.* De febribus observatum, quæ alibi medicamentis curari non potuerunt, huc delatas sine remediis aliis exstinctas fuisse. Conf. Act. Med. Hass. Tom. I. pag. 86.

§. VI.

Morbi vero Lapponibus familiares sunt dolores arthritici, rheumatici, ischiadici, pleuritides, peripneumonix, nec non alii catarrhosi affectus, cum vel sine febricula quadam molestantes. Originem hi ducere videntur a dissipata per aeris injurias liquidissima sanguinis portione, & inde proveniente reliquorum humorum impedita magis circulatione; cui si accedat major fibrarum contractio a frigore externe vasis incumbente, humores in corpus retrogredi necessum est, & hinc possim stases, congestiones & spasmi oriuntur, quales in pleuritide, peripneumonia & febribus catarrhalibus &c. quotidie observamus. His autem morbis Lappones esse obnoxios cordatorum virorum testimonia secutus Schefferus (b), paucis indicat verbis, *frequentiores eorum morbi sunt pleuritides, dolores in dorso & pectore, capitisque vertigines.* De oculorum etiam morbis idem auctor, ex testimonio Ol. Petri Neurenii: *morbus*, inquit, *frequentissimus unus est ophthalmia & lippitudo oculorum, unde non raro in senectute cecitas.* Quando vero ab ignis aspectu & a fumo, quibus tuguria eorum quotidie sunt repleta originem mali deducit, eam nos non agnoscimus solam; nam si hoc verum esset, utique sceminæ, domi & in tuguriis semper versantes, præ viris, qui magis frigori se exponunt, morbo hoc frequentius laborarent, sed contrarium semper observatur. Serosos ergo hos affectus potius ex aeris injuria ejusque rigiditate nimia derivandos esse, duximus.

§. VII.

Quamquam præterea tussis, raucedines, febres catarrhales, qui morbi circa autumnale & vernale tempus non minus hic quam alibi frequentiores quoque observantur, ab humida tum & frigida simul aeris constitutione accidere videmus; inficias tamen ire non possumus, Lappones per-

verso

(b) Conf. *Lappon. Illustr. Cap. XXVII.*

verso suo vivendi more, dura terra scilicet nive obducta & vigente hyeme, nudis cursu certare solent pedibus, morbos hos & ejusmodi alios saepius contrahere, quam solo aeris vitio. Idem etiam verum est de pleuride, quæ media etiam æstate invadit sæpe; licet enim excessus frigoris, nec non caloris, quem utrumque climati Lapponum proprium demonstravi, id habeant commune, ut dissipatis liquidissimis, & inde aucto humorum attritu ad vasa, inflammatorios morbos producant, frequentiores tamen occurrunt ex alio Lapponum imprudentiæ documento, quatenus hi nempe lotione æstate delectantes, præ sudore diffluentia membra, subito aquæ frigidissimæ immergant. Quid ergo mirum si ex subitanea hac mutatione in motu humorum tam progressivo, quam intestino magnæ alterationes & anomalie oriantur, hincque excretionis negotium turbetur insigniter.

§. VIII.

Quemadmodum itaque Lappones præ multis aliis optima gaudent valetudine, nec periculosis multis laborant morbis, sic paucissimis utuntur remediis. Gens etiam cum sit barbara, illiterata & incondita plane, certos non habet medicos, quos nationes plerumque alie; sed unaquæque hic mater familias, quando necessitas postulat suæ domus & familie est medicatrix. De medicamentis etiam non sollicitæ sunt aliis, quam quæ sibi ex regno suo vegetabili vel animali facili negotio acquirere possunt, & quorum usum medicum multorum annorum experientia comprobant. Verbo tota hæc ars, quæ paucissimis absolvitur, mere est empirica, & pro fundamento nihil agnoscit, præter traditionem majorum longo usu confirmatam. Inter medicamenta ergo interna usitatissima primum locum jam mereri videtur angelica sativa major C. B. quæ Islandica & Norvagica Dodon. & Tabernæmontano, atque scandiaca aliis quoque dicitur. Crescit hæc ibi montanis uliginosisque locis sponte, neque cultura opus habet ulla, vid. sis Sim. Paul. Flor. Dan. pag. 164. a vulgari officinarum vix differt. Radix enim est rugosa oblonga, sed minor sativæ, saporis est suaviter amaricantis & aromatici odorisque fragrantis. Caules qui duplici constant substantia, medullari scil. & lignosa, quando ad justam pervenerit magnitudinem planta, cubitales vel etiam bicubitales florent ultimo Junii. Herbam hanc Lappones, quia summopere ea delectantur etiam in cibis, suam dicunt vocabulo *Samigiard*, quod significat herba Lapponum; nomine vero peculiari & proprio magis ipsam appellant *Posko*. In usu apud ipsos est non radix sola, verum etiam caules, ac imprimis flores tenelli nondum explicati, sed calyce suo tanquam nodo inclusi. Quorum usus & præparandi ratio ex iis quæ jam sequuntur, patebit.

§. IX.

Primo nempe flores teneros, in quibus totius plantæ virtus concentrata quasi latet, prima æstate, & antequam e sua vagina eruperint, colligunt, collectos statim excipiunt sero lactis rangiferino & decoquunt, donec consistentiam extracti cujusdam spissioris nanciscatur, quod usui servant. Est quidem extractum hoc saporis subamari, non tamen ingrati quod non semel ipse expertus testari possum. Usus vero medicus hic est. Admiscent extractum hoc larga dosi jusculis carniū recentium, quo facto, ægrotis, interdictis pro re nata aliis alimentis, mensuras aliquot hujus jusculi medicati subinde calide hauriendas præbent; & quando jam hic copiosi subsequantur sudores, illos pro bono habent signo, unde spes recuperandi sanitatem ipsis affulgere videtur. Hæc methodus medendi consueta est ipsis in febribus inflammatoriis catarrhalibus, nec non aliis affectibus serosis quibuscunque. Præterea cum insigne ipsis habetur stomachicum & tonieum, fluxu quando laborant alvi cum torminibus vel ejus constipatione, extractum hoc lacti admiscent rangiferino cocto, sicque sub forma electuarii vel pultis larga dosi assument. In defectu vero lactis idem faciunt cum caseo rangiferino in aqua ad pultaceam consistentiam prius soluto atque cocto. Quoniam sanitati adeo conducere existimant extractum hoc, eadem ratio quoque videtur, quod juscula sua carniū, in usum quotidianum parata eo sæpe, seu salutari condiant aromate, haud secus ac superius monui de usu fructus Chamæmori Norvagici atque acetosæ. An vero medicamenti loco acetosa aliquando utantur, hoc neque propria experientia neque aliena auctoritate affirmare possum. Omne vero quod dictum est, de florum usu, idem de caulium recentium non decorticatorum intelligendum, quorum præparandi modus ex Scheffer, teste Sam. Reen sequens est, *caulem*, inquit, *qui nunc incipit velle semen proferre abscindunt, eumque coquunt cum sero lactis per diem integrum donec colorem sanguinis referat.* Confer. Cap. XVIII. pag. 222. Jam ulterius etiam de caulium usu hæc pauca subjungere juvat. Recipiunt eodem tempore, quo flores colligunt, interiorem molliorem & succulentam caulium angelicæ substantiam, quam secundum longitudinem in tenuissima dissectam filamenta aeri exsiccandam exponunt, quo facto, ipsis vocatur *Fathno*, Westrobotniensibus vero *angelika-græs* item *Lapp-Græs* quod bene distinguendum est a *Lappske-Græs*, quo calceis & chirotheis immisso, Lappones muniunt pedes manusque contra frigoris inclementiam vid. sis Scheffer. Cap. 31. p. 363. Nec hoc iterum confundendum cum planta, quæ dicitur calceolus Mariæ, & ob similitudinem quandam cum calceolo Lapponico. *Lappske-Græs*. Sed ut redeamus. Ex *Fathno* hoc Lappones iisdem in pectoris morbis pulmenta parant lacte, jusculis item carniū coctum, non aliter ac superius dictum est de usu extracti ex caulibus vel floribus parati, immiscent. Neque in victu quotidiano

diano hæc pulmenta omittunt, quippe quæ dulcis admodum sunt saporis optimeque nutriunt. Mulierculæ vero Lapponum hoc Fathno tanquam bellariis sapidissimis maxime delectantur. Unde nulla urgente necessitate illud masticatum deglutunt. Ad itinera etiam se parantes crumenis suis hoc prospiciunt semper; suntque non minus illæ hujus avidæ, quam viri Tabaci, quo nunquam carere possunt. Æstate si quando tussi, raucedine, aliisque pectoris affectibus corripiantur, præsentissimum remedium ipsis sunt caules recentes, hos enim tum sub cineribus fervidis, lenissimo superinposito igne assatos, & postea a corticali substantia liberatos, non sine optato effectû comedunt. Referuntur & hi caules assati inter ipsorum delicias. Radices quoque colligunt justo tempore & in aere exsiccatos contra catarrhos affectus masticando & subinde deglutendo usurpant, absque ullo vehiculo. Torminibus item ventriculi vel diarrhæa laborantes, in defectu extracti hujus herbæ, radices contusas & cum jusculis carniû vel piscium coctas, addito interdum frustulo casei, hauriunt. Ad desiderium tandem tabaci fraudendum, in defectu ejus, has radices masticant Lappones, deperdito autem sapore, iterum rejiciunt, aliumque renovant bolum. Ex dictis satis apparet, quod Lappones hujus herbæ virtutes fere omnes non minus usu sibi cognitâ habebant, quam medici, qui uno quasi ore dicunt herbam hanc esse alexipharmacam, resolventem, aperientem, attenuantem & sudorificam. Circa usum etiam non multum errant, nisi forsan in eo, quod medici cordatiores dicant eam minus esse tutam, ubi insigniores adsunt motus febri- les: humores enim exagitando calorem auget.

§. X.

Alterum anticatarrhale & cephalicum simul est muscus quidam s. species lichenis, de cujus usu sic accepi a fratre meo. „Nascitur hic muscus quidam, quem Lappones in lacte coctum usurpant non solum in victu quotidiano, verum etiam in morbis pectoris capitisque dolore. Muscus certe hic idem est, quem Schefferus describit: „Cap. 27. in omnibus, inquit, morbis internis usurpant radicem musci alicujus, quam ipsi vocant Jerth, vel in defectu ejus, caulem angelicæ. Confirmatur adhuc magis nostra sententia ex alio ejusdem auctoris testimonio ubi de muscis in Lapponia: oblati sunt nobis quintus (muscus) foliis latioribus longioribusque, quem Lappones Fathna vocare putantur, contra animi deliquium conducent, si jusculis bibatur contusus. (i) Cum vero auctor ipse existimet, hunc non pertinere ad muscos, sed potius esse tenuiter sectæ angelicæ particulas, observandum est, eum hæsitasse circa vocabulum Fathna, quod proprie significat caulem angelicæ exsiccatum, male autem a relatore musco huic indito.

Indito. Ablato enim hoc scrupulo res clara evadit. Sed objiciat adhuc quis, muscum hunc non eundem esse cum superiori Lapponum Jerth, quem Schefferus non muscum, sed radicem musci vocat; ac respondemus, facili negotio hoc conciliari posse, si modo attendamus auctorem hic quoque commississe errorem mali narrati: quis enim rei botanices paululum peritus nescit, Lichenes seu muscos radicibus proprie sic dictis destitui, fibrillasque tantum tenuissimas habere, per quas a terra sucum accipiunt nutrimentum. Hisce ergo conciliatis, locus tandem natalis & virtutes datæ aperte ostendunt, rō Lapponum Jerth esse eundem muscum, quem inter innumera fere alia exotica, pariter ac indigena rariora ex omni mundi angulo curiose conquisita, in Herbario suo vivo ex Norlandia allatum servat celeberr. Vir naturæque sagacissimus mysta, archiater regius & profess. D. D. Kil. Stobæus. Hunc enim mihi, pro summo, quo me semper prosecutus est favore, communicavit sub titulo Lichenis S. Musci Islandici esculenti & pulmonaris; & quidem cum hac definitione. Muscus est latifolius membranaceus & ramosus, foliis lactuce crispæ quodam modo similis, semine & flore carens. Invenitur in Islandia, Lapponia, nec non reliquis regionibus septentrionalibus. Virtutes pariter ejus enumerantur his verbis: quoniam optime nutrit, tabe confectis commendatur, populi etiam septentrionales non tantum partes inde coquunt, verum etiam pulmenta cum lacte conficiunt. Nec alium credimus muscum catharticum Islandorum, de quo Thom. Barthol. in Act. Med. Hafn. Tom. I. pag. 126. Fert Islandia, inquit, muscum, nulli hætenus botanicorum cognitum, quo inside coloni primo vere utuntur ad expurgandos humores corporis noxios, reliquo vero æstatis siccatione in farinam comminunt & pulmentariis admiscunt, expirante demum vi purgatrice & succedente alimentaria. Ex manuscripto quodam gratiosissime mihi Carolin. nostræ Rect. Magnif. maxime Reverend. S. S. Theol. Doct. Henr. Benzeliu communiavit modum, quo Norlandi pulmenta ex hoc conficiunt, qui talis est: muscum a for- dibus bene purgatum injicias aque calide, quam post unam alteramve ebullitionem iterum decantes & abjicias, superinfusa deinde frigida eum aliquoties laves, quo facto, muscum minutissime concisum in lacte per horula quadrantem decoquas, addito sub fine parum salis, si placet parum quoque cinnamomi. Curiose & circumspecte non adeo Lappones sua inde parant pulmenta, negligunt enim hi præviam lotionem, interdum etiam sal, multo magis aroma istud, cujus nulla ipsis cognitio. Cibarium vero hoc dulcis quidem & grati saporis est, optimeque nutrit; verum cum multis constet particulis pinguibus & oleosis, diu comestum tedium aliquando parit. Num Lapponibus cognita sit vis illa purgandi, qua recens hic muscus gaudet: prima æstate, certo affirmare non audeo, verosimile quidem videtur.

Inter medicamenta pectoralia apud Lappones etiam venit resina abietis, qua hac ratione utuntur: hanc æstate, quando liquida exsudat ex arboribus, colligunt; urgente deinde necessitate, commiscunt cum pinguedine ista, quæ olei similis ex caseo rangiferino tosto exprimitur, sicque eam in asthma, tussi & rauedine calide hauriunt, adjuncto pro vehiculo carniū juscūlo; externe vero idem hoc remedium adhibent contra perniones & ad tumores duos emolliendos & resolvendos, idque cum successu optato. In vulneribus sordidis non minus quam recentibus eandem hanc resinam subactam cum sevo rangiferino emplastri vel unguenti loco applicant. Schefferus itaque hujus remedii compositionem nesciens: *vulnera, inquit, non alio curant unguento, quam resina ex arboribus exsudante.* Item ex relatione Plantini. *Resinam emplastri loco adhibent, quando ictu vulnerantur.* Globulos pariter vel pilulas pili majoris magnitudine inde formant, quorum duos, tres, aut plures successive devorant dysuria vel stranguria laborantes. Verisimile videtur usum hujus resinæ didicisse Lappones a vicinis Norvegis: nam idem fere de ipsis commemorat Thom. Bartholinus in Act. Med. Hass. Tom. I. p. 41. *In Norvegia, inquit, picem liquidam ex abiete incolæ propinant cum cerevisia in febribus malignis magno cum successu. In vulneribus sordidis periculosis pulvere istius ligni & musco quoque utuntur.* Resinæ iterum pini arboris quamquam non adeo frequens est usus in medicina, mulierculæ tamen Lapponum ob gratum, quem inde percipiunt saporem, mastigando ea maxime delectantur. Id autem commodi eas hinc habere credimus, quod resina hæc balsamica sua virtute fœtorem oris & gingivarum laxitatem præcaveat, quin imo dentes a carie conservet, reddatque albissimos. Et forsitan hæc ratio est quare mulierculæ hæc raro laborant odontalgia. Quicquid sit, nos tamen satis mirari non possumus, qua ratione barbara hæc & illiterata plane gens exhaurire potuerit virtutes balsamicas, discutientes, & resolventes, quæ communi medicorum consensu ejusmodi arborum resinis tribuuntur.

§. XII.

Unicum adhuc adducam exemplum medicamenti interni ex regno vegetabili desumpti, cujus mentionem facit frater meus his verbis. Crescit hic in Lapponia quibusdam in locis arbor quædam foliis frangulæ quodammodo similis. Baccas habet subnigras, quæ interne assumptæ ingentem adeo excitant calorem, ut quo se vertat patiens nesciat. Virtutes harum in eo consistunt inprimis, quod ranas, quæ casu in ho-

(*) Lapp. Illustr. Cap. XXVII. pag. 316.

mines irrepsent, enecare valeant; duos homines hoc malo laborantes baccarum ope restitutos pro certo dicunt. Quamquam ex descriptione quæ satis est manca, æquum non adeo videtur concludere, quænam hæc sit arbor; tamen ex baccarum definitione, earumque effectu facile apparere existimo, arborem vel fruticem hanc esse Thymilæam C. B. seu Laureolam fœminam officinarum. Nam crescit hæc non tantum in hortis culta, sed etiam in montibus & collibus silvosis foliis lauri deciduis. Baccas quoque profert rotundas pipere majores, unde etiam piper audit germanicum; primo quidem baccæ hujus arboris rubescunt, mox vero per maturitatem ad nigredinem accedunt. Prostant etiam hæc in officinis nostris venales vocanturque grana cocci gnidii vel. Mezerei. Svet. *keller Halls.* item *keller bals Bär*: & sub eo nomine rusticis quoque nostris notissima, qui tribus interdum granis deglutitis febrem intermittentem vel hydropem non sine vitæ discrimine curare conantur. Ex hac itaque plebejorum consuetudine, qui vel heroica semper quærunt remedia, vel etiam contraria student, crederem Lappones æque ac nostras agricolas hisce uti baccis non tantum iisdem in morbis, sed etiam in malo melancholico & hysterico, quando simul perversa illa phantasia luctantes credunt, se ranas vel alia animalcula viva intra corpus fovere; quorum exemplis praxis nostra clinica quotidie fere augetur. Jam observamus ergo fabulosam illam traditionem de animalculorum irreptione in homines petens omnes nationes & populos fide esse receptam. Quod autem in vulgus non adeo est mirandum, cum dentur medici ipsi, qui, nescio quibus argumentis innixi, fabulam pro vero sibi & aliis obtrudere satagunt.

§. XIII.

Qualitates illas emollientes, discutientes & resolvantes, quæ communiter omni caseo ex cujuscunque animalis lacte parato tribuitur, quando externe applicatur, Lappones quoque in suo rangiferino deprehenderunt; quod testatur usus ejus medicus frequentissimus. Nam primo oleo isto, quod ex caseo exprimitur assato, contra tumores quosvis externe utuntur, hincque præsentissimum remedium contra perniones, de quo Schefferus (1): *quando membra, inquit, frigore adurantur, medicamentum ipsis præsentissimum exhibet caseus rangiferinus, cui ferrum candefactum intrudunt, & quod mox, educto illo, exsillat veluti olei, illud illam læsionem membro successu & virtute incredibili.* Idem hoc comprobatur testimonio Olai Petri, cujus hæc verba. *Si aliquando membrum frigore lædi contigerit, caseus ille instar laminæ seu folii calefactus & applicatus medetur optime.* Pari modo hunc caseum assatum ad tumores duos resolvendos mammis applicant lactantium non sine euphoria. Externe quoque imponunt pe-

Y y y 3

clori.

(1) Vid. Lapp. Illustr. Cap. XXVII. pag. 316. 2

Etioribus infantum, non aliter ac mulierculæ nostræ faciunt cum feva hircino, quando parvuli tussi corripuntur gravi. In eodem hoc pectoris affectu caseum iterum lacte rangiferino coctum sub forma pultis vel pulmenti, non sine optato effectu tam infantibus, quam adultioribus præbent. Testimonio Schefferi hoc probatur ulterius ubi sic; *idem caseus, inquit, lacte coctus, tussim levat & quæ alia pulmonum pectorisque vitia ex frigore oriuntur.* Præterea calefacientem in caseo deprehendentes virtutem, stomacho eum valde prodesse crediderunt; hinc sæpe juscula sua carniū, quæ ipsis vocantur *Lebma* caseo hoc condiunt, non tantum, quo gratiora inde reddantur, sed ut hoc pacto simul frigida ventriculi vitia corrigantur. Ex eadem hac ratione, qui ditiores sunt inter ipsos, frustulum casei decoquant in aqua, quæ pro potu ordinario haurienda est, quod imprimis faciunt hyeme cum aqua nivali, uti supra dictum est. Hunc potus parandi modum certe fama accepisse videtur Olaus Petri ubi hæc: *stomachum, ne perdatur continuo aquæ potu caseus ille præservat.* Comprobant ergo Lappones ea, quæ in encomium casei schola loquitur Salernitana:

Ignari medici me dicunt esse nocivum,

Sed tamen ignorant, cur nocumenta feram,

Experto reor esse ratum, quæ commoditate,

Languenti stomacho caseus addat opem.

Est autem caseus hic rangiferinus grati saporis, quo etiam maxime accedit ad eum, quam nostræ mulierculæ conficiunt ex lacte ovili, pinguior tamen isto, unde paulo diutius assatus fere in oleum abit, quod a frigore non condensatur magis, quam oleum olivarum.

§. X V I.

Fel ursi cum nostrorum & reliquorum populorum septentrionalium sit quasi theriaca & panacea, de usu equidem ejus singulare quid notandum nunc occurrit: utuntur enim hoc Lappones interne contra omnes morbos promiscue, imprimis vero quando torminibus & colica flatulenta vexantur, ubi methodus adhibendi est vel cum jusculis carniū vel cum spiritu frumenti solutum. An etiam felle hoc externe utantur in ulceribus fordibus abstergendis, illud ut minus cognitum intactum relinquo. Satis vero ipsis cognita est facultas illa calefaciendi, roborandi, resolvendi, emolliendi & discutiendi, quæ communiter pinguedini adscribitur ursi. Nam utuntur hac unguenti loco in doloribus arthriticis, ischiadicis, nephriticis, ipsaque adeo paralyti & aridura. Hujus rei fidem his verbis facit frater meus: „contra dolores quosvis externarum partium, sive sint brachiorum, sive lumborum, dorfi vel crurum, cum aliqua nervorum tensione inungunt se Lappones pinguedine ursi vel castoris. Medicamentum hoc locum habere in allatis morbis quis negare potest; constant

constant enim pinguedines horum animalium, præter oleosæ particulas, ex sale volatili copioso adeoque penetrantissimæ sunt virtutis, præsertim ad roborandos nervos in paralyti, unde etiam non pauca ingrediuntur unguenta nervina. Usus castorei internus & externus fere negligunt Lappones ipsi; quæ ratione hoc fiat nescio, vix equidem credo ex ignorantia virtutis, potius vero ex desiderio lucri, quod vendito illo se capturos sperant. Magis autem notatu dignum videtur remedium ex cauda castoris paratum; de quo amicus quidam oculatus equidem testis hæc, quæ sequuntur narrabat: „sumunt Lappones caudam castoris, hanc per quam adiposam, in minutissimas dissecant partes, inque sartagine lento, colore frigunt, haud aliter ac in olei ovorum præparatione fieri solet, quod hic jam redit olei, id exprimunt fortiter & cochleatim hauriunt vel, per se vel cum spiritu frumenti, interdum etiam cum jusculis carniū. Fitur hoc præsentissimum esse remedium ad promovendam suppurationem & eruptionem abscessus, angina si quando laborent.

§. X V.

De remediis tandem ophthalmicis hoc tenendum; quod in omnibus oculorum morbis unguenti loco Lappones adhibeant fel cygni, aquilæ, aut lupi; habetur etiam hoc ipsis remedium probatissimum, quemadmodum illud accepi a fratre meo. Quamquam vero rationem reddere non possumus, quare Lappones horum animalium fella præprimis seligant, nihilominus notitiam suam medicam in hoc quoque morborum genere non inepte prorsus produnt, quod etiam eo magis est mirandum, quoniam in hoc conveniunt cum medicis nonnullis, qui non tantum pro scopo abstergente in ulceribus fordibus, sed præcipue etiam in oculorum affectibus commendant fella animalium. Etenim dantur passim apud medicos formulæ remedium ophthalmicorum ex fellibus animalium paratorum. Sic ver. gr. Valent. Kræuterman, præmissis præmittendis, in leucmate vel albugine sequentem commendat formulam. Rf. Aq. fœnicul. Unc. iii. Fell. Anguill. inspissati drach. un. & S. Saach. Canth drach. i. M. F. Collyrium D. Sr. *Man tüncket eine Feder ein, und rühret damit die albuginem des Tages zweymahl.* Uterius aqua fellis destillata locum invenit non tantum in hebetudine auditis, sed etiam in ungue, nebula, & oculorum cicatricibus delendis, quæ etiam visum acutiorem reddere perhibetur. Essentia iterum fellis bovini inspissati cum sp. vin. parata, præter usum cosmeticum ad poliendam cutim, lentigines & maculas hepaticas tollendas, propter aleali volatile egregie habetur virtutis in oculorum morbis, ubi nimia peccat serositas. Sed in genere vero de medicamentis ex animalium fella confectis notandum est, quod, quicquid de illis prædicant nonnulli, cum grana salis in praxi accipiendum sit; nam medicamentum cum valde sit acre larga manu adhibendum serosos affectus

affectus si non in inflammatorios transmutet, tamen dolores exacerbare potest, quemadmodum practici observarunt celebriores. Solent etiam Lappones hos serofos oculorum morbos hac ratione curare; sumunt nempe lapidem selenitidem, quem, facta leni calcinatione, in pulverem redigunt subtilissimum, humoresque exorbendi gratia oculis aspergunt non sine optato effectu.

§. X V I.

Absoluta sic historia medicamentorum, quibus Lappones interne vel externe utuntur; pauca tandem addere lubet de operationibus eorundem chirurgicis. Inter operationes chirurgicas, quarum nos aliquam habere potuimus cognitionem notissima est illa, quæ inurendo instituitur per ipsorum *Duaulet*; attentione autem eo magis digna videtur hæc operatio, quoniam qua usum & encheiresin adeo convenit cum Ægyptiorum Gossipio ignito & Sinensium moxa (cujus applicationem Moxiburium vocat *Bachler*. Cynos. Med. Tom. II. pag. m. 584.) ut vix ullo modo differre videatur, unde etiam pene diceret aliquis, nostros artem hanc ab his didicisse. Methodus jam hæc medendi, ut clara percipiatur magis, opere forsitan pretium erit hic rursus inferre omnia momenta, quæ huc faciunt. Primum itaque quod Lapponum refert *Duaulet*, illud est fomes, Suet. *Tunder*, substantia fungo igniario durior, friabilis, coloris ex flavo rubescentis, ad ignem concipiendum aptissimus. Desumitur hic ex Agarico Betulino, qui pedis equini figuram utcumque referens truncis harum arborum adnascitur, inprimis ex ea parte, quæ meridiem spectat, quia melioris habetur virtutis in medicina. Volentes jam inurere aliquam partem corporis ex fomite hoc conum sibi formant, cujus longitudo solet esse semi uncialis, latitudo vero baseos trium linearum vel paulo ultra. Fastigio hujus admota scintilla loco imponunt amburendo, quo facto brevi mora depascitur; cremato jam hoc ejusdem magnitudinis alterum eodem in loco instaurant, comburique permittunt; post hunc subinde etiam tertium, donec satis factum judicaverit aut is, qui inustionem patitur, aut qui eam dirigit. Nonnulli unicum tantum in quavis operatione applicant conum, qui tum in sua proportionem est major, sed methodum hanc rejiciunt plurimi, quia fonticulus suscitatus sit justo major, hincque subsequens exulceratio molesta magis: sub ipsa inustione partes circumjacentes undique comprimunt (haud secus quam Ægyptiorum (n) Pyrosophistæ) annulo ferreo forcipis vel clavis cujusdam, hocque faciunt eum in finem, ne dolor ex igne sentiat valde, ne conus accensus de loco dimoveatur suo, neve calor ignis vi sua expansoria in superficiem & peripheriam late magis, quam in ipsam carnosam substantiam, quod desiderant, agat profunde. Ajunt etiam se in antecessum & sub ipso ustio-

(n) Vid. Prosp. Alpin. de Medic. Ægypt. L. 3. C. 12.

nis actu prædicere posse, an operatio hæc in ægrotantis levamen succedat, nec ne. Bonæ prognoseos signa sunt sequentia. Imo. Si fungus ignitus superficiem cutis tangens, emissis scintillis, de loco suo desilire conetur. 2do Si cineres combusti albescant. 3tio Si locus ustus intumescat cum rubedine, carneque depasta, mox subsequatur exulceratio cum materia serosa & purulenta. Contrarii vero eventus signa sunt; quando dictus conus persistens in suo loco, sine strepitu ullo deflagret, cineresque ad nigredinem magis accedant. Imo quod magis est; quando cauterium hoc actuale vim suam causticam perdidisse videatur, quod carnem fere intactam relinquendo, cutim saltem in superficie corrugat, aut in crustam duram elevet absque supuratione ulla. Operatio hæc ipsis vocatur *Duauli* hoc est (ut ita dicam fungibarium) Item *Boldi-Duauli*, *Pæja-Duauli*, quod significat, inustionem pati, vel instituere cum fungo tali ignito.

§. X V I I.

Si jam quæris, quibus in morbis locum habeat ustio, respondetur, in omnibus promiscue, in quibus in certo loco humores detenti dolores & actionis læsionem pariant, quo pacto pene omnes morbos, quos unquam Sinenses aut Ægyptii ustione curare conantur, Lappones etiam per suum *Duaulet* tentant. Laborantes enim arthritide, malo ischiadico, lumbagine, rheumatismo, cephalalgia, odontalgia &c. irritis aliis remediis, ad ustionem quasi certissimum confugere videntur. Nec aliud certe indicare videntur verba „fratris mei, quando sic: cura per inustionem „Lapponibus res est notissima & frequentissimi usus contra quosvis dolores, siue sint capitis, siue dorfi, siue brachiorum, lumborum, crurum, pedum &c. vel ubicunque demum dolores & cruciatus in exterioribus partibus sentiantur“. Locum etiam certum non minus quam Ægyptiorum & Sinensium pyrosophistæ in singulis morbis hi observant, quod patet ex dictis Schefferi, quando eandem hanc medendi methodum his verbis delineavit: si quos sentiunt dolores in membris, loco affecto imponunt fontem ignitum, ut ulcus extrahat humores vitiosos & sic mitigetur dolor. Clarius adhuc præeunte Plantino, paucis totam sistit operationem: vulgare hoc apud ipsos, inquit, remedium quod capiant fomitem, siue fructum arboribus betulinis placenta instar adherentem, eumque accensum igne imponunt eo loco ubi sentiunt dolorem atque cruciatus quem si recte tetigerint, ultro deinde fungus ignitus resilit, dolorque tollitur per exulcerationem subsequentem. Si ergo locus variari debeat pro morborum diversitate & dolorum sensatione, utique nulla pars fere corporis ab inustione est libera. Hinc etiam est, quod ego in Lapponia cum essem, memini me vidisse plurimum incolarum faciem igneis cicatricibus sedatam, curam quoque aliquoties in brachiis, scapulis & cruribus institutam vidi, quam

vis tum temporis puer exacte habere non potui cognitionem morborum. Nec sane exteris plane ignota videtur hujus cauterii Lapponibus usitati applicatio; certe celeb. artis nostræ magister D. G. E. Stahl (m) curam hanc innuere voluit, quando de fungo pyrophoro sic: *so weit hat sich der Vorwitz der Menschen erstreckt, das sie auch zu Linderung de Schmerzen den äußerlichen Ansehen nach ganz ungereimte Dinge erwehlet. Hier- von zeuget unter andern der Gebrauch Moxæ; an deren Stelle aber füglich ein stüchigen Zunder - Schwamm genommen, der schmerzhaftste Theil damit gebremset, und also Schmerzen mit Schmetz vertriebet werden kan.* Quid ex hac cura solatii, ipsi jam videant, credo equidem eos per dolorificam & crudelem operationem nihil efficere magis, quam ut dolores, hoc pacto paululum sedatos in futurum cum fenore & duplici invitent accessu.

§. XVIII.

An præservative, an vero curative venæsectionem instituunt Lappones, incertum est, prius quidem affirmarem ex dictis fratris mei ubi sic: „venam sibi secare permittunt Lappones chirurgo, qui fere semel quovis anno eam ob causam in Lapponiam proficiscitur. Quando vero chirurgus non adfuerit, venæsectionem sibi invicem instituunt ipsi, ubi loco lanceolæ utuntur cultello acutioris cuspidis vel acu quadam, quæ ipsis vocatur *ajme*, cuspidis trigona.

Modum applicandi cucurbitulas eundem fere retinent Lappones cum accolis suis bothnicis, qui talis est: sumunt cornu quoddam bovinum duplici præditum orificio latiori scil. & angustiori; basin hujus imponunt loco scarificando; angustius autem foramen ore excipientes aerem suctione attrahunt, quousque cucurbitula corpori adhæreat firmiter, quod facto, orificium hoc artificiose claudunt vel digito, vel vesica madefacta, quam etiam sub ipsa aeris attractione orificio ope linguæ aptant; elevatam jam hinc cutim cuspidis fauciant cultelli, moxque iterum super imposito cornu, sugendo sanguinem iteratis vicibus, eliciunt. Est etiam methodus hæc adeo conveniens cum ea, quam *Prosper Alpinus*. Lib. II. Cap. 13, apud Ægyptios usitatam tradit ut vix differat qua modum applicandi. Nec tandem silentio prætere potui singularem illam operationem chirurgicam, quæ Lapponibus inter arcana quasi habetur, quamque instituunt laborantes tussi ferina, asthmate humido, aut reliquis opplecionibus pectoris gravioribus. Tota hæc ars in eo consistit, quod in his affectibus, aliis frustra adhibitis, extremitatem tandem uvulæ forcipe fauciant ad copiosam usque sanguinis profusionem. Hoc autem arcanum nos ipsis relinquimus lubentes. Et hæc jam sunt ea quæ in compendio de medicina Lapponum tradere volui. Cœtera enim minus adhuc cognita in futurum differre cogor.

F I N I S.

E B E R.

CCXXIII.

E B E R H A R D I R O S E N,

E T

L A U R E N T I I M O N T I N,

M E D I C I N A L A P P O N U M L U L E N S I U M.

Londini Gothor. 29. Junii 1751.

Z z z z - 2

§. I.

C Uicunque regioni suam esse vivendi rationem, suam dietam & mendendi artem domesticam, saltem in nonnullis rebus, propriam & a circumjacentium distinctam, experientia convincuntur peregrinatores curiosi quotidiana. Cum vero neminem, in materia medica, vel paullo versatum, quantum ab euporistis barbarorum & vulgi illa ceperit incrementi, fugiat; non mirum est ejusmodi res perquirere literisque sedulo mandare, plurimis, maxime quidem medicis, suis sub itineribus curæ cordique fuisse. Eodem ex fundamento in nostra etiam patria, remedia morborum certis usitata provinciis, adtento oculo intueri adgressi sunt viri eruditi & de republica literaria optime meriti, qui & ubique quædam singulis familiaria invenere. In Lapponia autem, remotissima regni Sviogothici provincia, ignotam sepultamque esse omnem Machaonis artem, multi, nisi libris & scriptis (a) tam olim, quam nostro etiam ævo, editis de meliori fuissent edocti, facile sibi persuaderent. Magnorum, qui indefessam Lapponiæ dilucidationi impenderunt operam, virorum hæc de re disquisitiones cum omnem in genere provinciam respiciant, in aliis atque aliis illius provinciæ locis haut raro diversam; nobis unius tantum tractus, qui nomine *Lapponiæ Lulensis* (b) vulgo venit *Medicinam*, (c) qualem partim oculis vidimus, partim relationibus consentientibus accepimus, (d) in chartam calamo quantumvis festinanti conjicere, inutilis non visa opera fuit.

§. II

Cognito corporis nostri vivi & sani, quam sub *Physiologiæ* nomine ut partem artis salutaris primam salutarunt summi viri; ad maximam partem haut aliter ac anatomia huic ignota est genti. Etenim quid sibi velint actiones vitales, immo quid pleræque (e) tam naturales quam ani-

(a) Quorum præcipua memorato digna sunt *Schefferi Lapponia illustrata*, *Linnei Flora Lapponica* *HöGströmi Lappmarks beskriuing*, & tandem *Fjellströmi Disser. de medicina Lapponum*. Omnibus tamen hac in re facile palmam præripit flora lapponica, cum nobilissimus autor & hanc scientiam caluerit, & pleræque Lapponias peragraverit, tandemque summo studio res curiosas collegerit.

(b) Situm ejus supra urbem Luleam, ut res postulat designasse, nostri quidem hoc tempore non est instituti.

(c) Ne mireris itaque, L. B. quod in hanc opellam quædam aut aliorum sententis contraria, aut antea profus non audita intrent, & alia, aliis locis magis convenientia, prorsus excludantur.

(d) Dum terram illam ad littora usque maris Norvegici ante biennium fere pervagatus sum.

(e) Sciunt quidem, quamquam ruditer, corpus nutriri cibo, inutilia excretionibus alvi, urina & sudoribus eliminari, procreationem sobolis mediante genitura fieri, infantum nutritioni lac, organa sensoria sensationibus certis, somnumque viribus reficiendis esse dicata. Quo autem modo & quibus mediantibus instrumentis peragantur, non percipiunt.

males, ne minimum quidem cogitant. De sanitate vero iudicaturi, alicritatem vultus (*f*) corporisque vigorem, agilitatem (*g*) & robur (*h*) examini subiciunt. Staturam proceram (*i*) & membra succi plena populo, qui ut vix sibi congruentia vili pendet, denegavit vehementissimum per hiemem frigus, denegavit copia spiritus frumenti a pueris (*k*) ingurgitata, denegavit tandem potus aquae nimis frigidae; unde nullum nullo contraherent negotio, nisi somnus durissime protractus (*l*) fibras laxando medelam huic adferret malo. Excessus caloris aëstivi (*m*) quo jure locum inter causas enumeratas mereatur primum, vitam penitanti Laponum opulentiorum quietam & inertem, quam suis sub tentoriis die nocteque somno, & adsumptione cibi a phœbi urentis injuriis tuti transigunt, non difficulter patebit; ut reticeam aërem alpinum saepius humidum. Quemadmodum autem sic, dum licet, in otio vitam transigunt, necessitate tamen pressos quævis adgredi posse negotia maxime laboriosa, (*n*) edoctus sum experientia. Strigosa autem ut eorum corpora esse diximus, sic color totius fusco luridus est & crines nigricantes. Facies vero superne lata, infra continuo adtenuata, malis collapsis, desinens in mentum longum acuminato obtusum, plerosque Lappones Lulenses (*o*) a Suecorum plerisque distinguit.

§. III.

Diæta, seu *modus sanitatem conservandi præsentem*, huic hominum generi est simplicissima nullisque superstructa sanitatis fundamentis, sed consuetudini a majoribus jure tanquam hæreditario acceptæ. Qua tamen ratione

(*f*) Lappones alpini omnes in universum, nisi morbis correpti, hilares sunt, quin & multi ex silvestribus. Unde miror doct. *Fjellström Dissert. de Med. Lapp. p. 4. §. 2.* temperamentum cunctis designasse melancholicum.

(*g*) Testimonium hujus adferunt longa eorum itinera pedestria, dum una sæpe die septem ad octo miliaria emetiri pedibus possunt.

(*h*) In quo conveniebant omnes, qui certaminibus robur eorum sunt experti, cives Lulenses. Testantur hoc quoque *HöGstr. Lapp. beskr. Cap. 8. §. 2. & Fjellstr. de med. Lapp. p. 5. §. 2.*

(*i*) Fatendum tamen erit, me semel, & quidem in alpihus, vidisse Laponem trium ulnarum longitudinem superantem; quod etiam haud ita raro evenire adfirmat *HöGstr. Lapp. beskr. p. 142. §. 1.*

(*k*) Parentes liberis, dum vix biennium attigerunt, hunc porrigere liquorem sæpius comperi sub itinere Lapponico, dum per duos menses intra illius terræ limites sum vagatus.

(*l*) Æstare ab hora nona vespertina ad sextam matutinam; deinde a decima ante meridiem ad quintam vel sextam vespertinam plerumque secure dormiunt.

(*m*) Ut contendit doct. *Fjellström Diss. de Med. Lapp. §. 2.*

(*n*) Quod quoque commemorat *HöGström Lapp. beskr. Cap. 8. §. 2. Fjellstr. de Med. Lapp. p. 5. §. 2.*

(*o*) Omnes fere mulieres magis adtenuatam faciem habere, observatu dignum videtur.

tione utuntur sex rebus non naturalibus me considerare ordo jubet. Multum vitæ valetudinisque tutelæ vel destructioni tribuere aërem; liberum nempe, purum mitemque priori; posteriori vero stagnantem, heterogeneis inquinatum & haut temperatum, nemo non videt. Hinc Lappones alpini (*p*), dum æstate in summorum montium convallibus habitant, vitam, longe salubriorem degunt, quam ceteri, qui vel pecoribus vel piscatura victitant inque silvis remanent. Quemadmodum autem ut ab injuriis aëris corpus fieret immune, varia variis gentibus vestimenta temperiei coeli adcommodata usu venere; sic quoque nostri Lappones vestitu gaudent proprio, (*q*) qui laxus & nullibi fere membra premens tanto magis naturæ videtur adaptatus, quo longius ab aliorum regni Sueciæ incolarum recedit. Tempore enim hiberno a corpore vim frigoris ingentem arceat tunica lanea, (*r*) collari (*s*) ejusdem materiæ subiecto, medium cruris attingens, cui alteram, immo sapientissime pro ratione frigoris binas, e pellibus rangiferorum confectas superaddunt; quas omnes leviter cingulo circa regionem hypogastricam constringunt. (*t*) Femoralibus laneis vel pelliceis utuntur angustis, longis ad talos extensis; quibus calcei calce carentes fasciis & sicca interiori vestiti carice (*u*), adligantur hirsuti. Caput sæpiissime aque ac manus, tegmine (*x*) munitur pelle pilis gaudente. Ita necessitate coacti, a feris rangiferisque corpus pellibus, latere hirsuto aëri semper opposito, sospes incolumæque in tanto frigore, ubi alias omnis succus sanguisque humanus cito congelasceret, servare didicerunt; cum eorum tentoria (*y*) huic inservire usui mini-

(*p*) Lappones, saltem Lulenses disperseuntur in *alpinos*, qui quovis vere alpes conscendentes legitimas occupant habitationes, & *Silvestres*, quibus territoria in silvis assignata hoc interdiciunt iter. Utrique considerandi erunt vel ut *Pioites*, quibus magna suppetit copia rangiferorum, vel ut *pauperes*, dum piscatura & venatione vitam sustentare coguntur. Quod non observavit *Scheff. Lapp. ill. p. 215. nec HöGstr. Lapp. beskr. Cap. 4. §. 8.*

(*q*) Illum describit *Scheff. Lapp. ill. cap. 17. HöGstr. Lapp. beskr. Cap. 8. §. 4. ad 9.* Et quamquam ab utroque diversus diverso sexui tribuitur; tamen parvam tamen haut raro inveni differentiam ut viros a feminis vix distinguere possent.

(*r*) Qua indusii linei loco illos uti mihi videtur.

(*s*) Semper etiam viri hoc habent, & ad solemnitates argenteis lamellis fere obductum; quod *Scheff.* ignotum fuit. *Cfr. Lapp. ill. p. 211.*

(*t*) Viri semper supra cingulum elevant suas togas, ne infra genua pendeant, quod non mulieres.

(*u*) Interdum pectine parata, *Cfr. Linn. Fl. Lapp. n. 328. β.* interdum autem non; nunquam autem cocta, ut habet *Scheff. Lapp. ill. p. 267.*

(*x*) Etiam alia adfert *Scheff. Lapp. ill. p. 209.* sed minus usitata in hac Lapponia.

(*y*) Quorum descriptionem habet *Scheff. Lapp. ill. p. 106. & 107. Linn. Fl. Lapp. p. 269. HöGstr. Lapp. beskr. Cap. 5. §. 10.* Posterior *Scheff.* contradicit, quum hic Lappones piscatores casas habere tabulis ligneis, vel angustis trabibus cespiciis tectis dicat; posterior tamen modus per omnem silvestrem Lapponiam Lulensem locum habere vidi; licet prior, cum asseribus, falsus omnino sit.

minime valerent. Hunc vestitum, æstate adpropinquante, retento tantummodo laneo, sensim deponunt, & calceos nominatos cum coriaceis (2) integumentumque capitis cum cucullo commutant laneo. Cubile (a) tandem calidum magis, quam molle semper quærunt, ubi denudati cubitum eunt in pelles rangiferinas, quibus substrati sunt rami betulæ, eisque imponunt tegumenta lanea pelliceaque a Rangiferis vel feris (b) desumpta, ut tempus somno otioque, (c) nulla obstante necessitate graviore, terant.

§. I V.

Parcimonie victus æque laudabili sanitatque proficue deditus est hic populus. Satietaem enim unum (d) raro duo, bis de die, mane nempe & vesperi, (e) adsumta, illis adferunt fercula. Et non hoc modo; verum quod memoratu insuper dignum iudico, per dimidium fere anni unico contenti sunt cibi genere, eodemque simplici sæpiusque levi. Etenim Lappones ditiores a vere ingruente, dum partum edunt vaccae rangiferinæ, ad hujus loci autumnum lacte (f) illorum pecorum, serove, (g) quod sæpius fit, casei cum pauca quantitate lactis semper concocto, victitant. (h) Reliquo anni tempore carnibus avium, generis tetraonis (i)

(2) In quo unico cum vestitu Westrobotniensi conveniunt

(a) Describunt hoc Scheff. Lapp. ill. p. 212. & 213. Linn. Fl. Lapp. p. 269. HöGstr. Lapp. beskr. Cap. 8. §. 10.

(b) Fateor quidem, tegmina e pellibus ovinis vel leporinis, quod olim Schefferus, nuper vero HöGström loc. cit. contendunt, a me per alpes vagantem nunquam fuisse visa, novaccolis autem cunctis observasse propria.

(c) Artes nonnullas, quas exercent, rudiores quidem enumerat HöGstr. Lapp. beskr. Cap. 4. §. 11. tamen ad usus solum quotidianos & inevitabiles; adeo ut meliori jure me ejus verbis §. præced. de illis prolatis uti debere existimem: *De äro ond djur ock late bukar.* & Cap. 9. §. 7. hoc iterum adstruit.

(d) Quod etiam Nob. Linn. Fl. Lap. pag. 269. felicem eorum vitam elegantissime depingens, testatur.

(e) Tempore æstivo hora circiter 9. matutina, 7. vero vel 8. vespertina.

(f) Huic ante coctionem adjiciunt unam tertiam partem aquæ, consistentia tamen mediocris pulmenti permanente post ebullitionem. Quod tamen ferculis, quæ hospitibus offerunt, annumeratur pretiosioribus. Interdum quoque ipsum lac coagulatum, comminutum ac cum dimidia parte aquæ concoctum edunt.

(g) Est, quod observetur, dignum, omne in caseum abire lac; adeoque quantum feri habere velint, tantum necessario adjiciant aquæ.

(h) Caseo quoque, sed parcissime, nec quotidie, vescuntur, lacte acetolato, quod tamen heri plerumque, ut cibum servorum, vili habent; corticeque intimo molli tam betulæ, quam pini, quem in palati potius oblectamentum, ac latrantis stomachi solatium, adsumunt. Corticem vero duriores pini, terra maceratum, deglutire, ut vult Scheff. Lapp. ill. p. 218. si olim unquam, nostris saltem temporibus apud illos non contingit.

(i) Tetraonem, qui grygallus minor *Gesneri*, pervagari omnes Westrobotniæ silvas, nihilo tamen minus hinc vix unquam Lapponiæ intrare, res videtur curiosa.

& anatis, leporum, Urforum, in primis vero rangiferorum, (k) qui totius eorum, quibus raro ulla est venationis cura, œconomia sunt fundamentum, coctis (l) vitam alunt; quibus aquam, in qua caro elixa fuit, superbibunt calidam. Mensam secundam interdum illis præbent caseus rangiferorum, medulla, lac mixtum vel acetosa Lapponica, vel umbellæ angelicæ fativæ vix expansis, forma edendum liquida, & denique ipsum lac cremorve feri ebullientis sive purum, sive cum baccis vel rubi humilis, vel chamæmori norvegicæ, vel fragariæ, vel myrtilli minoris, vel vitis idææ, vel denique empetri (m) injectis servatum (n) sæpiissime forma sicca. Pulmentum de sanguine quod Schefferus & HöGström (o) commemorant, nunquam vidi; de veritate tamen dubitare non audeo. Pauperes e contrario totum per annum cibum piscatura & venatione comparare necessum habent semper plerumque unum eundemque; quamvis mutationem interdum permittat tantilla lactis supellex (p). Genera condimentorum fere innumera, gulæ ista blandimenta, quibus nolentes etiam ad ingluviem perducantur, Lapponibus inusitata sunt atque ignota. Sal tamen facile hic exceperis, quod cuivis sub coctione cibo manu semper addidere tam larga, ut sæpe meo non placuerit palato. Panem, a noverca illorum cerere denegatum, avidè, dum offertur, devorant; ejus tamen loco non edunt pisces exsiccatos. (q) Adeo autem illis non displicet panis, ut eundem non fermentatum, (r) supra lapides tostum calidos, deliciarum instar, infantibus porrigere, vice plus simplici comperi. Natura demum, quæ istos sua esse contentos sorte jussit, alium eis non des-

(k) Etiam aliorum pecorum, ut boum, ovium & etiam suum; ultimarum tamen caro exsiccata absque sale impensas lapponum, vermibus cum cito scatet, irritas reddit.

(l) Omnem cibum, etiam carneum, diu & sufficienter coquunt, ut hoc quoque monet HöGstr. Lapp. beskr. cap. 6. §. 10. Hinc relationem de contratio fultam habet Scheff. Lapp. ill. p. 213.

(m) Modos plerosque enumeratos, quibus lac ad futuros præparatur usus, pluribus circumstantiis descriptos habet in primis Nob. Linn. Fl. Lapp. sub unaquaque planta.

(n) Vasorum illis loco inserviunt ventriculi & intestina rangiferina; in quæ, donec impleantur, loco infundibuli, ore absuntum liquidum inspuunt, frustulis tamen caseosis, si quæ lacti insint, dentibus antea probe comminutis. Hoc in casea suspensum fumo & calore exsiccat, & caseo exacte simile fit, quod ad saporem adinet.

(o) Scheff. Lapp. ill. p. 217. HöGstr. Lapp. beskr. p. 121. §. 7.

(p) Habent enim nonnullos rangiferos, quibus utuntur in itineribus hiemalibus.

(q) Ut habet Scheff. Lapp. ill. p. 218. Quod etiam refellit Nob. Linn. Fl. Lapp. p. 251.

(r) Evidens hinc omnino est, farinacea quæ sunt, a Lapponibus nostris desiderari; aliter quamvis visum olim fuerit *Exper. D. Fjellström in diss. de Med. Lapp. ad calcem p. 7. §. initio octavæ.*

Dispus. Medico-Præf. Tom. VI.

A a a a a

destinavit potum, quam aquam (s) puram ac crystallo clariorem. Cum itaque Lapponum victus absque condimentis & magna mixtione sit paratus, sæpiissime celeriter digeratur, ac chylum producat laudabilem; quid mirum, sanitate præ cæteris Septentrionis gentibus illos gaudere inconcussa? Quæ, me saltem iudice, firmior longe foret, nisi haustus spiritus frumenti & usus Nicotianæ (t) ferme effrenus corpus eorum redderent debilius.

§. V.

Quæ nostrum intrant corpus, nunquam ad omnem suam molem illi assimilari sunt apta, sed a machina microcosmica artificiosissime constructa modis eliminantur inutilia variis; quæ, si remanerent, accimonia & putredine incremente, corpus destruerent. Ideoque excretiones Lapponum non minus, ac ingesta, perpendi debent. Communissima, quæ per alvum fit, semel haud quoque raro bis de die peragitur. Cum autem illam neque nimis liquidam, nec adeo esse duram consensu ipsi Lappones Luleses adfirmarint unanimo; ad hanc quidem gentem endemium putatum malum alvum adstrictam, nullo jure referri posse palam est. (u) Adeoque aliis causis spretis, (x) a calore (y) corpora eorum exsiccatæ nimio, derivare illud velle, minime e re erit. Ipsum enim quod adinet malum multis Westrobotnienibus adeo familiare, a cibis siccatis crudis, (z) quos sæpe sine ullis liquidis coctis per plures dies edunt, ortum ad magnam partem ducit; id quod tamen ætate apud Lappones inauditum vivendi genus est. Calor iterum aeris apud homines otium, ut summum bonum, quærentes vix sudorem elicere, neque ex eo fundamento corpus exsuccum alvumque lægem reddere valet. Hinc a morbo isto omni ratione sunt immunes. Licet quidem omnes peregrinatores, Lapponiam intrantes ac inter solos degentes Lappones, initio adgrediatur tarditas alvi; longe tamen aliam agnoscit sui rationem, insuetum nempe lac rangiferinum;

(s) In silvis fontes frigidi, in alpihus nix liquefcens aquam Lapponibus præbet; quam eo meliorem, quo frigidior obtineatur, æstimant. Hinc in jugis montium proficiscentes eam cum nive mixtam semper potant. Injiciunt ei interdum frustum casei, tempore hierno, ut refert *Fiellstr. Med. lapp. p. 9. §. 4.* Potum e baccis juniperi parari dicit *Mundius Bioarhet p. 554.* sed eum valide refellit *Lim. Fl. lapp. p. 301, §.*

(t) Hanc herbam viri nec non mulieres, senes juvenesque & masticant, & fumigant, & pulverem ejus naribus excipiunt. Longa etiam itinera ad Norvegiam ejus causa adgrediuntur; ut confirmat hoc *Fiellstr. Med. Lapp. p. 9. §. 4.*

(u) *Exper. Kabmeter in Dissert. de communi ad septentrionem per astatem degentium malo, alio adstricta §. 1. & 4.* commemorat quoque Lappones.

(x) *Dissert. cit. §. §. 3, 4, 5, 6.*

(y) *Dissert. ejusd. §. 7.*

(z) Hanc causam in *Dissert. cit. §. 4.* prolatam refellere tentat autor; utrum vero felici successu, non percipio.

num, quod hac esse præditum vi, & propria & aliorum experientia mihi persuadet. Urina propter copiam aque haustam est plerumque larga. Verum pro tempore anni valde differt transpiratio insensibilis; quæ, sævo grassante frigore, multum subprimitur, iterumque incrementa capit veri & ætati æqualia, ut insigniter tandem adaucta eo felicius acedinem, fomitem multorum morborum, per hiemem contractam expellat. De purgationibus mulierum solitis sciscitanti mihi responso satisfacere noluerunt; teste tamen Nob. D: no Arch. *Linneo*, (a) frequenter inveniuntur, quæ suppressis illis laborent. De motu & quiete ut nunc tractarem, ordo me ducit; quoniam autem hæc in superioribus (b) leviter tetigi, ad adfectus eorum dominantes considerandos pedem promoveo. Nullos autem vehementius destructionem corporis moliri, quam qui, vasa minima contrahendo, sanguinem violenter ad interiora pellunt; ut metus & terror palam est. Ambobus hisce adeo obnoxii sunt nostri Lappones, ut a causis, quamvis lævioribus, modo improvisis (c) & insuetis (d) valide commoveantur; quod a tensione nimia fibrarum, unde facilis spasmus exteriorum, minimeque a laxitate erit derivandum. Nec has enumerasse commotiones animi sufficit; felix enim alias ista gens iracunda insuper est (e) atque libidinosa, (f) & quidem non raro in summo gradu. Qui omnes valetudini firmæ ita sunt insensibili adfectus, ut unicuique (g) forsitan certa ibi grassantia mala corporis progignere potis sit.

§. VI.

Ut nonnulla quoque, etsi paucissima, de functionibus corporis læsis, ac modo, illas certis cognoscendi signis, qui nomine pathologiæ vulgo venit, jam proferam, e re esse videtur. Sciendum autem erit, morbos per hanc

ter-
(a) *Fl. Lapp. n. 4. 15. i.* ubi quoque dicit, se invenisse illas, quibus catamenia fluébant ætate solum & non hieme. Quod si perpetuum esset, transpirationem insensibilem ætate quam hieme minorem esse, facile quis crederet; contra, quam visum fuit auctori *cit. Dissert.*

(b) *§. 2. lit. g. & n. §. 3. lit. c. §. 4.* ubi de pauperum modo victum adquirendi agitur.

(c) Huic opinioni calculum addit Nob. *Lim. Fl. Lapp. p. 262. k.* eosque a tonitruante jove valde perterritos refugium sub umbra betulæ capere inquit. *Hö Gylron* quoque *Lapp. beskr. cap. 9. §. 8. Fiellstr. Med. Lapp. §. 3.*

(d) Sic gladio nudato metum per multos dies remanentem illis injicere potui, bombardæ vero nunquam; quum posteriori sint adfuerit. Zelotypia eorum testimoni loco adferri etiam meretur.

(e) Confirmat id *Hogstr. Lapp. beskr. cap. 9. §. 4.* etiam *Fiellstr. Med. Lapp. p. 6. §. 3.*

(f) *Hogstr. loc. cit. §. 5. Fiellstr. loc. cit.* causa omnino est vita quieta & alimentum nutrimento laudabili plenum. Quod posterius male negat *Hebenstr. Schæff. Lapp. ill. p. 38.*

(g) Nonne metus vel terror, ad morbos producendos rheumaticos quandoque sufficit, stasi per repentinum spasmus producta ingenti vel sanguinis, vel feri. Ut adeo quidem necesse non sit, cunctas huc semper collineare causas quas recenset *D. Fiellstr. in de Med. Lapp. 12. §. 6.*

ram eo pauciores occurrere, quo minora incolis irritamenta gulæ concessit natura. Adeoque morbis, (b) uno alterove cujusque sequentis classis excepto, nec febrilibus, sive continentibus, sive continuis, sive demum intermittentibus, nec exanthematicis, ut peste, petechiis, purpura, lepra & variolis, (i) nec deformantibus, quibus adnumerantur cachexia, scorbutus, hydrops & syphilis, neque rigidis & spasticis, quorum pessimi sunt apoplexia & epilepsia, ut multa alia mala salubri populo incognita sicco præteream pede, vexantur Lappones nostri. Qui vero ubique ferè heic sunt obviis, parvum non excedunt numerum, nec admodum funesti habentur, si morbi infantum, quos videre mihi fors non obtulit, excludantur. Incredibile enim quantum gentem hi devastent; ita ut partem dimidiam morientium constituant infantes tenelli, (k) qui primum vitæ annum non superarunt. Tantæ autem stragis causa in educatione recens natorum dura & fere crudeli, dum eos summo sub frigore intra manus tenent nudos, (l) immo tempore vernali e balneo exceptos in lacum aut fluvium (m) demittunt, nullo negotio invenitur. Valetudini sobolis hoc modo ingens addi robur sibi persuadent, errore quodam populari decepti parentes. Quibus enim huic tentamini resistendi vires vitæ sufficient, firmiores quidem evadunt; reliqui vero, qui alias per plures annos in vivis esse potuissent, extirpantur. Adultiorum morbi præcipue sunt phlogistici (n) & catarrhales; (o) qui sui originem ingurgitationi aquæ nimium frigida, (p) ut opinor, debent. Præterea colica vel cum simplicibus torminibus, vel spasmis violentis (q) conjuncta, fluor alvi, cephalalgia, ophthalmia, otalgia, odontalgia & perniones hanc affligunt gentem. (r) Morbos hosce fere omnes a parte sanguinis fluidissima dissipata cum relictorum

(b) Recenset plurimos sequentium *Fiellstr. Med. Lapp. p. 11. §. 5.* Conferri quoque potest *Linn. Fl. Lapp. p. 94.* & etiam *Höglstr. Lapp. beskr. cap. 10. §. 4.*

(i) A Westrobothniensibus unus alterve contagio hoc inficitur; quod tamen late non divergatur. Cfr. *Höglstr. Lapp. beskr. loc. nuper cit.* Sæpe æque rari sunt morbilli.

(k) Nonne heic potius quam in alia ulla re latet vera ratio vix unquam incrementi numeri hujus gentis?

(l) Cfr. *Höglstr. Lapp. beskr. cap. 7. §. 10.* anno enim integro tenelli in incunabulis servantur, nullis induti vestimentis, sed undique sphagno involuti. *Linn. Fl. Lapp. n. 215. lit. d.* Quo sub numero huic quoque describit modum laudatus Autor.

(m) Ut prope juga alpium vidi; ubi aqua erat frigidissima ob adfluxum a jugis congelatis.

(n) Pleuritis inprimis & peripneumonia; quod etiam habet *Fiellstr. Med. Lapp. p. 11. §. 6.*

(o) Quos enumerat *Doct. Fiellstr. Med. Lapp. §. 6, 7.* Raucedinem nimirum, tussim, rheumatismum, ischiadem & amphimerinam catarrhalem.

(p) Non cursui nudis pedibus in nive, & lotioni, ut vult *Doct. Fiellstr. Med. Lapp. §. 7.* nam rarissime accident.

(q) Depingit eam vivis coloribus *Nob. Linn. Fl. Lapp. pag. 69. i.*

(r) Proxime superiores omnes pessimi etiam commemorat *Doct. Fiellstr. in Diss. de Med. Lapp.* dum in eorum occupatus est medendi ratione ostendenda.

rum humorum circulatione impeditiori; unice derivare D: no *Doct. Fiellström* [s] placuit; cum tamen longe quoque aliæ [t] revera dentur, quarum haut infrequenter unica talem producere effectum valet. Quum numerus morborum adlatorum tam arctis coerceatur limitibus; nemo non facile crederet, eos a Lapponibus exactius dignosci, quam re ipsa sit. Verum enim vero nulla eis suppetit mechanismi corporis idea, nec ulla ab actionibus vel vitalibus, vel naturalibus, vel animalibus signa diagnostica; sed ut a relatione ægri imperfecta cuncta dependeat res, necesse est. Hæc autem cum casibus similibus collata cognitionem dat maxime superficialiam & vacillantem.

§. VII.

Qui tandem modus, & quæ leges medendi morbos supra dictos apud Lappones illos Lulenses in usu sunt, nunc exponere meo conveniens est proposito. Medicamenta e regno vegetabili & animali [u] depromta, in duas sponte divisa classes; pauca & ea simplicissima fere occurrunt omnia; quoniam medelam æque, ac cibum, e pluribus compositam gens simplicissima odit. Inter vegetabilia igitur, consideratu digna, primum vere meretur locum angelica fativa; [x] quæ, ut ejus usus est vere insignis, nonnullis in malis Lapponibus multum inservit. Radix primi anni cruda vel secundi anni caulibus; ad stimulandum ventriculum inertem, & motus colicæ spasticæ [y] sedan-

(s) *Dissert. cit. §. 6.* licet non adeo conveniat cum hypothese sequentis §. ubi causas dat supra in lit. (p) adductas.

(t) Unicam tantum, D: no *Doct. Fiellstr.* ignotam, proferre satis mihi erit. Gordius, vermis ille, rusticis sub nomine, *onda bettet*, sat cognitus, est vera causa colicæ spasmodicæ; ut in Lapponia observavi; quodque omnibus fere Lapponibus est res notissima. Cfr. *Dissert. meam de Splachno p. 2. lit. i.* Nec me errasse credo, si omnes morbos arthriticos in Lapponia fieventes hinc deducerem. Nemo enim non novit, vermem istum perterebrare & carnem & membranas crassiores; adeoque, dum periositium adigit, & systema læsit nervosum, ejusmodi symptomata facile excitare posse. Præsertim, cum stasibus vel depositionibus materiæ terreæ non adeo obnoxii sint humores eorum a qua valde diluti. Tormina colica, a tænia excitata, apud pastorem loci *Moden*, verbo tantum tetigisse sufficiat.

(u) Regnum minerale ne unicam quidem medicamentum hisce Lapponibus porrigit; nam selenitidem, quam pulverisatam in ferolis oculis adhiberi profert *Doct. Fiellstr. Med. Lapp. p. 26. §. 15.* in hisce montibus rarissimam ne vidi unquam, multo minus de ejus utilitate quidquam audiui.

(x) *Linn. Fl. fr. 231. In Fl. Lapp. p. 68.* & adferit Nob. Autor, Lapponum *Urtai*; *Fatuo* & *Posko* esse proventum unius ejusdemque plantæ; *Höglström*, vero distinguunt angelicam & *Posko*, *Lapp. beskr. cap. 6. §. 2.* in duas diversas plantas; sed valde erravit. Ostendi ambas plus viginti Lapponibus, qui omnes eadem nomina eis imponebant; cum deinde non mei, sed rei botanices ignari, erat, de horum nomine botanico dubitare.

(y) Cfr. *Linn. Fl. Lapp. p. 68. i.*

A a a a a §

sedandos comeditur. Masticatur (z) etiam non minus, ac felini radix, in defectu nicotianæ tam a viris, [a] quam mulieribus, salivæ provocandæ ergo. Cum lacte deinde concoquitur caulis aut flores nondum explicati; quod pulmentum in morbis catarrhalibus inflammationibus internis & diarrhœa ægrotis propinant. [b] Utrum vero caules assentur ad tussis compellendam, [c] nec ne, mihi omnino est ignotum. Dolendum valde est, Lappones silvestres vitam, dum salubri hac planta conservare student, lethali frequenter destruere cicuta. [d] Sequitur sonchus Lapponicus; [e] cujus caule raro, nisi angelica careant, ad orexin excitandam fruuntur; quum & gustui minus observetur gratus. In medicina Lapponica locum quoque adquisivit nicotiana. Oleum [f] enim in colica spastica interne adhibetur. Pulverem autem nicotianæ cum una tertia parte favillæ juniperi, quam deflagratione partium extremarum rami recentis supra lapidem lævem parant, ut eo coryzam solvant & levent capitis dolores, usurpant. Daphnidis [g] baccas duas, ad maximum tres, a laborantibus inflammatione vel vomica œsophagi, ut prior matureseat, posterior vero rumpatur, integre deglutiri, nonnulli dixerunt Lappones; quod periculum tamen sæpius in Vestrobothnia fieri, narrationibus mercatorum Lulensium sum convictus. Medicamen non tutius illis præbet strychnidis semen; [h] cujus partem dimidiam probe dissectam cum aqua vel spiritu frumenti adsumunt & Lappones & novacollæ colica infestati. Hanc aliter quoque curari vidi: Salicis [i] corticem, epidermide abrasa, spatio aliquot horarum aqua coquebant, & decocti bene decantati libras circiter duas hauriebant cum insuper devorata quantitate salis muriatici larga. Si porro illos dysenteria, quod rarissime accidit, adoriatur; hanc a Westrobothniensibus edocti subprimunt aqua cinerum betulæ (k) una die & nocte frigide elixata, filtrata, ad libram vero semis quavis tertia hora epota. Ex ejusdem betulæ, antiquæ tamen, excrecentiis corticalibus suam moxam, seu conos igne infectos, panaceam illam plurimorum morborum dolorificorum egregiam desumunt; quos parti admovent morbosæ, & uno combusto, secundum tertiumque adplicant.

(z) Confirmat *Nobil. Linn. loc. cit. 3.*

(a) Aliter ac *D: nus Doct. Fiellstr. qui Diff. de Med. Lapp. p. 16.* de mulieribus tantum loquitur

(b) Ut etiam *D: nus Doct. Fiellstr.* satis ostendit *Med. Lapp. §. 9.*

(c) Quod habet *Idem p. 16. §. 9.*

(d) Pro certo mihi retulit pastor loci, *D: nus Moden*, Multos Lapponum silvestrium in territorio Sockjock hoc modo perire.

(e) *Linn. Fl. sv. 644.* Usus ejus mentionem injicit *Vir Nob. Fl. Lapp. p. 232, §.*

(f) De quo etiam, quasi in transitu, narrat *Linn. Fl. Lapp. p. 69. 1.*

(g) Quæ Pharmacopœis est *Coccus Gnidii* vel *Laureola*.

(h) A Pharmacopœis vocatum *Nux Vomica*.

(i) *Linn. Fl. sv. n. 811.*

(k) *Linn. Fl. sv. n. 776*

tant. (l) Præter hæc emplastrum quoque suum (m) vulgare ad vulnera & ulcera, cujusque demum sint indolis, e cortice betulino tenuiori uto & masticato, quo vulgus per Sueciam australem ad vasa conglutinanda fictilia utitur, habent. Lichenes tandem filamentosi (n) pedes excoriatos vel sanant, vel siccando levamen saltem adferunt. Nullius autem lichenis, ne musci quidem Islandici, (o) in hac Lapponia usus invenitur internus.

§. VIII.

Vegetabilis sic regni explanata medicina, ad animale, ut, quæ inde desumantur, auxilia adumbrem, me ultimum converto. Inter usitatiora venit fel ursinum, [p] quod in Lapponia Lulensi sacra quasi est anchora; quo etiam membra iuvant dolentia. Equale pretium habet castoreum liquidum; [q] quod quoque in omni fere intestinorum adfectu usurpant. Sed & caudæ ejusdem animalis pinguedinem adhibent; quam ad inflammationes maturandas cochleatim ægrotis propinant. [r] Duram sane gentique aptam medelam ischuriæ de adipe phocarum cocto, filtrato & ad cochlearia duo vel tria iteratis vicibus hausto, rarissime sumunt; quam per Westrobothniam vetulis (s) notiozem inveni. Oleum casei rangiferini, quod ad ignem elicitur, quanta in inflammationibus externis tam mammarum, (t) quam aliarum partium [u] resolvendis, in pernionibus [x] discutiendis, atque in restituenda cute excoriata [y] polleat virtute, neminem horum Lap-

(l) Moxæ hujus præparationem, adplicationem & usum eleganter describunt *Nob. Linn. Fl. Lapp. p. 264. §. Doct. Fiellstr. Med. Lapp. §. 16 & 17. Hogstr. Lapp. best. cap. 10. §. 6.*

(m) De quo agit *Nob. Linn. Fl. Lapp. p. 265. 1.* Alterum, quod e resina abietis (botanicis pini) & oleo casei confectam interne in cussi & cæteris morbis adsumi commemorat *Doct. Fiellstr. Med. Lapp. p. 19. §. 11.* aut rarissime, aut prorsus nunquam, apud Lappones Lulenses in usu venit. Sed resina veræ abietis masticatur. *Cfr. Linn. Fl. Lapp. p. 278. §. & Fiellstr. Med. Lapp. p. 20.*

(n) *Nob. Linn. Fl. Lapp. n. 457. §.* dicit istam speciem adplicari, quæ est in *Fl. sv. 984.*

(o) Ut vult *Doct. Fiellström de Med. Lapp. §. 10.* ubi etiam cunctam in medium profert præparationem.

(p) De quo etiam mentionem injicit *Doct. Fiellstr. Med. Lapp. §. 14.*

(q) Ad colicam spasmodicam leniendam, ut verbo commemorat *Nob. Linn. Fl. Lapp. p. 69. 1.*

(r) Tradit quoque hoc *doct. Fiellström med. Lapp. p. 24.* Ideoque ejusmodi caudas a Lapponibus sat care vendi non raro comperi.

(s) Hoc curavit vetula quedam chiliarcham Westrobothniensium, *Nob. Dinum Widemeier*, laborantem gravissima ischuria, relictumque a chirurgis Tornoënsibus.

(t) Quod confirmat *Doct. Fiellstr. Med. Lapp. p. 22. §. 13.*

(u) Ut faciei tumescencia cum inflammatione magna quam in duobus Lapponibus, hac medela sanatis intra tres dies, vidi.

(x) *Cfr. Linn. Fl. Lapp. n. 328. §. Fiellstr. Med. Lapp. p. 22. §. 13. & Hogstr. Lapp. best. cap. 10. §. 5.*

(y) *Hogstr. loc. cit.*

Lapponum latet. In morbis oculorum linimentum inhabitatoribus silvarum præbet fel aquilæ vel cygni. [z] Ex ordine avium etiam axungia urogalli majoris, (a) sanando fracturas ossium, populo huic multum inservit. Nec heic silentio prætereunda sunt vitella ovorum, e volatiliis corporibus ante incrustationem exempta, siccata, masticata & adustis inposita; quorum usus valde proficuum ab omnibus hujus terræ Lapponibus laudem promeruit. Axungia potro viperina, pectori inuncta, inflammationibus ejus partis internis laborantibus solatium adferri, quamvis integre non tollantur, professi sunt multi. Immo cutis viperarum ut purgans præstantissimum celebratur; quam ad magnitudinem unguis, [b] probe comminutam tam puerperis, quam aliis utriusque sexus hominibus, in obstructione alvi cum aqua propinant. De operationibus chirurgicis, ut rasiore interni lateris palpebrarum, [c] sectione venæ, (d) cucurbitis [e] & sapciatione uvulæ (f) forcipe facta, quæ in usu esse, ab aliis putantur, cum nihil certi mihi constet; illas in medio relinquens, duas tantum adferam. Prior est cauta, ne quid sit reliquum,eductio gordii, dum aliquam sui partem extra cutem ostendit; & posterior tractio valida crinium circum totum caput in cephalalgia a crapulis, (g) vel alia quacunque causa, quam maxime utilem venditant. Tandem Lappones hosce ægrotos sagas consulere, (h) sacrificia suis diis promittere, [i] vulgoque nomina in sacro accepta lavacro commutare, [k] ne illos in posterum cognoscat summus Deus, verbo solum dixisse satis est mihi properanti ad dissertatiunculæ hujus festinationem postulantis

(z) Cujus quoque mentionem facit *Fjellstr. Med. Lapp. p. 25. §. 15. & Högst. Lapp. beskr. cap. 10. §. 4.* Oleum autem Juniperi, de quo ibidem loquitur *Högst. Lapp. beskr.* ut ophthalmico; non usurpatur heic loci.

(a) Cfr. *Högst. Lapp. beskr. cap. 10. §. 5.*

(b) In majori dosi adsumta habetur lethalis, imprimis puerperis, cum teste eorum praxi, motus producat convulsivos.

(c) *Högst. Lapp. beskr. cap. 10. §. 5.*

(d) *Fjellstr. Med. Lapp. p. 30. §. 18.*

(e) *Ibidem.*

(f) *Ibidem p. 31.*

(g) *Nob. Linnæus Fl. Lapp. p. 278. n.* narrat hanc etiam curari calefactione capitis ad ignem.

(h) Quod etiam confirmat *Högst. Lapp. beskr. cap. 10. §. 8.*

(i) *Ibidem cap. 11. §. 18.*

(k) *Ibidem cap. 7. §. 12.* Et non solum infantum, verum etiam adultorum nomina mutari, testatus est Pastor loci *Modén.*

F I N E M.

J. HERM.

CCXXXIV.

J. HERM. FURSTENAU,

ET

JOAN. PHILIPPI PAXMANN,

SPICILEGIUM OBSERVATIONUM

DE

INDORUM MORBIS ET MEDICINA.

Rintellii 31. Mart. 1735.

Disput. Medico-Pract. Tom. VI.

B b b b b

OBSERVATIO I.

Spicilegium post messem instituire, uti in omni disciplinarum genere, ita in arte cumprimis salutari juvat.

SCHOLION.

Amplam post messem rerum in omni doctrina pulcherrimarum, obviarum, reconditarum, utilium, necessariorum, jucundarum, æquo & industrio rerum scrutatori spicilegium usque relictum esse, intelligentibus constat. Neque vero, id ut planum singulis & manifestum fiat, vel faciem in alienam mittendo messem, vel per varia scientiarum argumenta errando, inductionis ope, probationem aggredi necessarium erit, cum vel sola servandorum hominum disciplina, quod agamus, quod dicamus, scribamusque, abunde suggerat. Ea vero, uti ex sanioris philosophiæ, qua naturam ejusque affectiones mutationesque scrutatur, fontibus originem trahens, observationibus sedulo factis incrementum debet, ita earum non neglecta applicatione usque continuato adolescit magis, sensimque ad majus indies perfectionis fastigium adspirat. Hisce vero circumspicte adornandis erectioris viri ingenii nullo non tempore insudarunt, & quæ circa corporum naturalium inque primis humani indolem, conditionem, varietatem sensuum ministerio, visusque præsertim annotarunt, editis eam in rem anatomici, physici, medici, pathologici, semiotici, therapeutici argumenti haud contemnendis observationibus, cum erudito communicarunt orbe. Ingens equidem hic notatur discrimen, obvia nonnullis & ex trivio petita, vera, falsa, certa, incerta, visu an auditu cognita corradentibus, aliis non nisi singularia, rariora, admiranda, & felici beata successu enarrantibus, adversos vero & funestos præsidiorum effectus astute celantibus; selecta denique, & veram spondentia utilitatem, tristia pariter & læta, obvia simul & rariora, sed vera utrinque & certa, ita ut eorum quæ ad rem pertinent, nihil temere omittatur, eleganti & concinna ratione tradentibus aliis. Ac licet iis, quæ ab integris collegiis & societatibus litterarum ac scientiæ imprimis naturalis incremento dicatis, & seculo superiori ac præsentī in Gallia, Britannia, Italia, Russia & Germania passim erectis, hodieque vigentibus, eorumque membris & sociis sunt profecta observata, palma præ reliquis a multis tribuatur; re tamen penitus expensa fatendum omnino est, in actis, ut communiter vocantur, in ephemeridibus, in annalibus, in miscellaneis istis observationibus, annuo vel menstruo spatio edi solitis vera non raro falsis, incertis certa, utilia minus talibus, rarioribus & selectis proleteria & ubivis obvia, malis misceri bona. Mirum ut non sit, tan-

tam post observationum messem, alios inter, doctissimorum Bigæ Medicorum, Theodoro Kerkringio, & Francisco Hildesheimio, illi quidem anatomicum huic vero pragmaticum conficiendi spicilegium relictam esse provinciam. Neque vero etiamnum, neque in posterum inventis, dictis, enarratis, observatis aliquid addendi deerit occasio. „Multum enim, verba „sunt Seneca: egerunt, qui ante nos fuerunt, sed non peregerunt, multum adhuc restat operis restabitque multum. Natura enim, studio quasi „quærentem fugit, & occultat, quod ostendat revisenti. Veniet tempus, „quo ista quæ nunc latent in lucem dies extrahat, & longioris ævi „diligentia”.

OBSERVATIO II.

In historia naturali & medica Indiarum orientalis non deficit spicas post messem colligendi materies.

SCHOLION.

Illos inter, qui de aëre, aquis & locis Indiarum orientalis id quod sensibus usurparunt, litterarum monumentis comprehensum memoriarum prodiderunt, Josephus a Costa, Jacobus Bontius, Wilhelmus Ten Rhine, Andreas Cleyerus, Georgius Eberhardus Rumphius, Herbertus de Lager, Engelbertus Kämpferus, ut reliquos, & qui botanica sigillatim tradiderunt, Christophorus a Costa, Corolus Clusius, Garcinus ab Horto & similes taceamus, nec sine elogio commemorandi veniunt. Neque vero iterum illuc a variis factorum relationes his proflus sunt negligendæ. Non pauca enim apud A. Olearium, J. A. de Mandelo, J. B. Tavernierium, J. Thevenotium, J. Sponium, Delloniam aliosque occurrunt scopo nostro apprime inservientia. Sed ut hæc talia vastis plerumque operibus dispersa non sine labore plerumque colliguntur; ita post laudatissimos priorum in hoc opere conatus, & studia indefessa illud dissimulandum non est, inter multa egregia, uno ore adferta & confirmata non pauca occurrere, quæ lectorem in illa autorum dissensione & repugnantia dubium dimittunt, id quod doctissimi Kämpferi observationes exoticas, quibus complures veritates antea absconditas in aprico posuit, cum reliquis conferenti ad oculum patebit. „Enim vero illustris Societas Indiarum orientalis Belgica, ut M. B. „Valentini fidem facit, non sine laudabili cautela legatos illos, aut, ut „vulgo audiunt, commissarios ad plantationes suas aliosque locos transmittendos primum sacro iuramentum vinculo adstringit, ut in relationibus „suis nil nisi veritatem illibatam proferant, quibus ea de causa major „semper fides adhibenda est. Quandoquidem vero & hi tales rerum naturalium proflus sunt ignari, atque de iis, quæ ad res mercatorias magis faciunt,

„faciunt, solliciti tantum sint: hinc tutius ab eruditis & curiosis in locis Indiarum viventibus ea, quæ studium naturæ artisque medicæ concernunt, „& ab iis curatius & perfectius explorari possunt expetere atque expectare possumus. Quem in finem tot membra S. R. I. Academiæ Naturæ Curiosorum in Germania, Volckamerus scilicet, Schreæckius, Mentzelius (a Potentissimo Borussiae Rege hunc in finem lautissimo stipendio donatus) Schefferus, ut & inclytus Ludolphus aliique cum eruditissimis in orientali India, Cleyero, Jägero, Rumphio, ten Rhine, similibusque commercium litterarium aluerunt, quorum observationes & epistolæ jam ex parte in Miscellaneis curiosis occurrunt. Majorem vero lucem illæ nobis litteræ atque scripta fœnerari possunt, quæ posteriores in India ipsa orientali inter se reciprocant, quibus se mutuo æmulando, & in multis contradicendo se ad uberiores & curatiores inquisitionem excitant, & stimulum non inutilem addiderunt: quo fieri non potuit, quæ alioquin in abscondito mansissent, in apricum deducta fuerint”. Sed cum & hi vel præjudiciis forsitan occupati, vel relationibus aliorum nimium confisi fallere & falli potuerint, integrum nobis erit, quid veri falsique hisce relationibus insit, quoad per autopsiam mihi, Respondenti innotuit, per lancem quasi laturam ostendere, non eum quidem in finem, ut, quæ in locis remotissimis congrua deprehenduntur, sanitatis præsidia ad nostra corpora imprudenter applicemus, sed ut ex sollicita omnium, quæ hic occurrunt circumstantiarum collatione judicium acuatur, cujus maximam in languentium medela vim deprehendimus.

OBSERVATIO III.

Aëris conditio in moderanda Indorum valetudine maximam obtinet efficaciam.

SCHOLION.

Aëris quatenam sit in India orientali ratio, ex situ ejus versus solem discimus. Cum enim æquatori vel proxime subjaceat, vel saltem non adeo procul ab eodem distet quicquid orientalis nomine Indiarum venit, proinde inde fluit alio, id quod autopsia constat, perpetuum ibi æquinoctium, regionum tamen diversitate & majori vel minori ab æquatore distantia, quam latitudinem locorum, vel & elevationem poli appellare Geographi solent, hic neutiquam neglecta, assiduam adeoque ver, vel si mavis, autumnum, summamque aëris amenitatem, optatamque temperiem matutinis præsertim & vespertinis horis, sed circa meridiem per aliquot

quot horas æstus vix tolerandum, noctu vero frigus sat notabile non raro observari, veraque & illa *Horatii* deprehendi;

Matutina parum cautos jam frigora mordent.

Unde quid de aeris Indici salubritate habendum sit, facile patet. „ Ex tempestatibus, *A. C. Celfo* iudice, pessimæ, quæ maxime variant. „ Quo fit, ut autumnus plurimos opprimat. Nam fere meridianis temporibus calor: nocturnis atque matutinis, simulque etiam vespertinis frigus est. Corpus ergo & ætate & subinde meridianis caloribus relaxatum subito frigore excipitur. Sed ut eo tempore id maxime fit, quandocumque evenit, noxium est. Videlicet, ut *Ovidius* auctor est:

Cum modo frigoribus premimur, modo solvimur æstu,

Tempore non certo corpora languor habet.

Apposite hæc, & si quæ sunt aliæ aeris æquinoctialis qualitates ad Indiarum regionem applicat, eumque argumentis non contemnendis minime siccum, sed humidum valde in circumjacentibus insulis non solum, sed & in continentis regionibus deprehendi, *Jacobus* ostendit *Bontius*, qui de aere, qui circa Bataviam occurrit, sigillatim sequentem loquitur in modum: „ Aër in circum vicina regione non admodum salubris existit, tum, quod calor & humiditas putredinis effectrices & genitrices physcis dicantur, tum propter stagna & loca paludosa hic frequentia, dum enim venti e montibus spirant, fœtidos & crassos, ne dicam, propter multitudinem insectorum venenatos vapores supra urbem nostram adigunt, ac ita aërem inficiunt, itaque ventus e continenti oriundus serio nobis cavendus est, atque is præcipue qui post gallicinium e montibus spirat, ob primarum vigiliarum tepidum calorem ac aperta inde in homine sudaria, seu corporis poros, vehementius propter subtilem & penetrantem qualitatem corpus afficiunt, quam vel frigidissimus Boreas media hyeme in patria. Quo eodem loco duo anni tempora, æstatem pluviosam & hyemem siccam, calore ob solem a linea æquinoctiali non longe recedentem plerumque semper æquali existente in Indiis, his quæ sequuntur verbis constituit, fusiusque describit: „ Æstas incipit, ubi perpetuæ pluviae cadere incipiunt: nam tum sol propior æquatori e directo nos feriens, ac e mari, paludibus & stagnis nubes in altum cogit, incipitque hæc tempestas a Novembris initio ac usque initium Maji excurrit, cœlo tum temporis tam irriguo, ac tam pluvioso, tum cadentibus tam continuis pluviis, ut insolitis merito secundum Deucalionis diluvium metuetur. E contra a Maji initio usque ad Octobris exitum siccus plane & serenus est aër, vix pluvia toto sex mensium intervallo decedente contrario plane modo, quam in patria nostra, ubi recedente sole pluviosus fit aër, appropinquante vero sole siccior evadit. Et de anni quidem temporibus pluviisque in India cadentibus diversæ occurrunt, & repugantes invicem relationes. Idem quod *J. Bontius* modo de Java sua, *J. H. Seyfried* de Cambaja & littoribus

bus Malabaricis affirmat, sed mox addit eo, quo hyemalis in dictis littoribus occurrit, id vero est pluviosa tempestas, in littoribus Coromandel æstatem siccam vigere, utroque, ut ipse *Lindschotti* utrinque fide nixus, addit, loco sub eadem poli elevatione sitis, & vix 30. 40. 50, aut 70. miliaribus invicem distantibus. Surata vero tres anni partes *J. A. de Mandelslo*, calidam, Februario, Martio, Aprili & Majo, pluviosam Junio, Julio, Augusto & Septembri, frigidam denique Octobri, Novembri, Decembri & Januario mensibus notavit; cujus quidem rei veritatem ego, Respondens, per integros novem annos in Bengala, eadem fere cum Surata latitudine gaudente commoratus, toties deprehendi, hoc tamen adjuncto discrimine, quod æstus initium Martium, ejusque finem Junium, pluviarum initium Julium, finemque Octobrem, frigoris vero qualiscunque initium Novembrem finemque Februarium menses, ventosque illic ex oriente & meridie, istis ex occidente, hic vero ex septentrione plerumque spirantes videre mihi licuerit. Reliquas quod attinet regiones, illud notatu videtur dignum, quod eo, quo in Bengala & vicinis regionibus pluviae desinunt, tempore, in Java initium capiant, Novembris nempe initio, & usque ad Februarii finem mensis continent, reliquis octo mensibus perpetuam æstatem referentibus; eo vero, quo hic pluviae desinunt tempore, Martii nempe initio mensis in oris Coromandel illæ iterum cadere incipiant, & usque ad Junii finem perdurent, reliquis octo mensibus perpetua iterum æstatis temperie, æstu & siccitate conspicuis. Quæ si recte æstimentur, ut autopsia mihi constant, ea, quæ supra ex aliis sunt citata, non parum illustrabunt. An vero *Lindschotti* & *Seyfriedi*, tempestates in Malabaræ & Coromandel oris eadem latitudine gaudentibus, & non multum ab invicem remotis, sibi e diametro contrarias adserentium fides in dubium vocari debeat? affirmare non audeo, qui Coromandel, non autem Malabaræ oras visitavi, sed si per analogiam argumentari licet, simile quid in Java & Sumatra insulis mihi deprehendere visus sum; hæc enim cum æquatori sit proxime subjecta, perpetuis fere pluviis integro anno madet; illa vero sex gradibus ab æquatore remota, sed magis ad orientem vergens non nisi per quatuor menses pluviis, per reliquos octo menses siccitate gaudet. Simile prorsus exemplum infra de America occurrit.

OBSERVATIO IV.

Victus ratio Indis familiaris & vita genus valetudini ipsorum non parum velificatur.

SCHOLION.

Alimentorum ex animali & vegetabili regno prosectorum, omnis generis carniū, volatiliū, domesticarum, ferinarum, quadrupedum, piscium,

piscium, olerum, plantarum, radicum, & aromatum imprimis Indiarum orientalem esse feracissimam, neque potulentis saporis suavitate & virtutis præstantia, conspicuis destitui, tum aliunde constat, tum a *Bontio* iterum docemur, qui plerisque & alimentis & condimentis, & potulentis, in India usitatis fuisse enarratis, „ Quid, pergit, jam postremo tibi memorem „ mala aurea, citrea, granata, & cæteros similes fructus, quorum summa „ est copia, cum ista in nostra Europa notissima sunt. — Vites taceo, „ quæ si diligentem putatorem & cultorem nanciscantur, quater in anno „ maturos suos fructus proferunt. Itaque, si diurnus calor non adsit, „ propter perpetuum virorem semper hic ver, ac veri hesperidum horti. „ Sed ut pagani Indiarum indigenæ vaccarum adorant simulacra, quin & „ ut *J. A. de Mandelslo* fidem facit, vitulis nuptias ingentibus non raro sumptibus parant, rati, animas propinquorum factæ e corpore excessu in hæc forsitan animantia per metempsychosin quandam Pythagoricam transiisse, cujus quidem philosophiæ rudera in Indiis hodieque superesse, laudatus modo *Bontius* eo confirmat, quod Indi etiamnum abstineant fabis rubris, & quicquid inter herbas rubrum colorem obtinet. Ita a butyro, vaccina, vitulina quin & omni carne sunt abstemii, vita existimantes animantia, quam illis non concesserant, neutiquam privanda esse, paucis oleribus, salis & olei momento additis, lacte, pane ex arbore sagwera parato, & præter pisciculos paucos, varii generis fructibus, inque primis oryza cum aqua simplici, quæ ipsis cibi potusque loco sufficit, contenti. Olerum vero & fructuum cum varia admodum genera in Indiis proveniant pro varia eorum qualitate, usu & abusu vario varios expectandos esse effectus, in aprico est. Hæc vero ut de paganis & plebejis Indiarum incolis imprimis valent; ita & Æthiopes, qui rerum ibidem potiti sunt, & advenæ Europæi eo lautius vitæ genus plerumque sectantur, vino peregre advecto, aromatibus ibidem maxima in copia provenientiibus, omnis generis carnibus, pennatis imprimis, ferinis & domesticis, varii generis piscibus, fructibus, oleribusque diversis, quin & pane ex tritico, Japonia & Surata advecto, & cerevisia ex illo frumenti genere, quod Belgis mout vocatur, paratis, ut *Bontius* iterum refert, mensas instruunt, imo comestiones & compotationes quotidianas instituunt, theæ ex China allatæ, granorum Cossæ partim sponte ibi provenientium, partim ex Natolia & Japonia advectorum, & nicotianæ sacharique, utriusque indigeni, partim ex occidentali India advecti usu abunde delectati. Ex hisce invicem collatis satis, opinor, patet, sanitatem Indos minime perfectam & constantem gaudere, & ævi plerumque brevioris esse, quod utrumque communis rerum usus & attentæ confirmat observatio. Præterquam enim, quod aeris varia conditio singulis propediem diebus ibidem obvia maximum sanitati detrimentum inferat, æstusque circa meridiem maximus vel ideo valetudini sit noxius, quod pori corporis nimium aperti, accedente vespertino & nocturno frigore & rore noxio corpori minus probe

probe testæ matutino tempore illabente importune claudantur, simili prope modo modo ac de aere Hungarico de die exquisite calido imo fervido, noctu vero ultra modum frigido, utriusque vero noxis elegantes admodum observationes penes *Tobiam Coberum* legere licet; cum ex adverso Septentrionales populi, aere horrido & gelido utentes, inque iis Lappones tametsi aspere duriterque vivant, tamen commodissima utantur valetudine, ut medicos nec habeant, nec iis se indigere existiment, ut a *Jo. Scheffero* fusius relatam extat: alimenta Indis usitata sanitati non æque conducunt. Licet enim victus simplicissimus omnium consensu sit optimus, oryzam tamen, calidam imprimis adsumtam non solum noxiam esse ventriculo, verum cerebro ac universo nervorum generi, ut a vaporibus crassiss & siccis ex hoc cibo in cerebrum elevatis nervi optici sæpe in tantum obstruantur, ut cæcitas inde oriatur, alios inter, rerum usu id confirmante, præclare iterum *Bontius* ostendit. Famigeratum vero potus genus, Arac, quod e liquore nuce Indica contento, ac ex ipsa arbore destillato cum oryza conficitur, vel ob mangonii suspensionem caute usurpandum esse, patet, cum Chineses avarissimi simul & astutissimi bipedum illud in India mixtis holothuriis in mari fluctuantibus parant, quæ excrementa maris Belgæ quallen vocant, eaque tam exurentis sunt caloribus, ut solo tactu vesicas in cute excitent, ut idem *Cl. Autor* fidem facit. Cerevisiæ vero ex oryza a Japonibus confectæ, & Sakki vocatæ, adque vini Hispanici vigorem & indolem coctæ proprietates & noxas uti in proprio expertus est corporis, ita graphice *Engelbertus* descripsit *Kempferus*. Ac sicut de potu, Sagouer dicto, qui destillat ex arbore non ab simili palmæ Indicæ, *Jacobus* affirmat *Bontius*, illum, ut & reliquos potus naturalis species ex nucis Indicæ cavitate, & floribus elicitis frigida qualitate excellere, ac proinde nervis esse infestos, si quis nimia quantitate iis abutatur, præsertim corpore per exercitium aut solis ardorem excalescente, indeque malum corporis habitum, scædum ac luteum corporis colorem, ipsamque paralytin derivat, quæ quidem omnia rerum usu edoctus verissima comperi, ita de pane quem ex arbore Sagowera confici, supra commemoravi, pariter mihi innotuit, illum particulis nutritiis paucioribus instructum esse. Olerum & fructuum in Indiis provenienteum ingens equidem est discrimen, pleraque tamen frigidiori sunt qualitate prædita, quibus assatim æstuante corpore ingestis, & notabili aquæ frigida, aut alius prædicti potus quantitate affusa, non mirum, si diarrhœæ, dysentericæ, dolores colici, febres similiaque oriantur mala. Præ ceteris Ananas fructus, ut saporis suavitate & eminentia reliquos fere omnes, ita & nocendi energia superare deprehendi, utpote a cujus abusu commemorata modo & plura alia proficisci vitia, expertus novi. Inter fructus vero salubres & unde solatium aliquod male habentes sibi queunt promittere cum areca cardamomis & calce viva folia betele mista, mundandis dentibus masticatorii loco inservientia, fructus manges, pisanque, &

cydonia Bengalensis, bambus seu mambu Sakar, *Bontio* laudata, & analepticorum classi merito inferenda, tum fructus inprimis poley, & ferre everrendis utinariis viis idonea, & inter reliquas dapes apponi solita, nemini, quod sciam, commemorata neutiquam reticenda duxi; tabaci vero fumum, in locis istis orientalibus plus satis familiarem, cujus usus laudem, crimen abusus habet, vel idcirco tangendum putavi; quod non per fistulas passim usitatas, sed per peculiare machinas, alios inter a *Kempfero* descriptas & iconibus expressas ita hauriatur, ut oleum quod in nicotiana latet foetidum, & narcotica vi praeditum ab aqua interjacente absorbeat. Reliquum vitae genus Indis familiare quod attinet, nudi fere omnes incedunt, & paucos eoque misero per dicta victu utentes, & pluviis vix non immergi labores sub dio plerumque peragunt, idque non nisi necessitate coacti, cum de mediis vitae sustentandae vel in proximum diem sufficientibus securi otium labori praefertant; ignaviaque torpescant. Praeterea admodum juvenes, & vix quartum, quintum, sextum, septimum, octavum, decimum & duodecimum aetatis annum ingressi, utriusque sexus homunculi matrimonia contrahunt, & quamprimum per aetatem licet, veneri litant, liberisque dant operam, quod ne solus dixisse, aut fabulas narrasse videar, en testem iterum luculentum *J. A. de Mandelo*, haec talia disertis confirmantem verbis. Haec vero omnia quantum perspirationem impediendo, vires frangendo, & maturam accersendo senectutem valetudini sint fraudi, non attinet pluribus evincere. *Cornelius* certe *Tacitus* de priscis suis germanis longe commemorat alia, in quibus seram juvenum venerem & septam pudicitiam, eoque inexhaustam pubertatem, & quod virgines non festinentur, eandem juventam, similemque proceritatem ex merito laudat, unde & quod pares validis misceantur, robora parentum liberi referant. Indorum vero plurimos vix trigessimum agentes aetatis annum, quem ex arborum forte obviarum, hoc vel illo tempore saturum collatione computare solent, senilem referre canitiem, & vix quadragesimum annum vivendo superare, non uno documento certior factus sum.

OBSERVATIO V.

Pestilentia vera in Indiis fere nunquam est visa; febres vero acutae, continuae, exanthematicae, pestilenciales eo sunt frequentiores, intermittentes oppido raras.

SCHOLION.

Ex pestis absentia summam aeris Indici puritatem & salubritatem colligunt nonnulli: at postea quam curatori facta causarum pestem producentium

centium indagine innotuit, pestem non nisi contagio propagari, penes omnes in confesso est, in aere quoque purissimo pestis contagium longe lateque grassari, & stragem maximam edere posse. Febres vero intermittentes in Indiis rarissimas esse, *J. Bontius* iterum confirmat, praeter unam & alteram quartanam, eamque cum aegro e patria delatam, quae miserrime in hydropem, & inde certissimam mortem desierit, quae certam servaret periodum, cum intermissione seu *ἀνυπαρξία* febrem vix se meminisse, affirmans. Cujus quidem rei causa vel in victu Indorum parco, vel in perspiratione aucta, vel in utroque quaerenda videtur momento. Harum vera defectum febrium, continue acutae malignae, largo fenore resarciunt, quae eodem teste *Cl. Bontio* plerumque cum tanto furore invadunt, ut tanquam attonitos de ratione mentis statim deiciant, & saepe intra paucissimos dies imo aliquando horas cum phrenitide & continuo delirio aegros e vita rapiant. Adsunt perpetuae vigilae, vomitus varii coloris praecipue viridis & aëuginosae bilis. Externa rigent. Calor interne cum ingenti siti vitales & naturales facultates depascitur. Praeter enim horridam illam pestilentialem febrem, quae 1733. in Batavia decem mensium spatio 35. hominum millia rapuit ab aqua marina per canales in civitatem derivata, & aestus occasione maris, modo accedente, modo recedente, hoc vero tempore paludum more hic insignem a cadaveribus aliisque injectis foetorem spirante ortam, duas inprimis febrium ejusmodi pestilentialium species, quoad in Indiis degi, notare mihi licuit: alteram ad sinum Bengalae quotannis frequentem, & Augusto inprimis mense pluviarum occasione afflicti cadentium, Gange fluvio exundante, & juxta cum gentiliis cadaveribus eidem injectis, & magno numero innatantibus, & putridum exhalantibus foetorem multis aliis effluviis heterogeneis salinis, tartareis, nitrosis vulgo dictis, & sanitati adeo infestis, ut ferro cadente vel & farina fabarum aquam corrigere & potui idoneam reddere studeant, referto revertentem, & pluribus funestam, quam mecum *Bontius* cum singulis notavit circumstantiis; alteram, die Ave sigillatim appellatam, & pultulis nigris in naso inprimis conspicuam. Huic vero posteriori, ut folia arboris cujuslibet obvise in turundae formam coactae, & cum foeno graeco, saleque communi mista opponere, & ut narium haemorrhagiam, quam criticam & salutarem in hoc morbo noverunt experti, concitent, naribus ingerere solent hujus regionis incolae; scarificationem forsan narium Aegyptiacam, *Ill. Stahl* laudatam imitati, ita in reliquis febrium acutarum speciebus praeter universalia, V. Sioem & cathartica in principio, si opus adhibenda, diaphoreticis & sudoriferis cum debito regimine adhibitis, negotium omne absolvendum erit. Quem in finem praeter varias radices & herbas alexipharmacas indigenas, lapide bezoardico, & lapide cordiali Indico, Goae ex variis simplicibus ejusdem commatis confecto Indi, nostrates vero alexipharmicis quoque usitatis, volatilibus & temperatis, ex coralliis, cancrorum lapidibus, apri dente, unicornu fossili, succino, cinna-

cinnabari, antimonio diaphoretico, scordio, angelica; vincetoxico, sambuco, scorzonera, contrayerva, serpentaria virginiana ex Europa vel & America advectis & varia forma adhibitis nec sine effectu exoptato utuntur: illud vero silentio non videtur prætereundum, quod Indi harum rerum periti agrotos febribus continuis laborantes ventilatione sollicitè instituta sudore per aliquot horas data opera prohibeant, deinde vero sudori cum *evaporæ* tuto permittant. Quæ quidem medendi ratio, ut empiricæ simillima appareat, duplici niti fundamento videtur, impeditura nimirum, ne vel cælo in Indiis fervente languentes sudoribus nimium diffluant, vel sudoribus præmature concitatis, vires nimium prosterantur, vel etiam, ut homines nudo corpore radios solares impune & absque sudoris colliquativi metu ferre soliti, ad sudorem ejusmodi ventilationis flubello factæ subsidio præparentur ac disponantur, quam in sententiam eruditæ J. H. Schulzii meditationes conferri merentur. Variolis vero & morbillis laborantes, quorum exanthematum hisce in locis uberrimus est proventus, aqua frigida strenue perfundi, idque ni fiat, vix, qui iidem laborant evadere, tum ipse sæpius vidi, tum *Kempferus* in Javæ incolis notavit, idque in æstuoso isto climate non adeo absurdum putat.

OBSERVATIO VI.

Nervosi vitia generis, & affectus spasmodici in India orientali frequenter occurrunt.

SCHOLIUM.

Hujus quidem causam phænomeni ex aëris vitio vitæque genere Indiis usitato juxta prædicta eruere, haud equidem foret difficile; neque vero pestem istam, ut multis solenne est, appellandam peculiaribus antidotis tollendam, sed genuinis quodlibet vitium nominibus indigitandum censui. Hæc inter communissimum omnium & frequentissime obvium, Beriberi dictum, pro paralysos specie a *Bontio* aliisque vulgo habetur, ego vero, hoc ipso nomine illud delirii genus, quando quis absque causa manifesta sibimet ipsi displicet, solitudinem amat, morori indulget, id vero est, melancholiam hypochondriacam denotari, experiundo didici, simul & diuturno studio veri esse deprehendi, quæ idem ille Cl. *Bontius* de spasmus, & tetano cumprimis commemorat; tam repentinum enim & subitum esse aliquando ejus impetum, novi, ut dicto citius homines rigidi, non secus ac statux, permaneant: dum vel in anteriorem vel posteriorem corporis partem musculi in voluntario motu versus principium suum trahuntur. Hoc malo affecti truculenter admodum astantes intuentur præsertim, quod sæpe fit, interveniente spasmio cynico, seu convulsione canina, cum

cum utraque maxilla aures versus trahitur. Ruber & viridis color ex oculis & facie oritur, dentibus strident, & murmur inauditum, vice vocis humanæ edunt tanquam ii, qui e cella subterranea loquuntur: ita ut imperitis vere dæmoniæ appareant. Præterea & varii generis doloribus & spasmis in infimo præsertim ventre sub colici, hypochondriaci, quin & hysterici mali nominibus scenam ludentibus, una cum Sinensibus & Japonensibus misere non raro Indos excruciarì videas, quæ quidem vitia variis stipata symptomatibus a flatibus seu vaporibus derivanda existimant. Quam in rem egregia sunt, quæ Cl. *Kempferus* memoriæ prodidit, digna omnino, quæ hic quoque legantur verba: „Asia quousque ad nostros antipodes extimumve orbis terminum extenditur tribus donata est Heliconibus, Arabum, Brahmenum & Sinensium: ex quibus scientiarum artiumque promanavit, quidquid est inter vasti orientis populos. Hi vero cælo, linguis, moribus, religione distincti populi, licet pro diverso, ex quo oriuntur, Helicone, alia atque diversa foveant artis medicæ (ceteras non attingo) principia, præcepta, materiam & medendi methodos, nihilominus tamen, cum in morborum causas inquiritur, uno ore singuli ad tribunal subinde, status & vapores provocant, ut tantum non videatur cum Coe nostro L. de Flat. dolores & affectus quoscumque flatibus acceptos referre”. Imo vero ex recentioribus *Domergio* & *Langio* cuidam idem placuisse dogma, D. Præses pridem ostendit. Colicæ sigillatim gentibus hisce infestæ nomine non quemlibet, sed illum ventris dolorem venire, qui dum intestina lancinat, in inguine simul motus excitat convulsivos, a *Kampfero* iterum docemur: „Nimirum is est hujus colicæ vel gradus vel genius, ut abdominis quoque musculos & membranas vellicet. Si doloris causam, vel materiam quærimus, ea ex sententia horum antipodum, cum in præsentì morbo, tum in omni cruciatu ventris neququam intra intestini cavum hospitatur, nisi forte in affectu leviori, sed in ipsa hæret partis alicujus substantia membranosa, puta musculorum abdominis, peritonæi, omenti, mesenterii, intestinorum: in quibus illa per moram faciens in vaporem, vel, ut loquuntur, in spiritum sæpe acerrimum rodit & lancinat. Hujus igitur spiritus rodentis effraeto carcere, ipsoque angustis, quos distendebat, exsoluto, cessabit momento citius acerbissimus extensionis sensus, quem ut perperam Latini ab intestino sæpius innocenti colicam, si Gymnosophistæ cum ad Japonum Sinensiumque mentem saniori judicio amant sua lingua vocare spasmum abdominis & intestinalium. Habet hoc singulare patrius morbus Japoniæ, ut ad hysteriæ passionis exemplum persæpe suffocationem hospiti suo machinetur, convellendo totam regionem ab inguine ad usque costas spurias, vel mucronem; deficiat vero, ubi diu sæviit, in tumores hic illic in corpore promiscue nascentes, nonnumquam epilogum ludat tæterrimum.

OBSERVATIO VII.

Alvi fluxus simplices & cholericæ, hepaticæ & dysentericæ in Indiis sunt frequentissimi.

SCHOLIUM.

Plures inter alios idem mecum notavit *Bontius*, qui dysenteriam imprimis horribile vocat, & consuetissimum his regionibus malum, quod plures homines necat, quam affectus quispiam alius præter naturam. Hoc vitium contrahi existimat, partim ex aere calido & humido, sed & fructus supra laudatos maximum huic malo fomentum præbere addit, quibus si quis cum summa cautione non vescatur, & cum oryza vel pane & pauco salis, vix unquam hoc malum effugiet, non secus, quam in Gallia & Hispania, qui uvæ avidius sine pane vorant, statim diarrhœam vel dysenteriam incurrunt, præcipuam vero mali causam allegat potum aræ, mangonio dicta supra ratione corruptum. Aëris tamen potiores hic esse partes, non tam calidi vel frigidi, humidi vel sicci, sed ex calido in frigidum, ex sicco in humidum subito commutati, ex similibus indole mutationum aliis quoque in locis notanda, aliarumque analogia regionum concludere licebit; nam & de Pannonia sua idem affirmat, & hoc præ reliquis malum incolis ejusdem infestum *Tob. Toberus* graphice describit, & cur in illa aliisque regionibus mense cumprimis Augusto epidemica & maligna oriatur dysenteria, non nisi subitæ aëris hæcenus fervidi in frigidum mutationi in acceptis ferendum esse, tum usus rerum docet, tum in *Anal. Physico-Med. Uratislaviensibus* egregie evictum & demonstratum est. Radicem *Bimili patna* dictam & laxandi, hinc roborandi virtute præditam huic inprimis malo opponere norunt Indi harum rerum gnari. Primæ nimirum digestionis vitio hæc & similia eveniunt mala, affectus mordehi, quo ventriculus depravatus, & mordexin, quo nausea & vomitus perpetuus denotantur, sæpius in India oriuntur. Ciborum vero in ventriculo resolutionem in aere ultra modum fervido minus ex voto perfici, indeque temperantia in locis & temporibus æstuentibus inprimis opus esse, *J. A. de Mandeslo* opportune notavit, *V. Cl. vero G. A. Hambergerus* peculiari labore egregie demonstravit.

OBSER-

OBSERVATIO VIII.

Phtisis, Hydrops, Icterus, dira illa mala, Indorum plurimis infesta, multis funesta sunt.

SCHOLIUM.

Hujus rei fidem tot inter alia funera hominum, ut supra dictum, præmatura morte defunctorum faciunt: viam quippe ad lethum his similibusque vitiis sternentibus. Illa vero in pulmone, hepate, mesenterio, omento, & reliquis visceribus derivationi & secretioni humorum dictatis radices cum agnoscant, horum quidem viscerum inflammationes, exulcerationes, obstructions, ut vulgo vocantur, aut alio modo factæ corruptiones ex aere & victu Indis familiari, vivendique ratione perversa supra pluribus enarratis derivanda erunt. Et Icterus quidem seu regium morbum inter quotidianos in India morbos numerat *Bontius*, qui vel alios morbos, inflammationem, scirrhum, apostema hepatis comitatur, vel sequitur, & quia tum ut plurimum symptomaticus, & ex violentia morbi ortus, sere semper lethalis, sæpe etiam ita momentaneus est, ut intra paucissimos dies oriatur & occidat. Diuturnus autem sæpe delirium & phrenitidem, & neglectus certissimum hydropem, quem familiarissimum in Indiis morbum, sed facilius ibi quam aliis in locis sanabilem vocat, infert; phtisin vero, empyema, hæmoptysin, & similia pectoris vitia ex aëris constitutione calida & humida in corporibus inprimis nudis improvide eidem, aut rori cadenti expositis derivanda existimat. Inter reliquas vero mali corporis habitus species Indis admodum familiares duas cumprimis a *Cl. Kampfero* notatas deprehendimus, *Andrum* & *Perical* Malabaricæ regioni endemias & communes, quatum illa oscheohydrocelen, hæc vero pædarthrocacem quandam, seu spinam ventosam, vel & hyperfarcosin pedum ulcerosam denotat; cujusquidem utriusque mali causam liquoris fundi Malabarici potatoribus eodem jure refert acceptam, quo plica polonica accusat fontes Ucrainæ, strumas propinat Styria & Transylvania, dracunculos ex stagnante imbre hauriunt Arabes desertorum, accolæ sinus Persici, & Guineensis Afri.

OBSER-

OBSERVATIO IX.

Dracunculi non postremum pathologiæ animatæ caput apud Arabes, Persas ipsosque Indos constituunt.

SCHOLION.

Singulare lumbricorum genus dracunculi sunt cum crinonibus, germ. miteßer, pueris infestis, & *M. Esmüllero* laudatis neququam confundendi, qui non in intestinis, aut alia quadam corporis cavitate, sed in musculis per corporis ambitum natales inveniunt. Horum jam *Plutarchus*, & ex eo *H. Mercurialis* meminit. *Jobus* vero *Lutolphus* & *Georgius Hieronymus Velschius* uberiores eorum descriptionem dederunt. Omnem vero morbi historiam, una cum causis & medendi methodo ita tradidit *E. Kempferus*, ut vix quod addi possit, inveniatur. Nam & aquarum impurarum & vermiculis scatentium usu minus provido externo pariter & interno malum plerumque contrahitur, nec nisi emplastris emollientibus loco affecto applicatis ut lumbricus infixus suppuratione sensim proliciat, curari consuevit. Ac ne quis obvertat, nihil huic lumbrico cum Indis intercedere commercii, alius quippe terræ incolis infestum, ibidem ipse Cl. Autor de patria ejus sequentem disserit in modum: „Non est bestiola hæc soli Per- „sidi vernacula, sed & Guineæ in Africa, & Rhase ac Avicenna testibus, „Chorasmiæ & Aegypto quoque. Medinensem Arabiæ tractum earum fe- „racem testatur sæpe laudatus Arabs, & morbum sub hujus patriæ titulo „ex instituto pertractat gemino capite 21 & 22. Lib. Can. 4. Fen. 3. „Tr. 2. Dracunculorum genitricem quoque offendi pagos mediterraneos „quosdam terræ Gangeticæ ultra Paliacattam”.

OBSERVATIO X.

Arthritidis & Nephritidis exempla paucissima in Indiis reperiuntur.

SCHOLION.

Hujus veritatem observati non rectius, quam scriptorum silentio, autop- sia & experientia propria, & quæ contra utramque moveri poterant, du- biorum resolutione in tuto collocavero. Nimirum, qui contrariam tuen- tur sententiam, quid olei cajeputi ex Indiis ad nos delati, & in *Amalibus Uratislaviensibus*, virtute nervina, antoplectica & antiarthritica passim ce- lebrati, quid moxæ, famosi adeo podagrici a *Bushofio*, *ten Rhyne*, *Valen-*

tini, *Kempfero*, aliisque pluribus expositi virtus, quid folia *Acmele* a *Valentini*, quid *Kithie* folia ex Indiis allata, & in *Amalibus* iterum *Uratis-* *laviensibus*, ceu calculo pellendo idonea præsidia, quid plura alia exotica & quamobrem ad hosce morbos adeo commendantur, & tantis ornantur elogiis, si morborum, quibus opponantur, nulla reperiuntur in istis re- gionibus vestigia? quærere solent. Ast dubiis hisce diluendis unus iterum sufficit Cl. *Kempferus*, qui de Moxa erudito instituto sermone hisce alia inter verbis usus est: „Adversus arthritidem & ejus progeniem podagram „schiaticamque quid valeat moxa, id non ita pridem coloni Batavi in In- „diis exploraverunt. Frangit hic ignis impacta periostio rhenani tartari „spicula”; quæ quidem singula & quæ sequuntur, ad Indos abstemios neququam applicari possunt. Quod vero ad nephritidem seu calculi atti- net historiam, in isto hominum genere, qui cerevisiam vernaculam ex oryza coctam, Sinensibus *Samphu*, Japonibus *Sakki* vocatam in deliciis habent, invenire qui vaga arthritide & stranguria laborant, insolens non esse, idem ille doctissimus vir autor est. Imo vero arthritidis vaga pletho- ræ plerumque soboles a fixa multum omnino distat, neque qui stranguria tentantur, calculo mox sunt affecti. Ac sicut apud theæ bibulos Japonen- ses & Sinenses isto quidem coelo *Kempferus* & *Thevenotus*. ut est in *Actis Philosophicis*, ita & ego penes hydropotas Indos calculosos & podagricos nunquam inveni. Quod si vero in Indiis hisce malis affecti reperiuntur, sunt isti Europæi, & Bacho, aut veneri ultra modum litantes, aut alia propria vel aliena culpa malis hisce, graviter interdum, mulctati.

OBSERVATIO XI.

Lues venera malum est in Indiis frequentissimum, lepra vero, quæ vulgo audit, cum lue venerea paria facit.

SCHOLION.

Luem veneream Indiæ & Javæ sigillatim inquilinam esse, adeo ut fe- bre quotidiana sit vulgatio *A. Cleyer* affirmare nullus dubitat, idemque de Goa *J. A. de Mandelslo* confirmat, cujus quidem adfert veritatem ego quidem plus satis deprehendi. Ita vero lues Indica nonnullis vocata, ut veneris vagæ & foedæ flagellum ab intelligentibus merito appellatur, cu- jus quidem schema a doctissimo *J. N. Pechlino* vivis coloribus depictum ex- stat; ita malum id esse antiquissimum & longe ante detectam frequen- tamque Indiam, vel occidentalem vel orientalem, in ea morum corrupte- la, & lasciviæ indies auctæ fomite ubi vis fere terrarum radices egisse, ac latius sparsum esse, neque adeo causam adesse, patet, cur primam ejus originem ab esu serpentum Inguanarum, Americanis familiari, vel aliunde

cum *M. Listero* derivemus. Ac licet negandum non sit, per contagium foedum hoc malum innocentibus quoque communicari, & longe lateque propagari posse, longe tamen hæc rarissima, omnium vero frequentissima eorum esse exempla, qui propria culpa & immodico atque impuro concubitu sibi id accersiverunt, sanioribus pridem innotuit. Equidem an *Hippocrati*, *Galeno*, & reliquis, qui sunt superstites Autoribus priscis Græcis & latinis venerea lues hoc saltem nomine, cum de re ipsa nullum sit dubium, innotuerit, non attinet pluribus disquirere. Neque vero ex facris aut profanis scriptoribus ad luis antiquitatem veneræ probandam testimonia cumulare, præsentis fert ratio instituti. Notatu tamen digna videntur hæc *Anonymi* cujusdam Galli verba „ Il y a tout lieu de croire, „ que ce mal est aussi ancien que le monde, & si on lit avec réflexion „ les débauches, & ensuite les douleurs, que Tacite, & Suetone Tran- „ quille attribuent à Tibère; on peut assurer, qu'il n'avoit pas le mal de Na- „ ples, mais celui de Caprée, lieu de ses divertissements & de ses plaisirs „ ordinaires”. Quibus cum *Guido Patin*, & *Nicolaus de Blegny* prorsus consentiunt, quorum hic verisimile etiamnum existimat, lepram confirmatam, cujus tanquam affectus rarioris meminerunt, curationem nequaquam admittentis eandem esse cum ea quam nos proprie lepram vocamus: cæteras lepræ simplicis species, quas tanquam admodum vulgares tradiderunt, nihil aliud fuisse, quam varias impressiones a salibus venereis cuti inductis, quandoquidem affectum habebant aut sequacem maximam partem accidentium luis; eademque de causa Indos præ libidine, cui brutorum in morem indulgent, effrænata, luis magis obnoxios esse: vehementiam porro æstus plerasque illas regiones torrentis, ejus accidentia magis terribilia, & conspicua proferre, fervore vehementiori sanguini inducto. Hæc si rite examinentur, & sicut a D. Præsidente nuper est indigitatum, diversi imprimis luis gradus, prope attendantur, nullum facile dubium remanebit, quin luis veneream & lepram unum eundemque esse affectum, asseramus, & elephantiam pariter Javæ novam, a *J. C. Mentzelio* C. F. descriptam, & tophos & gummata & ulcerationes in Insula Amboyna & Moluccis præcipue, amboynse Pockem dictas *Bontio* notatas, ad luis veneream jure meritoque referri, cum in utriusque historia morbi, & quæ de lepra vulgo dicta, passim occurrunt observationibus autores earum disertis confiteri soleant verbis, quod multum utrumque inter morbum commercii intercedat. Opportune hic recorder Respondens viri honoratioris Batavi, in supremo Indiæ senatu assessoris, cui ob lepræ, cujus accusabatur, suspicionem, pulvinari, ut fieri solet, domum transmissio locus in curia denegatus est, eo vero oculari inspectioni ad desiderium proprium subiecto, non lepræ, sed luis suspicionem veneræ justam esse, innotuit. Præterea & leprosorii recorder Indici, in insula Purmerent prope Bataviam fundati, non, ut in Europæ variis regionibus fieri amat, leprolis omnibus destituti, sed ægrotis & languentibus quam maxime referti; sed & curatori instituto

tuto examine innotuit mihi, plerosque lubentes incurabilium classi adferi, ut nimirum victu & amictu & reliquis necessariis vitæ adminiculis otiosi abunde fruuntur: nec qui curam eorum gerunt, chirurgi aliam quam palliativam instituunt, neglecto fonte rivulos, id est, ulcera, tubercula & similia vitia emplastris, unguentis aliisque topicis superficiei tenus saltem tractantes. Ipsam vero quod attinet luis, Indi quidem eam applicato cinna- baris vulgaris tactitæ suffitu & pulvere radice chinæ in substantia, ut dicitur, adsumpto, similique diæta sicca eventu satis felici expugnare solent, penes Æthiopes autem & Europæos, decoctorum ligneorum & mercurialis ope salivationis, curam ejus aggredi, ut passim alibi, moris est, neque nisi errore aliquo ab ægroto vel medente commisso, & regimine in- primis calido nimis adhibito, tristis aut minus felix in cura successus memini.

OBSERVATIO XII.

Nosocomia in Indijs diversi admodum generis reperiuntur.

SCHOLION.

Varia admodum sunt, quæ de Indiæ & regionum vicinarum nosocomii litterarum monumentis concepta leguntur. Præterquam enim quod brutorum quoque nosocomia illic offendi *Thevenotus* & *Mandelslo* fidem faciunt, *E. Kamperus* in describendis Persarum xenodochiis multam posuit operam, quibus tamen repetendis eo immorabimur minus, quod non tam nosodochia, quam hospitia vulgaria hoc nomine a Cl. Autore inditari, constet, nec quæ de nosocomio Turcico, arci sanctiori (Serail) incluso & ægrotis non tam veris quam putatis, & *Bacho* venerique inhi- antibus, frustra nitente exquisitissimo Imperatoris, ejusque ministrorum rigore refertissimis, lectu jucunda apud *J. B. Tavernier* occurrunt, cum ab Indis nostroque scopo sint remotiora, huc transcribemus; quæ vero de Nosocomiis Batavorum in India, & Javæ metropoli Batavia ab eodem au- tore commemorantur, scopum nostrum propius attingunt, præsertim cum satis abjecte de iisdem sentiat, & viliorum ejus conditionem vivis depin- gat coloribus, quam eorum, qui curam ejus gerunt, avaritiæ & morosi- tati acceptam refert. Quæ quidem omnia, paucas si exceperis circum- stantias, verissima deprehendi, neque, hic saltem causam inveni, cur si- dem *Tavernierio*, ut ab aliis factum esse, penes *M. F. Lochnerum*, & *M. B. Valentini* videre est, in dubium vocem. Sed & meliorem longe Benga- lensium conditionem nosocomiorum, quoad victum, & ministeria ægris ne- cessaria, expertus novi. De Goæ vero nosocomio ægrotorum commodis sa- tis idoneo *J. A. de Mandelslo* conferri meretur.

OBSERVATIO XIII.

Medicina in Indiis est empirica.

SCHOLION.

Scholis, litteris, & reliquis eruditionis subsidiis destituti Indi medendi præcepta ab antiquissimis temporibus a maioribus per traducem accepta in posteros iterum propagarunt, more pristinis temporibus solenni, quibus ars salutaris certis familiis quasi propria adhæsit, unde medicæ factis artis initiati medicorum filii procul dubio hodieque appellantur. Hi enim homines, quam exercent artem non libera electionis voluntate, sed nascendi sorte profitentur, quæ unicuique honores, servitutem & spartam denique, quam hac nascendi sparta exornet, necessitate plus quam stoica dispensat, inde est, quod per continuos ætatum & generum gradus ac successiones parentes liberis quasi de manu in manum tradant, quæcunque ad artis illius, quam civitatis lex ab ultima temporum memoria huic aut illi generi præscribit, perfectionem requiruntur, sicut hæc talia *Henricus van Reede tot Drakenstein* fusius persequitur. Illa vero rudis admodum, omnium est consensu, paucis herbis, simplicibus, decoctis, constans. Indorum enim Medicos plerosque egregios esse botanicos, tum ejusdem, tum *Bontii* fide constat. Caeteris autem & frictionibus ut indulgeant, phlebotomiam tamen abominantur, quam Indi cum Sinenfibus gravissimum quondam errorem autumarunt, & jejuni potius, aliisque refrigerantibus, sanguinem ad debitam temperiem reducere conantur, ajunt enim non ideo quod ferveat in olla, effundendum jusculem, sed si compescere velis, ignem subducendum, sicut insigni empiriæ Indicæ documento ex *Martini Martini* Historia Sinica *Simon Pauli* commemoravit. Horum vero simplicium ope auxiliorum morbos magna felicitate & brevi tempore, adjuvante sine dubio cœli benignitate, & incolarum temperantia curari, & gentem inter Chinesem, ut summe industrios æconomos, ita & artis usu salutaris inclytos medicos reperiri; & esse illis libros antiquissimos de natura & virtutibus herbarum, arborum & lapidum, modernosque illius nationis medicos, non secus ac fecerint antiqui, scribere de prognosticis, causis, effectibus morborum, ex *Thevenoto* in *Actis Philosophicis Anglicanis* relatum exstat, Quæ quidem licet insignem sapere videantur theoriam, paria tamen facere videtur cum flatuum & vaporum pathologia, Arabibus, Brahmenis & Sinenfibus propria, supra laudata. Eundemque in censum venire videtur sollicita illa, quin superstitionis & fallaciæ plena pulsus contrectandi ratio, Chinenfibus Indisque familiaris & plures alios ab *Andrea* imprimis *Cleyero* singulari labore exposita. Quam in rem

egre-

egregiam Viri doctissimi *D. G. Morhofii* ἐπίκρισιν plane in rem nostram facientem hic legere juvabit. Postquam enim Philosophiam Chinesium ad Pythagoricam de numeris, symbolis, characteribus, lineis, doctrinam pertinere, ostendit, ita pergit: „Similia sunt illis pene & longe petita in re medica principia, ubi omnis anatomes ignari suas tamen de venis observationes omni Medicorum choro inauditas tradunt; de pulsibus nescio quæ meteora comminiscuntur, quibus tamen mirifice illi, ut fama est, proficiunt. Nam & sedes & causas morbi solo pulsu explorant, ac feliciter nonnunquam pronunciant ac medentur, ut vel hinc pateat, de Medicis etiam verum esse, quod de vatis nonnemo: omnium optime qui conjecerit, hunc vatem perhibeto optimum. *Andreas Cleyerus* aliquis nuper mysteria hæc nobis revelavit, quæ ubi in lucem protracta sunt, risum potius, quam applausum merentur, ac merito pudorem illis incutiant, qui Europææ Medicinæ hujus perfectionem objicere non sunt veriti. Quantumvis vero plura empiriæ medicæ Chinesis exempla passim prostant, non postremum tamen videtur, quod ex *Martino* iterum *Simon Pauli* citat, ejus rei sequens esse documentum: „Artis chymicæ Professores & hic non rari ubique vagantur, non aurum modo pollicentes, sed & immortalitatem in hac vita, quorum pene idem, qui Europæorum scopus est, splendide mentiri scilicet, & nimium credulos avarosque istis officiis fallere. Et immortalitatis in hac vita avidissime inhiantes esse Indiæ incolæ, & ab impostoribus alchymistis frequentissime falli, tum *J. A. de Mandelslo* fidem facit, tum de Chinæ Imperatoribus, immortalitatis poculo moriendi necessitatem, licet frustra, efugere annis *Cl. J. Hübnerus* testis est.

OBSERVATIO XIV.

Indorum medicina multum inest superstitionis.

SCHOLION.

Indos una cum Sinenfibus ideis, numeris, lineis, imaginibus, figuris, & miræ, quam in singulis fingunt, potestati multum tribuentes pythagorici, tum supra ex parte tactum est, tum *Morhofius* iterum demonstrat, qui plures veterum Indorum circa scientiam naturalem (ex cujus fontibus medicina orta est) sententias fuisse refert, sed de illis adeo confusa omnia, ut nihil quippiam distincti colligi inde possit, nisi etiam, quæ e quorundam auctorum laciniis colliguntur. Id tamen constare ex hodiernis itinerariis existimat, aliquid Pythagoricæ doctrinæ simile illas habere. Μετεμψύχωσι enim statuunt eamque sibi habent persuasissimam, adeo ut nulla ferme inter illos secta sit, sunt autem plurimæ, quæ

D d d d d 3

non

non pro principio eam ponat. Indos certe in curatione morborum, inque primis epilepsiæ, quem *Hippocrates*, vel quisquis illius libelli, inter scripta ejus superstitis, vir *Galen*i judicio memorabilis autor fuerit, Sacrum appellat, quemque expiationibus & incantationibus curari affirmat, admodum esse supersticiosos, & amuletis non tantum, quibus verba minus nota inscripta sunt, collo primum apponendis, deinde in Gangem fluvium projiciendis, sed & verborum murmure pronunciatorum susurris multum tribuere, identidem deprehendi. Hanc autem medicinam amuletariam antiquissimam esse, & multis retro seculis a Sabæis Arabiæ incolis excultam, qui tissemis & idolis magicis ad horoscopus fingendis maximam navabant operam, iisque ad sanandos morbos & consequenda alia bona magice utebantur ex *Strabone*, *Agrippa*, *Gaffarello* & *Kirchero* *Adamus Brendelius* probatum ivit. Cujus quidem rei plura ne accumulem experimenta, virilis facit impotentia, non nisi fascino vel ligaturis, ut vocant debita, & non nisi ejusdem farinæ auxiliis auscultans. Uno certe plura mihi innotuere eorum exempla, qui virilitatis, quam in India amiserunt, repetendæ causa in eandem altera vice superatis itineris molestiis profecti sunt, cujus quidem rei, omnem, qua patet historiam, sub ligaturæ magicæ Macassarorum sive Insulæ Celebes incolarum elogio penes *E. Kämpferum* non sine insigni animi voluptate legere licet. Huc vero an & ista sint referenda, quæ de Circassii Medicis, ingentis libri ostentatione, & una cum cereæ accensione candelæ, ægrotantium pectori impositione morbos curantibus aut ægros fallentibus, & domestica animalia, capras, verveces, boves, vaccas soltri loco expectantibus, ut & de vetulis ructibus ori ægrorum immissis morbis medentibus a *J. B. Taverniero* satis luculenter sunt enarrata, & a *W. E. Tentzelio* dialogis mensuris inserta, in medio relinquo, & ad ea, quæ dicenda supersunt, pergo.

OBSERVATIO XV.

Chirurgiæ & Chirurgicis auxiliis magnum statuere pretium Indi solent.

SCHOLION.

Phlebotomiam ab Indis quondam & Sinensibus repudiatam esse, supra vidimus; hodie vero tanta frequentia & felicitate eandem illic administrari novi, ut per lufum & jocum quasi fragmentis vitri acutis in arterias venasque mallei ope adactis sanguinem notabili quantitate emissum viderim. Trepanationem vero absque terebræ adminiculo solius instrumenti lati & acuti, cuneo quasi impulsu ministerio in India exerceri, repetita edoctus sum autopsia. Præ ceteris tamen, cauteriis, igne actuali inuren-

inurendis magnum statuunt pretium orientis populi. Præterquam enim, quod pertinacem quoque cephalalgiam cauterio actuali sublatam noverim, lineis inprimis, hepatis, aliorumque viscerum obstructioni hoc prædicii genus proprie dicatum volunt. *Engelberto* certe *Kämpfero*, quod post *Wilhelmum ten Rhyne* nemo elegantius hoc exposuit agrumentum, autore Arabes, Brahmenes, Sinenses, „dolores & affectus quoscunque a flatibus, „ut putant, ortos, asserunt nunquam tolli posse facilius, quam cauteriis, igne actuali inurendis. Igne vero an ferri candentis? Equidem „junctam vulcani martisque vim experiri in humana machina sævitiam „reputant, uti supervacaneam & inutilem, ita vero indignam rationali „medico, cui urendo non alia debeat esse intentio, quam ut impactam „doloris materiam resolvat, vel in status jam resolutam excludat & in auras evocet. Malunt igitur tarde gliscentem, remissa ustulantem, atque ut verbo dicam, ejus indolis ignem adhibere, qui inclusam morbi „causam mediante salis aperientis virtute lente tutoque evocet, quam „qui stringente ac rodente armatus vitriolo cutem carnemque crudeli impetu exedat. Et facta Arabum mentione, quæque ab iis adhibetur, urendi materia fusius explicata, „Brahmenes, pergit, quos Græcia Gymnosopistas vocat, Indorum gentiliū Sapientes, Theologi & Medici, „tum qui ex eorum institutis sapiunt, gentiles ceteri, non unius, sed „varii generis cauteria pro morborum diversitate parant. Latitantes enim causas, ajunt, & morbi cujusque indolem non unius esse generis; „proinde unam eandemque ignis materiam affectibus promiscue omnibus „nequaquam congruere, eligendam esse, quam genio morbi cujusque „aptam natam experientia docuerit. Varietatem vero illam explorasse, „peregrino mihi datum non fuit. Clavum quis Herculi prius excusserit, „quam a zelotypis istis doctoribus secreta artium exploraverit. Et paucis interjectis: Trans Gangem progrediens nobilissimum sane omnium & usitatissimum ignis formitem invenio apud Sinenses & Japonios. Hoc fomitem referunt ante ipsius medicinæ inventionem, & omnem aliam Chirurgiæ notitiam temporibus admodum prisca celebratam cauterisationem fuisse, atque usum ejus per longam seculorum seriem ad se demum dimanasse. Stupam hanc virtute ac vetustate præstantissimam sub communi appellatione Moxæ non modo Sina domesticam habet, sed omnes Sinensium literis & doctrina eruditæ nationes, Japonii, Coræenses, Quinamenses, Luconenses, Formosani, Coccincinenses, Tunkinenses jam „olim pro cauteriis sub eodem nomine adoptarunt. Cujus porro historiam ibidem magno eruditionis apparatu, & luculentis experientiarum testimoniis ibidem traditam legere licet, qua cum *Wilhelmi ten Rhyne*, *M. B. Valentini*, *J. N. Pecchini*, aliorumque de moxa labores confecti mententur. His si addas, quæ de Egyptiorum Chirurgia *prosper Alpinus* commentatus est, hos quidem venæ sectioni, quin & Arteriotomiæ & Scarificationi plus, quam Indos indulgere, sed quoad inustiones, & cauteria, quæ

quæ vocant actualia eorumque multiplicem variis in morbis, ut in epilepsia, paralyti, apoplexia, vertigine, inflammatione oculorum, aurium, dentium, defluxionibus catarrhalibus, pectus occupantibus, hæmoptysi, phthisi, suppuratione & empyemate pectoris, asthmate, flatulentia, induratione hepatis atque lienis, in hydrope sub umbilico, & hypochondrio sinistro, in doloribus dorsi, lumborum, colli, articularumque, utilitatem, ut & quoad inurendi modum cum iisdem profus consentire, idem Cl. Autor, & ex eodem A. O. Goelike fidem faciunt.

OBSERVATIO XVI.

Puerperæ & recens in India nati Chirurgiæ subsidiis impune carent.

SCHOLION.

Hæc tamen ut sint, foeminae saltem puerperæ in Indio nullo indigent embryulcia aut alia manuali operatione in partu difficili; uti plebisque cultioribus, sicut vocantur, gentibus persuasum est, alias necessaria. Licet enim obstetricibus non destituantur, pleraque tamen partum facilem cœli benignitate, & victus temperantia adjunctæ experiuntur, infantes vero recens natos fasciis minime involvunt, sed sibi relictos brevi incedere, & quod maxime notatu dignum visum, recta artuum textura gaudere, minimique claudos & valgos deprehendi, cum in Hollandiam reversus paucarum intervallo horarum in loco non adeo hominibus referto quadraginta fere claudicantes numerare licuerit. Hujus rei ratio nemini amplius mira videbitur, qui victum simplicissimum & regimen simile esse optimum, & valetudini maxime conducere argumento non tam a brutis animantibus, quam vilioris conditionis hominibus, & rustica inprimis gente desumpto, quorum vix centesimus quisque, imo ne millesimus quidem morbo quodam organico aut fontico, nisi ex causis plane fortuitis laborat, cum ditiorum, quin & magnatum liberi quo majori sollicitudine & cura educantur, eo pluribus & gravioribus vitiis expositi vivant; quam in rem egregiæ iterum Cl. Viri J. H. Schulzii meditationes de puerperarum, & recens natorum regimine commendari merentur. Fascias autem, quibus teneri infantes involvi solent, licet non omni careant utilitate, si tamen nimis fuerint arctæ, aut inæquales, artus ultra modum constringendo, meatus coarctando, & ligamentorum fibrarumque vim oscillatoriam refrænando noxias esse, indeque tenellorum distorsioni ossium occasionem dare, hæc vero omnia in sollicita nimis & curiosa fasciarum applicatione vix evitari posse, constat.

OBSER-

OBSERVATIO XVI.

Medicamenta ex Indiis advecta uti variæ sunt indolis, ita & diversam merentur censuram.

SCHOLION.

Quod si ea, quæ ex India saltem orientali ad nos transportantur medicamentorum genera enumerare singula, & dignum cuius pretium statuere animus esset, paucarum quod super est, plagularum spatium ea minime caperet. Omnia fere aromata, in officinis & culinis usitata, pleraque etiam aromatica ex Indiis originem agnoscunt. Unde & potiore eorum parte calida, quæ vocantur, constituunt medicamenta. Sunt tamen & cathartica non una senna, tamarindi, præter lignum, & succus aloë, mitioris omnia indolis. Sic & opium anodyna, & nitrum refrigerante ac temperante virtute præditum camphora, si quid aliud, calida & sexcenta alia ibi deprehenduntur. Radices, cortices, gummata & resinas, ut & alimenta & potulenta theam, coffeæ, sacharum, oryzam magno cumulo ex Indiis allata sicco, ut prætereamus pede. Hic vero Rosini opportune recorder Lentilii, qui mercibus pharmaceuticis Amstelodamo Stutgardiam allatis lustrandis occupatus, alia inter sequentem loquitur in modum: „oculos, nares, & linguam afficiebant ex Indiis allata rarissima & curiosissima. Qualia sunt destillata in Indiis olea cardamomi, cinamomi ex cortice & foliis, cubearum, caryophyllorum, galangæ, piperis nigri, zingiberis, sassafras, culilavan, santali citrini, terræ Indicæ. Hæc omnia olea longe magis ætherea sunt & penetrantia, quam quæ ex aromatis apud nos demum destillantur: oleum vero capere arthritidi & febri dicatum viro optimo non æque cognitum in A. N. C. a D. Schendo ad L. Schröckium una cum aliis quibusdam Indiæ rarioribus, ut & in *Annalibus Uratislaviensibus* fusius descriptum occurrit. Inter rariora vero ex Indiis allata spolia de pedra quadrata, aureis venis prædita lapide quadrato, quem in calculo partuque difficili pulveris aut infusi forma, nec sine fructu adhiberi novi, ego Respondens tanto majori gloriari possum jure, quod a nemine ejus factam mentionem noverim, nisi quod Cl. M. F. Lochnerus ad L. Schröckium, sibi a D. D. Vackio, Archiatro Cæsareo, virtutem ejus lithontripticam, quam in proprio corpore expertus erat, laudatam, ut & ex ephemeridibus Venetis, Galleria di Minerva inscriptis To. V. P. X. p. 271. meminerit. Locum vero ejus natalem, nusquam tactum novi esse Napalam, tractum nempe montanum inter Chinam & Tartariæ fines situm, ex quo mense cumprimis Januarii, quando locus iste fumis igneis, quibus alias abundat, est vacuus, eruitur.

Disput. Medico-Pract. Tom. VI.

E e e e e

tur.

tur. Ista vero, & si quæ sunt alia exoticorum genera medicamentorum cum ab aliis nimis extollantur encomiis, ab aliis alto contemnantur supercilio, nobis ingeniosa placet *Jo. Barclaji* confessio, hisce concepta verbis: „Permulta in solo nostro nata negligimus, quæ si portentosa servaret Ægyptus, aut Græcia miraculorum ferax, singula jamdudum lustrassemus, longinquorum nimis curiosi”. De Malabaricæ regionis medicamentis *Henricus van Ræde tot Drakenstein* ita exponit: „Vivunt incolæ ad capularem fere senectutem, (vid. quæ supra de breviori eorum vita sunt commemorata,) eorumque valetudini prospiciunt. Indigenæ Medici, qui ex aliis regionibus medicamenta non petunt, aut certe quam paucissima, illis solis, quæ ipsorum regio liberaliter suppeditat, contenti, quem morem Europæ ibidem locorum felicissime imitantur: Belgæ vero, qui sub auspiciis Societatis orientalis Indiæ morantur, nescio qua oscitantia utuntur medicamentis, quæ primum ex illis locis petita per Persiam Arabiamque in Europam deferuntur, & hinc denuo mari in Indiam referuntur, fere obsoleta & corrupta non sine summa sumtuum jactura, qui huic rei sine ullo commodo impenduntur”. Hæc vero postrema verba veritate non niti, toties expertus, simulac in Indiam ventum est, remotis pristinis, obsoletis, nova comparari, præparari, ægrisque propinari, pace auctoris affirmare non dubito.

OBSERVATIO XVIII.

Ut venena in India frequentia & valde deleteria occurrunt, ita non desunt eximie virtutis antidota.

SCHOLION.

Morsus animantium venenatos vix effugere in Indiis queunt peregrini & indigenæ, cum in viis publicis serpentes erecta cervice obvios quosque adorianitur, sed & fugientes fugiant. Vegetabilia vero toxica hic valde esse deleteria, *Engelbertus* iterum *Kempferus* notavit his, quæ sequuntur verbis: „Aestuans inter tropicos solaris focus, ut salutes rerum naturalium virtutes, ita & deleteriam in venenis qualitatem magis intendit & aqut, quam sub zonis cæli magis algidi”, idque viverræ mungo animantis, a quo usum radicis mungos edocti creduntur Javæ & Sumatræ incolæ, & veneni inprimis Macassarientis uberiori descriptione, quam non sine voluptate legas licet, sed & antidoti duplicis, radicis nempe mungos & lap. viperini expositione illustratum dedit. Huic vero *M. R. Lochneri* opera, qua mungos, animalculum & radicem descriptam dedit *M. B. Valentini* Indiæ litteratæ inserta jungenda erit. Ejus efficaciam antidoti æque ac lapidis viperini, expertus novi virtutes alexipharmacas. Is autem extrinsecus vulnusculis venenatis admotus tenacissime adhæret, donec veneno

veno ex vulnere attracto saturatus sponte decidat, lacte nigricante hinc reddito, abluendo, ut ex indigenarum ore locutus *R. Kempferus* fidem facit, qui exposito applicandi modo, Indis usitato ita pergit: „De efficacia hujus lapidis, & quæ indies cum ipso instituuntur in India experimentis multa dicenda, inquirenda, dubitanda venirent. Quicquid sit, spondent efficacie veritatem quotquot ex Hindostanis de lapide quæsi, & innumeros inveni, tum qui experimenta ipsos se fecisse, tum qui facta suis oculis vidisse, mihi per jovem lapidem jurarunt, adeo ut inter Indos de viperini lapidis virtute contra serpentis Cabelo morsum dubitare execrabilis incredulitatis crimen sit”. Reliqua inter antidota cocus di Maldiva, nux medica Maldivensium dicta, in Insulis Maldivensibus prope maris littora occurrens, & a coco vulgari cibo potuique Indorum dicato multum diversa virtute non tantum antiepileptica, adque partum facilitandum, sed & alexipharmaca insignis commemoraanda venit.

OBSERVATIO XIX.

Rei Indorum medicæ cum Sinica, Japonica, Persica, Ethiopica & Ægyptiaca plurimum analogiæ intercedit.

SCHOLION.

Gentes versus orientem aut meridiem sitas similibus fere, quibus Indi, affligi morborum generibus, & simili fere medendi ratione curari, supra jam passim, occasione varia animadversum est. Non possum tamen quin de una Japonia, quæ reliquarum vicem supplebit, hæc quæ sequuntur *Cl. Kempferi* verba hic iterum legenda proponam: „Medicæ artis, quam (nostratis) Chirurgiæ gnariores sunt. Medicamentorum tamen, farragine ægros non multum fatigant medici: qui morborum radicem, quam obstructionem vocant & doloris materiam (quam oclusos status ajunt) externa arte, puta acu, fumoque exterminant. Balnearum quoque usu domestico, quo indigenæ puritatem corpori quotidie conciliant, innumeros morbos vel circa intentionem profligant; contra, ctos quoque contumaciores nostratium more ad thermas relegant, quibus sparsim regio scatet efficacissimis”. Neque vero Indiam thermis plane destitui existimandum est, quorum decem ex ordine fontes virtute insigni præditas in regione, quæ Zittecon Pattna appellatur, numerare licet. In universum solis in regionibus orientalibus & meridionalibus majori fervori, & victui vitæque rationi, quæ plerisque istis in locis una est, dicta modo analogia accepta ferenda erit.

OBSERVATIO XX.

Indiam inter utramque, orientalem & occidentalem seu Americam multa, si rem spectes naturalem & medicam, occurrunt, quæ sibi invicem respondent.

SCHOLION.

Aëris hic eadem utrobique in locis æquatori subiectis aut certe non longe ab eodem remotis conditio, perpetuum utrobique ver, vel & perpetuus autumnus, æquinoctium fere perpetuum, summa locorum fertilitas, & reliqui effectus salutes & noxii in humanum quoque corpus redundantes observare licet. Et si quod his in locis præsertim magis ad orientem vel occidentem sitis deprehenditur discrimen, illud egregie doctissimus *Gulielmus Piso*, additis ubivis causis, notavit, verbis pone sequentibus: „Tempora anni non nisi duo sunt, calidum & siccum æstas, dicitur: alterum quod calidum & humidum ac veri Europæo simile, brumæ vicem supplet. Idque verissimum omnibus in Indiis intra utrumque tropicum deprehenditur. Hiemis enim & æstatis initium atque finis licet ob particularia incidentia loci, tum & æquatoris maiorem vel minorem vicinitatem, non in idem tempus incidant: plerumque tamen annus sex fere mensibus ad humidum & totidem ad siccum vergentibus absolvitur. Adeo ut vel hinc etiam veritas Strabonis dicti confirmetur, nullum scilicet annum in Indiis inveniri utroque tempore sine pluviis. Et quidem ea ratione ut hic non, sicut in multis Africæ & Asiæ, ejusdem nobiscum latitudinis, oris, maxima exinde intensio & remissio æstus, sed nulla vel exigua saltem percipiatur, (sole licet Brasiliensium Zenith mense octobri & februario transeunte, radiosque secundum angulos acutissimos reflexis feriente terram). Quæ diversitas istarum regionum incolis ob crebras malacias noxiosque tepores interitum: harum contra ob dominatricem auram salutem promittit perpetuam. Unde facile est colligere, anni tempestates esse non tam immediate ex sole & astris eorumque motu æstimandas; quam ventorum specie & diversitate, regionisque qualitate ac situ peculiari. Eadem causa solennibus illis torridæ subfolanis vel favoniis reddi potest. Quin in locis istis mediterraneis paulo versus occidentem noctes non solum, sed & dies aliquando sunt frigidiores, quam in orientalibus littoralibus, usque adeo ut pruina aliquibus quandoque capillos riguisse constet. Etenim in Indiis cum multa sint admiranda, illud tamen vel inprimis videtur omnium physicorum ingenia superare, quod in eadem cœli plaga, solis accessu & recessu pari, iisdemque anni mensibus

„ ab

„ ab orientali parte quidem circa oceanum æstas & siccitas sit; ab occidentali vero trans juga montium & paludes Brasiliæ hiems, nebulæ & pluvia. Ut in tanta locorum vicinitate, quod ad rationem tempestatum attinet, iidem pene populi sibi mutuo antipodes videantur esse. Parallelum fere exemplum supra de India orientali relatum occurrit. Quam miram dissonamque naturæ varietatem atque alia ejusmodi, si quis diligentius apud se reputet, profecto intelliget, antiquos multa de æquinoctiali circulo & torrida zona falso opinatos esse. Cum contra quam Aristoteles & Plinius alique sunt arbitrati, non solum habitabile hoc clima, sed & temperatum ac fertile utique reddant tum rores perpetui, tum pluvie & jucundi a pelago flatus, dum vapores mane surgentes, qui nebulas tempestive discutunt, æstumque meridionalem temperant, ac soles purissimos & nitidissimos reddunt. Ac sicuti morbos Americæ endemios spasmos, catarrhos, hydropes, diarrhæas, dysenterias, inque primis luem Indicam seu veneream, commemorante *Pisone*, eosdem fere esse deprehendimus, quos in orientali India supra notavimus; ita & in medicis & medicamentis Americanis magnam cum orientalis auxillis Indiæ deprehendimus convenientiam. Illa enim balsamis nativis, tolutano, peruviano, oleis, mellibus non unius generis abundat, herbarumque & radicum medicarum & ad tutandam valetudinem potentium serpentariæ virginianæ, contrayervæ, corticis chin. chinæ, radicis chinæ, sarsaparillæ, pareiræ bravæ, ligni guajaci & sassafras, pluriumque aliorum ferax est. „ India autem orientalis atque occidentalis cum medicamentis omnium generum & ad omnem curandi necessitatem instructior sit, quam Medicis Rationalibus, mirum esse nulli debet, quod hæc ætenuis tam multa insignium virtutum recondita in sinu gerat quæ merito in lucem protrahantur, uti *Piso* iterum loquitur, cujus & hæc sunt verba: „Experientia, autorumque testimoniis constat, omnes passim Indiarum incolæ medicinam facere, & morborum notitiam ex symptomatibus venari, ac causis neglectis communi quadam animi notione eruere indicationes ex morbis, iisque satisfacere contrarium remedium opponendo. Et paucis interjectis: „Quantum vero septentrionalium terrarum incolæ Indiarum aromatibus aliisque medicamentis atque alimentis calefacientibus, ultra quam decet sunt dediti: tam e contrario Indi Aegyptiique nimis sunt proclives in vehementiora refrigerantia, immemores aut ignorantes, si par fuerit utrobique error in excessu, hunc majorem vitæ noxam minari. Nec dubium est, de Brasilia aliisque Indiarum locis recte dici, quod de Græcia olim *Homerus*: scilicet habere eam & suppeditare *Φάρμακα πολλά μὲν ἐσθλά, μεμυγμένα, πολλά δὲ λυγρά*. Interim seniores & exercitatioris eximii sunt botanici, facilique negotio omnis generis medicamina ex herbis undique in silvis conquisitis conficiunt. Idem vero doctissimus autor de vita Americanorum longæva sequentem loquitur in modum: „Perquam

E e e e 3

„ m4

„ mature pubescunt incolæ: senescunt tarde, idque sine canitie aut cat-
 „ vicio. Quo fit, quod longe ultra centesimum ætatis annum viridi sene-
 „ ctæ, non Americani tantum, sed & ipsi Europæi fruuntur totumque
 „ adeo territorium macrobium dici mereatur. Longe ab his diversa su-
 „ pra de Indiæ incolis orientalis propria autopsia edoctus commemoravi, cum
 „ quæ sequuntur illis per omnia congruant: „ Brasiliæ liberis viva-
 „ cissimi cum ventre duro sint & prominulo, solidisque toris, quamvis
 „ subucula tantum leviori induantur, nihilominus injurias cœli secure
 „ contemnunt. Rident matres ineptam nostratium in vestiendis & edu-
 „ candis parvulis industriam, qua perspirationem impediri & catarrhos
 „ multos generari ajunt. Nulli inter illos strabones, lusciosi, claudi
 „ gibbæ deformati inveniuntur: cum tamen infantes nunquam aut lin-
 „ teis involvantur, aut involuti fasciis Europæorum more ligentur,
 „ frigida frequenter lavantur. Idem provectioribus usitatissimum est: cum
 „ ob innatam genti munditiem, tum ob firmandam & tuendam corpo-
 „ ris sanitatem.

OBSERVATIO XXI.

*In Nautica, seu Classiariorum & Navigantium Medicina post spi-
 cilegium messis ampla relicta est.*

SCHOLION,

Indiam qui hodie utramque petunt, itinere maritimo eo plerumque
 tendunt & quidem satis diuturno & molesto, unde multi morbis correpti
 medicina indigent. Spicilegium hac in re fecerunt J. R. Glauberus &
 W. Cockburn, sed spicilegium tantum. Glauberus enim famen & sitim,
 ceu præcipuas navigantium molestias respiciens, utrique medelam, fami
 ex frumento concentrato & in mellis formam redacto, siti vero ex salis
 spiritu singulari arte confecto parare contendit. Cockburni vero libellum
 futuri tantum operis particulam esse, & nonnullas tantum de navigan-
 tium morbis observationes tradere, ex eruditorum Actis discimus. In
 ea vero, quæ Cl. Christiani Vateri præsidio a M. P. ab Asperen Hafniensi
 ventilata prostat de morbis Classiariorum & Navigantium, eorumque re-
 mediis dissertatione, tum horum causæ morborum ad liquidum perductæ,
 tum singulorum remedia indigitata sunt. Sunt autem ex tot causarum
 numero, in mortalium perniciem quasi conspirantium oriundi morbi,
 nausea inprimis, vomitus, omnis generis febres, scorbutus, variis stipa-
 tus symptomatibus, arthritidis, oculorum vitia non una, contusiones, lu-
 xationes, fracturæ & sexcenta alia mala, aeris vel frigidioris, vel cali-
 goris, aut impurioris & infectis scatentis, vel & victus culpa, & aquæ
 inopi-

inprimis puræ dulcis & recentis defectu miseris navigantibus infesta, mul-
 tis etiam funesta, adeo ut ex centenis navem in Hollandia ingressis vix
 unum atque alterum, ad caput usque bonæ spei, famosum illud Afri-
 cæ promontorium, nedum in Indiam saluum atque incolumen perve-
 nisse, verissimamque esse deprehenderim, quæ a nemine forsitan sine horro-
 re, ita ut a J. A. de Mandelsho relata sunt, leguntur: sub linea nempe
 æquinoctiali degentes, & solis ardore quasi exustos, aqua pura suffi-
 cienti destitutos, marina falsa, & ut plerisque cum Pisone videtur, in-
 sectis repleta utentes: non scorbutum tantum, dysenteria, & febribus
 malignis corripitur, iisdemque confectos satis cedere, sed & non paucos
 furore abreptos, & per læsam imaginationem se Reges, Principes, Dæ-
 mones existimantes, quin & anabaptistas & desperabundos se in mare
 præcipites dare. Hisce tot ac tantis malis medelam parare & undiquaque
 conquirere operæ erit pretium. Hinc Christianus Danicæ Rex seculi prioris
 anno quadragesimo commotus universo collegio Medico Hafniensi clemen-
 tissime injunxit, ut in commune omnes cito & studiose deliberarent,
 quomodo tot morbi & inprimis febres periculosæ & contagiosæ, quæ in
 Holmia inter nauceros regios tum temporis maxime grassabantur, curari
 & præcaveri possint, ut T. Bartholinus in Cista Medica fidem facit. Spi-
 ritum vini in regionibus putridis & in scorbutum, ubi sanguis ex nimis
 falso aere & cibo aciescit, ceti præstantissimum cum J. J. Bechero com-
 mendant plerique auxilium, illum vero noxium atque ex illius usu vel
 potius abusu scorbutum, ferinum, icterum, hydoprem aliaque mala con-
 traxisse nautas, Medici observarunt Dani, ut est in Actis Hafniensibus
 fusius relatam. Quin & in frigidis regionibus nautas, quibus plenus
 victus & abundantia spiritus vini data fuere, omnes ad unum subitanea
 & præmatura morte sæpe extinctos esse, e contrario vero Anglos alios-
 que casu ibidem relictos, & sola aqua miserrimisque offulis e balnearum
 reliquiis situ & marcore corruptis paratis per novem menses & amplius
 vitam servasse, & integra sanitate ad suos rediisse, ex M. Listero C. Va-
 terius observat. Quare Friderici Dekkeri consilium classiaris & navigan-
 tibus salutare & dignum visum est, quod labori præsentis colopho-
 nem imponat. Is enim vero artis usu præstantissimus quondam in Bel-
 gio Medicus præterquam quod theriacam sacram navigantium anchoram
 passim appellat, inprimis notandum judicat, nautis & qui per mare diu
 navigant, non tam spirituosam, volatiliam, quam acida vel subacida con-
 venire, imo inter medicamenta illis proficua oleum vitrioli omnibus pal-
 mam præcipere, item poma citria, limona & similia. Hæc vero omnia
 navigantium ærumnis mittigandis nequiquam sufficere, sed sufficientem
 aquæ dulcis copiam una cum carnibus recentibus & similis farinæ legu-
 minibus omnibus reliquis præidiis longe antefereendam, horum vero
 omnium asservationem in navibus diuturno itinere vectis, possibilem esse.

se, classes ex India reduces, & omni rerum ad vitam necessariorum apparatu sufficienti instructæ, neque adeo morbis expositæ satis, opinor, evincunt. Hanc vero messem ulterius ingredi merito veremur, qui spicilegium non messem facere constituimus. Quare & spicas colligimus, & hoc quicquid est operis aliis majori ingenii felicitate judicii acumen gaudentibus lubentes relinquimus.

FINIS.



BALT.

CCXXV.

BALT. JOH. DE BUCHWALD.

ET

FRIDERICI DE BUCHWALD.

OBSERVATIONUM QUADRIGA

HAVNIÆ.

Novemb. 1740.

Disput. Medico-Pract. Tom. VI.

FFFFF

P R O O E M I U M.

Macrocosmum infinitis fere lufibus varietatibusque microcosmus imitari solet. Ratio quoque non minus quam experientia didicant, leges eadem principiaque haud discrepantia vigere utrobique, & sagacibus naturae mystis in oculos incurrere, manifesto indicio creata haec omnia ex eodem emanasse fonte, eandem cuncta scaturiginem agnoscere: verbo, principium dari tantum unicum, illudque summum, ad quod omnia referenda. Atque, si sepositis argumentis, ex vastissimo scientiarum campo varie depromendis, tantum pensitationi subjiciamus hydrostaticas & hydraulicas leges, nec non desumenda ex mechanicis principia, adparebit facile iutelligenti, esse haec omnia in admiranda hominis fabrica, tanquam in compendio delineata. Posito vero, ex diversa legum principiorumque combinatione, variationes fere infinitas in macrocosmo reperiri, utique fatendum erit, observationes rite institutas & instituendas, multa insolita, curiosa non minus ac utilia, in corpore humano, tam in statu naturali, quam praeternaturali considerato, detexisse & adhuc detecturas fore. Autopsia enim quotidiana, hic recte dicitur magistra, praecipue si accuratis saepiusque iisdem sub circumstantiis institutis observationibus, fuerit innixa. Neque existimandum nulla nostro aevio observanda restare, quandoquidem adeo multa, forsitan etiam infinita dentur, quorum adequata destituamur aetiologia, atque de omnibus scientiis usurpari queat veriverbum, ab Celeberrimo Winslowio, Anatomicorum Coryphaeo, mihi saepius inculcatum: Pulchra quae videntur, pulchriora quae sciuntur, longe pulcherrima quae ignorantur. Caterum necessitatem heic observationum medico-physicarum ulterius confirmare, foret laterem lavare; quoniam nemini, etiam qui a primo ut ajunt limine scientiam medicam salutaverit, ignotum esse potest, salutarem hanc artem, tam originis quam progressus ratione consideratam, multum, si non omnia, observationibus debere. Dubius itaque non amplius hesi, quodnam dissertationis inauguralis loco, thema electurus essem, postquam Lutetiae Parisiorum uberrimam naetus fueram occasionem, varia defunctorum corpora, examini anatomico practico subicere, quo observationes mihi jam antea notas stabilire, ampliusque confirmare, ignotas vero notis addere majori cum fructu liceret. Ex illis praesenti hac dissertatione, quatuor praeceteris notatu dignas, pro virium modulo in medium prolaturus sum: quarum Ia. gradum haud minimum congestionis, inflammationis nec non viscerum abdominalium coalitionem seu in unam massam concretionem, delineavit. Ila. hepar monstruosae magnitudinis cum circumstantiis admodum singularibus, sistet. Ila. Universalem nobis observatam arteriarum in ossa transformationem, proponet. IVa. Denique qualemcunque de sacco cerebri membranaceo, colophonis loco annectam,

nectam, & eruditorum ulteriori relinquam pensitationi. Cum vero omnia ordo, dummodo cum natura rei conveniat, sit arbitrarius, ideo talent quidem in presentia eligere in animum induxi, quo videlicet facilius tres priores casus, ad classes morborum ætatis referrentur. Faciam itaque periculum remque aggrediar, periculum licet in tam ardua re ipsemet subiturus: atque in antecessum summum illud celi terræque Numen supplex veneror, ut non solum veras rationes assequi, sed expositionem etiam earundem dilucidam & perspicuam, recte exsequi, largiatur.

OBSERVATIO I.

ANNO 1740. Infans quinque circiter mensium, carne potius quam lacte nutritus; febricula quotidiana corripiebatur, sponte tamen propemodum, præterlapsis vix quatuordecim diebus cessante. Ast nono postea die, febris quotidianæ paroxysmis frequentibus cum insomniis summaque inquietudine, de novo adiciebatur. Sequebatur mox ingens virium prostratio tandemque tendinum subsultus: cumque infans nil nisi frigidam adsumere vellet, ex deficiente appetitu, carnis etiam usum respueret, tandem decima circiter die medicus accersitur. Hic vero nimis tarde vocatus, fatebatur, contra vim mortis non esse medicamen in hortis, adeoque e vita excessit infans die insequenti septimo. Cadaver mihi postea casu oblatum, ad Angiologiæ instituendam repetitionem, & quidem a vasorum injectione auspicandam. Verum laborem aggressus, irrita omnia deprehendi: etenim obstructions in abdomine, viscerumque omnium in unam massam coalitio, ad eum fuere evecta gradum, ut liquor injectus vasa primaria vix penetrare potuerit, sed hinc & inde in cavitatem abdominis evacuatus & coagulatus, primo statim adpareret adspectu. Ideoque nec vasa nec viscera poterant investigari, quia, sicut deprehendebam, peritonæum, diaphragma, omentum, hepar, lien, ventriculus, totusque canalis intestinalis, una cum mesenterio ita inter se cohærebant, ut non nisi violenta omnium dilaceratione a se invicem divelli potuerint. Aderat cerebri inflammatio & pulmones intimam cum pleura formabant unionem: verbo, omnia viscera abdominis connexa & in unum corpus coadunata observabantur. Accedebant etiam hinc & inde inflammationis vestigia.

ÆTIO.

ÆTIOLOGIA.

§. I.

HOminem totum a natalibus esse morbum adseruit quondam Democritus apud Hippocratem in *Epist. ad Damag.* qua vero ratione, haud facile constat, si de corpore debita sanitate prædito hoc adsertum statuere velimus. Attamen hoc certum atque evictum manet, hominem innumeris morbis, sub variis schematibus se exferentibus posse affligi, adlatamque Democriti sententiam valere, quantum ad humani corporis dispositionem organicam & crasin humorum, post lapsum naturaliter ad morbos proclivem. Corporis in morbos proclivitas omni equidem ætati communis, sed non eosdem semper producit morbos, neque omnes ob hanc proclivitatem ægrotudinibus infestantur: multi quippe a congestionibus, inflammationibus, febribus &c. immunes vivunt. Hoc tamen in genere observare licet, nonnullos morbos infantibus, alios vero junioribus, & adhuc alios adultioribus & ætate provectionibus esse communes, ut taceam differentias ratione temperamentorum, vitæ generis, sexus &c. Non exigit instituti ratio varios per diversas illas ætates recensere morborum adfectus: sufficiat indicasse congestiones diversas ratione loci, aut versus caput, aut circa pectus & abdomen contingentes, hincque uni ætati præ alia magis proprias, notiones satis adæquatas suppeditare, ad ætatum morbos rite intelligendos & distinguendos. His positis, nonnulla principii loco, de congestione, versus caput ut & inflammatione, ætatem infantilem respicientia, erunt præmittenda; ut nempe eo melius observationis præsentis pateat scopus, non quidem in novæ protus, sed insolitæ cujusdam rei allegatione consistens. Etenim id minime intendimus, ut exemplum congestionis & inflammationis, tanquam novi aliquid proponamus, sed tantummodo effectum earundem ad *ακμην* provectum, omnem eludere medelam, demonstramus, simulque in memoriam revocemus, quanti intersit, ejusmodi occurrentibus circumstantiis, methodo juxta principio ob stare.

§. II.

Considerata diligenter molliori in junioribus præ adultis cerebri compage, in aprico erit, resistantiam in illis cerebri minorem quam in his esse. Jam vero neminem facile latebit, directionem fluidorum, majorem fieri versus locum minus resistantem; unde etiam patet congestionibus affligi juniores, præ adultioribus. Cum itaque congestionis voce indi-

F f f f f 3

cetur

cetur iusto major sanguinis ad partem unam præ alia adfluxus, qui, si versus caput fiat, veluti ordinarie observare licet in infantibus, resultabit hinc extensio vasorum, stipata cum compressione nervorum cerebri, haud raro ad totum genus nervosum se extendente, propterea etiam morbos inde resultantes & infantibus familiares, ad classem morborum primæ ætatis esse referendos statuo.

§. III.

Jam vero ejusmodi ex congestione oritur etiam vasorum capillarum infarctus, tandemque ob continuum sanguinis affluxum pars ejusdem rubicunda, vasa sic dicta lymphatica arteriosa, intrare cogitur, unde partis adfectæ rubor tensioque dolorifica. Hunc autem ruborem cum dolorosa tensione, nominamus inflammationem. At inflammata alicubi parte aliqua sanguifera, vicina sana ab ingurgitatione premitur: hincque præsentem nostro in casu animadvertere licet, inflammationem majus in spatium increvisse, nam sanguifera inflammata respectu sanorum vicinorum, vices obeunt corporum durorum, aut tensorum & comprimentium. Licet autem ad inflammationem producendam fieri soleat ingurgitatio in exilibus sanguiferis primario arteriosis, adeo ut hinc successive etiam vasorum lymphatico-arteriosorum oboriatur infarctus, non tamen inficiandum existimo, etiam alium inflammationis modum, remedia longe alia quam ordinaria expostulantem, dari posse, quando nimirum lymphæ ductus primo, vasa autem sanguifera tantum consequenter & tractu temporis ingurgitationem patiuntur, sicuti observatur in lue gallica, in tumoribus frigidis, scrophulosis &c. quale, quoque exemplum præbent meliceris, steatoma aliæque tumorum species: verum de ejusmodi inflammationis modo non hic sermo.

§. IV.

Latex vitalis qui omnia nutritioni secretioni &c. necessaria offert, peccare potest aut quantitate aut qualitate perversaque crasi, atque ideo innumeris morborum varietatibus portam pandere. Nimiam enim ob quantitatem, sanguinis lentor cum subsequenti spissitudine & visciditate ob abusum præcipue sex rerum non naturalium oboriri solet. Uti vero nervi in infantibus majoris comparative sunt diametri quam in adultioribus, sic & idem de vasis sanguiferis, teste frequentiori autopsia, dicendum venit.

Diameter vero vasorum major evadit ob quantitatem sanguinis ea extendentem, certo indicio majorem comparative dari in teneriore ætate sanguinis copiam, excedentem facile, si adhuc lactentibus concedatur frequens carni &c. esus; nam ex eo status infantum, naturaliter ple-

plethoricus, non tantum augetur, majoremque producit in cerebro vasorum dilatationem, ad compressionem usque texture subtilissimæ cerebri; verum etiam obstructio primarum viarum, secretiones & excretiones turbans, perquam facile oborietur.

§. V.

Si itaque lactens tali in statu constitutus, ut effectum congestionum versus superiora persentiscere, primarumque viarum obstructions pati, maxima cum inquietudine cogatur, & hoc non obstante, parentes ex præjudiciis maxime erroneis, sed in Gallia sane haud raris, tenerrimos infantes alliciant, invitent & quovis modo ad esum aut potius abusum carni, fructuum &c. excitent, quid mirum ex duplici hoc fomite, congestione puta & obstructione, quotidie adaucto, tandem inflammationem partium aliæque infinita redundare mala. Quibus tamen raro medela paratur ab initio, sed morte imminente, medici efflagitari solet consilium, adque ejus jussu omnia fiunt, agnoscuntur, damnantur, & quovis modo evitantur errores in Dieta &c. commissi: non amplius porrigitur infanti in febrili paroxysmo frigida loco potus, summa a carni esu observatur abstinencia &c. sed omnia incassum eventumque plane irritum, quemadmodum allata satis docet observatio, nam *mala per longas invalere moras*. Cerebri interim augetur inflammatio, viscerum nobiliorum sufflaminantur aut omnino sistuntur secretiones, sanguis qualitate etiam peccans, glutinositate sua, stagnationes vasa capillaria nimium dilatantes, partiumque fere omnium solidarum mollium, concretiones præternaturales, producit, tandemque stasis cum infrequenti morte, scenam claudit.

§. VI.

Possit forte quis revertere, generalem adeo vix fieri viscerum in unico subiecto labem, conjunctam cum universali & præternaturali eorundem coherentia, utpote cum non in instanti sed successu temporis hæc fieri queant, & antequam ad illam concretionem pervenirent, potius vasorum capillamenta rupturam paterentur, ita ut præcedere circulationis cessatio ipsaque mors deberet. Verum hæc ea ipsa sunt nimirum, quæ prima hæc evincere nostra poterit observatio, quæque ut eo magis elucescant ex allatis in §. 4. ulterius probanda veniunt: suppono itaque, majorem comparative dari in infantibus sanguinis quantitatem quam in adultis; hinc addo, naturaliter inde consequentem partium solidarum & mollium turgescientiam, infantibus, ceteris paribus, haud denegandam, quippe quam experientia, ni fallor, in aprico posuit; deinde transpirationem insensibilem & quo ad partes internas, majorem in tenelli fore ætate

ætate quam comparative in alia; consequenter etiam infantes majoribus similiter esse instructos poris, quod & ipsum eorum ad sudores pronitas ut & autoplia comprobant. Casus itaque præfens si attente consideretur, videre facile erit adfuisse congestionem versus superiora, ut & obstructionem viscerum nobiliorum, hincque imminens tandemque existentem debitum secretionum defectum. Per hunc sanguis sensum spissioris indolis evadit, adeo ut secedentibus successive partibus serosis a parte lymphatica, naturæ gelatinoso mucilaginosæ, sanguis magis reddatur mucosus & glutinis instar glutinosus, similemque viscerum transpirationem producat. At talis glutinosa sanguinis indoles, non dimittitur sed potius augeri videtur abusu sex rerum non naturalium, præcipue si lactentibus varia carniū genera indiscriminatim concedantur.

§. VII.

Si itaque in infantibus major vasorum diameter, vasa etiam plus sanguinis continebunt, & consequenter sanguis in toto complexu sumptus, majori existet comparative copia. Ubi vero hæc adest partium turgentia ceteris paribus, majorem transpirationem per apertiores poros requirit. Jam vero sanguine existente glutinoso, transpiratio, quæ in visceribus continuari potest sub specie transpirationis insensibilis, evadit, imprimis sub quiete corporis, magis, glutinosa: ergo transpiratio insensibilis glutinosa, sit genuina dictæ coalitionis omnium viscerum causa: ergo infantes carne potius, quam lacte debito, nutriti, ad talem omnium partium coalitionem, præ adultioribus magis dispositi existimandi: ut taceam, me casus similes in infantibus observasse, nunquam vero in adultis.

Ex dictis simul dispalescit, qua ratione viscera hinc & inde inflammata fuerint. Spissitudo enim, ad quam pronus per se est sanguis, fuit adaugeta, unde sanguinis lentor inducens obstructions, capillarium non minus quam vasorum lymphaticorum arteriosorum, ideoque necessarius effectus, qualis est inflammatio, juxta definitionem §. 3°. allatam, non potuit non oriri.

§. VIII.

Jam denique posset quis exposcere, ut febris, de qua antea locutus sum, curationem, quomodo nempe ea fuisset instituenda, annecterem. Verum eam vix, ac ne vix quidem, ipse medicus Parisiensis, qui spiranti adhuc ægro adstitit, utpote non sub prima morbi initia, sed imminente demum morte advocatus, dederit. Ipsam autem, quando præforibus stat, humani generis vastatricem debellare, vinculumque illud natu-

naturale inter animam & corpus restituere, fateor artem esse, cujus neque ille neque ego mysteriis initiati sumus, soli omnipotenti medico relinquendam.

Interim existimandum judico, medicum ordinarium multa potuisse præstare dummodo statim sub morbi initium fuisset vocatus. Signum enim boni ominis erat, febrem præterlapsis circiter quatuordecim diebus, sola a carnis usu abstinencia & quiete, nullis aliis adhibitis remediis, sponte evanuisse. Hoc scilicet est quod haut raro optimi dicere solent Practici, his verbis, *abstinencia & quiete, multi magni morbi curantur*: & profecto non dubitandum, prima accedente febre, singularis fuisse efficacæ abstinencia ab esu carnis, adhibitis simul legitima methodo, remediis sanguinem diluentibus, incidentibus, nec non temperantibus, interpositis ante inflammationem lenissime laxantibus rhubarbarinis &c. partim ut inspissatus glutinis instar sanguis resolveretur, resolutus attenuaretur, & ab obstructionibus primæ liberarentur viæ, ita ut humores, nimiam eamque glutinosam viscerum &c. transpirationem, excitantes, ab hoc tramite desistendo aliorum vergerent & eliminari possent. Inter diluentia, hoc in casu tanquam primarium refero lac nutricis, minoris consistentiæ, seu debita gaudens fluiditate. Officium enim medici est, non tantum nimiam lactis disuadere ingestionem, sed & lac nimium nutriens ab alio minus tali discernere posse.

Ad temperantia & incidentia pertinent nitrosa item salia neutra, uti arcanum duplicatum, tartarus vitriolatus aliaque salium genera.

OBSERVATIO II.

Mense Jan. Anno 1739. Subiectum quoddam, (ut solent loqui anatomici) sexus feminei, quod quinquaginta annos natum, diem obierat supremum, ad theatrum anatomicum Parisiense defertur: mihi que id petenti ad cursum instituendum myologicum offertur.

Primo statim intuitu, regiones, epigastrica, umbilicalis & hypogastrica, tumoris instar insignioris elevatæ & durissimæ, sensibus sese manifestabant, adeo ut totum fere abdomen induratum ab adstantibus haberetur.

Detectis musculis abdominalibus remotoque peritoneo & epiploo, tractum intestinalem, nondum mihi videre licuit; at remota mole incumbente sub qua reliqua latitabant viscera, deprehendi lienem una cum arteria splenica, exiguæ tantum formæ, ventriculum vero & intestina, licet pressa, tamen illæsa & ordinariæ magnitudinis. Renes in statu naturali & copiosa pinguedine obvelati adparebant. Contra ingenti mole conspiciebatur ipsum hepar, coloris ex flavo albi, nullam in peripheria

cholidochi & duodeni demonstrans alias solennem flavedinem, ab bilis transudatione oriundam.

Nobile id viscus adeo forma, mole & duritie erat adauctum, ut inter commilitones meos quamplurimi, an esset etiam hepar, hæsitationem; attamen figura molis, ejusdemque situs, & connexio, clare satis id indicabant. Examini ulteriori subijciendo viscus pergrande, & duritiei insignioris, observavi venam portæ in hac dura substantia, inclusam & vacuum, ductum hepaticum, cysticum & cholidochum, comparative fuisse exiguæ diametri; vesiculamque felleam, parietibus suis ob omnem bilis defectum, albam, adeo parvam atque hepatis impressam, ut primo intuitu, visum fugeret, vena cava etiam in hepate cujus sit mentio, minor observabatur: e contrario arteriæ hepaticæ diameter multum excedebat diametro naturali: vasa lymphatica ordinario in superficie hepatis conspicua vix inveniri poterant. De cetero subiectum seu cadaver de quo loquimur, non erat emaciatum, copiosa quippe pinguedine, muscoli, magnitudinis satis conspicuæ, erant obtekti.

Æ T I O L O G I A.

§. I.

ANtequam ad exempli pensitationem me accingam, in antecessum præmonendum erit, respicere ipsum ætatem provectiorem, seu quod idem est, ad classem congestionum versus abdomen abortarum referendum esse; cum vero doctrina de congestionibus in variis, variorum rosciorum in arte, scriptis, accurata satis tradita extet, ideoque in eadem fusius enucleanda & repetenda, supersedere omni opera possim; ea tantum in medium prolaturus sum, quæ ad casus præsentis dilucidationem & uberiores investigationem inservire poterunt: non equidem eo animo, quasi novi quid orbi literato obtrudere velim, cum sufficiat mihi, fideliter ea tantum attulisse, quæ ex frequentiori extispicio & examine cadaverum, me autopsia edocuit: ætiologias interea tam præsentis quam subsequæ casus, ad theoriam medicam ut & praxin haud omnimodo inutiles, maturo judicio & ulteriori investigationi L. B. relicturum.

§. II.

Suppono ut jamdudum notum demonstratumque, bilem per ductum cholidochum, ad sic dictum intestinum duodenum pervenire, ibique cum chymo misceri, ut idem melius incidatur, misceatur intime, & huic ideo sit insar saponis, adeo ut partium heterogenearum coagulatio, aliave

aliave minus convenientia, non fieri, aut si facta, cessare tollique queant: sicuti contingere solet in ventriculo capreoli, lacteam fere semper continente materiam coagulata, quam tamen nunquam in duodeno invenire licet: manifesto indicio, mutationem subire lac hujus animalis, quam primum bile permiscetur in duodeno, uti & idem facere solent alia amara; hincque lac china chinæ coctum, haud facile in coagulum aut acidum mutatur.

§. III.

Bilis, communi omnium consensu, in hepate a sanguine venæ portæ plenarie secernitur, & per ductum hepaticum partim deferitur ad cholidochum, partim vero ut dicitur, regurgitat per cysticum ductum in ipsam cystidem. Jam licet prius certum & evictum maneat, posterius tamen statdere velle, vetant partim naturalis folliculi structura, partim frequentissima a me aliisque instituta experimenta: inter quæ unicum, sapissime reiteratum, incidenter allegasse modo sufficiat. Nimirum, nunquam observavi, quod ex cholidochi injectione arte instituta, subsecuta fuerit minima repletio vesiculæ felleæ: aut injectione frequentiori ductus hepatici, semper videre licuit, vesiculæ peculiare ductus liquore repletos, certo satis indicio, bilem non per cysticum ductum regurgitare, sed longe alia via, nimirum per memoratos ductus singulares, majores in superficie vesicæ, minores vero prope hepar adparentes, ad folliculum dictum deferri, ibique ob tractam moram, amaritudine & consistentia majori pollere. Quæ cum ita sint, explicatu alias difficillima observatio, evadet facillima: quomodo nempe calculo nonnunquam laborantibus, obstructo vesicæ felleæ collo, fundo vero vesicæ aperto, bileque cystica evacuata, tamen nova bilis ex vesica, per vulnus in hypochondrio dextro abortum, jugiter fuerit exonerata.

Probabile ergo erit, bilem secerni partim in hepate, partim vero in folliculo dicto: qua occasione formari præterea posset quaestio: quomodo in vesicula secernatur? Similiter, an secretio bilis fiat ibidem a sanguine venoso? An vero ab arterioso? Ast hujus loci non est hisce diutius immorari, adeoque uberiores horum discussionem, ad aliam reservaturus occasionem.

§. IV.

Porro ratione structuræ & mechanismi ea ulterius indaganda veniunt, quæ ad statum hepatis naturalem pertinent, in quantum ad intelligendam casus præsentis sciagraphiam, necessaria judicanda. Naturalis hepatis mechanismus quemvis facile docuerit, nobile istud viscus præ aliis adfici, morbisque posse innumeris portam pandere. In aprico quippe positum,

litum, sanguinis per vasa motum, iis potissimum in visceribus fore omnium & tardissimum & difficillimum, in quibus secundum naturam, integritate corporis atque salute quam optime vigente, vi legum mechanico-hydraulicarum lentius ferri solebat, hocque eo consilio, eumque in finem, ut biliosus latex, qui profecto humor est omnium uspiam a sanguine secernendorum & crassissimus & ponderosissimus, in hoc viscere eo facilius & commodius a sanguinis consortio segregari queat. Cum itaque naturalis hepatis structura bilisque dispositio, ita sint comparatæ, ut sanguis materiam bilis subministrans, lentore quodam peculiari segregationem a parte biliosa, ceu crassiori & ponderosiori, pati cogatur, ideo quoque evidens esse judicandum, quod si videlicet ex nimia congestione versus abdomen, huic ætati præprimis solenni, sanguinis naturalis rythmus sufflaminetur, antequam aut venosus ad venam portæ pervenerit, aut arteriosus ad arteriam hepaticam fuerit delatus, quod inquam exinde latex vitalis vi legis hydraulicæ, eo vergere debeat, ubi minor se ei opposuerit resistentia; utpote congestione hepatis nondum supposita, & liquidis se comprimi non patientibus.

Hinc si nullus adhuc versus venam portæ aut arteriam hepaticam infarctus adfuerit, necessario vitalis humor, majori copia & celeritate, ad hepar deferri debet: ex tali vero congestione resultabit hepatis infarctus, & tandem obstructio. Hanc autem causam memorati mali fuisse, a posteriori liquido satis constat: utrum vero sanguis arteriosus, aut venosus, ansam huic congestioni hepatis dederit, ambiguum satis videtur.

§. V.

Jam ut circa hoc morbi exemplum mentem aperiā meam, eo deveniendum erit, ut vi oppositorum casum præternaturalem æqua lance, & qua fieri potest, brevitate, ponderem. Notum est per antecedentia, majores fieri in ætate virili versus abdomen congestiones, quam in ætate juvenili, in qua humores magis versus pectus ferri solent. Hinc & ex dictis satis constat, ætatem illam procliviorē esse ad obstructions viscerum præcipue ad hepatis inflammationes: ut orientem ex congestionibus ejusmodi colicam, icterum, nephritidem, hydropem, inflammationem uteri, aliaque silentii peplo involvam. Ad instituti rationem sufficere videtur, structura & mechanismus hepatis ut & doctrina de congestionibus: ad intelligendam scilicet obstructionum in hepate facilitatem, quemadmodum præter alios egregie confirmatum dedit celeberrimus Stahl in *diff. de vena portæ, porta malorum*.

Majoris vero momenti erit ex probabilibus determinare, unde dicti hepatis infarctus originem traxerit. Verum hic Rhodus; hic salta; nodum quippe hunc gordium solvere difficile & arduum reputandum, utpote cum omnes causæ, a priori deducendæ, ratione temperamenti, vitæ

vitæ generis, matrimonii, morborum prægressorum, statusque defunctæ ante mortem, me lateant fugiantque. Hoc tamen non obstante, ea quæ a posteriori quoad statum hepatis allati, aliquomodo dijudicari & probabiliter concludi possunt, in medium proferam.

§. VI.

Subjecti de quo quæstio, si consideremus habitum corporis externum, minime adparentem macilentum, haud a vero abluere videtur, mulierem, dum inter mortales versaretur, lautiori gavissam fuisse victu; adde quod forte etiam more sequioris sexus, vitam degerit, sedentariam, hocque modo plethoram exinde enascentem evitare non potuerit: ut alia incertiora silentio prætereā. Verum enim vero plethora in se considerata licet ab initio nihil mali portendat, successu tamen temporis, sufflaminato præcipue tributo lunari, multis idque sæpius diris portam pandere solet adfectibus: quales dici possunt varii adfectus hysterici, febris continua, tertiana, lactea &c. Inflammationes uteri, hepatis, ventriculi, lienis nec non cacoehymia, eamque præter jam enumerata, concomitantia mala.

Sanguis enim abundans successive vasorum adauget diametrum, hincque mutua & inæquali pressione inter solida & fluida, partium æquilibrium seu tonus, plus vel minus in hac vel illa parte destruitur, tandemque liber sanguinis cursus facile sufflaminatur in uno alterove loco: quo fit, ut cogatur ad locum magis patulum, seu minus resistentem, resilire sanguis, aut devchi, tumque exoritur status communiter dictus præternaturalis.

§. VII.

De hepatis statu præternaturali ejusdemque stupenda magnitudine, etiam ad pondus usque 12. 18. imo 27 librarum: conferantur *Ephemerides* G. N. C. præcipue Dec. I. A. I. obs. 129. pag. 288. item Dec. 3. A. IX. & X. obs. 241. pag. 424. item Dec. I. A. VI. & VII. obs. 219. pag. 321. item Dec. I. A. IX. & X. obs. 139. pag. 311. item Dec. II. A. VI. obs. 203. p. 412. Præcipue vero refertur, hepar magnitudine excedens, fuisse causam respirationis difficilis, indeque subsecutæ suffocationis lethalis: Dec. II. A. II. obs. 15. pag. 39. *Jaqu.* Post tantum exemplorum illustrantium numerum prolatum, si quis ratione observationis a nobis nunc adductæ, sedula mente trutinare velit: nutritionem totius corporis non defecisse, colorem hepatis non retulisse inflammationis criterium, & tamen stupendam adeo in molem exerevisse hepar, hærebit forsitan animus in ferendo de tota re judicio. Attamen

unicum, quod relinquitur quodque speciem probabilitatis suppeditare valebit, erit me iudice sanguinis arteriosi major iusto adfluxus.

Jam vero communis est omnium consensus, arteriam hepaticam nutritioni hepatis primario esse dicatam: notissimum etiam est, quod latex vitalis non deferatur ad hepar, nisi per arteriam hepaticam & venam portæ, (licet arteria gastrica, ramum haud infrequenter emittat ad ipsam hepatis substantiam) aut aderat coarctatio venæ portæ, in ipso etiam a quamplurimis dicto sinu, diametrum illius valde diminuens, adeo ut ista compressione sanguinis per venam portæ, adfluxus non modo impediatur, sed & bilis secreta, successive per cysticum ductum ut & hepaticum in cholidochum, ita ut nihil fere bilis remaneret, excerni debuerit. Et si profecto unquam, bilis per cysticum ductum in vesiculam regurgitaverit, hic nullatenus potuit; quod vel ejusdem exiguitate nec non compressione potuit.

§. VIII.

Elegans, & ni fallor haud contemnendum, quodque ad præsentem observationem referatur, exemplum, præbet jecur anserinum. Peregrinis enim in regionibus, ubi anseres exquisitè solent saginari, (*die mit Nüdeln gefüttert*) sæpius curiositate allectus, hepar unum alterumve anserinum adspexi & examinavi, semperque fere hepar in grandiolem molem adauctum, observare licuit, coloris ejusdem ac erat hepar, de qua agimus, humanum.

Et allatis, ut veritati quam maxime consonis, luce meridiana clarius ut puto evadit, quod salva veritate, statui possit, veram hujus mali originem a nimio sanguinis per arteriam hepaticam affluxu merito esse derivandam. Hoc vero si *insicias ire* cuidam libuerit, in illum procul dubio onus incumbet docendi ac ostendendi, undenam major ille ordinario arteriæ hepaticæ diameter? Cur stupendam adeo in molem excreverit secretioni bilis dicatum viscus, adeo ut nullum bili vestigium fuerit relictum? Et quæso, qua via deferatur latex vitalis ad hepar? Vix datur tertia inter arteriam hepaticam & venam portæ. Aut hæc erat coarctata, una cum ductu hepatico, illa autem diametrum superabat naturalem: manifesto indicio, hanc, utpote hepatis nutritioni inservientem, genuinam hujus singularis metamorphoseos fuisse causam, si non primariam & efficientem, tamen occasionalem, mutantem officinam bilis in cellarium largissimum, seu promum condum, totum nimium nutriens hepar, hocque ad eum usque gradum, ut tandem immanis & monstrosa moles, vasorum infarctus, præternaturalis durities, scirrhus haud multum dissimilis, fortasse etiam suffocatio lethalis, non potuerint non inde resultare.

§. IX.

§. I X.

Ne vero dissertationis limites transgrediar, unius tantummodo rei adhuc mentionem injiciam: quod videlicet vix inducar ut credam inflammationem jecoris in casu, de quo sermo est, extitisse. Certum enim atque evictum est, omnem partis inflammationem, præcedentem habere vasorum infarctum, aut hunc non ideo semper subsequi inflammationem: certissimo indicio, infarctum a causa allata inductum, diu posse existeri sine inflammatione. Interea nullus dubitans, libenter concedo, si existente in vivis adhuc ægra, vel minima exorta fuerit inflammatio loci memorati, non tantum, uti probabiliter in dicto casu, aliqualem dolorem, sed & summos dolores & cruciatus in regione hepatis ejusmodi inflammationem peperisse. Hæc vero neganti parata statim erit responsio: verum quidem esse quoad congestiones a vena portæ obortas, aut a vero omnino abluere quoad congestiones, infarctus hincque resultantem inflammationem ab arteria hepatica productam. Talem quippe duplicem statuendam esse inflammationem, judico, innixus argumentis tam a priori quam a posteriori, depromptis.

His limitibus circumscriptus, corollarii saltem loco subnectam; quod in danda morborum abdominis ætiologia & prognosi, haud quaquam præcipitem se gerere conveniat, vel in adstruenda vel in neganda hepatis inflammatione, siquidem aut obtusus aut summus, versus hepatis regionem observatur dolor.

Præterito anno Lutetie Parisiorum ejusmodi casus se offerebat. Egroto quodam de summo dolore in dextro hypochondrio conquerente, cui & aliquod adjunctum per intervalla, delirium, chirurgus firmissime contabat dolorem istum angoremque non esse adscribendum hepati, ob substantiam hujus visceris parenchymatosam: medico tamen contrarium statuente. Tandem, ubi vitam cum morte æger transmutarat, hepar inflammatum deprehensum,

§. X.

Tradita adfectus sciagraphia nec non proposita qualitercunque ejusdem ætiologia, per se patebit quod simili in statu constituto alii cuivis ægro-tanti, dari vix aliquod consilium in arena possit. Exemplum quidem allegantur quæis docemur, fuisse interdum partem hepatis ablatam, ægro etiam superstiti. v. g. in *Ephem.* N. 6. Cent. X. obs. 49. pag. 339. seqv. refertur vulnus, cum amissione magnæ portionis hepatis, curatum.

Verum totius hepatis excisio *ἀνύστεν* & remedium crudele nimis reputanda, partim ob insigniora vasa, partim ratione capsulæ Glissonii pri-

primaria hepatis vasa ut & nervos, investientis. Quid itaque tali in casu conclamato faciendum, non video, nisi exacta & rigorosa Dieta, remediis simul stipata diluentibus, loco curationis palliativæ, ut etiam ab initio, instituat & ægrotanti severe iungatur. Sicut enim abstinentia multorum ciborum, adjuncto insuper motu corporis, omnes reddere emaciatas partes valet, similiter & existimandum aliqualem exinde posse effici hepatis, ratione molis diminutionem.

OBSERVATIO III

GAlliam cum primum ingressus essem Anno 1737. atque de arteriis ossibus, nonnullorum adserta audivissem, videbar mihi non posse rectius judicare, quam si ad commenta referrem; certe plenam narrationi habere fidem non potui. Eodem vero anno Celeberrimum Winslowium Præceptorem meum in anatomicis summo opere Venerandum, Lutetiae Parisiorum hac de re interrogavi. Is ut quæstioni meæ satisfaceret adleveravit, se aortæ ossificationem, licet raro observasse.

Sequente anno, mense Decembri fortiore edoctus argumento, victas dare manus cogebar, ipsemet quippe in cadavere ad myologiam destinatus, omnes arterias, præterquam in cerebro, ossneas deprehendebam.

Viri ætatis decrepitæ cadaver mihi concedebatur. Ad musculos abdominis plene perfecteque detegendos, cum me accingerem, quandam hinc & inde insolitam in musculis resistentiam offendebam. Mox meliori licet rem aggredienti instrumento idem mihi accidebat, adeo ut certum aliquod punctum infra umbilicum, super rectum dextri lateris musculum sese offerret, ubi non nisi secundo aut tertio scalpelli ictu, integumenta separare poteram. Attentus ad hanc rem, tamen nihil adfirmare decrevi, nisi quod directus arte culter detecturus foret. Investigavi itaque ulterius dictum locum, & inopinato deprehendere mihi licuit, ossificatam arteriam epigastricam etiam in ipsa musculi recti substantia.

Adstantes permulti, admiratione & evidenti desiderio perculsi, idem mecum examinabant. Postero die aperta cavitate abdominis invenimus arterias iliacas ossificatas unacum ipsa corporis humani maxima arteria videlicet aorta, & ex illa orientem celiacam, gastricam, hepaticam, splenicam nec non mesentericam, superiorem & inferiorem: tametsi eadem ipse arteriæ, quoad eorundem ramos & distributiones in visceribus, tantum cartilagineæ hinc & inde videbantur; quemadmodum præcipue in hepatis substantia mihi adparebat, hanc enim incidendo resistere quidem, sed minus obstinate, nec non hinc & inde lenissimum strepitum edere sensibus percepi, adeo ut nonnullis in locis hujus visceris, ramificationes, non perfecte sed ferme ossæ judicarentur. Aperto thorace de-

rectis-

rectisque aliquomodo colli musculis, in conspectum prodibant ossæ arteriæ, aorta scilicet, ut & arteria pulmonalis, non exceptis carotidibus, præcipue externis aliisque per totum colli tractum. Hæ ultimæ etiam difficulter & frustulim a me abscindebantur; cum alioquin colli nonnullarumque aliarum, laringis pharyngis ut & linguæ, musculos, vix elaborare concinne potuissem. Notandum interim, aortam in loco, ubi ex sinistro cordis egreditur ventriculo, ut & in magna sua curvatura, cartilagini haud multum fuisse ab similem; licet altero in loco, ubi nondum dicta definit curvatura i. e. ubi emittitur Carotidum arteria sinistra, maxima hæc corporis nostri arteria, verum constituere os inciperet. Istud vero os solidum, cum ramificationibus itidem ossibus, per totam corporis peripheriam sese distribuendo, continuabat usque ad ultimos extremitatum recessus. Cor adspexi sed non inspexi quia me inficio & invito auferebatur.

Attentionem meretur, unamquamque arteriam ab aorta ortum ducentem, interstitiis transparentibus, & versus extremitates, circularibus, scaterere, in quibus nec cartilagineæ nec ossæ, sed nude membranaceæ adparebant arteriæ; interim tamen dissecta seu aperta per longitudinem arteria, interstitia dicta, sex aut octo linearum diametrum, constituentia, fuisse hinc & inde punctulis albis, duris & distinctis, arte quasi factis, notata. Celeberrimus Dominus Ferren, Doctor Regens Parisiensis, in demonstrationibus suis anatomicis contendebat, memorata puncta ulteriorem ossificationis progressum, indicare. Pulmonum in lobo sinistro, materiam calcariam, friabilem, lapilli instar triangularis acuti, reperiēbam. Ramificationes arteriæ pulmonalis partim cartilagineæ, partim vero uti & bronchia, ossæ, mihi videbantur. Singulare tamen erat, quod extremitatum arteriæ, quo magis ad manus & pedes accedebant, eo magis ossificatæ fuerint, hocque ad impletionem fere cavitationis plenariam, crinis diametrum vix superantis. Miraculum cuiusvis, talium curioso demonstrare ad oculum potis sum: quippe qui ablatam inde ipsam illam aortam, una cum iliaca, nec non totam arteriam cruralem usque ad furalem & tibialis arteriæ finem, adhuc servo-

ÆTIOLOGIA

§. I

ANtecedenter quam brevissime annectere consultum duco, aliorum Celeberrimorum virorum de arteriis ossis observata & literis tradita: inter quos antesignani instar eminent, celebre tum temporis Daniæ in anatomicis lumen, Thomas Bartholinus. Is enim cent. 1. hist. anat. 50. inter alia sequentem in modum mentem suam exprimit: *Membranosum illud & densum arteriarum corpus, interdum primo in cartilagineam postea vero in osseam abit substantiam.* Similiter laudatus vir, plurima ossis rudimenta in aorta, sigmoideisque cordis valvulis, delineat: Cent. 2. epist. med. 97. etiam cent. 2. hist. anat. 45. exhibet os in corde humano. Præterea & refertur, Nobil. D. Antonium de Marchettis, Anatomicum Patavinum, publice recensuisse, arteriæ magnæ truncum prope cor tam durum osseumque aliquando inventum fuisse, ut etiam mallei ictum eluderet. Sic quoque truncum aortæ descendentem osseum descripsit, Joh. Scultetus in Tract. de Frichiassi admir. pag. 83. Item os cruciforme in liene exhibet Petrus Borellus cent. 1. hist. 4. Profert etiam Thom. Willis de anima brutor. part. 2. cap. 8. Arteriam Carotidem & Vertebralem dextram osseam ac imperviam factam: ut & cap. 7. de cerebr. anat. carotidem dextram plane osseam seu potius lapideam. Celeb. D. Joh. Jac. Wepferus in obs. anat. de apoplexia, utramque demonstrat internam carotidem lamina ossæ & tenera incrustatam. Quibus ut alios prætermittam addi potest D. Lucæ Schröki observatio, de ossiculis ex sarcocele suppurata prodeuntibus, uti videre est in Ephem. G. N. C. anni 3. dec. 2. p. 66. Similiter Lutetiæ Parisiorum dysenteriam observavi incurabilem, abortam ab apertura arteriolæ ossificatæ in intestino colo &c.

§. II

Columnas humani ædificii seu ossa eboris instar dealbata, non satis laudare & admirari quondam potuit D. Simon Pauli; utpote cum genuinus ossium usus ex intentione Creatoris, in eo consistat, ut fulcro, nec non diuturniori monumento, admirandæ totius fabricæ humanæ inserviant: sicuti etiam omnes nervi, muscoli, viscera aliaque organa, non propter semetipsos, sed in usum hominis totius, merito fabrefacta dicenda. Hoc tamen non obstante, quam mira, sæpius stupenda & secundum nostrum concipiendi modum vix homini necessaria existimata, in regno naturæ occurrere solent, quæ & ideo ad naturæ lusus adnumerantur?

Exem-

Exempli loco pauca tantum allegabo: observavit inter alia, Celeberrimus Winslow, quemadmodum oblatas per occasiones sæpius mihi retulit, cor infantis duplex, quorum utrumque duplici uti solet erat instructum ventriculo, vasa ordinaria emittente, ita tamen ut aortæ, arteriæ pulmonales &c. post egressum e corde, tandem unicam aortam, & unicam arteriam pulmonalem &c. formaverint: quatuor aderant auriculæ teste laudato viro, satis distinctæ. Similiter Lutetiæ Parisiorum plus una vice, in cadavere quodam observabatur, duplex ductus Thoracicus, cum unica tamen cisterna. Vidi præterea ibidem in alio, duplicem venam cavam eum duplici vena azygo: & si de nævis maternis eorumque frequentia, omnia allegare vellem, tempus & charta non sufficerent omnibus enarrandis. Neque ultimo loco ponenda, observatio de fororibus gemellis, ab osse sacro monströse sibi invicem cohærentibus: in quarum memoriam, Programma, occasione cursus anatomici Rostochii habiti, eruditum non minus ac curiosum, publici quondam juris fecit, vir & arte & facundia insignis, Celeber. Georg. Derharding: & programmati, quidem hæc subjuncta leguntur disticha:

*Corpora binarum sic concrevere sororum,
Non nisi divina dissocianda manu.
Amplexa est ubi Helenam lucina priorem,
Horis deinde tribus nata Juditha fuit.
Exitus urina patet unicus, unicus alvo,
Observant numerum cetera membra suum &c.*

Inter singularia quoque referenda observatio Joh. Dolæi, de puella bilingui facta elingui, recensita in Ephem. G. N. C. anni 9. & 10. pag. 311. etiam in eodem Volumine pag. 320. mentio fit calculi sub lingua aborti: conf. Petrus Forestus libr. 4. observ. & Zacutus Lusitanus, de Praxi med. admir. lib. 1. obs. 72.

§. III

Si variis ex causis resultantes variationum in corpore nostro miriadas, tam quo ad statum physiologicum quam pathologicum, revocare ad animum velimus, perspectum erit intelligenti, varia adhuc perscrutanda restare, quorum causæ seu distinctæ causarum notiones nondum tenebris evolutæ, neque firmo satis stare videntur talo, adeo ut licet scientiæ ad ultimum fere gradum evectæ, a multis haud sine ratione, existimentur; tamen in verba viri quondam eruditissimi, erumpere adhuc cogamur, dicentis: *Tantum est quod scimus, sed quantum est quod ignoramus?* Peculiares inter, non satis admirandas & rarissime occurrentes in microcosmo varietates, jure meritoque referenda singularis, eaque totalis,

H h h h h 2

atte-

arteriarum, de qua loquebamur, officatio. Ejus genuinas causas, cum nihil sine ratione sufficienti, licet interdum ignota, rimari, mente prosequi, etiam si nondum perfecte assequi, nunc propositum. Scopus summi artificis, artificiose omnia construens, est haud dubie, ut vitalis latex, æquabili in microcosmo tono & circulo ad omnes etiam minutissimas partes distribuatur, distributus vero, primo ejus centro motu retrogrado, de novo communicetur: sicut prolixius explanare conatus fui: in diss. 3. de usu motus tonici §. 24. habita in Collegio medico anno 1727. At hic ordo hæcque elegantissima circulationis lex, in allato casu tolli videtur, vasa enim, liquidum vehentia & in usum flexibilitatis pulsuque, per totam vitam duraturi, ex tunicis constructa, metamorphoseos haud manent immunes, evadunt inflexibilia, rigida, cartilaginea, ossibus non modo similia, sed & osseam induendo naturam, ossa fiunt; dicat quispiam & aperiatur nobis idoneam extraordinariæ variationis hujus rationem; pronunciet verum rei tam insolitæ, quam certæ & indubitatæ usum. Facile fortassis hoc primo adparebit intuitu; at quo magis nervo intendimus huic oneri ferendo, eo majores difficultates, eo graviora obstacula nos offendere, etiam invitis confitendum erit. Cui in promptu erit asserere, ejusmodi ossa, si omnem eorum usum spectaverimus, eo destinata, ut constituerent, imminentis partium solutionis & interitus præfagia? Quis denique causam hujus peculiaris phænomeni, tanquam infallibilem, ex mera fibrarum rigiditate derivare conabitur? Verbo, pleaque doctorum judicia quæ adferri hac de re possunt, nihil minus quam certa, aut veri investigatori animo videntur suffectura.

§. IV.

Periculum tamen facturus, ea circa commemoratam observationem in medium proferam, quæ a veritate non multum abludere, aut saltem probabilia censerî posse existimavi. Quemadmodum multarum causarum, unicus sæpenumero existere solet effectus, sic & præsentî in casu, unica causa insufficiens erit, ad statuendam generalem ejusmodi arteriarum ossificationem. Nam alias vasorum in ossa mutatio, cuivis senî decrepito, utpote fibris rigidioribus instructo, obtingere deberet, cui tamen transformationi, non suffragari videtur scientiæ medicæ magistra, experientia. Coniunctis vero, seu simul existentibus causis variis, effectus talis oboriri poterit, & quis noverit, annon & sæpius nostris in regionibus extiterit, sed ob defectum anatomes cadaverum, observari non potuerit, riteque examinari.

§. V.

Compacta adeo ossium substantia, sicut pluximum continet terræ, pia-

pinguedinis oleosæ minus, aquæ vero longe minorem quantitatem, ita & factis rite experimentis idem exhibere solet. Si vero eorundem compositionem a posteriori, paulo exactius contemplerur, duo hic consideranda veniunt. Cœmeteria enim, elegantem eorundem atque ex lamellis constantem structuram, demonstrant. Machina vero Papiniana, eadem valet in liquamen, seu veram gelatinam, parvo temporis intervallo, lenissimo adhibito igne, resolvere. Hæc attentius pensitanti, in aprico erit, quænam sint ossium principia constitutiva, quænam sit structura seu fabrica eorundem naturalis, & in quod ultimum redigantur. Ad principia quod attinet, ex chymicis haud minus clarescunt; si enim ossa igni ac destillationi subjiciantur, promptius dictarum partium separatio procedit; nam primo aquea humiditas, sub portione phlegmatis pauca, deinceps subtilior terra, cum oleositate permixta, sub salis volatilis oleaginosi forma prodit, terra autem crassior substantia, firmitatem atque duritiem ossibus largiens, in retorta remanet.

§. VI.

De structura atque lamellis ossium, seu ossibus bracteis reticularibus, ut & de progressu filamentorum osseorum in fœtu, egregie jam suo tempore disseruit, oculatissimus vir Malpighius in libro de Anat. Plantarum. Varia etiam erudite satis proferuntur huc respicientia, in anat. ossium Dominici Gagliardi, licet vix inducar ut credam, allatas ibidem clavículas, squammulas aut lamellas connectentes, aliter quam (quod pace viri dixerim) ex lege imaginationis posse demonstrari.

Omnium vero accuratissime maxima cum cura & peculiari assiduitate, hæc delineavit: Bernhard Sigfr. Albinus, in osteogenia historia a celeberrimo Viro edita Leidæ Batavorum Anno 1737. Docte etiam scripsit Theodorus Kerkringius in osteogenia fœtus: errare tamen videtur in eo, quod experientiam sibi famulantem non demonstrat, statuendo: ossium rudimenta se habere ab initio instar membranarum: hincque cap. 1. pag. 213. inquit: imo videtur totum corpus in embryonibus ex mera membrana constare: hæcque membrana, secundum ipsius sententiam, successive in cartilagineas tandemque in ossa mutatur. Vidi equidem plus semel, membranam seu potius expansum, naturæ cartilagineo membranaceæ, in ossibus cranii superioribus calvaria dictis: at, ni fallor, nunquam id in aliis ossibus observare licet; quamobrem mihi adstipulantem in osteogenia Albinum, allegasse non poenitebit; hujus enim verba pag. 150. sequentis sunt tenoris: Mirabile est inquit, quomodo alia ossium a principio natura sit, alia deinde. Omnium cartilaginea primum, post ossea. Nunquam autem membranacea, quanquam talis esse adpareat amplorum simul & tenuium, quo tempore cartilaginea sunt; ut quæ calvarie superiorem partem efficiunt; horum enim species membranacea est, natura cartilaginea: reliquorum ne

species quidem membranacea est &c. postea ibidem eleganter pergit, dicendo: ut deinde tenerrima hac cartilago crescit, ita se paulatim confirmat, ac simul ex albida fit sensim candidior, amittitque pelluciditatem suam. Postquam diu permansit, dura est, candida, crassa & concreta. Quædam autem cartilaginee osseam naturam inchoant cum adhuc valde molles sunt, & pellucide: alia demum cum jam dura & concreta. Cum in os abituræ sunt, ossei minutissimum quoddam alicubi intus in iis inchoatur, quo crescente, seseque diffundente, magis & magis occupantur; ipsis interim quæque crescentibus cartilaginibus.

§. VII.

Hæc ultima verba tantum incidenter allegare volui, partim ut patefcat quodammodo quæ doctissimi viri de peculiari ossium progressu, paucis verbis expressa sit sententia, partim vero ne omnia ab aliis de ossibus tradita, tanquam ficticia reputentur. Verba enim allata, non solum accuratissime iconibus illustrata dedit, sed inter varia alia, curiosissima non minus, quam utilissima, ipse hæc omnia mihi Auctor laudatissimus in foetibus variæ magnitudinis, summa cum admiratione, nuperrime demonstravit. Quo simul tempore maxima cum animi delectatione videbam, minutissimum illud, cujus allata jam verba mentionem faciunt, quodque mihi adparebat instar puncti, in medio hujus alteriusve ossis, licet superne magis v. g. humeri, positi. Quæ puncta, cum adhuc cartilaginea albidissima ac fere pellucida existunt ossa, interdum etiam hinc & inde in osse adhuc cartilagineo, dispersa sunt. Attamen unicam observabam in alii foetus osse ileo, exceptionem; etenim in ileo non incipere videbatur per punctum aliquod, aut quemadmodum sit in promptioribus ossificationibus per aliqua puncta citius adparentia, sed in ileis ossibus quantumvis cartilagineis, reperiabantur variæ lineæ striatæ aut filamenta ossea, non adeo alba & mollia ac ipsa cartilago. Præterea notatu dignum, primum quod in foetu apparere solet os, exiguum esse illud Zygomaticum.

Inter ossa capitis præcocia, maxillam inferiorem annumerat Theod. Kerkringius in osteog. foetus cap. 9. pag. 2. 34. Et Celeberr. Josephus Hunauld Anat. P. P. Horti Regii Parisiensis: monstravit præterito anno, cranium infantis, præcocis adeo ossificationis, ut cerebrum quod nondum proportionatam cum cranio nactum fuisset magnitudinem, ob iusto majorem cranii capacitatem, cranio non sufficienter unitum, fere fluctuaverit, puellamque cui ultra tertium annum vixit, stupidam reddiderit.

§. VIII.

§. VIII.

Expositis brevissime ossium principiis, incisiis & structura, nunc ad ipsum deveniemus ossificationis modum. Hic duo præcipue supponenda veniunt: imo ossa posse redigi in gelatinam, seu consistentiam acquirere spissiusculam & gelatinoso-submucidam: 2°. Naturali & ordinaria nutritionis lege, seu adpositione fibrarumque prolongatione, ossa incipere, accrescere & perdurare. Ne quid dicam de mutua partium inter se pressione, haud parum etiam afferente: quod vel ex eo liquet inter alia, quod succus nutritius provenire possit a peripheria membranæ circularis, redeuntis post trepanationem, aut alio modo circulariter ablata parte cranii, ita ut memoratus succus tendat ad circuli centrum, ibidemque scilicet in centro, molecula nutriticii succi, ob mutuam partium inter se pressionem in quiete relinquatur, augeat & naturali calore exsicceat: tale enim rarissime occurrens cranium laudatus Celeberrimus Hunauld, sæpius me præsentem publice monstravit, ubi nimirum in loco, in quo facta partis cranii ablatio, redierat membrana ex ipso mediotullio, foramen exacte claudens, & demonstrans in ejus centro punctum ossificatum. Unde etiam probabile mihi videtur, totam membranam potuisse hoc modo successu temporis, in cranio, adulti hujus ossificari, dummodo diutius superfuisset homo.

§. IX.

Ea, quæ I. membro attulimus, facile ex antecedentibus putamus concedi: ideoque concludendum existimamus, ossa constare ex materia quadam gelatinosa. Sin vero secundum non admitti posse videatur, quatenus nempe exinde sequeretur, compactam odeo ossium substantiam, in ipsissimo latitare sanguine: responsio erit in procinctu: consequentiam esse legitimam eandemque utpote principiis iustis innixam, omnino esse adstruendam.

Exemplum ne præbent quodammodo bombyces & aranæ? Ex eorum enim humore vitali fecernitur liquidum quoddam, quod ore excernitur, aëre vero exsiccat, consolidatur & peculiari eorundem solertique assiduitate tandem elegantissima conficitur textura. Si itaque ossa dicenda sint ex materia quadam mucilaginosa conflata, hæcque in humido hominis, vitali dicto, resideat, nullibi certius eadem erit invenienda, quam in parte lymphatica. Novimus enim lympham non esse unicum simplex corpus, sed compositum commixtumque ex dissimilibus moleculis, utique nuncupandam; aptamque natam satis, ut succum continere & promere queat, veluti commune nutrimenti genus, cuique parti, duræ non minus quam molli, idoneum atque convenientem. Querenti vero modum mutationis lymphæ in substantiam duram, alia reponenda quaestio: quomodo oritur humor

crystal.

crystallinus? An mollis evadet, si calore aquæ aut per acida exsicceatur? Non tamen ideo refugiendum erit ad Asylum quoddam inauditum, aut minimum ignotum, quale dici solent varia v. g. Gluten quoddam peculiare, vegetationis opifex segregans & assimilans succum, mox carni, mox cartilagini tandemque ossibus proprium: similiter spiritos insitas, Archeus, succi nutritii Rector, Dux aut fermentum, aliaque plura hujus farinæ commenta.

§. X.

Contra potius talia erunt offerenda, de quibus dici nequit, tritum illud: *verba sunt prætereaque nihil*. Observatu itaque facile est, serum sanguinis, leniori licet igne, non tantum in fibrosam compagem coire, sed tandem cartilagineam, diuturnitate temporis vero corneam & fere osseam induere naturam: e contrario autem ossa aliaque a gelatina originem ducentia, in idem reduci posse docet experientia §. 5. allata, adeoque evicta satis manet rei possibilitas, quod vero actu ita fiat, patefit ex allato ossificationis casu. Cadaver de quo agitur, erat viri decrepiti, fibrisque rigidioribus exsiccatis instructi: jam vero, teste D. Hippocrate, ossa calore indurescunt: & salva manente veritate, quivis, contendere potest, quod mora quam facit lymphæ in ossium poris, ubi non nisi lente admodum procedunt humores, adjuncto simul jugi calore naturali, sufficiat ad consolidandam aut concentrandam lympham, abeuntibus videlicet partibus serosis & remanente tantum parte terrea oleaginosa: adeo ut non tantum os ex humorum in cartilaginibus lento motu generari, sed & debite nutriri queat: quemadmodum inter alia idem videmus in quovis scirrho indurato, & tractu temporis insensibili facto, ut & in locis callo obductis. Jam vero ad eum modum quo mora quam nectit lymphæ in meatibus ossium, visum fere fugientibus, sufficit, una cum colore naturali, lymphæ consolidandæ: quis insicias ibit, usu etiam venire & accidere posse in statu decrepitorum præternaturali, quam primum vel minima ossificationi prona molecula, parietibus vasorum fuerit adposita? & consequenter in corpore cujus mentionem fecimus, contingere idem potuisse.

§. XI.

Cum vero senum ossa non amplius crescant; hincque non plus sanguinis requirant, quam pro nutrimento ordinario seu debita conservatione necessarium, ideo in propatulo esse, judicamus, quod si præsertim senes, Dieta lautiori abutantur, portionibus spirituosiss exarescentiam illis naturalem, fibrarumque siccitatem hincque rigiditatem augentibus, tunc, dissipata per corpus sanguinis ferocitate, iisdem non tantum, nimium illud nutrimenti varia incommoda pariat, sed & abundans in sanguine gelatinosa pars, nimium terreo oleaginis moleculis instructa, quippe quæ in nutrimentum ossium non amplius necessaria est, de novo recipi in vasa sanguifera cogatur, usque

usquedum successu temporis, una alterave molecula parietibus vasorum adponatur, quæ successive, nova adpositione facta, naturali colore exsicceatur, sese vero exsiccando, tunicas vasorum non modo contrahendo sensim coarctat, sed & ideo ipsam ossificationem, succum ad ossificandum primum magis concentrando, ibidem accelerare valet, adeo ut aboriatur filamentorum lamellarumque fibrosarum & ossearum, vera & realis prologatio.

§. XII.

Ultimum tandem queritur: an ne totum conservationis aut partium homogenearum assimilatione? Si hoc non minus quam illa nuperrime adstructa, concedatur, quod videlicet superfluum sanguinis non cedens in nutrimentum ossium, ex ossibus de novo ad vasa deferatur sanguifera, pristinamque circulationis legem, experiri cogatur, finem præsentis ætiologiæ, absque aliis longe petitis argumentis, imponemus. Legitima enim erit sequela: sive ab abusu spirituosorum vel quacunque demum causa in decrepitæ ætatis homine, oriatur major quam in aliis fibrarum siccitas, hancque concomitans earundem rigiditas, atque interim ciborum gelatinosorum & nimium nutrientium, usus continuetur, sequitur necessario, partes homogeneas gelatinoso-mucilaginosas & primario nutritioni ossium dicatas, sed sanguini de novo sæpius communicatas, tandem utur abundantes, hinc & inde in vasis ipsis deponi, & sibi invicem uti stratum super stratum adponi. Non aliter fere, quam aqua celebris fluvii, *Fürsten Brun* dicti, prope Jenam Saxonie, aliorumve fluviorum facere interdum solent; nam si lignum immiseris in currentis fluvii aquam, atque post quadrantis horæ intervallum extraxeris, aqua licet adparente limpidissima, totam ligni superficiem, materia calcarea obductam & petrefactæ similem deprehendes. Atque hoc modo existimo declarari posse, quare senex aliquis vasa habere queat ossificata cum in altero tamen, ætatis licet decrepitæ, parum aut nihil ejusmodi deprehendatur.

§. XIII.

Interea alios majori arte & experientia instructissimos, ea qua par est observantia, rogatum volo, ut paucas, quas asserere sustinui rationes æquibonique consulant: eandemque opera scientiæ Machæonice Coryphæos audeo invitare, ut data in Praxi occasione ulterius de hoc casu inquirere; ejusque si offeratur, examen velint instituere. Vidi equidem & perlegi varios auctores, qui nec ulla de arteriarum ossificatione anaotarunt. Alit nullum hucusque vidi in causarum evolutione serio occupatum, multoque minus qui omnium arteriarum in ossa transformationem delineaverit.

Ad me quod attinet, accuratiorem nequeo nunc exhibere ætiologiam, quam vero data uberiori exemplorum copia, dummodo in praxi occurrerit, ulterius scrutari, indagandæ veritatis gratia, non cessabo. Hancque etiam

ob causam, nullum mihi cognitum specificum, quod tamen miram in corpore humano metamorphosin, sicubi contigerit, valeat tollere, ita ut vasa ad statum pristinum naturalem redeant. Interim ex ultimo allatis perspicitur quodammodo, vi contrariorum, methodus, si non curatoria, tamen minimum præservatoria, eaque a mali initio instituenda. Cæterum accuratissime suo ævo pronunciavit divus Hippocrates Sect. 5. aphor. 18. Frigida ossibus inimica. Signa vero morbi, de quo nunc egimus, ad morbos ætatum & quidem decrepitorum, referendi, me latent, nisi hoc duntaxat, quod ex diæta perverse instituta, fortassis etiam ex pulsu queant conjici.

OBSERVATIO IV.

Anno 1739. Deprehendi inter duram meningem & membranam arachnoideam, sacculum membranaceum crassum, sub forma dimidiæ lunæ, affixum unice parti anteriori & posteriori cerebri: hincque in medio incurvato, ut & in plano, cerebrum respiciente, liberum. Peculiare istud sacculi genus, alterum, & quidem dextrum cerebri lobum obtegebat, atque materiam continebat polyposam, & quodammodo liquidam. Facta ejus aliquali evacuatione, adhuc reperiatur uncia cum dimidia circiter, liquidi cujusdam instar atramenti nigerrimi, in sacculo memorato contenti. Hujus rei testes fuerunt Parisiis Celeberrimus Winslowius, alique, quorum nonnulli hic Hafniæ jam præsentibus. Et quidem tunc commonstravi, quod sacculo ablato, arachnoidea, pia meningim ut & cerebrum adhuc obvelaret, manifesto indicio, membranaceum istum sacculum, præcise inter arachnoideam & duram materiam, residisse.

Θέω δόξα.

STEPHANI

CCXXVI.

STEPHANI WESZPREMI
OBSERVATIONES MEDICÆ

Trajecti 15. Julii 1756.

IIIIII 2

Quandoquidem non jejunis speculationibus, sed observationibus rite captis salutaris ars nostra medica suum debeat incrementum: operæ pretium me facturum existimavi jam ab eo ipso tempore, quo sacra hæc primum salutavi limina, ut ea omnia, quæ vel propria didicerim experientia, vel auditione aut lectione acceperim, pro privatis meis usibus referrem in adversaria, ut artis hujus mihi olim compararem gazophylacium. In publicum pro more solito proditurus, collectarum observationum nonnullas speciminis loco hic adpingam:

OBSERVATIO I.

Anno 1753. ad d. 13. Februar. Turici in Helvetia, virgo annis nata 30. ex hydrope dicto ascite in publico ægrotantium hospitio fati functa est, cadaver in theatro anatomico manu demonstratoris Burckardi apertum est, vidimus in abdominis cavitate saccum insigni magnitudine carnosum unius fere libræ cum dimidia in eum modum formatum, ut est uterus femineus quarto quintove gestationis mense dilatatus, vel ut altero a partu die contractus, qui funiculo velut umbilicali quopiam connectebatur cum sinistri lateris ovario majorem partem jam putrefacto, ligamentum utrumque teres & rotundum, & tuba fallopiana cum vicinis partibus ad fundum usque uteri omnia erant mirum in modum lacerata, sed illæsa interim fimbria, morsus diaboli a nonnullis dicta, quæ in latere magnæ illius molis pendula hærebat carneo juncta vinculo. Ad monstruosam hanc ovarii hydatidem properavimus incidendam, ex qua primum quoque croceum, viscidum, & naribus ingratum eduximus liquorem, mox ex ejusdem cavo solidissime compactam, sed variis cavitatibus hinc inde absque ullo ordine pertusam, osseam manu nostra extraximus concretionem, quæ in bilancem posita uncias quinque & drachmas septem pendebat, reliqua abdominis ut & thoracis contenta omnia permansere illæsa, nisi quod color viscerum naturalis in multis partibus maxime fuerit immutatus. Rapuit omnes spectatores in sui admirationem tam insolitæ rei spectaculum, & insignem hanc varie philosophantium turbam in ipsas fere tristes archimedæas conjecit meditationes.

OBSERV. II.

Senex quidam octuagenarius, annis plurimis in schola triviali præceptor, lenta tabe fatigatus ad d. 16. Febr. anni 1753. in nosocomio reipublicæ Turicensis expirat, inter tristes liberorum, amicorumve lamentationes & certamina in theatrum deportatur, sed interposita publica magistratus auctoritate tumultus compescitur, dum ad habendas præ-

lectiones splanchnologicas in cadavere præparationes instituimus; an-
 madvertimus raro admodum exemplo pericardium cum reliqua musculosa
 cordis substantia intime concrevisse. Ex dextro cordis ventriculo eum ex
 carne concretum extraximus polypum, cujus forma crucem ex asse re-
 ferebat: altitudo basos novem, alarum quævis duos dabat pollices.
 Ubi inter operandum ad secundam tracheam perventum est, in canali ar-
 teriæ asperæ lumbricus quidam teres albidus, octo pollices longus con-
 spiciendum se obtulit, & mox, ubi ad bronchia penetramus, in altero
 eoque sinistro, priore non multo brevior hærebat lumbricus rigidus.
 An spiralis fistula, ejusque bronchia fuerint vermium, quo utebantur,
 hospitium, non videbatur ob prægnantissimas rationes tunc temporis
 nobis vero simile, licet aperturam laryngis lingula, dicta epiglottide,
 tam firme clausam repererimus, ut difficile fuerit concipere, qua ra-
 tione post mortem ex intestinis per ventriculum & œsophagum in hanc
 cavernam potuerit delabi. Præterea vitio senectutis laryngis cartilagineam
 thyroideam & cricoideam potissimum in osseam mutatam fuisse substan-
 tiam mirabamur maxime. Uterque pulmonis lobus tam firme costis unus-
 culisque adhæsit intercostalibus, ut pleura, qua solet contegi, prius
 rumperetur, quam ut ab amica hac conjunctione commode potuerit
 avelli. In pleura hac morbida quoque Heisteri illa adparere tubercula
 plurima, quæ celebratissimus Cheseldenus Anglus glandulas pleuræ ad-
 pellitare consueverat.

OBSERV. III.

Sara Glandening, virgo annorum 17. Deptfordensis ex agro Canti-
 ensi, optimo corporis habitu prædita, anno 1754. mense Septembri
 curata est ex febre intermittente, mox ita dira cœpit excruciarî odont-
 algia, ut duo evellerentur molares, quo facto non modo insignem
 animi perturbationem passa est, sed etiam glandulæ maxillares majorem
 in modum intumuerunt; ad tollendum morbum post exhibita varii gene-
 ris medicamenta, mercurius dulcis in usum vocatus est, ut medicamen-
 tum dumtaxat alterativum, sed dum sua culpa & amicorum incuria
 ptyalismus excitaretur, & a siti interea urgeretur vehementius, lecto
 profluentis arripuit vas, quod vinum continebat rubrum, largissimum
 sicco gutture avide ex eo hausit poculum: rediit in relictum nidum e
 frigidioris aëre, & sensit illico aliquam refrigerati stomachi molestiam,
 quam paullo post dolor non levis ad scrobiculum cordis e sinistra regio-
 ne insecutus est; ab hoc tempore nata est ingerendorum difficultas, mox
 vomitus continuus, ut duorum mensium intervallo domi suæ omnem ci-
 bum potumque adsumtum illico per os redderet. Anno 1755. incun-
 tibus, lubricantibus, cardiacis, opiat, fomentationibus &c. sed nullo
 hic

hic quoque successu: quare dum corpore jam esset emaciato, & viribus
 propter enediam exhausta, enemata nutrientia ex oleo & ovo potissimum
 parata quotidie per anum injecta, sic non modo insignem urinae quan-
 titatem cœpit singulis diebus reddere, quum antea non nisi duodecimo
 quovis die solam excerneret unciam: verum pristinus quoque vividus
 faciei color redditus, sed redditus etiam est corporis vigor. Id ante ob-
 servatum est, quoties cibum potumve vel medicamentum adsumeret, quo-
 dammodo se toties refocillari senserit, licet exemplo non mutato colore,
 nec odore, vel sapore id omne foras ejecerit. Quum non levis orire-
 tur suspicio cardiæ ventriculi forte esse obstructam, virgula explorato-
 ria ter diversis temporibus in ventriculum immissa est, sensit toties ope-
 ratorum manus aliquam resistantiam ad superius ventriculi orificium.
 Quinque mensibus integris nullus cibus vel potus in medium descendere
 potuit ventriculum, & non nisi semel per tempus hoc omne mentruo
 laboraverat. Habita ad extremum consultatione tandem definitum est,
 ut tentaminis instituendi gratia pedes unguento inungerentur mercuriali:
 levis dum sic per duas septimanas producit salivatio, & videt interea
 alias in suo contubernio avide cibum capere, petit sibi quoque offam ab
 aliis offerri, eam sibi oblatam mox recto itinere in ventriculum sine
 ulla molestia demittit famelica, idem tentavit sub vespem eodem cum
 successu; verum ori ingesta non amplius jam foras ejecerat, & mox die
 postero ipsa natura feces alvinas sua sponte protruserat. Sic liberata a per-
 tinaci morbo, & pristinae sanitati restituta est virgo nubilis.

OBSERV. IV.

Rob. Rough, apothecarius, mense Martio elapso, atroci cœpit
 hemicrania, non certo alicui loco hicce dolor inedit, sed totam capitis
 partem dimidiam dextram periodice invasit per duas hebdomas ea lege,
 ut elapsa quaque hora quarta paroxysmi nimium quantum exacerbarentur,
 & non nisi post bihorium sedarentur, ita tamen, ut nunquam do-
 lor in paroxysmorum intervallis ex toto remitteret. Post institutam ve-
 næ sectionem leniter purgantia exhibita sunt medicamenta, vesicatoria
 adplicata, &c. Aeger atrocitate doloris victus, quum trepanationem,
 periculofam illam calvaria perforationem, multis expeteret verbis, arte-
 ria quoque temporalis bis aperta est, sed nullis remediis pertinax dolor
 demulceri potuit. Quum periodicam paroxysmorum in orbes veluti revo-
 lutionem manifestam esse constaret, febre topica hemicranii hominem la-
 borare conjectabam, hac fini brevem consultatoribus medicis narro histo-
 riolam, quam ex celeberrimi in arte medica apud ultrajectinos professio-
 ris, Joan. Oosterdykii, fautoris & præceptoris optimi ore nuper admo-
 dum didiceram. Retulit, inquiebam, vir ille experientissimus in doctis-
 sima sua prælectione de febribus publice habita, curæ suæ fuisse commis-
 sum

sum honoratam quendam urbis illius civem, qui in altero, eoque sinistro, ut patet, pede in hunc fere modum pathognomicis per vices urgebatur febris intermittens symptomatibus, frustra tentatis aliis remediis, sola corticis exhibitione se ab hoc malo ægrum liberavisse. Aderat in cœtu nostro non nemo, qui retulit similia se quoque alicubi legisse exempla. Posteaquam manibus pedibusve in meam itum esset sententiam, instituendi tentaminis gratia peruviani pulveris uncia intra brevissimum illud, quod inter duos paroxysmos erat temporis intervallum, partitis dosibus exhibita est nostro patienti. Numquam dolor amplius revertit.

OBSERV. V.

CAS. I. Eliz. Lawrence, puella an. æt. 14. ingressa, chorea S. Viti corripitur, die 18. Jun. 1755. adducitur, quotiescunque in institutis per cubicula visitationibus se mihi conspiciendam præbuit, ipsissimum protheum mihi videre videbar, nam ita miras & instabiles habuit gestulationes, ut in mille figuras se temporis momento transmutaverit, unde factu impossibile existimo universalem hanc totius corporis posse depingere convulsionem. Ex certissimis colligere licuit indiciis, eam non fuisse prorsus de statu mentis suæ dejectam: insignem tamen adfuisse doloris sensum ex animi pathematibus didici, nam quum subinde in risum soluta cachinnum quodammodo edere tentaret, eumque ore hianti continuaret, ex templo corrugata fronte, & distortis mire labiis instar canis iracundi ringebat, pedibus manibusve interea circulatoris instar mira præstabat, & toto se jactabat in omnem partem corpore. Dum ita diversos invicem miscuit animi adfectus, in ipsis quoque spectatoribus diversi exoriebantur adfectus, nesciebant enim, risum an commiseratione potius esset dignior. Verbo dicam, si fuerunt omnium muscutorum motus convulsivi, si nervorum omnium innumerae distorsiones, ut inficeta piebecula, quæ morbos a veneficiis suscitari credit, ex solo adspectu facile sibi persuaderi passâ fuisset eam incantamentis, vel malis veneficarum muliercularum artibus corruptam. At quum vana hujusmodi opinio ad solas Hispanicas referenda sit fabulas, curata est medicamentis domando huic morbo idoneis: R. Tinctur. Sac. lbj. Syr. e Mecon. ʒijss. Sal. CC. ʒiij. ex Mistura hac catholica quovis mane & vespere unciam semis, seu cochl. i. ebibit. Ex pilulis saponaceis sumit gr. v. omni nocte hora somni. Ex tinctura vero fuliginis gutt. 30. ad 40. hora 11. matur. & 5. pomerid. sumit ex haustulo aquæ fontanæ.

CAS. II. Fuit alia puella ejusdem ætatis, Maria Wolfe, hæc segniori pede duxit S. Viti choream, nam mente sibi constabat ut plurimum, nec tam frequenter corpus indecore jactaverat, miras interim habuit superiorum labiorum distorsiones immotis inferioribus; utraque manus laboriosa fuit præterea, ut fila quandoque ducere, eaque rupta con-

necta-

nectere, mox subito digitos contorquendo quidpiam numerare videretur, &c. Ad d. 21. Jan. anno præsentis, incepit hæc lege curari, ut ʒj ex pulvere Valeriano ter de die daretur: R. Pulv. Valerian. Silvest. — Visc. querc. cinnab. factit. aa q. v. m. toties hausit ex lacte ammoniaci cochl. duo, quorum singulis gutt. IV. de tinct. Thebaica sunt instillatæ. Ad d. 18. Febr. in locum nominatæ statim misturæ substitutum est julepum. Volat. ad ʒj. ter. quotidie sumendum ea lege, ut hic quoque quibusvis uncis misceretur laudanum liquidum majore dosi ad gutt. XII. fanitati restituta, finito Martio dimissa est.

OBSERV. VI.

CAS. I. Georg. Letson, 28. ætatis annum numerat, robusto satis est corpore, is mature discendæ arti pictoriæ animum puer addixit, quo id lucratus est infelix, ut anno abhinc tertio in colicam pictonum incidere. Usu manuum is in tantum orbatus est, ut ad nutum suæ voluntatis eas commode dirigere nequiret; tentavimus subinde ludibundi, ut alterutram manuum dextræ nostræ jungeret, quum id omni virium contentione præstare vellet, non nisi mira in omnes partes manuum circumgyratione se diu fatigaverat, nec umquam id, quod petiit, potuit adtingere. Quum manuum suarum beneficio conaretur quidpiam exsequi, omnes illico digiti incipiebant rigere, & quum edulium inter digitos ab adstantibus positum ori admove tentaret esuriens, inflexo licet ad genua fere capite, numquam tamen hiantis oris desiderio potuit satisfacere sine nutricis opera. Supra regionem umbilicalem neutram manuum potuit in altum adtollere. Salvis reliquis membris, vultu sibi semper constabat hilari, animo satis excitato, de nullo viscerum abdominalium tormine, huic alioquin morbo satis familiari, vel urgentibus aliis symptomatibus umquam conquestum fuisse meminerim. In depellendo morbo ea curandi methodus observata est, ut ad d. 15. Febr. anno præterito primum quoque ʒj. bis de die deglutiret ex mistura cetacea seq. R. Sperm. ceti ʒj. Virel. ovar. s. q. Aq. font. lbjss. — Cinnam. simpl. lbss. Syr. Balsam. ʒijij. m. Ex Iulepo Violat. eandem mensuram haurire iussus, quod tale est: R. Aq. fontan. lbss. — alexet. spirit. ʒij. Syr. croci ʒjss. Sal. volat. cc. ʒiij. m. Ad d. 29. Febr. ad alias formulas transitum est, ex elect. Luca-tel. bis quotidie sumit n. m. quantitatem R. Conf. rosar. rubr. ʒij. Balsam. Lucatel. ʒss. Spec. Tragac. ʒij. Syr. e Mecon. s. q. m. Superbibit toties cochlearia duo ex Emuls. Oleosa seq. R. Ol. oliv. ʒx. Syr. Bals. ʒvj. Aq. font. lbjss. — Cinnam. simpl. lbss. Spirit. volat. aromat. ʒj. m. Non neglectum interim, quin linimento illo saponaceo diligentius ambæ manus illinerentur, quod Helmontius chimærice Oppodeltoc pro more suo adpellaverat.

Tanta fuit medicamentorum horum efficacia, ut restituto manuum usu ex integro, in Aprili dimitteretur cum salutari monito, ne artem suam pictoriam exerceret in posterum: at quum aliter panem lucrari se non posse putaret, rediit ad tractandum opificium, sed rediit quoque in nosocomium die 9. Jul. plenus animi mœrore, nam dextra manus tota evasit paralytica, salva permanente sinistra: quare Elect. Lucatel. & Mist. Oleos. cum Linim. Saponaceo repetere iussus est, quo facto post mensem elapsum denuo a malo liberatus est, sed ad tempus tantum, nam dum ne nunc quidem salutaribus obtemperaret monitis, tertia vice gravius cepit cum suo morbo conflictari, ad d. 28. Jan. anni labentis non modo de confirmata dextræ manus paralyti, verum de periodicis quoque ventris torminibus misere conquellus est. Tritam superius viam ingressus, eam diligenter calcat, quo successu, tempus docebit.

CAS. II. Joan. Edwards, vir quadragenarius, pictor, ab ipsa tenera ætate sanus vixit ad an. æt. 38. usque, circa id tempus, ut retulit, toto cepit immutari corpore, leves primum cepit in medio ventre dolores persentiscere, qui mox ad regiones lumbares sese diffuderunt accedente sensim dextræ manus tremore, prodromo in ea manu perfectæ paralyseos: eam nonnumquam sensit capitis perturbationem, ut scotomate se laborare adsereret. A die 25. Nov. ad 9. Jan. anni labentis iis usus est medicamentis, quibus Letsonius. Hoc die cepit adsumere elect. cinnabarinum seq. R. Conf. absinth. mar. ʒij. Cinnab. antim. ʒiiss. Gum. Guaiac. ʒj. Cortic. Vinter. ʒiis. Syr. e Mecon. q. s. Superbibit cochlearia duo ex Emuls. e senna oleosa nosocomii. Usus est interea matutinis perinde ac vespertinis horis fotu parato ex seminibus sinapi, quorum ʒvj. incoctæ sunt aq. font. ʒvj. ad tertiæ partis consumptionem. Die 23. dicti mensis iussus est ex pilulis saponaceis, Matthæi dictis, gr. v. hora decubitus singulis noctibus capere: sed medio Febr. ex præscripta nosocomii lege excedere iussus est. Dolores quidem mitigati sunt, dextra tamen paralytica, quod ingenue fatendum est, per id tempus curari potuit nequaquam: prout nec *Plumbarius* ille, cujus nuper mentionem feceram in *tentamine de inoculanda peste*, pag. 23. Nec mirum est, nam expugnatum quam difficilis sit morbus, pridem omnis ævi docuit experientia. Notum est cinnabarim e mercurio, cerussam e plumbo, viride aris, ut nomen dicitur, ex ære; ultramarinum ex argento parari, & omnes nobiliores colores ex regno minerali deponi. Has ita modificatas mineras dum nocturna diurnaue manu versant pictores, noxios earum spiritus una cum aere ope inspirationis in pulmones adtrahunt, qui a circulante ibi sanguine mox abripiuntur, & tandem feruntur quaquaversum in omnis generis canalibus, incipiuntque primum in nerveis mesenterii plexibus hospitari, conjecturam sic faciente egregio illo neurologiæ excultore, Willisio: ab hoc communi miseriarum centro per nervos amice inter se consentientes beneficio spirituum animalium ad manus deter-

determinari & ibidem figi tanto facilius, quo sæpius digitos tam noxia materia coinquinari patiuntur. Non mirum itaque omnes eos artifices, quicumque fruuntur aere metallicis vaporibus repleto, ut sunt metallifosores, alchimiste, vitriarii, inauratores, specularii, pictores, figuli, stannarii, murarii, gypsarii, &c. facile in asthma, phthisin, colicam convulsivam, apoplexiam, paralytin, cachexiam, &c. incidunt, ut egregie nos docuit Bern. Ramazini in libro numquam satis laudato de morbis artific. a cap. 1. usque ad 15.

OBSERV. VII.

W. Conybeare, viro 30. annorum, ita a sexennio inde caligabant oculi nullo externo in iis adparente vicio, ut objecta quævis per densissimam veluti nubem sibi videri adseruerit. Visitavit is ex eo tempore nobiliora illa D. Thomæ, Bartholomæo, Georgio dicata tria hospitia, nostrum quoque postremo ante biennium intravit infirmarium, ubique locorum tentatus est post exhibita alia medicamenta, salivatione quoque ab hydrargyro excitata ab hac gutta serena liberari. Defectis jam medicis, ægroti vero spem omnem abiciente, curatius in ipsam morbi naturam quum privatim inquirerem, dixit totum medullæ spinalis processum subinde perturbari eo potissimum tempore, quum inflexo corpore quidpiam exsequi conaretur: in tantum crura esse debilitata, ut vix ultra horæ minutam in fixo loco possit stando subsistere nisi sussultus adminiculis, totus enim illico incipit contremiscere artubus, & scotomate tentari, memoriam vero in tantum labefactatam, ut se stupere alii quoque certo indicio animadvertant sæpenumero, sed vidi totum jam emaciatum esse corpore &c. His & similibus inductus argumentis, suspicor amaurosin illam, qua sola laborare existimabatur, non esse ipsum morbum, sed tantum symptoma morbi longe gravioris, & inveterata tabe dorsali adfici: quare per sacra obtestor omnia ægrum, fateretur candide, nonne abominando illo Onanis vicio se contaminaverit, & balsamicis particulis nerveum liquorem exhauserit. Post protractam longiorem moram summa cum verecundia id fateri cogitur, ad d. 20. Febr. itaque jubeo primum quoque hora somni deglutire pilulas duas calomelinas pro usu publico paratas, quarum singulis inerant Merc. dulc. gr. vj. mane vero sequente salis cathartici ʒj. adsumere. Quum id quater præterea repeteret duarum septimanarum intervallo, & potu ordinario aqua uteretur liberante, iussi ex præscripto Hippocratis in simili casu Lib. II. de Morb. quadraginta diebus integris uti solis lacticiiniis in eum fere modum, ut in Miscellan. Nat. Curios. Tom. I. Obs. 141. me legere meminerim. Frictionibus interim, ut edocui, bis quotidie post evacuationes naturales se ipsum exerceat, pediluvium vero bis tervè quavis hebdomada repetat se ipsum petiturus. Elapso adlignato termino redit rure sed multum hilari

riori jam adpectu. In continuanda cura quam longius progredimur, ille balneum frigidum tribus hebdomadibus diligenter frequentat, cui alternis mane hora 8. mat. jejuno stomacho se immergit, mox ex electario minerali n. m. quantitate bis quotidie sumit superbibendo toties Julapii volatilis ʒj. verum illud ita jubetur moderari, ut alvus bis de die deiceret. Sic dum mensibus duobus dicto electario vescitur, Julap. vero & aquam liberantem, ut ante, bibit, frictiones & pediluvia sanctissime observat, in tantum convaleuit, ut ad tractandum suum officium jam redire cogitaverit; sed auctor eram homini, ut aliud quodpiam vitæ genus eligeret, quandoquidem pistioribus hoc præter alia incommoda magno est sanitatis detrimento, quod volitantes florum farinæ particulas dum una cum aere adtrahunt, fermentescentes mox cum saliva, pulmones potissimum & ventriculum celebres illas officinas obsident, eas suis functionibus spoliant, unde inspissatis ita humoribus, asthmatis, dyspnœæ, & quibus non morbis inde resultantibus viam aperiunt expectatam. Verum patiens noster regulas sibi præscriptas longius quoque observare iussus est.

OBSERV. VIII.

§. I. Non vacat eorum nomina e catalogo ægrotantium exscribere, qui usu balnei frigidi pristinae sanitati restituti sunt ab anno hujus sæculi 40. quo infirmarium publicis usibus apertum est. Si vel solas grallas, quas secum adportarunt, in monumentum recuperatae sanitatis adpendissent, totam fere iis jam implevisset domunculam balneatoriam, Floyerus egregie demonstravit in sua psychrolusia, veterum Judæorum & Romanorum exemplis fuisse hanc gentem in id adductam, ut in depellendis pertinacibus morbis quam plurimis nec non conservanda sanitate balneo frigido uti inciperit sub finem superioris sæculi: quod heic loci jam nunc tam frequenti in usu est, ut vix nobiliorem aliquam plateam ea carere observare liceat. Ex mille observationibus a laudato Floyero & adfecta Baynardo publicatis constat luculentissime, nihil eo tutius adhiberi posse in scabie, epilepsia, melancholia, mania, hydrophobia, ictero, sciatica, arthritide, rachitide, atrophia, nervorum & tendinum contracturis &c. in iis scilicet morbis omnibus, ubi iusta fibrarum elasticitas reducenda, humorum viscositas incidenda, attenuanda, glandularum ut & hepatis, lienis, pancreatis, mesenterii obstructions referendæ, urina movenda, spiritus animales excitandi, & per tubulos nervorum celeriore cursu impellendi sunt, &c. Qua vero mechanica ratione tam stupendos edat effectus aqua hæc frigida, præter Meadium satis erudite demonstratum dedit Wainwrightius in mechanica non-naturalium expositione, cap. 7. de balneo. Id saltem unice hic maximopere cavendum est, ne iis balneum hoc frigidum imperaveris, quorum viscera exulceratione quapiam laborare noveris.

§. II.

§. II. Liceat hic infelicitissimi casum commemorare: ad d. 12. Martii, Car. Withead, epilepticus, in balneum frigidum ante statutum tempus se immergit absente famulo publico, cui balnei cura demandata est; mox ab hoc ille in mediis aquis suffocatus invenitur, extrahitur. Tentari non potuit, ut vitæ redderetur, nam per bihorium jam extra aquam in libro aere corpus hæserat, quum factum chirurgis innotesceret. Cadaver apertum est, sed nullum liquorem in ullis dissectis invenimus visceribus: ubi arteria trachea perforata est, aerem in pulmone contentum cum levi quodam sibilo erupisse audivimus. Tum demum ab experientia edoctus didici, suffocationis causam veri nominis non ipsam aquam esse, ut vulgus imperitorum credit perperam; sed aerem, qui repetita inspiratione accumulatus vesiculas pulmonales ita distendit, ut sanguis e dextro cordis ventriculo in arteriam expulsum ad vasa capillaria deferri possit nequaquam, quare nec vena pulmonalis amplius debitam sanguinis copiam in se colligit, ut eam in sinistram cordis cavitatem possit infundere: sic circulatio sanguinis ad vitam superstitem necessaria sufflaminatur, ut tandem ipsa mors sequatur. Ut aer in vase vacuo & in medias aquas projecto negat liquori introitum, non ab simili modo de suffocatis, forte & strangulatis nobis hic sentiendum est. Unde clarissime perspicitur, quam falso illi medicastri cum *Roderico a Castro* & *Feltmamio* in foro criminali de suffocatis interrogati renunciarent, si nullam in pulmone, ventriculo & intestinis aquam repererint, non aquis eos suffocatos sed in aere prius enectos, & ita mox in aquas fuisse ab impia manu præcipitados.

OBSERVAT. IX.

Quum ad lunæ circuitus, ut solet, Tamesis ad diem xv. Kalend. Maji ingenti cum rapiditate ad veterem pontem reslueret, portitor quidam nomine *Jacobus Powel* aliis rebus, quam obeundo suo muneri, intentus, ex onerata navicula excutitur, quum prora ejusdem uni arcum fortius allideretur; suffocatur illico in flumine, quæritur aliquamdiu, post quadrantem horæ cum dimidia invenitur, extrahitur, & nobis monitoribus omni veste, quam potuit citissime exuitur, & sicca de facto obtegatur, & in ædes vicinas in *Southwork* deportatur; ibidem corpus exanime ante accensum focum, reclinato paululum capite, pedibus vero modice in altum elevatis, in lecto disponitur, stragulis probe cooperitur, vena in brachio utroque pertunditur, jugularis aperitur, fumus herbarum Nicotianæ ab adjutoribus enematis instar, ope fistulæ tabacariæ in intestina repetitis vicibus validissime per anum injicitur, abdomen a regione pubis, forti compressione urgemus versus ventriculum; pannis spiritui vini tepido & oleo olivarum madefactis, omnes colli, dorfi, lumborumve vertebrae, tamquam plurimorum nervorum originem, leniter

K k k k k 3

ter primum mox valentius diu multumque perfricamus; idem interea alii cum extremitatibus pedum manuumve ad ruborem usque faciunt; cordis scrobiculus, fossa umbilici, partes genitales fomentabantur aceto & spiritu vini inter se commixtis, quibus cinnamomum, nux moschata, & caryophylla aromatica incocta fuere, adjecta interim modica camphora sed spiritu vini antea soluta. Ubi post longiorem moram spiritus salis ammoniaci volatilis adfertur, irritamus eo subinde nervos narium, tempora vero una cum iis partibus, in quibus arterias cuticulæ viciniores esse probe sciremus, plus vice simplici inungimus; ut penetrantissimus hic liquor in cavitate vasorum delatus, animales spiritus & mox ipsum sanguinem, soluto prius coagulo, in motum concitaret.

Hora integra jam elapsa est, quum tædiosam hunc in modum sine successu peragimus operationem, ad instituendam itaque deperimus bronchotomiam, deest Troicar, quare cultello dumtaxat duobus pollicibus infra cartilagineam scutiformem, dictam pomum Adami, longitudinalem fecimus in cute trans musculos incisionem, ibique per mediam cartilagineam transversem perforatam, in ipsum asperam penetravimus arteriam, absque interjecta ulla mora fistulam fumatoriam, loco canule, aperturæ commisimus, & ejusdem beneficio, aerem per bronchia in lobos pulmonum iteratis vicibus impulimus, ut sic inflatis vesiculis per venam pulmonariam sanguis in sinistram cordis auriculam inde in ejusdem ventriculum adigatur, & mox per aortam expellendus in totam corporis substantiam sese diffundendo circuletur; sed non negleximus eadem opera aceti fortissimi ut & spiritus salis ammoniaci aliquot guttulas vulneratæ trachere instillare, ut quum particulæ utriusque hujus liquoris efficaciter operari soliti, una cum impulso aere miscerentur cum sanguine, solverent ejusdem coagulatum. Pertæsi jam longioris operationis, tandem inter examinandum adnota pectori manus sentit in regione cordis motum exortum esse quempiam, sed maxime languidum; spe itaque meliore excitati, extemplo coeptum laborem alacri producimus animo, & dum hoc facimus, sentimus iterum cordis pulsus, verum multo concitatiorem adesse tamquam signum præsentis jam vitæ indubium, nam sternum quoque videmus jam certissimo indicio elevari in altius quodam modo, mox totum thoracem dilatari: quare gratulabundi plantis pedum iterum calefactos admovemus lateres, & statim memoratos superius operandi modos, fomentationes puta, inunctiones, frictiones &c. repetimus; fit tandem novissime, ut in sinistro, mox dextro pede motus quospiam animadvertamus convulsivis similes. Et sic post elapsam bihorium Deo T. O. M. vitæ necisque arbitro opem nobis ferente, mortuus nauta in vitam revocatus est.

OBSERV.

OBSERV. X.

§. I. Quod Paschalis in transactionibus philosophicis, num. 202. proposuit, falsum esse propria mea didici experientia, nam superiore anno die 15. Febr. hora noctis 11. Item 13. Martii hora 1. pomeridiana. It. 14. April. hora 4. antelucana, & alias non vice simplici lucinam suo functam fuisse munere hinc meis præsens spectaveram oculis, & commilitones de ea re serio admonueram, quum in collegio Smellianp reales ex ordine inter pupillos peragerentur operationes: at horas illas ad primam & tertiam nycthemeri hexadem referri quis inficiabitur? Plures habeo transcriptas in adversaria observationes, de ipsa quoque hominum morte captas, quæ cum primo & secundo fluxu senario conveniunt profecto minime. Quæ Paschalis assertio, a Plinio, ut mihi videtur, mutata si indubia potuisset confirmari experientia, incredibilem ex ea in artem medicam redundaturam fuisse utilitatem nemo non videt.

§. II. Anno præterito prid. Non. Junii, quum militis cujusdam gregarii uxor gemellos eniteretur, extractas ab operatore secundinas curatius dum examinavimus, vidit præsens collegium totum nostrum Smellianum ita eas esse formatas, ut infantes suis quidem includerentur loculamentis septo intermedio distinctis: at placenta in nullos prorsus lobos erat divisa, vasa funicularum umbilicalium in interna illius superficie miras inter se habuerunt anastomoses, ut injecta cera in arteriam unius repletet illico totam alterius quoque funiculi arteriam. Similem prorsus placentam nobis suis pupillis in prælectionibus ostentavit experientissimus M. D. With. Smellie, fautor optimus, cujus ipse meminit in excellenti suo opere, quod *Treatise on the theory & practice of Midwifery* inscripsit, Lib. I. c. 111. sect. 5.

OBSERV. XI.

CAS. I. Rob. Stephenson vir quadragenarius per biennium fere integrum sensit abdomen in dies incrementum, ut ad extremum vix pat esset portando tam monstroso oneri. Quum ex hydropo dicto ascite laborare putaretur, valentiora licet ad movendam urinam propinata sint medicamenta hydragoga, a pertinaci tamen illa, qua diu laborabat, ischuria, liberari potuit nequaquam. Morbo victus dum ad d. xv. Kal. Jun. anno superiori expirat, meis inductus precibus experientissimus M. D. Hibbinsius jubet cadaver aperiendum. Remotis omnibus abdominis tegumentis, videmus vesicam urinariam tribus pollicibus supra ossa pubis prominere, quæ immisso cathetere & expresso lotio mox flaccescit. Quid ingens illa moles esset, quæ intestinis omnibus incumbere tegendis, sollicite dum examinamus, videbatur nobis omnibus velut uterus quispian femineus ultimo gestationis tempore maturo foetu distentus, & ad scrobi-

serobiculum cordis usque protensus; cuius superficiem externam longa tegebat peritonæi productio. Magnæ hujus vesicæ succenturiatæ collum, quod inter vesicam urinariam & intestinum rectum excrevit, dum inciditur in orbem ea lege, ut non nisi peritonæum a reliquo cœtu separaretur, nullis ligamentis muscularibus cum vicinis partibus connexam observavimus præter solam telam cellulosam. Dum operator in vesicam incarceratam cultellum adigit contenta exploraturus, ingens aquæ flavescens & foetidæ copia erumpit cum impetu: imposita cavitati manu sentit quasdam innatare hydatides; extrahit unam, quæ ovi anserini formam ex asse referebat, alteram ovo gallinaceo, tertiam columbino similem, quartam reliquorum maximam ab ovo struthiocamelino non multum abludentem, sed læsam in altero latere, quum chirurgus aliquantum imprudentius faccum perfoderet, quare contentus in eo liquor omnis effluxit. Singula vero ova hæc crusta membranacea, eaque satis firma tecta sunt, prout dum animalia ovipara abortire contingit. Operatori chirurgus Risoliere pro præstito labore assignata sunt in premium, quæ in spiritum vini rectificatum imposita in privato theatro anatomico suis ostentare cœpit auditoribus. Hunc dum errantis naturæ lusum præsentem intuemur, ita ego in media adstantium corona voce aliquantulum sublata exclamare incipio: en hominem Britonem! raro inter mortales exemplo oviparum! subridentibus amicis theatrum anatomicum Nosocomii hilari vultu relinquimus.

C A S. II. Recepta est in Nosocomium mense Februario elapso virgo firmo satis corpore, annos nata jam octo supra viginti, cuius abdomen a vicesimo tertio ætatis anno sensim in dies ita accrevit, ut mensurata ligaculo monstrofi abdominis peripheria pedes quatuor & plus jam excedat: sed, quod mirere, præter tanti oneris molestiam vivit sana, de nullis umquam conqueritur doloribus, & quum cibi potusque appetitus eam non deficiat, solitæ evacuationes naturales per urinam, alvum, & uterum omnes rite procedunt. Non est hydrops ascites, sæpius enim abdominis lateribus admotæ manus nullam aquæ fluctuationem in cavo ventris umquam sensere; sed nec tympanitis est: num vero casui statim adscripto sit similis, nescitur; introspicere natura negavit, cadaveris dissectio olim docebit.

O B S E R V. XII.

C A S. I. Maria Marfchal, virgo XXII. annos nata, exeunte anno superiore in febrem incidit quartanam, quam dum ante tempus empiricus quidam medicafter abegisset intempestiva corticis Peruviani exhibitione, incidit brevi post in morbum longe infeliciorem, elephantiasin. Deportatur in Xenodochium exeunte mense Novembre, cuius foedam scabiem non sine horrore primum intuebamur, quum manus pedesque

crura

crura potissimum, eorumque partes exteriores tam monstroso gravari onere, ut turpis scabiei crusta tres transversos digitos in crassitie adæquaret in locis plerisque sulcis veluti quibusdam profunde hiantibus distincta. Præ vehementi, quo urgebatur, pruritu, corrugata fronte & allis fortiter sibi invicem dentibus multum stridebat, mox sublata voce ejulabat, & crustam inquietis unguibus scalpendo, dolore misere extimulata, de loco sæpenumero deiecit, aut eadem sua quoque sponte decidit. Hoc ubi, ut sæpius, factum est, carnem pulchre vividam & rubicundam conspiciari licuit, quæ non multo post iterum tegebatur æque nigricante sed crassiore plerumque, ut prius observatum erat. Quum rarius tam triste in hominum cœtu occurreret exemplum, ad Lazarum hunc invisendum plures accurrerunt & medici & chirurgi subinde. Toto morbi decursu squamosæ corporis partes illinebantur linimento saponaceo, nonnunquam unguento e pice, alias e parietaria parato; pro potu ordinario aqua utebatur sulphurata: duabus primis hebdomadibus horis matutinis quibusvis ex pulvere Doveri ʒss. vespere vero ex pulvere Ari composito dosim eandem addito toties julapio volatili adsumsit: sequentibus tribus hebdomadibus electuarium datum est aperiens, cuius dosibus singulis bis de die repetendis mercurii alcalisati ʒj. adjectus est. Primo anni labentis die emeticum, ex pulvere ipecacoanhæ cum crem. Tart. inter se commixtis paratum, est exhibitum: toto fere mense Januar. elect. lenit. comp. cum electario cinnabar. æqua parte mixtis oblatum, & mistura cardiaca propinata. Tentaminis instituendi gratia deformes illæ crustæ ultimo dicti mensis die linimento ex sola saponis mollis solutione parato perungebantur, at tanta infecuta est earum partium inflammatio, tantus dolor, tantus pruritus, quantus maximus esse potuit. Mense Febr. elect. e castor. & mist. Mindereri tentata sunt plurima his similia medicamenta in Nosocomio usurpari solita ad initia usque mensis Maji, quum nulla jam amplius crusta in adfectis male partibus adparuit. Si eam nunc intuearis, non nisi ipsissimum videbis sceleton sola tectum cuticula, quum antea vasto satis esset corpore: de nullis amplius queritur molestiis, quam quod pedes ad crurum flexus ita ad angulum rectum recurvi & facti sunt rigidi, ut ad pristinam in ambulando agilitatem difficulter reducantur; quare in lecto volutare misere cogitur. Observatum est eam ante fuisse taciturnissimam, nunc factam omnium sui sexus loquacissimam.

C A S. II. Susanna Goston, mulier major quadragenaria, cuius manus utrasque ad carpum usque easque solas dumtaxat squamosa hæc scabies occupaverat sic inæqualiter, ut crustas in plerisque locis unius fere pollicis altas in cutis superficie protraderet ingenti cum pruritu connexas. A die 27. Nox. iisdem, quæ prior, utebatur medicamentis ad d. 13. Febr. quo dimissa est; sed recrudit morbus post elapsam mensem cum capillorum defluvio. Hanc ego simplicissimam in ea curanda adhibui me-

Disput. Medico-Pract. Tom. VI.

L 1111

thodum

rhodum, ut post peractam V. S. primum quoque caperet bolum purg. ex gr. xv. merc. dulc. cum conf. rosar. rubr. paratum, tandem sumeret de pulvere æthiopico ℥ss. bis de die superbibendo toties haustum decocti liberrantis. Hac vero lege pulverem mineral. in ejus usus ipse paraveram, & Antim. crudi in pollinem redacti ℥jss merc. puriss. ℥j. Fl. sulphur. ℥j. m. f. pulv. subtiliss. Post quintam hebdomadam ab lepra hac liberata est. Id maxime nos omnes hic adtentos reddidit, quod utraque harum patientum post febrem intermittentem cortice Peruviano intempestivius suppressam in infelicitissimum hunc morbum præcipitata est. Quo vero modo id ipsum contingere potuerit, ex observationibus Albertini, descriptis in actis Bononiensibus, non male nuper demonstrasse videtur Nihellus de pulsu, part. II. c. IV.

OBSERV. XIII.

§. I. Infantes expositi curæ agrestium muliercularum commissi ad annum ætatis usque quartum ruri passim sumtibus benefactorum aluntur, sed antequam in hospitium publicum, Foundling hospital nuncupatum, admittantur, omnibus ac singulis nullo neglecto in vico Leather-lane dicto variolæ per inoculationem inducuntur. An. 1755. mense Aprili factum est, ut ex hoc infantum genere quatuordecim puellis venenum hoc contagionis variolarum infunderetur ex artis hujus salutaris præscripto. Una sola fuit corpore præ ceteris præpingui, cujus ulcusculum in dextro brachio excitatum altero statim die cicatrice obductum est, nec materie variolarum putulenta virus suum in ejusdem corpore exseruit: quare secuturæ operationi committenda fuit. Reliquæ omnes ita benignas easque distinctissimas nactæ sunt var. olas, ut neutrum observaverim in tota corporis superficie plures quam triginta vel quadraginta numerasse pustulas. Videre licuit ibidem plures infantes sexennes septennesve in certa ædium parte a reliquorum cœtu segregatos, qui scorbuto, phtisi asthmatica, consumptione & aliis morbis chronicis laborare incipiebant miseri ex eo, quod in prima morbillorum invasione ventæ sectionem jubere dedita opera neglexerint medici tentaminis solius instituendi gratia: e parte contraria, a quibus quatuor quinqueve sanguinis uncie pro inflammationis ratione repetitis vicibus detrahebantur, & medicamenta e nitro potissimum parata usurpabantur, salvi & incolumes evaserunt periculum. Ad diem secundam Julii Inslingtoni in æde inoculatoria viginti quatuor fuerunt virgines inoculationis tentamini subjectæ, quarum alix decimum, vicesimum alix, nonnullæ vero tricesimum quoque jam numeravere ætatis annum. Die sequenti jubentur deduci in Nosocomium, quod iis unice curandis destinatum est, nullo alio inter mortales exemplo, qui a variolis & morbillis corripuntur. Duo notatu maxime digna hic mihi occurrebant spectanda, quorum neutrum ante in ullis inoculandi actibus

actibus vel observaverim, vel libellis in hanc rem scriptis unquam legere meminerim. Primum est, quum reliquas omnes pro more solito octavo nonove die febricula variolarum prænuncia invaderet, unam inventam esse provectiorem ætate, cui die demum elapso duodecimo febris cum horripilatione conjuncta instantes denunciaverat variolas. Vulnusculum artificiale in brachio non coaluit, adfuit levis ejusdem, ut solet, inflammatio, quæ reliquas omnes multo superaverat. Altera fuit puella multo junior, huic vulnus infra musculum deltoidem incisione excitatum die statim tertio cicatrice obductum est, quare eam nunc extra periculum constitutam arbitrabamur, insecuturæ operationi destinantes: at opinione nostra eramus miro modo decepti; nam octavo die labente febris eam adorta, & iis omnibus vexata est symptomatibus, quæ morbo huic propria esse quibusvis notum est. Discretas hæ quoque singulæ habuere variolas. Rarum profecto est exemplum, ubi confluentes eas videre contingat: hinc fit illud, ut inoculationi subjecti felicissime singuli mortis evadant periculum. Anno quadragesimo sexto hujus sæculi hoc Nosocomium fundatum est munifica Evergetarum liberalitate, in hunc usque annum labentem recepti sunt in hocce hospitium curandi bis mille octuaginta duo, quo modo ordinario variolas contraxerunt, at horum decem supra quingentos nunc jacent sepulti. Quingenti sexaginta septem numerantur in catalogo, quibus variolæ per inoculationem inductæ sunt; quorum, mirari sane licet, nonnisi duo extincti sunt, sed horum quoque alteri intestinales vermes fuerunt exitio, ut ex dissectione patuit evidentissime; alter vero prius a contagione via naturali conceptus est, quam ipsa variolarum institueretur insitio; nam ante diem octavum jam propullulaverunt pustulæ. Quam salutare sit generi humano artis hujus exercitium, vel ex solo hoc luculentissime evincitur argumento.

§. II. Subticendum interea certe non est, inter eos, quibus Inslingtoni in domo inoculatoria, labente hoc anno, variolæ insertæ sunt, fuit Catharina Burdon, virgo annorum octodecim, cujus vulnusculum, in brachio sinistro levi incisione excitatum, illico coaluit, nec ab artificialibus correpta est variolis: quare post elapsas hebdomadas sex cum pluribus aliis iterum tentamini subjecta est, sed ne nunc quidem insertæ variolæ virus suum in ejus corpore poterant exserere, dimissa itaque est sine omni, quod in aliis fiebat, successu. Non longe post tempore venit commendata in nostrum hospitium, queritur de nimia sinistrae manus inflammatione cum acutissimis conjuncta doloribus: duo mox formati sunt abscessus in brachio ad musculum bicipitem infra eam regionem, ubi ad implantandas variolas bis instituta est incisio; quorum alter adplicatis emollientibus tandem sua sponte, alter scalpello apertus est; hunc posteriorem gangræna secuta est, quæ repetitis scarificationibus difficulter potuit extirpari. Erant aliqui in cœtu nostro, qui dum essent inoculationis adversarii, maximopere sibi gratulabantur super hac

patientis infelicitate, orta ex infausto hoc & singulari prorsus inoculationis tentamine: quærebatur quippe, qui fieri potuisse infusam illam materiem venenatam non nisi solum brachium, nec totam sanguinis & reliquorum humorum massam infecisse? Monebamur simul, caute admodum nobis omnibus hic esse mercandum, ubi ad variolarum insitionem nosmet accingimus, nam id non prius sine omni periculi metu posse peragi, quam cognoverimus latens in corpore variolarum semen primigenium ad eam jam perductum esse maturitatem, ut natura sufficientibus instructa viribus commode id in suis latibulis excitare, & inde eliminare valeat. Ita sane videtur, nam plurimum inoculatorum constat mihi quoque exemplis, ubi omnia externa insertarum variolarum signa disparuerunt, post elapsam unam alteramve hebdomadam effloruerunt in brachiis, cruribus, pectore, dorsove potissimum miliares quædam pustulæ, aqueis repletæ humoribus, iisque corrosivis; qui expressi, molestant satis ob suam acrimoniam in cutis superficie excitarunt inflammationem, sed post paucos dies evanidam. Sunt, qui hoc phænomenon ei causæ forte adscripserint, quod cito pede ad lautiorē diætā transilierint? Liberum sane est, si lubet, ita sentire. At quis ita lynceus est, dices, ut uniuscujusque corporis humani idiosyncrasiam tanta cum accuratōne cognoscat, adeoque tempus ad inoculandum maxime opportunum definiat? Ita tibi hoc hominum genus respondebit: hoc opus, hic labor est!

Epistola ad RICH. JAMESIUM, M. D. experientissimum.

Dissertationem tuam de curandis febribus & morbis inflammatoriis vulgatam summa cum voluptate legi: quot quantasque animas pulvere tuo antifebrili ex inferorum faucibus eripueris, innumere passim in orbe captæ observationes luculentissimo id testantur documento: pulchre hinc illud jam intelligo, cur regio quoque confirmaretur diplomate, & universo, qua late patet, orbi, serio commendaretur. Licuit mihi quoque ita esse felici, ut præparandi formulam ab optimo tuo amico H. mihi vero fautore præstantissimo hac serie acceperim: *Take antimony, calcine it with. &c.* Sed ita scriptam eam esse video, ut mirari desinam, cur plerorumque industriad multum exercuerit non sine temporis & sumptuum dispendio, immo sæpius cum præsentissimo ægrotantium quoque periculo. Quum probe sciam non debere jatrochymicos in ullis præparationibus metallicis, ne mercurio quidem excepto, iisque præscribendis tam esse circumspectos, quam in stibiata hac medicamentorum classe, quos itaque pulvis hęc animo fovendos iniecit scrupulos, hac serie, si placet, accipe, inde tamen pro solita tua humanitate eximendos: antimonium sulphure vulgari, & glebe constat metalloide, pro varia ejus permixtione, varium esse novimus: in omnibus tamen illius præparationibus, quantumvis mille circumferantur, id unice agimus, ut partes metal-

metallicam glebam constituentes igne chymico a suo separemus correctore. Metallica portio ex innumeris longis, rigidis, utrimque hastatis componitur spiculis, iisque a centro in superficiem horizontaliter directis, ut adoranda magnorum alchymistarum stella docet ad oculum evidentissime: hæc spicula sulphuris flocculis tecta & velut totidem vaginis inclusa, tandiu manent obtusa & inermia, quoad iis fuerint denudata, quare arsenicum quoque ad constituendum stibium suam conferre symbolam, non nisi chymicorum redolet fabulam. Firmiter hoc posito fundamento, pace tot hyperaspistarum chymicorum dicere liceat, missis illis fastuosis angelicis, seraphicis antimonialium præparationum titulis, unam forte earum commode posse sufficere, eamque simplicissimam nullo adhibito sale, oleo, cera. Hac fini eligo antimonium arte docimastica exploratum, fiat id ex gr. natum in Galliis, cujus partes constituentes metallice & sulphureæ eadem inter se quantitate permixtæ sunt: hic materiem metallicam igne non fundente per trihorium ex artis præscripto ustulo, quoad omni, quantum quidem per artem licet, sulphure depuratum reddo, ut nanciscar vitrum antimonii virulentissime, immo lethaliter, Boerhavius teste, emeticum, & non nisi ab hippiatris usurpandum: deme ex tribus ustulationis horis dimidiam, una sexta sulphuris pars permansit unita cum metallica materie, quare habebis emeticum priore mitius, crocum metallorum, vel hepar antimonii: urge per bihorium, una tertia sulphuris pars e sinu excussa est, habebis antim. catarticum: urge per horam integram, sudores provocabit, deme tantillum ex hoc tempore, antimon. diaphoreticum vel dulce impetrabis: exhibe crudum, vix ac ne vix quidem quidpiam operabitur. Unde tanta operandi diversitas? quo diutius torruisti, tanto plus sulphuris expulisti, involucris denudasti, spicula armasti, quæ deglutita prout nervos fibrarum muscularium œsophagi, ventriculi & intestinorum, ut sunt irritabiles maxime, magis minusve convellunt, sic nauseam, vel catharsin creant pro spasmodicorum ejusmodi convulsionum ratione; si vero sulphure minus denudasti, sensim illa cum fluidis absorbentur, in itinere nerveas fibras placidius aggrediuntur, earum oscillationem excitant, fluidorum motum accelerant, per subtilissimos canales pellunt ad sua emundatoria, ut sudores, diaphoresin dumtaxat generent. Dictis fidem facit emeticum Glauberi poculum, in furno suo philosophico part. V. descriptum, in quod peritus practicus tantam infudit vini copiam, & in tantum antimonio illud saturavit, quantum cognita prius a se & morbi & ægrotantis & medicamenti natura postulabat: non modo evacuantium sed alterantium & restaurantium medicamentorum loco adhibebatur: unum integris familiis per vitam sufficiebat poculum: dolendum quod pridem imperiti medici fregerint hoc salubre poculum. In præparationibus antim. adjiciuntur sales: ad facilitandam forte fusionem? At absque iis quoque id fieri posse, docet experientia, licet tardius tantillo temporis intervallo: aut forte ad acidum sulphu-

fulphuris absorbendum? At acidum fossile sulphuris in antimonio, diu in flammis agitatum, & volatile redditum, ignis vehementia in auras avolat non minus quam pars oleosa inflammabilis. Quemadmodum nitrum in fusione antim. antequam in alcali convertatur, ut aptum reddatur ad acidum sulphuris sibi intime uniendum, oportet acidam ejusdem partem in igne consumi, ita multo minor acidam sulphuris portio nullo negotio expellitur ignis vehementia, siquidem non nisi decimam sulphuris partem præ altera constituere celebr. supputavit *Homburgius* Ac. Reg. Sc. 1703. p. 31. seq. Vapor ille, qui in antim. calcinatione, & accenso quovis sulphure exhalat, si in pulmones adtrahatur, spasmos & convulsiones subinde excitat in vicinis partibus, id vero acido causticoto & nervis impacto tribuendum esse nemo negaverit. Oleum animale jubet ultimo loco addendum in pulveris præparatione, sed sit illud animale, vegetabile, vel fossile, singula hæc antimonio nupta regulinarum partium spicula pro naturæ suæ densitate magis minusve obtundunt. Hinc videre nulla possum ratione, qui fiat, dum sulphure vel oleo, idem enim utrumque est inflammabile principium, conaris sibi depurare, non contentus eo, quod intime natura univerat, plus sulphuris addendum præcipis: vis reguli spicula armare, ea in vaginam recondis; addis oleum animale, ut nitri & salis beneficiis, postquam in igne fusa alcalinam adsumserunt naturam, iterum tanto majore demas labore. Sed forte digito labellum! aliquod tamen Hippocraticon *Σεῖον* pulvis tuus in se continere dum videatur, per tuam te rogo humanitatem quam obnixissime, quæ potissimum in ejus præparatione mihi veniant observanda, doce me. Quod dum a te impetravero, fide polliceor pannonica sanctissime, &c. Subticere non possum me consuluisse D. *Seeblium*, pyritrum excoctorem in Blackwald, de pulvere suo specifico, cujus gr. xii. omnes febres intermittentes fugare longa omnium constat experientia. Artem empiricorum nostri solam esse negotiationem, repulsam me tulisse, noli mirari. Germanorum medicorum bubula eum arare discas ex Quincii Novo dispensatorio part. II. c. 10. Dolendum est salutarem hunc pulverem ab ipsis quoque sutoribus publice distrahi: sed quid illi est negotii cum catapodio? En specimen tui pulveris a me elaborati, cujus ꝯj. in theca hac chartacea ad te exmitto. Vale, & feliciter age. L. ad d. XVI. Kal. April. An. 1756.

Præter præstita humanitatis officia tale accepi responsum, quod non nisi ab empirico expectari poterat. Nobilis eques C. W. diligentissimus naturæ indagator, mystici hujus pulveris præparationem sub sacra silentii fide ab auctore revelatam communicavit cum *Mich. Morristo*, M. D. celeberrimo chymicæ professore, fautore meo præstantissimo, qui pro singulari suo, quo in me ducebatur, amore subticere non potuit. En dives decantatum illud chymiatrici mysterium! describendo longiore præparationis illius processu meas maculare nolo, nam nihil aliud est, quam ipsis

simum

simum antimonium emeticum mitius *Boerhavi*, temperatum cum tantillo olei animalis, quo nuperus in germania medicinarum stator, *Frid. Hoffmannus*, in fugandis febribus miracula præstitisse creditur. *Seeblianus* vero pulvis Tartarus emeticus est, cujus granis VI. vel VIII. corrigendis adjicitur sal quidpiam alcalicum: en expono acri, quem possideo, ruit in deliquium.

OBSERV. XIV.

Puer octennis, salvo auditus organo, ut vacca ad novam portam, stupebat ad omnia: in dissecto cadavere dextrum renem mire figuratum invenimus; detegere vero non potuimus ullos nervi intercostalis ramos a plexu cervicali ad cor & præcordia transmitti, quorum beneficio præter vagum par in animalibus ratione præditis cerebrum & cor mutuo inter se intime communicant. Unde facile foret rationem reddere, cur puer hic stupidus ad rationis usum pervenire potuerit nequaquam: brutis quoque animantibus sapientissimus rerum conditor quo naturæ mechanismo rationationem negaverit: nisi haberem, quod calamo meo silentium hic merito imperat. Ob id nec superatam pertinacem passionem iliacam, nec mulierem ebriosam, *Holbergiana* methodo feliciter curatam, aut plura id genus alia, ex adversariis huc transcribere jam licet.

Dubia medica, in actu disputationis decidenda.

- I. Empiricæ, an rationalistæ fuerint in curandis morbis olim feliciores? si illi, an sola rationalistarum diserta loquacitas eos reddidit in hominum cætu sic exosos, quum empirici quoque præstantissimos in defendenda sua causa nacti sunt declamatores, *Scrapionem*, *Appollonios*, *Glauciam*, *Heraclidem*, alios?
- II. Possimusne nobis de temporum nostrorum felicitate gratulari supra omnes antiquos Græcorum, Latinorum, Arabum medicos? eorum scripta cane solum fini a nobis legenda, ut veteris medicinæ infantiam inde cognoscamus.
- III. An medicamentum possit agere ex intentione medici? Si hoc absurdum, cui bono constantur omnes in medicina hypotheses?
- IV. Cur solum *Don Quixotum* commendavit *Sydenhamus* legendum tironibus? an quod ipse desertis castris sine prævia præparatione exautoratus miles accesserit lucrandi panis gratia ad faciendam medicinam? vel quod omnes auctores systematici e manibus tironum sint excutiendi?
- V. Ad comparandum nomen in medicina omnesne CCXL. a *Boerhaavio* commendati auctores necessario sint evolvendi?
- VI. Angline, vel Galli, aut Germani plus in arte medica præstiterint?
- VII. Hippocratis §. XXXI. Sect. V. Boyle periculosum esse clamat; *Sydenhamus* suum Laudanum in lockiorum obstructionibus non vult reitterandum.

dum, si res pro voto prima vice non ceciderit, quod Fullerus pernegat; Silvius in apoplexia a vomitoriis abstinendam præcipit, quæ divinam opem adferre Dolæus adserit: nonne sic scepticismus introducit in praxin medicam?

VIII. Rectene separatur chirurgia nobilissima medicinæ pars a reliquis suis partibus, quandoquidem eos fuisse novimus optimos medicos, qui simul utramque exercuerunt?

IX. Ars obstetricia cur relinquitur soli imperitarum muliercularum faci exercenda? Cur medici & horum administrari chirurgi auxiliatrices suas manus hic subtrahunt? nonne ita pessime consulitur reip. quum multe matrum infantumve myriades ob neglectum artis hujus debitum exercitium ad inferos detrudantur?

X. An accurata linguarum, anatomie, chymie, matheos, theoria medicæ & naturalis philosophiæ cognitio sit necessaria ad faciendam rite medicinam?

XI. An sola in anatomicis enterologia, vel cum veteribus brutorum animalium inspectio sufficiat ad exercendam medicinam & chirurgiam?

XII. Post detectam per Harveum sanguinis circulationem quod emolumentum accessit praxi medicæ, nam scarificationis, sinapismi, derivationis, V. S. arteriotomie usus tam apud veteres fuit frequentissimus?

XIII. Nonne post tantam botanicis, anatomicis &c. illatam lucem, indugamque novam tot artibus faciem, veterem nos ubique agnoscere oporteat medicinam?

XIV. In originibus & causis morborum proximis detegendis, cus nos talpæ rum instar cecutire oporteat?

XV. Ostende mihi virum, insensissimum licet condendarum hypotheseum ad- versarium, qui ab omni prorsus vacuus sit novæ theoriæ hypothese?

XVI. An sola morborum historia, & fixa curandi methodus omne ferant punctum in medicina?

XVII. Freindii emmenologiam falsam esse dicit Quincyus; Mortoni theoriam ridet Meadius, quam ipse mox sequitur; chimericas Willisi speculationes quis æquo ferat animo? & sexcenta ejusmodi dubia a Boerhaavio, Oosterdykio, Hallero in institutionibus proposita nonne Pyrrhonismum inducunt in ipsam theoriam medicam?

XVIII. Quid statuendum est de ventilatis illis in Germania nostri ævi systematibus, organico scilicet Stablii, & mechanico Hoffmanni? Quod horum securiorem nobis pollicetur therapiam?

XIX. Rectene faciunt Stabliani, ut tanto magis naturæ autocratiam extol- lant, dum heroica medicamenta omnia fere exsulare jubent?

XX. Cur, ne eruditæ quidem societates potuerint specificas medicamentorum virtutes definire, in quo eæ potissimum consistant? Quomodo cortex aut antimonium curet febres? Opium sit narcoticum? Cantharides vesicant adficiant? Quomodo rubia tinct. tingat ossa rubro colore intactis cartila- ginibus

ginibus &c. An peritorum artificum hic culpanda imperitia? Aut invic- ta natura patitur se sub jugum mitti nequaquam?

XXI. Helmontii ne & Bontekæi opinio verior est, statuentium venæ sectionem hominum esse carnisicidiam, eaque incomparabilem vitæ thesaurum profun- di; vel vero Botalli, & Stablii dicentis præservativum potius esse adver- sus omnis generis morbos acutos non minus quam chronicos, ne iis qui- dem febribus acutis exceptis, quæ exanthematicæ, varioli, morbilli, pe- techiales, purpuratæ, audiunt?

XXII. Daturne universalis medicina? Inter tot tantasque decantatas omni- ævo panaceas, & jactata arcana, quæ hoc nomine digna potissimum?

XXIII. Danturne specifica unicuique morbo profligando remedia sine ulla exceptione? Fiat ita, quæ illa? Unicum duntaxat, si placet, profera- tur in medium?

XXIV. Si quatuor sint medicamentorum classes, ut nupero placuit medi- cinæ dictatori; spasmi, atonia, febres, &c. convulsiones; cur tollendis his malis non sufficiant totidem remedium formule? Aut paucissimæ, missa superficialia illa medicamentorum farragine, qua pharmacopoliæ sordere novimus?

XXV. Cur jucundissima illa & utilissima simul de crisi doctrina ab ipsis Hippocrati & Galeni temporibus jacuerit fere neglecta, si pr. Alpinum cum Dureto excipias, & nuperum Solanum cum suis corvisalibus, Ni- bello potissimum? An quia doctrina hæc nullo nitatur fundamento? Aut improbo adquiratur labore? vel forte fatendum, plusquam supinam hic arguendam esse medicorum vni- ævi negligentiam?

XXVI. Quid de noto illo in vulgus proverbio sentiendum est: qui specu- lantur, non medentur?

XXVII. Theologome, an philosophos, vel jurisconsultos vexant plures præ medicis controversiæ?

XXVIII. Quid obstat, quominus liceat verbi divini præconibus medicinam facere?

F I N I S.



GEORG.

CCXXXVII

GEORG. FRIDERICI RICHERZ,
OBSERVATÆ VISCERUM

ABDOMINALIUM LABIS

BREVIS EPICRISIS.

Leydæ 13 Maij 1757.

M m m m m 2

Non placuit mihi centies dicta variata utcunque sermonis forma repetere, aut anxie conquirere quæ novitatis aliquam haberent speciem. Simplicitatis cultor, a fucatis æque ac futilibus abhorreo, nec honesto Medico adeo curandum esse crediderim, quid vulgo tandem singulari quadam commentatione persuadere, quam quid improbo labore re ipsa in toto artis suæ ambitu præstare possit. Itaque operosioris opusculi loco, quod consuetudo postulare videbatur, incommittas aliquot proponere constitui observatiunculas, quæ hieme præterlapsa captæ in promptu erant, & derivatis inde corollariis eruditæ velitationi ansam præbere possent. Si cui institutum minus placet, nil contra moneo. Quilibet per me abundet sensu suo. Mihi satis est, minimum temporis fecisse dispendium, neque deperperata scriptione affectasse gloriam, cuius me olim pœnitere posset.

OBSERVATIO I.

Oscheoceles cum summo intestinorum gangrenoso.

I Nisio præteritæ hiemis cadaver viri mediæ ætatis examinaturus, insignem totius corporis maciem, præcordia valde retracta, dextri hypochondrii maculam pollicaris diametri cum nitore flavam, scrotam a sinistra vehementer protuberans cum cole quincunciali ad dextram devoluta, primo quidem intuitu animadverti. Sublatis ordine post cutem musculis abdominalibus apertoque peritonæo, dictam modo maculam a vesicula fellea transfudasse liquido apparebat; inprimis autem viscerum pro parte squalor turbatæque sedes lustrantis feriebant oculos. Intestina quippe tenuia vasis turgescitibus obscure rubra, summum etiam eorum, quod jam duodenum appellant, livoris gangrenosi. Tum ventriculus sub sinistro hypochondrio fere ad perpendicularum dependens: coli autem miri anfractus. A synchondrosi enim ossium pubis ad illa assurgens, sub vesicula fellea levi sinistrorsum flexu cavum hepatis subiens transversum fere septum attingebat; hinc acutissimo angulo supra marginem concavam ventriculi ejusque exteriorem superficiem reflexum paulo ad dextram mox semilunari ambitu sinistrorsum inter convexam ventriculi marginem & costas protensum, recta dein ad pubis sinistram latum descendebat, & per anulum funiculi spermatici magna sui parte scroto immergebatur.

Post hæc viscera exequitur, colon ex scroto protrahere conatur. Hærebat id quidem in universo annuli ambitu liberum, trahenti tamen renitebatur. Cujus causam ut curatius specularer, dissecta sub annulo ad latum cute, omnes ordine membranas separabam quarum mox fiet mentio, interiore ad aliquot pollicum longitudinem aperta. Tum licuit intestinum in ambiente sacco, ut ut fecibus turgens, ab omni parte liberum integrumque spectare. Dein eviscerato abdomine, jejunum quidem & ileum post unam alteramque lotionem albescebant, at duodenum, per plures etiam septimanas pura quotidie affusa maceratum, nigrescentem continuo servabat livorem.

Reliqua abdominis viscera ad speciem illæsa; quin & in thoracis cavo nil adeo vitiatum, nisi quod pulmo dextra superiore fibra leviter pleuræ accretus, cor perquam pallidum & ne mica pinguedinis donatum esset. Ad hæc cerebri medulla solito magis flavescent; quod tamen non æque morbo quam sievienti gelu & temporis moræ tribui posse videbatur.

Hinc ad sacci hernialis contemplationem advertebam animum. Erat autem hujus profunditas pollicum circiter 6, circulus interior maximus pollicum 9, periphæria annuli pollicum 3.

M m m m m 3

In

In recenti tunicae praecipue tres; exterior, propago cellulosa; media, aponeuroseos musculi obliqui externi, ut videbatur, continuatio; interior, peritonaei expansio morbosa. Inter mediam interioremque, ad limbum annuli hernialis exteriorem, Cremaster, fibris manifeste carneis inferius valde distractis fere ad tunicae vaginalis initia procurrens. Sub hoc, funiculus spermaticus sua distinctus cellulosa inde a postico annuli latere ad externam superficiem tunicae interioris valide agglutinator, laxiori gyro extrorsum primo, hinc 3 circiter poll. ab annulo antrorsum tum introrsum praeprorsus, testiculo inferebatur. Fundus sacci interiori solum tunica circumscriptus, subjecti testiculi epididymibus arcte incumberebat.

In macerato diutius sacco, funiculum spermaticum cum cellulosa sua intumescens, maximam partem ad testiculum usque separare licuit. Simul tunica, quam exteriorem dixi, in plures lamellas tenuiores cellulosa referentes telam secedens sensimque separata, eam quae dartos vocatur secum traxit. Patuit tum hujus quoque longe maximam partem mere cellulosa esse, & vasorum in eam magno numero pertinentium collapsos canales muscularum fibrarum mentiri speciem.

Praeter haec in sacci tunica interiore, parte qua corpus spectaverat, pollicari circiter ab annulo distantia, circularis plicatura, qualis ex clauso foramine ovali in sinu cordis dextri notatur, sed longe major, diametri scilicet $1\frac{1}{4}$ pollicis.

Plicatura haec maxime superius prominens latitudine fere $\frac{2}{3}$ pollicis, sensim ad latera angustior, ad infimam peripheriam particulam evanescenti similis, limbum anterieus fluctuantem tunicae peritonaei, a qua profectus erat, fibris subinde tomentosis funiculorum instar adstrictum monstrabat. Immisso funiculorum interstitiis tubulo coniculi passim inter ea ad $\frac{1}{4}$ pollicis plus minus progredientes apparuerunt. Inflatus aer ad interiora sacci vel circularis plicaturae aream revertebatur. Quod cum limbi continuitatem cum sacci tunica interiore indicaret, ea quoque uno alteroque funiculorum soluto clarius patuit.

Nec praetereundum est tomentosos ejusmodi funiculos variis locis extra circularem plicaturam libere fluctuasse; quos quidem inclusi quondam coli lateribus implicatos fuisse quis suspicari posset, verum caute, ut monui, eximendo intestinum nullum remorae indicium nihil abrupti observare licuit. Caeterum soluta limbi parte, plicatura circularis non duplicata membrana sed simplex peritonaei processus esse videbatur; neque is postea ulla arte sive flatu sive cultello nec diuturna maceratione in lamellas dividi poterat.

Testiculus extra saccum positus propria sibi inclusus erat vagina; quae, ut alias jam observaveram, duabus membranarum constabat, exteriore cremasteri nexa, atque interiore cui albuginea continuata, pulcherrime candicans foveolisque instar testis ovi distincta.

Neque adeo praeter rem esse videtur paucis addidisse: vesiculas seminales

les perquam turgidas gratissimo mihi spectaculo tres distincte lamellas, externam tenuem albam aequabilem, mediam crassiorem multo & omni specie musculosa, intimam albescens tenuissimam vasculorum ramificationibus turgentem favosque vesicularum distinguentem, oculis objecisse.

Haec antequam dividerentur pressae, copiosum liquorem per unum idemque osculum, linearis fere amplitudinis, ad ortum carunculae, quam galinaginis caput dicunt, hians eructabant. Vacuato autem liquore distincta intus deferentium vasorum foramina duo, communi tantum hiatus limbo comprehensa apparuerunt.

Valida plenioris intestini a faecibus obstructio, omnes arteriarum mesentericarum fluctus ad tenuia impellens, facile horum inflammationem, & permanente causa, gangraenam excitat lethalem (11. 33).

Non firma prognosis est, aegrum ab imminente morte liberatum iri, ubi iusta encheiresi integrum e scroto intestinum in abdomen revolvitur potest. Orta inde jam ante operationem immedicabilis superiorum labes, spem saepe facit irritam.

Oscheocelen majorem firmatamque sacco herniali illaeso tolli posse, ob probabilem tunicae interioris cum reliquis conglutinationem (56), quam maxime dubium videtur, quicquid etiam celebres nonnulli Parisiis chirurgi, labente saeculo ea de re disputarunt. De parva, saepius & diligenter revoluta, meliora sperare licet.

In Oscheocelotome non adeo metuenda videtur vasorum spermaticorum latio, si anterieus mox sub annulo sacci hernialis sectio fiat. Sive enim ab interiore latere prorepat anterieus, quod frequentius fieri Guntzio observatum memini, sive ab exteriori ut in nostra hernia (55), sectioni indicato loco spatium remanebit praeter aliis opportunum.

Ut ut opportunus eligi possit in oscheocelotome locus, tamen nec satis securum esse dixerim, quod laudatis in arte viris placet, saccum per totam longitudinem aperire. Ita enim vix evitari posset, ne vasa spermatica simul discinderentur, si ea, qualem nos observavimus, directione procurrerent (45. 57).

Qui tantopere ioculant, funiculum spermaticum cultello solvendum esse ubi sectioni impedimento est, securitati pulchre prospiciunt; at difficultatem illaese separationis saepenumero crediderim insuperabilem (56. 61).

Qui vero inveteratae herniae saccum, non praevia illius a funiculo spermatico separatione, fortiter constringunt, illi simul subjacentem suffocant testiculum, qui parum, recidivae non prospiciunt. Hinc nec Sermesio laudata methodus vitio caret, & vel castrationis effectum hedit, vel medellam tamen facit imperfectiorem.

Antiquorum placitis oscheoceles fere solum a ruptura, recentiorum, magis a relaxatione peritonaei, explicatur. An temerarium sit asserere, ambas subinde causas concurrere posse, hic jam non prolixè disquisiverim.

Fate

Fateor tamen mihi hanc tertiam causarum oscheoceles speciem circularis illius plicaturæ [71. f.] contemplatione in mentem venisse, atque eam in posterum ubi occasio datur attenta observatione dignam videri.

Cæterum ex allata historia obiter collegisse liceat: eximiam esse bilis in penetrando vim atque subtilitatem [4. 9], pulchroque hinc exemplo constare, firmas crassasque etiam animalium partes nulla canalium ope a fluidis irrigari posse:

Fallacem sæpenumero esse de sede dolorum suspicionem, cum coli esse possit, qui hepatis aut ventriculo tribuitur [15]:

Denique, nec majores hernias penis semper brevitatem ponere [6], neque etiam in parte affecta, compressis licet valide vesiculis feminalibus, secretionem seminis cessare (54. 100.).

OBSERVATIO II.

Vomica hepatis in pectoris dextram cavitatem aperta.

Illatum erat initio labentis anni theatro publico quod jam F. B. Albinus cura floret, cadaver viri medice ætatis, demonstrandis musculis dicatum. Aderam viri amplissimi æque ac humanissimi venia præparationi, quam dicunt, cunctaque curatius speculabar quæ ad demortuum corpus dextrissimamque administrandi rationem pertinebant.

Erat habitus cadaveris torosus, cutis cum nitore leviter ex albo flavescens, subjecta huic cellulosa pinguedine admodum referta, musculorum læta facies.

Aperto abdomine, in visceribus nil adeo vitiatum apparebat, nisi quod intestina tenuia, præsertim ileon, passim solito arctiora vix digiti amplitudinem æquarent. Adhæc hepar altius prominebat, ut vix pollicem ab umbilico distaret, & sinister præprimis lobus iusto durior punctisque albicantibus scirrholis distinctus erat. Omentum mediocriter pingue.

Cum eximerentur viscera, hepatis lobus dexter solito latius gibba parte diaphragmati accretus levi tractione occasionem præbere videbatur, materię ex abscondito adhuc abscessu profluente. Erat materies illa ex albidō cinerea, pure fluidior, inodora, nisi quod sub finem consistentię paulo majoris & leviter olens appareret.

Presso paulisper hepate fluxus largior ultra horæ spatium continuus, ut collecta tandem materies 10 circiter librarum mensuram æquaret.

Inter hæc hepar & diaphragma ad cavum pectoris dextrum, sinuosa, lacera; quin & diaphragma ad cavum pectoris sinistrum laxè propendens licet integrum.

Exemto hepate lobi dextri dorsum fere dimidiam partem in crustam densiorem subalbicantem abiisse visum est, sub qua cavum vomicæ tertiam circi-

eter substantię lobi partem æquans. Cavum illud undiquaque materie mere purulenta tenaciore oblitum, vasorum oscula clausa habebat. Capacitas vix quartæ parti exhaustæ materiei par. Cætera ex cavo pectoris dextro profluxerant.

Explorantibus cavum pectoris stylo dexter pulmonis lobus adsumtus videbatur; verum aperto postea thorace idem, cætera integer, in exiguum spatium compressus apparuit. Tum pleura quoque densa, albicans, laxa, purulenta materie macerata & partim impleta patuit.

In sinistra cavitate pulmo cum pleura integer. Adhæc cor quidem flaccidum sed illasum & satis multa pinguedine coronatum.

Nec prætereundum esse videtur, interiora vasorum sub vomica a purulento latice fuisse immunia, atque cystidem felleam flava bile plenissimam.

Jam miretur quis, præconceptam veterum, de sanguinis fonte, opinionem, acutissimum alias Aretæum induxisse, ut, reclamante experientia, hepatis magnas vomicas denegaverit. Sed parcamus tanti viri manibus. Nos solam fere bilem ab hepate derivantes, redarguet forsitan serior ætas, ubi visceris fabrica penitus perspecta atque exactior eorum quæ sanguinem reficere possunt computatio facta fuerit.

Hippocrates, ictericos ab hepate subalidos, a splene obscurius flavescere esse, edixit. Hanc diagnosin haud adeo curare videntur recentiores, qui morbosam flavedinem frequentius ab hepate repetunt. Favet tamen priori Hippocratis placito historia modo recensita (9), posteriori, ut alia taceam, illustre exemplum quod ante aliquot menses in femina vidi, cui lien valde induratus enormi longitudine inde a transverso septo fere supra totum renem ad os usque ilei sinistrum propendebat, & suprema parte, reliquis paulo crassiore, ambitu suo minimum pollices æquabat tredecim. Sed lubenter fateor hæc tantis componendis litibus non sufficere. Cumulatoribus in re obscura exemplis opus est.

Ubi vomica hepatis alte sub diaphragmate defecit, atque ipsum parenchyma late devastavit (30), vix certiore a sectione quam medicamentis curationem sperari posse autumo. In reliquis forsitan potior a ferro salus. Crediderim tamen non adeo contemnendum esse Thieullier consilium, ut explorandi causa perforetur antea locus, quem scalpello incidendum putamus.

Vicit, ni fallor, post Hippocratem Boerhaavius, condendo breves de morbis aphorismos, omnium quotquot novi industriam. Neque tamen in tanti magistri verba jurare juvat, ut ut summo acumine polita. Sunt quæ illustrari, quæ suppleri posse videntur. Et fere dixerim, recensitam modo observationem suppurati jecinoris exitum (§. Aphorif. 936.) & empyematis fontes (§. Aphor. 1185.) reddere locupletiores.

Aretæo jam dudum observatum memini, hepar inflammatum diaphragma detrahente. Et tamen mihi in tota historia nihil adeo crucem figit, *Disput. Medico-Pract.* Tom. VI. N n n n n quam

quam quod sub illa a sinistra pectoris cavo integrum diaphragma laxè propendens viderim (28). An forsan occulti cuniculi aërem admiserunt?

OBSERVATIO III.

Ventriculus sphacelo correptus.

A Nni labentis mense aprili cadaver puellæ circiter semestris, perquam gratae mihi anatomicæ exercitationis causa comparaveram.

Color corporeculi maximam partem albicans, ad latera thoracis rubicundior; habitus inter macilentum & pinguem ambiguus; abdomen elatum; caput amplum; vertex sordibus inquinatus. Denti ordine musculis abdominalibus apertoque peritonæo, quicquid præcordia & pubem spatii interjacet intestinis tenuibus plenum apparebat. Erant illa distenta admodum atque flavescere passim coagulo repleta, cæterum coloris pulcherrime ex roseo albicantis & quoad speciem sanissima; nec in pleniori quippiam alienati. Quibus suspensa manu ad præcordia sublatis, hepar in gibba sabrubellum in concava passim obscurius viridescens, vesicula autem fellea coloris porracei atque in averfa colli parte adeo expansa ut fere majoris ibi quam in fundo capacitatis esset.

Quæ licet attentione haud indigna viderentur, lurida tamen ventriculi facies magis oculos in se convertit. Erat quippe inde ab ore suo superiore usque ad distantiam aliquot pollicum a pyloro ex fusco nigrescente colore tinctus, nullo splendore & flaccidus instar macerati.

Quem cum leviter attingerem ut averfa mihi pateret superficie, continuo rumpebatur medius, liquoremque pultaceum coloris e cinereo nigricantis grumis albidis avellanæ partim magnitudine distinctum perenni fluxu eructabat.

Exceptus vase liquor leviter rancidum spirabat, grumi vero digitis triti verum lactis ostendebant coagulum. Cessante fluxu lacerum eximere conabar ventriculum; ast præter cardiam cum vasis majoribus a margine concava in pylorum protensis, huicque adherentem laciniam insigniorem, nihil protrahere poteram. Reliqua partim sinui splenis firmiter agglutinata, partim in glutinosum leviter olentem mucum collapsa erant. Lacinia illa pyloro continua curatius examinata ad extremum limbum quo fundum effecerat, fasciam monstrabat ab interiori tunica usque ad muscularem ita corruptam, ut villosa cuticulam referret facile dehiscens, quales in pultaceis cernere licet, nervea vero solito crassior & gelatinæ mollioris instar tremula musculari incumberet; quæ, illis leniter ablatis, exteriori inherens clarius multo circulares quas vocant fibras sponte oculis objecit quam arte unquam præparari possunt. Erant illæ sublutei coloris, leviter

plicatæ, latitudine, ortu, fine, directione tantillum discrepantes, neque ulla earum pleno arcu procurrebat. Partem sanam postea continuo aqua maceravi; verum ea adhuc integra permansit, ut ut facta sit tumidior & in laceratis marginibus tandem deliquescenti similis.

Juvat paucis addere, quæ morbo principi lucem affundere videntur. Et Splen quidem perquam parvus & flaccidus, memoratam ventriculi laciniam per totum sinum tam late sibi accretam habebat ut vix conspicua vforum illius oscula paterent, & tam valide, ut lacinia exteriorem tunicam absque sua non dimitteret. Ex pelvi tuba utriculi sinistra cum ovario plane in eum pubis sinum secesserat, qui secundum naturam ligamenta quæ vocantur rotunda excipere solet. Diaphragma ab omni parte integrum, validum, fibris carneis insigniter plicatis. In thorace pleura haud leviter indurata, pulmo vehementer in bullulas expansus, cor sanguine suffusum, arteria pulmonalis nec non aorta descendens tenacibus eximiiis polypis refertæ. Craniæ futuræ pro ætate paulo latius hiantes, cerebri vasa spisso sanguine perquam turgida, cætera sanum nec in cavis suis morbofo latice suffusum. Fere oblitus eram, ductum hepaticum inde a minimis ramis, quos acutiore cultello aperire oculisque discernere licuit, simili porracea bile madidum fuisse quam vesicula capiebat.

Ut ut cadaverosus fœtor absit, eas tamen partes corporis solidas verum occupasse sphacelum dixerim, quæ soluta compage mechanica in tabum collicuere (34. 37).

Apertis ulcere ventriculis nonnullos per longam annorum seriem traxisse animam, memorabilibus Etmûleri Wenkerique historiis credimus. Qui fiderato plane ventriculo diu vixerint equidem, quod sciam, haud memorantur, neque etiam auctoribus facile haberetur fides.

Levis etiam ventriculi inflammatio diras sæpenumero excitat tragædias, vehementiores gangrena & sphacelus. Hinc splenis (51) pulmonum (60) cordis (61) cerebri (63) suffocationes, hinc inflammatio pleuræ (60), cystidis felleæ convulsio (16), intestinorum intumescencia (10), herniarum ortus (55), & innumera alia facile intelliguntur.

F I N I S.

DISPUTA-

N u n n a

DISPUTATIONUM
AD HISTORIAM ET CURATIONEM
MORBORUM PERTINENTIU M,
TOM. V. PARS IV.

A D F E B R E S.

C L I.

Gorgii Ernesti STAHL & Godofrid. MEYER de tertiana febrī genium uni-
versum manifestante Hal. 1706. Plures III. STAHLII disputationes, & eam
inprimis alii desiderabunt, quæ de autocratiâ Naturæ agit. Verum legem mihi olim
scripsi, eamque in præfatione indicavi, me theorias etiam elegantissimas, optimæque
dictionis, aut ingenii etiam vi conspicuas, nunquam admissurum, nisi cum naturæ
observatæ historia conjungatur. Quare illos quidem STAHLII libellos omisi, qui
hypothesi in universum ornandæ dicantur, aliquas vero inter multas selegi, quæ
phenomenorum quasi picturam aliquam tradunt. Has inter ista est, quæ curiosam
omnino symptomatum tertianæ enarrationem continet; deinde III. auctoris senten-
tiam manifestissime declarat, quæ ventriculi aliquod vitium pro causa mali, vomitus
at reliqua vero symptomata pro naturæ se vindicturæ conaminibus habet. Quare cor-
ticem chinæ chinæ, tamquam oppressorem insurgentis naturæ omnino rejicit, in
salibus vero digestivis, cum absorbentibus, potius quam in vomitu spem
suam ponit.

CLII. J. Godofr. de BERGER & Henrici David STIEGLER Chinachina ab in-
quis iudiciis vindicata Witteberg. 1711. Cum motus febrilis a STAHLIANA
schola pro salubribus naturæ conatibus haberetur, & in Germania potissimum po-
pulari odio cortex Peruvianus premeretur, hæc eloquente & gravi dissertatione va-
nos hos terrores dissipat Auctor, unaque cum Tortio monet, sufficiente & aliquot die-
rum septimanis continuata corticis copia, ipsoque potius dato pulvere, quam ex-
tracto quocunque, febres tuto domari. Ipsa dies & experimentorum multitudo sen-
sim docuit, nullum medicamen blandius, securius, certius a natura generi hu-
mano datum esse. Non perinde certum est, quæ potestate cortex beneficam vir-
tutem expediat; amarum esse, & solvere una & adstringere docet BERGERUS.
Verum & quæ multo magis adstringunt, & quæ immensum amarore superant, mul-
to, quam chinachina, inertius febribus obstant. Liceat paucis verbis vim saluber-
rimam hujus medicaminis grato animo recordari. Podagrico dolore lenissime adie-
ctus, casu improvise frigori expositus, sub exitum mensis Martii, subito febre vehe-
mente, & erumpente de facie, intra paucas horas, erysipelate pene oppressus fui.
Cum tamen febris vehementiam aliquot matutinis & quotidianis horis remittere
perciperem, nihilque summa copia acidorum contra vim febris posset, & erysi-
pelas in dies magis per totam capitis capillatam cutem se diffunderet, denique die
sexto post brevioris paroxysmum, & parcam remissionem, novus & vehementissi-
mus viginti quatuor horarum insultus, cum vehementissimo calore me invaderet,
cum.

cumque venæ sectio, quam fundentibus amicis invitatus dederam, dolorem equi-
dem pedis revocaret, cæterum febrem ne unico quidem inter 124 pulsus minue-
ret, continuo, nihil territum ab eruptorâ illa sanguinis depuratione, prima diei
octavi remissione celeriter usus, corticis semuncem absorpsi: cumque multo cele-
rior, ut fere solet, minorque alter paroxysmus rediret, unciam corticis in præ-
xima remissione sumita, deinde sensim diminutis, diu tamen continuatis, divini
remedii dolibus, absque ullo incommodo, aut reliquiis ullis, inter blandos repa-
rate podagræ dolores, morbo sum defunctus. Ut constet, etiam in exanthemati-
cis febribus, dum certa sit, & alicujus constantiæ remissio, corticem perinde sa-
lubriter exhiberi, ac quidem in febribus vere intermittentibus datur. Remissio ve-
ro tunc certa est, quando febris ad pulsus in primo minuto centum redit, &
melior certiorque spes est, si ad 94 usque descenderit, quem fere numerum in
tertianæ diebus, qui vocantur liberi, in diversissimis ægrorum corporibus observavi.

pag. 41

CLIII. Honorii Wilhelmi KASTENHOLTZ consellaria theoretico practica ex bi-
storiis quatuor febrium tertianarum intermittentiū de prompta Altdorf. 1727. Ex
his suis febres tertianæ historiis deducit vir Cl. facile in alios & alios morbos has
febres transire: neque vomitum, etiam a natura motum, ad suam curationem
sufficere; & emetica utiliter quidem exhiberi, postere tamen prudentem medici
manum, & gravissime subinde nocere, si alieno loco data fuerint: a febribus
porro intermittentibus hactenus nervos adfici, ut spasmi aliquando, & alias ato-
nia, ab earum declinatione supersint: demum eas febres a motu elastico & vitali
potissimum pendere.

61

CLIV. J. Frid. CARTHEUSER de febribus intermittentiis epidemicis progr.
Francof. ad Viadr. 1749. Epidemicas febres describit Vir Cl. cum sudore de-
littante conjunctas, sanguine sæpe viscido. Chinam chinam nocuisse IDEM mo-
net, emetica vero & purgantia medicamenta salutaria fuisse.

83

CLV. Caroli GIANELLA, Præceos nunc professoris Patavini, de admirabili spe-
cacanthæ virtute in curandis febribus tum autumnalibus tum lentis, tum aliis sive
continuis sive intermittentiis sedem in primis viis habentibus brevis disputatio
Patavii 1754. Infusum hujus radicis aquosum propinat in febribus autumnalibus:
tum in febribus lentis, cum nausea & conatu ad vomendum conjunctis. Eas febres
hec radix absque recidivæ metu sanat, ex viri Clar. experimento.

91

CLVI. J. Henrici SCHULZE & J. Gottfrid GRÆVI de mercurialium usu in
febre quartana curanda Hall. 1742. Quartanam describit Vir olim eruditissimus,
uti varia in variis hominibus facie adparet: etiam cum viscerum tabe, hinc cum
tussi, cachexia, aliisque malis conjuncta: exempla deinde profert felicium cura-
tionum quæ breves dulcis mercurii doses, absque saliva potenter motu exhibitæ,
securæ sunt. Rubrum etiam & præcipitatum mercurium diapnoen movere, & ha-
ctenus paria facere, album salivam potius ciere addit. Eum mercurium cum sul-
fure atrato antimonii conjunctum: dudum, ante Edimburgensium laudes, in Ger-
mania datum fuisse nos docet. Aliam febrem quartanam in juvene, solo emplas-
tro splenetico cum saponato misto, & quattriduo gestato, vidit superatam fuisse.

101

CLVII. Pauli le ROY & J. Baptiste HARTZ disp. in hæc verba *Ergo febrī sub-*
intranti Kinakina Paris 1751. Febrem, & erudite, describit, & ex periodica-
rum grege esse, hinc a cortice Peruviano domari confirmat. Vim in amarore
ponit, hinc cum cortice fraxini Peruvianum comparat, impar par pugilum.

115

CLVIII. Henrici Wilhelmi AGROTI de febre stomachali epidemica diss. Marburg.
1727. Febris periodicæ modo continuæ remittentis, & modo vere intermittentis,
cum tertianæ periodo, peculiari vero dolore, continuo, & vehemente, in præ-
cordiis costarumque oppositarum intervallo, tamquam caractere conjuncto, historiam
dat.

N n n n 3

dat. Non mediocriter periculum superabatur sanguinis missione & emetico, quibus auctor solita ejus imprimis aevi temerantia addit, & absorbentia, fractaque vires vino jubet fuscari.

CLIX. J. Andrea FISCHER & Godofredi KULANZ hepatitis Pegaviae in circulo Lipsiensis epidemice grassantis observata & curata Erford. 1718. Brevior justo neque facis plena morbi historia, hic tamen recensetur, quod utilitati publice me faturum speraverim, si quam plurimas epidemicorum morborum historias ederem. Ita & res ipsa suadebat, & existerunt, qui volentem hortarentur viri Clari. Pegavienis morbus epidemica febris fuit, cum vomitu bilioso, dolore hypochondrii dextri pungente, respiratione difficili, & facie pallide citrina, & urina glutinosa, ad vitrum vehementer adherente. Venae incisio aut nocuisse dicitur, aut morbi certe tempora protraxisse.

CLX. Melioris notae inter Stahlianas visa est ejus de febribus *dispositio* disp. quae respondente Ernesto Petro MURDER Halae prodiit 1701. Causa morbi omnino serio in bile ponitur: symptomata recensentur, quae dicam: languor universi corporis, anxietas, nausea, horror vehemens, tunc æstus, dolor capitis, febris: salubris nonnunquam, & febrem jugulat, vomitus biliosus, aut subsequens diarrhoea; perit faucium siccitas, virium prostratio, agrypnia, delirium furiosum. Additur post graves iras imprimis supervenire. Curationis spes fere unice in nitro ponitur.

CLXI. Alberti v. HALLER, & auctoris medici & chirurgi Petropolitani G. C. PAPPENHAUM de febre maligna per gangrenam pedis dextri in regione malleoli externi critice soluta Götting. 1741. Titulus fere historiam declarat, quam Char. vir describit, aliqua vero spe terrorem mitigat, quem gangrena superveniens plerumque nec immerito, injicit, statque exemplum abscessus, quem paucissimi medici inter criticos retulerunt.

CLXII. Guidonis FANONIS de morbo epidemico haustus inaudito praeterita æstate anni 1669 Lugduni Batavorum vicinisque locis grassante Leid. 1671. Historia morbi nimis quidem brevis est, neque artificem sapit. Febris mali moris erat cum anxietate praecordiorum, & sensu ponderis ventriculo impositi, cum perpetua nausea, aphasiaque: vis ad perniciem magna, ut 7000 homines Leidæ abstulerit. Curationis, quam morbi melior est descriptio, cum auctor & 1000 agrotis adfuerit, & morbum ipse sit perpeffus. Vomitus movebat, venam etiam repente secabat, sudoriferis abstinerebat, quae perniciofa esset expertus.

CLXIII. J. de KOKKE de morbo epidemico anni 1719. Leid. 1720. Rarum opusculum debeo humanitati pretiosissimi viri Hieronymi David GAUAIL. Morbus ex diuturno BOHEMIAANO descriptus auctor post calidam hyemem per æstuosam squallidamque ætatem natum, ex corrupta, ut credebatur PALLORIUM, bile. Febris erat cum atroci cephalalgia conjuncta, in fauces nonnunquam & colliquativas dysenterias terminata: aut in icterum: aut in rheumaticos dolores. Curabatur facinosis, acidis, fructibus horis, emetico aut purgante pharmaco, in ipsis morbi principiis dato: noccebat acris quæque & alexipharmaca, ipseque Peruvianus cortex, quem Cl. auctor pro anodyno medicamento habet, cujus vi irritabilis nervorum natura sopiatur.

CLXIV. Georgii DETHARDING & Georgii HANNI d'sp. de febribus Ederossulienfibus epidemicis vulgo stoppehfeiler Hofate 1735. Eleganti disputatione exponitur tractus, quem Eydera adluit, inaquosa & per ætatem secca indoles: aquae putealis aut paludosa gravitas, & sedimentum lixiviosum. Febres in ea regione endemice sunt ex periodico genere tertianarum, sed continuæ aliæ, aliæ duplices, aut anomale: denique catarrhales benignæ aut malignæ, quarum febrium aliquæ singulis fere annis grassantur. Vitium partim in primis, quas vocant viis est, & anxietates, nauseasque, aliæque ejus generis symptomata facit: modo

modo in sanguinem transit, & petechias, eryspelas, cephalalgiam, virium prostrationem, pulsus inaequales.

CLXV. Francisci Josephi MOLITOR & Henr. Andr. Job. MAYER de febre continua & intermittente tertiana utraque ad Rhenum ann. 1711 & 1745 epidemica & casuensi Heidelberg. 1736. In utroque exercitu hæc lues sevit, in gallico etiam magis: febres vere malignæ, ex genere petechialium, miti sub primos dies facie, inde in cephalalgias enormes, sopores transibant mortemque, post narium hæmorrhagias, congesti in caput sanguinis indices. Neque raræ erant, infrequentes aliam inter febrium symptomata, paralysen. Frigus etiam ab intermittentibus aberat. Urina crocea erat, neque rarus icterus. Militum numerum incredibilem, & majorem addebat, quam pellis solet, ut ex centuria aliquando unus salvus superfuisset.

CLXVI. Simonis Pauli HILSCHER & Immanuel Friderici SCHAEFER de febribus malignis in regione Röntheldensi a mens. Dec. ann. 1740 ad Augustum usque anni 1741 grassatis Jenæ 1741. Iterum de maligniori gente, cum æstu aliisque symptomatibus modicis, pulsu cum frequentia parvo, appetitu ciborum prostrato: tussi, doloribus variis, etiam lumborum, cute arida, vigiliis contumacibus, convulsionibus, exanthematibus, purpura utraque, petechiis, vermium mortuorum ejectione. Intercedebant longissimæ febrium periodi, & ægri fuerunt, quibus 28 die purpura alba erupit, & 27 aliis diebus febris superfuisset. Curationem, pro theoria ejus aevi, medici fere absoluebant diaphoreticis.

CLXVII. Hermann Pauli JUCH & J. Jacobi ZUBERBUHLER de febre catarrhali epidemica cum tussi & coryza complicata mensibus vernalibus anni praeteriti in pluribus Germaniæ Provinciis grassante Erford. 1743. De levi illa febre catarrhali sermo est, quæ annis etiam 1711 & 1733 late dominata, ægros fecit plurimos, stragem fere nullam edidit.

CLXVIII. Philippi Conradi FABRICII & J. Daniel FAHRENHOLZ observationes quædam circa constitutionem epidemicam anni 1750 adnotate Helmstad. 1751. Praeter aliqua ad historiam naturalem agri Helmstadiensis pertinentia, brevemque plantarum spontanearum catalogum, describit Vir Ill. synochum putridam, satis etiam cum affectibus soporosis & tendinum subultu funestam, quæ venæ sectione, nitrosis, aliisque lenibus medicamentis sanabatur, ea enim gens fere sola mita fert, & fortibus remediis offenditur. Inde febrem intermittentem, & variolas ejusdem anni describit.

CLXIX. Henrici MAII & Arnoldi Philippi KOPPE de febre casuensi quam vulgo cephalalgiam epidemicam vocant Rintbelli 1691. Etli dictio non est nuperi saporis, potest tamen utiliter legi descriptio morbi, qui in reliqua Europa rarus est. Febris est acuta, cum universi corporis fatigatione, nausea, intolerabili pene cephalalgia, & cardialgia opprimente, absque certis in pulsu aut urina signis. Curatio, ad seculi genium, a bezoardicis & calidis medicamentis petitur.

CLXX. Michaelis ALBERTI & Georgii SCHULTER auctoris de morbo hungarico bagymaz ejusque cura præcipue per specificum Hall. 1726. Idem morbus describitur, qualis in patria regione grassatur. Additur prioribus natura contagiosa, color faciei pallidus & livens, parotidum eruptio; & laudatur empirica curatio. Hungaris familiaris, qui unice decocto ononidis vulgaris caput lavant & confricant. A methodica deinde curatione rejicitur camphora, & quicquid est calidorum.

CLXXI. J. Antonii Josephi SCRIBER & Guilielmi BACHE de febre maligna casuensi gallorum, quæ cum ingenti eorundem strage per totum regnum Bohemiae maxime vero Praga inter eosdem grassabatur Prag. 1743. Unice decerpsi morbi historiam, quo triginta millia Gallorum unico anno exeunte 1743 dicuntur extincta fuisse. Petechialis erat ingenii, curantibus tamen medicis gallis negat auctor unquam

unquam exanthema adparuisse. Carpit eorum consilia, sanguinis missionem nimiam, emetica, etiam sexto & septimo die repetita, emulsiones. Inquit in causam, voracitatem accusat, quæ fami supervenit, frigus nocturnum, corruptum a nimia ægrotorum copia aerem &c.

CLXXII. *Josue WETTERICH de febrili constitutione petechizante Petropoli an. 1735. grassante Regiomonti 1736.* Hoc libello accurate scripto, traditur febris continua, aut in purpuram abitura, aut maculas expulsores petechiales, cui id singulare fuit, quod in declinatione salutaris pyralismus superveniret. De inconstantia queritur aeris Petropolitani, cum alias rerum septentrionalium scriptores soleant constantiam hiemis inter prerogativas orbis borealis recensere. Noster vix triduo aut æstatem, aut hiemale genus sibi constare adfirmat, subitoque & in frigus æstum, & in egelidum tepor in brumam degenerare. Frigus a propria materie nasci ideo suspicatur, quod longe alia sit aeris natura, quando frigori tepor succedit, quam fuit, eodem cum statu thermometri, quando autumnali tepori primum gelu supervenit. Inter rariora phaenomena etiam pulsus venarum verum, & constantem producit, quem vidit cum purpura alba conjungi. In curando Vir Clar. abstinere a missione sanguinis, ab emeticis: utebatur plurimum castoreum quidem odorato cortice ad grana decem quater de die dato, quo vitæ vires sustentabat. Eadem, sed cum altero potentiore Peruviano cortice conjuncta, anxietates mitigabat, exacerbationes in ordinem redigebat, ordinatas denique febres tollebat, & in universum salutifero hoc medicamine etiam continuæ febres labiguntur, dum non sint inflammatoriae. Purgantibus vetat corticem miscere (eo rectius, quod ipse cortex alvi eam laxitatem præstet, quæ sufficit). Camphora non quidem deliria jam nata tollebat, sed cavebat venturis. Nitro utebatur, & denique, pro sudorifero sine, pulvere de chelis cancrorum composito. Cantharides primis diebus salubriter imponi comperit. Cum saliva saluberrime fluere, gargarismata, qua ciceretur, necessario requirebantur. Enemata in dolore maxime capitis proderant.

CLXXIII. *Friderici BRANDHORST castrensis medici historia febris castrensis petechialis epidemica Leid. 1746.* Morbus in exercitu Borussico annis 1741 & 1742 saevit, ex febrium continuarum genere, cum petechiis conjunctus. Prima symptomata in capite apparebant, dolor nempe capitis obtusus, & soporis pene ineluctabilis necessitas; apostitis, sapor putredinis ex carnibus quibuscunque: deinde febris vehemens cum difficili spiritu, vigilæ, aut sopor perpetuo ingravescens, & delirium, & intensissimus æstus, osque & fauces aridæ & inflammatae, cutis sicca, rigida, aliæque ardoris interni symptomata: sudor acidum spirans. die 14 erumpebat criticus: petechiis nulla ad servandum ægrum vis erat. Inter causas proegumenas locum veneream recte recenset, qua utcumque infecti difficillime ex acutis febribus se extricant, deinde inter externas pluviam, hiemem, & itinera per medias aquas militaria, tentoria in nivibus tensa, vitam castrensem, vina calidissima. Inter auxilia venæ sectio vix locum habebat, quod a quarto die parum utiliter administraretur, ante eum diem miles vix in militare nosodochium transferatur. Emetica & purgantia minus feliciter propinabantur, felicius cedebant acida, aquosa, nitrosa. Inter corollaria primum memorabile est, quo auctor adfirmat, petechialem febrem gonorrhoeam virulentam, condylomata, & alia venerei mali symptomata sustulisse.

CLXXIV. *Godofredi WELSCH & Sigismundi Ruperti SULZBERGER historia medica novum istum puerperarum morbum continens, qui ipsis der Friesel dicitur* Lips. 1655. Memorabilis libellus, incunabula novi morbi tradit, qui ab eo tempore per septentrionalem Europam tyrannidem suam extendit, neque australi penitus parcat, cum Reginam Sardiniae non ita dudum exstinxerit. Lipsiæ fere anno 1652 primum innotuit, jam tunc saevus, & in puerperas inclemens. Descriptio

non

non multum ab eo morbo distat, quem toties in Germania vidi, carissimis mortalibus funesto, & quo ipso pene oppressus fui. Ichorem, vocem obscure significationis, accusat, qui hujus malignæ & miliaris febris causa sit.

CLXXV. *Polycarpi Gottlieb SCHACHER & J. Georgii STRINFIELD de febre acuta exanthematica ægram quinquies serie non interrupta invadente* Lips. 1721. Vere singularis hujus feminæ calamitas fuit, quæ quater maligna purpura, benigna semel, & variolis perinde semel, pene absque intervallo defuncta vitalis, ex tantis malis evasit.

CLXXVI. *J. Godofredi SALZMANN Job. Fil. Historia purpure militaris alba cum primis Argentoratum & viciniam ante biennium fere incessanter* Argentor. 1736. Febrem miliarem in genere, deinde eam peculiariter describit, quæ in exercitu gallico, post obsidionem Philippiburgi saevit, interque cives pariter grassata, medicorum magnum numerum interemit, ut certo memini. Vere contagiosam fuisse recte negat, eo certe sensu vocis, quo vulgo sumitur. Virium prostratio, & anxietas, sub ipsa morbi principia aderant, redibant, post remissiones aliquas, novæ subinde exacerbationes, absque refrigeratione. Accedebat pondus pectori grave, & animi inquietudo, & obscurius delirium; & perpetuo duratura diarrhoea.

CLXXVII. *Wilb. Ulrich WALDSCHMIDT de singularibus quibusdam pestis holsaticæ* Kiel 1721. Vere singularia multa continet, etli pestis Kilie pepercit, cum viciniam Holsatiam devastaret. Etiam hac in regione medici nascentem morbum parum agnoverunt: contagium, per certas historias, vestium ope & ipsorum numerum spargebatur, hac tamen matris nonnunquam innocuum fuit, neque malum brutis animalibus penitus pepercit. Nullos secum grassaturos morbos hic tyrannus tulit: bubones exigui, incerta sedendi methodus, theriacæ noxa utiliter hic confirmantur: & id quidem medicaminis genus magistratus Gedanensis etiam edicto proseripit.

CLXXVIII. *Antonii COCHLEI de morbo variolari quo adfecta est prænobilis monialis Maria Livia Burghesia sub finem ann. 1739.* Ne doctissimi viri hic brevis molis labor interiret, rectissimum dare visum est. Sanguinis missionem, sub principia morbi, & alvi laxationem, & frigidiusculam dietam Sydenhami laudat.

CLXXIX. *Casp. Guilelmi BEUSSER & J. Theodori FARRI diss. sistens historiam morbi & sectionem cadaveris variolis confluentibus defuncti cum epicrosi* Heidelberg. 1731. Utilis historia morientis ex variolis principis, in cujus intestinis nulla pustula, sed inflammatio late sparsa & gangranam minans reperta fuit, simileque in septo transverso malum, inque intestinis pus effusum. Neque ego unquam, tot in cadaverum morbosorum incisionibus, infra pharyngem pustulas reperi.

CLXXX. *Nicolai ROSEN Archiatri, & Petri JONÆ BERGII, celebris clinici, de variolis curandis* diss. Upsal 1754. Aliquot curationum ab auctore peractarum historiae hic continentur, quibus corticis Peruviani in confluentibus cum parvo & celere pulsu variolis, inque febre secunda cum putredine & debilitate conjuncta, salutare vires confirmantur: Exhibebat autem Vir. Cl. corticem ad scrupulum. Significissimus pedibus admotus variolas in pedes revocavit.

CLXXXI. *J. Godofredi BERGER & J. Theodori NEUKRANTZ de usu venæ sectionis & clysterum in curatione variolarum* Witteberg. 1711. Novam in Germania curandi methodum eo tempore proposuit Vir Cel. quo præter calida & sudorifera vix quidquam hoc in morbo exhibebatur. Contra venæ sectionem laudavit, quoties febris, ad eruptionem requisita, nimia foret, non adeo posterioribus diebus. Clysmata vehementer commendat.

CLXXXII. *Georg. Christoph DETHARDING & Tobia Philippi HILKEN de facie a variolarum insultibus præservanda* Rostoch. 1754. Aliorum consilia recenset; negat, qui semel veras variolas passus sit, cum genuinis variolis secundum Dissput. Medico-Pract. Tom. VI.

O o o o o

adh.

adfici: non valde imrobat GUNDELSHEIMERI repetita sub morbi principium emetica medicamenta, cum cathartica conjuncta: neque Cl. VERDRIES vesicatoria cervici admota: præfert tamen scarificationem partium a capite remotiorum; observat, circa ea vulnuscula numerosiores pustulas prodire, exempla adducit felices eventus, tempus definit, ante eruptionem, & sub eruptionis primordia.

CLXXXIII. *Francisci CLIFTON de distinctis & confluentibus variolis inauguralis disp. Leidæ proposita 1742.* Vir doctissimus, qui per alios labores celebritatem est consecutus multam, partem hujus morbi repressæ perspirationi tribuit: laudat eas curationes, in quibus materies mali evocatur ad cutis ambitum: felicem sanationem prædicat, quæ resectis unice pustulis facta est, ipse vero balnea aquæ calidæ laudat.

CLXXXIV. *Matthiæ Ernesti BORETII observationum exoticarum Specimen primum sistens famosam Anglorum variolas per inoculationem excitandi methodum, cum ejusdem phenomenon & successibus prouti nuper in carcere Londinensi Newgate auctoritate publica in sex personis capite damnatis feliciter fuit instituta* Regiomont. 1722. Longo titulo fere omnia exprimentur, quæ in libello extant. Cum nempe regina Carolina experimenta novæ curationis fieri jussisset, quibus ejus securitas innotesceret, auctor iis experimentis testis adfuit, quæ felicissime cesserunt. Qui variolas naturales passus erat, nihil ab institutis morbi sensit. Perinde fuisse videtur, siue unicum in vulnus venenum mitteretur, siue in duo.

CLXXXV. *Thomæ FAREWELL de infectione variolarum disp. Ultrajecti 1755.* Decem nunc annis hanc curationem exercuerat, quando sua experimenta publice proposuit Vir Cl. Medicationem ad insititias variolas requiri f. etur, quæ Sydenhamianis præceptis proxima accedit. Copioso aquæ potu variolosum propriorum liberorum morbum, non blandissimum, feliciter superavit. Variolas naturales, confluentes, pessima speciei anodynus curavit. Ante inoculationem aut emeticum medicamentum sumi jubet, aut mineralem æthiopem.

CLXXXVI. *J. Nicolai MILLIN de la COURVEAULT & Petri Josephi MORISOT des LANDES auctoris thesis in hæc verba Ergo Parisiensis variolarum inoculatio* Paris. 1755. Parisiis maligni generis crystallinas variolas frequenter sævire queritur, juncula carnosa recte damnat, inoculationem commendat, duoque in Gallia feli. ia exempla laudat. Imperitia cæterum & temeritas chirurgorum, in corporibus cacochymicis, ipsique fluentibus menstruis, tamen variolas inoculantium, hanc saluberrimam curationem Gallis denuo, recentissime, exosam reddidit, etsi ferox contra anglicam medicationem Parisiis proposita disputatio auctoritate publica suppressa fuit.

CLXXXVII. *Andrea Ottomari GOELICKE & J. Orthonis BRUKNERI de lue contagiosa bovillum genus nunc instanti disp. Francofurti ad Viadr. 1730.* Inflammationis ventriculi secundi, tertii & quarti cum magna vesicula fellea conjunctæ, utilis historia, quæ plurimis annis sævit, neque hætenus fideliter exspiravit. Incisiones cadaverum habet, morbi que symptomata.

CLXXXVIII. *Burcardi David MAUCHART & Christophori Henrici KLEMM de lue vaccarum Tubingensi disp. Tubing. 1745.* Eundem morbum, pusculos post annos, describit vir olim clarissimus. Infectoriæ potestatem hujus mali multis argumentis, & aliquot evidentissimis historiis confirmat: deinde curationem methodicam proponit: acida, nitrosa, diluentia, commendat. Sedem morbi in tertio maxime ventriculo ponit, neque missionem sanguinis spernit, quæ vultu animalis mori respondeat. Subinde lini etiam mitigans decoctum dedit, fetacei loco, ut vulgo solent. Hellebori nigri radice utitur, unguentique fere vesicas cientis meminit, ex scarabeis unctuosius facti. Priorem diss. ejusdem argumenti invitus desiderio, supplemento adjecturus, si mature ad manus venerit.

CLXXXIX.

CLXXXIX. *Abrahami EUS disquisitio de morbo bouum Ostroviensium pro peste non habendo* Halberstatt 1746. Inflammationem etiam & gangrænam tertio in ventriculo reperit, laudat missionem sanguinis, & potiones refrigerantes & emollientes, spernit emetica, & calida theriacalia. Denique negat quidquam contagiosi in eo malo esse, additque neque morbum a variis ægrotantibus, in sanas vaccas ejusdem stabuli participes transisse, neque carnes enectorum bouum cuiquam noxam intulisse.

Cæterum hoc loco minime illaudatam oportet eam operam dimittere, quam mihi Vir Clar. HAMBERGERUS, Societati Reg. scient. Göttingensis a secretis, & Bibliothecæ custos, nuper navavit, cum ex BERGERIANA copiosissima disputationum collectione, quæ in Bibliothecam GEORGII AUGUSTI transiit, insignem numerum desideratarum disputationum mecum communicavit: quarum aliæ hoc ipsum opus ornabant, aliæ certe, etsi non recuduntur, desiderio tamen meo hætenus satisfecerunt, ut de iis judicare possem. Sed etiam Andreas FLOTTWELL Viri Clar. & Prof. Regiomont. humanitatem gratus agnosco, qui desideratissimam ZIESNERI dissertationem liberaliter ad ignotum hominem misit. Bernæ d. 15 Novemb. 1757.

TABULA DISPUTATIONUM
AD HISTORIAM ET CURATIONEM
MORBORUM PERTINENTIUM.
PARS QUINTA. TOM. VI.

Ad morbos corporis obsidentes universitatem.

CXC. & CXCI.

- J**Ob. ZELLER, & auctoris Christophori Abrahami RUOFF, disp. de morbis ex strisura glandularum præter naturam natis Tubing. 1694. Pars prior varias observationes minime inutiles continet, suppurationem criticam ex meatu auditorio, aliam ex sinu frontali recte a medico adjutam, aliam in sinu maxillari dextro pure solutam foetido: deglutitionis impedimentum cujus causa a morte nulla adparuit, glandularum mesenterii, & aliarum in rachitide scirrhus, cum ossium mollietie conjunctos. In parte posteriori hæc varia mala ex acido glandulas obsidente derivantur. pag. 1
- CXCII.** J. Valentini CHUBEN de methodo præservandi & curandi atrophiam Götting. 1746. Patris sui schediasma ann. 1724 editum medicus nunc castrensis clarissimus recudit, notisque adjectis contra BORLII præside viro Cl. Michaelis ALBERTI ann. 1729. editam refutationem defendit. Summa hypotheseos est, pueros in materno utero parum transpirare, hinc in cute sordes sebosas colligi, quæ pro crinonibus habeantur: ex ejusdem perspirationis impedimento, in edito fœtu superfluo nasci in mesenterii glandulis obstructionem, hanc atrophiam puerilis veram causam esse. Spem curationis poni in balneis imprimis, aliquoties post partum repetitis. Eadem opera venenum variolosum hæcenus domati, ut vix unquam in confluentem speciem erumpat. 37
- CXCIII.** Michaelis Ernesti ETTMÜLLER de scabie programma Lips. 1731. Enormioris scabiei subinde repullulantis historiam tradit, in qua vesiculæ ad ovi gallinæ, cæi magnitudinem pervenerunt. 56
- CXCIV.** Cosimiri Christophori SCHMIEDEL & J. Christiani VOIGT diss. de lepra Erlang. 1750. Non adeo intercedit hic morbus, quin subinde exempla invenias, & audio a Cl. Francisco THIERRY per Asturias imprimis vulgo veros leprosos reperiri. Quos Cl. SCHMIEDELIUS describit, ii vera lepra adfecti fuisse videntur, capite enim fuerunt tumido, rubente, pleno tuberculis, facie albidissimis crustis tecta, tactu pene nullo, obeso pariter aut visu aut auditu cuticulæ pungentibus squamis decidentibus, ut nova perpetuo pro priori cuticula subnasceretur. 61
- CXCV.** J. Friderici BACHSTROM observationes circa scorbutum ejusque indolem causas signa & curam institutam eorum præcipuis in usum qui Groenlandiam & indias orientales petunt Leid. 1734. Non longum libellum, per observationes natum, recudere visum est. Exemplo scorbuti, qui Thorunii præsidium fere delevit, & exercitui Austriaco in Dacia Ripensi funestam cladem intulit, deinde navium remotas terras petentium, ostendit, morbi causam esse, cibi vegetabilis defectum, cum ii omnes, quibus ejusmodi cibi copia suppetit, a scorbutu liberi manserint, & restituto olerum comineatu morbus extinctus fuerit, navigatores denique in terram depositi, reddito usu stirpium recentium, vulgo convalescant. Blanda

- Blanda autem & pene insipida, succulenta tamen olera, deinde acida, denique nimis jam acrida de genere nasturcino laodat, satoque late nasturcio, aut silymbriis de palude petitis, obsidionum, & navigationum tædia sperat se superaturum. Borealibus regionibus gravem ideo incumbere morbum putat, longam hiemem, olerumque raritatem, balnearum denique & piscium esum. Non satis, probabili cæterum hypotheli, Groenlandorum exemplum convenit, qui absque omni vegetabili cibo vitam a scorbutu liberam tolerant. Aquam navigantibus infuso mororum cortice temperat, additis etiam aliquis spiritus salis guttulis. pag. 89
- CXCVI.** J. Georgii Henrici KRAMER disp. epist. de scorbuto ad Ill. virum Christ. Jacob. TREW Noriberg. 1737. Prima pars opusculi continet historiam scorbuti, qui in Cæsareo exercitu, per Hungariam castra tendente, grassatus, & post febres imprimis intermittentes secutus est, verus utique omni signo scorbutus, cum facili gingivarum cruentatione, artuum rigiditate, dolore, orisque denum fetore Palustribus locis ea lues favit, soli militi gravis, præfectisque, meliori viæ ratione usis, parcitura. Varia molitus auctor J. Franciscus FABER, cum plurimi milites mota saliva perissent, pleraque vero auxilia vulgo laudata frustra adhibuisset, ipse felicissime infuso summorum ramorum pinastri pinique, & cortice peruviano malum sustulit. Sequitur Viennensis facultatis medicæ consilium, & denique KRAMERI proprium opusculum. Repetit Idem, vix unquam invadere id malum, nisi post febrium diuturnarum recidivas: vidit scorbuticas maculas nunquam nisi a summo erupisse: paludibus proprium malum esse, a sanguinis putredine natum. Succo nasturtii hortensis, & cochleariæ ad tres uncias bis vel ter quotidie dato certe sanari, aut iisdem herbis in conservam reductis, calida vero olea nocere & spiritus, essentiam etiam peruviani corticis utiliter exhiberi. Frequentes in Hungaria hypochondriorum post febres infarctus tangit, qui puriori in aere sponte evanescant. 127
- CXCVII.** Georgii Ernesti STAHLII & Georgii Daniel THEESII de scorbutu & veneris huius diversis signis & medicinis Hall. 1706. Ad pathologiam pertinet. 128
- CXCVIII.** Eberhardi ROSEN & Johannis BORG de symptomatibus purpureæ chronice scorbuticæ Londini 1756. Nuperum morbum esse, & a calidi potus usu natum, qui scorbuti materiem ad cutim pellat: cæterum malignum morbi genus, quod ægrotum vix unquam deserat, quem semel occupavit. Occultum latere malum, inque alia & alia symptomata ad Protei modum erumpere Idem observat. Curationis spem in perspiratione restituta ponit, & mixturam antiscorbuticam WERLHOFFII laudat. 138
- CXCIX.** Samuel Theodori QUELMALZ progr. quo frigoris acrioris in corpore humano effectus expendit Lips. 1755. In homine frigore extincto sanguinem in vasis coactum reperit, & apoplexia extingui persuadet, quos frigus taceat. 203
- CC.** Georgii Christophori DETHARDING & Joan. Daniel SCHAEFER de corticis chinæ chinæ efficacia in gangrena & sphacelo adhuc dubia Rotoci. 1746. Dissertatio non penitus titulo respondet, neque enim negat Viri Cæ corticis peruviani usum vim habere in gangrena coercenda, neque ægrotorum historiam omnes eam vim dubiam reddunt. Nam in alio quidem ægrotto mortem cortex sex integris mensibus distulit, in alio, etsi recidivo morbo sit extinctus, primum tamen gangrenæ insultum fregit: in alio morbi vim coercuit, ut solo antiscorbuticorum remedium usu ager convalesceret: bis denique omnino frustra est exhibitus. 219
- CCI.** Philippi Friderici GMLIN & Albatii GAERTNER specifica methodus receptior cancerum sanandi cujus historiam anatomicam & medicam prædicam exponit Tubing. 1756. Remedium ad atrox malum perinde fere atrox a Cl. viro Antonio Ribeiro SANCHEZ excogitatum est. Mercurii sublimati grana 4 in 48 paucis spiritus vini solvantur, ejus venenati spiritus bis in die uncia sumitur, & emolliens decoctum superbibitur, sudorque expectatur. Gangrosæ mamma vitrioli

- cyprii exiguum momentum, & aliquantum salis ammoniaci, ex aqua rosarum & aceto inponitur. Post id fomentum, lithargyrium & saccharum saturni, in mammam illinitur. Cl. auctor hinc in naturam canceri, inde sublimati mercurii inquit, ostenditque, qua ratione id veneni genus agnoscatur, quando misto arsenico magis deleterium factum est. pag. 236
- CCII. J. Petri BUCHNER de rachitide perfecta & imperfecta Argentor. 1754. Frequens satis Argentorati malum est, in urbe humili, cui paludes plurimae subiectae sunt. Familiae rachiticae mala describit, ossa fragilia, corpuscula flaccida. Vitriolo cyprio in vini spiritu soluto auctor feliciter usus est; bilis etiam usum laudat, quae agrotis fere nulla est, & vitae rationem, quae siccet & adstringat. 275
- CCIII. Georgii Augusti LANGGUTH & Samuel Gottlieb EICHLER de polypo infantis rachitici disp. Witteb. 1744. Morbosi & rachitici corpusculi incisionem exponit, ossa contorta, hepar duplo majus, venas cordis tumidas, polypum; denum non morbum quidem, merito tamen repetendam observationem durae membranae cerebri undique cranio interius adhaere. Haec cum Glissonianis morbi notis comparat. 301
- CCIV. Christian Gottlieb LUPWIG progr. quo observata in sectione cadaveris feminae cuius ossa emollita erant proponit Lips. 1757. Utilis per singula descriptio feminae, cui unica fere in extremo ossa lamella, hinc ossa molliora, & maxime vertebrae, tum artus, mollesque costae, & intortae claviculae, & pro medulla rober intus ichor. 325
- CCV. Polycarpi Gottlieb SCHACHER progr. circa materiam ossificationis prae naturam facta Lips. 1726. Appendicem mucronatae cartilaginis bifurcam, & induratum; os latum in pleura: aortam ossis squamis variam describit. 335
- CCVI. Abrahami VATER progr. de ossificatione Witteberg. 1726. Valvulas cordis ossas, quas pro osse cordis cervi habet, aortam late ossibus interruptam, carotides arterias & vertebrales ossas, & strias in dura matre ossescentes proponit. 342
- CCVII. Rutger Gottlieb HOBENIGK de induratione partium prae naturam Lips. 1750. Omnia theoria unice ossis in diaphragmate, aut cellulosa potius pleurae tela inventi figuram conservavi & descriptionem. 344
- CCVIII. Car. Friderici HUNDERTMARK & Friderici Jacobi TITTMANN disp. de casu rariore osteoscleromatis Lips. 1757. Horridus in facie morbus, cortice primo osseo, deinde lardo densiori factus, quod osseae fibrae pererrabant. Alius etiam pene ejusdem naturae tumor ex ore prominebat, qui de palato pullulabat. Ejus etiam cortex cartilagineus, interior facies lardosa erat. Ea mala cum aliis, similibus fungis, comparat doctiss. auctor, additque rationem, qua potuerint, sed in suis principiis, a medico debellari. 347
- CCIX. J. Ernesti HEBENSTREIT & auctoris, clar. nunc medici, & per egregia scripta noti Gottl. Caroli SPRINGSFELD, disp. de partium coalescentia morbosa Lips. 1738. Propria exempla malorum hujus generis multa producit, loborum cerebri connatorum, quod idem mali genus saepe vidi; pulmonis ad pleuram; hepatis ad peritonaeum innati: tum steatomatis ingentis mesenterii, ductus salivales stenoniani coacti. 375
- CCX. Caroli Frid. KALTSCHMIDT progr. de raro coactu hepatis & lienis in cadavere invento Jenae 1752. Praeter id malum, calculi erant in felle vesicula. 396
- CCXI. Henrici BACHERACHT de morbis ligamentorum disp. Leid. 1750. Lato sensu hic etiam membranacea partium mollium ligamenta intelligit Auctor: capitis femoris ex acetabulo, a causa interna expulsi exemplum profert: aliumque oris uterini in partu rupti. 399
- CCXII. J. Alberti Henrici REIMARI, eruditissimi olim J. A. FABRICII nepotis, disp. de tumore ligamentorum circa articulum funigo articulum dicto Leid. 1757. Et si ad celeberrimi praceptoris sui MONROII auctoritatem Vir Cl. perosteam, & vincula articulorum sensu carere negavit, etiam exemplis, sed non satis definitis, adla-

- adlatis, non ideo non laudaverim insignem Cl. juvenis in morbis parum notis eruditionem & industriam, numerosasque morborum historias, quas in ea aetate propriae experientiae unice debuit Vir Cl. Fungum, confusum hactenus morbi genus, caute definit, ab adfinibus malis separat, ancylosum varia genera exponit, & utilium certe observationum plus habet, quam hoc loco liceat repetisse. 425
- CCXIII. Georgii Ernesti STAHL & J. Conradi TIEFFENBACH de podagra nova pathologia Hall 1704. Bonam morbi historiam tradit, causam a sanguinis collectione derivat, quem oportuerat per haemorrhoides eliminari. 477
- CCXIV. J. Godofredi de HAHN historia podagrae P. L. CARDINALIS de SINZENDORFF Noriberg. 1751. Integram historiam octo annorum eruditissimus olim HAHNIUS producit: deinde retrocessionem veneni podagrici ex ira & fastidio, cum vomitu omnium ingestorum, sopore & fenestra gangrena interna. 501
- CCXV. J. Friderici BAUER & C. J. Mich. OTTO Ex. de scarificatione certo & securo remedio antipodagrico Lips. 1732. Scarificationem, cum coarbitulis, tertio quoque mense repetitam podagricum venenum exhaustire, morbumque de ipsa radice averruncare persuadetur, & exempla aliqua in rei gestae fidem proponit, nisi supra quatuor nunc annos aegrotum tenuerit. 523
- CCXVI. J. Adriani Theodori SPROEGEL, anatomici nunc berolinensis, experimenta circa varia venena in vivis animalibus instituta Gotting. 1751. In Theatro olim anatomico Gottingensi noster commensalis & auditor, labore non exiguo, neque absque sumtu, numerosissima experimenta fecit, ut venena in ventriculum obtruderet, aut per venas demum in sanguinem cominus mitteret. Omnia repeti nequeunt. Inter herbarum genera opii vis maxime memorabilis visa est, quae iridem reddit immobilem, & ventriculi irritabilem naturam plerumque sopit. Maxima atrocitas fuit argenti vivi sublimati. Multo leniora venena in venas missa subito necare visa sunt, acetum ipsum, saturni saccharum, & denique aer. 545
- CCXVII. Abrahami VATER & Friderici GEISLER de antidoto novo adversus viperarum morsus praesentissimo in Anglia baud ita pridem detecto. Witteb. 1736. 593
- CCXVIII. Jos. Fauperii BERTIN & J. Fr. CLEM. MORAND thesis in his verbis concepta Ergo specificum viperae morsus antidotum albuli volatile Paris. 1749. VATERUS quidem hominem a vipera morsum oleo olivarum sanatum producit, BERTINUS alium, cui sal vol. viperae salutari eventu datus est. In utroque exemplo liceat de vere venenata vi viperarum frigidioris Europae dubitasse. 610
- CCXIX. J. Henrici SCHULZE & J. Georgii KRAMER disp. qua corporis humani momentaneorum alterationum proxima quaedam expenduntur, inque causam earum inquiruntur Hall 1741. Praeter aliquas, non penitus firmae fidei narrationes, habet experimenta in medulla spinali instituta; suppressas a styptico DIPPLEIA, tum alio ex haematite & aceto parato medicamine, haemorrhagias: vim sopientem olei animalis: profundi soporis, qui parvissima opii dosi supervenit &c. 617
- CCXX. Danielis LANGHANS de consensu partium corporis humani Gotting. 1749. Partem Pathologiae tractat, quae pene neglecta jacuerat. Consensuum genera quinque statuit, etiam primam, quae fit per cellulosa resam: per eam aqua interius mi-grat, & emphysema, & abscessus, qui in aliam corporis humani locum transit. Per vasa aut rubra aut tenuiora consensus sunt inflammationum, delirium febrile, phthisis a pure resorbta, curatio ulcerum per urinam; scirrhi a morbis acutis, & ea mala, quae veneream luem sequuntur. Per nervos in alias aliasque corporis partes transeunt adfectuum animi effectus: colica dolore a retento calculo: hystericae convulsiones: oculi alterius dolor & inflammatio, dentium ab ingratis sonis stupores: paralytes, hemiplegiae. Per continuatas membranas progreditur dolor calculorum, a vesica ad glandem penis: prurigo nasi a vermibus: vomitus in hernia incarcerata. Denique similitudinem duarum partium lactis ab utero ad mammas, atque mam-mis ad uterum iter interpretaverat: & diarrhoeas a suppressa perspiratione: & febriphularum ad loca remota translationes. 619

- CCXXI. *Samuel SCHELMATTER Morbi circa Tobinum familiares cum cystitis nonnullis & observationibus variis* Basil. 1751. Ex patris, non incelebris practici, observationibus has morborum historias collegit. Varios pro diversitate regionum morbos endemios, frigidam funesto eventu potam; paludum noxiam vim: inter morbos helvetis familiares recte numerat hypochondriacum, hernias, hepatis tumorem: negat locum strumis, quas solet helvetiae imputare: negat frequentes esse aut intermittentes febres, aut alias deterioris ingenii; medicationes sibi expertas variorum morborum exponit. 657
- CCXXII. *Gustavi HARMENS & Jos. FIELSTROM medicina Laponum* Londin. Goth. 1714. Victum primo describit Laponum, cujus maxima pars a carnibus repetitur: frequentes inde morbos enumerat, pleuritides, catarrhos, rheumatismos, oculorum mala. Inde medicamenta dicit, angelicam, lichenem, Eryngii folia, pini resinam, fel ursi ad oculos, agaricorum fomitem ad cauteria. 711
- CCXXIII. *Eberhardi ROSEN & Laurentii MONTIN Medicina Laponum* Lucensium Londin. Goth. 1751. Iter ipse in Laponiam suscepit Cl. MONTIN: pigros ait esse, parumque laboris patientes. Sale omnino non abstinent. Meticulosi sunt, & ex animi adfectu vehementer percelluntur. Febres, scorbutum, apoplexiam, epilepsiam ignorant. Puerorum multi, ex rigido forte frigore intereunt. Verminosos etiam rheumatismos patiuntur. Medicamentis utuntur vehementissimis, laurole baccis, vomica nuce. Perniones levant oleo de caseo rangiferino stillante. Alvim exuviis viperarum ducunt quas mireris in Laponia reperti. 731
- CCXXIV. *J. Henrici FURSTENAU & auctoris J. Philippi PARMANN spicilegium observationum de morborum morbis & medicina* Rentel. 1735. Indiam Belicam Javamque potissimum adiverat auctor. Morbos, qui per eas regiones dominantur, partim ex BONTIO praeceptis scriptoribus enumerat, & ex propria annotatione alios, eorumque causas. Pestem veram negat in India notam esse, neque nephritidem, febres vero exanthematicas, pestilenciales, saepe etiam Bataviae saevire fatetur, tum in Bengala post fluvii inundationes. Sed etiam nervorum tensio frequens malum est, & alvi fluxus, etiam hepaticus & dysentericus. Luen veneream cum lepra confundit, eamque ab Indis suffito cinnabaris chinique decocto docet curari. Bengalensia nosocomia laudat. Phlebotomiam, olim neglectam, nunc vulgo administrari monet. Puerperia facile chirurgia carere vidit, quae expedite fere absolvantur. Inter medicamenta Indica quadrati lapidis meminit, aureis distincti micis, ad calculum, atque partum difficilem sibi compertae virtutis. Americae fere eosdem, quos India alit, morbos esse persuadet. 744.
- CCXXV. *Balthasaris Jos de BUCHWALD & Friderici de BUCHWALD observationum quadriga* Hafniae 1740. Prima pueri est, cui viscera abdominis conserbuerant; altera hepatis perampli; tertia aortae & aillarum arteriarum ossae degenerationis; sacci polyposa materiei pleni in cranio reperti. 777
- CCXXVI. *Stephani WESZPREMI observationes medicae* Trajecti 1756. Varias tradit non vulgaris saporis observationes: oesophagi obstructi per salivae excitatum fluxum aperti, submersorii, quos credit ab aere in pulmones congesto suffocari, inoculationis variolarum utilitate: nonnullis per Angliam laudatis remediis, quae speifica esse dicuntur. Scabie lepra adhaer. pericardio cum corde connato &c. 803
- CCXXVII. *G. Frid. RICHERZ, observata Viscerum abdominalium labis brevis epistola* Lyle 1757. Hernia accuratam descriptionem: abscessum hepatis unde pus in pectus transiit: Ventriculi nigra bile pleni sphacelum. 827

FINIS TOMI SECTI.

+ (a. 2011)
K 752

17

Hörsan 1906

25p.

Aleph
nr. 2635188

2500 lei

6934K | K 752

